
KA
BUKE
A
MORAMONA

KEKAHI HOIKE OLELO
NO IESU KRISTO

KA

BUKE A MORAMONA:

HE MOOOLELO

I KAKAUIA E KA LIMA O MORAMONA.

MALUNA IHO O NA PAPA

I laweia mailoko mai o na Papa o Nepai.

Nolaila, he moolelo ia i hoopokoleia o ka mooolelo o ko Nepai poe, a o ko Lamana poe no ho'i; i palapalaia ake i ko Lamana poe, he koena no lakou o ko ka Hale o Israela; a i ka poe Iudaio a me ka poe Genetile no ho'i; i palapalaia ma ke kauoha ana, a ma o ka Uhane la o ka wanana a me ka hoikeana no ho'i. I kakauia, a hoopaaia ake, a hunaia manuli o ka Haku, i ole ai e hoopauia ia man mea; e puka mai ai ma ka haawina a me ka mana o ke Akua i ka hoomaopopoa atua o ia mea; i hoopaaia e ka lima o Moroni, a i hunaia manuli o ka Haku e puka ake i ka manawa pono ma o ka poe Genetile la; ma ka haawina o ke Akua ka hoomaopopoa ana o ia mea.

A he moolelo hoi i hoopokoleia, a i kakauia mailoko mai o ka buke a Etera; he moolelo ia o ko Iareda poe; he poe i hoopuehuia i ka manawa a ka Haku i hookahuli ai i ka olelo a na kanaka, ia likon e kukulu ana i halepaku i hiki ake ai i ka lau; he mea ia e hoike atu ai i ke koena o ko ka Hale e Israela i na mea nui a ka Haku i hanai'no na kupuna o lakou; a e ike lakou i na berita a ka Haku, aole lakou i hoolie mau loa ia ake; a no ka hoomaopopoa ana no ho'i i ka poe Iudaio a me ka poe Genetile o IESU oia no ke KRISTO, ke AKUA MAU LOA, e hoike ana ia ia ilo i na labuikanaka a pau. Ano la, ina he mau mea hemahema kekahi, no ka hemahema no o na kamaka ua mau mea la; no ia mea, mai hoohewa i na mea o ke Akua, i loa a i oukou me ke kina ole ma ka noho-hookolokolo o Kristo.

I unuhia ma ka Olelo Beritania e Josepa Samika, Opio.

NA GEOGI Q. PUKUNIAHI I UNUHI MA KA OLELO HAWAII.

SAN FRANCISCO:
PAIA E GECGI Q. PUKUNIAHI.

© 1855 by Intellectual Reserve, Inc.

All Rights Reserved

Printed in the United States of America 02/2012

Translation of the Book of Mormon
Hawaiian

ISBN 978-1-59297-541-9 (Hardcover 33571 860)

HE OLELO HOAKAKA.

I ka la 12 o Dekemaba, M. H. 1850, hiki aku la makou, kekahi mau Lunakahiko o ka Ekalesia o Iesu Kristo o ka Poe Hoano o na La Hope nei, i ko Hawaii pae aina, e haiaku i na kanaka i ka euanelio pololei o Iesu, i hoikeia mai ai ma o ka olelo hou ana la o ke Akua mai ka lani mai i kanaka, a e haiaku hoi ua hoomaka ka hana i wananaia mai e na kaula hemolele he nui wale. Noho iho la makon a loaa iho la ia makou ka olelo; a i ka malama o Ianuari, 1852—he mau malama he umikumamakolu mai ka wa a makou i pae aku ai—ua hoomakaia ka unuhia ana o keia buke, ka Buke a Moramona. I ka wa i hoomakaia'i aole akaka no ka paia ana, no ka mea, aole i loaa i ka Ekalesia malaila ka Mea Pai, aole hoi nui na kanaka iloko o ka Ekalesia; aka ua hoomakaia ia e hooko i ka olelo a ke Akua; a ua ike ka mea nana i unubi ina e hana oia i ka mea i hiki ia ia, na ke Akua e hoomakaukau i ke ala e hana i na mea i koe.

Ua unuhia ka Buke mawaena o na hana e he nui; no ka mea, ia manawa aole nui na mea o makou, a ua nui no ka hana e hanaia ma kela wahi keia wahi, ma ka hai ana i ka olelo, ma ka bapetizo ana i na kanaka, a ma ka hoonohonoho ana i ka Ekalesia. No ka lilo nui o ka manawa ma keia mau hana, ua lohi ka unuhia ana o ka buke, ua pau nae i ka unuhia ma ka malama o Iulai, 1853. I ka malama o Okatoba o ia makahiki ua hooholoia e ka Ahaolelo o ka Ekalesia e kuai aku i Mea Pai; a ua hoouna aku i California e kuai, a mailaila aku i Nu Ioka. Ua hiki ae ka Mea Pai mai Nu Ioka ae i ko Hawaii pae aina i ka malama o Novemaba, 1854, a mahope mai ua laweia mai i California. I ka malama o Iulai, 1855, ua hoomakaia ka paia ana ilaila o ka Buke ma ka olelo Hawaii.

Ua akaka ka lima o ke Akua ma ka unuhia ana a me ka paia ana o keia Buke, a ua kupauaha i ka nanaaku i keia manawa; no ka mea, ua

hookoia ka olelo a ka Haku, ana i olelo mai ai ma o kana poe kauwa la. Maloko o keia Buke ua kakamia he mau wanana, o kekahī no ka hele ana o na Buke nei i na lahuikanaka a me na olelo a pau; a o kekahī hoi no ka hiki ana o ia mea i ke koena o ko ka hale o Iseraela, (oia no na kanaka ulaula,) a e hiki aku lakou i ka ike i ko lakou poe kupuna a me ka euanelio mana a pololei o Kristo. Ua paia keia mau wanana he iwakaluakuma-malima makahiki a keu mawaena o na-haole, a ua manao kekahī poe e ko ole loa ana; aka, ke ike nei kakou ke hookoia nei ia mau wanana, no ka mea, ua unuhiiia a paia keia Buke ma na olelo he nui o Europa, a eia hoi ua unuhiiia a paia ma ka olelo Hawaii—he olelo ia a kekahī lahuikanaka ulaula—a ke hiki nei lakou i ka ike ia mau mea.

Auhea oukou, e ka poe heluhelu, mai hoohewa i keia Buke no na mea hemahema iloko, no ka mea, ina he mau mea hemahema iloko no ke kanaka ia mau mea, aole no ke Akua; aka, ke hoike aku nei au ia oukou ina e heluhelu oukou i ua Buke nei me ka pule aku i ke Akua, nana no e hoike ae ia oukou, ma ka mana o kona Uhane, ua oiaio ia mea, a mai ona mai no hoi.

Ke pule nei au i ke Akua, ka Makua Mau Loa, e haawi ae i kona Uhane Hemolele ia oukou e kokua ia oukou e hoomaopopo i ko oukou la pomaikai, i hiki ia oukou, ma ka malama ana i kana olelo, ke komo iloko o Kona aupuni mau loa.

GEOGI Q. PUKUNIAHI.

PAPA KUHIKUHI.

AOAO.		AOAO.	
KA BUKE MUA A NEPAI	1	Kokoke na kaikuaana o Nepai e hoo-	
He olelo i huiia ka olelo i kakauia'i ka mooolelo	1	mana ia ia	37
Ka Lehi mooolelo i hoopokoleia e Nepai	1	Paa kau moku a eeia e lakou	37
Ka moeuuhane o Lehi	3	Haa ana ma ka moku	38
Ko Lehi hele ana iloko o ka waona-	3	Nakia o Nepai: puhiaihopeka moku ..	38
hele	3	Hiki aku la ma ka aina i hai muaia'i ..	39
Make aku la o Labana ia Nepai	8	Hanaia na papa kahi e kahakaha'ina ..	39
Ohumu ae la o Sara no ko Lehi hihio	9	No Zenosa, Neuma, a me Zenoka ..	40
Na mea i kahakahaia ma na papa keleawe	9	Na mea i palapalaia e Isaiia ..	41
Hele pu ae la o Isemaida me Nepai ma	10	O ka Mea Hemolele o ka Iseraela ..	47
Ke kipi ana a nakii ana o na kaikua-	11	KA BUKE LUA A NEPAI	48
ana o Nepai ia ia	11	Ka Lehi i kana mau keiki	48
Ka moe uhane o Lehi no ka laau, ke kookoo hao, a me na mea e	12	He ku e ma na mea a pau	52
Ka wanana no ka Mesia laau me Ioame	12	Haule o Adamu i loaa na kanaka ..	53
Haihaiia'ku ka Laau Oliva	13	Ike mai la o Iosepa i ko kakou la ..	54
Ka hihio o Nepai no Maria	15	He Mea nana Urima pookela ..	54
A no ke kaulia ana o Iesu ma ke kea	16	Na palapala, e ulu pu i hookahi ..	54
A no ka pouli a me na olai	18	Ka olelo pomaikai no ke kaula e hoa-	55
Ka ekalesia nui a ino loa	19	laia no ko Lamana	55
Ka loaa ana o Amerika i na haole ..	19	Ka Iosepa wanana ma na papa ke-	56
Ka olelo na ka Baibala a me ka lawe	21	leawe	56
ana o na mea moakaka a maikai mai ona aku	21	Kanuia iho la o Lehi	56
E haawiia ka Buke a Moramona a me ka Uhane Hemolele	22	Imi ac la na kaikuaana o Nepai e pepehi ia ia	58
E puka mai na Buке e	22	Hookaawaleia'e la o Nepai ma mai Lamanan ma ae	58
Ka Baibala laau me ka Buke a Mora-	23	Kukulu iho la i Luakini	59
moma, e lilo i hookali	24	Ka ili haulaulu	59
Na olelo pomaikai i ka poe Genetile	24	Hooliloia na kahuna	60
Na Ekadesia elua	24	Hana aku la i na papa hou	60
E hoomaka ka hana a ka Makua ..	24	Ka Isaiia matu olelo (ma o Iakoba la)	61
Kekanaka me na aahu keokeo (Ioane)	25	He poe anela i ka diabolo	65
E loaa ka ike i ko Lamana poe ..	26	Hui hou pu ia na uhane a me na kino	65
Ke kookoo hao	26	Ka baptetizo ana	67
Lawe ae la na keikikane a Lehi i mau	27	Aole no na Alii maluna o keia aina ..	70
wahine na lakou	28	Ka wanana a Isaiia	72
Ka loaa ana o ka mea kuhikuhi, o	28	Ka lala mailoko mai o ke kumu o Iese ..	82
ka panana no ia	30	Aole no e anaia ka hua a Iosepa ..	89
Hai o Nepai i kana kakaka	30	Ua malama i ke kanawai o Mose ..	89
Holo na mea kuhikuhi ma ka ma-	30	E hoike o Kristo ia ia iho	90
naoio	31	Na hoailona no Kristo, no kona	90
Ka make o Isemaela	31	hanau ana a make	90
Ka manao e pepehi ia Lehi laau me	31	Hawanawana noloko mai o ka lepo,	91
Nepai	23	ka buke e silia	91
Kauohaia mai la o Nepai e kapili i	23	Papaia ka hana maalea a na kahuna	92
moku	33	pule	92
		E hoopukaia'ku ka buke i hoopaiaia ..	93
		E ike na mea hoike ekolu i ka buke ..	93

	AOAO.	AOAO.	
O na olelo: E heluhelu i keia, ke noi aku nei au ia oe	94	O NA OLELO A MORAMONA	129
E hoopaa hou aku i ka buke	94	Na Kristo a me na kaula wahahee ..	131
E paio aku ko lakou poe kahuna pule E ao aku me ko lakou ike, a e hoole i ka Uhane Hemolele	95	—	
Ke hao nei lakou i ka poe ilihune He Baibela, he Baibela	96	KA BUKE A MOSIA	131
Neloko mai o na buke e hookoikolo- loia na kaneka	99	Hooliloia o Mosia i Alii, a loaa ..	133
E tilo i lalui keokeo a oholu	99	Na papa keleawe, ka pahikaua, a me ka mea kuhikuhu	133
E hoomaka ka hana mawaena o na kanaka * pau	100	Ka puika o na halelewa o kamaka i ka luakini	134
Bapetizoia ke Keikihiapa a ke Akua ..	101	Ao ae la o ke Alii Beniamina ia lakou ..	134
O ka bapetizo o ka wai a me ka Uhane Hemolele	101	Wananaaja mai la o Kristo	137
—		Mai hoole i ka mea nele	141
KA BUKE A IAKOBA	105	He poc keikikane a kaikamahine na Kristo	143
Poni iho la o Nepai i Alii	106	Hoomaka ae la o Mosia e noho alii ..	144
Make aku la o Nepai	106	Nakinakiia a hahaoia o Amona ma iloko o ka halepaahao	145
No ko Nepai poe a me ko Lamana poe	106	Ka olido hoolaha a Limai	146
He lala pono mai ia Iosepa	108	Na papa gula he iwakaluakumamaha ..	148
E hahat ko Lamana poe ia oukou ..	109	O ka Mea-nana-Urima a me ka Mea- Unahi olelo	149
I hookahi wale no a lakou wahine ..	110	—	
Hoolohe mai la na laau, na mauna, a me na ale o ke kai ia makou	111	KA MOOLELO A ZENIFA	150
Nana aku la ka poe Iudaio ma o aku o ka mea ku pono	112	He kana i kauai'a	151
Lauu Oliva kahu	113	Make aku la ke Alii Lamana	152
Kahi malalo loa o ka pawaina	113	Hooliloia o Noa i Alii	153
Hwahnia ka hua no ka wa pono ..	114	O Abinadi ke kaula	155
He lala e	114	Ke alahouana	163
Lanakila ae la ka hua ulu wale	115	Manaoio iho la o Alama i ka Abinadi ..	165
Uwe iho la ka Haku o ka pawaina ..	116	Hahaoia o Abinadi iloko o ka hale- paahao, a hahuia me na laau ..	165
Uhakia'i na lala ulu wale	118	O na wai o Moramona	166
O Serema ka Anati-Kristo	120	Bapetizo aku la o Alama i na kanaka ..	167
He hoailona, hahauia o Serema	121	Hooliloia na kahuna e ia	167
Laweia na papa e Enosa	122	Haele aku la o Alama ma iloko o ka waonahaele	168
—		Auhee aku la o Noa ma	169
KA BUKE A ENOSA	122	Make o ke Alii Noa i ke ahi	169
E Enosa, ua kalaia'e la kou mau hala ..	123	Hooliloia o Limai i Alii	170
Ka hookiki o ko Lamana poe e hoo- pau i na moolelo	123	Aihucia na kaikamahine a ko Lamana e na kahuna a ke Alii Noa ..	170
Ai aku la ko Lamana poe i ka io maka ..	124	He kaua ikaika	170
—		He moolelo i kahakahai a ma na papa gula	174
KA BUKE A IAROMA	125	Ka hookupu hope o ka waina ..	175
Mahuhuhua ikaika ae la ko Nepai poe ..	125	He moolelo no Alama ma ..	176
Inu ko Lamana poe i ke koko	125	Kukuluia ke kulanakauhale Helema ..	177
Hana paa ia na kulanakauhale	125	Loaa lakou i ko Lamana poe ..	177
Haawilia na papa ia Omana'i	126	Ke ano o ko Lamana poe ia wa ..	178
—		Hoomamaia na ukana kaumaha ..	179
KA BUKE A OMANAI	126	Ka hiamoe nui o ko Lamana poe ..	179
Haawilia na papa ia Amarona	127	Pakele aku la o Alama ma ia lakou ..	180
Haawilia na papa ia Kemisa	127	Heluheluia na moolelo ..	180
Aoia o Mosia e mahuka	127	Hoolilia ke aupuni maluna o na ma- mo a Nepai wale no ..	181
Hiki aku i ka aina o Zarahemela ..	128	Bapetizoia o ke Alii Limai ma ..	181
Ka moolelo o ko Zarahemela ..	128	Hooponoponoia ka ekalesia, a hoono- hoia na kahuna a me na kumu ..	181
Na kaha maluna o ka pohaku	128	No na lawehala iloko o ka ekalesia ..	182
Lona o Corianatuma	128	Ke ku e o Alama, ke keiki a Alama, a me na keiki a Mosia ..	184
Hele mai la kona poe kupuna mai ka halepaku mai	128	Ike aku la lakou i kekahi anela ..	185
Haawilia na papa i ke Alii Beniamina ..	129		

AOAO.	AOAO.
Hina iho la o Alama, a ua hiki ole ke hoohamama i kona wahia	185
Ha'e'e aku la na keiki a Mosia e hai i ka olelo i ko Lamana poc	188
Unuhia na mooolelo a Limai i haawi ae ai	188
Ma o na pohaku elua i unuhia'i	188
O na kanaka mai ka halepaku'i mai	188
Haawi'a na mooolelo ia Alama	189
Ka olelo ao a Mosia	189
Waeia'e la na Lunakanawai	192
Make aku la o Alama ka muu	192
Make aku la ke Ali'i Mosia	192
Pau ae la na 'Ili o ko Nepai	192
 KA BUKE A ALAMA	193
Pepohia o Gideona a make loa e Nehora	194
Hooliloia o Amaliki i Alii	193
Make o Amaliki i ke kaua	193
Hoailonala ko Amaliki me ka ulaula	199
Ka bapetizoia ana e Alama ma Sidoma	201
Ka haaheo o na kanaka	201
Waeia o Nepaiha i Lunakanawai Nui	202
Ka hai olelo ana a Alama	203
Hooliloia na Lunakahiko e Alama	209
Kauohaia mai hoakoa'ko a pinepine	209
Ike aku la o Alama i kekahi anela	213
Ike aku la o Amuleka i kekahi anela	214
Na olelo a Alama laua me Amuleka	215
Nieleia o Amuleka e na loio	219
Na inoa o na apana kala a me ke gula	221
O Zezeroma ka loio	221
Haalulu iho la o Zezeroma	224
Ka poc nona na mea pohihili o ke Akua	224
Ka pomaikai o Adamu no ka ai ole ana i ka hua o ka laau ola	225
Ke koho e ia ana o na kanaka	227
Ka oihana kahuna Melekisedeka	228
Nouia na kanaka manaoio e na pohaku 230	
Puhia na wahine, na keiki, a me na mooolelo i ke ahia	230
Naha iho la na paia o ka halepanihao	232
Hoolaia o Zezeroma a bapetizoia	233
Ka neoneo o na Nehora poc	235
He mooolelo o na keiki a Mosia	236
Hoohulihia ko Lamana poc i ka oia'o	236
Hoopuehuia na pua ma Sesusa	238
Ookiaku la o Amona i na lina	239
O Amona lana me ke Ali'i Lamoni	241
Haule iho la o ke Ali'i Lamoni	243
O Amona laua me ke Ali'i wahine	243
Haule iho la ke Ali'i a me ke Alii- wahine, a me na kauwa a laua	244
Hoololiia na naau o ko Lamana poc, a ike lakou i na anela; bapetizoia lakou, a ua kukuluia he ekalesia	246
Halawai ae la o Amona me ke Alii kahiko	247
Hoopakeleia o Aaronma	248
Kukuluia o Ierusalem	248
Haiia ka olelo ma Ierusalem	249
Kukuluia na halehalawai	250
Hoohulihia ko Lamoni makua'kane	252
Na palena o naaina o ko Lamana poe a me ko Nepai poc	253
Ko Anati-Nepai-Lehi	255
No ke kakukaka ana	256
Kanuia na palihikaua	257
Pepehi'a na mea 1,005	258
Puhi'a na mea o ko Lumana i ke ahi	259
Papaia ka hookauwa luhi aha	264
Ha'e'e aku la ko Anati-Nepai-Lehi i kaaina o Ieresona, a kapae ka poe kanaka o Amona	265
He kana weliweli loa	266
Anati-Kristo, o Korihora	269
Hooiloia o Korihora i aa	272
Ikea la ka diabolo me ke aane o kahia anela	273
Habibia o Korihora ilalo	273
Ke Alama ma hele ana i ko Zoroma poe	274
O Ramemmapatoma (ka awai hoano)	275
O Alama ma ka piu Onida	277
Ka Alama no ka manaoio	278
Na wanana a Zenosa laua me Zenoka	281
Ko Amuleka ike ia Kristo	282
Aoia e lokomaikai aku	283
O ka uhane hookahi i noho ma ko outou kino manuia o ka make e noho hou no mahope	284
Kipakua iwaaho na mea manaoio	285
Ka Alama ia Helamana	286
Hauvia na mooolelo ia Helamana	288
E hele ko na papa i ko ka henua a pau	289
Na papa he 24 a me na mea kuhikahi	290
O Gazelema, he poihaku	290
Liahona, oia no he panana	292
Ka Alama ia Sibalona	293
Ka Alama ia Corianatona	294
Ka hala e kala ole ia	295
Ke alahouana	296
Ka hoihoi hou ana	298
No ka polelei o ko ke Akua hoopai	299
Ina ua ai o Adamu i ko ka laau o ke ola	300
Hao o ke aloha i ka hoopai	301
Ka huna maalea a Moroni	304
Ka luku nui ia'na o ko Lamana poc	305
Ka Moroni ia Zerahemana	306
Ka wanana a kekahi koa	308
Ka berita a ko Lamana poc e kaua ole	308
Ka Alama wanana, 400 makathiki mai ka wa o Kristo	309
E emi auanei iloko o ka hoomaloka	309
Ka hele kupanaha o Alama	310
Alakua'ku la na kanaka o ka eka- iesia e Amalikia	311
Ko Moroni hae	311
Hae'hiae ko Josepa kapakomo	312
Ka wanana a Iakoba no na hua a Iosepa	313
Kauia ka hae ku okoa	314
Mai kuni a me na laau lapauu	314

	AOAO.		AOAO.
Ka hana epa a Amalikia	315	Hoopioia ko Lamana poe	364
Houia'e la ke Alii	316	Waenia o Helamana i Lunakanawai .	364
Lilo ac la ke Aliiwahine i wahine na Amalikia; a lilo aku la oia i Alii	317	Ua loa na hoailona malu a houia o Kisakumena	365
Kukuluaku la o Moroni i na pakaua	318	Mahukaaku la o Gadianatona	365
E kaua ole loa aku, ma ka hoomalu ana ia lakou iho wale no	318	Heleaku la na kanaka i ka akau . . .	366
Hoopihaia na auwai i nū kupapau .	321	Na hale pipili	366
Ka hooihiki a Amalikia	322	Nui na buke a me na mooolelo	366
Na kulanakauhale hou	323	Makeaku la o Helamana	368
Hoonoohoia o Pahorana i Lunakanawai	325	Noho iho la o Nepai i Lunakanawai .	368
Ka poc koa ku e i ka poc-makemake- Alii	327	Lilo iho la ko Nepai i poc hewa . . .	369
Pepehia o Amalikia	328	Haawiaku la o Nepai i ka noho hoo- kolokolo ia Cezorama	370
Honohoa o Amorona i Alii	329	Hania ka olclo e Nepai laua me Lehi i ko Lamana poe	372
Hooikaikaia o Momona	332	Bapetizioa 8,000	372
Na mokuahana	333	Hoopuniia o Nepai laua me Lehi i ke ahi	372
Na kanaka hou 2000	334	Lawelawae mai la na anela	374
Ka Moroni episetole ia Amorona .	334	Pepchi malu ia o Cezorama laua me kana keiki	375
Ka Amorona ia Moroni	335	Ko Gadianatona poc powa	375
Inu ko Lamana i ka waina a ona .	337	Hoopiauia ko Gadianatona poc powa .	377
Ka hana maalea a Moroni	337	Ka wanana a Nepai	377
Ka Helamana episetole ia Moroni .	338	He poc lunakanawai o ko Gadianatona .	378
Ka Helamana hana maalea	341	Pepchi loa ia ka Lunakanawai Nui .	382
Aoaku la na makuuhahine i ka manaoio	342	Loaa ke karaima o Seanatuma	384
Pio iho la ko Lamana poe	342	Ka mana e sila ai i haawia mai . . .	385
Loaa ke kulanakauhale o Anatipara	343	Kaialia'e la o Nepai e ka Uhane . . .	386
Loaa ke kulanakauhale o Cumeni .	344	He wi ma ka aina	386
Maule iho la 200 noloko o na koa opio 2060	345	Pau ae la ko Gadianatona poc powa .	387
Kipi mai la na pio, a pepchii'a'ku .	345	Ulu hou mai la ka ai	387
Loaa o Manati ma ka hana maalca .	348	Ka wanana a Samuela	390
Ka Moroni episetole i ke kiaaina .	350	Poino ka waiwai i huniaia, a me . .	392
Pepehia ka poc pono i hiki ka hoo- pai maluna o ka poc hewa	351	Na mea paahana	393
Ka ke kiaaina episetole ia Moroni .	354	Elua la a me ka po hookahi, he mala- malama	394
Pepehia a make o Pakusa	356	He hoailona no ke kaulia'na o Kristo .	395
Hoomakaukauia na 'kaula a me na alapii	357	No na mea pomaikai o ko Lamana poc ma na la hope	397
Loaa o Nepaiha	358	Imi e pepehi ia Samuela	398
Ka hana maalea a Teanacuma; pepe- hia a make	358	Ikea na anela	399
Hooliloia o Moroniha i alihia kaua .	359	Na manao lapuwale o kanaka	399
Makeaku la o Helamana	360	—	
Na mea laa; o Sibalona	360	KA BUKE A NEPAI	400
Makeaku la o Moroni	360	Lakoneusa ka Lunakanawai Nui . . .	400
Heleaku la ka huakai 5400 i ka akau .	360	Ua loaa ia Nepai na mooolelo . . .	400
Kapiliaia na moku e Hagota	360	Ka hele kupanaha o Nepai	400
Holo ka moku i kahi i ike ole ia .	360	Aole pouli i ka napoo ana o ka la .	401
Hoouaia na mea i kahakahia i na kanaka	360	Lilo iho la ko Lamana poc i keokeo .	403
Haawia na mea laa ia Helamana; makeaku la o Sibalona	361	Ka Gidianahi ia Lakoneusa	404
KA BUKE A HELAMANA	361	O Gidigidomi ke alihi kaua nui . .	405
Makeaku la o Pahorana	361	Houluulu pu ia na kanaka	406
Waeia o Pahorana i Lunakanawai .	362	Pepehi loa ia o Gidianahi, ka powa .	408
Pepéhia o Pahorana e Kisakumena .	362	Liia o Zemanariha	409
Hoopioia o Zarahemela; a pepehia o Pacumeni	363	Hoopioia ka poc powa	409
Pepehia o Corianatuma	364	Ka Moramona mooolelo i hoopokoleia .	410
		Hoomaka ae la ka mokuahana ma ka ekalesia	412
		Pepehi loa ia ka Lunakanawai Nui .	413
		Pau ae la ka oihana aupuni ma ka aina .	413
		Maheleia ma na ohana	413
		Hoala mai la o Nepai i ka mea make .	415

AOAO.	AOAO.
Ka hoailona o ka make o Kristo ..	416
Hoopanua na kulanakauhale; na olai, ka pouli, a ia mea aku, a ia mea aku	416
Ko iho la ke kanawai o Mose ..	418
Ikea'e la o Iesu Kristo e ko Nepai poe	421
Na wahi o na kui ..	421
Heaia o Nepai a me na mea e ae ..	422
Ua kauohaia e bapetizo ..	422
Papaia ka hoopaaapaa ..	422
Ke ao ana a Kristo ..	422
Ko ke kanawai iloko o Kristo ..	429
He olelo no na poe hipa ..	430
Pomaikai ka poe Genetile ..	430
Ko ka poe Genetile hewa ma ka aina o Iosepa ..	431
E hookoia na olelo a Isaia ..	431
Hoolaia na mea mai e Iesu ..	432
Hoopomaikai iho la o Iesu i na keiki	433
Hoopuniia na keiki me ke ahi ..	433
Lawelawe la e o Kristo i ka ahaaina	433
Aoia na haumana no ka ahaaina o ka Haku ..	435
Na inoa o ka poe umikumamaluia ..	436
Aoia na kanaka e ka poe umikuma- malua ..	436
Ka bapetizo, ka Uhane Hemolele, a me ke ahi ..	436
Hiki mai la o Iesu i ka lua o ka manawa	437
Keokeo los na haumana ..	437
Ka manaoio nui ..	438
Wawahie berena hou ae la o Iesu ..	438
He hana mana o ka berena a me ka waina ..	438
Ka lukuia'na o ka poe Genetile (Isaia)	439
Hookupaaia o Ziona ..	440
Mai ka poe Genetile mai i ka oukou poe hua ..	441
He hoailona, hoomakaia ka hana a ka Makua ..	441
E hoomainoinoia oia ..	442
Ka lukuia ana o ka poe Genetile (Isaia)	442
Kukuluia ka Ierusalem Hou ..	442
E hoomaka ka hana mawaena o na lahuikanaka ..	443
Ka Isaia mau olelo ..	443
Ala no ka poe hoano mai ka make mai	444
Ka Malaki wanana ..	445
E hoaoia ka manaoio ma ka Buke a Moramona ..	447
Weheia na elelo o na keiki ..	447
Hoalaia ka mea make ..	447
O ka bapetizo a me ka Uhane Hemo- lele ..	448
Hui pu ia ka lakou mau mea a pau	448
O ke kolu o ko Iesu hoike ana ia ia iho	448
Ko Mose ekalesia ..	448
Kali iho la na Nepai ekolu ..	451
Laweia'ku la na haumana iluna ..	451
Hoomaluleia na kino ..	453
Hoala ae la ka poe haumana i na mea make ..	455
Kukulu hou ia o Zarahemela ..	455
Hooliloia'e na haumana e ae ma ko	
Iakou hakahaka ..	455
Make aku la o Nepai; a kakau iho la o Amosa i na mooolelo ma kona hakahaka ..	456
Make aku la o Amosa a malama iho la kana keiki o Amosa i na moo- olelo ..	456
Nahaha na halepaahao ma o na mea ekolu la ..	456
Na hui malu pu ana ..	457
Huna iho la o Amarona i na mooolelo	458
KA BUKE A MORAMONA ..	458
Laweia'ku la na haumana ekolu ..	459
Papaia mai o Moramona ma ka hai aku i ka olelo ..	459
Hoonohoia mai la o Moramona i alihia kaua ..	459
Hookoia ka Samuela wanana ..	460
Kakau iho la o Moramona i mooolelo	461
Maheleia na aina ..	462
Na poe umikumamaluia e hookolo- kolo ..	463
Loa iho la o Neoneo i ko Lamana poe	464
Kaumaha aku la i na wahine a me na keiki ..	464
Lave ae la o Moramona i na mooolelo i hunua ma Sima ..	465
Mihi iho la o Moramona i kana hoo- hiki ..	465
Ka puka mai ana o na mooolelo ..	466
Hunua na mooolelo iloko o Cumora	468
Pepchilia 230,000 o ko Nepai poe ..	468
Aole e loas ka waiwai ma o na papa la	470
E hoopukaia mai i mea noloko mai o ka honua ..	471
Ke ano o ko ke ao nei i ka wa e puka mai ai ..	472
Hoopanua na hana mana no ka hoo- maloka ..	475
Hele aku na haumana i na aina a pau e hai aku i ka euanelio ..	475
Ke ano o ka olelo iloko ia i kakauia'i ka buke ..	476
KA BUKE A ETERA ..	476
Loa na papa he 24 ..	476
Hea aku la ko Iareda kaikaina i ka Haku ..	477
Iho aku la o Iareda ma i ke awawa o Nimeroda ..	478
O Desereta, he halu meli ..	478
Kapiliia na moku ..	478
Ka ha Haku hoohilki, he aina maikai loa ..	478
He lahuikanaka ku okoa ..	479
I cha makahiki ma na halelewa ma Morianacuma ..	479
No na hora ekolu olelo mai la ka Haku	479
O na moku e like me kahi bola ..	479
He mau moku ewalu; he mau pohaku he umikumamaono ..	480
Hoopa mai la ka Haku i na pohaku	481

	AOAO.		AOAO.
Ikeia'e la ka lima o ka Haku	480	Pepehia o Gileada e kana Kahuna Nui, a pepehia ua Kahuna Nui nei e Liba	503
Ike aku la ke kaikaina o Iareda i ka Haku	481	Make aku la o Liba ia Corianatuma	503
Haawia mai na pohaku elua	482	Uhia ka aina me na heana o ka poe make a aohe mea e kanu iho ia lakou	504
Silaia iho la na pohaku	482	2,000,000 o na kanaka i lukuia	505
Ee aku la maluna o na moku	485	Ka puu Rama	505
Nou mai la ka makani ikaika loa	485	Ke kupinai welliweli	506
344 la ma ka holo ana	485	Hiamoe iho la maluna o na pahikaua	506
Ponia o Oriha i alii	486	Ookia'e la ke poo o Siza e Coriana- tuma	507
Lawe pio ia o Kiba	487	Hina iho la o Corianatuma i ka honua	507
Lawe pio ia o Sule	487	Hunai na mooolelo e Etera	507
Pepehia o Noa e na keiki a Sule	488	<hr/>	
Hele mai la na kaula	488	KA BUKE A MORONI	507
Lawe pio ac la o Iareda i kona makaua- kane	488	Ka Kristo mau olelo i ka poe Umiku- mamalua	507
Haa ae la ke kaikamahine a Iareda	489	Keano o ka hoolioia ana o na Kahuna a me na Kumu	508
Ponia'e la o Iareda e ka lima o ka hewa	491	Ke an o ka ahaaina o ka Haku	508
Pepehi loa ia o Iareda, a noho alii iho la o Akisa ma kona hakahaka	491	No ka bapetizoia ana	509
Na inoa o na holoholona	492	Ka Manaoio, ka Manaolana, a me ke Aloha	510
Na nahesa niho awa	493	Ka bapetizo ana o na keiki uuku	514
Ka noho alii ino ana o Ripalakisa	493	Hanaiia na wahine i ka io o ka lakou poo kane	516
Ponia iho la o Morianatona	494	Pepehia na kaikamahine a aiia iho la	517
Lukuia na nahesa niho awa	495	Na popilikia o na wahine me na keiki	517
Na 'lii hewa	496	Ua hiki ole ke hoomaikai aki ia la- kou i ke Akua	517
Ka Moroni no ka manaoio	498	Ka Moroni i ko Lamana poe	518
Na hana mana i hanaia ma o ka ma- naoio la	498	420 makahiki mai ka wa i haawia mai ka hoailona	518
Ike aku la o Moroni ia Iesu	500	Silaia iho la na mooolelo e Moroni	518
Ka olelo no ka Ierusalema Hou	501	Na haawina o ka Uhane	519
Hookukeia mai o Etera mawahio	501	E ha ae ka ke Akua olelo	520
Kakauia ka mooolelo maloko o ka lua o kahi pohaku	501		
Na hui pu malu ana	502		
He kaua ma ka aina a pau	502		
Ka poino nui ma ka aina	503		

Ka Hoikeana a na Mea Ikemaka Ekolu.

EIKE na lahuikanaka, na ohana, na olelo, a me na kanaka ma kahi e hiki ai auanei keia buke, o makou nei, ma ka lokomaikai o ke Akua ka Makua, a me ko kakou Haku o Iesu Kristo, ua ike makou i na papa maluna iho olaila i kakauia'i keia mooolelo, he mooolelo ia o ko Nepai poe, a o ko Lamana poe no hoi, na hoahanau o lakou, a o ko Jareda poe hoi, ka poe i hele mai mai ua halepakui la, mai ka mea-i oleloia; a ua ike no hoi makou ua unuhia ia ma ka haawina a me ka mana o ke Akua, no ka mea, na kona leo i hai mai pela ia makou; nolaila, na ike maoli makou me ka maopopo, he oiaio ua buke nei. A ke hoike aku nei no hoi makou, ua ike makou i na kaha maluna iho o na papa; a ua hoikeia mai la ia mau mea ia makou ma ka mana o ke Akua, aole ma ko ke kamaka. A ke hai aku nei makou me ka oiaio no, ua iho mai la kekahi anela o ke Akua mai ka lani mai, a ua lawe mai la oia a kau mai la imua o ko makou mau maka, a nana aku la makou a ike i na papa, a me ke kahakaha ana maluna iho olaila; a ua ike makou ma ka lokomaikai o ke Akua ka Makua, a me ko kakou Haku o Iesu Kristo, ko makou ike ana, a me ko makou hoike ana'ku i ka oiaio o keia mau mea; a he mea kupanaha ia i ko makou mau maka, aka hoi, na ka leo o ka Haku makou i kauoha mai e hoike aku no keia mea; nolaila, ke hoike aku nei makou no keia mau mea, i malamaia'i na kauoha a ke Akua. A ua ike no hoi makou ina e hoomai pono makou iloko o Kristo, e hoomaemae aku makou i ko makou mau aahu i ke koko o na kanaka a pau, a e loaa me ke kina ole imua o ka noho-hookolokolo o Kristo, a e noho pu mau loa auanei me ia ma na lani. A no ka Makua, a me ke Keiki, a me ka Uhane Hemolele ka hoonanii, a o ke Akua hookahi no ia. Amene.-

OLIVER COWDERY,
DAVID WHITMER,
MARTIN HARRIS.

A me ka Hoikeana a na Mea Ikemaka Ewalu.

EIKE na lahuikanaka, na ohana, na olelo, a me na kanaka ma kahi e hiki ai auanei keia buke, ua hoike mai o Iosepa Samika, Opio, ka mea nana keia buke i unuhi, ia makou i na papa, na mea i olcloia'i, a ua like me ke gula i ka nana aku; a o na aoao a pau a ua Samika nei i unuhi ai, ua haha makou me ko makou mau lima; a ua ike no hoi makou i na kaha maluna olaila, a i ka nana aku i ua mau mea nei a pau he hana ia o ka wa kahiko, a o ka hana akamai. A o keia ka makou e hoike aku nei me ka oiaio no, ua hoike mai ua Samika nei ia makou, no ka mea, ua ike makou a haha no hoi, a ike maoli me ka maopopo, ua loaa i ua Samika nei na papa a makou i olelo aku nei. A ke haawi aku nei makou i ko makou mau inoa i ko ke ao nei, e hoike aku i ko ke ao nei i na mea a makou i ike aku ai; a ua wahahē ole makou. ke hoike nei ke Akua no ka oiaio o ia mea.

CHRISTIAN WHITMER,
JACOB WHITMER,
PETER WHITMER, OPIO,
JOHN WHITMER,

HIRAM PAGE,
JOSEPH SMITH, MAKUA,
HYRUM SMITH,
SAMUEL H. SMITH

KA BUKE A MORAMONA.

KA BUKE MUA A NEPAI.

O KONA NOHO ALII ANA A ME KANA HANA MA KA OIIANA
KAHUNA.

MOKUNA I.

He moolelo o Lehi a me kana wahine o Saria, a me kana mau keikikane eha, i kapaia,—e hoomaka ana ma ka hiupo,—o Lamana, o Lemuela, o Sama, a me Nepai. Aoaku la ke Akua ia Lehi e haalde iho i kaaina o Ierusalem, no ka mea, ua wanana alku la ia i na kanaka no ko lakou hana hewa ana; a imi iho la lakou e hoopau i kona ola. Hele aku la cia me kona ohana i ekolu la o ka hele ana i ka waonahele. Lawe ae la o Nepai i kona mau hoahanau, a hoi houaku la i kaaina o Ierusalem no ka moolelo o ka poe Iudaio. Ka moolelo o ka popilikia o lakou. Ka lawe ana o lakou i na kaikamahine a Isamaela i mau wahine na lakou.— Ko lakou lawe ana i ko lakou mau ohua, a hele cku la i ka waonahele. Na popilikia a me na eha o lakou ma ka waonahele. Kahia lakou i hele aku ai. Hiliaku la lakou i ka moana nui. Kipi mai la ko Nepai mau hoahanau ia ia. Hoohilahila iho li cia ia lakou, a kapiliaku la oia i moku. Kapaaku la lakou ia wahi o Momona. Holoaku la lakou mai kelaaoao i keiaaoao o ka moana nui, i kaaina i hai mua ia'i. O keia no ka moolelo a Nepai; no ka mea, na'u nei, na Nepai, i kakau i keia moolelo.

1. OWAU, o NEPAI, ua hanauia mai la e na makua maikai, nolaila, ua aoia mai la au i na mea o ka naauao a pau o ko'u makuakane; a ua ike au i na pilikia he nui i ko'u mau la—aka hoi, ua lokomaikai nui ia mai la au e ka Haku i na la o'u a pau; he oiaio, ua loaa mai la ia'u ka ike nui no ka lokomaikai a me na mea pohihili o ke Akua, nolaila, ke kakau nei au i moolelo o na mea a'u i hana'i, i ko'u mau la; he oiaio no, ke hana nei au i moolelo iloko o ka olelo a ko'u makuakane, o ka ike o ka poe Iudaio a me ka olelo a ko Aigupita poe ka i huiia ma ia olelo. A ua ike au i ka moolelo a'u e hana nei he oiaio ia; a ke hana nei au ia me ko'u lima iho; a ke kakau nei au ia e like me ka'u ike.

2. No ka mea, eia kekahi, i ka hoomaka ana o ka makahiki mua o ka noho alii ana o Zedekia, ke alii o Iuda, (ua noho ko'u makuakane o Lehi ma Ierusalem i na la a pau ona;) a i ua makahiki nei hele mai la na kaula he nui, e wanana aku ana i na kanaka, e mihi lakou e pono ai, a i ole ia e lukuia aku ke kulanakauhale nui o Ierusalem. No ia mea, i ka hele ana aku o ko'u makuakane o Lehi, pule aku la ia i ka Haku, he oiaio, me kona naau'a pau, i lokomaikaiia mai kona poe kanaka.

3. Eia kekahi, i kana pule ana i ka Haku, ua hele mai la he kia ahi, a noho iho la maluna iho o kekahi pohaku imua ona; a ua ike oia a lohe no hoi i na mea he nui wale; a no na mea ana i ike ai a i lohe ai, ua makau iho la kela a haalulu nui iho la no hoi.

4. Eia kekahi, hoi aku la ia i kona hale iho ma Ierusalem; a moe iho la oia maluna o kona wahi moe; ua uluhia me ka uhane a me na mea ana i ike ai; a i kona uluhia ana pela me ka uhane, ua laweia'ku ia ma ka hihio, a ike aku la oia i na lani ua weheia, a manao iho la oia ua ike oia i ke Akua e noho ana maluna iho o kona noho alii, i hoopunia me na anela he lehulehu hiki ole ke heluia, e hoolea ana a e hiilani ana i ko lakou Akua.

5. Eia kekahi, ua ike aku la oia i kekahi mea e puka mai ana maiwaena mai o ka lani, a ike aku la ia ua oi aku kona alohilohi mamua o ko ka la ma ke awakea; a ike aku la no hoi oia he umikumamalua mau mea e ae e hahai ana ia ia, a ua oi aku ko lakou lilelile mamua o ko na hoku ma ka aouli;—a iho mai la lakou ilalo, a hele aku la maluna o ka ili o ka honua; a hele mai la o ka mea mua, a ku iho la imua o ko'u makuakane, a haawi mai la ia ia i buke, a kauoho mai la ia ia e heluhelu.

6. Eia kekahi, i kona heluhelu ana, ua hoopihaiia oia me ka Uhane o ka Haku, a heluhelu ia, i ka i ana, Anwe, Auwe Ierusalem! no ka mea, ua ike aku la au i kou hana ino loa ana;—he oiaio, ua nui na mea a ko'u makuakane i heluhelu ai e pil'i ana ia Ierusalem—e lukuia auanei ia, a e lukuia aku he nui wale o na kamaaina olaila, e ka pahi kaua, a e lawe pio ia aku no hoi he nui wale i Babulona.

7. Eia kekahi, i ka wa a ko'u makuakane i heluhelu ai a ike ai i na mea nui a kupaihanaha he nui wale, olelo aku la ia i na mea he nui loa i ka Haku; me neia, Manomano a kupanaha no kau hana E ka Haku, ke Akua mana loa! Ua kiekie kou noho alii ma na lani, a o kou mana, a o kou lokomaikai, a me kou aloha maluna iho ia o ko ka honua nei a pau; a no kou aloha, aole oe e hookuu mai i ka make i ka poe e hele ana iou la! A mamuli o keia ano ka olelo a ko'u makuakane e hilani ana i kona Akua;—no ka mea, ua hauoli iho la kona uhane, a ua piha iho la kona naau a pau, no na mea ana i ike ai; he oiaio, i na mea a ka Haku i hoike mai ai ia ia. Ano, owau, o Nepai, aole au e kakau ana i ka mooolelo o na mea a pau a ko'u makuakane i kakau ai, no ka mea, ua kakau oia i na mea he nui wale ana i ike ai iloko o na hihio, a iloko o na moe uhane; a ua kakau iho la no hoi oia i na mea he nui loa ana i wanana mai ai, a i olelo mai ai i kana poe keiki, o ia mau mea a pau aole au e ka-

kau ana; aka, e kakau no au i ka mooolelo o ka'u hana i ko'u mau la. Aia hoi, ke kakau nei au i olelo i hoopokoleia o ka mooolelo o ko'u makuakane, maluna o na papa a'u i hana'i me ko'u mau lima iho; no ia mea, mahope aku o ko'u hoopokole ana i ka mooolelo o ko'u makuakane, alaila, e kakau no au i ka mooolelo o ko'u ola iho.

8. Nolaila, ua makemake au e ike oukou, mahope iho o ka hoike ana o ka Haku ua mau mea kupanaha nei he nui loa i ko'u makuakane, ia Lehi, no ka lukuia ana o Ierusalem, aia hoi, hele aku la oia iwaena o na kanaka, a hoomaka ae la e wanana aku, a e hai aku ia lakou no na mea ana i ike ai a i lohe ai hoi

9. Eia kekahi, hoomaewaewa mai la ka poe Iudaio ia ia no na mea ana i hoike aku ai no lakou; no ka mea, ua hoike oiaio aku la oia no ka lakou hana hewa ana, a me ka lakou hana hoopailua ana; a hoike aku la oia o na mea ana i ike ai a i lohe ai, a o na mea no hoi ana i heluhelu ai iloko o ka buke, e hoomaopopo akakaia ana no ka hiki ana mai o kekahi Mesia, a me ka hoolajia ana no hoi o ke ao nei.

10. A lohe ka poe Iudaio i keia mau mea, hulu mai la lakou ia ia; he oiaio, e like me na kaula kahiko, ka poe a lakou i hoolei aku ai, a i hailuku ai, a i pepehi ai; a imi iho la no hoi lakou i kona ola, e lawe akuiia. Aka hoi, e hoike aku no wau, o Nepai, ia oukou aia no ke aloha nui o ka Haku maluna o na mea a pau ana i kohohai, no ko lakou manaoio, e hoolilo mai ia lakou i poe ikaika a hiki i ka mana e ola'i.

11. No ka mea, eia kekahi, olelo mai la ka Haku i ko'u makuakane, iloko o ka moe uhane, a i mai la ia ia, Ua Pomaikai no oe e Lehi, no na mea a'u i hana ai; a no ka mea, ua kupaa oe, a ua hai aku oe i keia poe kanaka i na mea a'u i kauoha aku ai ia oe, aia hoj, ke imi nei lakou e lawe aku i kou ola.

12. Eia 'kekahi, kauoha mai la ka Haku i ko'u makuakane, iloko o ka moe uhane, e lāwe aktu i kona ohana, a e hele aktu iloko o ka waonahele. Eia kekahi, hoolohe io iho la kela i ka olelo a ka Haku, no ia mea, hanā no ia e like me ka ka Haku kanoha ia ia.

13. Eia kekahī, hele aku la ia i ka waonahēle. A haalele iho la oia i hona hale, a me kona aina hooilina, a me kona gula, a me kona kala, a me kona mau mea maikai, aole ia i lawe aku kekahī mea me ia, o kona ohana wale no, a me ka ai, a me na halelewa, a hele aku la i ka waonahēle; a iho mai la oia ma na palena kokoke i ke kahakai o ke Kaiula; a hele aku la oia i ka waonahēle ma na palena e kokoke ana i ke Kaiula; a hele aku la no ia i ka waonahēle me kona ohana, oia no ko'u makuwahine, o Saria, a me na kaikuana o'u, o Lamana, o Lemuela, a me Sama.

14. Eia kekahī, ia makou i hele ai i na la'ekolu ma ka waonahēle, kūkulu iho la oia i kona halelewa ma kekahī awawa ma kapa o kekahī muliwai. Eia kekahī, kūkulu iho la ia i kuahu pohaku, a kāmaha aku la ia i mohai i ka Haku, a haawi aku la i ke aloha i ka Haku, i ko kakou Akua. A eia kekahī, kapa aku la oia i ka inoa o ka muliwai o Lamana, a ua kahe aku la ia iloko o ke Kaiula; a o ke awawa ma na kapa ia e kokoke ana i ka nuku o na muliwai la.

15. A ike aku la ko'u makuakane i na wai o ka muliwai e kahe ana ia i ke kumu o ke Kaiula, olelo mai la oia ia Lamana, i ka i ana, Ina e like oe me keia muliwai e kahe mau ana iloko o ke kumu o ka pono a pau. A olelo aku la no hoi oia ia Lemuela: Ina e like oe me keia awawa, he naueue ole, a ku paa mau i ka malama ana i na kauoha a ka Haku. No ka mea, olelo aku la oia pela no ka ai, oolea o Lamana laua me Lemuela; no ka mea, ohumu iho la laua ma na mea he nui e ku e ana i ko laua makuakane, no ka mea, he kanaka ike hilio no ia, a ua alakai mai la ia laua mailoko mai o ka aina o Ierusalem, e haalele aku i ko laua aina hooilina, a me ko laua gula, a me ko laua kala, a me ko laua mau mea malkai, e make ma ka waonahele. A, ua hana no oia i keia, wahi a laua, no na manao lapuwale o kona naau. A pela i ohumu ai o Lamana laua me Lemuela—o laua na keiki mua—e ku e ana i ko lana makuakane. A ua ohumu lana, no ka mea, aole laua i ike i ka hana ana a kela Akua nana laua i hana mai. Aole hoi i manaoio laua e hiki ke lukuia o Ierusalem, kela kulanakauhale nui, e like me na olclo a na kaula. A ua like laua me ka poe Iudaio, e noho ana ma Ierusalem, ka poe i imi ai e lawe aku i ke ola o ko'u makuakane.

16. Eia kekahī, olelo aku la ko'u makuakane ia laua ma ke awawa o Lemuela, me ka mana, i hoopihaiia me ka uhane, a haalulu iho la ko laua mau kino inua ona. A hochilahila aku la oia ia laua, a no ka makau aole i hiki ia laua ke olelo ku e aku ia ia; no ia mea, hana iho la no laua e like me kana kauoha ia laua. A noho iho la ko'u makuakane iloko o ka halelewa.

17. Eia kekahī, owaq, o Nepai, ua opipio loa no, ua nui nae ke kino, ua iini ikaika no hoi au e ike i na mea pohihiki o ke Akua, nolaila, ua ka-hea aku au i ka Haku; eia hoi, ua hele mai la ia io'u la, a ua hoopalupalu mai la i ko'u naau, i manaoio au i na olelo a pau i oleloia mai e ko'u makuakane; nolaila, aole au i ku e aku ia ia e like me o'u mau kaikuaana. A olelo aku la au ia Sama, e hoike aku ana ia ia i na mea a ka Haku i hoike mai ai ia'u, ma kona Uhane Hemolele.

18. A ua manaoio oia i ka'u mau olelo; aka hoi, aole i hoolohe mai o Lamana laua me Lemuela i ka'u mau olelo; a kaumaha iho la au no ka paakiki o ko laua mau naau, a ua kahea aku la au i ka Haku no laua.

19. Eia kekahī, olelo mai la ka Haku ia'u, i ka i ana: Pomaikai no oe, e Nepai, no kou manaoio, ua imi ikaika mai oe ia'u me ka haahaa o ka naau. A ina e malama pono oe i na kauoha a'u, e hoopomaikaiia oe, a e alakaiia oe i kekali aina i olelo mua ia'i; he oiaio, he aina a'u i hoomakau-kau ai no oukou; he oiaio, he aina makemakeia ia mamua o na aina e ae a pau. A ina e kipi mai kou mau hoahanau ia oe, alaila e hookiia aku lakou mai ke alo aku o ka Haku. A ina e malama pono oe i ka'u mau kauoha, e hooliloia auanei oe i luna a i kumu maluna iho o kou mau hoahanau. No ka mea, aia hoi, i ka la a lakou e kipi mai ai ia'u e hoopai aku no au ia lakou me kekahī poino nui, a e loaa ole ia lakou ka mana maluna iho o kau hua, ke ole lakou e kipi mai no hoi ia'u. A ina e kipi

mai lakou ia'u, e lilo auanci lakou la i mea e hahau ai i kau hua, e hooeueu ae ia lakou i ka hoomanao ana ia'u.

20. A eia kekahi, hoi hou aku la au, o Nepai, mai ka'u kamailio pu ana me ka Haku, i ka halelewa o ko'u makuakane. A, olelo mai la oia ia'u, i ka i ana mai: Aia hoi, ua moe au i ka moe, a ua kauoha mai la ka Haku ia'u iloko o ua moe la, e hoi honaku oe a me kou mau kaikuaana i Jerusalema. No ka mea, aia ia Labana ka mooolelo o ka poe Iudaio, a me ke kuauhau o kou poe kupuna, a ua kahakahaia ia mau mea maluna o na papa keleawe. Nolaila, ua kauoha mai la ka Haku ia'u e hele aku oe ne kou mau hoahanau i ka hale o Labana; a e imi aku i ka mooolelo, a e lawe mai ia mau mea ilalo nei i ka waonahele. Ano la, ke ohumu nei kou mau kaikuaana, i ka i ana, he mea paakiki ka'u i noi aku ai ia lakou; aka hoi, aole na'u i noi aku ia mea ia lakou, aka he kanoha ia na ka Haku mai. Nolaila, ea, o hele, e ka'u keiki, a e hoopomaikiia auanci oe e ka Haku, no ka mea, aole oe i ohumu.

21. Eia kekahi, i aku la au, o Nepai, i ko'u makuakane, E hele no au, a e hana iho i na mea a ka Haku i kauoha mai ai, no ka mea, ua ike au aole e haawi ana ka Haku i na kauoha i na keiki a kanaka, ke hoomakaukau ole kela i ala no lakou e hooko pono ai i ka mea ana i kauoha mai ai lakou.

22. A lohe aku la ko'u makuakane i keia mau olelo, olioli nui loa iho la oia, no ka mea, ua ike oia ua hoopomaikaiia mai la au e ka Haku. A hele aku la au, o Nepai, me ko'u mau hoahanau, i ka waonahele me ko makou mau halelewa, e pii aku ai i ka aina o Jerusalema.

23. Eia kekahi, a hiki aku la makou i ka aina o Jerusalema, kukakuka pu ae la au me ko'u mau hoahanau, kekahi me kekahi; a hailona iho la makou e ike i ka mea o makou nana e hele aku i ka hale o Labana. A lilo ka hailona ia Lamana; a hele aku la o Lamana iloko o ka hale o Labana, a kamailio pu me ia, ia ia i noho ai iloko o kona hale. A noi aku la oia ia Labana i na mooolelo i kahakahaia maluna iho o na papa keleawe, maluna olaila ke kuauhau o ko'u makuakane.

24. Eia hoi, hulu iho la o Labana, a kipaku mai la ia ia mawaho, mai kona alo mai; aohe ona makemake e lilo na mooolelo ia ia. No ia mea, olelo mai la oia ia ia, Aia hoi, he powa oe, a e pepehi no au ia oe. Aka, holo mai la o Lamana mawaho, mai kona alo mai, a hai mai la ia makou i na mea a Labana i hana'i. A hoomaka mai la makou e hookaumaha nui loa ia, a kokoke ko'u mau hoahanau e hoi hou i kuu makuakane la i ka waonahele. Aka hoi, i aku la au ia lakou, Ma ke ola o ka Haku, a ma ko kakou ola hoi, aole kakou e hoi aku i ko kakou makuakane la ma ka waonahele, aia a hooko aku kakou i ka mea a ka Haku i kauoha mai ai ia kakou. No ia mea, e ikaika kaikou i ka malama ana i na kauoha a ka Haku; nolaila, e iho aku kakou i ka aina hooilina o ko kakou makuakane, no ka mea, aia hoi, ua waiho oia i ke gula a me ke kala, a ia mea waiwai aku ia mea waiwai aku. A ua hana iho la oia ia mau mea a pau, no na kauoha a ka Haku: no ka mea, ua ike oia e lukuia auanei o Jerusalema no ka hewa o na kanaka.

25. No ka mea, ua hoole aku la lakou i na olelo a na kaula. Nolaila, ina ua noho ko'u makuakane ma ka aina mahope iho o kona kauohaia ana e holo aku mailoko aku o ka aina, ina ua make no hoi oia. No ia mea, he mea e pono ai nona e holo aku mailoko aku o ka aina. Aia hoi, he mea ku pono i ko ke Akua manao na kakou e loaa'i keia mau mooolelo, i malama pono ai kakou, no ko kakou poe keiki, i ka olelo a ko kakou mau kupuna; a i malama'i no hoi kakou no lakou i na olelo i oleloia mai ai e na waha o na kaula hemolele a pau, na mea i haawiiia mai ia lakou e ka uhane a me ka mana o ke Akua, mai ka hoomaka ana o ke ao nei, a hiki loa i keia manawa.

26. Mamuli o ke ano o keia olelo ua ao aku la au i ko'u mau hoahanau, i ikaika lakou i ka malama pono ana i na kauoha a ke Akua. Eia kekahih, iho aku la makou i ko makou aina hooilina, a hoiliili mai la makou i ko makou gula, a me ko makou kaia, a me ko makou mau mea maikai. A mahope iho o ko makou hoiliili pu ana i ua mau mea nei, pii hou aku la makou i ko Labana hale.

27. Eia kekahih, hele aku la makou iloko, io Labana la, a koi aku la ia ia e haawi mai ia makou i na mooolelo i kahakahaia maluna iho o na papa keleawe, a no ua mau mea nei e haawi aku no makou ia ia i ko makou gula, a me ko makou kala, a me ko makou mau mea maikai a pau.

28. A ike mai la o Labana i ko makou waiwai, he nui loa ia, kuko iho la oia mamuli o ua waiwai nei, a kipaku mai la oia ia makou, a kena mai la i kana mau kauwa e pepehi ia makou, i loaa ai ia ia ko makou waiwai. A auhee aku la makou imua o na kauwa a Labana, a no ka pilikia haalele iho la makou i ko makou waiwai, a lilo iho la ua waiwai nei iloko o na lima o Labana.

29. Eia kekahih, auhee aku la makou i ka waonahele, aole makou i loaa mai i na kauwa a Labana, a pee aku la makou iloko o ka lua o kekahih pokahu. Eia kekahih, huhu mai la o Lamana ia'u, a i ko'u makuakane no hoi; a pela no hoi o Lemuela, no ka mea, ua hoolohe oia i na olelo a Lamana. No ia mea, olelo mai la o Lamana laua me Lemuela i na olelo hoeha he nui wale ia maua, i ko laua mau kaikaina, a ua hahau mai la laua ia maua me kahi laau.

30. Eia kekahih, i ko laua hahau ana ia maua me kahi laau, aia hoi, hele mai la kekahih anela a ka Haku, a ku ae la imua o laua, a olelo aku la oia ia laua, i ka i ana, No ke aha la olua e hahau nei i ko olua kaikaina i ka laau? Aole anei olua i ike, ua koho aku ka Haku ia ia e lilo i luna maluna o olua, a o keia mea no ka olua hana ino ana? Aia hoi, e pii hou aku no oukou i Ieruselama, a e haawi mai ka Haku ia Labana iloko o ko oukou mau lima. A mahope iho o ka olelo ana a ka anela ia makou, hoi aku la ia. A mahope iho o ka hoi ana o ka anela, hoomaka hou iho la o Lamana laua me Lemuela e ohumu, me ka i ana, Pehea la a hiki ai i ka Haku ke haawi mai ia Labana iloko o ko kakou mau lima? Aia hoi, he kanaka koikoi ia, a e hiki ia ia ke kena aku i na kanaka he kanalima, he oiaio, e hiki no ia ia ke pepehi i na kanaka he kanalima; e no ke aha la e hiki ole ai ia ia ke pepehi mai ia kakou?

31. A olelo aku la au i ko'u mau kaikuaana, i ka i ana, E pii hou aku kakou i Ierusalem, a e hoomau pono kakou i ka malama ana i na kauoha a **ka Haku**; no ka mea, ua mana loa oia mamua o ko ka honua nei a pau, a no ke aha la i mana loa ole ai mamua o Labana a me kona poe he kanalima, he oiaio, a mamua o kona mau umi tausani no hoi. Nolaila, e pii kakou, e ikaika kakou e like me Mose;—no ka mea, olelo aku la oia i ke kai o ke Kaiula, a kaawale iho la ia ma o a ma o, a hele mai la ko kakou poe kupuna mawaena ma ka aina maloo, mailoko mai o ka noho pio ana, a hahai mai la ka poe kaua a Parao, a make aku la i ke kai o ke Kaiula. Ano, aia hoi, ua ike oukou he mea oiaio keia; a ua ike no hoi oukou na olelo mai la kekahia anela ia oukou, a no ke aha la e kanalua nei oukou? E pii kakou; ua hiki i ka Haku ke hoopakale mai ia kakou, e like me ko kakou poe kupuna, a e pepehi aku ia Labana, e like me ko **Aigupita** poe.

32. Ano, i ka wa a'u i olelo aku ai i keia mau olelo, ua huhu no laua, a ua ohumu no; aka hoi, hahai mai la nae lakou mahope o'u, a hiki aku la makou mawahoa o na pa o Ierusalem. A ma ka po no ia: a koi aku la au ia lakou e pee ae mawahoa o na pa. A mahope iho o ko lakou pee ana, kokolo aku la wau, o Nepai, iloko o ke kulanakauhale, a hele aku la i ka hale o Labana. A ua alakaiia au e ka uhane, aole e ike ana manua i na mea a'u e hana ai. Aka hoi, hele aku la au, a i ko'u hookokoke ana i ko Labana hale, ike aku la au i kekahia kanaka, a ua hina iho la ia i ka honua imua o'u, no ka mea, na ona oia i ka waina. A hiki aku la au io na la, ua ike au o Labana no ia. A ike iho la au i kana pahikaua, a unuhi ae la au ia mailoko mai o kono wahia, a o ke au o ia mea he gula maemae no ia, a ua nani loa kona hanaiia ana: a ua ike au i ka pahi he kila maikai loa ia.

33. Eia kekahia, ua koiiia mai la au e ka uhane e pepchi aku ia Labana: aka nalu iho la au iloko o kuu naau, aole au i hookahe aku i ke koko o kanaka; a emi mai la au me ka makemake ole e pepchi ia ia. A i hou mai la ka uhane ia'u, Aia hoi ua haawi mai la ka Haku ia ia iloko o ko'u mau lima; he oiaio, a ua ike aku la no hoi au ua imi kela e lawe aku i ko'u ola iho; he oiaio, aole ona i hoolohe mai i na kauoha a ka Haku; a ua kaili aku la no hoi oia i ko makou waiwai.

34. Eia kekahia, i hou mai la ka uhane ia'u, E pepehi ia ia, no ka mea, ia haawi mai la ka Haku ia ia iloko o kou mau lima. Aia hoi, e luku ana ka Haku i ka poe hewa e hoopuka mai i kana mau hana pono. A e aho ka make ana o ke kanaka hookahi, mamua o ka emi ana a me ka make ana o kekahia lahuikanaka i ka hoomaloka.

35. A, ano, owau, o Nepai, i ka wa a'u i lohe ai i keia mau olelo, hoomanao iho la au i na olelo a ka Haku, ana i olelo mai ai ia'u ma ka waona-hele, i ka i ana mai, Ina e malama pono kau poe hua i ka'u mau kauoha, e pomaikai auanei lakou i ka aina i hai mua ia'i. He oiaio, a hoomanao iho la hoi au aole e hiki ia lakou ke malama i na kauoha a ka Haku e like me ke kanawai o Mose, ke ole loaa ia lakou ke kanawai. A ua ike no hoi au ua kahakahaiia ke kanawai maluna o na papa keleawe. Eia hou

—ua ike au ua haawi mai la ka Haku ia Labana iloko o na lima o'u no keia mea, i loaa mai ia'u na mooolelo, e like me kana mau kauoha. Nolaila, hoolohe aka i ka leo o ka uhane, a lalau ia Labana ma kona lauoho, a oki ae la au i kona poo me kana pahi kaua iho.

36. A mahope iho o ko'u oki ana i kona poo me kana pahikaua iho, lalau iho la au i na aahu o Labana a hoaahu mai la i ko'u kino iho; he oiaio, i na mea a pau; a kaei iho la au i kona aahu kaua i ko'u puhaka. A mahope iho o ka'u hana ana i keia, hele aku la au i kahi a ko Labana waihona waiwai. A i ko'u hele ana i ka waihona waiwai o Labana, aia hoi, ike ae la au i ke kauwa a Labana, ia ia na ki o ka waihona waiwai. A kauoha aka la au ia ma ka leo o Labana, e hele pu me au iloko o ka waihona waiwai. A manao iho la kela o kana haku o Labana no au, no ka mea, ike mai la oia i na aahu o Labana, a me ka pahikaua no hoi, i kaeia ma ko'u puhaka. A olelo mai la oia ia'u no na lunakahiko o ka poe Iudaio, ua ike oia ua hele pu kana haku o Labana me lakou i ka po. A olelo aka la au ia ia me he mea la o Labana no wau. A olelo aka la no hoi au ia ia, e halihali ana no au i na mooolelo i kahakahaia maluna o na papa keleawe, i kuu mau kaikuaana la, aia lakou mawaho o na pa. A kena aka la no hoi au ia ia e hahai mai mahope o'u. A e manao ana oia no na kaikuaana ma ka ekalesia ka'u olelo ana, a owau io no ua Labana la a'u i pepehi aka ai, nolaila, habai mai la oia ia'u. A olelo pinepine mai la oia ia'u no na lunakahiko o ka poe Iudaio, ia'u i hele aka ai i kuu mau hoahanau la, mawaho o na pa.

37. Eia kekahī, ia Lamana i ike mai ai ia'u, makau nui loa iho la no ia, a me Lemuela laua me Sama no hoi. A holo aka la lakou mai ko'u alo aka; no ka mea, manao iho la lakou o Labana no ia, a ua pepehiia au e ia, a ua imi oia e lawe aka i ko lakou mau ola no hoi.

38. Eia kekahī, kahea aka la au ia lakou, a hoolohe mai la lakou ia'u; —no ia mea, hooki iho la lakou i ka holo ana mai ko'u alo aka. Eia kekahī, i ka wa a ke kauwa a Labana i ike ai i ko'u mau hoahanau, hoomaka oia e haalulu, a aneane oia e holo aka mai o'u aka, e' hoi hou i ke kulanakauhale o Ierusalem.

39. Ano, he kanaka kino nui au, o Nepai, a ua loaa mai ia'u ka ikaika nui, mai ka Haku mai, nolaila, hopu ae la au i ke kauwa a Labana, a hoo-paa ia ia, i holo ole aka ai kela.

40. Olelo aka la au ia ia, ina e hoolohe mai oia i ka'u mau olelo, ma ka ola o ka Haku a ma ko'u ola no hoi, ina e hoolohe mai oia i ka makou mau olelo, e hoola aka makou ia ia. A olelo aka la au ia ia me ka hoo-hiki, e makau ole e pono ai; a e lilo oia i kanaka ku okoa e like me makou, ina oia e iho pu i ka waonahele me makou. A olelo aka la no hoi au ia ia, i ka i ana, He oiaio, ua kauoha mai ka Haku ia makou e hana i keia mea, a, aole anei makou e hoomau i ka malama ana i na kauoha a ka Ha-ku? Nolaila, ea, ina e iho pu oe i ka waonahele i kuu makuakane la alaila, ooe pu kekahī me makou.

41. A eia kekahī, lana hou ka manao o Zorama i na olelo a'u i olelo aku ai. A o Zorama ka inoa o ua kauwa la; a olelo mai la oia, e iho pu oia i ka waonahele i kun makuakane la. A ua hoohiki mai la no hoi oia ia makou, e noho pu oia me makou mai ia manawa aku. Ano, ua makemake makou e noho pu oia me makou no keia mea, i ike ole ka poe Iudaio i ko makou holo ana iloko o ka waonahele, o alualu mai lakou ia makou, a e luku mai ia makou.

42. A ia Zorama i hoohiki mai ai ia makou, pau iho la ko makou hopohopo nona. Eia kekahī, lawe aku la makou i na papa keleawe a me ke kauwa a Labana, a hoi hou aku la i ka waonahele, a hele aku la i ka halelewa o ko makou makuakane.

43. Eia kekahī, a hiki makou i ka waonahele i ko makou makuakane la, aia hoi, ua hoopihaiā oia me ka olioli, a o ko'u makuahine no hoi, o Saria, ua hanoli nui loa iho la, no ka mea, ua uwe io oia no makou; no ka mea, ua manao iho la oia ua make makou i ka waonahele; a ua hoohewa aku la no hoi oia i ko'u makuakane, me ka olelo ana ia ia, he kanaka hilio ia; i ka i ana, Aia hoi, ua alaikai mai la oe ia makou mai ko makou aina hooilina mai, a o ka'u mau keikikane aohe lakou, a ke make nei kana i ka waonahele. A mamuli o ke ano o keia clelo ua hoohewa aku ko'u makuahine i ko'u makuakane.

44. Olelo ae la ko'u makuakane, i ka i ana, Ua ike no au he kanaka hilio wau; no ka mea, ina aole au i ike i na mea o ke Akua maloko o ka hilio, ina ua ike ole au i ka lokomaikai o ke Akua, a na noho au ma Ierusalem a make pu me ko'u poc hoahanau. Aka hoi, ua loaa ia'u ka aina i olelo mua ia'i, a ma ia mau mea ke hauoli nei au; he oiaio, a ke ike nei au e hoopakele no ka Haku i ka'u mau keikikane i na lima o Labana, a e lawe hou mai ia lakou io kaua nei i ka waonahele. A mamuli o ke ano o keia olelo, i hoololu ae ko'u makuakane, o Lehi, i ko'u makuahine, ia Saria, no makou, ia makou e hele ana i ka waonahele e pii aku i ka aina o Ierusalem, i loaa ka mooolelo o ka poc Iudaio.

45. A ia makou i hoi hou ai i ka halelewa o ko'u makuakane, aia hoi, ua piha laua i ka olioli, a ua hoololuia ko'u makuahine: a olelo mai la oia, i ka i ana, Ano, ke ike io nei au ua kauoha mai la ka Haku i ka'u kane e holo iloko o ka waonahele; he oiaio, a ua ike io no hoi au ua hoomalu mai la ka Haku i ka'u mau keikikane, a ua hoopakele mai la ia lakou i na lima o Labana, a haawi ae la ia lakou i mana i hiki ai ia lakou ke hooko i ka mea a ka Haku i kauoha mai ai ia lakou. A mamuli o keia ano kana olelo.

46. Hauoli nui loa iho la laua, a kaumaha iho la i mohai a me na mohai kuni i ka Haku; a haawi aku la laua i ke aloha i ke Akua o ka Israela. A mahope iho o ko laua hoomana aloha ana i ke Akua o ka Israela, lawe aku la ko'u makuakane, o Lehi, i na mooolelo i kahakahahaia maluna o na papa keleawe, a imi iho la oia ia mau mea mai ka hoomaka ana. A ike iho la oia aia no iloko olaila na buke elima a Mose, ka mooolelo e hoakaka ana no ka hanaia 'na o ke ao nei, a me Adamu laua me

Ewa, na kupuna mua o kakou; a he mooolelo no hoi o ka poe Iudaio, mai kinohi a hiki i ka hoomaka ana o ke au ia Zedekia, ke alii o Iuda; a me na wanana no hoi a na kaula hemolele, mai kinohou a hiki i ka hoomaka ana o ke au ia Zekekia; a o na wanana he nui wale i oleloia e ka waha a Jeremias.

47. Eia kekahī, loaa iho la i ko'u makuakane, ia Lehi, maluna iho o na papa keleawe, ke kuauhau o kona poe kupuna; no ia mea, ua ike oia he mamo ia na Iosepa; he oiaio, o ua Iosepa la ke keiki a Iakoba, ka mea i kuaia i Aigupita, a o ka mea hoi i hooleria e ka lima o ka Haku, i hiki ia ia ke hooia i kona makuakane, ia Iakoba, a me ko kona hale a pau, i ka make ana i ka wi. A ua alakaiia'ku lakou no hoi mailoko mai o ka noho pio ana, a mailoko mai o ka aina o Aigupita, e kela Akua hookahi no, nana i hoola ia lakou. A pela i loaa'i i ko'u makuakane, ia Lehi, ke kuauhau o kona poe kupuna. A he mamo no hoi o Labana na Iosepa, no ia mea, ua malama oia me kona mau makua i na mooolelo.

48. A, i ka wa a ko'u makuakane i ike ai i ua mau mea nei a pau, ua piha iho la ia me ka uhane, a hoomaka iho la e wanana mai no kana poe hua; e hele aku auanei keia mau papa keleawe i na lahuikanaka a pau, me na ohana, na olelo, a me na kanaka o kana hua. Nolaila, i mai la oia aole e pōpo ana keia mau papa keleawe; aole hoi e ponalonalo ana i ka waiho loihi ana. A ua wanana mai la oia i na mea he nui loa e pili ana i kana poe hua.

49. Eia kekahī, a hiki i keia manawa ua malama pono wau a me ko'u makuakane i na kauoha a ka Haku, ana i kanoha mai ai ia maua. A ua loaa mai ia makou ka mooolelo a ka Haku i kauoha mai ai ia makou, a imi iho la i ua mau mea nei a ike makou he mau mea i makemakeia; he oiaio, he mea maikai loa ia makou, no ka mea, e hiki ia makou ke malama i na kauoha a ka Haku no ka makou poe keiki. No ia mea, he mea pono ia i ko ka Haku manao e halihali pu makou ia mau mea me makou, i ko makou hele ana ma ka waonahele i ka aina i olelo mua ia'i.

MOKUNA II.

1. Ano, aole au, o Nepai e kakau ana i ke kuauhau o ko'u poe kupuna ma keia wahia o ko'u mooolelo; aole hoi ma kahi manawa e aku e kakau ai au ia mea maluna o keia mau papa a'u e kakau nei; no ka mea, ua kakauia iloko o ka mooolelo i malamaia e ko'u makuakane; nolaila aole au e kakau ia iloko o keia buke. No ka mea, ua lawa ka'u olelo ana, he mamo makou na Iosepa. A ua makemake ole au e kakau i mooolelo loihi o na mea a pau o ko'u makuakane, no ka mea, aole e hiki ke kakauia ia mau mea maluna o keia mau papa, no ka mea, ke makemake nei au i kahi kaawale e kakau ai au no na mea o ke Akua. No ka mea, eia ko'u makemake nui e hiki ia'u ke koi aku i na kanaka e hele mai i ke Akua la o Abera-

hama, i ke Akua o Isaaka, a i ke Akua o Iakoba, a e hoolaia. Nolaila, o na mea e olioli ai ko ke ao nei, aole au i kakau, aka o na mea e olioli ai ke Akua a me ka poe aole o ko ke ao nei. No ia mea, e haawi aku auanei au i kauoha i ka'u mau hua, i hoopiha ole ai lakou i keia mau papa i na mea e pomaikai ole ai na keiki a kanaka.

2. Ano, ke makemake nei au e ike oukou, mahope iho o ka pau ana o ka wanana ana o ko'u makuakane, o Lehi, i na mea e pili ana i kana poe hua, olelo hou mai la ka Haku ia ia, i ka i ana, he mea pono ole nona, no Lehi, e laweaku i kona ohana wale no i ka waonahele; aka na kana mau keikikane e lawe mai i na kaikamahine i mau wahine na lakou, i hiki ai ia lakou ke hoohua mai i na hua no ka Haku, iloko o ka aina i olelo mua ia'i.

3. Eia kekahih, kauoha mai la ka Haku ia ia, e hoi hou aku au, o Nepai, a me ko'u mau hoahanau i ka aina o Ierusalem, a e lawe mai ia Isemaela a me kona ohana ilalo iloko o ka waonahele.

4. Eia kekahih, hele hou aku la au, o Nepai, me ko'u mau hoahanau iloko o ka waonahele e pii aku i Ierusalem. Pii aku la makou i ka hale o Isemaela, a ua loaa ia makou ka lokomaikai imua o ke alo o Isemaela, a olelo aku la makou ia ia i na olelo a ka Haku.

5. Eia kekahih, hoopalupalu mai la ka Haku i ka naau o Isemaela, a me ko kona hale no hoi, a hele pu lakou me makou ilalo iloko o ka waonahele, i ka halelewa o ko makou makuakane. Eia kekahih, i ko makou hele ana i ka waonahele, aia hoi, kipi mai la o Lamana laua me Lemuela, a me na kaikamahine elua o na kaikamahine a Isemaela, a me na keikikane elua a Isemaela, a me ko lakou mau ohua ia makou; he oiaio, e ku e mai ia'u, o Nepai, a ia Sama, a i ko lakou makuakane ia Isemaela, a me kana wahine, a me kana mau kaikamahine ekolu i koe.

6. Eia kekahih, ma ua ku e ana nei ua makemake lakou e hoi i ka aina o Ierusalem. Ano hoi, ua kaumaha iho la au, o Nepai, no ka paakiki o ko lakou mau naau, nolaila, olelo aku la au ia lakou, i ka i ana, ia Lamanā a ia Lemuela, Aia hoi, he mau kaikuaana olua no'u; no ke aha la ka paakiki loa o olua ma ko olua mau naau, a me ka pouli no hoi ma ko olua hoomaopopo ana, i lilo ia i mea pono no olua, na'u, na ko olua kaikaina, e olelo aku ia olua, he oiaio, a e lilo i mea e hoohalike ai no olua? No ke aha la i hoolohe ole ai olua i ka olelo a ka Haku? No ke aha hoi olua i hoopoina iho ai i ko olua ike ana i kekahih anela o ka Haku? No ke aha la i hoopoina ai olua i na mea nui a ka Haku i hana mai ai no kakou, i ka hoopakele ana ia kakou mailoko mai o na lima o Labana, a i loaa no hoi ia kakou ka mooolelo? He oiaio, a no ke aha hoi i hoopoina iho ai olua, ua hiki i ka Haku ke hana i na mea a pau, e like me kona makemake, no na keiki a kanaka, ke hana lakou ma ka manaoio iloko ona; nolaila, e hoomau pono kakou ia ia. A ina e hoomau pono kakou ia ia, e loaa auanei ia kakou ka aina i olelo mua ia'i; a e ike auanei oukou, i kekahih manawa aku, i ka hookioia ana o ka olelo a ka Haku, e pili ana i ka lukuia'na o Ierusalem; no ka mea, o na mea a pau a ka Haku i olelo mai ai no Ierusalem e hookioia no ia e pono ai. No ka mea, aia hoi, e hooki koke ana ka

Uhane o ka Haku i ka paio ana me lakou; no ka mea, aia hoi, ua hooma-lau ae la lakou i ka olelo a na kaula, a ua hoolei aku lakou ia Ieremia iloko o ka halepaahao, a ua imi lakou e kaili ae i ke ola o ko'u makuakane, a ua kipaku mai la lakou ia ia mailoko mai o ka aina.

7. Ano hoi, ke i aku nei au ia oukou, ina e hoi aku oukou i Ierusalem, e make pu no hoi oukou me lakou. Ano, ina e makemake oukou, o pii aku i ka aina, a e hoomanao hoi i ka olelo a'u e olelo nei ia oukou, ina e pii oukou, e make no hoi oukou, no ka mea, pela i koi mai ai ka Uhane o ka Huku ia'u e olelo aku.

8. Eia kekahī, i ka wa a'u, a Nepai, i olelo aku ai i keia mau olelo i ko'u mau hoahanau, ua huhu mai la laua ia'u. Eia kekahī, kau mai la laua i ko laua mau lima maluna iho o'u—no ka mea, aia hoi, nui loa iho la ko laua huhu—a nakii mai la laua ia'u i na kaula, no ka mea, imi iho la laua e lawe aku i ko'u ola, i hiki ai ia laua ke haalele ia'u ma ka waona-hele, e aia e na holoholona hiliu.

9. Aka, eia kekahī, pule aku la wau i ka Haku, i ka i ana, E ka Haku e, e like me ko'u manaoio iloko ou, e hoopakele mai oe ia'u, mai na lima mai o ko'u mau hoahanau, he oiaio, e haawi mai ia'u i ka ikaika e hiki ia'u ke moku i keia mau kaula a'u i paa'i.

10. Eia kekahī, ia'u i olelo aku ai i keia mau olelo, aia hoi, ua hemo wale ae la na kaula mailuna aku o ko'u mau lima, a me ko'u mau kapuiai, a ku ae la wau imua o ko'u mau hoahanau, a olelo hou aku la ia laua.

11. Huhu hou mai la laua ia'u, a imi iho la e kau mai i na lima maluna iho o'u. Aka hoi, o kekahī o na kaikamahine a Isemaela, a me kona makuwahine no hoi, a me kekahī o na keikikane a Isemaela, nonoi aku la lakou i ko'u mau hoahanau, a hoopalupalu ae la lakou i ko laua mau naau, a hooki iho la laua i ko laua hooikaika ana e kaili aku i ko'u ola.

12. Eia kekahī, ua kaumaha iho la laua no ko laua hewa, a kulou iho la laua imua o'u me ka nonoi mai ia'u, e kala aku au i ka hewa a laua i hana mai ai ia'u.

13. Eia kekahī, kala aku la no wau ia laua me ka manao ole aku i na mea a pau a laua i hana'i. A hooikaika aku la au ia laua e pule aku i ka Haku, i ko laua Akua, no ke kalaia'na mai. A hana iho la laua pela. A pau ka laua pule ana i ka Haku, alaila, hele hou aku la makou ma ko makou hele ana i ka halelewa o ko makou makuakane.

14. Eia kekahī, hiki aku la makou i ka halelewa o ko makou makuakane. A mahope iho o ko'u hiki ana, a me ko'u mau hoahanau, a me ko ka hale a pau o Isemaela, i ka halelewa o ko'u makuakane, haawi aku la lakou i ke aloha i ka Haku, i ko lakou Akua; a kaumaha aku la lakou i mohai, a me na mohai kumi ia ia.

15. Eia kekahī, ua hoiliili mai la makou i na hua a pau o kela ano o keia ano; o ka hua liilii o kela ano o keia ano. Eia kekahī, i ka noho ana o ko'u makuakane i ka waonahele, olelo mai la oia ia makou, i ka i ana, Aia hoi, ua moe au i ka moe, a ua ike iho wau i ka hihio. Aia hoi, no ka mea a'u i ike ai, he kumu no ko'u e hanoli ai i ka Haku no Nepai a

no Sama no hoi; no ka mea, he kumu no ko'u e manao ai e hoolaia auanei laua a me na hua a laua he nui wale. Aka hoi, e Lamana a me Lemuela, ke makau nui loa nei au no olua; no ka mea, aia hoi, manao iho la au ua ike au iloko o ko'u moe, i kekahī auakua pouli a eehia.

16. Eia kekahī, ike aku la au i kekahī kanaka ua hoaahuia oia i kekahī aahu keokeo; a hele mai la oia a ku imua o'u. A olelo mai la oia ia'u, a kauoha mai la oia ia'u e hahai ia ia. Eia kekahī, i ko'u hahai ana ia ia, ike iho la au aia wau iloko o kahi neoneo, pouli, a cehia. A mahope iho o ko'u hele ana no kekahī mau hora iloko o ka pouli, hoomaka iho la au e pule i ka Haku, nana e aloha mai ia'u, e like me ka nui o kona lokomaikai oluolu.

17. Eia kekahī, mahope iho o ka'u pule apa i ka Haku, ike aku la au i kekahī aina kula, ua nui a akea hoi. A ike aku la au i kekahī laau, a o kona hua he mea i makemake loa ia e hoopomaikai ai.

18. Eia kekahī, hele aku la au, a ai iho la i kona hua; a ike iho la au ua ono loa ia, mamua o na mea a pau a'u i hoao mua ai. He oiaio, a ua ike au i kona hua he keokeo ia, e oi ana mamua o na mea keokeo a pau a'u i ike ai. A i ko'u ai ana i kona hua, ua hoopiha mai la ia i ko'u naau me ka hauoli nui loa; no ia mea, ua kupu mai ko'u makemake e ai pu no hoi ko'u ohana; no ka mea, ua ike au ua makemakeia oia mamua o na hua e ae a pau. A i ka alawa ana ae o ko'u mau maka i o a ia nei, malia paha e loaa ia'u ko'u mau ohua, ike aku la au i kekahī kahawai, e kahe ana ia, a ua kokoke ia i ka laau nona ka hua a'u i ai ai. A nana aku la au e ike i kona wahī i kahe mai ai; a ike aku la au i ke kumu ona aole mamao aku mai o'u aku; a ma ua kumu la, ike aku la au i ko oukou makuwahine, ia Saria, a me Sama, a me Nepai; a ku iho la lakou me he mea la aole lakou i ike ko lakou wahī e hele ai.

19. Eia kekahī, peahi aku la au ia lakou, a olelo aku la no hoi au ia lakou, me ka leo nui, e hele mai lakou io'u la, a e ai i ka hua i makemakeia mamua o na hua e ae a pau.

20. Eia kekahī, hele mai la lakou io'u la, a ai iho la no hoi i ka hua. A ua makemake au e hele mai no hoi o Lamana a me Lemuela, a e ai no hoi i ka hua; nolaila, alawa ae la au i ko'u mau maka i ke kumu o ke kahawai, malia paha o ike au ia laau.

21. Eia kekahī, ike aku la au ia laau, aole nae laau e hele mai io'u la. A ike aku la au i kekahī kookoo hao; e waiho loihi ana ia ma ke kapa o ke kahawai, a hiki mai i ka laau, kahi a'u i ku ai. A ua ike no hoi au i kekahī ala pololei a ololi, ma ka aoao o ke kookoo hao, a hiki i ka laau kahi a'u e ku ana; a hele no hoi ia ala ma ke kumu o ke kahawai i kekahī aina kula, ua nui a akea, me he honua okoa la ia; a ike aku la au i na lehulehu o kanaka aole pau i ka heluia; e lulumi mai ana he nui wale o lakou, e loaa ia lakou ke ala e hiki mai ai i ka laau, kahi a'u i ku ai.

22. Eia kekahī, hele mai la lakou, a hoomaka ma ke ala e hele ana i ka laau. Eia kekahī, pii mai la he ohu pouli; he oiaio, he ohu nui a pouli, a o ka poe i hoomaka ma ke ala, hili ae la lakou, a auwana aku la, a nallowale iho la lakou.

23. Eia kekahi, ike aku la au i na mea e ae e lulumi mai ana; a hele mai la, a lalau aku la i ka welau o ke kookoo hao; a hooikaika mai la lakou iwaena o ka ohu pouli, a e hoopaa ana i ke kookoo hao, a hiki mai la lakou a ai i ka hua o ka laau. A mahope iho o ko lakou ai ana i ka hua o ka laau, alawa ae la lakou i ko lakou mau maka i o a ia nei, me he mea la ua hilahila lakou. A owau kekahi i alawa'e i ko'u mau maka i o a i o, a ike aku la au ma kela aoao o kekahawai, i kekahi hale nui a akea; a ku iho la ia me he mea la ma ka lewa, a kiekie maluna o ka honua; a ua piha ia i na kanaka, na mea kahiko a me na mea hou, na kane a me na wahine; a o keano o ko lakou kapa he maikai loa ia; a e ku ana lakou e hoomae-waewa mai ana, a e kuhikuhi ana me ko lakou manamana lima i ka poe i hiki mai, a e ai ana i ka hua. A mahope iho o ko lakou hoao ana i ka hua, hilahila iho la lakou, no na mea e hoowawahawa ana ia lakou; a haule aku la lakou i na ala i papaia, a nallowale iho la.

24. Ano hoi, aole au, o Nepai, e olelo aku i na olelo a pau o ko'u makuakane. Aka i pokole ia ma ka palapala ana, aia hoi, ike aku la oia i na lehulehu e ae e hooikaika ana; a hele mai la lakou a lalau ae la i ka welau o ke kookoo hao; a hooikaika ae la lakou imua, e puili mau ana i ke kookoo hao, a hiki mai la lakou, a hina ilalo, a ai iho la i ka hua o ka laau. A ike no hoi oia i na lehulehu e ae e huli ana i ko lakou ala i ua hale nui la a akea.

25. A eia kekahi, ua nui loa ka poe i make i ka hohonu o ke kumuwai; a he nui no hoi i nallowale i kona ike aku, e auwana ana ma na ala-nui e. A he lehulehu ka poe i komo aku ai iloko o ua hale ano e la. A mahope iho o ko lakou como ana iloko o ua hale la, ua kuhikuhi mai la lakou me ka manamana lima, e hoowawahawa mai ana ia'u, a i ka poe no hoi e ai pu ana i ka hua; aka aole o makou manao ia lakou. O na olelo a ko'u makuakane keia: no ka mea, o ka poe i manao ia lakou, ua haule iho la. A o Lamana me Lemuela aole laua i ai i ka hua, wahi a ko'u makuakane.

26. A mahope iho o ka olelo ana a ko'u makuakane i na olelo a pau o kona moe a o kona hihio, a he nui loa ua mau olelo la, i mai la oia ia makou, no na mea ana i ike ai iloko o ka hihio, ua makau nui loa iho la oia no Lamana laua me Lemuela; he oiaio, ua makau oia o hooleiia'ku laua mai ke alo aku o ka Haku; a hooikaika aku la oia ia laua, me ke aloha nui e like me ka makua lokomaikai, e hoolohe mai laua i kana mau olelo, i aloha mai paha ka Haku ia laua, aole e hoolei aku ia laua mai ona aku; he oiaio, ao aku la ko'u makuakane ia laua.

27. A mahope iho o kana ao ana 'ku ia laua, a me kana wanana ana ia laua no na mea he nui, kauoha aku oia ia laua e malama pono i'na kauoha a ka Haku; a hooki ae la oia i ka olelo ana ia laua. A o keia mau mea a pau a ko'u makuakane i ike ai, a i lohe ai, a i olelo ai, ia ia i noho ai iloko o ka halelewa ma ke awawa o Lemuela; a me na mea e ae no hoi he nui loa, aole i hiki ke kakauia maluna iho o keia mau papa. Ano hoi, ua olelo no au no keia mau papa, aia hoi, aole maluna o ua mau papa nei au i kakau pau loa ai i ka mooolelo o ko'u poe kanaka; no ka mea, o na

papa kahi a'u i kakau ai i ka mooolelo a pau o ko'u poe kanaka, ua kapaaku au i ka inoa o Nepai; no ia mea, i kapaina'i ua mau mea la na papa o Nepai, mamuli o ko'u inoa ponoi; a ua kapaina keia mau papa no hoi na papa o Nepai.

28. Aka hoi, ua loaa mai ia'u he kauoha na ka Haku mai, e hanaaku au i keia mau papa, no keia mea wale no, i kahakahaia ka mooolelo no ka lawelawe ana o ko'u poe kanaka ma ka oihana kahuna. A maluna o na papa e ae e kahakahaia ka mooolelo o ka noho alii ana o na 'lili, a me na kaua a me na paio o ko'u poe kanaka; nolaila, o ka hapa nui o keia mau papa no ka hana ma ka oihana kahuna ia; a o ka hapa nui o na papa e ae no ka noho alii ana o na 'lili, a me na kaua a me na paio o ko'u poe kanaka no ia. No ia mea, ua kauoha mai la ka Haku ia'u e hana i keia mau papa, no kekahi manao naauao iloko ona: o ua manao la ua ike ole au. Aka ua ike mai la ka Haku i na mea a pau mai kinohi mai; nolaila, e hoomakaukau no oia i ala, e hooko ai i kana mau hana a pau mawaena o na keiki a kanaka; no ka mea, aia hoi, ia ia no ka mana a pau i ka hooko ana i kana mau olelo a pau. A pela io no. Amene.

MOKUNA III.

1. Ano, ke hoomaka nei au, o Nepai, e kakau i mooolelo maluna o keia mau papa, no ka'u hana ana, a me ko'u noho alii ana, a me ka hana ma ka oihana kahuna, nolaila, i ke kakauia ana o ko'u mooolelo iho he pono no'u e olelo uuku no na mea o ko'u makuakane, a me na hoahanau hoi o'u.

2. No ka mea, eia kekalii, a pau aku la ka olelo ana a ko'u makuakane i na olelo o kona moeuhane, a me kona paipai ana ia laua e ikaika loa, olelo mai la oia ia laua no ka poe Iudaio. A mahope aku o ko lakou lukuia ana, he oiaio, o ua kulanakauhale nui la o Ierusalema, (a he nui loa ka poe e lawe pio ia i Babulona, e like me ka manawa ku pono o ka Haku,) e hoihoi hou ia auanei lakou; he oiaio, e lawe hou ia mai mailoko mai o ka noho pio ana; a mahope iho o ko lakou hoi hou ana mailoko mai o ka noho pio ana, e noho hou no auanei lakou ma ko lakou aina hooilina.

3. He oiaio, he mau haneri makahiki econo mai ka wa a kou makuakane i haalele ai ia Ierusalema, e hoala mai ana ka Haku ke Akua, i kekahi kaula iwaena o ka poe Iudaio; he oiaio, he Mesia, a ma na olelo e ae, he Mea e Ola'i ko ke ao nei. A olelo mai la no hoi oia no na kaula, ua hoike mai la ka nui loa o lakou no ia mau mea, no ua Mesia nei, nona kana olelo ana, a oia ka Mea e hoolapanai i ko ke ao nei. Nolaila, o ko ke ao nei a pau, ua lilo, a ua haule no hoi, a e mau loa aku lakou pela, ke ole lakou e hilinai aku maluna o ua Mea Hoola nei.

4. A olelo no hoi oia no kekahi kaula, nana e hele mai imua o ka Mesia, e hoomakaukau i ke ala o ka Haku; he oiaio, e hele no auanei oia a e kala ma ka waonahele, E hoomakaukau oukou i ke alanui o ka Haku,

a e hana i kona mau kuamoo i pololei; no ka mea, ke ku nei kekahia iwaena o oukou, ka mea a oukou i ike ole ai, a ua nui aku kona mana mamua o'u, aole au e pono ke kala ae i ke kaula o kona kamaa. A ua nui ka olelo a ko'u makuakane no ua mea nei.

5. A i mai la ko'u makuakane e bapetizo no ia ma Betabara, ma kela aoao o Loredane; a i mai la no hoi ia e bapetizo no oia me ka wai; he oiaio, e bapetizo auanei ia i ka Mesia me ka wai. A mahope iho o kona bapetizo i ka Mesia me ka wai, e ike no oia a e hoike aku, ua bapetizo aku oia i ke Keikihipa a ke Akua, nana e lawe aku i ka hala o ko ke ao nei.

6. Eia kekahia, a pau ae la ka olelo ana a ko'u makuakane i keia mau olelo, olelo ae la oia i ko'u mau hoahanau no ka euanelio e hajia ana iwae-na o ka poe Iudaio; a no ka emi'ana no hoi o ka poe Iudaio iloko o ka hoomaloko. A mahope aku o ko lakou pepehi ana i ka Mesia, ka mea e hele mai ana, a mahope aku o kona make ana, e ala no oia mai ka make mai, a e hoike aku ma ka Uhane Hemolele, ia ia ilo i ka poe Genetile.

7. He oiaio, ua olelo nui mai la ko'u makuakane no ka poe Genetile, a no ko ka hale o Israela, e hoohalikeia auanei lakou me kekahia laau oliva, o kona mau lala e haihaiia ananei, a e hoopuehuia aku maluna o ka ili a pau o ka honua. Nolaila, i mai la ia he mea e pono ai e alakaiia kakou me ka lokahi o ka manao, i ka aina i hai mua ia'i, i ka hooko ana i ka olelo a ka Haku, e hoopuehuia'i kakou maluna o ka ili a pau o ka honua. A mahope aku o ka hoopuehuia'na o ko ka hale o Israela, e houluulu hou ia lakou; a mahope aku o ka loaa ana i ka poe Genetile ka euanelio mana a pololei, e pakuiia auanei na lala maoli o ka laau oliva, oia na koena o ko ka hale o Israela, a e loaa ia lakou ka ike i ka Mesia oiaio, ko lakou Haku a me ko lakou Mea e Ola'i. A maimuli o ke ano o keia mau olelo wanana aku la kuu makuakane, a olelo ae la i ko'u mau hoahanau; a me na mea e ae no hoi he nui wale, a'u i kakau ole ai iloko o ua buke nei; no ka mea, ua kakau ati i na mea i ku pono ia'u o ua mau mea nei iloko o ka'u buke e ae. A ua hanaia keia mau mea a pau a'u i olelo ai, i ka noho ana o ko'u makuakane iloko o ka halelewa, ma ke awawa o Lemuelia.

8. Eia kekahia, owau, o Nepai, mahope iho o ko'u lohe ane i na olelo a pau a ko'u makuakane, no na mea ana i ike ai iloko o ka hihio; a me na mea no hoi ana i olelo mai ai ma ka mana o ka Uhane Hemolele; a o ua mana la ua loaa ia ia ma ka manaoio ma ke Keiki a ke Akua; a o ke Keiki a ke Akua oia ka Mesia e hele mai ana; ua makemake no hoi wau, o Nepai, e nana, a e lohe, a e ike i keia mau mea, ma ka mana o ka Uhane Hemolele, o ka haawina no ia o ke Akua i ka poe a pau e imi ikaika ana ia ia, i ka wa kahiko no hoi e like me ka wa ana e hoike mai ai ia ia iho i na keiki a kanaka; no ka mea, oia mau no ia, inehinei, a i keia la, a i ka wa pau ole; a ua hoomakaukaia ke ala no na kanaka a pau, mai ka hoomakaukaia ana mai o ke ao nei, ina e mihi lakou a e hele aku io na la; no ka mea, o ka mea e imi ikaika ana e loaa no ia ia; a e weheia na mea pohihi o ke Akua ia lakou, ma ka mana o ka Uhane Hemolele, i keia manawa no hoi e like me na manawa kahiko; a i na la kahiko no hoi e

like me na manawa e hiki mai ana; nolaila, o ka hana a ka Haku oia hoo-kahi mau loa no ia. Nolaila, E hoomanao, e ke kanaka, no kau hana a pau, e hookolokoloia auanei oe. No ia mea, ina ua imi oukou e hana i ka hewa ma na la o ko oukou noho ana ma ka honua, alaila, ua loaa oukou me ka paumaele imua o ka noho hookolokolo o ke Akua; aole loa e hiki i kekahi mea paumaele ke noho pu me ke Akua; nolaila, e hooleia aku oukou no ka wa pau ole e pono ai. A ke haawi mai nei ka Uhane Hemolele i ka mana ia'u e olelo aku i kcua mau mea, aole e hoole aku.

9. No ka mea, eia kekahi mahope iho o ko'u ake ana e ike i na mea a ko'u makuakane i ike ai, a e manaoio ana no au ua hiki i ka Haku ke hoike mai ia mau mea ia'u, i ko'u noho ana e nalu ana i kuu naau iho, kaililia aku la au iloko o ka Uhane o ka Haku, i kahi mauna kiekie loa, a'u i ike ole ai mamua, ma kahi a'u i ku ole ai ko'u wawae mamua. A i mai la ka Uhane, Aia hoi, heaha kau mea e makemake ai? A i aku la au, Ke makemake nei au e ike i na mea a ko'u makuakane i ike ai. I mai la ka Uhane ia'u, Kemanaoio nei anei oe, ua ike kou makuakane i ka laau ana i olelo aku ai? A i aku la au, Ae, ua ike oe ua manaoio au i na olelo a pau a ko'u makuakane.

10. A pau keia mau olelo i ka oleloia e au, hooho aku la ka Uhane me ka leo nui, i ka i ana, Hosana i ka Haku, ke Akua kiekie loa; no ka mea, oia ke Akua maluna o ka honua a pau, he oiaio, maluna iho o na mea a pau loa: a pomaikai no oe, e Nepai, no ka mea, ua manaoio oe i ke Keiki a ke Akua kiekie loa; nolaila, e ike no oe i na mea au i makemake ai. Aia hoi, e haawia keia mea ia oe i hoailona, mahope iho o kou ike ana i ka laau nana i hoohua mai i ka hua a kou makuakane i hoao ai, e ike no hoi oe i kekahi kanaka e iho mai ana noloko mai o ka lani, a e ike oe ia ia, a mahope aku o kou ike ana ia ia, nau e hoike aku, oia no ke Keiki a ke Akua.

11. Eia kekahi, i mai la ka Uhane ia'u, E nana'ku! a nana aku la au a ike aku la i kahi laau, a ua like ia me ka laau a ko'u makuakane i ike ai; a o ka nani o ua laau nei ua oi loa aku ia, he oiaio, e oi aku ana mamua o na nani a pau; a o kona keokeo ua oi aku ia mamua o ke keokeo o ka hau maemae.

12. Eia kekahi, i ka wa a'u i nana aku ai i ka laau, i aku la au i ka Uhane, Ke ike nei au, ua hoike mai oe ia'u i ka laau i maikai maluna o na mea a pau. A i mai la oia, Heaha kau makemake? I hou aku la au ia ia, E ike i ke ano maopopo o keia mea; no ka mea, ua olelo aku la au ia ia me he kanaka la e olelo ana; no ka mea, ua ike aku la au ma ke ano o ke kanaka ia; aka, ua ike nae au o ka Uhane o ka Haku no ia; a olelo mai la oia ia'u me he kanaka la e olelo pu ana me hai.

13. Eia kekahi, i mai la oia ia'u, E nana! A nana aku la au me he mea la e nana aku ia ia, aole nae au i ike ia ia; no ka mea, ua hala aku la oia mai ko'u alo aku.

14. Eia kekahi, nana aku la au a ike iho la i ke kulanakauhale nui o Ierusalem, a me na kulanakanhale e ae no hoi. A ike aku la au i ke

kulanakauhale o Nazareta; a iloko o ke kulanakauhale o Nazareta ike aku la au i kekahи wahine puupaa, a nui loa kona maikai a me kona keokeo.

15. Eia kekahи, ike aku la au i na lani e hamama ana, a iho mai la kekahи anela a ku iho la imua o'u; a i mai la oia ia'u, E Nepai, heaha kau e ike nei? A iaku la au ia ia, He wahine puupaa, nani loa a maikai māmua o na wahine puupaa e ae a pau. A i mai la ia ia'u, Ke ike nei anei oe i ko ke Akua hoohaahaa ana ia ia iho? Iaku la au ia ia, Ua ike au he aloha kona i kana poe keiki; aole nae au i ike i ke ano o na mea a pau. A i mai la oia ia'u, Aia hoi, o ka wahine puupaa au e ike nei, o ka makuhahine ia o ke keiki a ke Akua, mamuli o ke ano o ke kino.

16. Eia kekahи, ike aku la au ua kaililia aku la oia ma ka Uhane; a mahope iho o kona kaililia ana'ku ma ka Uhane no kekahи manawa, olelo mai la ka anela ia'u, i ka i ana, E nana'ku! A nanaaku la au, a ike hou aku la i ka wahine puupaa, e kaikai ana i kahi keiki ma kona mau lima. A i mai la ka anela ia'u, E nana'ku i ke Keikihipa a ke Akua, he oiaio no, i ke Keiki a ka Makua mau loa! Ke ike nei anei oe i ke ano maopopo o ka laau a kou makuakane i ike ai? A paneaku la au ia ia, i ka i ana, Ae, o ke aloha o ke Akua no ia, e niini ana ia ia iho mawaena o na naau o na keiki a kanaka; nolaila, o ka mea ia e makemakeia maluna o na mea a pau. A olelo mai la oia ia'u, i ka i ana, He oiaio, a o ka mea ia e olioli loa ai ka naau. A pau kana olelo ana i keia mau olelo, i mai la oia ia'u, E nana'ku! A nanaaku la au, a ikeaku la i ke Keiki a ke Akua e hele aku ana mawaena o na keiki a kanaka, a ike no hoi au i na mea he nui e hina ana ilalo ma kona mau wawae, a hoomanaaku ia ia.

17. Eia kekahи, ikeaku la au o ke kookoo hao a ko'u makuakane i ike ai, o ka ke Akua olelo no ia, e alakai ana ia mea i ke kumu wai o na wai ola, a i ka laau o ke ola; a o ua wai nei he mea ia e hoohalike ai i ke aloha o ke Akua; a ua ike no hoi au i ka laau o ke ola, he mea ia e hoohalike ai i ke aloha o ke Akua. A i hou mai la ka anela ia'u, E nana'ku a e ike i ko ke Akua hoohaahaa ana ia ia iho! A nanaaku la au a ikeaku la i ka Mea Hoola i ko ke ao nei, oia ka mea a ko'u makuakane i olelo mai ai; a ikeaku la no hoi au i ke kaula, nana e hoomakaukau i ke ala imua ona. A heleaku la ke Keikihipa a ke Akua a ua bapetizoia e ia; a mahope iho o kona bapetizoia'na ikeaku la au i na lani ua hamama, a iho iho la ka Uhane Hemolele mailoko mai o ka lani, a kau maluna ona me he manu nunu la. A ua ikeaku la au ua heleaku oia e lawelawe ana i na kanaka, ma ka mana a me ka nani nui; a ua hoakoakoia na lehulehu e hoolohe ia ia; a ikeaku la au ua hoolteiaku lakou ia ia maiwaenaaku o lakou. A ike no hoi au i na mea e ae he umikumamalua e hahai ana ia ia.

18. Eia kekahи, ua kaililiaaku lakou iloko o ka Uhane, mai ko'u aleaku, aole au i ike ia lakou. Eia kekahи, olelo hou mai la ka anela ia'u, i ka i ana, E nana'ku! A nanaaku la au, a ikeaku la au i na lani ua hamama hou, a ike au i na anela e iho mai ana maluna o na keiki a kanaka; a lawelawe ae la lakou ia lakou la. A olelo hou mai la oia ia'u, i ka i ana, E nana'ku! A nana au, a ikeaku la i ke Keikihipa a ke Akua e heleaku ana iwaena

o na keiki a kanaka. A ike aku la au i na kanaka mai he nui loa, **a ua** loohia i na mai o na ano a pau, a me na daimonio, a me na uhane haumia; **a olelo** mai la ka anela, a hoike mai la i keia mau mea a pau ia'u. A ua hoolaia lakou e ka mana o ke Keikihipa a ke Akua; a ua mahikii'a'ku na daimonio a me na uhane haumia.

19. Eia kekahи, olelo hou mai la ka anela ia'u, i ka i ana, E nana'ku! **A** nana au a ike aku la i ke Keikihipa a ke Akua, a ua laweia 'ku e na kanaka; he oiaio, ua hookolokoloia ke Keiki a ke Akua mau loa e ko ke ao nei; a ua ike au a hoike aku la. A ike aku la wau, o Nepai, ua hookekieia oia iluna ma ke kea, a pepehiia iho la no na hala o ko ke ao nei. **A** mahope iho o kona pepehiia ana, ike aku la au i na lehulehu o ka honua, ua hoakoaoaia'e la lakou e kauaaku i na aposetolo a ke Keikihipa; no ka mea, pela i kapaia'i ka poe umikumamalua e ka anela o ka Haku. **A** akoakoa ae la ka lehulehu o ka honua; a ike aku la au aia lakou iloko o kekahи hale nui a akea, e like me ka hale a kuu makuakane i ike ai! **A** olelo hou mai la ka anela o ka Haku, i ka i ana, E nana 'ku i ko ke ao nei a me ke akamai olaila; he oiaio, E nana 'ku, ua akoakoa pu ae la ko ka hale o Iseraela e kauaaku i na aposetolo he umikumamalua a ke Keikihipa.

20. Eia kekahи, ua ike au a hoike aku la, o ka hale nui a akea, o ka haahleo no ia o ko ke ao nei; a haule iho la ia, a ua nani wale kona haule ana. A olelo hou mai la ka anela o ka Haku ia'u, i ka i ana, Pela auanei ka lukuua ana o na lahuikanaka, na ohana, na olelo, a me na kanaka a pau, e kauaaku ana i na aposetolo he umikumamalua a ke Keikihipa.

21. Eia kekahи, i mai la ka anela ia'u, E nana, a e ike aku i kau hua, a me na hua a kou mau hoahanau! A nanaaku la au a ike aku la i ka aina i hai mua ia'i; a ike aku la au i na lehulehu o na kanaka, he oiaio, me he mea la i ka helu ana, ua like me na onc o ke kai.

22. Eia kekahи, ike aku la au i na lehulehu i houluluia e kaua, kekahи i kekahи; a ike aku la au i na kaua, a me ka lono o na kaua, a me na luku nui ana me ka pahikaua iwaena o ko'u poe kanaka.

23. Eia kekahи, ike aku la au i na hanaua he nui wale e make ana mamuli o ke ano o na kaua a me na paio ma ka aina; a ike aku la au i na kulanakauhale he nui wale, he oiaio no, aole au i helu i ka nui o lakou.

24. Eia kekahи, ike aku la au i ka ohu o ka pouli maluna o ka ili o ka aina i olelo mua ia'i; a ike au i na uila, a lohe au i na hekili, a me na olai, a i kela ano a i keia ano o ka haalulu nui; a ike aku la au ua naha ka honua a me na pohaku; a ike aku la au i na mauna e helelei ana a lilo i mau apana; a ike aku la au i na wahihalalah o ka aina, ua hoapupuuia; a ike aku la au i na kulanakauhale he nui wale, ua poho lakou; a ike aku la au he nui wale o ia mau wahi ua puhia i ke ahii; a ike aku la au he nui wale o ia mau wahi ua hiolo i ka honua, no ka haalulu ana ona.

25. Eia kekahи, mahope iho o ko'u ike ana i keia mau mea, ike aku la au i ka uahi o ka pouli, ua mao loa ae mai ka ili aki o ka honua; a ike aku la au i na lehulehu o na kanaka ua hina iho la, no ka nui a me ka we-liweli o na hoopai ana a ka Haku. A ike aku la au i na lani e hamama

ana, a me ke Keikihipa a ke Akua e iho mai ana mailoko mai o ka lani; a iho ilalo oia a hoike aku la ia ia iho ia lakou. A ike no hoi au a hoike aku la, ua haule ka Uhane Hemolele maluna o na mea e ae he umikumamalua; a ua hooliloia lakou e ke Akua, a ua waeia.

26. A olelo mai la ka anela ia'u, i ka i ana; E nana 'ku oe i na hau-mana he umikumamalua a ke Keikihipa, i kohoia e lawelawe i kau poe hua. A i mai la oia ia'u, Ke hoomanao nei anei oe i na apostolo he umikumamalua a ke Keikihipa? Aia hoi, o lakou ka poe nana e hookolokolo i na ohana he umikumamalua o ka Israela; nolaila, e hookolokoloia auanei na apostolo he umikumamalua o kau poe hua e lakou; no ka mea, no ko ka hale o Israela oukou; a o keia mau apostolo au e ike nei, na lakou e hookolokolo auanei i kau poe hua. A, aia hoi, ua aponoia lakou no ka wa pau ole; po ka mea, no ko lakou manaoio i ke Keikihipa a ke Akua, ua hookeokeoia ko lakou mau aahu i kona koko.

27. A i mai la ka anela ia'u, E nana! A nanaaku la au, a ike aku la ua make na hanauna ekolu ma ka pono; a ua keokeo ko lakou mau aahu, he oiaio, e like me ke Keikihipa a ke Akua. A i mai la ka anela ia'u, o lakou nei ua hookeokeoia i ke koko o ke Keikihipa no ko lakou manaoio iloko ona. A, ike aku la no hoi owau, o Nepai, i na mea he nui wale o ka 'ha o ka hanauna, ua make ma ka pono.

28. Eia kekahī, ike aku la au i na lehulehu o ka honua i houluuluia. A i mai la ka anela ia'u, E nana 'ku i kau poe hua, a i na hua no hoi a kou mau hoahanau! Eia kekahī, nana 'ku la au a ike aku la i na kanaka o ka'u hua i houluuluia he poe nui loa, e ku e i na hua a ko'u mau hoahanau; a na houluulu pu ia lakou e kaua.

29. A olelo mai la ka anela ia'u, i ka i ana, E nanaaku i ke kumu wai o ka wai lepo a kou makuakane i ike ai; he oiaio, i ke kahawai ana i olelo ai; a o na wahi hohonu ona oia no na wahi hohonu o Gehena; a o na ohu o ka pouli oia no na hoowalewale o ka diabolo, e hoomakapo ana i na maka, a e hoopaakiki ana i na naau o na keiki a kanaka, a e alakai aku ana ia lakou me na alanui akea, i make lakou, a ua nalowale no lakou; a o ka hale nui a akea a kou makuakane i ike ai, oia na manao kiekie a me ka haaheo o na keiki a kanaka. A ua hookaawaleia lakou e kekahī awawa nni a weliweli; oia hoi ka olelo o ka hoopai pololei a ke Akua mau loa, a o ka Mesia, oia ke Keikihipa a ke Akua, a nona ka hoike ana o ka Uhane Hemolele, mai ka hookumuia'na o ke ao nei a hiki loa ia nei, a mai keia manawa aku a mau loa aku. A i ka ka anela olelo ana i keia mau olelo, nanaaku la au a ike aku la e paio ana na hua a ko'u mau hoahanau ma ke ku e i ka'u poe hua, e like me ka olelo a ka anela; a no ka haaheo o ka'u poe hua, a me ka hoowalewale ana o ka diabolo, ike aku la au ua lanakila na hua a ko'u mau hoahanau maluna o ka'u poe hua.

30. Eia kekahī, ike aku la au i na kanaka o ka hua a ko'u mau hoahanau, ua lanakila lakou maluna o ka'u poe hua; a hele aku la lakou he poe nui wale maluna o ka ili o ka aina. A ike aku la au ia lakou ua houluulu lehulehu ia; a ike aku la au i na kaua a me na lono o na kaua ma-

waena o lakou, a me na kaua a me na lono o na kaua ua ike aku au i na hanauna he nui i make. A i mai la ka anela ia'u, Aia hoi, e emi auanei o lakou nei iloko o ka hoomaloka.

31. Eia kekahī, ike aku la au mahope iho o ko lakou emi ana iloko o ka hoomaloka, lilo iho la lakou i haulaula a i poe hoopailuaia, a he poe kanaka ekaeka, piha me ka palaualelo a me kela ano a me keia ano o na mea i hoowawahahaia.

32. Eia kekahī, olelo mai la ka anela ia'u, i ka i ana, E nana 'ku! A nana aku la au a ike aku la i na lahuikanaka a me na aupuni he nui wale. A i mai la ka anela ia'u, Ke ike nei oe i keaha? Iaku la au, Ke ike nei au i na lahuikanaka a me na aupuni he nui loa. A i mai la oia ia'u, O lakou nei, oia na lahuikanaka a me na aupuni o ka poe Genetile.

33. Eia kekahī, ike aku la au iwaena o na lahuikanaka o ka poe Genetile i ke kahua o kekahī ekalesia nui. A i mai la ka anela ia'u, E nana aku i ke kahua o kahi ekalesia i ino loa ia maluna iho o na ekalesia e ae a pau, o ka mea ia e pepehi ana i ka poe hoano o ke Akua, he oiaio, a e hoeha ana ia lakou, a e nakii ana ia lakou ilalo, e hooauamo ana ia lakou me kekahī auamo hao, a e lawe ana ia lakou ilalo ma ka noho pio ana.

34. Eia kekahī, ike aku la au i ua ekalesia nui a ino loa la; a ike aku la au o ke diabolo oia ke kahua ona. A ike aku la no hoi au i ke gula, a me ke kala, a me ke kilika, a me ka lole ulaula, a me ka lilina i miloia a nani, a me ka lole maikai o kela ano keia ano, a ike aku la au i na wahine hookamakama he nui wale. A olelo mai la ka anela ia'u, i ka i ana, E nana aku i ke gula, a me ke kala, a me ke kilika, a me ka lole ulaula, a me ka lilina i miloia a nani, a me ka lole maikai, a me na wahine hookamakama, oia ka makemake o ua ekalesia nui a ino loa nei: a i mea i loaa'i ia lakou ka olelo hoomaikai a ko ke ao nei, ke luku nei lakou i ka poe hoano o ke Akua, a lawe ia lakou ilalo ma ka noho pio ana.

35. Eia kekahī, nana aku la au a ike aku la i na kai he nui wale; a hookowa ae la lakou i ka poe Genetile mai ka hua aku a ko'u mau hoahanau. Eia kekahī, i mai la ka anela ia'u, E nana 'ku aia no ka inaina o ke Akua maluna o na hua a kou mau hoahanau! A nana aku la au a ike aku la i kekahī kanaka mawaena o ka poc Genetile, ka poe i hookoaia'i mai na hua aku a ko'u mau hoahanau e na kai he nui loa; a ike aku la au i ka Uhane o ke Akua, ua iho mai la ia ilalo a hooikaika iho la maluna o ke kanaka; a holo aku la ia maluna o na kai nui, a hiki aku i na hua a ko'u mau hoahanau, ka poe e noho ana iloko o ka aina i olelo mua ia'i.

36. Eia kekahī, ike aku la au i ka Uhane o ke Akua, e hooikaika ana ia maluna o na mea e ae o ka poe Genetile; a holo aku la lakou mailoko ae o ka noho pio ana, maluna o na kai nui.

37. Eia kekahī, ike aku la au i na kanaka he nui loa o ka poe Genetile maluna o ka aina i olelo mua ia'i; a ike aku la au i ka inaina o ke Akua, ua kau ia maluna o na hua a ko'u mau hoahanau; a na hoopuehuia lakou imua o ka poe Genetile, a ua hahauia. A ike aku la au i ka Uhane o ka Haku, maluna ia o ka poe Genetile; a hoopomaikaiia no lakou, a

loaa iho la ia lakou ka aina i hooilina no lakou; a ike aku la au ua keokeo lakou, a nani loa a maikai, e like me ko'u poe kanaka, mamua o ko lakou pepehia ana.

38. Eia kekahī, ike aku la owau, o Nepai, i ka poe Genetile, ka poe i hele aku mailoko ae o ka noho pio ana, ua hoohaahaa no lakou ia lakou iho ~~in~~maua o ka Haku; a o ka mana o ka Haku oia pu me lakou; a ike aku la au ua houluuluia ko lakou poe makua Genetile maluna o ke kai, a maluna o ka aina no hoi, e kaua ku e ia lakou; a ike aku la au o ka mana o ke Akua oia pu me lakou; a o ka inaina o ke Akua maluna no hoi ia o ka poe a pau i houluuluia 'ku e kaua ia lakou. A ike aku la wau, o Nepai, ua hoopakeleia aku la ka poe Genetile, ka poe i hele aku mailoko ae o ka noho pio ana, e ka mana o ke Akua, mailoko aku o na lima o na aupuni e ae pau.

39. Eia kekahī, ike aku la au, o Nepai, ua hoopomaikaiia no lakou ma ka aina; a ike aku la au i kekahī buke, a ua halihaliia'ku ia iwaena o lakou. A i mai la ka anela ia'u, Ke ike nei anei oe i ke ano o ka buke? A i aku la au ia ia, Aole au i ike. A i mai la oia, Aia hoi, e puka ana no ia mailoko ae o ka waha o kekahī Iudaio: A ike aku la wau, o Nepai, ia buke; a i mai la oia ia'u, O ka buke au e ike nei, he mooolelo ia o ka poe Iudaio, a iloko ona i kakauia na berita a ka Haku, ana i hana'i i ko ka hale o Israela; a iloko ona no hoi i kakauia na wanana he nui wale a ka poe kaula hemolele; a he mooolelo ia e like me na mea i kahakahaia maluna iho o na papa keleawe, aka aole nae he nui e like me ko na papa; ua kakauia nae iloko ona na berita a ka Haku, ana i hana aku ai i ko ka hale o Israela; nolaila, ua nui ka maikai o ia mau mea i ka poe Genetile.

40. A i mai la ka anela o ka Haku ia'u, Ua ike aku la oe ua puka mai la ka buke mai ka waha mai o kekahī Iudaio; a ia ia i puka mai ai mai ka waha mai o kekahī Iudaio, ua kakauia iloko ona ka euanelio o ka Haku me ka maopopo, ka mea a na apusetolo he umikumamalua i hoike aku ai; a hoike aku la lakou e like me ka oiaio iloko o ke Keikihipa a ke Akua; nolaila, puka aku la keia mau mea me ka pololei loa mai ka poe Iudaio aku i ka poe Genetile, e like me ka oiaio iloko o ke Akua; a ma-hope iho o ka puka ana 'ku o ia mau mea ma o ka lima la o ka poe apusetolo he umikumamalua a ke Keikihipa, mai ka poe Iudaio aku i ka poe Genetile, ke ike nei oe i ke kahua o kekahī ekalesia nui a ino loa, i hoopai-lua loa ia mamua o na ekalesia e ae a pau; no ka mea, aia hoi, ua lawe aku la lakou mai ka euanelio aku o ke Keikihipa, i na mea he nui i moa-kaka a maikai loa; a me na berita no hoi he nui a ka Haku, ka lakou i lawe aku ai; a ua hana iho la lakou i keia mau mea a pau, e hiki ia lakou ke hookahuli ae i na aoao pololei o ka Haku; a e hiki ia lakou ke hoomakapo a ke hoopakiki i na naau o na keiki a kanaka: nolaila, ke ike nei oe a mahope iho o ka hele ana 'ku o ka buke mawaena o na lima o ka ekalesia nui a ino loa, ua nui wale na mea moakaka a maikai loa i laweia 'ku mai ka buke aku, oia ka buke o ke Keikihipa a ke Akua; a pau keia mau mea moakaka a maikai loa i ka laweia 'ku, ua puka aku la ia i na lahui-

kanaka a pau o ka poe Genetile; a mahope iho o kona puka ana 'ku, i na aupuni a pau o ka poe Genetile, he oiaio, i kela aoao o na kai nui au i ike ai me ka poe Genetile i holo aku ai mai ka noho pio ana; ke ike nei oe no ka nui o na mea moakaka a maikai i laweia'ku mailoko aku o ka buke, na mea akaka i ka hoomaopopo ana o na keiki a kanaka, e like me ka moakaka iloko o ke Keikihipa a ke Akua; no keia mau mea i laweia'ku ai mailoko aku o ka euanelio o ke Keikihipa, ua nui loa ka poe i hina, he oiaio, a no ia mea, ua nui loa ko Satana manu maluna iho o lakou; aka hoi, ke ike nei oe o ka poe Genetile i hele ae mai ka noho pio ana, a ua hookiekieia iluna e ka mana o ke Akua, maluna iho o na lahuikanaka e ae a pau e noho ana ma ka aina i maikai maluna o na aina e ae a pau, oia ka aina a ka Haku ke Akua i hana berita ai me kou makuakane, na kona poe hua e loaa auanei i aina hooilina no lakou, aole no lakou la e luku loa i ke koena o kau poe hua i huiia mawaena o kou mau hoahanau; aole no hoi e ae aku oia i ka poe Genetile e anai loa i na hua a kou mau hoahanau; aole hoi e ae aku ka Haku ke Akua e noho mau loa ka poe Genetile iloko o ua noho weliweli ana la o ka pouli, au e ike nei ia lakou iloko, no ka hunaia ana o na mea moakaka a maikai loa o ka euanelio o ke Keikihipa e ua ekalesia ino loa la, au i ike ai e kukuluia'ana ia. Nolaila, wahi a ke Keikihipa a ke Akua, e aloha auanei au i ka poe Genetile, ma ka hoopai ana i ke koena o ko ka hale o Iseraela iloko o ka hoopai nui.

41. Eia kekahī, olelo mai la ka anela o ka Haku ia'u, i ka i ana, Aia hoi, wahi a ke Keikihipa a ke Akua, mahope iho o ko'u hoopai ana i ke koena o ko ka hale o Iseraela, a o ua koena nei a'u i olelo ai, oia na hua a kou makuakane; no ia mea, mahope iho o ko'u hoopai ana ia lakou i ka hoopai, a hahania aku lakou e ka lima o ka poe Genetile; a mahope iho o ko ka poe Genetile hina nui loa ana, no na mea akaka lea a maikai o ka euanelio o ke Keikihipa i hunaia, e ua ekalesia ino loa la, oia ka makuwahine o na wahine hookamakama, wahi a ke Keikihipa; e aloha aku no au i ka poe Genetile i kela la, a no ia mea e hoopuka aku no au ia lakou iloko o ko'u mana iho, he nui o ko'u euanelio i akaka a i maikai, wahi a ke Keikihipa; no ka mea, aia hoi, i mai la ke Keikihipa, e hoike aku auanei au ia'u iho i kau poe hua, a e kakau auanei lakou i na mea he nui a'u e hana aku ai ia lakou, na mea maopopo a maikai; a mahope iho o ka lukuia ana o kau poe hua a me ka emi ana iloko o ka hoomaioko, a o na hua no hoi a kou mau hoahanau; aia hoi, e hunaia auanei keia mau mea, e puka aku i ka poe Genetile, a ma ka haawina a me ka mana o ke Keikihipa e puka aku ai; a iloko o ia mau mea e kakauia'i ko'u euanelio, wahi a ke Keikihipa, a me ko'u pohaku a me ko'u ola; a pomaikai lakou ka poe nana e imi e hoopuka i ko'u Ziouna ma ua la la, no ka mea, ia lakou no auanei ka haawina a me ka mana o ka Uhane Hemolele; a ina e hoomau lakou a hiki i ka hopena, e hookiekieia'e auanei lakou ma ka la hope, a e hoolala i ke aupuni mau loa o ke Keikihipa; a o ka mea nana e hoolaha auanei i ka malu, he oiaio, i na olelo o ka hauoli nui, nani wale auanei lakou maluna o na mauna.

42. Eia kekahi, ike aku la au i ke koena o ka hua a ko'u mau hoahanau, a i ka buke no hoi o ke Keikihipa a ke Akua, ka mea i puka mai, mai ka waha mai o ka Iudaio, a ua hele mai la ia mai ka poe Genetile mai, i ke koena o na hua a ko'u mau hoahanau; a mahope iho o ka puka ana mai o ka buke ia lakou, ike aku la au i na buke e ae, i puka mai ai ma ka mana o ke Keikihipa, mai ka poe Genetile mai ia lakou, i ka hoomaopopoa ana o ka poe Genetile, a me ke koena o na hua a ko'u mau hoahanau, a me ka poe Iudaio no hoi, i hoopuehuia'i maluna o ka ili a pau o ka honua, ua oiaio na mooolelo hoike a na kaula a o na apostolo he umikumamalua a ke Keikihipa.

43. A olelo mai la ka ancla ia'u, i ka i ana, E hooiaio auanei keia mau mooolelo hope, a'u i ike ai mawaena o ka poe Genetile, i ka oiaio o na mea mua, na ka poe apostolo he umikumamalua a ke Keikihipa mai, a e hoike aku auanei i na mea maopopo a maikai i laweia'ku mai o ua mau mea aku la; a e hoike aku auanei i na ohana, a me na olelo, a me na lahuikanaka, o ke Keikihipa a ke Akua oia ke Keiki a ka Makua mau loa, a o ka Mea e Ola'i no hoi o ko ke ao nei; a he mea e pono ai no na kanaka a pau e hele mai io na la, i ole aole e hiki ia lakou ke hoolaia, a he mea e pono ai e hele mai lakou e like me na olelo e hookupaaia'na e ka waha o ke Keikihipa: a e hoikeia'ku auanei na olelo a ke Keikihipa iloko o na mooolelo o kau poe hua, a pela no hoi iloko o na mooolelo o ka poe apostolo he umikumamalua a ke Keikihipa; nolaila, e hookupaaia laua a elua i hookahi; no ka mea, aia no hookahi Akua a hookahi Kahuhipa maluna iho o ka honua a pau; a e hiki mai ana ka manawa e hoike aku ai oia ia iho i na lahuikanaka a pau, i ka poe Iudaio, a i ka poe Genetile no hoi; a mahope iho o kona hoike ana 'ku ia ia iho i ka poe Iudaio, a i ka poe Genetile no hoi, alaila, e hoike aku oia ia ia iho i ka poe Genetile, a i ka poe Iudaio no hoi, a e lilo ka poe hope i mua, a o ka poe mua i hope.

44. Eia kekahi, ina e hoolohe mai ka poe Genetile i ke Keikihipa i ua ja la ana e hoike aku ai ia ia iho ia lakou i ka olelo, a i ka mana no hoi, ma ka hana io, i ka lawe ana 'ku i ko lakou mau mea e hina'i, a e hoopaa-kiki ole lakou i ko lakou naau e ku e i ke Keikihipa a ke Akua, alaila, e heluia auanei lakou iwaena o na hua a kou makuakane; he oiaio, e heluia auanei lakou iwaena o ko ka hale o Israela; a e lilo lakou i lahui hoopomaikaiia maluna o ka aina i olelo mua ia'i, no ka wa pau aole; aole no e lawe hou ia lakou ilalo iloko o ka noho pio ana; a, aole no e hoopilihua hou ia ko ka hale o Israela; a o kela lua nui i elia'i no lakou e ua ekalesia nui a ino loa la, i hookumia'i e ka diabolo a me kana poe keiki, i hiki ai ia ia ke alakai aku i na uhane o kanaka ilalo i Gehena; he oiaio, e hoopihaiia auanei ua lua nui la, i elia'i no ka make ana o kanaka, i ka poe nana ia i eli, i ka make loa ana o lakou, wahi a ke Keikihipa a ke Akua; aole i ka make ana o ka uhane, aka o kona hooleia'na iloko o kela Gehena pau ole; no ka mea, aia hoi, na like keia me ka hoopio ana o ka diabolo, a ua like no hoi me ko ke Akua hoopai ana maluna iho o ka poe a pau e hana ana i ka hewa a me na mea hoopailua imua ona.

45. Eia kekahī, olelo mai la ka anela ia'u, ia Nepai, i ka i ana, Ua ike akt la oe ina e mihi ka poe Genetile, alaila, e pomaikai auanei lakou; a ke ike nei no hoi oe no na berita a ka Haku i ko ka hale o Israela; a ua lohe aku la no hoi oe, o ka mea aole e mihi, e make io no oia; nolaila, auwe i ka poe Genetile, ina e hoopakiki lakou i ko lakou mau naau e ku e i ke Keikihipa a ke Akna; no ka mea, e hiki mai ana ka manawa, wahi a ke Keikihipa a ke Akua, e hana aku no au i kahi hana nui a kupanaha iwaena o na keiki a kanaka; i kahi hana mau loa aku, ma keia lima, a i ole ia, ma kela: i ka hoomaopopo ana ia lakou i ka maluhia a me ke ola mau loa, a i ole ia, i ka hookuu ana ia lakou i ka paakiki o ko lakou mau naau a me ka pouli o ko lakou hoomaopopo ana, i ko lakou laweia ana ilalo iloko o ka noho pio ana, a i ka make ana no hoi, ma ke kino a ma ka uhane, e like me ka hoopio ana o ka diabolo, a'u i olelo ai.

46. Eia kekahī, i ka wa a ka anela i olelo mai ai i keia mau olelo, i mai la oia ia'u, Ke hoomanao nei anei oe i na berita a ka Makua i ko ka hale o Israela? I aku la au ia ia, Ae. A i mai la oia ia'u, E nana a e ike i na ekalesia nui a ino loa la, o ka makuwahine ia o na mea ino loa, o kona kahua o ka diabolo no ia. A i mai la ia ia'u, Aia hoi, elua wale no ekalesia; o kekahī oia ka ekalesia o ke Keikihipa a ke Akua, a o kekahī oia ka ekalesia o ka diabolo; nolaila, o ka mea aole no ka ekalesia o ke Keikihipa a ke Akua, no ua ekalesia nui la ia, oia no ka makuwahine o na mea ino; a o ka wahine hookamakama no ia o ka honua nei a pau.

47. Eia kekahī, nana aku la au a ike aku la i ka wahine hookamakama o ka honua a pau, a noho iho la ia maluna o na wai he nui; a he aupuni kona maluna iho o ka honua a pau, mawaena o na lahuikanaka a pau, a me na ohana, na olelo, a me na kanaka.

48. Eia kekahī, ike aku la au i ka ekalesia o ke Keikihipa a ke Akua, a ua kakaikahi na mea ona, no ka hewa a me ka ino o ka wahine hookamakama, ka mea e noho ana maluna o na wai he nui; aka hoi, ike aku la au i ka ekalesia o ke Keikihipa, oia ka poe hoano o ke Akua, maluna no hoi lakou o ka ili a pau o ka honua; a ua uuku ko lakou aina maluna o ka ili o ka honua, no ka hewa o ka wahine hookamakama nui a'u i ike ai.

49. Eia kekahī, ike aku la au i ka makuwahine nui o na mea ino e houlnulu ana i na lehulehu maluna iho o ka ili a pau o ka honua, iwaena o na aupuni o ka poe Genetile, e kaua aku i ke Keikihipa a ke Akua.

50. Eia kekahī, ike aku la au, o Nepai, i ka mana o ke Keikihipa a ke Akua, ua iho iho la ia maluna o ka poe hoano o ka ekalesia o ke Keikihipa, a maluna iho o ka poe kanaka berita a ka Haku, ka poc i hoopue-hua'i maluna iho o ka ili a pau o ka honua; a ua kahikoia lakou me ka pono a me ka mana o ke Akua i ka nani nui.

51. Eia kekahī, ike aku la au ua ninimi'a'ku la ka inaina o ke Akua maluna iho o ua ekalesia nui la a ino loa, nolaila, na nui na kaua a me na lono o na kaua iwaena o na lahuikanaka a me na ohana a pau o ka honua, a i ka hoomaka ana o na kaua a me na lono o na kaua mawaena o na lahuikanaka a pau no ka makuwahine o na mea ino, olelo mai la ka anela

ia'u, i ka i ana, Aia hoi, o ka inaina o ke Akua maluna ia o ka makuwahine o na wahine hookamakama; a, aia hoi, ke ike nei oe i keia mau mea a pau: a i ka wa e hiki mai ka la e nininii'a 'ku ai ka inaina o ke Akua maluna o ka makuwahine o na wahine hookamakama, oia ka ekalesia nui a ino loa o ka honua a pau, a o ke kahua ona oia no ka diabolo, alaila, ma kela la, e hoomaka ka hana a ka Makua, i ka hoomakaukau ana i ke ala no ka hooko ana i kana mau berita, ana i hana mai ai i kona poe kanaka, o ko ka hale o Israela.

52. Eia kekahī, olelo mai la ka anela ia'u, i ka i ana, E nana! A nana aku la au a ike aku la i kekahī kanaka, a ua hoaahuia oia i ke aahu keokeo; a i mai la ka anela ia'u. E nana i kekahī o ka poe aposetolo he umikumamalua a ke Keikihipa! Aia hoi, e ike auanei oia a e kakau i ke koena o keia mau mea; he oiaio, a me na mea nui no hoi i hanaia'i mamua: a e palapala no hoi oia no ka hopena o ke ao nei; nolaila, o na mea ana e palapala'i, ua pono a ua oiaio; a, aia hoi, ua kakauia ia mau mea iloko o ka buke au i ike ai e puka mai ana mai ka waha mai o ka Iudaio, a i ka manawa o ua mau mea nei i puka mai ai mai ka waha mai o ka Iudaio, a i ka manawa o ka buke i puka mai ai mai ka waha mai o ka Iudaio, ua maopopo na mea i kakauia, a pololei, a maikai loa, a akaka i ka hoomaopopo ana o na kanaka a pau. A, aia hoi, ua nui na mea au i ike ai o na mea a ua aposetolo nei a ke Keikihipa e palapala'i; aia hoi, e ike auanei oe i ke koena; aka, o na mea at e ike ai, ma neia hope aku, aole nau e kakau; no ka mea, ua wae mai ka Haku ke Akua i ka aposetolo a ke keikihipa a ke Akua, e kakau oia ia mau mea. A i na kanaka e ae no hoi i hala aku la, ia lakou oia i hoike aku i na mea a pau, a ua kakau iho la lakou ia mau mea; a ua hoopaaia ia mau mea e puka mai ai me ka pololei i ko ka hale o Israela, e like me ka oiaio iloko o ke Keikihipa, i ka wa ku pono o ka Haku.

53. A, owau, o Nepai, ua lohe au a ke hoike aku nei no hoi, o Ioane ka inoa o ka aposetolo a ke Keikihipa, e like me ka olelo a ka anela. A ua papaiā mai la owau, o Nepai, e palapala ole aku i ke koena o na mea a'u i ike ai a i lohe ai hoi; nolaila; ua lawa no'u na mea a'u i kakau ai, a ua kakau au i ka hapa uuku wale no o na mea a'u i ike ai. A ke hoike aku nei au ua ike aku la au i na mea a ko'u makuakane i ike ai, a ua hoike mai la ka anela o ka Haku ia mau mea ia'u. Ano, ke hoopau nei au i ka'u olelo no na mea a'u i ike ai, i ko'u kaikaiia'na aku iloko o ka Uhane: a ina aole i pau na mea a'u i ike ai i ka palapalaia, o na mea a'u i palapala'i ua oiaio ia. A pela io no. Amene.

MOKUNA IV.

1. Eia kekahī, a mahope iho o ko'u, ko Nepai, kailiia'na aku i ka Uhane, a ike aku la au i keia mau mea a pau, hoi aku la au i ka halelewa o ko'u makuakane. Eia kekahī, ike aku la au i ko'u mau hoahanau, e hoo-

paapaa ana lakou kekahi me kekahī, no na mea a ko'u makuakane i oleio ae ai ia lakou; no ka mea, ua olelo io oia i na mea nui he nui ia lakou, he mau mea paakiki ke hoomaopopoia, ke ninau ole ke kanaka i ka Haku; a no ko lakou paakiki ma ko lakou mau naau, nolaila aole lakou i nana aku i ka Haku e like me ka mea e pono ai lakou. Ano, ua kaumaha iho la wau, o Nepai, no ka paakiki o ko lakou mau naau, a no na mea no hoi a'u i ike ai, a i ike maopopo ai no hoi e hooko io ia ana me ka hiki ole ke ale ae, no ka nui o ka hewa o na keiki a kanaka. A kaumaha iho la au no ka nui o ka pilikia o'u, no ka mea, ua manao au ua nui aku ko'u pilikia mamaua o na mea a pau, no ka lukuia ana o ko'u poe kanaka, no ka mea, ua ike aku la au i ko lakou hina ana.

2. Eia kekahī, mahope iho o ko'u loaa ana ka ikaika, olelo aku la au i na hoahanau o'u, e ninau aku ana ia lakou i ke kumu o ko lakou hoopaapaa ana. A i mai la lakou, Aia hoi, aole i hiki ia makou ke hoomaopopo i na olelo a ko kakou makuakane i olelo mai ai no na lala maoli o ka laau oliva, a no ka poe Genetile no hoi. A i aku la au ia lakou. Ua ninau anei oukou i ka Haku? A i mai la lakou ia'u, Aole makou i ninau: no ka mea, aole e hoike mai ka Haku i kekahī mea e like me ia ia makou. Aia hoi, i aku la au ia lakou, No ke aha la aole oukou e malama pono i na kauoha a ka Haku? No ke aha la oukou e make, no ka paakiki o ko oukou mau naau? Aole anei oukou e hoomanao i na mea a ka Haku i i mai ai, Ina e hoopaakiki ole oukou i ko oukou mau naau, a e nonoi mai ia'u ma ka manaoio, e manaoio ana e loaa no ia oukou, me ka ikaika i ka malama pono ana i na kauoha a'u, he oiaio, e hoikeia 'ku no ua mau mea nei ia oukou?

3. Aia hoi, ke i aku nei au ia oukou, ua hoohalikeia ko ka hale o Iseraela me kekahī laau oliva, e ka uhane o ka Haku iloko o ko kakou poe kupuna; a, aia hoi, aole anei kakou i haihaiia' mai, mai ko ka hale o Iseracla aku; aole anei he lala kakou o ko ka hale o Iseraela? A, ano, o ke ano o ka mea a ko kakou makuakane i olelo mai ai no ka pakni ana o na lala maoli ma o ka piha ana la o ka poe Genetile, eia ia, ma na la mahope, i ka manawa o ka kakou hua i emi iho ai iloko o ka hoomaloka, no na makahiki he nui loa, a me na hanauna he nui, mahope iho o ka hoike ana mai o ka Mesia ma ke kino i na keiki a kanaka, alaila, e hiki mai ka euanelio mana a pololei o ka Mesia i ka poe Genetile, a mai ka poe Genetile ae i ke koe-na o ka kakou hua; a ma ia la, e ike no ke koena o ka kakou hua no ko ka hale o Iseraela lakou, a o ko ka Haku poe kanaka berita no hoi lakou; alaila, e ike lakou a e loaa ka ike i ko lakou poe kupuna, a o ka ike no hoi i ka euanelio o ko lakou Mea e Ola'i, o ka euanelio i haiia mai e ia i ko lakou poe kupuna; nolaila, e loaa no auanei ia lakou ka ike i ko lakou Mea e Ola'i, a me na oihana pololei o kana ao ana, i ike ai lakou i ke ala pono e hele io na la a e hoolia. Alaila ma kela la, aole anei lakou e hauoli, a e hihilani aku i ko lakou Akua mau loa, ko lakou pohaku a me ko lakou ola? He oiaio, ma ua la la, aole anei e loaa ia lakou ka ikaika, a me ke ola mai ke kumu waina oiaio mai? He oiaio, aole anei lakou e hele mai

i ka pa oiaio o ke Akua? Aia hoi, ke i aku nei au ia oukon. Ae; e hoomanao hou ia lakou mawaena o ko ka hale o Israela; e pakuiia auanei lakou, he lala maoli o ka laau oliva, iloko o ka laau oliva oiaio; o ke ano kefn o ka olelo a ko kakou makuakane; eia hou kana, aole ia e hiki mai, a, mahope aku o ko lakou hoopuehuia'na e ka poe Genetile; eia no hoikana, e hele mai auanei ia ma ka aoao o ka poe Genetile, i hiki i ka Haku ke hoike aku i kona mana i ka poe Genetile, no kona hoomalauia'na e ka poe Iudaio, oia hoi ho ka hale o Israela; nolaila, aole i olelo mai ko kakou makuakane no ka kakou hua wale no, aka no ko ka hale o Israela a pau no hoi, e kuhikuhu ana i ka berita e hookoia ma na la mahope; oia ka berita a ka Haku i hana mai ai i ko kakou kupuna kane, ia Aoberahama, i ka i ana, Ma kau hua e hoopomaikaiia'i na ohana a pau o ka honua.

4. Eia kekahī, olelo nui aku la au, o Nepai, ia lakou no keia mau mea; he oiaio, olelo aku la au ia lakou no ka hoi hou ana o ka poe Iudaio, ma na la mahope; a hai aku la au ia lakou i na olelo a Isaia, ana i olelo mai ai no ka hoi hou ana o ka poe Iudaio, a o ko ka hale o Israela; a mahope, iho o ko lakou hoi hou ana, aole e hoohoka hou ia lakou, aole no hoi lakou e hoopuehu hou ia. A olelo aku la au i na olelo he nui i ko'u mau hoahanau, a ua hoolauleaia lakou, a hoohaahaa ia lakou iho imua o ka Haku.

5. Eia kekahī, olelo hou mai iu lakou ia'u, i ka i ana, Heaha ke ano o keia mea a ko kakou makuakane i ike ai ma ka moe uhane? Heaha ke ano o ka laau ana i ike ai? A i aku la au ia lakou, He mea e hoohalike ai ia me ka laau o ke ola. A i mai la lakou ia'u, Heaha ke ano o ke kookoo hao a ko kakou makuakane i ike ai, e mce ana i ka laau? A i aku la au ia lakou, oia ka olelo a ke Akua; a o ka mea e hoolohe i ka olelo a ke Akua, a e hoopaa mau i ua olelo la, aole loa lakou e make, loa aku; aole hoi e hiki i na hoowalewale a me na ihe wela o ka Mea ku e, ke lanakila ae maluna o lakou, i ka hoomakapo ana ia lakou, e alakai aku ai ia lakou i ka make. Nolaila, ua hooikaika aku la au, o Nepai, ia lakou e hoolohe i ka olelo a ka Haku; he oiaio, ua paipai aku la au ia lakou me ka ikaika a pau o ko'u naau, a me ka makaukau a pau a'u i loaa'i, e hoolohe lakou i ka olelo a ke Akua, a e hoomanao e malama pono mau i kana mau kauoha ma na mea a pau. A i mai la lakou ia'u, Heaha ke ano o ka muliwai a ko kakou makuakane i ike ai? A i aku la au ia lakou, O ka wai a ko'u makuakane i ike ai, o ka paumaele ia; a no ka lilo nui o kona manao ma na mea e ae, aole ona i ike i ka lepo o ka wai; a i aku la au ia lakou, he awawa weliweli ia, o ka mea e hookaawale ae i ka poe hewa mai ka laau aku o ke ola, a mai ka poe hoano aku no hoi o ke Akua. A i aku la au ia lakou, he mea ia e hoohalike ai i kela Gehena weliweli a ka anela i olelo mai ai ia'u ua hoomakaukauia no ka poe hewa. A i aku la au ia lakou, ua ike aku la no hoi ko kakou makuakane, e hookaawale ana no hoi ka hoopai pono o ke Akua i ka poe hewa mai ka poe pono ae; a o ke alohilohi olaila ua like me ke alohilohi o kekahī ahi e lapalapa ana, e pii ana iluna i ke Akua, a mau loa aku a mau loa aku, aole ona hopena.

6. A i mai la lakou ia'u, Heaha ke ano o keia mea, ka eha anei o ke

kino ma na la o keia noho ana paha, o ka noho hope ana anei o ka uhane mahope aku o ka make ana o ke kino maoli paha? A i ole ia, ke olelo mai nei anei oia no na mea o ka honua nei? A iaku la au ia lakou, He mea ia e hoohalike ai i na mea o ke kino a o ka uhane no hoi; no ka mea, e hiki mai auanei ka la e hookolokoloia lakou e pono ai no ka lakou hana, he oiaio, o na hana i hanai'a'i e ke kino maoli ma na la o ko lakou noho ana ma ka honua; nolaila, ina e make lakou iloko o ko lakou hewa, e hooleiia aku no hoi lakou e pono ai, i nele lakou i na mea o ka uhane, e pili ana i ka pono; nolaila e laweia lakou e pono ai e ku imua o ke Akua, e hookolokoloia no ka lakou mau hana; a ina o ka paumaele ka lakou hana, e paumaele no lakou e pono ai: a ina paumaele lakou, aole loa e hiki ia lakou ke noho ma ke aupuni o ke Akua; ina pela, e paumaele no hoi ke aupuni o ke Akua. Aka hoi, ke iaku nei au ia oukou, aole paumaele o ke aupuni o ke Akua, aole e hiki ikekahi mea haumia ke komo iloko o ke aupuni o ke Akua: nolaila, he mea e pono ai i hoomakaukaui'a'i kahi pau-maele no ka mea paumaele. A ua hoomakaukauiia kau wahi, he oiaio, oia kela Gehena weliweli a'u i olelo ai, a o ka diabolo oia ke kahua ona; nolaila, aia ma ke aupuni o ke Akua ka noho loa ana o na uhane o kanaka, a i ole malaila, e hooleiia'ku mawaho no kela hoopai pololei ana a'u i olelo ai; nolaila, ua hookukeia'ku ka poe hewa mai ka poe pono aku, a mai ka laau aku o ke ola, nona ka hua i maikai loa a i makemake loa ia maluna ae o na hua e ae a pau; he oiaio, a o ka haawina nui loa ia mamua o na haawina a pau o ke Akua. A pela ka'u olelo i ko'u mau hoahanau. Amene.

MOKUNA V.

1. Eia kekahī, a mahope iho o ka'u olelo ana 'ku i ko'u mau hoahanan, aia hoi, i mai la lakou ia'u, Ua hai mai la oe i na mea paakiki ia makou, i hiki ole ai ia makou ke hoomaopopo.

2. A iaku la au ia lakou, Ua ike au ua olelo aku la au i na mea paakiki i ku e i ka poe hewa, e like me ka oiaio; a ua hoopono au i ka poe pono, a hoike aku la e hookiekieia lakou ma ka la hope; no ia mea e manao ana ka poe hewa he mea paakiki ka oiaio, no ka mea, e hou ana ia iloko loa o lakou. A, ano, e ko'u mau hoahanau, ina ua pono oukou a ua ae e hoolohe i ka oiaio, a e malama pono ia, i hiki ia oukou ke hele me ka pololei imua o ke Akua, alaila, aole oukou e ohumu no ka oiaio, aole hoi e i mai ke olelo mai nei oe i na mea paakiki i ku e ia makou. A kau-leo aku la au, o Nepai, i na hoahanau o'u, me ka ikaika, e malama pono i na kauoha a ka Haku. Eia kekahī, ua hoohaaahaa lakou ia lakou iho imua o ka Haku; a ua loaa ia'u ka hauoli a me ka lana nui o ka manao no lakou, e hele paha lakou ma na ala o ka pono. Ano, ua oleloia a ua hanai'a keia mau mea a pau, i ko ko'u makuakane noho ana i ka halelewa, ma ke awawa ana i kapa'i o Lemuela.

3. Eia kekahī, lawe mai la wau, o Nepāl, i kekahī o na kaikamahine **a** Isemaela i wahine na'u; a lawe ae la no hoi ko'u mau hoahanau i na kaikamahine a Isemaela i mau wahine na lakou; a lawe ae la no hoi o Zoramā i ke kaikamahine hanau mua a Isemaela i wahine nana. A pela i hoo-ko ai ko'u makuakane i na kauoha a pau a ka Haku, na kauoha i haawiiā mai ia ia. A owau no hoi, o Nepāl, ua hoopomaikai nui loa ia mai au e ka Haku.

4. A eia kekahī, olelo mai la ka leo o ka Haku i ko'u makuakane, ma ka po, a kauoha mai la ia ia, e hele aku ma kona hele ana iloko o ka waonahele, ia la ae. Eia kekahī, i ke ala ana'e o ko'u makuakane i kakahiaka, **a** hele aku la i ka puka o ka halelewa, ike aku la oia ma ka honua me ke kahaha nui, i kekahī mea poepoe, i hanaia me ke akamai; a he keleawe mai-kai no ia. A iloko o ua mea poepoe nei kekahī mau manamana elua: a e kuhikuhi ana kekahī i ke ala no makou e hele aku ai iloko o ka waonahele.

5. Eia kekahī, ua hoilili mai la makou i na mea e pono ai no makou e halihali iloko o ka waonahele, a me ke koena o ka makou ai a ka Haku i haawi mai ai ia makou; a ua lawe aku la makou i ka hua o kela ano keia ano, i hiki ia makou ke halihali iloko o ka waonahele.

6. A lawe aku la makou i ko makou mau halelewa, a hele iloko o ka waonahele, i kela aao o ke kahawai o Lamana. Hele aku la makou no na la eha, ma ka ihu e kokoke ana i ka hema, hikina hema, a kukulu hou iho la makou i ko makou mau halelewa; a kapa aku la makou i ka inoa o ia wahi o Sazera.

7. Eia kekahī, lalau aku la makou i ka makou mau kakaka a me na pua, a hele aku la i ka waonahele, e pepehi i ai no na ohana o makou; a mahope iho o ko makou pepehi ana i ai no na ohana o makou, hoi hou aku la makou i ko makou mau ohana i ka waonahele, i kahi o Sazera. A hele hou aku la makou, i ka waonahele ma ka ihu e like me mamua, e hele ana ma na wahi momona loa o ka waonahele, ma na palena kokoke i ke Kaiula. A hele aku la makou no na la he nui, e pepehi ana i ai ma ke ala, me ka makou mau kakaka a me na pua a makou, a me na ala a me na maa a makou; a hahai aku la makou i ke kuhikuhi ana o ka mea poepoe, a ua kuhi-kuhi ia ia makou ma na wahi momona o ka waonahele. A mahope iho o ko makou hele ana i na la he nui loa, kukulu iho la makou i ko makou mau halelewa no kekahī manawa, i hiki ia makou ke hoomaha hou ia makou iho, a e loaa i ai no ko makou mau ohana.

8. Eia kekahī, i ko'u hele ana'e e pepehi i ai, aia hoi, hai iho la au, i ka'u kakaka, i hanaia'i i ke kila maikai: a mahope iho o ka hai ana i ko'u kakaka, aia hoi, hahu mai la ko'u mau hoahanau ia'u, no ka haki ana o ku'u kakaka, no ka mea, aole i loaa ka ai na makou. A hoi hou aku la makou me ka ai ole i ko makou mau ohana. A no ka luhi loa o lakou ma ka hele ana, ua nui ko lakou popilikia no ka nele i ka ai.

9. Eia kekahī, hoomaka iho la o Lamana laua me Lemuela, a me na keikikane a Isemaela, e ohumu nui loa, no ka cha a me na popilikia o lakou ma ka waonahele: a hoomaka iho la no hoi ko'u makuakane e ohu-

mu i ka Haku kona Akua; he oiaio, a ua kaumaha nui loa iho la lakou a pau, a ohumu aku la lakou i ka Haku.

10. Eia kekahī, ua hoopilikia pu ia wau, o Nepai, me ko'u mau hoahanau, no ka haki ana o ka'u kakaka; a ikaika ole iho la ka lakou mau kakaka, a hoomaka iho la ka popilikia nui, he oiaio, i hiki ole ai ia makou ke loaa ka ai. A olelo nui aku la au, o Nepai, i ko'u mau hoahanau, no ko lakou hoopaakiki hou ana i ko lakou mau naau, i ka hoohewa ana i ka Haku i ko lakou Akua. Eia kekahī, hana iho la au i kekahī laau i kakaka, a i kekahī laau pololei i pua; nolaila, kahiko iho la au ia'u iho me ke kakaka a me ka pua, me ka maa, a me na ala. A i aku la au i ko'u makuakane, Ihea la wau e hele aku ai, e loaa ka ai? A ninau aku la oia i ka Haku, no ka mea, ua hoohaahaa iho la lakou ia lakou iho no ka'u olelo; no ka mea, ua olelo aku la au ia lakou i na mea nui ma ka ikaika o ko'u uhane.

11. Eia kekahī, hiki mai la ka leo o ka Haku i ko'u makuakane; a ua ao io ia oia no kona ohumu ana i ka Haku, a ua hoohaahaaia oia ilalo iloko o ke kaumaha nui. A i mai la ka leo o ka Haku ia ia, E nana 'ku oe i ka mea poepoe a e ike i na mea i kakauia'i. A i ka wa a ko'u makuakane i ike ai i na mea i kakauia maluna o ka mea poepoe, makau iho la ia a haalulu nui loa; a me ko'u mau hoahanau no hoi, a me na keikikane a Isemaela a me ka makou mau wahine.

12. A ike aku la owau, o Nepai, i na mea kuhikuhi iloko o ka mea poepoe, ua holo laua e like me ka manaoio, a me ka hoomau pono ana, a malama ana o makou ia laua. A ua kakauia no hoi maluna o laua, he palapala hou, a ua maopopo i ka heluhelu aku, e haawi ana mai ia makou i ka ike i na aaoao o ka Haku; a ua kakauia a ua hoololiia i kela manawa i keia manawa, e like me ka manaoio a me ka malama ana o makou ia ia. A pela ke ike nei kakou, ma o na mea uuku la, ua hiki i ka Haku ke hana i na mea nui.

13. Eia kekahī, hele aku la wau, o Nepai, i ka piko o ka mauna, e like me ke kuhikuhi ana i haawiiia mai maluna o ka mea poepoe. A pepehi aku la au i na holoholona hihiu, a loaa iho la ka ai no na ohana o makou. A hoi hou aku la au i ko makou mau halelewa, e kaikai ana i na holoholona a'u i pepehi ai; ano la, ia lakou i ike mai ai ua loaa mai ia'u ka ai, nani wale ko lakou hauoli. A hoohaahaa iho la lakou ia lakou iho imua o ka Haku, a haawi aku la i ke aloha ia ia.

14. Eia kekahī, hele hou aku la makou, e hele ana me ke alo aneane like me kinohou: a mahope iho o ko makou hele ana i kekahī mau la he nui, kukulu hou iho la makou i ko makou mau halelewa, i hiki ia makou ke noho no kekahī manawa.

15. Eia kekahī, make iho la o Isemaela, a ua kanuia ma kahi i kapai'a'i o Nahoma. A uwe nui iho la na kaikamahine a Isemaela no ka make ana o ko lakou makuakane, a no ko lakou popilikia ma ka waonahele, a ohumu aku la lakou me ke ku e i ko'u makuakane, no kona lawe ana ia lakou mailoko mai o ka aina o Jerusalema, me ka i ana, Ua make iho la

ko makou makuakane; he oiaio, a ua hele nui makou ma ka waonahele, a ua loaa ia makou ka popilikia nui, o ka pololi, o ka makewai, a me ka luhi; a mahope iho o keia mau mea eha a pau, e make io auanei makou ma ka waonahele me ka pololi. A pela lakou i ohumu mai ai me ke ku e i ko'u makuakane, a ia'u no hoi; a ua makemake lakou e hoi hou i Ierusalem. A i ae la o Lamana ia Lemuela, a i na keiki a Isemaela no hoi, Aia hoi e pepehi kakou i ko kakou makuakane, a me ko kakou hoohanau o Nepai no hoi, nana i lawe maluna ona e lilo i luna no kakou, a i kumu ao no hoi ia kakou, i kona mau kaikuaana: Ano, ke i mai nei oia ua olelo pu ka Haku me ia, a ua lawelawe ae la na anela ia ia. Aka hoi, ua ike kakou ke wahahhee la oia ia kakou; a ke hai mai la oia i keia mau mea ia kakou, a ke hana mai la oia i na mea nui ma kana hana maalea, i hiki ia ia ke hoopunipuni i ko kakou mau maka, e manao ana paha e hiki ia ia ke alakai aku ia kakou i kekahi waonahele a ae; a mahope iho o kona alakai ana 'ku ia kakou, ua manao iho la oia e hoolilo ia ia iho i alii a i luna maluna iho o kakou, i hiki ia ia ke hana me kakou e like me kona manao a me kona makemake. A mamuli o keia ano i hooeueu ai ko'u kaikuaana, o Lamana, i ko lakou mau naau ma ka hulu.

16. Eia kekahih, o ka Haku oia pu kekahih me makou, he oiaio, pae mai la ka leo o ka Haku, a olelo mai la i na oclo he nui loa ia lakou, a paipai nni loa mai la ia lakou; a mahope iho o ko lakou paipai'a'na e ka leo o ka Haku, ua pale ae la lakou i ko lakou hulu, a mihi iho la i ko lakou mau hewa, a hoopomaikai hou mai la ka Haku ia makou me ka ai, i ole makou i make.

17. Eia kekahih, hele hou aku la makou i ko makou hele ana ma ka waonahele; a aneane hele aku la makou i ka hikina ma ia hope aku. A hele a auhele makou mawaena o ka popilikia nui ma ka waonahele; a hanau mai la ko makou mau wahine i na keiki ma ka waonahele. A no ka nui o na mea pomaikai o ka Haku maluna o makou, oiai makou e noho ana me ka ai i ka io maka ma ka waonahele, ua haawi aku la ko makou mau wahine i waiu a lawa na ka lakou mau keiki, a ua ikaika, he oiaio, e like me na kane; a hoomaka iho la lakou e hoomanawanui ma ko lakou hele ana me ka ohumu ole. A pela ke ike nei kakou e hookoia na kauoha a ke Akua e pono ai. A ina e malama pono na keiki a kanaka i na kauoha a ke Akua, e hanai no oia ia lakou, a e hooikaika ia lakou, a e hoomakaukau i na mea e hiki ai ia lakou ke hooko i ka mea ana i kauoha mai ai lakou; nolaila, ua hoomakaukau mai la oia i na mea i pono ai no makou, oiai makou i noho ai ma ka waonahele. A noho iho la makou no kekahih mau makahiki he nui, he oiaio, he mau makahiki ewalu ma ka waonahele. A hiki makou i ka aina a makou i kapa aku ai o Momona, no ka nui o kolaila hua, a me ka meli o ka nahelchele no hoi; a ua hoomakaukauia mai keia mau mea a pau e ka Haku, i ole makou i make. A ike aku la makou i ke kai, a makou i kapa aku ai o Ireanatuma, ma ka hoohalike ana, o na kai nui ia.

18. Eia kekahih, kukulu iho la makou i ko makou mau halelewā ma

kahakai; a ua loaa e ia makou ka popilikia nui, a me ke kaumaha nui, he oiaio, no ka nui i hiki ole ai ia makou ke palapala ia mau mea a pau, aka ua hauoli nui loa nae makou i ko makou hiki ana ma ke kahakai; a kapaaku la makou ia wahi o Momona, no ka nui o kolaila hua.

19. Eia kekahih, mahope iho o ka noho ana o'u, o Nepai, ma ka aina o Momona i na la he nui, hiki mai la ka leo o ka Haku ia'u, i ka i ana, E ala a e hele aku oe i ka mauna. Ala ae la no au a pii aku la i ka mauna, a kahea aku la i ka Haku.

20. Eia kekahih, olelo mai la ka Haku ia'u, i ka i ana, E kapili auanei oe i kahi moku, mamuli o ke ano a'u e hoike aku ai ia oe, na'u e halihali aku i kou poe kanaka i kela aoao o keia kai. A i aku la au, E ka Haku, iheia la kahi a'u e hele aku ai, e loaa'i ia'u i pohaku hao e hoohehee, e hiki ia'u ke hana i na mea paahana e kapili i ka moku, mamuli o ke kumulike au i hoike mai ai ia'u? A hai mai la ka Haku ia'u, kahi a'u e hele aku ai e loaa'i ka pohaku hao, i hiki ia'u ke hana i na mea paahana.

21. Eia kekahih, hana iho la au, o Nepai, i upa makani o na ili holoholona; i mea e puhi ai i ke ahi, a mahope iho o ka'u hana ana i upa makani, i hiki ia'u ke puhi i ke ahi, puke aku la au kekahih pohaku i kekahih, e loaa'i ia'u ke ahi; no ka mea, a hiki i keia manawa aole i ae mai la ka Haku ia makou e hoa nui wale i ke ahi, i ko makou hele ana ma ka waonahele; no ka mea, i mai la ia, E hoolilo aku au i ko'u ai i ono, i hoomoaole ai oukou ia; a owau no hoi ko oukou malamalama ma ka waonahele; a e hoomakaukau no wau i ke ala imua o oukou ke malama oukou i ka'u mau kauoha; nolaila, ina e malama pono oukou i ka'u mau kauoha, alaila, e alakaiia oukou i ka aina i hai mua ia'i; a e ike no hoi oukou e alakaiia'na oukou e au. He oiaio, a i mai la no hoi ka Haku, Mahope iho o ko oukou pae ana ma ka aina i hai mua ia'i, e ike oukou Owau no ka Haku, ke Akua; a Owau nei ka Haku, ka Mea nana i hoopakele aku ia oukou mai ka make aku; he oiaio, a ua lawe aku la au ia oukou mailoko mai o ka aina o Ierusalema. Nolaila, ua hooikaika au, o Nepai, e malama pono i na kauoha a ka Haku, a paipai aku la au i ko'u mau hoahanau e hoomau pono, a e hooikaika.

22. Eia kekahih, hana iho la au i na mea paahana o ka hao a'u i hoohehee ai noloko mai o ka pohaku. A i ka wa a ko'u mau hoahanau i ike ai e manao ana au e kapili i kahi moku, hoomaka iho la lakou e ohumu no'u, i ka i ana, He kanaka naaupo ko kakou kaikaina, no ka mea, ke manao nei oia ua hiki ia ia ke kapili i kahi moku: he oiaio, a e manao ana no hoi oia ua hiki ia ia ke holo aku i kela aoao o keia kai nui. A pela ko'u mau hoahanau i hoohewa mai ai ia'u, a e makemake ana lakou e hanaole, no ka mea, aole o lakou i manacio ua hiki ia'u ke kapili i kahi moku; aole hoi i manaoio lakou ua aoia au e ka Haku.

23. Ua kaumaha nui loa iho la au, o Nepai, no ka paakiki o ko lakon mau naau, a ia lakou i ike mai ai ua kupu ke kaumaha iloko o'u, ua olioli lakou iloko o ko lakou mau naau, a hauoli mai la lakou maluna iho o'u, i ka

i ana mai, Ua ike makou aole i hiki ia oe ke kapili i kahi moku, no ka mea, ua ike makou ua nele oe i ka ike; no ia mea, ea, aole e hiki ia oe ke hoo-paa i kekahi hana nui e like me ia; a ua like no hoi oe me ko kakou ma-kuakane i alakaiia'ku e na manao lapuwale o kona naau; he oiaio, ua alakai mai la oia ia kakou mailoko mai o ka aina o Ierusalema; a na hele nui ae la kakou ma ka waonahele no keia mau makahiki he nui; a ua hana ikaika ka kakou mau wahine, i hapai me na keiki; a ua hanau mai la lakou i na keiki ma ka waonahele, a loaa iho la na mea pilikia a pau, koe wale no ka make; a ina ua make lakou mamua o ko lakou puka ana mai mai-loko mai o Ierusalema, ua alio ia mamua o ko lakou loaa ana keia mau popilikia nui. Aia hoi, ua nui ko kakou mau popilikia i keia mau makahiki he nui ma ka waonahele, oiai ua hiki ia kakou ke noho olioli me ko kakou mau mea waiwai, ma ko kakou mau aina hooilina, a me ka noho pomaikai no hoi; a ua ike kakou he poe kanaka pono, ka lahui e noho ana ma ka aina o Ierusalema; no ka mea, ua malama lakou i na kanawai a me ka hooponopono ana o ka Haku, a me na kauoha ana a pau, e like me ke kanawai o Mose; nolaila, ua ike kakou he poe kanaka pono lakou; a ua hoohewa aku la ko kakou makuakane ia lakou, a ua alakai mai la oia ia kakou no ko kakou hoolohe ana i kana mau olelo; he oiaio, a ua like ko kakou kaikaina me ia. A mammuli o keia ano o ka olelo, ohumu iho la ko'u mau hoahanau a hoohewa mai la ia maua.

24. Eia kekahī, olelo aku la au, o Nepai, ia lakou, i ka i ana, Ke ma-naoio nei anei oukou, i alakaiia mai ko kakou poe kupuna, o na mamo a Israela, mailoko mai o na lima o ko Aigupita poe, ina ua hooilohe ole lakou i na olelo a ka Haku? He oiaio, ke manao nei anei oukou i alakaiia lakou mailoko mai o ka noho luhi ana, ina ua kauoha ole ka Haku ia Mose e alakai ia lakou mailoko ac o ka noho luhi ana? Ano, ua ike oukou e noho luhi ana na mamo a Israela; a ua ike oukou na hookauma-hai'a'ku ma na hana luhi, kaumaha e hapaiia; nolaila, ua ike oukou he mea i pono ai no lakou i laweia'i lakou mailoko mai o ka noho luhi ana. Ano, ua ike oukou ua kaumaha mai la o Mose e ka Haku e hana i na hana nui la; a ua ike oukou, ua hookaawaleia'e ke kai o ke Kaiula i o a ia nei, e kana olelo, a hele aka la lakou iwaena ma ka aina maloo. Aka ua ike oukou ua make iho la ko Aigupita poe i ke Kaiula, o lakou no ka poe koa o Parao; a ua ike no hoi oukou ua hanaiia mai la lakou me ka mane i ka waonahele; a ua ike no hoi oukou ua hahau aka la o Mose i ka pohaku, ma kana olelo, e like me ka mana o ke Akua iloko ona, a puka mai la ka wai, i hiki i na mamo a Israela ke kena ke lakou makewai; a ua alakaiia aka la lakou, e hele ana ka Haku ko lakou Akua, ko lakou Mea e Ola'i, imua o lakou, o alakai ana ia lakou ma ke ao, a e haawi ana ia lakou i ka malamalamā i ka po, a e hana ana no lakou i na mea a pau e pono ai no na kanaka e loaa'i, aka ua hoopakiki nae lakou i ko lakou haau, a hoopouli iho la i ko lakou hoomaopopo ana, a hoino aka la me ke ku e ia Mose, a me ke ku e i ke Akua ola a oiaio hoi.

25. Eia kekahī, e like me kana olelo, ua luku aku la oia ia lakou; **a** e like me kana olelo, ua alakai mai la oia ia lakou; a e like me kana olelo ua hana iho la i na mea a pau no lakou: aole i hanaiā kekahī mea, ke ole ia ma o kana olelo la. A mahope iho o ko lakou hele ana ma kela aoao o ka muliwai o Ioredane, ua hoolilo mai la oia ia lakou i ikaika, i ke kipaku ana aku i na keiki o ka aina, he oiaio, i ka hoopuehu ana aku ia lakou a make loa. Ano, ke manao nei anei oukou o ka poe keiki o ua aina nei, ka poe i noho iloko o ka aina i olelo mua ia'i, ka poe i kipakuia aku e ko kakou poe kupuna, ea, ke manao nei anei oukou he poe pono lakou? Aia hoi, ke i aku nei au ia oukou, aole. Ke manao nei anei oukou he poe i makemake loa ia ko kakou poe kupuna maimua o lakou, ina he poe pono lakou? Ke i aku nei au ia oukou, aole; aia hoi, hookahi no io ko na kanaka a pau i ko kū Haku manao: o kū mea pono ua lokomai-kaiia mai oia e ke Akua. Aka hoi, ua hoomalau aku la ua lahuikanaka nei i kela olelo i keia olelo a ke Akua, a ua oo lakou ma ka hana hewa; **a** maluna o lakou ka nui o ko ke Akua inaina; a ua hoohewaia mai la ka aina e ka Haku no lakou, a hoopomaikaiia mai la no ia no ko kakou poe kupuna; he oiaio, no lakou oia i hoohewa mai ai i ua aina la i ko lukan lukuia ana; a ua hoopomaikai mai la oia ia aina i ko kakou poe kupuna, i ka loaa-ana mai ia lakou ka mana maluna iho o ua aina la. Aia hoi, ua hana mai la ka Haku i ka honua i wahi e nohoia'i; a ua hana mai la oia i kana poe keiki, i noho lakou malaila. A ke hoala mai la oia i lahuikanaka pono, a ke luku ae la oia i na lahuikanaka o kū poe hewa. A ke alakai nei oia i ka poe pono i na aina maikai, a ke luku ae la oia i ka poe hewa, a no lakou no hoi oia i hoohewa aku ai i ka aina no ka lakou hana. Aia no ke noho ali'i Rickie nei oia ma ka lani, no ka mea, oia no kona noho ali'i, a o keia honua oia kona kechana wawae. A ke aloha mai nei oia i ka poe i makemake ia ia i Akua no lakou. Aia hoi, ua aloha mai la oia i ko kakou poe knpuna! A hana berita mai la oia me lakou, he oiaio, me Aberahama, me Isaaka, a me Iakoba: a hoomanao iho la oia i na berita ana i hana'i; nolaila, lawe mai la oia ia lakou mailoko mai o ka aina o Aigupita, a hoopololei mai la oia ia lakou ma ka waonahele me kona laau hahau, no ka mea, hoopaakiki iho la lakou i ko lakou mau naau, he oiaio, e like me oukou nei; a hoopololei mai la ka Haku ia lakou no ka lakou hana hewa. 'Hoouna mai la oia i na nahesa wela e lele ana iwaena o lakou; **a** mahope iho o ko lakou nahuia'na, hoomakaukau mai la oia i ala i hiki ai ia lakou ke hoolaia: a o ka nana aku ka lakou hana e hana ai! A no ka pohihihole o ke ala, a no ka paakiki ole hoi o ua hana la, ua nui loa ka poe i make. A hoopaak ki iho la lakou i ko lakou mau naau ia manawa aku ia manawa aku, a nuku iho la ia Mose, a i ke Akua no hoi; aka hoi, ua ike oukou ua alakaiia mai la lakou e kona mana ikaika loa, iloko o ka aina i hai mua ia'i.

26. Ano, ea, mahope iho o keia mau mea a pau, ua hiki mai la ka manawa o lakou i lilo ai i poe hewa, he oiaio, kokoke e oo; a, aole au i

ike kokoke paha lakou e lukuia i keia la; no ka mea, ua ike au e hiki io mai auanei ka la, e lukuia lakou e pono ai, a he unku wale no e koe, a e alakaiia lakou la iloko o ka noho pio ana; nolaila, ua kauoha mai la **ka** Haku i ko'u makuakane e hele aku ia iloko o ka waonahele; a ua imi iho la ka poe Iudaio e kaili aku i kona ola; he oiaio, a ua imi no hoi oukou e kaili aku i kona ola; nolaila, he poe pepehi kanaka oukou iloko o ko oukou mau naau, a ua like oukou me lakou. Ua wikiwiki oukou i **ka** hana hewa, aka lohi i ka hoomanao i ka Haku ko oukou Akua. Ua ike oukou i kahi anela, a olelo mai la oia ia oukou; he oiaio, ua lohe oukou i kona leo ia manawa aku ia manawa aku; a ua olelo mai la oia ia oukou ma **kahi** leo malie, a nuku, aka, ua pau **ko** oukou hoomaopopo ana, i hiki ole ai ia oukou ke hoomaopopo i kana mau olelo; nolaila, ua olelo mai la oia ia oukou me he leo o ka hekili la, e hoonuae ana i ka houua me he mea la e kaawale ana ia. A ua ike no hoi oukou, ua hiki ia ia ma ka mana o kana olelo mana loa, e hoano e i ka honua nei; he oiaio, a ua ike no hoi oukou ua hiki ia ia ma kana olelo e hoomania i na wahi apuupuu, a e hooapuupuu ae i na wahi laumania. E! no ke aha la i paakiki loa ai oukou me neia ma na naau o oukou? Aia hoi, ua walania loa iho la ko'u uhane me ke kaumaha nui loa no oukou, a ua eha no hoi kuu naau: ke makau nei au o hooleilia'ku auanei oukou no ka wa pau ole. Aia hoi, ua piha au i ka uhane o ke Akua, nolaila aole ikaika ma ko'u kino.

27. Ano, ia'u i olelo aku ai i keia mau olelo, huhu mai la lakou ia'u, a ua makemake lakou e hoolei mai ia'u iloko o ka hohonu o ke kai; a iko lakou hele ana mai e kau mai i na lima maluna o'u, olelo aku la au ia lakou, i ka i ana, Iloko o ka inoa o ke Akua mana loa, ke kauoha **aku** nei au ia oukou, mai hoopa mai oukou ia'u, no ka mea, ua piha au me ka mana o ke Akua, i ka hoopauia'na o ko'u io; a o ka mea nana e kau mai i ko lakou mau lima maluna iho o'u, e maewale ia me he ohe maloo la; a e lilo ia me he mea ole la imua o ka mana o ke Akua, no ka mea, e hahau mai ke Akua ia ia.

28. Eia kekahī, i aku la au, o Nepai ia lakou, mai ohumu hou lakou i **ko** lakou makuakane; mai au hoi i ka hana a lakou mai o'u aku, no **ka** mea, ua kauoha **mai** la ke Akua ia'u e kapili i kahi moku.

29. A i aku la au ia lakou, ina ua kauoha mai la ke Aku^q ia'u e hana i na mea a pau, ina ua hiki ia'u ke hana. Ina e kauoha mai oia ia'u e olelo aku i keia kai, e lilo oe i honua, alaila he honua no ia; a ina au i olelo pena, e hanaia no. Ano, ina no ka Haku ka mana nui e like me neia, a ua hanaia na hana mana he nui loa iwaena o na keiki a kanaka, pehea la i hiki ole ai ia ke ao mai ia'u, e kapili au i moku?

30. Olelo aku la au, o Nepai, i na mea he nui loa i ko'u mau hoahana, a hoka iho la lakou, a hiki ole ia lakou ke paio mai ia'u; aole hoi e aa lakou e kau mai i ko lakou mau lima maluna o'u, aole hoi e hoopa mai ia'u me ko lakou mau manamana lima, no na la he nui. Ano, aole lakou e **aa**

e hana i keia, o maewale lakou imua o'u, no ka mana o ka uhane o ke Akua; a pela ia i hana ai maluna o lakou.

31. Eia kekahī, i mai la ka Haku ia'u, E o hou aku oe i kou lima i kou mau hoahanau, aole o lakou e maewale imua ou, aka e hoochikilele au ia lakou, wahi a ka Haku, a e hana au i keia, i ike lakou owau no nei ka Haku, ko lakou Akua. Eia kekahī, o aku la u i ko'u lima i ko'u mau hoahanau, aole o lakou i maewale imua o'u; aka hoohaalulu ae la ka Haku ia lakou, e like me ka olelo ana i olelo mai ai. Ano la, i mai la lakou, Ke ike io nei makou, o ka Haku kekahī pu me oe, no ka mea, ke ike nei makou o ka mana o ka Haku oia ka mea i hoohaalulu ia makou. A moe iho la lakou imua o'u, a kokoke lakou e hoomana ia'u, aka aole au e ae aku ia lakou, i ka i ana, Owau no kou hoahanau, he oiaio, kou kaikaina; no ia mea, e hoomana i ka Haku kou Akua, a e mahalo oe i kou makuakane a me kou makuwahine, e loihi ai kou mau la ma ka aina a ka Haku, a kou Akua, e haawi mai ai ia oe.

32. Eia kekahī, hoomana aku la lakou i ka Haku, a hele pu aku la me au; a hana iho la makou i na laau me ka hana akamai. A hoike mai la ka Haku ia'u ia manawa aku ia manawa 'ku, i ke kumu like na'u e hana'i'i na laau o ka moku. Ano, aole au, o Nepai, i hana i na laau mamuli o ke ano i aoi a ne kanaka, aole hoi au i kapili aku i ka moku mamuli o ke ano o kanaka; aka kapili aku la au ia mamuli o ke ano a ka Haku i hoike mai ai ia'u: nolaila, aole mamuli o ka ke kanaka hana ia.

33. A pii pinepine aku la au, o Nepai, i ka mauna, a pule pinepine aku la au i ka Haku; no ia mea, hoike mai la ka Haku i na mea nui ia'u.

34. Eia kekahī, mahope iho o ko'u hoopaa ana i ka moku, e like me ka olelo a ka Haku, ike ae la ko'u mau hoahanau ua maikai no, a o ka hana ua nani loa; nolaila, hoohaahaa hou lakou ia lakou iho imua o ka Haku.

35. A hiki mai la ka leo o ka Haku i ko'u makuakane, e ku ae makon a e iho aku iloko o ka moku. Eia kekahī, ia la ae, mahope iho o ko makou hoomakaukau ana i na mea a pau, i ka hua, a me ka io nui mai ka waonahele mai, a i ka meli a lako, a i ka ai, e like me ka mea a ka Haku i kaooha mai ai ia makou, iho aku la makou iloko o ka moku, me ko makou ukana a pau a me na hua kanu o makou, a me kela mea keia mea a makou i lawe pu mai ai; o kela mea keia mea o makou e like me na makahiki ona; nolaila, iho iho la makou a pau iloko o ka moku, me ka makou mau wahine a me na keiki a makou.

36. Ano, na ko'u makuakane na keiki kane elua, i hanau ma ka wao-nahele: ua kapaia ka mua o Iakoba, a o ka muli o Iosepa. Eia kekahī, mahope iho o ko makou iho ana iloko o ka moku, a ua lawe pu me makou na mea ai a me na mea e ae i kaoohaia mai ai makou, hemo aku la makou i ke kai, a puhi aku la ka makani ia makou, me ka ihu i ka aina i olelo mua ia'i; a mahope iho o ko makou puhii'a'na e ka makani, no na la he

nui, aia hoi, hoomaka iho la ko'u mau hoahanau, a me na keiki a Isemaela, a me ka lakou mau wahine no hoi, e hoolealea ia lakou iho, a hoomaka lakou e haa, a e memele, a e olelo me na huaolelo ino, he oiaio, a heopoina ihe la lakou i ka manu i lawe mai ai ia lakou malaila; he oiaio, ua hookiekie'a'e la me ka wawa nui. A hoomaka iho la au, o Nepai, e makau nui loa o hahu mai auanei ke Akua ia makou, a e hahau mai ia makou, no ka makou hana ino, a e aleia makou i ka hohonu o ke kai; nolaila, hoomaka iho la wau, o Nepai, e olelo aku ia lakou me ka lealea ole; aka hoi, hahu mai la lakou ia'u, i ka i ana, Ale makou e ae aku i ko makou kaikaina e tilo ia i alii maluna o makou.

37. Eia kekahih, lalau mai la o Lamana laua me Lemuela ia'u a naki'i mai la ia'u me na kaula, a hana mai la lakou ia'u me ka lokoino nui; aka hoi, ae mai la ka Haku i keia mea, i hiki ia ia ke hoike mai i kona mana, i ka hooko ana i kana olelo, ana i olelo mai ai no ka poe hewa.

38. Eia kekahih, mahope iho o ko lakou nakinaki ana ia'u, i hiki ole ia'u ke oni, oki iho la ka hana o ka panana, i hoomakaukaui'a'i e ka Haku; nolaila, aole lakou i ike kahi a lakou e hookele ai i ka moku, a nou mai la ka makani ino, he oiaio, he makani ino loa a weliweli hoi, a ua puhia makou ihope maluna o ke kai i na la ekolu, a hoomaka iho la lakou e makau nui loa, o make auanei lakou i ke kai; aole nae lakou e hookuu mai ia'u. A i ka ha o ka la, o ko makou puhia'na ihope, nou mai la ka makani ino a ikaika loa.

39. A kokoke makou i aleia i ka hohonu o ke kai. A mahope iho o ko makou puhia'na ihope maluna o ke kai i na la eha, hoomaka iho la ko'u mau hoahanau e ike, maluna o lakou ka hoopai ana o ke Akua, a e make io no lakou, ke mili ole lakou i ko lakou mau hewa; nolaila, hele mai la lakou io'u la, a hoohemmo mai la i na mea paa ma na pulima o'u, aia hoi, ua pehu nui loa iho la laua; a pela no me na opuupuu wawae o'u, a nui loa ka eha o lakou.

40. Aka hoi, nana aku la au i ko'u Akua, a hiiiani no au ia ia a pau ka la; aole au i ohumu aku i ka Haku, no ko'u mau pilikia.

41. Ano, o ko'u makuakane, o Lehi, ua olelo aku la oia i na mea he nui loa ia laua, a i na keiki a Isemaela no hoi; aka ha aku la lakou i na olelo hooweliweli he nui i ka mea nana e olelo no'u; a ua nui na makahiki o na makua o'u, a ua nui ke kaumaha i losa'i ia laua no ka laua mau keiki, a ua hoomocia laua ilalo me ka mai, maluna o na wahine moe o laua. No ko laua kaumaha, a eha nui, a no ka hana hewa a ko'u mau hoahanau, ua kokoke laua e laweia 'ku mai keia ola ana, e halawai pu me ko laua Akua he oiaio, kokoke e laweia ko laua oho hina e moe ilalo i ka lepo; he oiaio, kokoke e hooleia 'ku laua i ka laua kai. A o Iakoba a me Iosepa no hoi ua opipio laua, a he mea e pono ai no laua e loaa ka mea e ikaika ai, a ua kaumaha no hoi no ka popilikia o ko laua makuwahine; a o ka'u wahine no hoi, me ka waimaka a me ka noi ana, a me ka'u mau keiki no hoi, aole i hoopalupalua na naau o ko'u mau hoahanau ma ia mau mea, e hookuu

mai ia'u; aohe mea e ae, o ka mana o ke Akua wale no, e hooweliweli ana ia lakou me ka make, i hiki ke hoopalupalu i ko lakou mau naau; nolaila, ia lakou i ike ai ua kokoke lakou e aleia i ka hohonu o ke kai, mibi ibo la lakou i ka mea a lakou i hana'i, a hookuu mai la lakou ia'u.

42. Eia kckahi, mahope iho o ko lakou hookuu ana ia'u, aia hoi, lawe ae la au i ka panana, a hele ae la ia e like me ko'u makemake. A pule aku la au i ka Haku; a mahope iho o ka'u pule ana, malie iho la ka makani, a pau ae la ke kupikipikio o ke kai a ua malie loa.

43. Eia kekahī, hookele aku la au, o Nepai, i ka moku, a holo honaku la makou i ka aina i olelo mua ia'i. A mahope iho o ko makou holo ana i na la he nui, hiki aku la makou i ka aina i olelo mua ia'i; a pae makou manuka maluna o ka aina, a kukulu iho la makou i na halelewa o makou, a kapa aku la makou ia i ka aina i hai mua ia'i.

44. Eia kekahī, hoomaka iho la makou e mahiai i ka honua, a e kanu i na hua; he oiaio, kanu iho la makou i ko makou hua a pau i ka lepo, a makou i lawe mai ai mai ka aina mai o Jerusalema. A kupu nui loa iho la ia mau mea; nolaila, ua hoopomaikaia mai la makou me ka lako.

45. Eia kekahī, ike aku la makou ma ka aina i olelo mua ia'i, ma ko makou hele ana i ka waonahele, aia ma ka ululau na holoholona o kelaano o keia ano, o ka bipi wahine a me ka bipi kane, a me ka hoki, a me ka lio, a me ke kao, a me ke kao hihii, a me kela ano keia ano o na holoholona hihii, i ku pono i ke kanaka. A loaa mai la ia makou kela ano keia ano o na mea e hooheheeia, o ke gula, o ke kala, a me ke keleawe.

46. Eia kckahi, kauoha mai la ka Haku ia'u, nolaila, hana iho la au i na papa o ka mea i hooheheeia, i hiki ia'u ke kahakaha maluna o lakou i ka mooolelo o ko'u poe kanaka. A maluna iho o na papa a'u i hana'i, kahakaha iho la au i ka mooolelo o ko'u makuakane, a me ko makou hele ana no hoi ma ka waonahele, a me na wanana a ko'u makuakane: a me na wanaba no hoi a'u he nui, ua kahakaha au maluna o lakou. Aole au i ike ma ka manawa a'u i olelo aku ai ia mau wanana, e kauohaia'na au e ka Haku e hana i ua mau papa nei: nolaila, o ka mooolelo o ko'u makuakane a me ke kuauhau o kona poe kupuna, a me ka hapa nui o ka hana a makou ma ka waonahele, ua kahakahaia maluna iho o ua mau papa la a'u i olelo mua ai; nolaila, o na mea i hala e mamua o ka'u hana ana i keia mau papa, he oiaio iho la, ua kakau nui ia ia mau mea maluna o na papa mua.

47. A mahope iho o ka'u hana ana i keia mau papa ma o ke kauoha la, loaa mai la ia'u, ia Nepai, he kauoha e kakauia na mea maopopo a mai-kai loa o ka oihana hai olelo, a o na wanana, maluna iho o keia mau papa; a e malama pono ia na mea i kakauia no ke ao ana aku i ko'u poe kanaka, e noho ana auanei ma ka aina, a no na hana naauao e ae, ua ikeia ua mau hana la e ka Haku; nolaila, kakau iho la wau, o Nepai, i mooolelo maluna iho o na papa e ae, he mooolelo nui ae ia o na kaua, a me na paio, a me ka lukuia ana o ko'u poe kanaka. A ua hana au i keia a

kauoha aku la no hoi i ko'u poe kanaka i na mea e pono ai na lakou e han-a, mahope iho o ko'u hele ana aku, a e haawiai a keia mau papa mai kekahia hanauna ake i kekahia hanauna ake, a mai kekahia kaula ake i kekahia, a hiki i ka wa e loaa'i ia lakou na kauoha e ae a ka Haku. A e kakauia auanei ka mooolelo o ka'u hana ana i keia mau papa i kekahia manawa e ake: alaila hoi, e hana no au e like me ka mea a'u i olelo ai; a ke hana nei au i keia, e malama pono ia na mea laa loa no ka hoonaanaoia ana o ko'u poe kanaka. Aka hoi, aole au e kakau i kekahia mea maluna o na papa, ke manao ole au he mea laa ia. Ano, ina e lalau ana au, ina no ua lalau ka poe o ka wa kahiko. Aole nae au e makemake e hoapono ia'u iho no na kanaka e ae, aka no ka nawaliwali iloko o'u, mamuli o ke kino, ua makemake au e hoakaka no'u iho. No ka mea, o na mea a kekahia poe e manao nui ai he maikai i ke kino a i ka uhane hoi, o kekahia poe e ae ua hoowahawaha lakou, a hehi ilalo o ko lakou mau wawae. He oiaio, hehi no na kanaka i ke Akua io o ka Iseraela, malalo iho o na wawae o lakou; ke i aku nei au, hehi malalo iho o na wawae o lakou; aka ke makemake nei au e olelo ma kahi olelo e. Ke hoowahawaha ake nei lakou ia ia, a hoolohe ole i ka olelo a kona ao ana; aia hoi, e hele mai ana oia e like me ka olelo a ka anela, i na makahiki eono haneri mai ka manawa a ko'u makuakane i haalele ai ia Ierusalema. A no ka hana ino loa a ko ke ao nei, e hoohewa ake auanei lakou ia ia me he mea ole la; nolaila, e hahau ana lakou ia ia, a e ahonui ana oia ma ia mea; a e pepehi ana lakou ia ia, a e ahonui ana oia ma ia mea. He oiaio, e kuhakuha ake ana no lakou iluna ona, a e ahonui ana oia ma ia mea, no kona lokomaikai aloha a me kona ahonui i na keiki a kanaka. A o ke Akua o ko kakou poe kupuna, ka poe i alakai'a'ku mailoko mai o Aigupita, mailoko mai o ka noho luhi ana, a i malamaia no hoi ma waonahele e ia; he oiaio, ke Akua o Aberahama, a o Isaaka, a me ke Akua o Iakoba, e haawi ana ia ia iho, e like me na olelo a ka anela, me he kanaka la, iloko o na lima o na kanaka hewa, e kaulia'i iluna e like me na olelo a Zenoka, a e kauilia'i ma ke kea e like me na olelo a Neuma, a e kanua ma kahi hale kupa-pau e like me na olelo a Zenosa, ana i olelo mai ai no na la pouli ekolu, he hoailona ia e haawiia mai no kona make, i ka poe e noho ana ma na moku puni o ke kai; aka e haawiai me ka maopopo nui i ka poe o ka hale o Iseraela.

48. No ka mea, penei wahi a ke kaula, e hele io mai ke Akua ma ia la i ko ka hale o Iseraela a pau: i kekahia poe me kona leo, no ko lakou pono, i ka hauoli nui ana o lakou a i ka hoolaia'na no hoi; a i kekahia poe e ae me ka hekili a me ka uila o kona mana, ma ka makani ino, ma ke ahi, a ma ka uahi, a ma ka ohu o ka pouli, a ma ka hamama ana o ka honua, a ma na mauna e laweia'ku iluna; a e hiki io mai keia mau mea e pono ai, wahi a ke kaula Zenosa. A e nahaha io no na pohaku o ka honua; a no ka auwe ana o ka honua, e olelo ake auanei na 'lii he nui o ua moku puni o ke kai, ma o ka Uhane la o ke Akua maluna o lakou,

Ke eha nei ke Akua o na mea a pau. A penei wahi a ke kaula, no **ka** poe e noho ana ma Ierusalem, e bahauia lakou e na kanaka a pau no **ko** lakou kau ana i ke Akua o ka Israela ma ke kea, a me ka huli ana'e **o ko** lakou mau naau, e hoomalau ana i na hoailona a me na mea kupanaha, a me ka mana a me ka nani o ke Akua o ka Israela; a no ka hoohuli ana'e o lakou i ko lakou mau naau, wahi a ke kaula, a ua hoowahawahawa i **ka** Mea Hemolele o ka Israela, e auwana auanei lakou ma ke kino, a e make, a e lilo i mea e hoinoia a e kuamamuia, a e inainaia iwaena o na lahuikanaka a pau; aka hoi, i ka wa e hiki mai ai ia la, wahi a ke kaula, i ka huli hou ole ana o lakou i ko lakou naau e ku e i ka Mea Hemolele **o ka** Israela, alaila, e hoomanao oia i na hana berita, ana i hana mai ai i ko lakou poe kupuna; he oiaio, alaila, e hoomanao oia i na mokupuni o **ke** kai; a e houluulu no au i na lahuikanaka a pau o ko ka hale o Israela, mai na kihī eha o ka honua, wahi a ka Haku, e like me na olelo a **ke** kaula Zenosa; he oiaio, a e ike ko ke ao nei a pau i ka hoola ana o **ka** Haku, wahi a ke kaula; a e hoopomaikāia kela lahui keia lahui, kela ohana keia ohana, kela olelo keia olelo, a me na kanaka a pau.

49. Ua palapala au, o Nepai, i keia mau mea i ko'u poe kanaka, i hiki paha ia'u ke koi aku ia lakou e hoomanao i ka Haku, i ko lakou Mea Hoolapanai; nolaila, ke olelo aku nei au i ko ka hale o Israela a pau, ina paha e loaa ia lakou keia mau mea. No ka mea, no'u na hooikaika ana iloko o ka uhane, e hoonawaliwali ana ia'u, a ua ikaika ole **ko**'u mau ami a pau, no **k**i poe e noho ana ma Ierusalem; no ka mea, ina ua loko-maikai ole ka Haku ia'u, e hoike mai ana ia'u no lakou, e like me kana i ka poe kaula kahiko, ina ua make pu no hoi au; a ua hoike io oia i ka poe kaula kahiko, i na mea a pau e pili ana ia lakou; a ua hoike no hoi oia i kekahi poe he nui no makou; nolaila, he mea e pono ai i ike makou i na mea e pili ana ia lakou, no ka mea, ua palapalaia maluna o na papa **keleawe**.

MOKUNA VI

1. **A**no, eia kekahi, aoaku la au, o Nepai, i ko'u mau hoahanau no ia mau mea. A heluhelu aku la au i na mea he nui wale ia lakou, i kahakahaia maluna o na papa keleawe, i ike no hoi lakou i ka hana ana a **ka** Haku ma na aina e, mawaena o ka poe o ka wa kahiko. A heluhelu ae la au i na mea he nui loa i palapalaia iloko o ka buke a Mose; aka, i hiki ia'u ke hoohuli nui ae ia lakou e manaoio i ka Haku i ko lakou Mea Hoola, heluhelu ae la au ia lakou i ka mea i palapalaia e Isaia; no ka mea, hoo-halike mai ae la au i na palapala hoano a pau ia makou, no ke ao ana a me ka hoonaauao ana ia makou. Nolaila, olelo aku la au ia lakou, i kai i ana, E hoolohe mai oukou i na olelo a ke kaula, oukou kekahī koena o **ko**

ka hale o Iseracia, he lala i haihaiia; e hoolohe oukou i na olelo a ke kau-la, i palapalaia i ko ka hale a pau o Israela, a e hoohalike ia mau olelo ia oukou iho, i loan ia oukou ka manaoiana e like me na hoahanau o oukou, mailaila oukou i hakia mai ai; no ka mea, mamuli o keia ano ua palapala mai la ke kaula: E haliu mai a e hoolohe i keia, E ko ka hale o Iakoba, ka poe i kapaina ma ka inoa o Israela, a i puka mai ai noloko mai o na wai o Iuda, ka poe hoohiki ma ka inoa o ka Haku, a hookaulana i ka inoa o ke Akua o Israela; aole nae lakou e hoohiki ma ka oiaio, aole hoi ma ka poao. Aka hoi, ke kapa nei lakou ia lakou iho no ke kulanakau-hale hoano, aka aole lakou i hilinai maluna o ke Akua o ka Israela, oia ka Haku o na Lehulehu: oiaio, o ka Haku o na Lehulehu kona inoa ia. Aia hoi, ua hai'aku la au i na mea mua mai kinohi mai; mai ko'u waha i puka aku ai lakou, a hoike aku la au ia mau mea; na'u i hoike hoohikilele i ua man mea nei. A hana iho la au ia, no ka mea, ua ike mua au ua paakiki oe, a o kou ai he olona hao, a o kou lae he keleawe; a ua hai'aku la au ia oe, mai kinohi mai; matnua o ka hiki ana mai hoike aku la au ia mau mea ia oe, no ka mea, o olelo auanei oe, Na kuu kii i hana i keia man mea, a na kuu kiikalaiia, a na kuu kiihoohehecia lakou i kauoha mai. Ua ike oe a lohe hoi i keia a pau; aole anei oukou e hai'aku? A ua hoike au ia oe i na mea hou mai ia manawa, he oiaio, i na mea hoi i hunaaia, aole hoi oe i ike ia lakou. Ua hanaiia lakou i keia manawa, aole mai kinohou mai; matnua o ka la au i lohe ole ai ia mau mea, ua haiia lakou ia oe, o olelo auanei oe, Aia, ua ike no wau ia mau mea. Oiaio, aole oe i lohe; he oiaio, aole hoi i ike; he oiaio, mai ia manawa mai, aole i hoohakahakaia kou pepeiao: no ka mea, ike mua no au e hana no oe me ka hoopunipuni nui loa, a mai ka opu mai ua kapaina oe he Lawehala.

2. Aka hoi, no ko'u inoa no wau e hoopance aku ai i ko'u inaina, a no kuu nani e hoomanawanui au ia oe, i hooki ole aku ai at ia oe. No ka mea, aia hoi, ua hoochhee maemae au ia oe; ua koho aku au ia oe ma ka umu o ka popilikia. No'u iho, he oiaio, no'u iho, e hana aku ai au i keia; no ka mea, aole au e ae aku e hoohaumiaia ko'u inoa, a, aole au e haawi aku i ko'u nani ia hai.

3. E hoolohe mai oe ia'u, E ka Iakoba, a me ka Israela hoi ko'u mea i heia; no ka mea, owau no ia; owau ka mua, a owau no hoi ka hope. Na ko'u lima no hoi i hookumu i ka honua, a na kuu lima akau i ana aku i na lau: hea aku no au ia lakou, a ku pu mai la no lakou. E hoakoakoa ia oukou iho a pau, a e hoolohe; owai ka mea iwaena o lakou i hai aku ai i keia mau mea ia lakou? Ua aloha ka Haku ia ia, oiaio, a e hooko oia i kana olelo, ana i hai aku ai ma o lakou la; a e hana no oia i kona makemake maluna o Babulona, a e kau no kona lima maluna o ko Kaleddea. Penei hoi, wahia ka Haku: Owau no ka Haku, oiaio, ua olelo aku la au, oia ua hea aku no au ia ia, e kukala, a na'u no ia i lawe mai nei, a e hoopomaikai no oia i kona hele ana.

4. E hookokoke mai oukou io'u nei: mai kinohi mai, aole au i olelo

malu; mai kona wa i haiia'i, ua olelo aku au; a ua hoouna mai ia'u o ka Haku ke Akua, a me kona uhane. A penei wahi a ka Haku kou Hoolapanai, ka Mea Hemolele o Israela: ua hoouna aku au ia ia, ka Haku kou Akua, ka mea e ao ana'ku ia oe i ka mea e pono ai, ka mea e alakai ana ia oe ma kahi e pono ai oe ke hele, na hana'ku oia ia. Ina i hoolohe mai oe i ka'u kauoha! ina ua like kou malu me ka muliwai, a o kou pono hoi me na aui o ke kai: ina ua like no hoi kau hua me ke one; a me na keiki o kou opu me kona iliili; aole e hookiia'ku kona inoa, aole hoi e hookaaia'ku imua o'u.

5. O haele oukou o Babulona, e holo oukou mai ko Kaledea aku, me ka leo o ka oli e hai aku, e hookaulana aku i keia, e hoolaha i ke kukulu o ka honua; e i aku oukou, ua hoolapanai ka Haku i kana kanwa ia Iakoba. Aole lakou i makewai: alakai ae la oia ia lakou mawaena o na waonahele: hookahe oia i ka wai mailoko mai o ka pohaku no lakou: wawahi no hoi oia i ka pohaku, a huai mai la ka wai. Ua hana iho la oia i keia a pau, a nui ae hoi, aole nae he maluhia no ka poc hewa, wahi a ka Haku.

6. Eia hou: e hoolohe mai, E ko ka hale o Israela, o oukou a pau i haihaiia a i kipakuia'ku, no ka hewa o na kahu o ko'u poe kanaka; he oiaio, o oukou a pau i haihaiia'ku a i hoopuchuia i o a i o, o ko'u poe kanaka, E ko ka hale o Israela. E haliu mai ia'u, E na moku puni, a e hoolohe hoi oukou, e na labuikanaka, ma kabi mainao aku; ua hea mai la ka Haku ia'u mai ka opu mai; mai ka opu mai hoi o ko'u maknahine ua hai oia i ko'u inoa. A ua hana mai la oia i ko'u waha e like me ka pahikaua oi; ma ke aka o kona lina na huna mai oia ia'u, a ua hana mai oia ia'u a like me ka pua i anaiia: ua huna mai oia ia'u iloko o kono aapua; a olelo mai la ia'u, Ooe no ka'u kauwa, E ka Israela e, iloko ou e hoonanii'a'i au. Alaila, i i iho la au, ua hana make hewa au, no ka ole wau i hoopau a i ko'u ikaika me ka make hewa; he oiaio, me ka Haku ko'u aponoia, a me ko'u Akua hoi ka'u hana ana.

7. Ano, wahi a ka Haku, ka mea i hana mai ia'u mai ka opu mai i kauwa nana, i mea e hoihoi mai i ka Iakoba ia ia: Ina i hoakoakoa ole ia ka Israela, e nani io nae au ma na maka o ka Haku, a o ko'u Akua ko'u ikaika no ia. A i mai la oia, he mea uuku ia e lilo oe i kauwa na'u e hoala mai i na ohana o ka Iakoba, a e hoihoi i ka poe i malamaia o ka Israela. E haawi aku no hoi au ia oe i malamalama no ka poe Genetile, i lilo oe i mea hoola no'u i na kukulu o'ka honua. Penei wahi a ka Haku, ka Hoolapanai o ka Israela, kona Mea Hemolele hoi, i ka mea i hoowahawahaina e kanaka, i ka mea a na labuikanaka i hoopailua ai, i ke kauwa a na mea e noho alii ana, e ike aku na moi a e ku iluna, e hoomana aku no hoi na 'ili, no ka Haku, ka mea oiaio. Penei wahi a ka Haku, i ka manawa aloha ua hoolohe au ia oe, E na moku puni o ke kai, a i kahi la hoola ua kokua au ia oe: a e malama no au ia oe, a e haawi aku ia oe i ka'u kauwa i berita no na kanaka, e hookupaa i ka honua, e hooili aku i na hooilina neoneo: I hiki ia oe ke olelo aku i ka poe i paa,

E hele iwaho; a i ka poe e noho ana ma ka pouli, E hoike ia oukou iho. E ai no lakou ma na alanui, a ma na wahi kiekie a pau ka lakou ai. Aole lakou e pololi, aole e makewai, aole hoi e hahau mai ka wela a me ka la ia lakou: no ka mea, o ka mea e aloha ia lakou nana lakou e alakai, he oiaio, ma na waipuna e alakai oia ia lakou. A e hoolilo aku no au i ko'u mau kuahiwi a pau, a e hookiekieia auanei ko'u mau alanui. Alaila, E ko ka hale o Israela, aia hoi, e hele mai no keia poe mai kahi loihi aku; aia hoi, o keia poe mai ke kukulu akau a mai. ke komohana mai; a o keia poe hoi mai ka aina o Sinima mai.

8. E oli, E na lani; a e haupoli hoi, E ka honua; no ka mea, e hookupaia na wawae o ka poe ma ka hikina; e poha mai i ka oli ana, E na mauna: no ka mea, aole lakou e hahau hou ia: no ka mea, ua hooluolu mai la ka Haku i kona poe kanaka, a e aloha mai no ia i kona poe i hoopilikiaia. Aka hoi, ua olelo mai o Ziona, ua haalele ka Haku ia'u; a ua hoopoina ko'u Haku io'u nei; aka e hoike mai no ia aole ona i hoopoina. No ka mea, e hiki anei i ka wahine ke hoopoina i kana keiki omowaiu, i ole ia e aloha aku i ke keikikane o kona opu? Oiaio, e hiki no ia lakou ke hoopoina, aka aole au e hoopoina ia oe, E ko ka hale o Israela. Aia hoi, ua kahakaha au ia oe ma na poho lima o'u; ua mau loa kou mau pa-pohaku ma ko'u alo. E wikiwiki no kau poe keiki e ku e i ka poe nana oe i pepehi; a o ka poe i hooneoneo ia oe, e puka aku no lakou mai ou aku.

9. E alawa ae oe i kou mau maka mao, a mao, a e nana hoi: ke ako-akoa mai nei lakou nei a pau, a e hele mai auanei lakou iou la. A me au e ola nei, wahi a ka Haku, e aahu io no oe ia lakou a pau me he kahikola, a e kakoo hoi ia lakou e like me ka wahine mare. No ka mea, o kou mau wahi mehameha a neoneo, a me ka aina o kou lukuia ana, e pilikia ana no ia no ka nui o ka poc e noho ana; e ioihi lilo loa ka poe i ale ia oe. O na keiki au e loaa'i auanei, mahope iho o ka lilo ana o ka poe mua, e olelo hou no lakou i kou mau pepeiao, Ua pilikia loa au i keia wahi: e haawi mai ia'u i wahi e noho ai au. Alaila, e olelo iho oe ma kou naau, nawai la i hoohanau mai i keia poe na'u, ua nele au i ka'u mau keiki a me-hameha, he pio no, a e kuewa ana i o a i o? A nawai la i hoonui mai i keia poe? Aia hoi, ua waiho wale ia au; mahea hoi lakou nei? Ke olelo mai nei ka Haku, ke Akua penei, Aia hoi, e hapai no au i ko'u lima i ka poe Genetile, a e kau no au i ko'u hae i na lahuikanaka: a e lawe mai lakou i kau poe keikikane ma ko lakou mau lima, a e kaikaiia kau poe kaikamahine ma ko lakou mau poohiwi. A e lilo na 'ili i poe makuakane hanai nou, a o na 'ili wahine a lakou i poe makuwahine hanai nou: a e kulou no lakou ilalo ia oe me na maka o lakou i ka honua, a e palu iho i ka lepo o kou mau wawae; a e ike auanei oe, Owau no ka Haku: no ka mea, o ka poe e kali ia'u, aole lakou e hilahila. No ka mea, e kaililia'ku anei ka waiwai pio mai ka poe ikaika aku, e hoopakeleia anei na pio i lawe pono ia? Aka penei wahi a ka Haku, e kaililia aku no na pio o ka poe ika-

ka, a e hoopakeleia ka waiwai i pio mai ka poe weliweli mai: no ka mea, e paio aku au i ka mea paio pu me oe, a e hoola no au i kau poe keiki. A e hanai au i ka poe i hooluhi aku ia oe i ko lakou io iho; a e ona auanei lakou i ko lakou koko iho, e like me ka waina ono: a e ike no na mea io a pau, Owau no ka Haku, o kou Mea e Ola'i, a me kou Hoolapanai, ka Mea Mana hoi o ka Lakoba.

MOKUNA VII.

1. **EIA** kekahi, mahope iho o ko'u heluhelu ana i keia mau mea i kaha-
kahai ma na papa keleawe, hele mai la ko'u mau hoahanau io'u nei, a i
mai la ia'u, Heaha la ke ano o keia mau mea au i heluhelu ai? Aia hei,
e hoomaopopoia anei keia mau mea e like me ko ka uhane, e hiki mai ana
mamuli o ko ka uhane, aole mamuli o ko ke kino? A i aku la au, o Ne-
pai, ia lakou, Aia hoi, ua hoikeia mai la ia mau mea i ke kaula e ka leo o
ka Uhane: no ka mea, ua hoikeia mai ma ka uhane na mea a pau i ka poe
kaula, e hiki mai ana auanei maluna o na keiki a kanaka mamuli o ko ke
kino. Nolaila, o na mea a'u i heluhelu ai, he mau mea e pili ana i na mea
o ke kino a me na mea hoi o ka uhane: no ka mea, eia kahi mea akaka, e
hoopuehuia'e ko ka hale o Israela ma neia hope aku, maluna iho o ka ili
o ka honua a pau, a iwaena no hoi o na lahuikanaka a pau, aia hoi, ua
nalowale iho la he nui loa i keia manawa, i ike ole ia e ka poe e noho ana
ma Ierusalem. Oiaio, ua alakaiia 'ku la ka nui o na ohana a pau; a ua
hoopuehuia ma o, a ma o, maluna o na mokupuni o ke kai; a o kahi a la-
kou i noho ai, aole kekahi o kakou i ike, eia wale no, ua ike kakou ua ala-
kaiia 'ku lakou. A mahope mai o ke alakaiia ana 'ku o lakou, ua wan-
anaia mai la keia mau mea no lakou, a no ka poe a pau e hoopuehuia a e
hoohokaia ma neia hope aku, no ka Mea Hemolele o ka Israela; no ka
mea, e hoopaakiki no lakou i ko lakou mau naau e ku e ia ia; no ia mea,
e hoopuehuia'e lakou iwaena o na lahuikanaka a pau, a e inainaia e na ka-
naka a pau. Aka hoi, mahope iho o ka hanaiia'na o lakou e ka poe Genetile,
a i hapai ka Haku i kona lima maluna iho o ka poe Genetile, a i kau
ia lakou iluna i hae, a i hiia ka lakou poe keikikane ma ko lakou la mau
lima, a i kaikaiia ka lakou poe kaikamahine maluna o ko lakou la mau
poohiwi, aia hoi, o keia mau mea i oleloia, no ke kino ia: no ka mea, pela io
no ka berita a ka Haku i ko kakou poe kupuna kane; a e pili ana ia ia
kakou ma na la e hiki mai ana, a me ko kakou poe hoahanau no hoi o ko
ka hale o Israela. A eia no hoi kekahi ano, e hiki mai ana ka manawa,
mahope aku o ka hoopuehuia'na aku, a me ka hoohokaia'na o ko ka hale
o Israela a pau, e hoala no ka Haku, ke Akua, i kekahi aupuni ikaika,

mawaena o ka poe Genetile, he oiaio, maluna iho o ka ili o keia aina, a • hoopuehuia auanei ka kakou poe hua e lakou.

2. A mahope aku o ka hoopuehuia'na o ka kakou poe hua, e hoomaka no ka Haku, ke Akua, e hana i kahi hana kupanaha, iwaena o ka poe Genetile, i kahi hana e pomaikai loa ai auanei ka kakou poe hua; nolaila, na hoohalikeia ia i ko lakou hanai'a'na e ka poe Genetile, a i ke kaikai'a ana ma ko lakou mau lima, a maluna o ko lakou mau poohiwi. A he hana no hoi ia e pomaikai ai ka poe Genetile: aole ka poe Genetile wale no, aka ko ka hale a pau o Israela, i ka hoomaopopo ana 'ku i na berita a ka Makna o ka lanai ia A berahama, i ka i ana, Ma ka'u hua e hoopomaikai'a'i na lahuikanaka a pau o ka honua. A ke makemake nei au, e ko'u mau hoahanau, e ike oukou ua hiki ole i na lahuikanaka a pau o ka honua nei ke hoopomaikai'a, ke ole hoike mai oia i kona lima imua o na maka o na lahuikanaka. Nolaila, e hoomaka no ka Haku, ke Akua, e hoike aku i kona lima imua o na lahuikanaka a pau, i ka lawe ana mai i kana mau berita a me kona euanelio, i ka poe o ka hale o Israela. Nolaila, e lawe. hou no oia ia lakou noloko mai o ka noho pio ana, a e houluuluia lakou i ko lakou aina hooilina: a e laweia mai noloko mai o ka pouli, a noloko mai o ka poelele: a e ike auanei lakou, o ka Haku oia ko lakou mea e Ola'i, a me ko lakou Mea Hoolapanai, ka Mea Mana o ka Israela. A o ke kokoa ua ekalesia nui a ino loa la, oia ka wahine hookamakama o ka honua nei a pau, e huli ananei ia maluna o ko lakou mau poo iho, no ka mea, e kaua no lakou mawaena o lakou iho, a e haule ka pahikaua o ko lakou lima maluna o ko lakou mau poo iho, a e ona auanei lakou i ko lakou koko iho. A o na lahuikanaka a pau e kaua aku ia oe, e ko ka hale o Israela, e hookueia auanei lakoa kekahli i kekahli, a e haule no lakou iloko o ka lua, a lakou i eli ai e hoopahele i ka poc kauaka a ke Akua.

3. A e lukuia ka poe a pau e kaua aku ia Ziona. A o ua wahine hookamakaina nui la, nana i hookahuli i na aoao pololei o ka Haku, he oiaio, o ua ekalesia nui a ino loa la, e biolo auanei ia i ka lepo, a e nani wale ka biolo ana ona. No ka mea, aia hoi, wahi a ke kaula, e hiki wawe ana ka manawa, aole o Satana mana hou maluna o na naau o na keiki a kanaka: no ka mea, e hiki koke mai ana ka la, c ka poe hookiekie a pau a me ka poe hana ino, me he mauu la lakou; a ke hele mai la ka la e hoopauia'i lakou i ke ahi. No ka mea, e hiki wawe ana ka manawa, e nininiia aku ko ke Akua inaina nui, maluna iho o na keiki a pau a kanaka: no ka mea, aole oia e ae aku i ka poe hewa e luku ae i ka poe pouo. Nolaila, e hoola no oia i ka poe pono ma kona mana, ina ma ka haawi ana mai i kona inaina nui, a e hoolaia ka poe pono, he oiaio, i ka lukuia'na o ko lakou poe enemi e ke ahi. No ia mea la, aole e pono no ka poe pono e makau ai; no ka mea, penei wahi a ke kaula, e hoolaia no lakou, ina paha me he mea la ma o ke ahi la. Aia hoi, e o'u mau hoahanau, ke i aku nei au ia oukou, e hiki koke mai no auanei keia mau mea e pono ai; he oiaio, o ke

koko, a me ke ahi, a me ka ohu o ka uahi; e hiki io mai ia maluna o ka ili o ka honua nei; a ke hele mai la ia i na kanaka ma ke kino, ina e hoo-paakiki lakou i ko lakou naau e ku e i ka Mea Hemolele o ka Israela; no ka mea, aia hoi, aole e lukuia ka poe pono; no ka mea, ke hele io mai la ka manawa, e hookiia'ku ka poe a pau e kaua aku ana ia Ziona. A e hoomakaukau io no ka Haku i ala no kona poe kanaka, i ka hooko ana i na olelo a Mose, ana i olelo mai ai, i ka i ana: E hooku auanei ka Haku ko oukou Akua i kekahia kaulia oukou, e like nie au, oia ka oukou e hoolohe ai ma na mea a pau ana e olelo mai ai ai oukou. A e hiki mai ka manawa o ka poe a pau i hoolohe ole i ua kaula la e okiai lakou, mai ka poe kanaka 'ku.

4. Ano, ke hai aku nei au, o Nepai, ia oukou, o keia kaula a Mose i olelo mai ai, oia ka mea Hemolele o ka Israela; nolaila, e hoopai no oia ma ka pono; a o ka poe pono aole o lakou mea e makau ai, no ka mea, o lakou ka poe e hoohoka ole ia. Aka, o ke aupuni o ka diabolo ka mea e kukuluia ana mawaena o na keiki a kanaka, a ua kukuluia ua aupuni la mawaena o ka poe ma ke kino: no ka mea, e hiki koke ana ka manawa, o na ekalesia a pau i kukuluia i loaa'i ka waiwai, a me ka poe i kukuluia i loaa'i ka mana maluna o ke kino, a me ka poe i kutkulua e lilo i mea mahaloia imua o na maka o ko ke ao nei, a me ka poe e ini ana i na kuko o ke kino a me na mea o ko ke ao nei, a e hana i kela ano o ka hewa i keia ano o ka hewa; he oiaio, o ka poc a pau no ke aupuni o ka diabolo, oia ka poe e pono e makau ai, a e haalulu, a e nauene; he ciaio, o lakou no ka poe e hoohaahaia ilalo ma ka lepo: o lakou no ka poe e wela ana me he mauu la; a ua like keia me na olelo a ke kaula. A ke hele koke mai la ka manawa, e alakaiia iluna ka poe pono e like me na bipi keiki i kupaliua, a e noho alii ka Mea Hemolele o ka Israela me ka lanakila, a me ka ikaika, a me ka mana, a me ka nani nui. A ke houluulu mai la oia i kana poe keiki mai na kihia eha o ka honua; a ke helu mai la oia i kana poe hipia, a ua ike no lakou ia ia; a e lilo auanei i hookahi ohana hipia a i hookahi kahuhipa: a e hanai oia i kana poe hipia, a iloko ona e loaa'i ia lakou ka ai. A no ka pono o kona poe kanaka, na mana ole o Satana; nolaila, aole e hiki ke hookuuia oia no na makaliki he nui wale; no ka mea, aole ona mana maluna o na naau o na kanaka, no ka mea, e noho ana lakou ma ka pono, a e noho alii ana ka Mea Hemolele o ka Israela. Ano, aia hoi, ke i aku nei au, o Nepai, ia oukou, e hiki io mai ana no keia mau mea a pau ma ke kino. Aka, aia hoi, e noho maluhia ananei na lahuikanaka a pau, na ohana, na olelo, a me na kanaka, iloko o ka Mea Hemolele o ka Israela, ina e mihi lakou.

5. Ano, ke hooki nei au, o Nepai; no ka mea, aole au i aa e olelo hou aku i keia manawa, no keia mau mea. Nolaila, e o'u mau hoahanau, ke makemake nei au e hoomanao oukou, he oiaio na mea i kahakahaia maluna o na papa keleawe; a ke hoike mai nei ia mau mea, he mea pono no ke kanaka e hoolohe aku i na kauoha a ke Akua. Nolaila, aole pono no ou-

kou e manao, owau nei a me kuu makuakane na mea wale no i hoike, a i ao aku no hoi i keia mau mea. Nolaila, ina e hoolohe pono oukou i na kauoha, a e hoomau pono i ka hopena, e hoolaia oukou ma ka la hope. A pela io no ia. Amene.

KA BUKE LUA A NEPAI.

MOKUNA I.

Ka moolelo o ka make ana o Lehi. No ke kipi ana o ko Nepai mau hoahanau ia ia. Ao mai la ka Haku ia Nepai e hele aku i ka waonahele. No kona hele ana ma ka waonahele, a pela aku.

Ano, eia kekahi, mahope iho o ka'u, ka Nepai ao ana aku i ko'u mau hoahanau, olelo ae la no hoi ko makou makuakane, o Lehi, i na mea he nui loa ia lakou, i ka nui o na mea a ka Haku i hana mai ai no lakou, i ka laweia'na mai o lakou mailoke mai o ka aina o Ierusalem. A olelo ae la oia ia lakou no na kipi ana o lakou maluna o ke kai, a me ke aloha o ke Akua i kona hoola ana ia lakou, i ole lakou i poho i ke kai. A olelo ae la no hoi oia ia lakou no ka aina i hai mua ia'i a lakou i loaa'i; a no ka nui o ka lokomaikai o ka Haku i kana ao ana mai ia kakou e holo mailoko mai o ka aina o Ierusalem. No ka mea, aia hoi, wahi ana, ua ike au i ka hihio, a ua ike au iloko o ia mea ua lukuia o Ierusalem; a ina ua noho kakou ma Ierusalem, ina ua make pu no hoi kakou. Aka, i mai la oia, me ko kakou mau pilikia, ua loaa nae ia kakou he aina i olelo mua ia'i, he aina i oi ka maikai mamua o na aina a ae a pau; he aina a ka Haku ke Akua i hana berita mai ai me a'u, e lilo i aina hooilina no ka'u poe hua. Oiaio, ua hana berita maj ka Haku i keia aina no'u a no ka'u poe hua no ka wa pau ole; a no ka poe a pau e alakaiia mai noloko mai o na aina e, e ka lima o ka Haku. Nolaila, ke wanana nei au, o Lehi, e like me ke kuhikuhi ana o ka Uhane iloko o'u, aole e hele mai auanei kekahi mea maloko o keia aina, ke lawe ole ia mai lakou e ka lima o ka Haku. Nolaila, ua hoolaaia keia aina i ka mea ana e lawe mai ai. A ina paha lakou e hookauwa aku nana e like me na kauoha ana i haawi mai ai, e lilo ia i aina ku okoa no lakou; nolaila, aole loa lakou e laweia ilalo iloko o ka noho pio ana: ina pela, ea, no ka hana ino ia: no ka mea, ina he nui loa ka hana ino, e hoinoia ka aina no lakou; aka, i ka poe pono, ea, e hoopomaikaiia ia no ka wa pau ole.

2. Aia hoi, he mea pono e hunaia keia aina i keia manawa me ka ike ole mai o na lahuikanaka e; no ka mea, e kawowo auanei na kanaka ma

ka aina nei, a koe ole he wahi no ka hoolina. Nolaila, ua loaa ia'u, ia Lehi, he olelo paa, ina e malama pono ka poe a ka Haku ke Akua e lawe mai ai noloko mai o ka aina o Ierusalema, i kana mau kauoha, e hoopomai-kaiia lakou maluna o keia aina; a e hookaawaleia aku lakou mai na lahuikanaka e ae aku, i hiki ia lakou ke loaa keia aina ia lakou iho. A ina pela e malama pono lakou i kana mau kauoha, e hoopomaikaiia lakou maluna o ka ili o keia aina, aole mea e hoopilikia ia lakou, aole hoi e lawe aku i ko lakou aina hoolina; a e noho no lakou me ka maluhia no ka wa pau ole. Aka hoi, a hiki mai ka manawa e emi lakou iloko o ka hoomaloka, mahope iho o ko lakou loaa ana na mea pomaikai nui, mai ka lima o ka Haku mai; i loaa no hoi ka ike no ka hanaia'na o ka honua nei, a me na kanaka a pau, e ike ana i na hana nui a kupai'anaha a ka Haku mai ka hookumuia ana mai o ka honua nei; a i loaa ia lakou ka mana no hoi e hana i na mea a pau ma ka manaoio; a i loaa na kauoha a pau no hoi mai kinohi mai, a i laweia mai nei e kona lokomaikai keu loa i keia aina mai-kai i hai mua ia'i; aia hoi, ke i aku nei au, ina e hiki mai ka la a lakou e hoomalau ai i ka Mea Hemolele o ka Iscraela, i ka Mesia oiaio, ko lakou Mea Hoolapanai a me ko lakou Akua, aia hoi, e kau no ka hoopai ana o ka Mea Pono maluna o lakou; he oiaio, e lawe mai oia i na lahuikanaka e ae io lakou la, a e haawi no oia i mana ia lakou, a e kaili aku oia i ko lakou aina hoolina; a nana lakou e hoopuehu aku a e hahau no hoi. Oiaio, mai kekahihanauna aku i kekahihanauna, he nui no ka hookahe ana o ke koko a me ka hoopai ana iwaena o lakou; nolaila, e a'u mau keiki, ke makemake nei au e hoomanao oukou; he oiaio, ke makemake nei au e hoolohe mai oukou i ka'u mau olelo.

3. E! Ina e ala oukou; e ala ae mai ka hiamoe loa, he oiaio, mai ka hiamoe o Gehena, a e hoolei aku i na kaula hao welliwelli a oukou i paa ai, oia na kaula hao i paa ai na keiki a kanaka, i kaikai pio ia'ku lakou ilalo i ke awawa mau loa o ka ehaeha a o ka poino! E ala! a e ku iluna mai ka lepo mai, a e hoohe i ka olelo a kahi makua haalulu, o kona mau lala e waiho koke ana oukou ilalo iloko o ka lua kupapau anu a anoano, ma kahi i hiki ole ai i kekahihanauna mea hele aku ke hoi mai; he mau la kakaikahi i koe, a e hele no au i ke ala o ko ke ao nei a pau. Aka hoi, ua hoolapanai mai la ka Haku i kuu uhane mai Gehena mai: ua ike au i kona nani, ua hoopuni mau ia au e na lima o kona aloha. Ke ake nei au e boomanao oukou i na olelo kupaa a me na hoopai pono ana o ka Haku: aia hoi, oia ka mea a ko'u uhane i manao nui ai mai kinohi. Ua hooluhia mai la ko'u naau me ke kaumaha, ia manawa aku ia manawa aku; no ka mea, ua makau au o hoopuka mai ka Haku ko oukou Akua i ka nui o kona inaina, maluna o oukou, no ka paakiki o ko oukou mau naau, a e hookiia'ku oukou a make mau loa aku; a i ole ia, e hiki mai kekahihanauna mea mainoino maluna o oukou no na hanauna he nui; a e hahauia oukou e ka pahikaua, a e ka wi, a e hoowahawahaia, a e alakaiia'ku e like me ka makemake a me ka noho pio ana o ka diabolo.

4. E ka'u mau keiki, ina aole e hiki mai keia mau mea maluna o oukou, aka, ina he lahuikanaka i kohoia a i alohaia oukou e ka Haku. Aka hoi, e hanaia kona makemake: no ka mea, ua pololei kona mau aoao a mau loa; a ua i mai oia, Ina e malama pono oukou i ka'u mau kauoha, e hoopomaikaiia auanei oukou ma ka aina; aka ina aole oukou e malama i ka'u mau kauoha, e hookia 'ku oukou mai ko'u alo aku. Ano, ina e loaa i kuu uhane ka hauoli no oukou, a ina e haalele ko'u naau i keia ao me ka hoihoi no oukou; a i lawe ole ia'i au ilalo i ka lua kupapau me ke kau-naha a me ka eha o ka naau, e ala'e mai ka lepo mai, e na keiki a'u, a e hookanaka, a e kupa'a ma ka manao hookahii, a ma ka naau hookahii e lokahi ai ma na mea a pau, i ole ai oukou e laweia ilalo i ka noho pio ana; i ole ai oukou e hoomainoinoia me ka poino cha; i loaa ole ai hoi ia oukou ka huhu o ke Akua hoopono maluna o oukou, i ka make ana, he oiaio, i ka make mau loa ana o ka uhane a me ke kino. E ala, e ka'u mau keiki; e aahu iho i ke kahiko o ka pono. E hoolei aku i na kaula hao o oukou e paa nei, a e puka mai mailoko mai o ka pouli, a e ku mai iluna mai ka lepo mai. Mai ku e hou i ko oukou kaikaina, o kona ike ua nani ia, a ua malama oia i na kauoha a ke Akua mai ka manawa a kakou i haalele aku ai ia Ierusalema, a ua lilo oia i mea hana ma na lima o ke Akua, i ka lawe ana mai ia kakou i ka aina i hai mua ia'i: no ka mea, ina aole oia, ina ua make io no kakou me ka pololi ma ka waonahele; aka hoi, imi iho la oukou e kaili aku i kona ola: he oiaio, a ua loaa ia ia ka eha nui o ka naau no oukou. A ke makau nui nei au a haalulu no hoi no oukou, o ioaa hou ia ia ka pilikia: no ka mea, aia hoi, ua hoohewa oukou ia ia me ka olelo ae, ua imi oia i ka mana a me ka hookiekie maluna o oukou; aka ua ike au aole ona i imi i ka mana a me ka hookiekie maluna o oukou; aka ua imi oia i ka nani o ke Akua, a i ko oukou pomaikai mau loa. A ua ohumu iho la oukou no kona hai maopopo ana ia oukou. Ke i mai nei oukou ua oi kana olelo ia oukou; ke i mai nei oukou ua huhu ae la oia ia oukou. Aka hoi, o ka oi o kana oia ka oi o ka mana o ka olelo a ke Akua, iloko ona; a o ka mea a oukou i kapa mai ai he huhu, oia ka oiaio, e like me ia iloko o ke Akua, ka mea i hiki ole ai ia ia ke uumi, e hoike akun ana me ka wiwo ole no ka oukou hana ino ana. A o ko ke Akua mana pu me ia i pono ai, oiaio, i kana kauoha ana ia oukou, i hoolohe oukou. Aka hoi, aole oia, aka o ka uhane o ka Haku iloko ona, e hoohamama ana i koua waha e olelo, i hiki ole ia ia ke pane.

5. Ano, e ka'u keiki Lamana, a me Lemuela olua me Sama hoi, a me na keiki a'u no hoi oia na keiki a Isemaela, aia hoi, ina e hoolohe oukou i ka olelo a Nepai, aole oukou e make. A ina e hoolohe oukou i kana, ke waiho nei au he hoopomaikai no oukou, he oiaio, o kuu hoopomaikai mua ana. Aka, ke ole oukou e hoolohe i kana, e lawe aku au i kuu hoopomaikai mua ana, he oiaio, o kuu hoopomaikai ana, a e kau ia maluna ona. Ano, e Zorama, ke olelo aku nei au ia oe: Aia hoi, ooe no ke kauwa a Labana; aka hoi, ua laweia mai la oe noloko mai o ka aina o Ierusalema,

a ua ike au he hoaaloha io oe no ka'u keiki no Nepai, a mau loa aku. Nolaila, no kou malama pono ana, e hoomaikai pu ia kan hua me ka-na hua, i noho loihi ai lakou me ka pomaikai maluna o ka ili o keia aina; aole mea e hoeha, aole hoi e hoopilikia i ko lakou poho pomaikai ana, koe wale no ka hana ino iwaena o lakou iho, maluna o keia aina a mau loa aku. Nolaila, ina e malama pono oukou i na kauoha a ka Haku, ua hoo-la-a mai la ka Haku i keia aina i ka noho maluhia pu ana o kau hua me na hua a ka'u keiki. Ano, e Iakoba, ke olelo aku nei au ia oe: Ooe no ka'u i hanau mua ma na la o ko'u popilikia iloko o ka waonahele. Aia hoi, ua loaa ia oe i kou wa kamalii ka popilikia a me ke kaumaha nui, no ke kolohe o kou mau hoahanau. Aka hoi, e Iakoba, ka'u i hanau mua iloko o ka waonahele, ke ike nei oe i ka nani o ke Akua; a e hoolaa oia i kou pilikia i mea e pomaikai ai nou. Nolaila, e hoopomai-kaiia kou uhane, a e noho maluhia pu oe me kou kaikuanaa, o Nepai; a e hooliloia'ku kou mau la ma ka hana a kou Akua. Nolaila, ke ike nei au ua hoolapanaiia oe no ka pono o kou Mea Hoolapanai; no ka mea, ua ike oe e hele mai ana oia i ka manawa ku pono, e lawe mai i ke ola i kanaka. A ua ike oe i kona nani ma kou wa opiopio; no ia mea, ua hoopomai-kaiia oe e like me ka poe ana e lawelawe mai ai ma ke kino: no ka mea, oia mau no ka uhane, inehinei, i keia la, a mau loa aku. A ua hoomakau-kauiia ke ala mai ka haule ana mai o ke kanaka, a ua haawiiia mai ke ola mau loa me ka uku ole aku. A ua lawa na kanaka i ke aopia mai, i ike lakou i ka pono a me ka hewa. A ua haawiiia mai ke kanawai i kanaka. A ma ke kanawai aole i hoaponoia kekahi mea; oia hoi, ma ke kanawai, ua hookiia'ku na kanaka. Oiaio, ma ko ke kino kanawai, ua hookiia'ku; a ma ko ka uhane kanawai hoi e make ana lakou mai ka pono aku, a lilo lakou i poe poino a mau loa aku. Nolaila, ke hele mai la ka hoolapanai ana iloko o ka Mesia Hemolele a ma o na la no hoi: no ka mea, ua piha oia i ka lokomaikai a me ka oiaio.

6. Aia hoi, ke haawi mai la oia ia ia iho i mohai no ka hewa, e hooko i ka hana o ke kanawai, i ka poe a pau me ka naau palupalu a me ka uhane mihi; aole loa e hookoia ka hana a ke kanawai i kekahi mea e ae. Nolaila, he mea nui e hoomaopopo aku i keia mau mea i ko ke ao nei, i ike lakou aole e hiki i ka io ke noho pu ma ke alo o ke Akua, ke ole wale no ma ka pono, a me ke aloha, a me ka lokomaikai o ka Mesia Hemolele, nana e waiho aku ilalo i kona ola mamuli o ke kino, a e lawe hou ia ma ka mana o ka uhane, i hiki ia ia ke lawe mai i ke alahou ana o ka poe make, oia no ka mea mua e ala mai ai. Nolaila, oia no ka hua mua i ke Akua, no ka mea, nana e uwao no na keiki a pau a kanaka: a o ka poe a pau e manaoio ia ia e hoolala lakou. A no ka uwao ana no na mea a pau, i hiki no na kanaka a pau i ke Akua la; nolaila, e ku ana lakou ma ke alo Ona; e hookolokoloia e Ia, e like me ka oiaio a me ka hemolele iloko Ona. Nolaila, o ka hope o ke kanawai a ka Mea Hemolele i haawi mai ai, i ka hoopai ana i ka uku hoopai i kauia mai, a e kuee ana ua uku hoopai nei i

kania mai, i ka pomaikai i kauia mai, e hooko i ka hope o ke kalahala; no ka mea, ma na mea a pau e kuee ana kekahia aoao i kekahia e pono ai. Ina aole pela, e ka'u hanau mua ma ka waonahele, he mea i hiki ole i ka pono ke hanaia; aole hoi i ka hewa; aole i ka hemolele aole hoi i ka poino; aole i ka maikai aole hoi i ka ino. No ia mea, ina pela e hui pu ia na mea a pau i hookahi; nolaila, ina hookahi kino ia, e waiho ia me he mea make la e pono ai, aole ola aole hoi make, aole palaho aole hoi palaho ole, aole pomaikai aole hoi poino, aole ike aole hoi ike ole. Nolaila, ina pela ua hanaia mai la ia i mea ole; no ia mea, aole hope no ka hanaia'na o ia mea. Nolaila, e hoopau no keia mea i ka naauao o ke Akua, a me kona mau manao paa mau loa, a i ka mana, a i ke aloha, a me ka hoopono ana o ke Akua no hoi. A ina i aku oukou aole he kanawai, e i no hoi oukou aole he hewa. A ke olelo oukou aole he hewa, e olelo no hoi oukou aole no he pono. A ina aole he pono, aole hoi he pomaikai. A ina aole he pono aole hoi he pomaikai, alaila, aole he hoopai aole hoi he poino. A ina aole keia mau mea, aole he Akua. A ina aole he Akua, aole o kakou, aole hoi ka honua: no ka mea, aole i hiki ke hanaia kekahia mea, aole e hana aka aole hoi e hanaia mai; nolaila, ina ua nallowale iho la na mea a pau.

7. Ano, e ka'u mau keiki, ke olelo aku nei au i keia mau mea, no ko oukou pomaikai a hooonaaauaoia'na: no ka mea, aia no he Akua, a ua hana mai la oia i na mea a pau, ma ka lani a ma ka honua no hoi, a me na mea a pau oloko: o na mea e hana aku, a me na mea e hanaia mai; a e hooko i kona manao mau loa i ka hana ana i kanaka, mahope iho o kana hana ana i ko kakou mau kupuna mua, a me na holoholona o ke kula a me na manu o ka lewa, a me na mea a pau i hanaia'i, he mea i pono ai i kauia mai he mau mea kuee; oia ka hua i papai'a'i e kuee ana i ka laau o ke ola; o kekahia he ono ia, a o kekahia he awaawa; nolaila, haawi mai la ke Akua i kanaka, i hiki ia ia ke hana e like me kona manao iho. Nolaila, ua hiki ole i ke kanaka ke hana e like me kona manao iho, ke hoowalewale ole ia oia e keia, a i ole ia, e kela.

8. A ke manao nei au, o Lehi, e like me na mea a'u i heluhelu ai, ua haule kekahia anela o ke Akua, mai ka lani mai, e like me ka mea i palapalaia; nolaila, lilo iho la oia i diabolo, ua imi iho la oia i ka mea hewa imua o ke Akua. A no kona haule ana mai ka lani mai, a lilo i mea poino no ka wa pau ole, imi iho la no hoi oia i ka poino o na kanaka a pau. Nolaila, i ac la oia ia Ewa, oiaio, o kela nahesa kahiko, oia ka diabolo, oia hoi ka maknuakane o na mea wahahhee a pau; nolaila, i ae la oia, E ai i ka hua i papai'a'i, aole oluia e make, aka e like auanei oluia me ke Akua, i ka ike i ka pono a me ka hewa. A mahope iho o ko Adamu laua me Ewa ai ana i ka hua i papai'a'i, ua kipakuia aku la laua iwaho o ka mahinaai o Edena, e mahi i ka honua. A ua hanau mai la laua i na keiki; he oiaio, o ka ohana o ko ke ao nei a pau. A ua hooloiliiia na la o na keiki a kanaka, e like me ka makemake o ke Akua, i hiki ia lakou ke mihi i ka noho ana ma ke kino; nolaila, lilo mai la ko lakou noho ana i noho ana e ho-

aoia'i, a ua hooliohiia ko lakou manawa, e like me na kauoha a ke Akua i haawi mai ai i na keiki a kanaka. No ka mea, haawi mai la oia i kauoha no na kanaka a pau e mihi lakou e pono ai; a hoike mai la no hoi oia i na keiki a kanaka a pau ua lilo aku la lakou, no ka hala o na kupuna mua o lakou. Ano, aia hoi, ina aole o Adamu i hana i ka hala, ina aole oia i haule; aka, ina no ua noho oia ma ka mahinaai o Edena. A ina no ua **oia** mau iho la na mea a pau i hanaia'i, ma ko lakou ano mua, mahope mai o ko lakou hanaia'na; a ina no ua waihoia mai la lakou a mau loa aku, aole hoi hopena. Aole hoi laua e hanau i na keiki: nolaila, ua noho laua i ka noho hala ole ana, aole haupoli, no ka mea, aole o laua i ike i ka poino: aole e hana ana i ka pono, no ka mea, aole o laua i ike i ka hewa. Aka hoi, ua hanaia mai la na mea a pau ma ka naauao o ka mea nana i ike i na mea a pau loa. Haule iho la o Adamu, i loaa na kanaka; a ke ola nei na kanaka, i loaa ia lakou ka olioli. Ke hele mai la ka Mesia i ka manawa ku pono, e hiki ia ia ke hoola i na keiki a kanaka mai ka haule ana mai. A no ko lakou hoolia'na mai ka haule ana mai, ua lilo lakou i poe paa ole a mau loa aku, e ike ana i ka pono a me ka hewa; e hana no lakou iho, aole e hanaia mai, ma ka hoopai ana o ke kanawai wale no, ma ka la nui mahope, e like me na kauoha a ke Akua i haawi mai ai. Nolaila, mamuli o ke kino ua paa ole na kanaka; a ua haawia mai la na mea a pau ia lakou i ku pono i kanaka. A ua kaawale lakou e koho aku i ka noho pio ole a me ke ola mau loa, ma o ka Mea Uwao nui la o na kanaka a pau; a i ole ia, e koho i ka noho pio a me ka make, e like me ka noho pio ana a me ka mana o ka diabolo: no ka mea, ke inni nei oia i poino pu na kanaka a pau e like me ia iho.

9. Ano, e ka'u mau keiki, ke makemake nei au e nana oukou i ka Mea Uwao nui, a e hoolohe i kana mau kauoha nui; a e malama pono i kana mau olelo, a e koho aku i ke ola mau loa, e like me ka makemake o kona Uhane Hemolele, aole e koho aku i ka make mau loa, e like me ka make-make o ke kino a me ka hewa o koloko, oia na mea e haawi aku ana i ka uhane o ka diabolo i ka mana e hoopio, a e lawe oukou ilalo i Gehena, i hiki ia ia ke noho alii maluna o oukou iloko o kona aupuni.

10. Ua olelo aku au i keia mau olelo uuku ia oukou a pau, e a'u mau keiki, ma na la hope o kuu hoaoia ana; a ua koho au i ka mea e pono ai, e like me na olelo a ke kaula. A o ko'u manao wale no, o ke ola mau loa no ia o ko oukou mau uhane. Amene.

MOKUNA II.

1. Ano, ke olelo aku nei au ia oe, e Iosepa e, ka'u hanau hope, ua hanau mai la oe ma ko'u wa popilikia ma ka waonahele; he oiaio, ma na la o ko'u kaumaha nui loa, ua hapai mai la kou makuwahine ia ee. A e hoo-la a no hoi ka Haku i keia aina nou, he aina maikai loa no ia, no kou hooi-

lina a no ka hooilina o kau poe hua me kou poe hoahanau, no kou maluhia a mau loa aku; ina e malama pono oukou i na kauoha a ka Mea Hemolele o ka Iseraela. Ano, e Iosepa, ka'u hanau hope e, a'u i lawe mai ai noloko mai o ka waonahele, kahi o'u i hoopopilikiaia'i; na ka Haku e hoopomaikai ia oe no ka wa pau ole, no ka mea, aole e hoopan loa ia kau poe hua. No ka mea, aia hoi, ooe no ka hua a ko'u puhaka, a he mamo no au na Iosepa, ka mea i lawe pio ia aku i Aigupita. A ua nani na berita a ka Haku, ana i hana mai ai ia Iosepa; nolaila, ike io o Iosepa i ko kakou la nei. A loaa ia ia he olelo hoopomaikai na ka Haku mai, e hoola mai ka Haku ke Akua i kekahi lala pono i ko ka hale o Iseraela, noloko mai o na hua a kona puhaka; aole o ka Mesia, aka he lala e haihaiia mai; aka hoi, e hoomanaoia ma na berita a ka Haku, e hoikeia ka Mesia ia lakou ma na la mahope, i ka mana o ka uhane, i ka hoopuka'ku ana ia lakou noloko mai o ka pouli i ka malamalama; he oiaio, noloko mai o ka pouli i huniaia, a noloko mai o ka noho pio ana i ka noho pio ole ana.

2. No ka mea, hoike io mai la o Iosepa, i ka i ana: E hoala auanei ka Haku ko'u Akua i kahi Mea nana Urima, nana e lilo i mea nana Urima pookela i na hua a ko'u puhaka. Oiaio, oleio io mai la o Iosepa, penei, wahi a ka Haku, ia'u: Na'u no e hoaia i kahi mea nana Urima pookela mailoko mai o na hua a kou puhaka; a e manao nui ia oia mawaena o na hua a kou puhaka. A ia ia au e haawi aku ai i kauoha, i hana oia i kahi bana no na hua a kou puhaka, kona poe hoahanau, he hana pomaikai nui ia lakou, i ka laweia'na mai o lakou i ka ike i na berita a'u i hana aku ai i kou mau kupuna kane. A e haawi no au ia ia i kauoha, i hana ole oia i kekahi bana e, o ka hana wale no a'u e kauoha aku ai ia ia. A e hoolilo au ia ia i mea nui imua o ko'u mau maka: no ka mea, e hana no oia i ka'u hana. A e nui auanei oia e like me Mose, ka mea nana a'u i olelo aku ai e hoala auanei au no oukou, e hoola i ko'u poe kanaka, e ko ka hale o Israela. A e hoala no au ia Mose, e hoopakele i kou poe kanaka mailoko mai o ka aina o Aigupita. Aka e hoala no au i kekahi mea nana Urima noloko mai o na hua a kou puhaka; a e haawi no au ia ia i ka mana e hoopuka mai i ka'u olelo i na hua a kou puhaka; aole i ka hoopuka ana mai o ka'u olelo wale no, wahi a ka Haku, aka i ka hoomaopopo ana ia lakou i ka'u olelo, i hele e aku iwaena o lakou. Nolaila, e palapala auanei na hua a kou puhaka; a e palapala auanei na hua a ka puhaka o Iuda; a o na mea e palapalaia'i auanei e na hua a kou puhaka; a o na mea no hoi e palapalaia'i auanei e na hua a ka puhaka o Iuda, e ulu pu lana a elua i hookahi, i ka hoohoka ana i na ao wahabee ana, a i ka hoopan ana i na paio, a i ka hookupaa ana i ka maluhia mawaena o na hua a kou puhaka, a i ka laweia'na mai o lakou i ka ike no ko lakou poe kupuna ma na la mahope; a i ka ike no hoi no ka'u mau berita, wahi a ka Haku. A noloko o ka nawaliwali e hooliloia auanei oia i ikaika, ma ia la i ka wa e hoomaka'i ka'u hana mawaena o ko'u poe kanaka a pau, i ka hoihoi ana ia œ, e ko ka hale o Israela, wahi a ka Haku.

3. A pela i wanana mai ai o Iosepa, i ka i ana: Aia hoi, e hoopomaikai no ka Haku i ua mea nana Urima la; a o ka mea e imi e hoopau ia ia, e hoohokaia lakou; no ka mea, o keia mea hoopomaikai a'u i loaa'i na ka Haku mai, no ka hua a ko'u puhaka, e hookoia auanei ia. Aia hoi, ua ike io no au e hookoia'na keia olelo hoopomaikai. A e kapaia auanei kona inoa mamuli o'u: a mamuli ia o ka inoa o kona makuakane. A e like auanei oia ia'u; no ka mea, o ka mea a ka Haku e hoopuka mai ai ma kona lima, ma ka mana o ka Haku, e lawe mai auanei ia i ko'u poe kanaka i ke ola; oiaio, pela i wanana mai ai o Iosepa, ua paa ia'u keia mea, oia, e like me ko'u kanalua ole i ka olelo hoopomaikai no Mose; no ka mea, ua olelo mai la ka Haku ia'u, e malama ola au i kau poe hua no ka wa pau ole. A ua i mai la ka Haku, E hoala au he Mose; a e haawi no au i mana ia ia ma ke kookoo; a e haawi au ia ia i ka nauao ma ka palapala ana. Ao'e nae au e hoomohala i kona elelo, i olelo nui oia: no ka mea, aole au e hoolilo ia ia i ikaika ma ka olelo ana, aka e kakau auanei no au i ko'u kanawai ia ia, me ka manamana lima o ko'u lima iho; a e hana au i kanaka hai olelo nona. A i mai la ka Haku ia'u no hoi, E hoala au i ka hua a kou puhaka; a e hana no au i kanaka hai olelo nona. A owanei, aia hoi, e haawi no au ia ia, e hiki ia ia ke palapala auanei i ka palapala ana o na hua a kou puhaka, i na hua a kou puhaka; a na ke kanaka hai olelo o kou puhaka e hai aku auanei ia mea. A o na olelo ana e kakau ai, oia na olelo ku pono i ko'u nauao, e hele aku ai i na hua a kou puhaka. A e like auanei ia me he mea la ua kahea aku na hua a kou puhaka ia lakou mai ka lepo ae: no ka mea, ua ike au i ko lakou manaoio. A e kahea no auanei lakou mai ka lepo ae; he oiaio, i ka nihi i ko lakou poe hoahanau, mahope iho o ka make ana o na hanaua he nui wale mahope o lakou. Eia kekahi, e laha aku ko lakou kahea ana, e like me ka pohihili ole o ka lakou mau olelo. No ko lakou manaoio, e puka'ku auanei ka lakou mau olelo noloko aku o ko'u waha i ko lakou poe hoahanau, he poe hua lakou a kou puhaka; a e hoolilo au i ka nawaliwali o ka lakou mau olelo i ikaika ma ko lakou manaoio, i ka hoomanao ana i ka'u berita a'u i hana aku ai i kou mau kupuna.

4. Ano, aia hoi, e ka'u keiki Iosepa, mamuli o keia ano, wanana mai la ko'u kupuna kane i ka wa kahiko. Nolaila, no keia berita ua hoopomai-kiia oe: no ka mea, aole e anaiia kau hua, no ka mea, e hoolohe auanei lakou i na olelo o ka buke. A e ku iluna auanei kekahi mea ikaika iwaena o lakou, nana e hana i ka pono he nui, ma ka olelo a ma ka hana no hoi, he mea hana oia ma na lima o ke Akua, me ka manaoio nui loa, e hana i na hana kupanaha loa, a e hana i ka mea nui ma ka maka o ke Akua, i ka lawe hou ana mai i ka hoihoi nui ana i ko ka hale o Israela, a i ka hua a kou poe hoahanau. Ano, ua pomaikai ooe, e Iosepa. Aia hoi, ua uuku oe; nolaila, e hoolohe i na olelo a kou kaikuaana a Nepal, a e hanaia mai auanei ia oe, e like me na olelo a'u i olelo ai. E homanao oe i na olelo a kou makuakane e make ana. Amene.

MOKUNA III.

1. Ano, ke olelo nei au, o Nepai, no na wanana a ko'u makuakane i olelo mai ai, no Iosepa, ka mea i laweia iloko o Aigupita: no ka mea, aia hoi, wanana io mai la oia no kana hua a pau. A o na wanana ana i kakau mai ai, ua kakaikahi na wanana i oi aku mammia o kana. A wanana mai la oia no makou, a no na hanauna e aku o makou; a ua kakauia maluna o na papa keleawe. Nolaila, mahope iho o ka pau ana o ka olelo a ko'u makuakane no na wanana a Iosepa, kaheia ae la oia i na keiki a Lamana, i kana mau keikikane, a me kaua mau kaikamahine, a i aku la ia lakou, Aia hoi, e a'u mau moopunakane, a me a'u mau moopunawahine, na keikikane a me na kaikamahine a ka'u makahiapo, ke makemake nei au ia oukou e haliu mai i ka pepeiao i ka'u mau olelo: no ka mea, ua olelo mai ka Haku, Ina e malama oukou i ka'u mau kauoha, e pomaikai auanei oukou ma ka aina; a ina e malama ole oukou i ka'u mau kauoha, e hookiia'ku auanei oukou mai ko'u alo aku. Aka hoi e ka'u mau moopunakane a me a'u mau moopunawahine, aole i hiki ia'u ke iho ilalo i ko'u luakupapan, ke waiho ole au he hoopomaikai ana maluna o oukou: no ka mea, ua ike au ina e aoia oukou ma ke ala e pono ai oukou ke hele, aole oukou e haalele ia. Nolaila, ina i hoomainoinoia oukou, aia hoi, ke waiho nei au i ko'u hoopomaikai ana maluna o oukou, i laweia aku ai ka hoomainoino mai o oukou aku, a e hookiia maluna o na poo o ko oukou mau makua. Nolaila, no ko'u hoopomaikai ana, aole e ae aku ka Haku ke Akua e anai loa ia oukou; nolaila, e aloha no oia ia oukou, a i ka oukou poe hua a mau loa aku.

2. Eia kekahī, mahope iho o ka pau ana o ka olelo ana a ko'u makuakane i na keikikane a me na kaikamahine a Lamana, kono ae la oia i na keikikane a me na kaikamahine a Lemuela e laweia' mai imua ona. A olelo ae la oia ia lakou, i ka i ana: Aia hoi, e na moopunakane a'u a me na moopunawahine a'u, na keikikane a me na kaikamahine a ka lua o ka'u mau keikikane; aia hoi, ke waiho nei au ia oukou i ka hoopomaikai hookahi ana no, me au i waiho aku ai i na keikikane a me na kaikamahine a Lamana; nolaila, aole oe e anai loa ia; aka ma ka hopena e hoopomaikaiia ka'u poe hua.

3. Eia kekahī, i ka wa i pau ai ka olelo ana a ko'u makuakane ia lakou, aia hoi, olelo ae la oia i na keikikane a Isemaela, he oiaio, a i ko kona ha'e a pau. A pau kana olelo ia lakou, olelo ae la oia ia Sama, i ka i ana: Pomaikai ooe, a me kau hua: no ka mea, e noho no oe ma ka aina, e like me kou kaikaina o Nepai. A e helu pu ia ka'u poe hua me kana poe hua; a e like auanei oe me kou kaikaina, a e alikealike kau poe hua i kana poe hua; a e hoopomaikaiia oe ma kou mau la a pau.

4. Eia kekahī, mahope iho o ka olelo ana a ko'u makuakane, a Lehi, i ko kona hale a pau, e like me na manao o kona naau, a me ka Uhane o ka Haku iloko ona, mahuahua no kona elemakule. Eia kekahī, make iho la ia, a ua kanuia iho la.

5. Eia kekahī, aole he nui na la mahope iho o kona make ana, huhu mai la o Lamana laua me Lemuela, a me na keikikane a Isemaela ia'u, no ka paipai ana o ka Haku; no ka mea, ua koiia mai la au, o Nepai, e olelo aku ia lakou, e like me kana olelo. No ka mea, ua olelo aku la au i na mea he nui wale ia lakou, a pela hoi ko'u makuakane, mamua o kona make ana; a ua kakauia he nui o ua mau olelo nei maluna o ko'u mau papa e ae; no ka mea, o ka mooolelo nui ae ua kakauia maluna o ko'u mau papa e ae. A maluna o keia mau papa, ke kakau nei au i na mea o ko'u naau, a he nui no hoi o na palapala hemolele i kahakahaia maluna o na papa keleawē: no ka mea, ke hauoli nei kuu naau i na palapala hemolele, a ke noonoo nei ko'u naau ia mau mea, a ke palapala nei ia mau mea no ka hoonaauao ia'na a no ka hoopomaikaiia'na o ka'u poc keiki. Aia hoi, e olioli ana ko'u uhane ma na mea o ka Haku; a e noonoo mau ana ko'u naau i na mea a'u i ike ai a i lohe ai hoi. Aka hoi, nani ka lokomaikai o ka Haku, i ka hoike ana mai ia'u i kana mau hana nui a kupanaha, ke uwe nui aka nei kuu naau, Auwe hoi au ke kanaka; he oiaio, ke kanikau nei ko'u naau no ko'u io. Ke ehaeha nei ko'u uhane no ka'u hana ino. Ua hoopuniia au no na hoowalewale a me na hewa, e hoopuni wale mai ana ia'u. A ia'u ka makemake e hauoli, e uwe ana ko'u naau no ko'u mau hewa; aka hoi, ke ike nei au i ka mea a'u i paulele aku ai. O ko'u mea kokua oia no ko'u Akua; ua alakai mai la oia ia'u iwaena o ko'u popilikia ma ka wao-nahele; a ua hoola mai la oia ia'u maluna o na kai hohonu loa. Ua hoo-piha mai oia ia'u me kona aloha, oia, i ka hoopau ana i ko'u io. Ua hoo-hoka aka la oia i ko'u mau enemi, i ka hoohaalulu ana ia lakou imua o'u. Aia hoi, ua hoolohe mai i ko'u kahea ana ma ke ao, a ua haawi mai la oia i ka ike ia'u ma na hihio, i ka po. A ma ke ao ua mahua hua aka la ko'u wiwo ole ma ka pule ikaika ūnua ona; he oiaio, ua hookiekie aka la au i ko'u leo iluna; a iho mai la na anela a lawelawē mai la ia'u. A maluna o na eheu o kona uhane i laweia'ku ai kuu kino maluna o na mauna kiekie. A ua ike ko'u mau maka i na mea mui; he oiaio, i oi aka i ka mea ku pono no Kanaka; nolaila, ua kauohaia mai la au e kakau ole ia mau mea. E! ina ua ike au i na mea nui e like meneia; ina o ka Haku ma kona manao haahaa i na keiki a kanaka, i hele mai i na kanaka me ke aloha nui e like meneia, no ke aha la i uwe ai ko'u naau, a kakali ko'u uhane ma ke awawa o ke kaumaha, a wiwi ko'u kino, a emi ko'u ikaika, no ko'u popilikia? A no ke aha la au i ae aka ai i ka hewa no ko'u kino? Oiaio, no ke aha la i ae aka ai au i na mea hoowalewale, i hiki i ka Mea Ino ke loaa kau wahi ma ko'u naau, e hoopau i ko'u maluhia, a e hookau-maha i ko'u uhane? No ke aha la au i huhu ai no ko'u enemi?

6. E ala, e kuu uhane! Mai noho a kulou hou i ka hewa. E hauoli, e ko'u naau, a mai haawi hou i kau wahi no ka enemi o ko'u uhane. Mai huhu hou no ko'u mau enemi. Mai emi kuu ikaika, no ko'u popilikia. E hauoli, e kuu naau, a e kahea aka i ka Haku, a e i aku, E ka Haku, e hii-lani no au ia oe no ka wa pau ole; he oiaio, e hauoli ko'u uhane iloko ou,

e ko'u Akua, a o ka pohaku hoi o ko'u ola. E ka Haku, e hoolapanai anei oe i ko'u uhane? E hoopakele anei oe ia'u noloko mai o na lima o ko'u poe enemi? E hana mai anei oe ia'u i haalulu au i ka ike aku i ka hewa? E pani mau ia anei na ipuka o ka po imua o'u, no ka mea, ua nahae ko'u naau, a ua mihi ko'u uhane? E ka Haku, mai pani anei oe i na ipuka o ko'u pono imua o'u, i hele au ma ke kuamoo o ke awawa haahaa, i pololei au ma ke alanui akaka? E ka Haku, e puliki mai anei oe ia'u a puni i ka aahu o kou pono? E ka Haku, e hana mai anei oe i ala no'u e pakele ai imua o ko'u poe enemi? E hana mai anei oe i ko'u kuamoo i pololei imua o'u? E waitho ole anei i mea hina ma ko'u ala? Aka ina ooe e hoomaikau i ko'u ala inua o'u, a e keakea ole i ko'u ala, aka i na ala o ko'u enemi. E ka Haku, ua paulele au ia oe, a e paulele au ia oe a mau loa aku. Aole au e hilinai i ka lima o ka io; no ka mea, ua ike au poino ke kanaka i hilinai i ka lima e ka io. Oiaio, poino ke kanaka i hilinai i ke kanaka, a i lilo ka io i ikaika nona. Oiaio, ua ike au e haawi lokomaikai mai ke Akua i ka nea noi. Oiaio, e haawi mai no ko'u Akua ia'u, ke ole au e nonoi hewa: nolaila, e hookiekie no au i ko'u leo iluna iou la; oiaio, e kahea aku no au ia oe, e kuu Akua, ka pohaku o ko'u pono. Aia hoi, e pii mau loa no ko'u leo iou la, e kuu pehaku a me ko'u Akua mau loa. Amene.

MOKUNA IV.

1. Eia hoi kekahi, kahe aui aku la au, o Nepai, i ka Haku ko'u Akua, no ka hubu o ko'u mau hoahanaau. Aka hoi, mahuhua no ko lakou huhu ia'u; a imi mai la lakou e lawe aku i ko'u ola. Oiaio, ohumu mai la lakou ia'u, i ka i ana: Ke manao nei ko kakou kaikaina e alii ae maluna o kakou; a nui ka pilikia i loaa ia kakou nona; nolaila, ano e pepehi kakou ia ia, i ole pilikia hou kakou no kana olelo. No ka mea, aia hoi, aole kakou i makemake ia ia i alii no kakou: no ka mea, no kakou, no na kaikuana ia, e noho alii maluna o keia lahuikanaka. Ano, aole au e kakau ana maluna o na papa nei, i na olelo a pau a lakou i ohumu mai ai ia'u. Aka, ua lawa ka'u olelo ana, ua imi lakou e lawe aku i ko'u ola.

2. Eia kekahi, ao mai la ka Haku ia'u, e haalele au, o Nepai, ia lakou, a e holo aku i ka waonahele, a me ka poe a pau e makemake mai e hele pu me au. Nolaila, lawe aku la au, o Nepai, i ko'u ohana, a me Zorama hoi a me kona ohana, a me Sama ko'u kaikuana, a me kona ohana, a me Iakoba laua me Iosepa, ko'u mau kaikaina, a me ko'u mau kaikuwahine, a me ka poe a pau e makemake ana e hele pu me au. A o ka poe a pau i hele pu me au, oia ka poe i manaoio i na olelo ao a me na hoikeana a ke Akua; nolaila, hoolohe mai la lakou i ka'u mau olelo. A lawe aku la makou i ko makou mau halelewa a me na mea i hiki ia makou, a hele aku

la makou ma ka waonahele no na la he nui loa. A mahope iho o ko makou hele ana no na la he nui loa, kukulu iho la makou i ko makou manu hale-lewa. A ua makemake iho la ko'u poe kanaka, e kapa makou i ka inoa e ia wahi o Nepai; nolaila, kapaaku la makou ia o Nepai. A o ka poe a-pau me au, lawe aku la maluna o lakou e kapaaku ia lakou iho ka poe kanaka o Nepai. A ua makaala makou e malama i na hoopono, a me na kanawai, a me na kauoha a ka Haku, ma na mea a pau e like me ke kanawai o Mose. A o ka Haku kekahipu me makou; a pomaikai nui loa iho la makou: no ka mea, lulu iho la makou i na hna, a ua ohia hon mai la makou me ka lako. A hoomaka makou e hanai i na pua, a me na obana, a me na holoholona o kela ano a me keia ano. A ua kewe pu no hoi au, o Nepai, i na mooolelo i kahakahaia maluna o na papa keleawe; a me ka mea poepoe no hoi, oia no ka panana, i hoomakaukaia no ko'u makua-kane, e ka lima o ka Haku, i like me ka mea i palapalaia.

3. Eia kekahipu me makou e hoopomaikai nui loa ia, a e mahuahua ma ka aina. A lalau aku la wau, o Nepai, i ka pahikaua a Labana, a mamuli o kona ano hana iho la au i na pahikaua he nui loa, o hiki mai auanei paha ka lahuikanaka i kapaina, i keia manawa, ko Lamana poe, maluna o makou a e luku mai ia makou: no ka mea, ua ike an i ko lakou inaina ia'u, a i ka'u poe keiki, a i ka poe i kapaina ko'u poe kanaka. A ao aku la au i ko'u poe e kukulu i na hale, a e hana i kela ano i keia ano o ka laau, a o ka hao, a o ke keleawe ulauia, a o ke kelcawe, a o ke kila, a o ke gula, a o ke kala, a o na mea maikai i elia, a ua nui loa ia mau mea. A kukulu iho la au, o Nepai, i luakini; a ua kukulu aku la au ia mamuli o ke ano o ka luakini o Solomona, koe wale no aole i kukuluia ia me na mea maikai he nui loa e like me ia: no ka mea, aole i hiki ke loaa ia mau mea maluna o ka aina; nolaila, ua hiki ole ia ke kukuluia e like me ko Solomona luakini. Aka, ua like ke ano o ke kukuluia'na i ko ka luakini o Solomona; a ua nani loa ka hana ana.

4. Eia kekahipu me makou i ko'u poe kanaka e hoomau i ka hana, a e hana me ko lakou mau lima. Eia kekahipu me makemake mai la lakou e lilo wau i alii no lakou. Aka, makemake iho la au, o Nepai, e noho lakou me ke alii ole; aka hoi, hanaaku la au no lakou e like me ka mea i hiki ia'u. Aia hoi, ua hookoia'e la na olelo a ka Haku i ko'u mau hoahanau, ana i olelo mai ai no lakou, e lilo au i luna no lakou a i kumu no hoi no lakou; nolaila, he luna no au no lakou a he kumu no hoi no lakou, e like me na kauoha a ka Haku, a hiki i ka manawa a lakou i imi ai e lawe aku i ko'u ola. Nolaila, i ko ai ka olelo a ka Haku, ana i olelo mai ai ia'u, i ka i ana: Ina aole lakou e hoolobe i kau olelo, e hooki-ia'ku auanei lakou mai ke alo aku o ka Haku. Aia hoi, ua hookiiaaku la lakou mai kona alo aku. A ua haawi ae la oia i kekahipu me poino e haule maluna o lakou, oiaio, i kahi poino nui, no ka lakou hana ino. No ka mea, aia hoi, ua hoopaakiki iho la lakou i ko lakou mau naau e ku e ia ia, a i lilo me he pohaku paea la; nolaila, me lakou i keokeo ai mamua, a nani

loa a oluolu, haawi mai la ka Haku ke Akua i ili o ka haulaula maluna o lakou, i ole lakou e lilo i mea hoowalewale i ko'u poe kanaka. A peneia wahi a ka Haku ke Akua, E hoolilo au ia lakou i poe hoopailuaia i kou poe kanaka, ke mihi ole lakou i ka lakou hana hewa. A e poino no ka hua a ka mea nana e huipu me ka lakou hua: no ka mea, e poino pu lakou me ia poino hookahi no. A olelo mai la ka Haku ia mea, a ua hanaia. A no ko lakou poino e noho ana maluna o lakou, lilo aku la lakou i lahui-kanaka palaualelo, piha i ke kolohe a me ka maalea, a imi iho la ma ka waonahele no na holoholona hiihiu. A i mai la ka Haku ia'u, E lilo auanei lakou i mea hahau no kau poe hua, e hooeueu ia lakou e hoomanaao mai ia'u; a ina aole lakou e hoomanaao mai ia'u, a e hoolohe mai i ka'u mau oleio, e hahau no lakou la ia lakou i ka anai loa ia ana.

5. Eia kekahī, hoolaa aku la au, o Nepai, ia Iakoba laua me Iosepa, i lilo laua i mau kaluna a i mau kumu maluna o ka aina o ko'u poe kanaka. Eia kekahī, noho iho la makou mamuli o ke ano pomaikai. A ua hala aku la na makahiki he kanakolu, mai ka manawa a makou i haalele ai ia Ierusalem. A ua malama wau, o Nepai i na mooolelo o ko'u poe kanaka, maluna o na papa o'u, a'u i hana'i, a hiki i keia manawa.

6. Eia kekahī, i mai la ka Haku ia'u, E hana oe i na papa e ae; a e kahakaha auanei oe i na mea he nui maluna o ia mau mea i maikai ma ko'u maka, no ka pomaikai o kou poe kanaka. Nolaila, i hoolohe pono ai au, o Nepai, i na kauoha a ka Haku, hele aku la au a hana iho la i keia mau papa, maluna o lakou kahi a'u i kakau ai i keia mau mea. A kahakaha iho la au i ka mea oluolu i ke Akua. A ina oluolu ko'u poe kanaka i na mea o ke Akua, alaila, e oluolu ana lakou i na mea a'u i kahakaha ai iluna o na papa nei. A ina e makemake ana ko'u poe kanaka e ike i ka mooolelo nui o ko'u poe kanaka, e imi lakou i na papa e ae o'u e pono ai. A ua lawa kā'u olelo ana, ua hala aku la na makahiki he kanaha, a ua loaa ia makou na kaua a me na paio me ko makou poe hoahanau.

MOKUNA V.

1. O NA olelo a Iakoba, ke kaikaina o Nepai, ana i olelo aku ai i ko Nepai poe: Aia hoi, e o'u mau hoahanau i alohaia, owau o Iakoba, i ka-heia mai e ke Akua, a hooliloia mamuli o ke ano o kona aoao hoano, a i hoolaaia e ko'u kaikuana e Nepai, ka mea a oukou e nana nei me he mea la he alii a he mea hoomalu, ka mea a oukou e hilinai nei no ka maluhia, aia hoi, ua ike oukou ua olelo aku la au i na mea he nui loa ia oukou; aka hoi, ke olelo hou aku nei au ia oukou; no ka mea, e iini ana au i ka pomaikai o ko oukou mau uhane. Oiaio, ua nui ko'u manao ana no oukou; a ke ike nei oukou pela mau no au. No ka mea, ua hoikaika au ia oukou me ka molowa ole; a ua ao aku la au ia oukou i na olelo a ko'u

makuakane; a ua olelo aku la au ia oukou no na mea a pau i palpalaia, mai ka hookumuia ana mai o ke ao nei.

2. Ano, aia hoi, ke makemake nei au e olelo aku ia oukou no na mea o keia wa, a me na mea e hiki mai ana; nolaila, e heluhelu no au ia oukon i na olelo a Isaia. A oia na olelo a ko'u kaikuaana i makemake mai ai ia'u e olelo aku ia oukou. A ke olelo aku nei au ia oukou no ko oukou pomaikai, i ao oukou a hoonani i ka inoa o ko oukou Akua. Ano hoi, o na olelo a'u e heluhelu ai, oia na olelo a Isaia i olelo mai ai no ko ka hale a pau o Israela; nolaila, e hiki ke hoohalike ia mau mea ia oukou; no ka mea, no ko ka hale o Israela oukou. A ua nui na mea i oleloia mai e Isaia, e hiki ke hoohalike ia oukou, no ka mea, no ko ka hale o Israela oukou.

3. Ano, eia na olelo: Penei wahi a ka Haku ke Akua: Aia hoi, e hapai no au i ko'u lima i ka poe Genetile, a e kau ae i ko'u hae i na lahuikanaka; a e lawe mai lakou i kau poe keikikane ma ko lakou mau lima, a e kaikaia kau poe kaikamahine ma ko lakou mau poohiwi. A e lilo na 'lili i poe makuakane hanai nou, a o na 'lili wahine a lakou i poe makuwahine hanai nou: a e kulou no lakou ia oe me na maka o lakou i ka honua, a epalu iho i ka lepo o kou mau wawae; a e ike auanei oe owau no ka Haku: no ka mea, o ka poe e kali ia'u, aole lakou e hilahila.

4. Ano, ke makemake nei au, o Iakoba, e olelo aku i kekahī no keia mau olelo: no ka mea, aia hoi, ua hoike mai la ka Haku ia'u, ua pepehiia a i lawe pio ia'ku la ka poe i noho ma Ierusalem, mai kahi a kakou i hele mai nei; aka hoi, ua hoike mai la ka Haku ia'u e hoi hou no lakou. A ua hoike mai la no hoi oia ia'u, e hoike mai la ka Haku ke Akua, ka Mea Hemolele o ka Israela, ia ia iho ia lakou ma ke kino; a mahope aku o kona hoike ana ia ia iho, e hahau no lakou ia ia, a e kau ia ia ma ke kea, e like me na olelo a ka anela nana i hai mai ia mea ia'u. A mahope iho o ko lakou hoopakiki ana i ko lakou mau naau, a hooolea ana i ko lakou ai e ku e i ka Mea Hemolele o ka Israela, aia hoi, e haule mai auanei na mea hoopai o ka Mea Hemolele o ka Israela maluna o lakou. A e hele mai ana ka la e hahauia'i lakou a e hoehaia'i. Nolaila, mahope iho o ko lakou hooknewaia ana i o ia nei, no ka mea, pela wahi a ka anela, e hoopilikiaia kekahī poe he nui ma ke kino, aole nae e aeia e make loa, no na pule a ka poe pono; e hoopuehuia auanei lakou, a e pepehiia, a e inainaia; aka hoi, e aloha no ka Haku ia lakou, a i ka wa e loaa'i ia lakou ka ike i ko lakou Mea Hoolapanai, e hoululu hou ia lakou i ko lakou aina hooilina.

5. A pomaikai ka poe Genetile, ka poe a ke kaula i palapala mai ai; no ka mea, aia hoi, ina e mihi auanei lakou, a e kaua ole ia Ziona, aole hoi e hui pu ia lakou iho i kela ekalesia nui a ino loa, e hoolaiia auanei lakou: no ka mea, e hooko no ka Haku ke Akua i kana mau berita, ana i hana mai ai i kana poe keiki; a no keia mea na palapala mai la ke kaula i keia mau mea. Nolaila, o ka poe e kaua aku ia Ziona a me ka lahu berita o ka Haku, e palu iho no lakou i ka lepo o ko lakou nei mau wa-

wae; aole e hilahila ka lahuikanaka o ka Haku. No ka mea, o ka lahuikanaka o ka Haku, oia ka poe e kali ana nona: no ka mea, ke kali nei lakou i ka hiki ana mai o ka Mesia. Aia hoi, e like me na olelo a ke kaula, e hoonoho hou ka Mesia ia ia iho i ka lua o ka manawa, e hoola ia lakou; nolaila, e hoike oia ia ia iho ia lakou me ka mana a me ka nani nui, i ka anai ana i ko lakou poe enemi, i ka wa i hiki mai ai ka la o lakou e manaoio ai ia ia; aole e anai oia i kekahii mea i manaoio ia ia. A o ka poe i manaoio ole ia ia, e lukuia lakou, e ke ahi, a e ka makani ino, a e na olai, a e ka hookahe ana i ke koko, a e ke ahulau, a e ka wi. A e ike no auanei lakou o ka Haku oia ke Akua, ka Mea Hemolele o ka Isseraela: no ka mea, e kailiia'ku anei ka waiwai pio mai ka poe ikaika aku, e hoopakeleia anei na pio i lawe pono ia? Aka penei wahi a ka Haku: E kailiia'ku no na pio o ka poe ikaika, a e hoopakeleia ka waiwai i pio o ka mea weliweli: no ka mea, e hoopakele auanei ke Akua mana loa i kona lahui berita. No ka mea, penei wahi a ka Haku: E paio aku au i ka mea e paio pu me oe, a e hanai au i ka poe i hooluhi aku ia oe, i ko lakon io iho; a e ona auanei lakou i ko lakou koko iho, e like me ka waina ono; a e ike no na mea io a pau owau no ka Haku, o kou Mea e Ola'i, a me kou Mea Hoolapanai, ka Mea Mana hoi o Iakoba. Oiaio, penei wahi a ka Haku: Ua hoohemo anei au ia oe, ua hoolei aku anei au ia oe no ka wa pau ole? No ka mea, penei wahi a ka Haku: Auhea ka palapala hoohemo o ko oukou makuwahine? Ia wai la wau i haawi aku ai ia oe, i ka mea hea o ka poe a'u i aie ai i kuai lilo aku ai au ia oe? Oiaio, ia wai la a'u i kuai lilo ai ia oukou? Aia hoi, no ko oukou hewa ua kuai lilo aku oukou ia oukou iho, a no ko oukou hala ua hoohemoia ko oukou makuwahine; nolaila, ia'u i hele mai ai, aohe kanaka; ia'u i kahea aku ai, he oiaio, aohe mea i o mai.

6. E ko ka hale o Isseraela, ua hoopokole iki ia anei ko'u lima, i ole ia e hoola aku, aole anei o'u mana e hoopakele ai. Aia hoi, i kuu papa ana, hoomaloo no au i ke kai, a hoolilo no au i ko lakou mau muliwai i waonahele, a pilau mai la ko lakou ia, no ka mea, ua maloo iho la na wai; a make lakou no ka makewai. Hoaaahu no au i na lani i ka pouli, a kau aku au i ke kapa makena i uli no lakou. Ua haawi mai la ka Haku ke Akua i ke alelo o ka mea akamai na'u, i ike au e olelo aku i kahi olelo i ka manawa pono ia oe, E ko ka hale o Isseraela. Ia oukou i luhi ai, ala mai la no oia i kela kakahiaka i keia kakahiaka. Hoala mai oia i ko'u pepeiao e lohe e like me ka mea i aoia. Ua hoohakahaka mai la ka Haku ke Akua i ko'u pepeiao, aole au i kipi aku, aole au i hoi hope. Haawi no au i ko'u kua i ka mea hahau, a me ko'u papalina i ka poe i uhuki lauoho. Aole au i huna i ko'u maka mai ka hilahila a me ke kuha ana, no ka mea, na ka Haku ke Akua e kokua mai ia'u: nolaila, aole au e hoopalaimaka. Nolaila hoi au i kau ai i ko'u maka me he pohaku paea la, a ua ike au aole au e hilahila ana; a ua kokoke mai ka Haku, a e hoopono ana oia ia'u. Owai ka mea e hakaka me au? E ku pu me au.

Owai la ko'u hoa paio? E hookokoke mai oia ia'u, a e hahau aku no au ia ia me ka ikaika o ko'u waha: no ka mea, e kokua mai no ka Haku ke Akua ia'u. A o ka poe a pau nana e hoohewa mai auanei ia'u, aia hoi, e lilo no lakou a pau i mea kahiko me he lole la, a e ai no ka mu ia lakou.

7. Owai la ka mea iwaena o oukou i makau i ka Haku; e hoolohe ana hoi i ka leo o kana kauwa; ka mea e hele ana ma ka pouli, aohe ona malamalama? Aia hoi, o oukou a pau i hoa i ke ahi, ka poe i hoopuni ia oukou i na huna ahi, e hele oukou ma ka malamalama o ko oukou ahi, a ma na huna ahi a oukou i kuni ai. E loaa no keia ia oukou ma kuu lima: E moe no oukou ilalo iloko o ka eha. E hoolohe mai ia'u, e oukou ka poe hahai i ka pono: E nana oukou ma ka pohaku kahi a oukou i kalaia'i, a i ka lua hoi o ke ana kahi a oukou i kohiia'i. E nana oukou ia Aberahama, ko oukou kupuna, a ia Sara hoi, i ka mea nana oukou i hanau: no ka mea, oia hookali ka'u i hea aku ai, a hoopomaikai ia ia. No ka mea, e hooluolu mai ai ka Haku ia Ziona: e hooluolu mai oia i kona mau wahi neoneo a pau; e hana no oia i kona waonahele a like me Edena, a o kona waoakua e like me ka mahinaai o ka Haku. Maloko olaila, e loaa no ka olioli a me ka hauoli, ka hoolea ana a me ka leo o ka oli. E hoolohe mai ia'u, e ko'u poe kanaka, a e haliu mai ka pepeiao ia'u, e o'u lahuikanaka: no ka mea, e laha aku no ke kanawai mai o'u aku nei, a e hoolilo au i ko'u hoopono ana e kau i malamalama no na kanaka. Ua kokoke mai no ko'u pono; ua hele aku ko'u ola, na kuu lima e hoo-kolokolo i kanaka. E kali no na mokupuni ia'u, a ma ko'u lima lakou e hilinai ai. E alawa ae i ko oukou mau maka iluna a i ka Jami, a e nana ma ka honua malalo; no ka mea, e holo aku auanei na lani e like me ka uali, a e apulu no hoi ka honua me he lole la; pela no e make ai ka poe e noho ana maluna iho. Aka e oia mau ana no ko'u ola, aole e hoopauia ko'u pono.

8. E hoolohe mai i'u, e! oukou ka poe ike i ka pono, na kanaka iloko o na naau o lakou wau i kakau ai i ko'u kanawai; mai makau oukou i ka hoowahawaha o kanaka; mai weliweli hoi i ka lakou olelo hoino ana; no ka mea, e ai no ka mu ia lakou me he lole la, a e ai hoi ka hulu ia lakou e like me ka hulu hipa. Aka, e mau loa ana ko'u pono a i ke ao pau ole; a me ko'u ola hoi mai keia hanauna aku ia hanauna'ku.

9. E ala, e ala! E aahu oe i ka ikaika, e ka lima o ka Haku; e ala e like me ia i na la kahiko. Aole anei oe ka mea nana i okioki ia Rahaba, a hooeha hoi i ka moonui? Aole anei oe ka mea nana i hoomaloo i ke kai, i na wai o ka hohonu nui; i hoolilo hoi i na hohonu o ke kai i ala-nui e hele ai ka poe hoolapanaiia? Nolaila, e hoi mai no auanei ko ka Haku poe i hoolapanaiia, e hele mai no lakou i Ziona me ka oli; he hauoli a he hemolele mau loa maluna o ko lakou mau poo; a e loaa no ia lakou ka olioli a me ka hauoli; e hee loa aku no ke kaunaha a me ke kaniuhn. Owau; oiaio, owau no ka mea nana oukou e hoomaha aku. Aia hoi, owai la oe, i makau aku ai oe i ke kanaka, i ka mea e make ana, a i ke keikia ke kanaka hoi, e lilo ana auanei me he mauu la; a hoopoina hoi i ka

Haku i kou mea nana oe i hana, i hohola ae la hoi i na lani, a i hookumu i ka honua; a ua makau mau loa i na la a pau, no ka inaina o ka mea hooluhi, ina paha ia e makaukau e luku iho? A auhea la ka inaina o **ka** mea hooluhi? Wikiwiki ae la ke pio kulou, i weheia'i oia, i ole ia e make iloko o ka lua, i pau ole hoi kona berena. Aka owau no ka Haku, kou Akua, nana na ale i haalulu: ka Haku o na Lehulehu ko'u inoa. A ua hahao no au i ko'u mau hua olelo iloko o kou waha, a ua uhi ia oe i ke aka o ko'u lima, i makia aku ai au i na lani a e hookumu i ka honua, a e olelo aku ia Ziona, Aia hoi, ooe no ko'u poe kanaka. E ala, e ala, e ku iluna, e Ierusalem, ka mea i inu ma ka lima o ka Haku ke kiahia o kona inaina; ua inu oe i ka maku o ke kiahia o ka haalulu i wililia; aohe mea e alakai ia ia o na keikikane a pau ana i hanau ai; aohe hoi mea i lafau i kona lima, o na keikikane a pau ana i hanai ai a nui. Ua hiki mai keia mau keikikane elua ia oe; na laua e minamina nou: a me kou neoneo **a** luku ana, a wi a me ka pahikaua; A ma o wai la au e hoomaha ia oe? Ua maule kau mau keikikane, koe wale no keia mau mea elua: ke **kaa** nei no lakou ma na poo o na alanui a pau, e like me ka bipi hihiu maloko o ka upena: ua piha lakou i ka inaina o ka Haku, i ka paipai ana o **kou** Akua.

10. Nolaila, e hoolohe mai oe i keia, e ka mea popilikia, a ona hoi, aole nae i ka waina: penei wahi a kau Haku, ke kokua nei ka Ha u kou Akua i ka aoao o kona poe kanaka; Aia hoi, ua lawe aku la au i ke kiahia o ka haalulu, i ka maku **o** ke kiahia o ko'u inaina, mai kou lima aku; aole oe e inu hou. Aka e waiho aku ia mea iloko o ka lima o ka poe hookaumaha ia oe; o ka poe i olelo i kou uhane, E moe ilalo, i hele aku makou maluna ae: a ua hoomoe oe i kou kino e like me ka lepo, a me he alanui la hoi i **ka** poe i hele ae maluna.

11. E ala, e ala, e aahu i kou ikaika, e Ziona; e komo i kou lole nani, e Ierusalem, ke kulanakauhale laa: no ka mea, ma keia wa aku aole e hele hou ia oe, ka mea i okipoepoe ole ia a me ka haumia. E lulu oe ia oe iho mai ka lepo; e ku iluna, a e noho ilalo, e Ierusalem: e wehe oe i na mea paa o kou ai, e ke kaikamahine pio o Ziona.

MOKUNA VI.

1. Ano, e o'u mau hoahanau i alohaia, ua heluhelu au i keia mau mea, i ike oukou no na berita a ka Haku, ana i hana berita mai ai me ko **ka** hale a pau o Israela; i oleloia mai la e ia i ka pee Iudaio, ma ka waha o kana poe kaula hemolele, mai kinohou mai, mai ia hanauua mai a ia hanauua aku, a hiki mai ka manawa e hoihoiai lakou i ka ekalesia oiaio **a** ohana hoi o ke Akua; i ka wa a lakou e houlululua'i i ko lakou aina hooilina, a e hookupaaia ma ko lakou mau aina a pau i hai mua ia'i.

2. Aia hoi, e na hoahanau i alohaia o'u, ke olelo aku nei au ia oukou i keia mau mea na oukou e hauoli, a e hapai i ko oukou mau poo no ka wa pau ole, no na mea e pomaikai ai a ka Haku e haawi mai ai auanei maluna o ka oukou poe hua. No ka mea, ua ike au ua imi nui kekahia poe o oukou, e ike i na mea e hiki mai ana; nolaila, ke ike nei au ua ike oukou e mae aku ko kakou io a e make; aka hoi, ma ko kakou mau kino e ike ai kakou i ke Akua. Oiaio, ke ike nei au ua ike oukou, ma ke kino e hoike aku ai oia ia iho i ka poe e noho ana ma Ierusalem, mai kahi a kakou i hele mai nei; no ka mea, he mea e pono ai e hiki ia mea iwaena o lakou; no ka mea, he mea pono no ka Mea nui nana i hana i na mea a pau, e hookuu aku ia ia iho e lilo malalo o kanaka ma ka io, a e make no na kanaka a pau, i lilo na kanaka a pau malalo iho ona. No ka mea, e like me ka hooilia'na o ka make maluna o na kanaka a pau, pela hoi he mana o ke alahouana e pono ai, e heoko i ke kumu-manao aloha o **ka Mea** nui nana i hana i na mea a pau, a e hiki mai ke alahouana i kanaka e pono ai no ka haule ana; a ua hiki mai ka haule ana no ka lawehala; a no ka haule ana o kanaka, ua hookia'ku la lakou mai ke alo aku o **ka Haku**; nolaila, ea, he kalahala mana loa e pono ai; ke ole ia he kalahala mana loa, ua hiki ole i keia palaho ke hookomo i ka palaho ole. No ia mea la, o ka hoopai mua ana i hiki maluna o kanaka, ina ua mau loa ia maluna ona, ia ao aku ia ao aku. A ina pela, ua moe ilalo no keia io e palaho, a e lilo hou i kona lepo makua, aole e ala hou mai.

3. E! ka naauao o ke Akua! Kona aloha a lokomaikai! No ka mea, ina aole e ala hou ka io, e lilo no ko kakou poe uhane malalo iho o kela anela, ka mea i haule iho mai ke alo iho o ke Akua mau loa, a lilo iho la i diabolo, e pii hou ole ai. A ina ua lilo ko kakou poe uhane e like pu me ia, a ina ua lilo kakou i poe diabolo, he poe anela i ka diabolo, e hookukeia iwaho mai ke alo aku o ko kakou Akua, a e noho pu me ka makua o na wahahee, ma ka poino, e like me ia iho: he oiaio, i kela mea nana i hoowalewale i ko kakou mau kupuna mua; ka mea e hoolilo ana ia ia iho, aneane e like me kahi anela o ka malamalama, a e paipai ana i na naau o na keiki a kanaka ma ka huipumalu ana o ka pepehi kanaka, a i na hana huna o ka pouli o kela ano keia ano.

4. E! nani ke aloha o ko kakou Akua, nana i hoomakaukau i ala no ko kakou pakele ana, mai ka puliki ana mai o keia mea nui weliweli; he oiaio, kela mea nui weliweli, o ka make a me ka po, a'u i kapa aku ai i ka make o ke kino, a i ka make hoi o ka uhane. A no ke ala o ko kakou Akua, ka Mea Hemolele o ka Israela, e pakele ai, o keia make, a'u i olelo ai, oia ko ke kino make, e haawi mai ia i kona poe i make; a o ua make nei oia no ka lua kupapau. A o kcacia make a'u i olelo ai, o ko ka uhane make ia, e haawi mai no auanei ia i kona poe make; a o ua make nei oia no ka po; nolaila, e haawi mai no ka make me ka po i ko laua poe i make e pono ai, a e haawi mai ka po i kona poe uhane i pio, a e haawi mai ka lua kupapau i kona poe kino i pio, a e hoi hou pu ia na kino a me

na uhane o kanaka, kekahi i kekahi: a ma o ka mana la o ke alahouana o ka Mea Hemolele o ka Iseraela ia mea.

5. E! nani ke kumu-manao o ko kakou Akua! No ka mea, eia hoi, e haawi mai ka paredaiso o ke Akua i na uhane o ka poe pono e pono ai, a o ka lua kupapau hoi e haawi mai ia i na kino o ka poe pono; a e hui pu hou ia ka uhane a me ke kino, a e lilo na kanaka a pau i palaho ole, a i make ole, a he poe kino-uhane ola lakou, i loaa ka ike paka e like me kakou nei, ma ke kino; eia ka like ole, e akaka lea loa auanei ko kakou ike ia manawa; nolaila, e loaa ia kakou ka ike lea i ko kakou hewa a pau, a me ko kakou haumia, a me ko kakou kohana; a e loaa i ka poe pono ka ike lea i ko lakou pomaikai, a me ko lakou pono, i aahuia me ka hemolele, he oiaio, me ka aahu o ka pono.

6. Eia kekahī, i ka wa i hele aku ai na kanaka a pau mai keia make inua aku i ke ola, i ko lakou lilo ana i ka make ole, e ku no auanei lakou imua o ka noho hookolokolo o ka Mea Hemolele o ka Iseraela; alaila e hiki mai ka hooponopono ana, a, alaila e hookolokoloia lakou e like me ka hooponopono hemolele ana o ke Akua. A oiaio iho la, ma ke ola ana o ka Hakū, no ka mea, ua olelo mai ka Hakū ke Akua ia mea, a o kana olelo mau loa ia, i hiki ole ke haule wale; a o ka poe i pono, e mau no ko lakou pono, a o ka poe i paumaele, e mau no ko lakou paumaele; nolaila, o ka poe i paumaele, oia no ka diabolo a me kona poe anela; a e hele aku no lakou i ke ahi pio ole, i hoomakaukauia no lakou; a o ko lakou ehaehā me he loko ahi a me ke kukae pele ia, a o kona lapalapa e pii ana ia, ia ao aku ao aku, aohe ona hopena.

7. E! ka nani a me ka poirolei o ko kakou Akua! No ka mea, e hooko ana oia i kana mau olelo a pau, a ua hele aku la ia mau mea mailoko mai o kona waha, a e hookoia kena mau kanawai. Aka, aia hoi, o ka poe pono, ka poe hoano o ka Mea Hemolele o ka Iseraela, o ka poe i manaoio i ka Mea Hemolele o ka Iseraela, o ka poe i hoomanawanui i na mea keakea o ko ke ao nei, a i hoowahawaha i ka hoohilahila mai ona; e loaa auanei ia lakou ke aupuni o ke Akua, i hoomakaukauia no lakou mai ka hookumuia'na o ke ao nei, a e piha auanei lakou i ka hauoli no ka wa pau ole.

8. E! ka nani o ka lokomaikai o ko kakou Akua, ka Mea Hemolele o ka Iseraela! No ka mea, ke hoopakele mai la oia i kona poe hoano mai kela mea ino weliweli, o ka diabolo, a me ka make a me ka po no hoi, a me kela loko ahi a me ke kukae pele, oia no ka ehaehā pau ole.

9. E! nani loa ka hemolele o ko kakou Akua! No ka mea, ke ike nei oia i na mea a pau, aohe kekahī mea, ke ike ole oia ia mea. A e hele mai ana oia i ke ao nei i hiki ia ia ke hoola i na kanaka a pau, ina e hoo-lohe lakou i kona leo: no ka mea, aia hoi, e loaa ana ia ia na eha o na kanaka a pau; he oiaio, o na eha o kela mea ola o keia mea ola, o na kane, na wahine, a me na keiki, e pili ana i ka ohana a Adamu. A e loaa keia ia, i loaa i na kanaka a pau ke alahouana, e hiki ia lakou a pau ke ku

imua ona, ma ka la hookolokolo nui. A ke kauoha mai la oia i na kanaka a pau, e mihi lakou e pono ai, a e bapetizoia ma kona inoa, me ka manaoio ikaika i ka Mea Hemolele o ka Israela, i ole ia, e hiki ole ai ia lakou ke hoolaia iloko o ke aupuni o ke Akua. A ina aole lakou e mihi a e manaoio aku i kona inoa, a e bapetizoia ma kona inoa, a e hoomau a hiki i ka hopena, e hoohewaia lakou e pono ai; no ka mea, ua olelo mai la ka Haku ke Akua, ka Mea Hemolele o ka Israela, ia mea; nolaila, na haawi mai la oia i kanawai; a ma kahi i haawi ole ia i kanawai, aohe he hoopai ana; a ma kahi o ka hoopai ole ana, aohe he hoohewa ana; a ma kahi o ka hoohewa ole ana, e hoomalu ana na mea aloha o ka Mea Hemolele o ka Israela maluna o lakou, no ke kalahala ana: no ka mea, ua hoopakeleia lakou e ka mana ona: no ka mea, e hooluolu ana ke kalahala i ka hookoia ana o kona hoopai maluna o ka poe a pau i haawi ole ia mai ke kanawai ia lakou, a ua hoopakeleia lakou mai kela mea nui weliweli, o ka make a me ka po, a me ka diabolo, a me ka loko ahi a me ke kukae pele, oia ka ehaeha pau ole; a e hoihoi hou ia lakou i kela Akua nana i haawi mai ia lakou i ka hanu, oia ka Mea Hemolele o ka Israela.

10. **Aka**, auwe **ka** mea i haawia mai ke kanawai ia ia; he oiaio, **ka** mea i loaa na kauoha a pau a ke Akua, e like me kakou nei, a e ae maluna o ia mau mea, a e hoomaunauna ana i na la o kona noho hoaoia ana; no ka mea, ua weliweli kona noho ana!

11. E! ka hana maalea o ka Mea Ino! E! ka haaheo, a me ka nawaliwali, a me ka lapuwale o kanaka! Ia lakou i aoia'i manao iho la lakou ua naauao, aole lakou e hoolohe i ka olelo ao a ke Akua, no ka mea, waiho wale lakou ia, e kuhi ana ua ike lakou no lakou iho. Nolaila, ua lapuwale ko lakou ike, aole ia he mea e pono ai lakou. A e make no lakou.

12. **Aka**, ua maikai ke aoia, ke hoolohe lakou i na olelo ao a ke Akua. **Aka**, auwe **ka** poe waiwai, ka poe i waiwai ma na mea o ke ao nei. No ko lakou waiwai, ke hoowahawaha nei lakou i ka poe hune, a hoomaau no lakou i ka poe akahai, a ua kauia ko lakou mau naau maluna o ko lakou waiwai: nolaila, o ko lakou waiwai he Akua ia no lakou. Aia hoi, e make pu auanei ko lakou waiwai me lakou hoi. A, auwe **ka** poe hookuli, e hoolohe ole mai ana: no ka mea, e make no lakou. Auwe **ka** poe makapo, e nana ole mai ana: no ka mea, e make no hoi lakou. Auwe **ka** poe i okipoepoe ole ia ma ka naau: no ka mea, e hoowalania ka ike o **ka** lakou hana ino ia lakou ma ka la hope. Auwe **ka** mea wahahhee: no **ka** mea, e hahaoia oia ilalo i Gehena. Auwe **ka** mea pepehi kanaka, nana i pepehi me ka noonoo e: no ka mea, e make ia. Auwe **ka** poe e moe kolohe ana: no ka mea, e hahaoia lakou ilalo i Gehena. Oiaio, auwe **ka** poe i hoomana i na kii: no ka mea, e lealea ana ka diabolo o na diabolo a pau ia lakou. A, eia hoi, auwe **ka** poe a pau i make iloko o ko lakou mau hewa: no ka mea, e hoi hou no lakou i ke Akua la, a e ike i kona maka, a e noho mau no iloko o ko lakou mau hala.

13. Ea, e na hoahanau alohaia o'u, e hoomanao i ka weliweli o ka hana ino ana i kela Akua Hemolele, a me ka weliweli no hoi o ka ae wale ana aku i ka hoowalewale ana o kela mea maalea. E hoomanao, o ka manao ma ke kino, he make ia, a o ka manao ma ka uhane he ola mau loa ia.

14. E! e o'u hoahanau i alohaia, e haliu mai ka pepeiao i ka'u olelo. E hoomanao i ka nani o ka Mea Hemolele o ka Iseraela. Mai olelo iho ua olelo aku la au i na mea paakiki e ku e ia oukou: no ka mea, ina paha e olelo oukou pela, e hoino no oukou i ka oiaio: no ka mea, ua olelo ake la au i na olelo a ko oukou Mea nana i hana. Ua ike au ua paakiki na olelo o ka oiaio e ku e ana i ka paumaele a pau; aka, aole ka poe pono i makau ia mau mea, no ka mea, e makemake ana lakou i ka oiaio, aole hoi i hoonaueucia.

15. E! e o'u hoahanau i alohaia, e hele mai i ka Haku, ka Mea Hemolele. E hoomanao ua pololei kona mau aoao. Aia hoi, ua ololi ke ala no kanaka, aka ua moe ia me ka pololei imua ona, a o ka mea kiai puka oia ka Mea Hemolele o ka Iseraela: aole oia e hoonoho ana i kekahia kauwa malaila; aole hoi kekahia ala e ae, ma ka puka wale no, no ka mea, ua hiki ole ia ia ke hoopunipuniia; no ka mea, o ka Haku ke Akua kona inoa. A o ka mea kikeke, e wehe no oia ia ia; a o ka poe naauao, a me ka poe i aoia, a o ka poe waiwai, i hookaakeiia no ko lakou ike, a no ko lakou naauao, a no ko lakou waiwai; he oiaio, oia ka poe ana i hoowahawaha mai ai; a ke hoolei ole lakou i keia mau mea mai o lakou aku, a e manao lakou he poe naaupo lakou imua o ke Akua, a e hele mai me ka haahaa loa, aole oia e wehe ia lakou. Aka e huniaia na mea o ka poe naauao a me ka poe akamai, mai o lakou aku no ka wa pau ole; he oiaio, o kela pomaikai i hoomakaukaia no ka poe hoano. E na hoahanau alohaia o'u, e hoomanao i ka'u mau olelo: e nana mai, ke wehe nei au i ko'u mau aahu, a ke lulu nei au ia mau mea imua o oukou: ke pule nei an i ke Akua o ko'u ola e nana mai oia ia'u me kona maka ike lea; nolaila, e ike no oukou ma ka la mahope, i ka wa a na kanaka a pau e hookolokoloia'i no ka lakou hana, ua ike ke Akua o ka Iseraela ua lulu aku au i ka oukou mau hana ino mai ko'u uhane aku, a ke ku nei au me ka huali imua ona, a ua maemae i ko oukou koko.

16. E na hoahanau alohaia o'u, e huli ae oukou mai ko oukou mau hewa; e lulu aku oukou i na kaula hao o ka mea e makemake ana e naki-naki ia oukou a paa; e hele mai i ua Akua la, oia ka pohaku o ko oukou ola. E hoomakaukaoukou i ko oukou mau uhane no kela la nani, i ka wa e haawiia mai ka uku pono i ka poe pono; oia ka la hookolokolo, i hapepe ole iho ai oukou me ka makau weliweli; i ole oukou e hoomanao i ko oukou hewa weliweli iwaena o ka hemolele, a e koia e pane aku, Hemolele, hemolele kou hoopai ana, e ka Haku ke Akua mana loa. Aka, ke ike nei au i kuu hewa, ua ae aku la au maluna o kou kanawai, a o ko'u lawehala ana no'u no ia, a ua loaa au i ka diabolo, i pio au i kona poino

weliweli. Aka hoi, e o'u mau hoahanau, he mea e pono ai anei no'u e hoala ia oukou i ka ike maopopo weliweli i keia mau mea? E hoowalania anei au i ko oukou mau naau? E olelo maopopo aku anei au ia oukou, e like me ka maopopo ana o ka oiaio, ina ua maemae oukou i ka hewa? Aia hoi, ina ua hemolele oukou, e olelo au ia oukou no ka hemolele; aka, no ko oukou hemolele ole, a ke nana mai nei oukou ia'u me he kumu la, a he mea pono ia'u ke ao aku ia oukou i ka hopena o ka hewa. Aia hoi, ke hoopailua nei no ko'u uhane i ka hewa, a ke hanoli nei kuu naau i ka pono; a e hoolea no au i ka inoa hoano o ko'u Akua. E hele mai, e o'u mau hoahanau, kela mea keia mea i makewai, e hele mai oukou i na wai; a o ka mea kala ole, e hele mai hoi oukou e kuai no a e ai iho; oia, e hele mai e kuai i ka waina a me ka waiu me ke kala ole a me ke kumu knai ole. Nolaila, mai hoomaunauna i ko oukou kala no ka mea lapuwale, i ka oukou hana hoi no ka mea i hoomaona ole. E hoolohe pono mai oukou ia'u, a e hoomanao i na olelo a'u i olelo aku ai, a e hele mai i ka Mea Hemolele o ka Israela, a e ai a maona i ka mea make wale ole, aole hoi hiki ke hoopalahoa, a e clioli hoi ko oukou uhane ma ka momona. Aia hoi, e na hoahanau o'u, e hoomanao i na olelo a ko oukou Akua; e pule mau ia ia ma ke ao, a e hoolea aku i kona inoa hoano ma ka po. E olioli ko oukou naau, a e ike i ka nui o na berita a ka Haku, a me ka nui hoi o kona manao haahaa i na keiki a kanaka; a no kona nani, a me kona lokomaikai a aloha, ua olelo paa mai oia ia kakou aole e luku loa ia ka kakou poe hua, mamuli o ke kino, aka nana no e malama ola ia lakou; a ma na hanauna e aku, e lilo lakou i lala pono o ko ka hale o Israela.

17. Ano, e o'u mau hoahanau, ua makemake au e olelo hou aku ia oukou; ma ka la apopo e hai no au ia oukou i ke koena o ka'u mau olelo. Amene.

MOKUNA VII.

1. Ano, owau, o Iakoba, ke olelo hou nei au ia oukou, e o'u mau hoahanau i alohaia, no keia lala pono a'u i olelo ai. No ka mea, o na olelo hoopomaikai i loaa ia kakou, he mau olelo pomaikai ia kakou mamuli o ke kino; nolaila, e like me ka mea i hoikeia mai ia'u, e make auanei no he nui o ka kakou poe mamo ma ke kino, no ka hoomaloka, aka hoi, e aloha no ke Akua i kekahi poe he nui loa; a e hoihoi hou ia ka kakou poe mamo, i hiki lakou i ka mea e haawi ana ia lakou i ka ike oiaio no ko lakou Mea Hoolapanai. Nolaila, e like me ka mea a'u i olelo aku ai ia oukou, he mea e pono ai no Kristo, (no ka mea, i ka po nei, hai mai la ka anela i kona inoa ia'u, oia keia,) e hiki mai iwaena o ka poe Iudaio, iwaena o ka poe hewa loa o ke ao nei; a e kauaku lakou ia ia ma ke kea: no ka mea, pela e pono ai ko kakou Akua; aole hoi kekahi lahuikanaka

e ae ma ka honua, nana e kau aku i ko lakou Akua ma ke kea. No **ka** mea, ina e hanaia'i na hana mana loa mawaena o na lahuikanaka e ae, e mihi no lakou, a e ike o ko lakou Akua no ia; aka, no ka hana maalea a na kahuna pule a me ka hana ino, e hooolea ka poe ma Ierusalemia i ko lakou ai e ku e ia ia, i kaulia'i oia ma ke kea. Nolaila, no ka lakou hana hewa, e hiki auanei maluna o lakou ka luku ana, ka wi, ke ahulau, a me ka hookaheia'na o ke koko; a o ka poe i anai ole ia, e hoopuehuia aka lakou iwaena o na lahuikanaka a pau.

2. Aka hoi, penei wahi a ka Haku ke Akua: A hiki mai ka la e manaoio mai lakou ia'u, owau no ke Kristo; alaila, ua hana berita au me ko lakou poe kupuna e hoihoi hou ia lakou ma ke kino, maluna o ka honua, i ko lakou mau aina hooilina. A e hiki mai no keja, e houluluia auanei lakou mai ko lakou hoopuehu loahi ia'na mai, mai na moku puni o ke kai, a mai na kihihaha o ka honua; a e nui auanei na lahuikanaka o ka poe Genetile ma ko'u maka, wahi a ke Akua, i ke kaikai ana ia lakou i ko lakou mau aina hooilina. Oia, a e lilo na 'ili o ka poe Genetile i poe makuakane hanai no lakou, a o na 'ili wahine a lakou i poe makuahine hanai; nolaila, ua nani na oleo pomaikai a ka Haku i ka poe Genetile, no ka mea, ua olelo mai la oia ia mea, a owai la ka mea hiki ke hoopapa'aaku? Aka hoi, o keia aina, wahi a ke Akua, e lilo ia i aina hooilina nou; a e hooponaikaiia ka poe Genetile maluna o ka aina. A o keia aina he aina ku okoa auanei ia no ka poe Genetile; aole hoi e hoalaia na 'ili maluna o keia aina no ka poe Genetile. A e pakuaku au i keia aina i na lahuikanaka a pau; a o ka mea nana e kaua mai ia Ziona, e make oia, wali a ke Akua: no ka mea, o ka mea nana e hoala mai i alii e ku e mai ia'u, e make oia. No ka mea, owau ka Haku, ke alii o ka lani, e lilo an i alii no lakou; a he malamalamano au ia lakou a mau loa aka, i ka poe i hoolohe mai i ka'u mau olelo. No ia mea, i ko ai ka'u mau berita, a'u i hana aka ai i na keiki a kanaka, o na mea a'u e hana aka ai ia lakou ma ke kino, he mea e pono ai na'u e anai aka i na hana malu o ka pouli, o ka pepehi kanaka, a o na mea hoopailua; nolaila, o ka mea e kana ana ia Ziona, o ka Iudaio, o ka Genetile paha, o ke kauwa a me ke kauwa ole, o ke kane a me ka wahine, e make loa lakou: no ka mea, o lakou no ka wahine hookamakama o ka honua nei a pau; no ka mea, o ka poe aole no'u, e ku e ana lakou ia'u, wahi a ko kakou Akua. No ka mea, e hooko no au i ka'u mau olelo hoopomaikai a'u i hai aka ai i na keiki a kanaka, no na mea a'u e hana ai no lakou, ia lakou e noho ai ma ke kino. Nolaila, e ko'u poe hoahanau alohaia, penei wahi a ko kakou Akua: E hoeha no au i kau hua ma o ka lima la o ka poe Genetile; aka hoi, e hoopalupalu no au i na naau o ka poe Genetile, i lilo lakou e like me he makuakane la ia lakou; nolaila, e hoopomaikaiia auanei ka poe Genetile a e helu pu **ia** mawaena o ko ka hale o Israela. Nolaila, e hoolaa mau loa aka no au i keia aina i kau hua, a i ka poe hoi e helu pu ia auanei mawaena o **ka** hua, i aina hooilina no lakou: no ka mea, he aina maikai loa ia, wahi a **ke**

Akua ia'u, mamua o na aina e ae a pau; nolaila, iloko o'u ka manao, no na kanaka a pau e noho ana maluna ona, e hoomana mai ia'u, wahi a ke **Akua**.

3. Ano, e o'u mau hoahanau alohaia, i ko kakou ike ana ua haawi mai ko kakou Akua aloha i keia ike nui no keia mau mea, e hoomanao kakou ia ia, a e waiho wale aku i ko kakou mau hewa, aole hoi e kulou ko kakou mau poo, no ka mea, aole i hooleiia'ku kakou; aka hoi, ua kipakuia mai la kakou mailoko mai o ko kakou aina hooilina; aka na alakaiia mai la kakou i kahi aina maikai ae: no ka mea, ua hana mai la **ka Haku** i ke kai i alanui no kakou, a maluna no kakou o kahi mokupuni o ke kai. Aka, nani na olelo hoopomaikai a ka Haku i ka poe e noho ana maluna o na mokupuni o ke kai: nolaila, i kona i ana mai i na mokupuni o ke kai, ke ike nei au aole o keia mokupuni wale no, aka ua nui ae: a e noho ana hoi na hoahanau o kakou maluna o lakou. No ka mea, ua alakai ae la ka Haku ke Akua ia lakou, ia manawa ia manawa aku, mai ko ka hale o Iseraela ae, e like me kona manao a makemake. Ano, aia hoi, ke hoomanao nei no ka Haku i ka poe a pau i haihaiia mai; nolaila, ke hoomanao nei oia ia kakou hoi. Nolaila, e hoolana ko oukou mau naau, a e hoomanao ua kaawa'e oukou e hana no oukou iho: e koho i ka aoao o ka make mau loa, a i ole ia, i ka aoao o ke ola mau loa. No ia mea, e o'u mau hoahanau i alohaia, e hoolauloa oukou ia oukou iho i ka makemake o ke Akua, aole i ka makemake o ka diabolo a me ke kino; a e hoomanao mahope iho o ko oukou hoolauloaia'na i ke Akua, ma o ka lokomaikai la o ke Akua wale no e hoolala oukou. Nolaila, na ke Akua e hoala ia oukou mai ka make, ma o ka mana la o ke alahouana; a mai ka make mau loa no hoi, ma o ka mana la o ke kalahala, i hiki ia oukou ke hookipaia iloko o ke aupuni mau loa o ke Akua, i hiki ia oukou ke hoolea ia ia ma o ka lokomaikai la ona. Amene.

MOKUNA VIII.

1. Ano, olelo aku la no o Iakoba i na mea e ae he nui i ko'u poe kanaka ia manawa; aka hoi, o keia mau mea wale no a'u i kauoha aku ai e kakauia: no ka mea, o na mea a'u i palapala'i, ua lawa ia'u.

2. Ano, ke palapala nei no au, o Nepai, i na olelo hou a Isaia: no ka mea, lealea ko'u uhane i kana mau olelo. No ka mea, e hoohalike no an i kana mau olelo i ko'u poe kanaka; a e hoouna aku no au ia mau mea i ka'u poe hua a pau: no ka mea, ike oiaio aku la oia i ko'u Mea Hoolapanai, e like me ko'u ike ana ia ia. A ua ike no hoi ko'u kaikaina o Iakoba ia ia e like me ko'u ike ana ia ia; nolaila, e hoouna aku no au i ka laua olelo i ka'u poe hua, e hooiaio ana i ka oiaio o ka'u mau olelo ia lakou. Nolaila, ma na olelo o na mea ekolu, ua i mai la ke **Akua**, E hookupaa no

au i ka'u olelo. Aka hoi, e hoouna ana ke Akua i na mea hoike he nui ae: a ke hooiaio mai nei oia i na olelo a pau ana. Aia hoi, ke lealea nei ko'u uhane i ka hooiaio ana i ko'u poe kanaka i ka oiaio o ka hiki ana mai o Kristo: no ka mea, nolaila i haawiiia mai ai ke kanawai o Mose; a o na mea a pau i haawiiia mai e ke Akua mai ka hoomaka ana o ka honua nei, i kanaka, he mau hoailona kela mau mea nona. Eia hoi, ke olioli nei no ko'u uhane i na berita a ka Haku, ana i hana mai ai i ko kakou poe kupuna; oia, e olioli ana ko'u uhane i kona lokomaikai, a i kona hoopono, a mana, a aloha, ma ka hana nui a mau lca o ka hoola ana mai ka make mai. A e hauoli ana ko'u uhane i ka hooiaio ana i ko'u poe kanaka, ke hiki ole mai o Kristo, e make io no na kanaka a pau. No ka mea, ina aole o Kristo, ina aole he Akua; a ina aole Akua, aole o kakou, no ka mea, aole i hiki ke hanaia kekahī mea. Aka, aia no he Akua, a oia no o Kristo; a ke hele mai la oia i kona manawa ku pono.

3. Ano, ke kakau nei au i kekahī mau olelo a Isaia, i hiki i ka poe o ko'u poe kanaka e ike ana i keia mau olelo, ke hookiekie aku i ko lakou mau naau, a e hauoli no na kanaka a pau. Ano, eia no na olelo; na oukou e hoohalike ia mau olelo ia oukou, a i na kanaka a pau.

4. Ka olelo a Isaia, ke keiki a Amosa, i ike ai, no ka Iuda a me ko Ierusalem: E hiki mai no keia i na la mahope, i ka wa i kukulu paa ia ka mauna o ko ka Haku hale maluna o na mauna, a e hookiekicia maluna o na puu, a e holo no io na la na lahuikanaka a pau, a he nui loa na kanaka e hele me ka olelo, E hele mai oukou, a e pii kakou i ka mauna o ka Haku, i ka hale o ke Akua o Iakoba; nana e ao mai ia kakou i kona mau aoao, a e hele no kakou ma kona mau alanui; no ka mea, mai Ziona aku e laha aku ai ke kanawai, a o ka olelo a ka Haku hoi mai Ierusalemaku. Nana no e hooponopono iwaena o ko na aina, a e papa aku i na lahuikanaka he nui loa: a e kui lakou i ko lakou pahikaua i oo palau, a me ko lakou mau ihe hoi i pahi paipai: aole e hapai ko kekahī aina i ka pahi kaua e ku e i ko kekahī aina, aole hoi lakou e ao hou i ke kaua. E ko ka hale o Iakoba, e hele mai, a e hele kakou ma ka malamalamama o ka Haku; oia, e hele mai, no ka mea, ua auana aku la oukou a pau, o kela mea keia mea i kona mau aoao hewa.

5. Nolaila, e ka Haku e, ua haalele oe i kou poe kanaka, i ko ka hale o Iakoba, no ka mea, ua piha lakou i na mea mai ka hikina mai, a hoolohe hoi i ka poe nana ao e like me ko Pilesetia, a olioli no lakou i na keiki a na malahini. Ua piha hoi ko lakou aina i ke kala a me ke gula; aole e pau i ka heluia ko lakou waiwai; ua piha hoi ko lakou aina i na lio, aole e pau i ka heluia na hale kaa o lakou; ua piha hoi ko lakou aina i na 'kua kii; ke hoomana nei lakou i ka hana a ko lakou mau liina iho,—i ka mea a ko lakou mau manamana lima i hana'i: aole e kulou ana ilalo ke kanaka nuku, aole hoi ke kanaka nui e hoohaahaa ana ia ia iho: nolaila, e kala ole mai oe ia ia.

6. E ka poe hewa, e komo oe iloko o ka pohaku, a e pee oe i ka lepo,

no ka makau i ka Haku, a e hahau no ka nani o kona hanohano ia oe. A e hiki io mai keia, e hoohaahaiaia na maka kiekie o kanaka, a e kulouia'i ko ke kanaka lana haakei, a o ka Haku wale no ke hookiekicie i kela la. No ka mea, e hele koke mai ana ka la o ka Haku o na Lehulehu maluna o ko na aina a pau; oia, maluna o kela mea keia mea; oia, maluna o na mea hanohano a kehakeha, a maluna hoi o kela mea keia mea i hookiekicie; a e hoohaahaiaia no ia: oia, a e hiki mai ka la o ka Haku maluna o na laau kedera a pau o Lebanonona, no ka mea, ua loloa a kiekie iluna: a maluna hoi o na oka a pau o Basana, a maluna hoi o na kuahiwi kiekie a pau, a maluna o na pau a pau, a maluna o na Iahuikanaka a pau i hookiekicie iluna, a maluna o ko ia aina aku, ko ia aina aku, a maluna o na hale kiai kickie a pau, a maluna o na pa kana kiekie a pau, a maluna o na moku a pau o ke kai, a maluna o na moku a pau o Taresisa, a maluna o na mea milimili olcolu a pau. E hookulouia ilalo ko ke kanaka haahéo, a e hoohaahaiaia hoi ka manao kiekie o ke kanaka: o ka Haku wale no ke hookiekicie i kela la. A e hoopau loa oia i na 'kua kii. E komo no na kanaka iloko o na ana o na pohaku, a iloko o na lua o ka honua, no ka mea, e haule no ka makau i ka Haku maluna o lakou, a e hahau no ka nani o kona hanohano ia lakou, ia ia e ku ai iluna e hoonauenane ai i ka honua. Ia la la e kiola aku ke kanaka i kona mau akua kala, a me kona mau akua gula, ana i hana'i i mea hoomana, e lilo i na iole a me na mea opapea; e hele no lakou iloko o na ana pohaku, maluna o na piko o na pali paa, no ka mea, e haule no ka makau i ka Haku maluna o lakou, a e hahau no ka nani o kona hanohano ia lakou ia ia e ku ai iluna e hoonauenae ai i ka honua. Mai hilinai oukou i ke kanaka, nona ka hanu ma kona pukaihu: no ka mea, heaha ia i manaoia'i oia?

7. No ka mea, aia hoi, o ka Haku, ka Haku o na Lehulehu, e lawe ana ia i na kookoo a pau mai ko Ierusalem, a mai ko Iuda aku, i ke kookoo a pau o ka ai, a me ke kookoo a pau o ka wai, i ka mea ikaika, a me ke kanaka koa, i ka lunakanawai, a me ke kaula, i ka mea akamai, a me ka mea kahiko, i ka lunakanalima, a me ke kanaka koikoi, i ke kakaoleso, a me ka mea i ike i na hana, i ka mea no hoi i akamai ma ka olelo. E haawi no au i na kamalii ia lakou e lilo i na 'lii no lakou, e noho alii no na keiki opioPIO maluna o lakou. E hookaumahaia na kanaka, kekahi e kekahi, a i kela mea keia mea hoi e kona hoa: e hookiekie no ke keiki maluna o ka mea kahiko, a me ka mea i hoowahawahaiia maluna o ka mea hanohano. I ke kanaka e lalau ai i kona hoahanau o ka hale o kona makuakane, a e . aku, Ea, he aahu no kou, e noho alii oe maluna o makou, a e hiki ole hoi keia poino malalo iho o kou lima: ia la la, e hoohiki oia, i ka i ana, Aole au e noho i mea hoola; no ka mea, aohe ai ma ko'u hale, aole hoi he mea aahu: mai hoonoho ia'u i alii maluna o na kanaka. No ka mea, ua poino o Ierusalem, a ua haule o Iuda: no ke ku e o ko lakou alelo a me ka lakou hana i ka Haku, e hoonaukiuki aku i na maka o kona nani.

8. O ka ike ana i ko lakou helehelena ka i hoike no lakou, a ke hai nei no hoi lakou i ko lakou hewa e like me Sodoma, ua hiki ole ia lakou ke huna ia. Auwe ko lakou poe uhane! no ka mea, ua hoouku mai **ka** hewa ia lakou iho. E olelo aku i na mea i pono, e pomaikai lakou: **no** ka mea, e ai no lakou i ka hua o ka lakou hana ana. Auwe ka poe hewa! no ka mea, e make no lakou: no **ka** mea, maluna o lakou ka uku o **ko** lakou mau lima.

9. A o ko'u poe kanaka, o na kamalii ko lakou poe hooluhi a **o na** wahine ka noho alii maluna o lakou. E kuu poe kanaka, o ka poe i alakai ia oe, ke hoolalau nei ia oe, a ke hoopau nei lakou i kou mau alamui. Ke ku nei o ka Haku e hoakaka mai, a e ku ana iluna e hookoloko i na kanaka. E hele mai ana no ka Haku e hookolokolo i na mea kahiko o koua poe kanaka, a me ko lakou poe alii; no ka mea, ua ai a pau onkou i ka pawaina, aia hoi, ma ko oukou hale ka waiwai kaili wale ia o ka poe hune. Pehe la ke ano o ka oukou hana? Ke okaoka liliu nei oukou i ko'u poe kanaka, a kui a wale na maka o ka poe hune, wahi a ka Haku ke Akua o na Lehulehu.

10. Eia hoi, ua olelo mai la ka Haku, no ka lana haakei o na kaika-mahine o Ziona, a hele me ka oeoe o na ai a me ka makaleho hilahila ole, he hele hooioio ko lakou hele, a e kanikani ana me ko lakou mau wawae: nolaila, e hahau no ka Haku i na pikopoo o na kaikamahine o Ziona me ka eha, a e hoike no ka Haku i ko lakou wahi huna. Ia la la e lawe aku no ka Haku i ka maikai o ko lakou mau mea kanikani e nani ai, a me na upena papale oho, a me na lei i poepoe e like me ka mahina, i na kaula nani a me na kupee lina, a me na pale nahinahi, a i na papale, a me na kaula kupee wawae, i na kaei poo, a i na papa iki a me na pepeiao gula, i na komolima, a i na gula ihu, i na aahu kuai nui, a me na holoku, i na kalukalu nui, a me na hao e owili ai i ka oho, i na aniani nana, a me ka ie nani, i na mea no ka poo, a me na pale poo.

11. A e hiki mai keia, ma kahi o ke aala, ilaila he pilau; ma kahi o ke kaei, he wahi nahae; ma kahi o ke oho owili, he ohule; a ma kahi o ka pau hanohano, he kaei inoino: paawela ma kahi o ka maikai. E haule no kou poe kanaka i ka pahikaua, a o kou poe ikaika ma ke kaua. E uwe a e u kona mau pukapa; a e neoneo auanei oia, a e noho ilalo ma ka lepo.

12. Ia la la, e lalau aku no na wahine ehiku i ke kanaka hookahi, i ka i ana, E ai no makou i ka makou ai iho, a e komo i ko makou lole iho: e ae mai oe i keia wale no, e kapaia mai makou e kou inoa i mea e pau ai ko makou hoinoia. Ia la la he nani a he hanohano ka lala o ka Haku; e nani io a e maikai no ka hua o ka honua i ka poe i pakele o ka Israela.

13. A e hiki mai keia, o na mea i koe ma Ziona, a o na mea i waihoia ma Ierusalem, e kapaia auanei he hemolele, o na mea a pau i kakau pu **ia** me ka poe e ola ana ma Ierusalem: i ka wa a ka Haku e holoi ai i ka pelapela o na kaikamahine a Ziona, a e hoohemo ai i ke koko o Ierusalem, mai ona aku la, ma ka uhane o ka hoopono, a me ka uhane o ke **aa**

ana. A e hana no ka Haku maluna o na wahi noho a pau o ka mauna Ziona, a maluna o na aha halawai ona, i ao a me ka uahi i ka la, a i ka malamalama o ke ahi lapalapa i ka po: no ka mea, e kau mai no ka malu maluna o na mea nani a pau o Ziona. He halelewa no e malu ai i ke ao no ka wela, he puuhonua a he wahi malu hoi, no ka ino a me ka ua.

14. Alaila, e mele aku no au i kuu hiwahiwa i ka mele o kuu hiwahiwa no kona pawaina. He pawaina no kuu hiwahiwa aia ma kahi puu hua nui: a hana iho la ia i pa a puni, a hoolei aku la i na pohaku ona, a malaila ia i kanu ai i kumu waina maikai, a kukulu no hoi i hale kiai iwaena ona, a hana iho la hoi i wahi kaomi waina malaila; a kakali iho la oia no ka hua ana mai i na hua waina, aka, hua mai la ia i ka hua malili. Ano, e na kamaaina o Jerusalema, a me na kanaka o Iuda, E hooponopono, ke noi nei au ia oukou, iwaena o'u a me ko'u pawaina. Heaha ka mea hou e hiki ia'u ke hana no ko'u pawaina, i hana ole ia e au iloko ona? Nolaila, ia'u i kakali ai nona e hua mai i ka hua waina, hua mai ai ia i na hua malili. Ano, e hai aku no au ia oukou i ko'u mea e hana'i i ko'u pawaina: e wawahi au i kona pa e ulu ana, a e pau ia i ka alia; a e hoo-hiolo au i kona pa pohaku, a e pau no ia i ka hehiia: a e hooneoneo au ia wahi, aole ia e paipaiia, aole hoi e olaolaoia; aka e ulu no ke kakalaioa malaila a me ka laau kalakala: a na'u no e kauoha i na ao, i ua ole mai lakou i ka ua maluna ona. No ka mea, o ka pawaina o ka Haku o na Lehulehu oia ko ka hale o Israela, a o na kanaka o Iuda hoi kona mea kanu e olioli ai: kakali iho la oia i ka hoopono, aia ka! he hooluhi hewa ana; kakali no i ka maikai, aia ka! he uwé ana.

15. Auwe ka poe i hoopili i kekahihale i kekahihale, a koe ole kahi kaawale, i noho lakou wale no iwaena konu o ka aina! Ma kuu mau pepeiao, wahi a ka Haku o na Lehulehu, he oiaio no e lilo ana na hale he nni loa i neoneo, a kanaka ole hoi na kulanakauhale nui a maikai. Oiaio e hua mai ana na eka pawaina he umi i hookahihale, a o ka onera hua e hoohua mai ia i hookahihale.

16. Auwe ka poe e ala ana i kakahiaka nui, e inu i ka mea awaawa; a hoomau a poolele, i wela ai lakou i ka waina! A o ka mea kani, a me ka lira o ka pahu kani, a me ka hookiokio, a o ka waina kekahihale ma ka lakou ahaaina; aka aole o lakou manao i ka hana a ka Haku, o ka hana hoi a kona mau lima, aole lakou i ike.

17. Nolaila, hele pio aku la ko'u poe kanaka, no ka mea, aole o lakou ike: a make no ko lakou poe hanachano i ka pololi, a maloo ko lakou lehulehu i ka makewai. Nolaila, ua hoomahuahua ka po ia ia iho, a i hamama nui loa i kona waha: a o ko lakou nani, a me ko lakou lehulehu, a o ko lakou hanohano, a me ka mea e hauoli ana, e poho ilalo iloko ona. E kulouia'i ilalo ke kanaka uuku, a e hoohaahaia ke kanaka nui, a e hoohaahaia na maka o ka poe haahéo: aka e hapai nui ia ka Haku o na Lehulehu i ka hoopono, a e hoanoia ke Akua, ka Mea Hemolele i ka poolei. Alaila e ai no na keikihipa mamuli o ko lakou ano, a e ai no na

malihini i na wahi neoneo o na mea momona. Auwe ka poe kauo i **ke** hana ino me na kaula o ka lapuwale, a me ka hewa hoi me he mea la me ke kaula o ke kaa: ka poe i olelo. E hana wikiwiki oia, e hoolale i **kana** hana, i ike makou ia: e neenee hoi a e hookoia ka manao paa o ka **Mea** Hemolele o ka Iseraela, i hoomaopopo makou.

18. Auwe ka poe i kapaaku i ka hewa he maikai, a i ka maikai he hewa; ka poe i hoolilo i ka pouli i malamalama, a i ka malamalama hoi i pouli; a hoolilo i ka mea awaawa i ono, a i ka mea ono i awaawa! Auwe ka poe akamai ma ko lakou mau maka iho, a naauao hoi i ko lakou nana iho! Auwe ka poe ikaika i ka inu waina, a me na kanaka ikaika i **ke** kawili i wai awaawa e inu ai: ka poe i hoopono aku i ka poe hewa no ke kipeia, a kaili aku i ka hoapono o ka mea i pono mai ona aku la! Nolaila, e like me ka ai ana o ke ahi i ka opala, a me ka pau ana o ka manu i ka lapalapa o ke ahi, e lilo ko lakou kumu i ka popo, a e lele iluna **ko** lakou pua e like me ka huna lepo; no ka mea, na hoolei aku lakou i na kanawai o ka Haku o na Lehulehu, a ua hoowahawalia hoi i ka olelo a **ka** Mea Hemolele o ka Iseraela. Nolaila, i hoaaia'i ka inaina o ka Haku i kona poe kanaka, a ua o aku oia i kona lima e ku e ia lakou, a ua hahau no oia ia lakou: a haalulu iho la na mauma, a ua haehaeia ko lakou ku-papau iwaena o na alanui. Aole nae i huli kona huhu no keia mau mea a pau, aka ua o ia no kona lima i keia manawa.

19. A e kau no oia i kahi hae i na lahuikanaka mai kahi loih, a e ka-hea ae ia lakou mai ka welau o ka honua; aia hoi, me ka wikiwiki loa lakou e hele mai ai: aohe mea o lakou e maloeloe, aohe mea kulanalana iwaena o lakou; aohe mea e luluh na maka, aohe mea e hiame; aole hoi e weheia na kaei o ko lakou pulaka, aole e moku ke kaula o ko lakou mau kamaa: a e hoohakalaia ko lakou pua, a e lenaia ko lakou mau kakaka a pau, a e like na maiuu o ko lakou lio me ka pohaku paea, a me ko lakou hiula kaa me ka puahiohio, a o ko lakou uwo ana me ko ka liona. E uwo no lakou e like me na liona hou: oiaio, e uwo auanei lakou, a e hopu aku i na mea pio, a e lawe aku me ka malu, aohe mea e pakele ai. A ia la la e uwe ku e aku no lakou ia lakou la e like me ka halulu ana o **ke** kai: a ina e nana lakou i ka aina, aia hoi, he pouli a he kaumaha, a ua hoopoulia **ka** malamalama ma na lani ona.

MOKUNA IX.

1. I ka makahiki i make ai ke alii, o Uzia, ike aku la no hoi au i **ke** Haku e noho ana ma ka noho alii, kiekie a i hapaiia iluna, a piha **ka** luakin i kona poe ukali. Ku mai la maluna na serapima; paono na eheu i kela mea i keia mea; me na mea elua ia i uhi ai i kona maka, a me na **mea** elua ia i uhi ai i kona mau wawae, a me na mea elua ia i lele ai. A **hea ae**

la kekahi i kekahi, a i ae la, Ihihi, ihiihi, ihiihi no ka Haku o na Lehulehu: Ua piha ka honua a pau i kona nani. Haalulu na paepae puka i ka leo o ka mea nana i hea, a ua piha iho la i ka uwahi.

2. Alaila, olelo iho la au, Auwe au! ua make au: no ka mea, he **kanaka** lehelehe haumia au; a ke noho nei au iwaena o ka lahuikanaka lehelehe haumia: no ka mea, ua ike ko'u mau maka i ke Alii, ka Haku o na Lehulehu. Alaila, lele mai la kekahi o na serapima io'u nei, aia ma kona lima kahi lanahu enaena, ana i lawe mai ai me na upa ahi mai ke kuahu mai: a hoopa mai la ma kuu waha, a i mai la, Aia hoi, ua hoopa keia ma kou mau lehelehe; a ua laweia kou hewa, a ua kalaia kou hala. A lohe iho la no au i ka leo o ka Haku, i ka i ana mai, Ia wai la au e hoouna aku ai, a owai ka mea nana e hele no kakou? Alaila, i aku la au, Eia no wau; e hoouna ia'u.

3. A i mai la ia, O hele, a e hai aku i keia poe kanaka, Lohe io no oukou, aka aole o lakou i hoomaopopo: a ike io no oukou, aka aole aka-ka ka ike ana o lakou. E hoopalaka i ka naau o keia poe kanaka, a e hookuli i ko lakou mau pepeiao, a e hoomakapo i ko lakou mau maka; o ike lakou me ko lakou mau maka, a e lohe hoi me ko lakou mau pepeiao, a e hoomaopopo me ko lakou naau, a e huli lakou, a e hoolaia lakou. Alaila i aku la au, E ka Haku, pehea ka loihi? A i mai la ia, A neoneo na kulanakauhale aohē mea noho iloko, a kanaka ole na hale, a neoneo loa ka aina; a lawe loihi aku ka Haku i na kanaka, no ka mea, e haalele nui ana auanei iwaena konu o ka aina.

4. Aka he hapautumi koe nae, a e hoi hou no lakou, a e aiia auanei e like me ka laau hukaa, a e like me ka oka me ka ikaika iloko o laua, ia laua i helelei ai na lau o laua: pela no, o ka hua hemolele no ka ikaika auanei o lakou.

5. Eia kekahi, i ke au ia Ahaza ke keiki a Iotama, ke keiki a Uzia, ke alii o ka Iuda, hele mai o Rezina, ke alii o Suria, a me Peka ke keiki a Remalia, ke alii o ka Israela, e kaua ku e ia Ierusalema, aole nae i hiki ke lanakila maluna o ia wahi. A na haiia mai la i ko ka hale o Davida, i ka i ana, Ua kuikahi o ko Suria me ko Eperaima, Alaila haalulu kona naau, a me na naau o kona poe kanaka, e like me ka haalulu ana o na laau o ka ululaau imua o ka makani. Alaila, i mai la o ka Haku ia Isaia, O hele aku, ano, e halawai me Ahaza, ooe, a me Seariasuba kau keiki, ma ka welau o ka auwai o ka waipuna me ka alanni o ke kula kopa lolé; a e i aku oe ia ia, E ao oe, a e noho malie; mai makau, mai maule kou naau no na welowelo o keia mau momoku ahi, no ka hulu o Rezina me ko Suria, a me ke keiki a Remalia. No ka mea, ua kukakuka ino o ko Suria, ko Eperaima, a me ke keiki a Remalia, e ku e ia oe, i ka i ana'e, E pii ku e kakou ia Iuda, a e hoopilikia aku ia wahi, a e mahele ia wahi no kakou a e hoonoho i alii iwaena olaila, oiaio, ke keiki a Tabeala: penei wahi a ka Haku ke Akua, aole e ku keia, aole hoi ia e hanaia. No ka mea, o ke poo o Suria, o Dameseko ia, a o ke poo o Dameseko, o Rezina

no: a maloko o na makahiki he kanaondkumamalima, e wawahiiia o Eperaima, i aupuni ole ia. A o ke poo o Eperaima o Samaria ia, a o ke poo o Samaria, oia ka Remalia keiki. I ole oukou e manaoia i keia, oiaio, aole oukou e hookupaaia.

6. Olelo hou mai la ka Haku ia Ahaza, i ka i ana, E nonoi oe i hoailona nou, mai ka Haku kou Akua mai; e nonoi ma ka hohonu, a ma kahi kiekie paha. Aka, i aku la o Ahaza, Aole au e noi, aole hoi au e aa i ka Haku. A i mai la ia: E hoolohe oukou, e ko ka hale o Davida; he mea unku anei ia oukou ke hoopauapauaho i kanaka, aka e hoopauapauaho pu hoi anei oukou i ko'u Akua? Nolaila, na ka Haku ponoi e haawi mai ia oukou i hoailona: Aia hoi, e hapai auanei kekah i wahine puupaa, a e hanau mai ia i keiki, a e kapaaku i kona inoa o Imanuela. O ka waiu bata a me ka meli kana e ai ai, i ike oia e hoole i ka hewa, a e koho i ka pono. No ka mea, mamua o ka ike ana o ke keiki e hoole i ka hewa a e koho i ka pono, e neoneo e ka aina a'u i hoowahawaha'i i kona mau ali elua.

7. Na ka Haku no e hoopuka mai maluna ou, a maluna hoi o kou poe kanaka, a maluna o ka hale o kou makuakane, i na la i hiki ole mai ai mamua, mai ka la mai o ko Eperaima haalele ana i ka Iuda, ke ali o Asuria. A e hiki mai i kela la, na ka Haku no e kaheaaku i na nalo e noho ana ma na welau loa o Aigupita, a no ka nalo hopeeha ma ka aina o Asuria. A e hele mai hoi lakou, a e kau mai lakou a pau ma na awawa olohelohe, a ma na lua o na pohaku, a maluna o ka nahele ooi, a maluna o na laau haahaa a pau. Ia la la hookahi no na ka Haku no e kahi me ka pali kahi i hoolimalimaia, me ka poe ma kela aoao o ka muliwai, me ke alii o Asuria, i ke poo, a me ka huluhulu o na kapuwai; a e hoopau auanci ia i ka umiumi. A e hiki mai i kela la, e hanai ke kanaka i ka bipi ohi, a me na hipa elua; a e hiki mai keia, no ka nui loa mai o ka waiu a lakou e haawi mai ai, e ai oia i ka waiu bata: no ka mea, e ai io no kela mea keia mea i koe ma ka aina, i ka waiu bata a me ka meli. A e hiki mai ma ia la, o kela wahi keia wahi, o kahi i ulu ai na kumuwaina he tau-sani ma na kala he tau-sani, e lilo ai ia wahi i nahele ooi a me ka laau kakala. Me na pua a me na kakaka e hele ai na kanaka ilaila; no ka mea, e nahelehele ana i ka aina a pau i ka laaukalakala a me ka nahele ooi. A o na puu a pau i olaolaoia i ka oo, aohe hiki ilaila ka makau i na laauka, lakala a me na nahele ooi: aka, he wahi ia no ka hoouna ana'ku i na bipi a no ka hahi ana hoi o na holoholona unku ae.

8. Eia hou, i mai la ka olelo a ka Haku ia'u, E lawe aku oe i kahi palapala owili nui, a e kakau maluna olaila me ko ke kanaka peni no Mahera-sala-hasa-baza. A lawe iho la au i kekah i mau mea pono i mau hoike, ia Uria i ke kahuna, a me Zekaria ke keiki a Ieberekia. A hele aku la au i ke kaula wahine; a hapai mai la oia a hanau mai la he keikikane. Alaila, i mai la ka Haku ia'u, E kapaaku i kona inoa Mahera-sala-hasa-baza. No ka mea, mamua o ka ike ana o ke keiki e hea aku, E ko'u ma-

kuakane, e ko'u maku wahine, e laweia'ku no ka waiwai o Dameseko a me ka waiwai pio o Samaria imua o ke alii o Asuria.

9. Olelo hou mai la ka Haku ia'u, i ka i ana, No ka hoole ana o keia poe kanaka i na wai o Siloa e kahe malie ana, a hauoli hoi ma Rezina a me ka Remalia keiki; nolaila, aia hoi, ke lawe mai la ka Haku maluna o lakou i na wai o ka muliwai, he ikaika a he nui, oia i ke alii o Asuria, a me kona nani a pau: a e hu no ia mawaho o kona auwa'i a pau, a e kahe maluna o kona mau kapa a pau: a e hele ia mawaena o Iuda; e hu no ia a e holo maluna, e pii no ia a hiki i ka ai; o ka hohola ana o kona mau eheu e hoopihia auanei i ka palahalaha o kou aina, e Imanuela.

10. E hui pu oukou, e na kanaka, a e wawahihili ia oukou; a e halin mai ka pepeiao oukou a pau o kahi loihi: e kaei oukou ia oukou iho, a e wawahihili ia oukou: e kaei oukou ia oukou iho a e wawahihili ia oukou. E kukakuka pu oukou a e lilo auanei ia i mea ole; e hai mai ka olelo, aole ia e ku: no ka mea, o ke Akua pu me makou.

11. No ka mea, olelo mai la ka Haku ia'u penei me ka lima ikaika, a ao mai la ia'u aole e hele ma ka aoao o keia poe kanaka, i ka i ana, Mai olelo oukou, he hui pu ana, i ka poe a pau a keia poe kanaka i olelo ai, he hui pu ana; mai makau hoi i ko lakou mea e makau ai, aole hoi e hopohopo. O ka Haku o na Lehulehu, oia ka oukou e hoolaa ai, oia hoi ka oukou e makau ai, a e hopohopo oukou ia ia. A e lilo ia i puuhonua; aka i pohaku e kuia'i, a i puu hoi e hala'i i ko na hale elua o Israela, i pahele a i upiki no ka poe e noho ana ma Ierusalem. A he nui wale mawaena o lakou e kuia'i, a e hinaia'i, a e wawahihia, a e hoopahaleia, a e hoopaaia. E hoopaa i ka hoike ana, e sila hoi i ke kanawai iwaena o ka'u poe haumana. A e kakali no au i ka Haku, ka mea e hunu ana i kona maka mai ko ka hale o Iakoba aku, a e nana au nona. Aia hoi, owau a me na keiki a ka Haku i haawi mai ai na'u, he mau hoailona a he mau ouli hoi makou i kauia maloko o ka Israela, mai ka Haku o na Lehulehu mai, ka mea e noho la ma ka mauna Ziona.

12. A i ka wa a lakou e olelo aku ai ia oukou, E imi i ka poe me na uhane haukae, a i ka poe nana uhane hoi, a namu lili'i: Aole anei e pono ai e imi na kanakai i ko lakou Akua? No na mea ola anei e lohe mai na mea make mai? Ma ke kanawai a ma ka hoike ana: a ina olelo ole lakou e like me ia olelo, no ka malamalama ole iloko o lakou ia mea. A e hele aku la lakou iwaena o ia mea me ke kaumaha a me ka pololi, a e hiki mai keia, ia lakou e pololi ai, ia lakou iho lakou e huhu ai, a e kuamamu i ko lakou alii a me ko lakou Akua, a e nana iluna. A e nana lakou i ka honua: aia hoi, he popilikia, a me ka pouli, he pouli o ka chaeha hoi, a e kipakua i ka poe eele.

13. Aole nae e like ka pouli e like me ia ma kona kaumaha nui, ia ia i kinohi i hoopilikia iki ai ka aina o Zebulona, a me ka aina o Napetali, a mahope iho i hoopilikia nui ai ma ka aoao o ke Kaiula ma kela aoao o Ioredane ma Galilaia o na luhukanaka. O na kanaka i hele ma ka pouli,

ua ike lakou i ka malamalama nui: o ka poe i noho ma ka aina o ke **aka** o ka make, maluna o lakou ua alohi mai ka malamalama. Ua hoonui oe i ka lahuikanaka, a hoomahuahua hoi i ka olioli; ke olioli nei lakou imua ou e like me ka olioli ana i ka hoilili ai ana, e like me na hanoli ana o na kanaka ia lakou i puunauwe ai i ka waiwai pio. No ka mea, ua haki oe i ka auamo o kona kaumaha, a me ke kookoo o kona poohiwi, ka laau hahau o kona mea hooluhi hewa. No kela kaua keia kaua o ke kanaka me ka wawa haunaele, a me na aahu, i opeope pu ia me ke koko; aka o keia me ka aa ana auanei a me ka wahie o ke ahi. No ka mea, ua hanauia mai he keiki no kakou, no kakou i haawiiia mai ai he keikikane: a maluna o kona poohiwi ke aupuni; a e kapaina kona inoa o Kupaianaha, o Kakaoelo, o ke Akua mana, o ka Makua mau loa, o ke Alii o ka Malu. Aole e pau ka mahuahua ana o koua aupuni a me ka malu, maluna o **ka** noho alii o Davida, a ma kona aupuni, e hooponopono ia mea, a e hookupaa ia ia me ka hoopono a me ka maikai mai keia wa aku a i ke ao pau ole. Na ka ikaika o ka Haku o na Lehulehu e hana i keia.

14. Hoouna ae la ka Haku i kana olelo i ko Iakoba a ua haule ia maluna o ka Israela. A e ike auanei na kanaka a pau, oia, o Eperaima a me ka poe e noho ma Samaria, ka poe i olelo iho ma ka hookiekie a me **ka** hookano o ka naau, ua hiolo na pohaku lepo ula, aka e kukulu no makou me na pohaku i kalaiia: ua kuaia ilalo na laau sukomoreia, aka e hoolilo makou ia lakou i laau kedera. Nolaila, na ka Haku no e hoala mai i na enemi o Rezina e ku e ia ia, a e hui pu i kona poe enemi; o ko Suria mamura, a o ko Pilesetia poe ihope: a e hoopau lakou i ka Israela me ka waha hamama. Aole nae i huli aku kona huhu no keia mau mea a pau, aka ua o ia kona lima i keia manawa.

15. No ka mea, aole i huli na kanaka i ka mea nana lakou i hahau, aole hoi lakou i imi i ka Haku o na Lehulehu. Nolaila, e oki ai ka Haku, mai ka Israela aku, i ke poo a me ka huelo, i ka lala a me ka naku i ka la hookahi. O ka mea kahiko oia ke poo; a o ke kaula i ao mai i ka wahahhee, oia ka huelo. No ka mea, o na alakai o keia poe kanaka ke alakai hewa nei lakou ia lakou la; a o ka poe i alakaiia e lakou ua lukuia lakou. Nolaila, e olioli ole ka Haku i ko lakou poe ui, aole hoi ia e aloha aku i ka poe makua ole a me na wahinekanemake o lakou: no ka mea, he hookamani a he mea hana hewa kela mea keia mea o lakou, a olelo no na waha a pau i ka lapuwale. Aole nae i huli aku kona huhu no keia mau mea a pau, aka ua o ia kona lima i keia manawa.

16. No ka mea, e a ana ka hewa e like me ke ahi; e hoopau no ia i **ka** nahele ooi, a me ka laau kalakala, a e a ia maloko o ka ululaau paapu, **a** e pii lakou e like me ka punohu o ka uwahi. Ma ka ukuiki o ka Haku o na Lehulehu, ua hoopoeleleia ka aina, a e lilo na kanaka e like me **ka** wahie i ke ahi: aohe kekahia kanaka e hookoe i kona hoahanau. A e kaili oia ma ka lima akau, a e pololi nae; a e ai hoi ia ma ka lima hemia, aole nae o lakou maona: e ai no kela mea keia mea i ka io o kona lima: o

Manase ia Eperaima; a o Eperaima hoi ia Manase; e hui no laua e ku e ia Iuda. Aole nae i huli aku i kona hahu no keia mau mea a pau, aka ua o ia no kona lima i keia manawa.

17. Auwe ka poe hooholo i na kanawai hewa, a i kakau i ka hookau-maha a lakou i kau mai ai; e kipaku i ka poe nele mai ka hooponoia'ku, a e kaili aku i ka pono mai ka poe hune aku o ko'u poe kanaka, i waiwai pio ia lakou na wahine **kame** make, a e hao wale hoi i na mea makua ole! A heaha la oukou e hana'i i ka la o ka hoopai ana, a i ka neoneo ana e hiki mai ana mai kahi loihi aku? Ia wai la oukou e holo ai no ke kokuaia mai? Maheia oukou e walio ai i ko oukou nani? Ke ole au e kulou no lakou ilalo o na mea pio, a e hina no ilalo o na mea i lukuia. Aole nae i huli aku kona hahu no keia mau mea a pau, aka ua o ia no kona lima i keia manawa.

18. E ko Asuria, ka laau hahau o kuu ukiuki, a o ke kookoo ma ko lakou lima o ko lakou inaina ia. E hoouna aku au ia ia e ku e i kahi lahuikanaka hookamani, a e ku e i ka lahuikanaka a'u i hahu ai e kauoha no au ia ia, e hao i ka waiwai pio, a e lawe aku i ka mea pio, a e hahi ia lakou ilalo e like me ka lepo o na alantui. Aka hoi, aole pela kona manao, aole i noonoo kona naau pela; aka o ka luku no ka mea iloko o kona naau e anai aku i na lahuikanaka aole he uuku. No ka mea, i mai la oia, Aole anei he poe alii nui wale no ko'u poe alii? Aole anei i like o Kale-no me Karekemisa? A o Hamata hoi me Arepada? Aole anei i like o Samaria me Dameseko? E like me ka hookumu ana o kuu lima i na aupuni o na 'kua kii, a o ko lakou akua kii i oiku mamua o ko Ierusalema a mamua hoi o ko Samaria; me au i hana aku ai ia Samaria a me kona poe akua kii, aole anei au e hana pela ia Ierusalema a me kona poe akua kii? Nolaila, a hiki mai i keia, i ka Haku i hana aku ai i kana hana a pau maluna o ka mauna o Ziona a maluna hoi o Ierusalema, alaila wau e hoopai aku ai i ka hua o ka naau kiekie o ke alii o Asuria, a me ka hookano o kona maka hookiekie. No ka mea, ua olelo mai ia, Ma ka ikaika o ko'u lima a ma kuu akamai ua hana au i keia mau mea; no ka mea, ua maalea au: na'u no i hooneenue i na mokuna o na kanaka, a ua hao aku hoi i ko lakou waiwai, a ua hoohaahaa i ka poe e noho ana e like me ke kanaka koa: me he punana la i loaa'i kuu lima ka waiwai o na kanaka: a e like me ka hoiliili ana o kekahia i na hua manu i haaleleia, pela no au i hoiliili i ko ka honua a pau; aohe mea i upoi i ka eheu, aohe mea i hamama ka waha, aohe mea i nana malu. E hookiekie anei ke koilipi maluna o ka mea nana e kalai me ia? E haanui anei ka pahioli maluna o ka mea nana ia e ooloolo? me he laau la i wiliwili ia i ahi e ku e i na mea e hapai ana ia ia, e like me ke kookoo hoi i hoala ia ia iho me he laau ole la. Nolaila, e hoouna mai ai ka Haku, ka Haku o na Lehulehu, i ka wiwi iwaena o kona poe puipui: a malalo iho o kona nani e puhi ai oia i ka mea aa e like me ke aa ana o ke ahi. A e lilo ka malamalama o ka Israela i ahi, a o kona Mea Hemolele hoi i lapalapa ahi, a e puhi no ia a .

hoopau i kona nahele ogi, a me kona laau kalakala hoi ma ka la hookahi; a e hoopau loa i ka nani o kona ululaau, a o kona mahinaai hua nui, i ka uhane pu me ke kino; e like auanei lakou me ka mea hapai hae, ia ia i marile ai. A he uuku ke koena o kona ululaau, e hiki no i ke keiki uuku ke palapala ia lakou.

19. A e hiki mai ia la, o ke koena o ka Israela, a me ka poe hoi i pakēle o ko ka hale o Iakoba, aole lakou e hilimai hou maluna o ka mea nana lakou i pepehi; aka e hilinai no maluna o ka Haku, ka Mea Hemolele o ka Israela ma ka oiaio. E hoi mai auanei he koena, oiaio, ke koena o Iakoba, i ke Akua mana loa. No ka mea, ina ua like kou poc kanaka o Israela me ke one o ke kai, e hoi mai no nae he koena o lakou: e ka hoopau ana i kauia e hu auanei ia me ka pololei. He oiaio no, ua holo ka olelo, e hana mai no auanei ka Haku ke Akua o na Lehulehu i ka hoopau ana mawaena konu o ka aiua a pau.

20. Nolaila, penei wahi a ka Haku ke Akua o na Lehulehu, E ko'u poe kanaka e noho la ma Ziona, mai makau oukou i ko Asuria: e hahau mai no oia ia oe me ka laau hahau, a e hapai no hoi i kona kookoo ia oe, e like me ka hana ana a Aigupita. Aka he wahi manawa uuku e koc, a e kaa ko'u maina, a me ko'u ukintki hoi ma ko lakou anaiia ana aku. Na ka Haku o na Lehulehu e hoocueu i laau hahau nona e like me ka tuku ana i ko Midiana ma ka pohaku o Oreba; a me ka laau ona maluna o ke kai, pela no ia e hapai ai e like me ka hana ana i ko Aigupita. A e hiki mai ma ia la, e laweia aku kona mea kaumaha mai kou poohiwi aku, a o kona auamo hoi mai kou ai aku, a e hakiiia auanei ka auamo no ka poni ana. Ua hele mai oia i Aiata, ua hala aku la i Migerona; ua waihōia i kona mau kaa ma Mikemasa; ua hele mai lakou ma kela aoao o ke ahua; aia ma Giba ko lakou wahi e moe; ua makan ko Rama; ua holo ko Gibeia o Saula. E hookiekie i kou leo, e ke kaikamahine o Galima; e hoolono aku ia mea ia Laisa, e Anuatota poino. Ua neenee aku la o Mademena; e hoakoakea ana ka poe i noho ma Gebima e hee. O keia manawa e noho oia ma Noba ia la; e lulu no oia i kona lima e ku e i ka mauna o ke kaikamahine o Ziona, ka puu o Ierusalema. Aia hoi, na ka Haku, na ka Haku o na Lehulehu e okioki i ka lala me ka mana welli-welli; a e kuaia ilalo na mea kickie loa; a e hoohaahaia na mea hookano. A e kua ilalo oia i na ululaau paapu me ka hao, a e hoohaukeia o Lebanona ekekahi mea mana.

21. A e kupu mai no ka lala mailoko mai o ke kumu o Iese, e hua nui mai kekahī oha o kana aa; a maluna ona e kau ai ka uhane o ka Haku, ka uhane naauao a me ka hoomaopopo ana, ka uhane ao a me ka mana, ka uhane ike a me ka makau i ka Haku; a e hana mai ia ia me ka paau makaukau ma ka malama i ka Haku; aole ia e hoopono ma ka nana ana o kona maka, aole hoi hoopai ma ka lohe o kona mau pepeiao: aka me ka pololei e hooponopono oia i ka poe hune, a e hoopai me ka pono no ka poe ukahai; a e hahau no oia i ka honua i ka laau o kona waha, a e

luku no oia i ka poe hewa i ka ha ana o kona mau lehelehe. O ka pono no ke kaei o kona puhaka, a o ka oiaio hoi ke kakoo o kona kikala. E noho pu hoi ka iliohae me ke keikihipa, a e moe pu no ka leopadi me ke keikikao; o ke keikibipi, a me ka liona hou, a me ka mea i kupaluia ma kahi hookahi; na ke keiki uuku lakou e alakai. A e ai pu ka bipi wahine me ka bea; a e moe pu ka laua maa keiki; a e ai ka liona i ka manu maloo me he bipi la. A e paani no ke keiki omo waiu ma ka lua o ka moo-make, a e kau no ke keiki i ukuhia i kona lima ma ka lua o ka moopepeiahao. Aole lakou e hoeha, aole hoi e luku ma ko'u mauna hoana a pau, no ka mea, e piha auanei ka honua i ka ike i ka Haku, e like me ka moana i uhiia i ke kai.

22. A ma ia la e puka mai kckahi aa no Iese, a e ku no ia i hae no na lahuikanaka; a e imi no ka poe Genetile ia ia: a he nani hoi kona koomaha. A e hiki mai keia i kela la, e hohola hou mai ka Haku i kona lima i ka manawa lua, e hooia i ke koena o kona poe kanaka, i ka poe koe mai Asuria, a mai Aigupita, a mai Paterosa, a mai Kusa, a mai Elama, a mai Sinari, a mai Hammata, a mai na mokapuni o ke kai. A e kau no oia i hae ne na lahuikanaka, a e hoilili hoi i ka poe aea o ka Israela, a e hoakoakoa mai i na mea puehu o ka Iuda mai na kh eha mai o ka honua. E haalele no ka huahua i ka Eperaima, a e hookiia'ku na enemi o ka Iuda: aole e huahua ka Eperaima i ka Iuda, aole hoi e hoomaaau ka Iuda i ka Eperaima. Aka e lele no lakou maluna o na poohiwi o ko Pilisetia i ke komohana; e hao pu no lakou i ka poe o ka hikina; e kau no lakou i ko lakou lima maluna o Edoma a me Moaba; a e hookauwa na keiki a Amona na lakou. A e hoomaloo loa ka Haku i ke kaiku-ono o ke kai o Aigupita; a ne kona makani ikaika e lulu oia i kona lima maluna o ka muliwai, a e hahau no ia ma na kahawai ehika, a e hele na kanaka i kela aoao me na kamaa maloo. A e hoomakaukauia he alanui no ke koena o kona poe kanaka, ka poe i koe mai Asuria mai, e like me ka mea i ka Israela ma ka la ana i hele mai ai mai ka aina o Aigupita mai.

23. Ia la la e olelo aku no oe, E ka Haku e hoolea aku no au ia oe: ua huhu mai oe ia'u mamua, aka ua huli aku kou hulu, a ke hoolaelu mai nei oe ia'u. Aia hoi, o ke Akua ko'u ola; e pauiele au, aole au e makau: no ka mea, o ka Haku, o IEHOVA oia ko'u ikaika a me ko'u oli; ua lilo mai hoi oia i ola no'u. Nolaila, me ka ololi e huki oukou i ka wai mailoko mai o na punawai o ke ola. A ma ia la, e olelo ana oukou, E hoolea i ka Haku, e kahea aku i kona inoa, e hookauhana i kana mau hana iwaena o na kanaka, e hai aku ua hapaiia'ku kona inoa. E oli aka i ka Haku; no ka mea, ua hana oia i na mea nani: ua ikeia keia ma ka honua a pau. E hooho aku a e hookani, e ka mea noho ma Ziona; no ka mea, ua mana ka Mea Hemolele o ka Israela mawaena ou.

MOKUNA X.

1. KA wanana no Babulona, a Isaia ke keiki a Amosa i ike ai. E kau aku oukou i ka hae ma ka mauna kiekie, e hookiekie i ka leo ia lakou, e peahi ka lima, i komo lakou maloko o na pukapa o na 'ili. Ua kauoha aku au i ko'u poe i hoomaemacia, ua hea aku hoi i ko'u poe kaulana, no ka mea, aole o kuu ukiuki maluna o na mea e olioli ana ma kuu hanohano. Ka hooho ka a ka poe ma na mauna e like me ko ka lahuikanaka nui; he wawa nui o na aupuni o ko na aina i hoakoakoia: O ka Haku o na Lehulehu e hoolalelale ana ia i na lehulehu o ke kaua. E hele mai ana lakou mai ka aina mamao aku, mai ka welau mai o ka lani, oiaio, o ka Haku, a me na mea hoopai o kona ukiuki, e anai i ka aina a pau.

2. E aoa oukou; no ka mea, ua kokoke mai ka la o ka Haku: e hiki mai ia e like me he luku la mai ka Mea Mana loa mai. Nolaila, e nawalilwali na lima a pau, e mantle no na naau a pau o kanaka: a e makau auanei lakou; e loohia lakou i ka eha nui a me ka nahu huakoko; e kahaha no lakou kekah i kekah; e like ana ko lakou maka me ka lapa-lapa ahi. Aia hoi, ka la o ka Haku ke hele mai la, weliweli me ka ukiuki a me ka inaina nui, e hoolilo i ka aina i auakna: a e anai aku oia i ka poe hewa ona a pau loa. No ka mea, o na hoku o ka lani a me na huihui ona, aole e haawi mai ka malamalamama; e hoopoeleleia ka la i kona hele ana, aole hoi e hoomalamalamama mai ka mahina. A e hoopai aku au i ko ke ao nei no ka hewa, a i ka poe lawehala hoi no ko lakou hala; e hooki aku au i ka manao kickie o ka poe hookano, a e hoohaahaa au i ka haakei o ka poe weliweli. E hana aku au a minamina loa he kanaka mamua o ke gula maemae; oia, he kanaka mamua o ka pauku gula o Opira. Nolaila, e hoonauenaue au i na lani, a e neenee aku ka honua mai kona wahi aku, i ka inaina o ka Haku o na Lehulehu, a i ka la o kona ukiuki wela. A e like auanei ia me ka dia i hahaiia, a me he hipa la hoi aohe kanaka e hapai ai: e huli kela mea keia mea i kona poe kanaka iho, a e holo no kela mea keia mea i kona aina iho. E houia kela mea hookano keia mea hookano; oiaio, a e haule i ka pahikaua, kela mea keia mea i hui pu ia me ka poe hewa. E ulupaia hoi ka lakou poe keiki imua o ko lakou mau maka; e haoia ko lakou mau hale, a e moe wale ia ka lakou mau wahine. Aia hoi, e hoala no au i ko Media e ku e ia lakou, i ka poe manao ole i ke kala a me ke gula, aole hoi lakou e lealea ma ia mea. Na ko lakou kakaka e ulupa ai na kanaka ui, aole lakou e aloha i ka hua o ka opu; aole e menemene na maka i na keiki nuku.

3. A o Babulona, ka nani o na aupuni, ka nani hoi o ko Kaledea hanohano, e like auanei ia me ka wa a ke Akua i hookahuli ia Sodoma a me Gomora. E kanaka ole ana ia mai ia wa aku, aole hoi e nohoia'i mai ia hanauana aku ia hanauana aku: aole hoi e kukulu ka Arabia i halelewa

malaila; aole hoi e hoomoe na kahuhipa i ka lakou hipa malaila: aka malaila no e moe ai na holoholona hiihu o ka waonabele; a e piha ko lakou hale i na holoholona aoa; a e noho no na pueo malaila, a e haa wale na mea ino malaila. A e uwo na holoholona hiihu o na mokupuni ma ko lakou hale neoneo, a me na moo ma ko lakou hale alii: ua kokoke mai no kona manawa, aole hoi e hooliohiia kona la. No ka mea, e luku koke aku au ia ia: oiaio, e aloha au i ko'u poe kanaka: aka e make loa ka poe hewa.

4. No ka mea, e aloha mai no ka Haku i ka Iakoba, a e wae auanei i ka Israela, a e hoono ho ia lakou ma ko lakou aina iho: a e hai pu ia auanei na malihini me lakou, a e hoopili lakou i ko ka hale o Iakoba. A e lawe na lahuikanaka ia lakou, a e hoihoi ia lakou i ko lakou wahi iho; oiaio, mai kahi loihi mai i na welau o ka honua: a e hoi hou no lakou i ko lakou mau aina i hai mua ia'i. A e noho no ko ka hale o ka Israela ma ia mau wahi, a o ka aina o ka Haku e lilo ia no na kauwakane a me na kauwawahine: a e lawe pio lakou ia lakou la, i ka poe i hoopio ai ia lakou; a e noho alii lakou maluna o ka poe nana lakou i hookaumaha. Eia kekahia ma ia la, e hoomaha mai ai ka Haku ia oe, mai kou pilikia, mai kou makau, a mai ka ha'ana kaumaha i kaania maluna ou.

5. A e hiki io mai keia ma ia la, e hapai ai oe i keia olelo ao e ku e i ke alii o Babulona, a e i aku, Nani ka pau ana o ka mea nana i hookaumaha, ka pau ana o ke kulanakauhale gula! Ua uhaki o ka Haku i ke kookoo o ka poe hewa, a i na kookoo alii o na luna. O ka mea nana i hahau i na kanaka me ka huhu a me ka hahau ana hoomaha ole, o ka mea i noho alii maluna o ko na aina me ka huhu, ua hoomaauia ia, aohe mea e hooki. Ua malu ka honua a pau, ua maha no: ke hookani mai nei lakou i ka olioli. Oiaio, hoaikola na laau kaa ia oe, a me na kedera hoi o Lebanon, i ka i ana, Mai kou wa i moe ai ilalo, aohe mea i pii mai e kua mai ia makou. Ua pihoihoi ka po malalo nou, e halawai me oe i kou hiki ana aku: nou no ia e hoea mai ai i na mea make, oia, i na mea kiekie a pau o ka honua: ua hooku ae la hoi ia iluna i na 'lii a pau o na lahuikanaka, mai ko lakou noho alii mai. E olelo mai lakou a pau ia oe, a e i ae, Ua lilo anei oe hoi i nawaliwali e like me makou? Ua hoohalikeia anei oe me makou? Ua hoopohoia kou hanohano ilalo i ka lua kupapau; ua lohe ole ia ke kani' ana o kou mau viola: ua hoholaia na ilo malalo iho ou, a ke ubi mai nei no hoi na ilo ia oe. Auwe kou haale ana mai ka lani mai, e Lucifer, ke kieki a ke kakahiaka! Ua kuaia oe ilalo i ka honua, ooe ka mea i hoonawaliwali i ko na aina! No ka mea, ua olelo no oe iloko o kou naau, e pii no wau i ka lani, e hookiekie no wau i ko'u noho alii maluna o na hoku o ke Akua: E noho no wau ma ka mauna o ka halawai ana, ma na aoao o ke kukulu aksau; e pii aku no wau maluna o kahi kiekie o na ao: e like ana au me ka Mea kiekie loa. Aka e hoohaahaaia oe ilalo i ka po, i na aoao o ka lua. O ka poe e ike aku ia oe, e haka pono lakou ia oe, a e makaikai aku no ia oe, a e olelo iho, O keia anei ke kanaka

nana i hoonauene i ka honua, a hooluliluli hoi na aupuni, nana i hoolilo i ka honua me he waonahele la, a anai hoi i kona poe kulanakauhale, a wehe ole i ka hale o kona poe pio? O na 'lii a pau o na aina, oia, o lakou a pau, maloko o ka nani e moe nei, o kela mea keia mea ma kona hale iho. Aka ua hooleiia'ku ka oe mawaho o kou lua me he lala la i hoopailuaia, a o ke koena o ka poe i pepehjia, i houia i ka pahikaua, i hele ilalo i na pohaku o ka lea; me he kupapau la i hahiia malalo iho o na kapuai. Aole oe e huipua me lakou ma ke kanu ana, no ka mea, ua hooki loa oe i kou aina iho, a luku hoi i kou poe kanaka: aole e kaulana na mamo o ka poc bana hewa a i ke ao pau ole. E hoomakaukau i ka make no kona poe kieki no ka hewa o na makua o lakou; i ole lakou e ku mai, aole hoi e komo i ka aina, i hoopihia ole lakou i ka ili o ke ao nei i na kulanakauhale. Na'u no e ala'e iluna e ku e ia lakou, wahi a ka Haku o na Lehulehu, a e hooki loa mai Babuiona aku i ka inoa, a me ke koena, a me ke keiki, a me ke keikikane o na hoahanau, wahi a ka Haku. E hooili aka hoi au ia wahi no ke kipoda, a no na kiowai: a e kahili au ia me ke kahili o ka make, wahi a ka Haku o na Lehulehu.

6. Ua hooiki mai ka Haku o na Lehulehu, i ka i ana, Me ka'u i manao ai, pela io no ia; o ka'u e noonoo ai, oia ke kupaa: i lawe au i ko Asuria i ko'u aina, a maluna o ko'u kuaahiwi e hahi au ia ia malalo iho o ke kapuwai: alaila, e haalele kona auamo mai o lakou aku, a e haalele hoi kona mea kaumaha mailuna aku o ko lakou mau poohiwi. Oia ka manao i manaoia'i no ka honua a pau: a oia ka lima i oia mai maluna o na lahui-kanaka a pau. No ka mea, ua holo ka manao o ka Haku o na Lehulehu, a owai la ka mea hiki ke hooke? Ua oia mai kona lima, a owai la ka mea e hoihoi aku ia? I ka makahiki i make ai o ke alii o Ahaza keia wanana.

7. Mai olioli oe, e Palesetina a pau, no ka hakia'na o ka laau i hahau ia oe: no ka mea, mai ke aa o ka nahesa e puka mai ai ka moopepeiaohao, a o kana hua hoi he moolele ia. A e ai no ka makahiapo o ka poe hune, a e moe no ilalo ka poe nele me ka maluhia: a e hoomake no au i kou aa i ka wi, a e luku oia i kou koena. E aoa, e ka pukapa; e uwe aku, e ke kulanakauhale; ua hehee oe, e Palesetina a pau: no ka mea, e hele mai auanei he uwahi mai ka akau mai, aole kekahia mea i hele oia wale i kona manawa kohoia. Heaha la e pane aku ai ia manawa na eleele o ko na aina? Ua hookunu o ka Haku ia Ziona, a e paulele no ka poe hune o kona poe kanaka iloko ona.

MOKUNA XI.

Ano, ke olelo iki nei owau, o Nepai, no na olelo a'u i kakau ai i oleloia'i e ka waha o Isaia. No ka mea, ua nui wale na mea a Isaia i olelo mai ai ua paakiki i kekahia poe o ko'u poe kanaka ke hoomaopopo: no ka mea, aole

o lakou ike i ke ano o ka wanana ana mawaena o ka poe Iudaio. No ka mea, aole wau, o Nepai, i aoaku ia lakou i na mea he nui e pili ana i ke ano o ka poe Iudaio; no ka mea, o ka lakou manu hana he manu hana ia o ka pouli, a o ka lakou hana ana hoi o ka hana ana ia i na mea hoopailua. Nolaila, ke palapala nei au i ko'u poe kanaka, i ka poe a pau e loaa ana ia lakou za mea a'u e kakau nei, i ike lakou i na mea hoopai o ke Akua, e hele mai ana ananei maluna o na lahuikanaka a pau, e like me ka olelo ana i olelo mai ai. Nolaila, e hoolohe mai, E ko'u poe kanaka, o ko ka hale o Israela, a e haliu mai ka pepeiao i ka'u olclo; no ka maopopo ole o ma olelo a Isaia ia oukou, aka hoi, ua maopopo ia mau mea i ka poe a pau i hoopihiaia me ka uhane o ka wanana. Aka ke haawi nei au i wanana ia oukou, e like me ka uhane iloko o'u; nolaila, e wanana no au e like me ka maopopo pu me au, mai ka manawa a'u i puka mai ai mai Ierusalemai mai me ko'u makuakane: no ka mea, aia hoi, ke olioli nei kuu uhane ma ka olelo maopopo aku i ko'u poe kanaka, i ao lakou; he oiaio, a ke olioli nei ko'u uhane ma na olelo a Isaia, no ka mea, hele mai la au noloko mai e Ierusalemai, a ua ike ko'u mau maka i na mea o ka poe Iudaio, a na ike au ua hoomaopopo ka poe Iudaio i na mea a na kaula, aole i hoomaopopo kekahi lahuikanaka e i na mea i oleloia i ka poe Iudaio, e like me lakou, ke ao ole ia lakou mamuli o ke ano o na mea o ka poe Iudaio. Aka hoi, aole owau, o Nepai, i aoaku i ka'u poe keiki mamuli o ke ano o ka poe Iudaio; aka hoi, ua noho wau ma Ierusalemai, nolaila ua ike au no ka aina a puni; a ua haiaku la au i ka'u poe keiki no na mea hoopai o ke Akua, i hiki mai iwaena o ka poe Iudaio, e like me ka mea a pau a Isaia i olelo mai ai, a, aole au e kakau ia mau mea.

2. Aka hoi, ke hele nei au me ka'u wanana iho, e like me ka maopopo ia'u; ma ia mea, ua ike au ua hiki ole i kekahi kanaka ke kuhi hewa; aka hoi, ma na la e ko ai na wanana a Isaia, e ike paka na kanaka, ma na manawa o ia mau mea e hiki mai ai; nolaila, he pomaikai ia mau mea i na keiki a kanaka, a o ka mea e manao ana aole pela, ia lakou au e olelo pololei ai, a e kakau i na olelo i ko'u poe kanaka; no ka mea, ua ike au ua nui loa ka pomaikai o ia mau mea ia lakou ma na la mahope; no ka mea, ma ia la e ike maopopo no lakou i ua mau mea la; nolaila, no ko lakou pomaikai ua palapala au i na manu mea la. A e like me kekahi hanaua i lukuia mawaena o ka poe Iudaio, no ka lakou hana ino, pela no lakou i lukuia, ia hanaua aku ia hanaua aku, e like me ka lakou hana ino; aole hoi i lukuia kekahi o lakou, ke ole hai e ia'e ia lakou e na kaula a ka Haku. Nolaila, ua haaia'ku ia lakou no ka luku ana e hele koke mai ana maluna o lakou, mahope koke iho o ka haalele ana o ko'u makuakane ia Ierusalemai; aka hoi, hoopaakiki iho la lakou i ko lakou mau naau; a e like me ka'u wanana, ua lukuia lakou, koe wale no ka poe i lawe pio ia i Babulona. Ano, ke olelo nei au i keia no ka uhane iloko o'u. A ua laweia'ku lakou, e hoi hou nae lakou, a e noho hou ma ka aina o Ierusalemai; nolaila, e hoi hoi hou ia lakou i ko lakou aina hooilina. Aka hoi, e

loaa no ia lakou na kaua, a me na lono o na kaua; a hiki mai ka la e hoike mai ke keiki hanau-kahi o ka Makua, he oiaio, o ka Makua o ka lani a me ka honua, ia ia iho ia lakou ma ke kino, aia hoi, e hoolei aku lakou ia ia, no ko lakou hewa, a me ka paakiki o ko lakou mau naau, a me ke ooolea o ko lakou ai. Aia hoi, e kau aku lakou ia ia ma ke kea, a ia ia e waiho ai ma ka lua he mau la ekolu, e ala hou mai oia mai ka make mai, me ke ola ma kona mau eheu, a o ka poe a pau e manaoio ana i kona inoa, e hoolai a lakou ma ke aupuni o ke Akua: nolaila, ke hauoli nei ko'u uhane e wanana aku nona, no ka mea, ua ike au i kona la, a ke hoonani nei ko'u uhane i kona inoa hoano.

3. Aia hoi, e hiki mai keia, mahope aku o ke alahouana o ka Mesia mai ka make mai, a i hoike aku ia ia iho i kona poe kanaka, i ka poe a pau i manaoio i kona inoa, aia hoi, e anai hou ia o Ierusalem: no ka mea, auwe ka poe e kaua ku e aku i ke Akua a me na kanaka o kona ekalesia. Nolaila, e hoopuehuia'ku ai ka poe Iudaio mawaena o ko na aina a pau; he oiaio, a e anaiia o Babulona; nolaila, e hoopuehuia'i ka poe Iudaio e na lahuikanaka e; a mahope aku o ko lakou hoopuehuia ana, a ua hahau aku ka Haku ke Akua ia lakou ma o na lahuikanaka e la, no na hanauna he nui wale, oiaio, mai ia hanauna aku ia hanauna aku, a hiki ka wa e hoohuliia lakou e manaoio ia Kristo, i ke Keiki a ke Akua, a i ke kalahala mana loa no ko ke ao nei a pau; a hiki mai ia la a lakou e manaoio ai ia Kristo, a e hoomana i ka Makua ma kona inoa, me na naau maemae a me na lima lepo ole, a e nana hou ole aku no kekahia Mesia e ae, alaila, ma ia manawa, e hiki mai ka la no lakou e manaoio i keia mau mea e pono ai, a e hohola hou ka Haku i kona lima i ka lua o ka manawa, e hoihoi i kona poe kanaka mai ko lakou wahi poino a haule. Nolaila, e hana oia i kekahia hana kupanaha, a he mea e kahaha'i hoi iwaena o na keiki a kanaka.

4. Nolaila, e hoopuka aku ai oia i kana mau olelo ia lakou, a ma ua mau olelo nei e hookolokoloia lakou ma ka la hope, no ka mea, e haawiiia no ia mau mea me ka manao e hoohuli ia lakou i ka Mesia oiaie, ka mea i hooleiia'ku e lakou; a i ka hoomaopopo ana ia lakou he mea e pono ole ai no lakou e nana hou aku no kekahia Mesia e hele mai, no ka mea, aole e hele mai kekahia, ke ole ia he Mesia wahahhee, e hoopunipuni ana i kanaka: no ka mea, hookahi Mesia wale no i oleloia e ka poe kaula, a o ua Mesia nei oia ka mea e hooleiia'ku ai e ka poe Iudaio. No ka mea, e like me na olelo a na kaula, e hele mai ana ka Mesia, ma na makahiki eono haneri mai ka wa a ko'u makuakane i haalele ai ia Ierusalem; a e like me na olelo a na kaula, a i ka ofelo hoi a ka anela o ke Akua, o Iesu Kristo kona inoa, ke Keiki a ke Akua.

5. Ano, e o'u mau hoahanau, ua olelo maopopo aku au, i hiki ole ai ia oukou ke lalau; a ma ke ola ana o ka Haku ke Akua, nana i lawe mai i ka Israela noloko mai o ka aina o Aigupita, a i haawi mai la ia Mose i mana e hoola i na lahuikanaka, mahope iho o ko lakou nahui'a'na

e na mooawa, ina e leha aku lakou i ko lakou mau maka i ka moo, ana i hooku ae ai imua o lakou, a haawi no hoi ia ia i ka mana i halauhaku oia i ka pohaku, a e puika mai ka wai; aia hoi, ke i aku nei au ia oukou, e like me ka oiaio o keia mau mea, a e like me ke ola ana o ka Haku, aohe inoa e ae i haawia mai malalo iho o ka lani, ke ole o ua Iesu Kristo nei a'u e olelo nei, i mea e ola'i na kanaka.

6. Nolaila, no keia mea ua olelo hoopomaikai ka Haku ke Akua ia'u, e malamaia, a e hoolaia hoi keia mau mea a'u e kakau nei, a e haawiia'ku i ka'u poe-hua, ia hanauna aku ia hanauna aku, i ko ai ka olelo hoopomaikai ia Iosepa, i luku ole ia kana hua oiai ka honua nei e ku ana. Nolaila, e hele aku no keia mau mea mai keia hanauna aku keia hanauna aku oiai ka honua nei e ku ana; a e hele aku no lakou e like me ka make-make a me ka mea olnolu i ke Akua; a o na lahuikanaka e loaa ana ia lakou keia mau mea, e hookolokoloia auanei lakou ma keia mau mea e like me na olelo i palapalaia; no ka mea, ke hana ikaika nei makou e kakau, e hoohuli i ka makou poe-hua, a me ko makou poe hoahanau hoi, e manaoio ia Kristo, a e hoolaualeaia i ke Akua; no ka mea, ke ike nei makou ma o ka lokomaikai la e ola'i kakou, mahope iho o na mea a pau e hiki ai ia kakou ke hana.

7. A me ko makou manaoio ia Kristo, ke malama nei nae makou i ke kanawai o Mose, a haka pono imua me ka naueue ole ia Kristo, a, hiki ka wa e ko ai ke kanawai; no ka mea, no keia mea ua haawiia mai ke kanawai; nolaila, ua make ke kanawai ia makou, a ua hooliloia makou i poc ola iloko o Kristo, no ko makou manaoio; aka, ke malama nei makou i ke kanawai no na kaupaha; a ke kamailio nei makou no Kristo, ke hauoli nei makou iloko o Kristo, ke hai aku nei makou ia Kristo, ke wanana nei makou no Kristo, a ke palapala nei makou e like me na wanana a makou, i ike ai na hua a makou i ke kumu e nana'ku ai lakou no ke kalaia ana o ka lakou mau hala. Nolaila, ke olelo nei makou no ke kanawai, i ike na hua a makou i ka make ana o ke kanawai; a e hiki ia lakou, ma ko lakou ike ana i ka make ana o ke kanawai, ke haka pono imua i kela ola aia iloko o Kristo, a e ike i ke kumu o ka haawi aua mai o ke kanawai. A mahope iho o ka hookoia'na o ke kanawai iloko o Kristo, i kumu ole ai lakou e hoopaakiki i ko lakou naau e ku e ia ia, i ka manawa i hoopauia'i ke kanawai e pono ai.

8. Ano, aia hoi, e o'u poe kanaka, he poe ai ooolea no oukou; nolaila la, na olelo maopopo au ia oukou, i hiki ole ai ia oukou ke hoomaopopo ole. A e ku no auanei na olelo a'u i olelo ai i mea hoike ku e ia oukou: no ka mea, ua ku pono lakou e ao aku i na kanaka i ka aoao pololei: no ka mea, eia no ka aoao pololei, e manaoio aku ia Kristo aohe hoi e hoole ia ia; no ka mea, i ka hoole ana ia ia, e hoole ana no hoi oukou i na kaula a i ke kanawai.

9. Ano, aia hoi, ke i aku nei au ia oukou, o ka aoao pololei oia ka manaoio aku ia Kristo, aohe hoi hoole ia ia: a o Kristo oia no ka Mea

Hemolele o ka Israela: nolaila, e kulou no oukou imua ona e pono ai, a e hoomana aku ia ia me ko oukou manao, a naau, a me ka ikaika a pau, a me ko oukou uhane a pau; a ina e hana oukou i keia, aole loa oukou e hooleiia'ku iwaho. A e like me ka mea pono, na oukou no e malama i na mea e hanaia'i a me na olelo kupaa a ke Akua, a hiki i wa e hookoia'i ke kanawai i haawia mai ia Mose.

10. A mahope iho o ke ala ana o Kristo mai ka make mai, e hoike auanei oia ia ia iho ia oukou, e o'u poe kanaka, a me ko'u poe hoahanau i alohaia; a o na olelo ana e olelo ai ia oukou, oia ke kanawai a oukou e hana'i auanei. No ka mea, aia, ke i aku nei at ia oukou, ua ike aku la au e make auanei na hanauna he nui, a iwaena o ko'u poe kanaka auanei na kaua a me na paio he nui loa. A mahope iho o ka hiki ana mai o ka Messia, e haawia na hoailona i ko'u poe kanaka o kona hanau ana, a o kona make me kona alahouana no hoi; a e nui a e weliweli auanei ia la i ka poe hewa; no ka mea, e make loa no lakou; a e make no lakou no ko lakou hoolei ana aku i ka poe kaula, a me ka poe hoano, a hailuku aku ia lakou, a me ka pepehi loa ia lakou: no ia mea, e pii auanei ke kahea ana o ke koko o ka poe hoano mai ka honua ae i ke Akua la, e ku e ia lakou. Nettaila, o ka poe i haahleo, a i hana ino, e hoopau no ka la e hiki mai ana ia lakou me ka wela, wahi a ka Haku o na Lehulehu, no ka mea, e like auanei lakou me ka mauu maloo; a o ka poe i pepehi i na kaula, a me ka poe hoano, e ale auanei ka hohonu o ka honua ia lakou, wahi a ka Haku o na Lehulehu; a e uli auanei na mauna ia lakou, a e lawe aku na puahi-ohio ia lakou, a e hiclo na hale maluna o lakou, a e pepe ia lakou a mokumoku, a e okaoka ia lakou a makalii; a e loaa ia lakou na hekili, a me na uila, a me na olai, a me kela ano keia ano o ka luku ana, no ka mea, e hoaia auanei ke ahi o ka inaina o ka Haku ia lakou, a e like lakou me he mauu la, a e hoopau ka la e hiki mai ana ia lakou, wahi a ka Haku o na Lehulehu.

11. E! ka eha, a me ke kaumaha nui loa o ko'u uhane no ka lilo ana o ka poe i pepehiia o ko'u poe kanaka! No ka mea, ua ike wau, o Ne-pai, ia mea, a kokoke hoopau mai ana ia mea ia'u imua o ke alo o ka Ha-ku; aka, he mea e pono ai no'u e kahea aku i ke Akua, Ua pololei kou mau aoao. Aka hoi, o ka poe pono, ka poe e hoolohe aku i na olelo a ka poe kaula, a e pepehi ole ia lakou, aka e nana imua ia Kristo me ka naue-ue ole no na hoailona i haawia mai ai, me ke makau ole i na hoomaan ana a pau; aia hoi, o lakou no ka poe e luku ole ia. Aka e hoike akaka ia ke Keiki o ka pono ia lakou; a e hoola ia lakou, a e loaa ia lakou ka maluhia me ia, a hiki i ka wa e hala aku ai na hanauna ekolu, a he nui no hoi o ka ha o ka hanauna e hala aku ai iloko o ka pono. A pau ae la keia mau mea, e hiki mai ana ka luku wawe maluna o ko'u poe kanaka; no ka mea, me ka nui o ka eha o ko'u uhane, ua ike nae au ia; nolaila, ua ike au e hiki mai ana auanei ia; a e kuai ana lakou ia lakou iho no ka mea ole: no ka mea, e ohi auanei lakou i ka make loa ana, i uku no ko lakou ha-

heo, a me ko lakou naaufo; no ko lakou ae ana āku i ka diabolo, a koho āku ana i na hana o ka pouli mamua o ka malamalama; nolaila, e iho iho lakou i Gehena e pono ai, no ka mea, aole e paio mau ka Uhane o ka Haku me kanaka. A i ka wa e oki iho ai ka paio ana o ka Uhane me na kanaka, alaila, e hiki mai ana ka luku wawe; a ke hookaumaha nei keia i ko'u uhane.

12. A e like me ka'u olelo e ana no ka hoohulilia'na o ka poe Īudaio, e ike ia Iesu oia ke Kristo io, he mea e pono ai hoi, e ike ka poc Genetile, o Iesu o ke Kristo no ia, ke Akua mau loa; a c hoike anā oia ia ia iho i ka poe a pau, i manaoio ia ia, ma ka mana o ka Uhane Hemolele; oiaio, i na lahuikanaka a pau, i na ohana, i na olelo, a me na kanaka, e hana ana i na hana mana nui, i na hoailona a me na mea kupaiānaha, iwaena o na keiki a kanaka, e like me ko lakou manaoio.

13. Aka hoi, ke wanana āku nei'au ia oukou no na la hope; no na iz a ka Haku e hoopuka mai ai i keia mau mea i na keiki a kanaka, mahope iho o ka eni ana o ka'u poe hua a me na hua a ko'u poe hoahanau iloko o ka hoomaloka, a i hahauia e ka poc Genetile; he oiaio, mahope iho o ka hoomoana ku e ana a puni o ka Haku ke Akua ia lakou, a i hoopuniaiia lakou me ka puu, a i banaia na pakaua e ku e ia lakou; a mahope iho o ko lakou hoohaahaia ana ilaō i ka lepo, i lilo lakou i ole, aka hoi e kakania nae na olelo a ka poc pono, a e hooloheia na pule o ka poc oiaio, aole e hoopoinaia lakou a pau, ka poc i emi iloko o ka hoomaloka; no ka mea, e kamailio mai auanei ka poc e lukuia ia lakou mailoko mai o ka honua, a o ka lakou olelo ana he hamumumu ia noloko mai o ka lepo, a e like auanei ko lakou leo me ko ka mea nona kekahi uhane hoolauna; no ka mea, e haawi mai no ka Haku ke Akua i mana ia ia, i hawanawana mai oia no lakou, oia, me he mea la mailoko mai o ka honua; o ka lakou olelo hoi e hawanawana auanei ia noloko mai o ka lepo. No ka mea, penei wahi a ka Haku ke Akua: E kakau no lakou i na mea e hanaia'i iwaena o lakou, a e palapalaia ia mau mea a e hoopaaia iloko o kahi buke, a, aole e loaa i ka poc i emi iloko o ka hoomaloka keia mau mea, no ka mea, e imi ana lakou e hoopau i na mea o ke Akua: nolaila, e like me ka poc i lukuia, na luku koke ia lakou; a o ka lehulehu o ko lakou poc weliweli, e like auanei lakou me ka opala lele. Oiaio, penei wahi a ka Haku ke Akua: E hike wawe ia, ma ka sekona.

14. Eia kekahi, e hahauia ka poc i emi iho iloko o ka hoomaloka e kālima o ka poc Genetile. A ua hookickieia iluna ka poc Genetile i ka haahēo o ko lakou mau maka, a ua hina, no ka nui o ko lakou mea e hina'i, a ua kukulu iho lakou i na ekalesia he nui wale; aka hoi, e hoole ana lakou i ka mana a me na hana mana a ke Akua, a hai āku ia lakou iho, i ko lakou ike, a me ko lakou naauao, i mea e loaa'i ia lakou ka waiwai, a kui a wale na maka o ka poc hune; a ua pui na ekalesia i kukuluia e hookumu ana i na paonioni, a me na paio, a me na manao lokoino: a, aia no hoi na mea huipumalu ana, e like me ka wa kahiko, e like me na huipu ana o ka

diabolo, no ka mea, oia no ke kumu o keia mau mea a pau; he oiaio, o ke kumu o ka pepehi kanaka, a me na hana o ka pouli; oiaio, a e alakai ana oia ia lakou ma ka ai me kahi kaula olona, a hiki ia ia ke nakinaki ia lakou a paa, me kona mau kaula ikaika, no ka wa pau ole.

15. No ka mea, aia, e o'u poe hoahanau alohaia, ke i nei au ia oukou, aole ka Haku ke Akua i hana ma ka pouli. Aole ia i hana i kekahia mea, ke ole ia no ka pomaikai o ko ke ao nei; no ka mea, ke aloha nei oia i ko ke ao nei, a e waiho ana oia i kona ola ponoi, i kano oia i na kanaka a pau io na la. Nolaila, aole oia e kauoha mai i kekahia e loaa ole ia lakou kona hoola ana. Aia hoi, ke kaheia nei anei oia i kekahia, i ka i ana, E hele aku mai o'u aku nei? Aia hoi, ke i aku nei au ia oukou, aole; aka, ke i mai nei oia, E hele mai io'u nei, e ko na kihi a pau o ka honua, e kuai i ka waiu a me ka meli, me ke kala ole a me ke kumu kuai ole. Aia hoi, ua kauoha mai la anei oia i kekahia e 'hele aku lakou iwaho o na hale pule, iwaho hoi o na hale halawai? Aia hoi, ke i aku nei au ia oukou, aole. Ua kauoha mai la anei oia i kekahia i loaa ole ai ia lakou kona hoola ana? Aia hoi, ke i aku nei au ia oukou, aole; aka ua haawi mai la oia ia mea, me ke kumu kuai ole, no na kanaka a pau; a ua kauoha mai la oia i kona poe kanaka e hooluli mai i na kanaka a pau e mihi. Aia hoi, ua kauoha anei ka Haku i kekahia e loaa ole ia lakou kona lokomaikai? Aia hoi, ke i aku nei au ia oukou, aole; aka ua like ko kela kanaka ko keia kanaka pomaikai, aole i papaya kekahia. Ke kauoha mai nei oia aole loa ka hana hoopunipuni o na kahuna pule; no ka mea, ea, eia hoi ke ano o ka hana hoopunipuni o na kahuna pule, e hai ana na kanaka, a e hoonoho ana ia lakou ilo iluna i malamalama i ko ke ao nei, i loaa'i ia lakou ka waiwai, a me ka mahaloia mai o ko ke ao nei; aka, aole lakou e imi ana i ka pomaikai o Ziona. Aia hoi, ua papa mai la ka Haku i keia mea; nolaila, ua haawi mai la ka Haku i kauoha, i aloha na kanaka a pau, a o ke aloha o ka lokomaikai no ia. A i ole ia lakou ke aloha, he mau mea ole lakou: nolaila, ina ia lakou ke aloha, ina aole lakou e ae aku i ka mea hana ma Ziona e make. Aka o ka mea hana ma Ziona, e hana no ia no Ziona; no ka mea, ina e hana lakou no ke kala, e make no auanei lakou.

16. A, eia hou, ua kauoha mai la ka Haku ke Akua aole e pepehi kanaka na kanaka; aole hoi lakou e wahahhee; aole lakou e aihue; aole hoi lakou e hoopuka aku i ka inoa o ka Haku o ko lakou Akua me ke kumu ole; aole lakou e paonioni; aole lakou e lokoino; aole lakou e paio i kekahia i kekahia; aole lakou e moe kolohe; aole lakou e hana aka i kekahia o keia mau mea; no ka mea, o ka mea nana i hana i keia mau mea, e make no ia; no ka mea, aole i hele mai kekahia o keia mau hana ino mai ka Haku mai; no ka mea, ke hana mai la oia i ka mea pono iwaena o na keiki a kanaka; aole oia e hana mai ana i kekahia mea, ke maopopo ole ia i na keiki a kanaka; a ke kono mai la oia ia lakou a pau e hele mai io na la, a e loaa kona lokomaikai; a aole oia e hoole ana i kekahia mea e hele ana io na la, o na mea eleele a me na mea keokeo, o ka poe i hoopaaia a me ka

poe i paa ole, o na kane a me na wahine; a ke hoomanao mai la oia i ka poe ike ole ia ia, a ua like na mea a pau i ke Akua, o ka Iudaio a me ka Genetile hoi. Aka, aia hoi, ma na la hope, ma na la o ka poe Genetile; he oiaio, o na lahuikanaka a pau o ka poe Genetile, a me ka poe Iudaio hoi, o ka poe e hele mai auanei maluna o keia aina, a me ka poe e noho ana auanei maluna o na aina e; oiaio, maluna o na aina a pau o ka honua; aia hoi, e ona auanei lakou me ka hana ino, a me kela ano keia ano o na mea hoopailua; a hiki mai ia la, e hele mai ka Haku o na Lehulehu ia lakou, me ka hekili a me ka olai, a me ka uwalaau nui, a me ka makani ino ikalika a me ka ino, a me ka lapalapa o ke ahi e hoopau ana; a o na lahuikanaka a pau e kaua aku ia Ziona, a e hoopilikia'ku ia ia, e like auanei lakou me ka moe uhane o kahi hihio o ka po; oiaio, e like auanei ia ia lakou me ka moe uhane ana o ka mea pololi, aia hoi, ke ai la oia, aka i kona hikile ana ua hakahaka kona naau; e like hoi me ka moe uhane ana o ka mea makewai, aia hoi, ke inu la, aka i kona hikilele ana, aia hoi, na nawaliwali, a ua ikaika loa ka makemake o kona naau: Oiaio, pela auanei ka lehulehu o na lahuikanaka a pau e kaua ana i ka mauna o Ziona: no ka mea, aia hoi, E, oukou ka poe e hana nei i ka ino, e pihoihoi oukou a e kahaha, no ka mea, e uwe aku oukou, a e hooho; oiaio, e ona auanei oukou, aole nae i ka waina; e hikaka auanei oukou, aole nae i ka wai ona: no ka mea, aia! ua ninini mai la ka Haku maluna o oukou i ka manao hiamoe loa. No ka mea, aia hoi, ua hoopili oukou i ko oukou mau maka, a ua hoomalau aku oukou i na kaula, a ua uli oia i ko oukou poe alii, a me na mea nana Urima no ka oukou hana ino.

17. Eia kekahī, e hoopuka mai ai ka Haku ke Akua ia oakou i na olelo o kekahī buke, a o na olelo hoi lakou a ka poe i hiamoe. Aia hoi, e hoopaaia'i ua buke nei: a iloko o ka buke he hoike ana mai ke Akua mai, mai ka hookumuia'ha o ke ao nei, a hiki i ka hopena ona. Nolaila, no na mea i hoopaaia'i, aole e haawia na mea i hoopaaia i ka la o ka hana hewa a me na mea hoopailua o na kanaka. Nolaila, e auaia ka buke ia lakou. Aka, e haawia ka buke i kahi kanaka, a e haawi aku oia i na olelo a ka buke, oia hoi na olelo a ka poe i hiamoe ma ka lepo; a e haawi aku no ia i keia mau olelo ia hai; aka o na olelo i hoopaaia'i, aole ona e haawi aku, aole hoi e haawi aku i ka buke. No ka mea, e hoopaaia ka buke e ka mana o ke Akua, a o ka hoikeana i hoopaaia, e malamaia ia iloko o ka buke, a hiki mai ka manawa ku pono o ka Haku, i puka mai ai lakou: no ka mea, aia hoi, ke hoike mai nei lakou i na mea a pau mai ka hookumuia'ha o ke ao nei, a hiki i ka hopena ona. A e hiki mai ana ka la e heluheluia na olelo i hoopaaia'i o ka buke, maluna o na kua hale; a e heluheluia lakou e ka mana o Kristo: a e hoikeia na mea a pau i na keiki a kanaka i hana eia'i iwaena o na keiki a kanaka, a e hanaia'i auanei a hiki loa i ka hopena o ka honua nei. Nolaila, ma kela la, i ka wa e haawia'ku ai ka buke i ke kanaka a'u i olelo ai, e hunaia ka buke mai na maka o ko ke ao nei, i ike ole ia'i ia e na maka o na kanaka, koe na mea hoike ekolu

na lakou auanei e ike ia, ma ka mana o ke Akua, okoa ka mea i haawia'i ia ia ka buke; a e hoike aku no lakou no ka oiaio o ka buke, a me na mea oloko: aole mea e ae e ike ia, he kakaikahi wale no, e like me ka make-make o ke Akua, e hoike aku no kana olelo i na keiki a kanaka: no ka mea, ua olelo mai la ka Haku ke Akua, E olelo auanei na olelo a ka poe pono me he mea la mai ka make mai. Nolaila, e hoomaka no ka Haku ke Akua e hoopuka mai i na olelo o ka buke; a ma na waha o na mea hoike i ku pono i kona manao, e hookupaa oia i kana olelo; a auwe ka mea nana e hoomalau i ka olelo a ke Akua.

18. Aka, aia hoi, e hiki mai auanei keia, e olelo aku ka Haku ke Akua io na la, i ka mea i haawia'i ia ia ka buke, E lawe aku oe i keia mau olelo i hoopaa ole ia, a e haawi aku ia hai, nana e hoike aki i ka mea aoia, me ka olelo aku: E heluhelu i keia, ke noi aku nei au ia oe. A e i mai auanei ka mea aoia, E lawe mai i ka buke, a e heluhelu no au ia mau mea: ano, e loaa'i ka hoonaniia mai e ko ke ao nei, a e loaa ka waiwai, e olelo auanei lakou i keia, aole no ka hoonaniia mai e ke Akua. A e i ae ke kanaka, Ua hiki ole ia'u ke lawe mai i ka buke, no ka mea, ua hoopaaia. Alaila, e i mai ka mea aoia, Ua hiki ole ia'u ke heluhelu ia. Nolaila, e hiki mai no keia, e haawi hou no ka Haku ke Akua i ka buke a me na olelo oloko, i ka mea i ao ole ia; a e olelo mai auanei ke kanaka i ao ole ia, Aole au i aoia. Alaila, e olelo aku ka Haku ke Akua ia ia, E heluhelu ole ka mea aoia ia mau mea, no ka mea, ua hoolei aku lakou ia mau mea, a ua hiki ia'u ke hana i ka'u hana iho; nolaila, e heluhelu no auanei oe i na olelo a'u e haawi aku ai ia oe. Mai noho a hoopaa i na mea i hoopaaia', no ka mea, e hoopukaiaku ai ia mau mea i ko'u manawa ku pono: no ka mea, e hoike aku au i na keiki a kanaka, ua hiki ia'u ke hana i ka'u hana iho. Nolaila, ia oe i heluhelu ai na olelo a'u i kauoha aku ai ia oe, a loaa ia oe na mea hoike a'u i olelo mua ai ia oe, alaila, e hoopaa hou aku oe i ka buke, a e huna ia ia'u, na'u e malama ola i na olelo au i heluhela ole ai, a hiki mai ka wa ku pono i ko'u akamai, e hoike aku i na mea a pau i na keiki a kanaka. No ka mea, Owau no ke Akua; a he Akua no Owau o na hana mana; a e hoike aku no au i ko ke ao nei, oia mau no wau, i ka la inehinei, a i keia la, a i ka wa pau ole; a, aole wau e hana iwaena o na keiki a kanaka, ke ole like me ko lakou manaoio.

19. Eia hou, e hiki mai keia, e olelo auanei ka Haku ia ia, i ka mea nona i heluhelu ai na olelo i haawia'i ia ia, No ka hookokoke ana mai o keia poe kanaka ia'u me ko lakou waha, a hoomaikai mai ia'u me ko lakou mau lehelehe, aka hoomamao aku i ko lakou naau mai o'u aku nei, a o ko lakou makau ia'u ua aoiaku e na kauoha a kanaka, nolaila, wau e hana aku ai iwaena o keia poe kanaka i kahi hana kupanaha; oiaio, i kahi hana kupanaha a mea e kahaha'i hoi: no ka mea, e pau auanei ke aka-mai o ko lakou poe akamai a aoia, a e pee auanei ka naauao o ko lakou poe naauao. A auwe ka poe e imi holonu e huna i ko lakou manao ana mai ka Haku aku. A aia ma ka pouli ka lakou hana ana; a olelo mai

hoi lakou, Owai la ka mea nana mai ia makou; a owai la ka mea ike mai ia makou? A olelo hou lakou, He oiaio, e manaoio ia e like me ka lepo o ka mea kawili, ka oukou hookahuli ana i na mea iluna ilalo. Aka, aia hoi, e hoike auanei au ia lakou, wahi a ka Haku o na Lehulehu, ua ike au i ka lakou hana a pau. No ka mea, e olelo anei ka mea i hanaia i ka mea nana ia i hana, Aole ia i hana mai ia'u? E olelo anei ka mea i kapilia i ka mea nana ia i hoopili, aole ona ike? Aka hoi, wahi a ka Haku o na Lehulehu, E hoike no au i na keiki a kanaka, he manawa uukue koe, a e hooliloia o Lebanonia i mahinaai hua nui; a e manao nui ia ka mahinaai hua nui me he ululau la. A ma ia la e lohe no na mea kuli i na olelo o ka buke; a e ike na maka o na mea makapo noloko mai o ka pouli a me ka poeleele; a e mahua hua auanei hoi ka poe haahaa, a iloko o ka Haku hoi ko lakou olioli; a e hauoli ka poe hune iwaena o na kanaka, iloko o ka Mea Hemolele o ka Israela. No ka mea, he oiaio no ma ke ola o ka Haku, e ike auanei lakou e hooliloia'na ka mea ikaika i mea ole, a e hoopauia ka mea hoowahawaha, a e hookia'ku ka poe a pau i makaala i ka hewa; a o ka poe i hoohewa mai i ke kanaka no ka olelo hookahi, a e hoopahele hoi i ka mea e ao ana ma na pukapa, a e hoohuli ae i ka mea pono no ka mea ole. Nolaila, penei wahi a ka Haku, nana i hoola ia Aberahama, no ko ka hale o Iakoba, Aole o Iakoba e hilahila ano, aole hoi e mae wale hou kona maka. Aka ia ia e ike ai na keiki ana, i ka hana a ko'u lima, iwaena konu ona, e hoolaa mai no lakou i ko'u inoa, a e hoolaa i ka Mea Hemolele o ka Iakoba, a e makau i ke Akua o ka Israela. O lakou hoi ka poe i lalau ma ka uhane e hiki auanei i ka ike, a e ao hoi ka poe ohumu, a e loata ia lakou ka ike

MOKUNA XII.

1. A ano, aia hoi, e na hoahanau o'u, na olelo aka la au ia oukou, e like me ke koi ana o ka uhane ia'u; nolaila, ke ike nei au e ko io ana auanei ia mau mea e pono ai. O na mea i palapalaia noloko mai o ka buke, he nni auanei ka pomaikai o ia mau mea i na keiki a kanaka, a e nni ae i na hua a kakou, he koena lakou o ko ka hale o Israela. No ka mea, eia kekahia ma ia la, o na ekalesia i kukuluia, aole hoi i ka Haku, ia lakou e olelo aka ai kekahia i kekahia, Aia hoi, owau, owau no ko ka Haku; a e olelo kekahia, Owau, owau no ko ka Haku. A pela e i mai kela mea keia mea, i kukulu i na ekalesia, aole no i ka Haku; a e paio lakou kekahia me kekahia; a e paio aka ko lakou poe kahuna kekahia me kekahia; a e ao aka lakou me ko lakou ike, a e hoole i ka Uhane Hemolele, nana i haawi mai i ka olelo. A ke hoole nei lakou i ka mana o ke Akua, ka Mea Hemolele o ka Israela; a ke i aka nei lakou i na kanaka, E hoo-

lohe mai oukou ia makou, a e hoolohe oukou i ka makou kauoha; no ka mea, aia hoi, aole he Akua i keia la, no ka mea, ua hana ka Haku ka Mea e ola'i, a ua pau kana hana, a ua haawi mai oia i kona mana i kana-ka. Aia hoi, e hoolohe oukou i kuu kanoha: ina e olelo mai lakou ua hanaia kekahia hana mana, e ka lima o ka Haku, mai manaoio oukou ia; no ka mea, o keia la aole oia he Akua o na hana mana; ua hoopau oia i kana hana. Oiaio, a e i mai kekahia poe he nui, E ai, e inu, a e lealea, no ka mea, i ka la apopo e make kakou: a e pomaikai no auanei kakou. A e i mai hoi kekahia poe e he nui, E ai, e inu, a e lealea; e makau nae i ke Akua, e hoapono mai no ia i ka hana hewa uuku; oiaio, e wahahée uuku, e puni o hai no kana olelo, e eli i lua no kou hoalauma; aole hewa ma keia. A e hana i keia mau mea a pau, no ka mea, i ka la apopo e make kakou; a ina ua hewa kakou, e hahau uuku ia kakou e ke Akua, a ma ka hope e hoolaia kakou ma ke aupuni o ke Akua. Oiaio, a e ao mai na kanaka he nui loa mamuli o keia ano, i ke ao hoopunipuni ana, a lapuwale, a naaupo, a e hookiekieia lakou ma ko lakou naau, a e imi hohonu e huna i ko lakou kuka ana mai ka Haku aku; a aia ma ka pouli ka lakou hana ana; a e hea mai ke koko o ka poe hoano mai ka lepo ae e ku e ia lakou. Oiaio, ua hele aku la lakou a pau mai ke ala aku; ua haumia iho la lakou. No ka haaheo, a no na kumu wahahée, a no ke ao hoopunipuni ana, ua hau-mia na ekalesia o lakou; a ua hookiekieia na ekalesia o lakou; no ka haa-heo, ua haakei lakou. Ke hao nei lakou i na ilihune, no na hale pule nani o lakou; a ke hao nei lakou i na ilihune, no ko lakou kapa nani; a ke hoomaau nei lakou i ka poe akahai, a me ka poe haahaa ma ka naau; no ko lakou haaheo, ua kiekie lakou. Ke hele nei lakou me na ai ooolea, a me na poo kiekie; oiaio, a no ka haaheo, a no ka hewa, a no na mea hoopailua, a no ka moe kolohe ana, ua lalau aku la lakou, kakaikahi wale no i koe, o lakou nei he poe hahai haahaa ia Kristo; aka hoi, ua alakaiia lakou nei, i lalau lakou nei ma na mea he nui, no ka mea, ua aoia lakou nei e na kauoha a kanaka.

2. Auwe ka poe naauao, a me ka poe akamai, a me ka poe waiwai, i kiekie i ka haaheo o ko lakou naau, a me ka poe a pau e hai aku ana i na ao wahahée ana, a me ka poe a pau e moe kolohe ana, a e kapae ai i ka aoao pololei o ka Haku; Auwe, auwe, auwe lakou, wahi a ka Haku ke Akua Mana loa, no ka mea, e hahaoia auanei lakou ilalo i Gehena.

3. Auwe ka poe nana e hookapae ae i ka mea pono no ka mea ole, a e hoino i na mea maikai, a e i aku, He mēa ole keia: no ka mea, e hiki mai ana auanei ka la e hele wikiwiki mai no ka Haku ke Akua, i na kamaaina o ka honua nei; a ma ia la o lakou e oo loa'i i ka hana ino, e make no lakou. Aka hoi, ina e milii na kamaaina o ka honua i ka lakou hana hewa a i na mea hoopailua, aole lakou e lukuia, wahi a ka Haku o na Lehulehu. Aka hoi, o kela ekalesia nui a ino loa, o ka wahine hookamakama o ka honua a pau, e hiolo oia i ka honua e pono ai; a e nani wale ka hiolo ana ona; no ka mea, e haalulu no auanei ke aupuni o

ka diabolo, a o ka poe o ua aupuni la e paipaiia lakou i ka mihi e pono ai, a i ole ia, e puliki ka diabolo ia lakou me na kaula hao mau loa ona, a e hooeueuia lakou i ka huhu a make loa: no ka mea, ma ia la e huhu no ia iloko o na naau o na keiki a kanaka, a e hooeueu ia lakou e huhu ku e i ka mea pono: a e hoona oia i kekahi poe e ae, a e hoohiamoe ia lakou iloko o ko ke kino maluhia, a e i aku lakou, Ua maluhia na mea a pau ma Ziona; oiaio, ke pomaikai nei o Ziona, ua maluhia na mea a pau; a me ia e hoopunipuni ana ka diabolo i ko lakou uhane, a ke alakai aku la ia lakou me ke akahele ilalo i Gehena. Aia hoi, e hoomalimali ana oia i kekahi poe e ae, a ke hai la oia ia lakou, Aole he Gehena; a ke i mai la oia ia lakou, Aole au he diabolo, no ka mea, aole diabolo: a pela e hawanawana oia iloko o na pepeiao o lakou, a, hiki ia ia ke puliki ia lakou me na kaula hao weliweli ona, mailailaaku aole kahi e pakele ai. Oiaio, ua pulikiia ae la lakou e ka make, a e Gehena: a o ka make, o Gchena, a me ka diabolo, a me ka pee a pau i hopuia e lakou, e ku no lakou e pono ai imua o ka noho alii o ke Akua, a e hookolokoloia e like me ka lakou hana, mailailaaku e hele no lakou i kahi i hoomakaukaania no lakou, oiaio, i kahi loko ahi a me ke kukae pele, oia ka chaeha pau ole. Nolaila, auwe ia, ka mea e noho ana me ka nanea ma Ziona. Auwe ia, ka mea e kahea ana, Ua maluhia na mea a pau; oiaio, auwe ka mea nana e hoolohe i na kauoha a kanaka, a e hoole ana i ka mana o ke Akua a me ka haawina o ka Uhane Hemolele. Oiaio, auwe ka mea nana e olelo, Ua loaa ia makou, aole pono no makou e loaa hou mai. Eia hou, auwe ka poe a pau e haalulu ana, a e huhu ana no ka oiaio o ke Akua. No ka mea, aia hoi, o ka mea i kukuluia maluna o ka pohaku, e hookipa oia ia me ka olioli: a o ka mea i kukuluia maluna o ke kahua one, e haalulu ana oia, o hina.

4. Auwe ka mea nana e olelo, Ua loaa ia makou ka olelo a ke Akua, aole pono e loaa hou ka olelo a ke Akua, no ka mea, ua lawa makou. No ka mea, penei wahi a ka Haku, ke Akua, E haawi no au i na kiekia kanaka i lalani maluna o ka lalani, i kauoha maluna o ke kauoha, he uuku ma keia wahi, a he uuku ma kela wahi; a pomaikai ka poe a pau i hoolohe i ka'u mau kauoha, a haawi i ka pepeiao i ka'u olelo ao, no ka mea, e loaa no ia lakou ka ike; no ka mea, i ka mea i loaa'i, e haawi hou no au: a mai ka poe e olelo, Ua lawa makou, e kaililia'ku mai o lakou aku la na mea a lakou i loaa'i. E poino ana ke kanaka i hilinai i ke kanaka, a e manao iho i ka io i ikaika nona, a e hoolohe i na kauoha a kanaka, ke haawi ole ia ka lakou mau kauoha e ka mana o ka Uhane Hemolele.

5. Auwe ka poe Genetile, wahi a ka Haku, ke Akua o na Lehulehu: no ka mea, e kikoo no au i ko'u lima ia lakou ia la aku ia la aku, e hoole nae lakou ia'u; aka hoi, e aloha no au ia lakou, wahi a ka Haku., ke Akua, ina e mihi lakou, a e hele io'u nei: no ka mea, ua kikoo aku la ko'u lima i ka la a pau, wahi a ka Haku, ke Akua o na Lehulehu.

6. Aka hoi, he nui loa ka poe ma ua la la, ia'u e hoomaka ai e hana

i kekah i hana kupanaha iwaena o lakou, i hoomanao ai au i na berita a'u i hana aku ai i na kieki a kanaka, i hohola hou ai au i ko'u lima i ka lua o ka manawa e hoola i ko'u poe kanaka, o ko ka hale o Israela; a i hoomanao ai no hoi au i na olelo hoopomaikai a'u i hana aku ai ia oe, e Nepai, a i kou makuakane no hoi, na'u e hoomanao i ka oukou hua; a e puka aku no na olelo a ka oukou hua noloko aku o ko'u waha i ka oukou hua. A e ha aku na olelo a'u i na kih i o ka honua, i hae no ko'u poe kanaka, o ko ka hale o Israela. A no ka ha ana'ku o na olelo a'u, e olelo aku no he nui o ka poe Genetile, He baibala, he baibala, he baibala no ko makou, aole e hiki mai i baibala hou. Aka penei wahi a ka Haku, ke Akua: E na mea naaupo, e loaa no ia lakou he baibala; a e puka aku ia mai ka poe Iudaio ae, ko'u poe kanaka berita kahiko. A heaha ka hoomaikai a lakou i hoomaikai aku ai i ka poe Iudaio no ka baibala a lakou i loaa'i mai o lakou la mai? Oiaio, peheia la ke ano o ka ka poe Genetile? Ke hoomanao nei anei lakou i ka hele ana, a i ka luhi, a i na eha o ka poe Iudaio, a me ko lakou molowa ole ia'u, i ka hoopuka ana'ku i ke ola i ka poe Genetile?

7. E, oukou ka poe Genetile e, ua hoomanao anei oukou i ka poe Iudaio, ko'u poe kanaka berita kahiko? Aole; aka ua hoomainoino aka oukou ia lakou, a ua inaina aka oukou ia lakou, aole hoi oukou i imi e hoihoi ia lakou. Aka hoi, e hoihoi no au i keia mau mea a pau maluna o ko oukou poo iho: no ka mea, Owau ka Haku, aole au i hoopoina i ko'u poe kanaka. E ka mea naaupo, e i mai auanei, He baibala, he baibala no ko makou, aole pono e loaa hou i baibala. Ua loaa anei ia oukou he baibala, ke ole ia ma o ka poe Iudaio la? Aole anei oukou i ike ua nui ae na lahuikanaka, aole hookahi wale no? Aole anei oukou i ike ua hana Owau ka Haku ko oukou Akua, i na kanaka a pau, a ke hoomanao nei au i ka poe e noho ana maluna o na mokupuni o ke kai; a ke noho alii nei au ma na lani iluna, a ma ka honua ilalo; a ke hoopuka nei au i ka'u olelo i na kieki a kanaka, oiaio, maluna iho o na lahuikanaka a pau o ka honua? Nolaila, no ke aha la oukou e ohumu ana, no ka loaa hou ana'e ka'u olelo ia oukou? Aole anei oukou i ike o ka olelo hoike a na lahuikanaka elua, he hoike ia ia oukou no'u, owau no ke Akua, a ke hoomanao nei no hoi au i kekah i lahui e like me kekah? No ia mea, ke olelo nei au i na olelo like i kekah i lahui me kekah. A ia laua e holo like ai, e holo like no hoi ka laua hoike ana. A ke hana nei au i keia na'u e hooiaio i na kanaka he nui loa, oia mau no au, inehinei, a i keia la, a i ka wa pau ole; a e olelo aka au i ka'u mau olelo e like me ko'u makemake iho. A no ka'u olelo ana'ku i kekah olelo, aole o oukou pono e manao ua hiki ole ia'u ke olelo hou i kekah; no ka mea, aole i pau ka'u hana i keia manawa; aole hoi e pau auanei, a hiki i ka hope o kanaka; aole hoi mai ja manawa aka a mau loa aka.

8. Nolaila, no ko oukou loaa ana he baibala, mai manao oukou aia iloko ona ka'u mau olelo a pau; mai man o hoi oukou na kauoha ole au i

na mea hou e palapalaia'i: no ka mea, ke kauoha aku nei au i na kanaka a pau, ma ka hikina, a ma ke komohano, a ma ka akan, a ma ka hema, a ma na mokupuni o ke kai, e palapala lakou i na olelo a'u e olelo aku ai ia lakou: no ka mea, noloko mai o na buke e palapalaia, e hookolokolo no au i ko ke ao, o kela kanaka keia kanaka e like me kana hana, e like me ka mea i palapalaia. No ka mea, aia hoi, e olelo aku au i ka poe Iudaio, a e kakau lakou ia; a e olelo aku no hoi au i ko Nepai poe, a e kakau no lakou ia: a e olelo no hoi au i na ohana e ae o ka hale o Israela, a'u i alakai aku ai, a e kakau no lakou ia; a e olelo aku au i na lahuikanaka a pau o ka honua, a e kakau no lakou ia.

9. A e loaa no i ka poe Iudaio na olelo a ko Nepai poe, a e loaa i ko Nepai poe na olelo a ka poe Iudaio; a o ko Nepai poe a me ka poe Iudaio e loaa no ia lakou na olelo a na ohana nalowale o ka Israela; a e loaa no i na ohana nalowale o ka Israela na olelo a ko Nepai poe a me ka poe Iudaio.

10. Eia kekahi, e houluluia ko'u poe kanaka o ka hale o Israela, i ko lakou wahi i ko lakou aina hooilina; a e houluluia no hoi ka'u olelo i hookahi. A e hoike no au ia lakou, i ka poe paio i ka'u olelo a i ko'u poe kanaka o ko ka hale o Israela, owau no nei ke Akua, a ua hana berita au me Aherahama, e hoomanao i kana hua a mau loa ahu.

11. Ano, aia hoi, e o'u poe hoahanau i alohaia, ke makemake nei au e olelo ia oukou: no ka mea, aole owau, o Nepai, e ae aku ia oukou e manao e oi aku ana ko oukou pono i ko ka poe Genetile. No ka mea, aia hoi, ke ole malama pono oukou i na kauoha a ke Akua, pela e pau ai oukou i ka make; a no na olelo i oleloia, he mea pono ole no oukou ke manao e hoopau loa ia 'na ka poe Genetile. No ka mea, ke i aku nei au ia oukou, o ka poe Genetile i mihi, o lakou no ka poe kanaka berita o ka Haku; a o ka poe Iudaio i mihi ole, e hooleia'ku auanei lakou; no ka mea, aole e hana berita ka Haku me kekahi mea, koe wale no ka poe i mihi a manaoio i kana Keiki, oia no ka Mea Hemolele o ka Israela.

12. Ano, ke makemake nei au e wanana aku i kekahi mau mea e ae no ka poe Iudaio a me ka poe Genetile. No ka mea, mahope iho o ka puka ana aku o ua buke la a'u i olelo ai, a e palapalaia i ka poe Genetile, a e hoopaa hou ia i ka Haku, e manaoio kekahi poe he nui loa i na olelo i palapalaia; a e halihali aku lakou ia mau mea i ke koena o ka kakou poe hua. Alaila, e ike ke koena o ka kakou hua i na mea no kakou, i ka puka ana mai o kakou mai Ierusalem mai, a he poe mamoa lakou na ka poe Iudaio. A e haiia'ku ka euanelio o Iesu Kristo iwaena o lakou; nolaila, e hoihoi hou ia lakou i ka ike no na kupuna o lakou, a i ka ike no Iesu Kristo a na kupuna o lakou i loaa'i. Alaila, e hanoli lakou: no ka mea, e ike lakou he mea ia e pomaikai ai ia lekou mai ka lima mai o ke Akua: a e hoomaka ko lakou mau unahi o ka pouli e haule mai ko lakou mau maka aku: aole nui na hanauna e hala iwaena o lakou, a e pau lakou i ka lilo i lahuikanaka keokeo a oluolu.

13. Eia kekahī, o ka poe Iudaio i hoopuehuia'i, e hoomaka no lakou e manaoio ia Kristo; a e hoomaka lakou e honlulu maluna o ka ili o ka aiua; a o ka poe e manaoio ia Kristo, e lilo no hoi lakou i lahuikanaka e olioli ai.

14. Eia kekahī, e hoomaka no ka Haku, ke Akua i kana hana, iwaena o na lahuikanaka a pau, na ohana, na olelo, a me na kanaka, e hooko mai ka hoihoi hou ia ana o kona poe kanaka ma ka honua. A me ka pono e hookolokolo no ka Haku i ka poe ilihune, a e ao hoohewa me ka pololei no ka poe akahai o ka honua: a e hahau no oia i ka honua i ka laau o kona waha; a e luku no oia i ka poe hewa, i ka ha ana o kona mau lehelehe: no ka mea, e wikiwiki mai ana ka manawa, e hana ka Haku ke Akua i mahele nui iwaena o na kanaka; a e luku no oia i ka poe hewa: a e hoola oia i kona poe kanaka, oiaio, ina ma o ke ahi la kona luku ana aku i ka poe hewa. A o ka pono no ke kaei o kona puhaka, a o ka oiaio hoi ke kakoo o kona kikala. Alaila, e noho pu ka iliohae me ke keikihipa, a e moe pu ka leopadi me ke keikikao; a o ke keiki bipi a me ka liona hou, a me ka mea kupaluia, ma kahi hookahi; a na ke keiki uuku lakou e alakai. A e ai pu ka bipi wahine a me ka bea; a moe pu ka laua mau keiki; a e ai ka liona i ka mauu maloo me he bipi la. A e paani no ke keiki omo waiu ma ka lua o ka moomaka, a e kau no ke keiki i ukuhiiia i kona lima, ma ka lua o ka moopepeiao hao. Aole lakou e hoeha, aole hoi luku ma ko'u mauna hoano a pau; no ka mea, e piha auanei ka honua i ka ike i ka Haku, e like me ka moana i uhia i ke kai. Nolaila, e hoikeia auanei na mea o na lahuikanaka a pau; oiaio, e hoikeia mai na mea a pau i na keiki a kanaka. Aohe mea huna e koe i hoike ole ia; aohe hoi kekahī hana o ka pouli e koe i ka ike ole ia ma ka malamalamā; aohe hoi kekahī mea i hoopaaia maluna o ka honua i hemo ole ia auanei. Nolaila, o na mea a pau i hoikeia'i i na keiki a kanaka e hoikeia ia ma ia la; aole mana hou o Satana maluna o na naau o na keiki a kanaka, no ka mauawa loihi. Ano e ko'u poe hoahanau i alohaia, ke hoopau nei au i ka'u olelo.

MOKUNA XIII.

1. Ano, ke hooki nei au, o Nepai, i ka'u wanana ana ia oukon, e o'u poe hoahanau aloha. A he mau mea kakaikahi wale no ka'u i hiki ai ke palapala, a'u i ike ai e hiki io mai ana; a he mau olelo kakaikahi wale no hoi, i hiki ia'u ke palapala o na olelo a ko'u kaikaina a Iakoba. Nolaila, ea, ua lawa ia'u na mea a'u i palapala'i, koe he mau olelo kakai-kahi na'u e olelo aku, no ke ao ana a Kristo; nolaila, e olelo aku au ia oukon me ka maopopo e like me ka maopopo o ka'u wanana ana. No ka mea, ke hauoli nei ko'u naau iloko o na mea maopopo: a mamuli o keia

ano ke hana la ka Haku ke Akua mawaena o na keiki a kanaka. No ka mea, ke haawi mai nei ka Haku ke Akua i malamalama i ka naau: no ka mea, ke olelo mai la oia i na kanaka e like mea ka lakou olelo, i ko lakou hoomaopopo ana. Nolaila, ua makemake au e hoomanao oukou ua olelo aku au ia oukou, no kela kaula a ka Haku i hoike mai ai ia'u, e bapetizo aku auanei i ke Keikihipa a ke Akua, o ka mea nana e lawe aku i na hewa o ko ke ao nei.

2. Ano, ina he mea e pono ai no ke Keikihipa a ke Akua, a he mea hemolele no hoi ia, ke bapetizoia me ka wai, e malama i ka pono a pau, ea, he nui aku keiā mea e pono ai kakou, he poe hemolele ole, ke bapetizoia, he oiaio, me ka wai. Ano, ke makemake nei au e nicle ia oukou, e ko'u poe hoahanau, Ma ka mea hea i malama'i ke Keikihipa a ke Akua i ka pono a pau, i kona bapetizoia 'na me ka wai? Aole anei oukou i ike ua hemolele ia? Aka me kona hemolele no, ke hoike mai la nae oia i na keiki a kanaka, e hoohaahaa ana oia ia ia iho ma ke kino imua o ka Makua, a e hoike ana i ka Makua e hoolhe ana oia ia ia, ma ka malama ana i kona mau kanawai; nolaila, mahope iho o kona bapetizoia 'na me ka wai, iho iho la ka Uhane Hemolele maluna ona ma ke ano o kahi manu nunu. A, eia hou: e hoike mai ana keia mea i na keiki a kanaka i ka ololi o ke ala, a me ka pilikia o ka puka kahi e komo ai lakou, ua hana oia ia mea i kumu hoohalike imua o lakou. A i aku oia i na keiki a kanaka, E hahai mai oe ia'u. Nolaila, e o'u poe hoahanau alohaia, e hiki anei ia kakou ke hahai ia Iesu, ke ae ole aku kakou e malama i na kauoha a ka Makua? A i mai la ka Makua, E mihi oukou, e mihi oukou, a e bapetizoia ma ka inoa o ka'u keiki punahele. Aia hoi, a hiki mai la no hoi ka leo o ke Keiki ia'u, i ka i ana, O ka mea e bapetizoia ma ko'u inoa, ia ia e haawi mai ai no ka Makua i ka Uhane Hemolele, e like me au nei; no ia mea, e hahai oukou ia'u, a e hana i na mea a oukou i ike mai ai ia'u e hana ana. Nolaila, e ko'u poe hoahanau alohaia, ua ike au ina e hahai oukou i ke Keiki, me ka manao ikaika o ka naau, e hana ole ana i ka hookamani, aole hoi i ka hoopunipuni imua o ke Akua, aka me ka manao oiaio, e mihi ana i ko oukou mau hala, e hoike ana i ka Makua, e ae ana oukou e lawe maluna iho o oukou i ka inoa o Kristo, ma ka bapetizo ana: oiaio, ma ka hahai ana i ko oukou Haku a me ko oukou Mea e Ola'i ilalo iloko o ka wai, e like me kana olelo; aia hoi, alaila e loaa'i ia oukou ka Uhane Hemolele; oiaio, alaila e hiki mai ana ka bapetizo o ke ahi a me ka Uhane Hemolele; alaila e hiki ia oukou ke olelo aku me ka olelo a na anela, a e hooho i ka hoolea ana i ka Mea Hemolele o ka Israela.

3. Aka hoi, e ko'u poe hoahanau aloha, penei hiki mai ai ka leo o ke Keiki ia'u, i ka i ana, Mahope iho o ko oukou mihi ana i ko oukou nau hala, a i hoike aku ai i ka Makua e ae ana oukou e malama i ka'u mau kanoha, ma ka bapetizo ana o ka wai, a i loaa ka bapetizo ana o ke ahi a me ka Uhane Hemolele, a i hiki ke olelo me ka olelo hou, oiaio, me ka olelo a na anela, a mahope iho o keia, e hoole mai ia'u, ua aho ia no oukou, ina ua ike ole oukou ia'u.

4. A lohe ae ia au i kahi leo mai ka Makua mai, i ka i ana, Oiaio, o na olelo a ko'u mea hiwahiwa ua oiaio a ua pololei. O ka mea e hoomau ana a hiki i ka hopena, e hoolala oia. Ano, e o'u poe hoahanau aloha, ua ike au ma keia, i ole hoomau ke kanaka a hiki i ka hopena, i ka hahai ana i ke kumu hoohalike o ke Keiki a ke Akua ola, aole e hiki ia ia ke hoolala; nolaila, e hana oukou i na mea a'u i hai aku ai ia oukou a'u i ike ai, i ka mea a ko oukou Haku, ka Mea Hoolapanai, e hana'i auanei: no ka mea, no keia mea ua hoikeia mai la ia mau mea ia'u, i ike oukou i ka puka kahi a oukou e komo ai. No ka mea, o ka puka kahi a oukou e komo ai oia no ka mihi, a me ka bapetizo ana ma ka wai; alaila e hiki mai ana ke kalaia'na o ko oukou mau hala e ke ahi, a e ka Uhane Hemolele hoi. Alaila aia oukou iloko o ke ala ololi a pololei e hiki aku ai i ke ola mau loa; oiaio, ua komo oukou iloko ma ka puka: ua hana oukou e like ue na kauoha a ka Makua a me ke Keiki: a ua loaa ia oukou ka Uhane Hemolele, ka mea e hoike ana no ka Makua a me ke Keiki, i ka hooko ana i ka olelo hoopomaikai ana i haawi mai ai, ina e komo oukou ma ke ala, e loaa'i ia ia oukou.

5. Ano, e na hoahanau alohaia o'u, mahope iho o ko oukou komo ana iloko o keia ala pololei a ololi, ke ninau nei au, Ua pau anei ka hana? Aia hoi, ke i aku nei au ia oukou, aole; aole oukou i hiki i keia wahi, i ole ma o ka olelo la a Kristo, me ka manaoio naueue ole ia ia, e hilimai ioa ana maluna iho o na hana maikai a ka Mea mana e ola'i; nolaila, e holo ikaika oukou e pono ai me ke kupaa iloko o Kristo, me ka nani loa o ka manaoiana, a me ke aloha i ke Akua a i na kanaka a pau. Nolaila, ina e holo ikaika oukou e ahaaina ana ma na olelo a Kristo, a hoomau a hiki i ka hopena, aia hoi, wahi a ka Makua: E loaa ia oukou ke ola mau loa.

6. Ano, aia hoi, e na hoahanau alohaia o'u, oia no ke ala; aole kekahi ala e ae, aohe hoi kekahi inoa e ae i haawia malalo iho o ka 'lani, i mea e ola'i ke kanaka iloko o ke aupuni o ke Akua. Ano, aia hoi, o ke ao ana a Kristo no keia, a oia wale no ke ao oiaio ana o ka Makua, a o ke Keiki, a o ka Uhane Hemolele, oia hookabi Akua, me ka hopena ole. Amene.

MOKUNA XIV.

1. Ano hoi, e ko'u poe hoahanau i alohaia, ke manao nei au e noonoo ana oukou ma ko oukou mau naau no na mea e pono ai na oukou e hana, mahope iho o ko oukou komo ana iloko ma ke ala, aka hoi, no ke aha la oukou e noonoo ai i keia mau mea ma ko oukou mau naau? Aole anei oukou e hoomanao i ka mea a'u i i aku ai ia oukou, mahope iho o ko oukou loaa ana ka Uhane Hemolele, e hiki ia oukou ke olelo aku me ka

olelo a na anela? Ano, peheia la e hiki ia oukou ke olelo aku me ka olelo a na anela, ina aole ma o ka Uhane Hemolele la? Ke olelo la na anela ma ka mana o ka Uhane Hemolele; nolaila, ke olelo la lakou i na olelo a Kristo. Nolaila, i iaku ai au ia oukou, e ahaaina ma na olelo a Kristo: no ka mea, aia hoi, e hai no na olelo a Kristo i na mea a pau ia oukou, e pono ai oukou ke hana. Nolaila, mahope iho o ka'u olelo ana i keia mai olelo, ina hiki ole ia oukou ke hoomaopopo ia mau mea, no ko oukou noi ole a no ko oukou kikeke ole ka hoomaopopo ole ana; no ia mea, aoi oukou i laweia iloko o ka malamalama, aka e make no iloko o ka pouli. No ka mea, aia hoi, ke i hou akiu nei au ia oukou, ina oukou e komo iloko ma ke ala, a e loaa ia oukou ka Uhaue Hemolcie, e hoike no ia ia oukou i na mea a pau e pono ai oukou ke hana. Aia hoi, o keia no ke ao ana a Kristo; aole hoi e haawiia mai ke ao hou ana, a hiki i ka wa mahope iho o kona hoike ana ia ia iho ia oukou ma ke kino. A ia ia e hoike aku ai ia ia iho ia oukou ma ke kino, o na mea ana e olelo aku ai ia oukou, oia ka oukou e malama ai a hana aka hoi.

2. Ano, ua hiki ole ia'u, ia Nepai, ke olelo hou: ke hooki mai nei ka Uhane i ka'u olelo ana, a ua waihoia au e uwe aku no ka manaoio ole, a me ka hewa, a me ka naaupo, a me ka ai ooolea o kanaka; no ka mea, aole lakou e imi i ka ike, aole hoi e hoomaopopo i ka ike nui, i ka wa i haawiia mai ai ia ia lakou me ke akaka, oiaio, me ke akaka lea o ka olelo e hiki ai.

3. Ano, e ko'u poe hoahanau alohaia, ke ike nei au e noonoo ana oukou i keia manawa ma ko oukou mau naau: a ke hocha nei ka'u olelo ana no keia mea ia'u. No ka mea, ina e hoolohe oukou i ka Uhane nana e ao i ke kanaka e pule, e ike oukou he mea e pono ai no oukou ke pule: no ka mea, aole e ao mai ana ka uhane ino i ke kanaka e pule, aka a ao ana ia ia e pule ole oia, aka hoi, ke iaku nei au ia oukou, e pule man oukou, aole e hoonawaliwali, aole he mea pono no oukou e hana i kekahi mea i ka Haku, ke ole oukou e pule e mamua i ka Makua ma ka inoa o Kristo, nana e hoolaa mai i kau hana ana ia oe, i lilo kau hana ana no ka pomaikai o kou uhane.

MOKUNA XV.

1. Ano, ua hiki ole ia'u, ia Nepai, ke kakau iho i na mea a pau i aoia iwaenā o ko'u poe kanaka; aole hoi au ikaika ma ke kakau ana, e like me ka olelo ana: no ka mea, i ka wa a ke kanaka i olelo aku ai ma ka mana o ka Uhane Hemolele, na ka mana o ka Uhane Hemolele i halihali ai ia iloko o na naau o na keiki a kanaka. Aka hoi, ua nui wale ka poe e hoo-paakiki ana i ko lakou mau naau e ku e i ka Uhane Hemolele, i loaa ole ai ia ia kau wahi iloko o lakou; nolaila, ke hoolei aku nei lakou i na mea

he nui i palapalaia, a manao ia mau mea me he mau mea ole la. Aka owau, o Nepai, ua kakau au i na mea a'u i kakau ai; a ke manao nei au ia mea he mea pomaikai nui, a nui ae i ko'u poe kanaka. No ka mea, ke pule mau nei au no lakou ma ke ao, a e hoopulu ana ko'u mau maka i kuu uluna ma ka po, no lakou; a ke kahea nei au i ko'u Akua ma ka manaoio, a ua ike au e hoolohe no oia i kuu hea ana; no ka mea, ua ike au e hoolaa no ka Haku ke Akua i ka'u pule no ka pomaikai o ko'u poe kanaka. A e hooliloia auanei na olelo a'u i kakau ai me ka nawaliwali, i mea ikaika ia lakou; no ka mea, e hoohuli ana ia ia lakou e hana pono; ke hoike aku nei ia ia lakou no ko lakou poe kupuna; a ke olelo nei ia no Iesu, a ke hoohuli nei ia lakou e manaoio ia ia, a e hoomau a hiki i ka hopena, oia no ke ola mau loa. A ke olelo ikaika nei ia e ku e ana i ka hewa, e like me ke akaka o ka oiaio; no ia mea, aole e huhu ana kekahia kanaka ma na olelo a'u i kakau ai, ina aole no ka uhane o ka diabolo ia. Ke hauoli nei au ma na mea moakaka; ke hauoli nei au ma ka oiaio; ke hauoli nei au i ko'u Iesu, no ka mea, ua hoolapanai oia i ko'u uhane mai Gehena mai. Ia'u no ke aloha no ko'u poe kanaka, a me ka manaoio nui iloko o Kristo, e halawai auanei au me na uhane kina ole he nui ma kona noho hookolokolo. Ia'u ke aloha no ka Iudaio: ke i aku nei au ka Iudaio, no ka mea, ke olelo nei au no lakou, ka poe nolaila mai au. Ia'u hoi ke aloha no ka poe Genetile. Aka hoi, aole ia'u ka manaoiana no kekahia mea o ua poe nei, ke hoolaulea ole ia lakou ia Kristo, a e komo iloko o ka puka ololi, a e hele ma ke ala pololei, e hele aku ai i ke ola, a e hoomau iloko o ke ala a hiki i ka hopena o ka la o ka noho hoao ana.

2. Ano, e o'u poe hoahanau alohaia, a me ka Iudaio hoi, a me oukou, e ko na welau o ka honna nei a pau, e hoolohe mai i ua mau olelo nei, a e manaoio ia Kristo; a ina e manaoio ole oukou i ua mau olelo nei, e manaoio oukou ia Kristo. A ina e manaoio auanei oukou ia Kristo, alaila, e manaoio pu no hoi oukou i ua mau olelo nei: no ka mea, o lakou no na olelo a Kristo, a ua haawi mai oia ia mau mea ia'u; a e ao ana ia mau mea i na kanaka a pau e hana pono lakou. A ina aole ua mau olélo nei na Kristo mai, e noonoo pono oukou: no ka mea, na Kristo e hoike mai ia oukou, ma ka la hope, me ka mana a me ka nani nui, nana no ua mau olelo nei; a e ku oukou me au nei, he maka no he maka, imua o kona wahi hookolokolo; a e ike auanei oukou ua kauohia au e ia e kakau i keia mau mea, me ko'u nawaliwali nae: a ke pule nei au i ka Makua iloko o ka inoa o Kristo, e hoolaia mai ka nui o kakou, i ole kakou a pau loa, iloko o kona aupuni, ma kela la nui mahope.

3. Ano, e ko'u poe hoahanau alohaia, o ka poe a pau o ko ka hale o Israela, a me ko na welau o ka honua, ke olelo aku nei au ia oukou, me he leo la o kekahia e hea ana mai ka lepo mai: E aloha auanei oukou a hiki wale mai ua la nui la; a o oukou hoi, e ka poe i hoao ole i ka loko-maiakai o ke Akua, a malama ole i na olelo a ka poe Iudaio, a me ka'u mau olelo no hoi, a me na olelo e puka mai auanei noloko mai o ka waha o ke

Keikihipa a ke Akua, aia hoi, ke uwe nei au i ke aloha mau loa ia oukou, no ka mea, na keia mau olelo oukou e hoohewa aku ma ka la hope: no ka mea, o ka mea a'u e sila ai ma ka honua nei, e laweia auanei ia e ku e ia oukou ma ka noho hookolokolo; no ka mea, pela ka Haku i kauoha mai ai ia'u, a pono wau ke hoolohe. Amene.

KA BUKE A IAKOBA,

KE KAIKAINA O NEPAI.

MOKUNA I.

O na olelo o kana hai olelo ana i kona poe hoahanau. A no kona hoohoka ana ikekahi kanaka imi e hookahuli i ke ao ana a Kristo. A he mau olelo kakaihahi no ka moolelo o ko Nepai poc.

1. Eia hoi, a hala aku la na makaliki he kanalimakumamalima, mai ka manawa mai a Lehi i haalele aku ai ia Ierusalem; nolaila, haawi mai la o Nepai ia'u, ia Iakoba, i kauoha no na papa uuku, maluna o lakou i kahakahai'a'i keia mau mea. A haawi mai la oia ia'u, ia Iakoba, i kauoha i kau iho ai au maluna o keia mau papa, i na mea kakaihahi o na mea a'u i manao ai he maikai loa: i kakau uuku wale no au, no ka moolelo o kciao poe kanaka i kapaia o ka poe kanaka o Nepai. No ka mea, i mai la oia e kahakahaiia ka moolelo o kona poe kanaka maluna o kona mau papa e ae, a na'u e malama i keia mau papa, a e haawi aku i ka'u poe hua, mai ia hanauna aku ia hanauna aku. A ina he olelo i haiia a i laa, a he hoikeana, a he wanana paha i nani, na'u e kahakaha iho i na mea nui o ia mau mea maluna o keia mau papa, a e palapala nui no ia mau mea e like me ka mea e hiki ai, no Kristo, a no ka pomaikai o ko makou poe kanaka: no ka mea, no ka manaoio a makemake nui, ua hoike io mai ia makou no ko makou poe kanaka, i na mea e hiki mai ana maluna o lakou. A ia makou hoi na hoikeana he nui, a me ka uhane o ka wanana nui; nolaila, ua ike makou no Kristo a no kona aupuni, e hiki mai ana auanei. Nolaila, ua lawelawe molowa ole makou mawaena o ko makou poe kanaka, i hoe-huli mai ai makou ia lakou e hele niai io Kristo la, a e loaa ka lokomaikai o ke Akua, i komo ai lakou iloko o kona maha, o hoohiki mai paha oia i kona huhu, aole o lakou e komo iloko, e like me ka hoonaukiuki ana ma na la o ka hoaoia 'na, oiai na mamo a Israela i noho ai ma ka waonahele. Nolaila, o ko makou makemake i ke Akua, e hiki ia makou ke hoohuli i na kanaka a pau i kipi ole ai i ke Akua, i hoonaukiuki ole aku ai ia ia e huhu mai, aka, i manaoio ai na kanaka a pau ia Kristo, a e nana i kona

inake, a e hapai i kona kea, a e hoomanawanui i ka hoohilahilaia mai e ko ke ao nei; nolaila, ke lawe nei au, o Iakoba, maluna o'v e hooko i ke kauoha a ko'u kaikuaana, a Nepai.

2. Ano, ua elemakule o Nepai, a ua ike oia aole liuliu a e make ana oia; no ia mea, poni iho la ia i kekahī kanaka i Alii a i luna hoi maluna o kona poe kanaka ano, e like me ka noho ali'i ana o na 'ili. Ua aloha nui loa ia o Nepai e na kanaka, he mea hoomalu nui ia ia lakou, ua kaua aku oia me ka pahikaua a Labana i maluhia'i lakou, a ua hana oia i kona mau la a pau no ko lakou pomaikai; no ia mea, ua makemake 'na kanaka e hoomanao i kona inoa. A: o ka mea e noho ali'i ana ma kona hakahaha, ua kapaia e na kanaka, o Nepai alua, o Nepai ekolu, a pelaaku e like me ka noho ali'i ana o na 'ili; a pela lakou i kapaia'i e na kanaka, ina paha o ko kela inoa ko keia inoa.

3. Eia kekahī, make aku la o Nepai. Ano o na kanaka aole no ko Lamana poe, o ko Nepai poe lakou; aka hoi, ua kapaia 'ko Nepai, ko Iakoba, ko Iosepa, ko Zorama, ko Lamana, ko Lemuela, a me ko Isemaela. Aka aole au, o Iakoba, e kapaaku ia lakou ma neia hope aku ma keia mau inoa, aka, e kapaaku au i ka poe i imi e anai mai i ka poe kanaka o Nepai, o ko Lamana poe; a o ka poe i olonolu ia Nepai, e kapa no au o ko Nepai poe, a i ole ia, o ka poe kanaka o Nepai, e like me na au o na 'ili.

4. Ano, eia kekahī, hoomaka iho la ka poe kanaka o Nepai i ka noho ali'i ana o ke Alii alua, e hoopaaiki i ko lakou mau naau, a e hookuu ia lakou iho ma kekahī mau hana ino, e like me Davida i ka wa kahiko, a me Solomona hoi, kana keiki, e makemake ana i na wahine a me na haia-wahine he nui; he oiaio, a hoomaka iho la lakou e imi i ke gula a me ke kala he nui, a hoomaka iho la e hookiekiea iluna me ka haaheo kekahī; nolaila, haawiaku la wau, o Iakoba, i keia mau olelo ia lakou i ko'u ao ana ia lakou iloko o ka luakini, ua loaa e ia'u mamua ka'u olelo mai ka Haku mai. No ka mea, ua hoolaaia mai la wau, o Iakoba, a me ko'u kaikaina o Iosepa, e ka lima o Nepai, i mau kahuna, a i mau kumu ao i keia lahuikanaka. A: ua hoonani mau maua i ko maua oihana i ka Haku, e lawe ana i na hala a na kanaka maluna o ko maua mau poo iho, ina aole maua i ao aku ia lakou i ka olelo a ke Akua me ka molowa ole: no ia mea, ma ka hana ana me ko maua ikaika a pau, i hiki ole mai ko lakou koko maluna o ko maua aahu; i ole pela, e hiki io mai no ko lakou koko maluna o ko maua aahu, a, aole o maua e loaa me ke kina ole ma ka la mahope.

MOKUNA II.

1. O na olelo a Iakoba, ke kaikaina o Nepai, i olelo ai i ka poe kanaka o Nepai, mahope iho o ka make ana o Nepai:—Ano, e o'u poe hoohanau alohaia, owau, o Iakoba, e like me ka mea i hooillia mai ai maluna

ihō o'u e ke Akua, e hoonani mauaku i ka'u oihana me ke kuoo, a i hiki no hoi ia'u ke hoomaemae i ko'u aahu i ko oukou mau hewa, ua pii mai au iloko o ka luakini i keia la, i hiki ia'u ke haiaku i ka olelo a ke Akua ia oukou; a ua ike oukou, a hiki i keia manawa ua molowa ole au ma ka hana o ka'u oihana; aka, o keia la ua hookaumahaia au ilalo me ka make-make a manao nui loa no ka hoolia 'na o ko oukou poe uhane, i oi aku mamua o ko'u i loaa'i mamuaaku nei. No ka mea, aia hoi, a hiki i keia manawa, ua hoolohe oukou i ka olelo a ka Haku, a'u i haawiaku ai ja oukou. Aka hoi, e hoolohe mai oukou ia'u, a e ike, ua hiki ia'u ma o ko kokua ana la o ka Mea Mana Loa, nana i hana i ka lani a me ka honua, e haiaku ia oukou no ko oukou mau manao, a no ka hoomaka ana o oukou e hana iloko o ka hewa, a o ua hewa nei i ko'u nana'ku, he mea hoopailua loa ia ia'u, he oiaio, a he mea hoopeilua hoi i ke Akua. He oiaio, ke hoeha mai nei ia mea i ko'u uhane, a he mea ia e ku emi ai au me ka hilahila imua o ke alo o ko'u Mea nana i hana, i hoikeaku au ia oukou no ka hewa o ko oukou mau naau; eia hoi, he mea e hochamai ana ia'u na'u e oleloaku me ka hilahila ole i ka olelo, no oukou, imua o ka oukou poe wahine a me ka oukou mau keiki, o ka nui o ko lakou mau manao ua palupalu loa, a maemae, a lahilahi imua o ke Akua, a ua oluolu ia mea i ke Akua: a ke manao nei au ua pii mai lakou maanei e hoolohe mai i ka olelo olioli a ke Akua, he oiaio, o ka olelo e hoola ana i ka uhane i hochai'a.

2. Nolaila, ke hookaumaha nei ia mea i ko'u uhane, i koiia mai ai au no ke kauoha ikaika a'u i loaa'i mai ke Akua mai, e paipai ia oukou, e like me ko oukou mau hewa, e hoonui i na wahi eha o ka poe i hochai'a i keia manawa, aole hoi e hooluolu a e hoolaaku i ko lakou mau eha; a o ka poe i hoeha ole ia hoi, ma kahi o ka ahaaina ana ma ka olelo olioli a ke Akua, e loaa na pahi oi ia lakou e hou i ko lakou mau uhane, a e hoeha i ko lakou mau naau lahilahi. Aka, me ka nui nae o ka mea kaumaha, e hana no au e pono ai e like me na kauoha ikaika a ke Akua, a e haiaku ia oukou no ko oukou mau hewa a mau mea ino, imua o ke alo o ka poe maemae ma ka naau, a me ka naau pepe, a malalo iho hoi o ka nana ana mai o ka maka oi o ke Akua Mana Loa.

3. Nolaila, he mea e pono ai na'u e haiaku i ka oiaio, e like me ke akaka o ka olelo a ke Akua. No ka mea, ia'u i ninauaku ai i ka Haku, peneia hiki mai la ka olelo ia'u, i ka i ana, E Iakoba, e hele ae oe iluna iloko o ka luakini i ka la apopo, a e haiaku i ka olelo, a'u e haawiaku ai ia oe, i keia poe kanaka.

4. Ano, aia hoi, e o'u poe hoahanau, eia ka olelo a'u e haiaku nei ia oukou, ua hoomaka iho la he nui loa o oukou e imi i ke gula, a i ke kala, a me keia ano keia ano o na mea maikai i elia; a nui loa ia mau mea ma keia aina, a he aina pomaikai ia ia oukou, a i ka oukou poe hua. A ua lokomaikai mai ka lima o ka Haku ia oukou a oluolu loa, i loaa ia oukou ka waiwai a nui loa; a no ka mea, ua loaa ikekahi poe o oukou ka waiwai a nui loaaku mamua o ko oukou mau hoahanau, ua hookiekieia ou-

kou iluna ma ka haahao o ko oukou mau naau, a hele me na ai oolea, a me na poo kiekie, no ka nui o ke kumu kuai o ko oukou kapa, a hoomaau ae i ko oukou poe hoahanau, no ko oukou manao wale ua oi aku ko oukou maikai i ko lakou.

5. Ano, e ko'u poe hoahanau, ke manao nei anei oukou e hoapono ana ke Akua ia oukou ma keia mea? Ke i aku nei au ia oukou, Aole. Aka ke hoohewa nei oia ia oukou, a ina e hoomau aku oukou ma keia mau mea, e hele hikiwawe mai no kona hoopai ana maluna o oukou. E! ina e hoike mai oia ia oukou ua hiki ia ia ke hou mai ia oukou, a ua hiki ia ia ke ha-hau koke ia oukou i ka lepo, me ka nana ana mai o kona maka. E! ina e hoohemae oia ia oukou i keia hewa a mea hoopailua. A ina e hoolohe mai oukou i ka olelo a kana mau kanoha, a c ae ole aku i keia haahao o ko oukou mau naau e luku i ko oukou mau uhane. E hoomanao i ko oukou mau hoahanau, e like me oukou iho, a e launa me na mea a pau, a e okomaikai hoi me ko oukou waiwai, i waiwai lakou e like me oukou. Aka inamua o ko oukou imi ana i ka waiwai, e imi aku no oukou no ke aupuni o ke Akua. A mahope iho o ko oukou loaa ana ka manaolana iloko o Kristo, e loaa no ia oukou ka waiwai, ke imi oukou ia mea; alaila e imi oukou ia mau mea, no ka manao e hana i ka maikai; e hoaahu i na mea kapa ole, a e hanai i na mea pololi, a e hookuu i ka mea i pio, a e hoololu i na mea mai, a me na mea pilikia.

6. Ano, e o'u poc hoahanau, ua olelo aku la au ia oukou no ka haahao; a o ka poe o oukou i hoopilikiae i ko oukou hoalauna, a i hoomaau ae ia ia, no ka haahao o oukou ma ko oukou mau naau, no na mea a ke Akua i haawi mai ai ia oukou, heaha la ka oukou no ia mea? Aole anei oukou i manao ua hoopailuaia na mea e like me neia e ia, e ka Mea nana i hana mai i ka io a pau? A ua like ka maikai o kekahī mea i kekahī imua o kona maka. A no ka lepo mai na io a pau; a no ka hopena hoo-kahī oia i hana mai ai ia lakou, i malama lakou i kana mau kauoha, a e hoohani aku ia ia no ka wa pau ole. Ano, ke hoopau aku nei au i ka'u olelo ana ia oukou no keia haahao. A ina aole he pono na'u e olelo aku ia oukou no ka hewai i oia ka ino i kela, ina ua olioli nui loa kuu naau, no oukou. Aka ke hookaumaha mai nei ka olelo a ke Akua ia'u no ko oukou naat hewa i oia. No ka mea, aia hoi, penei wahl a ka Haku, Ke hoomaka nei keia poe kanaka e mahuahua ma ka hana ino: aole o lakou i hoomaopopo i na palapala hemolele: no ka mea, ke imi nei lakou e hoapono ia lakou iho ma ka moe kolohe, no na mea i palapalaia no Davida, a me Solomona kana keiki. Aia hoi, he oiaio no he nui loa na wahine a me na haiawaline ka Davida a me ka Solomona, a he mea hoopailua ia imua o'u, wahi a ka Haku; nolaila, penei wahi a ka Haku, Ua alakai mai la au i keia poe kanaka noloko mai o ka aina o Ierusalem, ma ka mana o ko'u lima, i hiki ai au ke hoala mai no'u i kekahī lala pono mai ka hua a ka puhaka o Iosepa. Nolaila, aole Owau, ka Haku ke Akua, e kuu aku i keia poe kanaka e hana e like me lakou o ka wa kahiko. Nolaila, e ko'u

poe hoahanau, e hoolohe mai ia'u, a e hoolohe i ka olelo a ka Haku; no ka mea, hookahi wahine wale no ka ke kanaka e loaa'i mawaena o oukou; a o na haiawahine aole nana kekahī: No ka mea, e oluolu ana owau, ka Haku ke Akua, ma ka maemae o na wahine. A o na moe kolohe he mea hoopailua ia imua o'u: pela wahi a ka Haku o na Lehulehu. Nolaila, e malama mai keia poe kanaka i ka'u mau kanoha, wahi a ka Haku o na Lehulehu, i ole, e hoomainoinoia ka aina no lakou. No ka mea, ina wau e makemake, wahi a ka Haku o na Lehulehu, e hoala i hua na'u, e kauoha aku no au i ko'u poc kanaka: a i ole pela, e hoolohe mai no lakou i keia mau mea. No ka mea, aia hoi, ua ike au, o ka Haku, i ke kainaha, a lohe hoi i ka uwe ana o na kaikamahine a ko'u poe kanaka ma ka aina o Ierusalem; he oiaio, a ma na aina a pau o ko'u poe kanaka, no ka hewa a me ka hana hoopailua a ka lakou poe kane. A aole au e ac aku, wahi a ka Haku o na Lehulehu, e pae mai io'u nei ka uwe ana o na kaikamahine maikai a keia poe kanaka, a'u i alakai mai ai mailoko mai o ka aina o Ierusalem, me ke ku e i na kane o ko'u poe kanaka, wahi a ka Haku o na Lehulehu; no ka mea, aole loa lakou e alakai pio i na kaikamahine a ko'u poe kanaka, no ka palupalu o ua poe kaikamahine nei, ka hahau ole au ia lakou me kekahī mainoino eha, a hiki wale i ka anaiia ana 'ku, no ka mea, aole loa no o lakou e moe kolohe, e like me ka poe o ka wa kahiko, wahi a ka Haku o na Lehulehu.

7. Ano, aia hoi, e ko'u poe hoahanau, ua ike oukou na haawia mai keia mau kauoha i ko kakou makuakane ia Lehi; nolaila, ua ike e oukou i keia mau mea mamua; a ua komo oukou malalo iho o ka hoohewa nui ia; no ka mea, ua hana oukou i keia mau mea, i pono ole ia oukou ke hana. Aia hoi, ua hana oukou i na mea oi aku mamua o ka ko Lamana poe, ko kakou poe hoahanau. A ua hooopepe oukou i na naau o ka oukou mau wahine palupalu, a ua lilo aku ka paulele o ka oukou mau keiki, no ka oukou hana pono ole imua o lakou; a ke pii aku la ka hauhau uwe o ko lakou mau naau i ke Akua la e ku e ia oukou. A no ka ikaika o ka olelo a ke Akua, i iho mai ai e ku e ia oukou, ua make na naau he nui, i houia me na eha hohonu.

8. Aka hoi, ke makemake nei au, o Iakoba, e olelo aku ia oukou, i ka poe i maemae ma ka naau. E nana i ke Akua me ka naueue ole o ka naau, a e pule aku ia ia me ka manaoio ikaika, a e hooluola mai oia ia oukou ma ko oukou mau pilikia, a e kokua oia i ko oukou aoao, a e hooooma mai ilalo i ka hoopai maluna iho o ka poe e imi ana i ko oukon make.

9. E ka poe a pau i maemae ma ka naau, e hookiekie ae i ko oukou mau poo, a e loaa ka olelo olioli a ke Akua, a e ahaaina ma kona alohā; no ka mea, ua hiki ia oukou no ka wa pau ole, ke naueue ole ko oukou mau naau. Aka, auwe, auwe oukou ka poe i maemae ole ma ka naau; ka poe i pelapela i keia la imua o ke Akua; no ka mea, ke mihi ole oukou, ua hoomainoinoia ka aina no oukou: a na ko Lamana poe, ka poe i pelapela ole i like me oukou nei, (aka ua hoomainoinoia nae lakou me ka

poino nui,) e hahau no auanei ia oukou a hiki i ka anai loa ia 'na. A ke hele wawe mai nei ka manawa, ina aole oukou e mihi, e loaa no lakou ko oukou aina hooilina, a e alakai aku no ka Haku ke Akua i ka poe pono iwaho, mai o oukou aku. Aia hoi, o ko Lamana poe, o ko oukou poe hoahanau, a oukou i inaina'i, no ko lakou pelapela a me ka poino i hiki ae maluna o ko lakou ili, na pono loa mamua o oukou; no ka mea, aole lakou i hoopoina i ke kauoha a ka Haku, i haawia mai ai i ko kakou man makua, I hookahi wale no a lakou wahine; a i haiawahine ole lakou; a e hana ole ia'i na moe kolohe mawaena o lakou. Ano, o keia kauoha ke hoolohe la lakou a malama; nolaila, no keia hoolohe ana ma ka malama ana i keia kauoha, aole o ka Haku ke Akua e anai aku ia lakou, aka e lokomaikai aku ia lakou; a ma kekahia la e lilo lakou i poe kanaka i hoomaikaiia mai. Aia hoi, ke aloha la ko lakou poe kane i ka lakou mau wahine, a ke aloha la ko lakou poe wahine i ka lakou mau kane; a ke aloha la ko lakou poe kane a me ko lakou poe wahine i ka lakou mau keiki; a o ko lakou hoomaloka a me ko lakou inaina ia oukou, no ka hewa ia o ko lakou mau makua; nolaila, heaha la ko oukou maikai mamua o ko lakou, ma ka nana mai o ka Mea Nui nana oukou i hana.

10. E o'u poe hoahanau, ke makau nei au, ina aole oukou e mihi i ko oukou mau hewa, e keokeo loa auanei ko lakou mau ili mamua o ko oukou, i ka wa o oukou e lawe pu ia mai ai me lakou imua o ka noho ali'i o ke Akua. Nolaila, he kauoha ka'u e haawi aku nei ia oukou, o ka olelo a ke Akua no ia, i kuamuamu hou ole ai oukou ia lakou no ka haulaula o ko lakou mau ili; aole hoi oukou e kuamuamu aku ia lakou no ko lakou pelapela; aka e hoomanao oukou i ko oukou pelapela iho, a e hoomanao hoi ua hiki mai ko lakou pelapela no ko lakou mau makua. Nolaila la, e hoomanao iho i ka oukou mau keiki, i ko oukou hoeha ana i ko lakou mau naau no ka hana a oukou i hana'i imua o lakou; eia hoi, e hoomanao iho, e lawe mai paha oukou, i ka oukou mau keiki i ka make, no ko oukou pelapela, a e hoahuia ka lakou mau hala maluna iho o ko oukou mau poo ma ka la hope.

11. E ko'u poe hoahanau, e hoolohe mai i ka'u olelo; e hoala i ka ikaika o ko oukou mau uhane; e lulu ai oukou ia oukou iho, i ala oukou mai ka hiamoe o ka make; a e hookuu oukou ia oukou iho mai na eha o Gehena, i lilo ole ai oukou i poe anela no ka diabolo, e hooleia'ku iloko o kela loko ahi a me ke kukae pele, oia no ka make lua. Ano, ua olelo aku au, o Iakoba, i na mea e ae he nui i ka poe kanaka o Nepai, e ao ana ia lakou no ka moe kolohe, a me ka makaleho, a i kela ano keia ano o ka hewa, e hai ana ia lakou i ka hopena weliweli o ia mau mea: a ua hiki ole ke kakauia maluna iho o keia mau papa ka hapa haneri o ka hana a keia poe kanaka, ua malhuahua a lehulchukou; aka, ua kakauia he nui loa o ka lakou hana ana maluna iho o na papa nui ae, a me ko lakou mau kaua, a me ko lakou mau paio, a me ka noho ali'i ana o na 'lii. Ua kapai'a keia mau papa, o na papa o Iakoba; a ua hanai'a lakou e ka lima o Nepai. A ke hoopcaa nei au i ka'u olelo ana i keia mau olelo.

MOKUNA III.

1. Ano, eia hoi kekahī, ua lawelawe nui aku au, o Iakoba, i ko'u poe kanaka, ma ka olelo, (a he nuku wale no i hiki ia'u ke kakau iho o ka'u mau olelo, no ka paakiki o ke kahakaha ana i ka makou olelo ma na papa,) a ua ike makou e mau ana na mea a makou i kakau iho ai ma na papa; aka o na mea a makou i kakau iho ai maluna o kekahī mea e, ke ole na papa, e make a e mae wale ia; aka ua hiki ia makou ke kakau iho he mau olelo kakaikahi maluna o na papa, a na ua mau mea nei e haawi aku i ka ike uuku i ka makou poe hua, a i ko makou poe hoahanau i alohaia hoi, no makou, a no ko lakou poe kupuna. Ano, ma keia mea ke hauoli nei makou; a ke hana ikaika nei makou e kahakaha i keia mau olelo maluna iho o na papa, me ka manaolana e loaa ia mau mea i ko makou poe hoahanau aloha, a me ka makou poe hua, me na naau aloha, a e nana ia mau mea, i ike lakou me ka hauoli, aole me ke kaumaha, aole no hoi me ka hoowahawaha no na kupuna mua o lakou; no ka mea, no keia manao ua palapala makou i keia mau mea, i ike lakou na ike makou ia Kristo, a he manaolana ko makou no kona nani, he mau haneri makahiki mamua o kona hiki ana mai, a, aole no makou wale no ka manaolana no kona nani, aka o na kaula hemolele no hoi a pau i noho ai mamua o makou.

2. Aia hoi, ua manaoio lakou ia Kristo, a hoomana aku la i ka Makua ma kona inoa; a ke hoomanaaku nei hoi makou i ka Makua iloko o kona inoa. A no keia mea, ke malama nei makou i ke kanawai o Mose, e kuhikuhi ana ia mea i ko makou mau uhane ia ia; a no keia mea, ua hoolaaia ia mea i pono no makou, me ia i hooliloia'e ia Aberahama ma ka wanonahele, e hoolohe aku i na kauoha a ke Akua, i ke kaumaha ana 'ku i kana keiki ia Isaaka, he mea like no ia me ke Akua a me kana Keiki hanau kahi. Nolaila, ke imi nei makou i ka na kaula; a he nui ko makou mau hoikeana, a me ka uhane o ka wanana; a ia makou keia mau hoike a pau, ua loaa he manaolana ia makou, a ua lilo ko makou manaoi i naue-ue ole, a hiki io ia makou ke kauoha aku ma ka inoa o Iesu, a e hoolohe mai no na laau ia makou, a o na mauna, a o na ale o ke kai; aka e hoike mai ana nae ka Haku ke Akua i ko makou nawaliwali ia makou, i ike ai makou ma o kona lokomaikai la, a me kona aloha nui i na keiki a kanaka, i loaa ia makou ka mana e hana i keia mau mea.

3. Aia hoi, he nani a manomano na hana a ka Haku. E! hiki ole ke huliia ka hohonu o na mea poinihihī ona; a he mea hiki ole i ke kanaka ke ike i kona mau aoao a pau. A, aole kekahī kanaka i ike aku i kona mau aoao, ke hoike ole ia mai ia mea ia ia; nolaila, e na hoahanau, mai hoowahawaha i na hoike ana a ke Akua. No ka mea, ma ka mana o kana olelo, hiki mai la ke kanaka ma ka ili o ka honua nei: a o ua honua nei ua hanaia ia e ka mana o kana olelo. No ia mea, ina o ke Akua, i hiki ke olelo aku, a ua hanaia ka honua: a e olelo aku hoi, a ua hanaia ke kanaka, ea, ina pela, no ke aha la i hiki ole ai ke kauoha mai i ka honua, a i

ka hana paha a kona mau lima maluna iho o ka ili o ua honua nei, e like me ka oluolu a makemake ona. Noiaila, e na hoahanau, mai imi e aoaku i ka Haku, aka e loaa mai ka olelo ao mai kona lima mai. No ka mea, na ike oukou no oukou iho, e ao ana oia ma ke akamai, a ma ka pololei, a ma ka lokomaikai nui, maluna o kana mau mea i hana'i a pau; nolaila, e o'u poe hoahanau alohaia, e hoolauleia oukou ia ia, ma o ke kalahala la o Kristo, o kana Keiki hanau-kalii, a e loaa ia oukou ke alahouana e like me ka mana o ke alahonana aia no iloko o Kristo, a e haawiai aka me he poe hua mua la o Kristo, i ke Akua, i loaa'i ka manaoio, a me ka manaoiana maikai o ka nani iloko ona, mamua o kona hoike ana ia ia iho ma ke kino.

4. Ano, e na pokii, mai kahaha i ka'u hai aku ana ia oukou i keia mau mea; no ka mea, no ke aha la e olelo ole aku ai no ke kalahala ana o Kristo, a e loaa'i hoi ka ike lea ia ia, e like me ka loaa ana o ka ike no ke alahouana a me ke ao e hiki mai ana? Aia hoi, e ko'u poe hoahanau, o ka mea e wanana ana, e wanana aka oia i ka naau o kanaka; no ka mea, e olelo ana ka uhane i ka oiaio, a e wahahhee ole ana. Nolaila, e olelo ana ia no na mea e like io me ke lakou ano i keia wa, a no na mea e like io me ka lakou ano mahope; nolaila, ua hoikeia mai keia mau mea ia kakou me ke akaka, no ka hoolaia 'na o ko kakou poe uhane. Aka hoi, aole o makou wale no na hoike ma keia mau mea; no ka mea, ua olelo no hoi ke Akua i keia mau mea i na kaula o ka wa kahiko.

5. Aka hoi, he poe kanaka ai ooolea ka poe Iudaio; a ua hoowahawaha lakou i na olelo moakaka, a pepehi ae la i ka poe kaula, a imi ae la no na mea i hiki ole ai ia lakou ke hoomaopopo. Nolaila, nō ko lakou makapo, (a ua hiki mai ua makapo nei ma ka nana ana 'ku ma oaku o ka mea ku pono,) e pono lakou ke haule: no ka mea, ua lawe aku la ke Akua i kona moakaka mai o lakou aka, a haawi ae la ia lakou i na mea he nui i hiki ole ai ia lakou ke hoomaopopo, no ko lakou makemake ana ia mea. A no ko lakou makemake ana ia mea, ua hana ae la ke Akua ia mea, i hina lakou.

6. Ane, ua alakaiia mai la au, o Iakoba, e ka uhane i ka wanana ana: no ka mea, ke ike nei au ma ka hana ana o ka uhane iloko o'u, ma o ka hina ana la o ka poe Iudaio e hoolei aka ailakou i ka pohaku, kahi o lakou i hiki ai ke kukulu, a loaa ke kahua paa. Aka hoi, e like me ka na palapala hemolele, e lilo auanei keia pohaku i nui, a i ke kahua paa a hope hoi, oia hookahi wale no, kahi o ka poe Iudaio e hiki ai ke kukulu maluna. Ano, e o'u poe pokii, pehea la e hiki ai i keia poe, mahope aka o ko lakou hoole ana i ke kahua paa, ke kukulu maluna ona, i lilo ai ia i pohaku kumu kihi no lakon? Ano, e o'u poe hoahanau aloha, e weheweha aka au i keia mea pohihahi ia oukou; ke hoonaueue ole ia mai au, ma o kekahia mea la, mai ko'u kupaa ana ma ka uhane, a e hina no ka manao nui o'u no oukou.

7. Aia hoi, e ko'u poe hoahanau, aole anei oukou i hoomanao i ka

heluhelu ana i na olelo a ke kaula Zenosa, i olelo aku ai i ko ka hale o Israela, i ka i ana, E hoolohe mai oukou, e ko ka hale o Israela, a e hoolohe mai i na olelo a'u, he kaula a ka Haku: no ka mea; aia hoi, penei wahi a ka Haku, E hoohalike au ia oe, e ko ka hale o Israela, e like me kekahih laau oliva kahu, a kekahih kanaka i lawe ai a i hanai iloko o kona pawaina: a ulu ia, a elemakule aku la, a hoomaka ia e popopo aku. Eia kekahih, hele aku la ka Haku o ka pawaina, a ike aku la oia e hoomaka ana kona laau oliva e popopo; a i ae la ia, E paipai aku au ia ia, a e elieli a puni ia, a e kipulu ia ia, anoai e pepeiao mai ia i na lala hou a palupalu, a e make ole ia. Eia kekahih, paipai ae la oia ia laau, a elieli iho la oia a puni ia, a kipulu ia ia e like me kana olelo. Eia kekahih, mahope iho o kekahih mau la, hoomaka ae la ia e pepeiao uuku mai, i na lala hou a palupalu; aka hoi, ua hoomaka ae la ka welau nui ona e make. Eia kekahih, ike aku la ka Haku o ka pawaina ia, a i mai la ia i kana kauwa, He mea e hoeha ana ia'u ka lilo ana'ku o keia laau; nolaila, ea, o hele aku a e uhaki aku i na lala mai kahi laau oliva ulu wale, a e lawe mai io'u nei; a e uhaki aku no kaua i kela mau lala kumu e hoomaka ana e mae wale, a e hoolei aku no kaua ia lakou iloko o ke ahi, i wela'i lakou. Aia hoi, wahi a ka Haku o ka pawaina, e lawe aku au he nui o keia mau lala hou a palupalu, a e pakui aku au i kahi a'u i makemake ai; a he mea ole ia ina paha e make suanei ke kumu o keia laau, na'u e malama aku i na hua ona ia'u iho; nolaila, e lawe aku au i keia mau lala hou a palupalu, a e pakui aku au ia lakou ma kahi a'u i makemake ai. E, e lawe oe i na lala o ka laau oliva ulu wale, a e pakui mai ia lakou, ma ko lakou la wahi; a o keia mau lala a'u i uhaki aku ai, e hoolei aku au iloko o ke ahi, a e wela'i lakou, i hoopilikia ole lakou i ka aina o ko'u pawaina.

8. Eia kekahih, hana iho la ke kauwa a ka Haku o ka pawaina, e like me ka olelo a ka Haku o ka pawaina, a pakuiia mai na lala o ka laau oliva ulu wale. A kauoha mai la ka Haku o ka pawaina e elielia ia a puni, a paipaiia, a e kipuluia, i ka i ana i kana kauwa, He mea e hoeha ana ia'u ka lilo ana'ku o keia laau; nolaila, ua hana ua i keia mea, i hoola paha au i na aa ona i make ole lakou, i hoola au ia lakou no'u iho. Nolaila, ea, o hele aku oe; e malama i ka laau, a e kipulu ia, e like me ka'u olelo. A o keia mau lala e waiho no au ma kahi malalo loa o ko'u pawaina, ma kahi a'u i makemake ai, he mea ole ia ia oe; a ke hana nei au i keia, na'u e malama no'u iho i na lala maoli o ka laau; i hoahu hoi au i na hua ona, no ka wa pono, no'u iho: no ka mea, he mea e hoeha ana ia'u ka lilo ana'ku o keia laau, a me na hua ona.

9. Eia kekahih, hele aku la ka Haku o ka pawaina, a huna ae la i na lala maoli o ka laau oliva kahu, ma na wahi malalo loa o ka pawaina, kekahih ma kau wahi, a o kekahih ma kau wahi e, e like me ka makemake a oluolu ona. Eia kekahih, hala iho la ka manawa loihi, a i mai la ka Haku o ka pawaina i kana kauwa, E hele nai, a e hele kāua ilalo iloko o ka pawaina, i hana kaua ma ka pawaina.

10. Eia kekahī, iho pu iho la ka Haku o ka pawaina, a me kana kauwa hoi, ilalo iloko o ka pawaina e hana. A i aku la ke kauwa i kona Haku, Aia hoi, e nana maanei; e nana i ka laau. Eia kekahī, nana aku la ka Haku o ka pawaina a ike i ka laau, iloko ona i pakui'a'i na lala q̄liva ulu wale; a ua ulu mai la ia, a ua hoomaka e hoohua mai i ka hua. A ua ike oia ua maikai: a o na hua ona ua like ia me na hua maoli. A i mai la ia i ke kauwa, Aia hoi, ua loaa i na lala o ka laau ulu wale ke kohu o ke kumu ona, i hoohua mai ai ke kumu ona me ka ikaika nui; a no ka ikaika loa o ke kumu, ua hoohua mai la na lala ulu wale i na hua maoli: anō, ina ua pakui ole kaua i keia mau lala, ina ua make aku la ke kumu ona. Ano, aia hoi, e hoahu au i na hua he nui, a ka laau i hoohua mai ai; a o na hua ona e hoahu no au, no ka wa pono, no'u iho.

11. Eia kekahī, i mai la ka Haku o ka pawaina i kana kauwa, E hele mai, a e hele kaua i kahi malalo loa o ka pawaina, a e nana, malia paha ua hoolua mai na lala maoli i na hua he nui no hoi, i hoahu ai au i na hua ona, no ka wa pono, no'u iho. Eia kekahī, hele aku la laau i kahī a ka Haku i huna'i i na lala maoli o ka laau, a i mai la ia i ke kauwa, E nana i keia man mea: a ike aku la oia i ka mua, ua hoohua mai i na hua a nui; a ike aku la hoi ia, ua maikai ia. A i mai la ia i ke kauwa, E lawe aku i ka hua ona, a e hoahu ia no ka wa pono, i malama au ia no'u iho; no ka mea, aia hoi, wa i ana, ua hanai au ia mea i keia manawa loihi, a ua hoohua mai ia i na hua a nui.

12. Eia kekahī, i aku la ke kauwa i kona Haku, Pehea la i hiki ai oe ia nei e kanu i keia laau, i keia lala o ka laau? No ka mea, aia hoi, o ka wahi panca loa ia o ka aina a pau o kou pawaina. A i mai la ka Haku o ka pawaina ia ia, Mai ao mai oe ia'u: ua ike au he wahi panoa ia o ka aina; nolaila, i aku la au ia oe, ua hanai au ia mea i keia manawa loihi; a ke ike nei oe ua hoohua mai la ia i na hua a nui.

13. Eia kekahī, i mai la ka Haku o ka pawaina i kana kauwa, E nana mai maanei: aia hoi, ua kanu aku la au i kekahī lala e o ka laau hoi; a ua ike oe ua panoa loa keia wahi o ka aina mamua o ko ka mua. Aka, e nana i ka laau: ua hanai au ia i keia manawa loihi, a ua hoohua mai la ia i ka hua a nui; nolaila, e hoiliili oe ia, a e hoahu ia, no ka wa pono, i malama au ia no'u iho.

14. Eia kekahī, i hou mai la ka Haku o ka pawaina i kana kauwa, E nana mai maanei, a e ike i kekahī lala e hoi, a'u i kanu aku ai: e nana, ua hanai au ia no hoi, a ua hoohua mai i na hua. A i mai la ia i kana kauwa, E nana mai maanei, a e ike i ka mea hope: aia hoi, ua kanu au i keia ma kahī maikai o ka aina; a ua hanai au ia i keia manawa loihi, a ua hoohua mai kekahī hapa o ka laau wale no i na hua maoli; a o kekahī hapa o ka laau na hoohua mai i na hua ulu wale; aia hoi, ua hanai au i keia laau e like me na laau e ae.

15. Eia kekahī, i mai la ka Haku o ka pawaina i kana kauwa, E ahaki aku i na lala i hoohua ole mai i ka hua maikai, a e hoolei aku ia

lakou iloko o ke ahi. Aka hoi, iaku la ke kauwa ia ia, E paipai kana ia ia, a e elielia puni ia, a e hanai ia ia i kekahia manawa pokole, malia paha e hoohua mai ia i ka hua maikai nou, i hiki ia oe ke hoahu no ka wa pono. Eia kekahia, malama iho la ka Haku o ka pawaina, a me ke kauwa u ka Haku o ka pawaina i na hua a pau o ka pawaina.

16. Eia kekahia, ua hala aku la kekahia manawa loihi, a i mai ia ka Haku o ka pawaina i kana kauwa, E hele mai, e iho pu kaua ilalo iloko o ka pawaina, i hana hou aku kaua iloko o ka pawaina. No ka mea, aia hoi, ke hookokoke mai nei ka manawa, a e hele koke mai ana ka hopena; nolaila, he pono no'u e hoahu i na hua no ka wa pono, no'u iho.

17. Eia kekahia, iho pu iho la ka Haku o ka pawaina, me ke kauwa, ilalo iloko o ka pawaina; a hiki laau i ka laau nona na lala maoli i haihaiia'i a i pakuiia na lala ulu wale; a, aia ka, hoopilikia iho la na ano a pau o ka hua i ka laau.

18. Eia kekahia, hoao aku la ka Haku o ka pawaina i na hua, o kela ano keia ano e like me kona helu. A i mai la ka Haku o ka pawaina, Aia hoi, o keia manawa loihi ua malama kaua i keia laau, a ua hoahu au no'u iho no ka wa pono, i na hua a nui. Aka hoi, o keia manawa ua hoohua mai ia i na hua a nui loa, aole kekahia ona i maikai. A, aia no nraano a pau o na hua ino; aole ia he mea e pomaikai ai ia'u, me ka kaua hana nae a pau; ano, he mea e hoeha ana ia'u ka lilo ana o keia laau. A i mai la ka Haku o ka pawaina i ke kauwa, Heaha la ka kaua e hana aka ai i ke laau, i hoola hou ai au i na hua maikai ona no'u iho? A iaku la ke kauwa i kona Haku, Aia hoi, no kon pakui ana i na lala oka laau oliva ulu wale, ua hanai lakou i na aa, i ola lakou, a, aole o lakou i make; nolaila, ke ike nei oe ua maikai no lakou i keia manawa.

19. Eia kekahia, i mai la ka Haku o ka pawaina i kana kauwa, Aole o ka laau mea e hoopomaikai mai ia'u; aole no o na aa mea e hoopomaika mai ia'u, ia ia i hoohua mai ai i na hua ino. Aka hoi, ua ike an ua mai-kai na aa ona; a no ka'u hana iho ua malama ola au ia lakou; a no ko lakou ikaika nui, ua hoohua mai a hiki i keia manawa i na hua maikai mai na lala ulu wale mai. Aka hoi, ua ulu aku la na lala ulu wale, a na lanakila maluna o na aa ona; a no ka lanakila ana o na lala ulu wale maluna o na aa ona, ua hoohua mai ia i na hua ino a nui loa; a no ka hoohua ana mai ona i na hua ino a nui loa, ke ike nei oe e hoomaka ana ia e make; a e lilo koke ia i oo, i hooleiiia'i ia iloko o ke ahi, ke hana ole kaua i kekahia mea e hoola ia ia.

20. Eia kekahia, i mai la ka Haku o ka pawaina i kana kauwa, E iho kaua ilalo i na wahi ilalo loa o ka pawaina, a e ike, malia paha ua hua mai la hoi na lala maoli i na hua ino. Eia kekahia, hele aku la laau ilalo i na wahi ilalo loa o ka pawaina. Eia kekahia, ike aku la laau ua lilo na hua o na lala maoli i ino no hoi; he oiaio, o ka mua, o ka lula, a o ka hope no hoi; a ua lilo lakou a pau i ino. A o na hua ulu wale o ka mea hope, ua lanakila ia maluna o ka hapa o ka laau nana i hua mai ai i na hua maikai, a ua mae ua lala ja a make.

21. Eia kekahī, uwe iho la ka Haku o ka pawaina, a i mai la i ke kauwa, Heaha la ka mea hou i hiki ia'u ke hana no ko'u pawaina? Aia hoi, ua ike e au ua lilo na hua o ko'u pawaina a pau, i ino, o keia mau mea wale no i koe. A, ano, o keia mau lala i hoohua mai la i hookahi manawa i na hua maikai, ua lilo ka hoi i ino. Ano, o na laau a pau o ko'u pawaina aohe o lakou mea e pono ai, eia wale no e kuaia ilalo a e hooleiia'ku iloko o ke ahi. Aia hoi, o keia laau hope, nona ka lala i mae, ua kanu au iloko o kahi maikai o ka aina; he oiaio, ma kahi maikai loa ia'u, mamua o na wahi a pau o ka aina o ko'u pawaina. A ua ike oe ua kua aku au i ka mea i hoopilikia i keia wahī o ka aina, i hiki ia'u ke kann iho i keia laau ma kona hakahaka. A ua ike oe i kekahī hapa ona, i hoohua mai la i na hua maikai; a o kekahī hapa ona, ua hoohua mai la i na hua ulu wale. A no ko'u uhaki ole i na lala ona, a hoolei iloko o ke ahi, aia hoi, ua lanakila lakon maluna o ka lala maikai, a ua mae ia. Ano, aia hoi, me ko'u malama ana a pau a'u i malama'i i ko'u pawaina, ua lilo nae na laau ona i ino, i hoohua ole mai lakou i na hua maikai: a ua lana ko'u mamao e malama ola au i keia mau mea, e hoahu i na hua o lakou, no ka wa pono, no'u iho. Aka hoi, ua lilo ka! lakou i like me ka laan oliva ulu wale; a, aole o lakou mea e pono ai, e kuaia ilalo wale no, a e hooleiia hoi iloko o ke ahi; a he mea e hoeha ana ia'u ka lilo ana o lakou. Aka, heaha la ka mea hou i hiki ia'u ke hana iloko o ko'u pawaina? Ua hoonawaliwali anei au i kuu lima, i hanai ole au ia ia? Aole; ua hanai au ia ia, a ua eliei au a puni ia, a ua paipai au ia ia, a ua kipulu au ia ia; a ua o aku la au i kuu lima aneane pau loa ka la; a ke hookokoke mai nei ka hopena. A he mea e hoeha ana ia'u ko'u kua ana ilalo i na laau a pau o ko'u pawaina, a e hoolei aku ia lakou iloko o ke ahi, i wela'i lakou. Owai la ka i hana ino mai i kuu pawaina?

22. Eia kekahī, iaku la ke kauwa i kona Haku, Aole anei ia no ke kiekie o kou pawaina? Aole anei na lala ona i lanakila maluna o na aa i maikai? A no ka lanakila ana o na lala maluna o na aa ona, aia hoi, ua ulu nui aku lakou mamua o ka ikaika o na aa, e loaa ana ka ikaika no lakou iho. Aia hoi, ke iaku nei au, aole anei keia ke kumu o ka lilo ana o na laau o kou pawaina i ka hoinoia?

23. Eia kekahī, i mai la ka Haku o ka pawaina i ke kauwa, E haele kaua, a e kuaaku ilalo i na laau o ka pawaina, a e hooleiaku ia lakou iloko o ke ahi, i hoopilikia ole ai lakou i ka aina o ko'u pawaina; no ka mea, ua hana au i na mea a pau; heaha la ka mea hou i hiki ia'u ke hana no ko'u pawaina? Aka hoi, iaku la ke kauwa i ka Haku o ka pawaina, E hookoe mai ia ia i kekahī manawa uuku. A i mai la ka Haku, He oiaio, e hookoeaku no au ia ia i kekahī manawa uuku; no ka mea, he mea e hoeha ana ia'u ka lilo ana o na laau o ko'u pawaina. Nolaila, ea, e lalauaku kaua i na lala o keia mau mea a'u i kanu ai ma na wahi ilalo loa o ko'u pawaina, a e pakuiaku kaua ia lakou iloko o ka laau nona mai lakou; a e uhakiaku kaua mai ka laauaku i keia mau lala nona na hua awaawa loa, a e pakuiaku i na lala maoli o ka laau ma

ko lakou hakahaka. A o keia ka'u e hana'i, i make ole ka laau, malia paha e hoola au no'u iho i na aa ona, no ka'u hana iho. Aia hoi, o na aa o na lala maoli o ka laau a'u i kanu aku ai ma kahi a'u i makemake ai, aia no ke ola la; nolaila, i hoola ai no hoi au ia lakou, no ka'u hana iho, e lalau no au i na lala o keia laau, a e pakui au ia lakou iloko o lakou la. He oiaio, e pakui aku au iloko o lakou la i na lala o ko lakou la laau makua, i hoola ai au i na aa hoi no'u iho, i ka wa e ikaika pono lakou, malia paha e hoohua mai lakou i na hua maikai no'u, a e loaa paha ka nani ia'u mahope ma na hua o ko'u pawaina.

24. Eia kekahih, lalau aku la laau no ka laau maoli i lilo i ulu wale, a pakui aku la iloko o na laau maoli, i lilo hoi i ulu wale; a lalau aku la hoi laua no na laau maoli i lilo i ulu wale, a pakui aku la iloko o ko lakou laau makua. A i mai la ka Haku o ka pawaina i ke kauwa, Mai uhaki aku i na lala ulu wale mai na laau aku, o na mea i awaawa loa wale no; a iloko o lakou e pakui aku oe, e like me ka mea a'u i i aku ai. A e hanai hou aku kaua i na laau o ka pawaina, a e paipai aku kaua i na lala ona; a e uhaki aku mai na lala aku i kela mau lala i oo, ku pono e make, a e hoolei aku ia lakou iloko o ke ahi. A o keia ka'u e hana ai, malia paha e loaa i na aa ona ka ikaika, no ko lakou maikai; a no ka hoololi ana o na lala, i lanakila'i ka maikai maluna o ka ino; a no ko'u hoola ana i na lala maoli, a me na aa ona; a ua pakui hou i'ku na lala maoli, iloko o ko lakou laau makua; a ua hoola i na aa o ko lakou laau makua, i hoo-hua hou mai paha na laau o ko'u pawaina i na hua maikai: a i loaa hou ia'u ka olioli ma ka hua o ko'u pawaina; anoai e hanoli nui loa au, i ko'u hoola ana i na aa a me na lala o na hua mua.

25. Nolaila, o hele aku, a e kahea aku i na kauwa, na kakou e hana molowa ole me ko kakou ikaika iloko o ka pawaina, i hoomakaukau ai kakou i ke ala, na'u e hoohua hou mai i na hua maoli, a o ua hua maoli nei he ono ia, a maikai loa mamua o na hua e ae a pau. Nolaila, e hacle kakou, a e hana aku me ko kakou ikaika, i keia manawa hope: no ka mea, ke hookokoke mai nei ka hopena; a o ka manawa hope kcia na'u e paipai aku ai i ko'u pawaina. E pakui aku i na lala; e hoomaka ma ka hope, i lilo lakou i mua, a i lilo ka mua i hope, a e elici ae a puni na laau, o na mea kahiko pu me na mea hou, o ka mua a me ka hope, a o ka hope a me ka mua, i hanajia lakou a pau i hookahi manawa hou no ka manawa hope. Nolaila, e elici ae a puni ia lakou, a e paipai ia lakou, a e kipulu hou ia lakou i hookahi kipulu ana, no ka manawa hope: no ka mea, ke hookokoke mai nei ka hopena. A ina paha e ulu auanei keia mau mea i pakui hope ia, a e hoohua mai i na hua maoli, alaila na oukou e hoomakaukau i ke ala imua o lakou, i ulu lakou; a ia lakou e hoomaka'i e ulu, e waele aku oukou i na lala e hoohua mai ana i na hua awaawa, e like me ka ikaika a me ka nui o na lala maikai; aole na oukou e waele aku i na mea ino ona, ma ka manawa hookahi, o ikaika loa na aa mamua o ka lala i pakuiia, a e make auanei ka lala i pakuiia, a e lilo aku

na lala o ko'u pawaina. No ka mea, he mea e hoeha ana ia'u ka lilo ana o na laau o ko'u pawaina; nolaila, ea, na oukou e waele aku i ka ino, e like me ka ulu ana o ka maikai, i like pu ka ikaika o ke kumu a o ka welau, a hiki mai ka wa i lanakila'i ka maikai maluna o ka ino, a e kuaia ka ino ilalo, a e hooleiia'ku iloko o ke ahi, i hoopilikia ole ai lakou i ka aina o ko'u pawaina; a pela au e kahili aku ai i ka ino mailoko aku o ko'u pawaina. A e pakui hou no au i na lala o ka laau maoli, iloko o ka laau maoli; a o na lala o ka laau maoli, e pakui no au iloko o na lala maoli o ka laau; a pela au e lawe hui pu hou ai ia lakou, i hoohua mai lakou i na hua maoli; a e lilo lakou i hookahi. A e hooleiia'ku ka ino; he oiaio, mailoko aku o ka aina a pau o ko'u pawaina: no ka mea, aia hoi, o keia manawa hookahi wale no ka'u e paipai aku ai i ko'u pawaina.

26. Eia kekahī, hoouna aku la ka Haku o ka pawaina i kana kauwa; a hele aku la ke kauwa a hana iho la e like me ka ka Haku kauoha ia ia, a lawe mai la oia i na kauwa a ae; a he kakaikahi wale no lakou. A i mai la ka Haku o ka pawaina ia lakou, E, o haele aku, a e hana iloko o ka pawaina, me ko oukou ikaika. No ka mea, aia hoi, o ka manawa hope keia na'u e hanai i ko'u pawaina: no ka mea, ua kokoke mai ka hopena, a e hiki wawe mai ana ka wa pono; a e hana oukou me ko oukou ikaika pu me au, e loaa auanei ia oukou ka hauoli ma na hua a'u e hoahu ai auanei no'u iho, no ka wa e hiki koke mai ana.

27. Eia kekahī, hele aku la na kauwa, a hana iho la me ko lakou ikai-ka; a hana pu mai la hoi ka Haku o ka pawaina me lakou: a hoolohe aku la lakou i na kauoha a ka Haku o ka pawaina, ma na mea a pau. A hoomaka iho la na hua maoli e ulu hou ma ka pawaina; a hoomaka na lala maoli e ulu a kawowo nui loa; a na hoomaka ae la e uhakiia'i na lala ulu wale, a e hooleiia'ku no; a ua malama lakou i ke kumu a me ka welau ona, i like pu, e like me ka ikaika ona. A pela lakou i hana'i, me ka ikaika loa, e like me na kauoha a ka Haku o ka pawaina, a hiki i ka wa i hooleiia'ku ka ino mawahō o ka pawaina, a ua hoola ka Haku nona iho, i lilo hou na laau i na hua maoli; a lilo iho la lakou me he kino hookahi la; a na like pu na hua; a na malama iho la ka Haku o ka pawaina nona iho i na hua maoli, i maikai loa ia ia mai kinohi mai.

28. Eia kekahī, i ka wa a ka Haku o ka pawaina i ike ai ua maikai kona hua, a ua ino hou ole kona pawaina, kahea aku la oia i kana poe kauwa, a i mai la ia lakou, Aia hoi, no keia manawa hope ua malama kaua i ko'u pawaina; a ke ike nei oe ua hana aku la au e like me ko'u makemake; a ua hoola iho la au i na hua maoli, i maikai ia, e like me ia ma kinohou; a pomaikai ooe. No ka mea, ua molowa ole oe i ka hana pu ana me au iloko o ko'u pawaina, a ua malama i ka'u mau kauoha, a ua lawe hou mai ia'u i na hua maoli, i ino hou ole ai ko'u pawaina, a o ka ino ua hooleiia'ku ia, aia hoi, e loaa no ia oe ka hauoli nui me au, no na hua o ko'u pawaina. No ka mea, aia hoi, no kekahī wa loihi e hoahu ai au i na hua o ko'u pawaina no'u iho, no ka wa pono, e hiki koke mai ana; a ua hanai

au i ko'u pawaina no ka manawa hope, a paipai ia ia, a eliei ia ia, a kipulu ia ia; nolaila, e hoahu ai au no'u iho i na hua, no kekahi wa loihi, e like me ka mea a'u i olelo ai. A hiki mai ka manawa e komo hou ia na hua ino iloko o ko'u pawaina, alaila na'u e hoilili aku i ka maikai a me ka ino; a e hoola mai au i ka maikai no'u iho; a e hoolei aku ai au i ka ino floko o kona wahi iho. Alaila e hiki mai ana ka wa pono a me ka hopena; a na'u e puhi aku ai ko'u pawaina me ke ahi.

MOKUNA IV.

1. A no, aia hoi, e ko'u poe hoahanau, e like me ka'u i olelo aku ai e wanana ana au, aia hoi, cia no ka'u wanana: E hiki io mai no na mea a ua kaula nei, o Zenosa i olelo mai ai, no ko ka hale o Israela, ma ua olelo nei ua hoohalike mai oia ia lakou i ka laau oliva kahu. A ma ka la ana e hohola hou mai ai i kona lima i ka lua o ka manawa e hoola i kona poe kanaka, oia no ka la, he oiaio, oia no ka manawa hope, i hele aku ai na kauwa a ka Haku iloko o kona mana, e hanai a e paipai i kona pawaina; a mahope iho o ia mea e hiki koke mai ana ka hopena. E! nani ka pomaikai o lakou ka poe i hana molowa ole iloko o kona pawaina: E, nani hoi ka poino o lakou ka poc e hooleia'ku mawaho, iloko o ko lakou wahi iho! A e puhiia auanci ka honua me ke ahi. E! nani ke lokomai-kai o ke Akua ia kakou: no ka mea, ke hoomanao mai la oia i ko ka hale o Israela, o na aa a me na lala pu; a ke kikoo mai nei oia i kona mau lima ia lakou, a pau loa ka la: a he lahuikanaka ai ooolea a me ka pakike lakou: aka o ka poe e hoopaakiki ole i ko lakou mau naau, e hooliaia mai auanei lakou iloko o ke aupuni o ke Akua. Nolaila, e o'u poe hoahanau alohaia, ke noi nei au ia oukou me na olelo kuoo, e milhi, a e hele mai me ka manao ikaika o ka naau, a e pili aku i ke Akua me ia e pili nei ia oukou. A oiai kona lima aloha i kikoo mai ai ia oukou ma ka malamalama o ka la, mai hoopaakiki oukou i ko oukou naau. He oiaio, i keia la ke hoolohe oukou i kona leo, mai hoopaakiki i ko oukou naau: no ke aha la oukou e make ai? No ka mea, aia hoi, mahope iho o ko oukou hanaiia ana e ka olelo maikai a ke Akua, a pau loa ae la ka la, e hoohua mai anei oukou i na hua ino, i kauia'i oukou ilalo a e hooleia'ku iloko o ke ahi? Aia hoi, e hoomalau anei oukou i keia mau olelo? E hoomalau anei oukou i na olelo a ka poc kaula? A e hoomalau anei oukou i na olelo a pau i oleloia'i no Kristo, mahope iho o ka olelo ana a keia poc he nui loa nona; a e hoole aku i ka olelo maikai a Kristo a me ka mana o ke Akua, a me ka haawina o ka Uhane Hemolele, a e kinai i ka Uhane Hemolele? A e hoomaewa anei i ke kumu manao nui o ka hoolapanai ana i hooholoia'i no oukou? Aole anei oukou i ike, ina e hana oukou i keia mau mea, na ka mana o ka hoolapanai ana a me ke alahouana

iloko o Kristo e kai mai ia oukou, e ku me ka hilahila a me ka hewa weliweli imua o kahi hookolokolo o ke Akua? A e like me ka mana o ka hoopai pono; (no ka mea, aole e hiki ke hooleia ka hoopai pono,) e hele aku oukou e pono ai iloko o kela loko ahi a me ke kukae pele, o kona lapalapa he pio ole ia, a o kona uahi e pili ana ia, ia aoaku ia aoaku, a o na loko ahi la a me ke kukae pele, o ka ehaeha pan ole ia. Nolaila, e ko'u poe hoahanau, e mihi oukou, a komo iloko ma ka puka pololei, a e hoomau iloko o ke ala i ololi, a hiki i ka wa e loaa'i ia oukou ke ola mau loa. E, e naauao oukou: heaha la ka'u e olelo hou ai? Eia ka hope, ke uwe nei au ia oukou me kuu aloha, a hiki i ka wa e halawai pu ai au me oukou imua o kahi hookolokolo o ke Akua, e hoowalania ana ua wahi hookolokolo nei i ka poe hewa me ka makau weliweli a me ka hopohopo. Amene.

MOKUNA V.

1. Eia kekahī, mahope aku o kekahī mau makahiki i hala aku, hele mai la kekahī kanaka mawaena o ka poe kanaka o Nepai, a o Serema kona inoa. Eia kekahī, hoomaka aku la oia e hai olelo iwaena o na kanaka, a e haiaku ia lakou, aole loa no he Kristo mahope. A ua haiaku la oia i na mea he nui e hoomalimali ana i na kanaka; a ua hana oia i keia e hiki ia ia ke hookahuli ae i ke ao ana a Kristo. A hana ikaika aku la oia e hiki ia ia ke alakai aku i na naau o na kanaka, a ua alakai aku oia i na naau he nui wale; a e ike ana oia he manaoio ko'u, o Iakoba, iloko o Kristo ka mea e hele mai ana, imi mai la ia i ka wa pono e hiki mai io'u nei. A ua aoia oia, i ike lea oia i ka olelo a na kanaka; nolaila, ua hiki ia ia ke hoomalimali nui, a e olelo aku me ka mana o ka olelo, mamuli o ka mana o ka diabolō. A he manaoiana kona e hoonaue mai ia'u mai ka manaoio aku, me na hoikeana he nui nae, a me na mea he nui wale a'u i ike ai no keia mau mea: no ka mea, ua ike io au i na anela, a ua lawelawe mai la lakou ia'u. A ua lohe no au i ka leo o ka Haku e olelo mai ana ia'u me ka olelo io, ia manawa aku ia manawa aku; nolaila, ua hiki ole ia'u ke hoonaueueia mai.

2. Eia kekahī, hele mai la ia ia'u; a eia ke ano o kana olelo ana ia'u, i ka i ana: E Iakoba, e ka hoahanau, ua imi nui au i ka wa pono na'u e olelo aku ia oe: no ka mea, ua lohe au a ike no hoi, e hele nui ana oe a puni, e hai ana i ka mea au i kapa aku ai ka euanelio, oia hoi ke ao ana a Kristo; a ua alakai aku la oe i kekahī poe he nui loa o keia lahuikanaka, i hookapae ai lakou i ka aoao pololei o ke Akua, aole hoi i malama i ke kanawai o Mose, oia no ka aoao pololei: a hoohuli ae i ke kanawai o Mose i ka hoomana i kekahī mea, au i olelo ai e hele mai ana ma kekahī mau haneri makahiki, ma neia hope aku. Ano, aia hoi, ke haiaku nei an, o Serema, ia oe, he olelo hoino keia; no ka mea, aohe kekahī kanaka

i ike no ia mau mea: no ka mea, ua hiki ole ia ia ke hai mai i na mea e hiki mai ana. A mamuli o keia ano paio mai la o Serema ia'u. Aka hoi, ninini mai la ka Haku ke Akua i kona uhane iloko o ko'u naau, a hoohoka aku la au ia ia ma kana mau olelo a pau. A iaku la au ia ia, Ke hoole mai nei anei oe i ke Kristo ka mea e hele mai ana? A i mai la ia, Ina he Kristo kekahi, aole au e hoole aku ia ia; aka ua ike au aole he Kristo, aole mamua aku, aole ma neia hope aku. A iaku la au ia ia, Ke manaoio nei anei oe i na palapala hemolele? A i mai la ia, Ae. A iaku la au ia ia, Ina pela aole oe i hoomaopopo ia mau mea; no ka mea, ke hoike io mai nei ia mau mea no Kristo. Aia hoi, ke iaku nei au ia oe, aole kekahi o na kaula i palapala, aole hoi i wanana, ke olelo ole mai lakou no ua Kristo nei. Aole o keia wale no: ua hoikeia mai ia mea ia'u, no ka mea, ua lohe no au a ike no hoi; a ua hoikeia mai ia'u no hoi e ka mana o ka Uhane Hemolele: nolaila, ua ike au, ke hana ole ia mai ke kalahala ana, e lilo loa aku no na kanaka a pau.

3. Eia kekahi, i mai la ia ia'u, E hoike mai ia'u i hoailona ma keia mana o ka Uhane Hemolele, ma o na la i ike nui ai oe me neia. A iaku la au ia ia, Heaha la owau, i hoao aku ai au i ke Akua e hoike mai i hoailona ia oe, ma ka mea au i ike ai he oiaio? Aka e hoole nae oe ia mea, no ka mea, no ka diabolo oe. Aole nae e hanaia ko'u makemake; aka ina e hahau mai ke Akua ia oe, e lilo ia mea i hoailona nou he mana kona, ma ka lani a ma ka honua; a e hiki mai ana no hoi o Kristo. A o kou makemake, e ka Haku, ke hanaia, aole o ko'u.

4. Eia kekahi, ia'u, o Iakoba, i olelo aku ai i keia mau olelo, haule mai la ka mana o ka Haku maluna ona, a hina iho la oia i ka honua. Eia kekahi, ua hanaiia oia no na la he nui wale. Eia kekahi, iaku la ia i na kanaka, E hoakoakoa mai i ka la apopo, no ka mea, e make ana au; nolaila, ke makemake nei au e olelo aku i na kanaka mamua o kuu make ana.

5. A ia la ae, ua hoakoakoaia mai la na kanaka; a olelo maopopo mai la oia ia lakou, a hoole ae la i na mea ana i aoaku ai ia lakou; a ae mai la oia no Kristo, a me ka mana o ka Uhane Hemolele, a me ka lawelawea ana o na anela. A olelo maopopo mai la oia ia lakou, ua hoopunipunia oia e ka mana o ka diabolo. A olelo ae la ia no Gehena, a no kela aoaku, a no ka hoopai pau ole. A i mai la ia, Ke makau nei au anoai ua hana au i ka hala i kala ole ia, no ka mea, ua wahahheeaku an i ke Akua: no ka mea, ua hooleaku au ia Kristo, me ka iaku ua manaoio au i na palapala hemolele; a ke hoike io mai nei lakou nona. A no kuu wahahhee ana pela i ke Akua, ke makau nui nei au o weliweli ino auanei ko'u noho ana; aka ke hooiaioaku nei au i ke Akua.

6. Eia kekahi, ia ia i olelo aku ai i keia mau olelo, aole i hiki ia ia ke olelo hou: a lele ae la ke aho. A i ka ike ana o ka lehulehu ua olelo mai la oia i keia mau mea i ka wa kokoke lele ke aho, ua pihoihoi nui loa lakou; a haule mai la ka mana o ke Akua maluna o lakou, a maule iho la lakou, i hina iho ai lakou i ka honua. Ano, he mea oluolu keia ia'u,

o Iakoba; no ka mea, ua noi aku au i ko'u Makua ma ka lani no ia mea: no ka mea, ua lohe oia i kuu hea ana, a hooko mai la i ka'u pule.

7. Eia kekahī, ua hoi hou mai ka maluhia a me ke aloha o ke **Akua** mawaena o na kanaka; a huli iho la lakou ma na palapala hemolele, à hoolohe hou ole aku i na olelo a keia kanaka hewa. Eia kekahī, ua nui na mea i hanaia e hoohuli mai ai a e hoihoi hou mai ai i ko Lamana poe, i ka ike i ka oiaio; aka, ua make hewa na hana a pau: no ka mea, e lealea ana lakou ma na kava a ma ka hookahe koko ana: a he inaina pau ole ko lakou ia makou, ko lakou poe hoahanau. A imi mai la lakou ma ka mana o ko lakou mau mea kaua e luku mau mai ia makou; nolaila, i paku aku ai ka poe kanaka o Nepai ia lakou la me ko lakou poe koa, a me ko lakou ikaika a pau, e paulele ana i ke Akua a i ka pōhaku o ko lakou ola; nolaila, ua lilo lakou a hiki i keia wa, i poe lanakila maluna o ko lakou poe enemi.

8. Eia kekahī, ua hiki mai ka wa elemakule o'u, o Iakoba, a ua kakauia ka mooolelo o keia lahuikanaka ma na papa e ae o Nepai, nolaila, ke hoopau nei an i keia mooolelo, e hai ana ua kakau iho au mamuli o ka mea a'u i ike ai, me ka i ana, ua hala aku ka manawa me makou, a ua hala aku hoi ko makou ola, e like me he moe uhane la ia ia makou; he lahuikanaka mehameha a kuoo makou, he poe aea, i hooleiia mai ai mai-toko mai o Ierusalem; hanau mai la ma ka pilikia, iloko o ka waonahele, a inainaia'i e ko makou poe hoahanau, oia no ke kumu o na kaua a me na paio; no ia mea, ua kaniuhu makou i ko makou mau la a pau.

9. A ua ike au, o Iakoba, e iho koke ana au i ko'u lua kupapau; nolaila, iaku la au i ka'u keiki o Enosa, E lawe i keia mau papa. A hai aku la au ia ia i na mea a ko'u kaikuaana, a Nepai i kauoha mai ai ia'u: a ae mai la ia e hoolohe i na kauoha. A ke hoopau nei au i ka'u kakau ana maluna o keia mau papa, a o ua kakau ana nei ua uuku ia: a ke aloha aku nei au i ka mea heluhelu, e lana ana ka manao e heluhelu na mea he nui wale o ko'u poe hoahanau i ka'u mau olelo. Na hoahanau, e aloha auanei.

KA BUKE A ENOSA.

MOKUNA I.

1. Aia hoi, ua ike no au, o Enosa, i ko'u makuakane, he kanaka pono ia: no ka mea, ao mai la oia ia'u ma kana olelo iho, a ma ka hoopono a me ka hoonaauao o ka Haku. A e hoomaikai mau ia ka inoa o ko'u

Akua no ia mea. A e hai tku no au ia oukou no ka hakoko ana o'u imua o ke Akua, mamua o ka loaa ana ia o ke kalaia o ko'u mau hala: aia hoi, hele aku la au e alualu aku i na holoholona hihiu ma ka ululaau: a o na olelo a'u i lohe pinepine ai i kuu makuakane e olelo ana no ke ola mau loa, a me ka hauoli o ka poe hoano, ua komo loa iloko o kuu naau. A pololi ae la ko'u uhane; a kukuli iho la au ilalo imua o ko'u Mea nana i hana, a kahea aku la au ia ma ka noi a me ka pule ikaika, no ko'u uhane iho; a pau loa ae la ka la ko'u hea ana ia ia; he oiaio, a hiki mai la ka po, e hookiekie mau ana au i ko'u leo iluna, i hiki ai ia i na lani. A pae mai la kekahī leo ia'u, i ka i ana, E Enosa, ua kalaia'e la kou mau hala nou, a e pomaikai auanei oe. A, ua ike au, o Enosa, na hiki ole i ke Akua ke wahahce; nolaila, ua kabilia'e la ko'u mau hewa. A iaku la au, E ka Haku, pehea la ia i hanaia'i? A i mai la ia ia'u, No kou manaoio iloko o Kristo, au i lohe ole e ai mamua, aole hoi i ike. A e hala ana na makahiki he nui loa mamua o kona hoike ana ia ia iho ma ke kino; nolaila, o hele aku, ua ola oe i kou manaoio.

2. Ano, eia kekahī, ia'u i lohe ai i keia mau olelo, hoomaka ae la ka makemake iloko o'u no ka pomaikai o ko'u poe hoahanau, o ko Nepai poe; nolaila, ninini aku la au i ko'u uhane a pau i ke Akua no lakou. A oiai au e aumeume ana pela ma ka uhane, aia hoi, hiki hou mai la ka leo o ka Haku iloko o ko'u naau, i ka i ana, E hele no au i kou poe hoahanau, e like me ko lakou ikaika ma ka malama ana i ka'u mau kauoha. Ua haawi aku au i keia aina ia lakou; a he aina hoano ia; a e hoomainoino ole ana au ia, ke ole no ka hana hewa; nolaila, e hele aku au i kou poe hoahanau me a'u i olelo aku ai; a e hoohaule au i ko lakou mau lawchale me ke kaunaha maluna o ko lakou mau poo iho. A mahope iho o ko'u lohe ana i keia mau olelo, hoomaka ae la ka manaoio o'u e nauene ole i ka Haku; a pule aku la au ia me na aumeume lohi no ko'u poe hoahanau, no ko Lamana poe.

3. Eia kekahī, mahope iho o ka'u pule, a hana ana me ka ikaika a pau, i mai la ka Haku ia'u, E ae aku au ia oe e like me kou makemake, no kou manaoio. Ano hoi, eia no ka makemake a'u i makemake aku ai ia ia: Ina paha, e haule aku ko'u poe kanaka, ko Nepai poe, iloko o ka hewa, a ma o kekahī mea la e anaiia'i, a e anai ole ia'i ko Lamana poe, na ka Haku ke Akua e hoola i kekahī mcoolelo o ko'u poe kanaka, o ko Nepai poe; ina paha ma o ka mana la o kona lima hemolele ia mea i hoopukaiaku ai, ma kekahī la aku, i ko Lamana poe, i kaiia mai ai paha lakou i ke ola: no ka mea, ua make hewa ko makou hooikaika ana i keia manawa, e hoihoi hou ai ia lakou i ka manaoio oiaio. A hoohiki ae la lakou ma ko lakou hulu, ina he mea hiki, e hoopau loa lakou i ko makou mau mooolelo i kakauia, a me makou pu kekahī; a, i na mooolelo a pau no hoi o ko makou poe kupuna.

4. Nolaila, e ike ana au ua hiki i ka Haku ke Akua ke malama i ko makou mau mooolelo, ua kahea mau au ia ia; no ka mea, ua i mai la oia

ia'u, O ka mea au e noi mai ai ma ka manaoio, e manaoio ana i ka loaa ana ma ka inoa o Kristo, e loaa no ia ia oe. A he manaoio ko'u, a kahe aaku la au i ke Akua nana e malama i na mooolelo; a hana berita mai la oia ia'u, nana e hoopuka aku ia mau mea i ko Lamana poe, i kona wa ku pono. A ua ike au, o Enosa, e like auanei ia me ka berita ana i hana mai ai; nolaila, na maha kuu uhane. A i mai la ka Haku ia'u, Ua noi mai kou mau makua a me na kupuna hoi ia'u i keia mea; a e hanaia auanei ia mea ia lakou e like me ko lakou manaoio, no ka mea, ua like ko lakou manaoio me ko'u.

5. Eia kekahih, kaahlele aku la au, o Enosa, iwaena o ka poe kanaka o Nepai, e wanana ana no na mea e hiki mai ana, a e hoike ahu ana no na mea a'u i lohe ai a i ike ai hoi. A ke hoike ahu nei au ua imi ikaika ka poe kanaka o Nepai e hoihoi hou mai i ko Lamana poe i ka manaoio oiaio i ke Akua. Aka, make hewa ka makou hana; ua paa ko lakou inaina, a na alakaiia'ku lakou e ko lakou ano ino, i lilo lakou i lahuikanaka hiihiu, a hae, a puni koko; piha me ka hoomana kii, a me ka pelapela; e ai ana i na holoholona hiihiu, e noho ana ma na halelewa, a e auwana ana a puni iloko o ka waonahel, me ke kaei ili pokole a puni i ko lakou puhaka, a ua koleia ko lakou mau poo: a o ko lakou akamai aia no ma ke kakaka, a ma ka pahikaua pokole, a me ke koi lipi. A he nui loa na mea o lakou ua ai i ka io maka wale no; a e imi mau ana lakou e pepehi mai ia makou.

6. Eia kekahih, mahiai ahu la ka poe kanaka o Nepai i ka aina, a loaa mai la kela ano keia ano o na hua liili, a o na hua laau, a me na pua o na mea wawae eha, a me na pua o na holoholona a pau, o kela ano keia ano, a o na kao, a o na kao hiihiu, a me na lio he nui loa. A ua lehulehu na kaula mawaena o makou. A o na kanaka he poe ai ooolea lakou, he paa-kiki ke hoomaopopo. Aole o kekahih mea o ka paipai ikaika wale no, e hai ana a e wanana ana no na kaua, a me na paio, a me na poino, a e olelo mau ana ia lakou no ka make, a me ka mau loa ana o kela ao ahu, a me na hoopai a me ka mana o ke Akua; a o keia mau mea a pau e hoo-eueu ana ia lakou, i noho ai lakou me ka makau i ka Haku. Ke i ahu nei au, aohe kekahih mea ke ole keia mau mea, a me ka olelo ahu me ka mao-popo loa, i hoola ia lakou mai ka iho koke ana i ka make. A mamuli o keia ano a'u e kakau iho nei no lakou. A ike ahu la au i na kaua mawaena o ko Nepai poe a me ko Lamana poe, ma na la o'u.

7. Eia kekahih, hiki mai ka wa elemakule o'u, a ua hala na makahiki hookahi haneri kanahikukumamaiwa mai ka manawa a ko makou kupunakane, a Lehi, i haalele ahu ai ia Ierusalem. A ua ike au e iho koke ana au i ko'u lua kupapau; a ua hooikaikaia au e ka mana o ke Akua i hai olelo ahu ai a i wanana ahu ai au i keia lahuikanaka, a i hai ahu ai i ka olelo e like me ka oiaio iloko o Kristo. A ua hai ahu au ia mea, ma na la a pau o'u, a ua hauoli loa au ma ia mea, mamua o ko ke ao nei. A e hele koke ana au i kahi o'u e maha'i, oia pu no me ko'u Mea Hoolapanai; no ka mea, ua ike au iloko ona e maha'i wau; a ke hauoli nei au i ka la o

ko'u palaho e hookomo ai i ka palaho ole, a e ku imua ona: alaila, e ike au i kona maka me ka olioli, a e i mai oia ia'u, E hele mai io'u nei, e ka mea pomaikai, aia no he wahi i hoomakaukauia'i nou ma na hale o ko'n MAKUA. Amene.

KA BUKE A IAROMA.

MOKUNA I.

1. Ano hoi, ke kakau nei au, o Iaroma, i mau olelo kakaikahi, e like me ke kauoha a ko'u makuakane o Enosa, i malamaia ko makou kuauhan. A he uuku no keia mau papa, a ua kakauia keia mau mea no ka manao e pomaikai ai i ko makou poe hoahanau, i ko Lamana poe, nolaila, he mea e pono ai na'u ke kakau uuku; aka aole au e kakau i na mea o ka'u wana-na ana, aole hoi o ko'u mau hoikeana. No ka mea, heaha la ka mea nui aku i hiki ia'u ke kakau mamua o na mea a ko'u mau kupuna i kakau ai? No ka mea, aole anei lakou i hoike mai i ke kumu manao o ke ola? Ke i aku nei au ia oukou, Ae; a ua lawa keia no'u.

2. Aia hoi, he mea e pono ai ke hanaia na mea he nui iwaena o keia iahuikanaka, no ka paakiki o ko lakou mau naau, a me ke kuli o ko lakou mau pepeiao, a me ka makapo o ko lakou mau naau, a me ke ooolea o ko lakou ai; aka hoi, ua lokomaikai nui mai ke Akua ia lakou, a, aole oia i kahili aku ia lakou a hiki i keia wa, mai ka ili aku o ka aina. A nui wale na mea iwaena o makou i loaa'i na hoikeana he nui: no ka mea, aole lakou a pau he poe ai ooolea. A o ka poe a pau i ai ooolea ole, a i loaa ka manaoio, he kohu ko lakou me ka Uhane Hemolele, ka mea e hoike mai ana i na keiki a kanaka e like me ko lakou manaoio.

3. Ano hoi, ua hala ae la na makaliki elua haneri, a ua mahuahna ikaika ae la ko Nepai poe ma ka aina. Ua malama aku la lakou i ke kanawai o Mose, a me ka la Sabati hoano i ka Haku. Aole lakou i hoo-hiki ino; aole no hoi i kuamuamu. A ua ikaika loa na kanawai o ka aina. A ua luluiia lakou maluna o ka ili he nui o ka aina; a me ko Lamana poe hoi. A ua lehulehu aku lakou mamua o ka poc o ko Nepai; a o ka lakou puni ka pepehi kanaka, a inu hoi i ke koko o na holoholona.

4. Eia kekahī, hele mai la lakou i na manawa he nui e ku e mai ia makou, i ko Nepai poe, ma ke kaua. Aka he poe kanaka ikaika ko makou mau alii a me ko makou mau alilii kaua ma ka manaoio i ka Haku; a ao mai la lakou i na kanaka i na aoao o ka Haku; nolaila, na ku e makou i ko Lamana poe, a kahili aku la ia lakou mailoko aku o ko makou aina, a hoomaka ae la makou e paku aku i ko makou mau kulanakauhale, a me

kela wahi keia wahi o ko makou hooilina. A mahuahua nui loa iho la makou, a hele palahalaha aku la ma ka ili o ka aina, a lilo iho la i poe waiwai loa ma ke gula, a ma ke kala, a ma na mea maikai, a ma ka hana nani o ka laau, i na hale, a i na mea wili, a i ka hao no hoi, a me ke kele-awe ulaula, a me ke keleawe, a me ke kila, e hana i na mea paahana o kela ano keia ano e mahiai i ka aina, a me na mea kaua; he oiaio, i ka pua maka oi, a me ka aa pua, a me ka ihe liillii, a me ka ihe, a me na mea hoomakaukau a pau no ke kaua; a pela i hoomakaukauia'i e kauaaku me ko Lamana poe, aole o lakou lanakila mai ia makou. Aka, ua hooiaioia ka olelo a ka Haku ana i olelo mai ai i ko kakou poe kupuna, i ka i ana, Ina e malama pono oukou i ka'u mau kauoha, e hoopomaikaiia oukou ma ka aina.

5. Eia kekahī, hooweliweli iho la na kaula a ka Haku i ka poe kana-ka o Nepai, e like me ka olelo a ke Akua, Ina aole lakou e malama i kana mau kauoha, aka e haule iloko o ka hewa, e lukui'a'ku lakou mai ka ili aki o ka aina; nolaila, ua hana ikaika na kaula, a me na kahuna, a me na kumu, e hooikaika ana me ke ahonui, i na kanaka e molowa ole; e ao ana i ke kanawai o Mose, a me ke kumu o ka haawia'na o ia mea; e hooohuli ana ia lakou e nana inua i ka Mesia, a e manaoio ia ia e hiki mai ana, me he mea la na hiki mai oia. A mamuli o keia ano ao aku la lakou ia lakou la. Eia kekahī, ma o ka hana ana pela, ua hookoe lakou ia lakou la i luku ole ia'i lakou la maluna o ka ili o ka aina: no ka mea, ua o aku la lakou i ko lakou la mau naau me ka olelo, e hooeueu mau ana ia lakou i ka mihi.

6. Eia kekahī, ua hala aku la elua haneri kanakolukumamawalu makahiki, mamuli o ke ano o na kaua a me na paio, a me na ku e, no ka wa loihi. A, aole au, o Iaroma, e kakau hou aku, no ka mea, ua unku na papa. Aka hoi, e o'u poe hoahanau, ua hiki ia oukou ke hele i na papa e ae o Nepai; no ka mea, aia hoi, maluna o lakou ua kahakahaia ka moolelo o ko makou mau kaua, e like me na palapala ana o na 'lii, oia hoi na palapala a lakou i kauoha aku ai e palapalaia'i. A ke haawi aku nei au i keia mau papa iloko o na lima o ka'u keiki o Omanai, i malamaia lakou e like me na kauoha a ko'u mau kupuna

KA BUKE A OMANAI.

MOKUNA I.

1. AIA hoi, ua kauohaia mai au, o Omanai, e ko'u makuakane o Iaroma, e kakau iho i kekahī mau mea maluna o keia mau papa, i mea e malama'i i ko makou kuauhau; nolaila, ma ko'u mau la, ua makemake au i ike oukou na kaua nui aki au me ka pahikaua, e hoopakele i ko'u poe

kanaka, i ko Nepai poe, i haule ole iloko o na lima o ko lakou poe enemi, i ko Lamana poe. Aka hoi, owau la, he kanaka hewa au, a ua malama ole au i na kanawai a me na kauoha a ka Haku, me ka mea o'u e pono ai.

2. Eia kekahī, na hala aku la na makahiki elua haneri kanahikukumamaono, a ua loaa ia makou na kau malahia he nui loa; a he nni wale na **kau** kaua kaumaha a hookahe koko ana. He oiaio hoi, ua hala aku la elua haneri kanawalu a me na makahiki keu elua, a ua malama an i keia mau papa e like me na kauoha a ko'u mau kupuna; a haawi aku la au ia mau mea i ka'u keiki o Amarona. A ke hooki nei au.

3. Ano, ke kakau iho nei au, o Amarona, i na mea a'u e kakau ai, he kakaikahi nae ia mau mea, iloko o ka buke a ko'u makuakane. Eia hoi kekahī, na hala aku la ekolu haneri makahiki a me iwakalua, a ua lukuia ka poe hewa loa o ko Nepai poe: no ka mea, aole ka Haku e ae aku, mahope iho o kona alakai ana ia lakou mailoko mai o ka aina o Ierusalem, a malama a hoopakele hoi ia lakou i haule ole ai lakou iloko o na lima o ko lakou poe enemi: he oiaio, aole oia e ae aku i hooiaio ole ia'i na olelo, ana i olelo mai ai i ko makou poe kupuna, i ka i ana, Ina aole oukou e malama pono i ka'u mau kauoha, aole e hoopomaikaiia'ku oukou ma ka aina. Nolaila, ua hele mai ka Haku ia lakou me ka hoopai nui; aka hoi, ua hookoe mai oia i ka poe pono, i make ole lakou, aka ua hoopakele mai oia ia lakou mailoko mai o na lima o ko lakou poe enemi. Eia kekahī, ua haawi aku la au i na papa i ko'u kaikaina ia Kemisa.

4. Ano, ke kakau nei au, o Kemisa, i na mea kakaiyahī a'u e kakau ai, iloko o ka buke hookahi me ko'u kaikuana: no ka mea, ua ike au i ka mea hope ana i kakau ai, nana ia i kakau me kona lima iho; a ua kakauia e ia ma ka la ana i haawi mai ai ia mau mea ia'u. A mamuli o keia ano ke malama nei makou i ko makou mau mooolelo, no ka mea, ua like ia me na kauoha a ko makou poe kupuna. A ke hooki nei au.

5. Aia hoi, he keiki no au, o Abinadoma, na Kemisa. Aia hoi, ua ike au i ke kaua a me ka paio he nui mawaena o ko'u poe kanaka, ko Nepai poe, a me ko Lamana poe; a ua kaili aku la au, me ka'u pahikaua iho, i na ola o na mea he nui o ko Lamana poe, i ka hoomalu ana i ko'u poe hoahananu. Aia hoi, ua kahakahaia ka mooolelo o keia poe kanaka maluna o na papa aia no i na 'līi, e like me na hanauna; aole au i ike i kekahī hoikeana i kakau ole ia, aole hoi i kekahī wanana; nolaila, ua lawa na mea i kakauia. Ke hooki nei au.

6. Aia hoi, he keiki no au, o Amalcki, na Abinadoma. Aia hoi, e olelo aku no au i kekahī mau mea ia oukou no Mosia, ka mea i hooliloia'i i Alii maluna o ka aina o Zarahemela: no ka mea, aia hoi, ua aoia oia e ka Haku e mahuka aku mailoko aku o ka aina o Nepai, a o ka poe i hoolohe aku i ka leo o ka Haku, e hele pu lakou me ia, iloko o ka waonahele. Eia kekahī, hana iho la oia me ke kauoha a ka Haku ia ia. A hele aku la lakou mawaho o ka aina iloko o ka waonahele, o ka poe i hoolohe aku i ka leo o ka Haku: a ua alakaiia lakou e na hai olelo a me

na wanana. A ua ao mau ia lakou e ka olelo a ke Akua; a ua^{alakaiia} lakou e ka mana o kona lima, mawaena o ka waonahele, a hiki aku lakou iloko o ka aina i kapaia o ka aina o Zarahemela. A loaa iho la ia lakou kekahi lahuikanaka, i kapaia o ka poe kanaka o Zarahemela. Ano, ua nui ka hauoli ana iwaena o ka poe kanaka o Zarahemela; a o Zarahemela hoi kekahi i hanoli nui loa, no ka mea, ua hoouna mai la ka Haku i ko Mosia poe me na pa^{pū} keleawe, aia iloko o lakou ka mooolelo o ka poe Iudaio.

7. Aia hoi, ike aku la o Mosia ua puka mai la ko Zarahemela poe, mai Ierusalem mai, i ka wa i lawe pio ia'ku ai o Zedekia, ke Alii o Iuda, ma Babulona. A ua hele ae la lakou ma ka waonahele, a ua laweia mai la e ka lima o ka Haku, maluna ...ai o na kai nui, i ka aina kahi i loaa'i lakou ia Mosia; a ua noho iho la lakou ilaila ia manawa aku. A i ka manawa i leaa'i lakou ia Mosia, ua lilo lakou i lehulehu loa. Aka hoi, na loaa ia lakou na kaua a me na paio kaumaha, a ua haule ma ka pahikaua ia manawa aku ia manawa aku: a ua ano e iho la ka lakou olelo; a, aole o lakou i lawe pu mai ai na mooolelo me lakou; a hoole aku la lakou i ke ola ana o ko lakou Mea nana i bana; aole o Mosia, aole hoi o ko Mosia poe, i hiki ke hoomaopopo i ka lakou.

8. Aka eia kekahi, na Mosia i ka'uha aku e aoia lakou ma kana olelo. A, mahope iho o ko lakou aoia'na ma ka olelo a Mosia, haawi mai la o Zarahemela i kuauhau o kona poe kupuna, e like me ka mea paa naau ia ia; a ua kakauia ia mau mea, aole nac ma keia mau papa.

9. Eia kekahi, hui pu iho la ka poe kanaka o Zarahemela, a me ko Mosia; a ua waeia'ku o Mosia i Alii no lakou. Eia kekahi, ma na la o Mosia, ua laweia mai kekahi pohaku nui io na la, me na kaha maluna ona; a hoike mai la oia i ke ano o na kaha, ma ka haawina a me ka mana o ke Akua.

10. A haawi mai la ia mau mea i mooolelo o kekahi mea i kapaia o Korianatuma, a me ka poe pepehia o kona poe kanaka. A ua loaa Korianatuma i ka poe kanaka o Zarahemela; a noho pu iho la oia me lakou, i eiwa mau mahina. A ua olelo mai la ia he mau olelo uuku no kona poe kupuna. A o kona poe kupuna mua na hele mai la lakou mai ka hale pakui mai, i ka manawa a ka Haku i hookahuli ai i ka olelo a na kanaka; a haule mai la ka inaina o ka Haku maluna o lakou, e like me kona hoopai ana, a ua pono ia; a ke waiho mokaki la ko lakou mau iwi ma ka aina akau.

11. Aia hoi, ua hanau mai la au, o Amaleki, ma na la o Mosia; a ua ola au a ike i kona make ana; a o Beniamina, o kana keiki, ka i noho ali'i ma kona hakahaka. Aia hoi, ua ike au ma na la o Beniamina ke Alii, i kekahi kaua kaumaha, a me ka hookahe koko nui ana, mawaena o ko Nepai poe a me ko Lamana poe. Aka hoi, ua loaa ka lanakila i ko Nepai poe maluna o lakou; he oiaio, a hiki no i ke Alii ia Beniamina ke kipaku aku ia lakou iwaho o ka aina o Zarahemela.

12. Eia kekahī, hiki mai la ka wa elemakule o'u; a aole au keiki, a e ike ana au he kanaka pono o ke Alii Beniamina imua o ka Haku, nolaila, e haawi aku no au i keia mau papa ia ia, e kauleo ana i na kanaka a pau e hele mai i ke Akua la, i ka Mea Hemolele o ka Israela, a e manaoio i ka wanana ana, a i na hoikeana, a i ka lawelawe ana o na anela, a i ka haawina o ka olelo ana ma na olelo e, a i ka haawina o ka hoomaopopo ana i ke ano o na olelo, a i na mea a pau i pono: no ka mea, aole kekahī mea i pono, ke hele ole mai ia mea mai ka Haku mai; a o ka mea i hewa, e hele mai ana ia mai ka diabolo mai.

13. Ano, e ko'u poe hoahanau alohaia, ke makemake nei au e hele mai oukou ia Kristo, oia no ka Mea Hemolele o ka Israela, a e loaa'i kona ola, a me ka mana o kona ho'olapanai ana. He oiaio, e hele mai io na la, a e haawi aku i ko oukou uhane a pau me he alana la ia ia, a e hoomau ma ka hookē ai ana a me ka pule ana, a e hoomau a hiki i ka hopena: a ma ke ola o ka Haku, e hooliai oukou.

14. Ano, ke makemake nei au e olelo aku i kekahī mau mea no kekahī poe i pii aku i ka waonahele, e hoi aku i ka aina o Nepai: no ka mea, ua nui no ka poe i makemake e loaa ko lakou aina hooilina; nolaila, pii aku la lakou i ka waonahele. A o ko lakou luna he kanaka ikaika a mana ia, a he kanaka ai ooolea, nolaila, nana i hookomo i ka paio mawaena o lakou: a ua pepehiia lakou a pau, koe wale no he kanalima, ma ka wao-nahele, a hoi hou mai la lakou i ka aina o Zarahemela.

15. Eia kekahī, kai aku la hoi lakou i kekahī poe e ae, a nui loa, a hele hou aku la i ka waonahele. A he hoahanau ko'u, o Amaleki, i hele pu hoi me lakou; aole au i lohe hou ia lakou mahope mai. A kokoke au e moe ilalo ma ko'u lua kupapau; a ua piha keia mau papa. A ke hooki nei au i ka'u olelo ana.

O NA OLELO A MORAMONA.

MOKUNA I.

1. Ano, owau, o Moramona, ua kokoke au e haawi aku i ka mooolelo a'u i hana ai iloko o na lima o ka'u keiki, o Moroni, aia hoi, ua ike au i ka aneane e pau ko'u poe kanaka, o ko Nepai poe i ka lukuia. A he mau haneri makahiki ia mea mahope iho o ka hiki ana mai o Kristo, ka haawi ana o'u i keia mau mooolelo iloko o na lima o ka'u keiki; a ke manao nei au e ike oia i ka luku loa ia'na o ko'u poe kanaka. Aka na ke

Akua e ae mai ia ia e ola mahope aku o ko lakou make ana, i kakau ai oia i kekahī mau mea no lakou, a i kekahī mau mea no Kristo, i pomai-kai ai paha lakou ia mea ma kekahī manawa aku.

2. Ano, ke olelo nei au i kekahī mau mea no ka mea a'u i kakau ai: no ka mea, mahope iho o ka'u hana ana i ka mooolelo i hoopokoleia mai, mai na papa o Nepai mai, a hiki i ke au o keia Alii o Beniamina, a Amaleki i olelo mai ai, imi iho la au iwaena o na mooolelo i haawiiā mai ai iloko o ko'u mau lima, a loaa ia'u keia mau papa, iloko o lakou keia mooolelo uuku o na kaula, mai Iakoba, a hiki i ke au o keia Alii o Beniamina; a me na olelo he nui no hoi a Nepai. A e hooluolu ana na mea maluna iho o keia mau papa ia'u, no na wanana no ka hiki ana mai o Kristo; a e ike ana ko'u poe kupuna ua hookoia he nui loa o ia mau mea; he oiaio, a owau kekahī i ike ua hookoia na mea i wananaia no makou a hiki i keia la; a o na wanana no na mea mahope aku o keia la, e hiki io mai e pono ai; nolaila, ke koho nei au i keia mau mea e hoopaa i ke koena o ko'u mooolelo maluna iho o lakou, a e lawe au i ua koena nei mai na papa o Nepai mai; a aole i hiki ia'u ke kakau i ka hapa haneri o na mea o ko'u poe kanaka.

3. Aka hoi, e lawe au i keia mau papa, aia no iloko o lakou keia mau wanana a me na hoikeana, a e hui pu ia lakou me ke koena o ko'u mooolelo, no ka mea, ua minamiu au; a ke ike nei au e makemake nui ia auanei ia mau mea e ko'u poe hoahanau. A ke hana nei au i keia no kekahī manao naauao; no ka mea, pela ia i hawanawana mai ai ia'u, e iike me ka hana ana o ka uhane o ka Haku iloko o'u. Ano, aole au i ike i na mea a pau; aka ua ike ka Haku i na mea a pau e hiki mai ana; nolaila, ke hoolalcelale nei oia iloko o'u e hana e like me kona makemake. A no k'yū poe hoahanau, ka'u pule i ke Akua, i hiki lakou i hookahi manawa hou i ka ike i ke Akua; he oiaio, i ka hoolapanai ana o Kristo; i lilo lakou i kekahī manawa hou aku i lahuikanaka e olioli ai.

4. Ano, ke hoopaa nei au, o Moramona, i ke koena o ko'u mooolelo, a'u i lawe mai ai mai na papa mai o Nepai; a ke hana nei au ia mea e like me ka naauao a me ka ike a ke Akua i haawi mai ai ia'u. Nolaila, eia kekahī, mahope iho o ka haawi ana o Amaleki i na papa iloko o na lima o ke Alii o Beniamina, lalau aku la oia ia lakou a waiho pu me na papa e ae, i piha'i me na mooolelo i hooiliia mai ai e na 'Ii ia hanaua aku ia hanaua aku, a hiki i na la o ke Alii o Beniamina; a ua hooiliia mai mai ke Alii Beniamina mai, ia hanaua aku ia hanaua aku, a hiki lakou iloko o ko'u mau lima nei. A ke pule nei au, o Moramona, i ke Akua, i malamaia'i ia mau mea, mai keia manawa aku. A ke ike nei au e malamaia no lakou: no ka mea, ua kakauia na mea nui maluna iho o lakou, noloko mai o ia mau mea e hookolokoloia ko'u poe kanaka a me ko lakou poe hoahanau, ma ka la nui mahope, e like me ka olelo a ke Akua i palapalaia.

5. Ano, no keia Alii o Beniamina: He mau paio kekahī ona iwaena o

kona poe kanaka. Eia hoi kekahī, iho mai la ka poe kaua o ko Lamana poe mailoko mai o ka aina o Nepai, e kaua mai i kona poe kanaka. Aka hoi, houluulu ae la ke Alii Beniamina i kona poe kaua, a ku iho la oia me ke ku e aku ia lakou; a kaua aku la oia me ka ikaika o kona lima iho, me ka pahikaua a Labana; a ma ka ikaika o ka Haku paio aku la lakou i ko lakou poe enemi, a, pepehīa aku la he nui na tausani o ko Lamana poe e lakou. Eia kekahī, paio aku la lakou i ko Lamana poe, a hiki i ka wa i kipakuia'ku ai ua poe la mawaho o na aina hooilina a pau o lakou nei.

6. Eia kekahī, a mahope iho o ka hiki ana o na Kristo wahahee, a i papania'i ko lakou mau waha, a i hoopaiia'i lakou e like me ko lakou mau hewa; a mahope iho o ka hiki ana o na kaula wahahee, a me na kahuna hai a me na kumu wahahee, mawaena o na kanaka, a i hoopaiia'i lakou a pau e like me ko lakou mau hewa; a mahope iho o ka hiki ana o na paio he nui a me na mea haalele mai he nui, e hoopili ana i ko Lamana pot, aia hoi, o ke Alii o Beniamina, me ke kokua pu ana o na kaula hemolele e noho ana iwaena o kona poe kanaka: no ka mea, he kanaka hemolele o ke Alii o Beniamina, a noho alii oia maluna o kona poe kanaka ma ka pono. A ua nui na kanaka hemolele ma ka aina; a hai aku la lakou i ka olelo a ke Akua, me ka ikaika a me ka mana; a olelo aku la lakou me ka oi nui no ka ai ooolea o na kanaka; nolaila, me ke kokua ana o keia poe, o ke Alii o Beniamina, ma kaua hana ana me ka ikaika o kona kino a me ka makaukau o kona uhane a pau loa, a me ka na kaula no hoi, na hookupaa hou ia ka maluhia ma ka aina.

KA BUKE A MOSIA.

MOKUNA I.

1. A no, aole paio hou ma ka aina a puni o Zarahemela, mawaena o ko ke Alii Beniamina poe kanaka, no ia mea, ua maluhia mau ke koena a pau o kona mau la. Eia kekahī, aia he mau keikikane kana ekolu; a kapaaku la oia i ko lakou mau inoa, o Mosia, a o Heloruma, a me Hela-mana. A nana i kauoha i aoia lakou ma ka olelo a pau o kona poe kupuna, i lilo lakou ma ia mea i man kanaka ike; i ike lakou no na wanana i oleloia'i e na waha o ko lakou poe kupuna, i haawia mai ai ia lakou e ka lima o ka Haku. A aoaku la hoi oia ia lakou no na mooolelo i kahakahia ma na papa keleawe, i ka i ana, E a'u mau keiki, ke make-make nei au e hoonanao oukou, ina aole no keia mau papa, me keia mau

mooolelo a me keia mau kauoha iloko, alaila, ua noho pilikia kakou iloko o ka naaupo, ma keia manawa, e ike ole ana i na mea pohihili o ke Akua: no ka mea, he mea i hiki ole ai i ko kakou kupuna kane o Lehi ke hoomanao i keia mau mea a pau, e ao mai i kana poe keiki, ina aole no ke kokua ana o keia mau papa: no ka mea, ua aoia oia ma ka olelo a ko Aigupita, nolaila, na hiki ia ia ke heluhelu i na kaha nei, a e ao mai ia mau mea i kana poe keiki, i hiki ia lakou ma ia mea ke ao mai i ka lakou poe keiki, a pela e hooko ana i na kauoha a ke Akua, a hiki loa no i keia manawa. Ke i aku nei au ia oukou, e a'u mau keiki, ina aole no keia mau mea, i malamaia a hoolaia e ka lima o ke Akua, i hiki ia kakou ke heluhelu a ke hoomaopopo i kona mau mea pohihili, a i loaa mau ai kana mau kauoha imua o ko kakou mau maka, ina no ua emi iho no hoi ko kakou poe kupuna iloko o ka hoomaloka, a alikealike kakou me ko kakou poe hoahanau, o ko Lamana poe, ka poe i ike ole no keia mau mea, aole hoi i manaoio ia mau mea, i ka wa i aoiaku ai ia mau mea ia lakou, no na mooolelo pololei ole o ko lakou poe kupuna. E a'u mau keiki, ke makemake nei au e hoomanao oukou he oiaio ua mau olelo nei; a he oiaio no hoi ua mau mooolelo nei. A me na papa no hoi a Nepai, aia no iloko o lakou na mooolelo a me na olelo a ko kakou poe kupuna, mai ka manawa a lakou i haalele ai ia Ierusalem, a hiki i keia manawa; a he oiaio no ia mau mea; a ua hiki ia kakou ke ike i ko lakou oiaio, no ka mea, aia no lakou imua o ko kakou mau maka. Ano, e a'u mau keiki, ke makemake nei au e hoomanao oukou e huli ia mau mea me ka molowa ole, i pomaikai ai oukou ma ia mea; a ke makemake nei au e malama oukou i na kauoha a ke Akua, i hoopomaikaiia'i oukou ma ka aina e like me na olelo i olelo mua ia'i, a ka Haku i hana mai ai i ko kakou poe kupuna. A ua nui loa na mea e ae a ke Alii Beniamina i ao aku ai i kana mau keiki, i palapala ole ia iloko o keia buke.

2. Eia kekahī, mahope iho o ka pau ana o ka ke Alii Beniamina ao ana i kana mau keiki, mahualhua iho la kona elemakule ana; a ike iho la ia e hele koke auanei oia i ke ala o ko ka honua a pau; nolaila, manao iho la ia he mea e pono ai, e hooili aku i ke aupuni maluna iho o kekahī o kana poe keiki. Nolaila, nana i kai mai ia Mosia imua ona; a eia no na olelo aua i olelo aku ai ia ia, i ka iana: E ka'u keiki, ke makemake nei au ia oe e kukala aku i olelo hoolaha a puni o keia aina a pau, mawaena o keia poe kanaka a pau, o ka poe kanaka o Zarahemela no ia, a me ka poe kanaka o Mosia no hoi e noho nei ma ka aina, i houluuluia mai ai lakou ma o ua mea la: no ka mea, i ka la apopo e kukala aku au i keia poe kanaka mai kuu waha iho aku, ooe ke Alii, a me ka luna maluna o keia poe kanaka, a ka Haku ke Akua i haawi mai ai ia kaua. A eia hoi, e haawi aku no au i keia lahuikanaka i inoa, i kanlana ai lakou ma o ua inoa la mamua o na kanaka a pau, a ka Haku a ke Akua i lawe mai ai mailoko mai o ka aina o Ierusalem; a ke hana nei au i keia, no ka mea, he poe kanaka molowa ole lakou ma ka malama ana i na kauoha a ka

Haku. A ke haawi aku nei au i inoa ia lakou, i holoi ole ia ananei a mau loa aku, ke ole ma o ka lawehala la. He oiaio, a eia hoi, ke i aku nei au ia oe, ina e haule aku keia poe kanaka i hoopomaikai loa ia o ka Haku iloko o ka lawehala, a e lilo i lahuikanaka hewa a moe kolohe, na ka Haku no e hookuu aku ia lakou, i lilo ai lakou ma o ua mea la i nawaliwali, e like me ko lakou poe hoahanau; aole oia e hoola hou ia lakou, ma o kona mana kupanaha a like ole hoi, me ia i hoola mai ai i ko kakou poe kupuna mamua aku. No ka mea, ke i aku nei au ia oe, ina aole oia i o mai la i kona lima ma ka hoopakele ana i ko kakou poe kupuna, ina ua haule aku lakou iloko o na lima o ko Lamana poe, a lilo lakou i poe make i ko lakou inaina.

3. Eia kekahi, mahope iho o ka pau ana o keia manu olelo a ke alii Beniamina i kana keiki, kauoha aku la oia ia ia no na mea a pau o kona aupuni. A eia hoi, kauoha aku la oia ia ia no na olelo i kahakahaia ma na papa keleawe; a me na papa o Nepai no hoi; a me ka pahikaua hoi a Labana, a me ka mea poepoe, o ka mea kuhikuhi no ia, o ka mea i alakai mai ai i ko makou poe kupuna mawaena o ka waonahele, i hoomakauauia e ka lima o ka Haku, i alakaia lakou ma o ua mea la, o kela mea keia mea e like me ka hoolohe a me ka molowa ole o lakou ia ia. Nolaila, me lakou i malama ole ai, aole lakou i pomaikai, aole hoi i holo ma ko lakou hele ana, aka ua hoihoiai lakou ihope, a loea ia lakou ka hnhu o ke Akua maluna o lakou; a, nolaila la, ua hahauia lakou me ka wi a me na popili-kia eha, e hoeueu ia lakou ma ka hoomanao i ko lakou mea pono ke hana.

4. Ano, eia kekahi, hele aku la o Mosia, a hana iho la me ka kona makua i kauoha mai ai ia ia, a kukala aku la i na kanaka a pau ma ka aina o Zarahemela, i hiki ia lakou ke hoakoakoa ia lakou iho, e pii aku i ka luakini, e hoolohe aku i na olelo a kona makuakane e olelo aku ai ia lakou.

5. Eia kekahi, mahope iho o ka Mosia hana ana me ka kona makuakane i kauoha mai ai ia ia, a ua kukala aku i kahi olelo hoolaha ma ka aina a puni, hoakoakoa mai la na kanaka ia lakou iho mawaena o ka aina a pau, i hiki ia lakou ke pii aku i ka luakini, e hoolohe i na olelo a ke Alii Beniamina e olelo aku ai ia lakou. A he lehulehu ioa lakou, a no ka nū loa aole o lakou i helu aku ia lakou; no ka mea, ua laha nui loa aku la lakou, a paapu ma ka aina. A lalau aku la hoi lakou i na hanau mua o ko lakou pua holoholona, e hiki ia lakou ke kaumaha iho i mohai a me na mohai kuni e like me ka ke kanawai o Mose; a i hiki hoi ia lakou ke hoalohaloha aku i ka Haku, i ko lakou Akua, nana i lawe mai ia lakou mailoko mai o ka aina o Ierusalem, a nana i hoopakele mai ia lakou i na lima o ko lakou poe enemi, a i wae ai i poe kanaka pono i poe kumu no lakou; a i kekahi kanaka pono i alii no lakou, nana i hookupaa i ka maluhia ma ka aina o Zarahemela, a nana i aoaku ia lakou e malama i na kauoha a ke Akua, i hiki ia lakou ke hauoli, a e hoopihiaia me ka aloha i ke Akua, a me na kanaka a pau.

6. Eia kekahī, ia lakou i hiki aku ai iluna i ka luakini, kukulu iho la lakou i ko lakou mau halelewa a puni, o kela kanaka keia kanaka e like me kona ohana, o kana wahine ia, a me kana mau keikikane, a me kana mau kaikamahine, a me ka lakou mau keikikane, a me ka lakou mau kaikamahine, mai ka hiapo a hiki i ka panina, o kela ohana keia ohana i kaawale, kekahī mai kekahī ae; a kukulu iho la lakou i ko lakou mau halelewa a puni o ka luakini, o ko kela kanaka keia kanaka halelewa me ka puka ona e huli ana i ka luakini, i hiki ai ia lakou ke noho iloko o ko lakou mau halelewa, a e hoolohe aku i na olelo a ke Alii Beniamina e olelo mai ai ia lakou; no ka mea, no ka lehulehu nui wale, ua hiki ole i ke Alii Beniamina ke aoaku ia lakou a pau iloko o na paia o ka luakini; nolaila, kauoha ae la oia e kukuluia'i kekahī hale kiekie, i hiki i kona poe kanaka ma o ua mea la ke hoolohe i na olelo, ana e olelo aku ai ia lakou.

7. Eia kekahī, hoomaka iho la oia e olelo aku i kona poe kanaka mai ka hale kiekie; a ua hiki ole ia lakou ke lohe i kana mau olelo a pau, no ka lehulehu o na kanaka; nolaila, kauoha ae la ia e palapalaia na olelo ana i olelo aku ai, a e hoounaia'ku i ka poe lohe ole i ka pae ana o kona leo, i loaa no hoi ia lakou kana mau olelo. A eia na olelo ana i olelo aku ai a i kauoha aku ai e palapalaia, i ka i ana, E ko'u poe hoahanau, o oukou a pau i hoakoakoa mai ia oukou iho, ka poe i hiki ke hoolohe mai i ka'u mau olelo, a'u e olelo aku ai ia oukou i keia la: no ka mea, aole au i kauoha aku ia oukou e pii mai maanei e paani me na olelo a'u e olelo aku ai, aka i hoolohe mai ai oukou ia'u, a hoohamama i ko oukou mau pepeiao i lohe oukou, a i ko oukou naau i hoomaopopo oukou, a i ko oukou manao i weheia mai na mea pohilihi o ke Akua i ko oukou ike. Aole au i kauoha aku ia oukou e pii mai maanei, i makau mai ai oukou ia'u, aole hoi i manao ai oukou ua kela aku au, mamua o ke kanaka e make ana; aka ua like au me oukou iho, e noho ana malalo iho o kela ano keia a no o ka nawaliwali ma ke kino, a me ka naau no hoi; aka me au i koholia mai ai e keia poe kanaka, a hoolaia mai ai e ko'u makuakane, a aeia mai ai e ka lima o ka Haku, i lilo ai au i luna, a i alii hoi maluna iho o keia poe kanaka; a ua malamaia mai a hoolaia mai e kona mana like ole, e hookauwa nau me ka mana, naau, a me ka ikaika a pau a ka Haku i haawi mai ai ia'u; ke iaku nei au ia oukou, me au i aeia mai ai e hoopau aku i ko'u mau la ma ka oukou hana, a hiki loa i keia manawa, me ka imi ole i ke gula, aole hoi i ke kala, aole no hoi i kela ano i keia ano o ka waiwai mai ia oukou mai; aole hoi au i aeaku e hoopaaia'ku oukou iloko o na halepaahao ino, aole hoi i hoolilo ae oukor ia oukou i kauwa hooluhi kekahī na kekahī, aole hoi e pepehi kanaka oukou, aole e powa, aole e aihue, aole e moe kolohe, aole hoi aeaku i hanaaku ai oukou i kela ano keia ano o ka hewa; a ua aoaku ia oukou he mea pono no oukou ke malama i na kauoha a ka Haku, ma na mea a pau ana i kauoha mai ai ia oukou; a owau hoi, owau iho, ua hana me ko'u mau lima ponoi, i hiki ia'u ke kokua ia oukou, a i hookaumaha ole ia'i oukou me na auhau, a i ole ai i hiki mai kekahī mea

maluna o oukou he luhi ke halihali; a no keia mau mea a pau a'u i olelo ai, he mau hoike oukou i keia la. Aka, e ko'u poe hoahanau, aole au i hana i keia mau mea i hiki ia'u ke kaena, aole au i haiaku i keia mau mea i hiki ia'u ma ia mea ke hoohewia oukou; aka ke haiaku nei au i keia mau mea, i ike oukou ua hiki ia'u ke hoike aku i ka naau maemae imua o ke Akua i keia la. Aia hoi, ke i aku nei au ia oukou, no kuu i ana ia oukou ua hoopau aku au i ko'u mau la ma ka oukou hana, aole au make-make e kaena, no ka mea, ma ka hana a ke Akua wale no au.

8. Aia hoi, ke haiaku nei au ia oukou i keia mau mea, i loaa ia oukou ka ike; i ike ai oukou i ka wa a oukou e noho ai ma ka hana a ko oukou poe hoa noho, aia ma ka hana a ko oukou Akua wale no oukou. Aia hoi, ua kapa mai oukou ia'u, o ko oukou alii; a ina owau nei, a oukou i kapa mai ai o ko oukou alii, e hana e kokua ia oukou, alaila, aole anei e pono no oukou ke hana e kokua i kekahia i kekahia? Aia hoi, ina owau, a oukou i kapa mai ai o ko oukou alii, ka mea i hoopau aku i kona mau la ma ka oukou hana, ma ka hana nae a ke Akua, e hoalohalohaia mai e oukou e pono ai, E! pehea la ko oukou pono e hoalohaloha aku ai i ko oukou alii lani! Ke i aku nei au ia oukou, e o'u poe hoahanau, ina e haawi aku oukou i ke aloha a me ka hoonani a pau i hiki i ko oukou uhane a pau ke loaa'i, i kela Akua nana i hana mai ia oukou, a i malama mai, a i hoola mai ia oukou, a i hoohauoli mai ia oukou, a i ae mai hoi i noho oukou ma ka maluhia kekahia me kekahia; ke i aku nei au ia oukou, ina e hookauwa aku oukou na ka mea nana oukou i hana mai mai kinohou, a e hoola ana ia oukou ia laaku ia laaku, ma ka haawi ana ia oukou i ea, i ola oukou a hele, a hana e like me ko oukou makemake iho, a e hanai ana ia oukou mai kekahia minute aku i kekahia; ke i aku neiau ia oukou, ina paha e hookauwa aku oukou nana me ko oukou mau uhane a pau, he poe kauwa nae oukou e waiwai oleaku ai. Aia hoi, o ka malama i kana mau kauoha, oia wale no ka mea ana i makemake ai ia oukou; a ua olelo hoopomaikai mai oia ia oukou, ina e malama oukou i kana mau kauoha, e hoopomaikaiia oukou ma ka aina; aole ia e lauwili ae mai ka mea ana i olelo maj ai; nolaila, ina e malama ana oukou i kana mau kauoha, e hoopomaikai ana oia ia oukou, a e hoolako ana ia oukou.

9. Ano, eia ka mua, ua hana mai oia ia oukou, a haawi mai la ia oukou i ko oukou ola, no ia mea, ua aie aku oukou ia ia. A eia ka lua: ke makemake mai nei oia e hana oukou me ia i kauoha mai ai ia oukou, no ia mea, ina hana oukou, e hoopomaikai koke ana oia ia oukou; a nolaila, ua uku mai oia ia oukou. A ua aie nae oukou ia ia; i keia manawa, a ia manawa aku, a mau loaaku a mau loaaku; nolaila, o ka mea hea la ka oukou e kaena ai? Ano, ke ninau nei au, e hiki anei ia oukou ke olelo iki no oukou iho? Ke paneaku nei au ia oukou, Aole. Aole i hiki ia oukou ke olelo he lepo o ka honua oukou: aka, ua hanai nae oukou no ka lepo o ka honua: aka hoi, nana no ia, na ka mea i hana mai ia oukou. A owau, owau nei hoi, a oukou i kapa mai ai o ko oukou

alii, aole au i maikai loa aku mamua o oukou; no ka lepo hoi au. A ke ike nei oukou ua elemakule au, a kokoke au e kuu ae i keia kino make i kona lepo makua; nolaila, me au i iaku ai ia oukou ua hookauwa aku no au na oukou, e hele ana me ka naau maemae imua o ke Akua, pela au i kauoha aku ai i hoakoakoa mai oukou ia oukou iho, i loaa hewa ole au, a i hooili ole ia ko oukou koko maluna o'u, ia'u e ku ai e hookolokoloia e ke Akua no na mea ana i kauoha mai ai ia'u no oukou. Ke i aku nei au ia oukou, ua kauoha aku au i hoakoakoa ae oukou ia oukou iho, i hiki ia'u ke hoomaemae aku i ko'u mau aahu i ko oukou koko, ma keia manawa ia'u i kokoke ai e iho ilalo i ko'u lua kupapau, i hiki ia'u ke iho ilalo me ka malu, a i pii aku ai ko'u uhane palaho ole e hui pu me ka poe mele iluna ma ka hoolea ana i ke Akua pono. A eia hoi, ke i aku nei au ia oukou, ua kauoha aku au i hoakoakoa oukou ia oukou iho, i hiki ia'u ke hai aku ia oukou, ua hiki ole ia'u ke noho hou i kumu no oukou, aole hoi i alii no oukou; no ka mea, aia no e haalulu nui loa ana ko'u kino a puni i keia manawa, oiai au e hoao ana e olelo aku ia oukou; aka, ke kokua mai nei ka Haku ke Akua ia'u, a ua ae mai ia'u e olelo aku au ia oukou, a ua kauoha mai ia'u e hai aku au ia oukou i keia la, he alii a he luna ka'u keiki o Mosia, maluna iho o oukou.

10. Ano, e ko'u poe hoahanau, ke makemake nei au e hana oukou me ka oukou i hana mua'i. Me ka oukou i malama'i i ka'u mau kauoha, a me na kauoha hoi a ko'u makuakane, a i hoopomaikaiia, a i hoopakeleia hoi i haule ole oukou iloko o na lima o ko oukou poe enemi, pela hoi ina e malama oukou i na kauoha a ka'u keiki, a i na kauoha a ke Akua, e haawiaiia auanei ia oukou e ia, e hoopomaikajia oukou ma ka aina, aole no he mana ko oukou poe enemi maluna o oukou. Aka, e ko'u poe kanaka, e malama o ala mai auanei na paio mawaena o oukou, a e haliu oukou e hoolohe i ka uhane ino, i oleloia mai ai e ko'u makuakane Mosia. No ka mea, aia hoi, ua hookauia mai kahi poino maluna o ka mea nana e haliu e hoolohe i ua uhane la; no ka mea, ina e haliu oia e hoolohe ia ia la, a e noho a e make iloko o kona mau hewa, oia ke inn i ka hoohewaia o kona uhane iho; no ka mea, e loaa ana ia ia kekahihoopai mau loa i uku nona, ua lawehala i ke kanawai o ke Akua, me ke ku e i kona ike iho. Ke i aku nei au ia oukou, aole kekahihoopai mau mawaena o oukou, o ka oukou mau keiki uuku wale no koe, i ao ole ia no keia mau mea; i ike ole ai he poe aie mau loa oukou i ko oukou makua i ka lani, e haawi aku ai ia ia i na mea a pau o oukou a me oukou pu kekahihoopai, a i aoia hoi no na mooolelo i piha'i me na wanana i oleloia'i e na kaula hemolele, a hiki loa i ka wa a ko kakou kupuna kane a Lehi i haalele aku ai ia Ierusalem; a me na mea a pau no hoi i oleloia'i e ko kakou poe kupuna, a hiki i keia manawa. Aia hoi, olelo mai la hoi lakou i na mea i kauohaia mai ai ia lakou e ka Haku; nolaila, ua oiaia a pololei ia mau mea.

11. Ano, ke i aku nei au ia oukou, e ko'u poe hoahanau, mahope iho o ko oukou ike ana a ao ana i keia mau mea a pau, ina e lawehala oukou,

a e hele me ke ku e i ka mea i oleloia'i, i hoonee aku ai oukou ia oukou ilo mai ka Uhane o ka Haku aku, i ole no kela kau wahi iloko o oukou e ala-kai ia oukou iloko o na alanui o ka naauao, i hoopomaikaiia oukou, i hoolakoia, a i hoolaia hoi, ke i aku nei au ia oukou, o ke kanaka e hana ana i keia, oia kekahia e kipi ana ma ke akea i ke Akua; nolaila, e haliu ana oia e hoolhe i ka uhane ino, a e lilo ana i enemi i ka pono a pau; nolaila, aole no ka Haku kau wahi iloko ona, no ka mea, aole oia e noho ana iloko o na luakini hemolele ole. Nolaila, ina e mihi ole ana kela kanaka, a e noho ana, a e make ana i enemi i ke Akua, e hoala ana ke koi ana o ko ke Akua hoopai i kona uhane make ole i ka ike lea i kona hewa ponoi, a he mea keia e emi aku ai ia mai ke alo aku o ka Haku, a e hoopihia ai i kona naau me ka hewa, a me ka eha, a me ka walania loa, a ua like ia me ke ahi pio ole, nona na lapalapa e pii ae ana ia ao aku ia ao aku. Ano, ke i aku nei au ia oukou, aole o ke aloha kuleana maluna o ua kanaka la; nolaila, o ka noho ma ka chaeha pau ole ka hoopai hope ona.

12. E, auhea oukou, e na elemakule a pau, a me oukou hoi, e na kanaka hou, a me oukou hoi, e na keiki nuku, ka poe i hiki ke hoomaopopo mai i ka'u mau olelo, (no ka mea, ua olelo akaka au ia oukou, i hiki ia oukou ke hoomaopopo,) ke noi nei au e ala oukou i ka hoomanao i ka noho weliweli ana o ka poe i haule iloko o ka hala; a eia hoi, ua makemake au e noonoo oukou ma ka noho pomaikai a hauoli ana o ka poe i malama'i i na kauoha a ke Akua. No ka mea, aia hoi, ua hoopomaikaiia lakou ma na mea a pau, o ko ke kino a me ko ka uhane hoi; a ina e hoomau pono lakou a hiki i ka hopena, ua hookipaia aku lakou ma ka lani, i hiki ai ia lakou ke noho pu me ke Akua ma kekahia noho ana o ka pomaikai pau ole. E hoomanao, e hoomanao he oiaio keia mau mea; no ka mea, ua olelo mai ka Haku ke Akua ia mea.

13. A eia hou, e o'u poe hoahanau, ke makemake nei au e maliu mai oukou, no ka mea, he mau mea hou ka'u e olelo aku ai ia oukou: no ka mea, aia hoi, he mau mea ka'u e hai aku ai ia oukou, no na mea e hiki mai ana; a o na mea a'u e hai aku ai ia oukou, ua hoikeia mai ia'u, e kekahia anela mai ke Akua mai. A i mai la oia ia'u, E ala; a ala ae la au, a aia, e ku ana oia imua o'u. A i mai la oia ia'u, E ala; a e hoolhe mai i na olelo a'u e hai aku ai ia oe: no ka mea, ua hiki mai nei au e hai aku ia oe i na olelo olioli e hauoli nui ai. No ka mea, ua lohe no ka Haku i kau mau pule, a ua hoopono mai i kou pono, a ua hoouma mai ia'u e hai ia oe i hauoli ai oe; a i hai aku ai oe i kou poe kanaka, i hoopihia no hoi lakou me ka hanoli. No ka mea, aia hoi, e hiki mai ana ka manawa, aole e liuliu aku ia, e iho mai mai ka lani mai me ka mana, ka Haku Mana kiekie loa, ka mea e noho alii ana, ka mea mamua, a eia hoi ano mai ia ao aku ia ao aku a mau loa aku, mawaena o na keiki a kanaka, a e noho iloko o kahi halelewa lepo, a e hele aku no mawaena o na kanaka, e hana ana i na hana mana nui, e like me ka hoola ana i na mea mai, e hoala ana i na mea make, e hoohele ana i na mea oopa, e haawi ana i ka ike i na mea

makapo, a me ka lohe i na kuli, a e hoola ana i kela ano i keia ano o na mai; a nana e mahiki aku ai i na daimonio, oia hoi na uhane ino e noho ana iloko o na naau o na keiki a kanaka. Aia hoi, e loaa no ia ia na hoowale-wale, a me ka eha o ke kino, ka pololi, ka makewai, a me ka luhi, e nui aku ana mamua o ka mea i hiki i ke kanaka ke hoomanawanui ai, ke make ole ia: no ka mea, aia hoi, e puka mai ana ke koko mai kela makalua keia makalua, pela ka nui o kona ehacha no ka hewa a me na mea ino o kona poe kanaka.

14. A e kapaia oia o Iesu Kristo, ke Keiki a ke Akua, ka Makua o ka lani a me ka honua, ka Mea nana i hana i na mea a pau, mai kinohi mai; a o kona makuwahine e kapaia oia o Maria. Aia hoi, e hiki mai ana ia i kona poe iho, i hiki mai ai ke ola i na keiki a kanaka, ma o ka inanaoio la ma kona inoa; a mahope iho o keia mau mea a pau, e manao nae lakou he kanaka ia, a e olelo aku he daimonio kona, a e hahau aku ia ia, a e kau aku ia ia ma ke kea. A e alahou no oia i ke kolu o ka la mai ka make mai; aia hoi, e ku ana oia e hookolokolo i ko ke ao nei. A, aia hoi, ua hanaia keia mau mea a pau, i hiki mai ai ka hooponopono pololei maluna o na keiki a kanaka. No ka mea, ke kala nei kona koko i na hewa o ka poe i haule ma o ka lawehala la o Adamu, ka poe i make, e ike ole ana i ka makemake o ke Akua no lakou, oia hoi ka poe i hana hewa me ka ike ole. Aka, auwe, auwe ka mea e ike ana e kipi ana oiai ke Akua: no ka mea, aole e hiki mai ke ola i ka poe e like me ia, ma o ka mihi a me ka manaoio i ka Haku, ia Iesu Kristo wale no. A ua hoouna mai ka Haku ke Akua i kana poe kaula hemolele mawaena o na keiki a pau a kanaka, e hai aku i keia mau mea i kela ohana i keia ohana, i ko kela aupuni i ko keia aupuni, a i kela olelo i keia olclo, i hiki i ka mea manaoio i ka hiki ana mai o Kristo, ke loaa ke kalaia'na o ko lakou mau hala, a e hauoli me ka olioli nui loa, me he mea la ua hiki mai oia ia wa mawaena o lakou. Aka, ike mai la ka Haku ke Akua he poe kanaka ai ooolea kona poe kanaka, a hookau mai la oia i kanawai, oia hoi ke kanawai o Mose. A he nui na ouli, a me na mea kupanaha, a me na hoailona, a me na aka, ana i hoike mai ai ia lakou, no kona hiki ana mai; a olelo ae la no hoi na kaula hemolele ia lakou no kona hiki ana mai: aka hoopaakiki aku la nae lakou i ko lakou mau naau, a hoomaopopo ole he mea e pono ole ai ke kanawai o Mose, ke ole ma o ke kalahala ana la o kona koko; a ina paha he mea e hiki ai i na keiki uuku ke nana hewa, aole e hiki ia lakou ke hooliaia; aka ke i aku nei au ia oe, ua pomaikai lakou; no ka mea, e like me ma o Adamu la, a ma ke ano maoli lakou i haule ai, pela no e kalahala'i ke koko o Kristo no ko lakou mau hewa.

15. A eia hoi, ke i aku nei au ia oe, aole e haawia mai kekahi inoa e ae, aole hoi kekahi ala e ae, aole hoi mea ma o na la e hiki ai ke ola i na keiki a kanaka, maloko a ma o ka inoa la the wale no o Kristo, ka Haku Mana kiekie loa. No ka mea, e hookolokolo ana oia, a ua pololei kona hooponopono ana, a e make ole ana ke keiki uuku, ka mea i make ma kona

wa uuku: aka o na kanaka e inu ana lakou i ka hoohewaia o ko lakou uhane ibo, ke hoohaahaa ole lakou ia lakou ibo, a e lilo e like me na keiki uuku, a e manaoio aia no ke ola mamua, a i keia manawa, a e hiki mai ana, iloko a ma o ke koko kalahala la o Kristo, ka Haku Mana kiekic loa: no ka mea, he enemi no ke kanaka ma kona ano maoli i ke Akua, a ua like pela, mai ka haule ana o Adamu moi, a pela aku ia ao aku ia ao aku a mau loa aku; aka, ina e ae aku oia i ke komo ana o ka Uhane Hemolele, a e waiho aku i ko ke kanaka ano maoli, a e lilo i mea hoano, ma o ke kalahala ana la o Kristo, ka Haku, a e lilo e like me he keiki la, emalama ana, e akahai, e haahaa, e ahonui, pilha me ke aloha, e ae ana e noho malalo ibo o na mea a pau a ka Haku i ike ai he pono ke hooili ibo maluna ona, me he keiki la hoi e hoolohe ana i kona makuakane. A eia hoi, ke i aku nei au ia oe, e hiki mai ana ka manawa, e hoolahaia'ku ka ike o ka Mea e ola'i mawaena o ko kela aina ko keia aina, a me na ohana, a me na olelo, a me na kanaka. Aia hoi, a hiki mai ia manawa, aole e loaa hewa ole kekahia imua o ke Akua, koe nae na keiki uuku, eia wale no ma ka mihi a me ka manaoio ma ka inoa o ka Haku ke Akua Mana kiekic loa; a i keia manawa hoi, ia oe e ao aku ai i kou poe kanaka i na mea a ka Haku ke Akua i kauoha mai ai ia oe, alaila hoi, e loaa hou ole lakou me ka hewa ole ma ka nana mai o ke Akua, ina aole ku like me na olelo a'u i olelo aku ai ia oe.

16. Ano, ua olelo aku au i na olelo a ka Haku ke Akua i kauoha mai ai ia'u. A penei wahi a ka Haku: E ku auanei ua mau olelo nei me he hoike huali la e ku e i keia poe kanaka, ma ka la hookolokolo; no ia mea, e hookolokoloia auanei lakou, o keia kanaka keia kanaka, e like me kana mau hana, ina paha he pono ia mau mea, a ina paha he hewa ia mau mea; ina he hewa ia mau mea, e waihoia'i lakou i ka ike welliwelli i ko lakou hewa a hana ino ponoi, a he kumu ia e emi makau ai lakou mai ke alo aku o ka Haku, iloko o kahi o ka poino a me ka ehaeha pau ole, mai laila mai i hiki ole ai lakou ke hoi mai: nolaila, ua inu lakou i ka hoohewaia o ko lakou uhane ibo. Nolaila, ua inu lakou noloko mai o ke kialaha o ka inaina o ke Akua, ka mea i hiki ole ai i ka hoopono ke hoole ia lakou, e like me ka hiki ole ona ke hoole i ka haule ana o Adamu, no kona ai ana i ka hua i papai; nolaila, aole o ke aloha kuleana hou maluna o lakou a mau loa aku. A o ko lakou eha me he loko ahí la a me ke kukac pele ia, nona na lapalapa e pio ole ana, a nona ka uahi e punohu ana ia ao aku ia ao aku. Pela ka ka Haku i kauoha mai ai ia'u. Amene.

MOKUNA II.

1. Ano, eia kekahia, i wa a ke Alii o Beniamina i hoopau aku ai i ka olelo ana i na olelo i haawia mai ai ia ia, e ka anela o ka Haku, alawa ae la oia i kona mau maka a puni maluna o ka lehulehu o kanaka, a, aia hoi,

ua haule iho lakou i ka honua, no ka mea, ua hiki mai ka makau o **ka Haku** maluna o lakou; a ua nana lakou ia lakou iho ma ko lakou noho kino ana, he uuku loa mamua o ka lepo o ka honua. A hooho aku la lakou me ka leo hookahi, i ka i ana, E aloha mai, a e hoopili mai i **ke koko** kalahala o Kristo, i loaa mai ia makou ke kalaia'na o ko makou mau hala, a i hoomaemaeia'i ko makou mau naau: no ka mea, ke manaoio nei makou iloko o Iesu Kristo, ke Keiki a ke Akua, nana i hana mai i ka lani a me ka honua, a me na mea a pau: ka mea e iho mai ana mawaena o na keiki a kanaka.

2. Eia kekahī, mahope iho o ka lakou olelo ana i keia mau olelo, hiki mai la ka uhane o ka Haku maluna o lakou, a ua hoopihaiā lakou me ka hauoli, me ke kalaia'na o ko lakou mau hala, a me ka mohala o **ko** lakou manao, no ka manaoio nui loa o lakou iloko o Iesu Kristo, ka mea e hele mai ana, e like me na olelo a ke Alii o Beniamina i olelo mai ai ia lakou. A oaka hou ae la o Beniamina ke Alii i kona waha, a hoomaka ae la e olelo ia lakou, i ka i ana, E o'u poe hoaaloha a me o'u poe hoahanau, o'u ohana a me o'u poe kanaka, ke makemake hou nei au e maliu mai oukou, i lohe oukou a i hoomaopopo i ke koena o ka'u mau olelo a'u e olelo aku ai ia oukou: no ka mea, aia hoi, ina ua hoala mai ka ike o ka lokomaikai o **ke Akua** ia oukou i neia manawa e ike i ko oukou ole, a me ko oukou noho haule a maikai ole ana; ke i aku nei au ia oukou, ina ua hiki oukou i ka ike i ka lokomaikai o ke Akua, a me kona mana like ole, a me kona naauao, a me kona ahonui, a me kona hoomanawanui i na keiki a kanaka, a i ke kalahala hoi i hoomakaukauia mai mai ka hookumuia ana o ka honua nei, i hiki ke ola ma o ia mea la i ka mea e paulele ana i ka Haku, a e molowa ole ana ma ka malama ana i kana mau kauoha, a e hoomau ma ka manaoio a hiki i ka hopena o kona ola; ke pili nei ka'u i ke ola o ke kino make; ke i aku nei au, o keia no ke kanaka e loaa ana ke ola, ma o ke kalahala la i hoomakaukauia mai mai ka hookumuia ana o ke ao nei, no na kanaka a pau, ka poe i ola mahope mai o ka haule ana o Adamu, a e ola nei no hoi, a e ola ana paha ma neia hope aku, a hiki loa i ka hopena o ke ao nei; a ma o keia mau mea la e hiki mai ana ke ola. Aole kekahī ola e ae, o keia wale no, ka mea i oleloia'i; aole hoi kekahī hana e ae ma o ia mea la i hiki i ke kanaka ke hooliaia, koe wale no ka hana a'u i hai aku ai ia oukou. E manaoio i ke Akua; e manaoio ke ola la oia, a na hana mai oia i na mea a pau, ma ka lani a ma ka honua no hoi; e manaoio nona ka naauao a pau, a me ka mana a pau, ma ka lani a ma ka honua no hoi; e manaoio hoi aole ke kanaka i hoomaopopo i na mea a pau i hiki ai ka Haku ke hoomaopopo.

3. A eia hou: E manaoio he mea e pono ai ke mihi i ko oukou man hewa, a e haalele aku ia mau mea a e hoohaahaa ia oukou iho imua o **ke Akua**; a e noi aku me ka oiaio o ka naau nana e kala mai i ka oukou: ano, ina e manaoio oukou i keia mau mea a pau, e makaala oukou a e hana ia mau mea. A ke i hou aku nei au ia oukou me au i i aku ai mamua, e like

me ko oukou hiki ana i ka ike i ka nani o ke Akua, a ina ua ike oukou i kona lokomaikai, a i hoao aku ai i kona aloha, a i loaa'i ke kalaia'na o ko oukou mau hala, ka mea e hookomo ana i neia hauoli nui loa iloko o ko oukou mau naau, pela no au e makemake ai ia oukou e hoomanao, a e hoopaa naau i hoomanao mau ai, i ka nui o ke Akua, a me ko oukou ole, a i kona lokomaikai a hoomanawanui ia oukou ka poe pono ole, a e hooahaahaa ia oukou iho i haahaa loa, e kahea ana i ka inoa o ka Haku i kela la i keia la, a e ku paa naueue ole ana ma ka manaoio i ka mea e hiki mai ana, i oleloia'i e ka waha o ka anela; aia hoi, ke i aku nei au ia oukou, ina e hana oukou i keia, e hauoli mau no oukou, a e hoopihia me ke aloha i ke Akua, a e loaa ke kala mau ia'na o ko oukou mau hala; a e muahuahu aku oukou ma ka ike i ka nani o ka mea nana oukou i hana, a ma ka ike i ka mea i pololei a i oiaio hoi. Aole hoi o oukou makemake e hana ino aku kekahia i kekahia, aka e noho maluhia, a e haawi aku i kela kanaka i keia kanaka, e like me ka mea ku pono ia ia. Aole no oukou e ae aku i ka oukou mau keiki, e hele pololi lakou, a me ke kapa ole; aole hoi o oukou e ae aku e lawehala'i lakou i na kanawai o ke Akua, a e paio a e hakaka kekahia me kekahia, a e hookauwa na ka diabolo, oia no ka haku o ka hewa, oia hoi ka uhane ino i oleloia'i e ko kakou poe kupuna; he enemi ia i ka pono a pau; aka e ao aku no oukou ia lakou e hele ma na aoao o ka oiaio a me ke kuoo; e ao aku no oukou ia lakou e aloha aku i kekahia i kekahia, a e kokua aku i kekahia i kekahia; a o oukou iho no kekahia e kokua aku no i ka poe i ku pono e kokuaia'ku ai e oukou; e manawalea aku oukou i ko oukou waiwai i ka mea nele; aole no oukou e ae aku i ka mea ilihune e noi mai ia oukou me ka loaa ole aku, a e hookuke aku ia ia e make. Malia paha e i mai oe, Ua hooili ae la ke kanaka i kona poino maluna ona iho, nolaila, e aua au i kuu lima, aole au e haawi aku i ka'u ai ia ia, aole hoi au e manawalea aku ia ia i ko'u waiwai, i ole ai e pilikia oia, no ka mea, ua pono kona hoopaiia ana. Aka ke i aku nei au ia oe, e ke kanaka, o ka mea e hana ana i keia, he kumu nui kona e mihi ai; a ke mihi ole oia i ka mea ana i hana'i, e make mau loa ana oia, a, aole ona kuleana ma ke Akua.

4. No ka mea, aia hoi, aole anei he poe noi kakou a pau? Aole anei kakou a pau e hilinai ana maluna o ka mea hookahi, oia ke Akua, no ka lako a pau a kakou i loaa'i; no ka ai a me ke kapa, a no ke gula, a no ke kala, a no ka waiwai a pau a kakou i loaa'i o kela ano keia ano? Aia hoi, ma keia manawa hoi, e kahea ana oukou i kona inoa, a e noi ana no ke kalaia'na o ko oukou mau hala. A ua ae mai anei oia i noi aku oukon me ka make hewa? Aole; ua ninini mai la oia i kona uhane maluna o oukou, a ua hoopihia mai la i ko oukou mau naau me ka hauoli, a ua papani mai i ko oukou mau waha, i hiki ole ia oukou ke ekemu, no ka nui loa o ko oukou hauoli. Ano, ina o ke Akua, nana i hana mai ia oukou, maluna ona oukou e hilinai nei no ko oukou ola, a no na mea a pau a oukou i loaa'i a me oukou no hoi, ke haawi mai nei ia oukou i ka mea i

pono a oukou i noi aku ai, ma ka manaoio, e manaoio ana i ka loaa ana, E, aole anei e pono no oukou ke manawalea aku i ka waiwai a oukou i loaa'i, kekahi i kekahi? A ina e hookolokolo oukou i ke kanaka nana e noi ia oukou no ko oukou waiwai, i make ole oia, a e hoohewaaku ia ia, e nui aku ana ka pono o ko oukou hoohewaia'na, no ko oukou aua ana i ko oukou waiwai, ka mea aole na oukou, aka na ke Akua, ka mea nana no hoi ko oukou ola; a, aole niae oe i pule aku, aole hoi mihi i ka mea au i hana'i. Ke i aku nei au ia oukou, auwe kela kanaka, no ka mea, e make pu kona waiwai me ia; ano, ke i aku nei au i keia mau mea i ka poe i waiwai, mamuli o na mea o keia ao. A eia hou, ke i aku nei au i ka poe hune, ka poe i nele i ka lako nui, aka i lako nae i ke ola no oukon mai kekahi la aku i kekahi la; ke olelo nei au no oukou a pau ka poe e hoole ana i ka mea noi, no ka nele o oukou; ke makemake nei au e nalu iho oukou iloko o ko oukou mau naau, ke haawi ole nei au no kuu nele; aka ina he lako wau, ina ua haawi aku au. Ano, ina e nalu iho oukou i keia iloko o ko oukou mau naau, ua hewa ole oukou, a i ole ia, ua hoohewaia oukou, a ua pono ko oukou hoohewaia ana; no ka mea, ke kuko nei oukou i ka mea a oukou i loaa ole ai.

5. Ano, no ka pomaikai o keia mau mea a'u i olelo aku ai; oia hoi, no ka pomaikai o ka loaa ana ke kalaia'na o ko oukou mau hala ia la aku ia la aku, i hele hewa ole oukou imua o ke Akua. ke makemake nei au e manawalea aku oukou i ko oukou waiwai i ka poe ilihune, o kela kanaka keia kanaka e like me ka mea i loaa ia ia, meneia, e hanai ana i ka poe pololi, e hoaahu ana i ka poe kapa ole, a hele ana e ike i na mai, e kokua ana i maha lakou, ma ko ka uhane a ma ko ke kino, e like me ko lakou nele, a e ike e hanaia keia mau mea a pau ma ka naauao a me ka pololei: no ka mea, aole he mea e pono ai no ke kanaka e holo kiki mamua o konu ikaika. A eia hou: He mea e pono ai ke ikaika oia, i hiki ia ia ma ia mea ke loaa ka uku; 'nolaila, e hanaia na mea a pau ma ka pololei e pono ai. A ke makemake nei au e hoomanao oukou, o ka mea mawaena o oukou e noi lilo ole ana i kona hoalauna, he mea pono ke hoihoi hou aku oia i kona mea i noi lilo ole ai, e like me kana olelo, a i ole ia, e hana hewa ana oe, a malia paha e lilo oe i kumu no kou hoalauna e hana hewa ai no hoi. A eia ka hope, ua hiki ole ia'u ke hai aku ia oukou i na mea a pau e hewa'i oukou; no ka mea, ua nui loa na aoao a me na kumu, a no ka nui ua hiki ole ia'u ke helu ia mau mea. Aka o keia ua hiki ia'u ke hai ia oukou, ina aole oukou e kiai ia oukou iho, a me ko oukou mau manao, a i ka oukou mau olelo, a me ka oukou mau hana, a e malama i na kauoha a ke Akua, a e hoomanu ma ka manaoio a oukou i lohe ai no ka hiki ana mai o ko kakou Haku, a hiki loa i ka hopena o ko oukou mau ola, e make io no oukou. Ano, e ke kanaka, e hoomanao, a e make ole ai.

MOKUNA III.

1. Ano, eia kekahī, i ka wa a ke Alii o Beniamina i olelo aku ai pela i kona poe kanaka, hoouna aku la oia iwaena o lakou, e makemake ana e ike no kona poe kanaka mai, ina ua manaoio lakou i na olelo ana i olelo aku ai ia lakou. A hooho aku la lakou me ka leo hookahī, i ka i ana, Ae, ke manaoio nei makou i na olelo a pau au i olelo mai ai ia makou; a ua ike makou no ke ku paa a oiao o ia mau mea, na ka Uhane o ka Hak u Mana kiekie loa, i hoololi mana mai i koloko o makou, oia hoi ko makou paau, i ole makou makemake hou e hana ino, aka e hana mau i ka pono. A o makou hoi, ma o ka lokomaikai mana loa la o ke Akua, a me na hoikeana o kona uhane, ua loaa ia makou iho ka ike nui i na mea e hiki mai ana; a ina he mea e pono ai, ua hiki ia makou ke wanana aku no na mea a pau. A o ka manaoio a makou i loaa'i no na mea a ko makou Alii i olelo mai ai ia makou, oia ka i lawe mai ia makou i keia ike nui, ma ia mea ke hauoli nei makou me keia olioli nui loa; a ke ae aku nei makou e komo iloko o kahi berita me ko makou Akua, e hana i kona makemake, a e hoolohe i kana mau kauoha, ma na mea a pau aaa i kauoha mai ai ia makou, i ke koena a pau o ko makou mau la, i ole ai makou e hooili mai maluna o makou iho i ka ehaeha pau ole, me ia i oleloia'i e ka anela, i ole makou e inu noloko mai o ke kiahā o ka inaina o ke Akua.

2. Ano, o keia no na olelo a ke Alii o Beniamina i makemake ai ia lakou; a nolaila i aku la oia ia lakou, Ua olelo mai oukou i na olelo a'u i makemake ai; a o ka berita a oukou i hana'i, he berita pono ia. Ano, no keia berita a oukou i hana'i, e kapaia oukou na keiki a Kristo, o kana poe keikikane, a me kana poe kai kamahine: no ka mea, aia hoi, i keia la na hanau mai oia ia oukou ma ka uhane; no ka mea, ke i mai nei oukou ua hoano e ia mai ko oukou mau naau ma o ka manaoio la i kona inoa; nolaila, ua hanauia mai oukou nana, a ua lilo oukou i poe keikikane a i poe kaikamahine nana. A malalo iho o keia inoa, ua hookuuia mai oukou; aohe e hiki ia oukou ke hookuuia'e ma o kekahī inoa e ae la. Aohe e haawia mai kekahī inoa e ae, ma o na la e hiki mai ai ke ola; nolaila, ke makemake nei au ia oukou e lawe maluna o oukou i ka inoa o Kristo, e ka poe a pau i komo iloko o ka berita me ke Akua, e hoolohe oukou a hiki i ka hopena o ko oukou mau ola. A e hiki mai keia, o ka mea e hana i keia, e loaa no auanei oia ma ka lima akan o ke Akua, no ka mea, e ike no oia i ka inoa ona i kapaia mai ai: no ka mea, e kapaia oia ma ka inoa o Kristo.

3. Ano, e hiki mai keia, o ka mea e lawe ole maluna ona i ka inoa o Kristo, e kapaia no oia ma kekahī inoa e ae; nolaila, e loaa ana oia ia ia iho ma ka lima hema o ke Akua. A ke makemake nei au e hoomanao hoi oukou, o keia no ka inoa a'u i olelo aku ai e haawi ana au ia oukou, e holoi ole ia'na a mau loa aku, ke lawehala ole; nolaila, e malama oukou i lawehala ole ai, i holoi ole ia keia inoa mai ko oukou mau naau aku. Ke

i aku nei au ia oukou, ke makemake nei au e hoomanao oukou e hoopaa i ka inoa i kakau mau ia ma ko oukou mau naau, i ole ai e loaa oukou ma ka lima hema o ke Akua, aka i lohe oukou a i ike i ka leo o oukou e kaheaia mai ai, a i ka inoa hoi ana e kapa mai ai ia oukou: no ka mea, pehea la i ike ai kahi kanaka i ka haku ana i hookauwa ole aku ai, a he malihini hoi ia ia, a i mamaao aku mai na manao a me na makemake o kona naau aku? A eia hou: ke lawe nei anei kekahia kanaka i kahi hoki o kona hoalauna, a malama ia ia? Ke i aku nei au ia oukou, Aole; aole hoi oia e ae aku e ai ia mawaena o kona mau pua holoholona, aka e hooemu aku no ia ia, a e hookuke aku ia ia mawaho. Ke i aku nei au ia oukou, pela no ia auanei mawaena o oukou, ina aole oukou e ike i ka inoa o oukou i kapaia mai ai. Nolaila, ke makemake nei au e kupaa a e nauue ole oukou, e lawa mau ana ma na hana maikai, i sila'i o Kristo, ka Haku ke Akua Mana kiekie loa, ia oukou nona, i laweia'i oukou i ka lani, i loaa ia oukou ka hoolaia a me ke ola mau loa, ma o ka naauao la, a me ka mana, a me ka hoopono, a me ke aloha ona, nana i hana i na mea a pau, ma ka lani a ma ka honua, oia no ke Akua maluna o na mea a pau. Amene.

MOKUNA IV.

1. Ano, manao iho la o ke Alii o Beniamina he mea e pono ai, mahope iho o ka hoopau ana o ka olelo i na kanaka, nana e lawe i na inoa o ka poe a pau i komo iloko o ka berita me ke Akua, e malama i kana kauoha. Eia kekahia, aole kekahia mea i komo ole iloko o ka berita, a i lawe ole maluna o lakou i ka inoa o Kristo, o na keiki uuku wale no i koe. A eia hou kekahia; i ka wa a ke Alii o Beniamina i hoopau ai i keia mau mea a pau, a ua hoolaa i kana keiki ia Mosia, i luna a i alii maluna o kona poe kanaka, a i haawi aku ia ia i na kauoha a pau no ke auptui, a i wae ai no hoi i na kahuna e ao aku i na kanaka, i hiki ia lakou ke hoolohe a ke ike i na kauoha a ke Akua, a e hooeue ia lakou e hoomanao i ka hoohiki a lakou i hana'i, hookuu ae la oia i na kanaka, a hoi aku la lakou, kela mea keia mea e like me ko lakou mau ohana, i ko lakou mau hale iho.

2. A hoomaka ae la o Mosia e noho alii ma ko kona makuakane hakahaka. A hoomaka ae la oia e noho alii ma kona makahiki kanakolu, ina hui pu ia a pau loa, kokoke eha haneri kanahikukumamaono makahiki mai ka wa a Lehi i haalele ai ia Ierusalem. A ola ae la o ke Alii, o Beniamina, i ekolu makahiki, a make aku la ia. A eia kekahia, hele aku la o ke Alii, o Mosia, ma na aoao o ka Haku, a ua hoolohe oia i kana mau olelo ku paa, a me kona mau kauawai, a ua malama i kana mau kauoha, ma na mea a pau ana i kauoha mai ai ia ia.

3. A kauoha ae la ke Alii o Mosia i kona poe kanaka e mahiai lakou i ka honua. A ua mahiai oia no hoi i ka honua, i hiki ia ia ma ia mea'ke

lilo i mea hookaumaha ole i kona poe kanaka, i hiki ia ia ke hana mamuli o ka mea a kona makuakane i hana'i, ma na mea a pau. A ua paio ole mawaena o kona poe kanaka a pau, no na makahiki ekolu.

MOKUNA V.

1. Ano, eia kekahi, mahope iho o ka loaa ana i ke Alii Mosia ka maluhia mau, no na makaliki ekolu, ua makemake oia e ike no na kanaka i pii ai i ka aina o Lehi-Nepai, oia hoi i ke kulanakauhale o Lehi-Nepai: no ka mea, aole kona poe kanaka i lohe i kekahi mea no lakou, mai ka wa a lakou i haalele ai i ka aina o Zarahemela; nolaila, hooluhia aku lakou ia ia me ko lokou noi nui ana.

2. Eia kekahi, ae aku la ke 'Lii Mosia i na kanaka he umikumamaono o ko lakou poe kanaka ikaika e pii aku i ka aina o Lehi-Nepai, e imi no ko lakou poe hoahanau. Eia hoi kekahi ia la ae, ala ac la lakou e pii aku, a aia pu me lakou kekahi mea i kapaia o Amona, a he kanaka ikaika a mana hoi ia, a he mamo ia na Zarahemela; a o ko lakou luna hoi ia. Ano, aole o lakou i ike i ke ala a lakou e hele aku ai ma ka waonahele, e pii aku i ka aina o Lehi-Nepai; nolaila, auwana lakou i na la he nui ma ka waonahele, he oiaio, i hookahi kanaha la ko lakou auwana ana. A ia lakou i auwana'i i na la he kanaha, hiki aku la lakou i kahi pnu, aia no ia ma ka akau o ka aina o Sailoma, a malaila lakou i kukulu ai i ko lakou mau halelewa. A lawe aku la o Amona i na hoahanau ekolu ona, o Amaleki, o Helema, a me Hema ko lakou mau inoa, a iho aku la lakou iloko o ka aina o Nepai; a, aia hoi, halawai ae la lakou me ke Alii o ka poe kanaka, i noho ai ma ka aina o Nepai, a ma ka aina o Sailoma; a ua hoopuniia lakou e ko ke 'Lii poe koa, a hopuia, a nakinakia, a hahaoia iloko o ka halepaahao. A eia kekahi, ia lakou i noho ai ma ka halepaahao i elua la, ua lawe hou ia lakou imua o ke Alii, a weheia'e la ko lakou mau mea i paa ai; a ku ae la lakou imua o ke Alii, a ua acia, e aho ke olelo ua kauohaia lakou, e pane aku i na nicle ana e ninan mai ai ia lakou. A i aku la oia ia lakou, aia hoi, Owau no o Limai, ke keiki a Noa, oia ke keiki a Zenifa, ka mea i pii mai ai mailoko mai o Zarahemela e loaa keia aina, o ka aina ia o ko lakou poe kupuna, a i hooliloia mai i Alii e ka leo o na kanaka. Ano, ke makemake nei au e ike i ke kumu o ko oukou aa ana e hookokoke mai i na pa o ke kulanakauhale, oiai au me ko'u poe koa, mawaho o ka puka? Ano, no keia mea na ae aku au e hooliaia oukou, i hiki ia'u ke ninanaku ia oukou, i ole keia na ae aku au i ko'u poe koa e pepehi ia oukou a make. Ua acia oukou e olelo mai.

3. Ano, ia Amona i ike ai ua acia mai oia e olelo, hele aku la ia a kulou iho la imua o ke Alii; a i ke ala ana'e i aku la oia, E ke Alii, ke aloha nui aku nei au imua o ke Akua i keia la, no ko'u ola ana i keia

manawa, a i aeia mai au e olelo; a e hoao no au e olelo me **ka wiwo ole:** no ka mea, ua ike paka au ina ua ike mai oukou ia'u, aole oe i ae **mai ia'** e hele me keia mau mea i paa ai. No ka mea, owau no o Amona, **a he** mamo no na Zarahemela, a ua pii mai nei au mai ka aina o Zarahemela mai, e imi i ko makou poe hoahanau, a Zenifa i lawe mai ai mailoko mai o kela aina.

4. Ano, eia kekahī, mahope iho o ko Limai lohe ana i na olelo a Amona, ua olioli nui loa ia, a i mai la, Ano, ua ike oiaio au e ola ana i keia manawa, ko'u poe hoahanau, ka poe i noho ai ma ka aina o Zarahemela. Ano, e hauoli no au; a i ka la apopo, e hooahuoli au i ko'u poe kanaka. No ka mea, aia hoi, ua hooluhiiā mai makou e ko Lamana poe, a ua auhauia mai i kekahī auhau kaumaha e hali ai. A, ano hoi, e hoo-pakele mai no ko makou poe hoahanau ia makou mailoko mai o ko makou luhi, a mailoko aku o na lima o ko Lamana poe, a e lilo makou i poe **kau-wa** na lakou: no ka mea, ua maikai loa ko makou lilo ana i poe kauwa na ko Nepai poe, mamua o ka hookupu ana'ku i ka waiwai i ke Alii o ko Lamana poe.

5. Auo, kanoha aku la ke Alii, o Limai, i kona poe koa mai nakiikī hou lakou ia Amona, aole hoi i kona mau hoahanau, aka, kena aku la ia lakou e hele i ka puu ma ka akau o Sailoma, a e lawe mai i ko lakou poe hoahanau iloko o ke kulanakauhale, e hiki ia lakou ke ai, a ke inu, a ke hoomaha ia lakou iho i ka luhi o ko lakou hiele ana; no ka mea, ua loaa ia lakou na mea he nui wale: ua loaa ia lakou ka pololi, ka makewai, a ma ka luhi.

6. Ano, eia kekahī ia la ae, hoonua ae la ke Alii, o Limai, i olelo hoo-laha mawaena o kona poe kanaka a pau, e hiki ia lakou ke hoakoakoa ia lakou iho i ka luakini, e hoolohe i na olelo ana e olelo aku ai ia lakou. A eia kekahī, ia lakou i hoakoakoa mai ai, olelo akū la oia ia lakou peneia, i ka i ana, E, auhea oukou, e ko'u poe kanaka, e ea mai oukou i ko oukou mau poo a e hooluoluia: no ka mea, aia hoi, ua kokoke mai ka manawa, aole loihi aku, ia kakou e noho hou ole ai malalo iho o ko kakou poe enemi, me ka nui loa nae o ko kakou aumeume ana me ka make hewa; aka, ke manaolana nei au ke koe nei i hookahi aumeume ikaika ku pono e hanania. Nolaila, e ea mai oukou i ko oukou mau poo, a e hauoli, a e paulele aku i ke Akua, i kela Akua oia no ke Akua o Aberahama, a o Isaaka, a me Iakoba; a i ua Akua la nana i lawe mai i na mamo a Israela mai-loko mai o ka aina o Aigupita, a i hoohele ia lakou mawaena o ke Kaiula ma ka aina maloo, a i hanai mai ia lakou i ka mane, i make ole lakou ma ka waonahele; a he nui na mea e ae ana i hana mai ai no lakou. A eia hou: Ua lawe mai la ua Akua hookahi la i ko kakou poe kupuna mailoko mai o ka aina o Ierusalem, a ua malama a ua hoola mai i kona poe kanaka, a hiki loa ia nei. A, aia hoi, no ka kakou hana hewa a me na hana īno, kona lawe ana mai ia kakou iloko o ka hana luhi. A he poe hoike oukou a pau i keia la, o Zenifa, ka mea i hooliloia i Alii maluna o keia

poe kanaka, ua makemake ikaika loa oia e loaa ka aina o kona poe kupuna, nolaila, i hoopunipunia'i e ke akamai a me ka maalea o ke Alii Lamana, nana i hana i ke kuikahi me ke Alii Zenifa, a ua haawi mai la ma na lima ona i na okana okekahi hapa o ka aina, oia no ke kulanakauhale o Lehi-Nepai, a me ke kulanakauhale o Sailoma; a me ka aina a puni; a ua hana oia i keia a pau, me ka manao nui e lawe aku i keia lahuikanaka malalo iho ona, a iloko o ka noho luhi ana. A, aia hoi, ke hookupuaku nei kakou i ka waiwai i ke Alii o ko Lamana poe, i ka hapalua o ko kakou kurina, a me ko kakou bale, a me ko kakou hua lilii a pau, o kela ano o keia ano, a me ka hapalua o ka mahuahua o ko kakou mau pua, a me ko kakou mau ohana holoholona; he oiaio, i ka hapalua hoi o na mea a pau a kakou i loaa'i, oia ka ke Alii o ko Lamana poe e kii mai nei, a i ole ia, i ko kakou ola. Ano, aole anei keia he mea kaumaha e hali ai? A, aole anei he nui ko kakou popilikia nei? Ano hoi, he kumu nui ko kakou e kaniuhu ai.

7. He oiaio, ke iaku nei au ia oukou, ua nui ko kakou mau kumu e kaniuhu ai: no ka mea, aia hoi, he nui loa o ko kakou poe hoahanau ka i pepehiia, a i hookahe wale ia ko lakou koko, a o keia a pau no ka hewa. No ka mea, ina aole o keia poe kanaka i haule iloko o ka hala, ina ua ae ole mai ka Haku i ili mai ai keia ino nui maluna o lakou. Aka hoi, aole o lakou i hoolohe i kana mau olelo; aka, ala ae la na paio mawaena o lakou, a no ia mea hookahe ae la lakou i ke koko mawaena o lakou iho. A na pepehi aku la lakou i kekahia kaula a ka Haku; he oiaio, he kanaka waeia e ke Akua, nana i hai ae la ia lakou i ka lakou mau hana hewa a hana ino, a wanana mai la no na mea he nui e hiki mai ana, he oiaio, no ka hiki ana mai o Kristo. A no kana i ana'e ia lakou, o Kristo no ke Akua, ka Makua o na mea a pau, a iaku la hoi nana e lawe maluna iho ona i keano o kanaka, a o keano ia o ke kanaka i hanaia'i i kinohi; oia hoi, iaku la oia ua hanaia ke kanaka mamuli o keano o ke Akua, a e iho mai auanei ke Akua mawaena o na keiki a kanaka, a e lawe maluna iho ona i ka io a me ke koko, a e hele aku ma ka ili o ka honua; ano, no kana olelo ana i keia, pepehi ae la lakou ia ia a make; a he nui na mea e ae a lakou i hana'i, i lawe mai ai ilalo nei i ka inaina o ke Akua maluna iho o lakou. Nolaila, owai la ka mea e kahaha ana no ko lakou noho luhi ana, a no ko lakou hahauia'na me na popilikia eha? No ka mea, aia hoi, ua i mai la ka Haku. Aole au e kokua aku i ko'u poe kanaka i ka la o ko lakou lawehala ana; aka e keakea aku no au i ko lakou mau ala, i pomai-kai ole lakou; a e ilo ka lakou mau hana me he mea hina la imua o lakon. A eia hou, ke i mai nei oia, Ina e lulu aku ko'u poe kanaka i ka paumaele, e ohi auanei lakou i ka opala ona, ma ka puahiohio; a o ka hope ona, o ka awaawa make no ia. A eia hou, ke i mai nei oia, Ina e lulu aku ko'u poe kanaka i ka paumaele, e ohi no auanei lakou i ka makani hikina, ka mea e lawe mai ana i ka make koke. Ano, aia hoi, ua ko ka olelo a ka Haku; a ua hahauia oukon, a hoopilikiaia. Aka ina e huli ae oukon i ka

Haku me ka manao ikaika o ka naau, a e paulele aku ia ia, a e hookau-wa aku nana me ka molowa ole o ka manao: ina e hana oukou i keia, nana no, e like me kona makemake a oluolu iho, e hoopakele mai ia oukon mailoko mai o ka noho luhia ana.

8. Eia kekahia, mahope iho o ka pau ana o ka ke Alii Limai olelo ana i kona poe kanaka, no ka mea, olelo aku la oia i na mea he nui wale ia lakou, a he kakaikalihi wale no ia mau mea ka'u i kakau ai ma keia buke,—hai aku la oia i kona poe kanaka i na mea a pau no ko lakou poe hoahanau, ma ka aina o Zarahemela; a hooku ae la oia ia Amona imua o ka ahakanaka, nana e hai aktu ia lakou i na mea a pau a ko lakou poe hoahanau i loaa mai ai, mai ka wa a Zenifa i pii mai ai mailoko mai o ka aina, a hiki i kona wa i pii mai ai mailoko mai o ka aina. A hai aktu la hoi oia ia lakou i na olelo hope a ke Alii Beniamina i ao mai ai ia lakou, a wehe-wehe aktu la ia mau mea i na kanaka o ke Alii Limai, i hiki ia lakou ke hoomaopopo i na olelo a pau ana i olelo mai ai. A eia kekahia, mahope iho o kana hana ana i keia a pau, hookuu ae la o ke Alii Limai i ka ahakanaka, a kauoha ae la e hoi aktu lakou, o kela mea keia mea i kona hale iho.

9. Eia kekahia, kauoha ae la oia e laweia mai na papa, kahi i kakauia'i ka mooolelo o kona poe kanaka, mai ka manawa a lakou i haalele aktu ai i ka aina o Zarahemela, imua o Amona, nana e heluhelu ia mau mea. Ano, ia Amona i heluhelu ai i ka mooolelo, ninau mai la ke Alii ia ia, e ike ina ua hiki paha ia ia ke unuhi i na olelo. A hai aktu la o Amona ia ia ua hiki ole ia ia. A i mai la ke Alii ia ia, Ua kaumaha iho la au no na pilikia o ko'u poe kanaka, a hoouna aktu la au i hookahi kanaha a me na mea keu ekolu o ko'u poe kanaka, e hele aktu iloko o ka waonahele, e hiki ia lakou ma ia mea ke loaa ka aina o Zarahemela; i hiki ia makou ke hoopii i ko makou poe hoahanau e hoopakele mai ia makou, mailoko aktu o ka noho luhia ana; a ua hili lakou ma ka waonahele, no na la he nui wale, aka ua molowa ole lakou, aole nac i loaa ka aina o Zarahemela, aka hoi hou mai la i keia aina, ua hele aktu la ma kahi aina mawaena o na wai nui wale; ua loaa kahi aina i ubilia me na iwi o na kanaka, a o na holoholona, a pela aktu, a ua ulilia me na koena o na hale o kela ano o keia ano: ua loaa kekahia aina i hoopihia e ia mamua me kekahia poe kanaka i kini-kini e like me na lehulchua o ka Iseracla. A i mea e hoike ai he mau mea oiaio ka'lakou i olelo mai ai, ua lawe mai lakou i na papa he iwakaluakumamaha, i hoopihia me na kaha; a ho gula maemae ia mau mea. Aia hoi, ua lawe mai hoi lakou i na pale umauma, a na nunni; a he kele-awe melemele, a me ke keleawe ulaula ia mau mea, a, aohe kina iki. A eia hou, ua lawe mai lakou i na pahikaua, ua popopo na au o ia mau mea, a ua hoimoia hoi na pahi me ke kukae; aole kekahia mea ma ka aina i hiki ke unuhi mai i ka olelo a me na kaha maluna o na papa. Nolaila, i aktu ai au ia oe, E hiki anei ia oe ke unuhi? A ke i hou aktu nei au ia oe, ke ike nci anei oe i kekahia mea e hiki ke unuhi? No ka mea, ua makemake*

au e unuhia keia mau mooolelo iloko o ka kakou olelo. No ka mea, malia paha e haawi mai no ia mau mea i ka ike, no kekahi koena o keia poe kanaka i lukuia, mai ia lakou mai keia mau mooolelo; a i ole ia, e haawi mai paha ia mau mea i ka ike no keia poe kanaka iho, ka poe i lukuia; a ua makemake au e ike i ke kumu o ko lakou lukuia'na.

10. Ano, iaku la o Amona ia ia, ua hiki io ia'ke hai aku ia oe, e ke Alii, no kekahi kanaka i hiki ke unuhi i na mooolelo: no ka mea, nona na mea i hiki ai ia ia ke nana, a ke unuhi i na mooolelo a pau e ka wa kahiko: a he haawina ia mai ke Akua mai. A ua kapaia keia mau mea he mau mea unuhi olelo: aole e hiki i kekahi kanaka ke nana iloko o laua, ke kauoha ole ia oia, o nana oia no ka mea e pono ole ai ia ia, a e make oia. A o ka mea i kauohaiia mai e nana iloko o laua, ua kapaia oia, He mea nana-Urima. Aia hoi, o ke Alii o na kanaka ma ka aina o Zarahemela, oia no ke kanaka i kauohaia e hana i keia mau mea, a nana keia haawina kiekie mai ke Akua mai. A i mai la ke Alii, Ua nui loa a'ku ka ka mea nana-Urima mamua o ke kaula. A iaku la o Amona, O ka mea nana-Urima he mea hoike oia, a he kaula hoi: aole e hiki i ke kanaka, ke loaa ka haawina nui ae, ke ele loaa ia ia ka mana o ke Akua, ka mea e hiki ole ai i ke kanaka; aka e hiki no i ke kanaka ke loaa ka mana nui e haawiia mai ia ia mai ke Akua mai. Aka o ka mea nana-Urima ua hiki ia ia ke ike i na mea i hala, a i na mea hoi e hiki mai ana; a ma o lakou la e hoikeia mai na mea a pau, e aho e olelo, e hoikeia mai na mea huna, a e puka mai i ka malamalama na mea nalo, a o na mea i ike ole ia, e hoikeia mai auanei e lakou; a e hoikeia mai no hoi na mea e lakou, aole e hiki ke ikeia ke ole lakou. Pela ke Akua i hoomakauka ai i ala i hiki i ke kanaka, ma o ka manaoio la, ke hana i na hana mana nui: nolaila, e lilo ana oia i mea e pomaikai nui ai i kona poe hoa neho.

11. Ano, ia Amona i hoopau ai i ka olelo ana i keia mau olelo, hanoli nui loa ilohi la ke Alii, a hoalohaloha aku la i ke Akua, me ka i ana, He oiaio no paha, aia no he mea pohihiji nui iloko o neia mau papa; a he oiaio no, ua hoomakaukaia keia mau mea unuhi olelo no ka wehewehe ana i na mea pohihiji a pau me neia i na keiki a kanaka. E ! kupanaha na hana a ka Haku, a loihi kona hoomanawanui ana me kona poe kanaka; he oiaio, nui ka makapo a me ka paakiki o ka hoornaopopo o na keiki a kanaka: no ka mea, aole o lakou e imi i ka naauao, aole hei lakou e make-make e noho alii oia maluna o lakou. He oiaio, ua like lakou me he pua hihiu la, e mahuka ana mai ke kahu hipa aku, a e hele liilii ana, a i hoaia, a i aiia e na holoholona o ka ululaau.

MOKUNA VI.

KA MOOOLELO A ZENIFA.—*He mooolelo o kona poe kanaka, mai ka wa a lakou i haalele aku ai i ka aina o Zarahemela, a hiki i ka wa i hoopakaleia'i lakou mailoko aku o na lima o ko Lamana poe.*

1. OWAU, o Zenifa, ua aoia au ma ka olelo a pau a ko Nepai poe, a na loaa e ia'u ka ike no ka aina o Nepai, o ka aina hooilina mua o ko makou poe kupuna, a ua hoounaia au me he kiu la mawaena o ko Lamana poe, na'u e hoomaka'kiu i ko lakou poe koa, i hiki i ko makou poe koa ke lele maluna o lakou a e lukuaku ia lakou; aka ia'u i ike ai i ka mea pono mawaena o lakou, ua makemake au e pepehi ole ia lakou; nolaila, paio aku la au me ko'u poe hoahanau ma ka waonahele; no ka mea, ua make-make au i ka lma o makou e hana i kuikahi me lakou. Aka he kanaka makona a puni koko no oia, kanoha mai la ia e pepehiia au; aka ua hoopakaleia au ma ka hookahe nui ia'na o ke koko: no ka mea, kauaaku la ka makuakane i ka makuakane, a me ka hoahanau i ka hoahanau, a, lukuia ka nui o ko makou poe koa ma ka waonahele; a hoi houaku la makou, ka poe o makou i hookoeia, i ka aina o Zarahemela, e haiaku ia mooolelo i ka lakou poe wahine, a me ka lakou poe keiki. Aka na make-make ikaika loa nae au e loaa ka aina o ko makou poe kupuna, a houluulu ae la au i na mea a pau e makemake ana e pii aku e loaa ka aina, a hele houaku la ma ko makou hele ana ma ka waonahele, e piiaku i ka aina; aka ua hahauia mai makou me ka wi a me na popilikia eha: no ka mea, na lohi makou e hoomanao i ka Haku ko makou Akua. Aka hoi, mahope iho o ka auwana ana i na la he nui ma ka waonahele, kukuluaku la makou i ko makou mau halelewa ma kahi o ko makou poe hoahanau i pepehiia'i, a ua kokoke ia i ka aina o ko makou poe kupuna.

2. Eia kekahih, hele houaku la au me na kanaka o'u eha, iloko o ke kulanakauhale, iloko i ke alii la, i ike ai au i ke ano o ko ke alii manao, a i ike ai hoi au ina paha e hiki ia'u ke hele iloko me ko'u poe kanaka, a e loaa ka aina me ka maluhia. A heleaku la au iloko i ke alii la, a hana berita mai la oia me au, e lilo ia'u ka aina o Lehi-Nepai, a me ka aina o Sailoma. A kauohaaku la no hoi oia i kona poe kanaka e heleaku mawaho o ka aina, a heleaku la au me ko'u poe kanaka iloko o ka aina, i noho ai makou ia aina. A hoomakaaku la makou e kukuluaku i na hale, a e hana hou i na pa o ke kulanakauhale, he oiaio, i na pa o ke kulanakauhale o Lehi-Nepai, a me ke kulanakauhale o Sailoma. A hoomaka ae la makou e kanu i ka honua, he oiaio, me kelaano keiaano o na anoano, me ke anoano o ke kurina, a o ka huita, a o ka bale, a me ka neasa, a me ka seuma, a me kelaano keiaano o na anoano o na hua; a hoomakaaku la makou e maluahua a e hoopomaikaiia mai ma ka aina. Ano, no ka maalea a me ke akamai o ke Alii Lamana, e lawe mai ai i ko'u poe kanaka iloko o ka noho luhi ana, kona haawi ana mai i ka aina, e noho ai makou.

3. Nolaila, eia kekahī mahope iho o ko makou noho ana ma ka aina no na makahiki he umikumamalua, hoomaka ae la ko ke Alii Lamana əluolu ole, o mahuahua paha ko'u poe kanaka a ikaika ma ka aina, a e hiki ole ia lakou ke lanakila maluna o lakou nei a e hooluhi mai ia lakou nei. Ano, he poe molowa a hoomanakii lakou: nolaila, ua makemake lakou e hooluhi mai ia makou, e hiki ia lakou ke hoopiha ia lakou iho me ka hana a ko makou mau lima, he oiaio, e hiki ia lakou ke hoomaona ia lakou iho ma na pua holoholona o ko makou kula.

4. Nolaila, eia kekahī, hoomaka ae la ke Alii, o Lamana, e hookonokono i kona poe kanaka, i paio mai ai lakou me ko'u poe kanaka; nolaila, hoomaka aku la na kaua a me na paio ma ka aina. No ka mea, i ka makahiki umikumamakolu o ka noho alii o'u ma ka aina o Nepai, ma o ma ke kukulu hema o ka aina o Sailoma, i ka wa a ko'u poe kanaka e hoohai'na ana a e hanai ana i ko lakou mau pua holoholona, a e mahiai ana i ko lakou mau aina, hiki mai la kekahī poe kaua he lehulehu o ko Lamana poe maluna o lakou, a hoomaka ae la e pepehi ia lakou a make, a e lawe aku i ko lakou mau pua holoholona, a me ke kurina o ko lakou mau kihapai. He oiaio, a auhee mai la lakou, ka poe a pau i hopu ole ia iloko o ke kulanakauhale o Nepai, a noi mai la ia'u i ka maluhia.

5. Eia kekahī, kahiko aku la au ia lakou me na kakaka, a me na pua, me na pahikaua, a me na pahikaua pokole, me na newa, a me na maa, a me kela ano keia ano o na mea kaua i hiki ia makou ke hana, a hele aku la au me ko'u poe e ku e aku i ko Lamana poe ma ke kaua: he oiaio, ma ka ikaika o ka Haku makou i hele aku ai e kaua aku i ko Lamana poe: no ka mea, kahea ikaika aku la au me ko'u poe kanaka i ka Haku, nan: e hoopakele mai ia makou mailoko mai o na lima o ko makou poe enemi, no ka mea, ua hoalaia mai makou e hoomanao i ka hoopakcleia'na o ko makou poe kupuna. A lohe mai la ke Akua i ka makou hea ana, a hooko mai la i ka makou mau pule; a hele aku la makou ma kona ikaika. He oiaio, hele aku la no makou e ku e i ko Lamana poe; a i ka la a me ka po hookahi, ua pepehi aku la makou i ekolu tausani a me kanahaku-mamakolu; a pepehi aku la makou ia lakou, a hiki i ka wa a makou i hooauhee aku ai ia lakou mawaho o ka aina o makou. A owau hoi, ua kokua au me kuu mau lima iho, e kanu i ko lakou poe make. Aia hoi, i ko makou kaumaha a kupinai nui, ua pepehiia elua haneri a me kana-hikukumamaiwa o ko makou poe hoahanau.

6. Eia kekahī, hoomaka hou aku la makou e hookupaa i ke aupuni; a hoomaka hou makou e noho ma ka aina me ka malu. A kauoha ae la au e hanaia kela ano keia ano o na mea kaua, e hiki ia'u ma ia mea ke loaa na mea kaua no ko'u poe kanaka, no ka wa e hele hou mai ko Lamana poe e kaua mai i ko'u poe kanaka. A hoonoho iho la au i na mea kiai a puni o ka aina, i hiki ole ai i ko Lamana poe ke lele hou mai maluna o makou me ka ike ole ia'ku, a e luku mai ia makou; a pela au i kiai ai i ko'u poe kanaka, a me ko'u mau pua holoholona, a hoola ia lakou mai ka haule ana iloko o na lima o ko makou poe enemi.

7. Eia kekahī, noho iho la makou i ka aina o ko makou poe kupuna, no na makahiki he nui; he oiaio, no na makahiki he iwakaluakumamalua. A kauoha ae la au i na kanaka e mahai i ka honua, a e hoolu i na ano a pau o na hua lili, a i na hua laau a pau, o kela ano keia ano. A na'u i kauoha aku e milo na wahine, a e hooikaika a hana, a e hana i na ano a pau o ka ie makalii: he oiaio, a me ka lole o kela ano keia ano, e hiki ia makou ke hooaahu i ko makou olohelohe; a pela makou i pomaikai ai ma ka aina; a pela no hoi makou i loaa'i ka maluhia mau ma ka aina no na makahiki he iwakaluakumamalua.

8. Eia kekahī, make aku la ke Alii Lamana, a hoomaka ae la kana keiki e noho alii ma kona hakahaha. A hoomaka ae la oia e hooeu i kona poe kanaka i ke kipi ku e i ko'u poe kanaka; nolaila, hoomaka mai la lakou e hoomakaukau no ke kaua, a e pii mai e kaua i ko'u poe kanaka. Aka ua hoouna e aku au i ke'u poe kiu mawaho a puni o ka aina o Semalona, i loaa'i ia'u ka ike no ko lakou hoomakaukau ana, i pale aku ai au ia lakou, i hiki ole ai lakou maluna o ko'u poe kanaka a e luku mai ia lakou.

9. Eia kekahī, pii mai la lakou ma ka akau o ka aina o Sailoma, me ko lakou poe kaua he lehulehu, o na kanaka i kahikoia me na kakaka, a me na pua, a me na pahikaua, a me na pahikaua pokole, a me na ala, a rae na maa, a ua koleia ko lakou mau poo, i olohelohe lakou; a kakooia me kekahī kaei ili a puni o ko lakou mau puhaka.

10. Eia kekahī, kauoha aku la au e hunaia na wahine a me na keiki a ko'u poe kanaka ma ka waonahele; a kauohaaku la hoi au i na elemakule a pau o'u i hiki ke hali i na mea kaua, a me ko'u poe kanaka hou hoi i hiki ke hali i na mea kaua, e houluulu ia lakou iho e hele e kaua aku i ko Lamana poe; a hoonoho papa ae la au ia lakou, kela kanaka keia kanaka e like me kona mau makahiki.

11. Eia kekahī, pii aku la makou e kaua i ko Lamana poe. A owau hoi, i ko'u wa elemakule, owau kekahī i pii aku ai e kaua i ko Lamana poe. Eia kekahī, pii aku la makou ma ka ikaika o ka Haku, e kaua.

12. Ano, aole o ko Lamana poe i ike i kekahī mea no ka Haku, aole no hoi i ka ikaika o ka Haku; nolaila, paulele akū la lakou i ko lakou ikaika iho. Aka, he poe kanaka ikaika lakou, ma ka ikaika o kanaka: he poe hihiu, a hae, a puni koko lakou e manaoio ana i ka mooolelo a ko lakou poe kupuna, eia ia:—E manaoio ana na kipakuia mai lakou mailoko mai o ka aina o Ierusalem, no na hewa o ko lakou poe kupuna, a ua hoolawehalaia lakou ma ka waonahele e ko lakou poe hoahanau; a ua hoolawehalaia no hoi lakou, oiai e holo mai ana ma ke kai. A eia hou: Ua hoolawehalaia lakou oiai ma ko lakou aina hooilina mua, mahope iho o ko lakou hiki ana mai ma keia aoao o ke kai; a o keia mau mea a pau, no ka oi ana o ko Nepai ikaika ma ka malama ana i na kauoha a ka Haku; nolaila, ua lokomaikaiia mai oia e ka Haku, no ka mea, lohe ka Haku i kana mau pule a hooko mai la ia mau mea, a oia no ka mea alakai ma ko lakou hele ana ma ka waonahele. A ua huhu kona mau hoahanau

ia ia, no ka mea, aole o lakou i hoomaopopo i na hana a ka Haku; ua huhu no hoi lakou ia ia maluna o na kai, no ka mea, ua hoopaaiki iho la lakou i ko lakou mau naau e ku e i ka Haku. A eia hou: Ua huhu lakou ia ia, ia lakou i hiki mai ai i ka aina i olelo mua ia'i, no ka mea, i mai la lakou ua lawe aku oia i ke alii ana maluna o na kanaka mailoko aku o ko lakou mau lima; a imi aku la lakou e pepehi ia ia. A eia hou: Ua huhu lakou ia ia, no kona haalele ana, a me ka hele ana iloko o ka waonahele me ka Haku i kauoha mai ai ia ia, a lawe pu ana i na mooolelo i kahakahaia ma na papa keleawe; no ka mea, i mai la lakou ua hao mai la oia ia lakou. A pela lakou i ao ai i ka lakou poe mamo, e inaina mai ai lakou ia lakou nei, a e pepehi mai ai lakou ia lakou nei, a e powa mai ai lakou a e hao mai ia lakou nei, a e hana ai lakou i na mea hiki a pau e anai mai ai lakou nei; nolaila, he inaina mau loa ko lakou i na mamo a Nepai. No keia kumu na hoopunipuni mai ke Alii Lamana, ma kona maalea a akamai wahahhee, a me kana olelo malimali ia'u, i lawe mai ai au i ko'u poe kanaka nei, maluna iloko o keia aina, e hiki ia lakou ke luku mai ia lakou nei; he oiaio, a ua pilikia iho la makou i keia man makahiki he nui ma ka aina.

13. Ano, owau: o Zenifa, mahope iho o ka'u hai ana i keia mau mea a pau i ko'u poe kanaka no ko Lamana poe, hooikaika aku la au ia lakou e hele e kaua me ko lakou ikaika a pau, e paulele ana i ka Haku; nolaila, paio aku la makou me lakou, he maka no, he maka. A eia kekahih, hooauhee hou aku la makou ia lakou mawaho o ko makou aina; a pepehi aku la makou ia lakou me ka luku nui, a no ka nui loa aole makou i helu ia lakou.

14. Eia kekahih, hoi hou aku la makou i ko makou aina iho, a hooma-ka hou ae la ko'u poe kanaka e malama i ko lakou mau pua holoholona, a e mahiai i ka honua. Ano, ua elemakule au, a hooili aku la au i ke aupuni maluna o kekahih o ka'u mau keiki; nolaila, aole au e olelo hou aku. A na ka Haku e hoopomaikai i ko'u poe kanaka. Amene.

MOKUNA VII.

1. EIA kekahih, hooili iho la o Zenifa i ke aupuni maluna o Noa, kekahih o kana mau keikikane; nolaila, i hoomaka'i o Noa e noho alii ma kona hakahaka; aole ia i hele ma na aoao o kona makuakane. No ka mea hoi, aole oia i malama i na kauoha a ke Akua, aka hele aku la oia mamuli o na makemake o kona naau iho. A he nui na wahine a me na haiawahine ana. A he kumu oia no kona poe kanaka e hana'i i ka hewa, a e hana'i i ka mea hoopailua ma ke alo o ka Haku. He oiaio, a ua hana lakou i na moe kolohe, a me na ano a pau o ka hewa. A kau mai la oia i ka auhau

hapalima o na mea a pau a lakou; i ka hapalima o ko lakou gula a o ko lakou kala, a i ka hapalima o ko lakou zifa, o ko lakou keleawe ulaula, a o ko lakou keleawe melemele a me ko lakou hao; a i ka hapalima o ko lakou mau holoholona kupaluia; a i ka hapalima hoi o ko lakou hua liili. A ua lawe oia i keia mau mea a pau, e hanai ia ia iho, a i kana mau wahine, a i kana mau haiawahine, a i kana poe kahuna, a i ka lakou mau wahine, a i ka lakou mau haiawahine; pela oia i hoololi ai i na oihana o ke aupuni. No ka mea, hoopau ae la oia i na kahuna a pau i hoolaaia e kona makuakane, a hoolaa ae la i na mea hou ma ko lakou hakahaka, i na mea i hookiekieia ma ka haaheo o ko lakou mau naau. He oiaio no, a pela lakou i hanaiia'i ma ko lakou palaualelo ana, a ma ko lakou hoomana kii ana, a ma ko lakou moe kolohe ana, ma o na auhau la a ke 'Lii a Noa i kau mai ai maluna o kona poe kanaka; pela i hana ikaika ai na kanaka, e hana i ka hewa. He oiaio, o lakou hoi ka i lilo i poe hoomana kii, no ka mea, ua hoopunipunia e na olelo haakei a malimali a ke Alii a me na kahuna: no ka mea, ua olelo ae la lakou i na mea malimali ia lakou.

2. Eia kekahī, kukulu iho la o ke Alii Noa i na hale nani a akea he nui wale; a hoonani ae la oia i ua mau hale nei me ka hana maikai o ka laau, a me na ano a pau o na mea maikai loa, o ke gula, a o ke kala, a o ka hao, a o ke keleawe melemele, a o ka zifa, a o ke keleawe ulaula; a kukulu no hoi oia i hale alii akea nona, a i noho alii mawaena konu olaila, o keia mau mea a pau o ka laau maikai ia, a ua hoonania me ke gula, a me ke kala, a me na mea maikai loa. A kauoha ae la no hoi oia i kana poe paahana e hana i na ano a pau o ka hana maikai iloko o na paia o ka luakini, o ka laau maikai, a o ke keleawe ulaula, a o ke keleawe melemele; a o na noho i hookaawaleia'i no na kahuna nui, maluna o na noho e ae a pau, oia kana i hoonau iku ai me ke gula maemae: a nana i kauoha e hanaiia kekahī papa umauina imua o lakou; i wahi no lakou e hilinai ai ko lakou mau kino a me ko ūakou mau lima maluna, oiai lakou e olelo aku ai i na olelo wahahē ā haakei i kona poe kanaka.

3. Eia kekahī, kukulu iho la oia i hale kiai kokoke i ka luakini; he oiaio, i kahi hale kiai kickie loa, a no ke kiekie ua hiki ia ia ke ku maluna olaila, a ke nana iku i ka aina o Sailoma, a i ka aina o Semalona hoi, kahi a ko Lamana poe i noho ai; a ua hiki ia ia ke nana iku maluna o ka aina a puni.

4. Eia kekahī, kauoha ae la oia i na hale he nui e kukuluia ma ka aina o Sailoma; a nana i kauoha i kekahī hale kiai nui e kukuluia ma ka puu aia ma ka akau o ka aina Sailoma, kahi a ka poe keiki a Nepai i hele nui ai, ma ka manawa a lakou i auhee iku ai mailoko iku o ka aina; a pela oia i hana'i me ka waiwai ana i loaa'i ma ka auhau ana i kona poe kanaka.

5. Eia kekahī, kau iku la oia i kona naau maluna o kona waiwai, a hoomaunauna iku oia i kona manawa, ma ka noho uhauha ana me kana

poe wahine a me kana poe haiawahine; a pela hoi kana poe kahuna i hoomaunaunu aku ai i ko lakou manawa, me na wahine hookamakama. Eia kekabi, kanu iho la oia i na malawaina a puni ma ka aina; a kukulu iho la oia i na wahi kaomi waina, a hana oia i ka waina a nui loa; a nolaila, ilo iho la oia i mea pakela waina, a me kona poe kanaka no hoi.

6. Eia kekahihoomaka ae la ko Lamana poe e hele mai maluna o kona poe kanaka, maluna o na mea he kakaikahi, a e pepehi ia lakou a make ma ko lakou mau kilhapai, a oiai lakou e malama ana i ko lakou mau pua holoholona. A hoonoho aku la o ke Alii Noa i na koa a puni ka aina e pale aku ia lakou: aka aole ia hoouna aku i ua poe koa nei a lawa, a hiki mai la ko Lamana poe maluna iho o lakou, a pepehi ae la ia lakou a make, a hoa iho la i na pua holoholona he nui o lakou mailoko aku o ka aina: pela i hoomaka ai ko Lamana poe e luku mai ia lakou, a e hoopai mai i ko lakou inaina ma'luna o lakou nei.

7. Eia kekahihoouna aku la ke Alii Noa i kona poe kaua e ku e ia lakou la, a ua hooauheeia lakou la, oia hoi, hooauhee lakou ia lakou la ihope no kekahihoouna; nolaila, hoi hou ae la lakou e hauoli ana ma ko lakou waiwai pio. Ano, no keia lanakila nui, ua hookiekieia lakou ma ka haahao o ko lakou mau naau; a kaena aku la lakou ma ko lakou ikaika iho, me ka i ana, ua hiki i ko lakou kanalima ke ku e aku i na tausani o ko Lamana poe; a pela lakou i kaena ai, a olioli i ke koko, a i ka hookahana i ke koko o ko lakou poe hoahanau, a o keia mea no ka hewa o ko lakou alii a me na kahuna hoi.

8. Eia kekahihoomaka o lakou kekahihoomaka, o Abinadi kona inoa; a hele aku la oia iwaena o lakou, a hoomaka iho la e wanana, i ka i ana, Aia hoi, penei wahi a ka Haku, a pencia oia i kauoha mai ai ia'u, i ka i ana, E hele aku a e olelo aku i keia poe kanaka, penei wahi a ka Haku: auwe keia poe kanaka, no ka mea, na ike au i ko lakou mau mea iuo, a me ko lakou mau hewa, a me ko lakou mau moe kolobe; a ke mihi ole lakou, e hele aku au io lakou la ma kuu inaina. A ke mihi ole lakou, a huli i ka Haku i ko lakou Akua, aia hoi, e haawi aku au ia lakou iloko o na lima o ko lakou poe enemi: he oiaio, a e laweia aku lakou iloko o ka noho luhi ana; a e hoopilikiaia lakou e ka lima o ko lakou poe enemi. A e hiki mai keia, e ike auanei lakou owau no ka Haku ko lakou Akua, a he Akua lili, e hoopai ana i na hala a ko'u poc kanaka. A e hiki mai no hoi keia, ke mihi ole keia poe kanaka a e huli i ka Haku i ko lakou Akua, e laweia lakou iloko o ka noho luhi ana: aole loa kekahihoomaka e hoopakele ia lakou, o ka Haku ke Akua Mana loa wale no. He oiaio, e hiki mai keia i ka wa a lakou e kahea mai ai ia'u, e lohi no au i ka hoolohe i ko lakou hea ana; he oiaio, a e hookuu aku au ia lakou e hahauia lakou e ko lakou poe enemi. A ke mihi ole lakou iloko o ke kapa inoino a me ka lehu, a e kahea ikaika mai i ka Haku i ko lakou Akua, aole au e hoolohe aku i ka lakou mau pule, aole hoi au e hoopakele aku ia lakou mailoko aku o ko lakou mau popilikia; a pela wahi a ka Haku, a pela oia i kauoha mai ai ia'u.

9. Ano, eia kekahī, ia Abinadi i olelo mai ai i keia mau olelo ia lakou, ua hahu lakou ia ia, a imi aku la e kaili aku i kona ola; aka hoopakele aku la no ka Haku ia ia mailoko mai o ko lakou mau lima. Ano, i ka wa a Noa, ke Alii, i lohe ai no na olelo a Abinadi i olelo mai ai i na kanaka, ua hahu no hoi oia; a i aku la oia, Owai la o Abinadi, i hoohewaia mai ai au me ko'u poe kanaka e ia? A owai la ka Haku, nana e hooili mai maluna iho o ko'u poe kanaka i na popilikia nui me neia? Ke kena aku nei au ia oukou e lawe mai ia Abinadi maanei, na'u e pepehi aku ia ia: no ka mea, ua olelo mai la oia i keia mau mea, e hiki ia ia ke hooeueu i ko'u poe kanaka i ka hahu, kekalii me kekahī, a e hoala i na paio mawaena o ko'u poe kanaka; nolaila, e pepehi aku no au ia ia. Ano, ua hoopouliia na maka o na kanaka; nolaila, hoopaakiki iho la lakou i ko lakou mau naau e ku e i na olelo a Abinadi, a imi aku la lakou mai ia manawa aku e hopu ia ia. A hoopaakiki iho la ke Alii Noa i kona naau e ku e i ka otelo a ka Haku; a, aole oia i mihi i kana mau hana ino ana.

10. Eia kekahī, mahope iho o na makahiki elua, hele mai la o Abinadi mawaena o lakou me ka pahaohao, i ike ole ai lakou ia ia, a hoomaka ae la e wanana aku mawaena o lakou, i ka i ana, penei ka ka Haku i kauoha mai ai ia'u, i ka i ana: E Abinadi, e hele aku a e wanana aku i ko'u poe kanaka nei, no ka mea, ua hoopaakiki aku la lakou i ko lakou naau i ka'u mau olelo; ua mihi ole lakou i ka lakou mau hana ino; nolaila, e hele no au io lakou la ma kuu inaina, he oiaio, ma kuu inaina wela e hele aku ai au io lakou la ma ko lakou mau hewa a hana hoopailua; he oiaio, auwe keia hanauna. A i mai la ka Haku ia'u, E o aku i kou lima, a e wanana, me ka i ana, penei wahī a ka Haku: E hiki mai keia, e laweia auanei keia hanauna, no ka lakou mau hala, iloko o ka noho luhī ana, a e papaiia ma ka papalina: he oiaio, a e hooauheeia e na kanaka, a e lukuia; a e ai auanei na manu nui o ka lewa, a me na ilio, a me na holoholona hihiu, i ko oukou io.

11. A e hiki mai keia, e manaoia ke ola o ke Alii Noa me he aahu la iloko o kekahī umu wela; no ka mea, e ike no oia owau no ka Haku. Eia kekahī, e hahau aku no au i keia poe kanaka o'u me na popilikia eha; he oiaio, me ka wi a me ke ahulau; a na'u lakou e hoaoa aku a pau ae la ka la. He oiaio, a e hoohaawe aku no au i na ukana kaumaha maluna o ko lakou mau kua; a e hooeucua lakou imua me ka hahau, me he hoki leo ole la.

12. A e hiki mai keia, e hoouna aku au i ka huahekili mawaena o lakou, a e pehi ia mea ia lakou; a e papaiia no hoi lakou me ka makani hikina: a e hoopilikia na mea kolo i ko lakou aina hoi, a e ai i ko lakou hua liili. A e hahauia lakou me kekahī ahulau nui: a e hana au i keia mau mea a pau, no ka lakou mau hala a mau hana hoopailua.

13. A eia kekahī, ke mihi ole lakou, e hoopau loa aku au ia lakou mailuna aku o ka ili o ka honua; aka e waiho iho no lakou i mooolelo mahope iho o lakou, a e hoola aku au ia mea no na lahuikanaka

e ae, ka poe e loaa 'uanei ka aina; he oiaio, e hana no au i keia, e hiki ia'u ka hoakaka aku i ka hana hoopailua a keia poe kanaka i na lahuikanaka e. A he nui wale na mea a Abinadi i wanana ku e mai ai i keia poe kanaka.

14. Eia kekahi, huhu iho la lakon ia ia; a hopuaku la lakou ia ia a kaikai paaaku la ia ia imua o ke Alii, a iaku la i ke Alii, Aia hoi, ua lawe mai makou i kekahi kanaka imua ou, nana i wanana ino mai no kou poe kanaka, a ke i mai la e hoopau ana ke Akua ia lakou; a ke wanana mai la no hoi oia i ka ino no kou ola, a ke i mai nei e like auanei kou ola me he aahu la iloko o ka umu ahi. A eia hou, ke i mai nei oia e like auanei oe me he ohe la, oia, me he ohe maloo la o ke kula, i holoia maluna e na holoholona a hahia ilalo o na wawae. A eia hou, ke i mai nei oia e like auanei oe me na pua o ka puakala, ia ia i oo loa ai, ina e pa mai ana ka makani, ua hoopuehuia'ku ia ma ka ili o ka aina; a ke hookokohu mai nei ia me he mea la na ka Haku i olelo mai ia mea. A ke i mai nei oia e hiki mai keia a pau maluna ou, ke mihi ole oe; a o keia no kau mau hala.

15. Ano, e ke Alii, aia hoi, heaha la ka ino nui au i hana'i, a heaha la hoi na hewa nui a kou poe kanaka i lawehala'i, i hoohewaia kakou e ke Akua, a i hookolokoloia e keia kanaka. Ano, e ke Alii, aia hoi, ua hewa ole makou, a ooe, e ke Alii, ua lawehala ole; nolaila, ua wahahhee mai la keia kanaka nou, a ua wanana mai la me ka makehewa. A, aia hoi, ua ikaika kakou, aole no kakou e komo iloko o ka noho luhi ana, aole hoi e lawe pio ia e ko kakou poe enemi; he oiaio, a na hoopomaikaiia oe ma ka aina, a e hoopomaikaiia auanei oe. Aia hoi, eia no ke kanaka, ke haawi aku nei makou ia ia iloko o kou mau lima; nau no e hana me ia me ka mea maikai ia oe.

16. Eia kekahi, kenaaku la ke Alii Noa e hooleiia'ku o Abinadi iloko o ka halepaahao; a kauoha ae la oia i na kahuna e hoakoakoa ia lakou iho, e hiki ia ia ke kukakuka pu me lakou i ka mea e pono ai nana e hana me ia. A eia kekahi, iaku la lakou i ke Alii, E lawe mai ia ia maanei, na makou e niele aku ia ia. A kauohaaku la ke Alii e laweia mai oia imua o lakou. A hoomaka ae la lakou e ninaninai ia ia, e hiki ia lakou ke hookue i kana, e hiki ia lakou ke loaa kekahi mea e hoohewa'i ia ia; aka paneaku la oia ia lakou me ka wiwo ole, a paleaku la i ko lakou mau niele a pau, he oiaio, a nui ko lakou kahaha; no ka mea, paneaku la oia ia lakou ma ko lakou mau niele a pau, a hoohokaaku la ia lakou ma ka lakou mau olelo a pau.

17. Eia kekahih, mai la kekahi o lakou ia ia, Heaha la ke ano o na olelo i palapalaia, a i aoia e ko kakou poe kupuna, i ka i ana: Nani wale ma na mauna na wawae o ka mea e lawe mai ana i ka olelo maikai; ka mea e hoolaha ana i ka malu; ka mea e lawe mai ana i ka olelo maikai o ka olioli; ka mea e hoolaha ana i ke ola; ka mea e olelo ana ia Ziona, ke malama anpuni nei kou Akua; o kou poe kiai e hookiekie auanei lakou i ka leo; me ka leo auanei lakou e hookani pu ai, no ka mea, e ike auanei

Iakou, he maka no he maka, i ka wa a ka Haku e hoihoi hou mai ai ia Ziona. E hookani olioli; e olioli pu oukou e na wahi neoneo o Ierusalem: no ka mea, ua hoomaha mai ka Haku i kona poe kanaka; ua hoolapanai oia ia Ierusalem. Ua hoike ka Haku i kona lima hemolele imua o na maka o na lahuikanaka a pau; a e ike auanei na kukulu a pau o ka honua i ka hooela ana o ko kakou Akua. Ano, iaku la o Abinadi ia lakou, He poe kahuna anei oukou, a e hookokohu ana e ao i keia poe kanaka, a e hoomaopopo i ka uhane o ka wanana ana, aka e makemake ana nae e ike ia'u i ke ano o keia mau mea? Ke iaku nei au ia oukou, auwe oukou no ka hookapae ana i na aoao o ka Haku. No ka mea, ina oukou e hoomaopopo nei i keia mau mea, aole oukou i ao aku ia mau mea: nolaila, ua hookapae oukou i na aoao o ka Haku. Ua hoopili ole oukou i ko oukou mau naau i ka ike; nolaila, aole oukou i naauao. Nolaila, heaha la ka oukou i ao aku ai i keia poe kanaka? A i mai la lakou, Ke ao aku nei makou i ke kanawai o Mose. A i houaku la oia ia lakou, Ina e ao ana oukou i ke kanawai o Mose, no ke aha la oukou i malama ole ai ia? No ke aha la oukou i kauaku ai i ko oukou mau naau maluna o ka waiwai? No ke aha la oukou i moe kolohe ai, a i hoomaunauna'i i ko oukou ikaika me na wahine hookamakama, he oiaio, a lilo i kumu no keia poe kanaka e hana hewa'i, i hoouna mai ai ka Haku ia'u e wanana ku e i keia poe kanaka, he oiaio, i kekahimea ino nui i keia poe kanaka? Aole anei oukou i ike, ke olelo nei au i ka oiaio? He oiaio, ke ike nei oukou ke olelo nei au i ka oiaio; a he mea e pono ai ke haalulu oukou imua o ke Akua.

18. A e hiki mai keia, e hahauia oukou no ka oukou mau hala: no ka mea, ua i mai oukou, e ao ana oukou i ke kanawai o Mose. A heaha la ka oukou i ike ai no ke kanawai o Mose? E hiki mai ana anei ke ola ma ke kanawai o Mose? Heaha ka oukou e olelo mai? A pane mai la lakou, a i mai la, Ua hiki mai ke ola ma ke kanawai o Mose. Aka, ano la, iaku la o Abinadi ia lakou, Ua ike au ina e malama oukou i na kauoha a ke Akua, e hoolaia oukou; he oiaio, ina e malama oukou i na kauoha a ka Haku i haawi mai ai ia Mose ma ka mauna o Sinai, i ka i ana: Owau no ka Haku o kou Akua, ka mea nana oe i lawe mai nei mai ka aina o Aigupitta mai, mailoko mai hoi o ka hale hooluhi. Aole ou Akua e ae imua o ko'u alo. Mai hana oe i ke kii i kalai'a nou, aole ma ka like ana o kekahimea i ka lani iluna, a me na mea i ka honua ilalo. Ano, iaku la o Abinadi ia lakou, Ua hana anei oukou i keia mau mea a pau? Ke iaku nei au ia oukou, Aole, aole loa oukou i hana. A ua aoaku anei oukou i keia poe kanaka e hana i keia mau mea a pau? Ke iaku nei au ia oukou, Aole, aole oukou i hana.

19. Ano, i ka wa a ke Alii i lohe ai i keia mau olelo iaku la oia i kana poe kahuna, E laweaku i keia kanaka, a e pepehi ia ia: no ka mea, heaha la ka kakou e hana'i me ia, ua hehena oia. A ku mai la lakou a hoao iho la e kau mai i ko lakou mau lima maluna ona: aka paleaku ia

oia ia lakou, a i aku la ia lakou, Mai hoopaa mai ia'u, no ka mea, e hahau mai ne ke Akua ia oukou ina e kau mai oukou i ko oukou mau lima maluna o'u, no ka mea, aole au i hai aku i ka olelo a ka Haku i hoouna mai ai ia'u e hai; aole hoi au i hai aku i ka mea a oukou i makemake ai ia'u e hai; nolaila, aole e ae mai ke Akua e pepehiia au i keia manawa. Aka, e hooko aku au e pono ai i na kauoha a ke Akua, ana i kauoha mai ai ia'u, a no kuu hai ana ia oukou i ka oiaio, ua hulu mai oukou ia'u. A eia hou, no ka'u olelo ana i ka olelo a ke Akua, ua manao mai oukou ua hehenaa au.

20. Ano, eia kekahih, mahope iho o ka Abinadi olelo ana i keia mau olelo, aole i aa na kanaka o Noa, ke Alii, e kau mai i ko lakou mau lima maluna ona; no ka mea, maluna ona ka uhane o ka Haku; a pua aku la kona maka me ke alohilohi nui, e like me ko Mose, oiai ma ka mauna o Sinai, ia ia i olelo ai me ka Haku. A olelo aku la oia me ka ikaika a me ka mana mai ke Akua mai; a hoomau aku la i kana olelo, i ka i ana, Ke ike nei oukou aole oukou mana e pepehi mai ia'u, nolaila, ke hai nei au a pau ka olelo a'u i kauohaia mai ai. He oiaio, a ke ike nei au ke hou nei ia mea ia oukou i ko oukou naau, no ka'u hai ana ia oukou i ka oiaio no ka oukou mau hala: he oiaio, a ke hoopihia nei ka'u mau olclo ia oukou me ke kahaha, a me ka pihoihoi, a me ka hulu. Aka ke hai nei an i ka'u olelo a pau a'u i kauohaia mai ai; alaila, he mea ole kahi a'u e hele aku ai, ina e hoolaia au. Aka, eia ka'u e hai aku nei ia oukou: O ka mea a oukou e hana mai ai ia'u, mahope o keia, me he hoailona la ia a he aka hoi o na mea e hiki mai ana. Ano, ke heluhelu aku nei au ia oukou i ke koena o na kauoha a ke Akua, no ka mea, ke ike nei au aole i kakauia lakou ma ko oukou mau naau; ke ike nei au ua noonoo oukou a ao aku la i ka hewa, i ka hapa nui o ko oukou ola.

21. Ano, ke hoomanao nei oukou ua olelo aku la au ia oukou, mai hana oe i ke kii i kaiia non, aole ma ka like ana o kekahih mea i ka lani iluna, a me na mea i ka honua ilalo, a maloko hoi o ka wai malalo o ka honua. A eia hou: Mai kulou oe ia oe iho ilalo ia lakou, aole hoi e hoo-kauwa na lakou; no ka mea, owau no ka Haku o kou Akua, he Akua lili, e hoopai ana i ka na makua hala i na keiki, a hiki aku i ke kuakahi a me ke kualua o ka poe e inaina mai ia'u; a e aloha ana i na tausani o ka poe e aloha mai ia'u, a e malama hoi i ko'u mau kanawai. Mai lawe wale oe i ka inoa o ka Haku kou Akua me ke kumu ole: no ka mea, aole loa e hoapono ka Haku i ka mea e lawe wale ana i kona inoa me ke kumu ole. E hoomanao i ka la Sabati, a e hoano ia. I na la eono e hana oe, a e hana'i i kau hana a pau; aka, i ka hiku o ka la, o ka Sabati ia o ka Haku o kou Akua, aole loa oe e hana i kekahih hana, aole oe, aole hoi ko keikikane, aole hoi ko kaikamahine, aole hoi kau kauwakane, aole hoi kau kauwawahine, aole hoi kou holoholona, aole hoi kou kanaka e ma kou wahi: no ka mea, i na la eono i hana'i o ka Haku i ka lani, a me ka honua, a me ke kai, a me na mea a pau maloko o ia mau mea; nolaila hoi

i hoomaikai ai o ka Haku i ka la Sabati, a hoano ai hoi oia ia la. E hoomaikai aku oe i kou makuakane, a me kou makuwahine; i loihi ai kou man la maluna o ka aina a ka Haku a kou Akua i haawi mai ai ia oe. Mai pepehi kanaka oe. Mai moe kolohe oe. Mai aihue oe. Mai hoike hoopunipuni oe e hewa ai kou hoalauna. Mai kuko oe i ka hale o kou hoalauna, mai kuko oe i ka wahine a kou hoalauna, aole boi i kanakauwakane, aole hoi i kana kauwahine, aole hoi i kona bipi, aole hoi i kona hoki, aole hoi i kekahi mea a kou hoalauna.

MOKUNA VIII.

1. Eia kekahi, mahope iho o ka hoopau ana o Abinadi i keia mau olelo, iaku la oia ia lakou, Ua aoaku la anei oukou i keia poe kanaka, e hoolohe lakou a e hana i keia mau mea a pau? I malamaaku ai i keia mau kanawai? Ke iaku nei au ia oukou, Aole; no ka mea, ina ua aoaku oukou, ina aole ka Haku kauoha mai ia'u e hele mai a e wanana ino no keia poe kanaka. Ano, ua i mai oukou, E hiki mai ana ke ola ma ke kanawai o Mose. Ke iaku nei au ia oukou, he mea e pono ai no oukou e malama i ke kanawai o Mose i keia manawa; aka, ke iaku nei au ia oukou, e hiki mai auanei ka manawa, e pono ole ai ke malama hou i ke kanawai o Mose. A eia hoi, ke iaku nei au ia oukou, aole i hiki mai ke ola ma ke kanawai wale no; a ina aole no ke kalahala ana a ke Akua ana iho e hana mai ai, no na hewa a me na hala o kona poe kanaka, ina ua make loa lakou me ka pale ole ae, me ke kanawai o Mose pu nac. Ano, ke iaku nei au ia oukou, he mea i pono ai i haawiia mai i kanawai i ka poe mamo a Isaela, he oiaio, he kanawai ikaika; no ka mea, he lahui-kanaka ai ooolea lakou: hiki wawe e hana i ka hewa, a lohi e hoomanao i ka Haku i ko lakou Akua; nolaila, ua haawiia mai i kanawai ia lakou, he oiaio, he kanawai o na mea e hanaia a me na oihana; he kanawai na lakou e malama ikaika, ia laaku ia laaku, e paipai ia lakou e hoomanao i ke Akua, a me ka lakou hana ia ia.

2. Aka hoi, ke iaku nei au ia oukou, o keia mau mea a pau he mau hoailona lakou o na mea e hiki mai ana. Ano, ua hoomaopopo anei lakou i ke kanawai? Ke iaku nei au ia oukou, Aole, aole lakou a pau i hoomaopopo i ke kanawai; a o keia no ka paakiki o ko lakou mau naau: no ka mea, aole lakou i hoomaopopo aole e hiki i kekabi kanaka ke hoolaia, ke ole ia ma o ka hoolapanai ana la o ke Akua. No ka mea, aia hoi, aole anei o Mose i wanana mai ai ia lakou no ka hiki mai ana o ka Mesia, a na ke Akua e hoola auanei i kona poe kanaka, he oiaio, a o na kaula hoi kekahi a pau, ka poe i wanana mai ai mai ka makamua mai o ke ao nei? Aole anei lakou i olelo mai i uuku paha i cui paha no keia mau mea? Aole anei lakou i olelo mai, E iho mai auanei ke Akua, oia iho, mawaena

o na keiki a kanaka, a e lawe ae maluna ona i ke ano o kanaka, a e hele aku ma ka mana ikaika maluna o ka ili o ka honua? He oiaio, aole anei lakou i olelo mai no hoi, nana e lawe mai auanei i ke alahouana o ka poe make, a e hookaumahaia'i a e hoopilikiaia'i oia? He oiaio, aole anei o Isaia hoi i olelo mai, Owai ka mea manaoio i ka makou hoike ana, a ia wai la i hoikeia'ku ai ka lima o ka Haku? No ka mea, e ulu mai no oia imua ona me he oha la, e like hoi me ke aa kupu mailoko mai o ka lepo maloo: aole ona maikai o ke kino, aole ona hanohano; a ia kakou e ike aku ai ia ia, aole ona helehelena maikai i makemake aku ai kakou ia ia. Ua hoowahawahaia oia, a ua haaleleia hoi e na kanaka; he kanaka eha, a ua ike oia i ka popilikia: a huna kakou me he mea la i ko kakou maka mai ona aku; ua howahawahaia oia, a manao ole hoi kakou ia ia.

3. Hé oiaio no, ua kaikai no oia i ko kakou popilikia, ua halihali no oia i ko kakou eha: aka, manao aku kakou ia ia ua papaiia, ua hahauia e ke Akua, a hookaumahaia. Aka, ua houia oia no ko kakou hewa, ua paopaoia oia no ko kakou hala; maluna ona ka hoopai ana no ko kakou malu; a me kona hahauia'na ua hoolaila mai kakou. Ua hele hewa kakou a pau, e like me na hipa; ua huli kela mea keia mea i kona aoao ilo: a ua kau no ka Haku maluna ona i ka hewa o kakou a pau. Ua hoinoia oia, a ua hoopilikiaia oia, aole nae i ekemu ae kona waha; e like me ke keikihipa, ua alakaiia oia i ka make, a e like hoi me ka hipa i pane ole imua o ka mea nana ia e ako, pela no oia aole i ekemu ae kona waha. Ua laweiaiaku la oia, mai ka paa ana, a mai ka hoopaiia hoi: a owai la ka mea e hai i kona hanauna? No ka mea, ua hookia'ku oia mai ka aina o ka poe ola aku: no ka hewa o ko'u poe kanaka ia i hahauia'i. Hana ilo la oia i kona lua kupapau me ka poe hewa, a me ka poc mea waiwai hoi iloko o kona make: no ka mea, aole oia i hana i ka mea hewa, aohe hoi hoopunipuni ma kona waha.

4. Aka, manao no ka Haku e paopao ia ia: ua hoeha oia ja ia: i ka wa e haawi aku ai oe i kona uhane i mohai hala, e ike no oia i kana hua, a e hooliohi no oia i kona mau la, a e pomaikai auanei ka makemake o ka Haku ma kona mau lima. E ike aku no oia no ka luhi ana o kona uhane, a e oluolu oia: ma kona ike ana e hoapono no ka'u kauwa hemolele i na mea he nui; no ka mea, nana no e amo i ko lakou hewa. Nolaila, e mahele aku au nana me ka poe koikoi, a nana no e mahele i ka waiwai pio me ka poe ikaika; no ka mea, ua nininiaku oia i kona uhane i ka make: a na helu pu ia oia me ka poe lawehala; a lawe no oia i ka hewa o na mea he nui, a uwaoaku la oia no ka poe i lawehala.

5. Ano, iaku la o Abinadi ia lakou, ke makemake nei au e hoomaopo oukou, e iho mai ke Akua, oia ilo, ilalo mawaena o na keiki a kanaka, a e hoola i kona poe kanaka; a no kona noho ana ma ka io, e kapaia auanei oia ke Keiki a ke Akua; a ua hooliloia'ku ka io malalo ilo o ka makemake o ka Makua, o ka Makua a me ke Keiki no ia; o ka Makua, no ka mea, ua hoolapaiia oia e ka mana o ke Akua; a o ke

Keiki, no ka io: pela e lilo ai i Makua a i Keiki: a hookahi laua, he oiaio no, o ka Makua io mau loa o ka lani a o ka honua; a pela ka io i lilo ai malalo iho o ka Uhane, a o ke Keiki malalo iho o ka Makua, o ke Akua hookahi no ia, e loaa ana ka hoowalewale ana, aole nae e ae ana i ka hoowalewale, aka e ae ana oia e hoomaewaewaia, a e hahauia, a e kipakuia mawahoh, a e hooleiia e kona poe kanaka. A pau ia hana a pau, mahope iho o ka hana ana i na hana mana nui he nui loa, mawaena o na keiki a kanaka, e alakaiia oia, he oiaio, me Isaia i olelo mai ai, e like me ka hipa i pane ole imua o ka mea nana ia e ako, pela no oia aole i ekemu ae kona waha; he oiaio, pela no ia e alakaiia'i, kaulia'i, a pepehia'i, o ka io e lilo ana ia malalo iho a hiki i ka make, o ka makemake o ke Keiki i aleia iloko o ka makemake o ka Makua; a pela ke Akua e uhai aku ai i na apo o ka make; me ka loaa ka lanakila maluna o ka make; e haawi ana i ke Keiki i ka mana e uwao no na keiki a kanaka: i pii aku ai iloko o ka lani; ia ia na naau aloha; i hoopihiaia me ka lokomaikai i na keiki a kanaka; e ku ana mawaena o lakou a me ka hoopai; i uhai aku ai i na apo o ka make, a lawe ai maluna ona iho i ko lakou mau hewa a me ka lakou mau hala: i hoolapanai ai ia lakou, a hooko aku ai i na makemake o ka hoopai. Ano, ke i aku nei au ia oukou, owai la ka mea e hai aku i kona hanaua? Aia hoi, ke i aku nei au ia oukou, i kona uhane e lilo ai i mohai hala, e ike oia i kana hua. Ano, heaha la ka oukou e olelo mai ai? A owai la auanei kana hua? Aia hoi, ke i aku nei au ia oukou, o ka mea i lohe i na olelo a na kaula, he oiaio, o ka poe kaula a pau nana i wanana mai no ka hiki mai ania o ka Haku; ke i aku nei au ia oukou, o ka poe a pau i hoolohe i ka lakou mau olelo, a i manaoio na ka Haku no e hoola i kona poe kanaka, a ua nana imua i kela la no ke kalaia ana o ko lakou mau hala, ke i aku nei au ia oukou, o kana hua no keia poe, a o lakou nei no na hooilina o ke aupuni o ke Akua: no ka mea, o lakou nei no ka poe noua na hewa ana i kaikai ai; o lakou nei no ka poe nona ia i make ai, e hoola mai ia lakou i ka lakou mau hala. Ano, aole anei lakou he poe hua nana? He oiaio, aole anei na kaula kekahia, o kela mea keia mea i ekemu ae kona waha e wanana, i haule ole ai iloko o ka hewa; ke olelo nei au no na kaula hemolele a pau mai ka makamua mai o ke ao nei? Ke i aku nei au ia oukou o lakou no kana poe hua; a o lakou nei no ka poe nana i hoolaha ai i ka malu, ka poe nana i lawe mai ai i na olelo maikai o ka olioli, ka poe nana i hoolaha ai i ke ola; a i olelo ai ia Ziona, ke malama aupuni nei kou Akua! A nani wale ma na mauna ko iakou mau wawae! A eia hou, nani wale ma na mauna na wawae o ka poe e hoolaha ana i ka malu, i keia manawa! A eia hou, e nani wale ma na mauna na wawae o ka poe nana e hoolaha aku ana auanei i ka malu, he oiaio, mai keia manawa aku a mau loa aku.

6. A aia hoi, ke i aku nei au ia oukou, aole o keia mea wale no: No ka mea, E! nani wale ma na mauna na wawae o ka mea e lawe mai ana i ka olelo maikai, ka mea i hookumu ai i ka malu; he oiaio, oia ka Haku,

ka mea nana i hoolapanai i kona poe kanaka: he oiaio, o ka mea i haawi mai ai i ke ola i kona poe kanaka: no ka mea, ke ole ka hoolapanai ana, ana i hana mai ai no kona poe kanaka, i hoomakaukauia'i mai ka hookumuia'na mai o ke ao nei; ke i aku nei au ia oukou, ina aole keia, ina ua make loa io no na kanaka. Aka hoi, e uhaiia'ku auanei na apo o ka make, a ke noho alii nei ke Keiki, a he mana kona maluna o ka poe make; nolaila, e lawe mai ana oia i ke alahouana o ka poe make. A e hiki mai ana kekahī alahouana, he oiaio, he ala mua ana; he oiaio, he alahouana o ka poe i ola, a o ka poe e ola nei, a o ka poe e ola ana auanei, a hiki aku i ke alahouana o Kristo: no ka mea, pela oia e kapaiā'i auanei. Ano, o ke alahouana o ka poe kanla hemolele a pau, a o ka poe a pau i manaoio ai ma ka lakou olelo, a oia hoi ka poe a pau nana i malama i na kauoha a ke Akua, e puika mai auanei no lakou ma ke ala mua ana; nolaila, o lakou no ko ke ala mua ana. Ua hoalaia lakou e noho me ke Akua nana i hoola ia lakou: pela lakou i loaa'i ke ola mau loa ma o Kristo la, nana i uhai aku i na apo o ka make. A o lakou nei no ka poe e loaa ke ala mua ana; a o lakou no ka poe i make mamua o ko Kristo hiki mai, ma ko lakou naaupo, me ka hai ole ia'na o ke ola ia lakou. A pela ka Haku e lawe mai ai ka hoolaia'na o keia poe; a ia lakou hoi ke ala mua ana, a me ke ola mau loa, i hoolapanaiia e ka Haku. A e loaa no hoi i na keiki unku ke ola m u loa. Aka hoi, e weliweli a e haalulu imua o ke Akua; no ka mea, he pono no oukou ke haalulu: no ka mea, aole e hoola ana ka Haku i ka mea e kipi ku e ana ia ia, a make iloko o ko lakou mau hewa; he oiaio, o ka poe a pau i make iloko o ko lakou mau hewa mai ka makamua mai o ke ao nei, o ka poc i kipi hookuli i ke Akua, ka poc i ike i na kanawai o ke Akua, aole nae i malama ia mau mea; o lakou no ka poe e loaa ole ai ke ala mua ana. Nolaila, aole anei e pono oukou ke haalulu? No ka mea, aole e hiki mai ana ke ola i ka poe me neia; no ka mea, ua hoolapanai ole ka Haku i ka poe me neia; he oiaio, aole hoi i hiki i ka Haku ke hoolapanai i ka poe me neia: no ka mea, ua hiki ole ia ia ke hoole ia ia iho; no ka mea, ua hiki ole ia ia ke hoole i ka hoopai ina he kuleana kona.

7. Ano, ke i aku nei au ia oukou, e hiki mai auanei ka manawa, e haiia'ku ai ke ola o ka Haku i na lahuikanaka a pau, a me na ohana, i na olelo, a me na kanaka. He oiaio, E ka Haku, e hookiekie auanei kou poe kiai i ko lakou leo; me ka leo auanei lakou e hookani pu ai: no ka mea, e ike auanei lakou he maka no he maka, i ka wa a ka Haku e hoihoi hon mai ai ia Ziona. E hookani olioli, e olioli pu oukou, e na wahi neoneo o Ierusalem: no ka mea, ua hoomaha mai ka Haku i kona poe kanaka, ua hoolapanai oia ia Ierusalem. Ua hoike ka Haku i kona lima hemolele imua o na maka o na lahuikanaka: a e ike auanei na kukulu a pau o ka honua i ka hoola ana o ko kakou Akua.

8. Eia kekahī, mahope iho o ka olelo ana a Abinadi i keia mau olelo, o aku la oia i kona lima, a i aku la, E hiki mai auanei ka manawa e ike

ai na mea a pau i ka hoola ana o ka Haku; e ike ai na lahuikanaka, a me na ohana, na olelo, a me na kanaka, he maka no he maka, a e hai aku imua o ke Akua ua pololei kona hoopai ana; alaila e kipakuia'ku ka poe hewa mawaho, a he kumu ko lakou e aoa ai, a e uwe ai, a e kanikau ai, a e uwi ai ko lakou mau niho; a o keia mea no ko lakou hoolohe ole i ka leo o ka Haku; nolaila, e hoolapanai ole ana ka Haku ia lakou, no ka mea, ma ke ano kino a ma ke ano diabolo lakou, a he mana ko ka diabolo maluna o lakou; he oiaio, o kela nahesa kahiko nana i hoowalewale i ko kakou mau kupuna mua, a o ke kumu no ia o ko laua haule; a o ke kumu no ia o ka lilo ana o na kanaka a pau loa i ko ke kino, i ko ke kuko, a i ko ka diabolo, e ike ana i ka hewa mai ka pono, e hoolilo ana ia lakon iho malalo iho o ka diabolo. Pela i lilo ai na kanaka a pan; a, aia hoi, ua lilo mau loa lakou, ina ua hoolapanai ole ke Akua i kona poe kanaka mai ko lakou wahi haule a make. Aka, e hoomanao, o ka mea e hoomanu ana ma ko kona kino ana, e hele ana ma na aoao o ka hewa a me ke kipi-kihi i ke Akua, e noho ana oia ma kona wahi e haule ai, a aia no i ka diabolo ka mana a pan maluna ona. Nolaila, aia no ia me he mea la i hana ole ia ka hoolapanai; he enemi oia i ke Akua; a o ka diabolo hoi he enemi oia i ke Akua. Ano, ina aole o Kristo i hiki mai iloko o ke ao nei, e olelo ana no na mea e hiki mai ana, me he mea la ua hiki mai i keia manawa, aole loa i hiki mai ka hoolapanai ana.

9. A ina ua ala ole o Kristo mai ka make mai, a i uhai aku ai i na apo o ka make, i ole ai lanakila ka lua kupapau, a i hope awa ole ka make, ina ua hiki ole mai ke alahouana. Aka aia no he alahouana, nolaila, aole o ka lua lanakila ana. a ua aleia ka hope awa o ka make iloko o Kristo: oia no ka malamalamama a me ke ola o ko ke ao nei, he oiaio, he malamalamama pau ole, i hiki ole ke hoopouilia a mau loa aku; he oiaio, a he ola pau ole hoi, i ole ai e hiki ka make ma neia hope aku a mau loa aku. He oiaio, e hookomo i keia make i ka make ole, a me keia palaho i ka palaho ole, a e laweia auanei e ku imua o kahi hookolokolo o ke Akua, e hookolo-koloia e ia e like me ka lakou mau hana, ina paha he maikai ia mau mea, ina paha he ino ia mau mea. Ina he maikai lakou, i ke alahouana o ke ola a me ka pomaikai pau ole; a ina he ino lakou i ke alahouana o ka poino pau ole; e haawia'ku i ka diabolo nana i hookauwa ia lakor, oia no ka poina ana; a ua hele e like me ko lakou makemake a ih. iho ma ko ke kino; a ua kahea ole aku i ka Haku, oiai na lima o ke aloha i o ia'ku ia lakou, no ka mea, ua o ia na lima o ke aloha ia lakou, aole o lakou i makemake; ua aoia lakou no ka lakou hala, aole nae lakou i haalele aku ia mau mea; a ua kauohaia lakou e mihi, aole nae lakou i mihi. Ano, aole anei e pono a'i no oukou ke haalulu, a mihi i ko oukou mau hewa, a e hoomanao iloko a ma o Kristo la wale no e hiki ia oukou ke hoolaia? Nolaila, ina e ao aku ana oukou i ke kanawai o Mose, e ao aku hoi he aka ia o kela mau mea e hiki mai ana; e ao aku ia lakou e hiki mai ana ka hoolapanai ana ma o Kristo la ka Haku, oia no ka Makua io mau loa. Amene.

MOKUNA IX.

1. Eia kekahi, ia Abinadi i hoopau ai i keia mau olelo, kauoha ae la ke Alii e lawe aku na kahuna ia ia, a e kauoha aku e pepehiia oia. Aka aia kekahi mea mawaena o lakou, o Alama kona inoa, a he mamo hoi ia na Nepai. A he kanaka opipio no ia, a manaoio iho la oia i na olelo a Abinadi i olelo mai ai, no ka mea, ike aku la oia no ka hewa a Abinadi i hoike ku e mai ai ia lakou; uolaila, hoomaka ae la ia e noiaku i ke Alii e huhu ole aku ia Abinadi, aka e aeaku ia ia e heleaku me ka malu. Aka ua huhu nui ae ke Alii, a kenaaku la e kipakuia'ku o Alama mai-waenaaku o lakou, a hoounaaku la oia i kana mau kauwa e alialu ia ia, i pepehiaku ai lakou ia ia. Aka holoaku la oia imua o lakou, a peeaku la, a loaaole oia ia lakou. A ua pee iho la oia no na la he nui, a nana i kakau i na olelo a pau a Abinadi i olelo mai ai.

2. Eia kekahi, kenaaku la ke Alii i kona poe koa e hoopuni ia Abinadi, a e hopu ia ia; a hikii lakou ia ia a hahao iho la iloko o ka halepaa-hao. A mahope iho o na la ekolu, ua kukakuka pu me kana poe kahuna, kena ae la oia e kai hou ia oia imua ona. A iaku la oia ia ia, E Abinadi, ua loaa ia makou i mea e hoohewai ia oe, a ua ku pono oe e make. No ka mea, ua i mai oe, e iho mai auanei ke Akua, oia iho, mawaena o na keiki a kanaka; ano, no keia mea e pepehiia oe a make, ke ole oe e hoole i na olelo a pau au i olelo ino mai ai no'u, a no ko'u poe kanaka.

3. Ano, iaku la o Abinadi ia ia: Ke iaku nei au ia oe, aole au e hoole i na olelo a'u i oleloaku ai ia oukou no keia poe kanaka, no ka mea, he oiaio ia mau mea; a ua aeaku au i hopuia mai au a i lilo iloko o ko oukou mau lima, i ike ai oukou he oiaio ia mau mea. He oiaio, a e aeaku au e make au, aole hoi au e hoole i ka'u mau olelo, a e ku no ia mau mea me he hoike ku e la ia oukou. A ina e pepehi mai oukou ia'u, e hoo-kahe no oukou i ke koko hala ole, a e ku no auanei ia mea no hoi i hoike ku e ia oukou, ma ka la hope.

4. Ano, ua kokoke o ke Alii, o Noa, e hookuuaku ia ia, no ka mea, ua makau oia i kana olelo; no ka mea, ua makau oia e hiki mai auanei na hoopai o ke Akua maluna ona. Aka hookiekie aku la na kahuna i ko lakou mau leo e ku e ana ia ia, a hoomaka ae la e hoohewia ia ia, i ka i ana: Ua hoino ae oia i ke Alii. Nolaila, ua hoonaukiukia ke Alii me ka huhu ia ia, a hookuuaku la oia ia ia, e pepehiia oia a make.

5. Eia kekahi, lalauaku la lakou ia ia a hahau i kona ili me na laau, he oiaio, a hikiaku i ka make. Ano, i ka wa i hoomaka ai ka lapalapa e wela'i oia, kaheaaku la oia ia lakou, me ka i ana'e: Aia hoi, e like me ka oukou i hana mai ai ia'u, pela auanei ia na kauhua e pepehi i kekahipoe he nui wale, a e loaa na eha o ka make, ma ke ah; a o keia mea no ko lakou manaoio ma ka hoola ana o ka Haku, o ko lakou Akua. A e hiki mai keia, e hoopilikiaia oukou me na ano a pau o ka mai, no ka oukou hala. He oiaio, a e hahauia oukou ma kela lima keia lima, a e

hooauhecia a e hoopuehuia i o ia nei, me he pua hiihiu la i hooauhecia e na holoholona hiihiu a hae. A ma ia la e alualuia oukou, a e hopuia oukou e na lima o ko oukou poe enemi, a, alaila e loaa ia oukou, me a'u e loaa nei, na eha o ka make ma ke ahi. Pela ke Akua e hoopai aku ai i ka iuaina maluna o ka poe e pepchi ana i kona poe kanaka. E ke Akua, e hookipa aku oe i kuu uhane. Ano, ia Abinadi i olelo aku ai i keia mau olelo, haule iho la ia, ua loaa ka make ma ke ahi; he oiaio, ua pepehia, no ka mea, aole oia hoole i na kauoha a ke Akua: ua hoopaa aku oia i ka oiaio o kana olelo ma kona make.

6. Ano, eia kekahli, o Alama ka mea nana i holo aku mai na kauwa aku a Noa, ke Alii, mihi iho la oia i kona mau hewa a me na hala, a hele malu aku la oia mawaena o na kanaka, a hoomaka ae la e ao aku i na olelo a Abinadi; he oiaio, no na mea e hiki mai ana, a no ke alahouana hoi o ka poe make, a me ka hoolapanai ana i na kanaka, na mea i laweia mai ai ma o ka mana la, a me ka cha, a me ka make o Kristo, a me kona alahouana a me kona pii ana i ka lani. A o ka poe a pau i hoolohe i kana olelo ua ao aku oia ia lakou. A ao malu aku la oia ia lakou, i hiki ole ai i ke Alii ke ike ia mea. A ua nui loa ka poe manaoio i kana olelo. A eia kekahli, o ka poe a pau i manaoio ia ia, hele aku la lakou i kahi i kapaia'i o Moramona, ua loaa ia wahi kona inoa mai ke alii mai, ma na palena o ka aina i hoopilikia e ia mamua i kekahli manawa, a i kekahli mau kau, e na holoholona hiihiu. Ano, aia no ma Moramona he punawai akaka, a hele pinepine aku la o Alama ilaila, aia kokoke ma ka wai he ululau o na laau uuku, malaila ia i pee ai ma ka la, mai ka imi ana o ke Alii. Eia kekahli, o ka poe i manaoio ai ia ia, hele aku la lakou ilaila e hoolohe i kana mau olelo. A eia kekahli, mahope iho o na la he nui wale, ua hoakoakoia na kanaka he nui ma kahi o Moramona, e hoolohe mai i na olelo a Alama. He oiaio, ua hoakoakoia lakou a pau, ka poe i manaoio ai i kana olelo, e hoolohe mai ia ia. A aoaku la oia ia lakou, a haiaku la i ka mihi ia lakou, a me ka hoolapanai ana, a me ka manaoio i ka Haku.

7. A eia kekahli, iaku la oia ia lakou, Eia no hoi na wai o Moramona; no ka mea, pela ia wai i kapaia'i. A, ano, me oukou i makemake ai e komo iloko o ka pa o ke Akua, a e kapaia kona poe kanaka, a ua ae aku e kaikai kekahli i ko kekahli mau mea kaumaha, i mama lakou; he oiaio, a ua ae aku e uwe ilo me ka poe e uwe ana; he oiaio, a e hoololu i ka poe ku pono e hoololuia'i, a e ku me he poe hoike la no ke Akua i na marawa a pau, a i na mea a pau, a i na wahi a pau a oukou e noho ai, a hikiaku i ka make, i hoolaia mai ai oukou e ke Akua, a i helu pu ia'i me ka poe o ke ala mua ana, i loaa'i ia oukou ke ola mau loa: ano, ke iaku nei au ia oukou, ina o keia ka makemake o ko oukou mau naau, heaha la ko oukou mea ku e ai i ka bapetizoia'na ma ka inoa o ka Haku, i mea hoike imua ona ua komo oukou iloko o kekahli berita me ia, i hookauwa ai oukou nana, a e malama'i i kana mau kauoha, e hiki ia ia ke ninini mai i

kona uhane he nui loa ae maluna o oukou? Ano, i ka wa a na kanaka i lohe ai i keia mau olelo, paipai ae la lakou i ko lakou mau lima no ka ololi, a olelo ae la, Oia no ka makemake o ko makou mau naau.

8. A eia kekahī, lawe aku la o Alama ia Helama, oia no kekahī o na mea mua, a hele ae la a ku ilo la iloko o ka wai, a hea aku la, i ka i ana, E ka Haku, e nini mai oe i kou uhane maluna o kau kauwa, e hiki ia ia ke hana i keia oihana me ka hemolele o ka naau. A ia ia i olelo aku ai i keia mau olelo, aia maluna ona ka uhane o ka Haku, a i ae la ia, E Helama, ke bapetizo aku nei au ia oe, ua loaa ka mana mai ke Akua mana loa mai, i mea hoike ua komo oe iloko o kekahī berita e hookauwa aku ai nana a hiki aku oe i ka make, ma ke kino make; a e niniinia mai ka Uhane o ka Haku maluna iho ou; a nana e haawi mai i ke ola mau loa ia oe, ma o ka hoolapanai ana la o Kristo, ka mea ana i hoomakauan ai mai ka hookumnia'na mai o ke ao nei. A mahope ilo o ka Alama olelo ana i keia mau olelo, ua kanu pu ia o Alama laua me Helama iloko o ka wai; a ala mai la lana, a hele mai la mailoko mai o ka wai e hauoli ana, i hoopihai me ka uhane. A cia hou, lawe aku la o Alama i kekahī mea e, a hele aku la i ka lua o ka manawa iloko o ka wai, a bapetizo aku la ia ia e like me ka mea mua, aole nae oia kanu hou ia ia iho iloko o ka wai. A mamuli o keia ano oia i bapetizo aku ai i kela mea i keia mea i hele mai ai i kahi o Moramona: a o ka helu o lakou ua kokoke elua haneri a me na mea keu eha; he oiaio no, a ua bapetizoia lakou iloko o na wai o Moramona, a ua hoopihai me ka lokomaikai o ke Akua: a ua kapaia lakou ka ekalesia o ke Akua, a o ka ekalesia o Kristo, mai ia manawa aku. Eia kekahī, o ka mea i bapetizoia e ka mana a me ka pono o ke Akua, ua hui pu ia i kona ekalesia.

9. Eia kekahī, ua loaa ia Alama ka mana mai ke Akua mai, a hoolilo iho la oia i na kahuna; i hookahī kahuna i kela kanalima i keia kanalima o lakou, oia kana i hoolilo ai e hai olelo ia lakou, a e ao aku ia lakou no na mea e pili ana i ke aupuni o ke Akua. A kauoha aku la oia ia lakou e ao ole aku lakou i kekahī mea, i ole ia he mea ana i ao aku ai, a i olelo ia'i no hoi e na waha o na kaula hemolele. He oiaio, kauoha aku la oia ia lakou e ao ole aku lakou i kekahī mea, i ka milhi a me ka manaoio i ka Haku wale no, nana i hoolapanai i kona poe kanaka. A kauoha aku la oia ia lakou, mai paio kekahī me kekahī, aka na lakou e nana imua me ka maka hoohahi, me ka manaoio hookahī a me ka bapetizo hookahī; me ko lakou naau i hookuia'i iloko o ke kuikahi a o ke aloha, kekahī i kekahī. A pela oia i kauoha aku ai ia lakou e hai aku. A pela lakou i lilo ai i poe keiki na ke Akua. A kauoha aku la oia ia lakou e malama lakou i ka la Sabati, a e hoano ia, a e aloha aku no hoi lakou i ka Haku i ko lakou Akua i kela la i keia la. A kauoha aku la oia ia lakou, na na kahuna ana i hoolilo aku ai e hana me ko lakou mau lima ponoi no ko lakou ola; a ua hookaawaleia i hookahī la ma kela hebedoma ma keia hebedoma no lakou e houluulu ia lakou ilo e ao aku i kanaka, a e hoomana aku i ka

Haku i ko lakou Akua, a e hoakoakoa no hoi ia lakou iho i na manawa a pau e hiki ai. Aole no na kahuna e hilinai aku maluna o na kanaka no ko lakou ola; aka, e loaa no ia lakou ka lokomaikai o ke Akua no ka lakou hana, i hiki ai ia lakou ke mahuahua ma ka uhane, me ka ike o ke Akua, i hiki ia lakou ke ao aku me ka mana a me ka pono mai ke Akua mai. A eia hou, kauoha aku la o Alama i na kanaka o ka ekalesia e haawi aku i ko lakou waiwai, kela mea keia mea e like me kona lako; ina he lako nui kona, e haawi nui aku oia; a ina he lako uuku kona, he uuku ke makemakeia mai; a e haawia'ku i ka mea nele. A pela lakou e haawi aku ai i ko lakou waiwai, no ko lakou aloha maoli iho a me na make-make maikai i ke Akua, a i kela poe kahuna i nele, he oiaio, a i na mea nele, kapa ole a pau. A hai aku la oia ia mea ia lakou, no kona kauohaia'na mai e ke Akua; a hele pololei lakou imua o ke Akua, e haawi ana kekahia i kekahia, ma ko ke kimo a ma ko ka uhane no hoi, e like me ko lakou nele a me ko lakou makemake.

10. Ano, eia kekahia, ua hanaia keia mau mea a pau ma Moramona; he oiaio, ma na wai o Moramona, ma ka ululaau kokoke i na wai o Moramona: he oiaio, o kahi o Moramona, o na wai o Moramona, o ka ululaau o Moramona, he nani wale ia mau wahi ma na maka o ka poe i hiki malaila i ka ike i ko lakou Mea Hoolapanai; he oiaio, he nani ko lakou pomaikai, no ka mea, e memcle aku lakou me ka hoolea aku ia ia, ia ao aku ia ao aku. A ua hanaia keia mau mea ma na palena o ka aina, i hiki ole ai i ke Alii ke ike ia mau mea. Aka hoi, ua ike aku la ke Alii i ka naele ana mawaena o na kanaka, a hoouna aku la oia i kana poe kauwa e hoomaka'kiu. Nolaila, i ka la a lakou e hoakoakoa ana e hoolohe i ka olelo a ka Haku, ua loaa lakou i ke Alii. Ano, i ae la ke Alii e hoo-konokono ana o Alama i na kanaka e kipi aku ia ia; nolaila, hoouna mai la oia i kona poe koa e luku mai ia lakou. A eia kekahia, ua aoia mai o Alama, a me ka poe kanaka o ka Haku no ka hele ana mai o ko ke Alii poe koa; nolaila, lawe aku la lakou i ko lakou mau halelewa a me ko lakou mau ohana, a haele aku la iloko o ka waonahele. A o ka helu o lakou ua kokoke elha haneri kanalima.

11. Eia kekahia, hoi aku la ka poe koa o ke Alii, ua imi make hewa no ka poe kanaka o ka Haku. Ano hoi, ua uuku ka poe koa o ke Alii, na hooemiia, a hoomaka ae la ke ku e mawaena o na koena o na kanaka. A hoomaka ae la he poe uuku e ha aku i na olelo hooweliweli i ke Alii, a hoomaka iho la ka paio nui mawaena o lakou. Ano, mawaena o lakou kekahia kanaka o Gideona kona inoa, a he kanaka ikaika ia, a he enemi i ke Alii, nolaila, unuhi ae la oia i kana pahikaua a hooiki iho la ma kona inaina, nana e pepehi i ke Alii. A cia kekahia, hakaka aku la oia me ke Alii, a i ke Alii i ike ai ua kokoke ia e lanakila ai maluna ona, hee aku la oia, a holo a pii ae la maluna o ka hale kiai, ua kokoke ia i ka luakini. A alualu ae la o Gideona ia ia a kokoke oia e pii maluna o ka hale kiai e pepehi aku i ke Alii, a alawa ae la ke Alii i kona mau maka i ka aina o

Semalona, a, aia ka! ka poe koa o ko Lamana poe iloko o na palena o ka aina. Ano, uwe iho la ke Alii i ka eha o kona uhane, me ka i ana'e, E Gideona e, e hookuu mai ia'u, no ka mea, aia no ko Lamana poe maluna o kakou, a e luku no lakou ia lakou nei; he oiaio, e luku mai no lakou i ko'u poe kanaka. Ano, aole o ke Alii i manao nui i kona poe kanaka, e like me kona ola iho; aka hoi, hookuu aku la o Gideona i kona ola. A kauoha ae la ke Alii i na kanaka e hee aku, a hele aku la oia imua o lakou, a hee aku la lakou iloko o ka waonahele me ka lakou poe wahine a me ka lakou mau keiki. A eia kekahī, alualu mai la ko Lamana poe ia lakou, a loaa lakou, a hoomaka iho la e pepehi mai ia lakou.

12. Ano, eia kekahī, kauoha ae la ke Alii ia lakou e haalele aku na kanaaka a pau i ka lakou mau wahine a me ka lakou mau keiki, a e auhee aku imua o ko Lamana poe. Ano, ua nui wale ka poe aole e haalele aku ia lakou, aka ua manao e aho ka noho a e make pu me lakou. A o ke koena haalele aku la lakou i ka lakou poe wahine a i ka lakou poe keiki a hec aku la. Eia kekahī, o ka poe i noho ai me ka lakou poe wahine a me ka lakou mau keiki, kauoha ae la lakou i ka lakou mau kaikamahine maikai e ku aku a e noi aku i ko Lamana poe, mai pepchi mai ia lakou. Eia kekahī, aloha mai la ko Lamana poe ia lakou, no ka mea, ua hoolealeaia lakou me ka nani o ka lakou poe wahine; nolaila, hookuu mai la ko Lamana poe i ko lakou mau ola, a lawe pioaku la ia lakou, a kaiaku la ia lakou i ka aina o Nepai, a ae mai la ia lakou e noho ma ka aina, ke haawi aku lakou ia Noa, ke Alii, iloko o na lima o ko Lamana poe, a me ko lakou waiwai, oia, i ka hapalua o na mea a pau a lakou; i ka hapalua o ko lakou gula, a i ko lakou kala, a me ko lakou mau mea maikai a pau; a pela lakou e hookupu waiwai aku ai i ke Alii o ko Lamana poe, ia makahiki aku ia makahiki aku. Ano, mawacna o ka poe i lawe pio ia kekahī o na keikikane a ke Alii, o Limai kona inoa. Ano, ua makemake o Limai e pepehi ole ia kona makuakane; aka hoi, aole o Limai i naaupo no ua hewa o kona makuakane, no ka mea, he kanaka pono no hoi oia.

13. Eia kekahī, hoouna malu aku la o Gideona i kekahī poe kanaka iloko o ka waonahele, e imiaku i ke Alii, a me ka poe pu me ia. A eia kekahī, halawai aku la lakou me na kanaka a pau ma ka waonahele, koe wale no ke Alii a me kana poe kahuna. Ano, ua hoohiki iho la lakou ma ko lakou mau naau e hoi mai i ka aina o Nepai, a ina ua pepehiia ka lakou poe wahine a me ka lakou mau keiki, a me ka poe hoi i noho pu ai me lakou, alaila e imi iho lakou e hoopai, a e make pu hoi me lakou. A kauoha ae la ke Alii, mai hoi lakou; a na huhu lakou i ke Alii, a pepehiaku la ia ia, i ka make ma ke ahi. A kokoke lakou e lalau i na kahuna hoi a e pepehi ia lakou, a heeaku la lakou la imua o lakou.

14. Eia kekahī, kokoke lakou e hoi mai i ka aina o Nepai, a halawai ae la lakou me na kanaka o Gideona. A hai ac la na kanaka o Gideona ia lakou i na mea a pau i hiki mai ai maluna o ka lakou poe wahine a me na keiki; a no ka ae ana mai o ka Lamana poe i noho ai lakou ma ka

aina, ma ka hookupu waiwai ana i ko Lamana poe i ka hapalua o na mea a pau a lakou. A hai mai la ka poe kanaka i na kanaka o Gideona ua pepchi ae la lakou i ke Alii, a ua hee aku la na kahuna ana mai o lakeu **aku iloko** loa o ka waonahele. A eia kekahī, mahope iho o ka pau ana o keia hana, hoi ae la lakou i ka aina o Nepai, e hauoli ana, no ka pepehi ole ia ana o ka lakou poe wahine a me ka lakou mau keiki; a hai ae la lakou iā Gideona i ka mea a lakou i hana'i i ke Alii.

15. Eia kekahī, hoohiki mai la ke Alii o ko Lamana poe i kahi hoohiki ia lakou, aole e pepehi mai kona poe kanaka ia lakou. A o Limai hoi, o ke keiki a ke Alii no ia, a ua hooiliia mai ke aupuni maluna ona e na kanaka, oia ka i hoohiki aku i kahi hoohiki i ke Alii o ko Lamana poe, na kona poe kanaka e hookupu waiwai aku ia ia, oia, i ka hapalua o na mea a pau a lakou.

16. Eia kekahī, hoomaka ae la o Limai e hookupaa i ke aupuni, a e hookupaa i ka malu mawaena o kona poe kanaka. A hoonoho iho la ke Alii o ko Lamana poe i poe koa a puni o ka aina, i hiki ai ia ia ke malama i na kanaka o Limai iloko o ka aina, i hiki ole ia lakou ke haele aku iloko o ka waonahele; a hanai aku la oia i kona poe koa ma ka waiwai suhau ana i loaa'i mai ko Nepai poe mai. Ano, ua loaa i ke Alii Limai ka malu mau ma kona aupuni, no na makahiki elua, i ole hoopilikia mai ai ko Lamana poe ia lakou, aole hoi i imi e luku mai ia lakou.

17. Ano, ma Semalona kekahī wahi, kahi a na kaikamahine a ko Lamana poe i hoakoakoa ai e mele, a e hulahula a e hoolealea ia lakou iho. A eia kekahī, malaila i kekahī la kekahī poe he uuku o lakou i hoakoakoaia'i e mele a e hula. Ano, ua hilahila na kahuna a ke Alii Noa e hoi hou i ke kulanakauhale o Nepai, a e makau ana hoi i ka pepehi mai o na kanaka ia lakou, nolaila, aole o lakou i aa e hoi hou i ka lakou poe wahine a i ka lakou poe keiki. A ua noho iho la ma ka waonahele, a ua loaa na kaikamahine a ko Lamana poe ia lakou, pee a hookalakupua iho la lakou ia lakou la; a i ka wa i hoakoakoa ai he poe uuku o lakou e hula, puka ae la lakou iwaho o ko lakou mau wahi i pee ai, a hopu ia lakou a kaikai aku la ia lakou iloko o ka waonahele; he oiaio, he iwakalua a me kumamaha o na kaikamahine a ko Lamana poe lakou i lawe aku ai iloko o ka waonahele.

18. Eia kekahī, i ka wa a ko Lamana poe i ike ai ua nalo wale ka lakou mau kaikamahine, huhu iho la lakou i ka poe kanaka o Limai; no ka mea, manao iho la lakou o ka poe kanaka o Limai no ia. Nolaila, hoouna aku la lakou i ko lakou poe koa; he oiaio, o ke Alii kekahī i hele aku la imua o kona poe kanaka; a pii mai la lakou i ka aina o Nepai, e luku mai i na kanaka o Limai. Ano, ua ike aku o Limai ia lakou mai ka hale kiai aku; ua ike aku la oia i ko lakou mau mea makaukau a pau e kaua ai; nolaila, houluulu ae la oia i kona poe kanaka, a hoohalua iho la ia lakou ma na kula, a ma na ululaau. A eia kekahī, i ka wa i hiki mai ai ko Lamana poe, hoomaka ae la ka poe kanaka o Limai e lele maluna o

lakou mai ko lakou mau wahi i pee ai, a hoomaka e pepehi aku ia lakou.

19. Eia kekahī, lilo iho la ke kaua i ikaika nui loa, no ka mea, kaua iho la lakou e like me na liona no ko lakou mea i pio ai. A eia kekahī, hoomaka ae la ka poe kanaka o Limai e hooauhee aku i ko Lamana poe imua o lakou; aka aole i like ka nui o lakou me ko ka hapalua o ko Lamana poe. Aka kaua aku la lakou no ko lakou ola, a no ka lakou poe wahine, a no ka lakou poe keiki; nolaila, hooikaika aku la lakou, a e like me na deragona lakou i kaua ai.

20. Eia kekahī, loaa iho la ia lakou ke Alii o ko Lamana poe mawaena o ko lakou poe make; aole nae i make oia, ua hoehaia a haaleleia ma ka honua, no ka holo kiki o kona poe kanaka. A lawe aku la lakou ia ia a wahi ae la i kona mau eha, a kai ae la ia ia imua o Limai, a i ae la. Aia hoi, eia no ke Alii o ko Lamana poe; a ua loaa ia ia ka eha, a hina iho la mawaena o ka poe make, a ua haalele mai lakou ia ia; a, aia hoi, ua lawe mai makou ia ia imua ou; a, ano, e ae mai oe ia makou e pepehi aku ia ia. Aka iaku la o Limai ia lakou, Mai noho oukou a pepehi ia ia, aka e lawe mai ia ia nei, i ike ai au ia ia. A kai ae la lakou ia ia. A iaku la o Limai ia ia, Heaha la ko oukou kumu i pii mai ai e kaua mai i ko'u poe kanaka? Aia hoi, aole o ko'u poe kanaka i uhai aku i ka hoohiki a'u i hoohiki aku ai ia oe; nolaila, no ke aha la oe i uhai mai ai i ka hoohiki au i hoohiki mai ai i ko'u poe kanaka?

21. Ano, i mai la ke Alii, Ua uhai aku au i ka hoohiki, no ke kaikai ana ae o kou poe kanaka i na kaikamahine a ko'u poe kanaka; nolaila, i ko'u huhu ua kena aku au i ko'u poe kanaka e pii mai e kaua i kou poe kanaka. Ano, aole o Limai i lohe e iki no ia mea; nolaila, iaku la oia, E huli aku no au mawaena o ko'u poe kanaka, a o ka mea nana i hana i keia mea e make no oia. Nolaila, kauoha ae la oia e imiia mawaena o kona poe kanaka. Ano, ia Gideona i lohe ai i keia mau mea, a o ko ke Alii kapena no ia, hele ae la ia a i ae la i ke Alii, E, ke noi nei au ia oe e hooki ae, a mai imi i keia poe kanaka, a mai kau i keia mea maluna o lakou. No ka mea, aole anei oe i hoomanao i na kahuna a kou makuakane, ka poe a keia poe kanaka i imi aku ai e pepehi? A, aole anei lakou iloko o ka waonahele? Aole anei lakou ka poe nana i aibue ai i na kaikamahine a ko Lamana poe? Ano hoi, e hai aku i ke Alii no keia mau mea, nana e hai aku i kona poe kanaka, i hoolealeaia mai ai lakou ia kakou; no ka mea, e hoomakaukau ana lakou i keia wa e pii ku e mai ia kakou; a, aia hoi, he kakaikahi wale no kakou. Aia hoi! ke hele mai la lakou me ko lakou pualii he lehulehu; a i ole e hoolaulea aku ke Alii ia lakou no kakou e luku io ia no kakou. No ka mea, aole anei i ko ai na olelo a Abinadi, ana i wanana ku e mai ai ia kakou? A o keia a pau no ko kakou hoolohe ole i na olelo a ka Haku, a huli ae mai ka kakou hala aku? Ano, e hoolaulea aku kakou i ke Alii, a e hooko aku kakou i ka hoohiki a kakou i hoohiki aku ai ia ia: no ka mea, e aho kakou e noho iloko o ka luhi, mamua o ka lilo ana o ko kakou mau ola; nolaila la, e hooki aku kakou i

ka hookahe nui ana i ke koko me neia. Ano, hai aku la o Limai i na mea a pau no kona makuakane, a me na kahuna i hee aku ai iloko o ka wao-nahele, a hooili aku la i ka halihali ana'ku o ka lakou mau kaikamahine i ua poe la.

22. Eia kekahī, hoolauleaia iho la ke Alii i kona poe kanaka; a i mai la oia ia lakou, E haele aku kakou e halawai pu me ko'u poe kanaka, me na mea kaua ole; a ke hoohiki nei au ia oukou me ka hoohiki, aole e pepehi mai o'u poe kanaka i kou poe kanaka. Eia kekahī, hahai aku la lakou i ke Alii, a hele aku la me na mea kaua ole e halawai me ko Lamana poe. A halawai aku la lakou me ko Lamana poe; a kulou iho la ke Alii o ko Lamana poe imua o lakou la, a noi aku la ia lakou no ka poe kanaka o Limai. A i ko Lamana poe i ike mai ai i ka poe kanaka o Limai, a, aole o lakou mea kaua, menemene mai la lakou ia lakou nei, a ua hoolauleaia lakou, a hoi aku la me ko lakou Alii me ka malu i ko lakou aina iho.

23. Eia kekahī, hoi aku la o Limai a me kona poe kanaka i ke kulana-kauhale o Nepai, a hoomaka ae la e noho hou ma ka aina me ka malu. Eia kekahī, mahope iho o na la he nui wale, hoomaka hou ko Lamana poe e hooeuia me ka huhu i ko Nepai poe; a hoomaka lakou e komo mai iloko o na palena o ka aina a puni. Ano, aole o lakou i aa e pepehi mai ia lakou no ka hoohiki a ko lakou Alii i hoohiki aku ai ia Limai; aka, na lakou la i papai mai ia lakou ma na papalina o lakou, a i hookiekie ae maluna o lakou; a i hoomaka ai e kau mai i na ukana kaumaha maluna o ko lakou mau kaa, a e hahau mai ia lakou me lakou la i hana ai i kahi hoki leo ole; he oiaio, ua hanaia keia a pau, i ko ai ka olelo a ka Haku. Ano, ua nui na popilikia o ko Nepai poe; a, aole hoi kekahī ala i hiki aia lakou ke hoopakеле ia lakou iho mailoko ae o ko lakou la mau lima, no ka mea, ua hoopuni ko Lamana poe ia lakou, ma kela aoao keia aoao.

24. A eia kekahī, hoomaka ae la na kanaka e ohumu me ke Alii no ko lakou popilikia; a hoomaka lakou e makemake e hele ku e aku ia lakou la e kaua. A hoopilikia nui lakou i ke Alii me ko lakou ohumu ana; nolaila, ae aku la oia ia lakou e hana e like me ko lakou makemake. A houluulu hou ae la lakou ia lakou iho, a kahiko mai la i ko lakou mau mea kaua, a hele aku la e ku e i ko Lamana poc, e kipaku aku ia lakou mawaho o ko lakou aina. Eia kekahī, lanakila mai la ko Lamana poe maluna o lakou, a hooauhee mai ia lakou, a pepchi mai la i na mea he nui o lakou. Ano, he uwe a he kanikau nui mawaena o na kanaka o Limai; e uwe ana ka wahinekanemake no kana kane; ke keikikane a me ke kai-kamahine e uwe ana no ko laua makuakane; a me na hoahanau i ko lakou poe hoahanau. Ano, he nui na wahinekanemake ma ka aina; a uwe ikaika lakou ia la aku ia la aku, no ka mea, ua hiki mai ka makau nui i ko Lamana poc maluna o lakou. A eia kekahī, ua hoonaukiuki ko lakou uwe mau ana i ka poe i koe o na kanaka o Limai e huhu aku i ko Lamana poe. A hele hou aku la lakon i ke kaua; aka ua hooauhee hou ia lakou, me ka luku nui. He oiaio, hele hou aku la lakou, i ke kolu o ka manawa,

a pela hou hoi i lukuia'i; a o ka poe i pepeli ole ia, hoi hou aku la i ke kulanakauhale o Nepai. A hoohaahaa iho la lakou ia lakou iho ilalo i ka lepo, e hookauwa ana ia lakou iho i ke auamo hooluhi, e ae ana e papaiia, a e hahuia i o ia nei, a e hookaumahaia, mamuli o na makemake o ko lakou poe enemi. A hoohaahaa iho la lakou ia lakou iho iloko o ka haahaa; a ua kahea ikaika aku la lakou i ke Akua; he oiaio, a pau ae la ka la lakou i kahea aku ai i ko lakou Akua nana e hoopakele mai ia lakou mailoko mai o ko lakou mau popilikia. A, ano, ua lohi ka Haku ke hoolohe mai i ko lakou hea ana, no ka lakou mau hala; aka hoi, hoolohe mai nae **ka** Haku i ka lakou pule ana, a hoomaka ae la e hoopalupalu ae i na naau o ko Lamana poe, i hoomaka'i lakou e hoomama mai i na ukana kaumaha o lakou: aole nae ka Haku i manao he pono ke hoopakele ia lakou mailoko aku o ka noho luhi ana.

25. Eia kekahī, hoomaka lakou e hoopomaikai iki ia ma ka aina, a hoomaka ae la lakou e hooulu i ka hua liilii he nui ae, a me na pua a me na ohana holoholona, i ole lakou i pilikia me ka pololi. Ano, he nui loa na wahine, mamua o na kane; nolaila, kauoha ae la ke Alii o Limai i kela kanaka i keia kanaka e haawi aku no ke ola o na wahinekanmake a me na keiki a lakou, i ole ai lakou e make me ka pololi: a o keia ka lakou i hana'i, no ka nui o ko lakou poe i pepehia. Ano, ua noho pu iho la ka poe kanaka o Limai i kahi hookahi, me ia i hiki ai ia lakou, me ka mala-ma pu i ko lakou hua liilii, a me ko lakou mau pua holoholona; a o ke Alii hoi aole oia i hele wale aku iwalio o na pa o ke kulanakauhale, ke ole kona poe koa pu me ia, e makau ana o haule oia iloko o na lima o ko Lamana poe. A kauoha ae la oia i kona poe kanaka e kiai i ka aina a puni, i hiki paha ia lakou ke hopu aku i kela poe kahuna, ka poe i hee aku ai iloko o ka waonahele, ka poe nana i aihue i na kaikamahine a ko Lamana poe, a o ka poe hoi i ea mai ai i keia luku nui i hiki maluna o lakou; no ka mea, e makemake ana lakou e hopu aku ia lakou la, i hiki ia lakou ke hoopai akū ia lakou la: no ka mea, ua komo mai lakou la iloko o ka aina o Nepai ma ka po, a halihali aku la i ko lakou hua liilii a me na mea he nui o ko lakou mau mea maikai; nolaila, hoomaka'kiu lakou ia lakou la.

26. Eia kekahī, aole haunaele hou mawaena o ko Lamana poe a me ka poe kanaka o Limai, a hiki loa i ka wa a Amona me kona mau hoahanau i komo ai iloko o ka aina. A aia mawahō o na pukapa ke Alii me kona poe koa, a ike aku la oia ia Amona a me kona mau hoahanau; a e kuhi aua oia o na kahuna a Noa lakou, nolaila, kena aku la oia e hopuia lakou, a hiliiia, a hahaoia iloko o ka halepaahao. A ina o lakou na kahuna a Noa, ina ua kauoha aku oia e pepehiai lakou; aka ia ia i ike ai aole o lakou ka! aka o kona mau hoahanau lakou, a ua hiki mai mai ka aina o Zarahemela mai, ua hoopihaiia oia me ka olioli nui loa. Ano, na hoouna e aku la ke Alii o Limai, mamua o ka hiki ana mai o Amona ma, i kekahī poe kanaka he uuku e imi aku i ka aina o Zarahemela; aka aole i hiki ia lakou ke loaa ia wahi; a ua hili lakou ma ka waonahele. Aka

hoi, ua loaa ia lakou kahi aina i piha e i na kanaka; he oiaio, he aina i nuiia me na iwi maloo; he oiaio, i piha e i na kanaka, a i anai e ia mamua; a ua kuhi iho la lakou o ka aina o Zarahemela ia, a hoi hou mai la i ka aina o Nepai, ua hiki e lakou ma na palena o ka aina he mau la uuku mamua o ka hiki ana o Amona ma. A lawe pu mai la lakou i kekahi mooolelo me lakou, he mooolelo hoi ia o ka lahuikanaka nona na iwi a lakou i loaa'i; a ua kahakahaia ia mau mea maluna o na papa gula. Ano, hoopihia hou ia o Limai me ka olioli, ia ia i lohe ai mai ka waha o Amona aia i ke Alii Mosia he haawina mai ke Akua mai, i hiki ia ia ke hoike mai i ke ano o na kaha me neia; he oiaio, o Amona hoi kekahi i hauoli pu. Aka, ua hoopihia o Amona a me kona poe hoahanau me ka eha, no ka nui loa o ko lakou poe hoahanau i pepehia'i; a no ka lilo ana hoi o ke Alii Noa a me kana poe kahuna i kumu no na kanaka e hana i na hewa a me na hala he nui wale i ke Akua; a uwe iho la hoi lakou no ka make ana o Abinadi; a no ka hele ana'ku o Alama, a me na kanaka i hele pu me ia, o ka poe i lilo i ekalesia o ke Akua ma ka ikaika a me ka mana o ke Akua, a me ka manaoio i na olelo i oleloia'i e Abinadi; he oiaio, uwe iho la lakou no ko lakou hele ana'ku, no ka mea, aole o lakou i ike i kahi a lakou i holo aku ai. Ano, ina ua hiki ia lakou ke hui pu me lakou la, ina ua olioli, no ka mea, ua komo lakou iho iloko o kahi berita me ke Akua, e hookauwa aku naau, a e malama i kana mau kauoha. Ano, mahope o ka hiki ana o Amona ua komo ke Alii, o Limai, hoi iloko o kahi berita me ke Akua, a me kekahi poe hoi he nui o kona poe kanaka, e hookauwa aku naau, a e malama i kana mau kauoha.

27. Eia kekahi, ua makemake ke Alii, o Limai, a me na kanaka he nui ona e bapetizoia; aka aole kekahi mea ma ka aina ia ia ka mana mai ke Akua mai. A makemake ole o Amona e hana i keia mea, e manao ana ia ia iho he kauwa pono ole; nolaila, aole lakou i hoolilo ia lakou iho i ekalesia ma ia manawa, e kali ana i ka uhane o ka Haku. Ano, ua makemake lakou e lilo e like me Alama a me kona poe hoahanau, ka poe i holo aku ai iloko o ka waouahele. Ua makemake lakou e bapetizoia, i mea hoike a i mea e akaka'i e ae ana lakou e hookauwa aku na ke Akua me ko lakou mau naau a pau; aka hoi, ua hoopanee aku la lakou i ka manawa; a e haawia'ku auanei ka mooolelo o ko lakou bapetizoia'na. Ano, e noonoo mau ana o Amona a me kona poe kanaka, a me ke Alii Limai a me kona poe kanaka, e hoopakele aku ia lakou iho mailoko aku o na lima o ko Lamana poe, a mai ka noho luhi ana aki.

MOKUNA X.

1. Ano, hoomaka ae la o Amona a me ke Alii Limai e kuka pu me na kanaka, no ka mea a lakou e hana'i, e hoopakele aku ia lakou iho,

mailoko aku o ka noho luhi ana; a kauoha ae la laua i na kanaka a pau e hoakoakoa ia lakou iho: a ua hana laua i keia i hiki ia laua ke loaa ka leo o na kanaka no ia mea. A eia kekahī, aole i hiki ia lakou ke loaa kekahī mea e hoopakele ai ia lakou iho mailoko aku o ka noho luhi ana, eia wale no, e lawe aku i ka lakou poe wahine a me ka lakou mau keiki, a me na pua a me na ohana holoholona o lakou, a me na halelewa o lakou, a e hele aku iloko o ka waonahele; no ka mea, no ka lehulchu o ko Lamana poe ua hiki ole i ka poe kanaka o Limai ke paio aku me lakou, me ka manao e hoopakele ia lakou iho mailoko aku o ka noho luhi ana, ma o ka pahikaua la.

2. Ano, hele ae la o Gideona a ku iho la imua o ke Alii, a iaku la ia ia, Ano, E ke Alii, ua hoolohe e mai oe mamua i ka'u olelo i na manawa he nui, ia kakou e kaua ana me ko kakou poe hoahanau, me ko Lamana poe. Ano, E ke Alii, ina aole oe i ike mai he kauwa i pono ole au, a ina ua hoolohe iki mai oe i ka'u olelo mamua aku nei, a ua pomaikai oe ia mau olelo, pela au e makemake nei ia oe e hoolohe mai i ka'u olelo i keia manawa, a e lilo au i kauwa nau, a e hoopakele aku i keia poe kanaka mailoko aku o ka noho luhi ana. A ae aku la ke Alii ia ia e olelo mai. A i ae la o Gideona ia ia, Aia no ke alahele hope ma ka pa hope, ma ke kua o ke kulanakauuhale. Ua ona ko Lamana poe, ka poe koa o ko Lamana, ma ka po; nolaila, e hoouna aku kakou i olelo hoolaha mawaena o keia poe kanaka a pau, na lakou e hoululu mai i na pua a me na ohana holoholona o lakou, e hiki ia lakou ke lawe aku ia lakou la iloko o ka waonahele, ma ka po. A e hele aku au e like me kau kauoha, a e hookupu aku i ka auhau hope o ka waina i ko Lamana poe, a e ona lakou; a na kakou e hele aku ma ke alahele huna aia ma ka hema o kahi hoomoana'i, ia lakou e ona ai a e hiamoe ai: pela kakou e hele aku ai me ka kakou poe wahine a me ka kakou mau keiki, o na pua holoholona o kakou, a me na ohana holoholona o kakou iloko o ka waonahele; a e hele no kakou mawaho o ka aina o Sailoma. A eia kekahī, hoolohe aku la ke Alii i na olelo a Gideona. A kauoha aku la ke Alii Limai i kona poe kanaka e hoululu mai i na pua holoholona o lakou; a hoouna aku la oia i ka hookupu o ka waina i ko Lamana poe; a hoouna aku la hoi oia i waina hou ae, i makana ia lakou; a inu nui iho la lakou i ka waina a ke Alii Limai i hoouna aku ai ia lakou.

3. A eia kekahī, hele aku la ka poe kanaka o ke Alii Limai ma ka po iloko o ka waonahele, me na pua holoholona o lakou, a me na ohana holoholona o lakou, a hele aku la lakou mawaho o ka aina o Sailoma ma ka waonahele, a hele aku la me ka ihu i ka aina o Zarahemela, i alakaiia'i e Amona a me kona poe hoahanau. A ua lawe aku la lakou i ko lakou gula a pau, a me ke kala, a me ko lakou mau mea maikai, i hiki ai ia lakou ke hali; a me ka lakou ai pu no hoi me lakou, iloko o ka waonahele; a nauwe aku la lakou ma ko lakou hele ana. A hala na la he nui wale ma ka waonahele, hiki aku la lakou i ka aina o Zarahemela, a hui

pu iho la me kona poe kanaka, a lilo ae la i poe kanaka malalo iho ona. A eia kekahi, loaa ae la lakou ia Mosia me ka olioli; a loaa ia ia hoi ko lakou mau mooolelo, a me na papa mooolelo hoi a ka poe kanaka o Limai i loaa'i. Ano, cia kekahi, i ka wa i ike ai ko Lamana poe ua haele aku la ka poe kanaka o Limai ma ka po, hoouna aku la lakou i kekahi poe koa iloko o ka waonahele e alualu mai ia lakou nei; a ia lakou i alualu ai i na la elua, aole i hiki ia lakou ke hahai i ko lakou nei mau kapuai; nolaila, ua hili iho la lakou ma ka waonahele.

MOKUNA XI.

He mooolelo no Alama a me na kanaka o ka Haku, ka poe i kipakuia mai ai iloko o ka waonahele e ka poe kanaka o Noa, ke Alii.

1. ANO, ua aoia o Alama e ka Haku, e hiki mai ana ka poe koa o ke Alii Noa maluna o lakou, a ua ao aku hoi ia mea i kona poe kanaka, nolaila, hoululu ae la lakou i na pua holoholona o lakou, a lawe aku la i ko lakou hua lili'i, a haele aku la iloko o ka waonahele imua o ka poe koa o ke Alii Noa. A hooikaika mai la ka Haku ia lakou, i hiki ole ai i ka poe kanaka o ke Alii Noa ke loaa aku lakou, e luku ia lakou. A holo aku la lakou i ko na la ewalu hele ana iloko o ka waonahele. A hiki aku la lakou i kahi aina, he oiaio, i kahi aina ololu a nani loa; i kahi aina o ka wai maenae. A kukulu iho la lakou i na halelewa o lakou, a hoomaka ae la e mahiai i ka honua, a hoomaka ae la e kukulu i na hale, a ia mea aku ia mea aku; he oiaio, ua molowa ole lakon, a ua hana ikaika loa. A ua makemake na kanaka ia Alama i Alii no lakou, no ka mea, ua alohaia oia e kona poe kanaka. Aka, i aku la oia ia lakou, Aia hoi, aole he mea pono no kakou ke lilo kekahi i Alii; no ka mea, penei wahia ka Haku: Mai manao oukou i kekahi io mamua o ko kekahi, a mai manao kekahi kanaka ia ia iho maluna o kekahi; nolaila, ke i aku nei au ia oukou, aole ia he mea e pono ai i loaa'i ia oukou he Alii. Aka hoi, ina he mea hiki ia oukou ke loaa mau i na kanaka pono i poe Alii no oukou, ina he mea pono ia no oukou e loaa'i he Alii. Aka e hoomanao i ka hewa o ke Alii Noa a me kana poe kahuna: a owau hoi, ua heiia au iloko o kahi pahele, a hara iho la i na mea hoopailua he nui imua o ka Haku, a he kumu ia no'u i mihi eha'i; aka hoi, mahope iho o ka pilikia nui, hoolohe mai la ka Haku i ka'u hea ana, a ua hooko mai la i ka'u pule, a ua hoolilo mai ia'u i mea hana ma kona mau lima, i ka lawe ana ia oukou i ka ike i kona oiaio. Aka hoi, aole au i kaena aku ma keia, no ka mea, aole au pono ke kaena aku no'u iho. Ano, ke i aku nei au ia oukou, ua hooluhi hewa ia mai la oukou e ke Alii Noa, a ua noho iloko o ka pio ana ia ia a me kana poe kahuna, a ua laweia iho la iloko o ka hewa e lakou: nolaila, ua nakinakiiā oukou me na mea i paa ai o ka hewa.

2. Ano, me oukeu i hoopakeleia mai, e ka mana o ke Akua, mailoko mai o keia mau mea i paa ai; he oiaio, mailoko mai o na lima o ke Alii, o Noa, a me kona poe kanaka, mailoko mai hoi o na mea i paa ai o ka hewa, pela au i makemake ai e kupaa oukou ma keia paa ole ana a oukou i hookunia mai ai, a e hilinai ole i kekahī kanaka e alii ai maluna o oukou; a e hilinai ole ana i kekahī mea i kumu no oukou, aole hoi i luna no oukou, ke ole ia he kanaka o ke Akua; e hele ana ma kona mau aaoa a e mala-ma ana i kana mau kauoha. Pela o Alama i aoaku ai i kona poe kanaka, e aloha aku kela kanaka keia kanaka i kona hoalauna me ia ia iho: i ole ai he paio mawaeha o lakou. Ano, o Alama, oia ko lakou Kahuna Nui, oia hoi ka i hookumu ai i ko lakou ekalesia. A eia kekahī, aole i loaa i kekahī ka mana e hai olelo, aole hoi e aoaku, ke ole ma o na la mai ke Akua mai. Nolaila, hoolaa iho la oia i na kahuna a pau o lakou, a me na kumu a pau o lakou, aole i hoolaaia kekahī ke ole lakou he poe kanaka pono. Nolaila, kiaiaku la lakou maluna o ko lakou poe kanaka, a ua hanaiaku ia lakou me na mea e pili ana i ka pono. A eia kekahī, hoomaka ae la lakou e hoopomaikai nui loa ia ma ka aina; a kapaaku la lakou i ka aina, o Helama. A eia kekahī, mahualhua ae la lakou a hoopomaikai nui loa ia ma ka aina o Helama; a kukulu iho la lakou i kulanakauhale, a lakou i kapaaku ai o ke kulanakauhale o Helama. Aka hoi, he mea ku pono i ko ka Haku manao e paipai mai i kona poe kanaka; he oiaio, e hoao ana oia i ko lakou ahonui a me ko lakou manaoio. Aka hoi, o ka mea i pauleaku ia ia, oia ke hookickieia iluna ma ka la hope. He oiaio, a pela no ia me keia poe kanaka. No ka mea, e hoikeaku no au ia oukou ua laweia lakou iloko o ka noho luhia ana, a, aole i hilki i kekahī mea ke hoopakele ia lakou, o ka Haku ko lakou Akua wale no; he oiaio, o ke Akua o Aberahama, a me Isaaka, a o Iakoba. A eia kekahī, ua hoopakele mai la oia ia lakou, a ua hoike mai la oia i kona mana ikaika ia lakou, a nui ko lakou hanoli ana.

3. No ka mea, aia hoi, oiai lakou ma ka aina o Helama, he oiaio, ma ke kulanakauhale o Helama, oiai e mahiai ana i ka aina a puni, aia ka! he puali o ko Lamana poe ma na palena o ka aina. Ano, eia kekahī, holoaku la na hoahanau o Alama mai ke kilihapai o lakou ae, a houluulu mai la lakou ia lakou iho iloko o ke kulanakauhale o Helama; a nui ko lakou makau no ka ea mai ana o ko Lamana poe. Aka heleaku la o Alama a ku iho la mawaeha o lakou, a kauleo ae la ia lakou aole e pono ke makau, aka, na lakou e hoomanao i ka Haku, i ko lakou Akua, a nana no e hoopakele mai ia lakou; nolaila, uumi iho la lakou i ko lakou hopohopo, a hoomakaaku la e kaheaku i ka Haku, nana e hoopalupalu ae i na naau o ko Lamana poe, i hookoe mai ai lakou la ia lakou, a me na wahine a lakou, a me na keiki a lakou. A eia kekahī, hoopalupalu ae la ka Haku i na naau o ko Lamana poe. A heleaku la o Alama a me kona poe hoahanau, a haawiaku la ia lakou iho iloko o na lima o lakou la; a loaa iho la i ko Lamana poe ka aina o Helama. Ano, o ka poe koa nana i alualu

ai i ka poe kanaka o Limai, ua hili iho la ma ka waonahele no na la he nui wale. Aia hoi, ua loaa ia lakou kela poe kahuna a Noa, ma kau wahi a lakou i kapaaku ai o Amulona; a ua hoomaka ae lakou e noho ma **ka** aina o Amulona, a ua hoomaka ae la e mahiai i ka honua. Ano, o ka moa o ka luna o ua poe kahuna la o Amulona no ia. A eia kekahī, **noi** aku la o Amulona i ko Lamana poe; a hoounaaku la oia i na wahine a lakou, a o na kaikamahine hoi lakou a ko Lamana poe, e noiaku i ko lakou poe hoahanau, i luku ole ai lakou la i na kane a lakou. A mene-nene ae la ko Lamana poe ia Amulona a me kona poe hoahanau, a aole i pepehiaku ia lakou, no ka lakou mau wahine. A hui puaku la o Amulona a me kona poe hoahanau me ko Lamana poe, a e hele ana lakou ma ka waonahele e imi i ka aina o Nepai, ia lakou i loaa ai ka aina o Helama, i nohoia'i e Alama a me kona poe hoahanau. A eia kekahī, olelo paa mai la ko Lamana poe ia Alama a me kona poe hoahanau, ina e hoike aku lakou i ke ala e hikiaku ai i ka aina o Nepai, alaila e ae mai lakon la i ola lakou a i noho pio ole ai hoi. Aka, mahope iho o ka hoike ana'e o Alama ia lakou la i ke ala e hikiaku ai i ka aina o Nepai, aole ko Lamana poe i malama'i i ka lakou olelo paa; aka, hoonoho mai la lakou la i aa koa kiai a puni o ka aina o Helama, maluna o Alama a me kona poe hoahanau. A heleaku la ka poe i koe o lakou i ka aina o Nepai: a hoi hou mai la kekahī poe o lakou i ka aina o Helama, a lawe pu mai la hoi me lakou i na wahine, a me na keiki a ka poe koa kiai i waihoia'i ma ka aina. A ua aeaku ke Alii o ko Lamana poe ia Amulona, e lilo ai i alii a i luna maluna o kona poe kanaka, e noho ana ma ka aina o Helama; aka hoi, aole i loaa'i ia ia ka mana e hana i kekahī mea ku e i ka make-make o ke Alii o ko Lamana poe.

4. A eia kekahī, loaa iho la ia Amulona ka oluolu ma na maka o ke Alii o ko Lamana poe; nolaila, aeaku la ke Alii ia ia a me kona poe hoahanau, e hooliloia i poe kumu maluna ilo o kona poe kanaka; he oiaio, maluna ilo o na kanaka ma ka aina o Semalona, a ma ka aina o Sailoma, a ma ka aina o Amulona: no ka mea, ua loaa i ko Lamana poe ua mau aina nei; nolaila, ua hoonoho iho la ke Alii o ko Lamana poe i mau Alii maluna o ua mau aina nei a pau. Ano, o Lamana ka inoa o ke Alii o ko Lamana poe, i kapaia'i mamuli o ka inoa o kona makuakane; a nolaila, ua kapaia oia o ke Alii Lamana. A he Alii oia maluna o kahi lahuikanaka he kinikini; a hoonohoaku la oia i na kumu o na hoahanau o Amulona, ma kela aina keia aina i nohoia'i e kona poe kanaka: a pela i hoomaka'i ka olelo a Nepai e aoi'a'i mawaena o na kanaka o ko Lamana poe. A he lahuikanaka oluolu lakou kekahī me kekahī; aka hoi, aole lakou i ike i ke Akua; aole hoi i aoaku na hoahanau o Amulona ia lakou i kekahī mea no ka Haku, no ko lakou Akua, aole hoi i ke kanawai o Mose; aole hoi i aoaku ia lakou i na elelo a Abinadi; aoaku la lakou ia lakou la e kakau i ko lakou la mooolelo, a na lakou la e palapala kekahī i kekahī. A pela ko Lamana poe i hoomaka'i e mahuahuaaku ma ka waiwai, a e

kuai aku kekahī me kekahī, a mahualhua i nui, a i hoomaka'i e lilo i lahuī kanaka maalea a akamai, ma ke akamai o ke ao nei; he oiaio, he lahuī kanaka maalea loa; e lealea ana ma kela ano keia ano o ka hewa a me ka hao wale, koe nae mawaena o ko lakou poe hoahanau iho.

5. Eia kekahī, hoomaka ae la o Amulona e hana kaumaha maluna o Alama a me kona poe hoahanau, a hoomaka ae la oia e hoomaa mai ia ia, a hookonokono ae la i kana poe keiki e hoomaa mai i ka lakou poe keiki: no ka mea, ike mai la o Amulona ia Alama, a ike mai la hoi o kekahī o ka ke Alii poe kahuna oia mamua, a nana hoi i manaoio ai i na olelo a Abinadi, a i hoohecia mai ai mai ke alo aku o ke Alii; a nolaila, ua huhu mai la oia ia ia, no ka mea, malalo iho oia o ke Alii Lamana; aka hana kaumaha mai la nae oia maluna o lakou, a kau mai na hana maluna o lakou, a hoonoho mai la i na luna hooluhi maluna o lakou. A eia kekahī, no ka nui o ko lakou mau popilikia, hoomaka ae la lakou e kahea ikaika i ke Akua. A kauoha mai la o Amulona ia lakou e hooki iho i ko lakou hea ana; a hoonoho mai la oia i na koa e makai ia lakou, a o ka mea i loaa'i e kahea ana i ke Akua, e pepchiia oia. A, aole o Alama a me kona poe kanaka i hookiekie aku i ko lakou mau leo i ka Haku, i ko lakou Akua, aka ninini aku la lakou i ko lakou mau naau ia ia; a ua ike mai la oia i na manao o ko lakou mau naau.

6. Aka, eia kekahī, hiki mai la ka leo o ka Haku ia lakou iloko o na popilikia o lakou, i ka i ana, E, e ea mai i na poo o oukou, a e hoolana maikai oukou, no ka mea, ua ike au i ka berita a oukou i hana mai ai ia'u; a e hana aku au i berita me ko'u poe kanaka, a e hoopakele aku ia lakou mailoko aku o ka noho luhi ana. A e hoomama no hoi au i na ukana kaumaha i kauia maluna iho o ko oukou mau poohiwi, i ole ai e hiki ia oukou ke ike ia mau mea maluna iho o na kua o oukou, oiai oukou iloko o ka luhi; a o keia ka'u e hana'i, i ku auanei oukou i poe hoike no'u, a i ike lea oukou, e hele ana owau, ka Haku ke Akua, i ko'u poe kanaka i ko lakou popilikia. Ano, eia kekahī, o na ukana kaumaha i kauia maluna iho o Alama a me kona poe hoahanau, ua hoomamaia ia mau mea; he oiaio, hooikaika mai la ka Haku ia lakou i hiki ai ia lakou ke hapai aku i ko lakou mau ukana kaumaha me ka oluolu, a ae aku la lakou me ka manaoiana a me ke ahonui i ka makemake a pau o ka Haku. Eia kekahī, no ka nui o ko lakou manaoio a me ko lakou hoomanawanui, hiki hou mai la ka leo o ka Haku ia lakou, me ka i ana, E hoolana maikai ia, no ka mea, i ka la apopo e hoopakele no au ia oukou mailoko aku o ka noho luhi ana. A i aku la oia ia Alama, Nau e hele aku imua o keia poe kanaka, a e hele pu au me oe, a e hoopakele aku i keia poe kanaka mailoko aku o ka noho luhi ana.

7. Ano, eia kekahī, houluulu mai la o Alama a me kona poe kanaka ma ka po, i na pua holoholona o lakou, a i ko lakou hua liilii hoi; he oiaio, a pau ae la ka po e houluulu ana lakou i na pua holoholona o lakou. A i kakahiaka ae, hookau ae la ka Haku i ka hiamoe nui maluna o ko La-

mana poe, he oiaio, ua paauia ko lakou poe luna hooluhi a pau i ka hia-moe loa. A haele aku la o Alama a me kona poe kanaka iloko o ka waonahele; a ia lakou i hele aku ai a pau ae la ka la, kukulu iho la lakou i na halelewa o lakou iloko o kekaki awawa, a kapaaku la lakou ia wahi o ke awawa o Alama, no ka mea, alakai ae la oia ia lakou ma ka waonahele; he oiaio, a ma ke awawa lakou i niniu aki ai i ko lakou aloha i ke Akua, no ka mea, na lokomaikai mai oia ia lakou, a ua hoemaha mai la i ko lakou mau ukana kaumaha, a ua hoopakele mai la oia ia lakou mailoko aku o ka luhi; no ka mea, iloko o ka noho luhi ana lakou, a, aole i hiki i ke-kahi mea ke hoopakele mai ia lakou, ke ole ka Haku ko lakou Akua. A aloha aku la lakou i ke Akua, he oiaio, ka poe kane a pau o lakou, a me ka lakou poe wahine a pau, a me ka poe keiki a pau a lakou, i hiki ke otelo, hookiekie ae la i ko lakou mau leo i ka hiilani aki i ko lakou Akua.

8. Ano, i mai la ka Haku ia Alama, E wikiwiki oe a hele aku oe a me keia poe kanaka mawaho o keia aina, no ka mea, ua ala ae la ko Lamana poe, a ke alualu nei ia oe; nolaila, e hele aku oe iwaho o keia aina, a na'u e hooki aku i ko Lamana poe ma ua awawa nei, i alualu hou ole aku ai lakou i keia poe kanaka. A eia kekahih, haele aku la lakou mawaho o ke awawa, a hele aku la iloko o ka waonahele. A ia lakou ma ka waonahele he umikumamalua la, hiki aki la lakou i ka aina o Zarahemela; a hookipa ae la no hoi ke Alii Mosia ia lakou me ka olioli. Ano, kauoha ae la ke Alii Mosia e houluulu ae la na kanaka a pau. Ano, aole e like ka nui o na keiki a Nepai, aole hoi e like ka nui o ka poe mamo na Nepai, me ka poe kanaka o Zarahemela, oia no kekahih mamo a Muloka, a me ka poe i hele pu mai me ia ma ka waonahele; a, aole e like ka nui o ka poe kanaka o Nepai a me ka poe kanaka o Zarahemela me ko Lamana poe: he oiaio, aole e like ka nui o lakou me ka hapalua o ko Lamana. Ano, ua hoakoakoaia ka poe kanaka a pau o Nepai, a me ka poe kanaka a pau hoi o Zarahemela, a ua hoakoakoaia lakou i elua poe.

9. A eia kekahih, heluhelu ae la o Mosia, a kauoha ae la e heluheluia, na mooolelo o Zenifa i kona poe kanaka, he oiaio, helabelu ae la oia i na mooolelo o ka poe kanaka o Zenifa, mai ka wa a lakou i haalele ai i ka aina o Zarahemela, a hiki i ka wa a lakou i hoi hou mai ai. A heluhelu ae la no hoi oia i ka mooolelo o Alama a me kona poe hoahanau, a me ko lakou mau popilikia a pau, mai ka wa a lakou i haalele mai ai i ka aina o Zarahemela, a hiki aki i ka wa a lakou i hoi hou mai ai. Ano, ia Mosia i hoopan ai i ka heluhelu ana i na mooolelo, ua pau kona poe kanaka i ke kahaha a me ka pihoihoi, no ka mea, aole o lakou i ike i ka mea e manao ai; no ka mea, ia lakou i ike ai i ua poe la i hoopakeleia mai mailoko mai o ka noho luhi ana, ua hoopilaia lakou me ka olioli nui loa. A eia hou, ia lakou i manao ai no ko lakou poe hoahanau, ka poe i pepehiia'i e ko Lamana poe, ua hoopihaiia mai lakou me ke kaumaha, a kulu iho la na waimaka he nui o ke kaumaha; a eia hou, ia lakou i manao ai i ka lokomaikai koke o ke Akua, a me kona mama i ka hoopakele ana ia Alama a

me kona poe hoahanau, mailoko mai o na lima o ko Lamana, a o ka noho luhi ana hoi, hookiekie ae la lakou i ko lakou mau leo, a hoalohaloha aku la i ke Akua. A eia hou, ia lakou i manao ai i ko Lamana poe, ko lakou poe hoahanau, a i ko lakou noho hewa a haumia ana, ua hoopihai a lakou me ka walania a me ka ehaeha, no ke ola o na uhane o lakou.

10. A eia kekahī, hulu iho la kela poe keiki a Amulona a me kona mau hoahanau, ka poe nana i lawe i na kaikamahine a ko Lamana poe, i mau wahine na lakou, me ka hana a ko lakou mau makuakane, aole o lakou e kapa hou ia e na inoa o ko lakou mau makuakane, nolaila, lawe ae la lakou maluna o lakou iho i ka inoa o Nepai, i hiki ia lakou ke kapaia'e na keiki a Nepai, a e helu pu ia me ka poe i kapaia ko Nepai poe. Ano, ua helu pu ia ka poe kanaka o Zarahemela me ko Nepai poe, a o keia no ka hooili ole ia 'na o ke aupuni maluna o na mea i ole ai lakou he poe mamo a Nepai.

11. A eia kekahī, ia Mosia i hoopau ai i ka olelo ana a i ka heluhelu ana i na kanaka, noi ae la oia ia Alama hoi e olelo aku i na kanaka. A olelo aku la o Alama ia lakou, ia lakou i hoakoakoaia'i ma na aha nui, a hele aku ia mai ia poe aku ia poe aku, e hai ana i na kanaka i ka mihi a me ka manaoio ma ka Haku. A kauleo aku la oia i ka poe kanaka o Limai a me kona poe hoahanau, i ka poe a pau i hoopakaleia mai ai mailoko mai o ka noho luhi ana, e hoomanao lakou na ka Haku lakou i hoopakele mai. A eia kekahī, mahope iho o ke ao ana aku o Alama i na kanaka i na mea he nui, a i pau ai kana olelo ana ia lakou, ua makemake iho la ke Alii Limai e bapetizoia; a ua makemake kona poe kanaka a pau e bapetizoia hoi lakou. Nolaila, hele aku la o Alama iloko o ka wai, a bapetizo iho la ia lakou; he oiaio, bapetizo aku la oia ia lakou manuili o ke ano ana i bapetizo ai i kona poe hoahanau, iloko o na wai o Moramona; he oiaio, a o ka poe ana i bapetizo ai ua huiia lakou i ka ekalesia o ke Akua; a o keia no ko lakou manaoio ma na olelo a Alama.

12. A eia kekahī, ae aku la ke Alii Mosia ia Alama, nana e hoonoho aku i na ekalesia mawaena o ka aina a puni o Zarahemela; a haawi aku ia ia i ka mana e hoolilo i na kahuna a me na kumu maluna o kela ekalesia o keia ekalesia. Ano, ua hanaia keia no ka nui loa o na kanaka, i hiki ole ai ia lakou ke hoomaluia e ke kumu hookahi; aole hoi i hiki ia lakou ke hoolohe mai i ka olelo a ke Akua i ke anaina hookahi; nolaila, lakou i i hoakoakoa ai ma na anaina okoa, i kapaia'i na ekalesia; a ua loaa kela ekalesia keia ekalesia ka lakou mau kahuna a me ko lakou mau kumu, a e hai ana kela kahuna keia kahuna i ka olelo e like me ia i haawia mai ai ia ia ma ka waha o Alama; a pela, me na ekalesia he nui, hookahi ekalesia nae lakou a pau; he oiaio, o ka ekalesia o ke Akua: no ka mea, aole i huiia kekahī mea mana ekalesia a pau i ole ka mihi a me ka manaoio i ke Akua. Ano, he mau ekalesia ehiku ma ka aina o Zarahemela. A eia kekahī, o na mea e makemake ana e lawe maluna iho o lakou i ka i loa o Kristo, a o ke Akua hoi, hui mai la lakou i na ekalesia o ke Akua;

a ua kapaia lakou ko ke Akua poe kanaka. A ninini mai la ka Haku i kona uhane maluna o lakou, a ua pomaikai lakou, a malu ma ka aina.

13. Ano, eia kekahi, ua nui na mea o ka hanauna hou i hiki ole ke hoomaopopo mai i na olelo a ke Alii Beniamina, he poe keiki lilii i ka wa ana i olelo ae ai i kona poe kanaka; aole lakou i manaoio i ka mooolelo o ko lakou poe makua. Aole lakou i manaoio i ka mea i oleloia no ke ala-houana o ka poe make; aole hoi lakou i manaoio no ka hiki ana mai o Kristo. Ano, no ko lakou hoomaloka, aole i hiki ia lakou ke hoomaopopo mai i ka olelo a ke Akua; a ua hoopakikiia na naau o lakou. A, aole o lakou e bapetizoia; aole hoi lakou e hui mai i ka ekalesia. A he poe okoa lakou ma ko lakou manaoio, a noho mau pela a mau loa aku, ma ko lakou noho kino hewa ana; no ka mea, aole lakon i kahea aku i ka Haku, i ko lakou Akua. Ano, ma ke au ia Mosia, aole e like ko lakou nui me ka hapalua o na kanaka o ke Akua; aka, no ka mokuahana mawaena o na hoahanau, ua mahuahua aku lakou. No ka mea, eia kekahi, hoopunipuni ae la lakou i na mea he nui loa me ka lakou mau olelo malimali, i na mea iloko o ka ekalesia, a ma o lakou la lakou i hana'i i na hewa he nui; nolaila, he mea e pono ai e aoia ka poe nana i hana i ka hewa iloko o ka ekalesia, e ka ekalesia.

14. Eia kekahi, ua laweia mai la lakou imua o na kahuna, a haawia ae la i na kahuna e na kumu; a lawe mai la na kahuna ia lakou imua o Alama, oia no ke Kahuna Nui. Ano, ua haawi aku la ke Alii Mosia ia Alama i ka mana maluna iho o ka ekalesia. Eia kekahi, aole o Alama i ike no lakou, no ka mea, ua nui na hoike ku e ia lakou; he oiaio, ku mai la no na kanaka a hoike mai la i ko lakou hala he nui loa. Ano, aole i hiki mai kekahi mea e like me ia mamua, ma ka ekalesia; nolaila, anoninoni iho la o Alama ma kona uhane, a kauoha ae la ia e laweia'e lakou imua o ke Alii. A i ae la oia i ke Alii, Eia hoi kekahi poe he nui a makou i lawe mai ai imua ou, he poe i hoopilia mai e ko lakou poe hoahanau; he oiaio, a ua loaa lakou ma na hewa he nui. Aole lakou i mihi i ko lakou mau hewa; nolaila, ea, ua lawe mai la makou ia lakou imua ou, nau e hookolokolo ae ia lakou e like me ka lakou mau hewa. Aka i aku la ke Alii Mosia ia Alama, Aia hoi, aole au e hookolokolo aku ia lakou; nolaila, ke haawi aku nei au ia lakou iloko o kou mau lima e hookolokoloia'i. Ano, anoninoni hou iho la ka uhane o Alama; a hele aku la oia, a ninau aku la i ka Haku i ka mea ana e hana'i no ua hana nei, no ka mea, hopohopo iho la oia o hana hewa oia imua o ka maka o ke Akua.

15. Eia kekahi, mahope iho o kona ninini ana i kona uhane a pau i ke Akua, hiki mai la ka leo o ka Haku ia ia, i ka i ana, Pomaikai ooe, e Alama, a pomaikai hoi lakou, ka poe i bapetizoia'i iloko o na wai o Moramona. Ua pomaikai ooe no kou manaoio ikaika loa ma na olelo wale no a ka'u kauwa, a Abinadi. A pomaikai hoi lakou, no ko lakou manaoio ikai-ka loa ma na olelo wale no au i olelo aku ai ia lakou. A pomaikai ooe no ko kukulu ana i ekalesia mawaena o keia poe kanaka; a e hookupaata

lakou, a e lilo no lakou i poe kanaka no'u. He oiaio, pomaikai iho la no keia poe kanaka, ka poe e ae ana e hali i ko'u inoa: no ka mea, ma ko'z inoa e kapaia'i lakou; a na'u no lakou. A no kou ninau ana mai ia'u no ka mea lawehala, na pomaikai oe. Ooe no ka'u kauwa: a ke hana berita nei au me oe, e loaa auanei ia oe ke ola mau loa; a e hookauwa mai no oe na'u, a hele aku ma ko'u inoa; a e houluulu mai i ka'u poe hipa. A o ka mea e hoolohe mai i ko'u leo, he hipa auanei ia na'u; a nau ia e hookipa'e iloko o ka ekalesia; a na'u no hoi ia e hookipa'ku. No ka mea, o keia no ko'u ekalesia: o ka mea e bapetizoia, e bapetizoia oia i ka mihi. A o ka mea au e hookipa'e ai, nana no e manaoio mai i ko'u inoa; a na'u no ia e kala oluolu aku: no ka mea, owau no ka mea e lawe ana maluna o'u i na hewa o ko ke ao nei; no ka mea, owau no ka mea nana i hana ia lakou; a owau no ka mea e haawi ana i ka mea i manaoio ai a hiki aku i ka hopena, i kahi ma kuu lima akau. No ka mea, ma kuu inoa i kapaia'i lakou; a ina i ike lakou ia'u, e puka mai auanei lakou, a e loaa ia lakou kahi mau lea ma knu lima akau.

16. A e hiki mai keia i ka wa e kani ai ka lua o ka pu, alaila e puka mai ka poe i ike ole mai ia'u, a e ku auanei imua o'u: alaila e ike no lakou, Owau no ka Haku ko lakou Akua, a owau ko lakou Mea Hoolapanai; aka aole o lakou makemake e hoolapanaiia. Alaila, e hai aku no au ia lakou, aole au i ike ia lakou; a e hele aku no lakou iloko o ke ahia pau ole, i hoomakaukaui'a no ka diabolo a no kona poe anela. Nolaila, ke i aku nei au ia oe, o ka mea e hoolohe ole mai i ko'u leo, mai hookipa aku oukou ia ia iloko o ko'u ekalesia, no ka mea, aole au hookipa aku ia ia ma ka la mahope; nolaila, ke i aku nei au ia oe, o hele; a o ka mea e hana hewa mai ana ia'u, nau ia e hookolokolo ae e like me na hewa ana i hana'i; a ina e hai mai oia i kona mau hewa imua ou a me a'u nei, a e mihi ma ka oiaio o kona naau, nau ia e kala aku, a e kala aku no hoi au ia ia; he oiaio, a i na manawa a pau a ko'u poe kanaka e mihi ai, e kala aku no au ia lakou i ko lakou lawehala ana ia'u. A e kala aku hoi oukou kekahia i kekahia i ko oukou mau hala: no ka mea, he oiaio ka'u e olelo aku nei ia oe, o ka mea e kala cle ae i ka kona hoalauna lawehala ana, ia ia e olelo ai ua mihi oia, oia ka i lawe ia ia iho malalo iho o ka hoohewai a ana. Ano, ke i aku nei au ia oe, o hele; a o ka mea e mihi ole i kona mau hewa, oia ke helu pu ole ia mawaena o ko'u poe kanaka: a e mala-maia keia mea mai keia wa aku.

17. Eia kekahia, ia Alama i lohe ai i keia mau olelo, palapala iho la oia ia mau mea, i paa ua mau mea nei ia ia, a e hiki ia ia ke hookolokolo i na kanaka o ua ekalesia la e like me na kauoha a ke Akua. Eia kekahia, hele aku la o Alama a hookolokolo iho la i ka poe i loaa'i ma ka hewa, e like me ka olelo a ka Haku. A o ka poe i mihi i ko lakou mau hewa a i hai mai ia mau mea, o lakou kana i helu pu ai mawaena o ka poe kanaka o ka ekalesia; a o ka poe i hai ole mai i ko lakou mau hewa a i mihi ole i ka lakou hala, aole lakou i helu pu ia mawaena o ka poe kanaka o ka eka-

lesia, a ua holoi'a'ku na inoa o lakou. A eia kekahi, hooponopono iho la o Alama i na hana a pau o ka ekalesia, a hoomaka hou ae la lakou e loaa ke kuapapa nui a me ka pomaikai nui loa ma na mea o ka ekalesia; e hele pololei ana imua o ke Akua; e loaa ana na mea he nui wale, a e bapetizo ana i na mea he nui wale. Ano, na Alama a me kona poe hoalawehana i hana i ua mau mea nei a pau, ka poe i noho ai maluna iho o ka ekalesia; e hele ana ma ka ikaika'a pau; e aoaku ana i ka olelo a ke Akua ma na mea a pau; e loaa ana na ano o na popilikia a pau; i hana ino ia mai e ka poe a pau i hui ole ia me ka ekalesia o ke Akua; a aoaku la lakou i ko lakou poe hoahanau; a o lakou hoi kekahi i aoiā mai, kela mea keia mea, e ka olelo a ke Akua, e like me kona mau hewa, a me kona hala ana i hana'i; i kauohaia'i e ke Akua e pule hooki ole, a e hoalohaloha aku ma ua mea a pau. Ano, eia kekahi, no ka nui loa o na hana ino i hooiliia mai maluna o ka ekalesia, e na mea hoomaloka, hoomaka ae la ka ekalesia e ohumu, a e hoopii ae i na luna o lakou no ia mea; a hoopii mai la lakou ia Alama. A waiho iho la o Alama i keia mea imua o ko lakou Alii, o Mosia. A kuka pu iho la o Mosia me kana poe kahuna.

18. Eia kekahi, hoouna ae la ke Alii Mosia i olelo hoolaha mawaena o ka aina a puni, i hoomaaau oleaku ai kekahi o ka poe hoomaloka i kekahi o ka poe i huiia me ka ekalesia o ke Akua; a ua kauoha ikaika ia mawaena o na ekalesia a pau, i ole ai na hoomaaau ana mawaena o lakou; i noho like ai na kanaka a pau: i ole ai lakou a eaeaku i ka haahéo, a i ka hookiekie e hoopau ai i ko lakou maluhia; i manao ai hoi kela kanaka keia kanaka i kona hoalauna me iaia ia iho, e hana ana me ko lakou mau lima iho no ko lakou ola; he oiaio, a na ko lakou poe kahuna a me ko lakou poe kumu a pau e hana me ko lakou mau lima iho no ko lakou ola, ma na wa a pau, koe wale no ka mai a me ka hune maoli: a i ka hana ana i ua mau mea nei, ua lako lakou ma ka lokomaikai o ke Akua. A hoomaka ae la ka maluhia hou ma ka aina; a hoomaka ae la na kanaka e lehulehu loaaku, a hoomaka ae la e hele palahalahaaku maluna iho o ka ili o ka honua, he oiaio, ma ka akau a ma ka hema, ma ka hikina a ma ke komohana, e kukulu ana i na kulanakauhale nui a me na kauhale ma na kihi a pau o ka aina. A kokua mai la ka Haku ia lakou, a hoopomaikai iho la ia lakou, a lilo lakou i lahuikanaka nui a waiwai.

19. Ano, ua helu pu ia na keiki a Mosia mawaena o na mea hoomaloka; a o kekahi hoi o na keiki a Alama i helu pu ia mawaena o lakou, ua kapaia oia o Alama, mamuli o kona makuakane; aka hoi, lilo iho la oia i kanaka hewa loa a hoomana kii. A he kanaka oia o na olelo he nui wale, a olelo malimali nuiaku la oia i na kanaka; nolaila, alakaiaku la oia i na mea he nui o na kanaka e hana mamuli o keano o kona mau hewa. A lilo iho la oia i mea i alalai nui ai i ka pomaikai o ka ekalesia o ke Akua; e aihueaku ana i na naau o na kanaka; e hookomo ana i ke ku e nui mawaena o na kanaka; e wehe ana i ka puka no ka enemi o ke Akua e hana mai me kona mana maluna o lakou.

20. Ano, eia kekahī oiai oia e hele aku ana e hoopau i ka ekalesia o ke Akua; no ka mea, hele malu aku la oia me na keikikane a Mosia, e imi ana e hoopau i ka ekalesia, a e alakai hewa i na kanaka o ka Haku, me ke ku e i na kanawai o ke Akua, a o ke Alii no hoi; a me a'u i aku ai ia oukou, ia lakou e hele ana e kipi ana i ke Akua, aia hoi! ikeāku la ka anela a ka Haku e lakou; a iho iho la oia me he mea la iloko o kahi ao; a olelo mai la oia me he mea la o ka leo o ka hekili, a hoonaueue ae la ia i ka honua a lakou i ku ai maluna; a no ka nui loa o ko lakou pihoihoi, hina iho la lakou i ka honua, a hoomaopopo ole i na olelo ana i olelo mai ai ia lakou. Aka hoi, kahea hou mai la ia, i ka i ana, E Alama, e ala'e a e ku mai, e, no ke aha oe i hoomaau mai ai i ka ekalesia o ke Akua? No ka mea, ua olelo mai ka Haku, O keia no ko'u ekalesia, a e hookupaa aku au ia; aole loa kekahī mea e hoohiolo ia, ke ole ia ka hewa o ko'u poe kanaka. A eia hou, i mai la ka anela, aia hoi, ua lohe iho la ka Haku i na pule a kona poe kanaka, a me na pule hoi a kana kauwa a Alama, oia no kou makuakane: no ka mea, ua pule aku la oia me ka manaoio nui nou, i laweia'i oe i ka ike i ka oiaio; nolaila, ea, ua hele mai nei au e hoomaopopo aku ia oe no ka mana a me ka makaukau o ke Akua, i hookoia'i na pule o kana mau kauwa e like me ko lakou manaoio. Ano hoi, e hiki anei ia oe ke hoole mai i ka mana o ke Akua? No ka mea, aia hoi, aole anei ke hoohaalulu nei kuu leo i ka honua? Aole anei oe i ike mai hoi ia'u imua ou? A ua hoounaia mai nei au mai ke Akua mai. Ano, ke i aku nei au ia oe, o hele, a e hoomanao i ka noho pio ana o kou mau makua ma ka aina o Helama a ma ka aina o Nepai; a e hoomanao i na mea nui ana i hana'i no lakou: no ka mea, iloko o ka noho luhi ana lakou, a ua hoopakele iho la oia ia lakou. Ano, ke i aku nei au ia oe, e Alama, e hele aku i kou ala, a e imi hou ole e hoopau aku i ka ekalesia ma neia hope aku, i hookoia'i ka lakou mau pule; a e hana i keia ina paha e makemake ana oe e hooleiia'ku nou iho.

21. Ano, eia kekahī, o ua mau olelo nei oia na olelo hope a ka anela i olelo mai ai ia Alama, a hele aku la. Ano, hina hou iho la o Alama, a me ka poe pu me ia, i ka honua, no ka mea, nui iho la ko lakou pihoihoi; no ka mea, me ko lakou mau maka ponoi ua ike aku la lakou i kahi anela o ka Haku; a o kona leo me he hekili la ia, i hoonaueue ai i ka honua; a ua ike lakou aohe kekahī mea, ke ole ia ka mana o ke Akua, i hiki ai ke hoonaueue i ka honua a e hoohaalulu ia, me he mea la e kaawale aku ia. Ano, no ka nui o ka pihoihoi o Alama, lilo iho la oia i aa, i hiki ole ai ia ia ke hamama i kona waha; he oiaio, a newaliwali iho la oia, i hiki ole ai ke oni i kona mau lima; nolaila, laweia oia e ka poe pu me ia, a kaikaia me ka ikaika ole, a hiki aku i kahi ona i waihoa'i imua o kona makuakane. A hai ae la lakou i kona makuakane i na mea a pau i hiki mai ai ia lakou; a hanoli iho la kona makuakane, no ka mea, ua ike oia o ka mana o ke Akua no ia. A houluulu mai la oia i na kanaka he nui loa, i ike ai lakou i ka mea a ka Haku i hana mai ai no kana keiki, a no lakou

hoi ka poe i hele pu me ia. A kauoha ae la oia i na kahuna e houluulu mai ia lakou iho; a hoomaka ae la lakou e hooke ai a e pule aku i ka Haku, i ko lakou Akua, nana e hooaka ae i ka waha o Alama, i hiki ai ia ia ke olelo; a i hiki ai hoi i kona mau lala ke loaa ko lakou ikaika, i hookaakaia'i na maka o na kanaka e ike a e hoomaopopo i ka lokomaikai a me ka nani o ke Akua.

22. Eia kekahi, mahope iho o ko lakou hooke ai ana a pule ana no na la elua a me na po elua, loaa iho la i na lala o Alama ko lakou ikaika, a ku ae la oia iluna a hoomaka ae la e olelo aktia lakou, e hai ana ia lakou e hoolana maikai: no ka mea, wahī ana, ua mihi iho la au i ko'u mau he-wa, a ua hoolapanaiia mai e ka Haku; aia hoi, ua hanau mai au i ka uhane. A i mai la ka Haku ia'ū, Mai kahaha kou naau, e hanau hou ia mai na kanaka a pau e pono ai, he oiaio, na kane, a me na wahine, na lahuikanaka, a me na ohana, o na olelo a me na kanaka a pau: he oiaio, hoohanauia mai e ke Akua, hoomaluleia'e mai ko lakou noho kino a haule ana, i ka noho hemolele ana, i hoelapanaiia mai e ke Akua, e lilo ana i poe keiki-kane a i poe kaikamahine nana; a pela lakou i lilo ai i poe hou; a i ole lakou e hana i keia, aole loa e hiki ia lakou ke loaa aku ke aupuni o ke Akua. Ke i aku nei au ia oukou, i ole ai keia e hanaia, e hooleiia'ku lakou e pono ai: a na ike au i keia, no ka mea, ua kokoke au e hooleiia'ku. A ka hoi, mahope iho o ka awuana ana mawaena o ka popilikia nui, ē mihi ana a kokoke i ka make, ma ke aleha ka Haku i ike ai he pono ke kaili mai ia'u mailoko mai o kahi aa mau loa ana, a ua hoohanauia mai au e ke Akua; ua hoolaia mai kuu uhane i ke au awaawa a i na mea paa o ka hewa. Ma ka lua hohonu pouli loa no au; aka, ano, ke ike nei au i ka inalamalamalama kupaiannaho o ke Akua. Ua hoowalaniaia mai la ko'u uhane me ka ehaeha mau loa; aka ua kailia mai au, aohe i hoowalania hou ia ko'u uhane. Hoomalau aku la au i ko'u Mea Hoolapanai, a hoole aku la i ka mea i oleloia'i e ko kakou poe kupuna; aka, ke ae aku nei ua hiki ia lakou ke ike e mamua a e hiki mai auanei no ia, a ke hoomanao la oia i kela mea i keia mea ana i hana'i, a e hoike mai oia ia i iho i na mea a pau; he oiaio, e kukuli iho no auanei kela kuli keia kuli, a e ae mai auanei kela alelo keia alelo imua ona. He oiaio, ma ka la mahope, i ka wa e ku ai na kanaka e hookolokoloia e ia, alaila, e ae mai lakou oia no ke Akua; alaila, e ae mai lakou, ka poe i noho ai me ke Akua ole ma ke ao nei, ua pono ka hoopai ana o ka hoopai mau loa maluna o lakou; a e naueue, a e haalulu lakou, a e emi iho malalo o ka nana o kona maka ike i na mea a pau.

23. Ano, eia kekahi, hoomaka ae la o Alama ma keia manawa aku, e ao aku i na kanaka, a me ka poe pu me Alama i ka wa i ike ka anela e lakou: e kaahele ana a puni mawaena o ka aina a pau, e hoolaha ana i na kanaka a pau i na mea a lakou i lohe ai a ike ai hoi, a e hai ana i ka olelo a ke Akua iloko o ka pilikia nui, i hoomeau nui ia mai ai e ka poe hoomaloka, i papaiia mai ai e na mea he nui o lakou; aka me ua mau mea

nei nae a pau, haawi aku la lakou i ka oluolu nui i ka ekalesia, e hoapaa ana i ko lakou manaoio, a e kauleo ana ia lakou me ke ahonui loihi a me ka hana luhi, e malama i na kauoha a ke Akua. A he mau keiki a Mosia eha o lakou; a o Amona, a me Aarona, a o Omanera, a me Himani ko lakou mau inoa: oia no na inoa o na keiki a Mosia. A hele ahu la lakou mawaena o ka aina a pau o Zarahemela, a mawaena o na kanaka a pau e noho ana malalo iho o ke au o ke Alii Mosia, e hooikaika loa ana e papani hou i na eha a lakou i hana ahu ai i ka ekalesia; e hai ana i ko lakou mau hewa, a e hoolaha ana i na mea a pau a lakou i ike ai, a e wehewehe ana i na wanana a me na palapala hemolele i ka poe a pau e makemake ana e hoolohe mai i ua mea nei: a peia lakou i lilo ai i mau mea hana ma na lima o ke Akua, i ka lawe ana mai i na mea he nui i ka ike i ka oiaio, he oiaio, i ka ike i ko lakou Mea Hoolapanai. E, nani ka pomaikai o lakou! No ka mea, hoolaha ahu la lakou i ka malu; hoolaha ahu la no lakou i ka olelo maikai o ka olioli; a hai ahu la lakou i na kanaka e malama aupuni ana ka Haku.

MOKUNA XII.

1. Ano, eia kekahi, mahope iho o ka hana ana o na keiki a Mosia i keia mau mea a pau, lawe pu ahu la lakou i kekahi poe he uuku me lakou, a hoi ahu la i ko lakou makuakane la, i ke Alii, a noi ae ia ia e ae mai oia ia lakou, na lakou e hele me ua poe nei a lakou i wae ahu ai, e pii aku i ka aina o Nepai, e hiki ia lakou ke hai ahu i na mea a lakou i lohe ai, a e hiki ia lakou ke haawi ahu i ka olelo a ke Akua i ko lakou poe hoahanau, i ko Lamana poe, e hiki paha ia lakou ke hoohuli ae ia lakou la i ka ike i ka Haku i ko lakou Akua, a hoomaopopo ia lakou i ka hewa o ko lakou poe kupuna: a e hiki paha ia lakou ke hoopau ahu i ko lakou la inaina mai i ko Nepai poe, e hiki hoi ia lakou ke laweia e hauoli iloko o ka Haku ko lakou Akua, e hiki ia lakou ke hoalauna ahu a ke hoalauna mai kekahi i kekahi, a e paio hou ole ma ka aina a pau a ka Haku a ko lakou Akua i haawi mai ai ia lakou. Ano, ua makemake lakou e haiia'ku ke ola i kela mea i keia mea, no ka mea, aole loa o lakou oluolu e make kekahi uhane o kanaka; he oiaio, ma ka manao wale ana e loaa paha i kekahi uhane ka ehaeha pau ole, ua naueue a ua haalulu lakou. A pela ka uhane o ka Haku i hana mai ai maluna iho o lakou, no ka mea, he poe hewa loa lakou o na mea hewa. A ike iho la ka Haku ma kona aloha nui loa, he pono ke hookoe ia lakou; aka hoi, pilikia iho la lakou me ka ehaeha o ka naau, no ko lakou mau hewa; a pilikia nui iho la hoi, e hopohopo ana o hooleia'ku auanei lakou no ka wa pau ole.

2. A eia kekahi, noi ahu la lakou i ko lakou makuakane i na la he nui, e pii ahu lakou i ka aina o Nepai. A hele ahu la ke Alii Mosia a ninanu

aku la i ka Haku, ina e hookuu aku oia i kana mau keikikane e pii aku mawaena o ko Lamana poe, e hai aku i ka olelo. A i mai la ka Haku ia Mosia, E hookuu aku ia lakou e pii aku, no ka mea, e manaoio na mea he nui i ka lakou mau olelo, a loaa auanei ia lakou ke ola mau loa; a e hoo-pakele aku au i kau mau keiki mailoko mai o na lima o ko Lamana poe.

3. A eia kekahii, ae aku la o Mosia e hele aku lakou, a e hana e like me ko lakou noi. A hele aku la lakou ma ko lakou hele ana iloko o ka waonahele, e pii aku e hai aku i ka olelo mawaena o ko Lamana poe: a e haawi aku auanei au i ka mooolelo a ka lakou hana. Ano, aole o ke Alii Mosia mea e hooili ai i ke aupuni maluna ona, no ka mea, aole e lawe kekahii o kana mau keiki i ke aupuni; nolaila, lawe aku la oia i na mooolelo i kahakahaia'i maluna o na papa keleawe, a me na papa a Nepai no hoi, a me na mea a pau ana i malama'i a i hoola'i, e like me na kauoha a ke Akua, mahope iho o kona unuhi ana a kauoha ana e palapalaia na mooolelo i kahakahaia'i maluna iho o na papa gula, a ka poe kanaka o Limai i loaa'i, a i haawiiia mai ai ia ia e ka lima o Limai: a ua hana oia i keia, no ka iini o kona poe kanaka, no ka mea, ua makemake nui loa aku lakou, e ike no ua poe kanaka la i lukuia'i. Ano, unuhi ae la oia ia mau mea ma o ua mau pohaku elua la i hoopaaia'i iloko o na poo elua o kekahii mea pio. Ano, ua hoomakaukauia ua mau mea nei mai kinohi mai, a ua haawiiia mai mai kekahii hanauna aku a i kekahii hanauna aku, no ka oihana o ka unuhi ana i ke ano o na olelo; a na malamaia a hoolaia è ka lima o ka Haku, i hoike mai ai oia i kela mea keia mea e loaa'i ka aina, i na hewa a me na mea hoopailua o kona poe kanaka; a o ka mea nana ua mau mea nei, ua kapaia oia he mea nana Urima, mamuli o ke ano o ka wa kahiko.

4. Ano, mahope iho o ka hoopau ana o Mosia i ka unuhi ana i ua mau mooolelo nei, aia hoi, he mooolelo ia o ka poe kanaka i lukuia'i, mai ka manawa o lakou i lukuia'i, a hiki aku i ke kukuluia'na o ka hale pakui nui, i ka manawa a ka Haku i hooookahuli ai i ka olelo a na kanaka; a ua hoopuehu palahalaha ia aku ai lakou maluna o ka ili o ka honua a pau; he oiaio, a mai ia wa hoi a hiki i ka hanaia'na o Adamu. Ano, he kumu ua moolelo nei no na kanaka o Mosia e uwe nui loa ai; he oiaio, ua hoopihaiia lakou me ke kaumaha: aka hoi, haawi mai la ia mooolelo ia lakou i ka ike nui, a ma ia mea lakou i hauoli ai. A e palapalaia ua mau mooolelo nei mahope: no ka mea, aia hoi, he mea e pono ai ia e ike ai na kanaka a pau i na mea i palapalaia'i iloko o ua mooolelo nei.

MOKUNA XIII.

1. Ano, me au i olelo aku ai ia oukou, mahope iho o ka hana ana o ke Alii Mosia i keia mau mea, lawe aku la oia i na papa keleawe, a me na

mea a pau ana i malama'i, a haawi aku la ia Alama, oia no ke Keiki a Alama; he oiaio, o na mooolelo a pau, a me na mea unuh i ke ano o na olelo, a haawi aku la ia mau mea ia ia, a kauoha aku la ia ia e malama a e hoola oia ia mau mea, a e kakan hoi i mooolelo o na kanaka, e haawi aku ana ia mau mea ia hanaua aku ia hanaua aku, e like me ua mau mea nei i haawia mai ai mai ka manawa a Lehi i haale'e aku ai ia Ierusalem. Ano, ia Mosia i hana'i i keia, hoouna aku la oia mawaena o ka aina a pau, mawaena o na kanaka a pau, e iini ana e ike i ko lakou make-make no ka mea e lilo ai i Alii no lakou. A eia kekahihiki mai la ka leo o na kanaka, me ka i ana, Ua makemake makou ia Aarona kau keiki, i Alii no makou, a i Luna no makou. Ano, ua pii aku la o Aarona i ka aina o Nepai, nolaila, ua hiki ole i ke Alii ke hooili ai i ke aupuni maluna ona; aole hoi o Aarona e lawe maluna ona i ke aupuni; aole hoi e ae ana kekahihiki o na keiki a Mosia e lawe maluna iho o lakou i ke aupuni, nolaila, hoouna hou aku la o ke Alii Mosia mawaena o na kanaka, he oiaio, he olelo palapalaia kana i hoouna aku ai mawaena o na kanaka. A eia na olelo i palapalaia'i;—i ka i ana, Aia hoi, e o'u poe kanaka, a me o'u poe hohanau, no ka mea, ke manao nei au ia oukou pela; no ka mea, ke make-make nei au ia oukou e noonoo i ka mea o oukou i heia'i e noonoo; no ka mea, kd iini nei oukou e loaa i Alii. Ano, ke hai aku nei au ia oukou, o ka mea nana ke aupuni e pono ai, ua hoole mai, aole e lawe ae maluna iho ona i ke aupuni.

2. A, ano, ina e wacia kekahihiki mea ma kona hakahaka, aia hoi, ke makau nei au e ea mai na paio mawaena o oukou; a owai la ka i ike, e hulu paha auanei ka'u keiki, ka mea nana ke aupuni, a e kauo aku i kekahihiki poe o keia poe kanaka mahope ona, a he mea ia e hoala'i i na kana a me na paio mawaena o oukou; a he mea ia e hookahe aku ai i ke koko a nui, a e hookapae ai i ka aoao o ka Haku; he oiaio, a e luku ai i na uhane o na kanaka he nui. Ano, ke i aku nei au ia oukou, e naauao kakou a e noonoo i na mau mea nei, no ka mea, aole o kakou pono ke hoopoino i ka'u keiki, aole hoi o kakou pono ke hoopoino ia hai, ke wacia'e oia ma kona hakahaka. A ina paha e huli hou ae ka'u keiki i kona haaleo a me na mea lapuwale, e hoole mai oia i na mea ana i olelo mai ai, a koi mai i kona hooilina no ke aupuni, a he mea ia e hoala'i ia ia a me keia poe kanaka hoi e hana i ka hewa he nui. Ano, e naauao kakou, a e nana e imua i ua mau mea nei, a e hana i ka mea e lilo ai no ka malu o keia poe kanaka. Nolaila, owau no ko oukou Alii i ke koena o kuu mau la; aka hoi, e wae aku kakou i na lunakanawai, e hookolokolo i keia poe kanaka e like me ko kakou kanawai, a e hooponopono hou kakou i na oihana o keia poe kanaka, no ka mea, e wae aku no kakou i na kanaka naauao i mau lunakanawai, na lakou a hooponopono aka i ua poe kanaka nei e like me na kanawai o ke Akua. Ano, e aho ko ke kanaka hookolokoloia'n'a e ke Akua, mamma o kona e ke kanaka, no ka mea, ua pololei mau na hoopai o ke Akua, aka aole pololei mau na hoopai o kanaka; nolaila, ina paha e hiki ia oukou ke

loaa na kanaka pond i poe Alii no oukou, he poe e hookupaa ana i na kanawai o ke Akua, a e hooponopono i keia poe kanaka e like me kana mau kauoha; he oiaio, ina paha e hiki ia oukou ke loaa na kanaka i poe Alii no oukou, he poe e hana ana e like me ko'u makuakane o Beniamina i hana'i no keia poe kanaka; ke i aku nei au ia oukou, ina he mea hiki mau keia, alaila, he mea e pono ai ke loaa mau ia oukou na 'Lii enoho ali'i ai maluna o oukou. A owau hoi, ua hana owau iho me ka mana a pau o na manao a'u i loaa'i, e aoaku ia oukou i na kauoha a ke Akua, a e hookupaa aku i ka malu mawaena o ka aina, i ole na kaua a me na paio hoi, i ole aihue, aole hoi powa ana, aole hoi pepehi kauaka ana, aole hoi kela ano keia ano o na hewa: a o ka mea nana i hana i ka hewa, ia ia wan i hoopai aku ai i ku i ke kanawai i haawia mai ai ia kakou e ko kakou poe kupuna.

3. Ano, ke i aku nei au ia oukou, aole i pono na kanaka a pau, no-laila, aole ia he mea e pono ai no oukou e loaa i Alii, a i mau Alii, e noho ali'i ai maluna o oukou. No ka mea, aia hoi, nui na hewa ma o ke Alii hewa hookahi la e hanaia'i! he oiaio, a nui loa ka lukuia'na! He oiaio, e hoomanao i ke Alii Noa, i kona hewa a me kana hana hoopailua; a me na hewa a me na mea hoopailua hoi o kona poe kanaka. Aia hoi, nui ka luku ana i ili mai maluna iho o lakou; a no ka lakou mau hala hoi, ua laweia lakou iloko o ka noho luhi ana. A ina ua hana ole mai ko lakon Mea naauao loa nana lakou i hana, a o keia no ko lakou mihi io, ina ua noho lakou me ka hiki ole ke pakel iloko o ka noho luhi ana a hiki i keia manawa. Aka hoi, hoopakel mai la oia ia lakou no ko lakou hoohaahaa ana ia lakou iho imua ona; a no ko lakou kahea nui ana ia ia, hoopakel iho la oia ia lakou mailoko aku o ka noho luhi ana: a pela ka Haku e hana'i me kona mana i na manawa a pau mawaena o na keiki a kanaka, e o ana i ka lima o ke aloha i ka poe i paulele aku ia ia. A, aia hoi, ke i aku nei au ia oukou, ua hiki ole ia oukou ke hoonele aku i kekahli Alii hewa i ka noho ali'i, ke ole ma o ka paio nui ana la, a me ka hookahe ana i ke koko a nui. No ka mea, aia hoi, ia ia he poe makamaka nona ma ka hewa, a e hoono-ho ana oia i kona poe koa a puni ia ia; a e hahae ana oia i na kanawai o ka poe i noho ali'i ai ma ka pono mamua aku ona; a e hehi ana oia malalo iho o kona mau kapuia i na kanawai o ke Akua; a e hooholo ana oia i na kanawai, a e hoouna aku ana ia mau kanawai mawaena o kona poe kanaka; he oiaio, i na kanawai mamuli o ke ano o kona hewa iho; a o ka mea i hoolohe ole i kona mau kanawai, nana e kauoha aku e pepehia; a o ka mea i kipiaku ia ia, nana e hoouna aku i kona poe koa e kauaaku ia lakou, a ina e hiki ia ia, e luku no oia ia lakou; a pela kekahli Alii pono ole i hookapae ai i na aao o ka pono a pau. Ano hoi, ke i aku nei au ia oukou, aole ia he mea e pono ai e hiki mai na mea ino me neia maluna iho o oukou; nolaila, e kohoaku oukou ma ka leo o ua poe kanaka nei, i na lunakanawai, i hookolokoloia'i oukou e like me na kanawai i haawia mai ia oukou e ko kakou poe kupuna, a ua pololei ua mau kanawai la, a i haawia mai ia lakou e ka lima o ka Haku.

4. Ano, he mea ike pinepine ole ia, ka leo o na kanaka e makemake ana i kekahī mea i ku e i ka mea pololei; aka he mea ike pinepine ia no ka hapa uuku o na kanaka e makemake i ka mea pololei ole; nolaila, o keia ka oukou e malama'i, a e hooliloia i kanawai no oukou, e hana i ka oukou hana ma o ka leo la o na kanaka. A ina e hiki mai ka manawa na ka leo o na kanaka e koho aku i ka hewa, alaila, oia ka manawa e ili mai ai na hoopai o ke Akua maluna iho o oukou; he oiaio, alaila, oia ka manawa e hoopai mai oia ia oukou me ka luku nui, me ia i hana mai ai mamua aku i ko keia aina. A, ano, ina he mau lunakanawai ko oukou, a, aole o lakou e hookolokolo aku ia oukou e like me ke kanawai i haawia mai ai, alaila ua hiki ia oukou ke hoopii aku e hookolokolo ia'i lakou e kekahī lunakanawai kiekie ae; ina e hookolokolo ole ko oukou mau lunakanawai kiekie ae i na hookolokolo pololei, alaila e hoakoakoa oukou i kekahī poe he uuku o ko oukou mau lunakanawai haahaa, a na lakou e hookolokolo aku i ko oukou mau lunakanawai kiekie ae, e like me ka leo o na kanaka. A ke kanoha aku nei au ia oukou e hana i ua mau mea nei ma ka makau i ka Haku: a ke kauoha aku nei au ia oukou e hana i ua mau mea nei, a e noho oukou me ke Alii ole: ke hana ua poe kanaka nei i na hewa a me na hala, i hooiliia'i ua mau hewa la maluna iho o ko lakou mau poo iho. No ka mea, aia hoi, ke i aku nei au ia oukou, o na hewa o na kanaka he nui ua hanaiā ma o na hala la a ko lakou poe Alii; nolaila, ua hooiliia ka lakou mau hala maluna iho o na poo o ko lakou poe Alii. Ano, ke makemake nei au i pau ai keia like ole ma neia hope aku ma keia aina, a mawaena ka nui o ko'u poe kanaka nei; aka, ke makemake nei au i ua aina nei e lilo ai i aina kauwa ole, i loaa alike-alike ai i kela kanaka keia kanaka kona mau mea e pono ai a me na mea e pomaikai ai, i ka manawa a pau a ka Haku e ike ai he pono, no kakou e ola a e noho ma ka aina; he oiaio, i ka manawa a pau a kekahī o ka kakou poe mamo e noho ai ma ka ili o ka aina. A nui na mea e ae a ke Alii Mosia i palapala'i ia lakou, e wehewehe ana ia lakou i na mea hoao a me na pilikia o ke Alii pono; he oiaio, i na mea luhi a pau o ka uhane no ko lakou poe kanaka, a me na ohumu ana a pau o na kanaka i ko lakou Alii; a hoomaopopo aku la oia i ua mau mea la a pau ia lakou. A hai aku la oia ia lakou aole ua mau mea nei he mea e pono ai: aka e ili mai ke kaumaha maluna iho o na kanaka a pau, e hiki i kela kanaka keia kanaka ke hapai i kona hapa. A wehewehe aku la no hoi oia ia lakou i na mea e pilikia ai lakou, ma ka noho ali'i ana o kekahī Alii pono ole maluna o lakou; he oiaio, i kona mau hala a mau mea hoopailua, a i na kana, a me na paio, a i ka hookahe koko ana, a i ka aihue ana a me ka powa ana, a i ka hana ana i na moe kolohe, a me kela ano keia ano o na hala, i hiki ole ke heluia; e hai ana ia lakou aole ua mau mea nei he mea e pono ai; e ku e ikaika ana ua man mea la i na kauoha a ke Akua.

5. Ano, eia kekahī, mahope iho o ka hoouna ana'ku o ke Alii Mosia i ua mau mea nei iwaena o na kanaka, ua maopopo ia takou ka oiaio o

kana mau olelo; nolaila, haalele iho la lakou i ko lakou make-make no ke Alii, a makemake nui loa i alikealike ka pono o kela kanaka keia kanaka mawaena o ka aina a pau; he oiaio, a ae mai la kela kanaka keia kanaka e hoopaiia no kona hewa iho. Nolaila, eia kekahī, houluulu aku la lakou ia lakou iho ma na aha a puni o ka aina, e koho aku i ko lakou poe lunakanawai, e hooponpono ia lakou e like me ke kanawai i haawiiā mai ai ia lakou; a na hauoli nui loa iho la lakou, no ua pomaikai la i haawiiā mai ai ia lakou. A mahuhua ikaika lakou 'me ke aloha ia Mosia; he oiaio, ua manao nui aku lakou ia ia mamua o na kanaka e a pau; no ka mea, aole o lakou nana aku ia ia me he mea hoo-luhi la, e imi ana i ka waiwai, he oiaio, no kela waiwai i hoohaumia'i i ka uhane, no ka mea, aole oia i auhau i ka waiwai ia lakou, aole hoi oia i olioli ma ka hookahe ana i ke koko; aka, ua hookupaa aku oia i ka malu ma ka aina; a ua ae aku la oia i kona poe kanaka e hoopakeleia'ku lakou mai na mea ano luhi aku a pau; nolaila, ua manao nui loa lakou ia ia, he oiaio, i hiki ole ke anaia. A eia kekahī, wae aku la lakou i na lunakanawai e noho luna maluna o lakou, a e hooponopono iho ia lakou e like me ke kanawai; a o keia ka lakou i hana'i mawaena o ka aina a pau.

6. A eia kekahī, waeia'ku la o Alama i Lunakanawai Nui Kiekie; oia no hoi ke Kahuna Nui; ua hooili mai kona makuakane i ka oihana maluna ona, a i haawi aku ia ia i ka malama ana no na mea a pau no ka ekalesia. Ano, eia kekahī, hele aku la o Alama ma na aoao o ka Haku, a malama aku la oia i kana mau kauoha, a hookolokolo aku la oia i na hoopai polo-lei; a he maluhia mau mawaena o ka aina; a pela i hoomaka'i ke au o na Lunakanawai mawaena o ka aina a pau o Zarahemela, mawaena o na kanaka a pau i kapaia ko Nepai poe: a o Alama oia no **ka** Lunakanawai Nui Kiekie. Ano, eia kekahī, make aku la kona makuakane, he kanawalu-kumamalua kona mau makahiki, ua ola iho la oia e hooko aku i na kauoha a ke Akua.

7. A eia kekahī, make aku la no hoi o Mosia, ma ka makahiki **kana-kolukumamakolu** o kona noho alii ana, a he kanaonokumamakolu kona mau makahiki; ke huiia, elina haneri kumamaiwa makahiki mai ka wa a Lehi i haalele aku ai ia Ierusalem; a pela i pau ai ke au o na 'Lii ma-luna iho o ka poe kanaka o Nepai: a pela i pau ai na la o Alama, nana no i hookumu ae i ko lakou ekalesia.

KA BUKE A ALAMA,

KE KEIKI A ALAMA.

MOKUNA I.

O ka mooolelo o Alama, oia no ke keiki a Alama ka mua, a o ka Lunakanawai Nui maluna iho o ka poe kanaka o Nepai, a o ke Kahuna Nui hoi maluna iho o ka Ekalesia. A he mooolelo o ke au o na Lunakanawai, a me na kaua a me na paio mawaena o na kanaka. A me kekahi mooolelo hoi o kekahi kaua mawaena o ko Nepai poe a me ko Lamana poe, e like me ka mooolelo o Alama, o ka mua o na Lunakanawai Nui.

1. Ano, eia kekahi, ma ka makahiki mua o ke au o na Lunakanawai maluna iho o ka poe kanaka o Nepai, mai keia manawa aku, a ua hele aku la o ke Alii Mosia i ke ala o ko ka honua a pau, ua paio aku la i ka paio maikai, e hele pololei ana imua o ke Akua, e waiho ole ana i kekahi e noho alii ma kona hakahaka; aka hoi, hoonoho paa mai la oia i na kanawai, a ua aeia aku e kona poe kanaka; nolaila, ua koiia lakou e kupaa ma na kanawai ana i hana'i.

2. A eia kekahi, ma ka makahiki mua o ke au o Alama ma ka noho hookolokolo, ua laweia mai kekahi kanaka imua ona e hookolo-koloia; i kekahi kanaka ua nunui, a ua kaulana oia no kona ikaika nui; a ua hele aku la oia a puni mawaena o na kanaka, e hai ana ia lakou i ka mea ana i kapa ai ka olelo a ke Akua, e hookaumaha ku e ana i ka ekalesia; e hai ana i na kanaka he pono ke lilo kela kahuna keia kahuna a me na kumu i poe mahaloia; a he mea e pono ole ai no lakou e hana me ko lakou mau lima, aka he pono ke hanaiia lakou e na kanaka; a hoike ahu i na kanaka e hoolai na kanaka a pau loa ma ka la hope, aole pono no lakou e makau, aole hoi haalulu, aka na lakou e hooea mai i ko lakou mau poo a e hauoli: no ka mea, ua hana mai la ka Haku i na kanaka a pau, a ua hoolapanai mai la hoi i na kanaka a pau; a ma ka hopena, e loaa i na kanaka a pau ke ola mau loa. A eia kekahi, no ka nui o kona ao ana'ku i ua mau mea nei, ua nui ka poe i manacio ma kana mau olelo, a no ka nui o lakeu i hoomaka ai lakou e hanai ia ia, a haawi ahu i kala ia ia; a hoomaka ae la ia e hookekieia iluna ma ka haaheo o kona naau, a e komo ae i ke kapa kumu kuai nui; he oiaio, a hoomaka ae la hoi e kukulu iho i ekalesia, mamuli o ke ano o kana hai olelo ana.

3. A eia kekahi, ia ia e hele ana e hai ahu i ka poe i manacio i kana

olelo, halawai mai la oia me kahi kanaka no ka ekalesia o ke Akua, he oiaio, me kekahī o ko lakou poe kumu; a hoomaka ae la ia e paio ikaika me ia, e hiki ia ia ke alakai aku i ka poe kanaka o ka ekalesia; aka pale ku e aku ke kanaka ia ia, e ao ana ia ia me na olelo a ke Akua. Ano, o Gideona ka inoa o ua kanaka la; a oia no ka mea hana ma ka lima o ke Akua, i ka hoopakele ana i ka poe kanaka o Limai mailoko mai o ka noho luhi ana. Ano, no ko Gideona ku e ana ia ia me na olelo a ke Akua, ua huhu iho la oia ia Gideona, a unuhi ae la oia i kana pahikaua, a hoomaka ae la e hahau mai ia ia. Ano, ua nui loa na makahiki o Gideona, nolaila, aole oia i hiki ke pale aku i kona hahau ana, nolaila, ua pepehi loa ia oia ma ka pahikaua; a ua hopuia ke kanaka nana ia i pepehi mai e na kanaka o ka ekalesia, a ua kaiia oia imua o Alama, e hookolokoloia aku e like me ka hewa ana i hana'i. A eia kekahī, ku iho la oia imua o Alama, a olelo pale hihia oia nona iho me ka wiwo ole nui. Aka iaku la o Alama ia ia, Aia hoi, eia ka manawa mua i hookomoia'i ka ke kahuna pule wahahée mawaena o keia poe kanaka. A aia hoi, aole oe hewa ma ka wahahée kahuna pule wale no, aka, ua hooikaika oe e hoolanakila ia mea me ka pahikaua; a ina paha e hookomoia ka wahahée kahuna pule mawaena o keia poe kanaka, e lilo auanei ia o ko lakou mea e luku loa ia'i. A ua hookahe aku oe i ke koko o kahi kanaka pono, he oiaio, i kahi kanaka nana i hana i ka pono a nui mawaena o keia poe kanaka; a ina paha e hookuu aku makou ia oe, e ili mai auanei kona koko maluna o makou no ka hoopai ana; nolaila, ua hoo-hewaia oe e make, e like me ke kanawai i haawiia mai e Mosia, ko kakou Alii hope; a ua aeia mai ua mau kanawai la e keia poe kanaka; nolaila, he pono no keia poe kanaka e kupaa ma ke kanawai.

4. A eia kekahī, lawe aku la lakou ia ia; a o Nehora kona inoa; a kaikai aku la lakou ia ia maluna iho o ka piko o ka puu o Manati, a malaila oia i ae mai ai, mawaena o na lani a me ka honua, ua ku e na mea ana iao aku ai i na kanaka i ka olelo a ke Akua; a malaila oia i loaa'i ka make mainoino. Aka hoi, aole o keia i hooki ai i ka mahuahua ana o na wahahée kahuna pule mawaena o ka aina: no ka mea, ua aloha no kekahī poe he nui i na mea lapuwale o ko ke ao nei, a hele aku la lakou e hai aku ana i na ao wahahée ana; a o keia ka lakou i hana'i no ka make-make i ka waiwai a me ka hanohano. Aka hoi, ua aa ole lakou e wahahée, ina i ikeia ia, no ka makau i ke kanawai, no ka mea, ua hoopaiia na mea wahahée; nolaila, hookohokohu iho la lakou e hai aku e like me ko lakou manaoio: ano, aole mana o ke kanawai maluna iho o kekahī kanaka no kona manaoio. A ua aa ole lakou e aihue, no ka makau i ke kanawai; no ka mea, ua hoopaiia ua poe la; aole hoi i aa lakou e powa aku, aole hoi e pepehi kanaka: no ka mea, o ka mea nana i pepehi ua hoopaiia oia i ka make.

5. Aka, eia kekahī, o na mea aole no ka ekalesia o ke Akua, hoomaka ae la lakou e hoomaau mai i ka poe no ka ekalesia o ke Akua, ka

poe i lawe maluna o lakou i ka inoa o Kristo; he oiaio, hoomaaui mai la lakou ia lakou nei, a hoeha mai la ia lakou nei me kela ano keia ano o na olelo, a-o keia no ko lakou nei haahaa; no ka haaheo ole o lakou ma ko lakou mau maka iho, a no ko lakou haawi ana i ka olelo a ke Akua, kekali'i me kekahih, me ke kala ole a me ke kunu kuai ole. Ano, aia no kekahih kanawai ikaika mawaena o na kanaka o ka ekalesia, i ole e ala'e kekahih kanaka no ka ekalesia, a e hoomaaui aku i ka poe aole no ka ekalesia, a i ole hoi he hoomaaui mawaena o lakou iho. Aka hoi, ua nui ka poe mawaena o lakou i hoomaka'e e haaheo, a hoomaka ae la e paio ikaika me ko lakou poe enemi, a kui aku a kui mai; he oiaio, na lakou i papai ae kekahih i kekahih me ko lakou mau puupuu lima. Ano, ma ka makahiki lua keia o ke au o Alama, a he mea e popilikia nui ai i ka ekalesia; he oiaio, he mea ia e hoao nui ai me ka ekalesia; no ka mea, ua hoopaakikiia na naau o na mea he nui wale, a ua holoia iho la ko lakou mau inoa, i hoomanao hou ole ia'i lakou mawaena o ka poe kanaka o ke Akua. A haalele iho la no hoi na mea he nui ia lakou. Ano, he mea hoao nui keia i ka poe i kupaa ma ka manaoio; aka, ua kupaa a naueue ole lakou i ka malama ana i na kauoha a ke Akua, a hoomanawanui lakou me ke ahonui i ka hoomaaui i hoahuia'i maluna iho o lakou.

6. A i ka wa a ka poe kahuna i haalele aku ai i ka lakou hana e hai aku i ka olelo a ke Akua i na kanaka, haalele aku la no hoi na kanaka i ka lakou hana e hoolohe i ka olelo a ke Akua. A i ka wa a ke kahuna i hai aku ai ia lakou i ka olelo a ke Akua, hoi hou ae la lakou a pau me ka ikaika i ka lakou mau hana; a aole manao nui ana ke kahuna ia ia iho maluna o kona poe i hoolohe mai; no ka mea, aole maikai ae ka mea hai aku mamua o ka mea hoolohe mai, aole hoi i maikai ae ka mea ao aku mamua o ka mea i aoia mai: a pela lakou i like ai, a hana iho la lakou, kela kanaka keia kanaka e like me kona ikaika; a haawi aku la lakou i ko lakou waiwai kela kanaka keia kanaka e like me ka mea ana i loaa'i, i ka poe hune, a i ka poe nele, a i ka poe mai, a i ka poe pilikia; a aole o lakou i komo ai i ke kapa i nui ke kumu kuai, aka ua maemae a ua maikai nae lakou: a pela lakou i hookupaa'i i na hana a ka ekalesia: a pela lakou i hoomaka ai e loaa hou ai ka malu mau, me ko lakou hoomaaui mai nae. A, ano, no ka naueue ole o ka ekalesia, hoomaka ae la e nui loa ko lakou waiwai; me ka lawa o na mea a pau a lakou i make-make ai; ua lako ma na pua holoholona, a me na ohana holoholona, a me na mea kupaluia o kela ano o keia ano, a me ka lako no hoi o na hua liliii, a o ke gula, a o ke kala, a o na mea maikai; a me ka lako o ke kilika a me ka ie milo makalii ia, a me na ano a pau o ka lole manoanoa maikai. A pela lakou ma ko lakou noho pomaikai ana i kipaku ole aku ai i kekahih mea kapa ole, aole hoi i pololi, aole hoi i makewai, aole hoi i mai, aole hoi i hanai ole ia'i; aole o lakou i kau aku ai i ko lakou mau naau ma ka waiwai; nolaila, ua lokomaikai aku lakou i na mea a pau, i ka poe kahiko a i ka poe hou hoi, i ka poe paa a i ka poe paa ole hoi, i ka

poe kane a i ka poe wahine hoi, ina mawaho paha o ka ekalesia, ina iloko paha o ka ekalesia, aole e malama ana kekahi mamua o kekahi o ka poe i nele; a pela lakou i hoopomaikaiia'i a i lilo ai i poe waiwai nui ae, mamua o ka poe aole no ko lakou ekalesia. No ka mea, o ka poe aole no ko lakou ekalesia, ua hana aku la lakou ma ka anaana, a i ka hoomana kii oia hoi ka palaualelo, a i ka haanui, a i ka paonioni ana a me ka paio; e komo ana i ke kapa i nui ke kumu kuai; i hookiekieia'i ma ka haaheo o ko lakou mau maka iho; e wahahee ana, e aihue ana, e powa ana, e hana ana i ka moe kolohe, a e pepehi kanaka ana, a me na ano a pau o ka hewa; aka hoi, ua hanaia'ku ke kanawai maluna o ka poe a pau e ae ana maluna ona, me ia i hiki a i.

7. A eia kekahi, ma ka hana ana i ke kanawai pela maluna iho o lakou, o kela kanaka kcicia kanaka e loaa ana e like me ka mea ana i hana'i, lilo ae la lakou i poe noho malie ae, a aa ole e hana i kekahi hewa, ina i ikeia ia; nolaila, ua nui ka malu mawaena o ka poe kanaka o Nepai, a hiki aku i ka makahiki elima o ke au o na lunakanawai. A eia kekahi, ma ka hoomaka ana o ka makahiki elima o ko lakou au, hoomaka ae la kekahi paio mawaena o na kanaka, no ka mea, o kekahi kanaka, i kapai a o Amaliki; a he kanaka maalea loa oia, he oiaio, he kanaka naauao, ma ka naauao o ko ke ao nei; mamuli no oia o ka aoao o ke kanaka nana i pepehi ia Gideona ma ka pahikaua, ka mea hoi i hoopaiia'i e like me ke kanawai. Ano, ua hoohuli ae la ua Amaliki nei, ma o kona maalea la, i na kanaka he nui wale mamuli ona; a no ka nui loa i hoomaka ai lakou e lilo i ikaika loa; a hoomaka ae la lakou e hoo-ikaika e hoonoho aku ia Amaliki i Alii maluna iho o na kanaka. Ano, he mea keia e makau ai i na kanaka o ka ekalesia, a i ka poe no hoi i alakai ole ia'i mamuli o na olelo hoohuli a Amaliki; no ka mea, ua ike lakou mamuli o ko lakou kanawai he pono ke hooholoia na mea me neia e ka leo o kanaka; nolaila, ina he mea hiki ia Amaliki ke loaa ka leo o na kanaka, a he kanaka hewa no ia, e hoonele mai no oia ia lakou i ko lakou mau mea i pono ai a i pomaikai ai hoi o ka ekalesia, a ia mea aku ia mea aku, no ka mea, o kona manao no ia e hoopau mai i ka ekalesia o ke Akua.

8. A eia kekahi, houluulu mai la na kanaka ia lakou iho mawaena o ka aina a pau, o kela mea keia mea e like me kona manao, ina paha no Amaliki, ina paha ku e ia ia, ma na aha okoa, ma ka hoopapaa nui a me na paio kupanaha kekahi me kekahi; a pela lakou i houluulu ai ia lakou iho, e kolohaku no ua mau mea nei: a ua waihoia mai imua o na lunakanawai. A cia kekahi, hiki mai la ka leo o na kanaka e ku e ana ia Amaliki, i ole ai oia e lilo i Alii maluna iho o na kanaka. Ano, he mea keia i kupu mai ai i ka hanoli nui iloko o na uaau o ka poe i ku e ia ia; aka hookoakoko ae la o Amaliki i ka poe i makemake ia ia, e huhuaku i ka poe i makemake ole ia ia.

9. A eia kekahi, houluulu aku la lakou ia lakou iho, a hoolaa iho la ia

Amaliki i Alii no lakou. Ano, ia Amaliki i lilo ai i Alii maluna iho o lakou, kena aku la oia e lalau aku lakou i na mea kaua e ku e i ko lakou poe hoahanau; a hana iho la oia i keia, e hiki ia ia ke hookauwa mai ia lakou nana. Ano, ua hookoaia ka poe kanaka o Amaliki ma ka inoa o Amaliki, i kapaia'i ko Amaliki poe; a o ka poe i koe ua kapaia ko Nepai poe, a o ko ke Akua poe kanaka: nolaila, ua ike ko Nepai poe i ka makemake o ko Amaliki, a nolaila, hoomakaukau lakou e halawai pu me lakou la; he oiaio, kahiko mai la lakou ia lakou iho me na pahikaua, a me na pahikaua pokole, a me na kakaka, a me na pua, a me na ala, a me na maa, a me na mea kaua a pau, o kela ano o keia ano; a pela lakou i hoomakaukauia'i e halawai me ko Amaliki i ka manawa a lakou e hiki mai ai. A ua waeia na kapena, a me na kapena kickie ae, a me na kapena kickie loa, e like me ko lakou helu.

10. Eia kekahih, kahiko iho la o Amaliki i kona poe kanaka me na mea kaua a pau, o kela ano o keia ano; a wae iho la no hoi oia i na luna a me na alihia kaua maluna o kona poe kanaka, e alakai ia lakou e kaua i ko lakon poe hoahanau. A eia kekahih, hiki mai la ko Amaliki poe maluna o ka puu Amanihu, aia no ma ka hikina o ka muliwai o Sidona, e hookahe ana ma ka aina o Zarahemela, a malaila lakou i hoomaka ai e kaua me ko Nepai poe. Ano, o Alama no ka lunakanawai nui, a kiaaina hoi no ka poe kanaka o Nepai, nolaila pii pu aku la oia me kona poe kanaka, he oiaio, me kona poe kapena, a poe kapena nui hoi, he oiaio, ma ke alo o kona poe kaua i ko Amaliki poe e kaua; a hoomaka ae la lakou e hooouka aku i ko Amaliki poe maluna o ka puu ma ka hikina o Sidona. A paio mai la ko Amaliki poe me ko Nepai poe me ka ikaika nui, a haule iho la he nui wale o ko Nepai poe imua o ko Amaliki; aka hoi, hooikaika mai la ka Haku i ka lima o ko Nepai poe, a luku aku la lakou i ko Amaliki poe me ka luku nui, a hoomaka ae la lakou e hee aku ai imua o lakou nei. A eia kekahih, alualu aku la ko Nepai poe i ko Amaliki a pau ae la kela la, a luku aku la ia lakou me ka luku nui, a pepehii'a'ku la o ko Amaliki, he umikumamalua tausani elima haneri kanakolukumamalua; a ua pepehii'a mai la o ko Nepai poe, eono tausani elima haneri kanaonokumamalua.

11. A eia kekahih, ia Alama i hiki ole ai ke alualu hou aku i ko Amaliki, kauoha ae la oia i kona poe kanaka e kukulu iho i na halelewa o lakou, ma ke awawa o Gideona, ua kapaia ke awawa maimuli o ua Gideona la i pepehii'a'i e ka lima o Nehora me ka pahikaua: a maloko o ua awawa nei ko Nepai poe i kukulu ai i na halelewa o lakou no ka po. A hoouna aku la o Alama i na kiu e hahai aku i ka poe i koe o ko Amaliki poe, e hiki ia ia ke ike no ko lakou mau manao a me ka lakou mau mea e kuka'i, e hiki ia ia ke hoomalu mai ia ia iho ia lakou, e hiki ia ia ke hoopakel mai i kona poe kanaka mai ka lukuia'na mai. Ano, o ka poe ana i hoouna aku ai e hoomaka'kiu aku i ka poe kaua o ko Amaliki, ua kapaia o Zerama, a me Amanora, a me Manati, a me Limera; o lakou no ka poe i hele aku me ko lakou poe kanaka e hoomaka'kiu aku i ka poe kaua o ko Amaliki.

12. Eia kekahī ma ia la ae, hoi hou mai la lakou i kahi hoomoana o ko Nepai, me ka wikiwiki nui, i kahaha nui ia'i, a i loohia'i me ka makau nui, i ka i ana, Aia hoi, hahai aku la makou i ko Amaliki poe, a me ke kahaha nui o makou, ma ka aina o Minona, maluna'e o ka aina o Zarahemela, i ka ihu o ka aina o Nepai; ike aku la makou i ka puali kinikini o ko Lamana poe; a, aia hoi, ua hui pu aku ko Amaliki poe me lakou, a, aia no lakou maluna iho o ko kakou poe hoahanau ma ua aina la; a e auhee ana lakou mammu o lakou la me na pua holoholona o lakou, a me na wahine a lakou, a me na keiki a lakou, i ko kakou kulanakauhale; a ke ole kakou e wikiwiki, e loaa ana ia lakou ko kakou kulanakauhale; a e pepehiia ko kakou poe makua, a me ka kakou poe wahine, a me ka kakou poe keiki.

13. A eia kekahī, lawe aku la ka poe kanaka o Nepai i na halelewa o lakou, a haele aku la mawaho o ke awawa o Gideona i ko lakou kulanakauhale, oia no ke kulanakauhale o Zarahemela. A, aia hoi, me lakou e hele aku ana i kela aoao o ka muliwai Sidona, hiki mai la ko Lamana poe a me ko Amaliki poe, (ua kokoke ka lehulehu o lakou, me he mea la, o na one o ke kai,) maluna o lakou e luku mai ia lakou; aka hoi, o ko Nepai poe, ua hooikaikaja mai la e ka lima o ka Haku, ua pule ikaika aku ia ia, nana e hoopakele mai ia lakou, mailoko mai o na lima o ko lakou poe enemi; nolaila, hoolohe mai la ka Haku i ko lakou hea ana, a hooikaika mai la ia lakou, a haule iho la ko Lamana poe a me ko Amaliki poe imua o lakou. A eia kekahī, kaua aku la o Alama me Amaliki me ka pahikaua, he maka no he maka; a paio ikaika ae la laua, kekahī i kekahī.

14. Eia kekahī, he kanaka no ke Akua no Alama, a ua piha oia me ka manaoio nui, kahea aku la oia, i ka i ana, E ka Haku, e aloha mai a e hookoe mai i ko'u ola, i lilo ai au i mea hana ma kou mau lima, e hoola a e hoopakele ae i keia poe kanaka. Ano, ia Alama i olelo ai i keia mau olelo, paio hou aku la oia me Amaliki; a ua hooikaika mai oia, a pepehi aku la oia ia Amaliki me ka pahikaua. A paio aku la hoi oia me ke Alii o ko Lamana poe; aka hee aku la ke Alii o ko Lamana poe mai ke alo aku o Alama, a hoouna ae la oia i kona poe koa e paio mai me Alama. Aka, paio aku la o Alama, me kona poe koa, me ka poe koa o ke Alii o ko Lamana poe, a, luku aku la a hooauhee aku la oia ia lakou; a pela oia i hooakea ai i ka aina, a me ke kapa, ma ke komohana o ka muliwai Sidona, e hoolei ana i na kino o ko Lamana poe i pepehiia, iloko o na wai o Sidona, i hiki i kona poe kanaka ma ia mea ke loaa kahi akea e hele aku ai i kela aoao, a e paio aku me ko Lamana poe a me ko Amaliki poe, ma ka aoao komohana o ka muliwai Sidona.

15. A eia kekahī, ia lakou a pau i hele aku ai i kela aoao o ka muliwai Sidona, hoomaka ae la ko Lamana poe a me ko Amaliki poe e hee aku imua o lakou, he poe lehulehu loa nao lakou i hiki ole ai ke heluia; a auhee aku la lakou imua o ko Nepai poe, i ka waonahele ma ke komohana a ma ka akau, ma o aku o na palena o ka aina; a alualu aku la ko

Nepai poe ia lakou me ko lakou ikaika, a luku aku la ia lakou; he oiaio, na halawai lakou ma kela lima keia lima, a lukuia, a hooauheecia, a, hoo-puehuia lakou ma ke komohana a ma ka akau, a hikiaku lakou i ka waonahele, i kapaia o Heramauna; a oia kahi o ka waonahele i noho ai na holoholona hihiu a hae. A eia kekahī, ua nui ka poe i make ma ka waonahele no na eha o lakou, a ua aia e ua poe holoholona la, a e na manu hoi o ka lewa; a ua loaa mai la ko lakou mau iwi, a ua hoahuia iho la ma ka honua.

16. A eia kekahī, o ko Nepai poe ka poe i pepehi ole ia e na mea kaua, i ka wa i pau ai ka poe pepehiia i ke kanuia:—ano, aole i heluia ka poe i pepehiia, no ka nui loa o lakou;—mahope iho o ko lakou hoopauana i ke kanu ana i ko lakou poe i make, hoiaku la lakou a pau i na aina o lakou, a i na hale o lakou, a i na wahine a lakou, a me na keiki a lakou. Ano, ua pepehiia na wahine a me na keiki he nui me ka pahikaua, a me na pua holoholona o lakou, a me na ohana holoholona o lakou he nui loa no hoi; a ua nui na ̄kihapai hoi o ka hua lilii i hoopauia, no ka mea, ua hahia ilalo e na pualo o kanaka. Ano, o ka poe o ko Lamana poe a me ko Amaliki poe i pepehiia ma ke kapa o ka muliwai Sidona, ua kiolaia'ku iloko o na wai o Sidona; a, aia hoi na iwi o lakou iloko o na hohonu o ke kai, a ua nui loa lakou. A ua ike okoa ia ko Amaliki poe mai ko Nepai poe ae; no ka mea, ua hoailona aku la lakou ia lakou iho me ka ulaula ma ko lakou mau lae, mamuli o ke ano o ko Lamana poe; aka hoi, aole o lakou i kole ai i ko lakou mau poo e like me ko Lamana poe. Ano, ua koleia na poo o ko Lamana poe; a ua kapa ole lakou, koe wale no ka ili, i kaeiia a puni o ko lakou mau puhaka, a me ko lakou aahu pale kaua, i kakooia a puni lakou, a me na kakaka a lakou, a me na pua, a me na ala a lakou, a me na maa a lakou, a ia mea aku, ia mea aku. A ua haulauula na ili o ko Lamana poe e like me ka hoailona i hookauia mai maluna iho o ko lakou poe kupuna, oia no kekahī poino maluna o lakou no ka lakou lawehala a me ko lakou kipi ana i ko lakou mau hoahanau, oia o Nepai, o Iakoba, o Iosepa, a me Sama, he mau kanaka pono a hemolele lakou. A imi mai la ko lakou poe kaikuaana e luku mai ia lakou; nolaila, ua hoomainoinoia lakou; a hookau ae la ka Haku ke Akua i hoailona maluna iho o lakou, he oiaio, maluna iho o Lamana laua me Lemuela, a me na keikikane a Isemaela, a me na wahine a ko Isemaela: a ua hanaia keia, i ike okoa ia ka lakou poe mamo, mai ka poe mamo ae a ko lakou mau hoahanau, e hiki i ka Haku ma ia mea ke hoola mai i kona poe kanaka, i hui pu ole ai lakou a e manaoio ma na mooolelo pololei ole, na mea e lilo ai i mea e luku mai ai ia lakou.

17. A eia kekahī, o ka mea nana i hui pui i kana hua me ka ko Lamana poe, ua lawe mai la oia i ua poino hookahi la maluna o kana hua; nolaila, o ka mea nana i ae aku e alakaiia'ku e ko Lamana poe, ua kapaia ma kela inoa, a ua hookauia kekahī hoailona maluna ona. A eia kekahī, o ka poe i manaoio ole i ka mooolelo o ko Lamana poe, aka, i manaoio i

kela mau mooolelo i laweia mai ai mailoko mai o ka aina o Ierusalem, a ma na mooolelo pololei hoi a ko lakou poe kupuna, ka poe i manaoio i na kanoha a ke Akua, a malama aku ia mau mea, ua kapaia ko Nepai poe, a o ka poe kanaka hoi o Nepai, mai ia manawa aku, a o lakou no ka poe i kakau ai i na mooolelo oiaio o ko lakou poe kanaka, a me ka poe kanaka hoi o ko Lamana. Ano, e hoi hou aku kakou i ko Amaliki poe, no ka mea, ua hookauia'e la i hoailona no hoi maluna iho o lakou; he oiaio, hookau ae la lakou i ka hoailona maluna o lakou iho, he oiaio, he hoailona ulaula ma ko lakou mau lae. Pela i ko ai ka olelo a ke Akua, no ka mea, eia na olelo ana i olelo aku ai ia Nepai: Aia hoi, ua hoomainoino au i ko Lamana poe; a e kau aku ai au i hoailona maluna iho o lakou, i hookaa-waleia'i lakou a me ka lakou poe hua mai ou aku a me kau poe hua, mai keia manawa aku a mau loa aku, ke mihi ole lakou i ko lakou mau hewa a e huli mai ia'u, i aloha aku ai au ia lakou. A eia hou: E kau aku ai au i hoailona maluna o ka mea e lui pu ana i kana hua me kou poe hoahanau, i hoomainoino pu ia'i no hoi lakou. A eia hou: E kau aku ai no au i hoailona maluna o ka mea e kaua mai ana ia oe a i kau poe hua. A ke i hou aku nei au, o ka mea e haalele ae ia oe, aole oia e kapa hou ia kau hua; a e hoopomaikai aku no au ia oe, a pela aku, a me ka mea e kapaia auanei kau hua, ma neia hope aku a mau loa aku: a oia na olelo hoopomaikai a ka Haku ia Nepai, a i kana poe hua. Ano, aole o ko Amaliki poe i ike e hooko ana lakou i na olelo a ke Akua, ia lakou i hoomaka'i e hoailona ia lakou iho ma ko lakou mau lae; aka hoi, ua puka mai la lakou ma ke kipi ana ma ke akea i ke Akua; nolaila, he mea e pono ai e haule ae ka hoomainoino maluna iho o lakou. Ano, ke makemake nei au e ike oukou ua lawe lakou maluna o lakou iho i ka hoomainoino; a pela no o kela kanaka keia kanaka i hoomainoinoia, i lawe ai maluna iho ona i kona hoohewaia iho.

18. Ano, eia kekahī, aole nui na la mahope iho o ke kaua i kauaia'i ma ka aina o Zarahemela, e ko Lamana a me ko Amaliki poe, hiki mai la kekahī puali koa e, o ko Lamana poe maluna iho o ka poe kanaka o Nepai ma ua wahi hookahi la, kahi a ka poe kaua mua i halawai pu ai me ko Amaliki poe. A eia kekahī, na hoounaia'ku la kekahī poe koa e kipaku aku ia lakou la mawaho o ko lakou aina. Ano, ua pilikia iho la o Alama me kahi eha, aole oia i hele e kaua aku i keia manawa i ko Lamana poe; aka nana i hoouna aku i poe kaua he lehulehu e ku e ia lakou la; a pii aku la lakou a lukuia iho la he nui o ko Lamana poe, a hooauhee aku la i ka poe i koe o lakou mawaho o na palena o ko lakou aina; alaila, hoi hou ae la lakou, a hoomaka ae la e hookupaa i ka malu ma ka aina, a ua hoopilikia hou ole ia mai no kekahī manawa me ko lakou poe enemi. Ano, ua hanaia iho la ua mau mea nei a pau, he oiaio, ua hoomakaia ua mau kaua a paio nei, a i hoopauia hoi ma ka makahiki elima o ke au o na Lunakanawai; a i ka makahiki hookahi na hoounaia'ku na tausani a me na umi tausani o na uhane i ke ao pau ole, e hiki ia lakou ke ohia i ko la-

kou uku e like me ka lakou hana, ina paha he maikai ia, ina paha he ino ia, e ohi i ka pomaikai mau loa, a i ole ia, i ka poino mau loa, e like me ka uhane a lakou i hoolohe ai a malama, ina paha he uhane maikai, ina paha he ino; no ka mea, e loaa ana i kela kanaka i keia kanaka ka uku o ka mea ana i hoolohe mai a malama, a ua like keia me na olelo a ka uhane o ka wanana; nolaila e like ia me ka oiaio. A pela i pau ai ka makahiki elima o ke au o na Lunakanawai.

MOKUNA II.

1. Ano, eia kekahī, ma ka makahiki econo o ke au o na lunakanawai maluna iho o ka poe kanaka o Nepai, aole no na paio aole hoi na kaua ma ka aina o Zarahemela; aka, ua hoopilikiaia na kanaka, he oiaio, ua hoo-pilikia nui loa ia no ka lilo ana o ko lakou poe hoahanau, a no ka lilo ana hoi o na pua a me na ohana holoholona o lakou, a no ka lilo ana o na kihapai o ka hua liilii, i hahia'i malalo iho o na kapuai a i hoopauia'i e ko Lamana poe, a no ka nui o ko lakou popilikia, he kumu ko kela mea keia mea e uwe ai; a manaoio iho la lakou o ka hoopai ana ia o ke Akua i hoomanaia mai maluna o lakou, no ko lakou hewa a me ko lakou mau meino; nolaila, ua hoalaia lakou e hoomanao i na mea e pono ia lakou ke hana. A hoomaka ae la lakou e hookupaa nui ac i ka ekalesia; he oiaio, a ua nui ka poe i bapetizoia iloko o na wai o Sidona, a ua huiia mai i ka ekalesia o ke Akua; he oiaio, ua bapetizoia lakou e ka lima o Alama, ki mea i hoolaia'i i Kahuna Nui maluna o na kanaka o ka ekalesia, e ka lima o kona makuakane o Alama.

2. A eia kekahī, ma ka makahiki chiku o ke au o na lunakanawai, aia no na kokoke ekolu tausani elima haneri mea i hui pu ai ia lakou iho i ka ekalesia o ke Akua, a ua bapetizoia. A pela i pau ai ka makahiki chiku o ke au o na lunakanawai maluna iho o ka poe kanaka o Nepai; a ua maluhia mau ma ia manawa a pau.

3. A eia kekahī, ma ka makahiki ewalu o ka au o na lunakanawai, hoomaka ae la ka poe kanaka o ka ekalesia e mahinahua aku ma ka ha-heo, no ko lakou waiwai nui loa, a me ko lakou mau kilika nani, a me ko lakou ie i milo makalii ia, a no ka nui wale o na pua a me na ohana holoholona o lakou, a me ko lakou gula, a me ko lakou kala, a me na mea maikai o na ano a pau; a lakou i loaa mai ai ma ka lakou hana mau; a ma ua mau mea nei a pau ua hookiekieia ae la lakou ma ka haahao o ko lakou mau maka, no ka mea, hoomaka ae la lakou e komo ai i ke kapa i nui loa ke kumu kuai. Ano, he mea keia e pilikia nui ai ia Alama, he oiaio, a i na mea he nui hoi o ka poe kanaka a Alama i hoolaa'i i poe kumu, a i poc kahuna, a i poe lunakahiko, maluna iho o ka ekalesia; he oiaio, ua nui wale ka poe o lakou i hoeha nui ia, no ka hewa a lakou i ike ai ua hooma-

ka mawaena o ko lakou poe kanaka. No ka mea, nana aku la lakou a ike iho la me ke kaumaha nui ua hoomaka ae la ka poe kanaka o ka ekalesia e hookiekieia ma ka haahéo o ko lakou mau maka, a e kau aku i ko lakou mau naau maluna o ka waiwai a maluna o na mea lapuwale o ko ke ao nei; a hoomaka ae la lakou e haakei, kekahi i kekahi, a hoomaka ae la lakou e hoomaau aku i ka poe i manaoio ole e like me ka makemake a me ka mea oluolu ia lakou. A pela ma ua makahiki ewalu nei o ke au o na lunakanawai, hoomaka ae la na paio nui mawaena o na kanaka o ka ekalesia; he oiaio, ua nui na paonioni ana, a me ka hakaka, a me ka lokoino, a me ka hoomaau, a me ka haahéo, e oi aku ana mamua o ka haahéo o ka poe i hui ole ia i ka ekalesia o ke Akua. A pela i pan ai ka makahiki ewalu o ke au o na lunakanawai; a o ka hewa o ka ekalesia he mea ia e hina'i i ua poe la i hui ole ia i ka ekalesia; a pela ka ekalesia i hoomaka ai e lohi i kona holo ana.

4. A eia kekahí, i ka hoomaka ana o ka makahiki eiwa, ike aku la o Alama i ka hewa o ka ekalesia, a ike aku la no hoi oia, e hoomaka ana ka hana a ka ekalesia e alakai aku i ua poe hoomaloka la, mai ia hana hewa aku ia hana hewa aku, pela e lawe mai ana i ka lukuia'na o kanaka; he oiaio, ike aku la oia ua nui ka like ole mawaena o na kanaka, o kekahí poe e hookiekie ana ia lakou iho iluna me ko lakou haahéo, e hoowahawaha ana i na mea e ae, e huli ana i ko lakou mau kua i ka poe nele, a kapa ole, a i ka poe i pololi, a i ka poe i makewai, a i ka poe i mai a i pilikia. Ano, he mea nui keia e kanikau ai mawaena o na kanaka, oiai na mea e ae e hoohaahaa ana ia lakou iho, e kokua ana i ka poe ku pono ke kokuaia, mencia, e haawi ana i ko lakou waiwai i ka poe hune a me ka poe nele; e hanai ana i ka poe pololi; a e loaa ana kela ano keia ano o na popilikia, no ko Kristo pono, ka mea e hele mai auánei e like me ka Uhane o ka wanana, e nana ana imua i kela la, pela e loaa mau ana ke kalaia'na o ka lakou mau hala; i hoopihiaia'i me ka olioli nui, no ke alahou ana o ka poe i make, e like me ka makemake, a me ka mana, a me ka hooopakele ana o Iesu Kristo mai na apo o ka make mai.

5. Ano, eia kekahí, ua ike o Alama i na popilikia o ka poe hahai haahaa i ke Akua, a me na popilikia i hoilia maluna iho o lakou e ka poe i koe o kona poe kanaka, a e ike ana i ko lakou like ole a pau, hoomaka ae la oia e hookaumaha nui ia; aka hoi, aole i haalele ka Uhane o ka Haku ia ia. A wae aku la oia i kekahí kanaka naauao, aia no mawaena o ka poe lunakahiko o ka ekalesia, a haawi ae la ia ia i mana e like me ka leo o na kanaka, e hiki ia ia ke loaa ka mana e hooholo i na kanawai e like me na kanawai i haawi e ia mai, a e hookau mai e like me na hala a me na hewa nui o na kanaka. Ano, o Nepaiha ka inoa o keia kanaka, a ua waeia'e oia i Lunakanawai Nui; a noho iho la oia ma ka noho hookolokolo, e hookolokolo aku a e hoomalu aku i na kanaka. Ano, aole o Alama i haawi aku ia ia i ka oihana o ke Kahuna Nui maluna iho o ka ekalesia, aka auia mai la oia i ka oihana

o ke Kahuna Nui ia ia iho; aka, haawi aku la oia i ka noho hookoloko ia Nepaiha; a o keia kana i hana'i, e hiki ia ia ke hele aku mawaena o kona poe kanaka, a oia hoi mawaena o ka poe kanaka o Nepai, e hiki ia ia ke hai aku i ka olelo a ke Akua ia lakou, e hoeueu aku ia lakou e hoomanao i na mea pono no lakou ke hana, a e hiki ia ia, ma o ka olelo la a ke Akua, ke hoohaahaa i ka haahao a me ka maalea a pau, a me na paio a pau mawaena o kova poe kanaka, e ike ole ana i kekahili ala e hiki ia ia ke hoola hou ia lakou, ke ole ma ke kaomi ana i ka hoike pololei ana ia lakou. A pela ma ka hoomaka ana o ka makahiki eiwa o ke au o na lunakanawai maluna iho o ka poe kanaka o Nepai, haawi aku la o Alama i ka noho hookoloko ia Nepaiha, a e hoopaa loa ana ia ia iho i ka Oihana Kahuna Nui o ka aoao hemolele o ke Akua, i ka hoike ana i ka olelo, e like me ka Uhane o ka hoikeana a me ka wanana.

MOKUNA III.

O na olelo a Alama, ke Kahuna Nui, mamuli o ka aoao hemolele o ke Akua, ana i haiaku ai i na kanaka, ma na kulanakauhale a me na kauhale o lakou mawaena o ka aina a puni.

1. Ano, eia kekahili, hoomaka ae la o Alama e haiaku i ka olelo a ke Akua i na kanaka, i ka aina o Zarahemela ka mua, a mailaila aku mawaena o ka aina a pau. Ano, eia na olelo ana i ololo aku ai i na kanaka iloko o ka ekalesia i kukuluia'i ma ke kulanakauhale o Zarahemela, e like me kona mooolelo ponoi, i ka i ana: Owau o Alama, ua heolaia mai au e ko'u makuakane o Alama, i Kahuna Nui maluna iho o ka ekalesia o ke Akua, ia ia ka mana a me ka pono mai ke Akua mai e hana i keia mau mea; aia hoi, ke i aku nei au ia oukou, ua hoomaka ae la oia e kukulu i ekalesia ma ka aina e kokoke ana i na palena o Nepai; he oiaio, o ka aina i kapaia'i ka aina o Moramona; he oiaio, a baptizo iho la pia i kona poe hoahanau iloko o na wai o Moramona. Aia hoi, ke i aku nei au ia oukou, ua hoopakeleia mai lakou mailoko mai o na lima o ka poe kanaka o ke Alii Noa, e ka lokomaikai a me ka mana o ke Akua. A, aia hoi, mahope mai o ia mea, ua laweia mai lakou iloko o ka noho luhi ana e ko Lamana poe, iloko o ka waonahele; he oiaio, ke i aku nei au ia oukou, iloko o ka noho pio ana lakou, a hoopakele hou mai la ka Haku ia lakou mailoko mai o ka noho pio ana ma ka mana o kana olelo; a laweia mai la kakou iloko o keia aina, a maanei kakou i hoomaka ai e kukulu iho i ka ekalesia o ke Akua mawaena hoi o keia aina.

2. Ano hoi, ke i aku nei au ia oukou, e o'u poe hoahanau, ka poe i huiia mai i keia ekalesia, ua hoomanao pono mau anei oukou i ka noho pio ana o ko oukou poe makua? He oiaio, a ua hoomanao pono mau anei

oukou i kona aloha a hoomanawanui mai ia lakou? A eia hoi, ua hoomanao pono mau anei oukou, ua hoopakele ae la oia i ko lakou poe uhane mai Gehena aku? Aia hoi, hoololi mai la oia i ko lakou mau naau; he oiaio, hoala mai la oia ia lakou mai ka hiame loa ae, a ala ae la lakou i ke Akua. Aia hoi, mawaena o ka pouli lakou; aka hoi, ua hoomalama-lamaia mai la ko lakou mau naau e ka malamalama o kana olelo mau loa; he oiaio, na hoopuniai lakou e na apo o ka make a me na kaulahao o ka po, a e kali ana ka make mau loa ia lakou. Ano, ke ninau nei au ia oukou, e o'u poe hoahanau, ua make anei lakou? Ke i aku nei au ia oukou, Aole, aole o lakou i make. A ke ninau hou nei au, ua uhaiia anei na apo o ka make, a o na kaulahao o ka po a lakou i hoopunia'i, ua hookuuia mai anei ia mau mea? Ke i aku nei au ia oukou, Ae, ua hookuuia mai, a hooakeia'i na uhane o lakou, a memele aku la lakou i ke aloha hoolapanai ana. A ke i aku nei au ia oukou, ua hoolaia lakou. Ano, ke ninau nei au ia oukou, ma na hana hea lakou i hoolaia'i? He oiaio, heaha ko lakou mau kumu i lana'i ka manao no ke ola? Heaha la ke kumu o ko lakou hookuuia'na mai na apo ae o ka make? He oiaio, a o na kaulahao no hoi o ka po? Aia hoi, ua hikiia'u ke hai aku ia oukou: Aole anei ko'u makuakane, o Alama, i manaoio i na olelo i hajia mai ma ka waha o Abinadi? A, aole anei oia he kaula hemolele? Aole anei oia i olelo mai i na olelo a ke Akua, a i manaoio hoi ko'u makuakane, o Alama, ia mau mea? A e like me kona manaoio ua hoololi mana loa ia ma kona naau. Aia hoi, ke i aku nei au ia oukou, he oiaio iho la ua mau mea nei a pau. Aia hoi, hai aki la oia i ka olelo i ko oukou poe makua, a ua hoololi mana loa ia no hoi ma ko lakou mau naau; a hooahaahaa iho la lakou ia lakou iho, a paulele aku la lakou i ke Akua oiaio a ola. Aia hoi, ua onipaa iho la lakou a hiki aku i ka hopena; nolaila, ua hoolaia lakou.

3. Ano hoi, ke ninau nei au ia oukou, e o'u poe hoahanau o ka eklesia, ua hoohanauia anei oukou ma ka uhane e ke Akua? Ua loaa anei ia oukou kona ano like ma ko oukou maka? Ua loaa anei ia oukou ua hoano e mana nei ma ko oukou mau naan? Ke hana nei anei oukou me ka manaoio ma ka hoolapanai ana o ka mea nana oukou i hana mai? Ke nana aku nei anei oukou imua me ka maka o ka manaoio, a e ike i keia kino make e hoalaia mai i ka make ole, a o keia palaho e hoalaia mai i ka palaho ole, e ku iho imua o ke Akua, e hookolokoloia e like me na hana i hanaia'i ma ua kino make nei? Ke i aku nei au ia oukou, ua hiki anei ia oukou ke manao wale e hoolohe ana oukou i ka leo o ka Haku, i kai ana ia oukou, ma ia la, E hele mai oukou io'u nei, e ka poe i hoomaikaiia, no ka mea, aia hoi, o ka oukou mau hana o na hana ia o ka pono maluna iho o ka ili o ka honua? A i ole ia, ke manao wale nei anei oukou ua hiki ia oukou ke wahahhee aku i ka Haku ma ua la la, a e i aku, Eka Haku, o ka makou mau hana he mau hana pono ia mau mea maluna iho o ka ili o ka honua, a nana e hoola mai ia oukou? A i ole ia, ua hiki anei ia oukou ke manao wale ua laweia oukou imua o kahi hookolokolo o ke Akua, me ko oukou naau i

hoopihia'i me ka hala a me ka walania; me ka hoomanao i ka oukou mau hala a pau; he oiaio, me ka hoomanao lea i ko oukou mau hewa a pau; he oiaio, me ka hoomanao ua aa aku e ku e i na kanawai o ke Akua? Ke i aku nei au ia oukou, e hiki anei ia oukou ke nana iluna i ke Akna ia la, me ka naau maemae a me na lima lepo ole? Ke i aku nei au ia oukou, e hiki anei ia oukou ke nana iluna, me ke ano like o ke Akua i kahakahaia ma ko oukou maka? Ke i aku nei au ia oukou, e hiki anei ia oukou ke manao e hoolaia oukou, ia oukou i ae aku ai e lilo i poe kauwa na ka diabolo? Ke i aku nei au ia oukou, e ike oukou ia la, aole e hiki ia oukou ke hoolaia; no ka mea, acle e hiki i kekahia kanaka ke hoolaia ke ole kona mau aahu i holoia a keokeo: he oiaio, e huikalaia no kona mau aahu, a, hoomaemaeia'ku ia mau mea i na kohu a pau, ma o ke koko la o ka mea i oleloia'i e ko kakou poe kupuna, ka mea e hele mai a e hoolapanai mai i kona poe kanaka i ko lakou mau hewa.

4. Ano, ke ninau nei au ia oukou, e o'u poe hoahanau, pehea la auanei **ka** manao o kekahia poe o oukou, ina e ku auanei oukou imua o kahi hoo-kolokolo o ke Akua, **me** ko oukou mau aahu i kohuia me ke koko, a me ka paumaele o na ano a pau? Aia hoi, heaha ka mea a kcia mau mea e hoike ku e mai ia oukou? Aia hoi, aole anei ua mau mea nei e hoike mai he poe pepehi kanaka oukou, he oiaio, a he poe hewa no hoi oukou ma na hewa o na ano a pau? Aia hoi, e ko'u poe hoahanau, ke kuhi nei anei oukou e hiki i kekahia mea me neia ke loaa kahi e noho **ai** iloko o ke aupuni o ke Akua, me Aberahama, me Isaaka, a me Iakoba, a me na kaula hemolele a pau, ka poe nona na aahu i huikalaia, a i kina ole, a maemae a keokeo? Ke i aku nei au ia oukou, Aole, ke ole oukou e hoolilo ae i ko kakou Mea nana i hana i mea wahahee mai kinohi mai, a kuhi paha he mea wahahee oia mai kinohi mai, aole e hiki ia oukou ke kuhi e hiki i kekahia mea me neia ke loaa ke kau wahi iloko o ke aupuni o ka lani, aka, e kiolaia'ku lakou, no ka mea, o lakou no na keiki o ka diabolo. Ano hoi, ke i aku nei au ia oukou, e o'u poe hoahanau, ina ua loaa ia oukou kekahia ano e o ka naau, a ina ua manao oukou e memele aku i ka mele o ke aloha hoolapanai ana, ke makemake nei au e ninau, e hiki anei ia oukou ke manao pela ano? Ua hele anei oukou, e malama ana ia oukou iho me ka hewa ole imua o ke Akua? Ua hiki anci ia oukou ke olelo, iloko o oukou iho, ina ua kaheia mai oukou e make i keia manawa, ua haahaa pono oukou? A ua hoomaemaeia no hoi ko oukou mau aahu a hooliloia i keokeo, ma o ke koko la o Kristo, ka mea e hele mai e hoolapanai mai i kona poe kanaka mai ko lakou mau hewa ae? Aia hoi, ua nele anei oukou i ka haaheo? Ke i aku nei au ia oukou, i ole pela, aole oukou makau-kau e halawai pu me ke Akua. Aia hoi, e hoomakaukau koke oukou, no ka mea, ua kokoke mai no ke aupuni o ka lani, aole hoi no kekahia mea me neia ke ola mau loa. Aia hoi, ke i aku nei au, aia mawaena o oukou anei kekahia mea i haalele ole i ka paonioni? Ke i aku nei au ia oukou, aole i makaukau kekahia mea me neia, a ke makemake nei au e hooma-

kaukau koke oia, no ka mea, ua kokoke mai ka hora, aole oia ike i ka manawa e hiki mai ka hora; no ka mea, aole e loaa kekahī mea me neia me ka hewa olc.

5. A eia hou ka'u e i aku nei ia oukou, aia mawaena o oukou anei kekaki mea nana i hoolilo ae i kona hoahanau i mea e hoomaewaewaia'i, a e hooili ana paha maluna ona i ka hoomaau ana? Auwe kekahī mea me neia, no ka mea, aole oia makaukau, a ua kokoke mai ka manawa e mihi oia e pono ai, i ole, aole e hiki ia ia ke hoolaia; he oiaio, auwe oukou a pau ka poe e hana ana i ka hewa; e mihi, e mihi, no ka mea, ua olelo mai la ka Haku ke Akua ia mea. Aia, ke hoouna mai la oia i olelo keno i na kanaka a pau; no ka mea, ua o ia na lima o ke aloha ia lakou, a ke i mai la oia, E mihi, a e hookipa no au ia oukou; he oiaio, ke i mai la oia, E hele mai io'u nei, a e ai no oukou i ka hua o ka laau o ke ola; he oiaio e ai a e inu no oukou i ka berena a me na wai o ke ola me ke alalai ole ia; he oiaio, e hele mai io'u nei a e hoohua mai i na hana o ka pono, a, aole o oukou e kuaia ilalo a e kiolaia'ku iloko o ke ahi: no ka mea, aia hoi, ua kokoke mai ka manawa o ka mea i hoohua ole mai i na hua pono, a o ka mea i hana ole i na hana o ka pono, he kumu kona e uwe ai a e kanikau ai. E, auhea oukou ka poe e hana nei i ka hewa; ka poe i haakeiia ma na mea lapuwale o ko ke ao nei: ka poe i olelo ua ike oukou i na ala o ka pono; aka hoi, ua hele hewa nae, me he hipa la me ke kahu ole, ua kahea nae he kahuhipa mahope o oukou, a e kahea ana i keia manawa mahope o oukou, aka aole oukou e hoolohe i kona leo. Aia hoi, ke i aku nei au ia oukou, ke kahea mai nei ke kahuhipa maikai ia oukou; he oiaio, ma kona inoa iho oia e kahea nei ia oukou, oia no ka inoa o Kristo; a ina aole oukou e hoolohe mai i ka leo o ke kahuhipa maikai, i ka inoa a oukou i kaheaia mai ai, aia hoi, ina no aole oukou na hipa o ke kahuhipa maikai.

6. Ano, ina aole oukou na hipa o ke kahuhipa maikai, no ka pa hea oukou? Aia hoi, ke i aku nei au ia oukou, o ka diabolo no ko oukou kahuhipa, a no koua pa oukou; ano, owai la ka mea e hiki ia ia ke hoole mai i keia? Aia hoi, ke i aku nei au ia oukou, o ka mea e hoole mai ana i keia, he mea wahāhee a he keiki a ka diabolo oia; no ka mea, ke i aku nei au ia oukou, o kela mea maikai keia mea maikai, e liele mai ana ia mai ke Akua mai, a o kela mea ino keia mea ino, e hele mai ana ia mai ka diabolo mai; nolaila, ea, ina e hoohua mai ana ke kanaka i na hana maikai, e hoolehe ana oia i ka leo o ke kahuhipa maikai, a e hahai ana oia ia ia; aka o ka mea e hoohua mai ana i na hua ino, oia ka i lilo ai i keiki na ka diabolo: no ka mea, e hoolohe ana oia i kona leo, a e hahai ana ia ia. A o ka mea nana e hana i keia, he pono ke loaa kona uku mai ona mai; nolaila, no kona uku e loaa ana ia ia ka make, ma na mea e pili ana i ka pono, ua make oia i na hana maikai a pau. Ano, e o'u poe hoahanau, ke makemake nei au e hoolohe mai oukou ia'u, no ka mea, ke olelo aku nei au ma ka ikaika o ko'u uhane; no ka mea, ua olelo moakaka aku au ia oukon, i hiki ole ai ia oukou ke kuhi hewa, a ua olelo aku e like me na karawai o

ke Akua. No ka mea, na kaheia mai au e olelo aku mamuli o keia ano, e like me ka aoao hemolele o ke Akua, aia no iloko o Kristo Iesu; he oiaio, ua kauohaia mai au e ku a e hoike aku i keia poe kanaka, i na mea i oleloia'i e ko kakou poe kupuna, no na mea e hiki mai ana. Aole o keia wale no. Aole anei oukou e manao ana ua ike au i na mau mea nei no'u iho? Aia hoi, ke hoike aku nei au ia oukou, ua ike au he oiaio keia mau mea a'u i olelo aku ai. A peheia la oukou i manao ai ua ike au i ka oiaio o ua mau mea nei? Aia hoi, ke i aku nei au ia oukou, ua hoikeia mai ia mau mea ia'u e ka Uhane Hemolele o ke Akua. Aia hoi, ua hooke ai au a pule aku la i na la he nui, i ike ai au i ua mau mea nei no'u iho. A, ano, ke ike nei au no'u iho he oiaio ia mau mea; no ka mea, ua hoike mai la ka Haku ke Akua ia mau mea ia'u ma kona Uhane Hemolele; a oia no ka Uhane o ka hoikeana iloko o'u. A eia hoi, ke i aku nei au ia oukou, me ia i hoikeia mai pela ia'u, ua oiaio na olelo i oleloia'i e ko kakou poe kupuna, pela io no e like me ka Uhane o ka wanana iloko o'u, oia no hoi ma ka hoike ana o ka Uhane o ke Akua, ke i aku nei au ia oukou, ua ike au no'u iho o ka mea a'u e olelo aku ai ia oukou no na mea e hiki mai ana, ua oiaio ia; a ke i aku nei au ia oukou, ua ike au e hele mai ana no o Iesu Kristo; he oiaio, o ke Keiki, ka hanau-kēhi a ka Makua, piha me ka lokomaikai, a me ke aloha, a me ka oiaio. A, aia hoi, oia no ka mea e hele mai ana e lawe aku i na hala o ko ke ao nei; he oiaio, i na hala o kela kanaka keia kanaka ke manaoio naueue ole ma kona inoa.

7. Ano, ke i aku nei au ia oukou, oia no ka aoao mamuli ona i kaheia'i au; he oiaio, e hai aku i o'u poe hoahanau i alohaia; a i kela mea i keia mea hoi e noho ana ma ka aina; he oiaio, e hai aku i na mea a pau loa, i ka poe kahiko a i ka poe hou no hoi, i ka poc paa a i ka poe paa ole no hoi; he oiaio, ke i aku nei au ia oukou, e ka poe kahiko, a me ka poe oo hoi, a me ka hanauana ea mai ana; he oiaio, e kahea aku ia lakou e mihi a hanau hou lakou e pono ai; he oiaio no, penei wahi a ka Uhane, E mihi oukou, e ko na welau a pau o ka honua, no ka mea, e kokoke ana ke aupuni o ka lani; he oiaio, ke hele mai la ke Keiki a ke Akua ma kona nani, ma kona ikaika, hanohano, mana a noho alii ana. He oiaio, e ko'u poe hoahanau, ke i aku nei au ia oukou, e i mai ana ka Uhane, E nana aku i ka nani o ke Alii o ka honua a pau; a e alohilohi koke mai ai no hoi ke Alii o ka lani mawaena o na keiki a pau a kanaka; a ke i mai nei no hoi ka Uhane ia'u, he oiaio, ke kahea mai nei ia'u me ka leo mana, i ka i ana, E hele aki a e olelo aku i keia poe kanaka, E mihi, no ka mea, ke ole oukou e mihi, aole loa e hiki ia oukou ke loaa ke aupuni o ka lani. A eia hou ka'u e i aku nei ia oukou, ke i mai la ka Uhane, Aia hoi, ke waiho nei ke koi lipi ma ke kumu o ka laau; nolaila, o kela laau a o keia laan e hua ole mai ana i ka hua maikai, e kuaiia ia ilalo, a e kiolaia'ku iloko o ke ahi; he oiaio, he ahi e hiki ole ke hoopauia; a he ahi pio ole. Aia hoi, e hoomanao, ua olelo mai ka Mea Hemolele ia mea. Ano, e o'u poe hoahanau, ke i aku nei au ia oukou, e hiki anei ia oukou ke ku e mai i ua

mau mea nei, he oiaio, e hiki anei ia oukou ke waiho wale i keia mau mea, a e hehi aku i ka Mea Hemolele malalo iho o ko oukou mau kapuai; he oiaio, e hiki anei ia oukou ke haakeiia'i ma ka haaheo o ko oukou naau; he oiaio, e hooman anei ma ke komo ana i ke kapa kumu kuai nui, a e kau ana i ko oukou mau naau. maluna o na mea lapuwale o ke ao nei, maluna iho o ko oukou waiwai; he oiaio, e hoomau anei oukou ma ka manao ana ua maikai aekekahi mamua o kekahia; he oiaio, e hoomau anei oukou ma ka hoomaau ana i ko oukou poe hoahanau, ka poe i hoo-hahaa ia lakou iho, a i hele mamuli o ka aoao hemolele o ke Akua, ma o ua mea la lakou i laweia mai ai iloko o keia ekalesia, ua hoomaemaeia e ka Uhane Hemolele: a ke hoohua mai nei lakou i na hana i ku i ka mihi; he oiaio, a e hoomau anei oukou ma ka huli ana'e i ko oukou mau kua i ka poe hune, a me ka poe nele, a ma ka aua ana i ko oukou waiwai mai ia lakou ae? A eia ka mea hope, e ka poe a pau e hoomau ana ma ka oukou hana hewa ana, ke iaku nei au ia oukou, o ua poe nei no ka poe e kuaia ilalo a e kiolaia iloko o ke ahi, ke ole lakou e mihi koke.

8. Ano, ke iaku nei au ia oukou, e ka poe a pau e makemake ana e hahai mai i ka leo o ke kahuhipa maikai, e puka mai oukou mai ka poe hewa mai, a e hookaawaleia'e oukou, a mai hoopaku i ko lakou mau mea haumia; a, aia hoi, e holoiia ananei ko lakou mau inoa, i helu pu ole ia na inoa o ka poe hewa mawaena o na inoa o ka poe pono, i ko ai ka olelo a ke Akua, i ka i ana, E hui pu ole ia na inoa o ka poe hewa me na inoa o ko'u poe kanaka. No ka mea, e palapalaia na inoa o ka poe pono iloko o ka buke o ke ola; a ia lakou wau e haawi aku ai i hooilina ma ko'u lima akau. Ano, e ko'u poe hoahanau, heaha la ka oukou e olelo ku e mai i keia? Ke iaku nei au ia oukou, ina e olelo ku e mai oukou i keia, he mea ole ia, no ka mea, e hookoia no ka olelo a ke Akua. No ka mea, owai la ke kahuhipa mawaena o oukou nona na hipa he nui wale, i kiai ole ai ia lakou, i komo ole na ilio hae a e ai i kona pua? A, aia hoi, ina e komo kahi ilio hae iloko o kona pua, aole anei oia i hooemuaku ia ia iwaho? He oiaio, a mahope, ina e hiki ia ia, e pepehi aku no oia ia ia. Ano, ke iaku nei au ia oukou, ke kahea mai nei ke kahuhipa maikai mahope o oukou; a ina e hoolohe oukou i kona leo, nana no e lawe mai ia oukou iloko o kona pa, a o kona poe hipu no oukou; a ke kauoha mai nei oia ia oukou aole oukou e aeaku i kahi ilio hac ke komo mawaena o oukou, i make ole ai onkon.

9. Ano, ke kauoha aku nei owau, o Alama, ia oukou ma ka olelo a ka mea nana au i kauoha mai, e malama oukou e hana i na olelo a'u i olelo aku nei ia oukou. Ke olelo aku nei au ma ke kauoha ia oukou, ka poe i huia mai me ka ekalesia; a i ka poe i hui ole ia me ka ekalesia, ke olelo aku nei au ma ke kono, i ka i ana, e hele mai a e bapetizoia i ka mihi, i lilo oukou i poc hoaai pu hoi i ka hua o ka laau o ke ola.

MOKUNA IV.

1. A eia kekahī, a pau ae la ka olelo ana'ku a Alama i na kanaka o ka ekalesia, i kukuluia'i ma ke kulanakauhale o Zarahemela, hoolilo iho ia oia i na kahuna a me na lunakahiko, ma ke kauaku ana i kona mau lima e like me ka aoao o ke Akua, e noho luna a e kiai maluna o ka ekalesia. A eia kekahī, o na mea i hui ole ia me ka ekalesia, ka poe i mihi i ko lakou mau hewa, ua bapetizoia i ka mihi, a ua hookomoia iloko o ka ekalesia. A eia hoi kekahī, o na mea i huiia me ka ekalesia, ka poe i mihi ole i ko lakou hewa, a hooahaaha ia lakou iho imua o ke Akua; ke olelo nei au no ka poe i hookiekieia ma ka haahéo o ko lakou mau naau; ua kiolaia'ku ua poe nei, a holoiia iho la na inoa o lakou, i helu pu ole ia ko lakou poe inoa mawaena o ko ka poe pono; a pela lakou i hoomaka ai e hookupaa aku i ka noho pololei ana o ka ekalesia ma ke kulanakauhale o Zarahemela. Ano, ua makemake au e ike oukou ua haawi like ia ka olelo a ke Akua i na mea a pau, aole i hoonelecia kekahī i ka pono e hoakoakoa ia lakou iho e hoolohe i ka olelo a ke Akua; aka hoi, ua kauohwā mai na keiki a ke Akua e hoakoakoa pinepine ia lakou iho, a e hui ma ka hooke ai ana a ma ka pule mana, no ka pomaikai o na uhane o ka poe i ike ole ai i ke Akua.

2. Ano, eia kekahī, ia Alama i hooholo mai ai i ua mau mea hoopono-pono nei, haalele aku la oia ia lakou, he oiaio, i ka ekalesia ma ke kulanakauhale o Zarahemela, a hele aku la ma ka hikina o ka muliwai o Sidona iloko o ke awawa o Gideona, malaila ua kukuluia kekahī kulanakauhale i kapaia o ke kulanakauhale o Gideona, ma ke awawa i kapaia o Gideona, i kapaia'i mamuli o ke kanaka i pepehia'i e ka lima o Nehora me ka pahikaua. A hele aku la o Alama, a hoomaka ae la e hai aku i ka olelo a ke Akua i ka ekalesia i kukuluia ma ke awawa o Gideona, e like me ka hoike ana o ka oiaio o ka olelo i oleloia'i e kona poe kupuna, a e like me ka Uhane o ka wanana iloko ona, e like me ka hoike ana o Iesu Kristo, ke Keiki a ke Akua, ka mea e hele mai ana e hoolapanai i kona poe kanaka mai ko lakou mau hewa ae, a me ka aoao hemolele hoi ana i kapaisi. A pela ia i palapalaia'i. Amene.

MOKUNA V.

O na olelo a Alama, ana i hai aku ai i ka poe kanaka wa Gideona, mamuli o kona moolelo iho.

1. Aia hoi, e ko'u poe kanaka, no ko'u acia'na e hele mai jo oukou nei, nolaila, ke hoaoaku nei au e oleloaku ia oukou ma ka'u olelo; ia oiaio, ma kuu waha iho, ua ike eia ka manawa mua na'u e oleloaku ia

oukou ma na olelo a ko'u waha ponoi, ua hoopaa loa ia au i ka noho hoo-kolokolo, a no ka nui o ka'u hana i hiki ole ia'u ke hele mai io oukou nei; aole no hoi au i hiki ke hele mai i keia manawa, ina ua haawi ole ia'ku ka noho hookolokolo ia hai, e noho luna ma kuu hakahaka; a ua ae mai ka Haku ma ke aloha nui i hele mai ai au io oukou nei. A, aia hoi, ua hele mai nei au me na manaolana nui a me na makemake nui, i ike ai au ua hoohaahaa ia oukou iho imua o ke Akua, a ua hoomau aku ma ka noi ana i kona lokomaikai, i ike ai au ia oukou me ka hewa ole imua ona; i ole ai au e ike ia oukou iloko o ka hihia weliweli a ko kakou poe hoahanau i hihia ai ma Zarahemela; aka, e hoomaikaiia ka inoa o ke Akua, ua haawi mai la oia ia'u e ike, he oiaio, ua haawi mai la ia'u i ka olioli nui loa i ka ike ana ua hookupaa hou ia lakou ma ke ala o kona pono. A ke lana nei au, e like me ka Uhane o ke Akua iloko o'u, he olioli no auanei ko'u maluna o oukou; aole ue au i makemake e hele mai ko'u olioli no oukou, ma o na pilikia a me na kaumaha la me a'u i loaa'i no na hoahanau o Zarahemela: no ka mea, aia hoi, ke hele mai la ko'u olioli no lakou mahope-ho o ka auhele ana mawaena o na pilikia a me ke kaumaha nui.

2. Aka hoi, ke lana nei au aole oukou iloko o ka noho hoomaloka nui ana e like me ko oukou poe hoahanau; ke lana nei au aole oukou i hoo-kickieia iluna ma ka haaheo o ko oukou mau naau: he oiaio, ke lana nei au aole oukou i kau aku i ko oukou mau naau maluna o ka waiwai, a me na mea lapuwale o ko ke ao nei; he oiaio, ke lana nei au aole oukou e hoomanana kii ana, aka e hoomanana ana oukou i ke Akua oiaio a ola, a e nana ana oukou imua no ke kalaia ana o ka oukou mau hala me ka manaoio-mau loa e hiki mai ana. No ka mea, ke i aku nei au ia oukou, ua nui na mea e hiki mai ana; a, aia hoi hookahi mea i oi aku ka nui mamua o ia mau mea a pau: no ka mea, aole e loihi aku ka manawa, e olà ana ka Mea Hoolapahai, a e hele mai ana mawaena o kona poe kanaka. Aia hoi, aole au e i aku nei e hele mai oia mawaena o kakou i kona wa e noho ai ma kona halelewa make; no ka mea, aole i olelo mai ka Uhane pela ia'u. Ano, aole au i ike no ia mea; aka, eia ka'u i ike, he mana ko ka He'iku ke Akua e hanu i na mea a pau i ku i kana olelo. Aka hoi, ua olelo mai ka Uhane i keia ia'u, i ka i ana: E kahea aku i keia poe kanaka, i ka i ana, e mihi oukou, a e hoomakaukau i ke ala o ka Haku, a e hele ma kona mau kuamoo, he pololci lakou: no ka mea, aia hoi, ua kokoke mai ke aupuni o ka lani, a e hele mai ana ke Keiki a ke Akua maluna iho o ka honua. Aia hoi, e hanauia mai oia e Maria, ma Ierusalem, oia no ka aina o ko kakou poe kupuna, he wahine puupaa oia, he ipu maikai a wae-ia, e hoomaluia oia, a e hapai ma ka mana o ka Uhane Hemolele, a e hanau mai i kahi keikikane, he oiaio, o ke Keiki a ke Akua; a e hele aki oia, e loaa ana na eha, a me na pilikia, a me na hoowalewale o kela ano keia ano; a o keia i hookoia'i ka olelo e olelo ana, E lawe no oia maluna ona i na eha a me na mai o kona poe kanaka; a e lawe maluna ona i ka make, e hiki i ia ke hookau i na apo o ka make e hoopaa ana i kona poe

kanaka: a e lawe no maluna ona i na nawaliwali o lakou, e hiki i kona mau naau ke hoopihaiia me ke aloha, mamuli o ka io, e hiki ia ia ke ike lea mamuli o ka io e kokua i kona poe kanaka mamuli o na nawaliwali o lakou. Ano, ke ike mai nei ka Uhane i na mea a pau; e popilikia ana nae ke Keiki a ke Akua mamuli o ka io, e hiki ia ia ke lawe maluna ona i na hewa o kona poe kanaka, e hiki ia ia ke holoi mai i ka lakou mau hala, mamuli o ka mana o kona hoopakele ana; ano hoi, oia no ka hoike ana iloko o'u.

3. Ano, ke i aku nei au ia oukou, e mihi oukou e pono ai, a e hanau hou ia: no ka mea, ke i mai nei ka Uhane, Iua aole oukou e hanau hou ia, aole e hiki ja oukou ke loaa ke aupuni o ka lani; nolaila, e hele mai a e bapetizoia i ka mihi, i holoiia oukou i ko oukou mau hala, i loaa'i ia oukou ka manaoio ma ke Keikihipa a ke Akua, oia ka mea e lawe aku ana i na hala o ko ke ao nei, oia hoi ka mea mana e hoola mai a e hoomaemae mai mai na mea pono ole ae a pau; he oiaio, ke i aku nei au ia oukou, e hele mai a e hopohopo ole, a e waiho aku i kela hewa i keia hewa e hoopuni wale ana ia oukou, e nakinaki ana ia oukou ilalo i ka make; oia, e hele a e hele aku, a e hoike aku i ko oukou Akua e ae ana oukon e mihi i ko oukou mau hewa, a e komo iloko o kekahia berita me ia e malama i kana mau kauoha, a e hoike aku ia mea ia ia i keia ia, ma ka hele ana iloko o na wai o ka bapetizo; a o ka mea nana e hana i keia, a e malama i na kauoha a ke Akua mai ia manawa aku, oia ke hoomanao auanei ka'u e i aku nei ia ia, he oiaio, e hoomanao no oia ua olelo aku au ia ia, e loaa no auanei ia ia ke ola mau loa, e like me ka hoike ana o ka Uhane Hemolele, e hoike ana iloko o'u. Ano, e o'u poe hoahanau alohaiia, ke manaoio nei anei oukou i keia mau mea? Aia hoi, ke i aku nei au ia oukou, Ae, ua ike au ke manaoio nei oukou i ua mau mea nei; a o kuu mea i ike ai e manaoio ana oukou ia mau mea, oia ma o ka hoikeana la o ka Uhane iloko c'u. Ano, no ka ikaika o ko oukou manaoio no ia mea, he oiaio, no ia mau mea a'u i olelo ai, na nui ko'u hauoli. No ka mea, me a'u i olelo aku ai ia oukou mai kinohi, ua nui ko'u makemake i ole ai oukou iloko o ka hihia e like me ko oukou poe hoahanau, pela wau i ike ai ua ko mai ko'u mau makemake. No ka mea, ke ike nei au aia oukou iloko o ke ala e hele aku ai i ke aupuni o ke Akua; he oiaio, ke ike nei au e hoopololei ana oukou i kona mau kuamoo; ke ike nei au ua hoikeia mai ia oukou ma ka hoikeana o kana olelo, ua hiki ole ia ia ke hele iloko o na ala kekee; aole hoi oia e lauwili ae mai ka mea ae, ana i olelo mai ai; aole hoi ona luli iki ae mai ka akau i ka hemia, aole hoi mai ka mea i pololei i ka mea i pololei ole; nolaila, o kana hana ana oia hookahli mau loa no ia. Aole oia i noho iloko o na luakini hemolele ole; aole hoi e hiki i ka paumaele, aole hoi i kekahia mea i maemae ole ke hookipaia iloko o ke aupuni o ke Akua; nolaila, ke i aku nei au ia oukou, e hiki mai ana ka manawa, he oiaio, a ma ka la hope no ia, o ka mea i paumaele, e noho no oia iloko o kona paumaele.

4. Ano, e ko'u poe hoahanau aloha, ua olelo aku au i keia mau mea ia oukou, i hiki ia'u ke hoala ia oukou e ike i ka mea pono a oukou e hana aka ai i ke Akua. i hele hewa ole ai oukou imua ona; i hele oukou mamuli o ka aoao hemolele o ke Akua, mamuli o ia mea onkou i loaa'i. Ano, ke makemake nei au e haahaa oukou, a e hoolohe, a akahai; oluolu e noii mai; piha me ke ahonui a me ka hoomanawanui; e pakiko hoi ma na mea a pau; e molowa ole ma ka malama ana i na kauoha a ke Akua ma na manawa a pau; e noi ana no na mea a oukou e nele ai, no ko ka uhane a no ko ke kino hoi; e aloha mau ana i ke Akua no kela mea keia mea a oukou i loaa'i, a e ike oukou no oukou ka manaoio, o ka manaoiana, a me ke aloha, alaila, e lako mau oukou ma na hana pono; a na ka Haku e hoopomaikai ia oukou, a e malama kina ole i ko oukou mau aahu, i laweia oukou mahope e noho ilalo me Aberahama, o Isaaka, a me Iakoba, a me na kaula hemolele, ka poe i ola mai ka hoomaka ana mai o ke ao nei, nie ko oukou mau aahu kina ole, e like me ke kina ole o ko lakou mau aahu ma ke aupuni o ka lani, e hele hou ole ae iwaho.

5. Ano, e o'u poe hoahanau aloha, ua olelo aku la au i keia mau mea ia oukou, e like me ka ka Uhane hoike ana mai ia'u; a ke hauoli nui loa nei ko'u uhane, no ka ikaika a malama nui ana o oukou i ka hoolohe mai i ka'u olelo. Ano, e kau mai ka maluhia o ke Akua maluna iho o oukou, a maluna iho o ko oukou mau hale a mau aina, a maluna iho o na pua a me na ohana holoholona o oukou, a me na mea a pau a oukou i loaa'i; o aa wahine a me na keiki a oukou, e like me ko oukou manaoia a hana maikai, mai keia manawa aku a mau loa aku. A pela wau e olelo aku nei. Amene.

MOKUNA VI.

1. Eia kekahī, hoi aku la o Alama mai ka aina o Gideona ae, mahope iho o kona ao ana i na kanaka o Gideona i na mea he nui i hiki ole ai ke palapalaia, a ua hoonohonoho i na mea o ka ekalesia, me kana i hana e ai mamua ma ka aina o Zarahemela; he oiaio, hoi aku la oia i kona hale iho ma Zarahemela e hoomaha ia ia iho i na hana ana i hana'i. A pela i pau ai ka iwa o ka makahiki o ke au o na Lunakanawai maluna iho o ka poe kanaka o Nepai.

2. Eia kekahī, i ka makamua o ka makahiki umi o ke au o na Lunakanawai maluna iho o ka poe kanaka o Nepai, haalele aku la o Alama ia wahi, a hele aku la ma o ma ka aina o Meleka, ma ke komohana o ka muliwai Sidona, ma ke komohana, ma na palena o ka waonahele: a hoomaka ae la oia e ao aku i na kanaka ma ka aina o Meleka, mamuli o ka aoao hemolele o ke Akua ona i kapaia mai ai; a hoomaka ae la oia e ao aku i na kanaka a pau mawaena o ka aina o Meleka a puni.

3. Eia kekahī, hele mai la na kanaka io na la, mawaena o na palena a pau o ka aina ma ka aoao waonahēle. A ua bapetizoia lakou mawaena o ka aina a puni; a ia ia i pau ai kana hana ma Meleka, haalele iho la oia ia wahi, a hele aku la i ko na la ekolu hele ana ma ka akau o ka aina o Meleka; a hiki aku la oia i kekahī kulanakauhale i kapaia o Amoniha. Ano, he mea mau ia me ko Nepai poe, e kapaaku i ko lakou mau aina, a i ko lakou mau kulanakauhale, a me ko lakou mau kauhale, he oiaio, i ko lakou mau kauhale nuku hoi a pau, mamuli o ka inoa o ka mea nana i noho mua ma ia mau wahi; a pela hoi ia me ka aina o Amoniha.

4. A eia kekahī, ia Alama i hiki ai i ke kulanakauhale o Amoniha, hoomaka ae la ia e hai aku i ka olelo a ke Akua ia lakou. Ano, ua nui ka mana o Satana maluna iho o na naau o na kanaka o ke kulanakauhale o Amoniha; nolaila, aole lakou i hoolohe i na olelo a Alama. Aka hei, hana nui iho la o Alama ma ka Uhane, e hakoko ana me ke Akua ma ka pule ikaika, nana e ninini mai i kona Uhane maluna o na kanaka iloko o ke kulanakauhale; a nana hoi e ae mai ia ia e bapetizo aku ia lakou i ka mihi; hoopaakiki iho la nae lakou i ko lakou mau naau, i ka i ana ia ia, Aia hoi, ua ike makou ooe no Alama; a ua ike makou ooe no ke Kahuna Nui maluna iho o ka ekalesia au i kukulu ai ma na wahi he nui o ka aina, e like me ko oukou mooolelo; aole makou no kou ekalesia, aole makou i matnaoio i na mooolelo lapuwale me neia. Ano, ke ike nei makou no ko makou komo ole iloko o kou ekalesia, ua ike makou aole ou mana maluna o makou; a ua haawi aku oe i ka noho hookolokolo ia Nepaiha; nolaila, aole oe ka Lunakanawai Nui maluna o makou. Ano, i ka wa a na kanaka i olelo mai ai i keia, a i ku e mai ai i kana mau olelo a pau, a i hoino mai ai ia ia, a i kuha mai ai maluna iho ona, a i kipaku mai ai ia ia iwaho o ko lakou kulanakauhale, haalele iho la oia ia wahi a hele aku la i ke kulanakauhale i kapaia o Aarona.

5. Eia kekahī, oiai oia e hele ana ilaila, i hookaumahaia ilalo me ka eha o ka naau, e auhele ana mawaena o ka pilikia a kaumaha nui loa o ka naau, no ka hewa o na kanaka iloko o ke kulanakauhale o Amoniha, oiai o Alama i hookaumahaia peia ilalo me ka eha, aia hoi, ikeae la kekahī anela a ka Haku e ia, a i mai la, Pomaikai ooe, e Alama; nolaila, e ea mai i kou poo a e hauoli, no ka mea, he kumu nui kou e hauoli ai: no ka inea, ua ikaika oe i ka malama ana i na kauoha a ke Akua mai ka wa au i loaa'i kau kauoha mua mai ona mai. Aia hoi, owau no ka mea nana i haawi aku ia mea ia oe; a, aia hoi, ua hoounaia mai au e kauoha aku ia oe e hoi aku i ke kulanakauhale o Amoniha, a e hai houaku i ka poe kanaka o ua kulanakauhale la; he oiaio, e hai olelo ia lakou. He oiaio, e iaku ia lakou, ke ole lakou e mihi, e luku no ka Haku ke Akua ia lakou. No ka mea hoi, ke kuka nei lakou i keia manawa e hiki ia lakou ke hoopau i ke ku okoa ana o kou poe kanaka, (no ka mea, pela wahi a ka Haku,) he mea ku e ia i na olelo kupaa, a me na kauoha, a me na kauhawai ana i haawi mai ai i kona poe kanaka.

6. Ano hoi, mahope iho o ko Alama loaa ana ka olelo mai **ka anela a** ka Haku mai, hoi koke aku la oia i ka aina o Amoniha. A komo aku la i ke kulanakauhale ma kekahī ala e, he oiaio, ma ke ala ma ka hema o ke kulanakauhale o Amoniha. A i kona komo ana i ke kulanakauhale ua pololi oia, a iaku la oia i kekahī kanaka, E, e haawi mai anei oe i kekahī kauwa haahaa a ke Akua i ai e ai ai? A iaku la ke kanaka ia ia, No Nepai no wau, a ua ike au he kaula hemolele oe no ke Akua, no ka mea, ooe no ke kanaka a kahi anela i i mai ai ma ka hihio, E hookipa oe; nolaila, e hele pu me au iloko o ko'u hale, a e haawi aku no au ia oe i ka'u ai; a ua ike au he mea pomaikai oe ia'u a i ko'u hale. A eia kekahī, hookipa mai la ke kanaka ia ia iloko o kona hale; a ua kapaina ua kanaka nei o Amuleka; a lawe mai la oia i berena a i ia, a kau mai la imua o Alama.

7. Eia kekahī, ai berena iloh la o Alama a ua hoopihaiia; a hoopomai-kai iho la oia ia Amuleka a me kona hale, a aloha aku la oia i ke Akua. A mahope iho o kona ai ana a maona, iaku la oia ia Amuleka, Owau no o Alama, a o ke Kahuna Nui no au maluma o ka ekalesia o ke Akua mawaena o ka aina. A, aia hoi, ua kaheia mai au e hai aku i ka olelo a ke Akua mawaena o keia poe kanaka a pau, e like me kā Uhane o ka hoike ana a me ka wanana; a ma keia aina no au, aole lakou e hookipa mai ia'u, aka kipaku mai la lakou ia'u iwaho, a, aneane au e huli ae i kuu kua i ua aina nei no ka wa pau ole. Aka hoi, ua kanohaia mai au na'u e huli hou a e wanana aku i ua poe kanaka nei, he oiaio, a e hoike ku e aku ia lakou no ka lakou mau hala. Ano, e Amuleka, no ko hanai ana mai ia'u a hookipa ana mai ia'u iloko, ua pomaikai oe: no ka mea, ua pololi au, no ka mea, ua hooke ai au i na la he nui. A nobo iho la o Alama i na la he nui me Amuleka, mamua o kona hoomaka ana e hai aku i ka olelo i kanaka.

8. A eia kekahī, mahualhua nui loa aku la na kanaka ma ka lakou hana hewa. A hiki mai la ka olelo ia Alama, i ka i ana, O hele; a e olelo aku hoi i ka'u kauwa o Amuleka, e hele aku a e wanana aku i keia poe kanaka, i ka i ana, E mihi oukou, no ka mea, penei wahi a ka Haku, ke ole oukou e mihi, e hoopai aku au i keia poe kanaka iloko o ko'u inaina; he oiaio, aole au e hoohuli ae i kuu inaina wela. A hele aku la o Alama, a o Amuleka hoi, mawaena o na kanaka e hai aku i na olelo a ke Akua ia lakou; a ua hoopihaiia laua me ka Uhane Hemolele; a ia laua ka mana i haawiia mai ai, i hiki ole ai laua ke hoopaaia iloko o na halepaahao; aole hoi he mea hiki i kekahī kanaka ke pepchi mai ia laua; aole nae laua e hana aku me ko laua mana a hiki i ka wa i nakinakiia laua iloko o na mea paa, a i hooleia iloko o ka halepaahao. Ano, ua hanaia mai la keia i hiki i ka Haku ke hoike mai i kona mana iloko o laua.

9. A eia kekahī, hele aku la laua a hoomaka ae la e hai akv a e wanana aku i na kanaka, e like me ka Uhane a me ka mana a ka Haku i haawi mai ai ia laua.

MOKUNA VII.

O na olelo a Alama, a me na olelo hoi a Amuleka, na mea i hai'a'ku ai i ka poe kanaka e noho ana iloko o ka aina o Amoniha. A ua hooleia hoi laua iloko o ka halepaahao, a hoopakeleia e ka mana ku-pai'anaha o ke Akua iloko o laua, e like me ka mooolelo a Alama.

1. A EIA hou: ua kauohaia mai owau, o Alama, e ke Akua i lawe aku ai au ia Amuleka, a e hele aku a e hai olelo hou aku i ua poe kanaka nei, i ka poe kanaka iloko o ke kulanakauhale o Amoniha; a i ka wa'a'u i hoomaka ai e hai olelo aku ia lakou, hoomaka ae la lakou e paio mai me a'u, i ka i ana, Owai oe? Ke manao nei anei oe e manaoio makou i ka hoike ana o ke kanaka hookahi, ina e hai mai paha oia ia makou e hala aku ana auanei ka honua? Ano, aole lakou i hoomaopopo i na olelo a lakou i olelo mai ai; no ka mea, aole lakou i ike e hala aku auanei ka honua. A i mai la hoi lakou, Aole makou e manaoio i kau mau olelo, ina paha e wanana mai oe e anuia mai keia kulanakauhale nui i ka la hookahi. Ano, aole lakou i ike ua hiki i ke Akua ke hana mai i na hana kupanaha me neia, no ka mea, he poe kanaka naau paakiki a ai oolea lakou. A i mai la lakou, Owai la ke Akua, nana i hoonua mai i hookahi kanaka hoike wale no mawaena o keia poe kanaka, e hai mai ia lakou i ka oiaio o na mea nui a kupai'anaha me neia? A ku mai la lakou e kau mai i ko lakou mau lima maluna o'u; aka hoi, aole lakou i kau mai. A ku iho la au me ka wiwo ole e hai aku ia lakou, he oiaio, hoike wiwo ole aku la au ia lakou, i ka i ana: Aia hoi, e ka hanauna hewa a kekee, nani wale ko oukou hoopoina ana i na mooolelo a ko oukou poe kupuna; he oiaio, hiki wawe ko oukou hoopoina ana i na kauoha a ke Akua. Aole anei oukou i hoomanao ua kaiia mai ko kakou kupanakane o Lehi mailoko mai o Ierusalem e ka lima o ke Akua? Aole anei oukou i hoomanao ua alakaiia mai lakou a pau e ia mawaena o ka waonahel? A ua hoopoina anei oukou i keia manawa pokole, i ka nui o na manawa ana i hoopakele mai ai i ko kakou poe kupuna, mailoko mai o na lima o ko lakou poe enemi, a i hoola mai ia lakou i ka luku'a'na, e na lima o ko lakou poe hoahanau ponoi? He oiaio, a ina aolé kona mana loa, a me kona aloha, a me kona hoomanawanui mai ia kakou, ina ua luku loa ia kakou me kahi ole e pakeli ai, mai ke alo aku o ka honua, mamua loa o keia manawa, a hahaoia paha i kahi o ka eha a poino pau ole. Ano, ke iaku nei au ia oukou, ke kauoha mai la oia ia oukou e mihi; a ke ole oukou e mihi, aole loa e hiki ia oukou ke komo iloko o ke aupuni o ke Akua. Aka hoi, aole o keia wale: Ua kauoha mai la oia ia oukou e mihi, i ole ia e luku loa oia ia oukou mailuna aku o ke alo o ka honua nei; he oiaio, e hele mai oia ia oukou ma kona inaina, a ma kona inaina wela aole oia e huli ae. Aia hoi, aole qnei oukou e hoomanao i na olelo ana i olelo mai ai ia Lehi, i ka i ana, Ina e malama pono mai oukou i ka'u mau kauoha, e hoopomaikaiia

oukou ma ka aina? A eia hou ua oleloia, Ina aole oukou e malama i ka'u mau kauoha, e hookiia'ku oukou mai ke alo aku o ka Haku.

2. Ano, ke makemake nei au e hoomanao oukon, i ko ko Lamana poe malama ole ana i na kauoha a ke Akua, ua hookiia'ku la lakou mai ke alo aku o ka Haku. Ano, ke ike nei kakou ua ko ka olelo a ka Haku ma keia mea, a na hookiia'ku ko Lamana poe mai kona alo aku, mai ka hoomaka ana mai o ko lakou lawchala ana ma ka aina. Aka hoi, ke i aku nei au ia oukou, e aho no ka hewa ana o lakou i ko oukou ma ka la e hookolokolo ai, ke noho oukon iloko o ko oukou mau hewa: he oiaio, e aho no hoi lakou ia oukou, ma keia ola ana, ke mili ole oukou, no ka mea, na nui na olelo hoopomaikai i o ia i ko Lamana poe: no ka mea, no na mooolelo o ko lakou poe kupuna lakou i noho ai i ko lakou noho naaupo ana; nolaila, e aloha ae no ka Haku ia lakou, a e hooliohi ae i ko lakou ola ma ka aina. A ma kekahi manawa e lawcia mai lakou e manaoio i kana olelo, a e ike i ka pololci ole o na mooolelo a ko lakou poe kupuna; a e hoolaia he nui wale o lakou, no ka mea, e aloha mai no ka Haku i ka poe a pau i kaheia aku i kona inoa. Aka hoi, ke i aku nei au ia oukou, ina e hoomau aku oukou ma ka oukou hana hewa, aole loa e hooliohiia ko oukou mau la ma ka aina, no ka mea, e hoounaia mai auanei ko Lamana poe maluna o oukou; a ke mili ole oukou, e hele mai lakou i kahi manawa a oukou e ike ole ai, a e hoopaiia oukou me ka luku loa ia'na; a e like ia me ka inaina wela o ka Haku; no ka mea, aole oia e ae mai ia oukou e noho iloko o ka oukou mau hala, e luku mai ai i kona poe kanaka. Ke i aku nei au ia oukou, Aole; ua oi aku ka makemake ona e hookuu mai i ko Lamana poe e luku mai i keia poc kanaka a pau, ka poe i kapaia ka poe kanaka o Nepai, ina he mea e hiki ai ia lakou ke haule iloko o na hewa a me na hala, mahope iho o ka loaa ana ka malamalama a nui me neia, a me ka ike a nui me neia, i haawilia mai ia lakou e ka Haku ko lakou Akua; he oiaio, mahope iho o ka lilo ana i lahui hoopomaikai nui loa ia mai me neia e ka Haku; he oiaio, mahope iho o ka hoopomaikai loa ia'na mamua o na aupuni, o na ohana, o na olelo, a o na lahuikanaka e ae a pau: mahope iho o ka hoikeia'na mai o na mea a pau ia lakou, e like me ko lakou make-make, a me ko lakou manaoio, a me ka lakou pule, o na mea i hala, a me na mea i neia wa, a e hiki mai ana; i alakaiia'i e ka Uhane o ke Akua; i kamailio pu ai me na anela, a i oleloia mai ai e ka leo o ka Haku; a i loaa ai ka haawina o ka wanana, a me ka Uhane o ka hoikeana, a me na haawina he nui hoi: o ka haawina o ka olelo ana ma na olelo e, a me ka haawina o ka hai olelo, a me ka haawina o ka Uhane Hemolele, a me ka haawina o ka unuhi olelo ana; he oiaio, a mahope iho o ka hoopakeleia'na mailoko mai o ka aina o Ierusalem e ke Akua, ma ka lima o ka Haku; i hoolaia i ka wi, a i ka mai, a i na eha a pau o kela ano o keia ano; a ua hoomahua-hua ikaika ia mai ma ke kaua, i luku ole ia'i lakou; i laweia mai ai mai-loko mai o ka noho luhi ana ia manawa aku ia manawa aku, a i malamaiia

a i hoolaia a hiki i keia manawa; a ua hoomaikaiia lakou a waiwai loa ma kela ano keia ano o na mea a pau.

3. Ano, ke i aku nei au ia oukou, ina e hana hewa keia poe kanake, ka poe i loaa'i an mea pomaikai a nui loa me neia mai ka lima mai o ka Haku, me ke ku e i ka malamalama a me ka ike a lakou i loaa'i: ke i aku nei au ia oukou, ina peia ka hana; ina e haule lakou iloko o ka hewa, e aho loa no ko Lamana poe ia lakou. No ka mea hoi, ua o ia mai na olelo pomaikai a ka Haku i ko Lamana poe, aka, aole na mau mea nei ia oukou, ke lawehala oukou: no ka mea, aole anei ka Haku i olelo paa mai a i hoholo naue ole ae, ina e kipi aku oukou ia ia, e luku loa ia auanei oukou mai ke alo aku o ka honua? Ano, no keia mea, i ole ai oukou e lukuia, ua hoouna mai ka Haku i kona anela e ike i na mea he nui o kona poe kanaaka, e hai ana ia lakou, e hele aku no lakou a e kah ea ikaika aki i keia poe kanaka, i ka i ana, E mihi oukou, no ka mea, ua kokoke mai ke aupuni o ka lani: aole nui na la ma keia hope aku, e hele mai ke Keiki a ke Akua ma kona nani; a o kona nani o ka nani auanei ia o ka hanaukahia o ka Makua, piha i ka lokomaikai, i ka pololei a oiaio, piha i ke ahonui, i ke aloha, a me ka hoomanawanui, hikiwawe e hoolohe i na kabea ana a kona poe kanaka, a e haawi mai e like me ka lakou pule. A, aia hoi, ke hele mai la oia e hoolapanai mai i ka poe a pau e bapetizoia i ka mihi, ma o ka manaoio la ma kona inoa; nolaila, ea, e hoomakaukau oukou i ke ala o ka Haku, no ka mea, ua kokoke mai ka manawa e ohi ai na kanaka a pau i ka uku o ka lakou mau hana, e like me ke ano o ka lakou hana: ina he pono ua mau hana la, e ohi auanei lakou i ke ola no ko lakou poe uhane, e like me ka mana a me ka hoopakale ana o Iesu Kristo; a ina he ino ua mau hana la, e ohi no auanei lakou i ka poino no ko lakou poe uhane, e like me ka mana a me ka hoopio ana o ka diabolo. Ano hoi, o ka leo o ka anela keia, e kahea aku ana i na kanaka. Ano, e ko'u poe hoahanau alohaia, no ka mea, o ko'u poe hoahanau oukou, a e alohaia oukou e pono ai, a e hua mai hoi oukou i na hana i ku i ka mihi e pono ai, i ka ike ana ua hoopaakiki loa ia ko oukou mau, naau e ka e i ka olelo a ke Akua, a i ka ike ana hoi he poe kanaka lilo a haule oukou.

4. Ano, eia kekahia, i ka wa a'u, a Alama, i olelo aku ai i ua mau olelo nei, aia hoi, huhu iho la na kanaka ia'u, no ka'u i ana'e ia lakou, he poe kanaka naau paakiki a ai ooolea lakou; a no ka'u i ana'e hoi ia lakou, he poe kanaka lilo a haule lakou, ua huhu mai lakou ia'u, a imi iho la e kau mai i ko lakou mau lima maluna iho o'u, e hiki ia lakou ke hoolei mai ia'u iloko o ka halepaahao; aka aole i ae mai la ka Haku ia lakou e lawe mai ia'u ia manawa, a e hoolei mai ia'u iloko o ka halepaahao.

5. A eia kekahia, hele ae la o Amuleka a ku iho la, a hoomakae la e ehai olelo aku ia lakou no hoi. Ano, aole i palapalaia na olelo a pau a Amuleka; he hapa nae o kana mau olelo ka i palapalaia iloko o keia buke.

MOKUNA VIII.

1. A no, eia na olelo a Amuleka i hai aku ai i ka poe kanaka iloko o ka aina o Amoniha, i ka i ana: Owau no o Amuleka; a o ke keiki wau a Gidona, oia no ke keiki a Isemaela, oia no kekahia mamo na Aminadi: a ua Aminadi la no nana i hoakaka mai i ke ano o ka palapala ana maluna o ka paia o ka luakini, i kakauia'i e ka lima o ke Akua. A he mamo o Aminadi na Nepai, oia no ke keiki a Lehi, ka mea i hele mai mailoko mai o ka aina o Ierusalem, he mamo oia no na Manase, ke keiki a Iosepa, ka mea i kuaia iloko o Aigupita ma na lima o kona poe hoahanaau. A, aia hoi, he kanaka kaulana no hoi au mawaena o ka poe a pau i ike mai ia'u; he oiaio hoi, a ua nui ko'u hanaua a me na makamaka, a ua loaa ia'u ka waiwai nui ma ka'u mau hana mau; aka hoi, me keia nae a pau, aole au i ike nui i na aoao o ka Haku, a me kona mau mea pohihahi a me kona mana kupanaha. Ua i aku au aole au i ike nui i keia mau mea; aka hoi, ua kuhihewa au, no ka mea, ua ike nui au i kona mau mea pohihahi a me kona mana kupanaha; he oiaio, ma ka hoola ana i na ola o keia poe kanaka; ua hoopakiki nae au i kuu naau, no ka mea, ua kaheia mai au i na manawa he nui, aole au i hoolohe; nolaila, ua ike au no keia mau mea, aole nae au i makemake e ike; nolaila, hele aku la au e kipi ana i ke Akua, ma ka hewa o ko'u naau, a liki aku i ka la cha o keia malama ehiku nei, oia no iloko o ka makahiki umi o ke au o na Lunakanawai. Me a'u i hele aku ai e ike i kekahia hoahanau pili loa, aia hoi, ikeah kekahia anela o ka Haku e au, a i mai la ia, E Amuleka, e hoi aku oe i kou hale iho, no ka mea, nau e hanai i kekahia kaula o ka Haku; he oiaio, he kanaka hemolele, oia no he kanaka i wacia e ke Akua; no ka mea, ua hooke ai oia i na la he nui no na hewa o keia poe kanaka, a ua pololi oia, a nau e hookipa ai ia ia iloko o kou hale a e hanai ia ia, a nana e hoopomaikai ia oe a me kou hale; a e kau mai ka pomaikai o ka Haku maluna ou a me kon hale.

2. A eia kekahia, hoolohe iho la au i ka leo o ka anela, a hoi aku la i ko'u hale. A ia'u e hele aku ai ilaila, loaa iho la ia'u ke kanaka a ka anela i i mai ai ia'u, Nau e hookipa iloko o kou hale; a aia hoi, oia no ua kanaka la nana i olelo ae nei ia oukou no na mea o ke Akua. A i mai la ka anela ia'u, He kanaka hemolele ia; nolaila, ua ike au he kanaka hemolele no ia, no ka mea, ua oleloia e kahi anela o ke Akua. A eia hou, ua ike au o na mea ana i hoike mai ai, he oiaio ia mau mea: no ka mea, ke i aku nei au ia oukou, ma ke ola ana o ka Haku, pela oia i hoouna mai ai i kona anela e hoike mai i ua mau mea nei ia'u; a o keia kana i hana mai ai oiai e noho ana ua Alama nei ma ko'u hale; no ka mea, ua hoopomaikai oia i ko'u hale, ua hoopomaikai mai oia ia'u, i ko'u mau wahine, a i ka'u mau keiki, a i ko'u makuakane, a i ko'u poe hanaua; he oiaio, o ko'u hanaua a pau kana i hoopomaikai ai, a ua kau mai ka pomaikai o ka Haku maluna o makou e like me na olelo ana i olelo mai ai.

3. Ano, ia Amulcka i olelo mai ai i keia mau olelo, hoomaka na kanaka e kahaha, i ka ike ana ua nui ae mamua o ka hoike hookahi, e hoike ana no na mea o lakou i hoohewaia'i, a no na mea hoi e hiki mai ana, e like me ka Uhane o ka wanana iloko o laua; aka hoi, aia no kekahia poe mawaena o lakou e manaō ana e niele ai ia laua, e hiki ia lakou ma ko lakou mau manao maalea ke hoohihia mai ia laua ma ka laua mau olelo, e hiki ia lakou ke loaa ka mea hoike ku e ia laua, e hiki ia lakou ke haawi aku ia laua i ko lakou mau lunakanawai, e hookolokoloia laua e like me ke kanawai, a e pepehiia laua a make, a i ole ia e hooleiia iloko o ka halepaahao, e like me ka hewa i hiki ia lakou ke hoakaka mai, a e hoike ku e mai ia laua. Ano, o ua poe kanaka la ka poe e imi ana e pepehi ia lana, he poe loio lakou, i hoolimalimaia, a i wacia e na kanaka e lawelawe i ke kanawai ma ko lakou wa e hookolokolo ai, a ma na hookolokolo o na hewa o na kanaka, imua o na lunakanawai. Ano, ua aoia ua poe loio nei ma na mea akamai a maalea a pau o na kanaka; a o keia mea e kokua ia lakou e hiki ke lilo i poe noiau ma ka lakou oihana. A eia kekahia, hoomaka ae la lakou e niele ia Amulcka, e hiki ia lakou ma ia mea ke hoolilo ia ia i mea ku e i kana olelo iho, a e hoole aku paha i na olelo ana e olelo ai.

4. Ano, aole lakou i ike ua hiki ia Amuleka ke ike i ko lakou mau manao. Aka ia lakou i hoomaka ai e niele mai ia ia, ike iho la oia i ko lakou mau manao, a i aku la oia ia lakou, Auwe oukou, e ka hanauna ino a kekee; e na loio a me na hookamani: no ka mea, e hoomakaukau ana oukou i na kahua o ka diabolo; no ka mea, e hoomakaukau ana oukou i na pahele a me na hei e pahele ai na mea hemolele o ke Akua; e hoomakaukau ana oukou i na manao e kapae ae i na aao o ka poe pono, a e hoohaule mai i ka inaina o ke Akua maluna iho o ko oukou mau poo, a hiki i ka luku loa ia'na o keia poe kanaka; he oiaio, pono ka Mosia i olelo mai ai, oia no ko kakou Alii hope, ia ia i manao ai e haawi aku i ke aupuni, no ka mea ole ona e hooili ai ia maluna, e kauoba ana e hoomaluia keia poe kanaka e ko lakou mau leo iho; he oiaio, pono kana i olelo mai ai, ina e hiki mai ka manawa na ka leo o keia poe kanaka e koho aku i ka hewa; me neia, ina e hiki mai ka manawa e haule keia poe kanaka iloko o ka hala, alaila, e oo no lakou no ka lukuia'na. Ano, ke i aku nei au ia oukou, ua pono ko ka Haku hookolokolo ana i ka oukou mau hala; ua pono kana kahea ana i kona poe kanaka, me ka leo o kona poe anela, E mihi oukou, e mihi, no ka mea, ua kokoke mai ke aupuni o ka lani. He oiaio, pono kana hea ana, ma ka leo o kona poe anela, E iho aku au mawaena o ko'u poe kanaka, me ka pololei a hoopai iloko o ko'u mau lima. He oiaio, a ke i aku nei au ia oukou, ina aole no na pule a ka poe pono, e noho la ma ka aina, e hoopaiia oukou ano me ka luku loa ia'na; aole nae ia e ke kaiakahinalii, me na kanaka ma na la o Noa, aka, e ka wi, e ke ahulau, a e ka pahikaua. Aka, ma o na pule la a ka poe pono oukou i hoolaia'i, ano, ina e hoolei mai oukou i ka poe pono maiwaena ae o oukou, alaila, aole e hooki ka Haku i kona lima, aka e hele mai oia ma kona

inaina wela e ku e ia oukou; alaila, e hahauia oukou e ka wi, a e ke ahulau, a e ka pahikaua; a ua kokoke mai ka manawa, ke mihi ole oukou.

5. Ano, eia kekahī, ua hahu nui aku na kanaka ia Amuleka, a kahea mai la lakou me ka i ana: Ke hoino mai nei keia kanaka i ko kakou mau kanawai, a he pololei ia mau mea, a i ko kakou poe loio naanao no hoi a makou i wae ai. Aka, oaku la o Amuleka i kona lima, a kahea ikaika nui ae ia lakou, i ka i ana: E ka hananna ino a kekee; no ke aha i loaa'i ia Satana ka mana nui me neia maluna o ko oukou mau naau? No ke aha la oukou e hooknu aku ai ia oukou iho i hiki ia ia ke loaa ka mana maluna o oukou, e hoomakapo i ko oukou mau maka, i hoomaopopo ole ai oukou i na olelo i oleloia'i, e like me ka oiaio o ia mau mea? No ka mea hoi, ua hoike ku e anei au i ko oukou mau kanawai? Ke hoomaopopo ole nei oukou; ke i mai nei oukou ua olelo ku e au i ko oukou kanawai; aka aole pela; aka ua olelo aku au ma ka aoao o ko oukou kanawai, i ko oukou hoochewaia'na. A, ano hoi, ke i aku nei au ia oukou, e hoomaka ana ke kahua e hookumuia'i no ka lukuia'na o keia poe kanaka ma ka pono ole o ko oukou poe loio a me ko oukou poe lunakanawai.

6. Ano, eia kekahī, ia Amuleka i olelo mai ai i keia mau olelo, kahea ku e mai la na kanaka ia ia, i ka i ana, Ano, ke ike nei kakou he keiki ua kanaka nei no ka diabolo, no ka mea, ua wahahēe mai oia ia kakou; no ka mea, ua olelo ku e mai i ko kakou kanawai. Ano, ke i mai nei oia aole oia i olelo ku e mai ia mea. A eia hou: ua hoino mai i ko kakou poe loio, a me ko kakou poe lunakanawai, a ia mea aku ia mea aku. A na na loio i hookomo iloko o ko lakou mau uaau i hoomanao ai lakou i ua mau mea nei me ke ku e ia ia. A aia kekahī mea mawaena o lakou o Zezeroma kona inoa. Ano o ka mea mua oia e hoochewa'i ia Amuleka laua me Alama, oia no kekahī mea akamai loa mawaena o lakou, ia ia ka hana he nui e hana'i mawaena o na kanaka. Ano, o ka makemake o ua poe loio nei oia no e loaa'i ka uku: a loaa no ia lakou ka uku e like me ko lakou hoolimalima.

7. Ano, aia no ma ke kanawai o Mosia o kela kanaka keia kanaka i luna ma ke kanawai; a oia hoi ka poe i waeia i poe lunakanawai, e loaa no ia lakou ka uku e like me ka manawa a lakou i hana'i e hookolokolo i ka poe i lawcia'i imua o lakou e hookolokoloia.

8. Ano, ina ua aie kekahī kanaka ia hai, a, aole oia e hookaa i kona mea aie, alaila, ua hoopiiia oia i ka lunakanawai; a na ka lunakanawai i hana aku, a i kena aku i na ilamuku e laweia mai ke kanaka imua ona; a hookolokolo aku oia i ua kanaka la mamuli o ke kanawai a me na hoike i lawe ku e ia mai ia ia, a pela e koiia'i ua kanaka la e hookaa aku i kona aie, a i ole ia, e haioa, a i ole ia, e hookukcia'ku maiwaena aku o na kanaka, me he aihue la a me ka powa. A loaa iho la i ka lunakanawai no kona uku e like me kona manawa: he senine o ke gula no ka la hookahi, a i ole ia, he senuma o ke kala, ua like pu ia me kekahī senine o ke gula; a ua like keia me ke kanawai i haawia mai ai. Ano, eia na inoa o kela

apana o keia apana o ko lakou gula, a o ko lakou kala, e like me ka nui o ia mau mea. A ua haawia na inoa e ko Nepai poe: no ka mea, aole lakou i helu mamuli o ka poe Iudaio ma Ierusalem; aole hoi lakou i ana mamuli o ke ano o ka poe Iudaio, aka hoololi lakou i ko lakou helu ana a me ko lakou ana ana, mamuli o na manao a me ka noho ana o na kanaka, i kela hanauna i keia hanauna, a hiki aku i ke au o na Lunakanawai; a ua hoonohonohoia ua mau mea nei e ke Alii Mosia. Ano, penei ka helu ana: he senine o ke gula, he seona o ke gula, he suma o ke gula, a he limina o ke gula. He senuma o ke kala, he amanora o ke kala, he ezaroma o ke kala, a he onati o ke kala. He senuma o ke kala ua like pu ia me kekahih senine o ke gula: a o kela a o keia no kekahih busela o ka bale, a no kekahih busela o kela ano keia ano o na hua liili. Ano, o ka nui o kekahih seona o ke gula, ua palua ia i ka nui o kekahih senine; a he suma o ke gula, ua palua ia i ka nui o kekahih seona; a ua like ka nui o ka limina o ke gula me ko lakou nei a pau; a ua like ka nui o kahi amanora o ke kala me ko na senuma elua; a ua like ka nui o kekahih ezaroma o ke kala me ko na senuma eha; a ua like ka nui o kekahih onati me ko lakou nei a pau. Ano, eia no ka nui o na mea uuku o ko lakou helu ana: O kahi sibalona he hapalua ia o kahi senuma: nolaila, hookahi sibalona no ka hapalua o ka busela hookahi o ka bale; a o kahi sibaluma he hapalua ia o ka sibalona: a o kahi lea o ka hapalua ia o ka sibaluma. Ano, oia no ko lakou helu, mamuli o ko lakou helu ana. Ano, ua like pu kahi anationa o ke gula me na subalona ekolu.

9. Ano, no ka manao wale no e loaa ka uku, no ka mea, loaa iho la ia lakou ko lakou uku e like me ka lakou hana; nolaila lakou i kookonokono ai i na kanaka e uhuhau'i, a i kela ano i keia ano o ka haunaele a me ka hewa, i nui aku ai ka lakou hana; e hiki ia lakou ke loaa ke kala e like me na hihia i laweia mai ai imua o lakou: nolaila, hooeueu ae la lakou i na kanaka e ku e ia Alama laua me Amuleka. A hoomaka ua Zezeroma nei e niele ia Amuleka, i ka i ana: Ea, e pane mai anei oe ia'u i mau wahie niele a'u e niele aku ai ia oe? Ano, he kanaka akamai o Zezeroma ma na manao maalea o ka diabolo, i hiki ia ia ke hoopau i ka mea i pono; nolaila, i mai ai oia ia Amuleka, E pane mai anei oe i na niele a'u e ninai aku ai ia oe? A iaku la o Amuleka ia ia, Ae, ina e like ia me ka Uhane o ka Haku iloko o'u; no ka mea, aole au e olclo aku i kekahih mea i ku e i ka Uhane o ka Haku. A i mai la o Zezeroma ia ia, Eia hoi na onati kala eono, a o ua mau mea nei a pau ka'u e haawi aku ai ia oe, ina e hoole mai oe i ke ola ana o ka Mea Kiekie loa. Ano, iaku la o Amuleka, Auwe oe, e ke keiki o Gehena, no ke aha la oe e hoowalewale mai nei ia'u? Aole anei oe i ike-e ae ole ana ka poe pono i na hoowalewale me neia? Ke manaoio nei anei oe aole he Akua? Ke iaku nei au ia oe, aole: ua ike oe aia no he Akua, aka ke aloha nui loa aku nei oe i ua kala la mamua ia ia. Ano, ua wahahhee mai oe imua o ke Akua ia'u. I mai la oe ia'u, Eia hoi ua mau onati cono nei, he nui ko lakou maikai, na'u

e haawi ia oe, i ka wa au i manao ai iloko o kou naau e ana i ua mau mea la ia'u; a o kou makemake wale no na'u e hoole aku i ke Akua oiaio a ola, i loaa'i ia oe ke kumu e hoopoino mai ia'u. A, ano hoi, no keia hewa nui e loaa auanei ia oe kou uku. A i mai la o Zezeroma ia ia, Ke i mai nei anei oe aia no he Akua oiaio a ola? A iaku la o Amuleka, Ae, aia no he Akua oiaio a ola. Ano, i mai la o Zezeroma, He nui aku anei na 'kua mamua o ke Akua hookahi? A pane aku la oia, Aole. Ano, i hou mai la o Zezeroma ia ia, Pehe la oe i ike ai i ua mau mea nei? A iaku la oia, Ua hoike mai la kckahi anela i ua mau mea nei ia'u. A i hou mai la o Zezeroma ia ia, Owai la ka mea e hele mai auanei? O ke Keiki anei ia a ke Akua? A iaku la oia ia ia, Ae. A i hou mai la o Zezeroma, E hoola anei oia i kona poe kanaka iloko o ko lakou mau hala? A iaku la o Amuleka ia ia, Ke iaku nei au ia oe, aole loa, no ka mea, he mea hiki ole ia ia ke hoole mai i kana olelo.

10. Ano, i ae la o Zezeroma i na kanaka, e hoomanao oukou i keia mau mea; no ka mea, i mai la oia aia hookahi Akua wale no; aka, ke i mai nei nae oia e hele mai auanei ke Keiki a ke Akua, aole nae oia e hoola mai i kona poe kanaka, me he mea la no ia nei ka mana e kanoha aku i ke Akua. Ano, iaku la o Amuleka ia ia, Aia hoi, ua wahahée oe, no ka mea, ke i mai nei oe ua olelo aku au me he mea la, no'u ka mana e kauoha aku i ke Akua, no kuu i ana'ku aole oia e hoola i kona poe kanaka iloko o ko lakou mau hala. A ke i hou aku nei au ia oe, aole e hiki ia ia ke hoola mai ia lakou iloko o ko lakou mau hala: no ka mea, aole i hiki ia'u ke hoole aku i kana olelo, a ua i mai oia aole e hiki i kekabi mea paumaelo ke loaa ke aupuni o ka lani; nolaila, pehea la oukou e hoolai'a'i, ke loaa ole ia oukou ke aupuni o ka lani? Nolaila, aole e hiki ia oukou ke hoolaia iloko o ka oukou mau hala. Ano, i hou mai la o Zezeroma ia ia, O ke Keiki a ke Akua o ka Makua mau loa anei ia? A iaku la o Amuleka ia ia, Ae, o ka Makua mau loa io oia o ka lani a o ka honua, a me na mea a pau i piha'i; oia no ke kumu a o ka welau, o ka mua a o ka hope; a e hele mai auanei oia iloko o ke ao nei e hoolapanai mai i kona poe kanaka; a e lawe oia maluna iho ona i na hala o ka poe i manaoio ma kona inoa; a o lakou nei no ka poe e loaa'i auanei ke ola mau loa, e hele ole mai ana ke ola i kekahi poe e ae; nolaila, e waiho ana ka poe hewa me he mea la aole hoolapanai ana i hanaia mai, eia wale no ma ka hookuu ana mai i na apo o ka make; no ka mea, e hele mai ana ka la e ala na kanaka a pau mai ka make mai, a e ku imua o ke Akua, a e hookolokoloia e like me ka lakou mau hana. Ano, aia no he make i kapaia he make kino: a e hookuu mai auanei ka make ana o Kristo i na apo o ua make kino nei, i hoalai'a'i na mea a pau mai ua make kino nei; o ka uhane a me ke kino e hui pu hou ia auanei, ma kona ano maoli: e hoihoi hou ia ka lala a me ke ami hoi i kona wahi ponoi, e like me kakou e noho nei i keia manawawa; a e kaiia e ku imua o ke Akua, e ike ana me kakou e ike nei, a me ka loemanao hiki wawe i ko kakou mau hewa a pau. Ano, e

hiki mai keia hoihoi hou ana i na mea a pau, o ka poe kahiko a me ka poe hou, o ka poe paa a me ka poe paa ole, o ka poe kane a me ka poe wahine, o ka poe hewa a me ka poe pono; a, aole i lilo ae kekahia mea uuku loa me he lauoho la o ko lakou mau poo; aka e hoihoi hou ia na mea a pau i kona wahi ponoi, me ia i keia manawa, ma ke kino, a e kaiia a e hookuia imua o ka noho hookolokolo o Kristo ke Keiki, a me ke Akua ka Makua, a me ka Uhane Hemolele, oia ke Akua mau loa hookahi, e hookolokoloia e like me ka lakou 'mau hana, ina paha he maikai, ina paha he ino.

11. Ano hoi, ua olelo aku au ia oukou no ka make o ke kino make, a no ke alahouana o ke kino make. Ke i aku nei au ia oe, ua hookiekieia ua kino make nei i kahi kino make ole; oia no mai ka make mai; mai ka make mua mai hoi, i ke ola, i hiki ole ai ia lakou ke make hou; e hui ana ko lakou poe uhane me ko lakou poe kino, e hookaawale hou ole ia; pela ia mea a pau i lilo ai i kino uhane a i make ole, i hiki ole ai ia lakou ke ike hou i ka palaho.

12. Ano, ia Amuleka i pau ai i ua mau olelo nei, hoomaka hou ae la na kanaka e kahaha, a hoomaka hoi o Zezeroma e haalulu. A pela i pau ai na olelo a Amuleka, a o keia na mea a pau a'u i palapala'i.

MOKUNA IX.

1. Ano, i ko Alama ike ana ua paa o Zezeroma i na olelo a Amuleka, no ka mea, ike aku la oia ua loaa oia ia Amuleka i kona wahahnee ana a hoopunipuni ana, e hoopoino ia ia, a e ike ana ua hoomaka oia e haalulu ma ka ike ana i kona hewa, oaka aku la oia i kona waha a hoomaka ae la e olelo aku ia ia, a e hookupaa aku i na olelo a Amuleka, a e hoomao-popo i na mea nui aku, a e wehewehe nui loa aku i na palapala hemolele mamua o ka Amuleka i hana e ai. Ano, o na olelo a Alama i olelo aku ai ia Zezeroma, ua lohea e na kanaka a puni: no ka mea, ua nui loa ka lehu-lehu o kanaka, a olelo aku la oia penei: Ano, e Zezeroma, i ka ike ana ua loaa oe ma kou wahahnee ana a maalea, no ka mea, aole oe i wahahnee mai i kanaka wale no, aka ua wahahnee aku oe i ke Akua; no ka mea hoi, ke ike mai nei oia i na manao ou a pau; a ke ike mai nei oe ua hoikeia na manao ou ia maua e kona Uhane; a ke ike mai nei oe ua ike maua he manao maalea loa kou manao, ma ko ka maalea o ka diabolo, e wahahnee a e hoopunipuni i keia poe kanaka, i hiki ia oe ke hookue mai ia lakou ia maua, e hoino mai ia maua, a e hoolei mai ia maua mawaho. Ano, he manao keia o kou mea ku e, a ua hana mai la oia i kona mana iloko ou. Ano, ke makemake nei au e hoomanao oe o ka'u e olelo aku ai ia oe, o ka'u ia e olelo aku ai i na mea a pau. A, aia hoi, ke olelo aku nei au ia on-kou a pau, he pahele keia o ka mea ku e, ana i hoomakaukan ai e hoop-

hele i ua poe kanaka nei, e hiki ia ia ke lawe ia oukou iloko o ka noho kauwa ana malalo iho ona, e hiki ia ia ke hoopuni ia oukou me kona mau kaulahao a puni, e hiki ia ia ke hoopaa aku ia oukou ilalo i ka make mau loa, e like me ka mana o kona noho pio ana.

2. Ano, ia Alama i olelo mai ai i keia mau olelo, hoomaka ae la o Zezeroma e haalulu nui loa aku, no ka mea, au hoomaopopo nui loa ia, a nui loa aku no ka mana o ke Akua; a ua hoomaopopoia no hoi oia he ike ko Alama laua me Amuleka ia ia, no ka mea, ua hoomaopopoia oia ua ike laua i na manao a me na makemake o kona naau: no ka mea, ua haawiai mai ka mana ia laua i hiki ia laua ke ike i keia mau mea, e like me ka Uhane o ka wanana. A hoomaka o Zezeroma e ninau ikaika ia laua, e hiki ia ia ke ike hou no ke aupuni o ke Akua. A i mai la oia ia Alama, Heaha la ke ano o keia mea a Amuleka i olelo mai ai no ke alahouana o ka poe make, i ala'i ananei na mea a pau mai ka make mai, o ka poe pono a me ka poe pono ole, a e kaiia e ku imua o ke Akua, e hookolokoloia e like me ka lakou mau hana? Ano, hoomaka ae la o Alama e hoakaka i ua mau mea nei ia ia, i ka i ana, Ua haawiai mai i na mea he nui e ike i na mea pohihahi o ke Akua; malalo iho nae lakou o kekahi kauoha ikai-ka, i ole ai lakou e haawi aku e like wale no me ka hapa o kana olelo, ana i haawi mai ai i na keiki a kanaka; e like me ka malama ana a me ka hoolohe ana o lakou ia ia; a nolaila la, o ka mea nana e hoopaakiki i kona naau, oia ke loaa'i ka hapa uuku o ka olelo: a o ka mea nana e hoopaakiki ole i kona naau, ua haawiai ia ia ka hapa nui ae o ka olelo, a hiki i ka wa e haawiai ia ia e ike i na mea pohihahi o ke Akua, a hiki aku ia lakou ke ike paka i ua mau mea nei a pau; a o ka poe nana e hoopaakiki i ko lakou mau naau, ia lakou i haawia'i ka hapa uuku o ka olelo, a hikiaku lakou i ka ike ole no na mea pohihahi ona: alaila ua lawe pio ia lakou e ka diabolo, a alakaiia e kona makemake ilalo i ka make. Ano, oia no ka mea i manaoia ma na kaulahao o Gehena; a ua olelo akaka mai o Amuleka no ka make, a no ka hookiekie'a mai ua make nei mai i ka noho make ole ana, a e laweia imua o ka noho hookolokolo o ke Akua, e hookolokoloia e like me ka kakou mau hana. Alaila, ina ua hoopaakiki ko kakou mau naau, he oiaio, ina ua hoopaakiki kakou i ko kakou mau naau e ku e i kana olelo, i loaa ole ai ia mea iloko o kakou, alaila he weliweli loa ko kakou noho ana, no ka mea, alaila e hoohewaia'i kakou: no ka mea, na ka kakou mau olelo kakou e hoohewa mai, he oiaio, na ka kakou mau hana a pau kakou e hoohewa mai; aole kakou e loaa kina ole ia; a na ko kakou mau manao no hoi kakou e hoohewa; a ma keia noho weliweli loa ana, aole kakou e aa aku e nana ae iluna i ko kakou Akua; a e hanoli no kakou ina ua hiki ia kakou ke kena i na pohaku a me na kuahiwi e haule mai maluna iho o kakou, a e uhi mai ia kakou mai kona alo ae. Aka, ua hiki ole keia; e hele aku kakou e pono ai a e ku imua ona iloko o kona nani, a iloko o kona mana, a iloko o kona ikaika, a hanohano, a hoomalu ana, a e ae aku i ko kakou hilahila mau loa aku, ua

pololei kona mau hoopai a pau; a ua pololei hoi oia i kana mau hana a paū, a ua aloha oia i na keiki a kanaka, a ia ia no ka mana a pau e hoola i kela kanaka i keia kanaka e manaoio ana ma kona inoa, a e hoohua mai ana i ka hua ku i ka mihi.

3. Ano hoi, ke i aku nei au ia oukou, alaila e hele mai ana kahi make, oia, he make lua, a he make uhane ia; alaila oia ka manawa o ka mea e make ana iloko o kona mau hewa, ma ka make ana ma ke kino, e make no auanei oia i kahi make uhane; he oiaio, e make no oia ma na mea e pili ana i ka pono; alaila, oia ka manawa e like ko lakou ehaeha me he loko anī la a me ke kukae pele, a o kona lapalapa e pii ana ia ia ao aku ia ao aku; alaila oia ka manawa e hoopaaia lakou ilalo i ka make mau loa ana, e like me ka mana a me ka noho pio ana o ka Satana; ua hookauwa aku oia ia lakou e like me kona makemake. Alaila, ke i aku nei au ia oe, me he mea la lakou aole hoolapanai i hanaiā'i; no ka mea, aole e hiki ia lakou ke hoolapanaiia mamuli o ko ke Akua hoopono; aole hoi e hiki ia lakou ke make, no ka mea, aole he palaho hoa.

4. Ano, eia kekahī, ia Alama i pau ai i ka olelo ana i ua mau olelo nei, hoomaka ae la na kanaka e kalaha nui loa aku; aka, malaila kekahī mea, o Anationa, he luna nui oia mawaena o lakou, hele mai la oia a i mai la ia ia, Heaha keia au i olelo mai ai, e ala anei ke kanaka mai ka make mai, a e hooliloia mai ua make nei i ka noho make ole ana, i ole ai e hiki i ka uhane ke make? Heaha ke ano o ka palapala hemolele, i ka i ana, Hoonoho iho la ke Akua i na Kerubima, a me ka pahi wakawaka ma ka hikina o ka mahinaai o Edena, o komo ko kakou mau kupuna mua a ai i ka hua o ka laau ola, a ola mau loa aku? A pela kakou i ike ai aole loa he mea hiki ia lakou ke ola mau loa. Ano, iaku la o Alama ia ia, Oia no ka mea a'u i manao iho ai e hoomaopopo. Ano, ke ike nei kakou haule iho la o Adamu ma kona ai ana i ka hua i papaia, e like me ka olelo a ke Akua; a pela kakou i ike ai, ma kona haule ana, lilo iho la na kanaka a pau i poe lilo a haule. Aia hoi, ke iaku nei au ia oukou, ina he mea hiki ia Adamu ke ai i ka hua o ka laau ola ia manawa, ina aole he make, a ua lilo ka olelo i mea ole, e hoolilo ana i ke Akua i mea wahahēe: no ka mea, i mai la oia, Ina e ai oe, he oiaio no e make oe. A ke ike nei kakou ke hele mai la ka make maluna o na kanaka, he oiaio, o ka make i oleloia'i e Amuleka, oia no ka make kino; ua haawiiia mai nae i kekahī wa i kanaka, e hiki ia ia iloko o ua wa la ke mihi; nolaila, lilo iho la keia ola ana i noho hoao ana; he manawa e hoomakaukau ai e halawai pu me ke Akua; he manawa e hoomakaukau ai no ua noho pau ole ana la, i oleloia'ku ai e maua, oia no mahope aku o ke alahouana o ka poe make.

5. Ano, ina aole no ka manao hoolapanai, i hookumuia'i mai ka hookumuia'na mai o ke ao nei, ina aole loa he alahouana o ka poe make; aka, aia no he kumumanao hoolapanai i hookumuia'i, oia no ke lawe mai auanei i ke alahouana o ka poe make, i oleloia'i. Ano hoi, ina ua hiki i ko kakou mau kupuna mua ke hele aku a ai i ka hua o ka laau ola, ina ua

poino mau loa laua, me kahi ole e hoomakaukau ai; a pela e hooliloia'i ke kumumanao hoolapanai i mea ole, a o ka olelo a ke Akua hoi i mea ole, aole ia e ko. Aka hoi, aole ia pela; aka ua hookauia mai i kanaka e make lakou e pono ai; a mahopeaku o ka make, e hele aku lakou i ka hookolokolo e pono ai; oia ua hookolokolo hookahi la a maua i olelo aku ai, oia no ka hopena. A mahope iho o ko ke Akua hookau ana i ua mau mea nei e hiki mai ai i kanaka, aia hoi, alaila ike aku la oia, he mea pono e ike ke kanaka no na mea ana i hookau mai ai ia lakou; nolaila, nana i hoouna mai la i na anela e kamailio pu me lakou, a ma o lakou la na kanaka i ike ai no kona nani. A hoomaka ae la lakou ma ia manawa aku e kahea aku ma kona inoa; nolaila, kamailio mai la ke Akua me na kanaka, a hoike mai la ia lakou i ke kumumanao hoolapanai i hoomakaukauia'i mai ka hookumuia ana mai o ke ao nei; a o keia kana i hoike mai ai ia lakou e like me ko lakou manaoio a mihi, a me ka lakou mau hana hemolele; nolaila, haawi mai la oia i na kauoha i na kanaka, ua ae e ae la lakou maluna o na kauoha mua ma na mea o ke kino, a e lilo ana me he poe akua la, e ike ana i ka pono mai ka hewa ae, e hoonoho ana ia lakou iho ma kahi e hana'i, a i hoonohoia ma kahi e hana'i e like me na make-make a me na mea oluolu o lakou, ina paha e hana aku i ka ino, a ina paha e hana aku i ka maikai; nolaila, haawi mai la ke Akua ia lakou i na kauoha, mahope iho o ka hoike ana ia lakou i ke kumumanao hoolapanai, i ole ai lakou e hana i ka ino, o ka hoopai ana no ia mea oia no he make hua ana, he make mau loa ana ia ma na mea e pili ana i ka pono; no ka mea, aole loa he mana ko ke kumumanao hoolapanai maluna o ka poe me neia, no ka mea, aole i hiki ke hoopanua na hana o ka hoopai, e like me ka lokomaikai kiekie loa o ke Akua. Aka, kahea mai la ke Akua i na kanaka, ma ka inoa o kana Keiki, (oia no ke kumumanao hoolapanai i hookumuia'i,) i ka i ana: Ina oukou e mihi, a hoopaakiki ole i ko oukou mau naau, alaila, e alohaaku au ia oukou, ma o ka'u Keiki hanau-kahi la; nolaila, o ka mea e mihi ana, a e hoopaakiki ole ana i kona naau, e loaa ananei ia ia ke kuleana ma ke aloha ma o ka'u Keiki hanau-kahi la, i ke Kalajaina o kona mau hala; a o lakou nei no ka poe e komo ae iloko o ko'u maha. A o ka mea nana e hoopaakiki i kona naau, a e hana'i ka hewa, aia hoi, ua hoohiki au ma ko'u inaina aole loa oia e komo mai iloko o ko'u maha. Ano, e o'u poe hoahanau, aia hoi, ke i aku nei au ia oukou, ina e hoopaakiki oukou i ko oukou mau naau, aole loa oukou e komo ae iloko o ka maha o ka Haku; nolaila, e hoonaukiuki ana ko oukou mau hewa ia ia, a e hoouna mai ana oia i kona inaina maluna iho o oukou me ia ma kona hoonaukiuki mua ia'na, he oiaio, e like me kana olelo ma ka hoonaukiuki hope ia'na, me ia no hoi ma ka mua, i ka make loa ana o ko oukou poe uhane; nolaila, e like me kana olelo, i ka make hope ana, me ia no hoi i ka make mua ana.

6. Ano, e ko'u poe hoahanau, no ko kakou ike ana i ua mau mea nei, a he oiaio no ia mau mea, e mihi kakou, a e hoopaakiki ole i ko kakou

mau naau, i hoonaukiuki ole ai kakou i ka Haku, i ko kakou Akua, e huki mai i kona inaina maluna o kakou ma ka lua o kana mau kauoha ana, ana i haawi mai ai ia kakou; aka e komo aku kakou iloko o ka maha o ke Akua, i hoomakaukauia'i e like me kana olelo. A eia hou: e ko'u poe hoahanau, ke makemake nei au e kuhikubi aku i ko oukou mau naau imua, i ka manawa a ka Haku a ke Akua i haawi mai ai i ua mau kauoha nei i kana poe keiki; a ke makemake nei au e hoomanao oukou ua hoolilo mai ka Haku ke Akua i poe kahuna, mamuli o kona aoao hemolele, oia no mamuli o ka aoao o kana Keiki, e ao aku i ua mau mea nei i na kanaka; a ua hooliloia ua poe kahuna la mamuli o ka aoao o kana Keiki, ma kekahī ano i hiki ai i ka poe kanaka ma o ua mea la, ke ike i ke ano ku pono e nana imua i kana Keiki no ka hoolapanaiia'na. A eia no ke ano o ko lakou hooliloia'na: Ua kaheaja a hoomakaukauia mai mai ka hookumuia'na mai o ke ao nei, e like me ka ike mua ana o ke Akua, no ko lakou manaoio nui loa a me na hana maikai; ma ka mua ua waihoia e koho aku i ka maikai, a i ole ia, i ka ino; nolaila, o lakou ka i kohō aku i ka maikai, a e hooikaika ana me ka manaoio nui loa, ua kaheaja lakou me kahi oihana hoano, he oiaio, me kela oihana hoano i hoomakaukauia'i me kekahī hoolapanai hoomakaukau, a mamuli no hoi o ia mea, no ka poe e like me ia; a pela lakou i kaheaja'i i ua oihana hoano nei no ko lakou manaoio, oiai na mea e ae i hoomalau ai i ka Uhane o ke Akua no ka paakiki o ko lakou mau naau a me ka pouli o ko lakou hoomaopopo, oiai, ina aole no ia mea, ina ua hiki ia lakou ke loaa ka pomaikai nui e like me ko lakou poe hoahanau. No ka mea, mamua aia pu lakou ma kahi hookahī e ku ana me ko lakou poe hoahanau: pela i hoomakaukauia'i ua oihana hoano nei mai ka hookumuia'na mai o ke ao nei no ka poe i hoopaa-kiki ole i ko lakou mau naau, aia no ia iloko a ma o ke kalahala ana ia o ke Keiki hanau-kahi, oia ka i hoomakaukauia; a pela i kaheaja'i ma ua oihana hoano nei, a hooliloia i ka Oihana Kahuna Kiekie o ka aoao hoan, o ke Akua, e ao aku i kana mau kauoha i na keiki a kanaka, e hiki ne hoi ia lakou ke konio iloko o kona maha, a o keia Oihana Kiekie mamuli o ka aoao o kana Keiki, a o ua aoao la mai ka hookumuia'na mai ia o ke ao nei: a ma na olelo e, me ka makamua ole o na la aole hoi hopena no na makahiki, i hoomakaukauia mai ai ia ao aku ia ao aku a mau loa aku, e like me kona ike mua ana ma na mea a pau. Ano, ua hooliloia lakou mamuli o keia ano: Ua kaheaja me kekahī oihana hoano, a hooliloia nū kekahī kauoha hoano, a e lawe ana maluna o lakou i ka Oihana Kahuna Kiekie o ka aoao hemolele, a, o keia oihana hoano, a kauoha hoano, a Oihana Kahuna Kiekie, aole makamua aole hoi hopena; pela lakou i lie ai i poe Kahuna Kiekie no ka wa pa'ole, mamuli o ka aoao o ke Keiki, ka Hanau-Kahi a ka Makua, aole ona makamua o na la aole hoi hopena o na makahiki, a oia ka i piha i ka lokomaikai, i ka pololei a me ka oiaio. A pela io no. Amene.

MOKUNA X.

1. Ano, na olelo aku au no ka aoao hemolele o ua Oihana Kahuna Kiekie nei: a ua nui no ka poe i hooliloia a lilo ae i poe Kahuna Kiekie o ke Akua; a no ko lakou manaoio a mihi nui loa aku, a me ko lakou pono imua o ke Akua ia mea, e makemake loa ana lakou e mihi a e hana i ka pono mamua o ka make; nolaila, ua kaheiaia lakou mamuli o ua aoao hemolele nei, a ua hoomaemaeia, a ua holoia mai ko lakou mau aahu i keokeo, ma o ke koko la o ke Keikihipa. Ano, o keia poe, mahope iho o ka hoomaemaeia'na e ka Uhane Hemolele, me ko lakou mau aahu i holoi keokeo ia, a ua maemae a kina ole imua o ke Akua, aole i hiki ia lakou ke nana aku i ka hewa, ke ole me ka hoopailua; a ua nui loa ka poe i hoomaemaeia, a komo aku la iloko o ka maha o ka Haku, o ko lakou Akua. Ano, e ko'u poe hoahanau, ke makemake nei au ia oukou e hoohaahaa ia oukou iho imua o ke Akua, a e hoohua mai i ka hua ku i ka mihi, e hiki no hoi ia oukou ke komo iloko o ua maha la; he oiaio, e hoohaahaa oukou ia oukou iho, me na kanaka ma na la o Melekisedeka, oia no hoi he Kahuna Nui mamuli o keia aoao hookahi a'u e olelo nei, nana hoi i lawe maluna iho ona i ka Oihana Kahuna Kiekie no ka wa pau ole. A oia ua Melekisedeka hookahi nei ia ia i haawi aku ai o Aberahama i ka hapaumi: he oiaio, haawi aku la ko kakou kupuna kane o Aberahama i ka hapaumi, i ka hapaumi o na mea a pau ana i loaa'i. Ano, ua haawi mai i ua man kauoha nei mamuli o keia ano, i hiki i na kanaka ma o ua mea la ke nana imua ma ke Keiki a ke Akua, he hoailona ia mea o kona aoao, a o kona aoao no hoi ia; a o keia, e hiki ia lakou ke nana imua ia ia no ke kalaia ana o ko lakou mau hala, e hiki ia lakou ke komo iloko o ka maha o ka Haku.

2. Ano, he Alii o ua Melekisedeka nei maluna iho o ka aina o Salema; a ua mahuhua ikaika aku la kona poe kanaka ma ka hewa a me na mea hoopailua; he oiaio, ua biliaku la lakou a pau: ua piha i kela ano i keia ano a pau o ka hewa: aka, ua hooikaika o Melekisedeka me ka manaoio ikaika, a loaa iho la ia ia ka Oihana Kahuna Kiekie, e like me ka aoao hemolele o ke Akua, a haiaku la i ka mihi i kona poe kanaka. A, aia hoi, mihi iho la lakou; a hookupaa iho la o Melekisedeka i ka malu ma ka aina i kona mau la; nolaila, ua kapaia oia ke alii o ka malu, no ka mea, o ke Alii oia o Salema; a ua noho alii oia malalo iho o kona makuakane. Ano, ua nui wale ka poe mamua aku ona, a ua nui wale ka poe mahope mai, aka aole kekahimea nuiaku; nolaila, ua olelo nui mai lakou nona. Ano, aohe he mea e pono ai no'u e hai houaku ia mea; ua lawa ka'u olelo ana. Aia hoi na palapala hemolele imua o oukou; ina e hookapae ae oukou ia mau mea e lilo ai auanei ia mea no ko oukou make iho.

3. Ano, eia kekahia, ia Alama i olelo aku ai i ua mau olelo nei ia lakou, oaku la oia i kona lima ia lakou a heaaku la meka leo ikaika, i ka i ana, Ano ka wa e nihi ai, no ka mea, ke hookokoke mai nei ka la o ke ola;

he oiaio, a ke hai nei ka leo o ka Haku ia mea, ma ka waha o na anela, i na lahuikanaka a pau: he oiaio, ke haiia nei e hiki ia lakou ke loaa'e ka olelo olioli o ka hauoli nui; he oiaio, a ke hoolaha nei oia i ua mau olelo olioli nei mawaena o kona poe kanaka a pau, he oiaio, i ka poe hoopuehu palahalaha ia maluna o ka ili o ka honua; nolaila, ua hiki mai ia mau mea ia kakou. A hoikeia mai ua mau mea la ia kakou ma na olelo maopopo, i hiki ia kakou ke hoomaopopo, i hiki ole ai ia kakou ke kuhihewa; a o keia, no ka mea, he poe aea kakou ma kahi aina e, nolaila kakou i hoopomaikai loa ia'i peia, no ka mea, ua haiaia mai ua mau olelo olioli nei ia kakou ma na wahi a pau o ko kakou pawaina. No ka mea, aia hoi, e hai ana na anela ia mea i kekahi poe he nui wale i keia manawa ma ko kakou ajna; a o keia no ka manao e hoomakaukau ae i na naau o na keiki a kanaka e hookipa mai i kana olelo, ma ka manawa o kona hiki ana mai iloko o kona nani. Ano, ke kakali wale nei no makou e lohe i ka olelo olioli e haiia mai ia makou, ma ka waha o na anela, no kona hiki ana mai: no ka mea, ke hele mai nei ka manawa, aole makou i ike i ka loihi. O ko'u makemake i ke Akua e hiki mai ia mea ma ko'u la; aka ina he kokoke ina paha he loihi, ma ia mea wau e hauoli ai. A e hoikeia mai auanei ia mea i na kanaka hemolele a hoopono, ma ka waha o na anela, i ka wa o kona hiki ana mai, i ko ai na olelo a ko kakou poe kupuna, e like me ka mea a lakou i olelo mai ai nona, a ua like ia me ka Uhane wanana iloko o lakou.

4. Ano, e o'u poe hoahanau, ke makemake nei au mailoko mai o ko'n naau, he oiaio, me ka iini nui, a me ka eha, e hoolohe mai oukou i ka'u mau olelo, a e hoolei aku i ko oukou mau hewa, a e hoopanee ole aku i ka la o ko oukou mihi ana: aka, e hoohaahaa ia oukou iho imua o ka Haku, a e kahea aku ma kona inoa hoano, a e makaala a e pule mau, i hoao ole ia'i oukou mamua o ka mea i hiki ai ia oukou ke hoomanawanui, a pela e alakaiia'i e ka Uhane Hemolele, e lilo ana i haahaa, i akahai, i hoolohe, i ahonui, piha me ke aloha a me ka hoomanawanui; me ka manaoio ma ka Haku; me ka manaolana e loaa auanei ia oukou ke ola mau loa; me ke aloha o ke Akua i na manawa a pau ma ko oukou mau naau, i hookiekieia'i oukou iluna ma ka la hope, a e komo iloko o kona maha: a na ka Haku e haawi ia oukou i ka mihi, i ole ai oia e hoohaule mai ilalo nei i kona inaina maluna iho o oukou, i ole ai oukou e hoopaa ole ia e na kaulahao o Gehena, i ole ai oukou e loaa ka make lua. A olelo aku la o Alama i na olelo e ae he nui i na kanaka, i palapala ole ia iloko o keia buke.

5. A eia kekahia, ia ia i pau ai i kana olelo ana i na kanaka, ua nui wale o lakou i manaoio ma kana mau olelo, a hoomaka ae la e mihi, a e imi i na palapala hemolele; aka o ka nui loa o lakou ua makemake e pepehi loa ia Alama a me Amuleka: no ka mea, hulu iho la lakou ia Alama, no ke akaka o na olelo ana ia Zezeroma; a i ae la hoi lakou ua wahahee aku la o Amuleka ia lakou, a hoino aku la i ko lakou kanawai, a

i ko lakou poc loio a me na lunakanawai hoi. A ua huhu no hoi lakou ia Alama laua me Amuleka; no ko laua hoike maopopo ana me ke ku e i ka lakou hana hewa, imi iho la lakou e pepehi malu ia laua. Ale nae lakou i hana; aka, hopu iho la lakou ia laua a hikii iho la me na kaula ikaika, a kai aku la ia laua imua o ka Lunakanawai Nui o ka aina. A hele aku laua kanaka a hoike ku e mai ia laua, e hoike ana ua hoino aku laua i ke kanawai, a me ko lakou poe loio a poe lunakanawai o ka aina, a me na kanaka hoi a pau ma ka aina; a hoike aka la no hoi hookahi Akua wale no, a nana e hoouna mai i kana Keiki mawaena o na kanaka, aka aole oia e hoola ia lakou; a he nui na mea me ia i hoike ku e mai ai na kanaka ia Alama laua me Amuleka. Ano, ua hanaia keia imua o ka Lunakanawai Nui o ka aina. A eia kekahī, ua kahaha o Zezeroma ma na olelo i olelo ia'i; ua ike no hoi oia no ka pouli o na naau ana i hana'i mawaena o na kanaka, ma na olelo wahahē ana; a hoomaka ae la kona Uhane e hoo-walanaiaia ma ka ike i kona hewa iho; he oiaio, hoomaka oia e hoopunia a puni e na eha o Gehena.

6. A, eia kekahī, hoomaka ae la oia e kahea aka i na kanaka, i ka i ana: Aia hoi, owau no ka i hewa, a ua kina ole ua mau kanaka nei imua o ke Akua. A hoomaka ae la oia e olelo kokua no laua, ma ia hope aka; aka hoina ae la lakou ia ia, i ka i ana: Ooe anei ka kekahī i uluhia'i no hoi me ka diabolo? A kuha ae la lakou maluna ona, a hoolei aka la ia ia mawahō maiwaena aka o lakou, a me ka poe a pau no hoi i manaoio i na olelo i oleloia'i e Alama a me Amuleka; a hoolei aka la lakou la ia lakou mawahō, a hoouna aka la i na kanaka e nou aka i na pohaku ia lakou. A hoakoakoa pu mai la lakou la i ka lakou poe wahine a poe keiki, a o na mea i manaoio, a i aioia e manaoio i ka olelo a ke Akua, kena aka la lakou la e hooleiai lakou iloko o ke ahi; a lawe mai la no hoi lakou la i na mooolelo a lakou, i piha'i me na palapala hemolele, a hoolei aka la no hoi i ua mau mea nei iloko o ke ahi, i puhia'i a hoopauia'i ua mau mea la e ke ahi.

7. A eia kekahī, lawe aka la lakou ia Alama laua me Amuleka, a kaikai aka la ia laua i kahi e make ai, e hiki ia laua ke ike i ka make ana o ka poe i puhia'i e ke ahi. A ia Amuleka i ike ai i na eha o na wahine a me na keiki, ua eha no hoi oia; a i mai la oia ia Alama, Peheia la i hiki ai ia kaua ke ike i keia mea weliweli loa? Nolaila, e o aka kaua i ko kaua mau lima, a e hana me ka mana o ke Akua iloko o kaua, a e hoopakele ia lakou nei i na lapalapa. Aka, i ae la o Alama ia ia, ke koi mai nei ka Uhane e o ole aka au i kuu lima; no ka mea hoi, ke hookipa aka nei ka Haku ia lakou iluna io na la, iloko o ka nani; a ke ae mai nei oia ia lakou e hana i keia mea, a e hana ae na kanaka i keia mea ia lakou, e like me ka paakiki o ko lakou la mau naau, i pololei na hoopai, ana e hana mai ai auanei maluna iho o lakou la ma kona inaina; a e ku auanei ke koko o ka poe hala ole me he hoike ku e la ia lakou, he oiaio, a e kahea ikaika me ka ku e ia lakou ma ka la hope. Ano, i mai la o Amu-

Ieka ia Alama, Aia hoi, malia paha i puhi mai no lakou ia kaua no hei
A i ae la o Alama, Ai no e like me ka makemake o ka Haku. Aka hoi,
aoe i pau ka kaua hana; nolaila, aole lakou e puhi mai ia kaua.

8. Ano, eia kekahī, i ka wa i pau ai na kino o ka poe i hooleiia iloko
o ke ahi, a me na mooolelo i hoolei pu ia me lakou, hele mai la ka Lunakanawai Nui o ka aina, a ku iho la imua o Alama laua me Amuleka, ia
laua i paa ai; a papai mai la oia ia laua me kona lima ma na papalina o
laua, a i mai la ia laua, Ea, mahope iho o ka mea a olua i ike nei, e hai
olelo hou anei olua i keia poe kanaka, e hooleiia mai auanei lakou iloko e
kekahi loko ahii a me ke kukae pele? Aia hoi, ke ike nei olua, aole e
olua mana e hoopakele aku i ua poe nei, ka poe i hooleiia iloko o ke ahi;
aoe hoi o ke Akua i hoopakele mai ia lakou, no ko lakou manaoio ana e
like me kou. A papai hou mai la ua Lunakanawai la ia laua ma na papalina,
a ninau mai la, Heaha ka olua e i mai ai no olua iho? Ano, o na
Lunakanawai nei mamuli ia o ka aoao a me ka manaoio o Nehora, nana i
pepehi aku ia Gideon. A eia kekahī, aole ekemu aku o Alama laua me
Amuleka ia ia; a papai hou mai la oia ia laua, a haawi aku la ia laua i na
ilamuku e hooleiia iloko o ka halepaahao. A ia laua i hooleiia'i iloko o
ka halepaahao i na la ekolu, hele mai la na loio he nui, a me na lunakanawai,
a me na kahuna, a me na kumu, he poe no ka oihana a Nehora: a
komo mai la lakou iloko o ka halepaahao e ike mai ia laua, a nieniele mai
la lakou ia laua no na olelo he nui; aka aole laua i ekemu iki aku ia
lakou. A eia kekahī, ku iho la ka lunakanawai imua o laua, a i mai la,
No ke aha la olua e ekemu ole mai ai i na olelo a keia poe kanaka? Aole
anei olua i ike he mana ko'u e haawi aku ai ia olua i na lapalapa? A
kauoha mai la oia ia laua e olelo; aka aole loa laua i ekemu aku.

9. A eia kekahī, haalele aku la lakou a hoi aku la, aka haele hou mai
la i kakahiaka ae; a papai no hoi ka lunakanawai ia laua ma na papalina o
laua. A ua nui no hoi ka poe i hele mai, a i papai mai ia laua, i ka i
ana, **E** ku hou anei olua a e hookolokolo mai i keia poe kanaka, a e hoo-
hewa mai i ko makou kanawai? Ina na olua ua mana nui nei, no ke aha
la olua e hoopakele ole ai ia olua iho? A ua nui wale na mea me neia u
lakou i olelo mai ai ia laua, e uwi ana na niho o lakou ia laua, a e kuha
ana maluna o laua, a me ka i ana, Pehea la auanei ke ano o ko makou
helehelena i ka wa a makou e hoomaincinoia'i? A ua nui na mea me neia,
he oiaio, i na mea a pau me neia o kela ano o keia ano ka lakou i olelo
mai ai ia laua; a pela lakou i hoomaewaewa mai ai ia laua, no na la he nui.
A aua mai la lakou i ka ai ia laua, i pololi laua, a i ka wai hoi, i makewa
laua; a kaili mai la no hoi lakou i ko laua mau kapa mai o laua aku, i
kapa ole laua; a pela laua i nakinakii'a'i me na kaula ikaika, a hoopaaia
iloko o ka halepaahao.

10. A eia kekahī, mahope iho o ko laua hoochaia'na mai peia no na
la he nui wale, (a ma ka la umikumamalua ia, ma ka malama umi, ma ka
makahiki umi o ke au o na Lunakanawai maluna iho o ka poe kanaka o

Nepai,) hele mai la ka Lunakanawai Nui maluna iho o ka aina o Amoniha, a me na mea he nui o ko lakou poe kumu a me ko lakou poe loio, iloko o ka halepaahao, kahi o Alama laua me Amuleka i nakinakiia ai me na kaula. A ku iho la ka Lunakanawai Nui imua o laua, a papai hou mai la ia laua, a i mai la ia laua, Ina ia olua ka mana o ke Akua, e hoopakele ia olua iho i ua mau mea paa nei, alaila, e manaoio makou na ka Haku e hoopau mai i keia poe kanaka, e like me ka olua mau olelo. A eia kekahī, hele mai la lakou a pau a papai mai la ia laua, e olelo ana i ua mau olelo hookahi la, a hiki aku i ka mea hope; a i ka wa a ka mea hope i olelo mai ai ia laua, maluna iho o Alama laua me Amuleka ka mana o ke Akua, a ala ae la laua a ku iho la ma ko laua mau wawae; a kahea aku la o Alama, i ka i ana, Peheia la ka loihi o ko maua loaa ana keia mau popilikia nui, e ka Haku? E ka Haku, e haawi mai ia maua i ka ikaika e like me ko maua manaoio iloko o Kristo, i ka hoopakeleia'na; a moku aku la laua i na kaula a laua i nakinakiia'i, a i na kanaka i ike ai ia mea, hoomaka lakou e naholo aku, no ka mea, ua hiki mai ka makau i ka make maluna iho o lakou.

11. A eia kekahī, no ka nui o ko lakou makau, haule iho la lakou i ka honua, aole i loaa ia lakou ka puka mawahō loa o ka halepaahao; naueue ikaika ae la ka honua, a naha iho la na paia o ka halepaahao iwaena, a hiolo ilo la ia mau mea i ka honua; a o ka Lunakanawai Nui, a me na loio, a me na kahuia, a me na kumu, ka poe i papai mai ia Alama laua me Amuleka, ua pau loa lakou i ka make ma ka hiolo ana o ia mau mea. A puka mai la o Alama laua me Amuleka mawahō o ka halepaahao, aole laua i cha; no ka mea, ua haawi mai ka Haku i mana ia laua, e like me ko laua manaoio iloko o Kristo. A hele koke mai la laua mawahō o ka halepaahao; a ua hookuuia mai laua i ko laua mau mea i paa ai; a ua hiolo ilo la ka halepaahao i ka honua, a ua pau i ka make kela mea keia mea i komo iloko o na paia ona, **koe** wale no o Alama laua me Amuleka; a hele koke aku la laua iloko o ke kulanakauhale. Ano, ua lohe na kanaka i kekahī nei nui, a holo mai lakou he poe lehulehu loe, e ike i ke kumu o ia mea; a ia lakou i ike ai ia Alama laua me Amuleka e puka mai ana mai iloko mai o ka halepaahao, a ua hiolo ilo la na paia ona i ka honua, ua loohia ilo la lakou me ka makau nui, a auhee aku la mai ke alo aku o Alama laua me Amuleka, me he kao la i auhee aku ai me na keiki ana mai na liona elua aku; a pela lakou i bee aku ai mai ke alo aku o Alama laua me Amuleka.

12. A eia kekahī, ua kanohaia mai o Alama laua me Amuleka e hele aku mawahō o ke kulanakauhale; a haalele iho la laua, a hele aku la iloko o ka aina o Sidoma; a, aia hoi, malaila laua i loaa'i na kanaka a pau, ka poe i haalele iho i ka aina o Amoniha, ka poe i hookukeia mai iwaho a i hailukuia mai, no ko lakou manaoio ana i na olelo a Alama. A hai aku la laua ia lakou i na mea a pau i hanaia mai ai i ka lakou poe wahine a poe keiki, a no laua iho no hoi, a no ko laua mana i ka hoopa-

keleia'na. A e waiho ana hoi o Zezeroma me ka mai ma Sidoma, me kahi mai kuni wela, no na pilikia nui o kona naau keia mea, no kona hewa, no ka mea, ua manao oia ua make o Alama laua me Amuleka; a ua manao oia ua pepehiia laua, mamuli o kona hewa. A o keia hewa nui, a me kona mau hewa e ac he nui wale, ua hoowalania iho la i kona naau, a eha nui loa iho la ia, me ka hoopakele ole ia mai; nolaila, hoomaka iho la oia e welaia me kahi kuni wela. Ano, ia ia i lohe ai aia o Alama leua me Amuleka ma ka aina o Sidoma, hoomaka ae la kona naau e loaa ka ikaika; a kauoha koke mai oia ia laua, e makemake ana ia laua e hele io na la.

13. A eia kekahī, hele koke aku la laua io na la, e hoolohe ana i ke kauoha i hoounaia mai ia laua; a komo aku la laua iloko o ka hale io Zezeroma la; a loaa iho la oia ia laua maluna o kona wahi moe, ua mai a nawaliwali loa me ka mai kuni wela; a ua eha loa no hoi kona naau, no kona mau hewa; a ia ia i ike ai ia laua, o mai la oia i kona lima, a noi mai la ia laua na laua e hoola mai ia ia.

14. A eia kekahī, iaku la o Alama ia ia, e lalau ana ia ia ma ka lima, Ke manaoio nei anei oe i ka mana o Kristo i ka hooiaia'na? A olelo mai la oia, a i mai la, Ae, ke manaoio nei au i na olelo a pau au i ao mai ai. A iaku la o Alama ia ia, Ina e manaoio ana oe ma ka hoolapanai ana o Kristo, ua hiki ia oe ke hooiaia. A i mai la oia, Ae, ke manaoio nei au e like me kau mau olelo. Alaila, kahea aku la o Alama i ka Haku, i ka i ana, E ka Haku, ko makou Akua, e aloha mai i keia kanaka, a e hoola mai ia ia e like me kona manaoio iloko o Kristo. A ia Alama i olelo aku ai i ua mau olelo nei, lele ac la o Zezeroma ma kona mau wawae, a hoomaka ae la e hele; a ua hanaia keia mea me ke kahaha nui o na kanaka a pau; a kui aku la ka ike o keia mea mawaena o ka aina o Sidoma a puni. A bapetizo aku la o Alama ia Zezeroma i ka Haku; a hoomaka ae la oia ma ia hope aku e hai olelo aku i na kanaka. A kukulu iho la o Alama i kahi ekalesia ma ka aina o Sidoma, a hoolaa iho la i na kahunia a me na kumu ma ka aina, e bapetizo aku i ka Haku i na mea e make-make ana e bapetizoia.

15. A eia kekahī, ua nui loa lakou; no ka mea, hele paapu mai la lakou mai na wahi a pau e kokoke ana ma Sidoma, a ua bapetizoia; aka o na kanaka e noho ana ma ka aina o Amoniha, ua noho mau lakou ia manawa he poe naau paakiki a ai ooolea; aole lakou i mihi i ko lakou hewa. e manao ana no ka diabolo ka mana a pau o Alama laua me Amuleka; no ka mea, no ka aoao o Nehora lakou, a, aole i manaoio i ka mihi ana no ko lakou mau hewa.

16. A eia kekahī, o Alama laua me Amuleka, ua haalele o Amuleka i kona gula a pau, a me ke kala, a me kona mau mea maikai, iloko o ka aina o Amoniha, no ka olelo a ke Akua, ua hookaeia oia e kekahī poe, he poe makamaka lakou nona mamua, a e kona maknukane a me kona hanau-na no hoi; nolaila, mahope iho o ko Alama kukulu ana i ka ekalesia ma

Sidoma, ua ike i ka oki nui ana, he oiaio, e ike ana ua oki na kanaka ma ka haaheo o ko lakou mau naau, a i hoomaka ae e hoohaahaa ia lakou iho imua o ke Akua, a i hoomaka ae e hoakoakoa ia lakou iho ma ko lakou mau hale laa e hoomana aku i ke Akua imua o ke kuahu, e makaala ana a e pule mau ana, e hiki ia lakou ke hoopakeleia mai mai o Satana aku, a mai ka maké aku, a mai ka luku aku. Ano, me a'u i i aku ai, ua ike o Alama i keia manu mea a pau, nolaila, lawe oia ia Amuleka a hele aku la i ka aina o Zarahemela, a lawe ia ia i kona hale iho, a lawelawe ae la ia, ia ma kona mau pilikia, a hooikaika iho la ia ia iloko o ka Haku. A pela i pau ai ka makahiki umi o ke au o na Lunakanawai maluna iho o ka poe kanaka o Nepai.

MOKUNA XI.

1. A eia kekahī, ma ka makahiki umikumamakahī o ke au o na Lunakanawai maluna iho o ka poe kanaka o Nepai, ma ka la elima o ka lua o ka malama, ua nui ka malu mamua o kela la ma ka aina o Zarahemela; aole kekahī kaua aole hoi paio no kekahī mau makahiki; a hiki aku i ka la elima o ka lua o ka malama, ma ka makahiki umikumamakahī, ua lohea ka hooho o ke kaua mawaena o ka aina; no ka mea, aia hoi, ua hiki mai ka poe koa o ko Lamana poe ma ka aoao waonahele, iloko o na palena o ka aina, iloko hoi o ke kulanakauhale o Amoniha, a hoomaka ae la e pepehi i na kanaka, a e aea'i i ke kulanakauhale.

2. Ano, eia kekahī, mamua o ka wa i hiki ai i ko Nepai ke loaa ka poe koa a lawa e hooauhee aku ia lakou mawaho o ka aina, ua luku e aku la lakou i na kanaka iloko o ke kulanakauhale (o Amoniha, a i kekahī poe hoi e kokoke ana ma na palena o Noa, a ua lawe pioaku i kekahī poe e ae iloko o ka waonahele.

3. Ano, eia kekahī, na makemake ko Nepai poe e loaa ka poe i lawe pio ia'ku iloko o ka waonahele; nolaila, o ka mea i waeia i alii koa nui maluna o ka poe koa o ko Nepai poe, (a o Zorama kona inoa, a elua ana mau keikikane, o Lehi laua me Aha:) Ano, o Zorama a me na keiki ana elua, ua ike no o Alama no ke Kahuna Nui maluna iho o ka ekalesia, a ua lohe ia ia ka Uhane o ka wanana, nolaila, hele mai la lakou io na la a noi mai la ia ia e ike, ina e makemake ana ka Haku e hele aku lakou iloko o ka waonahele e imi i ko lakou poe hoahanau, ka poe i lawe pio ia aku e ko Lamana poe.

4. A eia kekahī, ninau aku la o Alama i ka Haku no ia mea. A hoi aku la o Alama a i aku la ia lakou, Aia hoi, e hele ae ko Lamana poe i kela kapa o ka muliwai Sidoma ma ka waonahele hema, ma o aku o na palena o ka aina o Manati. A, aia hoi, malaila oukou e halawai pu ai me

Iakou, ma ka hikina o ka muliwai Sidona, a malaila e haawi mai ka Haku ia oe i kou poe hoahanau, ka poe i lawe pio ia'ku e ko Lamana poe.

5. A eia kekabi, hele ae la o Zorama a me kana mau keiki i kela kapa o ka muliwai Sidona, me ko lakou poe koa, a haele aku la ma o aku o na palena o Manati, iloko o ka waonahele hema, aia no ma ke kapa hikina o ka muliwai Sidona. A lele aku la Iakou maluna iho o ka poe koa o ko Lamana poe, a ua hoopuehuia'ku ko Lamana poe a hooauhecia'ku iloko o ka waonahele; a lawe aku la lakou i ko lakou poe hoahanau, ka poe i lawe pio ia'ku e ko Lamana poe, aole kekahī mea o lakou i lilo o ka poe i lawe pio ia. A ua laweia mai lakou e ko lakou poe hoahanau e noho ma ko lakou mau aina ponoi. A pela i pau ai ka makahiki umikumamakahī o na Lunakanawai, ua hooauhecia'ku ko Lamana poe iwaho o ka aina, a ua lukuia'ke ka poe kanaka o Amoniha; he oiaio, ua lukuia kela' mea ola keia mea ola o ko' Amoniha, a me ko lakou kulanakauhale nui, a lakou i i mai ai ua hiki ole i ke Akua ke anai mai, no ka nui ona. Aka hoi! ma ka la hookahi ua waiho neoneo ia ia; a ua haehacia na heana e na ilio a me na holoholona hiihiu o ka waonahele; aka hoi, mahope iho o kekahī mau la he nui, ua hoahua na kino make o lakou maluna iho o ka ili o ka honua, a ua uhia' lakou me ka lepo papau. A no ka nui o ka pilau o lakou, aole i hele aku na kanaka e noho ma ka aina o Amoniha no na makahiki he nui wale. A ua kapaia ia ka neoneo o ko Nehora poe; no ka mea, no ka aoao o Nehora lakou, ka poe i pepchiia; a waiho neoneo ia iho la na aina o lakou. A, aole i hele hou mai ko Lamana poe e kaua ku e mai i ko Nepai poe, a hiki aku i ka makahiki umikumamaha o ke au o na Lunakanawai maluna iho o ka poe kanaka o Nepai. A pela no ma na makahiki ekolu i loaa'i ka poe kanaka o Nepai ka malu mau ma ka aina a pau.

6. A hele aku la o Alama laua me Amuleka e hai ana i ka mihi i na kanaka iloko o ko lakou mau luakini, a iloko o ko lakou mau hale laa, a iloko o ko lakou mau hale halawai, i kukuluia'i mamuli o ke ano o ko ka poe Iudaio. A o ka poe a pau i hoolhe mai i ka laua olelo, ua haawi mauaku laua ia lakou i ka olelo a ke Akua, me ka manao ole i ko kekanaka helehelena. A pela i hele aku ai o Alama laua me Amuleka, a me na mea e ae no hoi he nui wale, he poe i waeia no ka oihana, e hai aku i ka olelo mawaena o ka aina a puni. A o ke kukuluia'na o ka ekalesia ua lilo ia i mea laha mawaena o ka aina, ma na wahi a puni, mawaena o ko Nepai poe.

7. Aole he noho like ole ana mawaena o lakou, ninini mai la ka Haku i kona Uhane maluna iho o ka ili a pau o ka aina, e hoomakaukau mai i na'hoomaopopo o na keiki a kanaka, a e hoomakaukau mai i naau o lakou e hookipa i ka olelo e aoa'i auanei mawaena o lakou i ka wa o kona hiki ana mai, i hoopaakiki ole ia'i lakou e ku e i kana olelo, i hoomaloka ole ai lakou, a hele aku i ka make, aka i hiki ia lakou ke hookipa i ka olelo me ka olioli, a me he lala la e pakuiia iloko o ke kumuwaina oiaio, e hiki ia lakou ke komo iloko o ka maha o ka Haku, ko lakou Akua.

8. Ano, hai olelo aku la, ua poe kahuna la, ka poe i hele aku mawaena o na kanaka, me ke ku e aku i na wahahée ana, a me na hoopunipuni ana, a me na paonioni ana, a me na paio ana, a me ka hoomauhala, a me na hoino ana, a me ka aihue ana, powa ana, hao ana, pepehi kanaka ana, moe kolohe ana, a me kela ano keia ano o ka makaleho a pau, e hea ana aole no ua mau nei e pono ai; e hoike ana i na mea e hiki koke mai ana; he oiaio, e hoike ana i ka hiki mai ana o ke Keiki a ke Akua, i kona mau eha a make, a me ke alahouana no hoi o ka poe make. A ninau mai la kekahí poe he nui o na kanaka no ka wahi a ke Keiki a ke Akua e hele mai ai; a ua aoia mai lakou uana e hoike mai ia ia iho ia lakou mahope iho o kona alahouana; a lohe iho la na kanaka i keia mea me ka olioli a hauoli nui. Ano, mahope iho o ke kukuluia'na o ka ekalesia mawaena o ka aina a puni, a ua loaa ka lanakila maluna iho o ka diabolo, a ua haiia ka olelo a ke Akua ma kona maemae ma ka aina a puni, a e ninini mai ana ka Haku i na mea e pomaikai ai ona maluna iho o na kanaka; pela i pau ai ka makahiki umikumamaha o ke au o na Lunakanawai, maluna iho o ka poe kanaka o Nepai.

MOKUNA XII.

He mooolelo o na keiki a Mosia, ka poe i hoole ai i ko lakou mau pono ma ke aupuni, no ka olelo a ke Akua, a pii'aku la i ka aina o Nepai, e hai olelo aku i ko Lamana poe. No na eha a me ka hoopakeleia'na o lakou, e like me ka mooolelo a Alama.

1. Ano, eia kekahí, i ko Alama hele ana mai ka aina o Gideona aku i ka hema, i ka aina o Manati, aia hoi! me ka pihoihoi nui ona, halawaiaku la oia me na keiki a Mosia, e hele ana i ka aina o Zarahemela. Ano, me Alama pu ua poe keiki nei a Mosia i ka wa i ike mua ia ka anela e ia; nolaila, hauoli nui loa iho la o Alama, e ike i kona mau hoahanau; a o ka mea i hoonui aku ai i kona hauoli, o lakou no kona mau hoahanau iloko o ka Haku i keia manawa hoi, he oiaio, a ua mahuahua ikaika ma ka ike i ka oiaio; no ka mea, he mau kanaka me ka hoomaopopo kupono lakou, a imi molowa ole lakou i na palapala hemolele, i hiki ia lakou ke ike i ka olelo a ke Akua. Aka aole o keia mau mea wale no: ua hoolilo lakou ia lakou iho i ka pule nui, a i ka hooke ai ána, nolaila, ia lakou ka Uhane o ka wanana, a me ka Uhane o ka hoikeana, a i ka wa a lakou e aoaku ai, aoaku lakou me ka ikaika a me ka mana o ke Akua. A ua aoaku lakou i ka olelo a ke Akua no na makahiki he umikumamaha, mawaena o ko Lamana poe, a ua loaa ka pomaikai nui ma ka lawe ana i na mea he nui loa i ka ike i ka oiaio; he oiaio, ma ka mana o ka lakou mau olelo, ua nui loa ka poe i laweia imua o ke kuahu o ke Akua, e kahea aku i kona

inoa, a e haiaku i ko lakou mau hewa imua ona. Ano, cia na mea i pili pu me lakou ma ko lakou hele ana, no ka mea, ua loaa ia lakou na pilikia he nui wale; ua hoopilikia nui loa ia lakou, ma ke kino a ma ka naau hoi; me ka pololi, a me ka makewai a luhi, a me ka hana nui hoi ma ka uhane. Ano, eia ko lakou hele ana: Ua haalele iho i ko lakou makuakane ia Mosia, ma ka makahiki mua o ke au o na Lunakanawai; ua hoole aku i ke aupuni a ko lakou makuakane i makemake aie e hooili mai maluna o lakou; a o ka manao no hoi keia o na kanaka; haalele iho la nae lakou i ka aina o Zarahemela, a lawe aku la i ka lakou mau pahikaua, a me ka lakou mau ihe; a me ka lakou mau kakaka, a me ka lakou mau pua, a me ka lakou mau maa; a o keia mau mea ka lakou i hana'i i hiki ia lakou ke hoomakaukau i ai na lakou iho, oiai ma ka waonahele, a pela lakou i hele aku ai iloko o ka waonahele me ka poe a lakou i wae aku ai, e pii pu aku i ka aina o Nepai, e haiaku i ka olelo a ke Akua i ko Lamana poe.

2. A eia kekahī, haele aku la lakou i na la he nui wale ma ka waonahele, a hookē ai nui loa aku la lakou, i haawi mai a i ka Haku ia lakou i kona Uhane e hele pu me lakou, a e noho pu me lakou, i hiki ia lakou ke lilo i mea hana ma ka lima o ke Akua, e lawe mai, ina he mea hiki ia, i ko lakou poe hoahanau, i ko Lamana poe, i ka ike i ka oiaio; i ka ike i ka ino o na mooolelo o ko lakou poe kupuna, he pololei ole ia mau mea.

3. A eia kekahī, hoalauna mai la ka Haku ia lakou me kona Uhane, a i mai la ia lakou, E hooluoluia; a ua hooluoluia lakou. A i mai la ka Haku ia lakou no hoi, E hele aku mawaena o ko Lamana poe, kou poe hoahanau, a e hookupaa aku i ka'u olelo; aka e ahonui oe ma ka hoomanawanni a me na popilikia, e hiki ia oe ke hoike aku i na kumu hoohalike maikai ia lakou iloko o'u, a e hoolilo aku au ia oe i mea hana ma ko'u mau lima, i ka hoola ana i na uhane he nui wale.

4. A eia kekahī, loaa iho la i na naau o na keikikane a Mosia, a me ka poe a pau no hoi i hele pu me lakou, ka ikaika e hele aku i ko Lamana poe, e haiaku ia lakou i ka olelo a ke Akua. A eia kekahī, ia lakou i hiki ai ma na palena o ka aina o ko Lamana poe, hookaawale aku la lakou ia lakou iho, a haalele aku la kekahī i kekahī, e paulele ana i ka Haku e halawai pu hou ma ka hopena o ko lakou ohi ana; no ka mea, manao iho la lakou ua nui ka hana a lakou i hoomaka'i. A he oiaio iho la ua nui loa io no ia, no ka mea, ua hoomaka lakou e haiaku i ka olelo a ke Akua i kekahī luhuikanaka hihiu, paakiki, a hae; he luhuikanaka e hauoli ana i ka pepehi ana i ko Nepai poe, a i ka powa ana, a hao wale ana ia lakou; a ua kauia na naau o lakou maluna o ka waiwai, oia maluna iho o ke gula a me ke kala, a me na pohaku maikai; imi iho la nae lakou e loaa ua mau mea nei ma ka pepehi kanaka ana a ma ka hao wale ana, i hana ole ai lakou no ua mau mea la me ko lakou mau lima ponoi; a pela iho la he poe kanaka palanalelo loa lakou, a ua nui wale ka poe o lakou i hoomana'i i na kii, a ua haule mai ka hoomainoino o ke Akua maluna iho o lakou no na mooolelo o ko lakou poe kupuna; aka hoi, ua o ia mai nae na olelo hoc-

pomaikai a ka Haku ia lakou, ina lakou e mihi; nolaila, no keia mea ua hoomaka na keiki a Mosia i ka hana, e hiki paha ia lakou ke lawe mai ia lakou la i ka mihi; e hiki paha ia lakou ke lawe mai ia lakou la e ike i ke kumumanao hoolapanai; nolaila, hookaawale iho la lakou ia lakon iho kekahi mai kekahi ae, a hele aku la mawaena o lakou la, o kela kanaka keia kanaka oia wale no, e like me ka olelo a me ka mana o ke Akua, i haawiia mai ai ia ia.

5. Ano, o Amona oia no ke pookela mawaena o lakou, a oia no ka i lawelawe ia lakou; a haalele iho la oia ia lakou, mahope iho o kona hoo-pomaikai ana ia lakou e like me ko lakou mau wahi i ku ai, a ua haawi aku i ka olelo a ke Akua ia lakou, a lawelawe aku la ia lakou mamua o kona hele ana; a pela lakou i hele aku ai i ko lakou hele ana iho mawaena o ka aina. A hele aku la o Amona i ka aina o Isemaela, ua kapaina ka aina mamuli o na keikikane a Isemaela, ó lakou no hoi ka i lilo o ko Lamana poe. A me Amona i komo ai i ka aina o Isemaela, hopu mai la ko Lamana poe ia ia a nakinaki ia ia, me lakou i maa ai, i nakinaki ai i ko Ne-pai poe a pau, ka poe i haule iloko o ko lakou mau lima, a kaikai aku ia lakou a pau imua o ke Alii; a pela i waihoia'i i ka makemake o ke Alii e pepehi ia lakou, a i ole ia, e hoopaa aku ia lakou iloko o ka noho pio ana, a i ole ia, e hoolei aku ia lakou iloko o ka halepahao, a i ole ia, e hoolei aku ia lakou mawahoa o kona aina, e like me kona makemake a me ka lealea; a pela o Amona i kaikai'a'ku ai imua o ke Alii, oia no maluna iho o ka aina o Isemaela; a o Lamoni no kona inoa; a he mamo oia na Isemaela. A ninau mai la ke Alii ia Amona, Ina o kona makemake anei ia, e noho ai ma ka aina mawaena o ko Lamana poe, mawaena o kona poe kanaka? A i aku la o Amona ia ia, Ae, ke makemake nei au e noho mawaena o keia poe kanaka i kekahi manawa; he oiaio, a hiki aku paha i ka la a'u e make aia.

6. A eia kekahih, ua lealea nui ke Alii Lamoni me Amona, a kanoha aku la ia e hookuuia na mea paa ona; a ua makemake oia ia Amona e lawe mai i kekahih o kanaa mau kaikamahine i wahine nana. Aka, iaku la o Amona ia ia, Aole, aka e lilo au i kauwa nau; nolaila, lilo iho la o Amona i kauwa na ke Alii Lamoni, A eia kekahih, ua hoonohoia oia, mawaena o kekahih poe kauwa e ae, e kiai aku i na pua holoholona o Lamoni, e like me ka aoao o ko Lamana poe. A ia ia ma ka hana a ke Alii i na la ekolu, i kona hele ana'e me na kauwa o ko Lamana poe, me na pua o lakou, i kahi o ka wai, oia ka i kapaina ka wai o Sebusa; (a e hoa ana ko Lamana poe a pau i na pua o lakou ia nei, i loaa'i ia lakou ka wai;) nolaila, me Amona a me na kauwa a ke Alii i hoa aku ai i na pua o lakou i ua wahi nei o ka wai, aia hoi, ku iho la kekahih poe o ko Lamana poe, ka poe i hele aku me na pua o lakou i ka wai, a hoopuehu ae la i na pua o Amona, a o na kauwa a ke Alii, a hoopuehu ae la lakou la ia lakou, a naholo aku la lakou i na wahi he nui.

7. Ano, hoomaka iho la na kauwa a ke Alii e ohumu, i ka i ana, Ano,

e pepehi mai no ke Alii ia kakou, me kana i ko kakou poe hoahanau, no ka hoopuehuia'na o na pua o lakou e ka hana hewa a keia poe kanaka. A hoomaka ae la lakou e uwe nui loa iho la, i ka i ana, Aia hoi, ua hoopuehuia'ku na pua o kakou ano la. Ano, uwe iho la lakou no ko lakou makau i ka pepehiia mai. Ano, ia Amona i ike ai i keia mea, ua pehu kona naau iloko ona, me ka hauoli; no ka mea, wahana, e hoike aku no au i kuu mana i keia poe, ko'u poe hoakauwa, a i ka mana no iloko o'u, i ka hoihoi hou ana i keia mau pua i ke Alii, e hiki ia'u ke loaa na naau o ua poe nei, o ko'u poe hoakauwa, e hiki ia'u ke alakai mai ia lakou e manaoio mai i ka'u mai olelo. Ano, oia no na manao o Amona, ia ia i ike ai i na pilikia o ka poe ana i kapa ai he poe hoahanau nona.

8. A eia kekahī, hoolana aku la oia ia lakou ma kana mau olelo, me ka i ana, E ko'u poe hoahanau, e hoolana maikai a e hele aku kakou e imi i na pua, e houluulu mai kakou ia lakou, a e hoihoi hou mai i kahi o ka wai; a pela kakou e hoola i na pua no ke Alii, a aole oia e pepehi mai ia kakou. A eia kekahī, haele aku la lakou e imi i na pua, a hahai mai la lakou ia Amona, a holo kiki aku la lakou, a hoopuni iho la i na pua o ke Alii, a houluulu hou mai la, i kahi o ka wai. A ku hou iho la ua poe kanaka la e hoopuehu mai i na pua o lakou; aka iaku la o Amona i kona poe hoahanau, E, e hoopuni oukou i na pua a puni i auhee ole aku ai lakou; a e hele au a e paio aku me ua poe kanaka nei, ka poe i hoopuehu mai nei i na pua o kakou. Nolaila, hana iho la lakou me Amona i kauoha aku ai ia lakou, a hele aku la ia a ku iho la e paio aku me ua poe la, ka poe i ku ma na wai o Sebusa; aole he kakaikahi lakou ma ka helu; nolaila, aole lakou i makau ia Amona, no ka mea, ua kuhli lakou ua hiki i kekahī o ko lakou poe kanaka ke pepehi ia ia, e like me ko lakou makemake, no ka mea, aole lakou i ike ua olelo paa mai ka Haku ia Mosia, nana e hoopakele ae i kana mau keiki mailoko mai o ko lakou mau lima; aole hoi lakou i ike i kekahī mea no ka Haku; nolaila, na hauoli lakou ma ka lukuia'na o ko lakou poe hoahanau; a no keia mea ku iho la lakou e hoopuehu aku i na pua o ke Alii.

9. Aka, ku iho la o Amona a hoomaka ae la e nou aku i na pohaku ia lakou me kona maa; he oiaio, me ka mana ikaika oia i maa aku ai; na pohaku mawaena o lakou: a pela oia i pepehi aku ai i kekahī poe o lakou, a hoomaka ae la lakou e kahaha ma kona mana; aka hoi, ua huhn lakou no ka poe make o ko lakou poe hoahanau, a ua paa ko lakou manao e haule oia; nolaila, e ike ana ua hiki ole ia lakou ke paa oia me ko lakou mau pohaku, hele mai la lakou me na newa e pepehi mai ia ia. Aka, o kela kanaka keia kanaka nana i hoaka ae i kona newa e pepehi mai ia Amona, ooki aku la oia i ko lakou mau lima me kana pahikaua; no ka mea, pale aku la oia i ko lakou hahau ana ma ka hahau ana i ko lakou mau lima me ka maka o kana pahikaua, a hoomaka lakou e kahaha, a hoomaka ae la e auhee aku imua ona; he oiaio, aole hoi he kakaikahi o lakou; a nana i hooauhee aku ia lakou ma ka ikaika o kona lima. Ano,

ua haulc econo o lakou i ka maa, aole oia i pepehi loa i kekah i ko lakou luna wale no, me kana pahikaua; a ookiaku la oia i na lima a pau o lakou i hoaka ku e mai ia ia, aole o lakou kakaikahi. A ia ia i hooauhee aku ai ia lakou a mamao aku, hoiaku la oia, a hoochainu iho la lakou i na pua o lakou a hoihoi houaku ia lakou i ke kula o ke Alii, alaila, haele aku la iloko i ke Alii la, e hali ana i na lima i oookia'ku ai e ka pahikaua a Amona, o ka poe i imi e pepehi mai ia ia; a ua haliiia lakou iloko i ke Alii la, i mea hoike no na mea a lakou i hana'i.

10. A eia kekah, kauohaaku la ke Alii Lamoni i kana poe kauwa e ku mai, a e hoike mai no na mea a pau a lakou i ike ai no ia mea. A ia lakou a pau i hoikeaku ai no na mea a lakou i ike ai, a ua ike oia i ka malama pono ana o Amona ma ka hoola ana i na pua ona, a no kona mana nui hoi i kona paio ku e aku ana i ua poe la, ka poe i imi e pepehi mai ia, ia, ua kahaha nui loa oia, a i ae la, He oiaio ae la, na nui ae oia nei mamua o ke kanaka. Aia hoi, aole anei keia ka Uhane Nui nana i hoouna mai i na hoopai nui me neia maluna iho o keia poe kanaka, no ko lakou pepehi kanaka ana? A paneaku la lakou i ke Alii, a iaku la, Ina paha oia ka Uhane Nui, ina paha he kanaka, aole o makou i ike; eia ka makou i ike ai, aole e hiki ia ia ke pepehiia mai e na enemi o ke Alii; aole hoi e hiki ia lakou ke hoopuehu mai i na pua o ke Alii ia ia e hele pu ai me makou, no kona akamai a ikaika nui; nolaila, na ike makou he hoa-aloha oia no ke Alii. Ano, e ke Alii, aole o makou i manaoio na kekah kanaka ka mana me neia, no ka mea, ua ike makou aole e hiki ia ia ke pepehiia mai. A, ano, i ka wa a ke Alii i lohe ai i ua mau olelo nei, i ae la oia ia lakou, Ano, ke ike nei au oia no ka Uhane Nui; a ua iho iho nei oia i keia manawa e hoola mai i ko oukou mau ola, i pepehi oleaku ai au ia oukou me au i ko oukou poe hoahanau. Ano, o keia no ka Uhane Nui nona i olelo mai ai ko kakou poe kupuna. Ano, oia no ka mooolelo o Lamoni, ana i loaa'i mai kona makua mai, aia no he Uhane Nui. Me ko lakou manaoio i kahi Uhane Nui, ua manao iho la nae lakou o ka mea a lakou i hana'i, he pololei ia; aka hoi, hoomaka iho la o Lamoni e makau nui loa, me ka makau no ka manao ua hana hewa paha ia i ka pepehi ana i kana poe kauwa: no ka mea, ua pepehi iho i na mea he nui o lakou, no ka hoopuehu ana o ko lakou poe hoahanau i na pua o lakou ma kahi o ka wai; a pela ae la no ka hoopuehuia'na o na pua o lakou, ua pepehiia iho la lakou. Ano, he mea mau me ko Lamana poe, e ku ma na wai o Sebusa, e hoopuehu aku i na pua o kanaka, i hiki ia lakou ke hoaaku i kekah poe he nui i hoopuehuia'i, i ko lakou aina iho, he hana ia e powa ai mawena o lakou.

11. A eia kekah, ninau ae la ke Alii Lamoni i kana poe kauwa, i ka i ana, Ai la ihea na kanaka nei nona keia mana nui? A iaku la lakou ia ia, Aia hoi, e hanai ana oia i kou mau lio. Ano, ua kauoha e mai la ke Alii i kana poe kauwa mamuaaku o ka wa i hooinu ai i na pua o lakou, na lakou e hoomakaukau i kona mau lio a mau hale kaa, a e alakai

aku ia ia i ka aina o Nepai; no ka mea, ua kukalaia he ahaaina nui ma ka aina o Nepai, e ka makuakane o Lamoni, oia no ke Alii maluna iho o ka aina a pau. Ano, i ke Alii Lamoni i lohe ai e hoomakaukau ana o Amona i kona mau lio a me kona mau halekaa, ua pihoihoi nui loa ae oia, no ka malama pono o Amona, i ka i ana, He oiaio, aole kekahia kauwa mawaena o ka'u poe kauwa a pau, nana i malama pono me keia kana-ka; no ka mea, ke hoomanao iho nei oia i ka'u mau kauoha a pau e hana aku ia mau mea. Ano, ke ike lea nei au o keia no ka Uhane Nui; a ua makemake au ia ia e komo mai ilcko io'u nei, aka ke aa ole nei au.

12. A eia kekahia, ia Amona i hoomakaukau ai i na lio a i na halekaa no ke Alii a me kana poe kauwa, hele aku la ia iloko i ke Alii la, a ike aku la oia ua ano e ae la ka helehelena o ke Alii; nolaila, ua kokoke oia e hoi aku mai kona alo aku; a i mai la kekahia o ka ke Alii poc kauwa ia ia, E Rabana, oia ma ka hoohalike ana, e ke Alii nui a mana, e manao ana i ko lakou poe Alii, he poe mana; a pela oia i i mai ai ia ia, E Rabana, ke makemake nei ke Alii ia oe e kali; nolaila, huli ae la o Amona ia ia iho i ke Alii, a i aku la ia ia, Heaha la kou makemake i hana aku ai au nou, e ke Alii? A aole o ke Alii ekemu mai ia ia i hookahi hora ka loihi, mamuli o ko lakou manawa, no ka mea, aole oia i ike i kana mea e olelo mai ai ia ia. A i hou aku la o Amona ia ia, Heaha kou makemake ia'u? A ekemu ole mai ke Alii ia ia.

13. A eia kekahia, o Amona ua hoopihaiia mai me ka Uhane o ke Akua, nolaila, ike iho la oia i na manao o ke Alii. A i aku la oia ia ia, No kou lohe ana anei na'u i paku aku ai i kau poe kauwa a me kou mau pua, a pepehi aku la i eliku o ko lakou poe hoahanau me ka maa, a me ka pahikaua, a oukiaku la i na lima o na mea e ae, i hiki ke hoomalu i kou mau pua a i kau mau kauwa; aia hoi, o keia anei ke kumu o ko, kahaha ana? Ke i aku nei au ia oe, Heaha la ia, i nui ai kou kahahua ana me neia? Aia hoi, he kanaka no au, a o kau kauwa no; nolaila, o ka mea au e makemake mai i pololei, oia ka'u e hana'i. Ano, i ke Alii i lohe ai i keia mau olelo, kahaha hou iho la oia, no ka mea, ike ae la oia ua hiki ia Amona ke hoomaopopo mai i kona mau manao; aka, me keia nae, oka mai la ke Alii Lamoni i kona waha; a i mai la ia ia, Owai la oe? O kela, Uhane Nui anei oe, nana i ike i na mea a pau? Olelo aku la o Amona i iku la ia ia, Aole ia owau. A i mai la ke Alii, Pehea la oe i ike mai ai i na manao o ko'u naau? Ua hiki ia oe ke olelo wiwo ole mai, a ke hai mai no ua mau mea nei; a e hai mai no hoi, ma ka mana hea oe i pepeli aku ai a i oukiaku ai i na lima o ko'u poe hoahanau, ka poe i hoopuehu mai ai i na pua o'u. Ano, ina e hai mai oe ia'u no ua mau mea nei, o ka mea au i makemake mai ai, oia ka'u e haawi aku ai ia oe; a ina e makemake ia, e hoomalu au ia oe ike ko'u poe koa; aka, na ike au ua nui loa aku koa mana mamua o lakon a pau: aka hoi, o ka mea au e makemake mai ai ia'u, na'u ia e haawi aku ia oe. Ano, ua naauao o Amona, a kolohe oka nae, i eku la oia ia Lamoni, E hoolohe mai anei oe i ka'u mau olelo, ina e

hai aku au ia oe, i ke ano o ka mana a'u i hana aku ai i ua mau mea nei? A o keia no ka mea a'u i makemake ai ia oe. A olelo mai la ke Alii ia ia, a i mai la, Ae, e manaoio no au i kau mau olelo a pau; a pela oia i puni ai i ke akamai. A hoomaka ae la o Amona e olelo aku ia ia me ka wiwo ole, a i aku la ia ia, Ke manaoio nei anei oe aia no he Akua? A olelo mai la ia, a i mai la ia ia, Aole au i ike i ke ano o ia mea.

14. A alaila, i aku la o Amona, Ke manaoio nei anei oe aia no he Uhane Nui? A i mai la oia, Ae. A iaku la o Amona, Oia no ke Akua. A i hou aku la o Amona ia ia, Ke manaoio nei anei oe na ua Uhane Nui nei, oia no hoi ke Akua, i hana mai ai i na mea a pau, iloko o ka lani a iloko o ka honua? A i mai la oia, Ae, ke manaoie nei au nana i hana mai i na mea a pau iloko o ka honua; aka aole au i ike i na lani. A iaku la o Amona ia ia, O na lani oia kahi a ke Akua i noho ai, a me kona poe anela hemolele a pau. A i mai la ke Alii Lamoni, Aia anei ia maluna o ka honua? A iaku la o Amona, Ae, a ke nana mai la oia ilalo nei maluna o na keiki a pau a kanaka; a ua ike oia i na manao a me na makemake a pau o ka naau: no ka mea, ma kona lima i hanaia'i lakou a pau, mai kinohi mai. A i mai la ke Alii Lamoni, Ke manaoio nei au i keia mau mea a pau au i olelo mai ai. Ua hoouuaia mai anei oe mai ke Akua mai? Iaku la o Amona ia ia, He kanaka no au; a ua hanaia mai ke kanaka i kinohi, mamuli o ke ano like o ke Akua, a ua kaheiaia mai au e kona Uhane Hemolele e ao aku i ua mau mea nei i keia poe kanaka, e laweia mai lakou e ike i ka mea i pololei a oiaio; a ke noho nei kekahihapa o ua Uhane la iloko o'u, e haawi mai ana ia'u i ka ike, a i ka mana hoi, e like me ko'u manaoio a me na makemake iloko o ke Akua. Ano ia Amona i olelo aku ai i ua mau olelo nei, hoomaka ae la oia ma ka hanaia'na o ke ao nei, a me ka hanaia'na hoi o Adamu, a haiaku la ia ia i na mea a pau no ka haule ana o kanaka, a haiaku la a waiho ae la imua ona i na mooolelo a me na palapala hemolele o ka poe kanaka, i oleloia'i e na kaula, a hikiaku i ka wa a ko lakou kupunakane o Lehi i haaleleaku ai ia Ierusalem; a haiaku la no hoi oia ia lakou (no ka mea, i ke Alii a i kana poe kauwa ia olelo,) i na holoholo ana a pau o ko lakou poe kupuna ma ka waonahele, a me ko lakou mau pilikia a pau me ka pololi a makewai, a me ko lakou hele, a ia meaaku ia meaaku: a haiaku la no hoi oia ia lakou no na kipi ana o Lamana laua me Lemuela, a me na keikikane a Iscmaela, he oiaio, o ko lakou kipi ana a pau oia kana i haiaku ai ia lakou; a hoomaopopoaku la oia i na mooolelo a me na palapala hemolele a pau, mai ka manawa a Lehi i haaleleaku ai ia Ierusalem, a hikiaku i keia manawa; aka, aole o keia wale no; no ka mea, hoomaopopoaku la oia ia lakou i ke kumumanao hookapanai, i hoomakaukauia'i mai ka hoomakauia'i mai o ke ao nei; a hoike mai la no hoi oia ia lakou no ka hiki ana mai o Kristo; a o na hana a pau a ka Haku kana i hoikeaku ai ia lakou.

15. A eia kekahihapa, mahope iho o kana olelo anaaku i ua mau mea nei

a pau, a wehewehe aku la i ke Alii, ua manaoio iho la ke Alii i kana mau olelo a pau. A hoomaka aku la oia e kahea aku i ka Haku, i ka i ana: E ka Haku, e aloha mai oe; e like me kou aloha nui loa au i aloha mai ai i ka poe kanaka o Nepai, pela e aloha mai ai ia'u a me ko'u poe kanaka. Ano, ia ia i olelo mai ai i keia, haule iho la oia i ka honua, me he mea la ua make oia. A eia kekahī, lalau iho la na kauwa ana ia ia a halihali aku la iloko i kana wahine la, a waiho iho la ia ia ma kekahī wahī moe; a moe iho la oia me he mea la ua make oia, no na la elua a me na po elua; a uwe iho la kana wahine, a me kana mau keikikane, a me kana mau kaikamahine maluna iho ona, mamuli o ke ano o ko Lamana poe, e kanikau nui ana no kona make.

16. A eia kekahī, mahope iho o na la elua a me na po elua, ua kokoke lakou e lawe aku i kona kino a e waiho aku ia ia iloko o kahi halekupapau a lakou i hana'i uo ke kanuia'na o na mea make o lakou. Ano, ua lohe ke Aliiwahine i ke kaulana o Amona, nolaila, hoouna mai la oia a make-make ia ia e hele aku io na la. A eia kekahī, hana iho la o Amona me ia i kauohaia mai ai, a hele aku la iloko i ke Aliiwahine la, a ninau aku la ia ia e ike i ka mea ana i makemake ai nana e hana. A i mai la oia ia ia, Ua hoike mai la na kauwa a ka'u kane ia'u, he kaula oe na kekahī Akua hemolele, a ia oe ka mana e hana i na hana mana he nui ma kona inoa; nolaila, ina he oiaio keia, ke makemake nei au ia oe e hele iloko a e ike i ka'u kane, no ka mea, ua waihoia oia maluna iho o kona wahī moe no na la elua a no na po elua; a ke olelo mai nei kekahī poe aole ona i make, aka, ke olelo mai nei kekahī poe e ae ua make oia, a e pilau ana oia, a he mea e pono ai nona e waihoia iloko o ka halekupapau; aka, ia'u nei ea, aole oia i pilau ia'u. Ano, o keia no ka mea a Amona i makemake ai, no ka mea, ua ike oia malalo iho ke Alii Lamoni o ka mana o ke Akua; ua ike oia ua hooleiia'ku ka paku pouli o ka hoomaloka mai kona naau aku, a o ka malamalamama nana i hoomalalamama i kona naau, oia no ka malamalamama o ka nani o ke Akua, oia he malamalamama kupanaha o kona lokomaikai; he oiaio, ua hookomo ua malamalamama nei i ka hauoli nui iloko o kona uhane, i hoopuehuia'i ke ao pouli, a ua kuniiia ka malamalamama o ka malamalamama mau loa iloko o kona uhane; he oiaio, ua ike oia ua lanakila keia maluna iho o kona kino maoli, a ua kaiia'ku oia iloko o ke Akua; nolaila, o ka mea a ke Aliiwahine i makemake ai ia ia, oia wale no kona makemake. Nolaila, hele aku la oia iloko e ike i ke Alii, mo ke Aliiwahine i makemake ai ia ia; a nana aku la oia i ke Alii, a ua ike oia aole oia i make. A i aku la oia i ke Aliiwahine, Aole oia i make, aka, ke moe nei oia i ke Akua, a i ka la apopo e ala hou oia; nolaila, mai kanu ia ia. A i aku la o Amona ia ia, Ke manaoio nei anei oe i keia? A i mai la oia ia ia, Aole o'u mea hoike, o kau olelo wale no, a me ka olelo a ka manaoio poe kauwa; ke manaoio nei nae au e ko auanei ia e like me kau olelo. A i aku la o Amona ia ia, Pomaikai ooe, no kou manaoio nui loa; ke i aku nei au ia oe, e ka wahine, aole ka manaoio nui e like me ueia mawaena e ka poe kanaka o Nepai a pau.

17. A eia kekahī, kiai iho la oia maluna iho o ka wahī moe o kana kane, mai ia manawa aku, a hiki aku i ua manawa la ma ka la apopo a Amona i hoomaopopo aku ai e ala mai ia. A eia kekahī, ala ae la oia, e i like me na olelo a Amona; a ia ia i ala ae ai, o ae la oia i kona lima i ka wahine, a i ae la, E hoomaikaiia ka inoa o ke Akua, a pomaikai oe; no ka mea, he oiaio me oe e ola nei, aia hoi, na ike au i ko'u Mea Hoolapanai; a e puka mai auanei oia, a e hananāia i kahi wahine, a e hoolapanai mai oia i na kanaka a pau, ka poe i manaoio ma kona inoa. Ano, ia ia i olelo mai ai i keia mau olelo, ua pehu kona naau iloko ona, a haule hou iho la oia me ka olioli; a haule iho la no hoi ke Aliiwahine ilalo, i uluhiaia e ka Uhane. Ano, e ike ana o Amona i ka Uhane o ka Haku i ninimiia mai e i like me kana mau pule maluna iho o ko Lamana poe, kona poe hoahanau; ka poe i hookumu ai i ka uwe nui ana mawaena o ko Nepai poe, a mawaena o na kanaka a pau o ke Akua, no ka lakou hana hewa ana a me ko lakou mau mooolelo, haule iho la oia ma kona mau kuli, a hoomaka ae la e ninimi aku i kona uhane ma ka pule a me ka hoolea aku i ke Akua, no ka mea ana i hana mai ai i kona poe hoahanau; a ua uluhiaia oia no hoi me ka olioli; a pela ua haule iho lakou a pau ekolu i ka honua. Ano, i ka wa a na kauwa a ke Alii i ike ai ua haule iho lakou, hoomaka ae la n-, hoi lakou e kaheia aku i ke Akua, no ka mea, ua hiki mai ka makau o ka Haku maluna iho o lakou no hoi, no ka mea, o lakou no ka poe i ku imua o ke Alii, a hoike aku ia ia, no ka mana nui o Amona.

18. A eia kekahī, hea aku la lakou ma ka inoa o ka Haku, ma ko lakou ikaika, a hiki aku i ka wa i haule lakou a pau i ka honua, koe wale no hookahī wahine o ko Lamana poe, o Abisa kona inoa, ua hoohuliiia oia i ka Haku no na makahiki he nui, no kekahī hihiio kupaihanaha a kona makuakane; pela oia i hoohuliiia'i i ka Haku, me ka hoike e ole aku ia mea mamua; nolaila, ia ia i ike ai ua haule iho na kauwa a Lamoni a pau i ka honua, a me kana hakuwahine no hoi, o ke Aliiwahine, a me ke Alii, a me Amona i moe ilalo ma ka honua, ua ike oia o ka mana o ke Akua no ia; a e manao ana he manawa kupono keia, ma ka hoike ana i na kanaka i na mea i hiki mai mawaena o lakou, ma ko lakou ike ana i keia mea, e hoohuli mai oia ia lakou e manaoio i ka mana o ke Akua, nolaila, holo ae la oia ia hale aku ia hale aku, e hoike ana ia mea i na kanaka; a hoomaka lakou e hoakoakoa ia lakou iho i ka hale o ke Alii. A hele mai la he poe lehulehu loa, a me ke kahaha nui o lakou, ike aku la lakou i ke Alii, a i ke Aliiwahine, a me ka lana poe kauwa, e moe ana ilalo ma ka honua, a moe iho la lakou laila me he mea la ua make lakou; a ike aku la no hoi lakou ia Amona, a, aia hoi, he Nepai oia. A, ano, hoomaka ae la na kanaka e chumu mawaena o lakou iho; e olelo ana kekahī poe, He mea ino nui ia i hiki mai maluna iho o lakou, a maluna iho o ke Alii a me ko kona hale, no kona ac ana i ua Nepai la e noho ma ka aina. Aka, papa aku la kekahī poe e ia lakon, me ka i ana, Ua lawe ke Alii i keia iao maluna o ko kona hale, no kona pepeli ana i kana poe kauwa, ka poe nōna na pua i hoopuehuia'i ma na wai o Sebusa. A ua papaia no hoi

lakou e ua poe kanaka la, ka poe i ku ma na wai o Sebusa, a i hoopuehu aku i na pua a ke Alii, no ka mea, ua hahu lakou ia Amona, no ka nui o ko lakou poe hoahanau ana i pepehi ai ma na wai o Sebusa, oiai e paku ana i na pua a ke Alii. Ano, o kekahī o lakou, o kona hoahanau ua pepchīia me ka pahikaua a Amona, ua hahu nui loa ia Amona, uṇulī ae la oia i kana pahikaua a hele aku la e hiki ia ia ke hoohanau ia mea maluna iho o Amona, e pepehi ia ia; a ia ia i hoaka ae ai i ka pahikaua e hahau ia ia, aia hoi! haule iho la oia a make aku la. Ano, ke ike nei kakou ua hiki ole ke pepehīia mai o Amona, no ka mea, ua olelo mai la ka Haku ia Mosia, i kona makuakane, Na'u e hookoe ia ia, a e hanaia auanci ia ia e like me kou manaoio; nolaila, ua hookuu aku o Mosia ia ia i ka Haku.

19. A eia kekahī, i ka wa i ike ai ka lehulehu ua haule ke kanaka a make loa, nana i hoaka ae i kana pahikaua e pepelī ia Amona, hiki mai la ka makau maluna iho o lakou a pau, aole o lakou i aa e o ae i ko lakou mau lima e hoopa mai ia ia, aole hoi i kekahī o ka poe i haule; a hoomaka ae la lakou e kahaha hou mawaena o lakou iho no ke kumu o keia mana nui, a me ke ano o keia mau mea.

20. A eia kekahī, ua nui wale ka poe mawaena o lakou, i olelo ae, o Amona oia no ka Uhane Nui, a olelo ae la kekahī poe e ac ua hoounaia mai oia e ka Uhane Nui; aka, papa aku la kekahī poe e ia lakou a pau, i ka i ana, He mea ano e oia, he mea i hoounaia mai mai ko Nepai poe mai e hoeha mai ia kakou; a aia kekahī poe i olelo ae, ua hoounaia mai o Amona e ka Uhane Nui e hoopilikia mai ia lakou, no ka lakou hana hewa; a o ka Uhane Nui ia, ka mea i hele pu mau me ko Nepai poe, nana i hoopakele mau ia lakou mailoko aku o ko lakou nei mau lima; a i ae la lakou o ua Uhane Nui nei ia, nana i luku mai i ka nui me neia o ko lakou poe hoahanau, ko Lamana poe; a pela i hoomaka ai ka paio ana e ikaika nui loa ae mawaena o lakou. A oiai lakou e paio ana peia, hele mai la ke kauwawahine nana i hoakoakoa ai i na kanaka; a ia ia i ike ai i ka paio mawaena o na kanaka, ua kaumaha nui loa iho la oia, a kulu kona waimaka.

21. A eia kekahī, hele aku la oia a lalau aku la i ke Aliiwahine ma ka lima, e hiki paha ia ia ke hoala mai ia ia mai ka honua ae; a i kona hoopa ana i kona lima, ala ae la oia a ku iluna ma kona mau wawae, a kahea aku la me ka leo nui, i ka i ana, E Iesu pomaikai, nana i hoola mai ia'u mai kahi Gehena weliweli mai ! E ke Akua pomaikai, e aloha mai i keia poe kanaka. A ia ia i olelo mai ai i keia, apo iho la oia i kona mau lima i hoopihaiia me ka olioli, e olelo ana i na olelo he nui aole i hoomāopopoia; a ia ia i hana'i i keia, lalau aku la oia i ke Alii, ia Lamoni, ma ka lima, a, aia hoi, ala ae la oia a ku iho la ma kona mau wawae; a e ike ana oia i ka paio ana mawaena o kona poe kanaka, hele koke aku la oia, a hoomaka ae la e papa aku ia lakou, a e ao aku ia lakou i na olelo ana i lohe ai mai ka waha mai o Amona; a o ka poe i lohe i kana mau olelo, iuanacio iho la, a ua hoohuliia mai i ka Haku. Aka, ua nui ka poe mawaena o lakou i hoolohe ole ae i kana mau olelo; nolaila, haele aku la lakou.

22. A eia kekahi, ia Amona i ala ac ai; lawelawe iho la no hoi oia ia lakou, a me na kauwa a pau a Lamoni no hoi; a hai aku la lakou i na kanaka i ka mea hookahi: ua hoololia ko lakou mau naau; i ole lakou e makemake hou e hanaaku i ka ino. A, aia hoi, haiaku la kekahi poe he nui i na kanaka ua ike lakou i na anela, a ua kamailio pu me lakou; a pela i haiia mai ia lakou i na mea o ke Akua, a o kona pono. A eia hoi kekahi, ua nui loa ka poe i manaoio i ka lakou mau olelo; a o ka poe a pau i manaoio, ua bapetizoia; a lilo iho la lakou i poe kanaka pono, a kukulu iho la lakou i ekalesia mawaena o lakou: a pela i hoomaka ai ka hana a ka Haku mawaena o ko Lamana poe; a pela ka Haku i hoomaka ai e nini mai i kona Uhane maluna iho o lakou; a ke ike nei kakou ua o ia kona lima i na kanaka a pau, ka poe e mihi a e manaoio i koua inoa.

23. A eia kekahi, ia lakou i kukulu ai i ekalesia ma ia aina, make-make mai la ke Alii Lamoni ia Amona e hele pu aku me ia i ka aina o Nepai, e hiki ia ia ke hoike ae ia ia i kona makuakane. A hiki mai la ka leo o ka Haku io Amona la, i ka i ana, Aole loa oe e pii aku i ka aina o Nepai, no ka mea hoi, e imi no ke Alii i kou ola; aka, ea, nau e hele aku i ka aina o Midoni; no ka mea, aia kou kaikuana o Aarona, a me Muloki a me Ama hoi iloko o ka halepaahao.

24. Ano, eia kekahi, ia Amona i lohe ai i keia, i aktu la oia ia Lamoni, Aia hoi kuu kaikuana a mau hoahanau iloko o ka halepaahao ma Midoni, a ke hele nei au i hoopakele aku ai au ia lakou. Ano, i mai la o Lamoni ia Amona, ke ike nei au, ma ka ikaika o ka Haku, ua hiki ia oe ke hana i na mea a pau. Aka hoi, na'u e hele pu me oe i ka aina o Midoni: no ka mea, o ke Alii o ka aina o Midoni, o Anatiomano kona inoa, he hoa-aloha ia no'u; nolaila, ke hele aku nei au i ka aina o Midoni, i hoomaliholihiaku ai au i ke Alii o ka aina; a e hoolei mai oia i kou mau hoahanau mawaho o ka halepaahao. Ano, i mai la o Lamoni ia ia, Nawai la oe i hai aia o kou mau hoahanau iloko o ka halepaahao? A i aktu la o Amona ia ia, Aole na kekahi i hai mai ia'u o ke Akua wale no; a i mai la oia ia'u, E hele aku a e hoopakele aku i kou mau hoahanau, no ka mea, aia no lakou iloko o ka halepaahao ma ka aina o Midoni. Ano, ia Lamoni i lohe ai i keia, kenaaku la oia i kana poe kauwa e hoomakaukau i kona mau lio, a me kona mau halekaa. A i mai la oia ia Amona, E, e hele pu au me oe ilalo i ka aina o Midoni, a malaila au e noiaku i ke Alii, nana e hoolei mai i kou mau hoahanau iwaho o ka halepaahao.

25. A eia kekahi, i ka hele ana'e o Amona laua me Lamoni, halawai pu iho la laua me ka makuakane o Lamoni, oia no ke Alii maluna iho o ka aina a pau. A, aia hoi, i ae la ka makuakane o Lamoni ia ia, No ke aha la oe i hele ole mai ai i ka ahaaina, ma kela la nui ia'u i hana'i i kahi ahaaina i ka'u mau keiki, a i ko'u poe kanaka? A i ae la no hoi oia ia ia, E hele ana oe ihea me keia Nepai, oia no kekahi o na mamo a kekahi mea wahahhee? A eia kekahi, haiaku la o Lamoni ia ia i kona wahi e hele aku ai, no ka mea, makau iho la oia o huhu mai kela. A hāiaku la oia ia ia i ke kumu o kona noho ana ma kona aupuni iho, i hele ole aku ai oia

i kona makuakane la, i ka ahaaina ana i hoomakaukau ai. Ano, ia Lamoni i hai aku ai ia ia i ua mau mea nei a pau, Aia hoi, me kona kahaha, ua hulu kona makuakane ia ia, a i mai la, E Lamoni, e hele ana oe e hoopakele aku i keia mau Nepai, he mau mamo lakou a kekahī mea wahāhee. Aia hoi, hao wale mai la oia i ko kaua poe kupuna; a, ano la, ua hele mai no hoi kana poe mamo mawaena o kakou, e hiki ia lakou, ma ko lakou maalea a wahāhee ana, e hoopuupuni mai ia kakou, e hiki ia lakou ke hao hou wale mai ia kakou i ko kakou waiwai. Ano, kauoha ae la ka makuakane o Lamoni ia ia e pepehi ia Amona me ka pahikaua. A kauoha ae la no hoi oia ia, mai hele oia i ka aina o Midoni, aka e hoi pu oia me ia, i ka aina o Iscmaela. Aka, iaku la o Lamoni ia ia, Aole au e pepehi aku ia Amona, aole hoi au e hoi hou i ka aina o Iscmaela, aka, ke hele nei au i ka aina o Midoni, e hiki ia' u ke hookuu aku i na hoahanau o Amona, no ka mea, ua ike au he mau kanaka pono lakou, a he mau kaula hemolele o ke Akua oiaio. Ano, i ka wa a kona makuakane i lohe ai i keia mau olelo, ua hulu oia ia ia, a vnuhi ae la oia i kana pahikaua, e hiki ia ia ke hahau ia ia i ka honua. Aka ku iho la o Amona a iaku la ia ia, Aia hoi, aole loa oe e pepehi mai i kau keiki; e aho nae kona haule ana mamua o kou: no ka mea hoi, ua mihi oia i kona mau hewa; aka, ina e haule oe i keia manawa, iloko o kou hulu, aole e hiki i kou uhane ke hoolaiia. A eia hou, he mea pono nou e oki; no ka mea, ina e pepehi mai oe i kau keiki, (he kanaka hala ole no ia,) e kahea aka no kona koko mai ka lepo ae, i ka Haku i kona Akua, no ka hoopai e hiki mai maluna ou; a e lilo aka paha kou uhane. Ano, ia Amona i olelo aka ai i ua mau olclo nei ia ia, pane mai la oia ia ia, i ka i ana, Ua ike au ina e pepehi aka au i kau' u keiki, e hookahe no au i ke koko hala ole; no ka mea, ooe no ka mea nana i imi e hoopau ia ia: a o mai la oia i kona lima e pepehi mai ia Amona. Aka, pale ae la o Amona i kona hahau ana, a hahau iho la no hoi i kona lima i hiki ole ai ia ia ke hana me ia. Ano, i ka wa a ke Alii i ike ai ua hiki ia Amona ke pepehi mai ia ia, hoomaka ae la oia e noi aka ia Amona, e hookoe mai i kona cla. Aka, hoaka ae la o Amona i kana pahikaua, a iaku la ia ia, Aia hoi, e hahau aka no au ia oe, ke ole oe e ae mai ia' u e hooleiia mai ko' u mau hoahanau iwaho o ka halepaahao. Ano, o ke Alii e makau ana ia o lilo aka kona ola, i mai la, Ina e hookoe mai oe ia' u, na' u e haawi aka ia oe i kela mea i keia mea au e noi mai ai, ina paha ia o ka hapalua o ke aupuni.

26. Ano, ia Amona i ike ai ua hana aka ma ke Alii kahiko e like me kona makemake, iaku la oia ia ia, Ina e ae mai oe e hooleiia mai ko' u mau hoahanau mawaho o ka halepaahao, a e noho no hoi o Lamoni ma kona aupuni, aole hoi oe e hulu aka ia ia, aka e ae mai nana e hana e like me na makemake ona, ma na mea ana e manao ai, akaila, na' u e hookoe ia oe; a i ole, na' u e hahau ia oe i ka honua. Ano, ia Amona i olelo aka ai i keia mau olelo, hoomaka ae la ke Alii e hauoli no kona ola. A ia ia i like ai aole o Amona makemake e pepehi ia ia, a ia ia i ike ai hoi i

ke aloha nui ona i kana keiki ia Lamoni, ua kahaha nui loa iho la oia, a olelo mai la, No kou makemake ana i keia mau mea wale no, i hookuu aku ai au i kou mau hoahanau, a i ae aku ai i ka'u keiki Lamoni e noho ma kona aupuni, aia hoi, e ae aku no au ia oe e noho ka'u keiki ma kona aupuni mai keia manawa aku a mau loa aku; aole au e noho alii hou ma-luna ona ma neia hope aku. A e ae aku no hoi au ia oe e hookuia'ku kou mau hoahanau mawaho o ka halepaahao, a nau me kou mau hoahanau e hele mai ia'u, ma ko'u aupuni; no ka mea, e makemake nui au e ike ia oe: no ka mea, ua pihoihoi nui ke Alii ma na olelo ana i olelo aku ai, a ma na olelo hoi i oleloia'i e kana keiki Lamoni: nolaila, ua make-make oia e ao ia mau mea.

27. A eia kekahi, hele aku la o Amona laua me Lamoni i ka aina o Midoni. A loaa iho la ia Lamoni ka oluolu ma na maka o ke Alii o ka aina; nolaila, ua laweia mai na hoahanau o Amona mawaho o ka hale-paahao. A ia Amona i halawai pu ai me lakou, ua kaumaha nui loa ia, no ka mea hoi, ua kapa ole lakou, a ua pohole nui ko lakou ili, no ka nakinakiia'na me na kaula ikaika. A ua loaa no hoi ia lakou ka pololi, ka makewai, a me kela ano keia ano o ka pilikia a pau; aka hoi, ua hoomanawanui lakou iloko o ko lakou mau eha ana a pau. A me ia i hiki mai ai, o ko lakou puu ia e haule iloko o na lima okekahi poe kanaka i oi aku ka paakiki a ai ooolea; nolaila, aole o lakou la i hoolohe i na olelo a lakou, a ua hoolei mai ia lakou iwaho, a ua hahau mai ia lakou, a i hookeuke mai ai ia lakou ia hale aku ia hale aku, a ia wahihaku ia wahihaku, a hiki aku lakou i ka aina o Midoni; a malaila lakou i hopnia'i a i hooleia'i iloko o ka halepaahao, a i nakinakiia me na kaula ikaika, a hoopaaia iloko o ka halepaahao no na la he nui; a ua hoopakeleia e Lamoni laua me Amona.

MOKUNA XIII.

He moolelo o ka hai olelo ana a Aarona laua me Muloki, a me na hoahanau o laua, i ko Lamana poe.

1. Ano, i ka wa a Amona a me kona mau hoahanau i hookaawale ae ai ia lakou iho ma na palena o ka aina o ko Lamana poe, aia hoi, hete aku la o Aarona i ka aina i kapai'a'i e ko Lamana poe, o Ierusalem; e kapa ana ia wahihamuli o ka aina hanau o ko lakou poe kupuna, a ma o aku ia e pili ana i na palena o Moramona. Ano, o ko Lamana poe, a me ko Amaliki poe, a me ka poe kanaka o Amulona, ua kukulu iho la i kekahui kulanakauhale nui, i kapai'a'i o Ierusalem. Ano, ua lawa ka paakiki o ko Lamana poe, o lakou iho, aka, ua paakiki nui ae ko Amaliki, a me ko Amulona; nolaila, ma o lakou la i hoopakiki iho ai ko Lamana poe i ko lakou mau naau, i mahuahua ikaika'i lakou ma ka hana hewa, a me ko lakou mau mea ino.

2. A eia kekahī, hiki aku la o Aarona i ke kulanakauhale o Ierusalem, a hoomaka mua oia e hai olelo aku i ko Amaliki poe. A hoomaka ae la oia e hai aku ia lakou iloko o ko lakou mau halehalawai, no ka mea, ua kukulu iho la lakou i na halehalawai, mamuli o ka aoao o ko Nehora; no ka mea, ua nui ka poe o ko Amaliki poe a me ko Amulona poe mamuli o ka aoao o ko Nehora. Nolaila, me Aarona i komo aku ai iloko o kekahī o ko lakou mau halehalawai e hai aku i na kanaka, a i kana olelo ana ia lakou, aia hoi, ku iho la kekahī o ko Amaliki, a hoomaka iho la e paio me ia, i ka i ana, Heaha kela mea au i hoike mai ai? Ua ike anei oe i kekahī anela? No ke aha la aole i ike a na anela e makou? Aia hoi, aole anei i like ka maikai o keia poe kanaka me kou poe kanaka? A ke i mai nei no hoi oe, Ina aole makou c inihī, e make no auanei makou. Pehea la oe i ike i ka manao a me ka makemake o ko makou naau? Pehea la oe i ike ai he kumu ko makou e mihi ai? Pehea la oe i ike ai aole makou he poe kanaka pono? Aia hoi, ua kukulu iho makou i na halelāa, a ke hoakoakoa nei makou e hoomana aku i ke Akua. Ke manaoio nei makou e hoola mai no ke Akua i na kanaka a pau. Ano, iaku la o Aarona ia ia, Ke manaoio nei anei oe, e hele mai auanei ke Keiki a ke Akua e hoolapanai mai i na kanaka a pau mai ko lakou mau hala? A i mai la na kanaka la ia ia, Aole makou manaoio ua ike oe i kekahī mea e like me ia. Aole makou manaoio i keia mau mooolelo lapuwale. Aole makou manaoio ua ike oe no na mea e hiki mai ana, aole hoi makou manaoio ua ike kou poe kupuna, a me ko makou poe kupuna no hoi, no na mea a lakou i olelo mai ai, o na mea e hiki mai ana.

3. Ano, hoomaka ae la o Aarona e wehewehe aku i na palapala hemolele ia lakou, no ka hiki ana mai o Kristo, a no ke alahouana no hoi o ka poe make, a, e hiki ole mai ka hoolapanai'a'na o na kanaka a pau, ke ole ia ma o ka make a me na eha ana la o Kristo, a me ke kalahala ana o kona koko. A eia kekahī, me ia i hoomaka ai e hoomaopopo aku i ua mau mea nei ia lakou, ua huhu iho la lakou ia ia, a hoomaka ae la e hoomaewaewa ia ia; a, aole lakou e hoolohe mai i na olelo ana i olelo mai ai; nolaila, ia ia i ike ai aole lakou i hoolohe mai i kana mau olelo, haalele aku la oia i ko lakou halehalawai, a hele aku la i kekahī kauhale i kapaia o Ani-anati, a malaila i loaa'i o Muloki ia ia e hai ana i ka olclo ia lakou; a me Ama hoi, a me kona mau hoahanau. A paio aku la lakou me na mea he nui no ka olelo. A eia kekahī, ua ike lakou e hoopakakiki ana na kanaka i ko lakou mau naau; nolaila, haalele iho la lakou, a hacē aku la iloko o ka aina o Midoni. A hai aku la lakou i ka olelo i na mea he nui, a kakaikahi ka poc i manaoio ma na olelo a lakou i ao'aku ai. Aka hoi, o Aarona a me kekahī mau mea o kona poe hoahanau, ua hopnia a hooleiia iloko o ka halepaahao, a o na mea i koe mahuka aku la lakou mailoko aku o ka aina o Midoni, ma na wahi e kokoke ana a puni. A o ka poe i hooleiia'i iloko o ka halepaahao loaa iho la na mea eha he nui wale ia lakou, a ua hoopakeleia lakou e ka lima o Lamoni laua me Amona; a

ua hanaiia a hoaahuia. A hele hou aku la lakou e bai i ka olelo; a pela lakou i hoopakeleia mai ai no ka manawa mua mailoko mai o ka halepaahao; a pela lakou i eha ai. A hele aku la lakou i kahi a lakou i alakaiia'i e ka Uhane o ka Haku, e hai ana i ka olelo a ke Akua i kela halehalawai i keia halehalawai o ko Amaliki poe, a iloko o na ahakanaka o ko Lamana poe, kahi i biki ai ia lakou ke komo.

4. A eia kekahi, hoomaka mai la ka Haku e hoopomaikai mai ia lakou, a lawe mai la lakou i na mea he nui i ka ike i ka oiaio; he oiaio, ua hoomaopopoia kekahi poe he nui no ko lakou mau hewa, a no na mooolelo o ko lakou poe kupuna, i pololei ole.

5. A eia kekahi, hoi hou aku la o Amona laua me Lamoni mai ka aina mai o Midoni, i ka aina o Isemaela, oia no ko lakou aina hooilina. Aole i ae mai o ke Alii Lamoni ia Amona e lawelawe nana, aole hoi e lilo i kauwa nana; aka, kauoha aku la oia i na halehalawai e kukuluia ma ka aina o Isemaela; a kauoha aku la no hoi ia i kona poe kanaka, oia hoi ka poe kanaka e noho ana malalo iho o kona au, e hoakoakoa ia lakou iho. A hauoli iho la oia maluna o lakou, a ao aku la oia ia lakou i na mea he nui wale. A hai aku la no hoi oia ia lakou, he poe kanaka lakou malalo iho ona, a he poe kanaka ku okoa lakou; ua kaawale lakou mai ka hooluhi hewa ana'e o ke Alii, kona makuakane; no ka mea, ua ae mai kona makua ia ia, e noho alii oia maluna iho o ka poe kanaka iloko o ka aina o Isemaela, a iloko o ka aina a pau a puni. A hai aku la no hoi oia ia lakou, ua hookuuia lakou e hoomana i ka Haku, i ko lakou Akua, e like me ko lakou makemake, ma kela wahi keia wahi a lakou i komo ai, ina iloko ia o ka aina malalo iho o ka noho alii ana o ke Alii Lamoni. A hai olelo aku la o Amona i ka poe kanaka o ke Alii Lamoni. A eia kekahi, ao aku la oia ia lakou i na mea a pau no na mea e pili ana i ka pono. A kanleo aku la oia ia lakou i kela la i keia la, me ka ikaika a pau; a hoo-lohe, mai la lakou i kana olelo, a ua ikaika lakou no ka malama ana i na kauoha a ke Akua. Ano, me Amona e ao mau ana pela i ka poe kanaka o Lamoni, e hoi no kakou i ka mooolelo o Aarona a me kona mau hoahanau; no ka mea, mahope iho o kona hele ana mai ka aina o Midoni aku, ua alakaiia'ku oia e ka Uhane i ka aina o Nepai; i ka hale o ke Alii maluna iho o ka aina a pau, koe wale no ka aina o Isemaela; a oia no ka makuakane o Lamoni.

6. A eia kekahi, hele aku la oia iloko io na la, iloko o ko ke Alii hale alii, me kona mau hoahanau, a kulou iho la ia imua o ke Alii, a iaku la ia ia, Aia hoi, e ke Alii, o makou no na hoahanau o Amona, au i hoopakele mai ai mailoko mai o ka halepaahao. A, ano, e ke Alii, ina e hookoe mai oe i ko makou mau ola, e lilo makou i mau kauwa nau. A i mai la ke Alii ia lakou, E ala ae, no ka mea, e aeaku an ia oukou i ko oukou mau ola, a, aole au e aeaku e lilo oukou i mau kauwa na'u; aka, e koiaku au i lawelawe mai ai oukou ia'u; no ka mea, ua anoninoni au ma kekahi mau mea ma ka naau, no ka lokomaikai, a me ka nui o na olelo a

kou kaikaina a Amona; a ke makemake nei au e ike i ke kumu o kona pii pu ole mai mai Midoni mai, me oe. A i aku la o Aarona i ke Alii, Aia hoi, ua kahea ka Uhane o ka Haku ia ia i kekahia ala e; ua hele aku la oia i ka aina o Isemaela, e ao ahu i ka poe kanaka o Lamoni. Ano, i mai la ke Alii ia lakou, Heaha la keia mea a oukou i olelo mai ai ka Uhane o ka Haku? Aia hoi, o keia no ka mea e anonimoni mai ana ia'u. A, heaha keia hoi a Amona i mai ai—Ina e mihi oe e hoolaia auanei oe, a ina aole oe e mihi, e hooleiaiaku auanei oe ma ka la hepe? A olelo ahu la o Aarona ia ia, a iaku la ia ia, ke manaoio nei anei oe aia no he Akua? A i ae la ke Alii, Ua ike au ke i mai la ko Amaliki poe aia no he Akua, a ua ae ahu au ia lakou e kukulu i na halelala, i hoakoakoa ai lakou ma kahi hookahi, e hoomana ahu ia ia. A ina e olelo mai ana oe ano, aia no he Akua, aia hoi, e manaoio no au.

7. Ano, ia Aarona i lohe ai i keia, hoomaka ae la kona naau e hauoli, a iaku la oia, Aia hoi, he oiaio, me oe e ola nei, e ke Alii, aia no he Akua. A i ae la ke Alii, O ke Akua anei kela Uhane Nui nana i lawe mai i ko kakou poe kupuna mailoko mai o ka aina o Ierusalem? A iaku la o Aarona ia ia, Ae, oia no ua Uhane Nui la, a ua hana mai la oia i na mea a pau, ma ka lani a ma ka honua no hoi; ke manaoio nei anei oe i keia? A i ae la oia, Ae, ke manaoio nei au na ka Uhane Nui i hana mai i na mea a pau, a ke makemake nei au ia oe e hai mai ia'u no ua mau mea nei a pau, a e manaoio no au i kau mau olelo.

8. A eia kekahia, ia Aarona i ike ai e manaoio ana ke Alii i kana mau olelo, hoomaka ae la oia ma ka hanaia'na mai o Adamu, e heluhelu ana i na palapala hemolele i ke Alii; no ka hana ana a ke Akua i kanaka mamuli o kona ano like iho, a haawi mai la ke Akua ia ia i na kauoha, a no ka lawehala ana, ua hanle ke kanaka. A hoomaopopo ahu la o Aarona ia ia i na palapala hemolele, mai ka hanaia'na mai o Adamu, e waiho ana ka haule o ke kanaka imua ona, a me ko lakou noho kino ana, a me ke kumumanao hoolapanai no hoi, i hoomakaukania'i mai ka hookumuia'na mai o ke ao nei, ma o Kristo la, no ka poe a pau i mandoio ma kona inoa. A mahope mai o ko ke kanaka haule ana, aole loa i hiki ia ia ke loaa kekahia mea ma ona iho; aka e kalahala ana na cha a me ka make o Kristo no ko lakou mau hewa, ma o ka manaoio a mihi la, a pela ahu; a nana e moku i na mea paa o ka make, i kanakila ole ai ka lua, a i aleia'i ka hope awa o ka make iloko o na manaoiana o ka nani: a hoomoakaka ahu la o Aarona i keia mau mea a pau i ke Alii. A eia kekahia, mahope iho o ka hoomoakaka ana o Aarona i ua mau mea nei ia ia, i mai la ke Alii, Heaha ka'u e hana'i, i loaa mai ai ia'u ua ola mau loa nei au i olelo mai ai? He oiaio, heaha la ka'u e hana'i, i hoobanania mai ai au e ke Akua, me keia uhane ino i uhukia iwaho o ko'u naau, a e loaa iho kona Uhane, i hoopihai'a'i au me ka olioli, i hoolei ole ia'ku ai au ma ka la hope? Aia hoi, wahi ana, e haawi ahu no au i kuu mau mea a pau a'u i loaa'i; he oiaio, e haalele ahu au i kuu aupuni, e hiki ia'u ke loaa keia olioli nui. Aka, i

aku la o Aarona ia ia, Ina e makemake ana oe i keia mea, ina e kulou iho oe ilalo imua o ke Akua, he oiaio, ina e mihi oe i kou mau hewa a pau, a e kulou iho ilalo imua o ke Akua, a e kahea aku ma kona inoa ma ka manaoio, e manaoio ana e loaa mai ana ia oe, alaila, e loaa no ia oe ka manaoiana au i makemake ai.

9. A eia kekahī, ia Aarona i olelo mai ai i keia mau olelo, kulou iho la no ke Alii ilalo imua o ka Haku, ma kona mau kuli; he oiaio, hoomoe ilalo oia ia ia iho ma ka honua, e kahea ikaika ana, me ka i aku, E ke Akua e, ua hai mai o Aarona ia'u aia no he Akua; a ina aia no he Akua; a ina o ke Akua ooe, ea, e hoike mai oe ia oe iho ia'u, a e haawi aku no a'u i ko'u mau hewa a pau e ike ia oe, a i hoalaia mai ai au mai ka make mai, a e hoolaia ma ka la mahope. A, ano, i ka wa a ke Alii i olelo ae ai i ua mau olelo nei, ua loobia oia me he mea la ua make.

10. A eia kekahī, holo aku la kana poe kauwa, a hai aku la i ke Aliiwahine i na mea a pau i hiki mai ai maluna iho o ke Alii. A komo mai la oia iloko i ke Alii la; a ia ia i ike ai i kela e moe ana me he mea la ua make, a e ku ana no hoi o Aarona a me kona mau hoahanau me he mea la o lakou no ke kumu o kona haule ana, ua huhu oia ia lakou, a kena ae la i kana poe kauwa, oia hoi ka poe kauwa a ke Alii, e hopu ae ia lakou a e pepehi ia lakou. Ano, ua ike na kauwa i ke kumu o ko ke Alii haule ana, nolaila, aole lakou i aa e kau aku i na lima o lakou maluna iho o Aarona a me kona mau hoahanau; a noi aku la lakou i ke Aliiwahine, i ka i ana, No ke aha la oe i kena mai ai ia makou nei e pepehi aku i keia mau kanaka, i ka wa hoi i oi aku ka mana o kekahī o lakou mamua o makou nei a pau? Nolaila, e haule no makou imua o lakou. Ano, i ka wa a ke Aliiwahine i ike ai i ka makau o na kauwa, hoomaka no hoi oia e makau nui loa, o hiki mai kckahī mea ino maluna iho ona. A kena ae la oia i kana poe kauwa e hele aku a e kahea aku i na kanaka, e hiki ia lakou ke pepehi mai ia Aarona a me kona mau hoahanau. Ano, ia Aarona i ike ai i ka manao paa o ke Aliiwahine, a e ike ana no hoi oia i ka paakiki o na naau o na kanaka, makau iho la oia o hoakoakoia mai na kanaka he lehulchu, a e paio nui, a e haumaele nui aganei mawaena o lakou; nolaila, oaku la oia i kona lima a hoala mai la i ke Alii mai ka honua ne, a i aku la ia ia, E ku: a ku iho la oia ma kona mau wawae, e loaa ana kona ikaika. Ano, ua hanaia keia ma ke alo o ke Aliiwahine, a me na mea he nui o ka poe kauwa. A ia lakou i ike ai ia mea, kahaha nui iho la lakou, a hoomaka ae la e makau. A ku iho la ke Alii imua a hoomaka aku la e lawelawe aku ia lakou. A lawelawe aku la oia ia lakou, a hoo-hulihia ko kona hale a pau i ka Haku. Ano, ua hoakoakoia mai no he poe nui loa no ke kauoha a ke Aliiwahine, a hoomaka ae la na ohumu nui ana mawaena o lakou, no Aarona a me kona mau hoahanau. Aka, ku iho la ke Alii mawaena o lakou, a lawelawe aku la ia lakou. A ua hoona-naia lakou ia Aarona, a me ka poe pu me ia.

11. A eia kekahī, i ka wa a ke Alii i ike ai ua hoonaia na kanaka,

hooku iho la oia ia Aarona a me kona mau hoahanau mawaena konu o na kanaka, a i haiaku ai lakou i ka olelo ia lakou la. A eia kekahī, hoouna aku la ke Alii i olelo hoolaha mawaena o ka aina a pau, mawaena o kona poe kanaka a pau iloko o kona aina a pau, ka poe e noho ana ma na wahi a pau, e moe ana ma ke kai, ma ka hikina, a ma ke komohana hoi, a i paleia mai ka aina ae o Zarahemela e kekahī wahi paiki lōloa o ka waonahele, mai ke kai hikina a hiki wale aku i ke kai komohana, a, a puni ma na kapa o kahakai, a ma na kapa o ka waonahele aia ma ka akau, ma ka aina o Zarahemela, mawaena o na mokuna o Manati, ma ke poo o ka muliwai Sidona, mai ka hikina aku i ke komohana; a pela i hookaa-waleia'i ko Lamana poe a me ko Nepai poe. Ano, o ka poe palaualelo loa o ko Lamana poe noho iho la lakou ma ka waonahele, a nolio iloko o na halelewa; a ua hoopalahalahaia lakou mawaena o ka waonahele, ma ke komohana, iloko o ka aina o Nepai: he oiaio, a ma ke komohana no hoi o ka aina o Zarahemela, ma na palena, ma ke kahakai, a ma ke komohana, iloko o ka aina o Nepai, iloko o kahi o ko ko lakou poe kupuna hooilina mua, a pela e moe ana ma kabakai. A ua nui no hoi o ko Lamana poe ma ka hikina ma kabakai, kahi a ko Nepai poe i hooauhee aku ai ia lakou. A pela ua aneane poai puniia ko Nepai poe e ko Lamana poe; aka hoi, ua loaa iho la i ko Nepai poe na wahi a pau ma ka akau o ka aina, e moe ana ma ka waonahele ma ke poo o ka muliwai Sidona, mai ka hikina a hiki aku i ke komohana, a puni ma ka aoao waonahele; ma ka akau, a hiki wale aku lakou i ka aina a lakou i kapa aku ai o Momona. A moe iho la ia ma ka aina a lakou i kapa aku ai o Neoneo; ma ka akau loa ia a hiki aku iloko o ka aina i piha e mamua i na kanaka, a i lukuia, ua olelo e aku makou no na iwi o lakou, ka mea i loaa'i i ka poe kanaka o Zarahemela; oia no kahi a lakou i pae mua ai. A hele mai la lakou mai-laila mai iluna'e iloko o ka waonahele hema. Pela ae la ua kapaia ka aina ma ka akau o Neoneo, a o ka aina ma ka hema ua kapaia o Momona; oia no ka waonahele i hoopihai me na holoholona hiihi a pau o kela ano o keia ano; o kekahī poe o lakou ua hele mai mai ka aina akau, no ka ai. A, ano, hookahi la a me ka hapalua wale no ka loihi o ka hele ana no kekahī o ko Nepai poe, ma ka palena o ka aina Momona, a me ka aina Neoneo, mai ke kai hikina i ke kai komohana; a pela iho la ua aneane hoopuniia ka aina o Nepai, a me ka aina o Zarahemela, e ke kai; aia no he puali unku o ka aina mawaena o ka aina ma ka akau, a me ka aina ma ka hema.

12. A eia kekahī, ua noho iho la ko Nepai poe ma ka aina Momona, mai ke kai hikina a hiki aku i ke kai komohana, a pela ko Nepai poe iloko o ko lakou naauao, me ko lakou poe koa kiai a me ko lakou poe kaua, i hoopuni aku ai i ko Lamana poe ma ka hema, i hiki ole ai ia lakou ke loaa hou kahi e noho ai ma ka akau, i hiki ole ai ia lakou ke kawowo aku i ka aina ma ka akau; nolaila, ua hiki ole i ko Lamana poe ke loaa hou aku na wahi e noho ai, ma ka aina o Nepai wale no, a me ka waona-

hele a puni. A he mea naauao keia ma ko Nepai poe; no ka mea, he enemi ko Lamana poe ia lakou, i ole ai lakou e loaa ko lakou mau mea pilikia ma kela lima keia lima, a i hiki ia lakou ke loaa no hoi kekahiaina kahi a lakou e holo aku ai, e like me ko lakou mau makemake. Ano, mahope iho o ka'u olelo ana i keia, ke hoi hou nei au i ka mooolelo o Amona, a me Aarona, o Omanera a me Himani, a me ko lakou mau hoahanau.

MOKUNA XIV.

1. Eia hoi kekahi, hoouna aku la ke Alii o ko 'Lamana poe i olelo hoolaha mawaena o kona poe kanaka a pau, aole lakou e kau i ko lakou mau lima maluna iho o Amona, a me Aarona, o Omanera, a me Himani, aole hoi maluna o kekahi o ko lakou mau hoahanau, ka poe e hele aku e hai ana i ka olelo a ke Akua, ma kela wahi keia wahi a lakou e noho ai, ma na mokuna a pau o ko lakou aina; he oiaio, hoouna ae la oia i kekahi kauoha mawaena o lakou la, aole lakou la e kau i ko lakou la mau lima m' ma iho o lakou e uakinaki ia lakou, aole hoi e hoolei ia lakou iloko o ka halepaahao; aole hoi e kuha lakou la maluna iho o lakou, aole hoi e papai ia lakou, aole hoi e hoolei ae ia lakou mawahō o ko lakou mau halehalawai, aole hoi e hahau ia lakou: aole hoi lakou la e nou ae i na pohaku ia lakou, aka e komo lakou me ke keakea ole ia iloko o na hale o lakou la, a i na luka'ini hoi, a i na halelāa; a pela e hiki ai ia lakou ke hele aku a hai aku i ka olelo a ke Akua, e like me ko lakou makemake, no ka mea, ua hoohulihia mai ke Alii i ka Haku, a me ko kona hale a pau: nolaila, hoouna aku la oia i ua olelo hoolaha nei mawaena o ka aina i kona poe kanaka, i alalai ole ia'i ka olelo a ke Akua, aka e hiki ia mea ke holo aku mawaena o ka aina a pau, e hiki i kona poe kanaka ke hoomaopopoia no na mooolelo ino o ko lakou poe kupuna, e hiki ia lakou ke hoomaopopoia he poe hoahanau lakou a pau, a he mea e pono ole ai no lakou e pepehi kanaka, aole hoi e powa, aole hoi e aihue, aole hoi e moe kolohe, aole hoi e hana i kela ano i keia ano o ka hewa.

2. Ano, eia kekahi, i ka wa a ke Alii i hoouna aku ai i ua olelo hoolaha nei, hele aku la o Aarona a me kona mau hoahanau ia kulanakauhale aku ia kulanakauhale aku, a mai kahi hale hoomana aku i kekahi, e kukulu ana i na ekalesia, a e hoolaa ana i na kahuina a me na kumu a puni ka aina mawaena o ko Lamana poe, e hai aku a e ao aku i ka olelo a ke Akua mawaena o lakou; a pela lakou i hoonaka'i e loaa ka pomaikai nui. A ua laweia mai na tau'sani i ka ike i ka Haku, he oiaio, ua laweia mai na tau'sani e manaoio i na mooolelo o ko Nepai poe; a ua aoia lakou i na mooolelo a me na wanana i haawia mai ai, a hiki waleaku i keia manawa; a me ka oiaio o ka Haku e ola nei, me ia o ka poe i manaoio, o ka poe i

laweia mai i ka ike i ka oiaio, ma o ka hai olelo ana la o' Amona a me kona poe hoahanaau, e like me ka Uhane o ka hoikeana a o ka wanana, a me ka mana o ke Akua, e hana ana i na hana mana iloko o lakou; he oiaio, ke i aku nei au ia oukou, me ka Haku e ola nei, o ka poe o ko Lamana poe i manaoio ai īka lakou hai olelo ana, a i hoohulihia'i i ka Haku, aole lakou i haule hou aku ma ia hope aku, no ka mea, lilo iho la lakou i poe kanaka pono: waiho iho la lakou ilalo i na mea kaua o ko lakou kipi ana, i ole lakou e kaua ku e hou i ke Akua, aole hoi i kekahī poe o ko lakou poe hoahanaau. Ano, eia ka poe i hoohulihia'i i ka Haku: o ka poe kanaka o ko Lamana poe e noho ana ma ka aina o Isemaela, a o ka poe kanaka hoi o ko Lamana poe e noho ana ma ka aina o Midoni, a o ka poe kanaka hoi o ko Lamana poe e noho ana ma ke kulanakauhale o Nepai, a o ka poe kanaka hei o ko Lamana poe e noho ana ma ka aina o Sailoma, a e noho ana ma ka aina o Semalona, a ma ke kulanakauhale o Lemuela, a ma ke kulanakauhale o Siminailona; a oia na inoa o na kulanakauhale o ko Lamana poe i hoohulihia'i i ka Haku; a o lakou nei no ka poe i waiho ilalo i na mea kaua o ko lakou kipi ana, he oiaio, i na mea kaua a pau o lakou; a no ko Lamana poe lakou a pau. Aole i hoohulihia'e ko Amaliki poe, hookahi mea wale no; aole hoi kekahī o ko Amulona poe; aka, hoopaakiki iho la lakou i ko lakou mau naau, a me na naau hoi o ko Lamana poe ma na wahi o ka aina a lakou i noho ai; he oiaio, a me ko ko lakou mau kauhale a pau a me ko ko lakou mau kulanakauhale a pau; nolaila, ua kakau makou i na inoa o na kulanakauhale a pau o ko Lamana poe, iloko olaila lakou i mihi ai a loaa'i ka ike i ka oiaio, a i hoohulihia'i.

3. Ano, eia kekahī, o ke Alii a me ka poe i hoohulihia'i, ua make-make lakou e loaa kekahī inoa, e hiki ia lakou ma ia mea ke heōkoiaia'mai ko lakou poe hoahanaau ae; nolaila, kukakuka pu iho la ke Alii me Aarona a me kekahī poe he nui o ko lakou poe kahuna, no ka inoa a lakou e lawe mai ai maluna iho o lakou, i hookoiaia'i lakou. A eia kekahī, kapa iho la lakou i ko lakou inoa o ko Anati-Nepai-Lehi; a ua kapaia lakou ma keia inoa, a, aole e kapa hou ia ko Lamana poe. A hoomaka ae la lakou e lilo i poe kanaka ikaika loa ma ka hana: he oiaio, a ua launa pu me ko Nepai poe; nolaila, ua kohu pu lakou me lakou la, a hahai hou ole mai ka hoomaihoino o ke Akua ia lakou.

4. A eia kekahī, o ko Amaliki poe, a me ko Amulona poe, a me ko Lamana poe e noho ana ma ka aina o Amulona, a ma ka aina o Helama no hoi, a ma ka aina o Ierusalem, a ma ka aina a pau a puni, ka poe i hoohuli ole ia'i, a i lawe ole ai maluna iho o lakou i ka inoa o Anati-Nepai-Lehi, ua hookonokonoia'e ko Amaliki poe, a e ko Amulona poe, ē hahu aku i ko lakou poe hoahanaau; a lilo iho la ko lakou inaina ku e ia lakou i mea eha nui loa, a hoomaka ae la lakou e kipi aku i ko lakou Alii, a aole lakou i makemake ia ia i Alii no lakou; nolaila, lalau aku la lakou i na mea kaua e ku e mai i ka poe kanaka o Anati-Nepai-Lehi.

5. Ano, hooili iho la ke Alii i ke aupuni maluna iho o kana keikikane

a kapa iho la oia i kona inoa o Anati-Nepai-Lehi. A make aku la ke Alii i ua makahiki hookahi la, a ko Lamana poe i hoomaka ai e hoomakaukau iho no ke kaua ku e mai i ka poe kanaka o ke Akua. Ano, i ka wa a Amona a me kona mau hoahanau, a me ka poe a pau i pii pu me ia, i ike ai i ka hoomakaukau ana o ko Lamana poe e luku mai i ko lakou poe hoahanau, hele ae la lakou i ka aina o Midiana, a malaila o Amona i halawai pu ai me kona mau hoahanau a pau; a mailaila i hele aku ai lakou i ka aina o Isemaela, e hiki ia lakou ke kukakuka pu me Lamoni, a me kona kaikuaana hoi o Anati-Nepai-Lehi, no ka mea a lakou e hana ai e hoomalu ia lakou iho i ko Lamana poe. Ano, aole kekahī mea mawena o ka poe kanaka i hoohuliia'i i ka Haku, nana e lalau aku i na mea kaua e ku e i kona poe hoahanau; aole loa, aole hoi e hoomakaukau aku i kekahī mea no ke kaua; he oiaio, a kauoha mai la no hoi ko lakou Alii ia lakou, i ole ai lakou e hana. Ano, eia na olelo ana i olelo aku ai i na kanaka no ia mea: Ke aloha aku nei au i ko'u Akua, e ko'u poe kanaka i alohaia, ua hoouna mai ko kakou Akua nui ma ka lokomaikai i ko kakou poe hoahanau nei, ko Nepai poe, ia kakou e hai olelo mai ia kakou, a e hoomaopopo mai ia kakou no na mooolelo a ko kakou poe kupuna hewa. A, aia hoi, ke aloha aku nei au i ko'u Akua nui no kona haawi ana mai ia kakou kekahī hapa o kona Uhane e hoopalupalu mai i na naau o kakou, i hoemaka'i kakou e hoolagna aku me keia poe hoahanau, me ko Nepai poe; a, aia hoi, ke aloha aku nei hoi au i kuu Akua no ka hoomaopopoia'na o kakou ma keia hoalauna ana no na hala o kakou, a no ka nui o na pepehi kanaka ana a kakou i hana'i; a ke aloha aku nei no hoi au i kuu Akua, he oiaio, i kuu Akua nui, no kona ae ana mai ia kakou e mihi i ua mau mea nei, a no kona kala ana mai no hoi ia kakou i ua mau mea nei, i ko kakou mau hala a mau pepehi kanaka ana he nui a kakou i hana'i, a lawe ana'ku i ka hewa mai na naau o kakou aku, ma o na hana maikai la a kana Keiki. Ano, aia hoi, e ko'u poe hoahanau, he mea ane hiki ole no kakou (no ka mea, o ka poe lilo loa kakou o na kanaka a pau,) ke mihi i ko kakou mau hewa a pau a me na pepehi kanaka ana he nui loa a kakou i hana'i, a e noi i ke Akua e lawe aku ia mau mea mai na naau o kakou aku, no ka mea, he mea ane hiki ole ka lawa ana o ko kakou mihi imua o ke Akua, i lawe aku ai oia i ko kakou kohu.

6. Ano, e o'u poe hoahanau i aloha loa ia, mahope iho o ko ke Akua lawe ana aku i ko kakou mau kohu, a ua lilo na pahikaua a kakou i huali, mai hookohu hou aku kakou i na pahikaua a kakou ma neia hope aku me ke koko o ko kakou poe hoahanau. Aia hoi, ke i aku nei au ia oukou, Aole, aka e hoopaa kakou i na pahikaua a kakou, i hookohu ole ia'i lakou me ke koko o ko kakou poe hoahanau: no ka mea, malia paha ina e hookohu houraku kakou i na pahikaua a kakou, aole e hiki ke holoi huali hou ia ua mau mea nei ma o ke koko la o ke Keiki a ko kakou Akua nui, e hookahiea auanei no ke kalahala ana o ko kakou mau hewa. A ua aloha mai ke Akua nui ia kakou, a hoike mai la i ua mau mea nei ia kakou, i make ole

aī kakou: he oiaio, a ua hoike mai oia i ua mau mea nei ia kakou mamua **o ka hiki** ana mai, no ka mea, e aloha mai ana oia i na uhane o **kakou** e like me kona aloha ana i ka kakou poe keiki; nolaila, ma kona aloha ke hoalauna mai nei oia ia kakou ma o kona poe anela la, i hiki i ke kumumanao hoola ke hoikeia mai ia kakou no hoi e like me ia i nā hanauna e hiki mai ana. E, nani wale ke aloha o ko kakou Akua! Ano, aia hoi, he mea ane hiki ole ia kakou ke loaa ka lawe ana'ku o na kohu o kakon mai o kakou aku, a ua hoohualia na pahikaua a kakou, ea, e huna aku kakou ia mau mea i malama huali ia'i ua mau mea la, me he mea hoike la i ko kakou Akua ma ka la hope, a ma ka la a kakou e lawcia mai ai e ku imua ona e hookolokoloia, aole o kakou i hookohu aku i na pahikaua a kakou iloko o ke koko o ko kakou poe hoahanau mahope iho o kona haawi ana i kana olelo ia kakou, a i hoomaemae mai ai ia kakou ma o ua mea la. Ano, e ko'u poe hoahanau, ina e imi mai ko kakou poe hoahanau e luku mai ia kakou, aia hoi, e hunaaku kakou i na pahikaua a kakou, he oiaio, e kanu hohonu aku kakou ia mau mea iloko o ka honua, i malama huali ia'i ia mau mea, me he hoike la ma ka la hope aole o kakou i hana aku me ua mau mea la; a ina e luku mai ko kakou poe hoahanau ia kakou, aia hoi, e haele aku no kakou i ko kakou Akua la a e hoolai'a'i.

7. Ano, eia kekahī, i ka wa a ke Alii i hoopau ai i keia mau olelo, a i hoakoakoa pu ia mai ai na kanaka a pau, lalau aku la lakou i na pahikaua a lakou, a me na mea kana a pau i hanaia'i no ka hookahe ana o ko ke kanaka koko, a kanu hohonu iho la lakou ia manu mea iloko o ka honua; a o keia ka lakou i hana'i, he mea ia ma ko lakou manao e hoike aku ai i ke Akua, a i na kanaka hoi, aole lakou e hana hou aku me na mea kaua no ka hookahe ana o ko ke kanaka koko; a o keia ka lakou i hana'i, e hoohiki ana a e hana berita ana me ke Akua, ua makemake loa lakou e haawi aku i ko lakou mau ola iho, mamua o ka hookahe ana i ke koko o ko lakou poe hoahanau; a ua makemake loa lakou e haawi aku i kekahī hoahanau, mamua o ka lawe mai ana mai ona mai; a ua makemake loa lakou e hana nui me ko lakou mau lima, mamua o ka hoomaumauna ana i na la o lakou ma ka palaualelo; a pela kakou i ike ai i ka wa i hoohulilia mai ai keia poe o Lamana e manaoio a e ike i ka oiaio, ua kupaa lakou, a e hoomanawannu aku a hiki aku i ka make, mamua o ka hana hewa aku; a pela kakou i ike ai, ua kanu iho la lakou i na mea o ka malu, oia hoi ua kanu iho la lakou i na mea kaua, i loaa'i ka malu.

8. A eia kekahī, hoomakaukau iho la ko lakou poe hoahanau, ko Lamana poe, no ke kaua, a pii mai la i ka aina o Nepai, me ka manao e pepehi mai i ke Alii, a e hoonohonoho iho i kekahī mea ma kona hakahaka, a e luku mai no hoi i ka poe kanaka o Anati-Nepai-Lehi mailoko aku o ka aina. Ano i ka wa a ka poe kanaka i ike ai e hele ku e mai ana lakou ia lakou nei, haele aku la lakou nei mawaho e halawai pu me lakou, a hoomoe iho la lakou nei ia lakou iho imua o lakou i ka honua, a hoomaka ae la e kahea aku i ka inoa o ka Haku; a pela iho la ke ano o

ko lakou mau kino i ka wa i hoomaka ai ko Lamana poe e haule mai **ma-luna** iho o lakou, a hoomaka iho la e pepehi mai ia lakou me ka pahikaua; a pela iho la me ke ku e ole ia'ku, pepehi mai la lakou la i hookahi tausani a me na mea keu elima o lakou nei; a ke ike nei makou ua pomaikai lakou, no ka mea, ua haele aku la lakou e noho pu me ko lakou Akua. Ano, i ka wa a ko Lamana poe i ike q'i aole e hee aku ko lakou poe hoahanan mai ka pahikaua aku, aole hoi lakou e huli ae i ka lima akan, aole hoi i ka lima hemā, aka e moe no lakou ilalo a make, a hoolea aku i ke Akua i ka wa e make ana malalo iho o ka pahikaua: ano, i ko Lamana poe i ike ai i kcia, hooki ae la lakou i ka pepehi ana ia lakou nei; a ua nui ka poe nona na naau i pehu ai iloko o lakou no ka poe o ko lakou poe hoahanan i haule iho malalo iho o ka pahikana, no ka mea, mihi iho la lakou no na mea a lakou i hana'i.

9. A eia kekahī, hoolei iho la lakou i na mea kaua o lakou ilalo, aole lakou e lalau hou aku ia mau mea, no ka mea, ua walania iho la lakou no na pepehi kanaka a lakou i hana'i; a iho mai la lakou ilalo e like me ko lakou poe hoahanan, e paulele ana i ke aloha o ka poe nona nā lima i hoakaia e pepehi mai ia lakou.

10. A eia kekahī, ua hui pu ia me ka poe kanaka o ke Akua ia **la** kekahī poe he nui ae mamua o ka poe i pepehiia mai; a o ka poe i pepehiia mai he poe kanaka pono lakou; nolaila, aole kumu ko makou e kanalua ai no ko lakou hoolai'a'na. A, aole kekahī kanaka hewa i pepehiia mawaena o lakou; aka, ua nui ae lakou mamua o ka tausani hookahi i laweia mai i ka ike i ka oiaio; a pela kakou i ike ai e hana ana ka Haku ma na aoao he nui e hoola mai i kona poe kanaka. Ano, o ka nui loa o ua poe la o ko Lamana, ka poe i pepehi ae i ko lakou poe hoahanan, no ko Amaliki poe a me ko Amulona poe lakou, a mamuli o ka aoao o ko Nehora ka nui loa o lakou. Ano, mawaena o ua poe **la** ka poe i hui pu ai me ka poe kanaka o ka Haku, aole kekahī no ko Amaliki poe, aole hoi no ko Amulona poe, aole hoi no ka aoao o Nehora, aka, he poe mamo io na Lamana laua me Lemuela: a pela ua hiki ia kakou ke ike lea, mahope iho o ka hoomalamalamai'a'na o na kanaka e ka Uhane o ke Akua, a ua loaa ka ike nui no nā mea e pili ana i ka pono, a, alaila haule aku iloko o ka hewa a me ka hala, ua lilo lakou i poe paakiki loa aku, a pela i lilo ai ko lakou noho ana i ino loa ae, mamua o ko lakou, ina aole lakou i ike e i kela mau mea.

11. A, aia hoi kekahī, ua hahu nui loa ae ua poe la o Lamana, no **ko** lakou pepehi ana i ko lakou poe hoahanan; nolaila, hoohiki iho la lakou e hoopai maluna iho o ko Nepai poe; a, aole lakou i hoao hou e pepehi mai i ka poc kanaka o Anati-Nepai-Lehi ia manawa; aka, lawe aku la lakou i ko lakou poe koa a hele aku la iloko o na palena o ka aina o Zarahemela, a haule iho la maluna iho o ka poe kanaka e noho ana ma ka aina Amoniha, a luku ae la ia lakou. A mahope iho o ia mea, ua nui na kaua o lakou me ko Nepai poe, a ma ua mau kaua nei ua hooauheelia'ku a pepehi-

ia'ku lakou; a mawaena o ko Lamana poe i pepehiia, ua aneane pau loa ka poe hua a Amulona a me kona poe hoahanau, ka poe kahuna no lakou mamua a Noa, a ua pepehiia lakou e na lima o ko Nepai poe; a o ka poe o lakou i koe ua holo aku iloko o ka waonahele hikina, a ua lalau wale iho i ka mana a noho alii ana maluna iho o ko Lamana poe, a kena ae la i kekahih poe he nui o ko Lamana poe e puhia ma ke ahi, no ko lakou manao'i: no ka mea, o kekahih poe he nui loa o lakou mahope iho o ka loaa ana ka poino nui a me na mea pilikia he nui wale me neia, hoomaka iho la e hooeueuia e hoomanao iho i na olelo a Aarona me kona poe hoahanau i haiaku ai ia lakou ma ko lakou aina; nolaila, hoomaka ae la lakou e hoomaloka aku i na mooolelo o ko lakou poe kupuna, a e manaoio i ka Haku, a nana i haawi i ka mana nui i ko Nepai poc; a pela hoi ua nui wale o lakou i hoohulia'i ma ka waonahele.

12. A eia kekali'i, kena ae la ua poe luna la, o lakou no ka poe i koe o na keiki a Amulona, e pepehiia lakou nei, he oiaio, o ka poe a pau i manaoio i ua mau mea nei. Ano, no keia luku ana ua hooeueuia kekahih poe he nui loa o ko lakou poe hoahanau me ka hahu; a hoomaka ae la ka paio ma ka waonahele; a hoomaka ae la ko Lamana e imi i ka poe keiki a Amulona a me kona poe hoahanau, a hoomaka ae la e pepehiaku ia lakou, a hee aku la lakou iloko o ka waonahele hikina. A, aia hoi, ua imiia lakou i keia manawa e ko Lamana poe: pela i ko mai ai na olelo a Abinadi, ana i olelo mai ai no na hua a ka poe kahuna, ka poe i kena mai i loaa'i ia ia ka make ma ke ahi. No ka mea, iaku la oia ia lakou, O ka mea a oukou e hana mai ai ia'u, he hoailona auanei ia no na mea e biki mai ana. Ano, o Abinadi no ka mua i loaa'i ka make ma ke ahi, no kona manaoio aku i ke Akua: ano, eia no ke ano o kana olelo, e loaa auanei i kekahih poe he nui ka make ma ke ahi, e like me kana i loaa'i. A iaku la oia i ka poe kahuna a Noa, na ka lakou poe hua e kenaaku auanei e pepehiia a make na mea he nui, ma ke ano e like me ia, a e hoopuehuia'ku a e pepehiia'ku lakou, me he hipa la me ke kahu ole i hoaia'ku a i pepehiia'ku e na holoholona hihiu; ano, aia hoi, ua ko mai ua' mau olelo nei, no ka mea, ua hoaia'ku lakou e ko Lamana poe, a ua imiia'ku lakou, a ua hahauia'ku lakou.

13. A eia kekahih, i ka wa a ko Lamana poe i ike ai ua hiki ole ia lakou ke lanakila maluna iho o ko Nepai poe, hoi houaku la lakou i ko lakou aina iho; a ua nui loa ka poe o lakou i hele mai i ka aina o Isemaela a me ka aina o Nepai, a hui pu iho la ia lakou iho i ka poe kanaka o ke Akua, oia ka poe kanaka o Anati-Nepai-Lehi; a kanu iho la hoi lakou i na mea kaua o lakou, e like me ka ko lakou poe hoahanau i hana'i, a hoomaka ae la lakou e lilo i poe kanaka pono; a hele aku la lakou ma na aoao o ka Haku, a malama iho la i kana mau kauoha a me kona mau kanawai, he oiaio, a ua malama iho lakou i ke kanawai o Mose: no ka mea, he mea e pono ai no lakou e malama i ke kanawai o Mose i keia manawa, no ka mea, aole i pau ia i ka hookoia. Aka, me ke kanawai o

Mose pu, ua nana nae lakou imua i ka hiki ana mai o Kristo, e manao ua he hoailona ke kanawai o Mose o kona hiki ana mai, a e manaoio ana he mea e pono ai na lakou e malama i kela mau oihana mawahoa, a hiki i ka manawa e hoikeia mai oia ia lakou. Ano, aole lakou i manao ua hiki mai ke ola ma o ke kanawai la o Mose; aka, o ke kanawai o Mose he mea ia e hooikaika ai i ko lakou manaoio iloko o Kristo; a pela hoi lakou i hoopaa mai ai i kekahia manaoiana, ma o ka manaoio la, i ke ola mau loa, e hilinai ana i ka Uhane o ka wanana, ka mea i olelo mai no ua mau mea la e hiki mai ana. Ano, aia hoi, hauoli nui loa iho la o Amona, a me Aarona, a me Omanera, a me Himani, a me ko lakou poe hoahanau, no ka pomaikai a lakou i loaa'i mawaena o ko Lamana poe, e ike ana ua haawi mai la ka Haku ia lakou e like me ka lakou mau pule, a ua hooko mai nohoi i kana olelo ia lakou ma na mea a pau.

14. A, ano, eia na olelo a Amona i kona poe hoahanau, penei ua mau olelo nei: E ko'u poe hoahanau, aia hoi, ke i aku nei au ia oukou, he kumu nui ko kakou e hauoli ai; no ka mea, na hiki anei ia oukou ke manao, i ka wa a kakou i haalele aku ai i ka aina o Zarahemela; e haawi mai ana ke Akua ia kakou i na mea pomaikai nui me neia? A, ano, ke ninau aku nei au, heaha la na mea pomaikai nui ana i haawi mai ai maluna iho o kakou? E hiki anei ia oukou ke hai mai? Aia hoi, ke pane aku nei au no oukou, no ka mea, aia iloko o ka pouli mamua ko kakou poe hoahanau, ko Lamana poe, he oiaio, iloko o ka lua pouli loa; aka, aia hoi, peheia la ka nui loa o lakou i laweia mai e ike i ka malamalama kupaina-haha o ke Akua? A eia no ka pomaikai ana i haawi mai ai maluna iho o kakou, ua hooliloia mai kakou i mau mea hana ma na lima o ke Akua, e hooko i keia hana nui. Aia hoi, ke hauoli nei na tausani o lakou, a ua laweia mai iloko o ka pa o ke Akua. Aia hoi, ua oo ka mahinaai, a pomaikai iho la oukou, no ka mea, na oukou i hookomo aku i ka pahikakiwi, a hoilili iho la me ko oukou ikaika, he oiaio, a hana aku la oukou a pau ae la ka la; a, e nana aku oukou i ka nui loa o na pua a oukou, a e hoililiia auanei lakou iloko o na halepapaa, i helelei liilii ole ai lakou; he oiaio, aole loa o lakou e wiliia ilalo e ka makani ino, ma ka la hope; he oiaio hoi, aole e kupikipikioia'i e na puahiohio; aka, i ka wa e hiki mai ai ka makani ino, e hoilili pu ia lakou ma ko lakou wahia, e hiki ole ai i ka makani ino ke komo iloko o lakou; he oiaio, aole hoi lakou e puhia'i me na makani ikaika, i kahi a ka enemi e makemake ai e hali ia lakou. Aka hoi, aia no lakou ma na lima o ka Haku nona ka mahinaai, a nana no lakou; a e hookiekie mai oia ia lakou iluna ma ka la hope. E hoomaikaiia ka inoa o ko kakou Akua; e memele aku kakou i kona nani, he oiaio, e haawi aka kakou i ke aloha i kona inoa hoano, no ka mea, ke hana la oia i ka pono a mau loa aka. No ka mea, ina ua pii ole mai kakou mailoko mai o ka aina o Zarahemela, ina ua walania ano keia poe hoahanau aloha nui ia o kakou, ka poe nana i aloha nui mai me neia ia kakou, me ka inaina ku e mai ia kakou, he oiaio, a he poe malihui no hoi lakou i ke Akua.

15. A eia kekahī, ia Amona i olelo ae ai i ua mau olelo nei, papa mai la kona kaikuāana o Aarona ia ia, i ka i ana: E Amona, ke makau nei au e kai ana kou olioli ia oe', e kaena aku. Aka, i ae la o Amona ia ia, Aole au e kaena nei ma ko'u ikaika iho, aole hoi ma ko'u naauao iho; aka hoi, ua piha ko'u olioli, he oiaio, na piha kuu naau me ka olioli, a e hauoli no au iloko o kuu Akua; he oiaio, ke ike nei au he mea ole au; ma ko'u ikaika, ua nawaliwali au; nolaila, aole au e kaena aku no'u iloh, aka e kaena aku au no ko'u Akua; no ka mea, ma kona ikaika ua hiki ia'u ke hana aku i na mea a pau; he oiaio, aia hoi, ua nui wale na hana mana nani a kakou i hana aku ai ma keia aiga, no ua mau mea nei ea, e hiilani aku kakou i kona inoa no ka wa pau ole. Aia hoi, nani wale ka nui loa o ko kakou poe hoahanau ana i hookuu mai ai, mai na eha o Gehena ae; a ua kaiia mai lakou e memele aku i ke aloha hoolapanai ana; a o keia mea no ka mana o kana olelo iloko o kakou; nolaila, aole anei o kakou he kumu nui e hauoli ai? Ae, he kumu no ko kakou e hoolea aku ia ia, ia ao aku ia.ao aku, no ka mea, oia no ke Akua kickie loa, a ua hookuu mai i ko kakou poe hoahanau mai na kaulahao ae o Gehena. He oiaio, ua hoopunia lakou a puni me ka pouli a make mau loa; aka hoi, nana no i kai mai ia lakou iloko o kona malamalama mau loa, he oiaio, iloko o ke ola mau loa; a ua hoopunia lakou a puni me ka lokomaikai keu loa o kona aloha; he oiaio, a o kakou no na mea hana ma kona mau lima, i hana'i i ua hana nui a kupanaha nei; nolaila, e kaena ae kakou, he oiaio, e kaena ae kakou iloko o ka Haku; he oiaio, e hauoli kakou, no ka mea, ua piha ko kakou olioli; he oiaio, e hoonani aku kakou i ko kakou Akua no ka wa pau ole. Aia hoi, owai la ka mea e hiki ke kaena'e iloko o ka Haku mamua o ka mea ku pono? He oiaio, owai la ka mea e hiki ke olelo oi aku mamua o ka mea pono, no kona mana nui, a no kona aloha, a no kona hoomanawanui i na keiki a kanaka? Aia hoi, ke i aku nei au ia oukou, ua hiki ole ia'u ke olelo aku i ka huna ukuk loa a'u i manao ai. Owai la ka mea i manao he aloha nui mai ko ke Akua me neia, i kona kaili ana mai ia kakou mai ko kakou wahi weliweli, hewa, a haumia? Aia hoi, haele aku la kakou iloko o ka inaina, me na olelo weliweli ikaika e hoopau aku i kona ekalesia. Aia hoi, no ke aha la oia i haawi ole mai a'i ia kakou i ka make weliweli loa; he oiaio, no ke aha la oia i hookuu ole mai ai i ka pahikaua o kona hoopai e haule mai maluna iho o kakou, e hoolilo mai ia kakou i ka poho mau loa o ka manao? E, me he mea la aneane e hee ana kuu uhane ma ua manao la. Aia hoi, aole oia i hana mai i kona hoopai maluna iho o kakou, aka, ma kona aloha nui na kai mai ia kakou ma keia aoao o kela awawa mau loa o ka make a me ka poino, i ka hoolai'a'na o ko kakou mau uhane.

16. Ano hoi, e o'u poe hoahanau, owai la ke kanaka ma kona anō maoli, i ike ai i keia mau mea? Ke i aku nei au ia oukou, aole kekahī i ike i ua mau mea nei, ke ole ia ka mea mihi; he oiaio, o ka mea e mihi ana a e hana ana me ka manaoio, a e hoohua ae ana i na hua maikai, a e pule

mau ana me ka hooki ole: i na mea e like me neia ua haawia mai e ike i na mea pohihili o ke Akua; he oiaio, o ka poe me neia e haawia mai auanei e hoike aku i na mea i hoike ole ia'ku; he oiaio, a e haawia mai auanei i ka poc me neia, e kai mai i na tausani o na uhane i ka mihi, oia, e like me ia i haawia mai ai ia kakou e kai mai i ua poe hoahanau nei o kakou i ka mihi. Ano, ke hoomanao nei anei oukou, e ko'u poe hoahanau, ua olelo aku kakou i ko kakou poe hoahanau ma ka aina o Zarahemela, Ea, ke pii aku nei makou i ka aina o Nepai, e hai olelo aku i ko kakou poe hoahanau, i ko Lamana poe, a hoomauakala mai la lakou ia kakou? No ka mea, i mai la lakou ia kakou, Ke kuhi nei ánei oukou ua hiki ia oukou ke kai mai i ko Lamana poe i ka ike i ka oiaio? Ke kuhi nei anei oukou ua hiki ia oukou ke hoomaopopo aku i ko Lamana poe i ka hewa o na moolelo o ko lakou poe kupuna, he poe kanaka ai oolea me lakou la; nona na naau e hauoli ana ma ka hookahe ana i ke koko; nona na la i lilo ai ma ka hana hewa loa; nona na aoao he mau aoao o ka mea lawehala, mai kinohi mai? Ano, e ko'u poe hoahanau, ke hoomanao nei oukou oia no ka lakou olelo.

17. A eia hou ka lakou i olelo mai ai, E, e lalau aku kakou i na mea kaua ia lakou e hiki ia kakou ke hoopau aku ia lakou a me ka lakou hana hewa mailoko aku o ka aina, o kawowo mai lakou maluna iho o kakou a hoopau mai ia kakou. Aka hoi, e ko'u poe hoahanau, haele mai la kakou iloko o ka waonahele, aole me ka manao e hoopau aku i ko kakou poe hoahanau, aka me ka manao e hiki paha ia kakou ke hoola aku ikekahi mau uhane he tuku o lakou. Ano, i ka wa i kaumaha ai ko kakou mau naau, a kokoko kakou e hoi hou, aia hoi, hoololu mai la ka Haku ia kakou, a i mai la, E hele aku mawaena o kou poe hoahanau, ko Lamana poe, a e haawe me ka hoomanawanui i kou mau popilikia, a na'u e haawi aku ia oe i ka pomaikai. A, ano hoi, ua haele mai la kakou, a hele aku la mawaena o lakou; a ua hoomanawanui iho iloko o na eha o kakou, a ua loaa ia kakou kela mea pilikia keia mea pilikia; he oiaio ae la, ua hele aku mai ia hale aku ia hale aku, e hilinai ana maluna o ke aloha o ko ke ao nei; aole maluna o ke aloha o ko ke ao nei wale no, aka maluna'e o ke aloha o ke Akua. A ua komo aku kakou iloko o na hale o lakou a ao aku la ia lakou, a ua ao aku la kakou ia lakou ma na alanui o lakou; he oiaio, a ua ao aku kakou ia lakou maluna ae o na puu o lakou; a ua komo no hoi kakou iloko o na luakini o lakou, a me na halehalawai o lakou, a ao aku la ia lakou; a ua hooleia mai kakou mawaho, a hoomaewaia mai, a kuhaia mai, a papaiia mai ma ko kakou mau papalina; a ua hailukuia mai kakou, a hopnia mai, a nakinakiia mai me na kaula ikaika, a hahaoia mai iloko o ka halepaahao; a ma o ka mana a naauao la o ke Akua, ua hoopakele hou ia mai kakou; a ua loaa ia kakou kela ano keia ano o ka pilikia, a o keia mau mea a pau, i hiki ia kakou paha ke lilo i poe e hoola ikekahi uhane; a ua manao wale kakou e piba ana ko kakou olioli, ina paha ua hiki ia kakou ke lilo i poe hoola ikekahi poe.

18. Ano, aia hoi, ua hiki ia kakou ke nana aku a ke ike aku i na hua o ka kakou hana; a he kakaikahi anei lakou? Ke i aku nei au ia oukou, aole, ua nui loa aku lakou; he oiaio, a ua hiki ia kakou ke hoike aku no ko lakou oiaio, no ko lakou aloha i na hoahanau o lakou, a ia kakou no hoi. No ka mea, aia hoi, ua makemake loa ka! lakou e mohai aku i na ola o lakou, mamua o ke kaili aku i ke ola o ko lakou poe enemi; a ua kanu hohonu ilo la lakou i ko lakou mau mea o ke kaua iloko o ka honua, no ko lakou aloha i ko lakou poe hoahanau. A, aia hoi, ke olelo aku nei au ia oukou, he aloha nui anei me neia mamua ma ka aina a puni? Aia hoi, ke i aku nei au ia oukou, aole, aole hoi mawaena o ko Nepai poe. No ka mea hoi, e lalau no lakou i na mea kaua e ku e i ko lakou poe hoahanau; aole lakou e ae aku e pepehiia mai lakou. Aka hoi, e nana aku i ka nui loa o ua poe nei i waiho aku ilalo i na ola o lakou; a ua ike kakou ua hacle aku la lakou i ko lakou Akua la, no ko lakou aloha, a no ko lakou inaina i ka hewa. Ano, aole anei o kakou he kumu e hauoli ai? Ae, ke i aku nei au ia oukou, aole loa he poe kanaka nona ke kumu nui me neia e hauoli ai e like me kakou nei, mai ka makamua mai o ke ao nei; he oiaio, a ua kaiia'ku la kuu olioli ma ke kaena ma ko'u Akua; no ka mea, nona ka mana a pau, ka naauao a pau, a me ka ike maopopo a pau; ke hoomaopopo mai nei oia i na mea a pau, a he Mea aloha, a hiki aku i ka hoola ana, i ka poe e mili ana a e manaoio ana i kona inoa Ano, ina he kaena keia, alaila pela au e kaena aku ai; no ka mea, o keia no kuu ola a me kuu malamalama, ko'u olioli a me ko'u hoo-laia'na, a me ko'u hoolapanaiia'na mai mai ka poimo mau loa mai. He oiaio, hoomaikaiia iho la ka inoa o ko'u Akua, nana i malama mai i keia poe kanaka, he lala lakou o ka laau Israela, a ua lilo ae la mai kona kino aku, iloko o kahi aina e; Ite oiaio, ke i aku nei au, e hoomaikaiia ka inoa o ko'u Akua, nana i malama mai ia kakou, he poe aea iloko o kahi aina e. Ano, e ko'u poe hoahanau, ke ike nei kakou e malama ana ke Akua i kela lahuikanaka i keia lahuikanaka, ma kela aina keia aina a lakou i noho ai; he oiaio, ke helu mai la oia i kona poe kanaka, a, aia no kona mau naau aloha maluna iho o ko ka honua a pau. Ano, oia no ko'u olioli, a me ko'u hoolea nui ana'ku; he oiaio, a e aloha aku au i ko'u Akua no ka wa pau ole. Amene.

MOKUNA XV.

1. Ano, eia kekahi, i ka wa a kela poe o ko Lamana, ka poe i hele aku e kaua ku e aku i ko Nepai poe, i ike ai, mahope iho o na aumeume he nui o lakou e anai mai ia lakou la, ua make hewa ke imi ae i ko lakou enaiia ana, hoi hou aku la lakou i ka aina o Nepai. A eia kekahi, ua huhu nui loa iho la ko Amaliki poe, no ko lakou lilo. A ia lakou i ike ai

ua hiki ole ia lakou ke hoopai aku i ko Nepai poe, hoomaka ae la lakou e hookonokono ae i na kanaka ma ka huhu i ko lakou poe hoahanau, ka poe kanaka o Anati-Nepai-Lehi; nolaila, hoomaka hou ae la lakou e luku mai ia lakou nei. Ano, hoole houaku la ua poe kanaka nei e lalau auki na mea kaua o lakou, a aeaku la lakou e pepehia mai e like me na make-make o ko lakou poe enemi. Ano, ia Amona a me kona poe hoahanau i ike ai i ua hana luku nei mawaena o ka poe a lakou i aloha nui aku ai, a mawaena o ka poe i aloha nui mai ia lakou; no ka mea, ua malamaia lakou nei, me he mea la he poe anela lakou nei i hoounaia mai mai ke Akua mai e hoola ia lakou mai ka make mau loa; nolaila, ia Amona a me kona poe hoahanau i ike ai i ua hana luku nui nei, ua haehae ae la lakou me ke aloha, a i ae la i ke Alii, E, e houluuluaku kakou i kcia poe kanaka o ka Haku, a e iho kakou ilalo i ka aina o Zarahemela i ko kakou poe hoahanau, i ko Nepai poe, a e auhee aku mawaho o na lima o ko kakou poe enemi, i luku ole ia mai ai kakou. Aka, i mai la ke Alii ia lakou, Aia hoi, e luku mai ko Nepai poe ia makou, no ka nui o na pepelii kanaka a me na hewa a makou i hana'ku ai ia lakou. A i ae la o Amona, E heleaku no au a e ninauaku i ka Haku, a ina e olelo mai oia ia kakou, e ihoaku ilalo i ko kakou poe hoahanau, e hele anei oukou? A i mai la ke Alii ia ia, Ae: ina e i mai ka Haku ia makou e hele, e heleaku no makou ilalo i ko kakou poe hoahanau, a e lilo makou i poe kauwa hooluhina lakou, a hikiaku i ka wa a makou e hooukuaku ai ia lakou, i na pepehikanaka a me na hewa a makou i hanaaku ai ia lakou. Aka, i ae la o Amonia ia ia, He mea ku e i ke kanawai o ko kakou poe hoahanau, ka mea i kantia ai e ko'u makuakane, ka noho kauwa hooluhina o kekahimawaena o lakou; nolaila, e iho kakou ilalo a e hilinaiaku i ke aloha o ko kakou poe hoahanau. Aka i mai la ke Alii ia ia, E ninauaku i ka Haku, a ina e olelo mai oia ia makou e hele, e hele no makou; i ole ia e make no makou ma ka aina.

2. A eia kekahih, heleaku la o Amona a ninauaku la i ka Haku, a i mai la ka Haku ia ia, E laweaku i keia poe kanaka iwaho o keiaaina, i makeole ai lakou, no ka mea, ua nui ko Satana mana ma na naau o ko Amalikipo, ka poe e hookonokono ae nei i ko Lamana poe e huhu ae i ko lakou poe hoahanau, e pepehiae ia lakou; nolaila, e heleaku oe iwaho o keiaaina; a pomaikai iho la keia poc kanaka ma keiahanauna; no ka mea, na'u no lakou e hoola.

3. Ano, eia kekahih, heleaku la o Amona a hai ae la i ke Alii i na olelo a pau a ka Haku i olelo mai ai ia ia. A houluulu puaku la lakou i ko lakou poe kanaka; he oiaio, i ka poe kanaka a pau o ka Haku, a houluulu pu iho la i na pua a me na ohana holoholona o lakou, a haeleaku la mawaho o ka aina, a komoaku la iloko o ka waonahele i hookaawale ae i ka aina o Nepai mai ka aina o Zarahemela ae, a hikiaku la ma q kokoke i na palena o ka aina.

4. A eia kekahih, i ae la o Amona ia lakou, Aia hoi, owau a me ko'u

mau hoahanau e hele aku no makou iloko o ka aina o Zarahemela, a e no-ho no oukou maanei a hiki i ka wa a makou e hoi hou mai ai; a e hoao **aku** makou i na naau o ko makou poe hoahanau, ina paha e ae mai lakou ia oukou e komo ae iloko o ko lakou aina.

5. A eia kekahī, i ko Amona ma hele ana **aku** iloko o ka aina, halawai pu ae la oia a me kona poe hoahanau me Alama, ma o ma kahi i olelo e ia; a, aia hoi, he halawai hauoli ana neia. Ano, no ka nui loa o ka olioli o Amona ua piha iho la oia; he oiaio, ua aleia oia iloko o ka olioli o kona Akua, i ka hoopau ana i kona ikaika; a haule hou iho la oia i ka honua. Ano aole anei o keia he olioli nui loa? Aia hoi, he olioli keia a kekahī e loaa ole ai ke ole ia he mea mihi oiaio a imi haahaa i ka po maikai. Ano, o ka olioli o Alama i ka halawai ana me kona poe hoahanau ua nui io no ia, a me ka olioli no hoi o Aarona, a o Omanera, a me Himanī; aka hoi o ko lakou olioli aole ia i oi aku mamua o ko lakou ikaika.

6. Ano, eia kekahī, alakai **aku** la o Alama i kona poe hoahanau i ka aina o Zarahemela, i kona hale iho. A haele **aku** la lakou a hai ae la i ka Lunakanawai Nui i na mea a pau a lakou i loaa'i ma ka aina o Nepai, mawaena o ko lakou poe hoahanau, ko Lamana poe.

7. A hoouna **aku** la ka Lunakanawai Nui i kekahī olelo hoolaha mawaena o ka aina a pau, e noi ana i ka leo o na kanaka no ka hookomo ana i ko lakou poe hoahanau, ka poe kanaka o Anati-Nepai-Lehi. A hiki mai la ka leo o na kanaka, i ka i ana, Aia hoi, na makou e haawi **aku** i ka aina Ieresona, aia no ia ma ka hikina ma ke kai, e pili ana i ka aina Momona, a aia no ia ma ka hema o ka aina o Momona; a o ua aina Ieresona nei oia no ka aina a makou e haawi **aku** aia i ko makou poe hoahanau i hooilina. A, aia hoi, e hoonoho **aku** makou i ko makou poe koa mawaena o ka aina Ieresona a me ka aina o Nepai, e hiki ia makou ke hoomalu i ko makou poe hoahanau ma ka aina o Ieresona; a o keia mea ka makon e hana'i no ko makou poe hoahanau, no ko lakou makau e lalau **aku** i na mea kaua e ku e i ko lakou poe hoahanau, o hana lakou i ka hewa: a ua hiki mai ua makau nui nei o lakou, no ko lakou mihi eha a lakou i loaa'i, no ka nui loa o na pepehi kanaka o lakou, a me ka lakou hana hewa welli-welli. Ano hoi, e keia ka makou e hana'i i ko makou poe hoahanau, e iki ia lakou ke noho ma ka aina o Ieresona; a na makou e paku ia lakou nei mai ko lakou poe enemi **aku** me ko makou poe koa, iua e haawi mai lakou i kau wahi o ko lakou waiwai e kokua mai ia makou, e hiki ia makou ke malama ola i ko makou poe koa.

8. Ano, eia kekahī, ia Amona i lohe ai i keia mea, hoi **aku** la oia i ka poe kanaka o Anati-Nepai-Lehi, a o Alama no hoi kekahī pu me ia, iloko o ka waonahele, i kahi o lakou i kukulu ai i na halolewa o lakou, a hoike **aku** la ia lakou i keia mau mea a pau. A hai **aku** la no hoi o Alama i kona hoohulilia ana me Amona, a me Aarona, a me kona poe hoahanau. A hoohanoli nui iho la ia mea ia lakou. A iho **aku** la lakou ilalo iloko o ka aina o Ieresona, a noho iho la ma ka aina o Ieresona; a ua kapaia'e la-

kou e ko Nepai ka poe kanaka o Amona: nolaila, ua hookoaia'e e kela inoa ma ia hope aku; a mawaena o ka poe kanaka o Nepai lakou, a ua helu pu ia no hoi lakou mawaena o ka poe kanaka no ka ekalesia o ke Akua. A ua kaulana no hoi lakou no ko lakou ikaika i ke Akua, a i na kanaka hoi; no ka mea, ua pono loa lakou a pololei ma na mea a pau; a ua kupaa lakou ma ka manaoio o Kristo, a hiki aku i ka hopena. A ua nanaaku la lakou i ka hookahe ana i ke koko o ko lakou poe hoahanau me ka hoopailua nui loa; aole hoi i hiki ia lakou ke koia mai e lalau akti i na mea kaua e ku e i ko lakou poe hoahanau; aole hoi lakou i nanaaku i ka make me ka makau iki, no ko lakou manaolana a ike ia Kristo a me ke alahouana; nolaila, ua aleia ka make ia lakou e ka lanakila o Kristo maluna iho ona; nolaila, e ae aku lakou e make ma ke ano hoomainoino a hoopopilikia loa i hiki ke hanaia mai e ko lakou poe hoahanau, mamua'eo ko lakou lalau ana i ka pahikaua a i ka pahikaua pokole paha e hahau aktu ia lakou. A pela iho la he poe kanaka ikaika a alohaia lakou, he poe kanaka i hoomaikai nui loa ia e ka Haku.

9. Ano, eia kekahī, mahope iho o ka hoonohoia'na o ka poe kanaka o Amona ma ka aina o Ieresona, a he ekalesia no hoi i kukuluia'i ma ka aina o Ieresona; a i hoonohoia ka poe koa o ko Nepai a puni o ka aina o Ieresona; he oiaio, ma na palena a pau a puni o ka aina o Zarahemela; aia hoi, ua hahai mai la ka poe koa o ko Lamana poe i ko lakou poe hoahanau iloko o ka waonahele. A pela hoi he kaua weliweli; he oiaio, he kaua i ike ole ia'i kona like mamua mawaena o ka poe kanaka a pau ma ka aina, mai ka manawa mai a Lehi i haalele aku ai ia Ierusalem; he oiaio ae la, ua lukuia na umi o na tausani o ko Lamana poe a mokakia'ku la i o ia nei. He oiaio hoi, he luku weliweli no hoi mawaena o ka poe kanaka o Nepai; ua hooauhecia a hoopuehuia nae ko Lamana poe, a hoi hou aktu la ka poe kanaka o Nepai i ko lakou aina. Ano, he manawa keia i lohea ai ka uwe nui a me ke kanikau mawaena o ka aina a pau, mawaena o ka poe kanaka o Nepai a pau; he oiaio, ke kupinai o na wahinekaunake e uwe ana no ka lakou poe kane, a me na ma-kuakane e uwe ana no ka lakou poe keikikane, o ke kaikamahine no ke kaikunane; he oiaio, ke kaikunane no ka makuakane: a pela i loheia'i ke kupinai o ka uwe ana mawaena o lakou a pau: e uwe ana no ko lakou mau mea pili i pepehiia'i. Ano, he oiaio no, he la kaumaha no keia; he oiaio, he manawa huluu io no, a he manawa hooke ai nui a pule: a pela i pau ai ka makaliki umikumamalima o ka noho luna ana o na Lunakanawai maluna iho o ka poe kanaka o Nepai; a oia no ka mooolelo-o Amona e me kona poe hoahanau, o ko lakou hiele ana ma ka aina o Nepai, o ko lakou mau eha ma ka aina, o ko lakou mau kaumaha, a me ko lakou mau popilikia, a me ko lakou olioli i hiki ole ke hoomaopopoia'ku a me ka hookipaia'na a me ka malu o ka poe hoahanau ma ka aina o Ieresona. Ano, na ka Haku, ka Mea Hoolapanai no na kanaka a pau, e hoopomaikai i ko lakou mau uhane no ka wa pau ole.

10. A o keia no ka mooolelo o na kaua a me na paio mawaena o ko Nepai poe, a me na kaua no hoi mawaena o ko Nepai poe a me ko Lamanā poe: a ua pau ac la ka makahiki umikumamalima o ke au o na Lunakanawai; a mai ka makabiki mua a hiki i ka umikumamalima, ua hiki mai ka hoopania ana o na ola he nui na tausani; he oiaio, ua hiki mai ka hookahe koko weliweli loa ana; a ua waiho haahaa ia na kino o na tausani he nui iloko o ka lepo, oiai e popopo ana na kino o na mea he nui na tausani ma na alu maluna ilo-o ka ili o ka honua; he oiaio, a ua nui na tausani e uwe ana no ka make ana o ko lakou mau mea pili, no ka mea, he kumu ko lakou e makau ai, e like me na olelo paa a ka Haku, ua hooknūia lakou la i kahi o ka poino pau ole; oiai e uwe io ana na tausani o na mea e ae no ka make o ko lakou mau mea pili, e hauoli ana a e kaena ana nae lakou iloko o ka manaolana, a e ike ana no hoi, e like me na olelo paa a ka Haku, ua hookiekieia lakou la e noho ma ka lima akau o ke Akua, i kahi o ka pomaikai pau ole, ia ao aku ia ao aku: a pela kakou e ike nei i ka nui o ka like ole o na kanaka no ka hewa a me ka hala, a me ka mana o ka diabolo, i hiki mai ai ma o na manao maalea la, ana i noonoo ai e hoopahele mai i na naau o na kanaka; a pela kakou e ike nei he mea nui loa ka e pono ai ka hooikaika o na kanaka e hana iloko o na pawaina o ka Haku; a pela no hoi kakou e ike nei i ke kumu nui no ke kaumaha, a no ka hauoli ana no hoi: o ke kaumaha no ka make a me ka luku mawaena o na kanaka, a o ka hauoli hoi no ka malamalama o Kristo i ke ola.

11. E, ina he anela au, a i hiki ke loaa ka makemake o kuu naau, e hiki ia'u ke hele aku e olelo ahu me ka pu o ke Akua, me kahi leo e hoo-haalulu ai i ka honua, a e hea ahu i ka mihi i kela lahuikanaka i keia lahuikanaka; he oiaio, ina no ua hai ahu au i kela uhane keia uhane, me he mea la me ka leo o ka hekili, i ka mihi a me ke kumumanao koolapanai, na lakou e mihi a e hele mai i ko kakou Akua la, i ole ai he kaumaha hou maluna ilo o ka ili o ka honua a pau. Aka hoi, he kanaka no au, a ke hewa nei au ma kuu makemake ana; no ka mea, e oluolu au e pono ai me na mea a ka Haku i haawi mai ai ia'u. Aole wan e pono e alealeia ma na makemake o'u, ma ke kauoha paa o ke Akua pololei, no ka mea, ua ike au e haawi mai ana oia i na kanaka e like me ko lakou makemake, ina paha i ka make, ina paha i ke ola; he oiaio, ua ike au e haawi mai ana oia i na kanaka, e like me ko lakou ake ana; ina paha i ke ola mau loa ua mau ake nei ina paha i ka make mau loa; he oiaio, a ua ike au ua hiki mai ka pono a me ka hewa imua o na kanaka a pau; a o ka mea i ike ole ai i ka pono mai ka hewa ahu ua kina ole oia; aka, o ka mea i ike ai i ka pono a me ka hewa, ia i haawiiia mai e like me konā mau makemake; ina e makemake ana i ka pono, a i ole ia, i ka hewa paha; i ke ola a i ole ia i ka make paha, i ka olioli a i ole ia i ka walania o ka naau.

12. Ano, i kuu ike ana i ua mau mea nei, no ke aha la au e makemake ai i ka mea nui loa ae mamua o ka hana a'u i kaheia mai ai e hana? No ke aha la au i makemake ai he anela au, e hiki ia'u ke olelo ahu i ko

na welau a pau o ka honua? No ka mea, aia hoi, ke haawi mai la **ka** Haku i na lahuikanaka a pau, o ko lakou lahui a olelo iho, e aoaku i kana olelo, iloko o ka naauao, i na mea a pau ana i manao ai he pono no lakou ke loaa; nolaila, ke ike nei kakou ke ao mai la ka Haku ma ka naauao, e like me ka mea i pono a i oiaio. Ua ike au i ka mea a ka Haku i kauoha mai ai ia'u, ke kaena nei au ma ia mea: aole au i kaena no'u iho, aka ke kaena nei au ma ka mea a ka Haku i kauoha mai ai ia'u; he oiaio, a o keia ka'u e kaena ai, i lilo ai paha au i mea hana ma na lima o ke Akua, e kai mai i kekahi uhane i ka mihi; a o keia no ko'u olioli. A, aia hoi, ia'u i ike ai i na mea he nui o ko'u poe hoahanau e mihi io ana, a e hele mai ana i ka Haku i ko lakou Akua la, alaila, na hoopihaiia ko'u uhane me ka olioli; alaila e hoomanao ana au i ka mea a ka Haku i hana mai ai no'u; he oiaio, i kona hoolohe mai i ka'u pule; he oiaio, alaila e hoomanao ana au i kona lima lokomaikai ana i o mai ai ia'u; he oiaio, a e hoomanao ana no hoi au i ka noho pio ana o ko'u poe makua; no ka mea, ua ike oiaio au na ka Haku lakou i hoopakele mai mailoko mai o ka noho luhi ana, a ma ua mea nei i hoonohonoho ai i kona ekalesia; he oiaio, o **ka** Haku ke Akua, ke Akua o Aberahama, ke Akua o Isaaka, a o ke Akua o Iakoba, nana i hoopakele mai ia lakou mailoko mai o ka noho luhi ana; he oiaio, ua hoomanao mau au i ka noho pio ana o ko'u poe makua; a o kela Akua hookahi nana i hoopakele mai ia lakou mailoko mai o na lima o ko Aigupita poe, i hoopakele mai ai hoi ia lakou mailoko mai o ka noho luhi ana; he oiaio, a na ua Akua hookahi la i hoonohonoho mai i kona ekalesia mawaena o lakou; he oiaio, a na kahea mai ua Akua hookahi la ia'u ma kekahi oihana hoano, e hai aku i ka olelo i keia poe kanaka, a ua haawi mai ia'u i ka pomaikai nui, ma ia mea ua piha ko'u olioli; aole nae au e olioli ana ma ko'u pomaikai iho wale no, aka ua piha nui ae ko'u olioli no ka pomaikai o ko'u poe hoahanau, ka poe i pii aku ai i ka aina o Nepai. Aia hoi, ua hana nui loa iho la lakou, a ua hoohua ae i ka hua a nui; a e nani wale auanci ko lakou uku. Ano, ia'u e noonoo ana i ka pomaikai o ko'u poe hoahanau nei, ua kaiia'ku kuu uhane, me he mea la e kaawale ana ia mai ke kino aku, no ka nui loa o ko'u olioli.

13. A, ano na ke Akua e ae mai i ko'u poe hoahanau nei, e noho lakou ilalo iloko o ke aupuni o ke Akua; he oiaio, a o kela poe a pau no hoi ka poe hua o ka lakou mau hana, i hele hou ole ai lakou iwaho no **ke** ao pau ole, aka i hoolea aku ai lakou ia ia a mau loa aku. A na ke Akua e ae mai e hanaia mai e like me ka'u mau olelo, me a'u e olelo nei. Amene.

MOKUNA XVI.

1. Aia hoi kekahi, mahope iho o ka hoonohoia'na o ka poe kanaka o Amona ma ka aina o Ieresona, he oiaio, a mahope hoi o ka hooauheeia'na o ko Lamana poe iwaho o ka aina, a o ke kanuia'na hoi o ko lakou poe

make e ka poe kanaka o ka aina. Ano, aole i heluia ko lakou poe make, no ka nui loa o lakou; aole hoi i heluia ka poe make o ko Nepai poe. **Aka**, mahope iho o ke kanu ana o lakou i ko lakou poe make, a mahope hoi o na la o ka hooke ai ana, a uwe ana, a pule ana, (a ma ka makahiki umikumamaono ia o ke au o na Lunakanawai maluna iho o ka poe kanaka o Nepai,) hoomaka ae la ka malu mau mawaena o ka aina a pau, he oiaio, a malama aku la na kanaka i na kauoha a ka Haku; a ua ikaika lakou i ka malama ana i na oihana a ke Akua, e like me ke kanawai o Mose; no ka mea, ua aoia'ku lakou e malama i ke kanawai o Mose, a hiki i ka wa e hookoia'i ia; a pela hoi aole no o na kanaka haunaele iloko o ka makahiki umikumamaono a pau o ke au o na Lunakanawai maluna iho o ka poe kanaka o Nepai.

2. A eia kekahī, ma ka makahiki umikumamahiku o ke au o na Lunakanawai, ua malu mau. **Aka**, ma ka hopena o ka makahiki umikumamahiku, hele mai la kekahī kanaka iloko o ka aina o Zarahemela; a oia no o Anati-Kristo, no ka mea, hoomaka ae la oia e hai aku i na kanaka me ke'ku e i na wanana i olelo e ia mai ai e na kaula, no ka hiki ana mai o Kristo. Ano, aohe kanawai e ku e ana i ko ke kanaka manaoio; no ka mea, e ku e ikaika ana i na kauoha a ke Akua, ke kauia'na o kekahī kanawai e hoonoho like ole ai i na kanaka. Nō ka mea, penei wahi a ka palapala hemolele, E koho oukou i keia la, i ka oukou mea e malama aku ai. Ano, ina ua makemake kekahī kanaka e malama aku i ke Akua, ua hiki no ia ia, e aho paha e olelo, ina ua manaoio oia i ke Akua, ua hiki no ia ia ke malama aku ia ia; aka, ina aole oia i manaoio aku ia ia, aole he kanawai e hoopai aku ia ia. **Aka** ina i pepelī kanaka oia, ina ua hoopaiia oia i ka make; a ina i powa aku, ina ua hoopaiia no hoi oia; a ina i aihue oia, ina ua hoopaiia no hoi oia: a ina i moc kolohe oia, ina ua hoopaiia no hoi oia; he oiaio, no keia mau hana hewa a pau, ua hoopaiia lakou; no ka mea, aia no he kanawai, i hoopaiia'i na kanaka e like me na hewa o lakou. **Aka** hoi, aohe kanawai e ku e ana i ko ke kanaka manaoio; nolaila, ua hoopaiia'ku ke kanaka no na hewa wale no ana i hana'i; nolaila, ua like ka noho ana o na kanaka a pau. A o ua Anati-Kristo nei o Korihora kona inoa, (a aohe o ke kanawai kulcana maluna iho ona,) hoomaka ae la oia e hai aku i na kanaka, aole loa no auanei he Kristo. A mamuli o keia ano oia i hai aku ai, i ka i ana: E ka poe i hoopaiia malalo iho o kahi manaolana naaupo a lapuwale, no ke aha la oukou e hookaumaha nei ia oukou iho me na mea lapuwale me ia? No ke aha la oukou e nana aku nei no kekahī Kristo? No ka mea, aohe kanaka i hiki ke ike i kekahī mea e hiki mai ana. Aia hoi, o keia mau mea a oukou i kapa aki ai he mau wanana, a oukou i olelo ae ai ua haawia mai e na kaula hemolele, aia hoi, he mau mooolelo lapuwale ia mau mea o ko oukou poe kupuna. Pehea la oukou i ike ai i ka oiaio o ia mau mea? Aia hoi, aole e hiki ia oukou ke ike i na mea a oukou i nana ole ai; nolaila, aole e hiki ia oukou ke ike aia no auanei he Kristo. Ke nana nei imua oukou a olelo iho, ua

ike oukou i ke kalaia'na o ko oukou mau hala. Aka, no ka naau hoopu puleia keia mea; a o ua pupule nei o ko oukou naau ua hiki mai ia **no na** mooolelo o ko oukou poe kupuna, na mea e alakai aku ana ia oukou e **ma-** naoio i na mea e ole ana. A ua nui na mea e ae me ia ana i olelo ae ai ia lakou, e hai ana ia lakou aole e hiki ke hanaia ke kalahala ana no na **he-** wa o na kanaka, aka ua loaa i kela kanaka i keia kanaka ma keia ola ana, e like me ka hooponopono ana o ka mea hanaia; nolaila, ua pomaikai **ke-** la kanaka keia kanaka e like me kona ano akamai, a ua lanakila kela **ka-** naka keia kanaka e like me kona ikaika; a o kela mea keia mea a ke kanaka i hana'i, aole no ia he hewa. A pela oia i haiaku ai ia lakou, e alakai aku ana i na naau o na mea he nui, a ma o na la lakou i hookiekie ae ai i ko lakou mau poo iluna iloko o ka lakou hana hewa; he oiaio, e alakai aku ana i na wahine he nui wale, a me na kanaka no hoi, e moe kolohe; e hai ana ia lakou i ka wa e make ai ke kanaka, o ka pau ae la no ia.

3. Ano, hele aku **la** o ua kanaka nei i ka aina o Ieresona no hoi, e haiaku i ua mau nei mawaena o ka poe kanaka o Amona, o lakou no ka poe kanaka o ko Lamana mamua. Aka hoi, ua naauao nui ae lakou **ma-** mua o kekahi poe he nui o ko Nepai poe; a lalauaku la lakou ia ia, **a** nakii ia ia, a kaiaku la ia ia imua o Amona, oia no kekahi Kahuna Nui maluna iho o kela poe kanaka.

4. A, eia kekahī, kauoha ae la ia e halihaliia oia iwaḥo o ka aina. A hele ae la oia iloko o ka aina o Gideona, a hoomaka ae la e haiaku ia lakou no hoi; a, aole nui kona pomaikai ma ua wahi nei, no ka mea, **ua** hopuia iho la oia a nakinakia, a kaikai'a'ku la imua o ke Kahuna Nui, **a** o ka Lumakanawai Nui hoi maluna iho o 'ka aina.

5. A, cia kekahī, iaku la ke Kahuna Nui ia ia, No ke aha la oe i hele ai i oia nei e hookapae ana i na aoao o ka Haku? No ke aha la oe i aoaku ai i keia poe kanaka, aole no auanei he Kristo, e alalai mai i ko lakon hauoli ana? No ke aha la oe i olelo ku e mai ai i na wanana a ka poe kaula hemolele a pau? Ano, o ko ke Kahuna Nui inoa o Gidona ia. A i ae la o Korihora ia ia, No ko'u ao oleaku i na mooolelo lapuwale o ko oukou poe kupuna, a no ko'u ao oleaku i keia poe kanaka e nakiiaku ia lakou iho malalo iho o na kanawai a me na oihana lapuwale i hookauia e na kahuna kahiko, e lalau wale iho ai i ka mana a me ke alii ana **maluna** iho o lakou, e alai iho ai ia lakou iloko o ka naaupo, i hiki ole ai ia lakou ke ea mai i ko lakou mau poo, aka e hoohaahaia ilalo e like me kau mau olelo. Ke i mai nei oukou, he poe kanaka paa ole ua poe kanaka nei. Aia hoi, ke iaku nei au, aia no lakou iloko o ka noho luhi ana. Ke i mai nei oukou, he oiaio na mau wanana kahiko la. Aia hoi, ke iaku nei au ia oe, aole oukou i ike he oiaio ia mau mea. Ke i mai nei oukou, he poe kanaka hewa a he poe kanaka haule ua poe kanaka nei, no ka lawehala ana o kekahī kupuna. Aia hoi, ke iaku nei au ia oe, aole i hewa ke keiki no kona mau kupuna. A ke i mai nei no hoi oukou e hiki mai auanei o

Kristo. Aka hoi, ke i aku nei au ia oe, aole oukou i ike aia no auanei he Kristo. A ke i mai nei no hoi oukou, e pepehia oia no na hala a ko ke ao nei; a pela oukou e alakai aku nei i keia poe kanaka mamuli o na mooolelo lapuwale o ko oukou poe kupuna, a e like me ko oukou mau makemake iho; a ke hoopaa iho nei oukou ia lakou ilalo, me he mea la iloko o ka noho luhia ana, i hiki ia onkou ke hoopihia ia oukou iho me na hana a ko lakou mau lima, i aa ole ai lakou e nana iluna me ka wiwo ole, a i aa ole ai lakou ke loaa ko lakou mau mea e pono ai a e pomaikai ai; he oiaio, aole lakou i aa aku e hana me ka lakou mau mea ponoi, o hahu mai ka lakou poe kahuna, ka poe i hookau ai i ka auamo ia lakou e like me ko lakou la mau makemake, a ua kai aku ia lakou e manaoio ma o ka lakou mau mooolelo la, a me ko lakou mau moe uhane, a me ko lakou mau manao wale, a me ko lakou mau hihio, a me ko lakou mau mea pohihahi wahahhee, ina aole lakou e like me ka lakou mau olelo, e hoohuhu aku lakou i kekahia mea i ike ole ia, a lakou i olelo mai ai o ke Akua oia; he mea aole i nanaia'i, aole hoi i ikeia'i aole mai kinohi mai, aole hoi ma keia hope aku. Ano, i ka wa a ke Kahuna Nui a me ka Lunakanawai Nui i ike ai i ka paakiki o kona naau; he oiaio, ia laua i ike a'e hoino aku no hoi oia i ke Akua, aole o laua e pane aku i kana mau olelo; aka kena ae la laua e nakinakiia oia; a haawi aku la laua ia ia iloko o na lima o na ilamuku, a hoouna aku la ia ia i ka aina Zaralihemela, e hiki ke kaiia oia imua o Alama, a me ka Lunakanawai Nui, oia no ke kiaaina maluna iho o ka aina a pau.

6. A eia kekahia, ia ia i kaiia'i imua o Alama laua me ka Lunakanawai Nui, hana mai la no oia ma ke ano hookahi me ia i hana'i ma ka aina o Gideona; he oiaio, kuamuamu iho la no oia. A ku ae la oia iluna me na olelo nui haanou ana imua o Alama, a hoiro ku e ae la i na kahuna a me na kumu, e hoohewa ana ia lakou no ke alakai aku ana i na kanaka mamuli o na mooolelo hupo o ko lakou poe kupuna, no ka makemake e hoolealea ma na hana a na kanaka. Ano, i aku la o Alama ia ia, Ke ike nei oe aole makou i hoopihia mai ia makou iho ma na hana a keia poe kanaka; no ka mea hoi, ua hana au mai ka makamua mai o ke au o na Lunakanawai, a hiki i keia manawa me ko'u mau lima ponoi, no kuu ola, me ko'u hele ana he nui wale nae a puni ka aina e hai aku i k'olelo a ke Akua i ko'u poe kanaka. A me na hana he nui wale a'u i hanai'i iloko o ka ekalesia, aole loa a'u i loaa'i kekahia senine no ka'u hana; aole hoi kekahia o ko'u poe hoahananau, ke ole iloko o ka noho hookolokolo; alaila, ua loaa ia makou e like me ko ke kanawai no ko makou manawa. Ano, ina aole o makou i loaa'i kekahia mea no na hana a makou iloko o ka ekalesia, heaha la ka pomakai ia makou e hana iloko o ka ekalesia, ke ole ia e hai aku i ka oiaio, e hiki ia makou ke loaa ka hauoli ana ma ka olioli o ko makou poe hoahananau? No ke aha la oe i olelo mai nei, ke hai oleloaku nei makou i keia poe kanaka i loaa'i ka waiwai, i ka wa au i ike ai nou iho aole i loaa ia makou ka waiwai. A, ano, ke manaoio nei anei oe

e hoopunipuni ana makou i keia poe kanaka, ka mea e hookomo ana i **ka** olioli me neia iloko o ko lakou mau naau? A olelo mai la o Korihora **ia ia**, Ae. Alaila iaku la o Alama ia ia, Ke manaoio nei anei oe aia he **Akua?** A i mai la oia, Aole. Ano, iaku la o Alama ia ia, E hoole hou mai anei oe i ke Akua, a e hoole mai hoi i ke Kristo? no ka mea, aia hoi, ke iaku nei au ia oe, ke ike nei au aia no he Akua, a e hiki mai auanei o Kristo. A heala la kou mea e hoikeike ai aole he Akua, aole hoi e hiki mai an o Kristo? Ke iaku nei au ia oe, aole ou mea, o kau olelo wale iho no. A ka hoi, ia'u na mea a pau i hoike no ka oiaio o ua mau mea nei; a ia oe no hoi na mea a pau i hoike ia oe no ka oiaio o ua mau mea nei; a e hoole mai anei oe i ua mau mea la? Ke manaoio nei anei oe he oiaio keia mau mea? Aia hoi, ke ike nei au e manaoio ana oe, aka ua uluhia oe me **kahi** uhane wahahhee, a ua pale ae la oe i ka Uhane o ke Akua i loaa ole ai ia **ia** kahi e noho ai iloko ou; aka he mana ko ka diabolo maluna ou, a ke kai ae nei oia ia oe i o ia nei, e hana i na mea maalea, e hiki ia ia ke hoo-pau mai i ka poe keiki a ke Akua.

7. Ano, i mai la o Korihora ia Alama, Ina e hoike mai oe i hoailona ia'u, i hoomaopopoia'i au aia no he Akua, he oiaio, e hoike mai oe ia'u he mana no kona, alaila, e hoomaopopoia au no ka oiaio o kau mau olelo. Aka, iaku la o Alama ia ia, Ua loaa no ia oe na hoailona a lawa; e hoao aku anei oe i kou Akua? E olelo mai nei anei oe, e hoike mai i hoailona ia'u i ka wa ia oe ka hoikeike o lakou nei a pau kou poe hoahanau, a o ko ka poe kaula hemolele no hoi a pau? Ua waihoia na pala-pala hemolele imua ou, he oiaio, a ke hoike mai la na mea a pau aia no he Akua; he oiaio, o ka honua, a me na mea a pau maluna iho o ka ili ona, a me kona kaa ana no hoi; he oiaio, a me na hoku a pau no hoi e hele ana me ka pololci, ke hoike mai la aia no he Mea Hana kiekie loa; a ke hele nei nae oe i o ia nei, e alakai aku ana i na naau o keia poe kanaka, e hoike raii ana ia lakou aohe he Akua? A ke hoole nei nae oe me ke ku e i ua man hoike nei a pau? A i mai la oia, Ae, e hoole no au, ke ole oe e hoike inai i hoailona ia'u.

8. Ano, eia kekahi, iaku la o Alama ia ia, Aia hoi, ua eha no au no ka paakiki o kou naau; he oiaio, no kou hoomau ana e hoopale ae i ka Uhane o ka oiaio, i make ai kou uhane. Aka hoi, e aho e make kou uhane, mamua o ka lilo ana ou i mea e kai aku ai i na uhane he nui ilalo i **ka** make, ma kou wahahhee ana a ma kau mau olelo hoomalimali; nolaila, ina e hoole hou mai oe, aia hoi, e hahau ae no ke Akua ia oe, i lilo ai oe i aa, i ole ai oe e hamama hou aku i kou waha ma ia hope aku, i ole ai oe e hoopunipuni hou aku i ua poe kanaka nei. Ano, i mai la o Korihora ia ia, Aole au e hoole aku nei i ke ola ana o kahi Akua, aka, aole au manaoio aia he Akua; a ke iaku nei no hoi au ia oe, aole oe i ike aia he Akua; a ke ole oe e hoike mai i hoailona ia'u, aole au e manaoio. Ano, iaku la o Alama ia ia, O keia ka'u e haawi aku ai ia oe i hoailona, e hooliloia oe i aa, e like me ka'u mau olelo; a ke iaku nei au, ma ka inoa o ke Akua,

e hooliloia oe i aa, i ole ai oe e ekemu hou ae. Ano, ia Alama i olelo aku ai i ua mau olelo nei, ua hooliloia o Korihora i aa, i hiki ole ia ia ke ekemu ae, e like me na olelo a Alama. Ano, i ka wa a ka Lunakanawai Nui i ike ai i keia mea, o aku la oia i kona lima a palapala aku la ia Korihora me ka iaku: Ua hoomaopopoia anei oe i ka mana o ke Akua? Maluna la owai oe i makemake ai ia Alama e hoike ae ai i kona hoailona? Ua makemake anei oe ia ia e hoopilikia ae i na mea e ae, e hoike aku i hoailona ia oe? Aia hoi, ua hoike aku oia ia oe i hoailona; a, ano, e hoopaa-paa hou anei oe? A o mai la o Korihora i kona lima, a palapala iho la, i ka i ana: Ua ike au ua aa wau, no ka mea, ua hiki ole ia'u ke olelo; a ua ike au aohe kekahia mea, i ole ia ka mana o ke Akua, e hiki ai ke hooili mai i keia mea maluna iho o'u; a he oiaio, ua ike no hoi au aia he Akua. **Aka** hoi, ua hoopunipuni mai ka diabolo ia'u; no ka mea, ike mai la oia e au ma ke ano o kahi anela, a i mai la ia'u, E hele aku a e hoohuli ae i keia poe kanaka, no ka mea, ua auwana aku la lakou a pau mamuli o kekahia Akua i ke ole ia. A i mai la oia ia'u, Aohe he Akua; he oiaio, a ao mai la oia ia'u i ka'u mau mea e olelo aku ai. A ao aku au i kana mau olelo; a ua ao aku au ia mau mea, no ka mea, e lealca ana ia mau mea i ko ke kino naau; a ao aku la au ia mau mea, a loaa mai ia'u ka pomaikai nui, a manaoio oiaio iho la au he oiaio ia mau mea; a no keia mea, ku e aku la au i ka oiaio, a hiki i ka wa a'u i hooili mai ai ua poino nui nei maluna iho o'u. Ano, ia ia i i mai ai i keia, noi mai la oia na Alama e pule aku i ke Akua i laweia'ku ai ka poino mai ona aku. Aka, i aku la o Alama ia ia, Ina e laweia'ku ua poino nei mai ou aku, e alakai hou ae oe i na naau o keia poe kanaka; nolaila, e like auanci ia ia oe, me ko ka Haku makemake.

9. A eia kekahia, aole i kailia aku ka poino mailuna aku o Korihora; aka ua hookukeia oia iwaho, a hele ae la oia ia hale aku ia hale aku, e noi ana i ai nana. Ano, ua hoolaha koke ia ka lono no ka mea i loohia'i ia Korihora, mawaena o ka aina a pau; he oiaio, ua hoounaia aku ka olelo hoolaha e ka Lunakanawai Nui, i na kanaka a pau ma ka aina, e kukala ana i ka poe i manaoio i na olelo a Korihora, e mili lakou e pono ai, o iti mai ia hoopai hookahi maluna iho o lakou.

10. A eia kekahia, ua hoomaopopoia lakou a pau loa no ka hewa o Korihora; nolaila, hooluli hou ia lakou i ka Haku; a hoopau iho la keia mea i ka hewa mamuli o ke ano o Korihora. A hele ae la o Korihora mai ia hale aku ia hale aku, e noi ana i ai no kona ola.

11. A eia kekahia, i kona hele ana mawacna o kekahia poe kanaka, he oiaio, mawacna o kekahia poe kanaka, ka poe i heckaawale aia i lakou iho mai ko Nepai poe ae, a kapai iho la ia lakou iho o ko Zorama poe, i ale-kaiia e kekahia kanaka o Zorama kona imoa; a me ia i hele aku ai mawa-ena o lakou, aia hoi, ua holoia oia maluna, a hehiia ilalo, a make loa aki la; a pela kakou e ike nei i ka hope o ka mea nana e hookapae ae i na aao

o ka Haku; a pela hoi kakou e ike nei aole ka diabolo e kokua i kana poe keiki ma ka la hope, aka, ke kauo koke ae la ia lakou ilalo i Gehena.

12. Ano, eia kekahi, mahope iho o ka make ana o Korihora, ua loaa iho la ia Alama na lono e hookapae ana ko Zorama poe i na aoao o ka Haku, a e alakai ana o Zorama, oia no ko lakou mea alakai, i na naau o na kanaka e kulou iho ilalo i na kii leo ole, a pela aku, hoomaka hou ae la kona naau e hoopailua, no ka hewa o na kanaka; no ka mea, he kumu no ke kaumaha nui ia mea ia Alama, e ike i ka hewa mawaena o kona poe kanaka; nolaila, ua kaumaha nui loa iho la kona naau, no ke kaawale ana o ko Zorama poe mai ko Nepai poe ae. Ano, ua houluulu ae la ko Zorama poe ia lakou iho iloko o kahi aina a lakou i kapa aku ai o Anationuma, ma ka hikina o ka aina o Zarahemela, e waiho kokoke ana ma ke kahakai, ma ka hema o ka aina o Ieresona, oia no hoi ka i kokoke ma ka wao-nahele hema, a ua piha ua waonahele nei i ko Lamana poe. Ano, makau nui iho la ko Nepai poe o hoalauna aku ko Zorama poe me ko Lamana poe, a e lilo ia mea i mea e poino nui ai ma ka aoao o ko Nepai poe. Ano, he mea nui ka hai ana o ka olelo e alakai aku i na kanaka e hana i ka mea i pono; he oiaio, ua nui e aku ka mana o ia mea maluna iho o na naau o na kanaka mamua o ka pahikua, a mamua o kekahi mea e ae, i hiki mai ia lakou: nolaila, manao iho la o Alama he mea e pono ai no lakou e hoao aku i ka mana o ka olelo a ke Akua. Nolaila, lawe aku la oia ia Amo-na, a me Aarona, a me Omanera; a waiho iho la oia ia Himani iloko o ka ekalesia ma Zarahemela; aka, o na mea mua ekolu kana i lawe pu ai me ia, a me Amuleka laua me Zezeroma no hoi, ma Meleka laua; a lawe pu no hoi oia i na keiki ana elua. Ano, aole oia i lawe pu aku i kana keiki hiapo me ia; a o Helamana no kona inoa; aka o na inoa o laua ana i lawe pu ai me ia, o Sibalona kekahi, a o Korianatona kekahi; a oia na inoa o ua poe la, ka poe i hele pu me ia mawaena o ko Zorama poe, e hai aku ia lakou i ka olelo.

13. Ano, he poe kuee a haalele ko Zorama poe mai ko Nepai poe ae; nolaila, ua haiia'ku ka olelo a ke Akua ia lakou. Aka ua haule iho la lakou iloko o na kuhihewa nui wale, no ka mea, aole lakou hoolohe e malama i na kauoha a ke Akua, a me na kanawai, e like me ke kanawai o Mose; aole hoi lakou malama i na hana a ka eklesia, e hoomau aku ma ka pule a me ka noi aku i ke Akua i kela la i keia la, i komo ole ai lakou iloko o ka hoowalewale; he oiaio, ua kapae ae lakou i na aoao o ka Haku ma na mea he nui; nolaila, no keia kumu hele aku la o Alama a me kona poe hoahanau iloko o ka aina, e hai aku i ka olelo ia lakou.

14. Ano, ia lakou i hiki aku ai iloko o ka aina, aia hoi, me ko lakou kahaha, ike aku la lakou ua kukulu iho ko Zorama poe i na halepule, a e hoakoakoa ana lakou ia lakou iho i kahi hookahi i kekahi la o ka hebedoma, a kapa iho la lakou i ua la la o ka la o ka Haku; a hoomana aku la lakou mamuli o kekahi ano a Alama a me koua poe hoahanau i ike e ole

ai mamua; no ka mea, ia lakou kekahi wahi i kukuluia iluna mawaena konu o ko lakou halepule, i kahi i ku ai, a ua kiekie ia maluna ae o ke poo; a ua hiki i ka mea hookahi wale no ke komo maluna ae. Nolaila, o ka mea e makemake ana e hoomana aku, nana no e hele aku a e ku maluna ae olaila, a kikoo aku i kona mau lima i ka lani; a kahea aku me ka leo nui, i ka i ana: Hemolele, hemolele ke Akua; ke manaoio nei makou ooe no ke Akua, ke manaoio nei makou ua hemolele oe, a he uhane no oe mamua, a he uhane no oe ano, a he uhane no oe a mau loa aku. E ke Akua hemolele, ke manaoio nei makou ua hookaawale mai oe ia makou mai ko makou poe hoahanau ae; aole o makou manaoio iloko o ka moolelo o ko makou poe hoahanau, ka mea i haawiia mai ai ia lakou ma o ke ano kamalii la o ko lakou poe kupuna; aka, ke manaoio nei makou ua wae mai oe ia makou e lilo i poe keiki hemolele nau; a ua hoike mai no hoi oe ia makou aole no auanei he Kristo; aka, oia mau no oe i ka la inehinei, i keia la a i ka wa pau ole; a ua wae mai oe ia makou, i hoolaia'i auanei makou, oiai i waeia ka poe a pau a puni makou e hooleia e kou inaina ilalo i Gehena; no keia hemolele, e ke Akua, ke aloha aku nei makou ia oe; a ke aloha aku nei no hoi makou ia oe no kou wae ana mai ia makou, i ole ai makou e alakaiia'ku mamuli o na mooolelo lapuwale o ko makou poe hoahanau, na mea i paa ai ia lakou ilalo e manaoio ia Kristo, na mea i alakai ai i ko lakou mau naau e auwana mamao aku mai ouaku la, ko makou Akua. A eia hou: ke aloha aku nei makou ia oe, e ke Akua, no ka lilo ana o makou i poe kanaka waeia a hemolele. Amene.

15. Ano, eia kekahi, mahope iho o ka lohe ana o Alama a me kona poe hoahanau, a me kana mau keiki, i keia mau pule, ua kahaha nui loa iho la. No ka mea, aia hoi, hele aku la kela kanaka keia kanaka a pule ae la i na pule oia hookahi no. Ano, ua kapaia ua wahi la e lakou o Ramemupatoma, ma ka hoohalike ana, o ka Awai Hoano ia. Ano, ma na awai nei lakou i pule ai, o kela kanaka keia kanaka, i na pule hookahi la i ke Akua, e aloha aku ana i ko lakou Akua no ko lakou waeia'na e ia, a no kona alakai ole aku ia lakou mamuli o ka moolelo o ko lakou poe hoahanau; a no ka aihue ole ia ana o na naau o lakou e manaoio i na mea e hiki mai ana, a lakou i ike ole ai.

16. Ano, mahope iho o ka mohai ana aku o na kanaka a pau i ke aloha mamuli o keia ano, hoi ae la lakou i ko lakou mau wahi i noho ai, e olelo hou ole ana no ko lakou Akua ma ia hope iho, a hiki aku i ka wa a lakou i akoakoa hou ai i ka Awai Hoano, e mohai aku i ke aloha mamuli o ko lakou ano. Ano, ia Alama i ike ai i keia, ua eha kona naau; no ka mea, ike ae la oia he poe kanaka hewa a paakiki lakou: he oiaio, ike ae la oia ua kauia ko lakou mau naau maluna iho o ke gula, a maluna iho o ke kala, a maluna iho o kela ano o keia ano o ka waiwai nani a pau. He oiaio, a ike ae la no hoi oia ua hookiekicie ko lakou mau naau iluna i ka haanou nui, iloko o ko lakou haaheo. A hookiekicie ae la oia i kona leo i ka lani, a hea ae la, i ka i ana: Pehea la ka loihi, e ka Haku, o kou a ana mai i kau poe kauwa e noho ilalo nei ma ka io, e ike i ka hewa mano

mano me neia mawaena o na keiki a kanaka. Aia hoi, e ke Akua, ke kahea aku nei lakou ia oe, a ua aleia nae ko lakou mau naau iloko o ko lakou haahleo. Aia hoi, e ke Akua, ke hea aku nei lakou ia oe me ko lakou mau waha, oiai i haakeeia lakou i kiekie, me na mea lapuwale o ko ke ao nei. E nana ae, e ko'u Akua, i ko lakou lole knmu kuai nui, a me ko lakou lauoha owiliia, a me ko lakou mau kupee lima, a me ko lakou mau mea gula e nani ai, a me kela ano keia ano o na mea maikai a lakou i hoonanii'a'i; a, aia hoi, ua kauia no ko lakou mau naau maluna iho o ua mau mea nei, a ke hea aku nei nae lakou ia oe, Ke aloha aku nei makou ia oe, e ke Akua, no ka mea, he poe kanaka wacia makou nou, oiai e make ana na mea a ae. He oiaio, a ke i ae nei lakou nau i hoike mai ia lakou; aohe auanei he Kristo. E ka Haku ke Akua, pehea la ka lohi o kou ae ana i ka hewa a me ka hala me neia e noho nei mawaena o keia poe kanaka? E ka Haku, e haawi mai anei oe i ka ikaika ia'u, e hiki ia'u ke haawe i kuu mau nawaliwali? No ka mea, ua nawaliwali au, a ke hoeha mai nei ka hewa me neia mawaena o keia poe kanaka i ko'u uhane. E ka Haku, ua kaumaha nui loa ko'u naau: e hooluolu mai anei oe i ko'u uhane iloko o Kristo? E ka Haku, e ae mai anei oe ia'u i loaa'i au ka ikaika, e hiki ia'u ke hoomanawanui me keia mau pilikia e hiki mai ana maluna iho o'u, no ka hewa o keia poe kanaka? E ka Haku, e hooluolu mai anei oe i ko'u uhane, a e haawi mai i ka pomaikai ia'u, a me ko'u poe hoalawehana no hoi eia pu me a'u, he oiaio, ia Amona a me Aarona, a me Oma-nera, a ia Amuleka laua me Zezeroma no hoi, a i ka'u mau keikikane elua no hoi; he oiaio, o lakou nei a pau kau e hooluolu mai ai, ea, e ka Haku? He oiaio, e hooluolu mai oe i ko lakou mau uhane iloko o Kristo, ea? E ae mai anei oe ia la'ou e loaa ia lakou ka ikaika, e hiki ia lakou ke haawe aku i ko lakou mau pilikia e hiki mai ana maluna iho o lakou, no na hewa o keia poe kanaka? E ka Haku, e ae mai anei oe ia makou i loaa'i ia makou ka pomaikai i ke kai hou ana ia lakou la iou la, iloko o Kristo? Aia hoi, e ka Haku, ua minamina ko lakou poe uhane, he nui wale o lakou he poe hoahanau no makou, nolaila, e haawi mai oe ia makou, e ka Haku, i ka mana a me ka naauao, e hiki ia makou ke kai hou ae i ua poe nei, ko makou poe hoahanau, iou la.

17. Ano, eia kekahi, ia Alama i olelo ae ai i ua mau olelo nei, kau iho ia oia i kona mau lima maluna iho o lakou a pau me ia. A, aia hoi, me ia i kan iho ai i kona mau lima maluna iho o lakou, ua hoopihiaia lakou me ka Uhane Hemolele. A mahope iho o ia mea, hookaawale iho la lakou ia lakou iho kekahi mai kekahi ae; e manao ole ana no lakou iho i ka lakou mea e ai ai, a i ka lakou mea e inu ai, aoho hoi i ko lakou mea e aahu ai. A hoonaakaukau mai la ka Haku no lakou i ole ai lakou e make-ai, i ole ai hoi lakou e makewai; he oiaio, a haawi mai la no hoi i ikaika ia lakou, i ole ai lakou e loaa kekahi ano o ka pilikia, ke ale ole ia iloko o ka olioli o Kristo. Ano, ua like no keia me ka pule a Alama; a o keia mea no kana puie ana me ka manaoio.

18. A eia kekahi, hele aka la lakou, a hoomaka ae la e hai aku i ka

olelo a ke Akua i na kanaka, e komo ana iloko o ko lakou mau halepule, a iloko o ko lakou mau hale; he oiaio, haiaku la no hoi lakou i ka olelo iloko o na alanui o lakou la. A eia kekahī, mahope iho o ka hana nui mawaena o lakou la, hoomaka ae la lakou e loaa ka pomaikai mawaena o ka poe hune o na kanaka; no ka mea, ua hookukeia'e lakou mawahō o ko lakou mau halepule, no ka nani ole o ko lakou kapa; nolaila, aole lakou i aeia'i e komo iloko o ko lakou mau halepule e hoomana aku i ke Akua, i manaoia'i me he pelapela la; nolaila, ua ilihune lakou; he oiaio, i manaoia'i lakou e ko lakou poe hoahanau me he oka la; nolaila, ua hune lakou ma na mea o ko ke ao nei; a ua hune no hoi ma ka naau.

19. Ano, me Alama e ao ana a e olelo ana i na kanaka maluna o ka puu Onida, hele mai la he poe paapu a nui loa io na la, o lakou no ka poe i oleloia iho nei e makou, o ka poe hune ma ka naau, no ko lakou nele ma na mea o ko ke ao nei. A hele mai la lakou io Alama la; a o ka mea mua loa o lakou, i mai la oia ia ia, Aia hoi, heaha la ka keia poe, ko'u poe hoahanau e hana'i, no ka mea, ua hoowahawahaia lakou e na kanaka a pau, no ko lakou ilikole: he oiaio, a nui loa ae e ko makou poe kahunā; no ka mea, ua hookuke mai lakou ia makou mawahō o ko makou mau halepule, a makou i hana nui loa'i e kukulu, me ko makou mau lima ponoi; a ua hookuke mai lakou ia makou no ko makou ilikole loa, a, aole o makou wahi e hoomana aku ai i ko makou Akua: a, aia hoi, heaha la ka makou e hana'i? Ano, ia Alama i lohe ai i keia, huli koke ae la oia me kona maka ia ia, a ike aku la oia, me ka olioli nui; no ka mea, ua ike oia ua hoohaahaa io ae ko lakou mau pilikia ia' lakou, a e makaukau ana lakou e lohe i ka olelo; nolaila, aole oia e olelo hou ai i ua poc e la, aka, hohola ac la oia i kona lima, a hea aku la i ka poe ana i ike ai, ka poe i mihi io, a iaku la ia lakou, Ke ike nei au, ua haahaa oukou ma ka naau; a ina pela, pomaikai oukou. Aia hoi, ua i mai kou hoahanau, Heaha la ka makou e hana'i? no ka mea, ua hookukeia mai makou mawahō o ko makou mau halepule, i hiki ole ai ia makou ke hoomana aku i ko makou Akua. Aia hoi, ke iaku nei au ia oukou, ke manao nei anei oukou ua hiki ole ia oukou ke hoomana aku i ke Akua, ke ole ia iloko o ko oukou mau halepule wale no? A eia hou ka'u e minau aku ai, ke manao nei anei oukou e hoomana aku oukou i ke Akua i hookahi hoomana ana wale no e pono ai ma ka hebedoma? Ke iaku nei au ia oukou, ua poao ko oukou hookukeia ana'ku mawahō o ko oukou mau halepule, i haahaa oukou, a i oiai hoi oukou i ka naauao; no ka mea, he mea e pono ai no oukou e aoia i ka naauao; no ka mea, no ko oukou hookukeia'na iwaho, ua hoowahawahaia oukou e ko oukou poe hoahanau, no ko oukou ilikole loa, ua laweia oukou i ka haahaa o ka naau; no ka mea, ua koia oukou e lilo i haahaa. A no ko oukou koiia'na e lilo i haahaa, ua pomaikai oukou; no ka mea, o ke kanaka i kekahī manawa ea, ina i koiia oia e lilo i haahaa, e imi ai oia i ka mihi; ano, he oiaio, o ka mea e mihi ana, e loaa no ia ia ke aloha: a o ka mea e loaa ana ke aloha a e hoomau ana i ka hopena, oia ke hooliaia auanei.

20. Ano, me a'u i olelo aku ai ia oukou, no ko oukou koiia'na e lilo i haahaa, ua pomaikai oukou, aole anei oukou i manao ua pomaikai nui ae ka poe i hooahaahaa io ia lakou iho no ka olelo? He oiaio, o ka mea nana e hooahaahaa io ana ia ia iho, a e mihi ana i kona mau hewa, a e hoomau ana i ka hopena oia ke hoopomaikaiia auanei; he oiaio, hoopomaikai nui loa ia mamua o ka poe i koiia e lilo i haahaa, no ko lakou ilikole loa; nolaila, pomaikai lakou ka poe hooahaahaa ia lakou iho me ke koi ole ia mai e lilo i haahaa; a ma kekah i olelo e, pomaikai ka mea nana i manaoio ai i ka olelo a ke Akua, a i bapetizoia me ka paakiki ole o ka naau; he oiaio, me ke koi ole ia mai e ike i ka olelo, aohe hoi i koiia e ike mamua o ko lakou manaoio ana. He oiaio, na nui ka poe i olelo mai, Ina e hoike mai oe ia makou i hoailona mai ka lani mai, alaila, e ike oiaio makou; alaila, e manaoio no makou.—Ano ke ninau nei au, he manaoio anei keia? Aia hoi, ke i aku nei au ia oukou, aole; no ka mea, ina e ike ana kekah i kanaka i kekah i mea, aohe ona kumu e manaoio ai, no ka mea, e ike ana no oia ia mea; a, ano, pehea la ka oi aku ana o ka poino o ka mea e ike ana i ka makemake o ke Akua, a e hana ole ana, mamua o ka mea e manaoio wale ana no, a i loaa'i paha ke kumu wale no e manaoio ai, a i haule iho ai iloko o ka hala? Ano, no keia mea, e noonoo pono oukou. Aia hoi, ke i aku nei au ia oukou, ua like ia ma kekah i lima, me ia ma kekah; a e like auanei ia i kela kanaka keia kanaka e like me kana hana.

21. Ano me a'u i olelo aku ai no ka manaoio: O ka manaoio, aole ia he ike lea i na mea; nolaila, ina he manaoio ko oukou, ke manaolana nei oukou no na mea i ike ole ia'i, i oiaio nae. Ano, aia hoi, ke i aku nei au ia oukou ke makemake nei au e hoomanao oukou ua lokomaikai ke Akua i ka poe a pau i manaoio ma koua inoa: nolaila, ke makemake nei oia, o ka mea mua, e manaoio oukou, he oiaio, ma kana olelo. Ano, ke haawi mai la oia i kana olelo ma o na anela la i na kanaka; he oiaio, aole i na kanaka wale, aka, i na wahine no hoi. Ano, aole o keia wale no: o na keiki uuku ua haawia mai na olelo ia lakou i na manawa he nui wale, i hoohoka aku ai i ka poe naauao a me ka poe i aoia.

22. Ano, e o'u poe hoahanau alohaia, me oukou i makemake mai ai e ike ia'u ka mea a oukou e hana'i no ko oukou hoopilikiaia'na a hookukeia'na; ano, aole au makemake e kuhi mai oukou e manao ana au e hoohewa aku ia oukou, eia wale no, e like me ka mea oiaio; no ka mea, aole an manao ua koiia oukou a pau e hooahaahaa ia oukou iho; no ka mea, ke manaoio oiaio nei au aia no kekah i poe mawaena o oukou e hooahaahaa ana ia lakou iho, ina paha ma kela ano o ka noho ana ma keia ano o ka noho ana. Ano, me a'u i olelo aku ai no ka manaoio—aole ia he ike lea, pela no hoi me ka'u mau olelo nei. Aole e hiki ia oukou ke ike i ka oiaio o ia mau mea i kinohi, i ka ike lea ana, e like me ka manaoio aole ia he ike lea. Aka, ina e ala oukou a e hooeueu ae i na mea ikaika o na naau o oukou, e hoao mai i ka'u mau olelo, a e hana me kekah i huna o ka manaoio; he oiaio, ina e hiki ia oukou ke makemake wale no e manaoio, e kuu aku i keia makemake e hana iloko o oukou, a hiki ia oukou ke manaoio ma ke

ano kupono e hookaawale ae i wahi no kau wahi o ka'u mau olelo. Ano, e hoohalike kakou i ka olelo i kekahihua.

23. Ano, ina e hookaawale ae oukou i wahi, e hiki i kahi hua ke kau-nia iloko o ko oukou mau naau, aia hoi, ina he hua oiaio, a he hua mai-kai, ina aole oukou e kipaku aku ia ma ko oukou manaoio ole, i ku e ai oukou i ka Uhane o ka Haku, aia hoi, e hoomaka no ia e pehu ae iloko e ko oukou mau opu; a ia oukou e ike ai i keia pehu ana, e hoomaka ne oukou e nalu iloko o oukou iho, he oiaio, he hua maikai neia, a oia hoi, ua maikai ka olelo, no ka mea, ke hoomaka nei ia e hooakea ae i kuu naau; he oiaio, ke hoomaka nei ia e hoomalamalama mai i kuu hoomaopopo ana; he oiaio, a ke hoomaka nei ia e lilo i ono loa ia'u. Ano, aia hoi, aole anei e hoomahuahua keia i ko oukou manaoio? Ke i aku nei au ia oukou, ae; aole nae ia i ulu ae i ike lea. Aka hoi, i ka pehu ana o ka hua, a i ka omaka ana, a i ka hoomaka ana e ulu, alaila, e pono no oukou ke olelo, ua maikai ka hua; no ka mea hoi, e pehu ana ia, a e omaka ana, a e hoomaka ana e ulu. Ano, aia hoi, ua ike paa anei oukou he hua maikai keia? Ke i aku nei au ia oukou, ae; no ka mea, ke hua mai nei kela hua keia hua i kona ano like; nolaila, ina e ulu ana kekahihua, he hua maikai ia, aka, ina e ulu ole ana ia, aia hoi, aole ia he maikai; nolaila, ua hooleiia'ku ia. Ano, aia hoi, no ka hoao ana o oukou ia mea, a kanu iho la i ka hua, a e pehu ana ia, a e omaka ana, a e hoomaka ana e ulu, he mea e pono ai oukou ke ike ua maikai ka hua. Ano, aia hoi, ua lawa anei ko oukou ike? Ae, ua lawa ko oukou ike ma ua mea la, a ua moe ko oukou manaoio; a o keia mea no ko oukou ike ana; no ka mea, ua ike oukou ua hooakea mai ka olelo i ko oukou mau naau, a ua ike no hoi oukou ua omaka ae ia, a e hoomaka ana ko oukou hoomaopopo ana e hoomalamalamaia mai, a e hoomaka ana ko oukou naau e hooakeaia, E! aole anei keia he oiaio? Ke i aku nei au ia oukou, ae; no ka mea, he malamalama ia; a o ka mea i malamalama he maikai ia, no ka mea, ua hiki ke ikeia; nolaila, he pono no oukou ke ike lea he maikai ia. Ano, aia hoi, mahope iho o ko oukou hoao ana i ua malamalama nei, ua lawa anei ko oukou ike? Aia hoi, ke i aku nei au ia oukou, aole; aole no hoi oukou e waiho ae i ko oukou manaoio, no ka mea, ua hana me ko oukou manaoio wale no e kanu iho i ka hua, e hiki ia oukou ke hoao aku, e ike ina he maikai ka hua. A, aia hoi, me ka laau e hoomaka ai e ulu, e olelo no oukou, Ea, e hooluolu iho no kakou ia ia'me ka malama nui, i komo ai kona aa, i ulu ai ia a e hoohua mai i ka hua ia kakou. Ano hoi, ina e hooluolu iho oukou ia ia me ka malama nui, e komo no kona aa, a e ulu ae, a e hoohua mai i ka hua.

24. Aka, ina e malama ole oukou i ka laau, a manao ole i kona ho-oluoluia ana, aia hoi, aole no e komo na aa ona; a i ka wa e hiki mai ai ka wela o ka la a i wela mai ai ia ia, no ke aa ole ona, e mae ana ia, a e uhuki aku ana oukou ia ia, a hoolei aku iwaho. Ano, aole keia no ka maikai ole o ka hua i kaunia; aole no hoi ia mea no ka

maikai ole ana o ka hua ona i ohia. Aka, no ka panoa o ko oukou lepo, a, aole oukou e hooluolu iho i ka laau, nolaila, ua hiki ole ia oukou ke loaa ka hua ona. A pela hoi, ina aole oukou e hooluolu iho i ka olelo, e nana ana imua me ka maka o ka manaoio i ka hua ona, aole loa e hiki ia oukou ke ohi aku i ka hua o ka laau o ke ola. Aka, ina e hooluolu iho oukou i ka olelo, he oiaio, e hooluolu iho i ka laau me ia i hoomaka ai e ulu, ma ko oukou manaoio me ka ikaika nui, a me ka hoomanawanui, e nana ana imua i ka hua ona, e komo no auanei na aa ona; a, aia hoi, e lilo no auanei ia i laau e ulu ana i ke ola mau loa; a no ko oukou ikaika, a me ko oukou manaoio, a me ko oukou hoomanawanui me ka olelo ma ka hooluolu ana ia ia, i komo ai ilalo na aa ona iloko o oukou, aia hoi, mamuli e ohi no oukou i ka hua ona, ka mea i maikai loa, a i ono loa hoi mamua o na mea ono a pau, a i keokeo loa mamua o na mea i keokeo a pau, he oiaio, a i maemae loa mamua o na mea i maemae a pau; a e ahaaina auanei oukou ma keia hua, a piha ae la oukou, i makeai ole ai oukou, aole hoi e make-wai. Alaila, e ko'u poe hoahanau, e ohi no oukou i na uku no ko oukou manaoio, a me ko oukou ikaika, a ahonui, a hoomanawanui, e kali ana no ka laau e hoohua mai i ka hua no oukou.

25. Ano, mahope iho o ko Alama olelo ana i neia mau olelo, hoouna mai la lakou ia ia, e makemake ana e ike, ina paha lakou e manaoio i ke Akua hookahi e hiki ia lakou ke loaa ua hua nei ana i olelo ai, a i ke ano o ko lakou kanu ana i ka hua, oia hoi ka olelo, ana i olelo aku ai, ana i i aku ai e kannua ia e popo ai iloko o ko lakou mau naau; a i ke ano hea hoi lakou e hoomaka ai e hoohana i ko lakou manaoio? A i aku la o Alama ia lakou, Aia hoi, ua i mai oukou ua hiki ole ia oukou ke hoomanaaku i ko oukou Akaa, no ka mea, ua hookukcia mai oukou mawaho o ko oukou mau halepule. Aka hoi, ke i aku nei au ia oukou, ina e manaoana oukou ua hiki ole ia oukou ke hoomanaaku i ke Akua, ke kuhi hewa nui nei oukou, a he mea e pono ai no oaskou e imi i na palapala hemolele, ina e manaoana oukou ua ao mai na mau palapala la i keia mea ia oukou, aole oukou hoomaopopo ia manu mea. Ke hoomanao nei anei oukou i ka heluhelu ana i ka mea a Zenosa, ke kaula o ka wa kahiko, i olelo mai ai no ka pule, a no ka hoomana ana? no ka mea, i mai la oia, Ua lokomaikai oe, e ke Akua, no ka mea, ua lohe oe i ka'u pule, ia'u iloko o ka waona-hele; he oiaio, ua lokomaikai oe i ka wa a'u i pule aku ai no ko'u poe enemi, a nau i hoohuli mai ia lakou ia'u; he oiaio, e ke Akua, ua lokomaikai oe ia'u i ka wa a'u i hea aku ai ia oe ma ko'u kihapai; ia'u i hea aku ai ia oe ma kuu pule, a ua lohe oe ia'u. A eia hou, e ke Akua, ia'u i huli ae ai i ko'u hale ua lohe oe ia'u ma ka'u pule. A ia'u i huli ae ai i ko'u keena mechameha, e ka Haku, a pule aku la ia oe, ua lohe oe ia'u; he oiaio, ua lokomaikai oe i ka'u mau keiki ia lakou i hea aku ai ia oe e lohea e oe, aole e na kanaka, a e lohe mai no oe ia lakou; he oiaio, e ke Akua, ua lokomaikai mai oe ia'u a lohea mai ka'u hea ana mawaena konu o na anaina ou; he oiaio, a ua lohe mai no hoi ia'u i ka wa a'u i kipakuia mai

ai iwaho, a i hoowahawahaia mai e ko'u poe enemi; he oiaio, ua lohe oe i ka'u hea ana, a huhu ae la i ko'u poe enemi, a ua hoopai ae oe ia lakou iloko o kou inaina, me ka luku koke; a ua lohe mai ia'u no kuu mau popilikia a me kou oiaio; a no kau Keiki oe i lokomaikai mai ai peia ia'u; nolaila, e kahea aku no au ia oe iloko o ko'u mau popilikia a pau; no ka mea, aia iloko ou ko'u olioli; no ka mea, ua hoohuli ae la oe i kou mau hoopai mai o'u aku nei, no kau Keiki.

26. Ano, iaku la o Alama ia lakou, Ke manaoio nei anei oukou i ua mau palapala hemolele la i palapalaia e ka poe o ka wa kahiko? Aia hoi, ina pela, alaila e manaoio no oukou i ka mea a Zenosa i olelo mai ai, no ka mea, aia hoi, i mai la oia, Ua hoohuli ae la oe i kou mau hoopai, no kau Keiki. Ano hoi, e ko'u poe hoahanau, ke makemake nei au e ninau aku, ina ua heluhelu oukou i na palapala hemolele? Ina ua heluhelu, pehea la e hiki ai ia oukou ke manaoio ole ma ke keiki a ke Akua? No ka mea, aole ia i palapalaia'i o Zenoso wale no ka i olelo mai ai no ia man mea, aka o Zenoka hoi kekahi ka i olelo mai ai no ua mau mea nei; no ka mea, aia hoi, i mai la oia, Ua hulu oe, e ka Haku, i keia poe kanaka, no ka mea, aole lakou i hoomaopopo iho i kou mau lokomaikai au i haawi mai ai maluna iho o lakou, no kau Keiki. Ano, e ko'u poe hoahanau, ke ike nei oukou, ua hoike mai ka lua o ke kaula o ka wa kahiko no ke Keiki a ke Akua; a no ka makemake ole o na kauaka e hoomaopopo iho i kana mau olelo, hailuku ae la lakou ia ia a make loa. Aka hoi, aole o keia wale no; aole o lata wale no na mea i olelo mai ai no ke Keiki a ke Akua. Aia hoi, ua oleloia mai nona e Mose; he oiaio hoi, ua hookuia'e he hoailona iluna na ka waona'ele, i hiki i ka mea makemake ke nana'ku i ua mea la a ola. A ua nana'ku kekahi poe he nui wale a ola iho la. Aka, kakaikahia ka poc i hoomaopopo iho i ke ano o ua mau mea nei, a o keia mea no ka paakiki o ko lakou mau naau. Aka ua nui wale na mea no ka paakiki loa aole o lakeu nana'ku; nolaila, make aku la lakou. Ano, o ke kumu o ko lakou nana ole ana, no ka manaoio ele o lakou e hoola mai ana ia mea ia lakou. E ko'u poe hoahanau, ina ua hiki ia oukou ke hoolaia, ma ka alawa ana'e o ko oakou mau maka, i hoolaia'i oukou, aole anei oukou e nana koke ae, a i ole ia, e makemake loa paha oukou e hoopaakiki iho i ko oakou mau naau iloko o ka hoomaloka a e molowa, i ole ai oukou e alawa ae i ko oukou mau maka, i make ai oukou? Ina pela, e hiki mai ka po'no maluna o oukou; aka ina aole pela, alaila e alawa'e oukou i ko oakou mau maka; a e hoomaka e manaoio akn i ke Keiki a ke Akua, ka mea e hele mai a hoolapanai mai i kona poe kanaka, a ka mea hoi e hoomainoinoa auanci a e make i kalahala no ko lakou mau hewa; a e ala hou mai auanci oia mai ka make mai, i mea ia e lawe mai ai i ke alahouana, i ku iho ai auanci na kanaka a pau imua ona, e hookolokoloia, ma ka la hookolokolo hope, e like me ka lakou mau hana. A, ano, e ko'u poe hoahanau, ke makemake nei au ia oukou e kanu iho i keia olelo iloko o ko oukou mau naau, a me ia e hoomaka ai e pehu, pela hoi e

hooluolu iho ai ia ma ko oukou manaoio. Aia hoi, e lilo ae ia i laau, e ulu ae ana iloko o oukou i ke ola mau loa. Alaila, na ke Akua e ae mai ia oukou i mama ko oukou mau ukana, ma o ka olioli la o kana Keiki. A o keia a pau ua hiki ia oukou ke hana, ke makemake oukou. Amene.

27. Ano, eia kekahih, mahope iho o ka olelo ana a Alama i keia mau olelo ia lakou, noho iho la oia ilalo ma ka honua, a ku ae la o Amuleka a hoomaka ae la e aoaku ia lakou, i ka i ana, E ko'u poe hoahanau, ke manao nei au he mea hiki ole ke naaupo oukou no na mea i oleloia mai ai no ka hiki ana mai o Kristo, ka mea i aoiaku ai e makou oia ke Keiki a ke Akua; he oiaio, ua ike au ua ao nui loa ia'ku ua mau mea nei ia oukou, mamua o ko oukou kue ana a haalele maiwaena aku o makou. A me oukou i makemake mai ai i ko'u kaikuaana aloha nei, nana e hoike aku ia oukou i ka mea a oukou e hana'i, no ko oukou mau pilikia; a ua olelo aku oia i kekahih mau mea ia oukou e hoomakaukau ai i ko oukou mau naau; he oiaio, a ua kauleo aku oia ia oukou e manaoio, a e hoomanawanui; he oiaio, i loaa'i ia oukou ka manaoio e hiki ke kanu i ka olelo iloko o ko oukou mau naau, i hoao ai oukou i kona maikai; a ua ike maua o ka mea ninau nui iloko o ko oukou mau naau, ina paha iloko o ke Keiki a ke Akua ka olelo, a ina aole paha auanei he Kristo. A ua ike no hoi oukou ua hooiaio ae ko'u kaikuaana ia oukou, ma na mea he nui, aia no ka olelo iloko o Kristo, i ka hoola ana. Ua hea ae ko'u kaikuaana ma na olelo a Zenosa, e biki mai ana ka hoolapanai ana ma o ke Keiki a ke Akua la, a ma na olelo hoi a Zenoka; a ua hoopii ae oia ia Mose, e hoike mai he oiaio ua mau mea nei. Ano, e hoike no au no'u iho, he oiaio ua mau mea nei. Aia hoi, ke iaku nei au ia oukou, ua ike au e hiki mai auanei o Kristo mawaena o na keiki a kanaka, e lawe maluna iho ona i na lawehala o kona poe kanaka, a e panai aku auanei oia no na hala o ko ke ao nei; no ka mea, ua olelo mai ka Haku ke Akua ia mea; no ka mea, he mea e pono ai e hanaia mai ka mea e kalahala'i; no ka mea, e like me ke kumumanao nui o ke Akua mau loa, e hanaia kabi mea e kalahala ai e pono ai, i ole ia, e make loa na kanaka a pau me ka hiki ole ke pale ae; he oiaio ua paakiki na mea a pau; he oiaio, ua haule na mea a pau, a ua lilo, a e make loa io no, ke ole ma o ke kalahala ana la ka mea e pono ai ke hanaia mai; no ka mea, he mea e pono ai e hanaia he mohai nui a hope, he oiaio, aole he mohai kanaka, aole hoi holoholona, aole hoi o kekahih ano o ka manu; no ka mea, aole loa ia e lilo ana i mohai kanaka; aka, he mohai mana loa a mau loa aku e pono ai.

28. Ano, aole kekahih kanaka e hiki ai ia ia ke mohai aku i kona koko iho, i mea e panai ai no na hala o hai. Ano, ina e pepehi kanaka ana kekahih kanaka, aia hoi, e lawe aku anei ko kakou kanawai, ka mea pololei, i ke ola o kona hoahanau? Ke iaku nei au ia oukou, aole. Aka, e koi ana ke kanawai i ke ola o ka mea nana i pepehi ai i ke kanaka; nolaila, aole e hiki i kekahih mea, e emi ana malalo iho o ke kalahala mana loa, ke kala no na hala o ko ke ao nei; nolaila, he mohai nui a hope e po-

no ai; a, alaila e hookiia'ku, a he mea hoi e pono ai ke hooki aku i ka hookaheia'na o ke koko; alaila, e hookoia'i ke kanawai o Mose; he oiaio, e ko mai ai ia a pau loa; o kela huna a lihi iki keia huna a lihi iki, aole mea i lilo aku. A, aia hoi, o keia no ke ano a pau o ke kanawai; o kela huna keia huna e kuhikuhi ana i kela mohai nui a hope; a ua mohai nui a hope la o ke Keiki a ke Akua no ia: he oiaio, he mana loa a maa loa; a pela oia e lawe mai ai auanei i ke ola i ka poe a pau e manaoio ma kona inoa; o ke kumu no keia o ua mohai hope nei, e lawe mai ai i na naau o ke aloha, o ka mea ia e lanakila ana maluna o ka hoopai, a e lawe mai ana i na mea i na kanaka i loaa'i ia lakou ka manaoio e mihi ai. A pela e hiki ai i ke aloha ke panai ai i na koi ana o ka hoopai, a i hoopuni ai ia lakou iloko o na lima palekana, oiai ka mea i hana ole aku me ka manaoio e mihi ai, ua waihoia i ke kanawai a pau o na koi ana o ka hoopai; nolaila, i ka mea wale no nona ka manaoio e mihi ai, i laweia mai ai ke kumumanao nui a mau loa o ka hoolapanai. Nolaila, na ke Akua e ae mai ia oukou, e ko'u poe hoahanau, e hoomaka oukou e hana aku me ko oukou manaoio e mihi, i hoomaka ai oukou e hea aku i kora inoa hoano, nana e aloha mai ia oukou; oia, e hea aku ia ia no ke aloha; no ka mea, na mana oia e hoola mai; oia, e hoohaahaa iho oukou ia oukou iho, a e hoomau ma ka pule ia ia: e hea aku ia ia i ka wa o oukou iloko o na kihapai o oukou; he oiaio, maluna iho o na poe holoholona o oukou a pau: e hea aku ia ia iloko o na hale o oukou, he oiaio, maluna iho o ko ko oukou hale, i ke kakahiaka, i ke awakea, a me ke ahiahi; he oiaio, e hea aku ia ia me ke ku e aku i ka mana o ko oukou poe enemi; he oiaio, e kahea aku ia ia me ke ku e i ka diabolo, he enemi no oia i ka ponu a pau. E bea aku ia ia maluna iho o na hua o ko oukou mau kihapai, i pomaikai ai oukou ma ia mau mea; e hea aku ia ia maluna iho o na pua holoholona o ko oukou mau kula, i mahuahua ai lakou. Aka, aole o keia mau mea wale: e ninini aku oukou e pono ai i ko oukou mau uhane ma na keena mehameha o oukou, a ma na wahi malu o oukou, a ma ko oukou waonahele; he oiaio, a ia oukou e hea ole aku ai i ka Haku, e hoopihiaia ko oukou mau naau, i kaiia'i ma ka pule mau ia ia no ko oukou pomaikai, a no ka pomaikai hoi o ka poe a puni oukou.

29. Ano, aia hoi, e o'u poe hoahanau alohaia, ke i aku nei au ia oukou, mai manao oukou o keia ka pau ana; no ka mea, mahope iho o ka oukou hana ana i keia mau mea a pau, ina e hookuke ae oukou i ka poe nele, a me ka poe kapa ole, a hele ole e ike i na mea mai a pilikia, a haawi ole aku i ko oukou waiwai, ina he lako ko oukou, i ka poe i nele; ke i aku nei au ia oukou, ina aole oukou e hana i kekahia o keia mau mea, aia hoi, ina ua make hewa ka oukou pule, a e hoopomaikai ole ana ia oukou, a me he poe hookamani la oukou i hoole ai i ka manaoio; ina aole oukou e hoomanao e lokomajkai aku, me he oka la oukou a na mea hoomaemae i hoolei aku ai iwaho, (no ka mea, aohe ia he maikai,) a ua hehiia ilalo o na kapuai o kanaka.

30. Ano, e o'u poe hoahanau, ke makemake nei au mahope iho o ko oukou loaa ana na hoike he nui wale me neia, me ka ike hoi e hoike mai ana na palapala hemolele no keia mau mea, e hele mai a e hua ae i ka hua i ka mihi; he oiaio, ke makemake nei au e hele mai oukou a e hoopaaiki hou ole iko oukou mau naau; no ka mea hoi, ano ka manawa, a me ka la o ko oukou ola; a, nolaila, ina e mihi oukou a hoopaaiki ole i ko oukou naau, e lawe koke ia mai ke kumumanao nui hoolapanai ia oukou. No ka mea, aia hoi, o keia ola ana no ka manawa no na kanaka e hoomakaukau ai e halawai pu me ke Akua; he oiaio hoi, o ka la o keia ola ana oia no ka la no na kanaka e hanai'i i na hana a lakou. Ano, me a'u i olelo e aia oukou mamua, me oukou i loaa na hoike he nui wale me neia, nolaila, ke noi aku nei au ia oukou, e hoopanee ole aku oukou i ko oukou la e mihi ai a hiki i ka hopena; no ka mea, mahope iho o keia la o ke ola, i haawlia mai ai ia kakou e hoomakaukau ai no ke ao pau ole, aia hoi, ina aole kakou e hoonui ae i ko kakou manawa oiai ma keia ola gna, alaila, ke hele mai la ka po o ka pouli, iloko olaila e hiki ole ai ka hana ke hanai'a. Aole e hiki ia oukou ke olelo, ia oukou e laweia mai ai i kela manawa pilikia weliweli, E mihi no au, e hoi no au i ko'u Akua. Aole, aole loa e hiki ia oukou ke olelo ae i keia; no ka mea, o kela uhane hookahi naau i noho ma ko oukou kino i ka manawa a oukou e punka aku ai mai keia ola ana'ku, na ua uhane hookahi la auanei ka mana e noho ai ma ko oukou kino ma kela ao mau loa. No ka mea, aia hoi, ina ua hoopanee ae i ko oukou la e mihi ai, a hiki wale aku i ka make, aia hoi, ua lilo ae oukou malalo iho o ka uhane o ka diabolo, a e hoopaa ana oia ia oukou nona; no ia mea, ua haalele iho ka Uhane o ka Haku ia oukou, aoe ona kuleana iloko o oukou, a no ka diabolo ka mana a pau maluna iho o oukou; a oia no ka noho hope ana o ka poe hewa. A o keia ka'u i ike ai, no ka mea, ua i mai ka Haku, Aole oia e noho ana iloko o na luakini hemolele ole, aka iloko o na naau o ka poe pono oia i noho ai; he oiaio, a ua i mai no hoi oia, e noho no ka poe pono iloko iloko o kona aupuni, e hele hou ole ai iwaho; aka e hookeokeoia ko lakou mau aahu, ma o ke koko la o ke Keikihi'a.

31. Ano, e ko'u poe hoahanau aloha, ke makemake nei au e hoomanao oukou i keia mau mea, a e hana aku oukou i ko oukou ola me ka makau imua o ke Akua, a e hosle hou ole oukou i ka hiki ana mai o Kristo; e paio ku e hou ole aku oukou i ka Uhane Hemolele, aka e hookeokeoia ko oukou ia ia, a lawe ae maluna iho o oukou i ka inoa o Kristo; a e hoohaaha oukou ia oukou iho i ka lepo, a hoomana aku i ke Akua ma kela wahine keia wahine a oukou e noho ai, iloko o ka uhane a iloko o ka oiaio; a e noho oukou me ke aloha aku i kela la i keia la, no ka mai o na mea aloha a me na mea pomaikai ana i haawi mai ai maluna iho o oukou; he oiaio, a ke kauleo aku nei no boi au ia oukou, e o'u poe hoahanan, e makaala oukou i ka pule mau, i alakai ole ia aku ai oukou e ka hoowalewale ana o ka diabolo, i ole ai e lanakila oia maluna iho o oukou, i ole ai oukou e lilo i poe kauwa

nana ma ka la hope: no ka mea hoi, aole e uku ana oia ia oukou i kekahī mea maikai. Ano, e o'u poe hoahanau aloha, ua makemake au e kauleo aku ia oukou e ahonui, a e hoomanawanui oukou ma kela ano o ka pilikia keia ano o ka pilikia; i ole ai oukou e hoino aka i ka poe nana i hookuke mai ia oukou iwaho no ko oukou ilikole nui, o lilo oukou i poe lawehala e like me lakou; aka, i ahonui oukou, a hoomanawanui me ua mau popilikia la, me ka manaolana paa e hoomaha auanei oukou i kekahī la mai ko oukou mau popilikia a pau.

32. Ano, eia kekahī, mahope iho o ka hoopau ana o Amuleka i keia mau olelo, haalele iho la laua i ka poe kanaka, a hele ae la iloko o ka aina o Ieresona; he oiaio, a o ka poe hoahanau e ae, mahope iho o ka hai ana i ka olelo i ko Zorama poe, hele ae la no hoi iloko o ka aina o Ieresona. A, eia kekahī, mahope iho o ke kuka pu ana o ka poe hanohano ae o ko Zorama poe no na olelo i haiia mai ai ia lakou, ua hulu lakou no ka olelo, no ka mea, e hoopau ana ia i ka lakou oihana; nolaila, aole lakou i hoohe mai i na olelo. A hoouna ae la lakou a houlunlu pu ae la mawaena o ka aina a pau, i na kanaka a pau, a kuka pu iho la me lakou no na olelo i oleloia'i. Ano, aole o na luna o lakou, a me na kahuna a lakou, a me na kumu o lakou, i hoike ae ai i na kanaka no na mea a lakou i makemake ai; nolaila, ike malu iho la lakou i na manao o na kanaka a pau. A eia kekahī, mahope iho o ko lakou loaa ana na manao o na kanaka a pau, o ka poe i makemake i na olelo i oleloia'i e Alama a me kona mau hoahanau, ua kipakuia iwaho o ka aina; a ua nui loa lakou; a hele mai la no hoi lakou iloko o ka aina o Ieresona.

33. A eia kekahī, lawelawe ae la o Alama a me kona poe hoahanau ia lakou. Ano, ua hulu ko Zorama poe i ka poe kanaka o Amona e noho ana ma Ieresona, a o ka luna nui o ko Zorama poe he kanaka hewa loa ia, hoouna mai la oia i ka poe kanaka la o Amona, e makemake ana ia lakou e kipaku aka mawaho o ko lakou aina i ka poe a pau i hele mai ai mai o lakou la ae iloko o ko lakou aina. A ha ae la oia i na olelo hooweliweli he nui wale ia lakou. Ano, aole o ka poe kanaka o Amona i makau aka i ka lakou la mau olelo, nolaila, aole lakou i kipaku aka ia lakou, aka, hookipa ae la lakou i ka poe hune a pau o ko Zorama, ka poe i hele mai ia lakou; a hanai ae la ia lakou, a hooaahu ae la ia lakou, a haawi ae la ia lakou i na aina i hooilina no lakou; a kokua ae la lakou ia lakou la e like me ko lakou la nele. Ano, hoonaukiuki keia mea i ko Zorama poe e hulu mai i ka poe kanaka o Amona, a hoomaka iho la lakou e hui pu me ko Lamana poe, a e hookonokono ae i kela poe no hoi e hulu mai ia lakou: a pela i hoomaka ai ko Zorama poe a me ko Lamana poe e hocmakaukau no ke kaua ku e i ka poe kanaka o Amona, a i ka poe kanaka o Nepai. A pela i pau ai ka makahiki umikumamahiku o ke au o na Lunakanawai, maluna iho o ka poe kanaka o Nepai.

34. A haalele iho la ka poe kanaka o Amona i ka aina o Ieresona, a hele mai la iloko o ka aina o Meleka, a hookaawale ae la i wahi ma ka aina o Iereso-

na no ka poe koa o ko Nepai poe, e hiki ia lakou ke paio me **ka** poe koa o ko Lamana poe, a me ka poe koa o ko Zoramā poe; a pela i hoomaka ai kekahī kana mawaena o ko Lamana poe a me ko Nepai poe, ma ka makahiki umikumamawalu o ke au o na Lunakanawai; a e haawiia'ku auanei he mooolelo o ko lakou mau kaua. A hoi aku la o Alama, a me Amona, a me ko laua mau hoahanau, a me na keikikane elua no hoi a Alama, i **ka** aina o Zarahemela, mahope iho o ko lakou lilo ana i mau mea hana ma na lima o ke Akua i ka lawe ana mai i kekahī poe he nui wale o ko Zoramā poe i ka mihi; a o ka poe a pau i laweia i ka mihi, ua kipakuia iwaho o ko lakou aina; aka, aia no ia lakou na aina no na hooilina o lakou ma **ka** aina o Ieresona, a ua lalau aku lakou i na mea kaua e hoomalu ia lakou iho, a me ka lakou poe wahine, a poe keiki, a me ko lakou mau aina. Ano, o Alama ua eha oia no ka hewa o kona poe kanaka, he oiaio, no na kaua, a no na hookahe koko ana, a me na paio mawaena o lakou; a na hele no e hai aku i ka olelo, a ua hoounaia e hai aku i ka olelo mawaena o na kanaka a pau ma kela kulanakauhale keia kulanakauhale; a i ka ike ana e hoomaka ana na naau o na kanaka e mahuahua ma ka paakiki, a e hoomaka ana lakou e hoonaukiukiia no ka ikaika o ka olelo, ua kau-maha nui loa kona naau; nolaila, kena ae la oia e houluulu pu ia kana mau keikikane, e hiki ia ia ke haawi pakahi ae ia lakou i kela mea i keia mea i kana kauoha, no na mea e pili ana i ka pono. A he mooolelo ko inakou o kana mau kauoha, ana i haawi mai ai ia lakou, e like me **kona** mooolelo iho.

MOKUNA XVII.

O na kauoha a Alama, i kana keiki o Helamana.

1. E **ka'u** keiki, e haliu mai **ka** pepeiao i **ka'u** mau olelo; no **ka** mea, hoohiki ae au ia oe, ina e malama oe i na kauoha a ke Akua, e hoopomai-kaiia auanei oe ma ka aina. Ke makemake nei au e hana oe me **a'u** i hana'i, i ka hoomanao ana i ka noho pio ana o ko kakou poe makua; no ka mea, iloko lakou o ka noho luhi ana, a ua hiki ole i kekahī mea ke hoopakele mai ia lakou ke ole ia ke Akua o Aberahama, a o ke Akua o Isaac-ka, a o ke Akua o Iakoba; a hoopakele oiaio mai la oia ia lakou i ko lakou mau pilikia. Ano, e **ka'u** keiki, e Helamana, aia hoi, ma kou wa kamalii oe, a nolaila ke noi aku nei au ia oe e hoolohe mai i **ka'u** mau olelo, a e aoia e au; no ka mea, ua ike no au o ka poe e hilinai aku ana i ke Akua, e kokuaia no lakeu iloko o na hoao ana o lakou, a me na pilikia o lakou, a me na eha o lakou, a e hookiekieia iluna auanei ma ka la hope; a, aole **o'u** makemake e manao oe ke ike nei au no'u iho mamuli o ko ke kino, aka mamuli o ko ka uhane; aole o ka naau kino, aka o **ke Akua**. Ano hoi, ke i aku nei au ia oe, ina ua hooahanau ole ia au e ke **Akua**, ina

ua ike ole au i ua mau mea nei; aka, ua hoike mai ke Akua, ma ka waha o kana anela hemolele, i ua mau mea nei ia'u, aole no kekahi pono o'u iho, no ka mea, kaahele ae la au me na keikikane a Mosia, e imi ana e hoopau aku i ka ekalesia o ke Akua; aka hoi, hoouna mai la ke Akua i kona anela hemolele e hooki mai ia makou ma ke ala. A, aia hoi, olelo mai la oia ia makou, me he mea la he leo o kahekili ia, a haalulu iho la ka honua a pau malalo iho o ko makou mau kapuai, a hina iho la makou a pau i ka honua, no ka mea, hiki mai la ka makau o ka Haku maluna iho o makou. Aka hoi, i mai la ka leo ia'u, E ala'e. A ala ae la au a ku iluna, a ike aku la i ka anela. A i mai la oia ia'u, Ina paha e makemake ana oe i ka make nou iho, mai imi hou ma neia hope aku e hoopau aku i ka ekalesia o ke Akua.

2. A eia kekahi, hina iho la au i ka honua; a no na la ekolu a me na po ekolu, ua hiki ole ia'u ke hamama i kuu waha; aole hoi i hiki ia'u ke hoonioni i na lala o'u. A olelo mai la ka anela i na mea e ae, i lohea e ko'u mau hoahanau, aka aole au i lohe ia mau mea; no ka mea, ia'u i lohe ai i na olelo, Ina paha e makemake ana oe i ka make nou iho, mai imi hou e hoopau aku i ka ekalesia o ke Akua, ua loohia au me ka eehia a pihoi-hoi, o hoopauia mai paha au, a haule iho la au i ka honua, a lohe ole au i na mea hou; aka ua hoowalaniaia iho au me ka ehaeha mau loa, no ka mea, ua hakukoi nui loa ko'u uhane, a hoowalaniaia me ko'u mau hewa a pau. He oiaio, hoomanao iho la au i ko'u mau hala a hana ino a pau, no keia manu mea ua hoomainoinoia au me na eha o Gehena; he oiaio, ike iho la au ua kipi aku au i kuu Akua, a ua malama ole au i kana mau kauoha hemolele; he oiaio, a ua pepehi loa au i na keiki he nui ana, a he oiaio, ua alakai aku au ia lakou i ka make loa; he oiaio, a no ka nui o ka'u mau hana ino, o ka manao wale ana i ke komo ana ma ke alo o ko'u Akua, he mea ia i hoowalania iho ai i ko'u uhane me ka weliweli hiki ole ke hajia'ku. Manao iho la au, ina ua hiki ia'u ke kipakuia mai a lilo i mea ole o ka uhane a me ke kino pu, i ole au e kaiia'ku e ku ma ke alo o ko'u Akua, e hookolokoloia no ka'u mau hana. Ano, no na la ekolu a me na po ekolu wau i hoowalaniaia mai ai, me na eha o kahi uhane poino loa.

3. A eia kekahi, i ka wa a'u i hoowalaniaia mai ai me ka ehaeha, oiai au i hoohakukoiia mai ai ma ka hoomanao i ko'u mau hala he nui loa, aia hoi, hoomanao iho la no hoi au i ka hoolohe ana o'u i ko'u makuakane i wanana aku ai i na kanaka, no ka hiki mai ana o kahi Iesu Kristo, he Keiki a ke Akua, e panai ai no na hala o ko ke ao nei. Ano, i ka hopu ana o ko'u naau i ua manao nei, hea aku la au iloko o ko'u naau, E Iesu, e ke Keiki a ke Akua, e aloha mai ia'u, ka mea iloko o ke au awaawa, a i hoo-puniia a puni e na kaula mau loa o ka make. Ano hoi, ia'u i manao ai i keia, ua hiki ole ia'u ke hoomanao hou aku i ko'u mau eha; he oiaio, ua hoowalania hou ole ia au e ka hoomanao ana i ko'u mau hala. A nani wale ka olioli a me ka malamalamama kupai'anaha a'u i ike ai; he oiaio, ua hoo-pihiaia ko'u uhane me ka olioli e oi aku ana e like me ko'u eha i oi aku ai;

he oiaio, ke i aku nei au ia oe, e ka'u keiki, aole loa he mea e like ai ka eha a me ka awaawa, me ko'u mau eha. He oiaio, a ke i hou aku nei au ia oe, e ka'u keiki, ma ka lima e, aole loa he mea e like ai ka maikai a me ke ono loa, me ko'u olioli; he oiaio, manao au ua ike au me ko ko kakou kupunakane o Lehi i ike ai, i ke Akua e noho ana maluna iho o kona noho alii, i hoopunia me na poe anela he lehulehu i hiki ole ke heluia, e himeni ana a e hiilani ana i ko lakou Akua: he oiaio, a iini nui iho la ko'u uhane e hiki ilaila. Aka hoi, loaa hou iho la i ko'u mau lala ko lakou ikaika, a ku ae la au ma ko'u mau wawae, a hoike aku la i na kanaka ua hoohanauia mai au e ke Akua; he oiaio, a mai ia manawa mai a hiki ia nei, ua hanaaku au me ka hooki ole, i hiki ia'u ke kai mai i na uhane i ka mihi; i hiki ia'u ke kai mai ia lakou e hoao i ka olioli nui loa a'u i hoao ai; i hiki ia lakou no hoi ke hoohanauia e ke Akua, a ke hoopihaiia me ka Uhane Hemolele. Ano, aia hoi, e ka'u keiki, ke haawi mai nei ka Haku ia'u i ka olioli nui loa i na hua o ka'u hana ana; no ka mea, no ka olelo ana i haawi mai ai ia'u, aia hoi, ua nui no ka poe i hoohanauia e ke Akua, a ua hoao aku me a'u i hoao aku ai, a ua ike he maka no he maka, me a'u i ike ai; nolaila, ke ike la lakou no ua mau mea nei a'u i olelo iho ai, me a'u i ike ai; a oka ike a'u i loaa'i no ke Akua ia.

4. A ua koknaia mai au malalo iho o na hoao ana a me na pilikia o kela ano keia ano, he oiaio, a iloko o na eha a pau he nui wale; he oiaio, ua hoopakele mai ke Akua ia'u mai ka halepaahao, a mai na mea paa, a mai ka make mai; he oiaio, a ke paulele nei au ia ia, a e hoopakele no oia ia'u i keia manawa; a ua ike au e hookiekie mai no oia ia'u i keia manawa; a ua ike au e hookiekie mai no oia ia'u iluna ma ka la hope, e noho pu me ia ma ka nani; he oiaio, a e hoolea aku no au ia ia no ka wa pau ole, no ka mea, ua lawe mai la oia i ko kakou poe kupuna mailoko mai o Aigupita, a na ale oia i ko Aigupita poe iloko o ke Kaiula; a alakai mai la oia ia lakou ma kona mana iloko o ka aina i olelo mua ia'i; he oiaio, ua hoopakele mai la oia ia lakou mailoko mai o ka luhi a me ka noho pio ana, ia manawaaku ia manawaaku; he oiaio, a ua lawe mai la no hoi oia i ko kakou poe kupuna mailoko mai o ka aina o Ierusalem; a ua hoopakele mai no hoi oia ia lakou ma kona mana mau loa, mailoko mai o ka luhi a me ka noho pio ana, ia manawaaku ia manawaaku, a hiki i keia la; a ua hoomanao nau au i ko lakou noho pio ana: he oiaio, a he mea e pono ai nou no hoi e hoomanao man, me a'u i hoomanao ai i ko lakou noho pio ana. Aka hoi, e ka'u keiki, aole o keia wale no; no ka mea, he mea e pono ai nou e ike, me a'u e ike nei, ina e malama oe i na kauoha a ke Akua, e hoopomaikaiia auanei oe ma ka aina; a he mea e pono ai nou ke ike no hoi, ina aole oe e malama i na kauoha a ke Akua, e hookiia'ku auanei oe mai kona alo aku. Ano ua ku keia i kana olelo.

5. Ano, e ka'u keiki Helamana, ke kauohaaku nei au ia oe e lawe oe i na mooolelo i waihoia mai me au; a ke kauohaaku nei au ia oe e kakau iho oe i mooolelo no keia poe kanaka, me a'u i hana'i, maluna

ihō o na papa o Nepai, a e malama laa i ua mau mea nei a pau a'u i malama ai, e like me a'u i malama ai ia mau mea; no ka mea, no kekahi kumu nui naauao i malamaia'i ia mau mea; a o keia mau papa keleawe i piha'i me keia mau kaha, me na mooolelo o na palapala hemolele maluna ihō o ia mau mea, a me ke kuanhau o ko kakou poe kupuna, mai kinohi mai. Aia hoi, ua wananaia mai e ko kakou poe kupuna, e malamaia ua mau mea nei, a e haawiia'ku mai kekahi hanauna aku i kekahi hanauna aku, a e malamaia a e hoolaia e ka lima o ka Haku, a hiki i ka wa e hele aku ia mau mea i na lahuikanaka, a me na ohana, i na olelo, a me na kanaka a pau, i ike ai atanēi lakou no na mea pohilili i kakauia'i maluna olaila. Ano hoi, ina e hookocia ia mau mea, he mea e pono ai i mau ai ko lakou huali; he oiaio, a e mau ai no ko lakou huali; he oiaio, a me na papa a pau no hoi i piha'i me na palapala hemolele. Ano, e manao paha oe he mea naaupo keia iloko o'u; aka hoi, ke i aku nei au ia oe, ma o na mea uuku a maalea ole la, e laweia mai ai a ko na mea nui; a e hoohoka ana na mea uuku i ka poe naauao ma na manawa he nui. A ke hana la ka Haku ke Akua ma o na hana la e lawe mai ai i kona mau kumumanao nui a mau loa; a ma o na mea uuku loa la e hoohoka ana ka Haku i ka poe naauao, a e lawe mai ana i ke ola o na uhane he nui loa.

6. Ano, a hiki i keia manawa he mea naauao keia i ke Akua i malamaia'i na mau mea nei: no ka mea hoi, na hooakea mai ua mau mea nei i ka hoomanao ana o keia poe kanaka, he oiaio, a hoomaopopo hoi i na mea he nui i ka hewa o ko lakou mau aoao, a lawe mai la ia lakou i ka ike i ko lakou Akua, i ka hoolaia'na o ko lakou mau uhane. He oiaio, ke i aku nei au ia oe, ina aole no keia mau mea a ua mau mooolelo nei i piha'i, i kakauia'i maluna ihō o ua mau papa nei, ina ua hiki ole ia Amona a me kona mau hoahanau ke hoomaopopo aku i na tausani he nui wale o ko Lamana poe, no na mooolelo pololei ole o ko lakou poe kupuna; he oiaio, ua lawe mai ua mau mooolelo nei a me ka lakou mau olelo ia lakou la i ka mihi; oia, ua lawe mai ua mau mooolelo nei ia lakou la i ka ike i ka Haku, ko lakou Akua, a e hauoli iloko o Iesu Kristo, ko lakou Mea Ho-olapanai. A owai la ka mea i ike, anoai e lilo ai ua mau mea nei i mea hana i ka lawe ana mai i na tausani he nui wale o lakou, he oiaio, a me na tausani he nui wale hoi o ko kakou poe hoahanau ai colea, ko Nepai poe, ka poe e hoopaakiki ana ano i ko lakou mau naau iloko o ka hewa a me ka hana ino, i ka ike i ko lakou Mea Hoolapanai? Aole i hoikeia mai kela mau mea pohilili a pau loa ia'u i keia manawa; nolaila e hooki no au. A e lawa paha ia ke olelo wale no au, ua malamaia ua mau mea nei no kekahi hana naauao, a ua ikeia keia hana e ke Akua: no ka mea, ke ao mai la oia ma ka naauao maluna ihō o kana mau hana a paq, a ua pololei kona mau ala, a o kana hana ana, oia hookahi mau loa no ia. E hoomanao, e hoomanao, e ka'u keiki Helamana, i ka nui o ka ikaika o na kauoha a ke Akua. A i mai la oia, Ina e malama mai oukon i ka'u mau kauoha, e hoopomaikailia oukou ma ka aina; aka, ina e malama ole oukou

i kana mau kauoha, e hookiia'ku lakou mai kona alo aku. Ano, e hoomanao, e ka'u keiki, ua waiho ke Akua i ua mau mea laa nei ia oe, ana i malama laa mai ai, a, ana e malama ai a e hoola ai no hoi no kekahi hana naauao iloko ona, e hiki ia ia ke hoike ae i kona mana i na hanauna e hiki mai ana.

7. Ano, aia hoi, ke hai aku nei au ia oe ma o ka Uhane la o ka wanana, ina e ae oe maluna o na kauoha a ke Akua, aia hoi, e laweia'ku keia mau mea laa mai ou aku, e ka mana o ke Akua, a e hookuuia'ku oe ia Satana, nana e kanana mai ia oe me he opala la imua o ka makani; aka, ina e malama oe i na kauoha a ke Akua, a e hana aku me keia mea laa, e like me ka mea a ka Haku e kauoha mai ai ia oe, (no ka mea, he pono nou e hoopii aku i ka Haku no na mea a pau au e hana'aku ai me keia mau mea laa,) aia hoi, aohe he mana o ka honua nei a o ka po e hiki ai ke lawe'aku i ua mau mea laa la mai ou aku, no ka mea, ua mana ke Akua i ka hooko ana i kana mau olelo a pau; no ka mea, e hooko mai ne oia i na olelo pomaikai a pau ana e haawi mai ai ia oe, no ka mea, ua hooko mai la oia i na olelo pomaikai ana i haawi mai ai i ko kakou poe kapana. No ka mea, olelo pomaikai oia ia lakou nana no e hookoe mai i ua mau mea nei no kekahi hana naauao iloko ona, i hiki ia ia ke hoike ae i kona mana i na hanauna e hiki mai ana.

8. Ano, aia hoi, ua hooko mai oia i kekahi kumumanao i ka hoihoi hog ana i na tausani he nui wale o ko Lamana poe i ka ike i ka oiaio; a na hoike mai oia i kona mana iloko o lakou, a e hoike mai no oia i kona mana iloko o lakou no hoi, i na hanauna e hiki mai ana; nolaila, e hoolaa'i ua mau mea nei; nolaila, ke kauoha'aku nei au ia oe, e ka'u keiki Helamana, e ikaika oe i ka hooko aaa i ka'u mau olelo a pau, a e ikaika hoi oe i ka malama ana i na kauoha a ke Akua, me ia i palapalaia'i.

9. Ano, e olelo'aku no au ia oe no kela mau papa he iwakaluakumamaha, nau e malama i na mau mea la, i hoikeia'ku ai i keia poe kanaka na mea pohilihi a me na hana o ka pouli, a me ka lakou mau hana malu, oia no na hana malu a kela poe kanaka, ka poe i anaiia'i; he oiaio, e hoikeia'ku ko lakou pepehi kanaka ana a pau, a powa ana, a me ko lakou hao wale ana, a me ka lakou hana ino, a mau mea hoopailua, i keia poe kanaka; he oiaio, a nau e malama i keia mau mea kuhikuhi nei. No ka mea, aia hoi, ike aku la ka Haku ua hoomaka kona poe kanaka e hana iloko o ka pouli, he oiaio, e hana i na mea hoopailua a me na pepehi kanaka malu; nolaila, i mai la ka Haku, Ina aole lakou e mihi, e anai loa ia lakou mai ka ili aku o ka honua. A i mai la ka Haku, E hoomakauka'au no au no ka'u kauwa o Gazelema, he pohaku, he mea ia e alohi'aku ma ka pouli i malamalama, e hiki ia'u ke hoike'aku i ko'u poe kanaka, ka poe e malama ana ia'u, e hiki ia'u ke hoike ia lakou i na hana a ko lakou poe hoahanau; he oiaio, i ka lakou mau hana malu, i ka lakou mau hana o ka pouli, a me ka lakou hana ino a mau mea hoopailua. Ano, e ka'u keiki ua hoomakauka'au ua mau mea kuhikuhi nei, i ko ai ka olelo a ke Akua,

ana i olelo mai ai, i ka i ana: E hoopuka aku no au noloko mai o ka pouli i ka malamalamama, i ka lakou mau hana malu a me ko lakou mau mea hoopailua a pau; a ke mihi ole lakou, e anai loa aku au ia lakou mai ka ili aku o ka honua; a e hoopuka aku no au i ka malamalamama i ko lakou man mea malu a mau mea hoopailua a pau, i kela lahuikanaka i keia lahuikanaka, ka poe e noho ana auanei ma ka aina. Ano, e ka'u keiki, ke ike nei kaua aole lakou i mihi; nolaila, ua anaiia mai lakou, a pela ma keia mea ua ko ka olelo a ke Akua; he oiaio, o ka lakou hana malu ino ua hoopukai a mai noloko mai o ka pouli, a ua hoikeia mai ia kakou.

10. Ano, e ka'u keiki, ke kauoha aku nei au ia oe e ana oe i ka lakou mau hohiki a pau, a me ka lakou mau berita, a me ka lakou ae like ana iloko o ko lakou mau hana ino malu; he oiaio, a me ko lakou mau hoailona a me ko lakou mau mea ano e, nau e ana mai i keia poe kanaka, i ike ole ai lakou ia mau mea, o haule iho paha lakou iloko o ka pouli no hoi, a e anaiia mai auanei. No ka mea, aia hoi, aia no he olelo hoopoino maluna iho o keia aina a pau, e hiki mai ai ka anai ana maluna iho o kela poe a pau e hana ana i ka pouli, e like me ka mana o ke Akua, ia lakou e oo loa ai; nolaila, ke makemake nei au i ole anaiia mai ai keia poe kanaka. Nolaila, e ana oe i keia mau mea i kukakuka malu ia o ka lakou mau hohiki a me ka lakou mau berita, mai keia poe kanaka ae, a o ka lakou hana ino, a me ka lakou pepehi kanaka ana, a me ka lakou mau mea hoopailua, kau wale no ia e hoike aku ai ia lakou; a nau e aoaku ia lakou e hoowahawaha aku i ka hana ino e like me ia, a me na mea hoopailua a pepehi kanaka ana; a nau no hoi e aoaku ia lakou, ua anaiia mai ua poe kanaka nei no ka lakou hana ino, a mau mea hoopailua, a me ko lakou pepehi kanaka ana. No ka mea, aia hoi, pepehi aku la lakou i na kauka a pau o ka Haku a make loa, ka poe i hele ae ai mawaena o lakou e hai aku ia lakou no ka lakou mau hana ino; a hea ae la ke koko o ka poe a lakou i pepehi iho ai, i ka Haku, i ko lakou Akua, no ka hoopai maluna iho o ka poe nana lakou i pepehi: a pela i hiki mai ai na hoopai o ke Akua maluna iho o ua poe nei i hana i ka pouli a me ka hui pu malu ana; he oiaio, a e hoopoinoia ka aina ia waaku ia waaku i ua poe la e hana ana i ka pouli a me na hui pu malu ana, ma ka anaiia'na, ke mihi ole lakou mamua o ko lakou oo loa ana.

11. Ano, e ka'u keiki, e hoomanao oe i na olelo a'u i olelo aku ai ia oe: mai waiho aku i kela mau mea kuka malu ia i keia poe kanaka, aka e aoaku ia lakou i ka inaina mau loa i ka hewa a me ka ino; e haiaku ia lakou i ka mihi, a nie ka manaoio i ka Haku, ia Iesu Kristo; e aoaku ia lakou e hoohaahaa ia lakou ibo, a e akahai a haahaa ma ka naau; e aoaku ia lakou e paleaku i kela hoowalewale i keia hoowalewale o ka diabolo, me ko lakou manaoio ma ka Haku o Iesu Kristo; e aoaku ia lakou mai hoopalaleha i na hana maikai, aka e akahai a e haahaa ma ka naau; no ka mea, o ka poe me neia e loaa no ia lakou ka maha i ko lakou mau uhane. E hoomanao, e ka'u keiki, a e aoia ka naauao i kou wa opio: he

oiaio, e ao ma kou wa opio e malama i na kauoha a ke Akua; he oiaio, a e hea aku i ke Akua no kou kokuiaia mai a pau; he oiaio, e hana aku oe i kau hana ana a pau i ka Haku, a i kela wahi keia wahi au e hele aku ai, e hele oe iloko o ka Haku: he oiaio, e kauia kou mau manao a pau i ka Haku; he oiaio, e kauia na kuko o kou naau maluna iho o ka Haku no ka wa pau ole; e kuka oe me ka Haku i na mea a pau au e hana'i, a e kuhikuhi mai no oia ia oe no ka maikai; he oiaio, ia oe e moe ai ilalo i ka po, e moe ilalo i ka Haku, nana e kiai mai maluna iho ou i kou hiamoe ana; a ia oe e ala ai i ke kakahiaka, e piha kou naau me ke aloha aku i ke Akua: a ina e hana oe i keia mau mea, e hookiekieia auanei oe iluna ma ka la hope.

12. A, ano, e ka'u keiki, he mea ka'u e olelo aku ai ia oe no ka mea a ko kakou poe kupuna i kapa ai he mea poe, a he mea kuhikuhi; no ka mea, kapa aku la ko kakou poe kupuna ia mea Liahona, oia no ma ka hoohalike ana, he panana; a na kā Haku ia i hoomakaukau. Aia hoi, aole e hiki i kekahī kanaka ke hana mamuli o ke ano o ka hana akamai me ia. Aia hoi, ua hoomakaukaunia ia e hoike mai i ko kakou poe kupuna i ka ihu a lakou e hele aku ai ma ka waonahele; a hana aku la ia no lakou e like me ko lakou manaoio i ke Akua: nolaila, ina he manaoio ko lakon e manaoio ai ua hiki i ke Akua ke kauoha mai i kela manamana e kuhikuhi i ke ala a lakou e hele aku ai, aia hoi, ua hanaia ia; nolaila, ua loaa ia lakou keia hana mana, a me na hana mana e ae he nui i hanaia mai ai e ka lima o ke Akua, ia la aku ia la aku; aka hoi, no ka hanaia ana o kela mau hana mana ma na mea uuku, ua hoike mai la no nae ia mea i na hana kupaiānaha ia lakou. Ua hoopalaleha lakou, a hoopoina iho la e hana me ko lakou manaoio a ikaika, alaila, ua oki iho la kela mau hana kupaiānaha, a, aole lakou i holo ma ko lakou hele ana; nolaila, noho iho la lakou ma ka waonahele, a aole o lakou hele ma ke ala pololei, a ua hoopilikiaia mai me ka pololi a me ka makewai, no ka lawehala ana.

13. Ano, e ka'u keiki, ke makemake nei au e hoomaopopo oe, aole o keia mau mea me ke aka ole; no ka mea, me ko kakou poe kupuna i hoopalaleha ai e malama aku i ua panana nei, (ano, no ko ke kino keia mau mea,) aole o lakou pomaikai; pela no hoi ia me na mea o ko ka uhane, no ka mea, aia hoi, ua like ka paakiki ole o ka malama ana aku i ka olelo a Kristo, ka mea e kuhikuhi mai i ke ala pololei i ka pomaikai mau loa, me ia no ko kakou poe kupuna e malama aku ai i ua panana nei, nana i kuhikuhi mai ia lakou i ke ala pololei i ka aina i olelo mua ia'i. Ano, ke i aku nei au, aole anei he hoailona ma keia mea? No ka mea, e like me ka oiaio o ka lawe ana o keia mea kuhikuhi i ko kakou poe kupuna, ma ka hahai ana i kona ihu, i ka aina i olelo mua ia'i, pela no hoi me na olelo a Kristo ke hahai aku kakou i ka ihu o ia mau olelo, e halihali aku ai ia kakou ma o loa aku o keia awawa o ke kaumaha, iloko o kahi aina i olelo mua ia'i, i oi loa aku ka pomaikai.

14. E ka'u keiki, mai hoopalaleha kaua no ka paakiki ole o ke ala;

no ka mea, pela no ia me ko kakou poe kupuna; no ka mea, pela no ia i hoomakaukauia'i no lakou, ina e nana lakou, e hiki ia lakou ke ola; pela no hoi ia me kakou. Ua hoomakaukauia ke ala, a ina e nana aku kakou, e hiki ia kakou ke ola no ka wa pau ole. Ano, e ka'u keiki, e makaala oe e malama i ua mau mea laa nei; he oiaio, e makaala e nana aku oe i ke Akua a e ola. E hele aku i kia poe kanaka, a e hai aku i ka olelo, a e kuoo. E ka'u keiki e, aloha.

MOKUNA XVIII.

O na kauoha a Alama i kana keiki Sibalona.

1. E ka'u keiki, e halu mai ka pepeiao i'ka'u mau olelo: no ka mea, ke i aku nei au ia oe, me a'u i i aku ai ia Helamanā, ina e malama oe i na kauoha a ke Akua, e hoopomaikaiia auanei oe maka aina; a ina e malama ole oe i na kauoha a ke Akua, e hooleiia'ku oe mai kona alo aku. Ano, e ka'u keiki, ke lana nei ko'u manao e loaa auanei ia'u ka olioli nui iloko ou, no kou naueue ole a hoomau pono i ke Akua; no ka mea, me oe i hoomaka ai i kou wa kamalii, e nana aku i ka Haku, i kou Akua, pela au i manaolana'i e hoomau oe i ka malama ana i kana mau kauoha: no ka mea, ua pomaikai ka mea e hoomau pono ana a hiki i ka hopena. Ke i aku nei au ia oe, e ka'u keiki, ua loaa mai ia'u ka olioli nui iloko o'u ano, no kou hoomau pono ana, a me kou ikaika, a me kou ahonui, a me kou hoomanawanui mawaena o ka poe kanaka o ko Zorama. No ka mea, ua ike au iloko o na mea paa oe; he oiaio, a ua ike no hoi au ua hailukui no oe no ka olelo; a ua hoomanawanni oe i keia mau mea a pau me ke ahonui, no ka mea, o ka Haku no kekahī pu me oe: a ke ike nei oe ano ua hoo-pakele mai no ka Haku ia oe.

2. Ano, e ka'u keiki Sibalona, ke makemake nei au e hoomanao oe e like me ka nui o kou paulele ana aku i ke Akua, pela ka nui o kou hoopakeleia'na mai mailoko mai o kou mau hoaoia'na, a me kou popilikia, a me kou mau eha; a e hookiekicie mai auanei oe ma ka la hope. Ano, e ka'u keiki, aole au makemake e manao oe ke ike nei au i keia mau mea ma o'u iho, aka, o ka Uhane o ke Akua no ia iloko o'u, nana i hoike mai i keia mau mea ia'u: no ka mea, ina aole au i hoohanauia mai e ke Akua, ina ua ike ole au i keia mau mea. Aka hoi, hoouna mai la ka Haku, ma kona aloha nui, i kona anela e hai mai ia'u, e hooki aku i ka hana luku mawaena o kona poe kanaka; he oiaio, a ua ike au i kekahī anela he maka no he maka; a olelo pu oia me au, a o kona leo me hehekili la ia, a hoohaahilu iho la ia i ka honua a pau.

3. A eia kekahī, he mau la ekolu a he mau po ekolu wau iloko o ka eha awaawa a walania loa o ka uhane; a, aole loa au i loaa'i ke kalaia'na

o ko'u mau hala, a hiki i ka wa a'u i hea aku ai i ka Haku, ia Jesu Kristo, e aloha mai ia'u. Aka hoi, kahea aku la au ia ia, a loaa iho la ia'u ka maluhia i ko'u uhane. Ano, e ka'u keiki, ua hai aku au i keia ia oe, i aoia'i oe i ka naauao, i aoia'i oe e au aole kekahi ala e ae, aole hoi kekahi hana e ae, ma o ua mea la i hiki ai i ke kanaka ke hoolaia, iloko a ma o Kristo la wale no. Aia hoi, oia no ke ola a me ka malamalama o ko ke ao nei. Aia hoi, oia no ka olelo o ka oiaio a me ka pono. Ano, me oe i hoomaka ai e ao aku i ka olelo, pela no au e makemake nei e hoomau oe e ao aku; a ke makemake nei au e ikaika a e pakiko oe ma na mea a pau. E makaala, i ole ai oe e hookickieia iluna i ka haahco: he oiaio, e makaala i ole ai oe e kaena aku iloko o kou naauao iho, aole hoi no kou ikaika nui; e hana me ka wiwo ole, aole nae me ka hookaumaha; a e makaala no hoi e kaulawaha'i oe i kou mau kuko, i piha oe me ke aloha; e makaala e haalele oe i ka noho wale ana; mai pule oe me ka ko Zoram poe i pule ai, no ka mea, na ike oe e pule ana lakou e lohea e na kanaka, a e hoomai-kaiia no ko lakou naauao. Mai olelo, e ke Akua, ke aloha aku nei au ia oe no ka oi aku o makou mamua o ko niakou poe hoshanau; aka, e aho e olelo aku, E ka Haku, e kala mai i kuu pono ole, a e hoomanao ae oe i ko'u poe hoahanau i ke aloha; he oiaio, e hai aku i kou pono ole imua o ke Akua i na manawa a pau. A na ka Haku e hoopomaikai mai i kou uhane, a e hookipa aku ia oe ma ka la hope iloko o kona aupuni, e noho ilalo me ka maluhia. Ano, e hele, e ka'u keiki, a e ao aku i ka olelo i keia poe kanaka. E kuoo. E ka'u keiki e, aloha.

MOKUNA XIX.

O na kauoha a Alama i kana keiki Corianatona.

1. Ano, e ka'u keiki, he mau olelo he nui aku ka'u e olelo aku ai ia oe, mamua o ka'u i olelo aku ai i kou kaikuaana: no ka mea hoi, aole anei oe i ike i ka nauene ole o kou kaikuaana, o kona hoomau pono ana, a me kona ikaika i ka malama ana i na kauoha a ke Akua? Aole anei oia i hana i ke kumu maikai nou e hoohalike ai? No ka mea, aole oe i hoolohe nui mai i ka'u mau olelo e like me kou kaikuaana, mawaena o ko Zoram poe. Ano, eia no ka'u i ku e ai ia oe; hele ae la no oe e kaena ana i kou ikaika, a i kou naauao. Aole o keia wale no, e ka'u keiki. Hana iho la oe i ka mea i hoeha mai ia'u; no ka mea, haalele mai la oe i kau hai olelo ana, a hele ae la iloko o ka aina o Sirona, mawaena o na palena o ko Lamana poe, mamuli o ka wahine hookamakama, o Isabela; he oiaio, aihue ae la kela i na naau o na mea he nui wale; aka, aole ia he mea e hoaponoia'i nou, e ka'u keiki. O ka malama ana i kau oihana i waihoia'i ia oe kou mea i pono ai. Aole anei oe i ike, e ka'u keiki, he mau mea i hoopailuaia keia mau mea ma ka maka o ka Haku; he oiaio, i hoopailua

loa ia'i mamua o na hewa a pau, koe wale no ka hookahe ana i ke koko hala ole, a me ka hoole ana i ka Uhane Hemolele? no ka mea, aia hoi, ina e hoole aku oe i ka Uhane Hemolele ia ia i noho ai iloko ou, a ua ike oe e hoole ana oe ia ia; aia hoi, he hala keia e kala ole ia'na; he oiaio, o ku mea e pepchi kanaka ana me ke ku e i ka malamalama a me ka ike o ke Akua, he mea paakiki nona e loaa'i ke kalaia'na; he oiaio, ke i aka nei au ia oe, e ka'u keiki, aole ia he mea oluolu nona e loaa'i ke kalaia'na. Ano, e ka'u keiki, ua makemake au i ke Akua ina na hewa ole oe i ka hewa nui me neia. Aole au e olelo loihi ma kou mau hewa, e hoowalania i kou uhane, ina aole ia no kou pono. Aka hoi, ua hiki ole ia oe ke huna i kou mau hewa mai ke Akua ae; a ke mihi ole oe, e ku no ia mau mea me he hoike la e ku e ia oe ma ka la hope.

2. Ano, e ka'u keiki, ua makemake au e mihi oe, a e haalele aku i kou mau hewa, a e hele hou ole aku mamuli o na kuko o kou mau maka, aka e alalai ia oe iho ma keia mau mea a pau; no ka mea, ke bana ole oe i keia, aole loa e hiki ia oe ke loaa ke aupuni o ke Akua. E hoomanaao, a e lawe ia mea maluna iho ou, a e alalai ia oe iho ma ua mau mea nei. A ke kauoha aku nei au ia oe e lawe maluna iho ou e aoia e kou mau kaikuauna ma kau mau mea e hana'i; no ka mea hoi, ma kou wa opio oe, a ua ku pono oe e hooikaikaia e kou mau kaikuaana. A e hoolohe aku oe i ka laua olelo ao; mai ae aku oe e alakaiia'ka e kekahi mea lapuwale a naaupo; mai ae aku i ka diabolo e alakai hou aku i kou naau, mamuli o kela mau wahine hookamakama ino. E nana iho oe, e ka'u keiki, i ka hala nui au i lawe mai ai maluna iho o ko Zoroma poe: no ka mea, ia lakou i ike ai i kau hana, aole lakou i manaoio mai i ka'u mau olelo. Ano, ke i mai nei ka Uhane o ka Haku ia'u, E kauoha aku oe i kau mau keiki e hana pono, o alakai aku lakou i na naau o na kanaka he nui i ka make loa: nolaila, ke kauoha aku nei au ia oe, e ka'u keiki, iloko o ka makau i ke Akua, i haalele aku ai oe i kau mau hana hewa; i huli ai oe i ka Haku me kou naau, a ikaika, a mana a pau; i alakai ole ai oe i na naau o na mea e ae, e hana i ka hewa; aka, e aho e hoi aku ia lakou, a e hai aku i kou mau hewa, a e hoomanaao i ka hana pono ole au i hana'i; mai imi aku i ka waiwai, aole hoi i na mea lapuwale o ko ke ao nei; no ka mea hoi, aole e hiki ia oe ke hali pu ia mau mea me oe.

3. Ano, e ka'u keiki, ke makemake nei au e olelo aku i kekahi mau mea ia oe no ka hiki ana mai o Kristo. Aia hoi, ke i aku nei au ia oe, oia no ka mea e hele oiaio mai auanei, e lawe aku i na hala o ko ke ao nei; he oiaio, ke hele mai la oia e hai aku i na mea olioli o ke ola mau loa i kona poe kanaka. Ano, e ka'u keiki, o keia no ka oihana ou i kaheia'i, e hai aku i keia mau mea olioli i keia poe kanaka, e hoomakaukau i ko lakou mau naau; oia hoi, i hiki mai ke ola ia lakou, e hiki ia lakou ke hoomakaukau i na naau o ka lakou poe keiki e hoolohe i ka olelo, i ka wa o kona hiki ana mai.

4. Ano, e hooluolu aku au i kou naau ma keia mea. Aia hoi, ke

haohao nei oe no ka ikeia'na o keia mau mea i ka manawa loihi me neia mamua o ka hiki ana mai. Aia hoi, ke i aku nei au ia oe, aole anei i like ka maikai o kekahi uhane i keia manawa i ke Akua, me kekali uhane i ka manawa o kona hiki ana mai? Aole anei o ke kumumanao hoolapanai he mea e pono ai ke hoikeia mai i keia poe kanaka, e like me ia i ka lakou poe keiki? Aole anei i like ka olnolu i keia manawa no ka Haku e hoo-una mai i kona anela e hai mai i keia mau mea olicli ia kakou, me ia i ka kakou poe keiki; a me ia hei mahope iho o kona hiki ana mai? Ano, e ka'u keiki, cia hou kekahi a'u e olelo aku nei ia oe; no ka mea, ke ike nei au ua hoohihiaia kou naau no ke alahouana o ka poe make. Aia hoi, ke i aku nei au ia oe, acle he alahouana; a i ole ia, e olelo au ma na olelo e ae, aole e hookomo ana keia make i ka make ole; aole e hookomo ana keia palaho i ka palaho ole, a hiki aku i ka wa mahope iho o ka hiki ana mai o Kristo. Aia hoi, ke lawe mai la oia i ke alahouana o ka poe make. Aka hoi, e ka'u keiki, aole o ke alahouana i keia manawa. Ano, he mea pohihili ka'u e wehewehe ana ia oe; aka hoi, ua nui na mea pohihili, i auiai'i i ike ole kekahia ia mau mea, o ke Akua wale no koe. Aka, ke hoike aku nei au i kekahia mea, a'u i ninau molowa ole ai i ke Akua, i ike au; oia keia, no ke alahouana. Aia hoi, aia no he manawa i waeia i puka mai ai ananci na mea a pau mai ka make mai. Ano, o ka manawa e hiki mai ana ua manawa la, aole o kekahia mea i ike; aka, o ke Akua ka i ike i ka manawa i waeia'i. Ano, ina paha he manawa mua, a he manawa lua, a he manawa kolu, e puka mai ai na kanaka mai ka make mai, he mea pili ole ia; no ka mea, o ke Akua ka i ike i keia mau mea a pau; a ua lawa ia'u e ike he oiaio keia; ua wacia he manawa e ala'i na mea a pau mai ka make mai. Ano, aia no he wa e pono ai mawaena o ka manawa o ka make, a me ka manawa o ke alahouana.

5. Ano, ke makemake nei au e ninau, heaha la ka mea i hanaia mai ai i na uhane o na kanaka, mai ka manawa o ka make, a hiki i ka manawa i waeia'i no ke alahouana? Ano, ina paha he nui aku na manawa mamua o ka manawa hookahi i waeia no na kanaka e ala'i, he mea pili ole ia; no ka mea, aole e make ana na mea a pau i ka manawa hookahi: a he mea pili ole keia; o na manawa a pau ua like ia me ka la hookahi, me ke Akua; a ua anaia mai ka manawa i na kanaka wale no; nolaila, ua waeia he manawa i na kanaka, e ala'i lakou mai ka make mai; a aia no he wa mawaena o ka manawa o ka make a me ke alahouana. Ano, no keia wa o ka manawa. O ka mea i hanaia mai ai i na uhane o na kanaka, oia ka mea a'u i ninau molowa ole ai i ka Haku e ike; a o keia no ka mea a'u i ike ai. A i ka hiki ana mai o ka manawa ia lakou a pau e ala'i, alaila, e ike no lakou ua ike o ke Akua i na manawa a pau i waeia i na kanaka. Ano, no ka noho ana o ka uhane mawaena o ka make a me ke alahouana. Aia hoi, ua hoikeia mai ia'u, e kekahia amela, ua laweia'ku na uhane o na kanaka a pau, i ka wa a lakou i haalele ai i keia kino make; he oiaio, o na uhane o na kanaka a pau, ina he malkai lakou ina he hewa paha, ua

laweia'ku i kela Akua nana i haawi mai ia lakou i ke ola. Alaila, e hiki mai keia, o na uhane o ka poe i pono, ua hookipaia iloko o kahi o ka pomaikai, i kapaia o paradaiso; he wahi maha; he wahi maluhia, kahi o lakou e noho hoomaha ai mai ko lakou mau pilikia ae a pau, a mai ke kaumaha ae a pau, a me ka lunluu, a me ia mea aku ia mea aku.

6. Alaila, e hiki mai keia, o na uhane o ka poe hewa, he oiaio, o ka poe i ino; no ka mea hoi, aole o lakou wahi kuleana, aole hoi wahi liki iki o ka Uhane o ka Haku; no ka mea, na koho aku lakou i na hana ino, mamua o na hana maikai; nolaila, komo ae la ka uhane o ka diabolo iloko o lakou, a loaa iho la ko lakou hale; a e hooleia'ku ua poc nei iloko o ka pouli mawaho; ilaila ka uwe ana, a me ke kumakena ana, a me ka uwii ana o na niho; a o keia mai mea no ko lakou mau hala iho; i alakai pio ia'i e ka makemake o ka diabolo. Ano, oia no ka noho ana o na uhane o ka poe hewa; he oiaio, iloko o ka pouli, e nana weliweli, hopohopo ana no ka ukiuki wela o ka inaina o ke Akua maluna iho o lakou; pela lakou i noho ai ma keia wahi, a o ka poe pono hoi iloko o paradaiso, a hiki aku i ka manawa o ko lakou alahouana. Ano, ua manao kekahī poc he ala mua ana keia wahi o ka pomaikai, a me keia wahi o ka poino o ka nhane, mamua o ke alahouana. He oiaio, ke ac aku nei au ua hiki i keia ke kapaia he alahouana; o ke ala ana o ka uhane, a me ko lakou waihoia'na i ka pomaikai, a i ole ia, i ka poino, e like me na olelo i oleloia'i. A cia hou, ua oleloia ia, aia no he ala mua ana; he alahouana o ka poe a pau i noho ai mamua, a me ka poe e noho la, a me ka poe e noho ana auanei, a hiki aku i ke alahouana o Kristo mai ka make mai.

7. Ano, aole o kakou manao o keia ala mua ana i oleloia mai ai ma keia ano, o ke alahouana o na uhane ia, a me ko lakou waihoia'na i ka pomaikai, a i ole ia, i ka poino. Aole e hiki ia oe ke manao o keia no ka mea i manaoia. Aia hoi, ke i aku nei au ia oe, aole; aka, o ka mea i manaoia oia no ka hui hou ana o ka uhane me ke kino o ka poe mai na la o Adamu, a hiki wale aku i ke alahouana o Kristo. Ano, ina paha e hui hou ia na uhane a me na kino o kela poe a pau i oleloia ae nei, ma ka manawa hookahi, o ka poe hewa pu me ka poe pono, aole au e olelo aku nei; ua lawa ka'u e i aku nei e puka mai lakou a pau; ma na olelo e ae, e hiki mai ana ko lakou alahouana mamua o ke alahouana o ka poe e make ana mahope iho o ke alahouana o Kristo. Ano, e ka'u keiki, aole au e i aku nei e hiki mai ana ko lakou alahouana ma ke alahouana o Kristo; aka hoi, ke haawi aku nei au ia me he manao la no'u, ua hui hon ia na uhane a me na kino o ka poe pono, ma ke alahouana o Kristo, a me kona pii ana i ka lani. Aka, ina paha ma kona alahouana, ina paha mahope aku, aole an e i aku; aka, o keia ka'u e i aku nei, aia no he wa mawaena o ka make a me ke alahouana o ke kino, a he noho ana o ka uhane iloko o ka pomaikai, a i ole ia, iloko o ka poino, a hiki aku i ka manawa i waeia e ke Akua e puka mai ka poe make, a e hui hou ia, o ka uhane pu me ke kino, a e kaiia e ku iho imua o ke Akua, a e hookolo-

koloia e like me ka lakou mau hana; he oiaio, e lawe mai ana keia i ka hoihoi hou ana o kela mau mea i oleloia'i e na waha o ka poe kaula. E hoihoi hou ia ka uhane i ke kino, a o ke kino i ka uhane; he oiaio, a o kela lala keia lala, a o kela ami keia ami, e hoihoi hou ia auanci ia i kona kino; he oiaio, aole e lilo kekahī lauoho o ke poo, aka e hoihoi hou ia na mea a pau i ko lakou wahi ponoi a maikai. Ako, e ka'u keiki, o keia no ka hoihoi hou ana i oleloia'i e na waha o ka poe kaula; a, alaila, e alohi aku auanci ka poe pono iloko o ke aupuni o ke Akua. Aka hoi, e hele mai ana kekahī make weliweli maluma iho o ka poe hewa; no ka mea, e make ana lakou ma na mea e pili ana i na mea o ka pono; no ka mea, ua pau-maele lakou, aole e hiki i kekahī mea paunaele ke loaa'e ke aupuni o ke Akua; aka, ua hooleilia'ka lakou, a waighoia e ai i na hua o ka lakou mau hana a me na mea a lakeu i hana ai, he ino ia mau mea; a ke inu la lakou i ka maku o kekahī apu awaawa.

8. Aho, e ka'u keiki, he mau mea ka'u e olelo aku ai no ka hoihoi hou ana i olelo e ia'i; no ka mea, aia hoi, ua hookapae ae kekahī poe i na pa lapala hemolele, a hele auwana loa aku no ia mea. A ke ike nei au ua hoolihiaia kon naau no hoi, no keia mea. Aka hoi, e hoomaopopo aku no au ia mea ia oe. Ke i aku nei au ia oe, e ka'u keiki, he mea e pono ai ke kumumauao o ka hoihoi hou ana me ka pololei o ke Akua; no ka mea, he mea e pono ai e hoihoi hou ia na mea a pau i ko lakou ano ponoi. Aia hoi, he mea e pono ai a e pololei ai hoi, e like me ka mana a me ke ala-houana o Kristo, e hoihoi hou ia ka uhane o kanaka i kona kino, a e hoihoi heu ia kela apana keia apana o ke kino i kona wahi iho. A he mea e pono ai me ka pololei o ke Akua, e hookolokoloia auanei na kanaka e like me ka lakou mau hana; a ina he maikai ka lakou mau hana ma keia ola ana, a ua maikai na makemake o ko lakou mau naau, e hoihoi hou ia lakou no hoi, ma ka la hope, i ka mea i maikai; a ina he ino ka lakou mau hana, e hoihoi hou ia auanei ia mau mea ia ia no ka ino; nolaila, e hoihoi hou ia na mea a pau i ko lakou ano ponoi; o kela mea keia mea i kona wahi maoli; o ka make e hoalaia i ka make ole; o ka palaho i ka palaho ole; e hoalaia i ka pomaikai pau ole, e noho ma ke aupuni o ke Akua, a i ole ia, i ka poino pau ole, e noho ma ke aupuni o ka diabolo, kekahī ma kekahī lima, a kekahī ma kekahī lima; o kekahī mea e hoalaia i ka pomaikai, e like me kona mau makemake i ka pomaikai; a i ka mai-kai, e like me kona mau makemake i ka maikai: a o kekahī hoi i ka ino, e like me kona mau makemake i ka ino; no ka mea, me ia i makemake ai e hana ino a pau ae la ka la, pela no oia e loaa'i kona uku o ka ino, i ka wa e hiki mai ai ka po. A pela no ia ma kekahī lima iho. Ina ua mihi oia i kona mau hewa, a makemake ae la i ka pono a hiki aku i ka hopena o kona mau la, pela no oia e hooukua'i i ka pono. O lakou nei no ka poe i hoolapanai'a e ka Haku; he oiaio, o lakou nei no ka poe i unuhii'a'e a i hoopakeleia'e mal kela po pau ole ae o ka pouli; a pela lakou e ku ai a i ole e hina; no ka mea, aia hoi, na lakou e wae ai no lakou iho, e hana

i ka maikai, a i ole ia, e hana i ka ino. Ano, ua hiki ole ke hoololilia na kanawai o ke Akua; nolaila, ua hoomakaukaunia ke ala, i hiki i ka mea makemake, ke hele iloko olaila a e hoolaiia mai. Ano, aia hei, e ka'u keiki, mai aa aku ikekahi lawehala hou i kou Akua ma keia mau kumu manao o ke ao ana, au i aa ai mamua aku nei e lawehala'i. Mai noho e manao, no ka oleloia ana no ka hoihoi hou ana, e hoihoi hou ia auanei oe mai ka hewa i ka pomaikai. Aia hoi, ke i aku nei au ia oe, aole loa ka hewa he pomaikai.

9. Ano, e ka'u keiki, o na kanaka a pau i noho ai iloko o ka noho maoli ana, oia hoi iloko o ka noho kino ana, aia no lakou iloko o ke au awaawa, a iloko o na mea paat o ka hewa; a ua nele lakou i ke Akua ma ke ao nei, a ua hele ku e aku lakou i ke ano o ke Akua; nolaila, aia no lakou ma kahi ku e i ke ano o ka pomaikai. Ano, aia hoi, o keia anei ke ano o ka huaolelo hoihoihouana, e lawe ikekahi mea no kahi ku pono, a e waiho ia ia iloko o kahi ku pono ole, a i ole ia, e waiho aku ia ia iloko o kahi ku e i kona ano maoli? E ka'u keiki, aole loa ia pela; aka cia ke ano o ka hoihoihouana, e hoihoi hou aku i ka ino no ka ino, i ko ke kino no ko ke kino, i ko ka diabolo no ko ka diabolo; i ka maikai no ka mea i maikai; i ka pono no ka mea i pono; i ka pololei no ka mea i polelei; i ke aloha no ka mea i aloha; nolaila, e ka'u keiki, e makaala e aloha aku oe i kou poe hoahanau; e hana me ka pololei, e hooponopono me ka pono, a e hana mau i ka maikai; a ina e hana aku oe i keia mau mea a pau, alaila, e loaa no ia oe kou uku; he oiaio, a e hoihoi hou ia auanei ke aloha ia oe; e hoihoi hou ia auanei ka pololei ia oe; e hoihoi hou ia auanei ka hooponopoloia ia oe; a e hoouku hou ia auanei ka maikai ia oe; no ka mea, o ka mea au e hoouna aku ai e hoi hou mai ia ia oe, a e papani hou ia: nolaila, e hoohewa nai loa ana ka huaolelo hoihoihouana i ka lawehala, a, aole loa e hoapono iki ana ia ia.

10. Ano, e ka'u keiki, ke ike nei au aia no kekahi mea e ae e hoohihia ana i kou naau, i hiki ole ai ia oe ke hooinaopopo, oia no ka pololei o ke Akua, ma ka hoopai ana i ka mea lawehala: no ka mea, ke hoao nei oe e manao he mea pololei ole i waihoia'i ka mea lawehala i kahi o ka poino. Ano hoi, e ka'u keiki, e wehewehe aku no au i keia mea ia oe: no ka mea, aia hoi, mahope iho o ke kipaku ana mai o ka Haku ke Akua i ko kakou mau kupuna mua mailoko mai o ka mahinaai o Edena, e mahi i ka honua, i kahi o lana i lawcia mai ai; he oiaio, kauo ae la oia i ke kanaka mawahlo, a hoonoho iho la oia ma ka hikina o ka mahinaai o Edena, o Kerubima, a me kekahi pahi wakawaka e ka ana i o ia nei, i malamaia i ka laau o ke ola. Ano, ke ike nei kaua ua li'l ke kanaka e like me ke Akua, e ike ana i ka pono a me ka hewa; a o kikco aku oia i kona lima, a e la'au hoi i ko ka laau o ke ola, a e ai iho a ola mau loa, hoonoho iho la ka Haku ke Akua i Kerubima a me ka pahi wakawaka, i ole ai oia e ai i ka hua; a pela kakou i ike ai, ua haawia mai he manawa i kanaka, e mihi, he oiaio, he manawa hoao, he manawa e mihi a e malama i ke Akua.

No ka mea, ina ua o koke aku o Adamu i kona lima, a ai iho la i ko ka laau o ke ola, ina ua ola mau loa oia, e like me ka olelo a ke Akua, me ka wa ole e mihi ai; he oiaio, a ina ua ko ole no hoi ka olelo a ke Akua, a hooliloia'e ke kumumanao o ka hoolapanai i mea ole. Aka hoi, ua haawiiia mai i ke kanaka e make; nolaila, me lakou i hookiia mai ai mai ka laau o ke ola aku, pela lakou e hookiia mai ai mai ka ili aku o ka honua; ua lilo iho la ke kanaka i mea lilo no ka wa pau ole; he oiaio, lilo iho la lakou i kanaka haule.

11. Ano, ke ike nei kakou ma keia mea, ua hookiia mai ko kakou iuu kupuna mua ma ko ke kino a ma ko ka uhane no hoi mai ke alo aku o ka Haku; a pela kakou i ike ai ua lilo iho la laua i mau mea hahai mamuli o ko laua makemake iho. Ano hoi, aole ia he mea e pono ai i hoopakaleia mai ai ke kanaka mai keia make kino ana ae, no ka mea, he mea ia e hoopau ai i ke kumumanao nui o ka pomaikai: nolaila, me ka hiki ole loa o ka uhane ke make, a ua hooili mai ka haule ana i ka make uhane maluna iho o na kanaka a pau, a me ka make kino no hoi; peneia, ua hookiia mai lakou mai ke alo aku o ka Haku; he mea e pono ai i hoopakaleia mai ai na kanaka mai keia make uhane ana aku; nolaila, me lakou i lilo ai i ko ke kino, i makalcho, a i ko ka diabolo, ma ke ano maoli, ua lilo iho la keia noho hoao ana i wahi no lakou e hoomakaukau ai: lilo iho la ia i wahi hoomakaukau. Ano, e hoomanao, e ka'u keiki, ina aole no ke kumumanao hoolapanai, (a ina aole ia,) e poino ana na uhane o lakou, i ka wa o lakou e make ai, i hookiia mai ai mai ke alo aku o ka Haku. Ano, aohe mea e hoopakaleia mai ai i na kanaka mai keia noho haule ana ae, a ke kanaka i lawe mai ai maluna ona iho, no koua hookuli ana; nolaila, mamuli o ka pololei, aole e hiki i ke kumumanao hoolapanai ke hookoia mai ai, eia wale no ma ka mihi ana o na kanaka ma keia noho hoao ana; he oiaio, ma ua wahi hoomakaukau nei; no ka mea, i ole ai keia mau mea, ua hiki ole i ke aloha ke hana ke ole hoopau aku ia i ka hana o ka hoopai. Ano, ua hiki ole i ka hana o ka hoopai ke hoopauia; ina pela, pau ae la ko ke Akua noho Akua ana.

12. A pela kakou i ike ai ua haule iho la na kanaka a pau, a ua paa lakou iloko o ka hoopai; he oiaio, ka hoopai o ke Akua, ka mea i waiho ai ia lakou no ka wa pau ole e hookiia'ku ai mai kona alo aku. Ano, aole e hiki i ke kumumanao o ke aloha ke laweia mai, ke ole hanaia kekahia mea e kalahala'i: nolaila, e kalahala ana ke Akua, oia iho, no na hala o ko ke ao nei, i lawe mai ai i ke kumumanao o ke aloha, e hoomalielie aku i na koi ana o ka hoopai, i hemolele ke Akua, i pololei oia, a he Akua aloha no hoi. Ano, na hiki ole i ka mihi ke hele mai i na kanaka la, ke ole kekahia hoopai ana, he mea mau loa no hoi ia, e like me ke ola o ka uhane, e hookau ku e ia i ke kumumanao o ka pomaikai, he mea mau loa no hoi ia e like me ke ola o ka uhane. Ano, pehea la e hiki ai i ke kanaka ke mihi, ke ole oia e hana hewa? Pehea la e hiki ai ia ia ke hana hewa, ina aole he kanawai, a pehea la he kanawai, ke ole he hoopai ana? Ano, ua hookauia mai kekahia

hoopai ana, a ua haawia mai he kanawai pololei, ka mea i lawe mai i kanaka i ka walania o ka naau. Ano, ina ua haawi ole ia mai kekahī kanawai,—Ina e pepehi kanaka aku kekahī kanaka e make oia,—e makau anei oia e make oia ina oia e pepehi kanaka? A eia hoi kekahī, ina aole i haawia mai kekahī kanawai e ku e ana i ka hewa, ina aole makau na kanaka ke hana hewa. A ina aole i haawia mai kekahī kanawai ke hana hewa na kanaka, heaha ka mea i hiki ai i ka hoopai ke hana, a me ke aloha no hoi; no ka mca, aole o laua kuleana maluna ilio o ke kanaka. Aka, ua haawia mai ke kanawai, a he hoopai ana ka i hookauia mai, a ua aeia mai ka mihi ana; a e koi ana ke aloha i keia mihi: i ole ia, e koi ana ka hoopai i ke kanaka, a e hooko aku ana i ke kanawai, a e hooili ana ke kanawai i ka hoopai ana; ina aole pela, e hoopauia na hana o ka hōpono, a e pau ko ke Akua noho Akua ana. Aka aole e pau ana ko ke Akua noho Akua ana, a e koi ana ke aloha i ka poe mihi io, a e hele mai ana ke aloha ma o ke kalahala ana la; a e lawe mai ana ke kalahala ana i ke alahouana o ka poc make: a e lawe hou mai ana ke alahouana o ka poc make i na kanaka imua o ke alo o ke Akua; a pela lakou e hoihoi hou ia'ku ai imua o kona alo, e hookolokoloia e like me ka lakou mau hana; e like me ke kanawai a me ka hoopai, no ka mea hoi, e hana ana ka hoopai i na koi ana ona a pau, a e koi ana ke aloha i kona mau mea a pau; a pela hoi, aole e hoolia kekahī mea koe wale no ka poc mihi io.

13. Ka! ke manao nei anei oe ua hiki i ke aloha ke hao i ka hoopai? Ke i aku nei au ia oe, aole; aole i kekahī lihi iki. Ina pela, e pau ko ke Akua noho Akua ana. A pela ke lawe mai la ke Akua i kana mau hana nui a mau loa, i hoomakaukauia'i mai ka hookumua ana mai o ke ao nei. A pela e hiki mai ana ke ola mau loa a me ka hoolapanai ana o ke kanaka, a me ko lakou make mau loa a me ka poino no hoi; nolaila, e ka'u keiki, o ka mea e makemake ana e hele mai, ua hiki ke hele mai, a e inu i na wai o ke ola me ke alalai ole ia mai; a o ka mea e makemake ole ana e hele mai, aole e koia ua mea la e hele mai; aka ma ka la hope, e hoihoi hou ia ia ia ia, e like me kana mau hana. Ina ua makemake oia e hana akui ka ino, a ua mihi ole oia ma kona mau la, aia hoi, e hanaia'ku ka ino ia ia, e like me ka hoihoi hou ana o ke Akua. Ano, e ka'u keiki, ke makemake nei au e ae ole aku oe i keia mau mea e hookaumaha hou mai ia oe ma neia hope aku, a e ae aku i kou mau hewa wale no e hookaumaha ia oe, me kela kauimaha, ka mea e lawe mai ia oe ilalo i ka mihi. E ka'u keiki, ke makemake nei au e hoole hon ole oe i ka pololei o ke Akua ma neia hope aku. Mai hoao e hoapono ia oe iho ma keia mea, no kou mau hewa, ma ka hoole ana i ka pololei o ke Akua, aka e ae aku oe i ka pololei o ke Akua, a me kona aloha, a me kona hoomanawanui, e noho lanakila iloko o kou naau; aka e ae aku oe ia mea e hooihoi mai ia oe ilalo i ka lepo i ka haahata. Ano, e ka'u keiki, ua kaheia oe e ke Akua e hai aku i ka olelo i keia poc kanaka. Ano, e ka'u keiki, e hele aku oe, e hai aku i ka olelo me ka oiaio a me ke kuoo, e hiki ia oe ke kai mai i na uhane

i ka mihi, i loaa'i ke kumumanao o ke aloha ke kuleana maluna iho o lakou. A na ke Akua e haawi mai ia oe e like me ka'u mau olelo, Amene.

MOKUNA XX.

1. A eia kekahi, hele aku la na keiki a Alama mawaena o na kanaka, e haiaku i ka olelo ia lakou. A o Alama no hoi, aole e hiki ia ia ke hoomaha, a heleaku la no hoi oia. Ano, aole makou e olelo hou no ka lakou hai ana, eia wale no, haiaku la lakou i ka olelo, a i ka oiaio, e like me ka Uhane o ka wanana a me ka hoikeana; a haiaku la no lakou manuuli o ka aoao hemolele o ke Akua, o lakou i kaheia mai ai.

2. Ano, ke hoi hou nei au i ka moooielo o na kaua mawaena o ko Nepai poe a me ko Lamana poe, ma ka makahiki umikumamawalu o ke au o ua Lumakanawai. No ka mea, eia hoi kekahi, lilo iho la ko Zorama poe i ko Lamana poe; nolaila, i ka hoomaka ana o ka makahiki umikumamawalu; ikeaku la ka poe kanaka o ko Nepai poe e hele mai ana ko Lamana poe maluna iho o lakou; nolaila, hoomakaukau no lakou i na mea no kekaua; he oiaio, hoululu iho la lakou i ko lakou poe koa iloko o ka aina o Ieresona. A eia kekahi, hele mai la ko Lamana poe me na tausani o lakou; a hele mai la lakou iloko o ka aina o Anationuma, oia no ka aina o ko Zorama poe; a he kanaka o Zarahemana ka inoa, oia no ko lakou alihikaua. Ano, he poe opuino a puni koko loa ko Amaliki poe mamua o ko Lamana poe, ma ko lakou ano iho, nolaila hoonoho iho la o Zarahemana i na luna papa nui maluna iho o ko Lamana poe, a o ko Amaliki poe a me ko Zorama poe lakou a pau. Ano, o keia kana i hana'i, e hiki ia ia ke hoomau i ko lakou inaina i ko Nepai poe; e hiki ia ia ke lawe mai ia lakou malalo iho ona, e hooko iko i kona mau manao; no ka mea hoi, o kona mau manao e hookonokono ae i ko Lamana poe e hahu ku e aki i ko Nepai poe; o keia kana i hana'i i hiki ai ia ia ke loaa ka mana nui maluna iho o lakou; i hiki ai no hoi ia ia ke loaa ka mana maluna iho o ko Nepai poe ma ke kai ana ia lakou iloko o ka noho luhi ana, a pelaaku. Ano, o ka manao no ia o ko Nepai poe e kokua i na aina o lakou iho, a me na halo o lakou, a me na wahine a lakou, a me na keiki a lakou, e hiki ia lakou ke hoopakele ia lakou la mai na lima o ko lakou poe enemi, eia hoi kekahi, e hiki ia lakou ke hookoe i ko lakou mau mea e pono ai a me ko lakou mau mea e pomaikai ai; he oiaio, a me ko lakou noho kauwa ole ana no hoi, e hiki ia lakou ke hoomanaaku i ke Akua e like me ko lakou inau makemake; no ka mea, ike iho la lakou ina e haule iho lakou iloko o na lima o ko Lamana poe, o ka mea nana e hoomanaaku i ke Akua, iloko o ka uhane a iloko o ka oiaio, i ke Akua oiaio a ola, e pepehi mai ko Lamana ia ia; he oiaio, a ike iho la no hoi lakou i ka inaina nui loa o ko Lamana poe i ko lakou poe hoahanau, i ka poe kanaka o Anati-Nepai-Le:

hi; o ka poe i kapaia ka poe kanaka o Amona; a, aole lakou laau iho i na mea kaua; he oiaio, ua komo iho la lakou iloko o kahi berita, a, aole lakou e uhai ae ia mea; nolaila, ina e haule iho lakou iloko o na lima o ko Lamana poe, e anaiia'i lakou. Aole nae e ae aku ko Nepai poe e anaiia mai lakou; nolaila haawi ae la lakou i na aina ia lakou la no ko lakou la hooilina. A haawi mai la ko Amona poe i ko Nepai poe i kekahli mahele nui o ko lakou waiwai, e kokua i ko lakou poe koa; a pela i koiia ai ko Nepai poe, o lakou wale no, e ku e aku i ko Lamana poe, he huina lakou o ko Lamana a o ko Lemuela, a me na mamo a Isemaela, a o ka poe a pau i haalele mai ai i ko Nepai poe, o ko Amaliki poe a me ko Zorama poe, a me na mamo a ka poe kahuna a Noa. Ano, ua kokoke like ka nui o kela poe mamo, me ko Nepai poe; a pela i koiia mai ai ko Nepai poe e paio aku me ko lakou poe hoahanau, a hiki aku i ka hookahe ana i ke koko.

3. Eia kekahli, i ka houluulu ana o ka poe koa o ko Lamana poe ma ka aina o Anationuma, aia hoi, ua hoomakaukauia ka poe koa o ko Nepai poe e halawai pu me lakou ma ka aina o Ieresona. Ano, o ka alihia kaua o ko Nepai poe, oia hoi ke kanaka i hoonohoia'i i luna koa nui maluna iho o ko Nepai poe; ano na ka luna koa nui e hoomalu i ka poe koa a pau o ko Nepai poe; a o Moroni no kona inoa; a na Moroni ka hoomalu ana a me ka hooponopono ana a pau i na kaua o lakeu. A he iwakaluakuma-malima wale no ona makahiki i ka wa i hoonohoia mai ai oia i luna koa nui maluna iho o ka poe koa o ko Nepai poe.

4. Eia kekahli, halawai aku la oia me ko Lamana poe ma na palena o Ieresona, a ua kahikoia kona poe kanaka me na pahikaua, a me na pahikaua pokole, a me kela ano keia ano o na mea kaua a pau. A i ka wa a ka poe koa o ko Lamana poe i ike ai i ka poe kanaka o Nepai, i hoomakaukauia e Moroni me na pale-umauma, a me na pale-lima; he oiaio, a me na pale no hoi e hoomalu i na poo o lakou; a ua kahikoia no hoi lakou me ke kapa manoanoa. Ano, aole i hoomakaukauia ka poe koa o Zerahemana me kekahli mea me neia. O ko lakou wale no na pahikaua a lakou, a me na pahikaua pokole a lakou, na kakaka a lakou a me na pua a lakou, ka lakou mau ala a me na maa a lakou; aka, ua olohelohe lakou, koe wale no he ili i kaeia a puni o ko lakou puhaka; he oiaio, ua olohelohe lakou a pau, koe wale no ko Zorama poe a me ko Amaliki poe. Aka aole o lakou kahikoia me na pale-umauma, aole hoi me na pale-lima; nolaila, ua makau nui iho la lakou i ka poe koa o ko Nepai, no ko lakou nei mau mea i kahikoia'i, me ka oi loa aku nae o ko lakou la nui mamua o ko ko Nepai poe.

5. Aia boi kekahli, aole lakou i aa e hele ku e mai i ko Nepai poe ma na palena o Ieresona: nolaila, haele aku la lakou iwaho o ka aina o Anationuma, iloko o ka waonahele, me ka hole aku a puni ma ka waonahele, ma o ma ke poo o ka muliwai Sidona, e hiki ja lakou ke komo iloko o ka aina o Manati, a e loaa ka aina; no ka mea, aole lakou i manao e ike ka poe koa o Moroni i kahi a lakou i hele aku ai. Aka i ka wa a lakou i haele aku ai, hoounaaku la o Moroni i na kiu iloko o ka waonahele, e hoo-

maka'kiu ia lakou; a e ike ana no hoi o Moroni no na wanana a Alama, hoouna ae la oia i kekahī mau kanaka io na la, e makemake ana i kela e ninau aku i ka Haku i kahi a ka poe koa o ko Nepai poe e hele aku ai, e hoomalu aku ia lakou iho i ko Lamana poe. A eia kekahī, hiki mai la ka olelo a ka Haku ia Alama, a hai aku la o Alama i na elele o Moroni, e hele ana ka poe koa o ko Lamana poe mawaho ma ka waonahele, e hiki ia lakou ke hele mai iloko o ka aina o Manati, e hiki ia lakou ke houka mai maluna iho o ka poc nawaliwali ae o na kanaka. A hele aku la ua mau elele la a hai aku la i ka olelo ia Moroni.

6. Ano, e wailo ana o Moroni i kekahī mahele o kona poe koa ma ka aina o Ieresona, o komo mai kekahī poe o ko Lamana poe iloko o kela aina a e loaa'i ke kulanakauhale, a lawe ae la oia i ka mahele i koe 6 koaa poe koa, a hele aku la iloko o ka aina o Manati. A kauoha ae la oia i na kanaka a pau ma kela mokuna o ka aina, e houluulu ia lakou iho e kaua aku i ko Lamana poe, e hoomalu i ko lakou mau aina a me ko lakou aupuni, i ko lakou mau mea e pono ai a me ko lakou ku okoa ana; nolaila, ua hoomakaukatua lakou no ka wa a ko Lamana poe e hele mai ai. A eia kekahī, kena ae la o Moroni i kona poe koa e pee iloko o ke awawa aia ia e kokoke ana i ke kapa o ka muliwai Sidona, ma ke komohana o ka muliwai Sidona ma ka waonahele. A hoonoho iho la o Moroni i na kiu a puni, e hiki ia ia ke ike i ka wa a ka poc koa o ko Lamana poe e hele mai ai.

7. Ano, e ike ana o Moroni i ka manao o ko Lamana poe, o ko lakou manao ia e pepehi mai i ko lakou poe hoahanau, a i ole ia, e hoopio mai ia lakou a lawe ia lakou iloko o ka noho luhi ana, e hiki ia lakou ke kukulu i aupuni no lakou iho, maluna iho o ka aina a puni; a e ike ana no hoi oia e makemake wale ana no o ko Nepai poe e hookoe i ko lakou mau aina, a me ko lakou ku okoa ana a me ko lakou ekalesia, nolaila, aole oia i manao he hewa kona hoomalu ana ia lakou ma ka hana maalea; nolaila ike iho la oia, ma o kona poc kiu la, i ke ala a ko Lamana poe e hele aku ai. Nottaila, mahele ae la oia i kona poe koa, a kai ae la i kekahī poe ma o aku iloko o ke awawa, a hunu iho la ia lakou ma ka hikina, a ma ka hema o ka puu Ripala; a o ka poe i koe hunu iho la oia iloko o ke awawa komohana, ma ke komohana o ka muliwai Sidona, a pela aku iloko o na palena o ka aina Manati. A pela oia i hoonoho ai i kona poe koa e like me kona makemake, a ua makaukau oia e halawai pu me lakou.

8. A eia kekahī, pii mai la ko Lamana poe ma ka akau o ka puu, ma kahi a kekahī hapa o ka poe koa o Moroni i pee ai. A i ka wa a ko Lamana poe i maalo ae ai i ka puu Ripala, a komo iloko o ke awawa, a i hoomaka ai e hele aku i kela kapa o ka muliwai Sidona, o ka poe koa i pee ai ma ka hema o ka puu, i alakaiia e kekahī kanaka o Lehi kona inoa; a alakai aku la oia i kona poe koa a hoopuni ae la i ko Lamana poe a puni, ma ka hikina, ma ko lakou hope.

9. A eia kekahī, i ko Lamana poe i ike ai i ko Nepai poe e hele mai ana maluna o lakou ma ko lakou hope, huli ae la lakou, a hoomaka

ae la e paio mai me ka poe koa o Lehi; a hoomaka ae la ka hana o ka make, ma na aoao elua; aka ua oi aku ka weliweli ma ka aoao o ko Lamana poe; no ka mea, ua waiho olohelohe ia lakou i ka hahau ikaika ana o ko Nepai poe, mc ka lakou mau pahikaua a me ka lakou mau pahikaua pokole, aneane lawe ana i ka make ma kela hahau ana keia hahau ana; oiai ma keia aoao, he kakaikahi ka haule o kanaka mawaena o ko Nepai poe, ma ka lakou la mau pahikaua, a me ke kahe ana o ke koko; ua paleia lakou ma na wahi o ke ola i noho nui ai o ke kino, oia hoi, o na wahi o ke ola i noho nui ai ua maluhia mai ka hahau ana ae o ko Lamana poe, ma ko lakou mau pale-umauma, a me ko lakou mau pale-lima, a me ko lakou mau pale-poo; a pela ko Nepai poe i hana'i i ka hana o ka make mawaena o ko Lamana poe. Eia kekahī, makau iho la ko Lamana poe no ka luku mawaena o lakou, a hoomaka ae la lakou e hee aku i ka muliwai o Sidona. A ua alualua lakou e Lehi a me kona poe kanaka, a ua hooauheeia lakou e Lehi iloko o na wai o Sidona; a hele aku la lakou ma kela kapa o na wai o Sidona. A aua iho la o Lehi i kona poe koa ma ke kapa o ka muliwai Sidona, i hele ole ai lakou i kela kapa.

10. A eia kekahī, halawai ae la o Morouia me kona poe koa me ko Lamana poe ma ke awawa, ma kela kapa o ka muliwai Sidona, a hoomaka ae la e lele maluna o lakou, a e pepehi ia lakou. A hee hou aku la ko Lamana poe imua o lakou, i ka aina o Manati; a ua halawai hou lakou me ka poe koa o Morouia. Ano i keia manawa, kaua nui loa iho la ko Lamana poe; he oiaio, aole i ike e ia mamua ke kaua ana o ko Lamana poe me ka makau ole a me ka ikaika nui loa me neia; aole loa, aole mai kinohi mai; a ua hooeueuia lakou e ko Zorama poe a me ko Amallki poe ko lakou poe luna papa nui a poe kapena, a e Zerahemana, oia no ko lakou luna koa nui, a o ko lakou alihia kaua a mea hoomalu hoi; he oiaio, kaua mai la lakou e like me na deragona; a ua pepehi loa ia kekahī poe o ko Nepai poe e ko lakou mau lima; he oiaio, no ka mea, hahau mai lakou a moku loa i na pale-poo he nui o lakou; a heu mai la no hoi i na pale-umauma he nui o lakou; a moku mai no hoi lakou i na lima he nui o lakou; a pela ko Lamana poe i hahau mai ai ma ko lakou hulu wela. Aka hoi, ua heoeueuia ko Nepai poe e ke kumu maikai nui ae; no ka mea, aole o lakou e kaua ana no ka noho alii ana aole hoi no ka mana; aka, e kaua ana lakou no ko lakou mau wahi i noho ai, a me ko lakou ku okoa ana, a me ka lakou poe wahine, a me ka lakou poe keiki, a me ko lakou mau mea a pau loa; he oiaio, no ko lakou mau oihana o ka hoomana, a me ko lakou ekalesia; a e hana ana lakou i ka mea a lakou i manao ai he pono imua o ko lakou Akua; no ka mea, ua i mai ka Haku ia lakou, a i ko lakou poe kupuna no hoi, Ina aole oukou hewa ma ka hihia mua, aole hoi ma ka lua, aole loa oukou e hookuu aka ia oukou iho e pepehiia mai e na lima o ko oukou poe enemi. A eia hou, ua i mai ka Haku, Na oukou e hoomalu aka i ko oukou mau ohua, a hiki aka i ka hookahe koko ana; nolaila, no keia mea e paio ana ko Nepai poe me ko Lamana poe, e hoo-

malu ia lakou iho, a me ko lakou mau ohana, a me ko lakou mau aina, a me ko lakou mau aupuni, a me ko lakou mau mea e pono ai, a me ko lakou hoomana ana.

11. A eia kekahī, i ka wa a ka poe kanaka o Moroni i ike ai i ka ikai-ka a me ka hulu o ko Lamana poe, aneane e emi aku ana lakou a hee aku mai o lakou la aku. A e ike ana o Moroni i ko lakou manao, hoo-una ae la oia a hooeueu ae la i ko lakou mau naau me keia mau manao; he oiaio, me na manao no ko lakou mau aina, a me ko lakou ku okoa ana, he oiaio, me ko lakou ku okoa ana mai ka noho luhī ana ae. A eia kekahī, huli ae la lakou i ko Lamana poe, a kahea aku la lakou me ka leo hookahi i ka Haku i ko lakou Akua, no ko lakou noho kauwa ole ana, a me ko lakou ku okoa ana mai ka noho luhī ana ae. A hoomaka ae la lakou e ku e i ko Lamana poe me ka mana; a ma kela hora hookahi a lakou i hea aku ai i ka Haku no ko lakou noho kauwa ole ana, hoomaka ae la ko Lamana poe e hee aku imua o lakou; a hee aku la lakou a hiki wale aku i na wai o Sidona. Ano, ua nui loa aku ka nui o ko Lamana poe; he oiaio, ua nui loa aku mamua o ka palua ana o ka nui o ko Nepai poe; aka, ua hooauheeria nae lakou a hoululua ma kahi hookahi, iloko o ke awawa, ma ke kapa, ma ka muliwai Sidona; nolaila, hoopuni iho la ka poe koa o Moroni ia lakou a puni; he oiaio, ma na kapa elua o ka muliwai; no ka mea, aia hoi ma ka hikina ka poe kanaka o Lehi; nolaila, ia Zerahemana i ike ai i ka poe kanaka o Lehi ma ka hikina o ka muliwai Sidona, a me na poe koa o Moroni ma ke komohana o ka muliwai o Sidona, a ua hoopuniia lakou a puni e ko Nepai poe, ua pauhia lakou me ka weliweli. Ano, ia Moroni i ike ai i ko lakou weliweli, kena aku la oia i kona poe kanaka e hooki lakou i ko lakou hookahe ana i ke koko.

12. A eia kekahī, hooki aku la lakou a nee uuku ae la mai o lakou ae. A iaku la o Moroni ia Zerahemana, E nana mai oe, e Zerahemana e, aole makou i makemake e lilo i poe kanaka puni koko. Ke ike nei oukou eia no oukou iloko o ko makou mau lima, aole nae makou makemake e luku aku ia oukou. Aia hoi, aole makou i hele mai iwaho nei e kaua aku ia oukou e hiki ia makou ke hookahe aku i ko oukou koko, i loaa'i ia makou ka mana; aole hoi makou i makemake e kai i kekahī mea i ka auamo o ka luhi. Aka, o keia no ke kumu io o ko oukou hele ana mai e ku e mai ia makou; he oiaio, a ua hulu oukou ia makou no ko makou hoomana ana. Aka, ano, ke ike nei oukou eia pu no ka Haku n e makou; a ke ike nei oukou ua haawi mai oia ia oukou iloko o ko makou mau lima. Ano, ke makemake nei au e hoomaopopo oukou ua hanaia mai keia ia makou no ko makou hoomana ana a no ko makou manaoio iloko o Kristo. Ano, ke ike nei oukou ua hiki ole ia oukou ke hoopau mai i ko makou manaoio nei. Ano, ke ike nei oukou o keia no ka manaoio oiaio o ke Akua; he oiaio, ke ike nei oukou e kokua mai no ke Akua, a e malama mai, a e hoola mai ia makou, i na manawa a pau a makou e hoomana pono ia ia, a i ko makou manaoio, a i ko makou hoomana ana; aole loa e ae mai ka Haku e anaiia

makou; ke ole haule iho makou iloko o ka hala, a hoole aku i ko makou manaoio. Ano, e Zerahemana e, ke kauoha aku nei au ia oe, ma ka inoa o kela Akua mana loa, nana i hookaika mai i ko makou mau lima, i loaa'i ia makou ka mana maluna iho o oukou ma ko makou manaoio, ma ko makou haipule ana, a ma ko makou mau oihana o ka hoomana ana, a ma ko makou ekalesia, a ma ka hana laa i hooilia mai ai maluna o makou e malama i ka makou poe wahiine a me ka makou mau keiki, ma kela noho kauwa ole ana, ka mea e hoopaa ana ia makou i ko makou mau aina a i ko makou aupuni; he oiaio, a ma ke kokua ana no hoi o ka olelo laa a ke Akua, ma o ua mea la i loaa'i ia makou ko makou pomaikai a pau; a ma na mea a pau i maikai loa ia makou; he oiaio, aole o keia wale no; ke kauoha aku nei au ia oukou ma na makemake a pau o oukou i ke ola, e haawi mai oukou i ko oukou mau mea kaua ia makou, a, aole makou e in i i ko oukou koko, aka e hookoe aku makou i ko oukou mau ola, ina e hele aku oukou, a e hele hou ole mai e kaua mai ia makou. Ano, ina e hana ole oukou i keia mea, eia hoi oukou iloko o ko makou mau lima, a e kena aku au i ko'u poe kanaka e haule iho lakou maluna o oukou, a e hoeha ia oukou i na eha o ka make ma ko oukou poe kino, i anai loa ia'i oukou; alaila, e ike kakou i ka poe e loaa auanei ka mana maluna iho o keia poe kanaka; he oiaio, e ike kakou i ka poe e kaiia auanei iloko o ka noho luhi ana.

13. Ano, eia kekahī, ia Zerahemana i lohe ai i keia mau olelo, hele mai la oia a haawi mai la i kana pahikaua, a me kana pahikaua pokole, a me kana kakaka iloko o na lima o Moroni, a i mai la ia ia, Aia hoi, eia no ko makou mau mea kaua; e haawi aku no makou ia mau mea ia oukou, a aole makou e ae e hooaki aku ia oukou i ka hoohiki a makou i ike ai e uhaiia auanei e makou, a e ka makou mau keiki no hoi; aka, e lawe aku i ko makou mau mea kaua, a e ae mai ia makou e haele aku iloko o ka waonahele; a i ole ia, e aua makou i ka makou mau pahikaua, a e make makou, a i ole ia, e lanakila. Aia hoi, aole makou no ko oukou manaoio; aole makou manaoio na ke Akua i haawi mai ia makou iloko o ko oukou mau lima; aka, ke manaoio nei makou o ko oukou maalea no ka mea i hola mai ai ia oukou i ka makou mau pahikaua. Aia hoi, o ko oukou mau pale-umauma, a me ko oukou mau pale-lima, oia na mea i hoola mai ai ia oukou. Ano, ia Zerahemana i hoopau ai i kana olelo ana i keia mau hua olelo, hoihoi hou aku la o Moroni i ka pahikaua, a me na mea kaua ana i loaa'i, ia Zerahemana, i ka i ana, Aia hoi, e kana kakou a pau ke kaua. Ano, aole e hiki ia'u ke hoole i na olelo a'u i olelo aku ai; nolaila, me ka Haku e ola nei, aole loa oukou e haele, ke ole haele oukou me ka hoohiki, i hele hou ole mai ai oukou e ku e mai ia makou e kaua. Ano, eia no oukou ma ko makou mau lima, a e hookahe no makou i ko oukou koko ma ka honua, a i ole ia, e ae mai oukou i na mea a'u i olelo aku ai. Ano, ia Moroni i olelo aku ai i keia mau hua olelo, hoopaa iho la o Zerahemana i kana pahikaua, a ua buhu oia ia Moroni, a holo kiki mai la ia e hiki ia

ia ke pepehi mai ia Moroni; aka, ia ia i hoaka ai i kana pahikaua, aia hoi, hahau aku la kekahi o ko Moroni poe koa ia mea i ka honua; a hakiaku la ia mea ma ke au; a hahauaku la no hoi oia ia Zerahemana, a oki i ka ili o kona poo, a haule iho la ia mea i ka honua. A emiaku la o Zerahemana mai ko lakou alo aku, mawaena o kona poe koa.

14. A eia kekahi, o ke koa e ku pu ana, nana i okiaku ai i ka ili poo o Zarahemana, lalau iho la oia i ka ili poo mai ka honua ae, ma ka lauoha, a kau ae la ia mea ma ka welau o kana pahikana, a oaku la ia mea ia lakou, i ka i ana ia lakou me ka leo nui, Me keia ili poo i haule iho ai i ka honua nei, oia no hoi ka ili poo o ko oukou alii, pela no oukou e haule iho ai i ka honua nei, ke ole haawi mai oukou i ko oukou mau mea kaua, a e haele aku, me kekahi berita o ka malu.

15. Ano, aia no kekahi poe he nui wale, ia lakou i lohe ai i keia mau hua olelo, a ike mai la no hoi i ka ili poo i kauia'i ma ka pahikaua, loohia iho la lakou me ka makau, a hele mai la na mea he nui wale a hoolei mai la i na mea kaua ma na wawae o Moroni, a komo iho iloko o ka berita o ka malu. A o ka poe a pau nana i hana iho i ka berita, ua hookuuia e lakou e haele aku iloko o ka waonahele.

16. Ano, eia kekahi, ua ukiuki nui loa iho la o Zerahemana, a hookonokonoe la oia i ke koena o kona poe koa e hulu, e paio ikaika nui loa mai i ko Nepai poe. Ano, ua hulu o Moroni, no ka paakiki o ko Lamana poe; nolaila, kena ae la oia i kona poe kanaka e lele lakou maluna iho o lakou la, a e pepehiaku ia lakou la; he oiaio, a paio mai la ko Lamana poe me ka lakou mau pahikaua a me ko lakou ikaika. Aka hoi, ua wai-ho wale ko lakou ili oloheloh, a me ko lakou mau poo pale ole, i na pahikaua oi a ko Nepai poe; he oiaio, ua houia a na hahauia; he oiaio, a hiki wawe ka haule ana imua o na pahikana a ko Nepai poe; a hoomaka ae la lakou e kulaiia ilalo e like me ka ke koa o Moroni i wanana mai ai. Ano, ia Zerahemana i ike ai e kokoke ana lakou a pau e anaia'ku, hea ikaika mai la oia ia Moroni, e olelo ana e hana berita ai no oia, a me kona poe kanaka no hoi, me lakou, ina e hookoe lakou i na ola o ka poe i koe, i hele hou ole mai ai lakou la e kaua mai ia lakou ma ia hope aku. A eia kekahi, kena ae la o Moroni e hookiia ka hana o ka make mawaena o na kanaka. A lawe mai la oia i na mea kaua mai ko Lamana mai; a mahope iho o ko lakou komo ana iloko o ka berita o ka malu me ia, ua aeia lakou e hacle aku iloko o ka waonahele. Ano, aole i heluia ka nui o ko lakou poe make, no ka nui loa o lakou; he oiaio, ua nui loa iho la ka helu o ko lakou poe make, ma ko ko Nepai poe, a ma ko ko Lamana poe no hoi. A eia kekahi, hooleiaku la lakou i ko lakou poe make iloko o na wai o Sidona; a ua hele aku la lakou, a ua kanuia iloko o ka hohonu o ke kai. A hoi ae la ka poe koa o ko Nepai, oia hoi ko Moroni, a hiki ae la i ko lakou mau hale, a me ko lakou mau aina. A pela i pau ai ka makahiki uraikumamawalu o ke au o na Lunakanawai maluna iho o ka poe kanaka o Nepai. A pela i pau ai ka mooolelo a Alama, i kakauia'i maluna iho o na papa a Nepai.

MOKUNA XXI.

O ka mooolelo o ka poe kanaka o Nepai, a me ko lakou mau kaua, a me ko lakou mau paio, ma na la o Helamana, e like me ka mooolelo a Helamana, ana i palapala'i i kona mau la.

1. Eta hoi kekahī, ua hoohauoli nui loa ia ka poe kanaka o Nepai, no ka hoopakele hou ana mai o ka Haku ia lakou mailoko mai o na lima o ko lakou poe enemi; nolaila, aloha aku la lakou i ka Haku i ko lakou Akua; he oiaio, a hooke ai nui a pule nui aku lakou, a hoomana aku la lakou i ke Akua me ka olioli nui loa.

2. A eia kekahī, ma ka makahiki umikumamaia o ke au o na Lunakanawai maluna iho o ka poe kanaka o Nepai, hele mai la o Alama i kana keiki o Helamana, a i mai la ia ia, Ke manaoio nei anei oe i na olelo a'u i olelo aku ai ia oe no kela mau mooolelo i malamaia'i? A i ae la o Helamana ia ia, Ae, ke manaoio nei au. A i hou mai la o Alama ia ia, Ke manaoio nei anei oe ia Iesu Kristo, ka mea e hele mai auanei? A i ae la oia, Ae, ke manaoio nei au i na olelo a pau au i olelo mai ai. A i hou mai la o Alama ia ia, E malama anei oe i ka'u mau kauoha? A i ae la oia, Ae, e malama no au i kau mau kauoha me ko'u naau a pau. Alaila i mai la o Alama ia ia, Pomaikai ooe; a na ka Haku e hoopomaikai auanei ia oe ma keia aina. Aka hoi, he mau mea ka'u e wanana aku ai ia oe; aka o ka'u e wanana aku ai ia oe, mai noho a hoike aku oe; he oiaio, o ka'u mea e wanana aku ai ia oe aole ia e hoikeia aku, a hiki wale aku i ka wa e hookoia ka wanana; nolaila, e kakau iho i na olelo a'u i olelo aku ai. A eia na olelo: Aia hoi, ke ike nei au o keia poe kanaka, o ko Nepai poe nei, e like me ka Uhane o ka hoikeana iloko o'u, ma na makahiki eha haneri mai ka wa a Iesu Kristo e hoike mai ai ia ia iho ia lakou, e emi iloko o ka hoomaloka; he oiaio, a, alaila e ike ai lakou i na kaua a me na mai ahulau, he oiaio, a me na kau wi a me ka hookahe koko ana, a hiki aku i ka wa e anai loa ia'i ka poe kanaka o Nepai; he oiaio, a o keia mea no ko lakou emi ana auanei iloko o ka hoomaloka, a haule ana iloko o na hana o ka pouli a me ka makaleho, a me kela ano keia ano o ka hewa; he oiaio, ke i aku nei au ia oe, no ka lakou hana auanei i ka hewa ku e i ka malamalamama a ike nui e like me neia; he oiaio, ke i aku nei au ia oe, mai ia la aku, aole e hala aku ka ha o ka hanauna a pau, mamua o ka hiki mai ana o keia hewa nui; a i ka wa e hiki mai ai kela la, aia hoi, e hiki koke mai ana ka manawa o ka poe e noho ana ano, oia hoi ka poe mamo a ka poe i helu pu ia ano mawaena o ka poe kanaka o Nepai, aole e helu pu hou ia auanei ma ia hope aku mawaena o ka poe kanaka o Nepai; aka o na mea e koe ana, a i luku ole ia ma kela la nui a weliweli, e helu pu ia auanei lakou mawaena o ko Lamana poe, a e lilo ae auanei e like me lakou, o lakou a pau loa, koe wale no he mau mea kakaikahi, he poe e kapaia auanei he poe haumana na ka Haku; a e alualu no ko Lamana

poe ia lakou, a hiki aku lakou i ka anaiia ana mai. Ano, no ka hana ino ana, e hookoia auanei keia wanana.

3. A eia kekahī, mahope iho o ka olelo ana o Alama i keia mau mea ia Helamana, hoopomaikai mai la oia ia ia, a me kana mau keiki e ae no hoi; a hoopomaikai iho la oia i ka honua nei, no ko ka poe pono pomai-kai. A i mai la oia, penei wahī a ka Haku ke Akua: E hoopoinoia no ka aina, he oiaio, o keia aina, i na lahuikanaka, a me na ohana, i na olelo a me na kanaka a pau, e hana hewa ana, i ka luku loa ia'na, ia fakou i oo loa ai; a me a'u i i aku ai, pela auanei ia; no ka mea, oia no ka hoopoino ana a me ka hoopomaikai ana o ke Akua maluna iho o ka aina nei, no ka mea, aole e hiki i ka Haku ke nana mai i ka hewa me ka oluolu uuku loa. Ano, ia Alama i olelo mai ai i keia mau olelo, hoopomaikai ae la oia i ka ekalesia, he oiaio, i ka poe a pau e ku paa ana ma ka manaoio, ma ia hope aku: a ia Alama i hana'i i keia, hele aku la oia iwaho o ka aina o Zarahemela, me he mea la e hele aku iloko o ka aina o Meleka. A eia kekahī, aole i lohe hou ia noua ma ia hope aku; no kona make a me kona kanu ana hoi, aole o makou i ike. Aia hoi, o keia ka makou i ike, he kanaka pono oia; a kui sku la ka olelo ma ka ekalesia, ua laweia'ku oia e ka Uhane, a i cle ia, ua kanuia e ka lima o ka Haku, e like me Mose. Aka hoi, ke i mai nei ka palapala hemolele ua lawe aku o ka Haku ia Mose io na la; a ke manao nei makou ua loaa no hoi ia ia o Alama ma ka uhane, io no la; nolaila, no keia mea, aole o makou i ike iki no kona make a kanuia'na.

4. Ano, eia kekahī, ma ka makamua o ka makahiki umikumamaiwa o ke au o na Lunakanawai maluna iho o ka poe kanaka o Nepai, hele ae la o Helamana mawaena o na kanaka e-hai aku i ka olelo ia lakou; no ka mea hoi, no ko lakou mau kaua me ko Lamana poe, a me na kuee uuku he nui wale, a me na haunaele mawaena o na kanaka mamua iho nei, ua lilo i mea e pono ai, e hiaia'ku ka olelo a ke Akua mawaena o lakou; he oiaio, a e hanaia ka hooponopono mawaena o ka ekalesia; nolaila, hele aku la o Helamana a me kona mau hoahanau e kukulu hou i ka ekalesia ma ka aina a puni, he oiaio, ma'kela kulanakauhale keia kulanakauhale mawaena o ka aina a puni, i nohoia'i e ka poe kanaka o Nepai. A eia kekahī, hoonoho iho la lakou i na kahuna a me na kumu mawaena o ka aina a puni, maluna iho o na ekalesia a pau.

5. Ano, eia kekahī, mahope iho o ka hoonoho ana o Helamana a me kona mau hoahanau i na kahuna a me na kumu maluna iho o na ekalesia, ca mai la kekahī kuee mawaena o lakou, a, aole o lakou e hoolohe mai i na olelo a Helamana a me kona mau hoahanau; aka, lilo iho la lakou i poc haahico, i hookiekieia'i iluna ma ko lakou mau naau, no ko lakou wai-wai nui loa; nolaila, lilo iho la lakou i poc waiwai ma ko lakou mau maka iho, a, aole i hoolohe mai i ka lakou nei mau'olelo, e hcle pololei imua o ke Akua.

6. Eia kekahī, o ka poe i hoolohe ole mai ia Helamana a me kona

poe hoahanau, ua houluulu pu ia lakou e ku e mai i ko lakou poe hoahanau. Ano, aia hoi, ua huhu nui loa lakou, a ua paa ko lakou manao e pepehi mai ia lakou nei. Ano, o ka luna o kela poe, ka poe i huhu mai i ko lakou poe hoahanau, he kanaka nunui a ikaika oia; a o Amalikia kona inoa. A e makemake ana o Amalikia e lilo ae i Alii: a o kela poe kanaka, ka poe i huhu, ua makemake no hoi lakou e lilo oia i Alii no lakou: a o ka nui loa o lakou o ka poe lunakanawai haahaa lakou o ka aina; a e imi ana lakou i ka mana. A ua alakaiia'ku lakou e na olelo malimali a Amalikia, ina e kokua lakou ia ia, a e hoonoho ia ia i Alii no lakou, e hoolilo iho oia ia lakou i poe luna maluna iho o na kanaka. Pela lakou i alakaiia'ku ai e Amalikia, e kuee mai, me ka hai olelo ana nae a Helamana a me kona mau hoahanau; he oiaio, me ko lakou malama nui ana nae maluna iho o ka ekalesia, no ka mea, he mau Kahuna Nui lakou maluna iho o ka ekalesia. A ua nui na mea iloko o ka ekalesia i manaoi i na hua olelo malimali a Amalikia; nolaila, haalele kuee mai la hoi lakou i ka ekalesia; a pela ua nauene a weliweli loa ka noho ana o ka poe kanaka o Nepai, me ko lakou lanakila nui nac a lakou i loaa'i maluna iho o ko Lamana poe, a me ko lakou hauoli nui ana a lakou i loaa'i, no ko lakou hoopakelia'na mai e na lima o ka Haku. Pela kakou i ike ai i ka hoopoina koke ana o na keiki a kanaka i ka Haku, i ko lakou Akua: he oiaio, i ka wikiwiki e hana i ka hewa, a e alakaiia'ku ai e ka mea ino; he oiaio, a ke ike nei no hoi kakou i ka hewa nui a kekahī kanaka hewa loa i hiki ai ke hoala mawaena o na keiki a kanaka: he oiaio, ke ike nei kakou ia Amalikia, he kanaka ia o ka noonoo maalea, a he kanaka o na olelo malimali he nui wale, no ia mea, alakai aku la oia i na naau o na kanska he nui loa e hana hewa; he oiaio, a e imi e hoopau mai i ka ekalesia o ke Akua, a e hoopau iho i ke kahua o ke ku okoa ana a ke Akua i haawi mai ai ia lakou, oia hoi ka pomaikai a ke Akua i hoouna mai ai maluna iho o ka ili o ka aina, no ko ka poe pono pomaikai.

7. Ano, eia kekahī, i ka wa a Moroni, oia no ka alihī kana nui o ka poe koa o ko Nepai poe, i lohe ai i keia mau haalele kuee ana, ua huhu oia ia Amalikia. A eia kekahī, haehae iho la oia i kona kapakomo; a lawe iho la oia i kekahī apana o ia mea a palapala iho la maluna iho o ia mea, I mea e hoomanao ai i ko kakou Akua, i ko kakou hoomana ana, a me ka noho kauwa ole ana, a me ko kakou maluhia, i ka kakou poe wahine, a me'ka kakou mau keiki; a hoopaa iho la oia ia mea ma ka welau o kekahī laau. A hoopaa iho la oia i kona pale-poo ia ia a me kona pale-umauma, a me kona mau palekaua, a kaei iho la oia i kona mea e kahiko ai ma kona puhaka; a lalau ae la oia i ka laau, aia ma ka welau ona kona kapakomo i haehaeia, (a kapa aku la oia ia mea ka hoailona o ke ku okoa ana,) a kulou iho la oia ilalo i ka honua, a pule ikaika aku la oia i kona Akua no na mea pomaikai o ke ku okoa ana e kau mai maluna iho o kona poe hoahanau i na manawa a pau o kekahī papa o ka poe Kristīano i koe ai e noho ana ma ka aina: no ka mea, pela i kapaia mai ai ka

poe a pau i manaoio oiaio ia Kristo, ka poe i huiia'i me ka ekalesia o ke Akua, e ka poe i hui ole ia'i me ka ekalesia; a o ka poe i huiia'i me ka ekalesia ua hoomau pono lakou; he oiaio, o ka poe a pau i manaoio oiaio ia Kristo, na lawe mai la me ka olioli maluna iho o lakou, i ka inoa o Kristo, a i ka inoa Kristiano, me lakou i kapaia mai ai, no ko lakou manaoio ia Kristo, ka mea e hele mai ana; a nolaila, i keia manawa, pule aku la o Moroni e kokuaia mai ai ka aoao o ka poe Kristiano, a me ke ku okoa ana o ka aina.

8. A eia kekahia, ia ia i ninini aku ai i kona uhane i ke Akua, haawi ae la oia i ka aina a pau ma ka hema o ka aina Neoneo; he oiaio, a me ka aina a puni, ma ka akau a ma ka hema no hoi, he aina i waeia, a me ka aina o ke ku okoa ana. A i iho la ia, He oiaio ae la aole ke Akua e ae mai ia makou, o ka poe i hoowahawahaia no ka lawe ana mai maluna iho o makou i ka inoa o Kristo, e hehiia mai ilalo a e lukuia, a hiki aku i ka wa e lawe mai makou ia mea maluna iho o makou, ma o ko makou lawehala ana la. A ia Moroni i olelo iho ai i keia mau olelo, hele aku la oia mawaena o na kanaka, e hooluli ana i ka apana o kona kapakomo ma ka lewa, e hiki i na mea a pau ke ike i ka palapala ana ana i palapala ai ma ka apana, a e hea ana me ka leo nui, i ka i ana, Aia hoi, o kela mea keia mea e malama ana i keia hoailona maluna iho o ka aina, e hele mai lakou ma ka ikaika o ka Haku; a e komo mai iloko o kekahia berita e malama i ko lakou mau mea e pono ai, a me ko lakou hoomana ana, i hoopomaikai mai ai ka Haku ke Akua ia lakou.

9. Ano, eia kekahia, ia Moroni i kukala aku ai i keia mau olelo, aia hoi, hele mai na kanaka e holo paapu mai ana, me na mea e kahiko ai o lakou i kaeia ma ko lakou mau puhaka, e haehae ana i ko lakou mau aahu i hoailona, a me he berita la, aole lakou e haalele aku i ka Haku i ko lakou Akua; oia hoi, ma na olelo e ae, ina e ae lakou maluna iho o na kauoha a ke Akua, a e haule iho iloko o ka hala, a e hilahila e lawe maluna iho o lakou i ka inoa o Kristo, na ka Haku e hachae mai ia lakou me lakou i haehae ai i na aahu o lakou. Ano, oia no ka berita a lakou i hana'i; a hoolei ac la lakeu i na aahu o lakou ma na wawae o Moroni, me ka i ana'e, Ke hana berita nei makou me ko makou Akua, e anaiia mai makou, e like me ko makou poe hoahanau ma ka aina akau, ina e haule iho makou iloko o ka hala; he oiaio, nana e hoolei mai ia makou ma na wawae o ko makou poe enemi, me makou i hoolei aku ai i na aahu o makou ma kou mau wawae, e hehiia ilalo iho o na wawae, ina haule iho makou iloko o ka hala. I ae la o Moroni ia lakou, Aia hoi, he koena kakou o ka hua a Iakoba: he oiaio, he koena kakou o ka hua a Iosepa, ka mea nona ke kapakomo i haehaeia e kona mau kaikuanaa, i na apana he nui; he oiaio, ano hoi, e hoomanao kakou e malama i na kauoha a ke Akua, i ole ia e haehaeia mai auanei na aahu o kakou e ko kakou poe hoahanau, a e hooleia mai kakou iloko o ka halepaahao, a i ole ia e kuaiia'ku, a i ole ia, e pepehi loa ia mai; he oiaio, e malama kakou i ko kakou ku okoa ana, me he koena la

o Iosepa; he oiaio, e hoomanao kakou i na olelo a Iakoba, mamua o kona make ana; no ka mea hoi, ike aku la oia ua hookoeia he apana o ke koena o ke kapakomo o Iosepa, a ua popopo ole ia. A i mai la oia, Me keia koena o ke kapakomo o ka'u keiki i hookoeia mai ai, pela e hookoeia mai auanei he koena o ka hua a ka'u keiki e ka lima o ke Akua, a e laweia'ku io na la, oiai e make auanei ka poe i koe o ka hua a Iosepa, e like me ke koena o kona kapakomo. Ano hoi, ke haawi mai nei keia mea i ke kau-maha i ko'u uhane: aka, he hauoli ko ko'u uhane iloko o ka'u keiki, no ua hapa la o kana poe hua e laweia'ku ai auanei i ke Akua la. Aia hoi, oia no ka olelo a Iakoba. Ano, owai la ka i ike anoai o ka poe i kuee mai a haalele mai ia kakou, o lakou no ke koena o ka hua a Iosepa, e make ana e like me kona kapakomo; he oiaio, a o kakou no hoi auanei, ke kupaa ole kakou iloko o ka manaoio o Kristo.

10. A eia kekahī, ia Moroni i olelo ae ai i keia mau olelo, hele aku la oia, a hoouna aku la no hoi ma na wahi a pau o ka aina, kahi o na kuee ana, a houluulu mai la i na kanaka a pan, ka poe e makemake ana e malama i ko lakou ku okoa ana, e ku e ia Amalikia, a me ka poe i kuee a haalele mai, ka poe i kapaia ko Amalikia.

11. Eia kekahī, ia Amalikia i ike ai ua oi aku ka nui o ka poe kanaka o Moroni mamua o ko ko Amalikia; a ike no hoi oia ua kanalua kona poe kanaka no ka pololei o ka acaa a lakou i apo aku ai; nolaila, e makau ana oia o loaa ole ia ia ka mea ana i makemake ai, lawe aku la oia i ka poe o kona poe kanaka e makemake ana, a haele aku la iloko o ka aina o Nepai.

12. Ano, manao iho la o Moroni he mea e pono ole ai e loaa hou ai i ko Lamana poe ka ikaika hou; nolaila, manao iho la oia e hooki aku i ka poe kanaka o Amalikia, a i ole ia, e hopu ia lakou a e hoihoi hou mai, a e pephei aku ia Amalikia a make loa; he oiaio, no ka mea, ua ike oia e hooeueu ae oia i ko Lamana poe e hahu mai ia lakou, a e hookonokono mai ia lakou e hele mai e kaua mai ia lakou nei; a ua ike oia e hana no Amalikia i keia, e hiki ia ia ke loaa'i kona mau mea i manao ai; nolaila, manao iho la o Moroni he mea e pono ai nona e lawe aku i kona poe koa, ka poe i houluulu ia lakou iho, a i kahiko ia lakou iho, a komo i ka berita e malama i ka maluhia: A lawe aku la oia i kona poe koa, a hele aku la mawaho iloko o ka waonahele, e alai aku i ke ala o Amalikia ma ka waonahele.

13. A eia kekahī, hana iho la oia e like me kona mau makemake, a hele aku la iloko o ka waonahele, a poai puni i ka poe koa o Amalikia. A hee aku la o Amalikia me kekahī poe he uuku o kona poe kanaka, a o ka poe i koe ua haawiia mai iloko o na lima o Moroni, a ua kai hou ia iloko o ka aina o Zarahemela. Ano he kanaka o Moroni i hoonohoia e na Lunakanawai Nui a me ka leo o na kanaka, nolaila, he mana kona e like me kona makemake, me na poe koa o ko Nepai, e hooponopono a e hana me ka mana maluna iho o lakou.

14. A eia kekahi, o kela mea keia mea o ko Amalikia i komo ole ai iloko o ka berita e kokua mai i ka aoao o ke ku okoa ana, e hiki ia lakou ke malama i kekahi aupuni ku okoa, kena ae la oia e pepehiia a make loa; a he mau mea kakaikahi wale no ka i hoole mai i ka berita o ke ku okoa ana.

15. A eia hoi kekahi, kena ae la oia e kauia ka hoailona o ke ku okoa ana maluma iho'o kela hale kiai keia hale kiai ma ka aina a puni, i nohoia'i e ko Nepai poe; a pela o Moroni i kukulu ai i ka hae o ke ku okoa ana mawaena o ko Nepai poe. A hoomaka lakou e loaa hou ai ka maluhia ma ka aina; a pela lakon i malama'i i ka maluhia ma ka aina, a kokoke hiki aku i ka hopena o ka makahiki umikumamaiwa o ke au o na Lunakanawai. A malama iho la no hoi o Helamana a me na Kahuna Nui i ka pololei iloko o ka ekalesia; he oiaio, no na makahiki eha, ua loaa iho la ia lakou ka maluhia nui a me ka hauoli ana iloko o ka ekalesia.

16. A eia kekahi, ua nui no na mea i make, e manaoio paa ana na hoolapanaiia ko lakou mau uhane e ka Haku o Iesu Kristo; pela lakou i puka aku ai mailoko aku o ke ao nei e hauoli ana. A make aku la kekahi poe me na mai kuni, na mea i hele pinepine mai ma ka aina ma kekahi mau kau o ka makahiki; aka, aole i make ka nui o lakou me na mai kuni, no ke ano maikai loa o na mea kanuu a me na aa a ke Akua i hoomakaukau mai ai, e hoopau mai i ke kumu o na mai o na kanaka i loohia mai ai, ma o ke ano la o ka aina. Aka, ua nui loa ka poe i make no ka elemakule; a o ka poe i make iloko o ka manaoio o Kristo, ua pomaikai iloko ona, me ia makou e pono ai ke manaoio. Auo, e hoi hou makou i ka makou mooolelo, ia Amalikia, a me na poe la i hee pu ai me ia iloko o ka waonahele: no ka mea, ua lawe aku oia i ua poe la ka poe i hele pu me ia, a pii aku la i ka aina o Nepai, mawaena o ko Lamana poe, a hookonokono ae la i ko Lamana poe e huhu mai i ka poe kanaka o Nepai, a no ia mea, houna ae la o ke Alii o ko Lamana poe; olelo hoolaha mawaena o kona aina a puni, mawaena o kona poe kanaka a pau, i hoaluulu hou ai lakou ia lakou iho, e hele mai e kana i ko Nepai poe.

17. A eia kekahi, i ka wa i kuiia'ku ai ka olelo hoolaha mawaena o lakou, ua hopohopo nui loa iho la lakou; he oiaio, hopohopo lakou o honaukiuki i ke Alii, a hopohopo no hoi lakou i ka hele mai e kaua i ko Nepai poe, o kailiia'ku ko lakou mau ola. A eia kekahi, aole lakou make-make, a, aole hoi i hoolohe ae ka nui o lakou i na kanoha a ke Alii.

18. Eia kekahi, hubu iho la ke Alii no ko lakou hookuli ana; nolaila, haawi ae la oia ia Amalikia i ka noho luna ana o kela hapa o kona poe koa, ka poe i hoolohe i kana mau kanoha; a kena ae la ia ia e hele aku a e koi ia lakou la e kahiko i na mea kaua. Ano hoi, oia no ka makemake o Amalikia: no ka mea, he kanaka maalea loa oia e hana ino, nolaila, ua kuka iho la oia i ka manao iloko o kona naau e kaili i ka noho alii o ke Alii o ko Lamana poe. Ano, ua loaa ia ia ka noho luna ana o ua poe la o ko Lamana, ka poe i aloha i ke Alii; a imi iho la oia e loaa ai ke aloha

o ka poe i hoolohe ole; hele aku la oia i ka wahi i kapaia ai o Ouida, no ka mea, malaila kahi a ko Lamana poe a pau i mahuka ai; no ka mea, ike aku la lakou i ka poe koa e hele mai ana, a e manao ana e hele mai ana ua poe la e luku mai ia lakou, nolaila, holo aku la lakou i Ouida i kahi o na mea kaua. A ua hoonoho iho la lakou i kekahī kanaka i Alii a i alihī kaua maluna iho o lakou, me ka manao paa loa ma ko lakou mau naau aole loa o lakou e koiia mai e hele ku e i ko Nepai poe.

19. A eia kekahī, ua houluulu lakou ia lakou iho ma kahi hookahi maluna iho o ka piko o ka pun i kapaia'i o Anatipasa, i hoomakaukauia e kaua aku. Ano, aole ia o ko Amalikia manao e kaua ae ia lakou, e like me na kauoha a ke Alii; aka hoi, o kona manao no ia e loaa'i ke aloha me ka poe koa o ko Lamana, e hiki ia ia ke hoonoho iho ia ia iho maluna iho o lakou, a e kaili i ka noho alii mai ke Alii ae, a e loaa ke aupuni. Aia hoi kekahī, kena ae la oia i kona poe koa e kukulu iho i ko lakou mau halelewa ma ke awawa kokoke i ka puu Anatipasa. A eia kekahī, i ka wa poeleele, hoouna ae la oia i ke kauoha malu i ka puu Anatipasa, e makemake ana i ka alihī kaua o ua poe la maluna o ka puu, o Lehonati no kona inoa, e iho mai oia malalo o ka puu, no ka mea, e makemake ana oia e kamailio pu me ia.

20. A eia kekahī, ia Lehonati i loaa'i ke kauoha, aole ona aa e iho malalo iho o ka puu. A eia kekahī, hoouna hou ae la o Amalikia i ka lua o ka manawa, e makemake ana ia ia e iho ilalo. A eia kekahī, aole o Lehonati makemake; a hoouna hou oia i ke kolu o ka manawa. A eia kekahī, ia Amalikia i ike ai aole i hiki ia ia ke koi ae ia Lehonati e iho malalo o ka puu, piiaku la oia i ka puu, a kokoke i ko Lehonati wahī i hoomoana'i: hoouna houaku la oia i ka ha o ka manawa, i kana kauoha ia Lehonati, e makemake ana ia ia e iho ilalo, a nana e lawe pu i kona poe koa kiai me ia.

21. A eia kekahī, ia Lehonati i iho iho ai ilalo me kona poe koa kiai io Amalikia la, makemake ae la o Amalikia ia ia e iho iho ilalo me kona poe koa i ka po, a e poai puni i kela poc kanaka iloko o ko lakou mau wahi i hoomoana'i, i ka poe a ke Alii i haawi iho ai malalo iho ona e noho luna ia'i, a nana e haawi ae ia lakou iloko o ko Lehonati mau lima, ina e hoolilo mai oia ia ia (ia Amalikia,) i alihī kaua lua maluna iho o ka poc koa a pau.

22. A eia kekahī, iho iho la o Lehonati me kona poe kanaka, a hoopuni i ka poe kanaka o Amalikia, a mamua o ko lakou ala ana ma ka wanaao, ua hoopunii a lakou, e ka poe koa o Lehonati. A eia kekahī, ia lakou i ike ai ua hoopunii a lakou, noi ae la lakou ia Amalikia e ae mai oia ia lakou e hui pu me ko lakou poe hoahanau, i luku ole ia'i lakou. Ano, oia no ka mea a Amalikia i makemake io ai.

23. A eia kekahī, hookuu ae la oia i kona poe kanaka, me ke ku e i na kauoha a ke Alii. Ano, oia no ka mea a Amalikia i makemake ai, e hiki ia ia ke hooko i kona mau manao i ke kaili ana i ka noho alii o ke

Alii. Ano, he mea mau me ko Lamana poe, ina e pepehiia ko lakou alihī kana nui, e hoonoho iho i ka hua o na alihī kaua i alihī kaua nui no lakou.

24. A eia kekahī, kena ae la o Amalikia i kekahī o kana poe kauwa e hanai līlī i ka laau make ia Lehonati, a make aku la oia. Ano, i ka wa i make ai o Lehonati, hoonoho iho la ko Lamana poe ia Amalikia i luna a i alihī kaua nui no lakou. A eia kekahī, hele aku la o Amalikia me kona poe koa (no ka mea, ua loaa ia ia kona mau mea i makemake ai,) i ka aina o Nepai, i ke kulanakanuhale o Nepai, oia no ke kulanakanuhale nui. A hele mai la ke Alii e halawai pu me ia, me kona poe koa kiai: no ka mea, manao iho la oia ua hooko aku o Amalikia i kana mau kauoha, a ua houluulu iho la o Amalikia i na puali nui me neia e hele ae i ko Nepai poe e kaua. Aka hoi, me ke Alii i hele mai ai e halawai pu me ia, kena ae la o Amalikia i kana poe kauwa e hele aku e halawai pu me ke Alii. A hele aku la lakou a kulou iho la lakou imua o ke Alii, me he mea la e hoomaikai ia ia, no kona nui. A eia kekahī, kikoo mai la ke Alii i kona lima e hoala ia lakou e like me ka aoao o ko Lamana poe, me he hoailona la o ka maluhia, a ua loaa ia lakou keia hana mai ko Nepai poe ae. A eia kekahī, ia ia i hoala mai ai i ka mea mua mai ka honua ae, aia hoi, hou ae la oia i ke Alii ma ka puu wai; a haule iho la oia i ka honua. Ano, mahuka aku la ka poe kauwa a ke Alii; a hooho ae la ka poe kauwa a Amalikia, i ka i ana, Aia ka! ua hou iho la ka poe kauwa a ke Alii ia ia i ka puu wai, a ua haule iho la oia, a ua mahuka aku la lakou; aia hoi, e hele mai a nana.

25. A eia kekahī, kena ae la o Amalikia i kona poe koa e hele aku, a e ike i ka mea o ke Alii i loohia ai; a ia lakou i hiki ai i ua wahila, a loaa iho la ke Alii e moe ana iloko o kona koko, hookokohu iho la o Amalikia me he mea huhu la, a i ae la, O kela mea keia mea i aloha i ke Alii, e hele aku oia a e alualu i kana poe kauwa, i pepehi loa ia'i lakou.

26. A eia kekahī, ia lakou ka poe a pau i aloha i ke Alii i lohe ai i keia mau hua olelo, hele mai la lakou a alualu aku la mahope o ka poe kauwa a ke Alii. Ano, i ka wa i ike ai ka poe kauwa a ke Alii i kekahī poe koa e alualu ana mahope o lakou, ua makau hou lakou, a mahuka ae la iloko o ka waonahele, a hele mai la i ka aina o Zarahemela, a hui pu iho la me ka poe kanaka o Amona; a hoi hou aku la ka poe koa i alualu mahope o lakou, ua alualu make hewa ia lakou la: a pela o Amalikia ma kona hoopunipuni, i loaa'i na naau o na kanaka.

27. A eia kekahī ia la ae, komo ae la oia iloko o ke kulanakanuhale o Nepai, me kona poe koa, a noho iho la ma ke kulanakanuhale. Eia kekahī, i ke Aliiwahine i lohe ai ua pepehiia ke Alii a make loa: no ka mea, ua hoouna ae la o Amalikia i ka olelo i ke Aliiwahine la, e hoike ana ia ia ua pepehiia ke Alii e kana poe kauwa; a ua alualu aku la oia ia lakou me kona poc koa, aka ua make hewa ia, a ua pakele ae la lakou, nolaila, i ka wa a ke Aliiwahine i loaa'i ua olelo nei, hoouna ae la oia ia Amalikia, e makemake ana ia ia e hookoe iho i ka poe kanaka o ke kulanakanuhale;

a ua makemake no hoi oia ia ia e komo mai io na la a e lawe pu mai i na mea hoike me ia, e hoike mai no ka make o ke Alii.

28. A eia kekahi, lawe pu ae la o Amalikia i ua kauwa la nana ke Alii i pepehi, a me ka poe a pau i ku pu me ia, a hele ae la iloko i ke Aliiwahine la, i ka wahine ana i noho ai; a hoike ae la lakou a pau ia ia ua pepehiia ke Alii e kana poe kauwa pono; a i ae la no hoi lakou, Ua mahuka aku la lakou; aole anei o keia he mea e hoike ku e ai ia lakou? A pela lakou i hoonana i ke Aliiwahine no ka make o ke Alii.

29. A eia kekahi, imi iho la o Amalikia i ke aloha o ke Aliiwahine, a lawe ae la oia i kela i wahine nana; a pela oia ma kona epa a ma ke kokua ana o kana poe kauwa maalea, loaa iho la ia ia ke aupuni; he oiaio, ua aeia oia i Alii mawaena o ka aina a puni, mawaena o ka poe kanaka a pau o ko Lamana, he huina lakou o ko Lamana a me ko Lemuela, a me ko Isemaela, a me na mea mea a pau i kuee a haalele i ko Nepai poe, mai ke au ia Nepai a hiki loa i keia manawa. Ano, na ua poe kuee nei ke ao hookahi ana a me ka naauao hookahi me ko Nepai poe; he oiaio, ua aoia i ka ike hookahi o ka Haku; aka hoi, he mea kupaiianaha e hai aku, aole liuliu mahope iho o ko lakou kuee ana, lilo iho la lakou i poe paakiki a palaka loa, a i poe hihiu, hewa a hae loa, mamua o ko Lamana poe; e hui pu ana me na mooolelo o ko Lamana poe; e ae ana i ka molowa, a i kela ano i keia ano o ka makaleho; he oiaio, e hoopoina loa ana i ka Haku, i ko lakou Akua.

30. Ano, eia kekahi, i ka wa a Amalikia i loaa'i ke aupuni, hoomaka ae la oia e hoopihia i na naau o ko Lamana poe e ku e i ka poe kanaka o Nepai; he oiaio, hoonoho iho la oia i na kanaka e olelo aku i ko Lamana poe mai ko lakou mau hale kiai aku, e ku e ana i ko Nepai poe; a, pela oia i hoopihia ai i na naau o lakou e ku e i ko Nepai poe, a, ma ka hopena o ka makahiki umikumamaiwa o ke au o na Lunakanawai, ua hooko akv oia i na mea ana i noonoo ai a hiki wale i keia manawa; he oiaio, ua hooliloia i Alii maluna iho o ko Lamana poe, a imi no hoi oia e noho alii ai maluna iho o ka aina a puni: he oiaio, a maluna iho o na kanaka a pau ma ka aina, o ko Nepai pu me ko Lamana, nolaila, ua hooko oia i kona mea i noonoo ai, no ka mea, ua hoopakiki iho la oia i na naau o ko Lamana poe, a hoopouli iho la i ko lakou hoomaopopo ana, a hookonokono ae la ia lakou e huhu, a, ua houluulu iho la oia i kekahi pualu nui loa, e hele mai e kaua i ko Nepai poe. No ka mea, ua paa kona manao, no ka lehulehu o kona poe kanaka, e lanakila maluna o ko Nepai poe, a e kai mai ia lakou iloko o ka noho hooluhia ana; a pela oia i hoonoho ai i na luna nui o ko Zorama poe, o lakou no ka poe i ike lea i ka ikaika o ko Nepai poe, a me ko lakou mau wahi i akoakoa ai, a me na wahi nawaliwali loa o ko lakou mau kulanakauhale; nolaila, hoonoho iho la oia ia lakou i poe luna nui maluna iho o kona poe koa.

31. A eia kekahi, lawe aku la lakou mau halelewa, a nee mai la i ka aina o Zarahemela, ma ka waonahele. Ano, eia kekahi, olai e

loaa e ana ia Amalikia ka mana ma ka epa a me ka hoopunipuni, o Moroni hoi ma kekahia aoao, e hoomakaukau e ana oia i na naau o na kanaka e malama pono i ka Haku i ko lakou Akua; he oiaio, e hooikaika e ana oia i ka poe koa o ko Nepai poe, a e kukulu ana i na pakaua, i kau wahi e akoakoa ai; e hooili ana i na puu lepo a puni, e apo ai i kona poe koa, a e kukulu ana i na pa pohaku e hoopuni ai ia lakou a puni, a puni hoi o ko lakou mau kulanakauhale, a me na palena o ko lakou mau aina; he oiaio, a puni ka aina a pau; a iloko o ko lakou mau pakaua nawaliwali hoonoho iho la oia i ka nui o na kanaka; a pela oia i kukulu ai i na pakata a i hooikaika ai i ka aina i nohoia'e ko Nepai poe. A pela oia e hoomakaukau ana e kokua i ko lakou ku okoa ana, a me ko lakou mau aina, i ka lakou poe wahine, a me ka lakou mau keiki, a me ko lakou maluhia, e hiki ia lakou ke ola i ka Haku, ko lakou Akua, a e hiki no hoi ia lakou ke malama i ka mea i kapaia e ko lakou poe enemi, ka aoao o ka poe Kristiano. He kanaka ikaika a mana hoi o Moroni; he kanaka i oo ka ike: he oiaio, he kanaka i lealea ole i ka hookahe koko; he kanaka nona ka uhane i olioli ai i ka noho kauwa ole ana a me ke ku okoa ana o kona aupuni, a me kona poe hoahanau mai ka noho hooluhi ana a me ka noho kauwa ana ae; he oiaio, he kanaka nona ka naau i hu nui ae la me ke aloha aku i kona Akua, no ka nui o na mea e pono ai a e pomaikai ai, ana i hooili mai ai maluna iho o kona poe kanaka; he kanaka hoi i hana ikaika loa no ka pomaikai a maluhia hoi o kona poe kanaka; he oiaio, a he kanaka oia i paa ma ka manaoio o Kristo, a ua hoohiki e oia me kekahia olelo ku paa, e hoomaluaku i kona poe kanaka, a me kona mau mea e pono ai, i kona aupuni, a me kona hoomana ana, a hiki aku i ka hookaheia'na o kona koko.

32. Ano, ua aoia ko Nepai poe e hoomaluaku ia lakou iho i ko lakou poe enemi, a hiki aku i ka hookahe ana i ke koko, ina he mea ia e pono ai; he oiaio, a ua aoia no hoi lakou e hooihia ole loa aku; he oiaio, a e hoaka ole loa aku i ka pahikaua, ke ole ia i kahi enemi, ke ole ia e hoopakele i ko lakou mau ola: a o keia no ko lakou manaoio, ma ka hana ana peia, e hoopomaikai mai ke Akua ia lakou ma ka aina; oia hoi ma na olelo e ae, ina e ikaika lakou ma ka malama ana i na kauoha a ke Akua, nana e hoopomaikai mai ia lakou ma ka aina; he oiaio, e ao mai ia lakou e hee aku, a i ole ia, e hoomakaukau no ke kaua, e like me ko lakou popilikia; a e hoike mai no hoi ke Akua ia lakou, i kahi a lakou e hele aku ai e hoomaluaku ia lakou iho i ko lakou poe enemi; a ma ka hana ana pela, e hoopakele mai ka Haku ia lakou, a oia no ka manaoio o Moroni; a ua olioli kona naau iloko o ia mea; aole ma ka hookahe ana i ke koko, aka i ka hana ana i ka maikai, i ka hoopakele ana i kona poe kanaka; he oiaio, i ka malama ana i na kauoha a ke Akua; he oiaio, a i ka pale aku ana i ka ino. Oiaio, he oiaio ka'u e olelo aku nei ia oukou, ina ua like na kanaka a pau mamua aku, a i keia manawa, a ma keia hope aku, me Moroni, aia hoi, alaila ua hoonaueneia na mea manua o Gehena no

ka wa pau ole; he oiaio, aole loa e loaa'i i ka diabolo ka mana maluna iho o na naau o na keiki a kanaka. Aia hoi, he kanaka like oia me Amona, ke keiki a Mosia, he oiaio, a me na keiki e ae a Mosia; he oiaio, a me Alama no hoi a me kana mau keiki, no ka mea, he poe kanaka lakou a pau o ke Akua. Auo hoi, aole i emi iho ka pomaikai o na kanaka ia Helamana a me kona mau kaikaina, maimua o Moroni; no ka mea, hai aku la lakou i ka olelo a ke Akua, a bapetizo iho la lakou i ka mihi i na kanaka a pau, ka poe i hoolohe mai i ka lakou mau olelo.

33. A pela lakou i hele aku ai, a ua hoohaahaa na kanaka ia lakou iho no ka lakou mau olelo, a, ua kokua nui ia lakou e ka Haku; a pela lakou i kaawale ai mai na kaua a me na paio ae mawaena o lakou iho; he oiaio, no na makahiki eha. Aka me a'u i i aku ai ma ka hopena o ka makahiki umikumamaiwa; he oiaio, me ko lakou maluhia nae mawaena o lakou iho, ua koii'a lakou me ka makemake ole e paio aku me ko lakou poe hoahanau, ko Lamana poe; he oiaio, aole loa i hookiia na kaua o lakou no na makahiki he nui wale me ko Lamana poe, me ka nui nae o ko lakou makemake ole. Ano, ua kaumaha lakou e lalau iho i na mea kaua e ku e i ko Lamana poe, no ka mea, aole lakou lealea ma ka hookahe ana i ke koko; he oiaio, aote o ia mea wale no; ua kaumaha hoi lakou e lilo ae i kumu e hoouna aku ai i na uhane he nui o ko lakou poe hoahanau iwaho o ke ao nei iloko o kekahi ao mau loa, me ka makaukau ole e halawai pu me ko lakou Akua; aka, aole e hiki ia lakou ke ae aku e waiho iko lakou mau ola, i lukuia'i ka lakou poe wahine a me ka lakou poe keiki, e ka hana lokokino a aloha ole hoi o ua poe la, o ko lakou poe hoahanau lakou i kekahi manawa mamua, he oiaio, a ua kuee mai i ko lakou ekalesia, a ua haalele mai ia lakou, a ua hele aku e anai mai ia lakou, ma ka hui ana i ko Lamana poe, he oiaio, a ua hiki ole ia lakou ke ae aku e hauoli ko lakou poe hoahanau maluna iho o ke koko o ko Nepai poe, oiai e noho ana kekahili poe nana e malama i na kauoha a ke Akua, no ka mea, eia no ka hoohiki a ka Haku, Ina e malama lakou i kana mau kauoha, e hoopomaikaiia lakou ma ka aina.

34. Ano, eia kekahili, ma ka malama umikumamakahi o ka makahiki umikumamaiwa, ma ka la umi o ka malama, ua ikeka poe koa o ko Lamana poe e nee mai ana i ka aina o Amoniha. Aia hoi, ua kukulu hou ia ke kulanakauhale, a ua hoonoho iho o Moroni i kekahili poe koa ma na palena o ke kulanakauhale, a ua hooili aku lakou i lepo a puni, e paku ia lakou no na pua a me na pohaku a ko Lamana poe: no ka mea, kaua mai la lakou me na pohaku, a me na pua. Aia hoi, ua i aku au ua kukulu hou ia ke kulanakauhale o Amoniha. Ke i aku nei au ia oukou, he oiaio, ua kukulu hapa ia, a no ka anai e ana o ko Lamana poe ia wahī i kekahili manawa mamua no ka hala o na kanaka, ua manao lakou e lilo hou ia i mea pio oluolu no lakou. Aka hoi, nani wale ka ko lakou kuhī hewa: no ka mea, o ko Nepai poe ua kope ae la lakou i puu lepo a puni o lakou, a no ke kiekie ua hiki ole i ko Lamana poe ke hoolei mai i ka lakou mau poihā-

ku a me ka lakou mau pua ia lakou nei, e hoeha ia lakou nei, aole hoi i hiki ia lakou ke lele mai maluna o lakou nei, ke ole ma ko lakou nei puka e komo ai. Ano, i keia manawa, ua kahaha nui loa ka poe luna nui o ko Lamana poe, no ke akamai o ko Nepai poe i ka hoomakaukau ana i na wahi o lakou e malu ai. Ano, ua manao na luna o ko Lamana poe, no ka lehulehu loa o lakou; he oiaio, ua manao lakou e aeia'ku lakou e lele mai maluna o lakou nei me lakou i hana'i mamua aku; he oiaio, a ua hoomakaukau no hoi lakou ia lakou iho me na pale-lima, a me na pale-umauma; a ua hoomakaukau no hoi lakou ia lakou iho me na aahu ili; he oiaio, na aahu manoanoa loa, e uhi i ko lakou oloheloh. A no ka hoomakaukauia'na peia, ua manao lakou e lanakila lakou me ka luhi ole a hookauwa iho i ko lakou poe hoahanau i ka auamo hooluhi, a i ole ia e pepehi a e luku mai ia lakou nei e like me ko lakou mea e lealea ai. Aka hoi, me ke kahaha nui loa o lakou, ua hoomakaukauia lakou nei no lakou, ma ke ano i ike e ole ia mamua mawaena o ka poe mamo a Lehi. Ano, ua hoomakaukauia lakou no ko Lamana poe, e kaua mamuli o ke ano o na olelo ao a Moroni.

35. A eia kekahī, ua kahaha nui loa iho la ko Lamana poe, a o ko Amalikia poe, ma ke ano o ko lakou hoomakaukau ana no ke kana. Ano, ina na iho mai ilalo ke Alii Amalikia mawahō o ka aina o Nepai, ma ke alo o kona poe koa, malia paha ua kena ae la oia i ko Lamana poe e hoouka mai i ko Nepai poe ma ke kulanakauhale o Amoniha; no ka mea hoi, aole ona malama i ke koko o kona poe kanaka. Aka hoi, aole i iho mai o Amoniha, oia iho, e kaua. A, aia hoi, aole o kona poe luna nui i aa e hoouka mai i ko Nepai poe ma ke kulanakauhale o Amoniha, no ka mea, ua hoano e o Moroni i ka hooponopono ana o na mea mawaena o ko Nepai poe, a no ia mea, ua loaa ole iho i ko Lamana poe ko lakou mau wahi e pee ai; a, aole e hiki ia lakou ke lele mai maluna iho o lakou nei; nolaila, hele aku la lakou iloko o ka waonahele, a lawe aku la i ko lakou mau halelewa, a haele ae la i ka aina o Noa, e manao ana o ka wahi mai-kai e ae ia no lakou e hele ae, e ku e mai i ko Nepai poe; no ka mea, aole lakou i ike ua hooikaika o Moroni a kukulu iho la i na pakaua e malu ai no ko kela kulanakauhale no ko keia kulanakanahale ma ka aina a puni; nolaila, haele ae la lakou i ka aina' o Noa, me ka manao paa; he oiaio, hele mai la ko lakou poe luna nui, a hoohiki iho la lakou e anai mai lakou i ko kela kulanakauhale. Aka hoi, me ke kabaha o lakou, o ke kulanakauhale o Noa, he wahi nawaliwali no ia mamua aku, ua lilo iho la ia i keia manawa, ma o Moroni la i wahi ikaika; he oiaio, e oi aku ana mamua o ka ikaika o ke kulanakauhale o Amoniha. Ano hoi, he naauao keia iloko o Moroni; no ka mea, ua manao iho la oia e hoopuiwaia lakou ma ke kulanakauhale Amoniha; a o ke kulanakauhale o Noa ka wahi nawaliwali loa ma ka aina mamua aku, nolaila, e hele aku lakou ilaila e kaua; a pela no ia, e like me kona mau makemake. Aia hoi, ua hoonoho iho la o Moroni ia Lehi i luna nui maluna iho o na kanaka o ia kulanakauhale;

a o ua Lehi la no ia nana i kaua pu me ko Lamana poe ma ke awawa, ma ka hikina o ka muliwai Sidona.

36. A aia hoi kekahi, i ko Lamana poe i ike ai o Lehi no ka luna no ke kulanakauhale, ua make hewa hou lakou, no ka mea, ua hopohopo nui loa iho la lakou ia Lehi; aka hoi, ua hoohiki iho la ko lakou poe luna nui me kahi olelo kupaa, e hoouka mai i ke kulanakauhale; nolaila, kai mai la lakou i na pualo o lakou. Ano hoi, aole e hiki i ko Lamana poe ke komo mai iloko o ko lakou nei mau pakaua e malu ai, ma kekahi ala e, ke ole ma ka puka, no ke kiekie o ka puu i hooililia iluna, a me ka hohonu o ka auwai i elia'i a puni, ma ka puka wale no koe. A pela i hoomakaukaania'i ko Nepai poe e luku aku i na mea a pau e hoao ai e pii iluna e komo mai i ka pakaua ma kekahi ala e ae, ma ka hoolei ana i na pohaku a me na pua ia lakou. Pela lakou i hoomakaukaania'i; he oiaio, he pualo o ko lakou poe kanaka ikaika loa, me ka lakou mau pahikaua a me ka lakou mau maa, e hahau aku i ka poe a pau e hoao mai ana e komo ma ka puka e komo ai, iloko o ko lakou wahi e malu ai: a pela i hoomakaukaania'i lakou e hoomalu ia lakou iho i ko Lamana poe.

37. A eia kekahi, kai mai la ka poe luna nui o ko Lamana poe i na pualo o lakou imua o ka puka e komo ai, a hoomaka ae la e paio mai me ko Nepai poe, e komo mai iloko o ko lakou nei wahi e malu ai; aka hoi, ua hooauheeia'ku lakou ia manawa'ku ia manawa'ku, a pepehi nui ia lakou, me ka luku nui loa. Ano, ia lakou i ike ai ua hiki ole ia lakou ke loaa ka mana maluna iho o ko Nepai poe ma ke alahele, hoomaka ae la lakou e eli ilalo i ko lakou nei mau puu lepo, e hiki ia lakou ke loaa'e i alahele no na pualo o lakou, i loaa'i ia lakou ka pomaikai like e kaua; aka hoi, ma keia mau hoao ana, ua kahiliia'ku lakou e na pohaku a me na pua i hooleiia'ku ia lakou; a ma kahi o ka hoopihia'na i na auwai ma ka hoohaahaa ana i na puu lepo, ua hoopihia hapa ia me na kino make a eha o lakou. Pela he mana loa ko ko Nepai poe maluna iho o ko lakou poe enemi; a pela ko Lamana poe i hoao ai e luku mai i ko Nepai poe, a pau ae la ko lakou poe luna nui i ka pepehiia; he oiaio, a ua oi aku mamua o ka tau-sani hookahi o ko Lamana poe i pepehiia, a ma kekahi aoao hoi, aole o ko Nepai poe mea i pepehiia. Ua kokoke he kanalima i hoohaia, ka poe i paku ole ia i na pua o ko Lamana poe ma ke alahele, aka ua paleia lakou e na pale-lima, a me ko lakou mau pale-umauma, a me ko lakou mau pale-poo, a no ia mea, ma na wawae ko lakou mau eha; a ua nui loa kekahi o ua mau eha'nei.

38. A eia kekahi, i ka wa a ko Lamana i ike ai ua pepehia ko lakou poe luna nui a pau, hee aku la lakou iloko o ka waonahele. A eia kekahi, hoi aku la lakou i ka aina o Nepai, e hai aku i ko lakou Alii, o Amalikia, he Nepai hoi oia ma ka hanau ana, no ko lakou poho nui. A eia kekahi, huhu nui loa iho la oia me kona poe kanaka, no kona loaa ole ana kona mea i makemake ai maluna iho o ko Nepai poe; ua hookauwa ole oia ia lakou i ka auamo hooluh; he oiaio, ua ukiuki nui loa oia, a kuamuamu

aku la oia i ke Akua, a me Moroni no hoi, a e hoohiki ino ana me kekahi olelo kupaa nana e inu i kona koko; a o keia no ka malama ana o Moroni i na kauoha a ke Akua i ka hoomakaukau ana no ka maluhia o kona poe kanaka. A eia kekahi, ma keia aoao, ua aloha aku ko Nepai poe i ka Haku, i ko lakou Akua, no kona mana loa i ka hoopakele ana mai ia lakou i na lima o ko lakou poe enemi. A pela i pau ai ka makahiki umiku-mamaiwa o ke au o na Lunakanawai maluna iho o ka poe kanaka o Nepai: he oiaio, a he malu mau mawaena o lakou, a me ka pomaikai nui loa ma ka ekalesia, no ko lakou hoolohe ana a hooikaika ana i ka malama ana o lakou i ka olelo a ke Akua, i haiia'ku ai ia lakou e Helamana, a me Sibalona, a me Korianatona, a me Amona, a me kona poe hoahanau, a ia mea aku ia mea aku: he oiaio, e ka poe a pau i hooliloia'i e ka aoao hemolele o ke Akua, i bapetizoia i ka mihi, a hoounaia'e la e hai olelo aku mawaena o na kanaka, a pela aku.

MOKUNA XXII.

1. Ano, eia kekahī, aole i hooki ae o Moroni i kona hoomakaukau ana no ke kaua, a e hoomalu aku hoi i kona poe kanaka i ko Lamana poe; no ka mea, kauoha ae la oia i na puali ona e hoomaka ma ka makamua o ka makahiki iwakalua o ke au o na Lunakanawai, e hoomaka lakou e kope ae i na puu lepo a puni na kulanakauhale, mawaena o ka aina a puui i no-hoia'i e ko Nepai poe; a maluna ae o ua mau puu lepo nei, kena ae la oia e kapilia na laau, he oiaio, na laau i like ke kiekie me ko ke kanaka, a puni na kulanakauhale. A kauoha ae la oia e kapilia he pa laau ooi maluna iho o na laau, a puni; a ua ikaika a kiekie hoi ia mau mea; a kauoha ae la oia e kukuluia na hale kiai e makai ai i ua mau pa laau ooi la; a kauoha ae la oia e kukuluia na wahi e malu ai maluna iho o kela mau hale kiai, i hiki ole ai i na pohaku a me na pua o ko Lamana poe e hoeha mai ia lakou. A ua hoomakaukauia lakou, e hiki ia lakou ke nou aku i na pohaku mailuna ae olaila, e like me ko lakou makemake a me ko lakou ikaika, a e pepehi i ka mea nana e hoao e hookokoke mai i na pa o ke kulanakauhale. Pela o Moroni i hoomakaukau ai i na wahi paa, no ka wa e hiki mai ai ko lakou poe enemi, a puni kela kulanakauhale keia kulanakauhale ma ke aina a pau.

2. A eia kekahī, kauoha ae la o Moroni i na puali ona e hele aku iloko o ka waonahele hikina; he oiaio, a hele aku la lakou, a hooauhee aku la i ko Lamana poe a pau, ka poe e noho ana ma ka waonahele hikina, i ko lakou mau aina iho, aia ma ka hema o ka aina o Zarahemela; a moe pololei iho la ka aina o Nepai mai ke kai hikina a i ke kai komohana. A eia kekahī, ia Moroni i hooauhee aku ai i ko Lamana poe mawaho o ka waonahele hikina, ma ka akau ia o ko lakou mau aina hooilina iho, kau-

oha ae la oia i na kanaka e noho ana ma ka aina o Zarahemela, a ma ka aina a puni, e hele aku iloko o ka waonahele hikina, a hiki wale aku i na palena, ma ke kahakai, a e noho ma ka aina. A hoonoho iho la no hoi oia i na poe koa ma ka hema, ma na palena o na hooilina o lakou, a kauoha ae la ia lakou e kukulu iho i na pakaua, e hiki ia lakou ke malu ai i na poe koa o lakou a me ko lakou poe kanaka mai na lima ae o ko lakou poe enemi. A pela oia i hooke aku aii na wahi paa o ko Lamana poe, ma ka waonahele hikina; he oiaio, a ma ke komohana no hoi, e hooikaika ana i ka palena mawaena o ko Nepai poe a me ko Lamana poe, mawaena o ka aina o Zarahemela a me ka aina o Nepai; mai ke kai komohana, e hele ana ma ke poo o ka muliwai Sidona; e noho ana ko Nepai poe i ka aina a pau ma ka akau; he oiaio, i ka aina a pau ma ka akau o ka aina o Monoma, e like me ko lakou makemake. Pela o Moroni, me na puali ona, i mahuahua ai lakou i kela la i keia la, no ka manaolana i ka hoomaluhia ana o kana mau hana i kupu mai ai ia lakou; nolaila, imi iho la lakou e hooki aku i ka ikaika a me ka mana o ko Lamana poe, mai ko lakou mau aina hooilina aku, i ole mana lakou la maluna iho o ko lakou mau aina hooilina.

3. A eia kekahi, hoomaka iho la ko Nepai poe i ke kahua o kekahi kulanakauhale; a kapa ae la lakou i ka inoa o ke kulanakauhale o Moroni; a ma ke kai hikina ia; a ma ka hema ia ma ka palena o na hooilina o ko Lamana poe. A hoomaka iho la no hoi lakou i ke kahua no kekahi kulanakauhale mawaena o ke kulanakauhale o Moroni a me ke kulanakauhale o Aarona, e pili ana i na palena o Aarona a me Moroni; a kapa ae la lakou i ka inoa o ke kulanakauhale, a o ka aina hoi, o Nepaiha. A hoomaka iho la no hoi lakou i ua makahiki la, e kukulu i na kulanakauhale he nui ma ka akau; o kekahi ua kaulaua a lakou i kapa ai o Lehi, ma ka akau, ma na kapa o ke kahakai ia. A pela i pau ai ka makahiki iwakalua. A ma keia noho pomaikai ana ko Nepai poe i ka makamua o ka makahiki iwakaluakumamakahoi ke au o na Lunakanawai maluna iho o ka poe kanaka o Nepai. A ua hoopomaikai nui loa ia lakou, a liro iho la lakou i poe waiwai loa; he oiaio, a hoonui aku la lakou, a ua ikaika ma ka aina. A pela kakou i ike ai i ka nani o ka lokomaikai a pololei o na hana a pau a ka Haku, i ka hooko ana i kana mau olelo a pau i na keiki a kanaka: he oiaio, ua hiki ia kakou ke ike ua hooiaioia mai kana mau olelo i keia manawa, ana i olelo mai ai ia Lehi, i ka i ana, Pomaikai oe a me kau poe mamo; a e hoomaikaiia auanei lakou, a ina e malama mai lakou i ka'u mau kauoha, e hoopomaikaiia auanei lakou ma ka aina. Aka e hoomanao, ina aole lakou e malama mai i ka'u mau kauoha e hookiia'ku lakou mai ke alo aku o ka Haku. A ke ike nei kakou ua hooiaioia mai ua mau olelo pomaikai nei i ka poe kanaka o Nepai; no ka mea, na ko lakou hakaka ana a me ko lakou paio ana, he oiaio, na ko lakou pepehi kanaka ana, a me ko lakou powa ana, a me ko lakou hoomanakii ana, ko lakou moe kolohe ana, a me ko lakou mau mea hoopailua, ma wa-

ena o lakou iho, i lawe mai ai maluna iho o lakou i ko lakou mau kaua a me ko lakou luku ana. A o ka poe i molowa ole i ka malama ana i na kauoha a ka Haku, ua hoopakeleia mai i na manawa a pau, oiai i hookuuia'i na tausani o ko lakou poe hoahana hewa i ka noho hooluhi ana, a i ole ia, e make ma ka pahikaua, a i ole ia, e emi iho iloko o ka hoomaloka, a e hui pu me ko Lamana poe. Aka hoi, aole he manawa i oi aku ka po-maikai mawaena o ka poe kanaka o Nepai, mai na la o Nepai mai, mamua o na la o Moroni; he oiaio, ma keia manawa, ma ka makahiki iwakaluakumamakahki o ka au o na Lunakanawai. A eia kekahiki, pau ae la no hoi ka makahiki iwakaluakumamalua o ke au o na Lunakanawai me ka maluhia; he oiaio, a me ka iwakaluakumamakolu makahiki.

4. A eia kekahiki, ma ka makamua o ka makahiki iwakaluakumamaha o ke au o na Lunakanawai, he maluhia no hoi mawaena o ka poe kanaka o Nepai, ina aole i ea mai ai he paio mawaena o lakou no ka aina o Lehi, a me ka aina o Morianatona, e pili ana ma na palena o Lehi; ma na palena laua a elua ma kahakai. No ka mea hoi, o ka poe kanaka i noho ai ma ka aina o Morianatona, ua koi ae i kekahiki hapa o ka aina o Lehi; nolaila, hoomaka ae la ka paio ikaika mawaena o lakou, a lalau iho la ko Morianatona i na mea kaua e ku e i ko lakou poe hoahana, a ua paa ko lakou manao e pepehi ia lakou nei me ka pahikaua. Aka hoi, o ka poe kanaka i noho ai ma ka aina o Lehi, hee ae la lakou i kahi a Moroni i hoomoana'i, a hoopii ae ia ia no ke kokua; no ka mea, aole lakou iloko o ka hewa.

5. A eia kekahiki, i ka wa a ko Morianatona poe, ka poe i alakaiia e kekahiki kanaka o Morianatona kona inoa, i ike ai ua hee ae ko Lehi i kahi a Moroni i hoomoana'i, ua hopohopo nui loa lakou o hiki mai ka poe koa o Moroni maluna iho o lakou, a e luku aku ia lakou; nolaila, hookomo iho la o Morianatona iloko o ko lakou mau naau e mahuka aku lakou i ka aina ma ka akau, i uhiia me na moanawai nui, a e noho ai i ka aina ma ka akau. A, aia hoi, e hooko ana lakou i keia kuka manao, (a ina pela he mea ia e minamina nui ia,) aka, he kanaka huhu nui o Morianatona, nolaila, ua huhu oia i kekahiki o kana mau kauawayahine, a lele ae la oia maluna iho ona, a pepehi nui ia ia. A eia kekahiki, mahuka ae la oia, a hele mai la i kahi a Moroni i hoomoana'i, a hai mai la ia Moroni i na mea a pau no ia hana; a no ko lakou mau manao e holo aku iloko o ka aina akau. Ano hoi, o ka poe kanaka e noho ana ma ka aina Momona, a o Moroni, ua makau oia o hoolohe ae lakou i na olelo a Morianatona, a e hui pu me kona poe kanaka, a pela oia e loaa'i kela mau wahi o ka aina, a e lilo ia mea i kumu no na mea poino nui mawaena o ka poe kanaka o Nepai; he oiaio, a e lilo keia mau mea poino i mea e hookahuli ai i ko lakou ku okoa ana; nolaila, hoouna aku la o Moroni i kekahiki poe koa, me ko lakou mau hale-lewa, e alai i ko Morianatona poe, e hooki aku i ko lakou holo ana iloko o ka aina akau. A eia kekahiki, aole lakou i alai ai ia lakou la a hiki aku lakou i na palena o ka aina Neoneo; a malaila lakou i alai ai ia lakou la,

ma ka pualī ololi, kahi e hele aku ai ma ke kai iloko o ka aina akau; he oiaio, ma ke kai, ma ke komohana, a ma ka hikina.

6. A eia kekahī, halawai pu ka poe koa i hoounaia'ku e Moroni, i alakaiia e kekahī kanaka o Teanacuma, me ko Morianatona poe; a ua paakiki loa iho la ko Morianatona poe, (i uluia'i e kona hewa a me kana mau olelo malimali,) a hoomaka ae la ke kaua mawaena o lakou, a ma ua kaua la pepehi aku la o Teanacuma ia Morianatona, a lanakila maluna iho o kona poe koa, a lawe pio ae la ia lakou, a hoi mai la i kahi a Moroni i hoomoana'i. A pela i pau ai ka makahiki iwakalukumamaha o ke au o na Lunakanawai maluna iho o ka poe kanaka o Nepai. A pela i hoihoi hou ia mai ai ko Morianatona poe. A ma ka lakou hana berita ana e noho malie, ua hoihoi hou ia lakou i ka aina o Morianatona, a ua hanaia ke kui-kahi mawaena o lakou a me ko Lehi; a ua hoihoi hou ia lakou no hoi i ko lakou mau aina.

7. A eia kekahī ma ua makahiki la a ko Nepai poe i hoihoiia mai ai ka malu ia lakou, make aku la o Nepaiha, ka lua o na Lunakanawai Nui, a ua hoopīha oia i ka noho hookolokolo me ka pololei loa imua o ke Akua; aka hoi, ua hoole ae oia ia Alama e lawe i kela mau mooolelo a me kela mau mea i manaoia e Alama a me kona poe kupuna he laa loa: nolaila, ua hooili mai o Alama i ua mau mea la maluna iho o kana keikikane Helamana.

8. Aia hoi kekahī, ua hoonohoia ke keiki a Nepaiha e hoopīha ai i ka noho hookolokolo, ma ka hakahaka o kona makuakane; he oiaio, ua hoonohoia oia i Lunakanawai Nui, a i Kiaaina hoi maluna iho o na kanaka, me kekahī hooihiki a oihana laa hoi e hookolokolo pono, a e malama i ka maluhia, a me ke ku okoa ana o na kanaka, a e ae aku ia lakou i ko lakou mau pono laa e hoomana aku i ka Haku, i ko lakou Akua; he oiaio, e kokua a e malama i ka aoao o ke Akua i kona mau la a pau, a e kai mai i ka poe hewa i ka hoopai, e like me ko lakou hewa. Ano hoi, o Pahorana no kona inoa. A hoopīha iho la o Pahorana i ka noho o kona makuakane, a hoomaka ae la oia i kona au ma ka hopena o ka makahiki iwakalukumamaha, maluna iho o ka poe kanaka o Nepai.

MOKUNA XXIII.

1. Ano, eia kekahī, ma ka makamua o ka makahiki iwakalukumamalima o ke au o na Lunakanawai maluna iho o ka poe kanaka o Nepai, ua hookupaaia ka maluhia e lakou mawaena o ko Lehi a me ko Morianatona, no ko lakou mau aina, a ua hoomaka hoi ka makahiki iwakalukumamalima ma ka maluhia; aole nae lakou i malama loihi ai he malu loa ma ka alia, no ka mea, hoomaka ae la he paio mawaena o na kanaka no ka Lunakanawai Nui, no Pahorana; no ka mea, aia hoi, o kekahī poe o na kanaka

i makemake e hoololiia'e kekahī mau mea o ke kanawai. Aka hoi, aole no o Pahorana i hoololi ae, aole hoi i ae aku e hoololiia'e ke kanawai; nolaila, aole oia i hoolohe aku i ka poe i hoouna mai i ko lakou mau leo a me ko lakou mau hoopii, no ka hoololiia'na o ke kanawai; nolaila, o ka poe e makemake ana e hoololiia'e ke kanawai, ua hulu ia ia, a makemake ae la e noho hou ole ai oia i Lunakanawai Nui maluna iho o ka aina; nolaila, ea ae la he paio wela no keia mea, aka aole nae i ka hookahē koko.

2. A eia kekahī, ua kapaia ka poe e makemake ana e kipakuia mai o Pahorana mai ka noho hookolokolo ae, he poe-makemake-Alii, no ka mea, ua makemake lakou e hoololiia'e ke kanawai ma kekahī ano e hookahuli ae i ke aupuni ku okoa, a e hoonoho iho i Alii maluna iho o ka aina. A lawe mai la ka poe e makemake ana ia Pahorana e noho mau ai i Lunakanawai Nui maluna iho o ka aina, i ka iuoa poe-ku-okoia maluna iho o lakou; a pela la ka mokuahana mawaena o lakou: no ka mea, ua hoochiki ka poe-ku-okoia, a ua hana berita e malama i na pono o lakou, a me na pomaikai o ko lakou hoomana ana ma kekahī aupuni ku okoa.

3. A eia kekahī, ua hoopauia keia kumu o ko lakou paio ana e ka leo o na kanaka. A eia kekahī, hiki mai la ka leo o na kanaka ma ka aoao o ka poe-ku-okoia, a noho iho la o Pahorana ma ka noho hookolokolo, a he mea ia e hanoli nui ai mawaena o ka poe hoahanau o Pahorana, a me na mea he nei wale o ka poe-ku-okoia; o lakou hoi ka i hoohamau i ka poe-makemake-Alii i aa ole ai lakou e ku e mai, aka, ua koiia e kokua i ka aoao ku okoa. Ano, o ka poe e makemake ana i na'Lii, he poe kiekiae ma ka hanau ana lakou; a imi iho la lakou e lilo i poe Alii; a ua kokuaia lakou e ka poe i imi ai i ka mana a me ka noho luna ana maluna iho o na kanaka. Aka hoi, he manawa pilikia keia no na paio me neia mawaena o ka poe kanaka o Nepai: no ka mea hoi, ua hookonokono hou o Amalikia i na naau o ka poe kanaka o Lamana, e ku e mai i ka poe kanaka o ko Nepai, a e houluulu ana oia i na koa, mai na kihi a pau o kona aina, a e kahiko ana ia lakou, a e hoomakaukau ana ia lakou no ke kaua, me ka ikaika a pau; no ka mea, ua hoochiki oia e imu iho i ke koko o Moroni. Aka hoi, e ike auanei kakou o kana olelo hoochiki ana i hana'i, ua lapuwale ia; aka, hoomakaukau nae oia ia ia iho a me na puali ona, e hele mai e kaua i ko Nepai poe. Ano, aole lehulehu loa na puali ona e like me ka manawa mamua aku, no ka nui o na tausani i pepehia'i e ka lima o ko Nepai poe; aka me ko lakou lilo nui, ua houluulu ae la nae o Amalikia he poe puali nui loa kupanaha, no ia mea, aole ona makau e iho mai i ka aina o Zarahemela. He oiaio, iho maoli mai la o Amalikia ma ke alo o ko Lamana poe. A ma ka makahiki iwakaluakumamalima o ke au o na Lunakanawai; a ma ka manawa hookahī hoi ia a lakou i hoomaka ai e hoopau i na mea o ko lakou mau paio no ka Lunakanawai Nui, no Pahorana.

4. A eia kekahī, i ka wa a na kanaka ka poe i kapaia he poe-makemake-Alii, i lohe ai e iho mai ana ko Lamana poe e kaua mai ia lakou, ua hoihoi lakou iloko o ko lakou mau naau, a hoole mai la lakou

e lalau iho i na mea kana; no ka mea, ua ukiuki lakou i ka Lunakanawai Nui, a i ka poe ku okoa hoi, aole lakou e lalau iho i na mea kaua e hoomalu aku i ko lakou aupuni. A eia kekahī, ia Moroni i ike aī i keia a i ike aī no hoi e hele mai ana ko Lamana poe iloko o na palena o ka aina, ua hahu nui loa iho la ia, no ka paakiki o ua poe kanaka la, ka poe ana i hanai'i me ka ikaika nui me neia e hoola; he oiaio, ua ukiuki nui loa iho la ia; ua hoopihāia kona naau me ka hahu ia lakou. A eia kekahī, hoouna ae la oia i palapala noi, me ka leo o na kanaka, i ke kiaaina o ka aina, e makemake ana ia ia e heluhelu ia mea, a e haawi mai ia ia, (ia Moroni,) i ka mana e koi aku i ua poe kuee la e hoomalu i ko lakou aupuni, a i ole ia, e pepehi aku ia lakou a make; no ka mea, o kona manao mua ia e hoopau aku i na paio, a me na kuee me neia mawaena o na kanaka; no ka mea hoi, oia no ke kumu mamua a hiki wale i keia manawa o ko lakou lukuia'na a pau. A eia kekahī, ua aeia mai ia mea, e like me ka leo o na kanaka.

5. A eia kekahī, kena aku la o Moroni i kona poe koa e hele ku e aku i ua poe-makemake-Alii la, e hoohiolo iho i ko lakou haaheo a me ko lakou ano hanohano, a e hoohaahaa iho ia lakou ma ka honua, a i ole ia, e lalau iho lakou i na mea kaua a e kokua i ka aoao ku okoa. A eia kekahī, hele ku e aku la na puali ia lakou; a hoohiolo iho la no lakou i ko lakou la haaheo a me ko lakou la ano hanohano, a, me lakou la i hoaka ai i ko lakou la mau mea kaua e kaua mai i ka poe kanaka o Moroni, ua okiia iho lakou la ilalo, a hoohaahaaia iho la i ka honua. A eia kekahī, he mau tausani eha o ua poe kneec la, ka i okiia ilalo e ka pahikaua; a o na luna o lakou i pepehi ole ia ma ke kaua, ua hopua a hahaoia iloko o ka halepaahao, no ka mea, aohe manawa no na hookolokolo o lakou i keia wa; a o ke koena o ua poe kuee la ae mai lakou i ka hae o ke ku okoa ana, e makemake ana ia mea mamua o ka hahania'na ilalo i ka honua e ka pahikaua, a ua koiia lakou e kau ae i ka hoailona o ke ku okoa ana ma luna iho o na hale kiai o lakou, a ma na kulanakauhale o lakou, a e lalau iho i na mea kaua e hoomalu aku i ko lakou aupuni. A pela o Moroni i hoopau ai i na poe-makemake-Alii la, i ole i ikeia kekahī ma ka inoa poe-makemake-Alii; a pela oia i hoopau ai i ka paakiki, a me ka haaheo o ua poe kanaka la, ka poe i kaena ai he koko alii ko lakou; aka ua laweia lakou e hoohaahaa ia lakou iho e like me ko lakou poe hoahanau, a e kaua makau ole no ko lakou ku okoa ana mai ka noho luhi ana ae.

6. Eia hoi kekahī, oiai o Moroni e wawahī ana ilalo pela i na kaua a me na paio mawaena o kona poe kanaka iho, a e lawe ana ia lakou i ka maluhia a noho maikai ana, a e hana ana i na mea hooponopono e hoomakaukau ai no ke kaua i ko Lamana poe, aia hoi, ua komo mai la ko Lamana poe iloko o ka aina o Moroni, ma na palena ia ma ke kahakai.

7. A eia kekahī, aole i lawa ka ikaika o ko Nepai poe ma ke kulana-kauhale o Moroni; nolaila, hooauhee mai la o Amalikia ia lakou, e pepehi ana i na mea he nui. A eia kekahī, loaa iho la ia Amalikia ke kulanakauhale; he oiaio, loaa iho la na pakaua a pau o lakou. A o ka poe i auhee

ae ai mailoko aku o ke kulanakauhale o Moroni, hele aku la lakou i ke kulanakauhale o Nepaiha; a houluulu iho la ko ke kulanakauhale o Lehi ia lakou iho, a liuliu ae la, a ua makaukau e loaa ko Lamana poe e kaua.

8. Aka eia kekahī, aole e kuu aku o Amalikia i ko Lamana poe e hele ku e aku i ke kulanakauhale o Nepaiha e kaua, aka alakai ae la ia lakou ilalo ma kahakai, e hoonoho ana i na kansaka ma kela kulanakauhale keia kulanakauhale e malama a e hoomalu ja wahi; a pela oia i hele ae ai, e loaa ana na kulanakauhale he nui: o ke kulanakauhale o Nepaiha, a me ke kulanakauhale o Lehi, a me ke kulanakauhale o Morianatona, a me ke kulanakauhale o Omenera, a me ke kulanakauhale o Gida, a me ke kulanakauhale o Muleka, o keia mau wahi a pau ma na palena hikina lakou, ma ke kahakai. A pela ko Lamana poe i loaa'i, ma ka maalea o Amalikia, na kulanakauhale he nui me ia, ma o ko lakou mau pualu la hiki ole ke heluia, he mau wahi i hana ikaika nui ia'i lakou a pau, mamuli o ke ano o na pakaua o Moroni; a lilo iho la lakou a pau he mau wahi paa no ko Lamana poe.

9. A eia kekahī, hele mai la lakou i na palena o ka aina Momona, e hoochauhee ana i ko Nepai poe imua o lakou, a e pepehi ana i na mea he nui wale. Aka eia kekahī, ua halawai lakou me Teanacuma, nana i pepehi ia Morianatona a make, a i alai ai i kona poe kanaka i kona mahuka ana. A eia kekahī, alai ae la oia ia Amalikia no hoi, a e hele ana oia la me kona poe koa kinikini, i loaa'i ia ia ka aina Momona, a me ka aina akau no hoi. Aka hoi, loaa iho la ia ia ka poho, ua hoochauheeia e Teanacuma a me kona poe kanaka, no ka mea, he poe koa nui lakou: ua oiaku kela kanaka keia kanaka o Teanacuma mamua o ko Lamana poe ma ko lakou ikaika, a ma ko lakou akamai i ke kaua, a no ia mea, loaa iho la ia lakou ka lanakila maluna iho o ko Lamana poe.

10. A eia kekahī, hoopilikia aku la lakou ia lakou la, a luku aku la ia lakou la a poeleele iho la. A eia kekahī, kukulu iho la o Teanacuma a me kona poe kanaka, i ko lakou mau halelewa ma na palena o ka aina Momona; a kukulu iho la o Amalikia i kona mau halelewa ma na palena ma ke one ma ke kahakai, a mamuli o keia ano lakou i hoochauheeia'i.

11. A eia kekahī, i ka wa i hiki mai ai ka po, nihi malu aku la o Teanacuma a me kana kauwa a hele aku la ma ka po, a hele ae la iloko o kahi a Amalikia i hoomoana'i; aia hoi, pauhia loa iho la lakou i ka hiamoe, no ka luhi nui o lakou, i hookumuia ma na hana a me ka wela o ka la.

12. A eia kekahī, nihi malu ae la o Teanacuma iloko o ka halelewa o ke Alii, a houaku la i kekahī ihe i kona puu wai; a pepehi koke ae la oia i ke Alii, i hoala ole ai oia i kana poe kauwa. A hoi malu hou oia nei i kona wahi iho i hoomoana'i, a, aia hoi, e hiamoe ana kona poe kanaka; a hoala ae la oia ia lakou, a hai ae la ia lakou i na mea a pau ana i hana'i. A kauoha ae la oia i na pualu ona e ku makaukau, o ala mai ko Lamana poe, a e lele mai maluna iho o lakou. A pela i pau ai ka makahiki iwakuakumamalima o ke au o na Lunakanawai maluna iho o ka poe kanaka o Nepai; a pela i pau ai no hoi na la o Amalikia.

MOKUNA XXIV.

1. Eia kekahī, ma ka makahiki iwakaluakumamaono o ke au o na Lunakanawai maluna iho o ka poe kanaka o Nepai, aia hoi, i ka wa a ko Lamana poe i ala ai i ke kakahiaka mua o ka malama mua, aia hoi, ike ae la lakou ua make o Amalikia ma kona halelewa iho; a ike mai la no hoi lakou ua makaukau o Teanacuma e kaua aku ia lakou ia la. Ano, i ko Lamana poe i ike ai i keia, ua makau lakou; a haalele loa iho la lakou i ko lakou manao e hele ae iloko o ka aina akau, a hoi aku la lakou me ko lakou poe koa a pau iloko o ke kulanakauhale o Muleka, a imi i ka malu ma ko lakou mau pakaua. A eia kekahī, ua hoonohoia iho la ke kaikaina o Amalikia i Alii maluna iho o na kanaka; a o Amorona no kona inoa: pela i hoonohoia'i o ke Alii Amorona, ke kaikaina o Amalikia, e noho alii ai ma kona hakahaka.

2. A eia kekahī, kauoha ae la oia i kona poe kanaka e malama i ua mau kulanakauhale la, a lakou i hoopio ai ma ka hookahe ana i ke koko; no ka mea, aole lakou i hoopio ai i kekahī kulanakauhale me ke kahe nui ole o ke koko. Ano, ike aku la o Teanacuma ua paa ka manao o ko Lamana poe e malama i kela mau kulanakauhale a lakou i hoopio ai, a me kela mau wahi o ka aina a lakou i loaa'i; a e ike ana no hoi i ka lehulehu o lakou, manao iho la o Teanacuma aole ia he mea e pono ai e hooureka ia lakou iloko o ko lakou mau pakaua; aka, hoonoho iho la oia i kona poe kanaka a puni, me he mea la e hoomakaukau ana oia no ke kaua; he oiaio, a e hoomakaukau io ana oia e hoomalu ae ia ia iho ia lakou, ma ka hooili ana i na paia a puni, a e hoomakaukau ana i na wahi e akoakoa ai.

3. A eia kekahī, e hoomakaukau mau ana oia pela no ke kaua, a hiki i ka wa a Moroni i hoouna ae ai i kekahī poe kanaka he nui loa e hooikaika i kona poe koa; a hoouna ae la no hoi o Moroni i na kauoha ia ia, e aua oia i na pio a pau ē haule iloko o kona mau lima; no ka mea, me ko Lamana poe i hoopio mai ai i na mea he nui, pela no hoi e aua ai i na pio a pau o ko Lamana poe, i panai no ua poe la a ko Lamana poe i hoopio mai ai. A hoouna ae la no hoi oia i na kauoha ia ia nei, nana e kukulu i pakaua i ka aina o Momona, a e hoopaa aku i ka puali ololi e hele aku ai i ka aina akau, o loaa auanci i ko Lamana poe ka wahi la, a e loaa'i ka mana e hoopilikia mai ia lakou ma kela aoao keia aoao. A hoouna ae la no hoi o Moroni ia ia, e makemake ana ia ia e onipaa oia i ka malama ana ia hapa o ka aina, a e imi oia i kela manawa maikai keia manawa maikai e hahau aku i ko Lamana poe ma ua wahi la, e like me ka mea e hiki ai ia ia, i hiki paha ia ia ke hoopio hou aku, ma ka hana maalea e puni ai, a i ole ia ma kekahī hana e ae, i ua mau kulanakauhale la i kailiia aku ai mailoko aku o ko lakou mau lima; a i hana ai no hoi oia i na pakaua a e hooikaika i na kulanakauhale e kokoke ana a puni, i haule ole iloko o na lima o ko Lamana poe. A i ae la no hoi oia ia ia, Ua makemake au e hele aku io oukou la, aka hoi, aia no ko Lamana,

poe maluna iho o makou ma na palena o ka aina ma ke kai komohana; aia hoi, ke hele aku nei au e ku e ia lakou, nolaila, aole i hiki ia'u ke hele aku io oukou la.

4. Ano, ua hele aku la ke Alii (o Amorona,) iwaho o ka aina o Zarahemela, a ua hoike aku i ke Aliiwahine no ka make o kona kaikuaana, a ua houluulu ae la i na kanaka he nui loa, a ua hele ku e mai la i ko Nepai poe, ma na palena ma ke kai komohana; a pela oia e hoao ana e hoopilikia mai ko Nepai poe a kai aku i kekahihapa o ko lakou nei poe koa i kela hapa o ka aina, oiai hoi oia i kauoha ae ai i kela poe ana i waiho aku ae e noho ma na kulanakauhale ana i hoopio ai, i hoopilikia mai ai no hoi lakou i ko Nepai poe ma na palena ma ke kai hikina; a e loaa ai ko lakou nei mai aina e like me ka mca e hiki ai ia lakou la, e like me ka mana o na pualo o lakou la. A pela ma kela noho pilikia ana ko Nepai poe, i ka pau ana o ka makahiki iwakaluakumamaono o ke au o na Lunakanawai maluna iho o ka poe kanaka o Nepai.

5. Aka hoi, eia kekahih, ma ka makahiki iwakaluakumamahiku o ke au o na Lunakanawai, o Teanacuma, ma ke kauoha a Moroni, ua hoonoho iho o Moroni i na pualo e hoomalu aku i na palena hema a komohana o ka aina, a ua hoomaka ae la oia i kona hele i ka aina Momona, e hiki ia ia ke kokua ia Teanacuma me kona poe kanaka, i ka loaa hou ana na kulanakauhale o lakou i lilo aku ai. A eia kekahih, ua loaa ia Teanacuma na kauoha e hoouka aku i ke kulanakauhale o Muleka, a e loaa hou ia ina he mea hiki.

6. A eia kekahih, hoomakaukau iho la o Teanacuma e hoouka aku i ke kulanakauhale o Muleka, a e hele aku me kona poe koa e ku e i ko Lamana poe; aka, ike aku la oia he mea hiki ole ai ia ia ke lanakila ae maluna iho o lakou, oiai lakou iloko o na pakaua o lakou; nolaila, haalele iho la oia i kona mau manao, a hoi hou ae la i ke kulanakauhale Momona, e kali iho ai no ka hiki mai ana o Moroni, i loaa ai ia ia i poe hou i kona poe koa.

7. A eia kekahih, hiki aku la o Moroni me kona poe koa i ka aina o Momona, ma ka hopena o ka makahiki iwakaluakumamahiku o ke au o na Lunakanawai maluna iho o ka poe kanaka o Nepai. A i ka makamua o ka makahiki iwakaluakumamawalu, akaokoa ac la o Moroni laua me Teanacuma, a me na luna nui he nui wale, e kuka no ke kaua, i ka mea a lakou e hana'i e kai mai i ko Lamana poe e puka mai ia lakou nei e kaua; a i ole ia e hiki ia lakou ma o kekahih mea la, ke hoohaihai aku ia lakou mailoko mai o ko lakou mau wahi paa, i loaa'i ia lakou nei ka lanakila maluna iho o lakou, a e loaa hou ke kulanakauhale o Muleka.

8. A eia kekahih, hoouna aku la lakou i na elele i ka poc koa o ko Lamana poe, ka poc e hoomalu ana i ke kulanakauhale o Muleka, i ka luna o lakou, o Iakoba kona inoa, e noi ana ia ia e hele mai mawahoa me na pualo ona e halawai pu me lakou ma ke kula mawaena o na kulanakauhale elua. Aka hoi, o Iakoba, he Zoraina no oia, aole oia e puku mai me kona poc koa e halawai pu me lakou ma ke kula.

9. A eia kekahī, aole o Moroni manaoiana no ka halawai ana me lakou ma na hana pololei, nolaila, holo iho la kona manao e hoowalewale aku i ko Lamana poe mailoko mai o na wahi paa o lakou. Nolaila, kena ae la oia ia Teanacuma e lawe ae i kekahī poe kanaka he uuku, a e hele aku ilalo kokoke i ke kahakai; a hele ae la o Moroni a me kona poe koa, ma ka po, i ka waonahele, ma ke komohana o ke kulanakauhale Muleka; a pela, ia la ae, i ka wa a na koa kiai o ko Lamana poe i ike mai ai ia Teanacuma, holo ae la lakou a hai ia mea ia Iakoba, i ka luna o lakou.

10. A eia kekahī, hele ae la ka poc koa o ko Lamana e ku e ia Teanacuma, e manao ana no ka nui loa o lakou e lanakila maluna iho o Teanacuma ma, no ka uuku o kona poe. A me Teanacuma i ike aku ai i na puali o ko Lamana poe e hele mai ana io na la, hoomaka ae la oia e hee aku ilalo ma ke kahakai, i ka akau.

11. A eia kekahī, i ka wa a ko Lamana poe i ike mai ai e hoomaka ana oia e hee aku, hooikaika iho la lakou a alualu mai la ia lakou nei me ka lohi ole. A oiai o Teanacuma e alakai aku ana i ko Lamana poe pela, ka poe e alualu ana ia ia me ka loaa ole, aia hoi, kauoha ae la o Moroni i kekahī hapa o kona poe koa pu me ia, e hele aku iloko o ke kulanakauhale, a e loaa aku ia. A pela lakou i hana'i, a luku aku la i ka poe a pau i waihoia'i e hoomalu iho i ke kulanakauhale; he oiaio, i ka poe a pau i haawi ole mai i ko lakou mau mea kaua. A pela ua loaa ia Moroni ke kulanakauhale o Muleka, me kekahī hapa o kona poe koa, oiai oia i hele aku ai me ke koena e halawai pu me ko Lamana poe, i ka wa a lakou e hoi mai ai mai ke alualu ana mai ia Teanacuma.

12. A eia kekahī, alualu ae la ko Lamana poe ia Teanacuma a hiki aku lakou kokoke i ke kulanakauhale Momona, a, alaila ua halawai lakou me Lehi, a me kekahī poe koa he uuku, i waihoia'i e hoomalu iho i ke kulanakauhale Momona. Ano hoi, i ka wa i ike ai na luna nui o ko Lamana poe ia Lehi, me kona poe koa, e hele mai ana e ku e ia lakou, naholo aku la lakou me ka pioloke nui, o hiki ole paha ia lakou ke loaa ke kulanakauhale Muleka, mamua o ka loaa ana o lakou ia Lehi; no ka mea, ua maluhiluhi lakou no ko lakou hele ana, a ua maluhiluhi ole ko Lehi poe. Ano, aole ko Lamana poe i ike aia ma ko lakou hope o Moroni me kona poe koa; a o Lehi me kona poe kanaka ko lakou mea wale no i makau ai. Ano, aole i makemake o Lehi e loaa lakou, a hiki i ka wa e halawai pu ai lakou me Moroni a me kona poe koa. A cia kekahī, mamua o ko lakou auhee loihi ana, ua hoopunia lakou e ko Nepai poe; e ka poe kanaka o Moroni ma kekahī lima, a me ka poe kanaka o Lehi ma kekahī, he poe maluhiluhi ole a piha me ka ikaikalakou a pau; aka, ua maluhiluhi ko Lamana poe, no ko lakou hele loihi. A kauoha ae la o Moroni i kona poe i haule iho ai lakou maluna iho o lakou la, a hiki i ka wa i haawi mai ai lakou la i ko lakou la mau mea kaua.

13. A eia kekahī, o Iakoba no ka luna o lakou, he Zoroma no hoi oia, a he uhane no kona e hiki ole ai ke hoopioia, alakai ae la oia i ko Lamana

poe e kaua, me ka ukiuki nui loa e ku e ia Moroni. Ma ko lakou ala e hele ai o Moroni, nolaila, ua paa ka manao o Iakoba e pepehi mai ia lakou, a e ooki mai i kona alanui mawaena a i ke kulanakauhale o Muleka. Aka hoi, ua oi aku ko Moroni a me ko kona poe kanaka ikaika; nolaila, aole lakou hee aku imua o ko Lamana poe.

14. A eia kekahī, kaua pu lakou ma na aoao elua me ka ukiuki nui loa; a ua nui no ka poe i pepehiia ma kela aoao keia aoao; he oiaio, a ua hochaia mai o Moroni, a ua pepehiia'ku o Iakoba a make. A hoo-ikaika ae la o Lehi ma ko lakou la hope me ka ukiuki nui, me kona poe kanaka ikaika, a haawi mai la ko Lamana poe ma ka hope i ko lakou man mea kaua; a o ke koena o lakou, ua pioloke nui, a ike ole kahi a lakou e hele ai a e hahau ai. Ano, e ike ana o Moroni i ko lakou pioloke, iaku la oia ia lakou, Ina e lawe mai oukou i ko oukou mau mea kaua, a e haawi mai ia mau mea, aia hoi, e hooki makou i ka hookahe ana i ko oukou ko-ko. A eia kekahī, i ko Lamana poe i lohe ai i keia mau olelo, hele mai la na luna nui o lakou, o ka poe a pau i pepehi ole ia, a hoolei mai la i ko lakou mau mea kaua ma na wawae o Moroni, a kena ae la no hoi i ko lakou poe kanaka e hana like pela; aka hoi, ua nui no ka poe e hana ole ana pela; a o ka poe i haawi ole mai ai i ka lakou mau pahikaua ua hopuia a nakinakii'a'e, a kailiia'e la na mea kaua o lakou mai o lakou ae, a ua koiiia e hele pu aku me ko lakou poe hoahanau iloko ka aina Momona. Ano, ua oi aku ka nui o na mea i hoopioia'ku, mamua o ka nui o ka poe i pepehiia; he oiaio, mamua o ka poe i pepehiia ma na aoao elua.

15. A eia kekahī, hoonoho iho la lakou i na koa kiai maluna iho o ka poe pio o ko Lamana poe, a koi aku la ia lakou e hele aku a e kanu iho i ko lakou poe make; he oiaio, a me ka poe make no hoi o ko Nepai i pepehiia; a hoonoho iho la o Moroni i na kanaka maluna iho o lakou e kiai iho ia lakou, oiai lakou e hana aku i ka lakou mau hana. A hele pu ae la o Moroni i ke kulanakauhale o Muleka me Lehi, a lawe ae la ia i ka noho luna ana o ke kulanakauhale, a haawi ae la ia mea ia Lehi. Ano hoi, he kanaka o ua Lehi nei i hele pu me Moroni i ka nui loa o konā mau kaua a pau; a he kanaka ia e like me Moroni; a hauoli iho la laua i ka pomai-kai o kekahī a me ko kekahī; he oiaio, ua alohaia laua kekahī e kekahī, a alohaia no hoi e ka poe kanaka a pau o Nepai.

16. A eia kekahī, mahope iho o ka hoopau ana o ko Lamana poe i ke kanu ana i ko lakou poe make, a me ka poe make o ko Nepai, ua hoohele hou ia'ku lakou iloko o ka aina Momona; a hoohana aku la o Teanacuma, ma o na kauoha la a Moroni, ia lakou e hoomaka i ka eli ana i kahi auwai a puni ka aina, a oia hoi ke kulanakauhale Momona; a kena ae la oia ia lakou e kukulu aku i pakaua o na laau ma ke kae o ka auwai iloko; a hooiñ ae la lakou i ka lepo noloko ae o ka auwai i ke alo o ka pakaua laau; a pela lakou i hoohana aku ai i ko Lamana poe, a, hoopunia ae la ke kulanakauhale o Momona e lakou me ka pa ikaika o na laau a me ka lepo, a kiekie loa. A illo iho la ua kulanakauhale nei i wahi paa loa ma ia hope aku; a iloko o

ua kulanakauhale nei lakou i kiai ai i ka poe pio o ko Lamana; he oiaio, iloko o kekahī pa, a lakou i kena aku ai ia lakou la e kukulu iho me ko lakou la mau lima iho. Ano, ua koiia o Moroni e hoohana aku i ko Lamana poe, no ka mea, he mea paakiki ole e kiai iho ia lakou, oiai ma ka lakou hana; a ua makemake oia i kona poe koa a pau, i ka wa ana e hoouka aku ai i ko Lamana poe.

17. A eia kekahī, ua loaa iho la pela ia Moroni he lanakila maluna iho o kekahī o ka poe nui loa o na puali o ko Lamana poe, a ua loaa mai la ke kulanakauhale Muleka, oia no kekahī o na wahi paa loa o ko Lamana poe, ma ka aina o Nepai; a pela no hoi oia i kukulu aku ai i wahi paa e malama'i i kona poe pio. A eia kekahī, aole oia e hoao hou e kaua aku me ko Lamana poe ma kela makahiki, aka, hoohana aku la oia i kona poe kanaka i ka hoomakaukau ana no ke kaua; he oiaio, a i ka hana ana i na pakaua e pale aku ai i ko Lamana poe; he oiaio, a e hoopakele ana no hoi i na wahine o lakou a me ka lakou mau keiki i ka wi a me ka popilikia, a e hoolako ana i ka ai no na puali o lakou.

18. Ano eia kekahī, o na puali o ko Lamana poe, ma ke kai komohana, ma ka hema, i ka wa a Moroni i hele ai, no kekahī hana malu mawaena o ko Nepai poe, i mea i mokuahana ai ia lakou, ua loaa ia lakou he lanakila maluna iho o ko Nepai poe, he oiaio, a ua loaa ia lakou la he nui o na kulanakauhale o lakou ma ia hapa o ka aina; a pela no ka hana ino mawaena o lakou iho, he oiaio, no na kuee a me ka hana malu mawaena o lakou iho, ua waihoia lakou ma ka noho pilikia loa ana.

19. Ano hoi, he mau mea ka'u e olelo aku ai no ka poe kanaka o Amona, o ko Lamana poe lakou, ma kinohou; aka, ua hoohlilia'e e Amona a me kona mau hoahanau, oia hoi, e ka mana a me ka olelo a ke Akua, i ka Haiku: a ua kaiia mai lakou ilalo iloko o ka aina o Zarahemela, a ma ia hope mai ua hoomaluia'ku e ko Nepai poe; a no ko lakou hoohiki, ua hookiia iho mai ka lalau ana ae i na mea kaua e ku e i ko lakou poe hoahanau; no ka mea, ua hoohiki iho la lakou, aole loa lakou e hookahe hou aku i ke koko; a mamuli o ka lakou hoohiki, e make no lakou: he oiaio, ua kuuaku lakou ia lakou iho e haule iho iloko o na lima o ko lakou poe hoahanau, ina aole no ka menemene a me ke aloha nui loa a Amona a me kona mau hoahanau i loaa'i no lakou; a no keia mea, ua kaiia mai lakou ilalo iloko o ka aina o Zarahemela; a ua hoomalu e mau ia lakou e ko Nepai poe.

20. Aka eia kekahī, ia lakou i ike ai i ka weliweli, a me ka nui o na pilikia a me na eha a ko Nepai poe i hoomanawanui ai no lakou, ua hu ae ko lakou aloha, a ua makemake e lalau iho i na mea kaua ma ka hoomalu ana i ko lakou aina. Aka hoi, me lakou e kokoke ana e lalau iho ai i ko lakou mau mea kaua, ua hookiia e na olelo ao a Helamana a me kona mau kaikaina, no ka mea, ua kokoke lakou e uhai aku i ka hoohiki a lakou i hana ai; a ua hopohopo o Helamana o lilo aku ko lakou poe uhane ma ka lakou hana ana peia; nolaila, ua koiia ua poe la a pau ka poe i komo aku ai iloko

o ua berita nei, e ike aku i ko lakou poe hoahanau e auhele ana mawaena o ko lakou mau popilikia, a ma ko lakou noho weliweli ana, i keia manawa. Aka eia hoi kekahi, he nui na keikikane a lakou, i komo ole iloko o ka berita e lalau ole lakou i na mea kaua o lakou e hoomalu aku ia lakou iho i ko lakou poe enemi; nolaila, houluulu ae la lakou ia lakou iho i keia manawa, o ka poe a pau i hiki ke lalau iho i na mea kaua; a kapa iho la lakou ia lakou iho ko Nepai poe; a komo iho la lakou iloko o ka berita, e kauaaku no ke ku okoa ana o ko Nepai poe; he oiaio, e hoomalu aku i ka aina a hiki i ka waihoia'na aku na ola o lakou; he oiaio, hana berita iho la no hoi lakou, aole loa lakou e haawi aku i ko lakou ku okoa ana, aka, e kauaaku lakou i na manawa a pau e hoomaluaku i ko Nepai poe a me lakou iho hoi mai ka noho hooluhi ana.

21. Ano hoi, he mau tausani elua o ua poe kanaka hou la, ka poe i komo iloko o ua berita nei, a lalauaku la i ko lakou mau mea kaua e hoomaluaku i ko lakou aina. Ano hoi, me lakou i lilo ole ai i mea keakea i ko Nepai poe mamua, lilo iho la lakou ano i keia manawa i mea kokua nui; no ka mea, lalauaku la iko lakou mau mea kaua, a ua make-make lakou ia Helamana i luua no lakou. A he poe kanaka ui lakou a pau, a ua koa loa lakou no ka makau ole, a no ka ikaika a mama no hoi; aka hoi, aole o keia mau mea wale no: he poe kanaka lakou i onipaa i na manawa a pau ma kela mea keia mea a lakou i kauohaia mai ai; he oiaio, he poe kanaka lakou o ka oiaio a me ke kuoo, no ka mea, ua aoia lakou e malama i na kauoha a ke Akua, a e hele pololei imua ona.

22. Ano, eia kekahi, hele aku la o Helamana ma ke alo o kona mau tausani koa opiopio elua, e kokuaaku i na kanaka ma na palena o ka aina ma ka hemama ke kai komohana. A pela i pau ai ka makahiki iwakaluakumamawalu o ke au o na Lunakanawai maluna iho o ka poe kanaka o Nepai, a pelaaku.

MOKUNA XXV.

1. ANO, eia kekahi ma ka makaliki iwakaluakumamaiwa o na Lunakanawai, hoouna mai la o Amorona io Moroni la; e makemake ana ia ia e haawiaku a e haawi mai i na pio. A eia kekahi, hauoli nui loa iho la o Moroni ma keia noi ana, no ka mea, ua makemake oia i ka ai i haawia'ku i ka poe pio o ko Lamana i hoopioia, e hanaiaku i kona poe kanaka ponoi; a ua makemake no hoi oia i kona poe kanaka e hooikaika mai i kona poe koa. Ano, ua hoopio mai ko Lamana poe i na wahine a me na keiki he nni loa; aole no kekahi wahine aole hoi kekahi keiki mawaena o ka poe pio o Moroni, oia hoi ka poe a Moroni i hoopioaku ai; nolaila, noonoo iho la o Moroni i hana maalea, i loaa ai na mea pio a pau o ko Nepai poe mai ko Lamana poe mai, e like me ka mea hiki ia ia; nolaila, palapala iho la oia he episetole, a hoounaaku la ia mea me ke kauwa a Amorona, ka mea

i lawe mai ai i episetele io Moroni la. Ano, eia na olelo ana i palapala iho ai ia Amorona, i ka i ana'e, Aia hoi, e Amorona e, ua palapala iho au i kekahī mau mea ia oe no keia kaua au i kaua mai ai i ko'u poe kanaka, a me kou kaikuaana hoi i kaua mai ai ia lakou, a ua paa hoi oe ano e hoomau mai mahope iho o kona make ana. Aia hoi, e haiaku au i kekahī mau mea no ka hoopai o ke Akua, a me ka pahikaua a kona inaina mana loa, e kau ana maluna iho ou, ke ole oe e mihi a hoihoi hou i na pualu ou iloko o ko oukou aina iho, i ko oukou mau aina hooilina, oia no ka aina o Nepai; he oiaio, e haiaku au ia oe i keia mau mea, ina ua hiki ia oe ke hoolohe mai i ua mau mea nei; he oiaio, e haiaku au ia oe no kela Gehena weliweli i hoomakaukauiā'i e loaa na mea pepehi kanaka me oe a me kou kaikuaana, ke ole oe mihi a hooki mai i na manao pepehi kanaka ou, a e hoi hou me na pualu ou i ko oukou mau aina iho; aka me oe i hoomalau mai ai i keia mau mea, a ua kaua mai i ka poe kanaka o ka Haku, pela au e manao nei e hana hou mai ai oe.

2. Ano hoi, ua makaukau makou no ka hiki mai o oukou; he oiaio, a ke ole oukou e hooki i na manao hana o oukou, aia hoi, e huki iho ai oukou i ka inaina o kela Akua a oukou i hoomalau ai, ilalo maluna iho o oukou, i ka luku loa iā'na o oukou; aka, ma ke ola o ka Haku, hiki akin auanei na pualu o makou maluna iho o oukou, ke hoi ole oukou, a e hoopai koke ia auanei oukēu me ka make, no ka mea, e aua no makou i ko makou mau kulanakauhale a me ko makou mau aina; he oiaio, a e malama makou i ko makou hoomana ana a me ka aoao o ko makou Akua. Aka, ea, ke manao nei au make hewa paha ko'u kamailio aku ia oe no keia mau mea; a, ke manao nei au he keiki a Gehena no oe; nolaila, e hoopau ae au i ko'u episetele, ma ka hai ana ia oe, aole au e haawi aku i na pio, menei wale no, e haawi mai oe i kekahī kanaka, a me kana wahine, a me kana mau keiki, no ka pio hookahi; ina e hana mai oe pela, e haawi aka au a e loaa hou mai. Aia hoi, ina e hana ole mai oe i keia, e heleaku no au e ku e ia oukou, me na pualu o'u; he oiaio, e kahiko iho au i na wahine o'u a me na keiki o'u, a e heleaku au io oukou la, a e hahai aka au ia oukou a hiki iloko o ko oukou aina iho, oia no ka aina o ko makou hooilina mua; he oiaio, a lilo ia he koko no ke koko auanci; he oiaio, he ola no ke ola; a e kaua aka au ia oukou, a hiki i ka wa e lukuia'i oukou mai ke alo aka o ka honua. Aia hoi, ua huhu no au, a me ko'u poe kanaka no hoi; ua imi mai oukou e pepehi mai ia makou, a ua imi wale no makou e hoomalau aka ia makou iho. Aka hoi, ina e imi hou oukou e luku mai ia makou, e imi no makou e luku aka ia oukou; he oiaio, a e imi aka no makou i ka aina o ko makou hooilina mua. Ano, ke hoopau nei au i kuu episetele. Owau no o Moroni; he alihī kaua no owau o ka poe kanaka o Nepai.

3. Ano eia kekahī, ia Amorona i loaa'i keia episetele, ua huhu oia, a palapala mai oia i kekahī episetele hou ia Moroni; a eia na olelo ana i palapala mai ai, i ka i ana, Owau no Amorona, ke Alii o ko Lamana poe: o ke kaikaina no wau o Amalikia, ka mea a oukou i pepehi iho ai. Aia

hoi, e hoopai aku au i kona koko maluna iho o oukou, he oiaio, a e hiki aku au maluna iho o oukou me na pual i o'u, no ka mea, aole au makau i ka oukou mau olelo hooweliweli. No ka mea, ea, hookolohe mai la ko oukou poe kupuna i na kaikuaana o lakou, a hao mai la ia lakou i ko lakou pono ma ka noho luna ana, oiai no lakou ponoi no ia. Ano hoi, ina e waiho iho oukou ilalo i na mca kaua o oukou, a e kuu mai ia oukou iho e noho alii ia e ka poe nona ponoi ka noho alii ana, alaila, e kena ae au i ko'u poe kanaka e waiho iho ilalo i na mea kaua o lakou, a e kaua hou ole aku ai ma ia hope aku. Aia hoi, ua ha mai oe i na olelo hooweliweli ku e mai ia'u a me ko'u poe kanaka; aka, ea, aole o makou makau i na olelo hooweliweli au; e aeaku nae au e haawi aka i na pio, a e loaa hou mai e like me kou noi mai, me ka olioli, e hiki ia'u ke malamia i ka'u ai no ko'u poe kanaka kaua; a e kaua aka makou i ke kaua e mau loa ana, i ka hoo-kauwa ana'ku i ko Nepai poe i ko makou noho alii ana, a i ole ia, i ko lakou anai mau loa ia'na. A no kela Akua au i i mai ai ua hoomalau aka makou, aia hoi, aole o makou i ike he mea me ia; aole hoi oukou; aka, ina paha he oiaio ia aia no he mea me ia, aole makou i ike ina ua hana ole ia mai makou e ia e like me oukou; a ina paha he oiaio ia aia no he diabolo a he Gehena, aia hoi, aole anei oia i hoouna iho ia oukou ilaila, e noho pu ai me ko'u kaikuaana, ka mea a oukou i pepehi iho ai, ka mea no hoi au i olelo mai ai me he mea la ua hele aka la cia i kekahih wahi e like me ia? Aka hoi, he mau mea ole ua mau mea nei. Owau no Amorona, a he mamo na Zorama, ka mea a ko oukou poe kupuna i hopu ai a kai mai ai mailoko mai o Ierusalem. Aia hoi, ano, he Lamana wiwo ole au. A ua kauaia'ku ua kaua nei, e hoopai aka i na apikia mai o lakou, a e malama, a e loaa hou ai na pono o lakou ma ka noho alii ana; a ke hoopau aka nei au i ko'u episetole ia Moroni.

4. Ano, eia kekahih, ia Moroni i loaa mai ai keia episetole, ua nui ae kona huihu, no ka mea, ike iho la oia he ike paka ko Amorona no kona hoopunipuni; he oiaio, ua akaka ia ia ua ike o Amorona aole he kumu pololei ka i hooeu ae ia ia e kaua mai i ko Nepai poe. A i ae la oia, Aia hoi, aole au e haawi aka a e haawi mai i na pio me Amorona, ke hooki ole oia i kona manao kaua, me a'u i i aku ai ma ko'u episetole; no ka mea, aole au e ae aka e loaa ia ia ka mana e oi ana mamua o kona i loaa'i. Aia hoi, ua ike au i ka wahi a ko Lamana poe i kiai iho ai i ko'u poe kanaka, ka poe a lakou i lawe pio ai; a me Amorona i ae ole mai ai ia'u ma ko'u episetole, aia hoi, e haawi aka no au ia ia e like me ka'u mau olelo; he oiaio, e imi aka no au i ka make mawaena o lakou, a biki i ka wa e noi mai lakou no ka malu. Ano eia kekahih, ia Moroni i olelo ae ai i keia man olelo, kena ae la oia e huli aka mawaena o kona poe kanaka, i loaa mai ai paha ia ia kekahih kanaka he mamo a Lamana mawaena o lakou.

5. A eia kekahih, loaa iho la ia lakou kekahih, o Lamana kona inoa; a oia no kekahih o ka poe kauwa a ke Alii, a ka mea i pepehia'i e Amalikia. Ano, kauoha ae la o Moroni ia Lamana a me kekahih poe kanaka he uuku,

e hele aku i ka poe kiai maluna iho o ko Nepai poe. Ano, ua kiaia'e ko Nepai poe ma ke kulanakauhale o Gida; nolaila, wae ae la o Moroni ia Lamana, a kauoha ae la ikekahi poe kanaka he uuku e hele pu me ia.

6. A i ka wa poeleele, hele aku la o Lamana i ka poe kiai, ka poe i kiai maluna iho o ko Nepai poe, a, ike mai la lakou ia ia e hele aku ana, a hea mai la lakou ia ia. Aka, iaku la oia ia lakou, Mai makau; aia hoi, he Lamana no au. Aia hoi, ua pakele mai makou i ko Nepai poe, a e hiamoe ana lakou; a, aia hoi, ua lalau aku makou i ko lakou waina, a lawe pu mai ai me makoa. Ano, i ka wa a ko Lamana poe i lohe ai i keia mau olelo, hookipa mai lakou ia ia me ka olioli; a i mai la lakou ia ia, E haawi mai i kou waina ia makou, i inu ai makou; na lealea makou no kou lawe pu ana mai i waina pela me oe, no ka mea, ua luhi makou. Aka, iaku la o Lamana ia lakou, E malama kakou i ko kakou waina a hiki i ka wa e hele aku ai kakou i ko Nepai poe e kaua. Aka, hoonui wale iho la keia olelo i ko lakou makemake e inu i ka waina. No ka mea, wahi a lakou, ua luhi makou; nolaila, e ae mai oe ia makou e inu i ka waina, a e loaa ia makou i waina malhope, ma ka mahele ana o ko makou o, a e hooikaika mai ia mea ia kakou e hele aku e kaua i ko Nepai poe. A iaku la o Lamana, Ai no ia oukou, e hana e like me ko oukou makemake. A eia kekahī, inu nui ae la lakou i ka waina, a ua maikai ia i ko lakou hoao ana; nolaila, inu nui loa aku la lakou ia mea; a ua ikaika no ia, i hoomakaukauia'i ma kona ikaika.

7. A cia kekahī, inu iho la lakou a ua lealea, a mamuli ua ona lakou a pau. Ano, ia Lamana a me kona poe i ike ai ua ona lakou a pau, a e hiamoe loa ana, hoi mai la lakou io Moroni la, a hai ae la ia ia i na mea a pau i hiki mai ai. Ano, ua like keia me ka manao o Moroni. A ua hoomakaukau ae la o Moroni i kona poe kanaka me na mea kaua; a hoouna aku la oia i ke kulanakauhale o Gida, oiai ko Lamana poe e hiamoe loa ana, a ona, a hoolei aku la oia i na mea kaua iloko i na pio, a ua kahikoia lakou a pau; he oiaio, me ka lakou poe wahine, a o na mea a pau o ka lakou poe keiki, ka poe i hiki ke hana aku me kekahī mea kaua, i ka wa a Moroni i kahiko ai i kela poe pio a pau me na mea kaua; a hanaia'ku kela mau mea a pau me ka walaaole loa. Aka, ina ua hoala ae lakou i ko Lamana poe, aia ua ona lakou, a ua hiki i ko Nepai poe ke pepehi aku ia lakou. Aka hoi, aole o keia ka makemake o Moroni. Aole oia lealea i ka pepchi kanaka ana a i ka hookahe koko ana; aka lealea iho la oia i ka hoola ana i kona poe kanaka i ka luku; a no keia mea i ole ai oia e hooili mai i ka pololei ole maluna iho ona, aole oia e haule iho maluna o ko Lamana poe, a luku aku ia lakou i ko lakou wa i ona'i. Aka, ua loaa ia ia kona mau makemake; no ka mea, ua kahiko aku oia i ua poe pio la o ko Nepai e nolohana iloko o ka pa o ke kulanakauhale, a ua haawi aku la ia lakou i mana e loaa'i ia mau wahi maloko o na paia; alaila, kena ae la oia i kona poe kanaka pu me ia, e emi iki mai mai o lakou ae, a e hoopuni ae i na puali o ko Lamana poe. Ano, ua

hanaia keia ma ka po, a, i ko Lamana poe i ala'i i kakahiaka, ike mai la lakou ua hoopunia'e e ko Nepai poe mawaho, a ua kahikoia ko lakou poe pio maloko. A pela lakou i ike ai he mana ko ko Nepai poe maluna iho o lakou; a ma keia pilikia ua ike lakou aole ia he mea e pono ai e kaua mai lakou me ko Nepai poe; nolaila, koi ae la ko lakou poe luna nui i na mea kaua o lakou, a lawe mai la lakou ia mau mea, a hoolei mai la ma na wawaе o ko Nepai poe, e noi mai ana i ke alohaia mai. Ano hoi, oia no ka makemake o Moroni. Lawe aku la oia ia lakou i poe pio kaua, a loaa ke kulanakauhale, a kauoha ae la e hookuuia'ku ka poe pio a pau no ko Nepai; a hui mai la lakou i ka poe koa o Moroni, a he ikaika nui lakou i kona poe koa.

8. A eia kekahi, kena ae la oia i ko Lamana poe ana i lawe pio ai, e hoomaka i ka hooikaika ana i na pakaua a puni ke kulanakauhale o Gida. A eia kekahi, ia ia i hana paa ai i ke kulanakauhale o Gida, e like me kona makemake, kena ae la oia e laweia aku kona poe pio i ke kulanakauhale Momona. A kiai iho la oia i kela kulanakauhale me ka poe koa ikaika loa. A eia kekahi, me na hana malu a pau a ko Lamana poe, ua malama aku la a hoomalu nae lakou i ka poe a pau a lakou i hoopio ai, a hoopaa no hoi i ka aina a pau a me ka lanakila a lakou i loaa hou ai. A eia kekahi, hoomaka hou ac la ko Nepai poc e lanakila aku, a e loaa hou na pono o lakou a me na pomaikai o lakou. Ua nui na manawa a ko Lamana poe i hoao mai ai e hoopuni mai ia lakou ma ka po, aka ma keia mau hoao ana nui na pio o lakou i lilo aku. A ua nui na manawa a lakou i hoao mai ai e hoohainu mai i ko lakou waina i ko Nepai poe, i hiki ia lakou ke hoomake mai ia lakou nei me ka mea awaawa make, a i ole ia, me ka ona. Aka hoi, aole lohi ko Nepai poe e hoomanao i ka Haku i ko lakou Akua, i ko lakou mau manawa pilikia. Aole i hiki ia lakou ke hooheiia iloko o na pahele o lakou la; he oiaio, aole o lakou e inu iho i ko lakou la waina, ke ole lakou nei i haawi e aku mamua i kekahi mau mea o ka poe pio o ko Lamana. A ua makaala lakou pela, i ele ai e haawiia mai kekahi mea make mawaena o lakou; no ka mea, ina e hoomake iho ko lakou waina i ko Lamana, ina e hoomake iho no hoi ia i ko Nepai; a pela lakou i hoao ai i ko lakou mau mea i inu ai a pau. Ano eia kekahi, he mea e pono ai no Moroni e hoomakaukau ae e hoouka aku i ke kulanakanhale Morianatona. No ka mea hoi, ua hana ikaika iho ko Lamana poe, ma ka lakou mau hana, i ke kulanakauhale Morianatona a ua lilo ilo la ia i wahi paa loa; a e kai mau ana lakou i na poe koa hou iloko o na kulanakanhale la, a me ka ai hou no hoi. A pela i pau ai ka makahiki iwakaluakumamaiwa o ke au o na Lunakanawai maluna iho o ka poe kanaka o Nepai.

MOKUNA XXVI.

1. Ano, eia kekahi, ma ka makamua o ka makahiki kanakolu o ke au o na Lunakanawai, i ka la lua, ma ka malama mua, loaa iho la ia Moroni kekahi episetole mai ia Helamana mai, e hai mai ana i ka noho ana o na kanaka ma ia hapa o ka aina. A eia na olelo ana i palapala mai ai, i ka i ana, E ko'u hoahanau i aloha nui ia, o Moroni, ma ka Haku a ma na pilikia o ko kakou kaua no hoi; aia hoi, e ko'u hoahanau aloha, he mau mea ka'u e hai aku ia oe no ko makou kaua ma keia hapa o ka aina. Aia hoi, eia na tausani elua o na keiki a kela poe kanaka, a Amona ma i kai mai ai ilalo, mailoko mai o ka aina o Nepai. Ano, ua ike oe he poe mamo lakou nei na Lamana, oia no ke keikikane makahiapo a ko kakou kupuna kane o Lehi. Ano, aole he mea e pono ai no'u e hai aku ia oe no ko lakou mau mooolelo a me ko lakou hoomaloka, no ka mea, ua ike oe no keia mau mea a pau; nolaila, e pono no'u e hai aku ia oe ua lalauaku na tausani elua o keia poe kanaka hou i na mea kaua, a makemake mai la ia'n i luna no lakou; a ua hele mai makou e hoomaluaku i ko kakou aina. A, ano, ua ike no hoi oe no ka berita a ko lakou poe makua i hana'i, i ole ai lakou i lalau iho i na mea kaua o lakou e ku e aku i ko lakou poe hoahanau, e hookahe aku i ke koko. Aka, ma ka makahiki iwakaluakumamaono, ia lakou i ike ai i ko kakou mau eha a me ko kakou mau popilikia no lakou, ua kokoke lakou e uhai iho i ka berita a lakou i hana ai, a e lalau iho i ka lakou mau mea kaua e hoomalu mai ia kakou. Aka aole an i ae aku ia lakou e uhai iho i ua berita nei a lakou i hana'i, e manao ana na ke Akua e hooikaika mai ia kakou, i ole ai e nui loa aku ko kakou pilikia no ka hooko ana i ka hoohiki a lakou i hana'i. Aka hoi, eia no kekahi mea e olioli nui ai no kakou. No ka mea hoi, ma ka makahiki iwakaluakumamaono, hele aku la owau, o Helamana, ma ke alo o keia mau tausani kanaka hou elua, i ke kulanakauhale o Iudea, e kokua ia Anatipusa, au i hoonoho iho ai i luna maluna iho o na kanaka o kela hapa o ka aina. A hui aku la au i ko'u poe keikikane elua tausani, (no ka mea, ua ku pono lakou e kapaia'ku he poe keikikane o'u) i ka poe koa o Anatipusa; a ma keia ikaika ua hauoli nui loa o Anatipusa; no ka mea, na hooukuia mai kona poe koa e ko Lamana poe, no ka mea, na pepehi mai na poe koa o lakou i na kanaka he lehulehu o kakou; no ia mea, he kumu ko makou e nwe ai. Aka hoi, ua hiki ia kakou ke hooluolu mai ia kakou iho ma keia mea: ua make lakou ma ka aoao o ko lakou aina a o ko lakou Akua; he oiaio, a ua pomaikai lakou. A ua hoopaa ko Lamana poe i na pio he nui wale, he poe luna nui lakou a pau; no ka mea, aole lakou i hookoe mai i kekahi mea ola e ae. A ke manao nei makou aia no lakou ano i keia manawa iloko o ka aina o Nepai; peia io no ke pepehi ole ia lakou.

2. Ano, eia na kulanakauhale a ko Lamana i loaa ai, ma ka hookahe ana i ke koko o ko kakou poe kanaka koa he nui wale: O ka aina o Manati, oia hoi ke kulanakauhale o Manati, a me ke kulanakauhale o Zeze-

roma, a me ke kulanakauhale o Cumeni, a me ke kulanakauhale o Anati-para. A oia na kulanakauhale a lakou i noho ai i ka wa a'u i hiki ai ma ke kulanakauhale o Iudea; a loaa ia'u o Anatipusa me kona poe kanaka e kamau hana ana me ko lakou ikaika e hana paa'i i ke kulanakauhale; he oiaio, a ua kaumaha lakou ma ke kino a ma ka uhane no hoi; no ka mea, na kaua makau oleaku lakou ma ke ao, a kamau hana iho la ma ka po, e malama'i i ko lakou mau kulanakauhale; a pela lakou i loaa'i na pilikia nui o kela ano keia ano. A, ano, ua paa ko lakou manao e lanakila ma keia wahi, a i ole ia, e make; nolaila, na hiki ia oe ke hoomaopopo ua haawi ae keia poe koa he uuku a'u i lawe pu ai me a'u; he oiaio, ua poe keiki la o'u, i na manaolana nui a me ka olioli nui ia lakou.

3. Ano, eia kekahī, i ko Lamana poe i ike mai ai ua loaa ia Anatipusa ka ikaika nui ac i kona poe koa, ua koiia lakou, e na kauoha a Amorona, e hele ole mai i ke kulanakauhale o Iudea, e kaua mai ia makon. A pela kakou i hoopomaikaiia mai ai e ka Haku: no ka mea, ina ua hele mai lakou maluna iho o makou i ko makou nawaliwali nei, ina ua luku mai paha lakou i ko makou poe koa uuku; aka, pela makou i hoopakeleia mai ai. Ua kauohaia lakou e Amorona e malama i kela mau kulanakauhale a lakou i hoopio mai ai. A pela i pau ai ka makahiki iwakaluaku-mamaono. A i ka makamua o ka makahiki iwakaluakumamahiku, ua hoomakaukau iho makou i ko makou kulanakauhale a me makou iho e paleaku ia lakou. Ano ua makemake makou e hele mai ko Lamana poe maluma iho o makon; no ka mea, aole o makou makemake e hoouka aka ia lakou ma na wahi paa o lakou. A eia kekahī, hoonoho iho la makou i na kiu a puni, e hoomaka'kiu aka i na hana a ko Lamana poe, i ole ai lakou e maalo ac ia makou ma ka po, aole hoi ma ke ao, e hoouka ae i kekahī o ko makou mau kulanakauhale, ma ka akau; no ka mea, ua ike makou aole lawa ko lakou ikaika, ma ua mau kulanakauhaje la e halawai pu me lakou; nolaila la, na makemake makou, ina e maalo ae lakou ia makou, e haule maluna iho o lakou ma ko lakou hope, a pela e hoouka aka ia lakou ma ka hope, i ka manawa hookahi a lakou e hooukaia'i ma ke alo. Ua manao makou na hiki ia makou ke lanakila aka maluna iho o lakou; aka hoi, ua loaa ole ia makou keia makemake o makou. Aole o lakou aa e maalo ae ia makou me ko lakou poe koa a pau, aole hoi lakou i aa me kekahī hapa, o lawa ole auanei ko lakou ikaika, a e haule iho lakou. Aole hoi lakou aa e hele ae ilalo i ke kulanakauhale o Zarahemela; aole hoi lakou aa e hele aka i kela aoao o ke poo o Sidona, i ke kulanakauhale o Nepaiha. A pela, me ko lakou poe koa, ua paa ko lakou manao e malama'i i ua mau kulanakauhale la a lakou i hoopio mai ai.

4. Ano, eia kekahī, i ka malama lua o keia makahiki, ua laweia mai ka ai a nui ia makou, mai na makaukane mai o ko'u poe keiki elua tausani. A ua hoonnaia mai na kanaka elua tausani ia makou, mai ka aina mai o Zarahemela. A pela ua makaukau makou me na kanaka he umi tausani, a me ka ai no lakou, a no na wahine a lakou, a me ka lakou mau keiki no

hoi. A i ka ike ana o ko Lamana poe i na koa o makou e maluahua ana pela i kela la i keia la, a me ka hiki ana o ka ai no ko makou ola, hoomaka ae la lakou e hopohopo, a hoomaka ae la e puka mai, ina he mea hiki, e hooki mai i ko makou loaa ana ka ai a me na koa. Ano ia makou i ike ai e hoomaka ana ko Lamana poe e oluolu ole ma keia mea, ua make-make makou e hana aku i hana maalea e puni ai lakou; nolaila, kauoha mai la o Anatipusa ia'u e hele aku me ko'u poe keiki uuku, i kekahи kulanakauhale kokoke, me he mea la e hali ana makou i ai i kekahи kulanakauhale kokoke. A na makou e hele kokoke i ke kulanakauhale o Anatipara, me he mea la e hele ana makou i ke kulanakauhale ma o aku, ma na palena ma ke kahakai. A eia kekahи, hele aku la makou, me he mea la me ko makou ai pu kekahи, e hele aku i ua kulanakauhale la. A eia hoi kekahи, hele mai la o Anatipusa, me kekahи hapa o kona poe koa e waiho ana ke koena e malama'i i ke kulanakauhale. Aole nae oia i hele mai, a hiki e au mawaho me ko'u poe koa he uuku, a hookokoke ae la i ke kulanakauhale o Anatipara. Ano, ua hoonohoia iho la ma ke kulanakauhale o Anatipara, ka poe koa ikaika loa o ko Lamana poe; he oiaio, ka poe i o iaku ka nui. A eia kekahи, i ka wa i haiia'e ia lakou e ko lakou poc kiu, puka mai la lakou me ko lakou poe koa, a hele ku e mai la ia makou.

5. A eia kekahи, hee aku la makou imua o lakou, i ka akau. A pela makou i alakai aku ai i ka poe koa ikaika loa o ko Lamana poe; he oiaio, i kahi loihi, a no ia mea, ia lakou i ike aku ai i ka poe koa o Anatipusa e alualu ana ia lakou la, me ko lakou ikaika, aole o lakou la i kapae i ka akau, aole hoi i ka hema, aka alualu mai la lakou ma ke ala pololei ma-hope o makou: a, ia makou i manao ai, e manao ana lakou e luku mai ia makou mamua o ka loaa ana o lakou ia Anatipusa, a o keia mea i ole ai lakou e hoopunia'e e ko makou poe kanaka. Ano e ike ana o Anatipusa i ko makou pilikia, hoolalclale ae la oia i ka hele ana o kona poe koa. Aka hoi, ua po iho la; nolaila, aole i loaa'i makou ia lakou, aole hoi i loaa'i lakou ia Anatipusa; nolaila, hoomoana iho la makou no ka po.

6. A eia kekahи, mamua o ka wehe ana o ke alaula, aia hoi, e alualu mai ana ko Lamana poe ia makou. Ano, aole i lawa ko makou ikaika e paio aku me lakou; he oiaio, aole au i ae aku e haule iho ko'u poe keiki uuku iloko o na lima o lakou; nolaila, hoomau aku la makou i ko makou hele ana; a hele aku la makou iloko o ka waonahele. Ano, aole o lakou aa e kapae i ka akau, aole hoi i ka hema, o hoopunia lakou; aole hoi au e kapae i ka akau aole hoi i ka hema, o loaa mai auanei au ia lakou, a hiki ole paha ia makou ke kupaa imua o lakou, aka e lukuia mai, a e pakelē ake lakou; a pela makou i hee aku ai ia la a po iloko o ka waonahele, a hiki i ka poecele ana.

7. A eia kekahи, i ka puka hou ana mai o ka malamalamo o ke kakahiaka, ike aku la makou i ko Lamana poe maluna iho o makou, a hee aku la makou imua o lakou. Aka, aole lakou i alualu loihi mai ia makou, mamua o ko lakou ku ana; a i ke kakahiaka ia o ka la ekolu, ma ka malama

ehiku. Ano, ina ua loaa lakou ia Anatipusa, aole makou i ike, aka, i aku la au i ko'u poe kanaka, Aia hoi, aole o kakou i ike malia paha ua ku lakou me ka manao e hele ku e aku kakou ia lakou, e hiki ia lakou ke hoohei mai ia kakou ma ko lakou pahele; nolaila, e ko'u poe keiki, heaha la ka oukou olelo, e hele ku e aku anei oukou ia lakou e kaua? Ano, ke i aku nei au ia oe, e ko'u hoahanau aloha o Moroni, aole au i ike e i ka nui o ka makau ole me ia, aole loa mawaena o ko Nepai poe a pau. No ka mea, me a'u i kapa mau ai ia lakou ka'u poe keiki, (no ka mea, he poe hou loa lakou a pau,) pela no lakou i i mai ai ia'u, E ka makua, aia hoi, me kakou pu ko kakou Akua, aole oia e ae mai e haule iho kakou; nolaila, e haele aku kakou; aole kakou e pepehi aku i ko kakou poe hoahanau, ina e hoopilikia ole mai lakou ia kakou; nolaila, e hele kakou, o lanakila auanei lakou maluna iho o ka poe koa o Anatipusa. Ano la, aole o lakou nei i kaua e mamua, aole nae lakou makau i ka make; a ua manao nui loa aku lakou ma ka noho kauwa ole ana o ko lakou poe maknakane, mamua o ko lakou manao ana ma ko lakou mau ola iho; he oiaio, ua aoia lakou e ko lakoa poe makuwahine, ina aole o lakou kanalua, na ke Akua e hoopakele nui ia lakou. A hai mai la lakou ia'u i na olelo a ko lakou poe makuwahine, i ka i ana, Aole o makou kanalua no ka ike o ko makou poe makuwahine ia mea.

8. A eia kekahī, hoi hou aku la au me ko'u mau tausani elua, e ku e aku i ua poe nei o ko Lamana ka poe i alualu mai ia makou. Ano hoi, ua loaa lakou i na puali o Anatipusa, a ua hoomaka kekahī kaua weliweli. Ua maluhiluhi ka poe koa o Anatipusa no ko lakou hele loihi i ka wa pokole a ua kokoke lakou e haule iho iloko o na lima o ko Lamana poe; a iua ua hoi ole ae au me ko'u mau tausani elua, ina ua loaa ia lakou la ka mea a lakou la i manao ai; no ka mea, ua haule iho o Anatipusa ma ka pahikaua, a he nui o kona poe luna papa, no ko lakou luhi, i loaa'i ma ka hele kiki o lakou; nolaila, ua pioloke ka poe kanaka o Anatipusa, no ka haule iho o na luna o lakou, a hoomaka ae la lakou e hee aku imua o ko Lamana poe.

9. A eia kekahī, hooikaika iho la ko Lamana poe, a hoomaka ae la e alualu ae ia lakou; a pela ko Lamana poe e alualu ana ia lakou me ka ikaika nui, i ka wa a Helamana i hoouka aku ai ma ko lakou la hope me kona mau tausani elua, a hoomaka ae la e pepehi nui loa aku ia lakou la, a no ia mea, oki iho la ka poe koa a pau o ko Lamana, a huli mai la io Helamana la. Ano, i ka wa a ka poe koa o Anatipusa i ike ai ua huli ae la ko Lamana poe, houluulu ae la lakou i na kanaka o lakou, a hoouka hou ae ma ka hope o ko Lamana poe.

10. Ano, eia kekahī, hoopuni iho la makou, ka poe kanaka o Nepāi, o ka poe kanaka o Anatipusa, a owau hoi me ko'u mau tausani elua, i ko Lamana poe, a luku aku la ia lakou; he oiaio, a ua koia'ku lakou e haawi mai i na mea kaua o lakou, a me lakou iho no hoi i poe pio o ke kaua.

11. Ano, eia kekahī, ia lakou i hookuu mai ai ia lakou iho ia makou,

aia hoi, helu ae la au i ua poe kanaka hou la, ka poe i kaua pu me an, e hopohopo ana o pepehiia mai paha he nui o lakou a make. Aka hoi, me ka eloli nui o'u, ua haule ole iho kekahi o lakou i ka honua; he oiaio, a ua kauaaku lakou me he mea la me ka ikaika o ke Akua; he oiaio, aole i ike e ia he poe kanaka mamua i kauaaku ai me ka mana kupaianaaha me ia; a no ka mana loa o lakou i haule iho ai maluna o ko Lamana poe, ua hooweliweli aku ia lakou la; a no keia mea na haawi mai ko Lamana poe ia lakou iho i poe pio o ke kaua. A, aole o makou wahi no ko makou poe pio, i hiki ia makou ke kiai iho ia lakou e malama'i ia lakou mai na pualii ae o ko Lamana poe, nolaila, hooquaaku la makou ia lakou i ka aina o Zarahemela, a o kekahi poe pu me lakou o kela poe kanaka o Anatipusa, ka poe i pepehi ole ia'i; a lawe ae la au i ke koena a hui pu mai la me ko'u poe Amona opio, a hoi houaku la i ke kulanakauhale o Iudea.

12. Ano, eia kekahi, loaa mai la ia'u kekahi episetole mai ia Amorona mai ke Alii, e olelo ana ina e haawiaku au i keia poe a makou i hoopio aku ai, nana e haawi mai i ke kulanakauhale o Anatipara no makou. Aka, hoounaaku la au i kekahi episetole i ke Alii, i ka i ana, ua ike lea makou ua lawa ko makou poe koa e hoopioaku i ke kulanakauhale o Anatipara ma ko makou ikaika; a ua manao makou he naaupo makou ke haawiaku i ka poe pio no ua kulanakauhale la, ma ka hoihoi hou mai i na mea o makou i hoopioia e lakou, malaila wale no makou e haawiaku ai i ka makou poe pio. A hoole mai la o Amorona i ka ko'u episetole, no ka mea, aole oia e haawi mai a haawiaku i na pio; nolaila, hoomakaukau iho la makou e hele ku e aku i ke kulanakauhale o Anatipara. Aka, haalele ae la ko Anatipara i ke kulanakauhale, a hee ae la i na kulanakauhale e ae o lakou a lakou i noho ai, e hana paa'i ia mau wahi; a pela i lilo mai ai ke kulanakauhale o Anatipara iloko o na lima o makou. A pela i pau ai ka makahiki iwakaluakumamawalu o ke au o na Lunakanawai.

13. A eia kekahi, ma ka makamua o ka makaliki iwakaluakumamaiwa, loaa mai la ia makou ka lako hou i ka ai, a me kekahi poe koa hou i ko makou poe kea, mai ka aina mai o Zarahemela, a mai ka aina kokoke a puni, he mau tausani eono kanaka o lakou, okoa he kanaono o na keiki a ko Amona poe, ka poe i hele mai e hui me ko lakou poe hoahanau, ko'n pualii uuku o na tausani elua. Ano hoi, ua ikaika makou; he oiaio, a ua nui no hoi ka ai i laweia mai ai ia makou.

14. A eia kekahi, ua makemake makou e kauaaku me ka poe koa i hoonohoia'i e hoomalu iho i ke kulanakauhale Cumeni. Ano hoi, e hoikeaku no au ia oe aole liiliu, a hookoaku la makou i ko makou makemake; he oiaio, me ko makou poe ikaika, oia me kekahi hapa o ko makou poe ikaika, hoopuni iho la makou ma ka po, i ke kulanakauhale Cumeni, he wa pokole mamua o ka wa o lakou e loaa'i he kokua hou o ka ai. A eia ke kahi, hoomoana iho la makou a puni ke kulanakauhale no na po he nui; aka, hiamoe iho la makou maluna o na pahikaua a makou, a hoonoho iho la i na mea kiai, i hiki ole ai i ko Lamana poe ke hiki mai maluna iho o

makou ma ka po, a e pepehi mai ia makou, ka mea a lakou i hoao mai ai i na manawa he nui; aka, o kela manawa keia manawa a lakou i hoao mai ai ia mea, ua hookaheia'ku ko lakou koko. A mahope hiki mai la ka lakou ai, a ua kokoke lakou e komo aku i ke kulanakauhale ma ka po. A ma kahi o ko Lamana poe, o ko Nepai poe ka; nolaila, hoopio aku la makou ia lakou a me ka lakou ai. Me ka hookia'a'ku o ko Lamana poe mai ko lakou ola ae mamuli o keia ano, ua paa nae ka manao o lakou e malama i ke kulanakauhale; nolaila, ua lilo i mea e pono ai no makou e lawe i ua ai la a e hoouna aku ia mea i Iudea, a me ko makou poe pio i ka aina o Zarahemela.

15. A eia kekahih, aole i hala'ku na la he nui wale, mamua o ka pio ana o na manaolana o ko Lamana poe no ke kokuaia mai; nolaila, haawi ma la lakou i ke kulanakauhale iloko o na lima o makou, a pela makou i hooko ai i na manao o makou, i ka loaa ana ke kulanakauhale o Cumeni. Aka, eia kekahih, no ka nui loa o na pio o makou, ua koiia makou, a me ka lehulehu loa nae o makou, e hoohana aku i ko makou poe a pau e malama'i ia lakou, a i ole ia e pepelhi aku ia lakou a make. No ka mea, e kipi mai no lakou he nui loa, a e kaua mai me na pohahu, a me na newa, a me kela mea keia mea i hiki ai ia lakou ke loaa ma ko lakou mau lima, a pepehi aku la makou a make i elua tausani a keu o lakou, mahope mai o ko lakou hookuu mai ana ia lakou iho i poe pio o ke kaua; nolaila, ua lilo ia i mea e pono ai no makou, e hoopauaku makou i na ola o lakou, a i ole ia e kiai aku ia lakou, me ka pahikaua ma ka lima, ilalo i ka aina o Zarahemela; a o ka makou ai hoi aole lawa loa ia mamua o ka mea kupono no ko makou poe kanaka iho, me ia pu nae ka aia a makou i lawe pio mai ai, mai ko Lamana poe mai. Ano, ma keia noho pilikia ana, ua lilo ia i mea nai e hooholo aku ai no ua poe pio la o ke kaua; aka hoi, hooholo paa makou e hoouna aku ia lakou ilalo i ka aina o Zarahemela; nolaila, wae ae la makou i kekahih poe o ko makou poe kanaka, a haawi ae la ia lakou i ka malama ana maluna iho o ka makou poe pio, e hele ilalo i ka aina o Zarahemela.

16. Aka, eia kekahih, ma ia la ae, hoi mai la lakou. Ano hoi, aole makou i ninau aku ia lakou no ka poe pio; no ka mea, ua hiki mai ko Lamana poe maluna iho o makou, a hoi mai la lakou i ka wa pono e hooapekele mai ai ia makou mai ka hattle ana mai iloko o na lima o lakou. No ka mea, aia hoi, ua hoouna ae la o Amorona i ai hou, a me kekahih poe koa he lehulehu no hoi, i kokua no lakou.

17. A eia kekahih, ua hiki mai na poe kanaka la a makou i hoouna pu aku ai me ka poe pio, i ka wa pono e hooki aku ia lakou la, me lakou la i kokoke ai e lanakila mai maluna iho o makou. Aka hoi, kaua makau ole loa aku la ko'u poe uuku elua tausani a me kanaono; he oiao, ua naue ole lakou imua o ko Lamana poe, a lukuaku la lakou i ka poe a pau nana lakou i ku e mai; a me ke koena o ko makou poe koa e kokoke ana e hee eku imua o ko Lamana poe, aia hoi, ua naue ole a hooweliweli ole ia ua

mau tausani nei elua a me kanaono: he oiaio, a hoolohe mai a malama mai e hooko i kela hua olelo i keia hua olelo kaunoha me ka pololei loa; he oiaio, a e like me ko lakou manaoio ua hanaia mai ia lakou; a hoomanao iho la au i na olelo a lakou i i mai ai ia'u ua aoia lakou e ko lakou poe makuwahine. Ano hoi, no ua poe keiki nei o'u, me ua poe kanaka la a makou i wae aku ai e kai aku i ka poc pio, keia lanakila nui o makou; no ka mea, o lakou no ka poe i lanakila aku ai maluma o ko Lamana poe; nolaila, ua hooantheelia'ku lakou i ke kulanakauhale o Manati. A paa ia makou ko makou kulanakauhale Cumeni, a aole pepehi pau loa ia e ka pahikaua; ua nui nae ka lilo o makou.

18. A eia kekahih, mahope mai o ka hee ana'ku, kauoha koke aku la au e laweia'e ko'u poe kanaka i hoehaia'i, maiwaena mai o ka poc make, a kauoha ae la e lapaaui ko lakou mau eha. A eia kekahih, ua maule ilo elua haneri, noloko o ko'u elua tausani a me kanaono, me ke kahe o ke koko; aka hoi, mamuli o ka lokomaikai o ke Akua, a me ka pihoihoi nui o makou, a o na enemi no hoi o ko makou poc koa a pau, aole kekahih mea o lakou i make; he oiaio, aole hoi kekahih mea mawaena o lakou i loaa ole ai na eha he nui. Ano, o ko lakou hoolaia'na he mea ia e kahaha ai i ko makou poc koa a pau: he oiaio, i hoolaia mai ai lakou, oiai ua pepehia a make i hookahi tausani o ko makou poc hoahamau. A ke haawi pono nei makou ia mea i ka mana kupaianaha loa o ke Akua, no ko kakou paulele nui loa i ka mea a lakou i aoi'a'i e manaoio, aia he Akua hoopono, a o na mea i kanalua ole, e hoolaia mai lakou e kona mana kupaianaha. Ano, oia no ka manaoio o ua poc nei a'u e olelo nei; ua opioipio lakou, a ua naue ole ko lakou mau naau; a ke paulele mau aku nei lakou i ke Akua.

19. A eia kekahih, mahope iho o ko makou malama ana pela i ko makou poc kanaka eha, a ua kanu iho la i ko makou poc make, a me ka poc make no hoi o ko Lamana, he nui wale no lakou, aia hoi, niele ae la makou ia Gida no ka poc pio a lakou i lawe aku ai e iho pu ilalo i ka aina o Zarahemela. Ano, o Gida no ka luna nui maluna iho o ka papa i waeia ai e kiai aku ia lakou ilalo i ka aina. Ano, eia na olelo a Gida i olelo mai ai ia'u, Aia hoi, hoomaka aku la makou e iho ilalo i ka aina o Zarahemela, me ka makou poc pio. A, halawai ae la makou i na kiu o na puali o kakou, ka poc i hooanai'a'ku e hoomaka'kiu i ka poc koa o ko Lamana poc. A hea mai la lakou ia makou, i ka i ana, Aia hoi, e hele ana na puali o ko Lamana poc i ke kulanakauhale o Cumeni; a, aia hoi, e haule iho no lakou la maluna iho o lakou, he oiaio, a e luku ae i ko kakou poc kanaka.

20. A eia kekahih, lohe ae la ka makou poc pio i ka hea ana o lakou, a hooikaika iho la ia mea ia lakou; a kipi mai la lakou ia makou. A eia kekahih, no ko lakou kipi ana, hahau ae la makou i ka makou mau pahikaua maluna iho o lakou. A eia hoi kekahih, holo lokahi mai lakou maluna iho o na pahikaua a makou, a ma ia hana, ua pepehia'ku ka nui loa o lakou; a

puka ae la ke koena olakou mawaena o makou a holo aku la mai o makou aku nei. A ia lakou i holo aku ai, a ua hiki ole ia makou ke loaa lakou, hele mai la makou me ka wikiwiki i ke kulanakauhale nei o Cumeni; a, aia hoi, hiki mai la makou i ka manawa ku pono e kokua makou i ko makou poe hoahanau i ka hoopakele ana i ke kulanakauhale. Aia hoi, ua hoopakele hou ia mai kakou mailoko mai o na lima o ko kakou poe enemi. A ua hoomukaiia no ka inoa o ko kakou Akua: no ka mea hoi, nana no makou i hoopakele mai; he oiaio, i hana mai ai i keia mea nui no makou.

21. Ano, eia kekahī i ka wa'a'u, a Helamana, i lohe ai i keia mau olelo a Gida, ua hoopihaiia au me ka olioli nui loa, no ka lokomaikai o ke Akua i ka hoopakele ana ia makou, i make ole ai makou a pau; he oiaio, a ke lana nei ko'u manao ua komoaku na uhane o ka poe i pepehīa iloko o ka maha o ko lakou Akua.

22. Aia hoi kekahī, o ka inakou hana hou ae, oia ke imi i loaa'i ke kulanakauhale o Munati; aka hoi, aole ala e hiki ai ia makou ke alakai mai ia lakou mailoko mai o ke kulanakanahale, ma na papa uuku o makou. No ka mea hoi, hoomanao iho la lakou i ka mea a makou i hana e ai mamua aku; nolaila, na hiki ole ia makou ke hoowalewale aku ia lakou mai ko lakou mau wahi paa mai; a no ka nui loa aku o lakou mamua o ko makou poe koa, aole makou aa e hele aku a e hoouka ia lakou ma na wahi paa o lakou. He oiaio, a ua lilo i mea e pono ai no makou e hoohana'ku i ko makou poe kanaka, i ka malama ana i kela mau wahi o ka aina, a makou i hoopaa mai ai o na hooilina o makou; nolaila, lilo iho la ia i mea e pono ai no makou e kali, e loaa mai ai ka ikaika bou mai ka aina mai o Zarahemela, a me ka lako hou no hoi i ka ai.

23. A eia kekahī, hoouna ae la au pela i kauoha i ke kiaaina o ko kakou aina, e hoike aku ia ia no ka noho ana o ko makou poe kanaka. A kakali iho la makou e loaa mai ka ai a me ka ikaika, mai ka aina mai o Zarahemela. Aka hoi, he uuku wale no ko makou pomaikai ma ia mea: no ka mea, e loaa ana no hoi i ko Lamana poe ka ikaika nui, ia la aku ia la aku, a me ka ai he nui hoi; a pela ko makou noho ana i neia wa. A e puka ku e mai ana ko Lamana poe ia makou, ia manawa aku ia manawa aku, e manao paa ara ma o ka hana maalea la, e luku mai ia makou; aole nae i hiki ia makou ke loaa ke kaua me lakou, no ko lakou mau wahi e pee ai, a me ko lakou mau wahi paa.

24. A eia kekahī, kali iho la makou ma ua noho pilikia ana nei, no namalama he nui, a, kokoke makou e make no ka nele i ka ai ole. Aka eia kekahī, loaa mai la ia makou ka ai, i kiaiia mai ia makou e kekahī poe koa elua tausani, e kokua mai ia makou; a oia ke kokua wale no a makou i loaa'i, e hoomalu ia makou iho a me ko makou aina mai ka haule ana ae iloko o na lima o ko makou poe enemi; he oiaio, a e paio aku me kekahī enemi i hiki ole ke heluia. Ano, ke kumu o keia mau pilikia o makou, a me ke kumu o ko lakou hoouna ole mai i ka ikaika bou ia makou,

ua ike ole makou; nolaila, ua hookaumahaia mai makou, a hoopihai a mai no hoi i ka makau, o hiki mai paha na hoopai o ke Akua maluna iho o ko kakou aina, i ka hoohioloia mai a me ka luku loa ia mai o kakou; nolaila, ninini aku la makou i ko makou mau uhane ma ka pule i ke Akua, nana e hooikaika mai a e hoopakele mai ia makou, mailoko mai o na lima o ke makou poe enemi; he oiaio, a e haawi mai no hoi i ikaika ia makou, e hiki ia makou ke hoopaa iho i ko makou mau kulanakauhale, a me ko makou mau aina, a me ko makou mau hooilina, no ke ola o ko makou poe kanaka. He oiaio, a hooiaio mai la ka Haku ko kakou Akua ia makou, nana makou e hoopakele mai; he oiaio, a olelo mai la i ka maluhia i ko makou mau uhane, a haawi mai la ia makou i ka manaoio nui, a hoolana mai la ia makou e hilinai aku no ko makou hoopakeleia'na ia ia; a hooikaika iho la makou me ko makou poe koa uuku a makou i loaa'i, a ua paa me ka manao ikaika e lanakila aku maluna iho o ko makou poe enemi, a e malama i ko makou mau aina, a me ko makou mau hooilina, a i na wahine a makou, a me na keiki a makou, a me ka aoao o ko makou ku okoa ana. A pela makou i hele aku ai me ko makou ikaika e ku e i ko Lamana poe, e noho ana ma ke kulanakanahale o Manati; a kukulu iho la makou i na halelewa o makou ma ka aoao waonahele, kokoke no ia i ke kulanakauhale. A eia kekahia la ae, i ko Lamana poe i ike mai ai ua hiki makou ma na palena ma ka waonahele kokoke i ke kulanakauhale, hoomaka ae la lakou i na kiu o lakou a puni makou; e hiki ia lakou ke ike i ka nui, a me ka ikaika o ko makou poe koa.

25. A eia kekahia, ia lakou i ike niai ai aole o makou ikaika, mamuli o ko makou nui, a e makau ana e hooki aku ana makou ia lakou mai ko lakou ola ae, ke ole lakou e hele mai mawahoe kaua mai ia makou, a pepehi mai ia makou, a e manao ana no hoi ua hiki olohu ia lakou ke luku mai ia makou me na pualu lehulehu o lakou, nolaila, hoomaka ae la lakou e hoomakaukau iho e hele mai io makou la e kaua. A ia makou i ike aku ai e hoomakaukau ana lakou e hele mai mawahoe ku e mai ia makou, aia hoi, kena ae la au ia Gida, me kekahia poe kanaka uuku, e pee oia iloko o ka waonahele, a ia Teomanera hoi, me kekahia poe kanaka uuku, e pee no hoi lakou iloko o ka waonahele. Ano, ma ka akau o Gida a me kona poc kanaka, a o lakou la ma ka hema; a ia lakou i pee ai pela, aia hoi, kakali iho la au me ke koena o ko'u poe koa, ma kahi hookahia makou i kukulu mua ai i ko makou mau halelewa, no ka manawa e hele mai ai ko Lamana poe mawahoe kaua.

26. Ano, hele mai la ko Lamana poe mawahoe me ko lakou poe koa lehulehu e ku e mai ia makou. A ia lakou i hiki mai ai, a e kokoke ana e haule mai maluna iho o makou me ka pahikaua, kena ae la au i ko'u poe kanaka, i ka poe pu me an, e hee aku iloko o ka waonahele.

27. A eia kekahia, alualu mai la ko Lamana poe mahope o makou me ka wikiwiki nui, no ka mea, ua ake nui lakou e loaa makou, e hiki ia lakou ke pepehi mai la makou; nolaila, alualu mai la lakou ia makou iloko o ka

waonahele; a holo ae la makou mawaena konu o Gida ma laua me Teomanera ma, a ua ike ole ia lakou e ko Lamana poe.

28. A eia kekahī, i ka wa a ko Lamana poe i maalo ae ai, oia i ka wa a ka poe koa i maalo ae ai; ala ae la o Gida ma me Teomanera ma mai ko lakou mau wahi luna ae, a hooki ae la i na kiu o ko Lamana poe, i ole ai lakou e hoi hou i ke kulanakauhale. A eia kekahī, ia lakou i hooki aku ai ia lakou la, holo ae la lakou i ke kulanakauhale, a haule iho la maluna iho o ka poe kiai i hoonohoia'i, e kiai i ke kulanakauhale, a luku aku la lakou ia lakou la, a loaa iho la ke kulanakauhale. Ano, ua hanaia'ku keia no ke kuu mai o ko Lamana poc i ko lakou poe kaua a pau, koe he mau kiai he kakaikahi wale no, e alakaiia mai ai iloko o ka waonahele.

29. A eia kekahī, ma keia hana ua loaa ia Gida me Teomanera ko lakou mau wahi paa. A eia kekahī, hele aku la makou, mahope o ka hele nui ana ma ka waonahele, me ka ihu i ka aina o Zarahemela. A i ko Lamana poe i ike ai e hele ana lakou i ka aina o Zarahemela, ua hopohopo nui loa lakou, o kukaia kekahī mea e alakai ia lakou i ka make; nolaila, hoomaka ae la lakou e hoi hou aku iloko o ka waonahele, he oiaio, e hoi ana ma ke ala hookahi a lakou i hele mai ai. Aia hoi, ua po iho la, a kukulu ae la lakou i na halelewa o lakou; no ka mea, ua manao na luna nui o ko Lamana poe ua maluhiluhi ko Nepai poe, no ko lakou hele; a e manao ana ua hoohee mai i ko lakou nei poe kaua a pau, nolaila, aole o lakou la manao iki no ke kulanakauhale o Manati.

30. Ano, eia kekahī, i ka wa ihiki mai ai ka po, kena ae la au i ko'u poe kanaka aole e liamoe, aka e hele aku lakou, ma kekahī ala e, i ka aina o Manati. A no keia hele ana o makou i ka po, aia hoi, i kakahiaka ae, mamua makou o ko Lamana poe, a hiki e makou mamua o lakou i ke kulanakauhale o Manati. A pēla i hiki mai ai, ma keia hana maalea, ua loaa mai la ia makou ke kulanakauhale o Manati, me ka hookahe ole ana i ke koko.

31. A eia kekahī, i ka wa a na puali o ko Lamana poe i hiki mai ai a kokoke i ke kulanakauhale, a ike mai la ua makaukau makou e halawai pu me lakou, ua kahaha nui loa iho la lakou, a loohia me ka makau nui, a hee aku la iloko o ka waonahele. He oiaio, eia kekahī, hee aku la na puali o ko Lamana poe mailoko aku o kcīa hapa o ka aina. Aka hoi, ua lawe pu ia'ku me lakou na wahine a me na keiki he nui wale mailoko aku o ka aina. A o kela mau kulanakanahale i hoopio e ia e ko Lamana poe, aia no lakou a pau i keia mauawa i nohoia'i e makou; a e hoi hou mai ana ko makou poe makua, a me ko makou poe wahine, a me ko makou poe keiki, i ko lakou mau wabi i noho ai, o lakou a pau koe kela poe wale no, ka poe i hoopioia'i a laweia'ku e ko Lamana poe. Aka hoi, ua uuku na puali o makou, e malamaaku i na kulanakauhale he nui me ia, a me na hooilina nui me ia. Aka hoi, ke paulele nei makou i ko kakou Akua, nana i haawi mai i ka lanakila ia makou maluna iho o kela mau aina, i loaa mai ai ia makou ua mau kulanakauhale la a me ua mau aina la, no kakou po-

noi mamua. Ano, aole makou i ike i ke kumu no ka haawi ole mai o ke aupuni i ikaika nui ae ia makou; aole hoi o ua poe kanaka la ka poe i pii mai ai ia makou, i ike i ke kumu o ko makou loaa ole ka ikaika nui ae. Aia hoi, ua ike ole makou, malia paha ua pomaikai ole oe, a ua kauo ae oe i na koa iloko o kela hapa o ka aina; ina pela, aole o makou makemake e ohumu. A ina aole pela, aia hoi, ke makau nei makou aia no he mokuhana ma ke aupuni, i ole ai lakou i hoouna mai i na kanaka nui ae e kokua mai ia makou; no ka mea, ua ike makou ua oi aku ko lakou lehulehu mamua o ka poe a lakou i hoouna mai ai. Aka, he mea ole ia: ke lana nei ko makou manao na ke Akua makou e hoopakele mai, me ka nawaliwal; nae o na pualo o makou, he oiaio, a e hoopakele mai ia makou, mailoko mai o na lima o ko makou poe enemi.

32. Aia hoi, o ka makahiki iwakaluakumamaiwa neia, ma ka hope o ka makahiki, a e noho ana makou ma ko makou mau aina; a ua hee aku ko Lamana poe i ka aina o Nepai. A eia pu me au nei ua poe keiki la a ko Amona a'u i kaena ai, ma ke kulanakauhale o Manati; a ua kokua mai ka Haku ia lakou, he oiaio, a hoopakele mai ia lakou i ka haule ana ma ka pahikaua, i pepehi ole ia'i kekahi mea. Aka hoi, ua loaa ia lakou na eha he nui; aka ke kupaa nei lakou ma ua ku okoa ana la a ke Akua i hookuu mai ai ia lakou; a ua ikaika lakou e hoomanao i ka Haku ko lakou Akua, ia la aku ia la akn; he oiaio, ke malama mau nei lakou i kana mau olelo kupaa, a me kona mau hoopono, a me kana mau kauoha; a ua ikaika ko lakou manaoio ma ua wanana no na mea e hiki mai ana. Ano, e ko'u hoahanau alohaia o Moroni, na ka Haku ko kaua Akua nana kaua i hoolapanai mai a hookuu mai ai, e malama mau ai ia oe ma kona alo; he oiaio a nana e lokomaikai mai i keia poe kanaka, i loaa'i ia oe ka pomai-kai ma ka loaa ana na mea a pau a ko Lamana poe i kaili aku ai mai o kakou aku, na mea no ko kakou ola. Ano hoi, ke hoopau iho nei au i ko'u episetole. Owau no o Helamana, ke keiki a Alama.

MOKUNA XXVII.

1. Ano, eia kekahī, ma ka makahiki kanakolu o ke au o na Lunakanawai maluna ibo o ka poe kanaka o Nepai, mahope iho o ko Moroni loaa ana a me ka heluhelu ana i ko Helamana episetole, na hoobauoli nui loa ia oia no ka pomaikai, he oiaio, no ka pomaikai nui loa a Helamana i loaa i, ma ka loaa ana kela mau aina i lilo ai; he oiaio, a hoike aku la oia ia mea i kona poe kanaka a pau, ma ia aina e kokoke ana a puni, kahi ana i noho ai, i hiki no boi lakou ke hanoli pu.

2. A eia kekahī, hoouna koke ae la ia i episetole io Pahorana la, e makamake ana ia ia e kena aku e houluuluia na kanaka, e hooikaika ae ia Helamana, a i na pualo o Helamana, i hiki oluolu ai ia ia ke malama i

kela hapa o ka aina, kahi ana i hoopomaikai kupaiānaha ia'i ma ka hoo-paa ana. A eia kekahī, ia Moroni i hoouua aku ai i ua episetole nei i ka aina o Zarahemela, hoomaka hou iho la oia e kuka i kekāhi mea, e biki ia ia ke loaa ke koena o kela mau aina hooiliua a me na kulanakauhale a ko Lamana poe i lawe aku ai mai o lakou aky.

3. A eia kekahī, oiai o Moroni e hoomakaukau ana pela e hele **aku** i ko Lamana poe e kaua, aia hoi, o ka poe kauaka o Nepaiha ka poe i hon-luuluia ae mai ke kulanakauhale o Moroni mai, a me ke kulanakauhale o Lehi, a me ke kulanakauhale o Morianatona, ua hooukaia mai e ko Lamana poe; he oiaio, o ka poe i koia'ku e holo aku ai mai ka aina o Manati aky, a mai ka aina a puni aky, ua bele mai la a hui pu ae me ko Lamana poe ma keia hapa o ka aina; a pela ua lehulehu loa, he oiaio, a e loaa ana ka ikaika ia la aky ia la aky, ma ke kauoha a Amorona, hele mai ia lakou me ke ku e i ko Nepaiha, a hoomaka lakou e luku mai ia lakou nei me ka luku nui loa. A no ka nui loa o ua pualī o lakou, ua koiai mai ke koena o ko Nepaiha e hee aky imua o lakou la; a hele mai la hoi lakou a hui mai la me ka poe koa o Moroni. Ano, ua manao o Moroni e pono ke hoounaia na kanaka i ke kulanakauhale o Nepaiha, e kokua ae i ua poe la e malama iā kulanakauhale, a e ike ana he mea oluolu loa e malama i ke kulanakauhale mai ka haule ana iloko o na lima o ko Lamana poe, mamua o ka lawe hou ana ia mai o lakou nai, ua manao oia e malama oluolu ana lakou i na kulanakauhale la; nolaila, hoopaa mai la oia i kona poe a pau e malama i ua mau wahi la ana i loaa hou ai.

4. Ano, ia Moroni i ike ai ua lilo aky la ke kulanakauhale o Nepaiha, ua kaumaha nui loa oia, a hoomaka ae la e kanalua, no ka hewa o kanaka, anoai o haule iho auanei lakou iloko o na lima o ko lakou poe hoahanau. Ano pela no hoi kona poe luna nui a pau. Kanalua iho la lakou a kahaha no hoi, no ka hewa o kauaka; a o keia no ka pomaikai o ko Lamana poe maluna iho o lakou. A eia kekahī, hulu iho la o Moroni i ke aupuni, no ko lakou palaka no ke ku okoa ana o ko lakou aina.

5. A eia kekahī, palapala hou ae la oia i ke kiaaina o ka aina, oia no o Pahorana, a eia na olelo ana i palapala iho ai, i ka i ana, Aia hoi, ke kakau nei au i kuu episetole ia Pahorana ma ke kulanakauhale o Zarahemela, oia no ka Lunakanawai Nui a me ke Kiaaina hoi maluna iho o ka aina, a i ka poe a pau no hoi i wacia'e ai e keia poe kanaka e hoomalu a e hooponopono iho i na mea o keia kaua; no ku mea hoi, he mau mea ka'u e olelo aky ia lakou ma ka hoohewa aky; no ka mea, ua ike oukou no oukou iho ua hoonohoia'e oukou e houluulu ae i na kanaka, a e kahiko aky ia lakou me na pahikaua, a me na pahikaua pokole, a me na mea kaua a pau, o kela ano keia ano, a e hoouna mai e ku e aky i ko Lamana poe, ma kela wahi keia wahi a lakou la e komo mai ai iloko o ko kakou aina. Ano hoi, ke i aky nei au ia oukou, ua loaa mai ia'u iho, a i ko'u poe kanaka no hoi, a ia Helamana hoi me kona poe kanaka, na popilikia nui loa; he oiaio, o ka pololi, makewai, a me ka luhi, a me na eha o kela ano keia ano.

Aka, ea, ina o keia wale no ka makou i loaa'i, aole makou e ohumu, aole hoi hoohewa aka; aka ua nui no ka luku mawaena o ko makou poe kana-ka; he oiaio, ua haule iho la na tausani ma ka pahikaua, oiai aole pela, ina ua haawi mai oukou i na pualo o makou i ka ikaika a kokua ku pono no lakou. He oiaio, ua nui ko oukou malama ole ana mai ia makou. Ano hoi, ke makemake nei makou e ike i ke kumu o keia malama ole loa ana ia makou; he oiaio, ke makemake nei makou e ike i ke kumu o ko oukou no-ho nanea ana. E hiki anei ia oukou ke manao e noho maluna iho o ko oukou mau noho alii, me ka noho lolo, nanea ana, oiai e hoolaha mai ana ko oukou poe enemi i ka hana o ka make a puni oukou? He oiaio, oiai e pepehi loa ana lakou la i na tausani o ko oukou poe hoahanau; he oiaio, i ka poe hoi i nana ae ai ia oukou no ka hoomaluia mai, he oiaio, ua hoo-noho iho ia oukou ma ia wahia, i hiki ai ia oukou ke kokua mai ia lakou; he oiaio, ua hiki e ia oukou ke hoouna mai i na pualo ia lakou, i hooikaika mai ia lakou, a i hoopakele mai ai i na tausani o lakou mai ka haule ana mai ma ka pahikaua? Aka hoi, aole keia wale, ua aua aku oukou i ko oukou ai ia lakou, a ua kaua aku a hookahe aku na mea he nui wale i ko lakou mau ola, no na makemake nui o lakou no ka pomaikai o keia lahuikanaka; he oiaio, a oia ka lakou i hana'i, i ka wa e kokoke ana lakon e make me ka pololi, no ko oukou malama ole loa ana ia lakou.

6. Ano, e ko'u poe hoahanau alohaia; no ka mea, ua alohaia oukou e pono ai; he oiaio, a o ka oukou pono e hooikaika oukou ia oukou iho me ka mikimiki nui loa ae no ka pomaikai a me ke ku okoa ana o keia lahuikanaka; aka hoi, ua malama ole mai oukou ia lakou, a no ia mea, e ili mai auanei ke koko o na tausani maluna iho o ko oukou mau poo no ka hoopai; he oiaio, no ka mea, ua ikeia e ke Akua ko lakou kaliea ana a pau, a me ko lakou mau eua a pau. Aia hoi, ua hiki anei ia oukou ke manao na hiki ia oukou ke noho maluna iho o ko oukou mau noho alii, a no ka lokomaikai nui loa o ke Akua, ua hiki ia oukou ke noho wale, a e hoopakele ae oia ia oukou ea? Aia hoi, ina ua manao oukou i keia, ina ua manao make hewa oukou. Ke manao nei oukou, no ka nui loa o ko oukou poe hoahanau i pepehiia mai, no ko lakou hewa anei ia? Ke iaku nei au ia oukou, ina ua manao oukou i keia, ina ua manao make hewa oukou; no ka mea, ke iaku nei au ia oukou, ua nui no na mea i haule iho ma ka pahikaua; a i ko oukou hoohewaia'na no ia; no ka mea, e hookuu mai ana ka Haku i ka poe pono e pepehiia mai, i hiki mai ai kona hoopai a hoohewa maluna iho o ka poe hewa; nolaila, aole e pono no oukou e mapao ua lilo aku la ka poe pono no ka pepehiia'na o lakou, aka hoi, ke komo aka la lakou iloko o ka maha o ka Haku ko lakou Akua.

7. Ano hoi, ke iaku nei au ia oukou, ke makau nui loa nei au e hiki mai na hoopai o ke Akua maluna iho o keia lahuikanaka, no ko lakou molowa nui loa; he oiaio, ka molowa hoi o ko kakou aupuni, a me ka nui loa o ko lakou malama ole i ko lakou poe hoahanau, he oiaio, i ua poe la i pepehiia mai ai. No ka mea, ea, ina aole no ka hewa, i hoomaka nua ai ma ko

kakou poo, ina ua hiki ia makou ke pale aku i ko kakou poe enemi, i ole lakou i hiki ke loaa mai i mana maluna iho o kakou: he oiaio no, ina aole no i puka mai ai ke kaua mawaena o kakou iho: he oiaio, ina aole no ua poe-makemake-Alii la, ka poe i hoomaka ai i ke hookahe koko nui ana mawaena o kakou iho; he oiaio no, i ka wa o ko kakou paio ana mawaena o kakou iho ina ua hui pu kakou i ko kakou ikaika, e like me kakou i hana'i mamua aku; he oiaio, i ole no ke kuko mana a me ke alii ana hoi a ua poe-makemake-Alii la i loaa'i maluna iho o kakou; ina ua onipaa lakou i ka aoao o ko kakou ku okoa ana, a hui pu mai me kakou, a hele aku e ku e aku i ko kakou poe eneni, ma kahi o ka lalau ana iho i na pahikaua a lakou e ku e mai ia kakou, a o ke kumu no ia mea o ka hookahe koko nui ana mawaena o kakou iho; he oiaio, ina ua hele aku kakou e ku e aku ia lakou, ma ka ikaika o ka Haku, ina ua hoopuehu aku kakou i ko kakou poe enemi; no ka mea, ina ua hanaia mai ia i ka hookeia'na o kana olelo. - Aka hoi, e hele mai ana ano ko Lamana poe maluna iho o kakou, a e pepehi mai ana lakou i ko kakou poe kanaka nei me ka pahikaua; he oiaio, i ko kakou poe wahine a me ko kakou poe keiki, e noho ana ma ko kakou mau aina, a e lawe pio aku ana no hoi ia lakou nei; e hoeha ana ia lakou nei me na pilikia a pau; a o keia no ka hewa nui o ua poe la i imi ai i ka mana a me ke alii ana; he oiaio, o ua poe-makemake-Alii la. Aka, no ke aha la au e olelo nui nei no keia mea, no ka mea, aole makou i ike, anoai o oukou no kekahī e imi ana no ka mana? A aole o makou i ike, anoai he poe kipi no hoi oukou i ko oukou aina? A i ole ia, i malama ole mai anei oukou ia makou no ko oukou noho ana mawaena konu o ka aina, a ua hoopunia oukou e ka maluhia, i ole oukou e kena ae i ka ai e hoounaia mai ia makou, a me na kanaka no hoi e hooikaika mai i ko makou mau puali? Ua hoopoina anei oukou i na kauoha a ka Haku, a ko oukou Akua? He oiaio, ua hoopoina anei oukou i ka noho pio ana o ko kakou poe kupuna? Ea, ua hoopoina anei oukou i na manawa he nui o kakou i hoopakeleia mai ai, mailoko mai o na lima o ko kakou poe enemi? Ke manao nei anei oukou e hoopakele mai ana ka Haku ia kakou ano, oiai e noho ana kakou maluna o ko kakou mau noho alii, a hana ole aku me na mea a ka Haku i hoomakaukau mai ai no kakou? He oiaio, e noho anei oukou i ka molowa, oiai i hoopunia enkou me na tausani o kela poe, oia, a me na umi o na tausani, ka poe e noho ana no hoi i ka molowa, oiai e haule ana na tausani ma na palena o ka aina a puni, ma ka pahikaua, he oiaio, i hooehaia a e kahe ana ke koko? Ke manao nei anei oukou e nana mai ke Akua io oukou me he poe hewa ole la, oiai e noho malie ana oukou a ike mai i keia mau mea? Aia hoi, ke i aku nei au ia oukou, aole. Ano, ke makemake nei au ia oukou e hoomanao ua i mai ke Akua. E hoomae-mae mua ia ka ipu oloko, alaila, e hoomaemacia ka ipu owaho no hoi.

8. Ano, ina aole oukou e mihi i ka mea a oukou i hana ai, a e hoomaka e eu a e hana, a e hoouna mai i ai a me na kanaka io makou nei, a io Helamana la no hoi, e hiki ia ia ke malama i ua mau wahi la o ko kakou

aina ana i hoopaa ai, a e hiki no hoi ia makou nei ke loaa hou mai ke kōena o na hooilina o kakou ma keia mau wahi, aia hoi, alaila he mea e po-no ai e paio hou ole aku makou me ko Lamana poe, a, pau mua ia makou ka ipu oloko i ka hoomaemacia; he oiaio, o ke poo nui o ko kakou aupuni; a ke ole oukou e ae mai i ko'u episetole nei, a e puka mai a e hoike mai i ka uhane oiaio o ke ku okoa ana, a e hooikaika iho e kokua mai a e hoo-nui mai i na pualo o makou, a e haawi mai ia lakou i ai no ko lakou ola, aia hoi, e waiho aku au i kekahī hapa o ko'u poe ku okoa e malama i ua hapa nei o ko kakou aina, a e waiho aku no au i ka ikaika a me na pomai-kai o ke Akua maluna iho o lakou, i hiki ole ai i kekahī mana e ae ke hana ku e mai ia lakeu; a o keia no ko lakou manaoio nui loa a me ko lakou hoomanawanui ma na popilikia o lakou; a e hele aku au io oukou la, a ina mawaena o oukou kekahī nona ka makemake i ke ku okoa ana, he oiaio, ina e koe ana kekahī huna o ke ku okoa ana, aia hoi, e hookono-kono au i na kipi ana mawaena o oukou, a hiki i ka wa e pau ai ka poe nona na makemake e lalau wale iho i ka mana a me ke alii ana; he oiaio hoi, aole au makau aku i ko oukou mana, aole hoi i ko oukou alii ana, aka, o ko'u Akua no ka'u i makau ai, a mamuli no ia o kana mau kauoha a'u i lalau iho ai i ka'u pahikaua e hoomalu aku i ka aoao o ko'u aina, a no ko oukou ino ua loaa ia makou ka lilo nui me ia. Aia hoi, ua ku pono ka manawa; he oiaio, ua kokoke loa mai ka manawa, ina aole oukou e hoolalele ia oukou iho ma ka hoomalu ana i ko oukou aina a me ko oukou poe uuku, e kau ana ka pahikaua o ka hoopai maluna iho o oukou; he oiaio, a e haule iho auanei ia maluna o oukou a e hoopai ia hiki i ko oukou luku loa ia'na. Aia hoi, ke kali nei au no ke kokua, mai ia oukou mai, a ke ole oukou e lawelawe mai no ke kokua ia makou, aia hoi, e hele aku au io oukou la i ka aina o Zarahemela, a e hahau aku ia oukou me ka pahikaua, i ole ai o oukou mana hou, e alalai mai i ka hele ana inuia o keia lahuikanaka ma ka aoao o ko kakou ku okoa ana; no ka mea hoi, aole o ka Haku ae mai e ala oukou a e mshuahua ikaika ma ko oukou mau hana ino, e anai mai ai i kona lahuikanaka pono. Aia hoi, ua hiki anei ia oukou ke manao e hookoe mai ka Haku ia oukou a e puka ae mawaho ma ka hoopai i ko Lamana poe, i ka wa hoi a na mooolelo o ko lakou poe kū-puna i hookumu ai i ko lakou inaina; a ua papaluaia'lia e ua poe la nana i haalele ku e mai ia kakou, oiai ko oukon ino no ko oukou aloha i ka hanohano, a me na mea lapuwale o ke ao nei? Ua ike oukou ke lawehala nei oukou i na kanawai o ke Akua, a na ike no oukou ke hahi nei oukou ia mau mea malalo iho o na kapuai o oukou. Aia hoi, ke i mai nei ka Haku ia'u, Ina aole ka poe a oukou i wae ae ai i poc kiaaina no oukou, e mihi i ko lakou mau hewa a me na hala, e hele aku auanei oukou e kaua ku e ia lakou.

9. Ano hoi, ua koia mai wau, o Moroni, mamuli o ka berita a'u i hanai'i e malama i na kauoha a ko'u Akua; nolaila, ua makemake au ia oukou e hoopili aku i ka olelo a ke Akua, a e hoouna koke mai io'u nei i ka

oukou ai a i ko oukou poe kanaka, a io Helamana la no hoi. Aia hoi, ina aole oukou e hana mai i keia, e hele koke aku au io oukou la; no ka mea hoi, aole ke Akua e kuu mai ia makou e make me ka pololi; nolaila, e hawaii mai no oia ia makou i ka oukou ai, ina no ma ka pahikaua ka pono. Ano, e makaala oukou e hooko aku i ka olelo a ke Akua. Aia hoi, owau no o Moroni, ko oukou alihia kaua. Aole au e imi ana no ka mana, aka e hoohiolo iho ia mea ilalo. Aole au e imi ana no ka hanohano o ko ke ao nei, aka no ka nani o ko'u Akua, a me ke ku okoa ana a me ka pomaikai o ko'u aina. A pela au e hoopat nei i ka'u episetole.

MOKUNA XXVIII.

1. Aia hoi kekahia, aole liiliu mahope iho o ko Moroni hoouna anaaku i kana episetole i ke Kiaaina Nui, loaa mai la ia ia kekahia episetole mai ia Pahorana mai, ke Kiaaina Nui. A eia na olelo i loaa ia ia: Owau, o Pahorana, ke Kiaaina Nui o keia aina, ke hoouna aku nei au i keia mau huaolelo io Moroni la, i ka alihia kaua maluna iho o ka poe kaua, aia hoi, ke i aku nei au ia oe, e Moroni, aole au olioli ma ko oukou mau pilikia nui; he oiaio, ke hookaumaha iho nei ia mea i kuu uhane. Aka hoi, aia no kekahia poe ke hauoli nei i ko oukou mau popilikia; he oiaio, a ua ea mai lakou ma ke kipi mai ia'u, a i ka poe-ku-okoa no hoi o ko'u poe kanaka; he oiaio, ka poe i ea mai na lehulehu loa lakou. A o ka poe i ini mai e kaili mai i ka noho hookolokolo mai o'u aku, o lakou no ka i hookumu mai i keia ino nui; no ka mea, ua hana lakou me ka malimali nui; a ua alakai aku lakou i na naau o na kanaka he nui wale, a e lilo ia i kumu no ka popilikia eha nui auanei mawaena o makou; ua aua aku lakou i ka lakou ai, a ua hooweliweli ae i ko makou poe-ku-okoa, i ole lakou i hele aku io oukou la. Aia hoi, ua kipaku mai lakou ia'u imua o lakou, a ua holo aku au i ka aina o Gideona, me na kanaka a pau i hiki ia'u ke loaa. Aia hoi, ua hoouna aku au i kekahia olelo hoolaha mawaena o keia aoao o ka aina; a eia lakou e akoakoa mai ana io makou nei i kela la i keia la, i na mea kaua o lakou, ma ka hoomalu ana i ko lakou aina, a me ko lakou ku okoa ana, a e hoopai aku i ko makou apikiia mai. A ua hele nui mai lakou io makou nei, a no ia mea ua aaia'ku kela poe nana i ala mai ma ke kipi mai ia makou; he oiaio, a ke makau mai nei lakou ia makou, a aa ole e hele mai mawaho nei e ku e mai ia makou ma ke kaua. Ua loaa ia lakou ka aina, a oia hoi ke kulanakauhale o Zarahemela; ua hoonoho iho lakou i Alii maluna iho o lakou, a ua palapala ae la oia i ke Alii o ko Lamana poe, a iloko o ia mea ua hana oia i kuikahi me ia; a ma ua kuikahi nei, ua ae aku oia e malama i ke kulanakauhale o Zarahemela, a ma ia malama ana ke manao la oia e kokua i ko Lamana poe e lanakila maluna o ke koena o ka aina, a e hoonohoia oia i Alii maluna iho o keia Iahuika-

naka, i ka wa a lakou e noho ai malalo iho o ko Lamana poe. Ano, ma kau episetole ua hoochewa mai oe ia'u; aka he mea ole ia, aole au i huhu, aka, ma ka nui o kou naau ke hanoli nei au. Aole au, o Pahorana, e imi ana no ka mana, cia wale no e hiki ia'u ke noho ma ko'u noho hookolokolo, e hiki ia'u ke malama aku i na pono a me ka noho kauwa ole ana o ko'u lahuikanaka. Ke kupaa nei ko'u nhane ma ua noho kauwa ole ana la, a ke Akua i hookuu mai ai ia kakou.

2. Ano hoi, e pale aku no kakou i ka hewa a hiki i ka hookahe koko ana. Aole kakou e hookahe aku i ke koko o ko Lamana poe, ina ua noho lakou ma ko lakou aina iho. Aole kakou e hookahe aku i ke koko o ko kakou poe hoahanau, ina aole lakou i ea mai i ke kipi ana a lalau iho i ka pahikaua e ku e mai ia kakou. E hookauwa aka no kakou ia kakou iho i ke auamo hooluhi, ina ia he mea e pono ai me ka hoopono o ke Akua, a i ole ia ina e kauoha mai oia ia kakou e hana pela. Aka hoi, aole oia i kauoha mai ia kakou e hookauwa aka kakou na ko kakou poe enemi, aka na kakou e paulele aka ia ia, a nana e hoopakele mai ia kakou. Nolaila, e ko'u hoahanau aloha o Moroni, e pale aka kana i ka ino; a o kela ino keia ino i hiki ole ai ia kaua ke pale aka me ka kaua mau olelo, he oiaio, e like me na kipi ana a me na kuee ana, e pale aka kana ia mau mea me ka kaua pahikaua, e hiki ia kaua ke paa i ko kaua ku okoa ana, e hiki ia kaua ke hanoli i ka pono nui o ko kaua ekalesia, a i ka hana a ko kana Mea Hoolapanai a me ko kaua Akua. Nolaila, e hele koke mai oe io'u nei, me kekahi poe uuku o kou poe kanaka, a e waiho aka i ke koena malalo iho o Lehi laua me Teanacuma; e haawi aka ia laua i ka mana e hooponopono i ke kaua ma ia aoao o ka aina, e like me ka Uhane o ke Akua, oia no ka uhane o ke ku okoa ana iloko o laua. Aia hoi, ua hoouna aka au i ai uuku ia lakou, i ole ai lakou e make a hiki mai oe io'u nei. E holuluulu ae oe i na kanaka a pau au e hiki ai ma kou hele ana mai ia nei, a e hele koke aka kakou e ku e i ua poe haalele kuee la, ma ka ikaika o ko kakou Akua, e like me ka manaoio iloko o kakou. A e loaa ae ia kakou ke kulanakauhale o Zarahemela, i loaa'i ia kakou ka ai nui aka e hoouna aka io Lehi la laua me Teanacuma; he oiaio, e hele ku e aka kakou ia lakou ma ka ikaika o ka Haku, a e hoopau aka kakou i keia ino nui.

3. Ano, e Moroni, ke olioli nei au i ka loaa ana kau episetole; no ka mea, ua anoninoni nuku au no ka mea a makou e hana'i, ina paha he pono no makou e hele ku e aka i ko kakou poe hoahanau. Aka ua i mai oe, ina aole lakou e mihi, ua kauoba mai la ka Haku ia oe e hele ku e aka oe ia lakou. E makaala oe e hooikaika iho ia Lehi laua me Teanacuma ma ka Haku: e hai ae ia laua e makau ole, no ka mea, na ke Akua laua e hoopakele; he oiaio, a me ka poe a pau e kupaa ana ma ka noho kauwa ole ana, a ke Akua i hookuu mai ai ia lakou. Ano, ke hoopau nei au'i kuu episetole i ko'u hoahanau aloha o Moroni.

MOKUNA XXIX.

1. Ano, eia kekahī, ia Moroni i loaa'i ua episetole nei, hooikaikaia iho la kona naau, a ua hoopihaiā me ka olioli nui loa, no ka onipaa ana o Pahorana, i ole ai oia no hoi he kipi i ke ku okoa ana a me ka aoao o kona aina. Aka, uwe nui loa iho la no hoi oia, no ka ino o ua poe la nana i kipaku aku ia Pahorana mai ka noho hookolokolo aku; he oiaio, no ua poe la nana i kipi mai i ko lakou aina, a i ko lakou Akua no hoi.

2. A eia kekahī, lawe ae la o Moroni i kekahī poe kanaka uuku, e like me ka makemake o Pahorana, a haawi ae la oia ia Lehi laua me Teanacuma i ka noho luna ana maluna iho o ke koena o kona poe kaua, a hele aku la oia i ka aina o Gideona. A hooku ae la oia i ka hae ku okoa ma kela wahi keia wahi ana i komo ai, a loaa ia ia kela kokua keia kokua i hiki ia ia i kona hele ana a pau i ka aina o Gideona.

3. A eia kekahī, akoakoa mai la na tausaui i kona hae, a lalau iho la i na pahikaua a lakou e hoomalu i ko lakou ku okoa ana, i ole ai lakou e komo iloko o ka noho hoolubi ana. A pela ia Moroni i houluulu mai ai i na kanaka a pau i hiki ia ia ma kona hele ana, hiki ae la oia i ka aina o Gideona; a i ka hui pu ana o kona poe me ko Pahorana, lilo iho la lakou i poe ikaika loa, e oi aku ana mamua o ka poe kanaka o Pakusa, oia no ke Alii o ua poe kuee la, ka poc i kipaku mai i ka poe-ku-okoa mailoko aku o ka aina-o Zarahemela, a i loaa'i ka aina.

4. A eia kekahī, iho aku la o Moroni laua me Pahorana ilalo me na pualo i laua iloko o ka aina o Zarahemela, a hele ku e aku la i ke kulana-kauhale, a halawai aku la me ka poe kanaka o Pakusa, a o ke kana aku la no ia. A, aia hoi, ua pepehiia a make o Pakusa, a ua hoopioia'ku kona poe kanaka; a ua hoihoi hou ia o Pahorana i kona noho hookolokolo. A ua hookolokoloia'ku ka poe kanaka o Pakusa, mamuli o ke kanawai, a a me kela poe-makemake-Alii, ka poe i hopuia a hahaoia iloko o ka hale-paahao; a ua pepehiia lakou mamuli o ke kanawai; he oiaio, ua poe kanaka la o Pakusa, a me ua poe-makemake-Alii la hoi, o kela mea keia mea i lalau ole iho ai i na mea kana e hoomalu aku i ko lakou aina, aka, i kana ku e mai ia ia, ua pepehiia'ku. A pela ia i lilo ai i mea e pono ai e malama ikaika i keia kanawai, no ka maluhia o ko lakou aina; he oiaio, a o kela mea keia mea i loaa'i e hoole ana i ko lakou ku okoa ana, ua pepehi koke ia'ku mamuli o ke kanawai. A pela i pau ai ka makahiki kanakolu o ke au o na Lunakanawai maluna iho o ka poe kanaka o Nepai; ua hoihoiia ka maluhia e Moroni laua me Pahorana i ka aina o Zarahemela, mawaena o ko lakou lahuikanaka iho, ua hoopaiia ka make maluna iho o ka poe a pau i paa io ole i ka aoao o ke ku okoa.

5. A eia kekahī, ma ka makamua o ka makahiki kanakolukumamakahī o ke au o na Lunakanawai maiuna iho o ka poe kanaka o Nepai, kena koke ae la o Moroni e hooumaia'ku he ai a me kekahī poe koa eno tausani io Helamana ia, e kokua aku ia ia i ka malama ana i kela aoao o ka

aina; a kena ae la no hoi oia e hoounaia'ku kekahi poe koa econo tausani, me ka ai lawa ku pono, i na puuli la o Lehi laua me Teanacuma. A eia kekahi, ua hanaia'ku keia, i hana paa ai i ka aina mai ko Lamana poe ae.

6. A eia kekahi, e waiho ana o Moroni laua me Pahorana i kekahi poe kanaka lehulehu ma ka aina o Zarahemela, a hele aku la me kekahi poe kanaka he nui i ka aina o Nepaiha, me ka manao paa e hoohiolo iho i ko Lamana poe ma ua kulanakauhale la.

7. A eia kekahi, me lakou e hele ana i ka aina, hopu aku la lakou i kekahi poe kanaka he nui o ko Lamana poe, a pepchi aku la i na mea he nui o lakou, a lalau aku la i ka ai a lakou la, a me ka lakou mau mea kaua. A eia kekahi, mahope iho o ko lakou hopu ana ia lakou la, koiaku la lakou ia lakou la e komo iloko o ka berita, i ole ai lakou la e lalau hou iho i na mea kaua o lakou la e ku e mai i ko Nepai poe. A ia lakou la i komo ai iloko o ua berita nei, hoouna aku la lakou ia lakou la e noho pu me ko Amona poe; a he mau tausani eha paha o lakou, i pepehi ole ia'ku.

8. A eia kekahi, ia lakou i hoouna aku ai ia lakou la, hoomau aku la lakou i ko lakou hele i ka aina o Nepaiha. A eia kekahi, i ka wa a lakou i hikiaku ai i ke kulanakauhale o Nepaiha, kukulu iho la lakou i na halelewa o lakou ma ke kula o Nepaiha, kokoke no ia i ke kulanakauhale o Nepaiha. Ano, ua makemake o Moroni i ko Lamana poe e hele mai mawaho, e kaua mai ia lakou ma na kula; aka, e ike ana ko Lamana poe i ko lakou koa loa ana, a e ike ana hoi i ka lehulehu o lakou, nolaila, aole lakou la i aa e hele mai mawaho e ku e mai ia lakou; nolaila, aole lakou i hoouka i ke kaua ia la. A i ka po ana, hele aku la o Moroni i ka pouli o ka po, a hikiaku la maluna iho o ka pa e hoomaka'kiu i kahi o ke kulanakauhale a ko Lamana poe i hoomoana ai me ko lakou poe koa.

9. A eia kekahi, ma ka hikina lakou, ma ka puka; a ua hiamoe iho la lakou a pau. Ano, hoi ae la o Moroni i kona poe koa, a kena ae la e hoomakaukau wikiwiki ia'i na kaula ikaika a me na alapii, e hookuuia ilalo mailuna iho o ka pa iloko o ka pa.

10. A kena ae la o Moroni i kona poe kanaka e hele aku a pii ae ma-iuna ae o ka pa, a e hookuu iho ia lakou iho ilalo iloko o kela aoao o ke kulanakauhale, he oiaio, ma ke komohana, kahi a ko Lamana i hoomoana ole ai i na puuli o lakou.

11. A eia kekahi, ua hookuuia iho lakou a pau ilalo iloko o ke kulanakauhale ma ka po, ma o na kaula ikaika la o lakou a me na alapii o lakou; a pela i ka wehe ana o ke alaula, ua pau loa lakou iloko o na pa o ke kulanakauhale. Ano, i ke ala ana o ko Lamana poe, a ike mai la aia no na puuli koa o Moroni iloko o na pa, ua weliweli nui loa lakou, a holoaku la lakou mawaho ma ke alahele. Ano, ia Moroni i ikeaku ai e holo ana lakou imua ona, kena ae la oia i kora poe kanaka e hele ku e ake ia lakou, a pepchiaku la i na mea he nui, a hoopuni ae la i na mea e ae he nui wale, a hoopioaku la ia lakou; a holoaku la ke koena o lakou iloko o ka aiua o Moroni, ma na palena ia ma ke kahakai. Pela i loaa ai ia Moroni laua

me Pahorana ke kulanakauhale o Nepaiha, me ka lilo ole o kekahī mea; a ua nui wale ka poe o ko Lamana i pepehiia'ku.

12. Ano, eia kekahī, ua nui loa na mea o ko Lamana poe i pio e make-make ana e hui mai i ka poe kanaka o Amona, a e lilo i poe kanaka ku okoa. A eia kekahī, o ka poe a pau e makemake ana ua aeia'ku ia mea ia lakou, e like me ko lakou makemake; nolaila, hui ae la ka poe pio a pau o ko Lamana i ka poe kanaka o Amona, a hoomaka ae la e hana ikaika loa, e mahi ana i ka aina, e hoolulu ana i kela ano keia ano o ka hua lillii, a e hoolaha ana i na pua, a me na ohana holoholona o kela ano keia ano; a pela i hoomahaia'ko Nepai poe i ke kaumaha nui; he oiaio, ua hoomahaia i ka poe pio a pau o ko Lamana.

13. Ano, eia kekahī, mahope iho o ko Moroni loaa ana ke kulanakauhale o Nepaiha, ua hoopio aku i na mea he nui wale, a he mea ia i hoemi nui loa ai i na puali o ko Lamana poe, a ua loaa no hoi na mea he nui o ko Nepai poe, ka poc i lawe pio ia, a he mea i hooikaika nui loa mai ai ia i ka poe koa o Moroni; nolaila, hele aku la o Moroni mai ka aina o Nepaiha ae i ka aina o Lehi.

14. A eia kekahī, i ka wa a ko Lamana poe i ike mai ai ia Moroni e hele aku ana e ku e ia lakou, ua weliweli hou lakou, a holo aku la imua o ka poe koa o Moroni. A eia kekahī, alualu aku la o Moroni a me konā poe koa ia lakou mai ia kulanakauhale aku ia kulanakauhale aku, a, halawai lakou la me Lehi laua me Teanacuma; a auhee ae la ko Lamana poe mai o Lehi aku laua me Teanacuma, ilalo ma na palena ma ke kahakai, a hiki aku la lakou la i ka aina o Moroni. A ua honiuuluia'e na puali o ko Lamana poe, a pau pu lakou ma kahi hookahī, ma ka aina o Moroni. Ano, o Amorona, ke Alii o ko Lamana poe, oia pu no hoi me lakou.

15. A eia kekahī, hoomoana iho la o Moroni, a me Lehi, a me Teanacuma, me na puali o lakou a puni ma na palena o ka aina o Moroni, a ua hoopunii'a'e ko Lamana poe ma na palena ma ka waonahele, ma ka hema, a ma na palena ma ka waonahele, ma ka hikina; a pela lakou i hoomoana'i no ka po. No ka mea hoi, ua maluhiluhī ko Nepai poe a me ko Lamana poe no hoi, no ka loihi o ko lakou hele ana; nolaila, aole lakou i noonoo i kekahī hana maalea i ka po, o Teanacuma wale no koe; no ka mea, ua huhu nui loa oia ia Amorona, a manao iho la oia o Amorona a me Amalikia kona kaikuana, na kumu o keia kaua nui e mau ana mawaena o lakon a me ko Lamana poe, o ke kumu no ia o ke kaua a me ka hookahī koko nui ana, he oiaio, a me ka wi nui hoi.

16. A eia kekahī, hele ae la o Teanacuma ma kona huhu iloko o ka wahi a ko Lamana poe i hoomoana'i, a hookuu iho la oia ia ia iho ilalo ma kela aoao o na pa o ke kulanakauhale. A hele aku la oia me ke kaula pu, ia wahi aku ia wahi aku, a loaa iho la ia ia ke Alii; a pahu aku la oia i kekahī ihe pokole ia ia, a hou iho la oia ia ia kokoke i ka puu wai. Aka hoi, hoala e ae la ke Alii i kana kauwa mamua o kona make ana, a alualu mai la lakou ia Teanacuma, a pepehi mai la ia ia a make.

17. Ano, eia kekahi, ia Lehi laua me Moroni i ike ai ua make o Teanacuma, ua kaumaha nui loa laua: no ka mea, he kanaka no oia i kaua koa loa no kona aina, he oiaio, he hoaaloha io i ka noho kauwa ole ana; a ua loaa ia ia na popilikia eha nui loa he lehulehu. Aka hoi, ua make oia, a ua hele aku i ke ala o ko ka honua nei a pau.

18. Ano, eia kekahi, hele aku la o Moroni ia la ae, a hoouka aku la i ko Lamana poe, a luku aku la oia ia lakou me ka luku nui, a hooauhee ae la lakou ia lakou la iwaho o ka aina; a naholoaku la lakou la, a aole i hoi hou mai lakou ia manawa e ku e mai i ko Nepai poe. A pela i pau ai ka makahiki kanakolukumamakah i o ke au o na Lunakanawai maluna iho o ka poe kanaka o Nepai; a pela ua loaa ia lakou na kaua, a me na hookahe koko ana, a me ka wi, a me ka popilikia no na makahiki he nui wale. A ua nui na pepchi kanaka, a me na paio, a me na kuee, a me kela ano keia ano o ka hala mawaena o ka poe kanaka o Nepai; aka hoi, no ka ka poe pono, he oiaio, no na pule a ka poe pono, ua hookoeia lakou. Aka, no ka loihi loa o ke kaua mawaena o ko Nepai poe a me ko Lamana poe, ua nui no ka poe i lilo ae i paakiki, no ka loihi loa o ke kaua; a ua nui no ka poe i hoopalupalua, no na popilikia o lakou, a hoohaahaa lakou ia lakou iho imua o ke Akua, i ka haahaa loa.

19. A eia kekahi, mahope iho o ko Moroni hana paa ana i kela mau wahi o ka aina e waiho kokoke ana i ko Lamana poe, a ikaika loa ia mau wahi, hoi ae la oia i ke kulanakauhale o Zarahemela, a o Helamana hoi kekahi ka i hoi aku i kahi o kona hooilina; a ua hookupaa hou ia ka maluhia mawaena o ka poe kanaka o Nepai. A haawi ae la o Moroni i ka noho luna ana o kona mau puali koa iloko o na lima o kana keiki, o Moroniha kona inoa; a hoi aku la oia i kona hale iho, i hiki ia ia ke hoopau aku i ke koena o kona mau la ma ka maluhia. A hoi ae la o Pahorana i kono noho hookolokolo; a lawe hou mai la o Helamana maluna iho ona e hai aku i na kanaka i ka olelo a ke Akua: no ka mea, no ka nui loa o na kaua a me na paio, na lilo ia i mea e pono ai e hooponopono hou iloko o ka ekalesia: nolaila, hele aku la o Helamana a me kona mau kaikaina, a hai aku la i ka olelo a ke Akua me ka mana nui, i ka hoomaopopo ana o na kanaka he nui no ko lakou mau hewa, a he kumu ia no lakou e mihi ai i ko lakou mau hala, a e bapetizoia i ka Haku ko lakou Akua.

20. A eia kekahi, hookupaa hou aku la lakou i ka ekalesia o ke Akua, mawaena o ka aina a puni; he oiaio, ua hanaia na mea hooponopono e pili ana i ke kanawai. A ua kohoia na lunakanawai o lakou, a me na Lunakanawai Nui o lakou. A hoomaka ae la ka poe kanaka o Nepai e hoopomaikai hou ia ma ka aina, a hoomaka ae la e hoolaha a e mahuahua nui hou ma ka ikaika ma ka aina. A hoomaka ae la no hoi lakou e mahuahua nui loa ma ka waiwai; aka, me ko lakou waiwai, a me ko lakou ikaika, a me ko lakou pomaikai, aole nae lakou i hookiekie'a e ma ka haakei o ko lakou mau maka; aole hoi lakou lohi e hoomanao i ka Haku, i ko lakou Akua; aka, hoohaahaa nui loa lakou ia lakou iho imua ona;

he oiaio, hoomanao iho la lakou i na mea nui a ka Haku i hana mai ai no lakou, nana i hoopakele mai ia lakou i ka make, i na mea paa, a i na hale-paahao, a i kela ano i keia ano o ka popilikia; a ua hoopakele mai la oia ia lakou mailoko mai o na lima o ko lakou poe enemi. A ua pule mau **akn** la lakou i ka Haku ko lakou Akua, a hoopomaikai mai la ka Haku ia lakou, e like me kana olelo, a mahua hua ikaika ae la lakou, a pomaikai aku la ma ka aina. A eia kekahī, ua hanaia mai ua mau mea nei a pau. A make aku la o Helamana, ma ka makahiki kanakolukumamalima o ke **an** o na Lunakanawai maluna iho o ka poe kanaka o Nepai.

MOKUNA XXX.

1. A eia kekahī, ma ka makamua o ka makahiki kanakolukumamāono o ke au o na Lunakanawai maluna iho o ka poe kanaka o Nepai, loa^a iho la ia Sibalona kela mau mea laa i haawi e ia mai ai ia Helamana e Alama; a he kanaka pono oia, a ua hele pololei ae la oia imua o ke Akua; a ua hoolohe oia e hana maikai mau, e malama aku i na kauoha a ka Haku kona Akua; a pela no hoi i hana'i kona kaikaina.

2. A eia kekahī, make aku la no hoi o Moroni. A pela i pau ai ka makahiki kanakolukumāmaono o ke au o na Lunakanawai. A eia kekahī ma ka makahiki kanakolukumamahiku o ke au o na Lunakanawai, haele aku la he huakai he nui loa, clima tausani eha haneri kanaka, me ka lakou poe wahine a me ka lakou poe keiki, mawahō o ka aina o Zarahemela iloko o ka aina ma **ka** akau.

3. A eia kekahī, o Hagota, he kanaka akamai loa oia, nolaila, hele aku la oia a kapili iho la nona i kekahī moku nui, ma na palena o ka aina Momona, ma ka aina Neoneo, a hoonee aku la ia mea iloko o ke kai komohana, ma ka puali ololi e hele aku ai iloko o ka aina akau. A, aia hoi, ua nui na mea o ko Nepai poe i komo aku iloko, a holo aku la me **ka** ai a nui, a me na wahine a me na keiki he nui no hoi; a holo aku la lakou me ka ihu i ka akau. A pela i pau ai ka makahiki kanakolukumamahiku. A i ka makahiki kanakolukumamawalu, kapili ae la ua kanaka nei i na moku e ae. A hoi mai la no hoi ka moku mua, a ua nui wale na kanaka i komo hou iloko ona; a lawe pu no hoi lakou i ka ai a nui, a holo hou aku la i ka aina akau.

4. A eia kekahī, aole i lohe hou ia lakou. A ke manao nei makou ua poho iho la lakou iloko o na hohou o ke kai. A eia kekahī, holo aku la hookahi moku hou no hoi; a kahī ona i holo aku ai, aole makou i ike. A eia kekahī, ma ua makahiki nei, ua nui na kanaka i hele aku iloko o **ka** aina akau. A pela i pau ai ka makahiki kanakolukumamawalu.

5. A eia kekahī, ma ka makahiki kanakolukumamaiwa o ke au o **na** Lunakanawai, make aku la no hoi o Sibalona, a ua holo aku la o Coriana-

tona i ka aina akau, maluna o kahi moku, e hali aku i ai i ua poe la, ka poe i hele aku ai iloko o ua aina la; nolaila, ua ilo i mea e pono ai na Sibalona e hooili ae i kela mau mea laa, mamua o kona make, maluna iho o ke keiki a Helamana, oia hoi ka i kapaia o Helamana, i kapaia mamuli o ka inoa o kona makuakane. Ano hoi, ua palapalaia iho la kela mau kaha a pau a Helamana i malama'i, a hoomuaia'ku mawaena o na keiki a kanaka mawaena o ka aina a puni, koe wale no kela mau mea i kauohaia mai ai e Alama aole e hoounaia aku. Aka, e malama laa ia ua mau mea nei, a e haawilia'ku mai kekahī hanauna aku i kekahī hanauna aku; nolaila, i keia makahiki, ua hooiliia mai ia mau mea maluna iho o Helamana, mamua o ka make ana o Sibalona. A eia hoi kekahī, i keia makahiki, ua haalele ku e kekahī poe a hele aku i ko Lamana poe la, a ua hookonokono hou ia lakou e huhu mai i ko Nepai poe. A ma ua makahiki ho-kehī nei, iho mai la lakou me kekahī poe koa lehulehu e kaua mai i ka poe kanaka o Moroniha, oia hoi i ka poe koa o Moroniha, a ma na kaua nei ua hahanua lakou la, a hooauhee hou ia i ko lakou mau aina iho, me ka lilo nui loa. A pela i pau ai ka makahiki kanakolukumamaiwa o ke au o na Lunakanawai maluna iho o ka poe kanaka o Nepai. A pela i pau ai ka mooolelo o Alama a me Helamana kana keiki, laua pu me Sibalona na keiki no hoi ana.

O KA BUKE A HELAMANA.

MOKUNA I.

He mooolelo o ko Nepai poe. A me ko lakou mau kaua a me na paio, a me ko lakou manu ku e. A me na wanana hoi o na kaula hemole he nui, mamua o ka hili ana mai o Kristo, mamuli o ka mooolelo a Helamana, oia no ke keiki a Helamana, a mamuli o na mooolelo a na keiki ana, a hiki loa i ka hili ana mai o Kristo. A ua nui hoi na mea o ko Lamana poe i hoo-hulihia'i. He mooolelo o ko lakou huli ana. He mooolelo o ka pono o ko Lamana poe, a me na hewa a me na mea hoopailua o ko Nepai poe, mamuli o ka mooolelo a Helamana a me kana mau keiki, a hiki loa i ka hili ana mai o Kristo, oia no ka i kapaia ka buke a Helamana, a pela aku.

1. Ano hoi, eia kekahī, ma ka makamua o ka makahiki kanaha o ke au o na Lunakanawai maluna iho o ka poe kanaka o Nepai, hoomaka ae la kekahī hihia nui mawaena o ka poe kanaka o ko Nepai. No ka mea hoi, ua make aku la o Pahorana, a hele aku la i ke ala o ko ka honua a pau; nolaila, hoomaka ae la ka paio nui no ka mea nona ka noho hooko-

lokolo mawaena o na hoahanau, ka poe keiki a Pahorana. Ano, eia no ko lakou mau inoa, ka poe i paio no ka noho hookolokolo, ka poe hoi nana i hoopao aku i na kanaka: o Pahorana, o Paanaki, a me Pacumeni. Ano, aole o lakou nei wale no ka pau o ka poe keikikane a Pahorana, (no ka mea, he nui kana mau keiki,) aka o lakou nei no ka poe i paio ai no ka noho hookolokolo; nolaila, ua mahele ai lakou i na kanaka i mau mahele ekolu. Aka hoi, eia kekahī, ua waeia'e o Pahorana e ka leo o kanaka e lilo i Lunakanawai Nui, a i Kiaaina hoi, maluna iho o ka poe kanaka o Nepai.

2. A eia kekahī, o Pacumeni, ia ia i ike ai ua hiki ole ia ia ke loaa ka noho hookolokolo, hui pu ae la oia me ka leo o kanaka. Aka hoi, ua huhu loa o Paanaki, a me kela hapa o na kanaka, ka poe i makemake ai i kiaaina oia no lakou; nolaila, e kokoke ana oia e hoomalimali aku i ua poe la e ala'e, ma ke kipi aku i ko lakou poe hoahanau.

3. A eia kekahī, ia ia i kokoke ai e hana i keia, aia hoi, ua hopuia oia, a ua hookolokolo'a'ku e like me ka leo o na kanaka, a hoohewai'a e make; no ka mea, ua ala ae la oia ma ke kipi, a imi ae la e hoopau mai i ke ku okoa ana o na kanaka. Ano, i ka wa a ua poe la, ka poe i makemake ai i kiaaina oia no lakou, i ike mai ai ua hoohewai'a'ku oia e make, ua huhu lakou, a, aia hoi, hoouna ae la lakou i kekahī kanaka, o Kisakumena, i ka noho hookolokolo o Pahorana, a pepehi ae la ia Pahorana me ia i noho ai ma'una iho o ka noho hookolokolo. A ua alualua'ku oia e na kauwa a Pahorana; aka hoi, no ka mahuka kiki o Kisakumena, aole i hiki i kekahī kanaka ke loaa ia. A hele ae la oia i ua poe la nana ia i hoouna mai, a komo iho la lakou a pau iloko o kahī berita, he oiaio, e hoohiki ana ma ka Mea mau loa nana lakou i hana, aole lakou e hai aku i kekahī kanaka ua pepehi ae o Kisakumena ia Pahorana; nolaila, aole i ikeia o Kisakumena mawaena o ka poe kanaka o Nepai, no ka mea, ua hoopahaohaoia oia i ka wa ana i pepehi ae ai ia Pahorana. A hui pu ae la o Kisakumena, a me kona poc, ka poe i hana berita pu ai me ia, mawaena o na kanaka, mamuli o ke ano i hiki ole ai ke loaa lakou a pau; aka, o ka poe a pau i loaa ua hoohewai'a'ku e make. Ano hoi, ua hoonohoia'e o Pacumeni, mamuli o ka leo o na kanaka, e lilo i Lunakanawai Nui a i Kiaaina, maluna iho o na kanaka, e noho luna ai ma ka hakahaka o kona kaikuaana Pahorana; a ua like ia me kona pono. A ua hanaia keia a pau, ma ka makahiki kanaha o ke au o na Lunakanawai; a pau ae la no ia.

4. A eia kekahī, ma ka makahiki kanahakumamakahī o ke au o na Lunakanawai, ua houluulu ae la ko Lamana poe i ka poe koa lehulehu i hiki ole ke heluia, a kahiko ae la ia lakou me na pahikaua, a me na pahikaua pokole, a me na kakaka, a me na pua, a me na pale-poo, a me na pale-umauma, a me kela ano keia ano o na pale-kino a pau; a iho hou mai la lakou e hiki ia lakou ke houka mai i ko Nepai poe. A ua alakaiia mai lakou e kekahī kanaka, o Corianatuma kona inoa; a he mamoa na Zarahemela; a he mea ku e oia nana i haalele mai i ko Nepai

poe; a he kanaka nunui a ikaika hoi oia; nolaila, o ke Alii o ko Lamana poe, o Tubalota kona inoa, oia ke keiki a Amorona, e manao ana oia o Corianatuma, he kanaka ikaika no oia, ua hiki ke kupaa imua o ko Nepai poe, no kona ikaika a me kona akamai nui, a ma ka hoouna mai ana ia ia nei, e loaa auanei ia ia la ka mana maluna iho o ko Nepai poe; nolaila, hookonokono ae oia ia lakou e huhu, a houluulu ae la oia i na pualo ona, a hoonoho iho la oia ia Corianatuma i alihī kaua no lakou, a kena ae la ia lakou e iho ilalo i ka aina o Zarahemela, e kaua mai i ko Nepai poe.

5. A eia kekahi, no ka nui o ka paio a me ka nui o ka pilikia ma ke aupuni, aole lakou i hoonoho ai i na kiai lawa pono ma ka aina o Zarahemela; no ka mea, ua manao iho la lakou aole i aa ko Lamana poe e komo mai mawaena konu o na aina o lakou e hoonka mai i kela kulanakauhale nui o Zarahemela. Aka eia kekahi, hele mai la o Corianatuma ma ke alo o kona poe lehulehu loa, a hiki mai la maluna iho o ko ke kulanakauhale, a no ka emo ole loa o ko lakou hele ana, aole o ko Nepai poe manawa e houluulu ae i na pualo o lakou; nolaila, ooki ae la ilalo Corianatuma i ka poe kiai ma ka puka o ke kulanakauhale, a hele ae la me kona poe kaua a pau iloko o ke kulanakauhale, a pepehi ae la lakou i kela mea keia mea i ku e aku ia lakou, a loaa iho la ia lakou ke kulanakauhale a pau. A eia kekahi, hee ae la o Pacumeni, oia no ka Lunakanawai nui, imua o Corianatuma, a hiki i na pa o ke kulanakauhale. A eia kekahi, hahau ae la o Corianatuma ia ia ma ka pa, a make aku la ia. A pela i pau ai na la o Pacumeni.

6. Ano, ia Corianatuma i ike ai ua loaa ia ia ke kulanakauhale Zarahemela, a ike ai ua hee aku ko Nepai poe imua o lakou, a ua pepehiia, a ua hopuia, a ua hahaoia iloko o ka halepaahao, a ua loaa ia ia ka wahi ikaika loa ma ka aina a puni, hooikaikai iho la kona naau, a no ia mea, e kokoke ana oia e hele ae e ku e i ka aina a pau. Ano, aole oia i noho ai ma ka aina o Zarahemela, aka, hele ae la oia me ka poe koa he nui, i ke kulanakauhale o Momona; no ka mea, o kona manao paa ia e hele ae a e ooki mai i kona ala mawaena me ka pahikaua, e hiki ia ia ke loaa na wahi ma ka akau o ka aina; a e manao ana mawaena konu o ka aina ko lakou ikaika nui loa, nolaila, hele ae la oia, e haawi ole ana ia lakou i ka manawa e houluulu mai ia lakou iho, ma na poe uuku wale no; a ma keia ano lakou la i haule mai ai maluna iho o lakou nei a ooki mai la ia lakou nei ilalo i ka honua. Aka hoi, haawi mai la keia hele ana o Corianatuma ma mawaena konu o ka aina, i ka pomaikai nui ia Moroniha maluna o lakou, me ka nui loa nae o ko Nepai poe i pepehiia mai; no ka mea hoi, ua manao o Moroniha aole o ko Lamana poe aa e komo mai mawaena konu o ka aina, aka, e hooouka mai lakou la i na kulanakauhale a puni ma na palena, me lakou la i hana mai ai mamua aku; nolaila, ua kena ae la o Moroniha i na pualo ikaika o lakou e malama i kela mau wahi a puni ma na palena. Aka hoi, aole i hoomakauia'ku ko Lamana poe me ia i makemake ai, aka na hele mai lakou mawaena konu o ka aina, a ua hoopio

mai i ke kulanakauhale nui, oia no ke kulanakauhale Zarahemela, a e hele ana mawaena o na wahi nui o ka aina, e luku ana i na kanaka me ka luku nui, i na kane, i na wahine, a me na keiki no hoi, e loaa ana na kulanakauhale he nui a me na wahi paa he nui. Aka, ia Moroniha i ike ai i keia mea, hoouna koke ae la oia ia Lehi me kekahи poe e alai ia lakou, mamma o ko lakou hiki ana i ka aina Momona. A pela oia i hana'i; a alai ae la oia ia lakou, mamma o ko lakou hiki ana i ka aina Momona, a hoouna aku la oia ia lakou, a hoomaka ae la lakou e hee ae ihope i ka aina o Zarahemela. A cia kekahи, alai ae la o Moroniha ia lakou i ko lakou hee hope ana, a hoouna aku la ia lakou, a lilo ae la ia i kaua koko nui loa; he oiaio, ua nui loa ka poe i pepehiia, a mawaena o ka poe i pepehiia, ua loaa no hoi o Corianatuma. Ano hoi, ua hiki ole i ko Lamana poe ke hee ae i kela ala i keia ala; aole ma ka akau, aole hoi ma ka hemia, aole ma ka hikina, aole ma ke komohana, no ka mea, ua hoopuniai lakou ma na aoao a pau e ko Nepai poe: A pela ua hoolei mai la o Corianatuma i ko Lamana poe mawaena konu o ko Nepai poe, a no ia mea, maloko lakou o ka mana o ko Nepai poe, a ua pepehiia'ku oia iho, a hookuu mai la ko Lamana poe ia lakou iho iloko o na lima o ko Nepai poe.

7. A cia kekahи, loaa hou mai la ia Moroniha ke kulanakauhale o Zarahemela, a kena aku la i ko Lamana poe, ka poe i hoopioia'ku ai e hele aku mawahо o ka aina me ka maluhia. A pela i pau ai ka makahiki kanahakumamakahи o ke au o na Lunakanawai.

8. A cia kekahи, ma ka makahiki kanahakumamalua o ke au o na Lunakanawai, mahope iho o ko Moroniha hookupaa hou ana i ka maluhia mawaena o ko Nepai poe a me ko Lamana poe, aia hoi, aohе mea e noho ma ka noho hookolokolo; nolaila, hoomaka hou ae la he paio mawaena o na kanaka no ka mea nana e noho ma ka noho hookolokolo. A cia kekahи, ua wacia'e o Helamana, oia no ke keiki a Helamana, e noho ai i ka noho hookolokolo, e ka leo o na kanaka; aka hoi, hoohalua ae la o Kisakumena, nana i pepehi ia Pahorana, e pepehi mai ia Helamana no hoi a make; a ua kokuaia oia e kona poe, ka poe i komo ai iloko o ka berita i ike ole ai kekahи mea i kona ino; no ka mea, aia kekahи Gadianatona he mea i akamai nui loa ma na oelo he nui, a ma kona maalea, e hana i ka hana malu o ka pepehi kanaka a me ka powa; nolaila, lilo iho la oia i pookela no ka poe o Kisakumena; nolaila, hoomalimali ae la oia ia lakou, a me Kisakumena no hoi, ina e hoonoho iho lakou ia ia ma ka noho hookolokolo, nana e acaku i na mea i huila me kona poe e hoonohoia i poe mana a i poe luna mawaena o ka poe kanaka; nolaila, imi mai la o Kisakumena e pepehi mai ia Helamana a make.

9. A cia kekahи, me ia i hele ae ai i ka noho hookolokolo, e pepehi mai ia Helamana a make, aia hoi, o kekahи o na kauwa a Helamana, mawahо oia ma ka po, a ua loaa ia ma o ka hoopahaohao ana la ka ike no kela mau manao kuka i hooholoia'e and keia poe e pepehi ia Helamana a make. A cia kekahи, halawai ae la oia me Kisakumena, a haawi aku la oia i ho-

ailona ia ia; no ia mea, ua hoike ae la o Kisakumena ia ia i ka mea ana i makemake ai, e makemake ana ia ia nei e alakai ae ia ia i ka noho hookoloko, e hiki ia ia ke pepehi loa ia Helamana; a i ka wa a ke kauwa a Helamana i ike ai i ka naau a pau o Kisakumena, a no kona manao paa e pepehi kanaka, a i ka manao paa no hoi ia o na mea a pau i huiia i kona poe, e pepehi kanaka, a e powa, a e looa ka mana, (a o keia no ko lakou manao kuka malu, a me ko lakou hui pu ana,) olelo ac la ke kauwa a Helamana ia Kisakumena, Ea, e hele kaua i ka noho hookoloko. Ano, hoolealea nui loa keia ia Kisakumena, no ka mea, ua manao oia e hooko aku auanei oia i kona mea i manao ai; aka hoi, me laua e hele ana i ka noho hookoloko, hou ae la ke kauwa a Helamana ia Kisakumena i ka puu wai, a haule iho la oia a make aku la me ka uhu ole. A holo ae la oia a hai mai la ia Helamana i na mea a pau ana i ike aku ai, a i lohe ai; a i hana'i.

10. A eia kekahi, hoouna ae la o Helamana e hopu aku i ua poe powa a pepehi kanaka malu nei, e pepehiia'ku ai lakou mamuli o ke kanawai. Aka hoi, ia Gadianatona i ike ai aole o Kisakumena i hoi aku, hopohopo iho la oia o pepehia'ku oia, nolaila, kena ae la oia i kona poc e hahai ae ia ia. A mahuka aku la lakou mawaho o ka aina ma kekahi ala huna, iloko o ka waonahele; a pela ia Helamana i hoouna aku ai e hopu aku ia lakou la, aole e hiki ke loaa lakou la ma ka huli ana. A e olelo hou ia aku auanei no ua Gadianatona nei. A pela i pau ai ka makahiki kanahakumamalua o ke au o na Lunakanawai maluna iho o ka poc kanaka o Nepai. Aia hoi, ma ka hopena o keia buke, e ike auanci oukou ua lilo ua Gadianatona nei i mea e hoohiolo ai, he oiaio, kokoke i ka anai loa ia'na o ka poc kanaka Nepai. Aia hoi, aole au i olelo no ka hopena o ka buke a Helamana, aka, no ka hopena o ka buke a Nepai ka'u e olelo nei, ua lawe mai au i ka mooolelo a pau mailaila mai, oia ka'u i kakau ai.

MOKUNA II.

1. Ano, eia kekahi ma ka makahiki kanahakumamakolu o ke au o na Lunakanawai, aohe paio mawaena o ka poc kanaka Nepai, he haaheo uuku wale no ma ka ekalesia, he kumu no ia no na ku e uuku mawaena o na kanaka, a ua hooponoponoia keia mau mea ma ka hopena o ka makahiki kanahakumamakolu. Aohe no he paio mawaena o na kanaka ma ka makahiki kanahakumamaha; aohe no he nui ka paio ma makahiki kanahakumamalima. A eia kekahi, ma ke kanahakumamaono, he oiaio, ua nui ka paio a me na ku e he nui; ma ua mau mea nei ua nui loa ka poc i haalele mai i ka aina o Zarahemela, a hele aku la mawaho iloko o ka aina akau, e noho ai ma ka aina; a hele loihi loa ae la lakou, a hiki aku la lakou i na moanawai nui, a me na muliwai he nui; he oiaio, a hoolaha ae la

lakou iloko o na wahi a pau o ka aina, iloko o kela wahi keia wahi i hoo-neanea ole ia, a i hoonele ole ia ka ululaau, no ka nui o na kamaaina i noho e ai mamua ma ka aina. Ano, aohe wahi o ka aina i oneanea, koe o kahi laau ole wale no a me ia mea'ku; aka, no ka nui o ka anai'a'na o na kanaka, ka poe i noho mua ai ma ka aina ua kapai'a o oneanea. Ua uuku ka laau ma ka ili o ka aina, lilo iho la nae ka poe kanaka i hele aku ai, i poe akamai ma ka hana ana i ka lepo pipili; nolaila, kukulu iho la lakou i na hale lepo pipili, a iloko o ua mau hale la lakou i noho ai.

2. A eia kekahī, mahuhua ae la lakou a hoolaha aku la, a hele ake mai ka aina hemā i ka aina akau, a kawowo aku la a hoomaka ae la e uhi i ka ili o ka honua a pau, mai ke kai hemā, i ke kai akau, mai ke kai komohana, i ke kai hikina. A noho iho la na kanaka ma ka aina akau, ma na halelole, a ma na hale lepo pipili, a kuu aku la lakou i kela laau keia laau i ulu ai maluna iho o ka aina, e ulu loa ia, i loaa'i ia lakou mahope ka laau e kukulu iho i ko lakou mau hale, he oiaio, i ko lakou mau kulanakauhale, a i ko lakou mau luakini, a i ko lakou mau hale pule, a i ko lakou mau hale laa, a i kela ano i keia ano o ko lakou mau hale.

3. A eia kekahī, no ke kakai'ahi loa o ka laau ma ka aina akau, hoo-naaku la lakou he nui wale ma na moku; a pela lakou i kokua ai i na kauaka ma ka aina akau, i kukulu iho ai lakou la i na kulanakauhale he nui, o ka laau a me ka lepo pipili no hoi. A eia kekahī, ua nui loa na mea o ka poe kanaka o Amona, no ko Lamana poe lakou ma ka hanau ana, i hele aku ai iloko o ua aina nei.

4. Ano, ua nui na mooolelo i kakania'i no na hana ana a keia poe kanaka, e na mea he nui wale o ua poe kanaka nei, a ua maikai a nui loa hoi, e pili ana ia lakou; aka hoi, aole i hiki i ka hapa-haneri o na hana ana a ua poe kanaka nei, he oiaio, o ka mooolelo o ko Lamana poe, a o ko Nepai poe, a me ko lakou mau kaua, a me na paio, a me na ku e, a me ka lakou hai olelo ana, a me ka lakou mau wanaua, a me ko lakou mau moku, a me ka lakou kapili ana i na moku, a me ka lakou kukulu ana i na luakani, a i na hale pule, a me ko lakou mau hale laa, a me ko lakou pono, a me ko lakou hewa, a me ko lakou pepehi kanaka ana, a me ko lakou powa ana, a me ko lakou hao ana, a me kela ano keia ano o na mea hoopailua a moe kolohe, ke hookomoia iloko o ua buke nei; aka hoi, ua nui na buke a nui na mooolelo o kela ano keia ano, a ua kakauia ka nui o ia mau mea e ko Nepai poe; a ua haawiia mai ia mau mea mai kekahī hanauna aku i kekahī, e ko Nepai poe, a hiki i ka wa a lakou i haule iho ai iloko o ka lawehala ana, a i pepehi'a'i, powaia'i, a alualua'i, a kipakuia'i, a lukuia'i, a hoopuchua'i, maluna o ka ili o ka honua, a hui pu ia'i me ko Lamana poe a kapa hou ole ia'i ko Nepai poe, e lilo ana i poe ino, a i poe hihiu, a i poe hae, he oiaio, e lilo ana i ko Lamana poe.

5. Ano, ke hoi hou nei au i ko'u mooolelo iho; nolaila, o ka'u i olelo aku ai ua hala ia mahope iho o na paio nui, a me na haunaele, a me na kaua, a me na ku e mawaena o ka poe kanaka o Nepai. Pau ae la ka ma-

kahiki kanahakumamaono o ke au o na Lunakanawai. A eia kekahī, ua nui nae na paio i keia manawa ma ka aina, he oiaio, ma ka makahiki kanahakumamahiku, a i ka makahiki kanahakumamawalu hoi; aka hoi, ua noho iho la o Helamana ma ka noho hookolokolo me ka hoopono a me ka pololei; he oiaio, ua hoolohe ae la oia e malama i na olelo kupaa, a me na hoopono, a me na kauoha a ke Akua; a hana mauaku la oia i ka mea i pono imua o ke Akua; a hele ae la oia mahope o na aoao o kona makuakane, a hoopomaikaiia'e la oia ma ka aina. A eia kekahī, he mau keikikane elua kana. A haawi ae la oia i ka makahiapo i ka inoa o Nepai, a i ka muli i ka inoa o Lehi. A hoomaka ae la laua e ulu ae ma ka Haku. A eia kekahī, hoomaka ae la na kaua a me na paio e hooki, ma kekahī mau mea, mawaena o ka poe kanaka o ko Nepai, ma ka hopena o ka makahiki kanahakumamawalu o ke au o na Lunakanawai maluuna iho o ka poe kanaka o Nepai. A eia kekahī, ma ka makahiki kanahakumamaiwa o ke au o na Lunakanawai, ua hookupaaia ka maluhia mau ma ka aina, koe wale no na hui pu malu ana a Gadianatona, ka powa, i hookupaa ai, ma na wahi noho nui ia'i o ka aina, a i ike ole ia'i ia manawa e ka poe e malama aupuni ana; nolaila, aole i hoopau loa ia'i ia mau mea mailoko aku o ka aina.

6. A eia kekahī, ma ua makahiki hookahi nei, ua nui ka pomaikai ma ka ekalesia, a ua hui mai na tausani ia lakou iho i ka ekalesia, a ua bapetizoia i ka mihi; a no ka mahualhua nui o ka ekalesia, a no ka nui o na mea pomaikai i nininiiia mai ai maluuna iho o na kanaka, ua nui loa iku ka pihoihoi o ka poe kahuna nti a me na kumu. A eia kekahī, pomaikai iho la ka hana a ka Haku ma ka bapetizo a ma ka hui ana i na mea he nui wale i ka ekalesia o ke Akua, he oiaio, i na umi o na tausani. Pela kakou i ike ai na aloha mai ka Haku i ka poe a pau e kahea aku ana, ma ka oiaio o ko lakou mau naau, i kona inoa hemolele; he oiaio, pela kakou i ike ai ua hamama ae la ka puka o ka lani i na mea a pau, i ka poc i manaoio ma ka inoa o Iesu Kristo, oia no ke Keiki a ke Akua; he oiaio, ke ike nei kakou o ka mea nana e lalau aku i ka olelo a ke Akua, ka mea ola a mana, ka mea e mahele aku i ka maalea a pau, a me na pahele, a me na hoopunipuni o ka diabolo, a e alakai mai i ke kanaka o Kristo ma kekahī ala pololei a ololi i kela aoao o ke awawa o ka poino, i hoomakua-kauia'i e ale iho i ka poe hewa, a e hoopae ai i ko lakou poe uhane, he oiaio, i ko lakou poe uhane make ole ma ku lima akau o ke Akua, ma ke aupuni o ka lani, e noho pu ilalo me Aberahama, a me Isaaka, a me Iakoba, a me ko kakou poe kupuna hemolele a pau, i puka hou ole aku ai mawahō. A ma ua makahiki nei he hanoli mau ana ma ka aina o Zarahemela, a ma na wahi e kokoke ana a puni, ma ka aina a pau i nohoia'i e ko Nepai poe. A eia kekahī, he maluhia a me ka olioli nui loa ana ma ke koena o ka makahiki kanahakumamaiwa: he oiaio, a he maluhia mau a me ka olioli nui loa ma ka makahiki kanalima o ke au o na Lunakanawai. A he maluhia no hoi, i ka makahiki kanalimakumamakahī o ke au o na Luna-

kanawai, koe wale no ka haaheo i hoomaka'i e komo iloko o ka ekalesia; aole iloko o ka ekalesia o ke Akua, aka iloko o na naau o na kanaka, ka poe i hookohukohu no ka ekalesia o ke Akua lakou; a ua hookiekieia ləkou iluna ma ka haaheo, i ka hoomaau ae i na mea he nui o ko lakou poe hoahanaau. Ano, he mea ino nui keia, a he kumu no ia e loaa ai i ka poe haahaa o kanaka na hoomaau mai a nui, a e auhele mawaena o ka popilikia nui; aka hoi, ua hooke ai a pule pinepine lakou, a mahuahua ikaika a ikai-ka aku ma ko lakou haahaa, a onipaa a onipaa aku ma ka manaoio o Kristo, i ka hoopihā ana i ko lakou mau uhane me ka olioli a me ka mea e oluolu ai, he oiaio, i ka hoomaemacia'na a me ka hoolaaia'na o ko lakou mau naau, a e hiki mai ana keia hoolaa ana no ko lakou haawi ana i na naau o lakou i ke Akua. A eia kekahī, pau ae la ka makahiki kanalimakumamaluia ma ka maluhia no hoi, koe wale no ka haaheo nui loa i komo ai iloko o na naau o na kanaka; a no ko lakou waiwai nui loa ia, a me ko lakou pomaikai ma ka aina, a ulu ae la ia maluna iho o lakou, ia la aku ia la aku.

7. A eia kekahī, ma ka makahiki kanalimakumamakolu o ke au o na Lunakanawai, make aku la o Helamana, a hoomaka ae la kana makahia-po-kane e noho alii ma kona hakahaka. A eia kekahī, hoopihā ae la ia i ka noho hookolokolo me ka hoopono a me ka pololei: he oiaio, malama aku la oia i na kanoha a ke Akua, a hele ae la ma na aoao o kona makukane. A eia kekahī, ma ka makaliiki kanalimakumamaha, ua nui na ku e ma ka ekalesia, a he paio hoi kekahī mawaena o na kanaka, a no ia mea, ua nui ke koko i hookahēia'i; a o ka poe kipi ua pepehīja a make loa, a hooauheeia'ku hoi iwaho o ka aina, a hele aku la lakou i ke 'Lii la o ko Lamana poe.

8. A eia kekahī, hoao ae la lakou e hookonokono aku i ko Lamana poe e kaua mai i ko Nepai poe; aka hoi, ua makau nui loa ko Lamana poe, a aole lakou e hoolohe ae i na olelo a ua poe ku e la. Aka eia kekahī, ma ka makahiki kanalimakumamamaono o ke au o na Lunakanawai, ua pii aku kekahī poe ku e mai ko Nepai aku i ko Lamana poe la; a o lakou nei me kela poe e ae ua pomaikai i ka hookonokono ana ia lakou e huhu mai i ko Nepai poe; a e hoomakaukau ana lakou ia makahiki a pau no ke kaua. A i ka makahiki kanalimakumamahiku, iho mai la lakou i ko Nepai poe e kaua, a hoomaka ae la lakou i ka hana o ka make; he oiaio, a ma ka makahiki kanalimakumamawalu o ke au o na Lunakanawai, loaa aku la ia lakou la ka aina o Zarahemela; he oiaio, a me na aina a pau no hoi, a hiki aka i ka aina e kokoke ana i ka aina Momona; a ua hooauheeia mai ko Nepai poe, a me na puali o Moroniha, a hiki aka iloko o ka aina o Momona; a malaila lakou i kukulu iho ai i na pa kaua e ku e i ko Lamana poe, mai ke kai komohana, a hiki i ka hikina; o ko ka la hookahi hele ana ia no kekahī o ko Nepai, ma ka palena a lakou i hana paa ai a i hoonoho ai i na puali o lakou, e hoomalu aka i ko lakou aina akau. A pela ua loaa i ua poe ku e la o ko Nepai poe, me ke kokua o kekahī poe

koa lehulehu o ko Lamana poe, ka aina hooilina o ko Nepai poe ma ka aina hema. A ua hanaia keia a pau ma na makahiki kanalimakumamawalu a iwa o ke au o na Lunakanawai.

9. A eia kekahi, ma ka makahiki kanaono o ke au o na Lunakanawai, pomaikai iho la o Moroniha a me na puali ona i ka loaa ana na wahi he nui o ka aina; he oiaio, hoopaa iho la lakou i na kulanakauhale he nui i haule iho ai iloko o na lima o ko Lamana poe.

10. A eia kekahi, ma ka makahiki kanaonokumamakah i o ke au o na Lunakanawai, pomaikai ae la lakou i ka hoopaa ana i ka hapalua o ko lakou hooilina a pau. Ano, ua hiki ole mai keia lilo nui o ko Nepai poe, a ine ka luku nui mawaena o lakou, ina aole no ko lakou hewa a me ka lakou hana ino mawaena o lakou; he oiaio, a mawaena no hoi ia o ka poe i hookohukohu no ka ekalesia o ke Akua lakou; a no ka haahleo o ko lakou mau naau ia, no ko lakou waiwai nui loa, he oiaio, no ko lakou hooluhi hewa ana i ka poe hune ia mea, e aua ana i ka lakou ai i ka poe pololi, e aua ana i ko lakou kapa i ka poe kapa ole, a e papai ana i ko lakou poe hoahanau haahaa ma ka papalina, e hoomaeawaewa ana i na mea laa, e hole ana i ka Uhane o ka wanana a i ka Uhane o ka hoikeana, e pepchi kanaka ana, e powa ana, e wahahhee ana, e aihue ana, e moe kolohe ana, e ala ana ma na paio nui, a e mahuka aku ana iloko o ka aina o Nepai, mawaena o ko Lamana poe; a no keia ko lakou hewa nui, a me ko lakou kaena ana ma ko lakou ikaika iho, ua wailoa ae lakou i ko lakou ikaika iho; nolaila, aole lakou i hoopomaikaiia aku, aka ua hoopilikiaia ae a ha-hauia ae, a hooauhceia ae imua o ko Lamana poe, a hiki i ka wa i aneane lilo aku ai ko lakou mau aina a pau. Aka hoi, hai ae la o Moroniha i na mea he nui wale i na kanaka, no ko lakou hewa, a hai ae la o Nepai laua me Lehi no hoi, o laua no na keiki a Helamana, i na mea he nui wale i na kanaka; he oiaio, a wanana ae la i na mea he nui ia lakou no na hala o lakou, a me na mea e hiki mai maluna iho o lakou ina aole lakou e mihi i ko lakou mau hewa. A eia kekahi, mihi iho la lakou, a ia lakou i mihi ai, hoomaka iho la lakou e hoopomaikaiia mai; no ka mea, ia Moroniha i ike ai ua mihi lakou, aaaku la oia e alakai ae ia lakou mai ia wahi aku ia wahi aku, a mai ia kulanakauhale aku ia kulanakauhale aku, a hiki i ka wa a lakou i hoopaa iho ai i ka hapalua o ko lakou waiwai, a me ka hapalua o ko lakou mau aina a pau. A pela i pau ai ka makahiki kanaonokumamakah i o ke au o na Lunakanawai.

11. A eia kekahi, ma ka makahiki kanaonokumamalua o ke au o na Lunakanawai, ua hiki ole ia Moroniha ke loaa hou za aina hooilina mai ko Lamana poe mai; nolaila, haalele aku la lakou i ko lakou manao e loaa ke koena o ko lakou mau aina, no ka mea, no ka lehulehu loa o ko Lamana poe, ua lilo i mea hiki ole i ko Nepai poe ke loaa ka mana hou maluna iho o lakou; nolaila, hoohana ae la o Moroniha i kona mau puali; a pau i ka malama ana i kela mau wahi ana i lawe hou mai ai.

12. A eia kekahi, no ka lehulehu loa o ko Lamana poe, ua weiweli

ko Nepai poe, o hoopioia mai auanei lakou, a e hahia mai ilalo, a e pepehi loa ia mai, a e anaiia mai; he oiaio, hoomaka ae la lakou e hoomanao i na wanana a Alama, a me na olelo hoi a Mosia; a ike iho la lakou he poe kanaka ai ooole lakou, a ua hoowahawaha aku la lakou i na kauoha a ke Akua; a ua hoololi ae la a hahi iho la lakou malalo iho o ko lakou mau kapuai, i na kanawai o Mosia, oia hoi na kanawai a ka Haku i kauoha mai ai ia ia e haawi ae i na kanaka; a e ike ana pela ua lilo ko lakou mau kanawai i ino, a ua lilo iho la lakou i poe kanaka hewa, a ua hewa lakou e like me ko Lamana poe. A no ko lakou hala, ua hoomaka ae la ka ekalesia e euni iho; a hoomaka iho la lakou e hoomaloka i ka Uhane o ka wanana, a i ka Uhane o ka hoikeana; a e haka pono mai ana na hoopai o ke Akua ia lakou ma ka maka. A ike aku la lakou ua lilo iho la lakou i nawaliwali, e like me ko lakou poe hoahanau, ko Lamana poe, a e hoopakele hou ole mai ana ka Uhane o ka Haku ia lakou; he oiaio, na haalele mai ia ia lakou, no ka mea, aole e noho ana ka Uhane o ka Haku iloko o na luakini hemolele ole; nolaila, hooki mai la ka Haku e hoopakele mai ia lakou ma kona mana kupaihana a keu loa, no ka mea, ua haule iho lakou iloko o ka noho hoomaloka a hewa weliweli: a ike aku la lakou ua lehu-lehu loa ko Lamana poe mamua o lakou, a ke ole hoopili aku lakou i ka Haku i ko lakou Akua, e make loa lakou me ka hiki ole ke pale ae. No ka mea, ua ike lakou ua like ka nui o ka ikaika o ko Lamana poe me ko lakou ikaika, he kanaka no he kanaka. A pela lakou i haule iho ai iloko o keia lawehala nui; he oiaio, pela lakou i lilo ai i poe nawaliwali, no ko lakou lawehala ana, ma na makahiki aohē he nui.

13. A eia kekahī, ma ua makahiki la, aia hoi, haawi ae la o Nepai i ka noho hookolokolo, i kekahī kanaka o Cezorama kona inoa. No ka mea, me ko lakou mau kanawai a me ko lakou poe hoomalu i hoonohoia'i e ka leo o na kanaka, a ua oi aku ka nui o ka poe e koho ino ana mamua o ka poe e koho maikai ana, nolaila, e oo ana lakou no ka luku, no ka mea, o ua kanawai ua lilo iho la i ino; he oiaio, aole o keia wale no; he poe kanaka ai ooole lakou, a ua hiki ole ia lakou ke hoomaluia e ke kanawai aole hoi e ka hoopono, ke ole ia i ko lakou luku'a'na.

14. A eia kekahī, ua luhi iho la o Nepai no ko laukou hala; a haawi ae la oia i ka noho hookolokolo, a lawe ae la maluna iho ona e hai aku i ka olelo a ke Akua i ke koena a pau o kona mau la, a o kona kaikaina o Lehi no hoi, i ke koena a pau o kona mau la; no ka mea, hoomanao iho la laua i na olelo a ko laua makuakane i olelo mai ai ia laua. A eia na olelo ana i olelo mai ai: Aia hoi, e ka'u mau keiki, ke makemake nei au ia olua e hoomanao e malama i na kauoha a ke Akua; a ke makemake nei au e hai aku olua i na kanaka i na mau olelo nei, aia hoi, ua haawi aku au ia olua i na inoa o na kupuna mua o kakou, na mea i hele mai ai mailoko mai o ka aina o Ierusalema; a o keia ka'u i hana'i, e hiki ia olua i ka wa a olua e hoomanao ai i ko olua mau inoa, ke hoomanao ia laua: a ia olua e hoomanao ai ia laua, e hiki ia olua ke hoomanao i ka laua mau

hana; a ia olua e hoomanao ai i ka laua mau hana, e hiki ia olua ke ike na oleloia, a palapalaia no hoi, ua maikai ia mau mea; nolaila, e ka'u mau keiki, ke makemake nei au ia olua e hana aku i ka mea i maikai, i oleloia'i auanei no olua, a palapalaia'i no hoi, me ia i oleloia'i a palapalaia'i no lana. Ano, e ka'u mau keiki, aia hoi, he mea hou ka'u e makemake ia olua, a ua makemake nei eia no ia, i hana ole ai olua i keia mau mea i mau mea e kaena aku ai olua, aka i hana'i olua i keia mau mea e hoahu ae no olua iho i ka waiwai ma ka lani, he oiaio, r'mau loa, a i mae ole ai; he oiaio, i loaa'i ia olua kela haawina maikai loa o ke ola mau loa, ka mea a kakou i manao ai me ke kumu pono ua haawia mai i ko kakou poe kupuna.

15. E hoomanao, e hoomanao, e ka'u mau keiki, i na olelo a ke Alii Beniamina i olelo mai ai i kona poe kanaka; he oiaio, e hoomanao aole kekahai ala e ae, aole hoi kekahai mea o ke kanaka e hiki ai ke hoolaia, ma o ke koko kala hala ana la wale no-o Iesu Kristo, ka mea nana e hele mai ana; he oiaio, e hoomanao ke hele mai la oia e hoolapanai mai i ko ke ao nei. A e hoomanao hoi i na olelo a Amuleka i olelo ae ai ia Zezeroma, ma ke kulanakauhale o Amoniha; no ka mea, i ae la oia ia ia, E hele oiaio mai auanei ka Haku e hoolapanai mai i kona poe kanaka; aka, aole oia e hele mai e hoolapanai mai ia lakou iloko o ko lakou mau hala, aka e hoolapanai mai ia lakou mai ko lakou mau hala ae. A he mana no kona i haawia mai ai mai ka Makua mai, e hoolapanai mai ia lakou mai ko lakou mau hala ae, no ka mihi; nolaila, ua hoouna mai la oia i kona mau anela e hai mai i na olelo no na kanawai o ka mihi, na mea e lawe ana i ka mana o ka Mea Hoolapanai, i ka hoola ana i na uhane o lakou. Ano, e ka'u mau keiki, e hoomanao, e hoomanao, maluna iho o ka pohaku o ko kakou Mea Hoolapanai, oia no o Kristo, ke Keiki a ke Akua, olua e kukulu iho ai i ko olua kahua e pono ai, i mana ole ai ka diabolo i ka wa ana e hoouna mai ai i kona mau makani ikaika; he oiaio, i kona mau pua ma ka puahiohio; he oiaio, i ka wa a kona hua hekili a pau a me kona makani ino e nou mai ai maluna iho o olua, i mana ole ai ia maluna iho o olua, e kanu iho ia olua ilalo i ke awawa o ka pilikia nui a me ka poino pau ole, no ka pohaku maluna iho ona oukou i kukuluia'i, oia no he kahua oiaio, he kahua ina e kukulu iho na kanaka maluna iho ona, aole e hiki lakou ke hina.

16. A oia na olelo a Helamana i ao mai ai i kana mau keiki; he oiaio, ao mai la oia ia laua i na mea he nui i palapala ole ia'i, a me na mea he nui no hoi i palapalaia'i. A hoomanao iho la laua i kana mau olelo; a nolaila, hele ae la laua, e malama ana i na kanoha a ke Akua, e ao aku i ka olelo a ke Akua mawaena o ka poe kanaka a pau o Nepai, e hoomaka ana ma ke kulanakauhale Momona; a mailaila aku i ke kulanakauhale o Gida; a mai ke kulanakauhale o Gida aku i ke kulanakauhale o Muleka; a mai kekahai kulanakauhale aku i kekahai, a pau loa ka poe kanaka o Nepai i ke kaaheleia'ku mawaena e laua, ka poe e noho ana ma ka aina hema; a mai laila aku iloko o ka aina o Zarahemela, mawaena o ko Lapana poe.

17. A eia kekahī, haiaku la laua me ka mana nui, a hoohoka aku **la** laua i na mea he nui o ua poe ku e la, ka poc i heleaku ai mai ko Nepai poeaku, a hele mai la lakou a hai mai la i ko lakou mau hewa, a ua bapetizoia i ka mihi, a hoi koke mai la i ko Nepai poe, e hoao iho e papani mai ia lakou nei i na lawehala a lakoa i hana'i. A eia kekahī, hai oleloaku la o Nepai laua me Lehi i ko Lamana poe me ka mana a me ka makauan nui, no ka mea, he mana a he makaukaa ko laua i haawiia mai ai ia laua e hiki ia laua ke olelo: a ua haawia mai hoi ia laua i ka mea e pono ai no laua ke oleloaku; nolaila, oleloaku la laua me ke kahaha nui mai o ko Lamana poe, i ka hoomaopopoia'na o lakou, a ua bapetizoia i ka mihi ewalu tausani o ko Lamana poc, ka poe e noho ana ma ka aina o Zarahemela a e kokoke ana a puni, a ua hoomaopopoia no ka hewa o na mooolelo a ko lakou poe kupuna.

18. A eia kekahī, naueaku la o Nepai laua me Lehi mailailaku e hele i ka aina o Nepai. A eia kekahī, ua hopuia mai laua e kekahī poe koa o ko Lamana, a hahaoia laua iloko o ka halepaahao; he oiaio, iloko o ua halepaahao hookahi la a Amona a me kona poe hoahanau i hahaoia'i e na kauwa a Limai. A mahope iho o ko laua hahaoia'na iloko o ka halepaahao i na la he nui me ka ai ole, aia hoi, hele mai la lakou iloko o ka halepaahao e hopu mai ia laua, e hiki ia lakou ke pepehi mai ia laua a make. A eia kekahī, ua hoopunii'a'e la o Nepai laua me Lehi me he mea la e ke ahi, a, aole lakou i aa e kau mai i ko lakou mau lima maluna iho o laua, no ka makau, o wela auanei lakou. Aka hoi, aole o Nepai laua me Lehi i wela; a me he mea la e ku ana laua mawaena konu o ke ahi, a ua wela ole. A ia laua i ike ai na hoopunii'a'e la puni me kekahī kia ahi, a ua wela ole mai ia mea ia laua, hooikaikaia iho la ko laua mau naau. No ka mea, ua ike laua ua aa ole ko Lamana poe e kau mai i ko lakon mau lima maluna iho o laua; aole hoi lakou i aa e hookokoke mai ia laua, aka ku ilo la me he mea la ua loohia lakou me ka leo ole me ke kahaha.

19. A eia kekahī, ku iho la o Nepai laua me Lehi, a hoomaka ae la e oleloaku ia lakou, i ka i ana, Mai makau, no ka mea, aia hoi, o ke Akua no ia naua oukou i hoike i keia mea kupanaha, ma ia mea ua hoikeaku ia oukou, ua hiki ole ia oukou ke kau mai i ko oukou mau lima maluna iho o manua e pepehi loa mai ia manua. Aia hoi, ia laua i oleloaku ai i ua mau olelo nei, haalulu nui loa iho la ka honua, a haalulu ae la na paia o ka halepaahao, me he mea la e kokoke ana ia mau mea e hiolo iho i ka honua; aka hoi, aole nae ia mau mea i hiolo iho. A, aia hoi, o ka poe iloko o ka halepaahao, no ko Lamana lakou, a me na mea ku e i haalele mai i ko Nepai poc. A eia kekahī, ua uhiai lakou me kahi ao panopano, a hiki ae la ka makau weliweli, a eohia maluna iho o lakou. A eia kekahī, pae mai la kekahī leo me he mea la maluna ae ia o ke ao panopano, i ka i ana, E milii oukou, e milii oukou, a mai imi hou e pepchi i ka'u mau kauwa, a'u i hoounaaku ai ia oukou e haiaku i na olelo maikai.

20. A eia kekahī, ia lakou i lohe ai i keia leo, a ikeaku la aole ia he

leo o ka hekili; aole hoi ia he leo o ka wawa nui; aka hoi, he leo malie ia, o ka oluolu loa, me he mea la he hawanawana ia, a hou iho la ia iloko loa o ka naau. A me ka oluolu o ka leo nae, aia hoi, ua haalulu nui loa ka honua, a nauue hou ae la na paia o ka halepaahao, me he mea la e kokoke ana ia mau mea e biolo ilo i ka honua; a, aia hoi, o ke ao panopano ka mea i ubi ilo ia lakou, aole ia i puehu aku. Aia hoi, pae hou mai la ka leo, i ka i ana, E mihi oukou, e mihi oukou, no ka mea, ua kokoke mai ke aupuni o ka lani; a mai imi hou e pepehi i ka'u mau kauwa. A eia kekahih, haalulu hou iho la ka honua, a nauue ae la na paia; a pae hoa nisi la no hoi ka leo i ke kolu o ka manawa, a olelo mai la i na olelo kupaiānahā i hiki ole ke ekemui'a'e e kanaka; a nauue hou ae la na paia, a haalulu ilo la ka honua me he mea la e kokoke ana ia e kaawale aku.

21. A eia kekahih, ua hiki ole i ko Lamana poe ke holo aku, no ke ao panopano i ubi ai ia lakou; he oiaio, a ua oni ole no hoi lakou, no ka mākau i hiki ae ai maluna ilo o lakou. Ano, aia kekahih mawaena o lakou he Nepai ma ka hanau ana, o ko ekalesia o ke Akua oia mamua, aka ua ku e a haalele mai ia lakou. A eia kekahih, huli ae la oia, a aia hoi, ike mai la oia mawaena o ke ao panopano i na maka o Nepai laua me Lehi; a, aia hoi, alohi nui loa laua, e like me na maka o na anela la. A ike mai la oia e leha ana laua i ko laua mau maka i ka lani; a e ku ana laua me he mea la e kamailio aku ana, a e hookiekie ana i ko laua mau leo i kekahih mea a laua i ike aku ai.

22. A eia kekahih, hea ae la ua kanaka nei i na kanaka, e hiki ia lakou ke huli ae a nana. A, aia hoi, ua haawii'a'e he mana ia lakou, i huli ae lakou a nana mai la; a ike mai la lakou i na maka o Nepai laua me Lehi. A i ae la lakou i ua kanaka la, Aia hoi, heaha la ke ano o keia mau mea a pau? A owai la ka mea a keia mau kanaka e kamailio pu nei? Ano, o ko ke kanaka inoa o Aminadaba ia. A iaku la o Aminadaba ia lakou, ke kamailio nei laua me na anela o ke Akua. A eia kekahih, i ae la ko Lamana poe ia ia, Heaha ka makou e hana'i, e hoonecia'ku ua ao panopano nei i ubi ole mai ia mea ia makou? A iaku la o Aminadaba ia lakou, E mihi oukou e pono ai, a e hea aku i ka leo, a e loaa ia oukou ka manaoio ia Kristo, ka mea i aoiā'ku ia oukou e Alama, a me Amuleka, a me Zezeroma; alaila, e hoonecia'ku ia i ubi ole mai ia oukou.

23. A eia kekahih, hoomaka ae la lakou a pau e hea aku i ka leo o ka mea nana i hoohaalulu mai i ka honua; he oiaio, hea aku la lakou a hiki i ka wa i hoopuehuia'i ke ao panopano. A eia kekahih, ia lakou i alawa ae ei i na maka o lakou a puni, a ike ae la ua hoopuehuia'ku ke ao panopano mailuna aku o lakou, a, aia hoi, ike ae la lakou ua hoopunia'e a puni, he oiaio, o kela mea keia mea, e kekahih kia ahi. A o Nepai a me Lehi mawaena konu laua o lakou; he oiaio, ua hoopunia'e a puni; he oiaio, me he mea la lakou mawaena konu o kekahih ahi e lapalapa ana, aole nae ia i hoeha mai ia lakou, aole hoi ia i aiaku i na paia o ka halepaahao; a na hoopihai a lakou me ia olioli hiki ole ke halia'ku a piha me ka nani. Aia hoi, iho mai la ka Uhane Hemolele o ke Akua ilalo mai ka lani mai, a

komo ae ia iloko o na naau o lakou, a ua hoopihia'e la lakou me he **mea** la me ke ahi, a ua hiki ia lakou ke olelo aku i na olelo kupanaha.

24. A eia kekahī, pae mai la kekahī leo ia lakou, he oiaio, he leo oluolu me he mea la he hawanawana ia, i ka i ana, He maluhia, he maluhia ia oukou, no ko oukou manaoio i ko'u mea aloha nui ia, a mai ka hookumuia'na mai o ke ao nei ia. Ano ia lakou i lohe ai i keia, leha ae la lakou i ko lakou mau maka, me he mea la e ike aku i kahi a ka leo i pae mai ai; a, aia hoi, ike aku la lakou i na lani hamama; a iho mai la na anela mai-loko mai o ka lani, a lawelawe mai la ia lakou. A ua kokoke ekolu haneri paha ka poe i ike a i lohe i ua mau mea nei; a ua kauohia'e lakou e hele aku a kahaha ole, aole hoi lakou e kanalua. A eia kekahī, hele aku la lakou a lawelawe ae la i na kanaka, e hai aku ana mawaena o na wahi e kokoke ana a pumi, i na mea a pau a lakou i lohe ai a i ike ai, a ua hoohuliia ka nui loa o ko Lamana poe e lakou, no ka nui o na mea e ho-oiaio ana, a lakou i loaa'i; a o ka poe a pau i hoohuliia, waiho iho la lakou ilalo i ko lakou mau mea kaua, a me ko lakou inaina hoi, a me ka mooolelo a ko lakou poe kupuna. A eia kekahī, haawi ae la lakou i ko Nepai poe, i ko lakou mau aina hooilina.

25. A eia kekahī, i ka wa i pau ai ka makahiki kanaonokumamaluā o ke au o na Lunakanawai, ua hiki keia mau mea a pau, a ua lilo iho la ko Lamana poe, o ka nui o lakou, i poe kanaka pono, a, oi aku la ko lakou pono mamua o ko ko Nepai poe, no ko lakou naueue ole, a me ko lakou onipaa ma ka manaoio. No ka mea hoi, ua nui wale ka poe o ko Nepai i lilo iho i poe paakiki, a i palaka, a i ino loa, a hoomalau mai lakou i ka olelo a ke Akua, a me ka hai olelo ana a me ka wanana ana a pau i hiki mai ai mawaena o lakou. Aka hoi, ua loaa i ko ka ekalesia ka olioli nui, no ka huli ana o ko Lamana poe; he oiaio, no ka ekalesia o ke Akua, i hoohonohohoia'i mawaena o lakou la. A launa ae la lakou kekahī me kekahī, a ua hauoli kekahī me kekahī, a ua nui ka olioli. A eia kekahī, ua nui na mea o ko Lamana poe i iho mai ai ilalo iloko o ka aina o Zarahemela, a hai ae la i ka poe kanaka o ko Nepai i ke ano o ko lakou huli ana, a kauleo ae la hoi ia lakou nei i ka manaoio a me ka mihi; he oiaio, a ua nui na mea i hai aku me ka mana a makaukau, ma ka hoohaahaa ana i na mea he nui o lakou nei ilalo iloko o ka haahaa loa, e lilo ae i poe hahai haahaa i ke Akua a me ke Keikihipa.

26. A eia kekahī, ua nui na mea o ko Lamana poe i hele aku i ka aina akau: a hele aku la no hoi o Nepai laua me Lehi iloko o ka aina akau, e hai olelo aku i na kanaka. A pela i pau ai ka makahiki kanaonokumamakolu. A, aia hoi, he maluhia ma ka aina a pumi, a hele ae la ko Nepai poe iloko o kela wahī keia wahī o ka aina a lakou i makemake a, ina mawaena o ko Nepai poe a ina paha mawaena o ko Lamana poe. A eia kekahī, hele ae la no hoi ko Lamana poe i kahi a lakou i makemake a, ina mawaena o ko Lamana poe, a ina paha mawaena o ko Nepai poe; a pela lakou i launa pu me ke keakea ole ia kekahī me kekahī, e kuai mai a e kuai aku, a e loaa ka waiwai, e like me ko lakou makemake.

27. A eia kekahi, lilo iho la lakou i poe waiwai loa, o ko Lamana poe a me ko Nepai poe hoi; a ia lakou ke gula a nui loa, a me ke kala, a me kela ano keia ano o na mea maikai i eliia'i, ma ka aina hema, a ma ka aina akau no hoi. Ano, o ka aina hema ua kapaia'ku ia o Lehi, a o ka aina akau ua kapaia'ku ia o Muleka, oia mamuli o na keiki a Zedekia; no ka mea, kai mai la ka Haku ia Muleka iloko o ka aina akau, a ia Lehi hoi iloko o ka aina hema. A, aia hoi, ma keia mau aina elua ua nui loa ke gula o kela ano keia ano a pau, a o ke kala, a o ka mea maikai i eliia o kela ano keia ano: a he poe kanaka hana akamai no hoi, ka poe i hana i kela ano i keia ano o na mea i eliia, a hoomaemae ae la ia; a pela lakou i lilo ai i poe waiwai. Hooulu ae la lakou i na hua liilii a nui loa, ma ka akau a ma ka hema no hoi; a ulu nui loa ae la lakou ma ka akau a ma ka hema hoi. A hoolaha ae la lakou a mahuahua ikaika loa ma ka aina. A hoolaha ae la lakou i na pua a me na ohana holoholona he nui wale, he oiaio, i na mea kupalua he nui loa. Aia hoi, hana aku la a wili lope na wahine o lakou, a hana iho la i kela ano keia ano o ka lole, o ka ie wili makalii ia, a me ka lole o kela ano keia ano, e kahiko ai i ko lakou olohe-lohe. A pela i hala aku ai ka makahiki kanaonokumamaha ma ka maluhia. A ma ka makahiki kanaonokumamalima, ua loaa ia lakou no hoi ka olioli nui a me ka maluhia; he oiaio, ka hai olelo nui ana, a me na wanana he nui wale no na mea e hiki mai ana. A pela i hala aku ai ka makahiki kanaonokumamalima.

28. A eia kekahi, ma ka makahiki kanaonokumamaono o ke au o na Lunakanawai, aia hoi, ua pepehi loa ia o Cezorama e kekahi lima i ike ole ia, me ia i noho ai maluna iho o ka noho hookolokolo. A eia kekahi, ma ia makahiki no, o kana keiki, ka mea i hoonohoia'i e na kanaka ma kona hakahaka, ua pepehi loa ia no hoi. A pela i pau ai ka makahiki kanaonokumamaono. A i ka makamua o ka makahiki kanaonokumamahiku, hoomaka ae la na kanaka e mahuahua hou ma ka hewa loa. No ka mea hoi, ua hoopomaikai loihi mai ka Haku ia lakou me ka waiwai o ko ke ao nei, ua hookonokono ole ia lakou e huhu, e kana, aole hoi e hookahe aku i ke koko; nolaila, hoomaka ae la lakou e kauaku i ko lakou mau naau maluna iho o ko lakou waiwai; he oiaio, hoomaka ae lakou e imi aku e loaa ka waiwai, i hiki ia lakou ke hookiekieia iluna kekahli maluna ae o kekahli; nolaila, hoomaka ae la lakou e pepehi kanaka malu, a e powa, a e hao wale, i loaa'i ia lakou ka waiwai. Ano hoi, o ua poe pepehi kanaka la a me ka powa he poe lakou i hoohuia e Kisakumena a me Gadianatona. Ano, eia kekahi, ua nui wale na mea mawaena o ko Nepai poe no ko Gadianatona. Aka hoi, ua nui loaaku ka nui o lakou mawaena o ka hapa hewa loa o ko Lamana poe. A ua kapaia'ku lakou o ko Gadianatona poe powa a pepehi kanaka; a o lakou no ka poe i pepehi ai i ka Lunakanawai Nui o Cezorama, a me kana keiki, oiai ma ka noho hookolokolo; a, aia hoi, aole lakou i loaa.

29. Ano, eia kekahi, i ka wa a ko Lamana poe i ike ai aia he poe powa mawaena o lakou, ua kaumaha nui loa lakou; a hana lakou me ko

lakou ikaika a pau, e hoopau loa aku ia lakou la mai ka ili o ka honua aku. Aka hoi, hookonokono ae la o Satana i na naau o ka nui loa o ko Nepai poe, a hui ae la lakou me ua poe powa la, a komo ae la lakou iloko o na berita o lakou la, a me na hoohiki o lakou la, e hoomalu ai a e hoo-pakele ai lakou kekah i kekah i, kela wahi pilikia i keia wahi pilikia a lakou e hoonohoia'i, i ole ai lakou e hoopilikiaia no na pepehi kanaka o lakou, a me na powa ana o lakou, a me na aihue ana o lakou.

30. A eia kekah i, ia lakou na hoailona o lakou, he oiaio, na hoailona malu o lakou, a me na olelo malu o lakou; a o keia mea i hiki ai ia lakou ke hoonaopopo he hoahanau ka mea i komo ai iloko o ka berita, i ole ai kona hoahanau e hoopilikiaia no kela hewa keia hewa ana e hana'i, e kona hoahanau, aole hoi e ka poe i huiia'e i kona poe, ka poe i hoohiki i keia berita; a pela ua hiki ia lakou ke pepehi kanaka, a powa, a aihue, a moe kolohe, a hana i kela ano i keia ano o ka hewa, e ku e ana i na kanawai o ko lakou aina, a i na kanawai hoi o ko lakou Akua; a o ka mea o lakou i huiia'e me ko lakou poc, nana e hoike aku i ko ke ao nei no ka lakou mau hewa a me ka lakou mau mea hoopailua, e hookolokoloia oia, aole mamuli o na kanawai o ko lakou aina, aka, mamuli o na kanawai o ko lakou hewa, i haawiia ae ai e Gadianatona a me Kisakumena. Ano hoi, o keia mau hoohiki a mau berita malu, na mea a Alama i kauoha mai ai i kana keiki, i hele ole aku ai i ko ke ao nei, o lilo auanei ia mau mea i kumu e kai iho ai i na kanaka ilalo i ka anai loa ia ana. Ano hoi, aole i hiki aku ua mau hoohiki a mau berita malu la io Gadianatona la mai na mooolelo aku i haawiia'i ia Helamana; aka hoi, na hahaoia iloko o ka naau o Gadianatona, e kela mea hookahi nana i hoowalewale i ko kakou mau kupuna mua e ai i ka hua i papaia; he oiaio, o ua mea hookahi la nana i kuka pu ai me Kaina, ina e pepehi loa oia i kona kaikaina, ia Abela, aole loa ia mea e ikeia i ko ke ao nei. A kuka pu iho la oia me Kaina a me ka poe bahai ia ia, mai ia manawa mai. A o ua mea hookahi la no ho'i ia nana i hahao iloko o ua naau o na kanaka, e kukulu iho i halepakui i lawa ke kickie no lakou e hiki aku ai i ka lani. A o ua mea hookahi la ia nana i alakai aku i ka poe kanaka, ka poc i hele mai mai ua halepakui la mai iloko o keia aina; ka poe i hoolaha ae i na hana o ka pouli a o ka hoopailua, maluna iho o ka ili a pau o ka aina, a kaupo iho la oia i na kanaka ilalo i ka anai loa ia'na, a i kekah i Gehena mau loa; he oiaio, o ua mea hookahi la ia nana i hahao iho iloko o ka naau o Gadianatona, e hoomau i keia manawa i ka hana o ka pouli, a o ka pepehi kanaka malu; a ua hoopuka mai oia ia mea mai ka makamua o kanaka, a hiki wale mai i keia manawa. A, aia hoi, oia no ke kumu o ka hewa a pau loa. A, aia hoi, ke hoomau la oia i kana mau hana o ka pouli a o ka pepehi kanaka malu, a ke haawi ae la i ko lakou mau mea kuka, a me ko lakou mau hoohiki, a me ko lakou mau berita, a me ko lakou mau kumumanao o ka hewa weliweli, mai kekah i hanauna aku i kekah i hanauna, me ia i hiki ai ke loaa ka mana maluna o na naau o na keiki a kanaka. Ano hoi, ua loaa ia ia ka mana nui, maluna iho o na naau o ko Nepai poe; he oiaio, a ua lilo iho

la lakou i poe hewa loa; he oiaio, ua kapae ae la ka nui loa o lakou mawaho o ke ala o ka pono, a hahi iho la ilalo o na kapuai o lakou i na kauoha a ke Akua, a huli ae la i ko lakou mau aoao iho, a kukulu iho la no lakou iho i na kii o ko lakou gula a me ko lakou kala.

31. A eia kekahī, hiki mai la keia mau hala a pau ia lakou, ma na makahiki aohē he nui, a, ua hiki mai ka nui loa o ia me a ia lakou ma ka makahiki kanaonokumamahiku o ke au o na Lunakanawai maluna iho o ka poe kanaka o Nepai. A mahuahua ae la lakou ma na hala o lakou, ma ka makahiki kanaonokumamawalu no hoi, i ke kaumaha nui a me ka uwe ana o ka poe pono. A pela kakou i ike ai ua hoomaka ko Nepai poe e emi iho iloko o ka hoomaloka, a e mahuahua ma na mea ino a me na mea hoopailua, oiai ko Lamana poe i hoomaka ai e mahuahua nui loa ma ka ike i ko lakou Akua; he oiaio, hoomaka ae la lakou e malama i kana mau olelo kupaa a mau kauoha, a e hele ma ka oiaio a pololei imua ona. A pela kakou i ike ai ua hoomaka ka Uhane o ka Haku e haalele ae i ko Nepai poe, no ka hewa a me ka paakiki o ko lakou mau naau. A pela kakou i ike ai ua hoomaka ka Haku e ninini mai i kona Uhane maluna iho o ko Lamana poe, no ko lakou oluolu a makemake e manaoio i kana olelo.

32. A eia kekahī, imi ae la ko Lamana poe i ka poe powa o Gadiannatona: a hai aku la lakou i ka olelo a ke Akua mawaena o ka poe hewa loa o lakou, a ua hoopai loa ia ua poe powa nei maiwaena aku o ko Lamana poe. A eia kekahī, kukulu paa iho la ko Nepai poe ia lakou la a kokua ia lakou, e hoomaka ana ma ka poe hewa loa o lakou, a biki i ka wa i uhi ai lakou i ka aina a pau o ko Nepai poe, a i hoowalewale ai i ka nui loa o ka poe pono, a iho ae la lakou e manaoio i ka lakou mau hana, a e loaa ko lakou waiwai pio, a e hui pu me lakou ma ko lakou mau pepehi kanaka malu a me ka hui pu ana. A pela lakou i loaa'i ka hoooponopono ana a pau o ke aupuni, a no ia mea, hahi iho la lakou malalo o na kapuai o lakou, a papai ae, a haehae, a huli ae la i na kua o lakou i ka poe hune, a me ka poe akahai, a me ka poe haahaa e hahai ana i ke Akua. A pela kakou i ike ai ma ka noho weliweli ana lakou, a e oo ana no ka luku mau loa. A eia kekahī, pela i pau ai ka makahiki kanaonokumamawalu o ke au o na Lunakanawai maluna iho o ka poe kanaka o Nepai.

MOKUNA III.

KA WANANA A NEPAI, KE KEIKI A HELAMANA.—*Ka olelo hooweliweli a ke Akua i ka poe kanaka o Nepai, nana e hoopai mai ia lakou ma kona hahu, i ka anai loa ia ana o lakou, ke ole lakou e mihi i ko lakou hewa. No ka hahau ana o ke Akua i ka poe kanaka o Nepai me ke ahulau; mihi iho la lakou a huli ia ia. O Samuela, he Lamana, wanana mai la oia, i ko Nepai poe.*

1. Aia hoi kekahī, ma ka makahiki kanaonokumamaiwa o ke au o na

Lunakanawai maluna iho o ka poe kanaka o Nepai, hoi mai la o Nepai, ke keiki a Helamana, i ka aina o Zarahemela, mai ka aina akau mai: no ka mea, ua kaahele ae la oia mawaena o na kanaka e noho ana ma ka aina akau, a haiaku la i ka olelo a ke Akua ia lakou, a wananaaku la i na mea he nui ia lakou; a hoomalau mai la lakou i kana mau olelo a pau, a hiki ole ia ia ke noho mawaena o lakou, aka, hoi hou mai la oia i kona aina i hanau ai; a e ike ana i na kanaka ma ka noho hewa weliweli ana, a i kela poe powa Gadianatona e noho ana ma na noho hookolokolo; ua lalau wale ka mana a me ka noho luna ana ma ka aina; e waiho ana i na kauoha a ke Akua, a, aole pololei iki imua ona :e hoopono ole ana i na keiki a kanaka; e hoohewa ana i ka poe pono no ko lakou pono; e hookuu ana i ka poe hewa a me ka poe hihia me ka hoopai ole, no ko lakou kala; a menei hou, e hoomauia ma ka oihana ma ke poo o ke aupuni, e noho alii ai a e hana ai e like me ko lakou mau makemake, e hiki ia lakou ke loaa ka waiwai a me ka hanohano o ko ke ao nei; a eia hoi, e hiki ia lakou me ka oluolu loa ke moe kolohe, a aihue, a pepehi a make loa, a hana e like me ko lakou makemake iho. Ano, ua hiki mai keia ino nui maluna iho o ko Nepai poe, ma na makahiki aole he nui; a ia Nepai i ike ai ia, ua hu ae la kona naau me ke kaumaha maloko o kona opu; a pane aku la oia i ka ehaeha o kona naau, Ina ua hiki ia'u ke loaa ko'u mau la, ma na la a ko'u kupunakane o Nepai i hele mua mai ai mailoko mai o ka aina o Ierusalema, ina ua hiki ia'u ke olioli pu me ia ma ka aina i olelo mua ia'i; ia wa ua oluolu kona poe kanaka e noii'a'ku, a onipaa e malama i na kauoha a ke Akua, a lohi e alakaiia'ku e hana hewa; a ua wikiwiki e hoolohe mai i na olelo a ka Haku; he oiaio, ina o ko'u man la kekahia ma ia mau la, alaila, ua olioli ko'u uhane ma ka pono o ko'u poe hoahanau. Aka hoi, ua hookuuia mai au o keia mau la no ko'u, a e hoo-pihiaia mai ko'u naau me ke kaumaha, no ka hewa nei o ko'u poe hoahanau. Aia hoi, maluna ae o kekahia hale kiai ia, ma ka aina o Nepai, ma ke alaloa e hele ai i kahi kuai nui, ma ke kulanakauhale o Zarahemela; nolaila, ua kulou o Nepai ia ia iho maluna ae o ka hale kiai ma kona ki-hapai, a ua kokoke no hei ua hale kiai nei i ka puka kihapai e hele ai ma ke alaloa.

2. A eia kekahia, e maalo ana kekahia mau kanaka, a ike ae la lakou ia Nepai, me ia e ninini ana i kona uhane i ke Akua maluna ae o ka hale kiai, a holoaku la lakou a hai ae la i na kanaka i ka mea a lakou i ike ai, a houluulu paapu mai la na kanaka, e hiki ia lakou ke ike i ke kumu o ka uwe nui ana me neia no ka hewa o na kanaka. Ano, ia Nepai i ala ai ike aku la oia i ka lehulehu o na kanaka i houluuluia mai. A eia kekahia, oaka ae la oia i kona waha, a iaku la ia lakou, Aia hoi, no ke aha la oukou i houluulu mai ai ia oukou iho? Na'u anei e haiaku ia oukou no ko oukou mau hewa? He oiaio, no ko'u pii ana maluna ae o ko'u hale kiai, i hiki ia'u ke nininiaku i ko'u uhane i kuu Akua, no ke kaumaha nui loa o ko'u naau, a no ko oukou mau hewa ia? A no ko'u uwe ana a kanikau ana, ua houluulu mai oukou ia oukou iho, a ke kahaha nei; he oiaio, a he

kumu nui ko oukou e kahaha ai; he oiaio, a he mea e poro ai no oukou e kahaha, no ko oukou haawia ana'ku, i loaa'i i ka diabolo ka mana nui maluna iho o ko oukou mau naau; he oiaio, pehea la i hiki ai ia oukou ke ae aku i ka hoowalewale ana o ka mea nana e imi nei e hoolei aku i ko oukou poe uhane ilalo, i ka popilikia mau loa a me ka poino pan ole; e, e mihi oukou, e mili oukou! No ke aha la oukou e make ai? E huli mai oukou, e huli mai oukou, i ka Haku ko oukou Akua. No ke aha la oia i haalele ai ia oukou? No ko oukou hoopaakiki ana i ko oukou mau naau ia; he oiaio, aole oukou i hooolehe mai i ka leo o ke kahuhipa maikai; he oiaio, ua hoonaukiuki oukou ia ia e hulu ku e ia oukou. A, aia hoi, ma kahi o ka hoululu ana ia oukou, ke ole oukou e mihi, aia hoi, e hoopuelu aku auanei oia ia oukou, i lilo ai auanei oukou i ai na na ilio a me na holoholona hiihu. E! pehea la oukou i hiki ai ke hoopoina iho i ko oukou Akua i kela la hookahi ana i hoopakele mai ai ia oukou? Aka hoi, e loaa ka waiwai ia mea, e mahaloia e na kanaka; he oiaio, a i hiki ia oukou ke loaa ke gula a me ke kala. A ua kau aku oukou i ko oukou mau naau maluna iho o ka waiwai a me na mea lapuwale o ko ke ao nei, no keia mau mea ke pepehi kanaka nei oukou, a powa, a aihue, a hoike wahahhee e hewa ai i ko oukou hoalauna, a hana aku i kela ano i keia ano o ka he-wa; a no keia mea e hele mai auanei ka poino maluna iho o oukou, ke ole oukou e mihi. No ka mea, ina aole oukou e mihi, aia hoi, o keia kulanakauhale, a me kela mau kulanakauhale nui a pau no hoi, a puui, ma ka aina o ko kakou hooilina, e laweia'ku, i ole ai auanei he kuleana oukou iloko o ia mau wahi, no ka mea, aole ka Haku e haawi ae ia oukou i ka ikaika, me ia i hana'i mamua aku nei, e ku paa imua o ko oukou poe enemi. No ka mea, penei wahi a ka Haku, Aole au e hoike aku i ka poe hewa i ko'u ikaika, i kekahia manua o kekahia, koe wale no ka poe e mihi ana i ko lakou mau hewa, a hooolehe mai i ka'u mau olelo; ano hoi, ke makemake nei au e ike oukou, e o'u poe hoahanau, e alio no auanei ko Lamana poe mamua o oukou, ke ole oukou e mihi; no ka mea hoi, ua nui loa aku ko lakou pono mamua o ko oukou; no ka mea, aole lakou i lawehala me ke ku e aukia i kela ike nui a oukou i loaa'i; nolaila, e aloha auanei ka Haku ia lakou; he oiaio, e hooliohi ae oia i ko lakou mau la a e hoomahualua ae i ka lakou poe hua, oia, ia oe e hoopau loa ia'i, ke ole oe e mihi; he oiaio, auwe oukou no kela mea hoopailua i hiki mai ai mawaena o oukou; a ua hoopili aku oukou ia oukou iho ia mea, he oiaio, i kela poe malu i honohonohoia'i e Gadianatona; he oiaio, e hiki mai auanei ka poino ia oukou, no ia haahleo a oukou i ae aku ai e komo ae iloko o ko oukou mau naau, o ka mea ia i hookiekie ae ai ia oukou maluna ae o ka mea ku pono no ko oukou waiwai nui loa; he oiaio, auwe oukou no ko oukou hewa a mau mea hoopailua. A ke ole oukou e mihi, e make auanei oukou; he oiaio, e laweia'ku ko oukou mau aina, mai o oukou aku, a e anai loa ia'e oukou mai ka ili o ka honua aku. Aia hoi, aole au i olelo aku e hiki mai auanei kela mau mea, ma o'u iho, no ka mea, aole ma o'u iho a'u i ike ai i keia

mau mea; aka hoi, ua ike au he oiaio keia mau mea, no ka mea, ua hoike mai ka Haku ke Akua ia mau mea ia'u; nolaila, ke hoike aku nei au e hiki mau auanei ia mau mea.

3. Ano eia kekahī, ia Nepai i olelo aku ai i keia mau olelo, aia hoi kekahī poe he mau lunakanawai, no ka poe hana malu hoi o Gadianatona, a ua hahu lakou, a hea aku lakou me ke ku e ia ia, i ka i ana i na kanaka, No ke aha la oukou e lajau ole nei i keia kanaka a kai mai ia ia, i hoohe-waia'ku ai oia e like me ka hewa ana i hana'i. No ke aha la oukou e ike nei i keia kanaka, a e lohe nei ia ia e hoino mai ana i keia poe kanaka, a i ko kakoa kanawai? No ka mea, aia hoi, ua olelo aku o Nepai ia lakou no ka ino o ko lakou kanawai; he oiaio, ua nui na mea a Nepai i olelo aku ai i hiki ole ai ke palapalaia iho; a, aohē oia i olelo kekahī mea e kue ana i na kauoha a ke Akua. A ua hahu ua poe lunakanawai la ia ia no kana olelo maopopo ana ia lakou no ka lakou mau hana malu o ka pouli; aole nae lakou i aa e kau mai i ko lakou mau lima iho maluna ona; no ka mea, ua makau lakou i na kanaka, o kahea auanei lakou nei me ke ku e ia lakou la; nolaila, kahea ac la lakou i na kanaka, i ka i ana, No ke aha la oukou e ac aku nei i keia kanaka e hoino mai ia kakou? No ka mea, aia hoi; ke hoohewa mai nei oia i keia poe kanaka a pau, i ka anai loa ia ana; he oiaio, a e laweia auanei keia mau kulanakauhale nui o kakou mai o kakou aku, i ole ai o kakou kuleana iloko o ia mau wahi. Ano, ke ike nei kakou he mea hiki ole loa keia; no ka mea, ua mana kakou, a he mau kulanakauhale nni ko kakou; nolaila, aole e hiki i ko kakou poe enemi ke loaa ka mana maluna iho o kakou.

4. A eia kekahī, pela lakou i hookonokono ai i na kanaka e hubu mai ia Nepai, a hoala'i i na paio'mawaena o lakou; no ka mea, aia kekahī poe e hea ana, E waiho wale i keia kanaka, no ka mea, he kanaka pono ia, a e hiki io mai auanei kela mau mea ana i olelo mai ai, ke ole kakou e mihi: he oiaio, aia hoi e hiki mai auanei na hoopai a pau maluna iho o kakou ana i hoike mai ai ia kakou; no ka mea, ua ike makou ua hoike pololei mai oia ia kakou no ko kakou man hala. A, aia hoi, he nui ia mau mea; a ke ike nei oia i na mea a pau e lochia mai auanei ia kakou, me ia i ike ai no ko kakou mau hala; he oiaio, a aia hoi, ina aole oia he kaula ina ua hiki ole ia ia ke hoike mai no kela mau mea. A eia kekahī, o kela poe kanaka, ka poe i imi iho e pepchi mai ia Nepai, ua koii'a'ku no ko lakou makau, i kau ole mai ai lakou i ko lakou mau lima maluna iho ona. Nolaila, hoomaka hou oia e olelo aku ia lakou, e ike ana ua loaa ia ia ka oluolu ma na maka o kekahī poe, a no ia mea, makau iho la ke koena o lakou. Nolaila, ua koii'a oia e olelo hou aku ia lakou, i ka i ana, Aia hoi, e ko'u poe hoahanau, aole anei oukou i heluhelu ua haawi mai la ke Akua i ka mana i kekahī kanaka, ia Mose, e hahau maluna o na wai o ke Kaiula, a kaa-wale ae la ia man mea i o a i o, a hele mai la ka Israela, o lakou no ko kakou poe kupuna, mawaena ma ka aina maloo, a popoi ae la na wai ma-luna iho o na puali o ko Aigupita, a ale iho la ia lakou?

5. Ano hoi, ina i haawi mai ke Akua i na kanaka nei i ka mana me neia, alaila, no ke aha la oukou e hoopaaapaa nei mawaena o oukou iho, a i ae aole oia i haawi mai ia'u i ka mana i ike ai au no na hoopai e hiki mai ana maluna iho o oukou ke ole oukou e mihi? Aka hoi, aole o ka'u mau olelo wale no ka oukou e hoole nei, aka ke hoole mai nei no hoi oukou i na olelo a pau i oleloia'i e ko kakou poe kupuna, a me na olelo no hoi i oleloia mai ai e ua kanaka nei, o Mose, ka mea nona ka mana nui i haawiia mai ai iaia; he oiaio, i na olelo ana i olelo mai ai no ka hiki ana mai o ka Mesia. He oiaio, aole anei oia i hoike mai, e hele mai auanei ke Keiki a ke Akua? A me ia i kau ai iluna i ka nahesa keleawe ma ka waonahele, pela no auanei e kaulia'i iluna ka mea e hele mai ana. A o ka poe a pau i nana aku ai i ua nahesa la e ola no lakou, pela no hoi o ka poe a pau e nana aku ana i ke Keiki a ke Akua, me ka manaoio, a me ka uhane mihi, e hiki ke ola, oia, a hiki aku i kela ola e mau loa aku ana.

6. Ano hoi, aole o Mose wale no ka i hoike mai no keia mau mea, aka o na kaula hemolele a pau, mai kona mau la a hiki aku i na la o Aberahama. He oiaio, ike ae la o Aberahama no kona hiki ana mai, a ua hoo-pihaiia me ka olioli, a hauoli iho la. He oiaio, a ke iaku nei au ia oukou, aole o Aberahama wale no ka i ike no ua mau mea nei, aka, ua nai na mea mamua aku o na la o Aberahama i kaheia e ka aoao o ke Akua; he oiaio, mamuli o ka aoao o kana keiki; a o keia i hoikeia mai ai ia mea i na kanaka, i na tausani makahiki he nui mamua o kona hiki ana mai, i hiki mai ai ka hoolapanai ana hoi ia lakou. Ano, ke makemake nei au e ike oukou, ua nui na kaula mahope mai o na la o Aberahama, i hoike mai ai no ua mau mea nei; he oiaio, aia hoi, hoike wiwo ole mai ke kaula Zed-nosa; a no ia mea ua pepehiia oia a make. A o Zenoka hoi, a o Eziasa no hoi, a o Isaja no hoi, a me Ieremia, (o Ieremia oia no ua kaula la nana i hoike mai no ka anaiia ia ana o Ierusalema.) Ano, ke ike nei kakou ua anaiia o Ierusalema e like me na olelo a Ieremia. No ia mea, ea, no ke aha la e hele ole mai ai ke Keiki a ke Akua, e like me kana wanana? Ano, e hoole anei oukou i ka anaiia'na o Ierusalema? E olelo mai anei oukou aole i pepehiia na keikikane a Zedekia, o lakou a pau, koe o Muleka wale no? He oiaio, aole anei oukou i ke aia no na hua a Zedekia pu me kakou, a ua kipakuia mai, mailoko mai o ka aina o Ierusalema? Aka hoi, aole o keia wale no. Ua kipakuia mai ko kakou kupunakane o Lehi mai-loko mai o Ierusalema, no kona hoike ana no ua mau mea nei. O Nepai hoi kekahia nana i hoike mai no ua mau mea nei, a aneane ko kakou poe kupuna a pau hoi, a hiki loa i keia manawa; he oiaio, ua hoike lakou no ka hiki ana mai o Kristo, a ua nana imua, a ua hauoli ma kona la e hiki mai ana. A aia hoi, o ke Akua no ia, a oia pu kekahia me lakou, a ua hoike mai oia ia ia iho ia lakou, i hoolapanaiia'i lakou e ia; a hoonani akula lakou ia ia, no ka mea e hiki mai ana. Ano, i ko oukou ike ana i keia mau mea, a hiki ole ke hoole mai ia mau mea, ke ole wahalae oukou, no-laila, ma kela mea ua hana hewa oukou, no ka mea, ua hoomala i oukou i keia

mau mea a pau, me na mea hoike he nui loa nae a oukou i loaa'i; he oiaio, ua loaa ia oukou na mea a pau, na mea ma ka lani, a me na mea a pau ma ka honua nei no hoi, me he hoike la kela mau mea he oiaio. Aka hoi, ua hoomalau mai oukou i ka oiaio, a kipi mai la i ko oukou Akua hemolele; a i keia manawa hoi, ma kahi o ka hoahu ana no oukou iho ka waiwai ma ka lani, kahi e popo ole ai kekahī mea, kahi e komo ole ai kekahī mea pelapela, e hoahu ana oukou no oukou iho i ka inaina no ka la hookolokolo; he oiaio, i keia manawa hoi e oo ana oukou, no ko oukou mau pepehi kanaka ana, a me ko oukou moe kolohe a hana ino, no ka make mau loa; he oiaio, a ke ole oukou e mili, e hele koke mai ia ia oukou; he oiaio, aia hoi ia ma ko oukou mau puka komo ano; he oiaio, e hele aku oukou i ka noho hookolokolo, a e imi; aia hoi, ua pepehi lea ia ko oukou Lunakanawai, a ke moe la oia ma kona koko; a ua pepehī'a'e oia e kona kaikaina, ka mea e imi ana e noho ma ka noho hookolokolo. A, aia hoi, no ko oukou poe hui malu laua a elua, o ko lakou mea nana i hookumu eia o Gadianatona, a me ka mea ino hookahī e imi nei e make na uhane o na kanaka.

7. Eia hoi kekahī, i ka wa a Nepai i olelo aku ai i keia mau olelo, holo ae la kekahī poe kanaka e ku ana mawaena o lakou i ka noho hookolokolo; he oiaio, he mau mea elima ka i hele; a i ae la lakou mawaena o lakou iho, me lakou i holo ai, Aia hoi, e ike oiaio kakou ano, ina he kau-la keia kanaka, a na kauoha ae ke Akua ia ia e wanana mai i na mea kupa-naha me neia ia kakou. Aole kakou i manaoio ua kauoha mai oia peia; he oiaio, aole kakou i manaoio he kaula ia; aka hoi, ina he oiaio keia mea ana i i mai ai no ka Lunakanawai Nui, na make oia, alaila e manaoio kakou he oiaio na olelo e ac, ana i olelo mai ai. A eia kekahī, holo ae la lakou ma ko lakou ikaika, a komo ae la iloko i ka noho hookolokolo; a, aia hoi, ua haule iho la ka Lunakanawai Nui i ka honua, a moe iho la ia iloko o kona koko. Ano hoi, ia lakou i ike ai i keia, ua pihoihoi nui loa lakou, a hina iho la i ka honua; no ka mea, ua manaoio ole lakou i na olelo a Nepai i olelo aku ai, no ka Lunakanawai Nui; aka, ano ia lakou i ike ai manaoio iho la lakou, a hiki mai ka eehia maluna iho o lakou, o hiki mai auanei na hoopai a pau a Nepai i olelo aku ai, maluna iho o na kanaka; nolaila, haalulu ae la lakou, a ua hina iho i ka honua. Ano, emo ole i ka wa o ka Lunakanawai Nui i pepelihī'a'i; ua houia e kona kaikaina, ma kekahī kapa malu; a mahuka ae la oia, a holo ae la na kauwa, a haiaku la i na kanaka, e hooho ana i ka leo pepehi kanaka mawaena o lakou. Aia hoi, hoakoakoa ae la na kanaka ia lakou iho i kahi o ka noho hookolokolo; a, aia hoi, me ka pihoihoi nui o lakou ike aku la iakou i ua mau kanaka la elima i hina i ka honua. Ano hoi, ua ike ole na kanaka no ka akoakoa paapu ana o na kanaka ma ke kihapai o Nepai; nolaila, i ae la lakou mawaena o lakou iho, o lakou nei no ka poe i pepehi iho ai i ka Lunakanawai, a ua hahau mai ke Akua ia lakou, i hiki ole ai ia lakou ke mahuka aku mai o kakou aku.

8. A eia kekahī, lalau iho la lakou ia lakou la, a bikii ia lakou la, a

hahao aku la ia lakou iloko o ka halepaahao. A ua hoounaia'ku kekahi olelo hoolaha a puni, ua pepehia ka Lunakanawai, a ua hopuia na mea pepehi, a ua hahaoio iloko o ka halepaahao. A eia kekahi ia la ae, hoakoakoa ae la na kanaka ia lakou iho e uwe a e hooke ai, ma ka hoolewa ana o ka Lunakanawai Nui, ka mea i pepehia'i. A pela no hoi ua poe lunakanawai la ka poe i ku ma ke kihapai o Nepai, a lohe i kana mau olelo, i hoakoakoaia'i no hoi ma ke kanu ana.

9. A eia kekahi, ninaninai ae la lakou mawaena o na kanaka, i ka i ana, Ai la ihea ua mau mea la elima i hoounaia mai ai e ninai aku no ka Lunakanawai Nui ina paha ua make oia? A pane aku la lakou a i aku la, No keia mau mea elima a oukou e olelo mai nei na oukou i hoouna, aole makou i ike; aka, aia no elima lakou ka poe pepehi kanaka, ua hahaoia e makou iloko o ka halepaahao. A noi ae la na lunakanawai e kaiia mai lakou; a ua kaiia mai lakou, a, aia hoi, o lakou no na mea elima i hoounaia'ku: aia hoi, ninaninai ae la na lunakanawai ia lakou e ike no ia hana, a hai aku la lakou ia lakou la i na mea a pau a lakou i hana'i, i ka i ana, Holo aku la makou a hiki i kahi hookolokolo, a ia makou i ike ai i na mea a pau, ma ka Nepai i hoike mai ai, ua pihoihoi makou, a hina iho la makou i ka honua; a ia makou i pohala ae ai i ko makou pihoihoi, aia hoi hahao mai lakou nei ia makou iloko o ka halepaahao. Ano, no ka pepehia'na o ua kanaka nei, aole makou i ike i ka mea nana ia i hana, a o keia wale no ka makou i ike, holo aku la makou a hiki e like me ko oukou makemake, a, aia ua make ka oia e like me na olelo a Nepai.

10. Ano eia kekahi, wehewehe ae la na lunakanawai i ka mea i na kanaka, a hea ae la me ke ku e ia Nepai, i ka i ana, Aia hoi, ua ike makou ua ae like o ua Nepai nei me kekahi mea e pepehi ai i ka Lunakanawai, alaila, i hiki ia ia ke hai mai ia mea ia makou, e hiki ia ia ke hoohuli mai ia makou i kona manaoio, e hiki ia ia ke hookiekie ae ia ia iho i kanaka nui, waeia e ke Akua, a he kaula hoi; ano hoi, e huai ae makou i ke ano o ua kanaka nei, a nana e hai mai i kona hewa a e hoike mai ia makou i ka mea nana i pepehi i ua Lunakanawai nei. A eia kekahi, ua hookuuia ua mau mea la elima ma ka la o kona kanuia'na. Aka hoi, papaaku la lakou i na lunakanawai ma na olelo a lakou la i olelo ku e mai ai ia Nepai, a hoopapaa ae la me kela mea keia mea o lakou, a hoohokaaku la lakou ia lakou la. Kena ae la nae lakou la e hopuia o Nepai, a hikiia mai la a kaiiaaku imua o na kanaka, a hoomaka lakou e nicle mai ia ia ma na ano he nui, e hiki ia lakou ke hoolihia mai ia ia, e hiki ia lakou ke hoohewia mai ia ia e make: i ka i ana ia ia, Ua hui pu oe; owai la keia kanaka nana i hana mai i keia pepehi ana? Ano, e hai mai oe ia makou, a e hoopuka mai i kou hewa, i ka i ana hoi, Ea, eia no ke kala; a e hookuu ola no hoi makou ia oe ina e hai mai oe ia makou, a e hoopuka mai i ke kuikahi au i hana'i me ia.

11. Aka, iaku la o Nepai ia lakou, E na mea naaupo, ka poe i okipoepoe ole ia o ka naau, ka poe makapo, a poe kanaka ai ooolea hoi, ke ike

nei anei oukou i ka loihi o ka hookuu ana o ka Haku ko oukou Akua ia oukou, e hele ma ko oukou aoao hewa nei? E, ko oukou mea e pono ai e hoomaka e aoa a e uwe, no ka luku nui e kali nei i keia manawa ia oukou, ke ole oukou e mihi. Aia hoi, ke i mai nei oukou ua kuikahi au me kekahī kanaka, nana e pepehi aka ia Seezorama, i ko kakou Lunakanawai Nui. Aka hoi, ke i aku nei au ia oukou, ua oleloia keia no ko'u hoike ana ia oukou, e hiki ia oukou ke ike no keia mea; he oiaio, i mea hoike ia oukou, ua ike au no na hewa a me na mea hoopailua mawaena o oukou. A no kuu hana ana i keia, ke i mai nei oukou ua kuikahi au me kekahī kanaka nana e hana i keia mea; he oiaio, no ko'u hoike aka ia oukou i keia hoailona, ua huhu oukou ia'u, a ke imi nei e hoopau mai i kuu ola. Ano hoi, e hoike a'ku no au i kekahī hoailona hou, a e ike ina paha ma keia mea hoi oukou e imi ai e hoopau mai ia'u. Aia hoi, ke i aku nei au ia oukou, e hele oukou i ka hale o Seanatuma, oia no ke kaikaina o Seezorama, a e i aku ia ia, Ua kuikahi anei o Nepai, ka mea e kaena ana me he kaula la, ka mea nana e wanana nei i ka ino nui no keia lahuikanaka, me oe, a ma ia mea ua pepehi olua ia Seezorama, oia no kou kaikuaana? A eia hoi, e i mai auanei oia ia onkou, Aole. A na oukou e olelo aka ia ia, Ua pepehi anei oe i kou kaikuaana? A e ku malie oia me ka makau, a e ike ole i ka mea e olelo mai. A, aia hoi e hoole mai oia ia oukou; a e hana oia me he mea la ua kahaha oia; aka, e hai mai nae oia ia oukou ua hala ole oia. Aka hoi, na oukou e huli aka ia ia, a e loaa ia oukou ke koko ma na kihi o kona koloka. A ia oukou e ike ai i keia, na oukou e i aku, No hea mai keia koko? Aole anei makou i ike o keia no ke koko o kou kaikuaana? Alaila e haalulu oia, a e mae kona maka, me he mea la ua hiki ae ka make maluna iho ona. Alaila, na oukou e i aku, No keia makau a me keia mae i hiki mai ai maluna o kou maka, aia hoi, ke ike nei makou ua hewa oe. Alaila e hiki ae ka makau nui ae maluna iho ona; alaila e hai mai oia ia oukou, aole hoi e hoole hou uku ua hana oia i keia pepehi ana. Alaila e i mai oia ia oukou, na ike ole wau nei la, o Nepai, no ia mea, ke ole haawia mai ia ia'u e ka mana o ke Akua. Alaila, e ike oukou he kanaka pono wau, a ua hoounaia mai au ia oukou mai ke Akua mai.

12. A eia kekahī, hele lakou a hana aka la, e like me ka Nepai i i aka ai ia lakou. A, aia hoi, o na olelo ana i i aku ai, ua oiaio; no ka mea, e like me na olelo, hoole mai la oia; a e like me na olelo, hooia mai la oia. A kaiia oia e hooiaio mai o ka mea pepehi io no oia, a ua hookuuia'e na mea elima; a o Nepai no hoi. A aia no kekahī poe o ko Nepai i manaoio ae i na olelo a Nepai; a aia no kekahī poe no hei i manaoio ae, no ka hoike o na mea elima, no ka mea, ua hooihulia lakou oiai lakou ma ka ha-jepaahao. Ano, aia kekahī poe mawaena o ko Nepai, ka poe i olelo he kaula no o Nepai; a aia kekahī poe e olelo ana, Aia hoi, he akua no oia, no ka mea, ina aole oia he akua, ina ua hiki ole ia ia ke ike i na mea a pau. No ka mea hoi, ua hai mai oia i na mauao o ko kakou mau naau, a

ua hai mai no hoi i na mea ia kakou; a ua hoike mai no hoi oia ia kakou i ka mea nana i pepehi maoli i ko kakou Lunakanawai Nui.

13. A eia kekahī, hoomaka ae la ka mokuahana mawaena o na kana-ka, a kaawale ae la lakou i o a i o, a hele ae la i ko lakou mau ala, e haalele ana ia Nepai oia wale no, me ia e ku ana mawaena konu o lakou. A eia kekahī, hele aku la o Nepai i kona hale iho, e noonoo ana i na mea a ka Haku i hoike mai ai ia ia. A eia kekahī, me ia e noonoo ana pela,—ua hoopoho nui ia ka manao no ka hewa o ka poe kanaka o ko Nepai, a me ka lakou mau hana malu o ka pouli, a me ko lakou mau pepehi kanaka ana, a mau powa ana, a ikela ano keia ano o na hala—a eia kekahī, me ia e noonoo ana pela ma kona naau, aia hoi, pae mai la kekahī leo ia ia, i ka i ana, Pomaikai oe, e Nepai, no kela mau mea au i hana'i; no ka mea, ua ike au ua hai aku oe me ka molowa ole i ka olelo a'u i haawi aku ai ia oe, i keia lahuikanaka. A ua makau ole oe ia lakou, a ua imi ole oe i kou ola iho, aka ua imi mai i ko'u makemake, a e malama mai i ka'u mau kauoha. Ano, no kau hana i keia me ka molowa ole loa, aia hoi, e hoopomaikai aku au ia oe no ka wa pau ole; a e hoolilo aku au ia oe i ikaika ma ka olelo a ma ka hana, ma ka manaoio a ma na hana; he oiaio, e hanaia auanei na mea a pau ia oe e like me kau olelo, no ka mea, aole oe e noi mai i ka mea e ku e ana i ko'u makemake. Aia hoi, ooe no o Nepai, a owau no ke Akua. Aia hoi, ke hai aku nei au ia oe imua o ko'u poe anela, he mana auanei kou maluna iho o keia lahuikanaka, a e hahau iho auanei i ka honua me ka wi, a me ka mai ahulau, a me ka luku, e like me ka hewa o keia lahuikanaka. Aia hoi, ke haawi aku nei au ia oe i ka mana, a o ka mea au e sila ai ma ka honua, e silaia hoi oia ma ka lani: a o ka mea au e hookuu ai ma ka honua, e hookuuia hoi oia ma ka lani; a pela kou mawaena o keia lahuikanaka. A pela hoi, ina e olelo ae oe i keia luakini, E nahae ia mawaena, e hanaia auanei ia. A ina e olelo ae oe i keia mau-na, E hoohiotoa oe a e lilo i laumania, e hanaia auanei ia. Aia hoi, ina e olelo ae oe, Na ke Akua keia lahuikanaka e hahau mai, e hiki io mai auanei ia. Ano hoi, ke kauoha aku nei au ia oe nau e hele aku a e hai aku i keia lahuikanaka, Penei wahi a ka Haku ke Akua, oia no ka Mea Mana loa, ina aole oukou e mihi, e hahauia onkou, a hiki i ka luku loa ia'na.

14. Eia hoi kekahī, i ka wa a ka Haku i olelo mai ai i keia mau olelo ia Nepai, ku iho la oia, aole oia i hoi aku i kona hale iho, aka hoi hou ae la oia i na poe kanaka i hele lilii a puni ma ka ili o ka aina, a hoomaka ae la e hai aku ia lakou i ka olelo a ka Haku, i olelo e ia mai ai ia ia no ko lakou luku ia ana, ina aole lakou e mihi. Ano hoi, me ua hana mana nui la pu a Nepai i hana'i i ka hai ana aku ia lakou no ka make o ka Lunakanawai Nui, hoopaakiki iho la nae lakou i ko lakou mau naau, a hoo-lohe ole mai i na olelo a ka Haku: nolaila, hai aku la o Nepai ia lakou i ka olelo a ka Haku, i ka i ana, Ina aole oukou e mihi, penei wahi a ka Haku, e hahauia oukou a hiki i ka luku loa ia ana. A eia kekahī, ia Nepai i hai aku ai ia lakou i ka olelo, aia hoi, hoopaakiki iho la nae lakou i

ko lakou mau naau, a, aole i hoolohe mai i kana mau olelo; nolaila, hoinku e mai la lakou ia ia, a imi iho la e kau mai i ko lakou mau lima maluna iho ona, i hiki ia lakou ke hoolei aku ia ia iloko o ka halepaahao. Aka hoi, me ia pu ka mana o ke Akua, a ua hiki ole ia lakou ke hopu mai ia ia, e hoolei ia ia iloko o ka halepaahao, no ka mea, ua kaililia oia e ka Uhane, a halilia'e la maiwaena aku o lakou.

15. A eia kekahī, pela oia i hele aku ai ma ka Uhane, ia poe aku ia poe aku, e hai ana i ka olelo a ke Akua, a hiki i ka wa i haiia'ku ai ia e ia ia lakou a pau, a hoounaia'ku la ia mawaena o ka poe kanaka a pau. A eia kekahī, aole lakou e hoolohe mai i kana mau olelo; a hoomakaia na paio, a no ia mea mokuahana lakou ia lakou iho, a hoomaka ae la e luku kekahī i kekahī me ka pahikaua. A pela i pau ai ka makahiki kanahikukumamakahi o ke au o na Lunakanawai maluna iho o ka poe kanaka o Nepai.

MOKUNA IV.

1. Ano, eia kekahī ma ka makahiki kanahikukumamalua o ke au o na Lunakanawai, mahuahua ae la na paio, a no ia mea hiki mai na kaua a puni o ka aina mawaena o ka poe kanaka a pau o Nepai. A na ua poe powa hui malu nei i hana i keia hana o ka luku a me ka hewa. A mau ae la ua kaua nei a pau kela makahiki. A mau ae la no hoi ia ma ka makahiki kanahikukumamakolu.

2. A eia kekahī ma keia makahiki, hea aku la o Nepai i ka Haku, i ka i ana, E ka Haku mai kuu mai oe i keia poe kanaka e lukuia e ka pahikaua; aka e ka Haku, e aho e wi ma aina, e hooeu ia lakou ma ka hoomanao i ka Haku i ko lakou Akua, a malia paha e mihi lakou a huli ae ia oe. A pela no ia i hanaiā, e like me na olelo a Nepai. A, aia he wi nui maluna o ka aina mawaena o ka poe kanaka a pau o Nepai. A pela ma ka makahiki kahahikukumamaha, mau ae la no ka wi, a oki iho la ka hana luku ma ka pahikaua, aka lilo iho la i eha ma ka wi. A mau ae la no hoi keia hana luku ma ka makahiki kanahikukumamalima. No ka mea, ua hahauia ka honua i maloo loa ai ia, a hoohua ole mai i ka hua liili ma ke kau hua; a ua hahauia ka honua a puni, oia, mawaena o ko Lamana poe me ia mawaena o ko Nepai poe, a ua hahauia lakou a make lakou ma na tausani, ma na wahi hewa loa o ka aina.

3. A eia kekahī, ike ae la na kanaka ua kokoke lakou e make ma ka wi, a hoomaka ae la lakou e hoomanao i ka Haku ko lakou Akua; a hoomaka lakou e keia poe Lunakanawai Nui a me ko lakou poe luna, na lakou e i mai ia Nepai, Aia hoi, ke ike nei makou he kanaka oe o ke Akua, a nolaila e hea aku i ka Haku i ko makou Akua, nana e hoobuli ae mai ia makou aku i keia wi, o ko auanei na olelo a pau au i olelo mai ai,

no ko makou lukuia ana. A eia kekahī, olelo mai la ka poe lunakanawai ia Nepai, e like me na olelo a pau i noia'e. A eia kekahī, ia Nepai i ike ai ua mihi iho la ka poe kanaka, a e hoohaahaa ana ia lakou iho iloko o ke kapa ino, kahea hou aku la oia i ka Haku, i ka i ana, E ka Haku, aia hoi, ke mihi nei keia poe kanaka; a ua kahili ae la lakou i ko Gadianatona poe hui maiwaena aku o lakou, a ua pio loa iho la lakou la, a ua huna iho la lakou i ko lakou mau mea kuka malu iloko o ka honua. Ano, e ka Haku, no keia haahaa ana o lakou, e hoohuli ae oe anei i kou huhu, a e ae mai i pau kou huhu ma ka lukuia'na o ua poe kanaka hewa la, au i luku mai ai mamua iho nei? E ka Haku, e hoohuli ae anei oe i kou huhu, he oiaio, i kou huhu wela, a e hooki mai i keia wi ma keia aina? E ka Haku, e hoolohe mai anei oe ia'u, a e kauoha mai i hanaja'i ia e like me ka'u mau olelo, a e hooouna mai i ka ua maluna iho o ka ili o ka honua, i hiki ia ia ke hoohua mai i kona hua a me kona hua liilii, ma ke kau hua? E ka Haku, ua hoolohe mai la no oe i ka'u mau olelo ia'u i olelo aku ai, e wi ka aina, i hookiia ke abulau o ka pahikaua; a ua ike au e hoolohe mai no oe, i keia manawa, i ka'u mau olelo, no ka mea, ua i mai oe, Ina e mihi keia poe kanaka, na'u no e hookoe aku ia lakou; he oiaio, e ka Haku, a ke ike mai nei oe ua mihi iho la lakou, no ka wi, a no ke ahulau, a me ka lukuia ana i hiki mai ai maluna iho o lakou. Ano, e ka Haku, aole anei oe e hoohuli ae i kou huhu, a e hoao hou ina paha e hookauwa aku lakou nau? A ina pela, e ka Haku, ua hiki no ia oe ke hoopomaikai mai ia lakou, e like me kau mau olelo au i olelo mai ai.

4. A eia kekahī, ma ka makahiki kanahikukumamaono, hoohuli ae ia ka Haku i kona huhu mai o na kanaka aku, a kauoha ae la i ka ua e haulē mai maluna iho o ka honua, a hoohua mai la ia i kona hua ma ke kau hua ona. A hoohua mai la no ia i kona hua liilii, ma ke kau hua liilii ona. A aia hoi, hauoli iho la na kanaka, a hoonani aku la i ke Akua, a ua hoo-pihaiā ka ili o ka aina a pau me ka olioli ana; a, aole lakou imi hou e pepehi mai ia Nepai, aka manao iho la lakou ia ia me he kaula nui la, a he kanaka o ke Akua, me ka mana a makaukau nui i haawia mai ai ia ia mai ke Akua mai. A, aia hoi, o Lehi, kona kaikaina, aole oia i emi iki mahope iho ona ma na mea e pili ana i ka pono. A pela i hoomaka ai ka poe kanaka o Nepai e pomaikai hou ma ka aina, a hoomaka ae la e kukulu iho i na wahi neoneo o lakou, a hoomaka ae la e hoonui a hoolaha aku, a hiki ia lakou ke uhi i ka ili a puni o ka aina, ma ka akau a ma ka hema no hoi, mai ke kai komohana, a hiki aku i ke kai liikina. A eia kekahī, pau ae la ka makahiki kanahikukumamaono ma ka maluhia. A hoomaka ae la ka makahiki kanahikukumamahiku ma ka maluhia; a laha ae la ka ekalesia mawaena o ka ili o ka aina a puni; a ua huia ka nui o na kanaka, o ko Nepai poe a me ko Lamana poe no hoi, me ka ekalesia; a ua loaa ia lakou ka maluhia nui loa ma ka aina, a pela i pau ai ka makahiki kanahikukumamahiku. A he maluhia no hoi ko lakou ma ka makahiki kanahikukumamawalu, koe he mau ku e uuku no na mea nui o ke ae

ana i haawia mai ai e na kaula. A ma ka makahiki kanahikukumamaiwa, hoomaka ae la na hoopaapaa nui ana. Aka eia kekahi, o Nepai laua me Lehi, a me na mea he nui wale o ko laua poe hoahanau, ka poe i ike no na mea nui oiaio o ke ao ana, e loaa ana na hoikeana i kela la i keia la, nolaila hai aku la lakou i na kanaka, a no ia mea, hooki iho la lakou i ko lakou la hoopaapaa ana ia makahiki hookahi no.

5. A eia kekahi, ma ka makahiki kanawalu o ke au o na Lunakanawai maluna iho o ka poe kanaka o Nepai, aia kekahihoe o na mea haalele i ko Nepai poe, ka poe i hele aku i kekahi mau makahiki mamua iho nei i ko Lamana poe, a lawe maluna o lakou iho i ka inoa o ko Lamana poe; a me kekahihoe hoi he poe mamo io o ko Lamana, i hookonokonoia'ku i ka huhu e lakou, oia hoi ua poe haalele la, nolaila boomaka ae la lakou i ke kaua me ko lakou poe hoahanau. A hana mai la lakou i ka pepehi kanaka a me ka powa; alaila, e hec aku lakou iloko o na mauna, a iloko o ka waonahele a me na wahi huna, e huna ana ia lakou iho i hiki ole ke loaa lakou, e loaa ana i kela la i keia la na mea hou e hui me lakou, i ka hele ana o na mea haalele io lakou la; a pela ma kekahihoe manawa, he oiaio, ma kekahihoe mau makahiki aole he nui, lilo iho la lakou i poe powa hui he nui loa, a imi iho la lakou i na mea kuka malu a pau o Gadianatona; a pela lakou i lilo ai ka poe powa o Gadianatona. Ano hoi, hana make nui iho la ua poe powa nei, he oiaio, i ka luku nui ana mawaena o ka poe kanaka o Nepai, a mawaena hoi o ka poe kanaka o Lamana.

6. A eia kekahihoe, he mea e pono ai e hookiia'ku keia hana luku; nolaila, hoouna aku la lakou i kekahihoe kaua o na kanaka ikaika iloko o ka waonahele, a maluna ae o na mauna e imi aku i ua poe powa hui nei, a e luku aku ia lakou. Aka hoi, eia kekahihoe ma kela makahiki no ua hooauheeia mai lakou a hiki iloko o ko lakou mau aina iho. A pela i pau ai ka makahiki kanawalu o ke au o na Lunakanawai maluna iho o ka poe kanaka o Nepai.

7. A eia kekahihoe, ma ka makamua o ka makahiki kanawalukumamakahihoe, hele hou aku la lakou e ku e i ua poe powa hui nei, a lukuaku la no i kekahihoe he nui; a lukuia mai no hoi lakou me ka luku nui; a ua koi hou ia lakou e hoi mai mailoko mai o ka waonahele, a mailoko mai o na mauna, i ko lakou aina iho, no ka nui loa o ka helu o ua poe powa la i noho ai ma na mauna a me ka waonahele. A pela i pau ai ua makahiki nei. A maialua ae la nae ka poe powa a lilo maoli i ikaika, a aa ma-la lakou i ka poe kaua a pau o ko Nepai poe, a o ko Lamana poe no hoi; a ma o lakou la i hiki mai ai ka makau i na kanaka, maluna iho o ka ili a pau o ka aina; he oiaio, no ka mea, hele mai la lakou i na wahi he nui o ka aina, a hana ae la i ka luku nui ia lakou nei; he oiaio, pepehi iho la i na mea he nui, a hali pio aku la i na mea e ae he nui wale iloko o ka waoi nahele; he oiaio, o ka nui loa oia ka lakou mau wahine a me ka lakou mau keiki. Ano o keia ino nui, ka mea i hiki mai ai i na kanaka no ko lakou hewa, hooeu hou ae la no ia ia lakou i ka hoomanao i ka Haku i ko

lakou Akua. A pela i pau ai ka makahiki kanawalukumamakahi o ke au o na Lunakanawai. A ma ka makahiki kanawalukumamaluia, hoomaka hou ae la lakou e hoopoina iho i ka Haku i ko lakou Akua. A ma ka makahiki kanawalukumamakolu, hoomaka ae la lakou e mahuahua ikaika ma ka hewa. A ma ka makahiki kanawalukumamaha, aole lakou hoomaikai i ko lakou mau aoao. A eia kekahui ma ka makahiki kanawalukumamalima, mahuahua ikaika lakou a ikaika loa ae la ma ko lakou haahéo, a ma ko lakou hewa; a pela lakou c oo hou ai no ka lukuia'na. A pela i pau ai ka makahiki kanawalukumamalima.

8. A pela na hiki ia kakou ke ike i ka hoopunipuni a me ka naueue wale no hoi o na naau o na keiki a kanaka; he oiaio, ua hiki ia kakou ke ike na ka Haku ma kona lokomaikai nui loa, i healohaloha a hoopomaikai ka poe a pau i paulele aku ia ia; he oiaio, a ua hiki ia kakou ke ike ma ia manawa hookahi ana i hoopomaikai mai ai i kona poe kanaka; he oiaio, ma ka mahuahua o ko lakou mau kihapai, o ko lakou mau pua holoholona, a me ko lakou mau ohana holoholona, a ma ke gula, a ma ke kala, a ma na ano a pau o na mea maikai o ia hana'ku ia hana'ku, a o ke akamai hoi; e hookoe mai ana i ko lakon mau ola, a e hoopakele mai ana ia lakou mai-loko ae o na lima o ko lakou poe enemi; e hoopalupulu ana i na naau o na enemi o lakou, i ole ai lakou e kukala mai i na kaua e ku e ia lakou; he oiaio, a e hana ana i na mea a pau no ka maluhia a me ka pomaikai o kona poe kanaka; he oiaio, oia no ka manawa a lakou e hoopaakiki iho ai i ko lakou mau naau, a hoopoina i ka Haku i ko lakou Akua, a hahi ilalo iho o na wawae o lakou i ka Mea Hemolele; he oiaio, a o keia no ko lakou nanea, a me ko lakou pomaikai nui loa aku. A pela kakou i ike ai, ina aole e paipai ka Haku i kona poe kanaka me na popilikia he nui wale, he oiaio, ina aole oia e hoopai mai ia lakou me ka make, a me ka weliweli, a me ka wi, a me na ano a pau o na ahulau, aole lakou e hoomanao ia ia. E! nani ka naaupo, a me ka lapuwale, a me ka ino, a me ke aao diabolo, a nani hoi ka wikiwiki e hana hewa, a lohi e hana pono, o na keiki a kanaka; he oiaio, wikiwiki e hoolohe ae i na olelo a ka mea ino, a e kau aku i ko lakou mau naau maluna iho o na mea lapuwale o ke ao nei; he oiaio, nani ka wikiwiki e hookiekieia iluna ma ka haahéo; he oiaio, nani ka wikiwiki e kaena, a e hana aku i na ano a pau o ka mea i hewa; a nani ka lohi o lakou e hoomanao i ka Haku, i ko lakou Akua, a e halu i ka pepeiao i kana mau olelo ao; he oiaio, nani ka lohi e hele ma ko ka naauao mau alanui! Aia hoi, aole o lakou makemake na ka Haku ko lakou Akua, nana lakou i hana mai, e hoomalu a e noho alii maluna iho o lakou, me kona lokomaikai nui a me kona aloha nae ia lakou; ke hoowahawaha aku nei lakou i kana mau olelo ao, a, acle o lakou makemake i iho oia i mea alakai no lakou. E! nani ka ole o na keiki a kanaka; he oiaio, na unku iho lakou manua o na huna lepo o ka honua. No ka mea hoi, ke neenee la na huna lepo o ka honua i o a ia nei, i ka mahele ana a kaawale, ma ke kauoha a ko kakou Akua nui a mau loa; he oiaio, aia hoi, ma kona

leo ke haalulu la a naueue na puu a me na mauna; a ma ka mana o kona leo ua hoohioloia'e, a lilo i laumania; he oiaio, e like me he awawa la; he oiaio, ma ka mana o kona leo ke naueue la ka honua a pau; he oiaio, ma ka mana o kona leo, ke hoolulilulilia la na kumu ona, a hiki iwena konu; he oiaio, a ina e olelo ae oia i ka honua, E neenee aku, ua nee aku no ia; he oiaio, ina e olelo ae oia i ka honua, E hoi ihope oe, i hooloahi ai ia i ka la no na hora he nui, ua hanaia ia; a pela e like me kana olelo, ke hoi la ihope ka honua, a ua ike a kanaka e ku malie ana ka la; he oiaio, aia hoi, pela io no; no ka mea, he oiaio no o ka honua no ka i kaa ae, aole o ka la.

9. Aia hoi, ina e olelo ae oia i na wai o ka hohonu nui, E hoomalooia oe, ua hanaia ia. Aia hoi, ina e olelo ae oia i keia mauna, E hookiekieia oe, a e hele ae a e haule maluna iho o kela kulanakauhale, i uhia'i ia, aia hoi ua hanaia ia. A, aia hoi, ina e huna ke kanaka i kekahi waiwai maloko o ka honna, a e olelo ae ka Haku, E hoopoinoia ia, no ka hewa o ka mea nana ia i huma, aia hoi, e hoopoinoia auanei no ia: a ina e olelo ae ka Haku, E hoopoinoia oe, i loaa ole ai oe i kekahi kanaka mai keia manawa aku a mau loa aku, aia hoi, aole e loaa ana i kekahi kanaka ia mea ma ia hope aku a mau loa aku. A, aia hoi, ina e olelo mai ka Haku i kekahi kanaka, No kou mau hala e hoopoinoia oe a mau loa aku, e hanaia auanei ia. A ina e olelo mai ka Haku, No kou mau hala, e hookiia'ku oe mai ko'u alo aku, e kauoha no oia e hanaia auanei no ia pēla. A auwe ka mea ia ia oia e olelo ae ai i keia, no ka mea, e oleloia ia i ka mea nana e hana i ka hewa, a e hiki ole ia ia ke hoolaia; nolaila, no keia mea, i hiki i na kanaka ke hoolaia, ua haiia mai ka mihi. Nolaila, pomaikai lakou ka poe e mihi a hoolohe i ka leo o ka Haku o ko lakou Akua; no ka mea, o lakou nei no ka poe e hoolaia auanei. A na ke Akua e ae mai, ma kona piha nui, i kaiia mai ai na kanaka i ka mihi a me na hana pono, i hiki ia lakou ke hciboi hou ia i ka lokomaikai, no ka lokomaikai i ku i ka lakou mau hana. A ua makemake au e hoolaia na kanaka a pau. Aka ke heluhelu nei kakou, ma ka la nui hope, malaila no kekahi poe e hooleiia'ku ai mawahoe; he oiaio, ka poe e hooleiia'ku ai mai ke alo aku o ka Haku; he oiaio, ka poe e hookuuia'ku ai i ka noho poino pau ole ana, e hooko ana i na olelo e i ana, O ka poe i hana pono, e loaa ia lakou ke ola mau loa; a o ka poe i hana ino, e loaa ia lakou ka poino mau loa. A pela io no ia, Amene.

MOKUNA V.

O ka wanana a Samuela, ka Lamana, i ko Nepai poe.

1. Ano, eia kekahi, ma ka makahiki kanawalukumamaono, e noho manana ko Nepai poe iloko o ka hewa, he oiaio, iloko o ka hewa nui, oiai i eu ikaika ko Lamana poe e malama i na kauoha a ke Akua, e like me ke kanawai o Mose. A eia kekahi ma keia makahiki, aia kekahi kanaka, o

Samuela, he Lamana, i hele mai iloko o ka aina o Zarahemela, a hoomaka ae la e hai olelo aku i na kanaka. A eia kekahī, hai olelo aku la oia i na la he nui wale, i ka mihi i na kanaka, a hookuke ae la lakou ia ia iwaho, a kokoke oia e hoi hou i kona aina iho. Aka hoi, hiki mai la ka leo o ka Haku io na la, i hoi hou aku ai oia, a e wanana aku i na kanaka i kela mea keia mea i komo iloko o kona naau.

2. A eia kekahī, aole lakou ae mai ia ia e komo iloko o ke kulanakau-hale; nolaila, hele aku la ia a pii ae la maluna iho o ka pa olaila, a o aku la i kona lima a hea ae la me ka leo nui, a wanana ae la i na kanaka i na mea a ka Haku i hahao mai ai iloko o kona naau; a i ae la oia ia lakou, Aia hoi, owau, o Samuela, he Lamana, ke olelo aku nei i na olelo a ka Haku e hahao mai nei iloko o ko'u naau; a, aia hoi, ua hahao mai oia iloko o ko'u naau e i aku i keia poe kanaka, ke kau mai la ka pahikaua o ka hoopai maluna iho o keia poe kanaka; aole e hala ana na haneri makahiki eha ke ole haule mai ka pahikaua o ka hoopai, maluna iho o keia poe kanaka; he oiaio, ke kali la ka luku kaumaha i keia poe kanaka, a e hiki io mai ana ia maluna iho o keia poe kanaka, a, aole e hiki i kekahī mea ke hoola i keia poe kanaka, ke ole ia ka mihi a me ka manaoio ma ka Haku o Iesu Kristo, nana e hele oiaio mai auanei iloko o ke ao nei, a e hoopili-kiaia oia ma na mea he nui wale, a e pepehia a make auanei no kona poe kanaka. Aia hoi, ua hai mai la kekahī anela a ka Haku ia mea ia'u, a lawe mai la ia i na mea olioli i ko'u uhane. A, aia hoi, ua hoounaia mai au io oukou la e hai aku ia mea ia oukou no hoi, i hiki ia oukou ke loaa na mea olioli; aka hoi, aole oukou i hookipa mai ia'u, nolaila, penei wahi a ka Haku, No ka paakiki o na naau o ka poe kanaka o ko Nepai, ina aole lakou e mihi na'u e lawe ae i ka'u olelo mai o lakou aku, a e kaili ae au i kuu uhane mai o lakou aku, a aole au hoomanawanui hou ia lakou, a e hoohuli ae au i na naau o ko lakou poe hoahanau e ku e aku ia lakou; a, aole e hala aku na haneri makahiki eha, mamua o ko'u kena ana'e e hahauia'ku lakou; he oiaio, e hoopai aku au ia lakou me ka pahikaua, a me ka wi, a me ke ahulau; he oiaio, e hoopai aku au ia lakou ma ko'u hahu wela, a aia kekahī poe o ka ha o ka hanaua, ka poe e ola ana o ko oukou poe enemi, e ike i ko oukou luku loa ia'na; a e hiki io mai auanei keia, ke ole oukou e mihi, wahi a ka Haku: a e hoopai ae ua poc la o ka ha o ka hanaua i ka luku loa ana ia oukou. Aka, ina e mihi oukou a e hoi hou i ka Haku i ko oukou Akua, e hoohuli ae au i ko'u hahu mai o oukou aku, wahi a ka Haku; he oiaio, penei wahi a ka Haku, Pomaikai lakou ka poe e mihi a huli mai io'u nei, aka poino na mea e mihi ole ana: he oiaio, poino keia kulanakauhale nui o Zarahemela nei; no ka mea hoi, no ka poe pono i hookoeia'i oia; he oiaio, poino ua kulanakauhale nui nei, no ka mea, ke ike nei aq, wahi a ka Haku, e hoopaakiki ana na mea he nui loa, he oiaio, o ka hapa nui loa o ua kulanakauhale nui nei i ko lakou mau naau e ku e mai ia'u, wahi a ka Haku. Aka pomaikai lakou ka poe e mihi ana, no ka mea, na'u lakou e hookoe aku. Aka hoi, ina aole no

ka poe pono e noho la ma ua kulanakauhale nui nei, aia hoi, ina ua kena ae au i ke ahi e haule iho mailoko aku o ka lani, a hoopan loa aku ia wahī. Aka hoi, no ka pono o ka poe pono, i hookocia ia. Aka hoi, ke hele mai la ka manawa, wahī a ka Haku, ia oukou e hookuke mai ai i ka poe pono maiwaena aku o oukou, alaila e oo oukou no ka lukua'na; he oiaio, auwe ua kulanakauhale nui nei, no na hewa a me na mea hoopailua iloko ona; he oiaio, a auwe ke kulanakauhale o Gideona, no na hewa a me na mea hoopailua iloko ona; he oiaio, a auwe na kulanakauhale a pau ma ka aina a puni, i nohoia'i e ko Nepai poc, no na hewa a me na mea hoopailua iloko o ia mau wahī; a, aia hoi, e hiki mai auanei no ka poino maluna iho o ka aina, wahī a ka Haku o na Lehulehu, no ko ka'poe kanaka e noho la ma ka aina; he oiaio, no ko lakou hewa a me ko lakou mau mea hoopailua.

3. A e hiki mai auanei keia, wahī a ka Haku o na Lehulehu, he oiaio, ko kakou Akua nui a oiaio, o ka mea nana e huna iho i na waiwai iloko o ka honua, e loaa hou ole ai ia mau mea ma ia hope aku, no ka nui o ka poino o ka aina, ke ole ia he kanaka pono, a e huna iho ia mea i ka Haku, no ka mea, ua makemake au wahī a ka Haku, na lakou e huna iho i ko lakou mau waiwai ia'u; a e hoopoinoia lakou ka poe i huna ole i ko lakou mau waiwai ia'u; no ka mea, aole e huna ana kekahī i ko lakou mau waiwai ia'u, ke ole ka poe pono; a o ka mea nana e huna ole i kona mau waiwai ia'u, ua hoopoinoia no ia, a me ka waiwai no hoi, aole e hiki i kekahī ke hoola ia mea no ka poino o ka aina. A e hiki mai no auanei ka la e huna iho lakou i ko lakou mau waiwai, no ka mea, ua kauaku lakou i ko lakou mau naau maluna iho o ka waiwai; a no ko lakou kau ana i ko lakou mau naau maluna iho o ko lakou waiwai, e huna iho no au i ko lakou mau waiwai, i ka wa a lakou e hee aku ai innua o ko lakou poe enemi, no ka mea, aole lakou huna iho ia mau mea ia'u; e hoopoinoia lakou, a me ko lakou mau waiwai no hoi; a ma ia la e hahauia lakou, wahī a ka Haku. E uana mai oukou, e na kanaka o keia kulanakauhale nui, a e hoolohe mai i ka'u mau olelo; he oiaio, e hoolohe mai i na olelo a ka Haku e olclo aku nei; no ka mea hoi, ke i aku nei oia ua hoopoinoia oukou no ko oukou waiwai, a ua hoopoinoia no hoi ko oukou waiwai, no ka mea, ua kauaku oukou i ko oukou mau naau maluna iho o ia mau mea, a ua hoolohe ole i na olelo a ka mea nana oukou i haawi mai ia mau mea. Aole oukou i hoomanao aku i ka Haku ko oukou Akua, ma na mea ana i hoo-pomaikai ai ia onkou, aka, ke hoomanao mau nei oukou i ko oukou waiwai, aole e aloha aku i ka Haku, i ko oukou Akua no ia mau mea; he oiaio, aole e hu ana ko oukou naau i ka Haku, aka ke pchu nei me ka haaheo nui i ke kaena ana, a i ka haanui ana, i na paonioni ana, i na paio, i ka lokoino, i na hoomaau ana, a me na pepehi kanaka, a i na ano a pau o na hala. No keia mea, ua kauoha mai la ka Haku i hiki mai ai ka poino maluna iho o ka aina, a maluna iho o ko oukou waiwai no hoi; a o keia mea no na hala o oukou; he oiaio, auwe keia poc kanaka, no keia manawa i hiki mai ai, a oukou e hookuke mai nei i na kaula, a hoomaewaewa mai

nei ia lakou, a nou mai i na pohaku ia lakou, a pepehi mai ia lakou a make, a hana mai i na ano a pau o ka ino ia lakou, e like me lakou o ka wa kahiko i hana'i. Ano ia oukou i kamailio ai, ke i ae nei oukou, Ina o ko makou mau la pu kekahi ma na la o ko makou poe kupuna o ka wa kahiko, aole oukou i pepehi pu i ka poe kaula a make; aole oukou i hailuku mai ia lakou, a hookuke mai ia lakou mawaho. Aia hoi, ua ino loa aku oukou mamua o lakou; no ka mea, me ka Haku e ola nei, ina e hiki mai kekahia kaula mawaena o oukou, a hai aku ia oukou i ka olelo a ka Haku, ka mea e hoike mai ana no ko oukou mau lawehala a mau hewa, ua huhu oukou ia ia, a hookuke mai ia ia mawaho, a imi aku i kela ano keia ano o na aoao e pepehi mai ia ia; he oiaio, e olelo no oukou he kaula wahahée ia, a he lawehala ia, a no ka diabolo, no ka mea, ke hoike aku nei oia ua ino na hana a oukou. Aka hoi, ina e hele mai kekahia kanaka mawaena o oukou, a e i ae, E hana aku i keia, aole he hewa malaila; e hana aku i kela, aole oukou e loaa ka pilikia; he oiaio, e olelo ae oia, e hele mamuli o ka haahao o ko oukou mau naau; he oiaio, e hele mamuli o ka haahao o ko oukou mau maka, a e hana'ku i ka mea a ko oukou naau i makemake ai; a ina e hele mai kekahia kanaka iwacna o oukou a olelo ae i keia, e hookipa ae no oukou ia ia, a e i ae he kaula no ia; he oiaio, e hookickie no oukou ia ia iluna, a e haawi ae oukou ia ia i kauwahi o ko oukou waiwai; e haawi aku no oukou ia ia i kauwahi o ko onkou gula, a i kauwahi o ko oukou kala, a e hoaahu ilo no oukou ia ia me ke kapa kumu kuai nui; a no kana olelo ana'e i na olelo heomalimali ia oukou, a ke i ae la oia ua malu na mea a pau, alaila aole oukou e hoohewa'e ia ia.

4. E ka hanauua hewa a kekee; ka poc paakiki a ai ooolea, pehea ka loihi e manao ai oukou e kuu mai ka Haku ia oukou; he oiaio, pehea ka loihi e hookuu mai oukou ia oukou iho e alakaiia'ku e na mea alakai naau-po a makapo; he oiaio, pehea ka loihi e koho aku ai oukou i ka pouli mamua o ka malamalama; he oiaio, aia hoi, ua hoaaia ka huhu o ka Haku ano e ku e ia oukou; aia hoi, ua hoopoino mai la oia i ka aina, no ko oukou hewa; a, aia hoi, e hiki mai ana ka manawa nana e hoopoino i ko oukou waiwai, i lilo ia i mea pahee, i hiki ole ia oukou ke hoopaa ae ia mau mea; a ma na la o ko oukou ilihune aole e hiki ia oukou ke aua ia mau mea; a ma na la o ko oukou ilihune, e hea aku oukou i ka Haku: a makehewa ko oukou hea ana, no ka mea, ua hiki mai ko oukou hooneonco-ia ana ia manawa maluna ilo o oukon, a na hana paa ia ko oukou iku ia'na; alaila, e uwe aku a e aoa aku oukoia ma ia la, wahi a ka Haku o na Lehulehu. Alaila e kanikau oukou, a i ae, Ina ua mihi au, a aole pepehi i na kaula, a hailuku ia lakou, a hookuke aku ia lakou mawaho; he oiaio, ma ia la la, e olelo ae oukou, Ina ua hoomanao kakou i ka Haku, i ko kakou Akua, ma ka la ana i haawi mai ai ia kakou i ko kakou waiwai, alaila aole no ia mau mea i lilo i pahee, i nalowale aku ai ia mau mea ia kakou; no ka mea hoi, ua lilo aku la ko kakou waiwai mai o kakou aku. Aia hoi, ke walbo aku nei kakou i kahi mea paahana maanei, a ma ia la

ae ua lilo ia; a, aia ka, ua laweia'ku na pahikaua a kakou mai o kakou aku, ma ka la a kakou i imi aku ai ia mat mea no ke kaua. He oiaio, ua huna iho kakou i ko kakou mau waiwai, a ua pahee aku ia mau mea mai o kakou aku, no ka poino o ka aina. Ina ua mihi kakou ma ka la i hiki mai ai ka olelo a ka Haku ia kakou; no ka mea hoi, ua hoopoinoa ka aina, a ua lilo na mea a pau i pahee, a ua hiki ole ia kakou ke hoopaa ia mau mea. Aia hoi, ua hoopunia kakou e na daimonio, he oiaio, ua hoopunia kakou a puni e na anela o ka mea nana i imi e hoopoino mai i ko kakou mau uhane. Aia hoi, ua nui na hala o kakou. E ka Haku, aole anei e hiki ja oe ke hoohuli ae i kou hahu mai o kakou aku? A o keia no auanei ka oukou olelo ma ua mau la la. Aka hoi, ua hala aku ko oukou mau la o ka noho hoao ana; ua hoopance aku oukou i ka la o ko oukou ola, a hiki i ka wa i hala aku ai ka manawa pono no ka wa pau ole, a ua hana paa ia ko oukou lukuia'na; he oiaio, no ka mea, ua imi oukou i na la a pau o ko oukou ola ana, no ka mea i hiki ole ai ia oukou ke loaa; a ua imi oukou i ka pomaikai ma ka hana hewa ana, a e ku e ana ia mea i ke ano o kela pono aia no ia iloko ko kakou Poo Nui a Mau Loa. E na kanaka o ka aina, ina oukou e hoolohe mai i ka'u mau olelo. A ke pule nei au i hoohulii'a ka hahu o ka Haku mai o oukou aku, a i mihi oukou a e hoolaia.

5. Ano eia kekahih, wanana aku la o Samucla, ka Lamana, i na mea e ae he nui loa aku i hiki ole ke palapalaia. A, aia hoi, i aku la oia ia lakou, Aia hoi, ke haawi aku nei au i hoailona ia oukou; no ka mea, ke hele mai nei na makahiki hou elima, alaila e hiki mai ana ke Keiki a ke Akua e hoolapanai i ka poe a pau e manaoio aku ana ma kona iuoa. A, aia hoi, o keia ka'u e haawi aku ia oukou i hoailona ma ka manawa o kona hiki ana mai; no ka mea hoi, ma ka lani auanei na malamalam a nui, a no ia mea, ma ka po manua o kena hiki ana mai aole he pouli, a e ikeia auanei ia e kanaka me he mea la he ao ia, nolaila, hookahi la a me ka po, a me kekahih la hou, me he mea la hookahi la no ia, a aole no he po; a he hoailona auanei keia ia oukou; no ka mea, e ike no oukou i ka puka ana o ka la, a i kona napoo ana no hoi; nolaila, e ike oiaio auanei lakou i elua la a me ka po; aole nae e hoopouilia ka po; a o ka po ia mamua o kona hanau ana.

6. A, aia hoi, e ea mai kekahih hoku hou, he hoku a oukou i ike ole e ai mamua; a he hoailona hoi keia ia oukou. A, aia hoi, aole o keia wale no; ma ka lani auareci na ouli a me na mea kupanaha he nui. A e hiki mai keia, e pihoihel auanei oukou a pau, a e kahaba, a e hina iho oukou i ka honua. A eia kekahih, o ka mea e manaoio ma ke Keiki a ke Akua, e loaa no ia ia ke ola mau ola. A, aia hoi, pela ka Haku i kauoha mai ai ia'u, ma o kona anela la, i hele mai ai au a hai aku i keia mea ia oukou; he oiaio, ua kauoha mai la e wanana aku au ia mau mea ia oukou, he oiaio, ua i mai oia ia'u, E hea aku i keia poe kanaka, e mihi a e hoomakaukau i ke alanui o ka Haku. Ano, no ka Lamana ana o'u, a me ka'u olelo ana aku ia oukou i na olelo a ka Haku i kauoha mai ai ia'u, a no ke oolea

o ia mea e ku ia oukou, ua hahu mai oukou ia'u, a ke imi nei e pepehi mai ia'u, a ua hookuke mai ia'u maiwaena mai o oukou. A e lohe no oukou i ka'u mau olelo, no ka mea, no keia mea ua pii ae au maluna o na pa o keia kulana^{kauhale}, e hiki ia' onkou ke lohe a ke ike i na hoopai o ke Akua e kali ana ia oukou no ko oukou mau hala, a i ike no hoi oukou i na kanawai o ka mihi; a i ike no hoi oukou no ka hiki ana mai o Iesu Kristo, ke Keiki a ke Akua, ka Makua o ka lani a me ka honua, ka Mea Hana i na mea a pau, mai kinohi mai: a i ike i na hoailona o kona hiki ana mai, me ka manao e hiki ia oukou ke manaoio aku ma kona inoa. A ina e manaoio oukou ma kona inoa, alaia e mihi no oukou i ko oukou mai hewa a pau, i hiki ia oakou ma ia mea ke loaa ke kalaia'na o iu mau mea ma o kona pono la. A, eia hou, he hoailona hou ka'u e haawi aku nei ia oukou; he oiaio, he hoailona o kona make; no ka mea hoi, he oiaio e make ia e pono ai, i hiki mai ai ke ola; he oiaio, e pono nona, a e lilo ana i mea e pono ai nona e make, e lawe mai ai i ke alahonana o ka poe make, i hiki i na kanaka ma ia mea ke laweia'e imua o ke alo o ka Haku; he oiaio, aia hoi, ke lawe mai la ua make nei i ke alahonana, a ke hoolapanai mai la i na kanaka a pau mai ka make mua mai; kela make uhane no na kanaka a pau, ma o ka haule ana la o Adamu, i hookiia mai ai mai ke alo ae o ka Haku, a manaoia me he make la, ma na mea kino a ma na mea uhane. Aka hoi, ke hoolapanai mai la ke alahonana o Kristo i na kanaka, he oiaio, i na kanaka a pau, a ke hoihoi hou mai la ia lakou imua o ke alo o ka Haku; he oiaio, a ke lawe mai la ia ke kanawai o ka mihi, o ka mea nana i mihi, aole oia i kuiaia ilalo a hooleia'ku iloko o ke ahii; aka o ka mea nana i mihi ole, na kuiaia ilalo a hooleia iloko o ke ahii, a ke hiki hou ae la maluna iho o lakou he make uhane, he oiaio, he make alua, no ka mea, ua hooki hou ia'ku lakou ma na mea e pili ana i ka pono; nolaila, ea, e mihi oukou, e mihi oukou, o hookuu aku oukou ia oukou iho, ma ko oukou ike ana i keia mau mea a hana ole ana, e komo malalo iho o ka hoo-hewaia'na, a ua kaiia'ku oukou ilalo i keia make alua.

7. Aka hoi, me a'u i olelo aku ai ia oukou no kekahi hoailona hou, he hoailona o kona make, aia hoi, ma ua la la ana e loaa'i ka make, e hoo-pouilia auanei ka la, a e hoole e haawi mai i kona malamalamama ia oukou; a me ka mahina no hoi, a me na hoku: a, aole he malamalamama maluna o ka ili o ua aina nei, oia, mai ka manawa ana i loaa'i ka make, no na la ekolu, a hiki i ka manawa ana i ala hou ai mai ka make mai; he oiaio, ma ka manawa ana e kuu aku ai i ka uhane, e hekili ana a e uila ana no na hora he nui wale, a e haalulu a naueue ka honua, a o na pohaku maluna iho o ka ili o ua honua nei, aia no maluna ae o ka honua a malalo iho hoi, a oukou e ike nei i keia manawa he paa, a i ole ia, ua paa loa ka hapa nui, e nahaha auanei: he oiaio, e nahaha auanei ia mau mea iwaena konu, e loaa mau ai ma ia hope aku i nakaka a i mawae, a ma na apana nahahaia'i maluna o ka ili o ka honua a pau; he oiaio, maluna ae o ka honua a malalo iho no hoi. A, aia hoi, e hiki mai na makani ino nui, a e hoohaahaa-

ia na mauna he nui wale, e like me he awawa la, a me na wahi he nui wale no hoi, i kapaia ano he mau awawa, e lilo i mau mauna, i kickie loa. A e nahaha ae na alanui he nui wale, a e lilo na kulanakauhale he nui i neoneo, a e hoohamamaia na ilina he nui wale, a e hookuu mai i na mea he nui o ko ia mau wahi poe make; a e ikeia na mea hoano he nui wale e kekahih poe he nui. Aia hoi, pela i olelo mai ai ka anela ia'u; no ka mea, i mai la oia ia'u, e ikeia'ku na hekili a me na uila no na hora he nui loa; a i mai la hoi oia ia'u, i ka wa o ka hekili a me ka uila, a me ka makani ino, e hiki mai ai keia mau mea, a e uhi no hoi ka pouli i ka ili o ka honua a pau, no na la ekolu. A i mai la ka anela ia'u, e ike no kekahih poe he nui i na mea oi aku mamua o keia mau mea, i mea e hiki ai ia lakou ke manaoio e hiki mai ana keia mau ouli a me keia mau mea kupanaha, maluna iho o ka ili a pau o keia aina; i ole ai he kumu no ka hoomaloka mawaena o na keiki a kanaka; a o keia mea i hiki i na mea manaoio ke hoolaia, a i hiki hoi ke hooilia'ku ka hoopai pono, maluna iho o ka poe manaoio ole; a ina e hoohewaia'ku hoi lakou, ke lawe la lakou maluna o lakou iho i ko lakou hoohewaia'na iho. Ano, e hoomanao, e hoomanao e o'u poe hoahanau, o ka mea e make ana, e make ana oia ia ia iho; o ka mea e hana ana i ka hewa, e hana ana oia ia mea ia ia iho; no ka mea hoi, ua kaawale oukou; ua aeia mai oukou e hana no oukou iho; no ka mea hoi, ua haawi mai la ke Akua ia oukou i ka ike, a ua hookuu mai la oia ia oukou; ua haawi mai la oia ia oukou i hiki ia oukou ke ike i ka maikai mai ka ino ae, a ua haawi mai la oia ia oukou i hiki ia oukou ke kohoi i ke ola, a i ole ia i ka make, a ua hiki ia oukou ke hana i ka pono a e hoihoi hou ia'ku i ka mea i pono, oia hoi, e hoihoi hou ia mai ka mea pono ia oukou; a i ole ia, ua hiki ia oukou ke hana i ka ino, a e hoihoi hou ia'ku ka mea i ino ia oukou.

8. Ano, e ko'u poe hoahanau i alohaia, aia hoi, ke hai aku nei au ia oukou ina aole oukou e mihi, e waihoia auanei ko oukou mau hale i neoneo ia oukou; he oiaio, ina aole oukou e mihi, e loaa auanei i ko oukou poe wahine ke kumu nui e uwe ai ma ka la a lakou i hanai waiu aka ai; no ka mea, e hoao auanei oukou e holo, a, aole wahi e pakelae aka ai; he oiaio, auwe ka pee hapai keiki, no ka mea, kaumaha auanei lakou, a hiki ole ke holo; nolaila, e hahia lakou ilalo, a e haalelecia e make; he oiaio, auwe keia poe kanaka i kapaia ka poe kanaka o Nepai, ke ole lakou e mihi i ka wa a lakou e ike ai i keia mau hoailona a mau mea kupanaha, e hoikeia mai auanei ia lakou; no ka mea hoi, he lahuikanaka lakou i wacia o ka Haku mamua; he oiaio, ua aloha mai oia i ka poe kanaka o Nepai, a ua paipai mai no hoi oia ia lakou; he oiaio, ma na la o ko lakou mau hala ua paipai mai oia ia lakou, no ka mea, ke aloha mai la oia ia lakou. Aka hoi, e o'u poe hoahanau, ua inaina mai oia i ko Lamana poe, no ka mea, ua hewa mai ka lakou mau hana: a o keia mea no ka hewa o na mooolelo a ko lakou poe kupuna. Aka hoi, ua hiki mai la ke ola ia lakou, ma o ka hai olelo ana la o ko Nepai poe; a no keia mea ua hooloili mai ka Haku i ko

lakou mau la. A ke makemake nei au e ike aku oukou aia no ka nui o lakou ma ke ala pono o ka lakou hana, a ke hele pololei la lakou imua o ke Akua, a ke malama la lakou i kana mau kanoha, a me kona mau kanawai, a me kana mau olelo kupaa, e like me ke kanawai o Mosc. He oiaio, ke iaku nei au ia oukou, e hana ana ka nui o lakou i keia, a e hoo-ikaika ana lakou, me ka hoomau molowa ole ana, e hiki ia lakou ke kai mai i ke koena o ko lakou poe hoahanau i ka ike i ka oiaio; nolaila, ua nui no ka poe i hui pu ia me lakou i kela la i keia la. Aia hoi, ua ike oukou no oukou iho, no ka mea, ua nana oukou ia mea, o ka poe a pau o lakou i kaiia mai i ka ike i ka oiaio, a e ike i na mooolelo hewa a ino loa a ko lakou poe kupuna, a i kaiia e manaoio i na palapala hemolele, he oiaio, i na wanana a ka poe kaula heinolele i kakauia, ka mea e alakai ana ia lakou i ka manaoio ma ka Haku, a i ka mihi, a e lawe ana keia manaoio a mihi i ke ano hou o ka naau ia lakou; nolaila, o ka poe a pau i hiki i keia, ua ike oukou no oukou iho, ua naueue ole a onipaa ma ka manaoio, a ma ka mea nana lakou i hookuu mai. A ua ike no hoi oukou ua kanu iho la lakou i ko lakou mau mea kaua, a ke makau la lakou e lawe hou ae ia mau mea, o hana hewa paha lakou; he oiaio, ua hiki ia oukou ke ike ke makau nei lakou i ka hana hewa; no ka mea hoi, e ae aku no lakou e ha-hia ilalo a e pepehia a make e ko lakou poe enemi, aole hoi e hoaka'e i na pahikaua a lakou e ku e ia lakou la; a o keia mea no ko lakou manaoio aku ia Kristo. Ano, no ko lakou onipaa ana i ka wa a lakou i manaoio ai ma ka mea a lakou i manaoio ai; no ka mea, no ko lakou ku paa ana i ka wa a lakou i hoomalamalamaia'i, aia hoi, na ka Haku lakou e hoopomaikai mai a e hooloili mai i ko lakou mau la, me ko lakou hala nae; he oiaio, ina e emi iho lakou iloko o ka hoomaloka, e hooloili mai nae ka Haku i ko lakou mau la a hiki mai ka manawa i oleloia'i e ko kakou poe kupuna, a e ke kaula Zenosa hoi, a me na kaula e ae, no ka hoihoi hou ia'na o ko kakou poe hoahanau, ko Lamana poe, i ka ike i ka oiaio; he oiaio, ke iaku nei au ia oukou, ma na la mahope, ua haawia mai na olelo pomaikai a ka Haku i ko kakou poe hoahanau, i ko Lamana poe; a me na popilikia nae he nui a lakou e loaa'i, a e hoaia lakou i o ia nei maluna iho o ka ili o ka honua, a e alualuia, a e hahauia a e hoopuchua'ku, me ka loaa ole kahi e pakele ai, e aloha mai auanei nae ka Haku ia lakou; a na like keia me ka wanana, e laweia auanei lakou i ka ike oiaio, oia no ka ike i ko lakou Mea Hoolapanai, a me ko lakou Kahuhipa nui a oiaio, a e helu pu ia mawaena o kana poe hipa. Nolaila, ke iaku nei au ia oukou, e aho auanei ia no lakou mamua o oukou, ke mihi ole oukou. No ka mea hoi, ina na hoikeia'ku na hanu mana ia lakou i hoikeia mai ai ia oukou; he oiaio, i ka poe i emi iho iloko o ka hoomaloka no na mooolelo a ko lakou poe kupuna, ua hiki ia oukou ke ike no oukou iho, aole lakou i emi hou iho ai ma ia hope aku iloko o ka hoomaloka; nolaila, wahi a ka Haku, aole an e hoopau loa aku ia lakou, aka na'u e hoihoi hou mai ia lakou io'u nei, ma ka la o ko'u naauao, wahi a ka Haku. Ano hoi, wahi a ka Haku, no ka

poe kanaka o ko Nepai, ina aole lakou e mihi, a e haliu mai e hana i ko'u makemake, e hoopau loa aku au ia lakou, wahi a ka Haku, no ko lakou hoomaloka, me na hana mana nae he nui a'u i hana'i mawaena o lakou; a he oiaio me ka Haku e ola nei, e ko auanei keia mau mea, wahi a ka Haku.

9. Ano, eia kekahi, ua nui loa ka poe i lohe i na olelo a Samuela, ka Lamana, ana i olelo aku ai maluna ae o na pa o ke kulanakauhale. A o ka poe a pau i manaoio ma kana olelo, hele aku la a imi ae la ia Nepai; a ia lakou i puka ae ai a loaa ia, hai mai la lakou ia ia i ko lakou man hewa aole i hoole, e noi ana e bapetizoia'e lakou i ka Haku. Aka o ka poe a pau i manaoio ole ma na olelo a Samuela, ua hahu lakou ia ia; a nou ae la lakou i na pohaku ia ia maluna ae o ka pa, a pana ae la no hoi i na pua he nui ia ia, me ia i ku ai maluna o ka pa; aka, me ia pu ka Uhane o ka Haku, i hiki ole ai ke pa oia i na pohaku a lakou, aole hoi i ku i ka lakou mau pua. Ano, ia lakou i ike ai i keia, i hiki ole ai ke pa a ke ku oia, ua nui loa na mea e ae i manaoio ma kana mau olelo, a hele mai la lakou io Nepai la e bapetizoia. No ka mea, e bapetizo ana, e wanana ana, a e hai olelo ana o Nepai, e hea ana i ka mihi i na kanaka; e hoike ana i na hoailona a me na mea kupanaha; e hana ana i na hana mana mawaena o na kanaka, i hiki ia lakou ke ike e hiki koke io mai ana o Kristo; e hai ana ia lakou no na mea e hele koke io mai ana, i hiki ia lakou ke ike a hoamanao ma ka manawa o ka hiki ana mai o ia mau mea, ua hoikeia mai ia lakou mamua o ka hiki ana, me ka manao i hiki ia lakou ke manaoio; nolaila, o ka poe a pau i manaoio ma na olelo a Samuela, hele ae la lakou io na la e bapetizoia, no ka mea, hele mai la lakou e mihi ana a e hai ana i ko lakou mau hewa. Aka o ka nui loa o na kanaka aole lakou manaoio ma na olelo a Samuela; nolaila, ia lakou i ike ai ua hiki ole ke pa oia i ka lakou mau pohaku, aole hoi ku i ka lakou mau pua, hea ae la lakou i ko lakou poe kapena, i ka i ana, E lalau aku i ua kanaka la a nakinaki ia ia, no ka mea hoi, he daimonio kona; a no ka mana o ka diabolo iloko ona, aole i hiki ia makou ke pa'aku a ke ku aku ia ia me ka makou mau pohaku a me ka makou mau pua; nolaila, e lalau aku ia ia a e nakinaki ia ia, a e kai aku ia ia. A ia lakou i hele mai ai e kau mai i ko lakou mau lima maluna iho ona, aia hoi, lehei iho la oia mai ka pa'aku, a holo ae la mailoko aku o ko lakou mau aina, he oiaio, i kona aina iho, a hoomaka ae la e hai olelo a e wanana ae mawaena o kona poe kanaka iho. A, aia hoi, aole oia i lohe hou ia ma ia hope iho mawaena o ko Nepai poe; a pela ka noho ana o na kanaka. A pela i pau ai ka makahiki kanawalukumamaono o ke au o na Lunakanawai maluna iho o ka poe kanaka o Nepai. A pela hoi i pau ai ka makahiki kanawalukumamahiku o ke au o na Lunakanawai, o ka nui loa o na kanaka e noho ana ma ko lakou haahao a hewa, a o ka hapa uuku o lakou e hele pololei ana imua o ke Akua. A o ka noho ana no keia hoi, ma ka makahiki kanawalukumamawalu o ke au o na Lunakanawai. A ua uuku ke ano e ana ma ka noho ana o na kanaka, eia wale no, hoomaka ae la na kanaka e hoopakiki loa ia'ku ma ka hewa, a e hana

nui a nui aku i na mea e ku e ana i na kauoha a ke Akua, iloko o ka makahiki kanawalukumamaiwa o ke au o na Lunakanawai.

10. Aka, eia kekahi ma ke kanaiwa makahiki o ke au o na Lunakanawai, ua haawiia na hoailona nui i na kanaka, a me na mea kupanaha hoi; a hoomaka ae la na olelo a na kaula e hookoia; a ike a na kanaka, e na kanaka naauao, a hai mai la ia lakou i na mea olioli o ka hauoli nui; pela ma ua makahiki nei i hoomaka ai na palapala hemolele e hookoia. Aka, hoomaka ae la nae na kanaka e hoopaakiki iho i ko lakou mau naau, koe wale no ka poe o lakou e manaoio nui ana, o ko Ne-pai poe, a me ko Lamana poe no hoi, a hoomaka ae la e hilinai aku ma ko lakou ikaika iho, a ma ko lakou naauao iho, i ka i ana, Ua koho pololei paha lakou i kekahi mau mea, mawaena o na mea he nui wale me neia; aka hoi, ua ike kakou aole e hiki i keia mau hana nui a kuparaha i oleloia, ke hookoia. A hoomaka ae la lakou e hoopaapaa a e paio mawaena o lakou iho i ka i ana, Aole he mea ku i ka pololei i hiki mai ai kekahi mea e like me Kristo; ina pela, a oia no ke Keiki a ke Akua, ka Makua o ka lani a me ka honua, me ia i oleloia'i, no ke aha la oia e hoike ole mai ai ia ia iho ia kakou, me ia i ka poe e noho ana ma Ierusalem? He oiaio, no ke aha la oia e hoike ole mai ai ia ia iho ma keia aina, me ia hoi ma ka aina o Ierusalem? Aka hoi, ua ike kakou he mooolelo hewa ia, i haawiia mai ai ia kakou e ko kakou poe kupuna, e hoohuli mai ia kakou e manaoio ma kekahi mea nui a kupanaha e hiki mai ana, aole nae mawaena o kakou, aka ma kekahi aina mamao loa aku, he aina a kakou i ike ole ai; nolaila, ua hiki ia lakou ke waiho aku ia kakou ma ka naauupo, no ka mea, ua hiki ole ia kakou ke ike aku me ko kakou mau maka he oiaio ia mau mea. A na lakou, ma na hana maalea a pohihiihi o ka mea iu, e hana i kekahi mea pohihiihi nui, i hiki ole ai ia kakou ke hoomaopopo, i mea e hookauwa mai ai ia kakou ilalo i ka lakou mau olelo, a i poe kauwa hoi na lakou, no ka mea, ke hilinai nei kakou ia lakou e ao mai ia kakou i ka olelo; a pela lakou e waiho mai ai ia kakou ma ka naauupo, ina e hookuuaku kakou ia kakou iho ia lakou i na la a pau o ko kakou mau ola. A ua nui na mea e ae a na kanaka i manaowale ai iloko o ko lakou mau naau, he mau mea lapuwale a naauupo; a na nui ko lakou kupikipikio, no ka mea, e hookonokono ana o Satana ia lakou e hana hewa mau; he oiaio, hele aku la oia i o a ia nei, e hoolaha ana i na lono a me na paio maluna iho o ka ili a pau o ka aina, i hiki ia ia ke hoopaakiki iho i na naau o na kanaka e ku e i ka mea i pono, a e ku e aku i ka mea e hiki mai ana; a me na ouli a me na mea kupanaha i hanaia'i iwaena o ka poe kanaka o ka Haku, a me na hana mana he nui a lakou i hana'i, ua loaa nae ia Satana ka mana nui maluna iho o na naau o na kanaka, ma ka ili o ka aina a pau. A pela i paú ai ka makahiki kanaiwa o ke au o na Lunakanawai maluna iho o ka poe kanaka o Nepai. A pela i pau ai ka buke a Helamana, malmuli o ka mooolelo a Helamana a me kana mau keikikane.

KA BUKE A NEPAI,

KE KEIKI A NEPAI, OIA NO KE KEIKI A HELAMANA.

MOKUNA I.

A o Helamana no ke keiki a Helamana, oia no ke keiki a Alama, oia no ke keiki a Alama, he mamo a Nepai ke keiki a Lehi, ka mea i hele mai ai mailoko mai o Ierusalem ma ka makahiki mua o ke au ia Zedekia, ke Alii o ka Iuda.

1. Ano, eia kekahi hala aku la ka makahiki kanaiwakumamakahī; a he mau haneri makahiki eono ia mai ka wa mai a Lehi i haalele aku aia i Ierusalem; a o ka makahiki ia e noho ana o Lakoneusa i Lunakanawai Nui a i Kiaaina hoi maluna iho o ka aina. A ua hele aku la o Nepai, ke keiki a Helamana, mailoko aku o ka aina o Zarahemela, me ka haawi ae i kauoha i kana keiki, ia Nepai, oia no kana keikikane-hiapo, no na papa keleawe, a me na mooolelo i malama e ia'i, a me kela mau mea i malama laa ia'i mai ka haalele ana mai o Lehi ia Ierusalem; alaila hele aku la oia mailoko aku o ka aina, a o kahi ana i hele aku ai, aole kanaka i ike; a na kana keiki o Nepai i malama i na mooolelo ma kona hakahaka, he oiaio, i ka mooolelo o keia lahuikanaka.

2. A eia kekahi, ma ka makamua o ka makahiki kanaiwakumamalua, aia hoi, hoomaka ae la na wanana a ka poe kaula e hooko nui loa ia'i; no ka mea, hoomaka ae la na ouli a me na hana mana nui loa aku e hanaia mawaena o na kanaka. Aka, ua hoomaka kekahi poe e olelo ae, ua hala ka manawa no na olelo e hookoia'i, i oleloia e Samuela, ka Lamana. A hoomaka ae la lakou e hauoli maluna iho o ko lakou poe hoahanau, i ka i ana, Aia hoi, ua hala aku ka manawa, a ua ko ole na olelo a Samuela; no-laila, o ko oukou hauoli a me ko oukou manaoia no ia mea, ua makehewa no ia. A eia kekahi, hoohaunacle nui loa ae la lakou mawaena o ka aina; a hoomaka ae la ka poe manaoio e kaumaha loa, o ko ole mai paha ua mau mea la i oleloia'i. Aka hoi, kiai onipaa iho la lakou no kela la, a me kela po, a me kela la, i lilo ai auanei me he la hookahi la, me he mea la aole no he po, i ike ai lakou aole makehewa ko lakou manaoio ana.

3. Ano, eia kekahi, ua hookaawaleia'e kekahi la e ka poe hoomaloka, i lukuia'i ua poe la a pau, ka poe i manaoio i kela mau mooolelo, ke hiki ole mai ka hoailona i haawia mai ai e Samuela, ke kaula. Ano, eia kekahi, ia Nepai, ke keiki a Nepai, i ike ai i keia hewa o kona poe kanaka, ua kaumaha loa kona naau. A eia kekahi, hele aku la ia mawahoa a kulou iho la oia ilalo ma ka lepo, a hea ikaika aku la i kona Akua, no kona poe kanaka; he oiaio, no ua poe la e kokoke ana e lukuia no ko lakou manaoio i na mooolelo a ko lakou poe kupuna. A eia kekahi, hea ikaika aku

la i ka Haku, a pau ae la ka la; a, aia hoi, pae mai la ka leo o ka Haku io na la, i ka i ana, E hookiekie ae oe i kou poo a e hoolana maikai i kou naau, no ka mea, ua kokoke mai ka manawa, a ma keia po e haawii aku ka hoailona, a ma ka la apopo e komo ana Owau iloko o ke ao nei, e hoike aku i ko ke ao nei e hooko aku no au i na mea a pau a'u i kauoha aku ai e oleloia'ku e na waha o ko'u poe kaula hemolele. Aia hoi, ke hele mai nei au i ko'u poe ponoi, e hooko i na mea a pau a'u i hoike aku ai i na keiki a kanaka, mai ka hookumuia'na mai o ke ao nei, a e hana i ka make-make o ka Makua, a o ke Keiki a ka Makua no hoi, no'u nei, a o ke Keiki, no kuu io. Aia hoi, ua kokoke mai ka manawa, a i keia po e haawii aku ai ka hoailona.

4. A eia kekahī, ua ko iho la na olelo i hiki mai ai ia Nepai, me ia i oleloia mai ai: no ka mea hoi, ma ka napoo ana o ka la, aole he poeleele; a hoomaka ae la na kanaka e pihoihoi, no ka mea, aole poeleele i ka wa i hiki mai ai ka po. A ua nui loa ka poe i manadio ole e ai mamua i na olelo a ka poe kaula, i hina i ka honua, a lilo iho la me he mca la na make-lakou, no ka mea, ike iho la lakou ua hooliloia ka manao kuka o ka luku, a lakou i hooholo ai no ka poe i manaoio ma ka olelo a na kaula, i mea ole, no ka mea, ua kokoke mai no ka ouli i haawii mai ai; a hoomaka ae la lakou e hoomaopopo e ike koke ia ke Keiki a ke Akua e pono ai; he oiaio, o ka poe kanaka a pau maluna iho o ka ili o ka houua a puni, mai ke komohana a i ka hikina, ma ka aina akau a ma ka aina hema no hoi, no ka pihoihoi nui loa ana, hina iho la lakou i ka honua; no ka mea, ua ike lakou ua hoike mai ka poe kaula no ua mau mea nei no na makahiki he nui wale, a ua kokoke mai ano, ka ouli i haawi e ia mai ai manua; a hoomaka ae la lakou e makau no ko lakou hewa a me ko lakou hoomaloka.

5. A eia kekahī, aole he poeleele ia po a ao, aka ua malamalamā ia me he mea la iwaena konu o ka la. A eia kekahī, puka hou mai la ka la ia kakahiaka ae, e like me koua ano pololei; a ike iho la lakou o ka la no ia a ka Haku e hanauia mai ai, no ka ouli i haawii mai ai. A ua hiki io mai la no ia, he oiaio, na mea a pau, kela mea keia mea, e like me na olelo a na kaula. A eia hoi kekahī, ikeia mai la kekahī hoku hou, e like me ka olelo. A eia kekahī, ma ia hopē iho, hoomaka ae la na wahahee ana e hoounaia'e mawaena o na kanaka, e Satana, e hoopaaakiki iho i ko lakou mau naau, i mea i manaoio ole ai lakou ma kela mau ouli a mau mea kuhpanaha a lakou i ike ai; aka me keia mau wahahee ana a mau hoopunipuni ana, ua manaoio nae ka nui loa o na kanaka, a ua hoohuliia mai i ka Haku. A eia kekahī, hele aku la o Nepai mawaena o na kanaka, a me na mea e ae he nui wale no hoi, e bapetizo ana i ka mihi, a ma ia mea, ua kala nui ia na hala. A pela i hoomaka hou ai na kanaka e loaa ka maluhia ma ka aina; a, aole no na paio, koe he poe kakaikahi wale no ka poe i hoomaka e hai aku, e hoao ana e hooiaio ma o na palapala hemolele la, aole ia he mea e pono hou ai e malama i ke kanawai o Mose. Ano, ma keia mea kuhi hewa iho la lakou, no ka hoomaopopo ole i na palapala hemolele.

Aka eia kekahī, ua hōohuli koke ia lakou, a ua hoomaopopoia lakou no ke kuhi hewa o lakou, no ka mea, ua hoikeia mai la ia lakou aole i ko ke kanawai i keia manawa, a e hookoia ia e pono ai ma kela lihi keia lihi; he oiaio, hiki mai la ka olelo io lakou la e hookoia ia e pono ai; he oiaio, aole e lilo aku kahi huna, aole hoi kahi lihi iki, a pau loa ae la ia i ka hookoia; nolaila, ma keia makahiki hookahī, ua kaiia mai la lakou e ike i ko lakou lalau, a hai mai la no i ko lakou mau hewa. A pela i hala aku ai ka makahiki kanaiwakumamalu, e lawe mai ana i na mea olioli i na kanaka no na hoailona i hiki mai ai, e like me na olelo o ka wanana a ka poe kaula hemolele a pau.

6. A eia kekahī, hala aku la no hoi ka makahiki kanaiwakumamakolu me ka maluhia, koe wale no ko Gadianatona poe powa, ka poe i noho ai ma na mauna, na lakou i hoopilikia i ka aina; no ka mea, no ka ikaika loa o ko lakou mau wabi paa a me ko lakou mau wahi malu, ua hiki ole i na kanaka ke lanakila maluna iho o lakou; nolaila, nui ko lakou pepehi kanaka ana, a luku nui mai la mawaena o na kanaka. A eia kekahī, ma ka makahiki kanaiwakumamaha, hoomaka ae la lakou e mahuahua nui loa aku, no ka mea, ua nui loa na mea ku e o ko Nepai poe i holo aku ai io lakou la, a he mea ia i hookaumaba nui aku ai i kela poe o Nepai e noho ana ma ka aina; a he kumu hoi kekahī no ke kaumaha nui mawaena o ko Lamana poe: no ka mea, he nui na keiki a lakou i ulu ae a hoomaka ae la e mahuahua ikaika ma na makahiki, i ku okoa ai lakou, a ua alakaiia aku e kekahī poe o ko Zorama poe, ma na wahahee ana a lakou, a ma na olelo hoomalimali ana a lakou, e hui me ua poe powa la o Gadianatona; a pela i hoopilikia pu ia'i ko Lamana poe no hoi, a hoomaka ae la e emi iho ma ko lakou manaoio a me ka pono, no ka hewa o ka hanauna hou.

7. A eia kekahī, pela i hala aku ai ka makahiki kanaiwakumamālima no hoi, a hoomaka ae la na kanaka e hoopoina i kela mau ouli a me na mea kupanaha a lakou i lohe ai, a hoomaka ae la ke kahaha o lakou e emi iho a e emi ae ma kekahī ouli a me kekahī mea kupanaha mai ka lani mai, a hoomaka ae la lakou e paakiki iho ma ko lakou man naau, a makapo ma ko lakou hoomaopopo ana, a hoomaka ae la e hoomaloka i na mea a pau a lakou i lohe ai a ike ai, e noonoo wale ana i kekahī mea lapuwale ma ko lakou mau naau, ua hanaia ia mea e na kanaka, a e ka mana o ka diabolo, e alakai aku a e hoopanipuni i na naau o na kanaka; a pela o Satana i loaa hou ai na naau o na kanaka, a hoopouli iho la oia i ko lakou mau maka, a alakai aku la ia lakou e manaoio, he mea naaupo a lapuwale ke ao ana o Kristo.

8. A eia kekahī, hoomaka ae la na kanaka e mahuahua ikaika ma ka hewa a me na mea hoopailua; a, aole lakou manaoio e haawi hou ia mai na hoailona a me na mea kupanaha; a hele ae la o Satana i o a ia nei, e alakai aku ana i na naau o na kanaka, e hoowalewale ana ia lakou a e hookonokono ana ia lakou, i hana lakou i ka hewa nui ma ka aina. A pela i hala aku ai ka makahiki kanaiwakumamaono; a me ka makahiki

kanaiwakumamahiku no hoi; a me ka makahiki kanaiwakumamawalu no hoi; a me ka makahiki kanaiwakumamaiwa no hoi; a ua hala aku la na makahiki hookahi haneri no hoi, mai na la mai o Mosia, oia no ke Alii maluna iho o ka poe kanaka o Nepai. A ua hala aku la na makahiki eono haneri a me kumamaiwa, mai ko Lehi haalele ana ia Ierusalem; a ua hala aku la na makahiki eiwa, mai ka wa o ka ouli i haawiiia mai ai, i oleloia e ka poe kaula, i hiki mai ai o Kristo iloko o ke ao nei. Ano, hoomaka ae la ko Nepai poe e helu i ko lakou manawa mai keia manawa o ka ouli i haawiiia mai ai, oia hoi mai ka hiki ana mai o Kristo: nolaila, ua hala aku la na makahiki eiwa, a, aole i hoi hou mai o Nepai, oia no ka makuakane o Nepai, ka mea nana i malama i na mooolelo, i ka aina o Zarahemela, a ua hiki ole ke loaa ia, ia wahi aku ia wahi aku ma ka aina a puni.

9. A eia kekahih, noho mau iho la na kanaka iloko o ka hewa, me ka nui nae o ka hai olelo ana a me ka wanana ana i hoounaia mai mawaena o lakou; a pela i hala aku ai ka umi makahiki no hoi; a hala aku la no hoi ka makahiki umikumamakahih ma ka hewa. A eia kekahih, ma ka makahiki umikumamakolu, hoomaka ae la na kaua a me na paio mawaena o ka aina a puni; no ka mea, ua lilo iho la ko Gadianatona poe powa i lehu-lehu, a pepehi nui iho la i na kanaka, a anai nui ae la i na kulanakauhale, a hoolaha ae la i ka make a me ka luku mawaena o ka aina, a ua lilo iho la ia i mea e pono ai no na kanaka a pau, o ko Nepai poe, a me ko Lamana poe no hoi, e lalau ae i na mea kaua e ku e aku ia lakou; nolaila, o ko Lamana poe a pau i hoohulii'a'e i ka Haku, hui pu iho la lakou me ko lakou poe hoahanau, me ko Nepai poe, a ua koiia lakou, no ka maluhia o ko lakou ola ana, a me ko lakou poe wahine a me ka lakou mau keiki, e lalau ae i na mea kaua e ku e aku i ko Gadianatona poe powa; he oiaio, a e ma lama i ko lakou mau pomaikai, a me ko lakou mau pono o ko lakou ekalesia, a o ko lakou hoomana ana, a me ko lakou ku okoa ana, a me ko lakou noho kauwa ole ana. A eia kekahih, mamua o ka hala ana o keia makahiki umikumamakolu, ua hooweliweiia ko Nepai poe me ka luku loa ia'na, no keia kaua, i lilo ia i mea eha loa. A eia kekahih, o ua poe la o ko Lamana, ka poe i hui me ko Nepai poe; ua helu pu ia mawaena o ko Nepai poe: a ua laweia'ku ko lakou poino mai o lakou aku, a lilo iho la ko lakou ili i keokeo e like me ko Nepai poe; a lilo iho la ko lakou poe kanaka hou a me ka lakou poe kaikamahine i maikai loa, a ua helu pu ia lakou mawaena o ko Nepai poe, a ua kapai ko Nepai poe. A pela i pau ai ka makahiki umikumamakolu.

10. A eia kekahih ma ka makamua o ka makahiki umikumamaha, hoomau iho la ke kaua mawaena o ka poe powa a me ka poe kanaka o Nepai, a lilo iho la i mea eha loa; aka hoi, loaa iho la i ka poe kanaka o Nepai ka lanakila iki maluna o ka poe powa, a hooauhee aku la lakou ia lakou la mailoko aku o ko lakou mau aina, i na mauna, a i na wahi malu o lakou la. A pela i pau ai ka makahiki umikumamaha. A ma ka makahiki umikumamalima puka ku e mai la lakou la i ka poe kanaka o Nepai; a no

na hewa o ka poe kanaka o Nepai, a me ko lakou paio a ku e ana he nui wale, lanakila nui mai la ko Gadianatona poe maluna iho o lakou. A pela i pau ai ka makahiki umikumamalima, a pela hoi na kanaka i noho ai iloko o na popilikia he nui wale; a kau mai la ka pahikaua o ka luku maluna iho o lakou, a kokoke lakou e hahauia ilalo e ia, a o keia mea no ko lakou hewa.

MOKUNA II.

1. Ano, eia kekahī, ma ka makahiki umikumamaono mai ka hiki ana mai o Kristo, loaa mai la ia Lakoneusa, ke kiaaina o ka aina, kekahī episetole mai ka huna a kiaaina hoi o ua poe powa hui nei; a eia na olelo i palapalaia, i ka i ana, E Lakoneusa, e ke kiaaina maikai a kiekie o ka aina, aia hoi, ke palapala aku nei au i keia episetele ia oe, a ke haawi aku nei au ia oe i ka mahalo nui loa no kou naueue ole, a no ka nauene ole o kou poe kanaka, ma ka malama ana i ka mea a oukou i manao ai o ko oukou pono a ku okoa ana; he oiaio, ke ku paa maikai nei oukou, me he mea la ua kokuia oukou e ka lima o kekahī Akua, ma ka hoomalu ana i ko oukou ku okoa ana, a me ko oukou waiwai, a me ko oukou aina, oia hoi na mea a oukou i kapa iho ai pela. A he mea menemene ia i ko'u manao, e Lakoneusa kiekie e, kou naaupo a me ka baakei me neia, i manao ai ua hiki ia oukou ke ku imua o na kanaka koa he nui wale me neia, ka poe i hoomailua e au, ka poe e ku nei i keia manawa me ko lakou mau mea kaua, a ke kali nei, me ka iini nui, i ka olelo, e ilohi ilalo maluna o ko Nepai poe a lukuaku ia lakon. A e ike ana au i ko lakou uhane pio ole, ua hoaoaku au ia lakou ma kahi o ke kaua, a e ike ana i ko lakou inaina mau loaaku ia oukou, no ka nui o na lawehala a oukou i hana mai ai ia lakou, nolaila, ina e ilohi ilalo lakou e ku e ia oukou, e luku loaaku no lakou ia oukou; nolaila, ua palapalaaku au i keia episetole, e sila ana ia me ko'u lima iho, e manao ana i kou pomaikai, no kou naueue ole ma ka mea au i manao ai he pololei, a me kou uhane ikaika ma kahi o ke kaua; nolaila, ke palapalaaku nei au ia oe e makemake ana ia oe e haawi mai i ko oukou mau kulanakauhale, i ko oukou mau aina, a me ko oukou mau hooilina, no ko'u poe kanaka, e aho ia mamua o ko lakou hoopai ana ia oukou me ka pahikaua, a i hiki mai ka luku maluna iho o oukou; a i ole ia, ma na olelo e ae, e kuu mai ia oukou iho ia makou, a e hui pu me makou, a e lilo i poe ike i ka makou mau hana malu, a e lilo i poe hoahanau no makou, i like pu oukou me makou; aole i poe kauwa na makou, aka i poe hoahanau no makou, a poe hui ma ko makou waiwai a pau. A, aia hoi, ke hoohikiaku nei au ia oe, ina e hana oukou i keia, me kekahī hoohiki paa, aole oukou e lukuia'na; aka ina aole oukou e hana i keia, ke hoohikiaku nei au ia oe, me ka hoohiki paa, i ka hala ana o ka malama okoa mai ka la apopoaku,

e kenaaku no au i ko'u poe kaua e iho ilalo e ku e ia oukou, aole lakou e hookiaku i ko lakou lima, aole hoi e hookoe, aka e lukuaku no ia oukou, a e hoohaule iho i ka pahikaua maluna iho o oukou, a hikiaku i ka wa e lilo oukou i ole. Aia hoi, owau no o Gidianahi; a owau no ke kiaaina o keia poe hui malu o Gadianatona; a o ua pce hui nei, a me na hana a lakou, ua ike au ua pono; a no ka wa kahiko ia mau mea, a ua haawia mai mailalo mai ia makou. A ke palapalaaku nei au i keia episetole ia oe, e Lakoneusa, a ke lana nei ko'u manao e haawi mai no oukou i ko oukou mau aina, a me ko oukou mau hooilina, me ka hookahe ole i ke koko, i loaa'i i ko'u poe kanaka nei ko lakou mau pono a me ka noho alii ana, ka poe i haalele aku ia oukou, no ko oukou hewa ma ka aua ana mai o lakouaku i ko lakou mau pono o ka noho alii ana; a iua aole oukou e hana i keia, na'u e hoopaiaku i na poino o lakou. Owau no o Gidianahi.

2. Ano, eia kekahia, ia Lakoneusa i loaa'i keia episetole, ua kahaha nui loa iho la ia, no ka wiwo ole o Gidianahi, e koi ana i na aina o ko Nepai poe, a me ka hooweliweli ana no hoi i na kanaka, a me ka hoopai ana i na poino o ua poe la i loaa'ole ai ka poino, i ole lakou i hoopoino ia lakou iho, ma ka hele ana i kela poe powa hewa a ino loa. Ano hoi, o ua Lakoneusa nei, ke kiaaina, he kanaka pono ia, a ua hiki ole ke hoomakauia mai e ke koi ana a me na olclo hooweliweli o kahipowa; nolaila, aole oia hoolohaku i ka episetole o Gidianahi, ke kiaaina o ka poe powa, aka kauoha ae la ia i kona poe kanaka e heaaku i ka Haku no ka ikaika, ma ka manawa a ka poe powa e iho mai ai ilalo, e ku e mai ia lakou; he oiaio, hoouna ae la ia i olelo hoolaha mawaena o na kanaka a pau, na lakou e houluulu mai i ko lakou poe wahine, a me ka lakou poe keiki, i ko lakou mau pua holoholona a me ko lakou mau ohana holoholona, a me ko lakou waiwai a pau, koe wale no ko lakou aina, i kahi hookahi. A kena ae la oia e kukuluia na wahi paa a puni o lakou, a o ka ikaika olaila e nui loaaku ia. A kena ae la ia e hoonohoia na poe kaua, o ko Nepai poe a o ko Lamana poe no hoi, o ka poe a pau i helu pu ia mawaena o ko Nepai poe, i poe kiai a puni, e kiai mai ia lakou, a e hoomalu mai ia lakou i ka poe powa, i ke ao a i ka po; he oiaio, iaku la oia ia lakou, Me ka Haku e ola nei, ina aole oukou e mihi i ko oukou mau hewa a pau, a e heaaku i ka Haku, aole loa lakou e hoopakeleia mai, mailoko mai o na lima o ua poe powa la o Gadianatona. A no ka nui loa a kupanaha hoi o na olelo a me na wanana a Lakoneusa, hiki mai la ka makau maluna iho o ka poe kanaka a pau, a hooikaika iho la lakou ma ko lakou ikaika, e hanaaku e like me na olelo a Lakoneusa.

3. Ano, eia kekahia, hoonoho mai la o Lakoneusa i na kapena nui maluna o na poe kaua a pau o ko Nepai, e hoomalu iho ia lakou i ka manawa a ka poe powa e iho mai ai ilalo mailoko mai o ka waonahele e ku e mai ia lakou. Ano o ka mea kickie loa mawaena o ka poe kapena a pau, a me ke alihikaua nui hoi o na poe kaua a pau o ko Nepai, ua hoonohoia, a o Gidigidoni koua inoa. Ano, he mea mau mawaena o ko Nepai poe a

pau, e wae aku no na kapena nui o lakou, koe wale no na manawa hewa o lakou, i kekabi mea nona ka Uhane o ka hoikeana, a wanana no hoi; nolaila, he kaula nui o ua Gidigidoni nei mawaena o lakou, a o ka Lunakana-wai Nui no hoi ia. Ano, i ae la na kanaka ia Gidigidoni, E pule aku i ka Haku, a e pii ae kakou ma na mauna, a iloko o ka waonahele, i hiki ia kakou ke haule iho maluna o ka poe powa a e luku aku ia lakou, ma ko lakou aina iho. Aka, i aku la o Gidigidoni ia lakou, Na ka Haku e hoole mai; no ka mea, ina e pii ku e aku kakou ia lakou, e haawi mai no ka Haku ia kakou iloko o ko lakou mau lima; nolaila, e hoomakaukau aku no kakou ia kakou iho iwaena konu o ko kakou mau aina, a e houluulu aku kakou i ko kakou poe kaua i kahi hookahi, a, aole kakou e hele aku e ku e ia lakou, aka e kali no kakou a hiki i ka wa e hele mai lakou e ku e mai ia kakou; nolaila, me ka Haku e ola nei, ina e hana aku kakou i keia, nana e haawi mai ia lakou iloko o ko kakou mau lima.

4. A, eia kekahi ma ka makahiki umikumamahiku, ma ~~ka~~ hopena o ka makahiki, ua laha aku la ka olelo kukala a Lakoneusa mawaena o ka ili a pau o ka aina, a ua lawe ae la lakou i ko lakou mau lio, a me ko lakou mau hale kaa, a me ko lakou mau bipi, a me na pua holoholona a pau o lakou, a me na ohana holoholona o lakou, a me ko lakou hua liliji, a me ko lakou waiwai a pau, a hele ae la ma na tausani; a ma na umi o na tausani, a hiki i ka wa i hele aku ai lakou a pau i kahi i kohoia'i, e houluulu ai lakou, e hoomalu aku ia lakou iho i ko lakou poe enemi. A o ka aina o Zarahemela a me ka aina Momona no ka aina i kohoia'i; he oiaio, i ka palena aia mawaena o ka aina Momona a me ka aina Neoneo; a ua nui na tausani kanaka i kapaia ko Nepai poe, ka poe i houluulu ia lakou iho i kahi hookahi ma ua aina nei. Ano, na Lakonensa i kauoha aku ia lakou e houluulu ia lakou iho i kahi hookahi ma ka aina hema, no ka nui loa o ka poino maluna iho o ka aina akau; a hana paa iho la lakou ia lakou iho, e ku e i ko lakou poe enemi; a noho iho la lakou i ka aina hookahi, a i ke kino hookahi, a makau ae la lakou i na olelo i oleloia mai ai e Lakoneusa, a mihi iho la lakou i ko lakou mau hewa; a pule aku la lakou i ka Haku, i ko lakou Akua, nana e hoopakele mai ia lakou, i ka manawa a ko lakou poe enemi e iho mai ai, e kaua mai ia lakou. A ua kaumaha nui loa iho la lakou no ko lakou enemi. A kena ae la o Gidigidoni ia lakou e hana i na mea kaua, o kela ano keia ano, i ikaika lakou me na mea kahiko kaua, a me na pale-lima, a me na pale-kaua, mamuli o ke ano o kona ao ana'ku.

5. A eia kekahi ma ka hope o ka makahiki umikumamawalu, ~~na~~ hoomakaukau iho ua poe koa la o na powa, no ke kaua, a hoomaka ae la e iho ilalo, a e puka mai mai na puu mai, a mailoko mai o na kuahiwi, a o ka waonahele, a me ko lakou mau wahi paa, a me ko lakou mau wahi malu, a hoomaka ae la e noho ai ma na aina, ma ka aina hema, a ma ka aina akau no hoi, a hoomaka ae la e noho ae ma na aina a pau i haaleleia e ko Nepai poe, a me na kulanakauhale i waiho neoneo ia. Aka hoi, aole

holoholona hiihiu, aole hoi mea e pepchi ai, ma ua mau aina la i haaleleia'ku e ko Nepai poe, a, aole holoholona hiihiu no ka poe powa koe wale no ma ka waonahele. A ua hiki ole i ka poe powa ke ola, koe ma ka waonahele wale no, no ka nele i ka ai ole; no ka mea, ua waiho neoneo ko Nepai poe i ko lakou mau aina, a ua hoululu mai la i na pua holoholona o lakou, a me ko lakou mau ohana holoholona, a me ko lakou waiwai, a ma ke kino hookahi lakou; nolaila, ua hiki ole i ka poe powa ke hao mai a e loaa ka ai, ke ole pii mai ma ke kaua akea i ko Nepai poe; a ma ke kino hookahi ko Nepai poe, a ua lehulehu loa, a ua hoahu iho la no lakou iho i ka ai, a me na lio, a me na bipi, a me na pua holoholona o kela ano keia ano, i hiki ia lakou ke ola no na makahiki ehiku, a ma ua manawa nei ua lana ko lakou manao e anai loa aku i ka poe powa, mai ka ili aku o ka aina. A pela i hala aku ai ka makahiki umikumamawalu.

6. A eia kekahi, ma ka makahiki umikumamaiwa, ike iho la o Gidianahi he mea e pono ai nona e pii mai e kaua mai i ko Nepai poe, no ka mea, aole he ala no lakou e ola'i, ke ole hao mai, a powa, a pepchi kanaka mai. A aa ole lako'u e hoopalahalaha ae ia lakou iho ma ka ili o ka aina, e hiki ia lakou ke hooulu ae i ka hua liili, o hiki aku ko Nepai poe maluna iho o lakou, a luku aku ia lakou; nolaila, kauoha ae la o Gidianahi i na poe kaua ona, ma ua makahiki nei e pii mai lakou e kaua ku e i ko Nepai poe.

7. A eia kekahi, pii mai la lakou e kaua; a ma ka malama cono ia; a, aia hoi, ua nui a weliweli ka la a lakou i pii mai ai e kaua; a ua kakooia lakou mamuli o ke ano o ka poe powa; a he ili keiki hipa ko lakou a puni o ko lakou mau puhaka, a ua hooluuia lakou i ke koko; a ua amuia na poo o lakou; a he pale-poo ko lakou maluna o lakou; a nui a weliweli no ke ano o na poe kaua o Gidianahi, no ko lakou kahikoia'na, a no ko lakou hooluuia'na i ke koko. A eia kekahi, i ka wa a ka poe kaua o ko Nepai poe i ike aku ai i ke ano o ka poe kaua o Gidianahi, ua hina iho la lakou a pau i ka honua, a hookiekie ae la i ko lakou hea ana i ka Haku, i ko lakou Akua, nana e hookoe mai ia lakou, a e hoopakele mai ia lakou mai-loko mai o na lima o ko lakou poe enemi. A eia kekahi, i ka wa a na poe kaua o Gidianahi i ike mai ai i keia, hoomaka ae la lakou e hooho me ka leo nui, no ko lakou olioli; no ka mea, ua kuhi iho la lakou na hina iho ko Nepai poe me ka makau, no ka weliweli o ko lakou poe kaua; aka ma keia mea ua kuhi hewa lakou, no ka mea, aole ko Nepai poe i makau aku ia lakou, aka makau iho la lakou i ko lakou Akua, a noi aku la ia ia no ka hoomalu ana; nolaila, i ka wa a na poe kaua o Gidianahi i naholo kiki mai ai maluna o lakou nei, ua makaukau lakou nei e halawai me lakou; he oiaio, ma ka ikaika o ka Haku lakou i halawai ai me lakou la; a hoomaka ae la ke kaua iloko o keia malama eono; a nui a weliweli no ke kana olaila; he oiaio, a nui a weliweli ka luku olaila, aole i ike e ia māmua ka luku nui me neia mawaena o ka poe kanaka a pau o Lehi, mai ka wa mai ana i haalele ai ia Ierusalem. A me na olelo hooweliweli a me na hooliki paa a Gidianahi i hana'i, aia ka, lanakila aku nae ko Nepai poe maluna o lakou, a hee aku la lakou la imua o lakou.

8. A eia kekahi, kena ae la o Gidigidoni i kona poe kana, e alualu aku ia lakou a hiki aku i na palena o ka waonahele, a na lakou e hookoe ole i kekahi mea e haule ana iloko o ko lakou mau lima ma ke ala; a pela lakou i alualu ai ia lakou la, a lukuaku la ia lakou la, a hiki i na palena o ka waonahele, oia, a hiki i ka wa a lakou i hooko ai i ke kanoha a Gidigidoni. A eia kekahi, o Gidianahi, ka mea i ku a kaua me ka makau ole, na alualua'ku me ia i hee aku ai; a ua maluhiluhi oia no ka nui o kona kaua ana, a loaaaku la ia a pepehiia a make. A oia no ka hopena o Gidianahi, ka powa.

9. A eia kekahi, hoi hou ae la na poe kaua o ko Nepai i ko lakou wahi maluhia. A eia kekahi, halaaku la ua makahiki umikumamaiwa nei, a aole hele hou mai ka poe powa e kaua; aole hoi lakou e hele hou mai ma ka makahiki iwakalua; a ma ka makahiki iwakaluakumamakahihoi aole lakou pii mai e kaua, aka pii mai la lakou ma kela aoao keia aoao e pua mai a puni ka poe kanaka o Nepai; no ka mea, manao iho la lakou ina e alalai mai lakou la i ka poe kanaka o Nepai, mai ko lakou mau aina ae, a e hoopuni mai ia lakou ma kela aoao keia aoac, a ina e hooki mai lakou la ia lakou mai ko lakou mau pono owaho, alaila, e hiki ia lakou la ke kena mai ia lakou, e hookuuaku ia lakou iho, e like me ko lakou la make-make. Ano, ua hoonoho ae la lakou i luna hou no lakou iho, a o Zemanariha kona inoa; nolaila, na Zemanariha i hooponopono i ua pua ana nei. Aka hoi, he mea pomaikai keia no ko Nepai poe; no ka mea, he mea hiki ole no ka poe powa e pua loihi loa mai me ke hoopilikia mai i ko Nepai poe, no ka nui o ka lakou ai a lakou i hoahu iho ai, a no ka hapa o ka ai mawaena o ka poe powa; no ka mea hoi, aole o lakou mea o ka io wale no e ai ai, a ma ka waonahele lakou i loaa'i ua io nei. A eia kekahi, e kakai-kahi ana na holoholona biliu ma ka waonahele, a kokoke ka poe powa e make no ka pololi. A e hele mau ana ko Nepai poe mawaho ma ke ao a ma ka po, a e haule ana maluna iho o ko lakou poe kaua, a e ookiaku ana ia lakou ma na tausani a ma na umi o na tausani. A pela i lilo ai i mea makemake no ka poe kanaka o Zemanariha, e haalele i ko lakou manao, no ka luku nui ana i hiki mai ai maluna o lakou ma ka po a ma ke ao.

10. A eia kekahi, kena ae la o Zemanariha i kona poe kanaka, e haalele mai lakou i ka pua ana, a e hcleaku iloko o na wahi loihi loaaku o ka aina, ma ka akau. Ano, ua ike o Gidigidoni i ko lakou manao, a e ike ana i ko lakou nawaliwali no ka nele i ka ai ole, a me ka luku nui i hanaia mawaena o lakou, nolaila, hoounae la oia i kona poe kaua i ka po, a alalaiaku la i ke ala a lakou e heeaku ai, a hoonoho iho la i kona poe kaua ma ke ala a lakou i heeaku ai; a o keia ka lakou nei i hana'i i ka po, a heleaku la ma ko lakou ala ma oaku o ka poe powa, a no ia mea, ma ia la ae, i ka wa a ka poe powa i hoomaka'i i ke lakou hele, ua halawai lakou me na poe kaua o ko Nepai, ma ko lakou alo a ma ko lakou hope no hoi. A o ka poe powa ma ka hema, ua alalaiia no hoi lakou i ko lakou mau wahi e heeaku ai. A ua hanaia'ku keia mau mea a pau e ke kauchia a Gidigidoni. A ua nui na tausani i kuu nai ia lakou iho i poe

pio i ko Nepai poe; a ua pepehiia ke koena o lakou a make; a ua hopuia ko lakou luna, o Žemanariha, a liia'ku maluna o kahi laau, he oiaio, ma ka welau ona, a make loa ia. A ia lakou i li aku ai ia ia a make loa ia, kua iho la lakou i ka laau i ka honua, a hea aku la me ka leo nui, i ka i ana, Na kā Haku e hoola mai i kona poe kanaka ma ka pono a ma ka hemolele o ka naau, e hiki ia lakou ke kua aku i ka honua i ka poe a pau e imi ana e luku mai ia lakou no ka mana a me na hui pu malu ana, he oiaio me ua kanaka nei i kuaia i ka honua. A hauoli iho la lakou a hea hon aku la me ka leo hookahi, i ka i ana, Na ke Akua o Aberahams, a me ke Akua o Isaaka, a me ke Akua o Iakoba, e hoonalu mai i keia poe kanaka ma ka pono, i ka wa a pau a lakou e hea aku ai ma ka inoa o ko lakou Akua no ka hoomalu ana. A eia kekahī, hoooho aku la lakou a pau, me he mea hookahi la, ma ka memele ana a hoolea ana i ko lakou Akua, no ka mea nui ana i hana mai ai no lakou, i ka hoola ana mai ia lakou mai ka haule ana iloko o na lima o ko lakou poe enemi; he oiaio, hea akn la lakou, Hosana i ke Akua Kiekie Loa; a hea aku la lakou, E hoomai-kaiia'ku ka inoa o ka Haku, ke Akua Mana Loa, ke Akua Kiekie Loa. A ua pehu ko lakou mau naau me ka olioli, me ka hu ana iwaho o ka waimaka nui, no ka lokomaikai nui o ke Akua i ka hoopakele ana ia lakou mailoko mai o na lima o ko lakou poe enemi; a ua ike lakou no ko lakou mibi a me ko lakou haahaa, lakou i hoopakcleia'i i ka luku mau loa ana. Ano hoi, aole kekahī mea ola mawaena o ka poe kanaka a pau o ko Nepai poe, i kanalua iki i na olelo a ka poe kaula hemolele a pau, ka poe i olelo mai; no ka mea, ike iho la lakou he mea e pono ai e hookoia ia mau mea; a ike iho la lakou he mea pono ua hiki mai o Kristo, no ka nui o na hoailona i haawia mai ai, e like me na olelo a ka poe kaula hemolele, a no na mea i hiki mai ai i keia manawa, ua ike lakou he mea e pono ai e hiki mai auanei na mea a pau e like me ka mea i oleloia'i; nolaila, haalele aku la lakou i ko lakou mau hewa a pau, a me ko lakou mau mea hoopailua, a me ko lakou mau moe kolohe, a hookauwa aku la na ke Akua me ka ikaika loa, i ke ao a i ka po.

11. Ano, eia kekahī, ia lakou i hoopio aku ai i ka poe powa a pau, i pakale ole ai kekahī mea i pepehi ole ia, hahao iho la lakou i ko lakou poe pio iloko o ka halepaahao, a kena ae la e haiia'ku ka olelo a ke Akua ia lakou; a o ka poe a pau i mihī i ko lakou mau hewa a komo iloko o kekahī berita e pepehi kanaka hou ole aku, ua hookuuia'ku; aka o ka poe a pau i komo ole ai iloko o kekahī berita, a i hoomau ai i na manao pepehi kanaka malu iloko o ko lakou mau naau; he oiaio, o ka poe a pau i loaa e ha mai ana i na olelo hooweliweli e ku e i ko lakou poe hoahanau, ua hoohewaia a hoopaiia'ku mamuli o ke kanawai. A pela lakou i hoopau ai i kela mau hui pu hewa, malu, a ino ana, iloko o ia mea i hanaiā'i ka hewa nui, a me na pepehi kanaka he nui. A pela i hala aku ai ka makahiki iwakaluakumamalua, a me ka iwakaluakumamakolu no hoi, a me ka iwakaluakumamaha, a me ka iwakaluakumamalima; a pela ua hala aku la na

makahiki he iwakaluakumamalima, a ua nui na mea i ike, e manaoia paha he nui a kupaianaha ma na maka o kekahi poe; aole nae i hiki ia mau mea a pau ke palapalaia ma keia buke: he oiaio, aole i hiki i ka hapananeri o na mea i hanaia'i mawaena o na kanaka he nui loa me neia, no na makahiki he iwakaluakumamalima, ke hookomoia iloko o ua buke nei; aka hoi, aia no na mooolelo i pihai'i me na hana a pau a keia poe kanaka; a ua haawiia mai e Nepai he mooolelo pokole a oiaio nae; nolaila, ua hana au i ka'u mooolelo o keia mau mea mamuli o ka mooolelo a Nepai, i kahakahaia maluna o na papa i kapaia na papa o Nepai. A, aia hoi, ke kakau nei au i ka mooolelo maluna o na papa a'u i hana'i me ko'u mau lima iho. A, aia hoi, owau nei ua kapaia mai o Moramona, i kapaia mamuli o ka aina o Moramona, o ka aina ia kahi a Alama i kukulu mua ai i ka ekalesia mawaena o na kanaka; he oiaio, o ka ekalesia mua ia i kukuluia mawaena o lakou mahope iho o ko lakou lawehala ana. Aia hoi, he haumana no au na Iesu Kristo, ke Keiki a ke Akua. Ua kaheia mai au e ia e hai aku i kana olelo mawaena o kona poe kanaka, i hiki ia lakou ke loaa ke ola mau loa. A ua lilo i mea e pono ai na'u, e like me ka makemake o ke Akua, i ko ai na pule a ka poe i hala aku la mai anei aku, ka poe hemolele, e like me ko lakou manaoio, e kakau aku i mooolelo o keia mau inea i hanaia; he oiaio, he mooolelo nuku o na mea i hanaia, mai ka wa mai a Lehi i haalele aku ai ia Jerusalema, a hiki wale mai i keia wa e noho nei; nolaila, ke hana nei au i ka'u mooolelo, mai na mooolelo mai i haawiia mai ai e ua poe la i noho ai manua o'u nei, a hiki mai i ka hoomaka ana o kuu la; alaila ke hana nei au i kekahi mooolelo o na mea a'u i ike ai me kuu mau maka ponoi. A ua ike au o ka mooolelo a'u e hana nei, he mooolelo pololei a oiaio ia; aka hoi, ua nui na mea i hiki ole ia makou mamuli o ka makou olelo, ke kakau iho.

12. Ano, ke hoopau aku nei au i ka'u olelo no'u iho, a ke hoomaka nei e kakau iho i ka'u mooolelo o na mea i hana e ia mamua o'u nei, owau no o Moramona, a he mamo io na Lehi. He kumu no ko'u e hoomaikai aku ai i kuu Akua a i kuu Mea e Ola'i o Iesu Kristo, no kona lawe ana mai i ko makou poe kupuna mailoko mai o ka aina o Jerusalema, (a ua ike ole kekahi mea ia mea, oia wale no a me ua poe la ana i lawe mai ai mailoko mai o ua aina la,) a no kona haawi ana mai ia'u a me kuu poe kanaka i ka ike nui, i ka hooliaia'na o ko makou mau uhane. He oiaio ua hoopomaikai mai oia i ko ka hale o Iakoba, a ua aloha mai oia i na hua a Iosepa. A i ka malama ana o na mamo a Lehi i kana mau kauoha, ua hoalohaloha mai a hoopomaikai mai no hoi oia ia lakou, e like me kana olelo; he oiaio, a e kai hou oiaio mai auanei oia i kekahi koena o na hua a Iosepa, i ka ike i ka Haku, i ko lakou Akua: a he oiaio me ka Haku e ola nei, nana e houluulu mai, mai na kibi eha mai o ka honua, i ke koena a pau o na hua a Iakoba, ka poe i hoopuehuia'ku maluna iho o ka ili o ka honua nei a pau; a me ia i hana berita mai ai me ko ka hale a pau o Iakoba; pela io no e ko auanei, ma kona manawa ku pono, ka berita ana i

hana berita mai ai me ko ka hale o Iakoba, i ka hoīhoi hona ana mai i ko ka hale a pau o Iakoba i ka ike i ka berita, ana i hana berita mai ai me lakou; alaila e hoomaopopo lakon i ko lakou Mea Hoolapanai, oia no o Jesu Kristo, ke Keiki a ke Akua; alaila e houluluia lakou mai na kihi eha mai o ka honua nei, i ko lakou aina iho, mailaila aku lakou i hoopuehuia'ku ai, he oiaio, me ka Haku e ola nei, pela io no auanei. Amene.

MOKUNA III.

1. Ano, eia kekahi, hoi aku la ka poe kanaka o Nepai i ko lakou mau aina iho, ma ka makahiki iwakaluakumamaono, o kela kanaka keia kanaka, me kona ohua, me kona mau pua a mau ohana holoholona, me kona mau lio a me kona mau bipi, a me na mea a pau a lakou. A eia kekahi, aole i pau ka lakou ai i ka aia e lakou; nolaila, lawe pu ae la lakou me lakou i na mea a pau a lakou i hoopau ole ai, i ko lakou hua liilii a pau o kela ano o keia ano, a me ko lakou gula, a me ko lakou kala, a me ko lakou mau mea maikai a pau, a hoi aku la lakou i ko lakou mau aina iho a i ko lakou mau hooilina, ma ka akau a ma ka hema, ma ka aina akau a ma ka aina hema no hoi. A haawi ae la lakou i ua poe powa la, ka poe i komo iloko o kekahi berita e noho maluhia ai, o ka poe hui, ka poe e makemake ana e noho he poe Lamana, i ka aina, e like me ko lakou nui, i loa'a'i ia lakou, me ka lakou mau hana, na mea e ola'i; a pela lakou i hookupaa'i i ka maluhia ma ka aina a pau. A hoomaka ae la lakou e pomaikai a e mahuhua nui; a hala ae la na makahiki iwakaluakumamaono a me ka hiku, a ua nui no ka pololei ma ka aina; a ua hana iho la lakou i ko lakou mau kanawai mamuli o ka pololei a me ka pono. Ano, aohe mea ma ka aina a puni e keakea mai ai i na kanaka mai ka pomaikai mau ana mai, ke ole lakou haule iloko o ka hala. Ano, na Gidigidoni, a me ka lunakanawai Lakoneusa, a me kela poe i hoonohoia'i i poe luna, i hookupaa i keia maluhia nui ma ka aina.

2. A eia kekahi, ua nui wale na kulanakauhale i kukulu hou ia, a ua nui wale na kulanakauhale kahiko i hana hou ia; a ua nui na alanui i hoomakaukauia, a me na kuamoo i hanaia, e alakai aku ana ia kulanakauhale aku ia kulanakauhale aku, a ia aina aku ia aina aku, a ia wahi aku ia wahi aku. A pela i hala aku ai ka makahiki umikumamawalu, a he maluhia mau ko na kanaka. Aka eia kekahi, ma ka makahiki iwakaluakumamaiwa, hoomaka ae la kekahi mau hoopapaa ana mawaena o na kanaka; a ua hookiekieia'e iluna kekahi poe i ka haaheo a me na kaena ana, no ko lakou waiwai nui loa, he oiaio, i ka hoomaau nui ana: no ka mea, ua nui loa na mea kalepa ma ka aina, a me na loio no hoi he nui wale, a me na luna. A hoomaka ae la na kanaka e hookoaia ma na papa, e like me ko lakou waiwai, a me ko lakou pomaikai, ma ka hoonaauaoa'na: he

oiaio, ua naaupo kekahi poe no ko lakou ilihune, a loaa iho la i kekahi poe ke ao nui ia'na no ko lakou waiwai; ua hookiekiecia kekahi poe iluna ma ka haaheo, a kekahi poe e ae hoi ua haahaa loa; a hoihoi ae kekahi poe **i** ke kuamuamu no ke kuamuamu, oiai kekahi poe i loaa'i ke kuamuamu, a me ka hoomaauia'na, a me na ano a pau o ka hoopilikiaia'na, aole hoi e holi ae a kuamuamu hou aku, aka ua haahaa a mili inua o ke Akua; a pela i loaa ai ka noho like ole nui ana ma ka aina a puni, a hoomaka ae la ka ekalesia e hiolo; he oiaio, a ma ka makahiki kanakolu hiolo ka ekalesia ma ka aina a puni, koe wale no mawaena o kekahi poe he kakaikahi o ko Lamana, he poe i hoohulii i ka manaoio oiaio; a, aole lakou e haalele mai ia mea, no ka mea, ua onipaa, a hoomau, a naueue ole lakou, e ae ana me ka ikaika a pau e malama i na kauoha a ka Haku. Ano, o ke kumu o keia hewa o na kanaka, eia ia, he mana nui ko Satana, i ka hooeueu ana i na kanaka e hana aku i na ano a pau o ka hewa, a i ka hoohaakei ana ia lakou me ka haaheo, e hoowalewale ana ia lakou e imi i ka mana, a me ka noho luna ana, a me ka waiwai, a me na mea lapuwale o ke ao nei. A pela o Satana i alakai aku ai i na naau o na kanaka, e hana aku i na ano a pau o ka hewa; nolaila, he mau makahiki uuku wale no ka lakon i loaa'i ka maluhia.

3. A pela i ka hoomaka ana o ka makahiki kanakolu, ua hookuuia mai na kanaka no kekahi manawa loihi, e halilia i o a ia nei e na hoowalewale o ka diabolo, kahi ana i makemake ai e hali ia lakou, a e hana i kela hewa keia hewa ana i makemake ai ia lakou; a pela ma ka hoomaka ana o keia ke kanakolu makahuki, e noho ana lakou ma ka hewa weliweli. Ano, aole lakou i hana hewa naaupo, no ka mea, ike iho la lakou i ka makemake o ke Akua no lakou: no ka mea, ua aoia'ku ia mea ia lakou; nolaila, kipi hookuli aku la lakou i ke Akua. Ano, ma na la ia o Lakoneusa, ke keiki a Lakouneusa, no ka mea, pani iho la o Lakoneusa i ka hakahaka o kona maknakane a hoomalu iho la i na kanaka ia makahiki. A hoomaka ae la na kanaka e uluhia'i mai ka lani mai, a hoounaia'ku la e ku ana mawaena o na kanaka ma ka aina a puni, e hai ana a e hoike wiwo ole ana no na hewa a me na hala o na kanaka, a e hoike ana ia lakou no ka hoolapanai ana a ka Haku e hana ai auanei no kona poe kanaka; oia hoi ma kekahi mau olelo e ae, o ke alahouana o Kristo; a hoike wiwo ole aku lakou no kona make a me na popilikia. Ano, ua nui loa ka poe o na kanaka i hulu nui loa, no ua poe la nana i hoike mai ai i keia maa mea; a o ua poe hulu la, he poe lunakanawai nui ka nui o lakou, a me kekahi poe i noho e mamua he poe kahuna nui a me na loio; he oiaio, ua hulu mai la ka poe loio a pau, i kela poe nana i hoike mai i keia mau mea. Ano, aole kekahi loio, aole hoi lunakanawai, aole hoi kahuna nui, i hiki ke loaa ka mana e hoohewa aku i kekahi mea e make, ke ole hoailonaia ko lakou hoohewaia'na e ke kiaaina o ka aina. Ano, ua nui wale na mea o ua poe la nana i hoike aku ai no na mea e pili ana ia Kristo, i hoike wiwo ole aku ai, a ua laweia'ku lakou a pepehi malu ia e na lunakanawai, i

hiki ole ka ike i ko lakou make i ke kiaaina la o ka aina, a hiki aku i ka wa mahope aku o ko lakou make. Ano hoi, ua ku e keia i na kanawai o ka aina, i pepehiia kekahia kanaka a make, ke ole loaa ia lakou ka mana mai ke kiaaina o ka aina mai; nolaila, hiki mai la kekahia hoopii i ka aina o Zarahemela, i ke kiaaina la o ka aina, e ku e ana i ua poe lunakanawai nei, ka poe i hoohewa ae ai i na kaula a ka Haku i ka make, aole mamuli o ke kanawai.

4. Ano, eia kekahia, ua hopuia lakou a kaiia'e imua o ka lunakanawai, e hookolokoloia no ka hewa nui a lakou i hana'i, e like me ke kanawai i haawiai mai ai e na kanaka. Ano, eia kekahia, he nui wale na makamaka a me na hanauna ko ua poe lunakanawai la: a o ke koena, he oiaio, ane-anne pau loa na loio a me na kahuna nui, houluulu ae la ia lakou iho i kahi hookahia, a hui pu iho la me na hanauna o ua poe lunakanawai la, ka poe e hookolokoloia mamuli o ke kanawai; a komo iho la lakou iloko o kekahia berita kekahia me kekahia, he oiaio, iloko o ua berita la i haawiai mai ai e ka poe o ka wa kahiko, a o ua berita la ua haawiai mai a lawelaweria mai e ka diabolo, e hui pu e ku e mai i ka pono a pau; nolaila, hui pu iho la lakou e ku e mai i ka poe kanaka o ka Haku, a komo iho la iloko o kekahia berita e hoopau mai ia lakou, a e hoopakele ae i ua poe la, ka poe i hana i ka pepehi kanaka, mai ke apo ae o ka hoopai ana, ka mea e kokoke ana e lawelaweria'ku manuli o ke kanawai. A aa ku e mai la lakou i ke kanawai a me na pono o ko lakou aina; a hana berita lakou, kekahia me kekahia, e pepehi mai i ke kiaaina, a e hoonoho i Alii maluna iho o ka aina, i ku okoa ole ai ka aina ma ia hope iho, aka e noho malalo iho o na'Lii. A ka hoi, na'u e hoike aku ia oukou aole lakou i hoonoho i Alii maluna iho o ka aina; aka ma ua makahiki hookahia nei, he oiaio, ka makahiki kanakolu, hoopau ae la lakou ma ka noho hookolokolo, he oiaio, pepehi ae la i ka Lunakanawai Nui o ka aina a make loa. A ua maheleia na kanaka e ku e ana kekahia i kekahia; a hookaaawale ae la lakou kekahia mai kekahia ae, iloko o na ohana, kela kanaka keia kanaka mamuli o kona ohana, a me kona hanauna a poe makamaka; a pela lakou i hoopau ai i ka noho aupuni ana o ka aina. A hoonoho ae la kela ohana keia ohana i alii, a luna maluna iho o lakou; a pela lakou i lilo ai i mau ohana, a me na luna o na ohana. Ano hoi, aole kekahia kanaka mawaena o lakou, ke ole he ohana nui kona a me na mea pili a me na makamaka he nui wale; nolaila, lilo iho la ko lakou mau ohana i nui loa. Ano, ua hanaia keia a pau aole nae he mau kaua mawaena o lakou i keia manawa; a hiki mai la keia hewa a pan maluna iho o na kanaka, no ko lakou hookuu ana ia lakou iho i ka mana o Satana; a ua hoopauia'ku na hooponopono ana o ke aupuni, no ka hui malu pu ana o na makamaka a me na hanauna o ua poe la, ka poe i pepehi mai i ka kaula. A ma o lakou la i hiki mai ai kekahia paio nui ma ka aina, a o ka poe pono nui ae o na kanaka, ua kokoke lilo nae lakou a pau i poe hewa; he oiaio, he kakaikahi wale no na kanaka pono mawaena o lakou.

5. A pela aole i hala aku na makahiki eono, mahope mai o ka huli

ana'e o ka nui loa o na kanaka mai ko lakou pono ae, e like me ka ilio i kona luai iho, a e like hoi me ka puua i kona haluku ana iloko o ke kiolepo. Ano, hoululu iho la ua poe hui malu nei, ka poe i lawe mai i ka hewa nui me neia maluna iho o na kanaka, ia lakou iho i kahi hookahi, a hoonoho ae la maluna ae o lakou i kekahī kanaka a lakou i kapapa aku ai o Iakoba; a kapa ae la lakou ia ia ko lakou Alii; nolaila, lile iho la oia i Alii maluna iho o ua poe hui hewa nei; a kekahī mea nui ia nana i hoopuka mai i kona leo e ku e i ka poe kaula, ka poe i hoike mai no Iesu. A eia kekahī, aole o lakou ikaika ma ka helu ana e like me na ohana o na kanaka, ka poe i hui pu ia, na na luna nae o lakou i hana iho i na kanawai, o kela mea keia mea e like me kona obana; aka hoi he poe kanaka pono ole lakou, he poe enemi nae; aka, ua hui pu ia lakou ma ka inaina aku i ua poe la, ka poe i komo iloko o ka berita e hoopau mai i ka noho aupuni ana; nolaila, e ike ana o Iakoba ua lehulehu loa ko lakou poe enemi mamua o lakou la, a oia no ke Alii o ua poe hui la, nolaila, kena ae la oia i kona poe kanaka e hee aku lakou iloko o na wahi ma ka akau loa o ka aina, a malaila e kukulu iho i aupuni no lakou iho, a hiki i ka wa e huiia'i lakou me na mea haalele ku e, (no ka mea, ua olelo malimali ae la ia ia lakou e nui ana na mea ku e e haalele ana,) a e lilo lakou i ikaika ku pono e kaua mai me na ohana o na kanaka. A hana iho la lakou pela; a no ka wikiwiki o ko lakou hele ana, ua hiki ole ke keakeaia'ku, a hiki i ka wa a lakou i hele loa ai i loaa ole ai lakou i na kanaka. A pela i pau ai ka makahiki kanakolu: a pela hoi ka noho ana o ka poe kanaka o Nepai.

6. A eia kekahī, ma ka makahiki kanakolukumamakahī, ua maheleia lakou ma na ohana, o kela kanaka keia kanaka mamuli o kona ohana, hanuna a poe makamaka; ua hooholo nae lakou i ka ae like, i ole ai lakou e hele e kaua ku e kekahī me kekahī; aka aole lakou i hui pu ia ma ko lakou mau kanawai, a me ko lakou ano o ka hoomalu aca, no ka mea, ua hoonohoia ia mau mea mamuli o na manao o kela poe alii a poe luna o lakou. Aka hoonoho iho la lakou i na kanawai ikaika loa, i ole lawehala aku kekahī ohana i kekahī, a no ia mea, loaa iho la ia lakou ka maluhia ma kekahī mau mea ma ka aina; aka hoi, ua hoohulii'a'e la ko lakou mau naau mai ka Haku ko lakou Akua ae, a hailuku mai la lakou i ka poe kaula, a hooknke mai ia lakou nei mawaho mai o lakou ae.

7. A eia kekahī, ua ikeia o Nepai e na anela, a e ka leo o ka Haku no hoi, nolaila, ua ike aku la i na anela, a he ike maka no ia, a ua haawia mai ka mana ia ia i ike oia no ka oihana o Kristo, a he ike maka no hoi, no ko lakou hoi wawe ana mai ka pono aku i ko lakou hewa a mau mea hoopailua; nolaila, i hoehaia no ka paakiki o ko lakou mau naau, a me ka pouli o ko lakou hoomaopopo ana, hele aku la ia mawaena o lakou ma ua makahiki nei, a hoomaka ae la e hoike wiwo ole aku, i ka mihi a me ka kalaia'na o na hala ma o ka manaoio la ma ka Haku o Iesu Kristo. A lawelawe aku la oia i na mea he nui ia lakou; a ua hiki ole ke kakauia ia mau mea a pau loa, a, o kekahī hapa o ia mau mea aole e lawa

pono, nolaila; aole palapalaia ia mau mea ma keia buke. A lawelawe aku la o Nepai me ka ikaika a me ka mana nui.

8. A eia kekahī, hahu mai la lakou ia ia, no ka mea, he mana nui loa ae kona mamua o ko lakou, no ka mea, he mea hiki ole ia ia lakou ke hoomaloka mai i kana mau olelo, no ka mea, no ka nui o kona manaoio ma ka Haku o Iesu Kristo, lawelawe mai la na anela ia ia i kela la i keia la: a ma ka inoa o Kristo oia i mahiki aku ai i na daimonio a me na uhane haukae; a hoala ae la no ia i kona kaikaina mai ka make mai, mahope iho o kona hailukuia'na, a pepehiia'na a make loa e na kanaka; a ike mai la na kanaka ia mea, a hoike aku la no ia mea, a ua hahu mai ia ia no kona mana; a hana aku la no hoi oia i na hana mana e ae he nui wale, ma ke alo o na kanaka, ma ka inoa o Iesu.

9. A eia kekahī, hala aku la ka makalūki kanakolukumamakahī, a ua nuku wale no ka poe i hoohuliiia mai i ka Haku; aka o ka poe a pau i hoohuliiia, hoike oiaio ae la lakou i na kanaka, na hoolaunaia lakou e ka mana a me ka Uhane o ke Akua, iloko o Iesu Kristo, ia ia lakou i manaoio aku ai. A o ka poe a pau noua na daimonio i mahikii'a'ku ai mai o lakou aku la, a i hoolaia'ku i ko lakou mai a me ko lakou nawaliwali, hoike oiaio aku la lakou i na kanaka, ua hanaia mai lakou e ka Uhane o ke Akua, a ua hoolaia; a hoike aku la lakou i na hoailona no hoi, a hana aku la i kekahī mau hana mauaena o na kanaka.

10. Pela i hala aku ai ka makahiki kanakolukumamaluia no hoi. A hea aku la o Nepai i na kanaka ma ka hoomaka ana o ka makahiki kanakolukumamakolu; a hai aku la oia ia lakou i ka mihi a me ke kalaia'na o ua hala. Ano, ke makemake nei au ia oukou e hoomanae hoi, aohe kekahī mea i kaiia'e i ka mihi, i bapetizo ole ia me ka wai; nolaila, ua hooliloia'ku kekahī poe kanaka e Nepai, i keia oihana, i bapetizoia'ku me ka wai ka poe a pau e hele mai io lakou la, a o keia me he mea hoike la a mea hooiaio imua o ke Akua, a i na kanaka, ua mihi iho la lakou a loaa iho la ke kalaia'na o ko lakou mau hala. A ua nui na mea ma ka hoomaka ana o ua makahiki nei, i bapetizoia i ka mihi; a pela i hala aku ai ka hapa nui o ka makahiki.

MOKUNA IV.

1. Ano, eia kekahī, e like me ko makou mooolelo, a ua ike makou na oiaio ko makou mooolelo, no ka mea hoi, na kekahī kanaka pono i kakau iho i ka mooolelo; no ka mea, hana io aku la oia i na hana mana he nui wale ma ka inoa o Iesu; a aole kekahī kanaka i hiki ke hana aku i kekahī hana mana ma ka inoa o Iesu, ke ole oia hoomaemaeia a pau loa mai kona hewa aku. Ano, eia kekahī, ina aole helu hewa ia e ua kanaka nei ma ka helu ana i ko makou manawa, ua hala aku la ka makahiki kanakolukuma-

makolu, a hoomaka ae la na kanaka e nana aku me ka ikaika nui no **ka** hoailoua i haawiia mai ai e ke kaula Samuela, ka Lamana; he oiaio, no **ka** manawa e hiki mai ai ka poeleele no na la ekolu maluna iho o **ka** ili o **ka** aina. A hoomaka ae la na kanalua nui ana a me na hoopaaapaana **mawaena** o na kanaka, me na hoailona nac he nui wale i haawiia mai.

2. A eia kekahī, m^r ka makahiki kanakolukumamaha, ma ka malama mua, ma ka la eha o ia malama, ea mai la kekahī makani ino loa; aole i ike e ia mamua kekahī me ia ma ka aina a puni; a he manawa ino a weliweli no hoi; a he hekili weliweli, a hoohaalulu iho la ia mea i ka honua a puni, me he mea la ua kokoke ia e kaawale ae mawaena; a ua nui loa na uila ikaika, i ike e ole ia mamua kona like ma ka aina a puni. A wela aku la ke kulanakauhale o Zarahemela i ke ahi; a poho iho la ke kulanakauhale o Moroni iloko o na hohonu o ke kai, a ua make i ke kai na kamaina ona; a ua kaikaiia'ku ka honua maluna iho o ke kulanakauhale o Moroniha, a ma kahi o ia kulanakauhale, lilo ae la i mauna nui; a aia ma ka aina hemā he luku nui a me ka weliweli. Aka hoi, ua nui loa aku ka luku nui a me **ka** weliweli ma ka aina akan: no ka mea, aia hoi, ua hoano e ia ka ili a pau o ka aina, no ka makani ino, a me na puahiohio, a me ka hekili ana, a me ka uila ana, a me ka haalulu nui loa ana o ka honua; a ua wahihia na alaloa, a o na alanui laumania ua hoopauia ka maihai, a ua nui na wahi mania i lilo i apunpnu, a ua nui na kulanakauhale nui a kaulana i poho iho, a ua nui hoi i pau i ke ahi, a ua nui hoi i hoohaaluluia a biolo iho la na hale olaila i ka honua, a pepehia'ku kolaila poe a make loa, a waiho neoneo ia na wahi; a ua koe no kekahī mau kulanakauhale, aka ua nui loa ka poino olaila, a ua nui ka poe iloko o ia mau wahi i pepehia; a o kekahī poc ua kaikaiia'ku ma ka puahiohio; a o kahi o lakou i hele aku ai, aole kekahī kanaka i ike, eia wale no ka lakou i ike ua kaikaiia'ku lakou la; a pela i lilo ai ka ili o ka honua a pau i ino, no na makani ino, a me ka hekili ana, a me ka uila ana, a me ka haalulu ana o ka honua. A, aia hoi, ua nahaha na pohaku iwaena konu; a ua nahaha ia mau mea maluna iho o **ka** ili o ka honua a pau, a ua loaa ia mau mea ma na apana nahaha, a ma na nakaka, a ma na mawae, maluna iho o ka ili a pau o ka aina.

3. A eia kekahī, i ka wa i oki ai na hekili, a me na uila, a me ka **ma-**
kani ikaika, a me ka ino, a me na haalulu ana o ka honua—no ka mea hoi, hoomau no ia mau mea ekolu hora paha; a ua iia'e e kekahī poe ua loihi aku ka manawa; aka, ua hanaiā nae ua mau mea nui a weliweli nei iloko o na hora ekolu paha; alaila hoi, he pouli maluna iho o **ka** ili o ka aina.

4. A eia kekahī, he pouli manoanoa maluna iho o **ka** ili a pau o **ka** aiua, i hiki ai i kolaila, ka poc i haule ole iho ai, ke haha aku i ka mahu o **ka** pouli; a, ua hiki ole ke hoomalamalama, no ka pouli, aole hoi kukui, aole hoi lamaku; aole hoi i hiki ke hoaia'ku ke ahi me ko lakou puapua wahie a maloo loa, i hiki ole ke loaa kahi malalamalama iki; a ua ike ole ia aku kekahī malalamalama, aole hoi ahi, aole hoi olinolino iki, aole ka la, aole hoi ka mahina, aole hoi na hoku, no ka mea, pela ka nui o na chu o **ka** pouli maluna iho o **ka** ili o **ka** aiua.

5. A eia kekahi, hoomau iho la ia no na la ekolu, i ike ole ia aku kekahi malamalama; a ua nui no ka pihe ana, a me ka aoa ana, a me ka uwe mau ana mawaena o ua kanaka a pau; he oiaio, nui no na ulu ana o na kanaka, no ka pouli a me ka luku nui i hiki mai ai maluna iho o lakou. A ma kekahi wahi na lohea lakou e hea ana, me ka i ae, E ! ina ua mihi kakou mamua o keia la nui a weliweli, alaila, ina ua hookoeia mai ko kakou poe hoahanau, a aole lakou i puhiia iloko o kela kulanakauhale nui, o Zarahemela. A ma kekahi wahi e aku ua lohea lakou e hea aku ana a e uwe ana, i ka i ana, Ina ua mihi kakou mamua o keia la nui a weliweli, a ina aole hoi i pepehi a hailuku aku i ka poc kaula, a hookuke aku ia lakou iwaho: alaila, ina ua hookoeia mai la ko kakou poe makuwahine, a me ka kakou poe kaikamaline maikai, a me ka kakou poe keiki, aole i kanuia iloko o kela kulanakauhale nui, o Moroniha; a pela ua nui a weliweli na aoa ana o na kanaka.

6. A eia kekahi, na loheia kekahi Ieo mawaena o ko ka honua a pau maluna iho o ka ili o keia aina, e hea ana, Auwe, auwe, auwe keia poc kanaka; auwe ko ka honua a pau, ke ole lakou e mihi, no ka mea, ke akaaka la ka diabolo, a ke hanoli la kona poc anela, no ka poc i pepehiia o na keikikane a me na kaikamaline maikai a ko'u poc kanaka; a no ko lakou hewa a mau mea hoopailua i haule ai lakou. Aia hoi, ua puhi au i kela kulanakauhale nui, o Zarahemela me ke ahi, a me kolaila poc. A, aia hoi, na'u i hoopohoh iho i kela kulanakauhale nui, o Moroni, iloko o na hohonu o ke kai, a me kolaila poc e make i ke kai. A, aia hoi, ua uhi aku la au i kela kulanakauhale nui, o Moroniha, me ka lepo, a me kolaila poc, e huna iho i ko lakou mau hewa a me ko lakou mea hoopailua mai ko'u maka aku, i hele hou ole mai ai ke koko o ka poc, kaula a me ka poc hoano, ma neia hope aku, io'u nei e ku e ia lakou. A na'u i hoopohoh iho la i ke kulanakauhale o Gilegala, a me kolaila poc, e kanuia iho iloko o ka hohonu o ka honua: he oiaio, a me ke kulanakauhale Onilha, a me kolaila poc, a me ke kulanakauhale o Mokuma, a me kolaila poc, a me ke kulanakauhale o Ierusalem, a me kolaila poc, a na'u i kena aku i na wai e pii mai ma na hakahaka o ia mau wahi, e huna iho i ko lakou hewa a mau mea hoopailua mai ko'u maka aku, i pii hou ole mai ai ke koko o ka poc kaula a me ka poc hoano, ma neia hope aku, io'u nei e ku e ia lakou. A, aia hoi, o ke kulanakauhale o Gadianadi, a me ke kulanakauhale o Gadiomania, a me ke kulanakanahale o Iakoba, a me ke kulanakauhale Gimagimano, na'u ua mau wahi nei i hoopohoh iho, a hana aku la i na puu a me na awawa ma na hakahaka o ia mau wahi, a ua kanu iho i kolaila poc iloko o na hohonu o ka honua, e huna iloko i ko lakou hewa a mau mea hoopailua mai kou maka aku, i pii hou ole mai ai ke koko o ka poc kaula a me ka poc hoano, ma neia hope aku, io'u nei e ku e ia lakou.

7. A, aia hoi, o kela kulanakauhale nui, o Iakobugata, i nohoia'i e na kanaka o ke Alii, o Iakoba, na'u ia i puhi aku i ke ahi, no ko lakou man hewa a me ka lakou hana ino, e kela ana ia i ka hewa a pau o ka honua

a puni, no ko lakou pepehi kanaka malu ana a hui malu pu ana; no ka mea, o lakou no ka i hoopau aku i ka maluhia o ko'u poe kanaka, a me ka noho aupuni ana o ka aina: nolaila, kena ae la au i puhia'ku lakon, e luku aku ia lakou mai ko'u maka'aku, i pii hou ole mai ai ke koko o ka poe kaula a me ka poe hoano, ma neia hope aku, io'u nei e ku e ia lakou. A, aia hoi, o ke kulanakauhale o Lamana, a me ke kulanakauhale o Iosa, a me ke kulanakauhale o Gada, a me ke kulanakauhale o Kisakumena, na'u i kena i puhia'ku ia mau wahi i ke ahi, a me kolaila poe, no ko lakou he-wa ma ka hookuke ana aku i ka poe kaula iwaho, a hailuku ana i ua poe la, a'u i hoouna aku ai e hai ia lakou no ko lakou hewa, a me ko lakou mau mea hoopailua; a no ko lakou hookuke ana aku ia lakou nei a pau iwaho, i ole ai kekahi mea pono iwaena o lakou, hoouna iho la au i ke ahi ilalo a luku aku la ia lakou, i hunai'a'ku ai ko lakou hewa a mau mea hoopailua mai ko'u maka'aku, i hea ole mai ai io'u nei ke koko o ka poe kau-la a me ka poe hoano a'u i hoouna aku ai mawaena o lakou, mai ka lepo mai e ku e ia lakou; a nui wale na luku nui a'u i kena ai e hiki aku maluna iho o keia aina, a maluna o keia poe kanaka, no ko lakou hewa a me ko lakou mau mea hoopailua.

8. E ka poe a pau i hookoeia, no ka oi aku o ko oukou pono mamua o ko lakou, aole anei oukou e hoi hou mai ia'u ano, a e mihi i ko oukou mau hewa, a e hoohuliia'e, i hiki ia'u ke hoola ia oukou? Oiaio, he oiaio ka'u e olelo aku nei ia oukou, ina e hele mai oukou io'u nei, e loaa auanei ia oukou ke ola mau loa. Aia hoi, ua kikooia'ku kuu lima aloha ia oukou, a o ka mea e hele mai, na'u ia e hookipa; a pomaikai ka poe i hele mai io'u nei. Aia hoi, owau no o Iesu Kristo, ke Keiki a ke Akua. Na'u i hana i na lani a me ka honua, a me ko lakou mau mea a pau e pi-ha'i. Owau pu me ka Makua mai kinohi mai. Owau no maloko o ka Makua, a o ka Makua maloko o'u: a iloko o'u i hoonani ai ka Makua i kona inoa. Hele ae la au i ko'u poe ponoi, a hookipa ole mai ko'u poe ponoi ia'u. A ua ko iho la na palapala hemolele, no ko'u hiki ana mai. A o ka poe a pau i hookipa mai ia'u, ia lakou wau i haawi'aku ai e lilo i poe keiki na ke Akua; a pela no hoi au i ka poe a pau e manaoio mai ma ko'u inoa, no ka mea hoi, ma o'u nei i hiki mai ai ka hoolapanai, a iloko o'u nei i ko ai ke kanawai o Mose. Owau no ka malamalama a me ke ola o ke ao nei. Owau no o Alapa a Omega, ka mua a me ka hope. A mai mohai hou mai ia'u ma neia hope aku i ka hookahe ana i ke koko; he oiaio, e hoopanua'ku ko oukou mau mohai a me ko oukou mau alana kuni, no ka mea, aole au e hookipa mai i kekahi o ko oukou mau mehai a me ko oukou mau alana kuni; a na oukou e haawi' mai i mohai ia'u, i ka naau pepe a i ka uhane mihi. A o ka mea e hele mai io'u nei me ka naau pepe a me ka uhane mihi, ia ia wau e bapetizo'aku ai me ke ahi a me ka Uhane Hemolele, oia, e like me ko Lamana poe, no ko lakou manaoio mai ia'u, i ka wa o ko lakou hoohuliia'na, i bapetizo'ku ai me ke ahi a me ka Uhane Hemolele, a ua ike ole lakou ia mea. Aia hoi, ua hele mai au i ko ke ao nei e

lawe mai i ka hoolapanai ana i ko ke ao nei, e hoola aku i ko ke ao nei mai ka hewa ae; nolaila, o ka mea e mihi a e hele mai io'u nei me he keiki nuku la, ia ia wau e hookipa ai: no ka mea, o ka poe me neia ke aupuni o ke Akua. Aia hoi, no ka poe me neia wau i waiho aku ai i kuu ola, a ua lawe hou ae ia mea; nolaila ea, e mihi, a e hele mai io'u nei, e ko na welau o ka honua, a e hoolai'a'ku.

9. Ano hoi, eia kekahī, lohe ae la na kanaka a pau o ka aina i keia mau olelo; a hoike ae la no ia mea. A mahope mai o keia mau olelo ua hamau ko ka aina no na hora he nui wale; no ka mea, no nui o ka pihoihoi o na kanaka, hooki iho la lakou i ka pihe ana a me ka aoa ana no ka make o ko lakou poe hanauna i lukuia; nolaila, ua hamau ko ka aina a puni no na hora he nui.

10. A eia kekahī, pae hou mai la kekahī leo i na kanaka, a lohe ae la na kanaka a pau, a hoike ae la no ia mea, i ka i ana, O oukou, e ka poe kanaka o keia mau kulanakauhale i hiolo, he poe mamo hoi na Iakoba; he oiaio, he poe no ko ka hale o Israela, nani na manawa a'u i houluulu ai ia oukou, e like me ka houluulu ana a ka moa i kana ohana keiki malalo iho o kona mau eheu, a ua hanai aku ia oukou. A, eia hou, nani na manawa a'u i makemake ai e houluulu mai ia oukou, e like me ka houluulu ana a ka moa i kana ohana keiki malalo iho o kona mau eheu; he oiaio, o oukou, e ka poe kanaka o ka hale o Israela, ka poe i haule; he oiaio, o oukou, e ka poe kanaka o ka hale o Israela, ka poe e noho la ma Ierusalem, me he mea la ua haule oukou: he oiaio, nani na manawa a'u i makemake ai e houluulu ia oukou, e like me ka houluulu ana a ka moa i kana ohana keiki, aole nae oukou i makemake mai. E ko ka hale o Israela e, ka poe a'u i hookoe aku ai, nani na manawa a'u e houluulu aku ai ia oukou, e like me ka houluulu ana a ka moa i kana ohana keiki malalo iho o kona mau eheu, ina e mihi oukou a e hoi mai ia'u me ka manao paa o ka naau. Aka i ole, e ko ka hale o Israela e, e lilo na wahia oukou i noho ai i neoneo, a hiki aku i ka wa o ka hookoia'na o ka berita i ko oukon poe kupuna.

11. Ano, eia kekahī, mahope iho o ka lohe ana o na kanaka i keia mau olelo, aia hoi, hoomaka ae la lakou e uwe a aoa hou aku, no ka make o ko lakou poe hanauna a me na makamaka. A eia kekahī, pela i hala aku ai na la ekolu. A ma ke kakahiaka ia, a puehu aku la ka pouli mai ka ili aku o ka aina, a oki iho la ka haalulu o ka honua, a oki iho la ka nahaha o na pohaku, a me na uhu weliweli ana, a hala aku la na wawa ino a pau, a pili pu hou ae la ka honua, i ku ia; oki iho la ka pihe ana, a me ka uwe ana, a me ke kupinai ana o ka poe kanaka i hoolai'a; a lilo iho la ko lakou uwe ana i olioli, a me ko lakou pihe ana i hiilani ana a i holohaloha ana i ka Haku ia Iesu Kristo, ko lakou Mea e Ola'i. A hiki i keia wa ua ko na palapala hemolele, i oleloia'i e ka poe kaula. A o ka poe o na kanaka i oi aku ka pono, oia ka poe i hoolai'a, a o lakou no ka poe i hookipa i na kaula, a hailuku ole ia lakou; a o lakou ka poe i hookahe ole i ke koko o ka poe hoano, oia ka poe i hookoia'; a ua hookoia'

lakou, aole i hoopohoia iho a kanuia iho iloko o ka honua; a aole lakou i make i na hohonu o ke kai; a aole hoi lakou i wela i ke ahī, aole hoi i hanle kekahi mea maluna iho o lakou a pepe a make; a aole lakou i kai-kaiia'ku iloko o ka puahiohio: aole hoi lakou i lanakilaia e ka mahu o ka uahi a o ka poalii. Ano, o ka mea heluhelu, e hoomaopopo mai oia; o ka mea nona na palapala hemolele, e huli iho oia ia mau mea, a nana a ike ina o keia mau make a luku ana a pau ma ke ahī, a ma ka uahi, a ma na makani ino, a ma na puahiohio, a ma ka hamama ana o ka honua i loaa lakou, a me keia mau mea a pau, i ka hooko ana i na wanana a kekahī poe he nui o ka poe kaula. Aia hoi, ke i aku nei au ia oukou, he oiaio, ua nui ka poe i hoike mai no ua mau mea nei ma ka hiki ana mai o Kristo, a ua pepehia'a'ēt a make no ko lakou hoike anaaku no ua mau mea nei; he oiaio, hoike mai la ke kaula Zenosa no ua mau mea nei, a o Zenoka hoi ka i olelo mai no ua mau mea nei, no ka mea, hoike nui mai la laua no makou, ka poe i koe o ka lakou poe hua. Aia hoi, hoike mai la no hoi ko makou kupuna kane o Iakoba no kekahī koena o ka poe hua a Iosepa. A, aia hoi, aole anei makou he koena o ka poe hua a Iosepa? A o keia mau mea i hoike mai ai no makou, aole anei ia mau mea i kakauia maluna iho o na papa keleawe a ko makou kupuna kane Lehi i lawe mai ai mailoko mai o Ierusalem? A eia kekahī, ma ka pau ana o ka makahiki kanakolokumamaha, aia hoi, na'u e hoike aku ia oukou, o ka poe kanaka o Nepai i hookoeia mai, a me ka poc no hoi a pan i kapa e ia mamua o ko Lamana, ka poe i hookoeia mai, ua loaa mai ia lakou na mea lokomaikai nui i hoikeia mai ai ia lakou, a me na mea pomaikai nui i ninuiia mai maluna iho o ko lakou mau poo, a i ka wa kokoke mai mahope mai o ka pii ana o Kristo iloko o ka lani, hoike oiaio mai la oia ia ia iho ia lakou; e hoike mai ana i kona kino ia lakou, a e lawelawe mai ana ia lakou; a e haawia'ku ana-nei be moolelo o kana hana ana. Nolaila, no keia wa ke hoopau aku nei au i ka'u mau olelo.

MOKUNA V.

Ka hoike ana o Jesu Kristo ia ia iho i ka poe kunaka o Nepai, i ka wa a na kanaka i akoakoa ai ma kahi hookahi ma ka aina Momona, a lawelawe mai la ia lakou; a ma keia ano oia i hoike aku ai ia lakou.

1. Ano, eia kekahī, ua akoakoa na kanaka he lehulehu ma kahi hookahi, o ka poe kanaka o Nepai, a puni o ka luakini ma ka aina o Momona; a e haohao ana a e kahaha ana kekahī me kekahī, a e hoike ana kekahī i kekahī i ka hoololi kupanaha nui ana i hiki mai ai; a e kamailio ana no hoi lakou no keia Jesu Kristo, nona ka hoailona i haawia mai no kona make.

2. A eia kekahī, oiai lakou e kamailio ana pela kekahī me kekahī, lohe ae la lakou i kekahī leo, me he mea la pae mai la ia mailoko mai o ka lani;

a alawa ae la lakou i ko lakou mau maka i o a ia nei, no ka mea, hoomaopopo ole lakou i ka leo a lakou i lohe ai; a, aole ia he leo kalakala, aole hoi he leo nui; aka hoi, he leo naku ia, hou mai la nae ia i ka poe i lohe, iwaena konu, a, aole kekahī wahi o ko lakou kino i hoohaalulu ole ia e ia; he oiaio, hou mai la ia ia lakou iloko loa, a hoowela mai la i na naua o lakou. **A** eia kekahī, lohe hou aku la lakou i ka leo, a hoomaopopo ole lakou ia mea; a lohe hou aku la lakou i ke kolu o ka manawa i ka leo, a hoohakahaka aku la i ko lakou mau pepeiao e lohe ia mea; a malaila na maka o lakou i kahi o ke kupinai; a haka pono aku la i ka lani, kahi a ka leo i pae mai ai: a, aia hoi, i ke kolu o ka manawa hoomaopopo aku la lakon i ka leo a lakou i lohe ai; a i mai la ia ia lakou, E nana mai, i ka'u Keiki punahele, iloko ona a'u i olioli loa ai, iloko ona a'u i hoonani ai i ko'u inoa, e hoolohe oukou ia ia.

3. A eia kekahī, me lakou i hoomaopopo ai, leha hou ae la lakou i ko lakou mau maka i ka lani: a, aia hoi, ike aku la lakou i kekahī kanaka e iho mai ana mailoko mai o ka lani; a ua hoaaahuia oia i ka aahu keokeo, iho iho la ia a ku iho la mawaena konu o lakou, a alawa ae la na maka o na kanaka a pau ia ia, a aa ole lakou e oaka ae i na waha o lakou, aole hoi kekahī i kekahī, a ike ole iho la i ke anu o ia mea, no ka mea, manao iho la lakou he anela ia i ikca e lakou.

4. A eia kekahī, hohola mai la ia i kona lima, a olelo mai la i na kanaka, i ka i ana: Aia hoi, owau no o Iesu Kristo, ka mea a ka poe kaula i hoike aku ai e hele mai iloko o ke ao nei; a, aia hoi, owau no ka malamalamā a me ke ola o ke ao nei; a ua iuu iho la au noloko o kela apu awaawa a ka Makua i haawi mai ai ia'u, a ua hoonani aku i ka Makua ma ka lawe ana maluna iho o'u i na hala o ko ke ao nei, a ma ia mea wau i ae akū ai i ka makemake o ka Makua ma na mea a pau, mai kinohi mai.

5. A eia kekahī, ia Iesu i olelo mai ai i ua mau olelo nei, hina iho la ka poe kanaka a pau i ka honua, no ka mea, hoomanao iho la lakou ua wananaia mawaena o lakou, e hoike ana o Kristo ia ia iho ia lakou, mahope iho o kona pii ana i ka lani.

6. A eia kekahī, olelo mai la ka Haku ia lakou, i ka i ana, E ala, a e hele mai io'u nei, e hiki ia oukou ke hou mai i ko oukou mau lima iloko o ko'u aoao, a e hiki no hoi ia oukou ke haha mai i na wahi o na kui ma ko'u mau lima, a ma ko'u mau wawae, i ike oukou owau no ke Akua o ka Israela, a o ke Akua o ko ka honua a pau, a ua pepeliia mai a make no na hala o ko ke ao nei.

7. A eia kekahī, hele aku la na kanaka, a hou aku la i ko lakou mau lima iloko o kona aoao, a haha aku la i na wahi o na kui ma kona mau lima, a ma kona mau wawae; a o keia ka lakou i hana'i, e hele pakahi ana, a hiki i ka wa a lakou a pau i hele aku ai, a ike aku la me ko lakou mau maka iho, a haha aku la me ko lakou mau lima, a ike oiaio iho la, a hoike aku la, oia no ia, ka mea i palapalaia mai e ka poe kaula e hele mai ana. **A** ia lakou a pau i hele aku ai a ike aku la no lakou iho, hea ae la lakou

me ka lokahi o ka manao, i ka i ana, Hosana! E hoomaikaiia'ku ka inoa o ke Akua Kiekie Loa! A hina iho la lakou ma na wawae o Jesu, a hoomana aku la ia ia.

8. A eia kekahī, olelo mai la oia ia Nepai, (no ka mea, aia no o Nepai mawaena o na kanaka,) a kauoha mai la oia ia ia e hele ae. A ala ae la o Nepai a hele aku la, a kulou iho la oia imua o ka Haku, a honi aku la i kona mau wawae. A kauoha mai la ka Haku ia ia, e ala'e oia. A ala ae la ia a ku iho la imua ona. A i mai la ka Haku ia ia, Ke haawi aku nei au ia oe i ka mana nau e bapetizo aku i keia poe kanaka, i ka wa a'u e pii hou ai i ka lani. A hea hou mai la ka Haku i na mea e ae, a i mai la pela no hoi ia lakou; a haawi mai la oia ia lakou i ka mana e bapetizo aku. A i mai la oia ia lakou, ma keia ano oukou e bapetizo aku ai; aole hoi na hoopaapaa mawaena o oukou. He oiaio ka'u e olelo aku nei ia oukou, o ka mea e mihi ana i kona mau hewa ma o ka oukou mau olelo la, a makemake mai e bapetizoia ma kuu inoa, ma keia ano oukou e bapetizo aku ai ia lakou, aia hoi, e iho ilalo no oukou a e ku iloko o ka wai, a ma kuu inoa oukou e bapetizo aku ai ia lakou. Ano hoi, eia na olelo a oukou e olelo aku ai, e hea ana ia lakou ma ka inoa, i ka i ana; Ua loaa ia'u ka mana i haawii mai e Jesu Kristo, ke bapetizo aku nei au ia oe iloko o ka inoa o ka Makua, a o ke Keiki, a o ka Uhane Hemolele. Amene. Alaila e hookomo iho oukou ia lakou iloko o ka wai, a e puka hou mai mailoko mai o ka wai. A mamuli o keia ano oukou e bapetizo aku ai ma ko'u inoa, no ka mea hoi, he oiaio ka'u e olelo aku nei ia oukou, o ka Makua, a me ke Keiki, a me ka Uhane Hemolele, hookahi no lakou; a owau no iloko o ka Makua, a o ka Makua iloko o'u, a o ka Makua me a'u nei ua hookahi manua. A e like me ka'u i kauoha aku ai ia oukou, pela oukou e bapetizo aku ai. A aole hoi na hoopaapaa mawaena o oukou, me ia mamua aku nei; aole hoi hoopaapaa ana mawaena o oukou no na mea nui o ko'u ao ana, me ia mamua aku nei; no ka mea, oiaio, he oiaio ka'u e olelo aku nei ia cukou, o ka mea nona ka uhane paio aole no'u nei ia, aka no ka diabolo, oia no ka makua o ka paio, a ke hooeueu la oia i na naau o na kanaka e paio me ka hulu, kekahī me kekahī. Aia hoi, aole keia ko'u ao ana, e hooeueu aku i na naau o na keiki a kanaka me ka hulu, kekahī e ku e i kekahī; aka eia ko'u ao ana, e hoopauia'ku na mea e like me ia. Aia hoi, oiaio, he oiaio ka'u e olelo aku nei ia oukou, na'u e hai aku ia oukou i kuu ao ana. A eia kuu ao ana, a o ke ao ana ia a ka Makua i haawi mai ai ia'u; a ke hoike aku nei au no ka Makua, a ke hoike mai la ka Makua no'u, a ke hoike mai nei ka Uhane Hemolele no ka Makua a me au, a ke hoike aku nei au e kauoha ana ka Makua i na kanaka a pau, ma kela wahī keia wahī, e mihi a e manaoio mai ia'u; a o ka mea i manaoio mai ia'u, a i bapetizoia'ku, e hoolaia auanei oia; a o lakou no ka poe e loaa'i ke aupuni o ke Akua. A o ka mea i manaoio ole mai ia'u, a i bapetizo ole ia'ku, e hoohewaiā auanei oia. Oiaio, he oiaio ka'u e olelo aku nei au ia oukou, o keia no ko'u ao ana; a ke hoike aku

nei au no ia mea mai ka Makua mai; a o ka mea e manaoio ana ia'u, e manaoio ana oia i ka Makua no hoi; a e hoike aku no ka Makua ia ia no'u; no ka mea, e hoalauna oia ia ia me ke ahi a me ka Uhane Hemolele; a pela ka Makua e hoike aku ai no'u; a e hoike aku no ka Uhane Hemolele ia ia no ka Makua a me au; no ka mea, o ka Makua, a me au nei, a me ka Uhane Hemolele, hookahi makou.

9. A ke i hou aku nei au ia oukou, e mihi oukou e pono ai, a e lilo me he keiki uuku la, a e bapetizoia'ku ma ko'u inoa, a i ole ia, aole loa e hiki ia oukou ke loaa keia mau mea. A ke i hou aku nei au ia oukou e mihi oukou e pono ai, a e bapetizoia'ku ma ko'u inoa, a e lilo me he keiki uuku la, a i ole ia, aole loa e hiki ia oukou ke loaa ke aupuni o ke Akua. Oiaio he oiaio ka'u e olelo aku nei ia oukou, o keia no ko'u ao ana; a o ka mea e kukulu ana maluna o keia mea, e kukulu ana oia maluna iho o ko'u pohaku; a e lanakila ole na ipuka o ka po maluna o lakou. A o ka mea nana e hai aku i ka mea i oi aku, a i ole, i ka mea i emi aku i keia, a hokupaa aku ia mea no ko'u ao ana, no ka ino mai ia, a ua kukulu ole ia maluna iho o ko'u pohaku, aka e kukulu ana oia maluna iho o ke kahua one, a e hamama ana na ipuka o ka po e loaa ka poe me ia, i ka wa e hiki mai ka wai, a e nou mai ka makani maluna iho o lakou. Nolaila, e hele aku i keia poe kanaka, a e hai aku i na olelo a'u i olelo aku ai, i ko na welau o ka honua. A eia kekahih, ia Iesu i olelo mai ai i ua mau olelo nei ia Nepai, a i ka poe i heaia, (ano, he umikumamalua ka nui o ka poe i heaia, a i loaa ka mana a me ka oihana e bapetizo,) a, aia hoi, hohola mai la oia i kona lima i na kanaka, a hea mai la ia lakou, i ka i ana, Pomaikai oukou, ina e hoolohi mai oukou i na olclo a ua poe umikumamalua nei, a'u i wae aku ai maiwaena mai o oukou e lawelawe aku ia oukou, a e lilo i poe kauwa na oukou; a ia lakou wau i haawi aku ai i ka mana, na lakou e bapetizo aku ia oukou me ka wai, a mahope aku o ko oukeu bapetizoia'na me ka wai, aia hoi, na'u e bapetizo aku ia oukou me ke ahi a me ka Uhane Hemolele; nolaila, pomaikai oukou, ina e manaoio mai oukou ia'u, a e bapetizoia'ku, mahope iho o ko oukou nana ana ia'u, a ike ana ke ola nei wau. A eia hou, pomaikai loa lakou ka poe nana e manaoio mai ma ka oukou mau olelo, no ko oukou hoike ana ua nana mai oakou ia'u, a ua ike oukou ke ola la owau. He oiaio, pomaikai ka poe nana e manaoio auanei i ka oukou mau olelo, a iho ilalo iloko o na hohonu o ka haahaa, a e bapetizoia; no ka mea, e hoolaunaia'ku auanei lakou me ke ahi a me ka Uhane Hemolele, a e loaa auanei ke kalaia'na o ko lakou mau hala. He oiaio, pomaikai ka poe i haahaa ma ka uhane, ka poe i hele mai io'u nei, no ka mea, no lakou ke aupuni o ka lani. A eia hou, pomaikai ka poe a pau e u ana, no ka mea, e hooluolia'ku lakou: a pomaikai ka poe akahai, no ka mea, e lilo auanei ka honua ia lakou. A pomaikai ka poe a pau i pololi a makewai no ka pono; no ka mea, e hoomaonaia lakou me ka Uhane Hemolele. A pomaikai ka poe i aloha aku, no ka mea, e alohaia mai lakou. A pomaikai ka poe a pau i macmae ma ka naau, no

ka mea, e ike lakou i ke Akua. A pomaikai ka poe a pau i uwao, no ka mea, e iia'e lakou he poe keiki na ke Akua. A pomaikai ka poe a pau i hana ino ia mai no ka pono, no ko'u inoa, no ka mea, no lakou ke aupuni o ka lani. A e pomaikai ana no oukou, i ka wa e hoino mai na kanaka ia oukou, a e hoomaau mai no hoi, a no'u nei e olelo wahahnee mai ai ia oukou i na mea ino a pau, no ka mea, e loaa ia oukou ka bauoli nui a e olioli nui hoi, no ka mea, he nui ka uku no oukou ma ka lani; pela lakou i hoomaau aku ai i ka poe kaula mamua o oukou. Oiaio, he oiaio ka'u e olelo aku nei ia oukou, ke haawi aku nei au ia oukou e lilo i paakai no ka honua; aka, ina e pau auanei ka liu o ka paakai, pehea la e liinia'i ka honua? Ahe o ka paakai mea e pono ai ma ia hope, e kiola wale ia iwaho, a e heliia'i malalo iho o na wawae o kanaka. Oiaio, he oiaio ka'u e olelo aku nei ia oukou, ke haawi aku nei au ia oukou e lilo i malamalama o keia poe kanaka. O ke kulanakauhale i ku ma kahi kiekie, aole ia e valowale. Aia hoi, ke hoaa aku nei anei na kanaka i kukui a waiho aku ia mea malajo iho o ka poi? Aole, aka ma kahi e kau ai o ke kukui, a e haawi ana ia i ka malamalama i ka poe a pau iloko o ka hale; nolaila, e hoakaka aku oukou i ko oukou malamalama imua o keia poe kanaka, i ike mai ai lakou i ka oukou hana maikai ana, a i hoonani aku ai i ko oukou Makua i ka lani. Mai manao oukou i hele mai nei au e hoopau i ke kanawai a me ka poe kaula. Aole au i hele mai nei e hoopau, aka e hooko; no ka mea, he oiaio ka'u e olelo aku nei ia oukou, aole i lilo aku kahi huna aole hoi kahi lihi iki mai ke kanawai ae, aka iloko o'u ua hookeia mai ia mea a pan.

10. Aia hoi, ua haawi aku au ia oukou i ke kanawai a me na kauoha a ko'u Makua, i manaoio mai ai oukou ia'u, a i mili oukou i ko oukou mau hewa, a hele mai io'u nei me ka naau pepe a me ka uhane akahai. Aia hoi, ia oukou na kauoha imua o oukou, a ua ko iho la no ke kanawai; nolaila, e hele mai oukou io'u nei, a e hoolaia aku oukou; no ka mea, he oiaio ka'u e olelo aku nei ia oukou, ina aole oukou e malama i ka'u man kauoha, a'u i kauoha aku ai ia oukou i keia manawa, aole loa oukou e komo mai iloko o ke aupuni o ka lani. Ua lohe oukou na oleloia mai e ka poe o ka wa kahiko, a ua palapalaia no hoi imua o oukou, Mai pepehi kanaka oe; a o ka mea e pepchi i ke kanaka, e lilo ana ia i ka hoohewaia e ke Akua. Aka eia ka'u e olelo aku nei ia oukou, o ka mea e huuaku i kona hoahanau, e lilo ana ia i kona hoohewa ana. O ka mea e olelo ae i kona hoahanau, E, Raca, e lilo ia i mea no ka aha hookolokolo; a o ka mea e olelo aku, E, ka lapuwale, e lilo ia i mea no ke ahi i Gehena; nolaila, ina e hele mai oukou io'u nei, a e makemake paha e hele mai io'u nei, a i manao ai he mea ka kou hoahanau e ku e ia oe, e hele aku i kou hoahanau la, a e hoolaulea mua ia i kou hoahanau, alaila, e hele mai io'u nei me ka manao ikaika o ka naau, a na'u oukou e hockipa aku. E hoolaulea koke aku oe i kou hoa ku e, oiai oe me ia ma ke alanui, o hopu **aku** oia ia oe i kekahi manawa, a e hooleia'ku oe iloko o ka halepaahao. Oiaio, he oiaio ka'u e olelo aku nei ia oe, aole loa oe e puka e mai iwaho

olaila, a pau ae la ka senine hope i ka ukui a oe. A oiai oe iloko o ka halepaahao, e hiki anei ia oe ke uku aku i hookahi senine? Oiaio, he oiaio ka'u e olelo aku nei ia oukou, aole. Aia hoi, ua palapalaia e ka poe o ka wa kahiko, Mai moe kolohe oe; aka eia ka'u e olelo aku nei ia oukon, O ka mea e nana ana i ka wahine, e kuko hewa aku ia ia, na moe kolohe no oia ia manawa ma kona naau. Aia hoi, ke haawi aku nei au i kauoha ia oukou, i ae ole aku oukou i kekahli o ua mau mea nei e komo iloko o ko oukou naau; no ka mea, e aho no oukou e hoole ia oukou iho i keia mau mea, ma na mea a oukou e hapai ai i ko oukou kea, mamua o ko oukou hooleiia'na iloko o Gehena. Ua palapalaia, o ka mea hoohemoe i kana wahine, e haawi aku oia nana i ka palapala no ka hemo ana. Oiaio, he oiaio ka'u e olelo aku nei ia oukou, o ka mea hoohemoe wale i kana wahine, ke ole ia no ka foranicationa, nana no ia e hoomoe kolohe aku; a o ka mea e mare i ua wahine hemo la, ua moe kolohe no ia.

11. A eia hou i palapalaia, Mai hochiki wahahee oe, aka, e hooko aku oe no ka Haku i kau mea i hoohiki ai. Aka oiaio, he oiaio ka'u e olelo aku nei ia oukou, mai hoohiki iki; aole ma ka lani, no ka mea, o ko ke Akua noho alii ia; aole hoi ma ka honua, no ka mea, o kona keehana wawaie ia; aole hoi oe e hoohiki ma ke poo, no ka mea, aole e hiki ia oe ke hoolilo i kekahli oho i eleele, aole hoi i keokeo; aka, penei ka oukou kamailio ana o ka ae, he ae ia; o ka aole, he hoole ia; no ka mea, o ka mea, e hiki mai ana no na mea oi aku i keia, ua ino ia. Aia hoi, ua palapalaia, He maka no ka maka, a he niho no ka niho. Aka, eia ka'u e olelo aku nei ia oukou, mai hoopai aku oe i ka ino, aka o ka mea nana oe e papai mai ma ko'u papalina akau, e haliu aku oe ia ia ma kekahli. A ina e kahihiki aku kekahli kanaka ia oe ma ke kanawai, a e lawe i kou kapa komo, e ho hou aku no hoi ia ia i kou aahu. A o ka mea e koi mai ia oe e hele i hookahi mile, e hele pu me ia i elua. O ka mea e noi mai ia oe, e haawi aku nana, a o ka mea e noi e lawe lilo ole i kau mea, mai kaii ae oe. Aia ua palapalaia no hoi, E aloha aku i kou hoalauna, a e inaina aka i kon enemi: aka hoi, eia ka'u e olelo aku nei ia oukou, e aloha aku i ko oukou poe enemi, e hoomaikai aka hoi i ka poe kuamamu mai ia oukou, e hana lokomaikai aka hoi i ka poe inaina mai ia oukou, a e pule aka hoi i ka poe hana ino mai ia oukou, a hoomaau mai hoi ia oukou, i lilo ai oukou i poe keiki na ko oukou Makua i ka lani; no ka mea, nana no i hoopuka mai i kona la maluna o ka poe ino a me ka poe maikai; nolaila, o na man mea la o ka wa kahiko, na mea malalo iho o ke kanawai iloko o'u, na ko a pau loa. Ua hoopauia'ku na mea kahiko, a ua lilo na mea a pau i hou; nolaila, ke makemake nei au i hemolele oukou e like me au nei, a me ka hemolele o ko oukou Makua ma ka lani. Oiaio, he oiaio ka'u e olelo aka nei ua makemake au e hana manawalea aka oukou i ka poe hunc; aka e malama ia oukou, aole e hana wale aka i ko oukou manawalea imua o na kanaka, no ka ikeia mai e lakou; o loaa ole ia oukou ka ukui a mai e ko oukou Makua ma ka lani. Nolaila, ia oukou e hana aka ai i ko oukou

manawalea ana, mai hookani i ka pu imua o oukou, e like me ka ka poe hookamani e hana'i iloko o na halehalawai, a ma na alanui, i hoomaikaiia mai ai lakou e na kanaka. He oiaio ka'u e olelo aku nei ia oukou, ua loaa ia lakou ko lakou uku. Aka ia oe e hana manawalea aku ai, mai hoike i kou lima hema i ka mea a kou lima akau e hana'i; i nalo hoi kon manawalea ana; a o kou Makua e nana mai ana i kahi nalo, oia ke uku mai ia oe ma ke akea.

12. A i pule aku oe, ea, mai hana oe e like me ka poe hookamani, no ka mea, makemake lakou e pule ku ana ma na halehalawai, a ma na huina alanui, i ikeia mai ai lakou e kanaka. He oiaio ka'u e olelo aku nei ia oukou, ua loaa ia lakou ko lakou uku. Aka ooe, i kau pule ana, e komo ae oe iloko o kou keena mehamecha, a ia oe i papani aku ai i kou puka, e pule aku i kou Makua ina no ma kahi nalo; a o kou Makua e ike ana iloko o kahi nalo, oia ke uku mai ia oe ma ke akea. Aka ia oukou e pule aki ai, mai kuawili wale aki i ka olelo, e like me ka poe kanaka e, no ka mea, ke manao nei lakou, no ka nui o ka lakou olelo ana, e hooloheia mai ai lakou. Mai hoohalike me lakou, no ka mea, ua ike ko oukou Makua i na mea e pono ai oukou. manua o ka oukou noi ana ia ia. Nolaila, penei oukou e pule aki ai: E ko makou Makua iloko o ka lani, e hoanoia kou inoa. E malamaia kou makemake ma ka honua nei, e like me ia i malamaia ma ka lani la. E kala mai oe i ko makou lawehala ana, me makou e kala nei i ka poe i lawehala mai i ka makou. Mai hookuu ia makou iloko o ka hoowalewaleia mai, aka e hoopakele no ia makou i ka ino. No ka mea, nou ke aupuni, a me ka mana, a me ka hoonaniia, a mau loa aki. Amene. No ka mea, ina e kala aki oukou i na hala o kanaka, e kala mai no hoi ko oukou Makua o ka lani i ko oukou; aka i ole oukou e kala aki i na hala o kanaka, aole no hoi e kala mai ko oukou Makua i ko oukou hala. A eia hou, a i hookeai oukou, mai hoino i ko oukou maka e like me ka poe hookamani, no ka mea, ke hoinoi la lakou i ko lakou maka, i ikeia mai e na kanaka ka lakou hookeai ana. He oiaio ka'u e olelo aki nei ia oukou, ua loaa ia lakou ko lakou uku. Aka, i hookeai oe, e poni i kou poo, a e holoi i kou maka; i ike ole ia kau hookeai ana e na kanaka, aka, i ikeia ia e kou Makua ina no ma kahi nalo; a o kou Makua ke ike i kahi nalo, oia ke uku mai ia oe ma ke akea.

13. Mai hoahu oukou i ka waiwai no oukou iho ma ka honua, kahi i ino ai i ka mu a me ka popo, kahi e wawahai mai ai na aihue e aihue ai, aka, e hoahu ae oukou i ka waiwai no oukou iho ma ka lani, kahi e ino ole ai i ka mu a me ka popo, kahi e wawahai ole mai na aihue e aihue ai. No ka mea, ma kahi e waiho ai i ko oukou waiwai, malaila pu no hoi ko oukou naau. O ka maka no ko ke kino kukui; nolaila, ina he maikai kou maka, e piha auanei kou kino a pau i ka malamalama. Aka, ina he ino kou maka, e piha auanei kou kino a pau i ka pouli. Nolaila, ina e lilo ka malamalama iloko ou i pouli, nani wale ka nui o na pouli la! Aole no e liki i ke kanaka ke malama i na haku elua, no ka mea, e inaina ia i kekahī,

a e aloha aku hoi i kekahi; a i ole ia, e hoopili aku ia i kekahi me ka hoo-wahawaha i kekahi. Aole e hiki ia oukou ke malama pu i ke Akua a me ka mamona, (o ka waiwai no ia.)

MOKUNA VI.

1. Ano, eia kekahi, ia Iesu i olelo mai ai i keia mau olelo, nana mai la oia ma ka poe umikumamalua ana i wae mai ai, a i mai la oia ia lakou, E hoomanao i na olelo a'u i olelo aku ai. No ka mea hoi, o oukou no ka poe a'u i wae aku ai e lawelawe aku i keia poe kanaka. Nolaila, ke i aku nei au ia oukou, mai manao iki oukou no ko oukou ola, i ka oukou mea e ai ai, aole hoi i ka oukou mea e inu ai; aole hoi no ko oukou kino, i ka oukou mea e aahu ai. Aole anei e oi aku ke ola i ka ai, a me ke kino i ke kapa? E nana aku i na manu o ka lewa, no ka mea, aole o lakou lulu hua, aole hoi e oki ai, aole no hoi e hoahu ae iloko o na halepapaa; ke hanai mai la nae ko oukou Makua o ka lani ia lakou. Aole anei e oi aku ko oukou maikai i ko lakou? Owai la ka mea o oukou e hiki ma ka manao nui ana ke hooliohi aku i kona kiekie i hookahi kubita? A heaha hoi ka oukou e manao nui ai i ke kapa? E noonoo i na lilia o ke kula, i ko lakou ulu ana; aole lakou i hana, aole hoi i milo; a ke olelo aku nei nae au ia oukou, o Solomona i kona nani a pau, aole ia i kahiko like ia me kekahi o ia mau mea. Nolaila, ina pela ke Akua e hoonani mai ai i ka nahelohelohina no ma ke kula i keia la, a i ka la apopo e hooleia'i iloko o ka umu, pela no oia e hoaahu mai ia oukou, ina aole o oukou paulole kapekepeke. Nolaila hoi, mai manao iki, me ka i ana, Heaha ka kakou mea e ai ai? A heaha ka kakou mea e inu ai? A heaha ko kakou mea e aahu ai? No ka mea, ua ike ko oukou Makua o ka lani, he pono ke loaa ia oukou ia mau mea a pau. Aka, e imi e oukou mamua i ke aupuni o ke Akua, a me kana pono, a e pau ua mau mea la i ka haawiia mai ia oukou. Nolaila, mai manao iki aku no ka la apopo, no ka mea, na ka la apopo e manao iho no na mea nona iho. Ua lawa ka la no ka ino ena iho.

2. Ano, eia kekahi, ia Iesu i olelo mai ai i keia mau olelo, huli hou ae la ia i na kanaka, a oaka ae la i kona waha ia lakou, i ka i ana, Oiaio, he oiaio ka'u e olelo aku nei ia oukou, Mai manao ino aku i manao ino ole ia mai oukou. No ka mea, me ka manao a oukou e manao ino aku ai, pela hoi e manao ino ia mai ai oukou; a me ke ana a oukou e ana aku ai, pela no hoi e anaia mai ai ia oukou. A no ke aha oe e nana aku ai i ka pula iki iloko o ka maka o kou hoahanau, aka aole noonoo iki i ke kaola iloko o kou maka iho? A peheia la oe e olelo aku ai i kou hoahanau, E ho mai na'u e unuhi i ka pula iki noloko mai o kou maka; a, aia ka he kaola iloko o kou maka iho? E ka hookamani, e unuhi mua oe i ke kaola mailoko ae o kou maka iho: alaila oe e ike pono ai ke unuhi ae i ka pula iki maloko o ka maka o kou hoahanau. Mai haawi

aku i ka mea hoano na na ilio, aole hoi e hoolei aku i ka oukou mau momi imua o na puua, o hehi lakou ia mau mea ilalo o ko lakou mau wawae, a e kepa mai hoi lakou a e moku oukou.

3. E noi, a e haawiia na oukou; e imi, a e loaa hoi ia oukou: e kikeke, a e weheia no oukou; no ka mea, o kela mea keia mea e noi ana, e haawiia ana nena; a o ka mea e imi ana, e loaa ana ia ia; a i ka mea kikeke, e weheia ananei nona. Owai la ke kanaka o oukou e haawi aku i ka pohaku na kana keiki, ke noi mai ia i berena? A i noi mai ia ia, e haawi aku anei oia i nahesa nana? Ina paha oukou ka poe hewa i ike i ka haawi aku i na makana maikai na ka oukou poe keiki, he o'i nui aku ko oukou Makua ma ka lam'i ma ka haawi ana mai i na mea maikai na ka poe e noi aku ia ia? Nolaila, o na mea a pau a oukou e makemake ai e hanaia mai ia oukou, e na kanaka, oia ka oukon e hana aku ai ia lakou, no ka mea, pela no ka ke kanawai a me ka ka poe kaula.

4. E komo ae oukou ma ka puka pololei; no ka mea, he akea ka puka, a he palahalaha ke alantu, e hiki aku ai i ka make, a nui wale ka poe komo ilaila; no ka mea, he pololei ka puka, a he ololi hoi ke ala e hiki akn ai i ke ola, a kakaihali wale ka poe e loaa ia. E malama ia oukou no na kaula hoopunipuni, e hele mai ana io oukou nei me ka aahu hipa, aka, maloko, he poe ilio hihiu hae lakou. Ma ko lakou hua e ike ai oukou ia lakou: ke ohi la anei na kanaka ka huawaina noluna mai o ke kakalaioa, a o na fiku hoi noluna mai o ka puakala? Oia hoi, o na laau maikai a pau ke hua mai la na hua maikai; aka, o ka laau ino ke hua mai la no hoi ia i na hua ino. Aole e hiki i ka laau maikai ke hua mai i ka hua ino, aole hoi i ka laau ino ke hua mai i ka hua maikai. O kela laau o keia laau e hua ole mai ana i ka hua maikai, ua kuiaia oia ilalo, a ua kiola'a'ku hoi ia iloko o ke ahii. Nolaila hoi, ma ko lakou hua, e ike aku ai oukou ia lakou.

5. O ka poe e olelo mai ai ia'u, E ka Haku, e ka Haku, aole e pau lakou i ke komo mai iloko o ke aupuni o ka lani: aka o ka mea e hana i ka makemake o ko'u Makua iloko o ka lani. He nui ka poe e olelo mai ana ia'u ia la, E ka Haku, e ka Haku, aole anei makou i wanana aku ma kou inca? i mahiki aku hoi i na uhane ino ma kou inoa? a i hana aku i na hana mana he nui ma kou inoa? Alaila, e hai aku au ia lakou, Aole au i ike ia oukou, e haele oukou pela mai o'u aku nei, e ka poe hana ino.

6. Nolaila, o ka mea lohe i keia mau olelo a'u, a hana hoi ia mau mea, e hoohalike au ia ia i ke kanaka naanao, nana i kukulu i kona hale maluna o ka pohaku, a haule mai la ka ua, a kahe mai la ka wai, a nou mai la ka makani, a pa ma ua hale la; aole nae ia i hiolo; no ka mea, ua hookumuia oia maluna o ka pohaku. A o ka mea lohe i keia mau olelo a'u, a hana ole hoi ia mau mea, e hoohalikeia hoi ia i ke kanaka naaupo, nana i kukulu i kona hale maluna o ke one, a haule mai la ka ua, a kahe mai la ka wai, a nou mai la ka makani, a pa ma ua hale nei; a hiolo iho la ia, a nani wale hoi kona hiolo ana.

MOKUNA VII.

1. Ano, eia kekahi, ia Iesu i hoopau mai ai i keia mau olelo, alawa ae la oia i kona mau maka i o ia nei ma na kanaka, a olelo mai la ia lakou, Aia hoi, ua lohe oukou i na mea a'u i ao aku ai mamua o ko'u pii ana i ko'u Makua la; nolaila, o ka mea e hoomanao ana i keia mau olelo a'u, a hana hoi ia mau mea, oia ka'u e hookiekie ae iluna ma ka la hope. A eia kekahi, ia Iesu i olelo mai ai i keia mau olelo, ike oia e kahala ana kekahi poe, a haohao iho la i ka mea ana e olelo mai ai no ke kanawai o Mose; no ka mea, hoomaopopo ole iho la lakou i ka olelo, Ua hala aku la na mea kahiko, a ua lilo na mea a pau i hou. A i mai la oia ia lakou, Mai kahala no ka'u olelo aku ia oukou, Ua hala aku la na mea kahiko, a ua lilo na mea a pau i hou. Aia hoi, ke olelo aku nei au ia oukou, ua ko ke kanawai i haawia mai ai ia Mose. Aia hoi, owau no ka mea nana i haawi aku i ke kanawai, a owau no hoi ka mea nana i hana berita aku me ko'u poc kanaka, ka Iseraela: nolaila, ua ko ke kanawai iiloko o'u, no ka mea, na hele mai au e hooko i ke kanawai; nolaila, ua pau ae la ia. Aia hoi, aole au e hoopau ana i ka ka poe kaula, no ka mea, o na mea a pau i ko ole iloko o'u, he oiaio, ke olelo aku nei au ia oukou, e ko auanei ia mau mea a pau loa. A no ka'u olelo ana'ku ia oukou, Ua hala aku la na mea kahiko, aole au e hoopau aka ana i na mea i oleloia no na mea e hiki mai ana. No ka mea, o ka berita a'u i hana aku ai me ko'u poe kanaka, aole ia i ko a pau loa; aka o ke kanawai i haawia mai ai ia Mose, ua pau iloko o'u nei. Aia hoi, owau no ke kanawai, a me ka malamalama; e nana mai oukou ia'u, a e hoomau a hiki i ka hopena, a e ola auanei oukou, no ka mea, e haawi aku no au i ke ola mau loa i ka mea e hoomau ana a hiki i ka hopena. Aia hoi, ua haawi aka au i na kauoha ia oukou; nolaila, e malama i ka'u mau kauoha. A oia no ke kanawai a me ka poe kaula, no ka mea, hoike oiaio mai la lakou no'u.

2. Ano, eia kekahi, ia Iesu i olelo mai ai i keia mau olelo, olelo mai la oia i ua poe umikumamaluia la ana i wae mai ai, O oukou no ka'u poe haumana; a he malamalama oukou i keia poe kanaka, he koena lakou no ko ka hale o Iosepa. Aia hoi, eia no ka aina o ko oukou hooilina; a ua haawi mai la ka Makua ia mea ia oukou. Aole i haawi mai ka Makua i kauoha i kekahi manawa ia'u, na'u e hai aku ia mea i ko oukou poe hoahanau ma Ierusalem; aole no hoi i haawi mai ka Makua i kekahi manawa i kauoha ia'u, na'u e hai aku ia lakou no na ohana e ae o ka hale o Israela, ka poe a ka Makua i alakai aku ai mailoko aka o ka aina. Eia ka ka Makua i kauoha mai ai ia'u, na'u e hai aku ia lakou, He poe hipa e ae no ka'u; aole no keia pa; he pono hoi no'u e alakai mai ia lakou, a e lohe no auanei lakou i ko'u leo; a hookahi auanei pa hipa, a he kahuhipa hookahi hoi. Ano, no ka ai ooolea a me ka hoomaloko, hoomaopopo ole mai la lakou i ka'u olelo: nolaila, ua kauohaia mai au e ka Makua, aole e olelo hou aka no keia mea ia lakou. Aka, he oiaio, ke olelo aka nei au

ia oukou, ua kauoha mai la ka Makua ia'u, a ke hai aku nei au ia mea ia oukou, ua hookaawaleia'e oukou maiwaena aku o lakou no ko lakou hewa; nolaila, no ko lakou hewa, ko lakou ike ole no oukou. A he oiaio, ke olelo hou aku nei au ia oukou, ua hookaawale aku ka Makua i na ohana e ae mai o lakou ae; a no ko lakou hewa, ko lakou ike ole no lakou la. A he oiaio ka'u e olelo aku nei ia oukou, o oukou no ka poe a'u i olelo aku ai, He poe hip'a e ae no ka'u, aole no keia pa; he pono hoi no'u e alakai mai ia lakou, a e lohe auanei lakou i ko'u leo; a hookahi auanei pa hip'a, a me ke kahuhipa hookahi hoi. A boomaopopo ole mai ia lakou ia'u, no ka mea, manao iho la lakou o ka poe Genetile ia poe; no ka mea, aole lakou i hoomaopopo, e hoohlilia mai auanei ke poe Genetile ma ka lakou hai olelo ana; a aole lakou i hoomaopopo mai ia'u, i ka'u olelo ana, e lohe auanei lakou i ko'u leo; a aole lakou i hoomaopopo mai ia'u, aole e lohe ana ka poe Genetile i kekah manawa i ko'u leo; aole hoi au e hoike aku ia'u iho ia lakou, ke ole ma ka Uhane Hemolele wale no. Aka hoi, ua lohe oukou i kuu leo, a ike mai no hoi ia'u; a o oukou no ka'u poe hip'a, a ua helu pu ia oukou mawaena o ka poe a kuu Makua i haawi mai ai ia'u.

3. A oiaio, he oiaio ka'u e olelo aku nei ia oukou, he poe hip'a a ae ka'u, aole no keia aina; aole hoi no ka aina o Ierusalema; aole hoi ma na wahi o ua aina la a puni, kahi a'u i hele ai e lawelawé. No ka mea, o ka poe a'u e olelo nei, o lakou no ka poe i lohe ole i ko'u leo a hiki i keia manawa; aole hoi au i hoike aku ia'u iho ia lakou i kekah manawa. Aka ua loaa ia'u he kauoha na ka Makua mai, e hele aku auanei au io lakou la, a e lohe auanei lakou i kuu leo, a e helu pu ia mawaena o ka'u poe hip'a, i hookahi pa, a i hookahi hoi kabuhipa; nolaila, e hele aku ana au e hoike aku ia'u iho ia lakou. A ke kauoha aku nei au ia oukou, na oukou e palapala iko i keia mau olelo, mahope aku o ko'u hele ana'ku, ina paha ko'u poe kanaka mu Ierusalema, ka poe i ike mai ia'u, a i launa pu me au ma ko'u lawelawé ana, e noi ole i ka Makua ma ko'u inoa, i loaa ai ia lakou ka ike no oukou ma o ka Uhane Hemolele la, a me na ohana e ae no hoi, ka poe i ike ole ia e lakou, alaila e malamaia ua mau olelo nei a oukou e palapala ai, a e hoikeia'ku auanei i ka poe Genetile, a ma o ka piha la o ka poe Genetile, e hiki i ke koena o ka lakou poe hua; ka poe e hoo-puehuia'ku auanei maluna o ka ili o ka honua nei, no ko lakou hoomaloka, ke kaiia mai iloko, a ke kaiia mai i ka ike ia'u, i ko lakou Mea Hoolapanai. Alaila, na'u e houluulu mai ia lakou mai na kihi eha mai o ka honua; alaila hoi, na'u e hooko aku i ka berita a ka Makua i hana aku ai i ka poe kanaka a pau o ka hale o Israela.

4. A pomaikai ka poe Genetile, no ko lakou manaoio mai ia'u, iloko a ma o ka Uhane Hemolele la, ka mea e hoike ana ia lakou no'u nei a no ka Makua. Aia hoi, no ko lakou manaoio mai ia'u, wahi a ka Makua, a no ka hoomaloka o oukou, e ko ka hale o Israela, ma na la mahope e hiki no ka oiaio i ka poe Genetile la, i hoikeia'ku auanei ka nui o keia mau mea ia lakou. Aka auwe wahi a ka Makua, i ka poe Genetile hoomalo-

Ka, no ka mea, me ko lakou hele mai nae maluna o ka ili o keia aina, a hoopuehu aku i ko'u poe kanaka, ka poe o ko ka hale o Iseraela; a hooleiia'ku ko'u poe kanaka o ko ka hale o Iseraela, maiwaena aku o lakou, a hahia ilalo o na wawae e lakou; a no na lokomaikai o ka Makua i ka poe Genetile, a me na hoopai no hoi o ka Makua maluna o ko'u poe kanaka, o ko ka hale o Iseraela, oiaio, he oiaio, ka'u e oleloaku nei ia oukou, ma-hope aku o keia mau mea a pau, a kuuaku au i ko'u poe kanaka o ko ka hale o Iseraela, e hahauia, a e hoopilikiaia, a e lukuia, a e hooleiia'e maiwaena aku o lakou, a e inainaia e lakou, a e lilo i kuamuamuia a i hua olelo ino mawaena o lakou. A pela ke kanoha mai la ka Makua na u e oleloaku ia oukou, ma ia la i ka wa e lawehala mai ai ka poe Genetile i ko'u euanelio, a e hooiekieia iluna ma ka haaheo o ko lakou mau naau, maluna ae o ko na aina a pau, a maluna ae o na kanaka a pau o ka honua a puni, a e hoopihia me na ano a pau o na wahahhee, a o na hoopunipuni, a o na kolohe, a me na ano a pau o na hookamani, a me na pepehi kanaka, a me na hana maalea a na kahuna pule hoopunipuni, a me na moe kolohe, a o na hana hoopailua malu; a ina e hana auanei lakou i ua mau mea la a pau, a e hoomalau mai i ko'u euanelio mana a pololei, aia hoi, wahi a **ka** Makua, na'u e laweaku i ko'u euaneho mana a pololei maiwaenaaku o lakou; alaila, na'u e hoomanao i **ka'u** berita a'u i hanaaku ai i ko'u poe kanaka, e ko ka hale o Iseraela, a e lawe no au i ko'u euanelio io lakou nei; a na'u e hoikeaku ia oe, e ko ka hale o Iseraela, aole o ka poe Genetile mana auanei maluna o oukou, aka, na'u e hoomanao i **ka'u** berita ia oukou, e ko ka hale o Iseraela, a e hiki oukou i ka ike i ko'u euanelio mana a pololei. Aka ina e mihi ka poe Genetile, a hoi hou mai io'u nei, wahi a **ka** Makua, aia hoi, e helu pu ia auanei lakou mawaena o ko'u poe kanaka, e ko ka hale o Iseraela; a, aole au e kuuaku i ko'u poe kanaka, o ko ka hale o Iseraela, e heleaku ai lakou mawaena o lakou la, a e hahi ia lakou ilalo, wahi a **ka** Makua. Aka ina aole lakou huli mai ia'u, a e hoolohe mai i ko'u leo, e kuuaku no au, he oiaio, e kuuaku au i ko'u poe kanaka, e ko ka hale o Iseraela, i heleaku ai lakou mawaena o lakou la, a e hahi ia lakou la ilalo, a e like auanei lakou me ka paakai i lilo kona liu, aohe ona mea e pono ai ma ia hope, e kiola wale ia iwaho, a e hehia'i malalo iho o na wawae o ko'u poe kanaka, e ko ka hale o Iseraela. Oiaio, he oiaio, ka'u e oleloaku nei ia oukou, pela ka Makua i kauoha mai ai ia'u, na'u e haawiaku i keia poe kanaka, i keia aina no ko lakou hooilina. A i ka wa e hookoa'i na olelo a ke kaula, a Isaia, e olelo ana, E hookiekiae auanei kou poe kiai i ko lakou leo; me ka leo auanei lakou e hookani pu ai, no ka mea, e ike auanei lakou he maka no, he maka, i ka wa a ka Haku e hoihoi hou mai ai ia Ziona. E hookani olioli, e olioli pu oukou, e na wahi neoneo o Ierusalem, no ka mea, ua hoomaha mai ka Haku i kona poe kanaka, ua hoolapanai oia ia Ierusalem. Ua hoike ka Haku i kona lima hemolele imua o na maka o na lahuikanaka a pau: a e ike auanei na kukulu a pau o ka honua i ka hoola ana o ko kakou Akua.

MOKUNA VIII.

1. AIA hoi, i ka wa a Iesu i olelo mai ai i ua man olelo nei, alawa hou ae la oia i o ia nei ma na kanaka, a olelo mai la ia lakou, aia hoi, na kokoke mai kuu manawa. Ke ike nei au ua nawaliwali oukou, ua hiki ole ja oukou ke hoomaopopo mai i ka'u mau olelo a pau i kauohaia mai ai au, e ka Makua, e olelo aku ia oukou i keia manawa; nolaila, e hele oukou i ko oukou mau wahi, a e hoomanao iho ma na mea a'u i olelo aku ai, a e noi aku i ka Makua, ma ko'u inoa, i hiki ja oukou ke hoomaopopo; a e hoomakaukau i ko oakou mau naau no ka la apopo, a e hele hou mai au io oukou la. Aka, ke hele nei au ano i ka Makua la, a e hoike aku no hoi ia'u iho i na ohana nallowale o Israela, no ka mea, aole lakou i nallowale i ka Makua, no ka mea, ua ike oia i kahi ana i lawe aku ai ia lakou.

2. A eia kekahī, ia Iesu i olelo mai ai pela, alawa hou ae la oia i kona mau maka i o ia nei ma na kanaka, a ike aku la ua kahe ka waimaka o lakou, a haka pono ae la lakou ia ia, me he mea la e noi aku lakou ia ia e noho iki hou me lakou. A i aku la oia ia lakou, Aia hoi, na piha na naau o'u me ke aloha aku ia oukou, ina he poe mai mawaena o oukou, e lawe mai ia lakou ia nei. Ina he poe oopa, makapo, hapakue, mumuku, lepera, a me ka poe lolo, a kuli, a me ka poc i hoehaia ma kela ano keia ano, e lawe mai ia lakou ia nei, a na'u lakou e hoola aku, no ka mea, he aloha ko'u no oukou; ua piha na naau o'u me ka lokomaikai; no ka mea, ke ike nei au e makemake ana oukou, na'u e hoike aku ia oukou i ka mea a'u i hana aku ai i ko oukou poe hoahanau ma Ierusalem, no ka mea, ke ike nei au ua lawa ko oukou manaoio, na'u e hoola aku ia oukou.

3. A eia kekahī, ia ia i olelo mai ai pela, hele lokahi aku la na kanaka a pau, me ko lakou poe mai, a me ko lakou poe hoehaia, a me ko lakou poe oopa, a me ko lakou poe makapo, a me ko lakou poe aa, a me ka poe a pau i hoehaia ma kela ano keia ano; a hoola mai la oia ia lakou, i kela mea keia mea i ka laweia'ha o lakou io'na la; a kulou iho la lakou a pau, o ka poe i hoolaia, a me ka poe ola no hoi, ma kona mau wawae, a hoomana aku la ia ia; a honi iho la ka poe a pau i hiki no ka paapu o na kanaka, i kona mau kapuai, a hoauau iho la i kona mau kapuai me ko lakou waimaka.

4. A eia kekahī, kauoha mai la oia e laweia'ku ka lakou poe keiki uuku. A lawe ae la lakou i ka lakou poe keiki uuku, a hoonoho iho la ia lakou ilalo ma ka honua a puni ia, a ku iho la o Iesu iwaena konu; a emi ihope na kanaka a laweia ae la lakou a pau io na la. A eia kekahī, ia lakou a pau i laweia aku ai, a ku iho la no o Iesu mawaena konu, kauoha mai la oia i na kanaka e kukuli iho ilalo ma ka honua. A eia kekahī, ia lakou i kukuli iho ai ilalo ma ka honua, uhu iho la o Iesu iloko ona iho, a iaku la, E ka Makua, ua hoopilikilia mai au no ka hewa o ka poe kanaka o ka hale o Israela. A ia ia i olelo mai ai i ua mau olelo nei, kukuli iho la no hoi oia ma ka honua; a aia hoi, pule aku la oia i ka Makua, a o na mea

ana i pule aku ai, ua hiki ole ke palapalaia, a hoike ae la na kanaka, ka poe i lohe ia ia. A mumuli o keia ano lakou e hoike aku ai: Aole i ike e ka maka, aole hoi i lohe e ka pepeiao, mamua, i na mea nui a kupanaha e like me ka makou i ike ai a i lohe ai ia Iesu i olelo aku ai i ka Makua; aole e hiki i kekahi alelo ke olelo, aole no hoi e hiki ke palapalaia e kekahia kanaka, aole hoi e hiki i na naau o na kanaka ke hoomaopopo i na mea nui a kupanaha, me ka makou i ike ai a i lohe ai no hoi ia Iesu i olelo ai; a ua hiki ole no hoi i kekahia mea ke hoomaopopo i ka olioli i piha mai ai i ko makou mau naau, i ka manawa a makou i lohe ai ia ia e pule ana no makou i ka Makua.

5. A eia kekahia, ia Iesu i hoopau ai i ka pule ana i ka Makua, ala ae la ia; aka, no ka olioli nui o na kanaka, ua ilihia lakou. A eia kekahia, olelo mai la o Iesu ia lakou, a kena mai la ia lakou e ala'e. A ala ae la lakou mai ka honua ae, a i mai la oia ia lakou, Pomaikai oukou no ko oukou manaojo. Ano hoi, ua piha kuu olioli. A ia ia i olelo mai ai i keia mau olelo, uwe iho la ia, a hoike ae la na kanaka no ia mea, a lawe pakahi ae la oia i ka lakou poe keiki, a hoopomaikai iho la ia lakou, a pule aku la i ka Makua no lakou. A ia ia i hana'i i keia, uwe hou iho la ia a oielo mai la ia i na kanaka, a i mai la ia lakou, E nana i ka oukou poe uuku. A ia lakou i nana aku ai e ike, leha ae la lakou i ko lakou mau maka i ka lani, a ike aku la lakou i na lani wehiia, a ike aku la lakou i na anela e iho mai ana mailoko mai o ka lani me he mea la, mawaena o ke abi; a iho mai la lakou ilalo a hoopuni ae la i ua poe uuku la a puni, a ua hoopunia lakou me ke ahi; a lawelawe ae la ka poe anela ia lakou, a ike a lohe a hoike ae la na kanaka; a ua ike lakou ua oiaio ko lakou hoike ana, no ka mea, lohe aku la a ike aku la lakou a pau, o kela kanaka keia kanaka no na iho; a elua tausani a me na haneri elima paha ka nui o lakou; a he poe kane, wahine a me na kamalii lakou.

6. A kauoha mai la o Iesu i kana poe haumana na lakou e lawe aku i wahi berena a waina io na la. A oiai lakou e hele aku ana i wahi berena a waina, kauoha mai la oia i na kanaka e noho lakou ilalo ma ka honua. A i ka wa i hiki ai ka poe haumana me ka berena a me ka waina, lalau iho la oia i ka berena, a wawahia ae la a hoopomaikai ae la ia; a haawi mai la i na haumana, a kauoha mai la oia ia lakou e ai. A ia lakou i ai ai, a ua maona, kauoha mai la oia ia lakou e haawi aku i na kanaka. A i ka wa a na kanaka i ai ai a maona, olelo mai la ia i ka poe haumana, Aia hoi, e hooliloia auanei kekahia mea mawaena o oukou, a e haawi aku no au ia ia i ka mana nana e wawahia i ka berena, a e hoopomaikai aku ia, a e haawi aku i ka poe kanaka o ko'u ekalesia, i ka poe a pau e manaoio a e bapetizoia ma ko'u inoa. A o keia ka oukou e malama mau ai, oia, me a'u i hana'i, oia, me a'u i wawahia ai i ka berena, a hoopomaikai ai ia, a haawi ai ia mea ia oukou. A e hana oukou i keia me ka hoomanao mai i ko'u kino, a'u i hoike aku ai ia oukou. A he mea hoike auanei ia i ka Makua, e hoomanao mau ana oukou ia'u. A ina e hoomanao mau mai oukou ia'u, e loaa no ia oukou ko'u Uhane e noho pu me oukou.

7. A eia kekahī, ia ia i olelo mai ai i keia mau olelo, kauoha mai la oia i kana poe haumana na lakou e lawe i ka waina o ke kiaha, a e inu ia mea, a na lakou hoi e haawi aku i na kanaka, e hiki ia lakou ke inu ia mea. A eia kekahī, hana iho la lakou pela, a inu iho la ia mea, a ua hoo-pihaiā; a haawi aku la lakou i na kanaka, a inu iho la lakou, a ua hoo-pihaiā lakou. A i ka wa a ka poe haumana i hana aku ai i keia, olelo mai la o Iesu ia lakou, Pomaikai oukou no keia mea a oukou i hana'i, no ka mea, o keia no ka hookoia ana o ka'u mau kauoha, a e hoike ana keia mea i ka Makua, e ae ana oukou e hana i ka mea a'u i kauoha aku ai ia oukou. A e hana mau oukou i keia i ka poe i mihi a i bapetizoia ma ko'u inoa; a e hana oukou i keia me ka hoomanao i ko'u koko, a'u i hookahe aku ai ne oukou, i hoike aku ai oukou i ka Makua, e hoomanao mau ana oukou ia'u. A iua e hoomanao mau mai oukou ia'u, e loaa ia oukou ko'u Uhane e noho pu me oukou. A ke haawi aku nei au ia oukou i kauoha na oukou e hana i keia mau mea. A ina e hana mau oukou i keia mau mea, pomaikai oukou, no ka mea, ua kukuluia oukou maluna o ko'u pohaku. Aka o ka mea mawaena o oukou nana e hana i ka mea oi aku, a i ka mea emi iho paha i ua mau mea nei, ua kukulu ole ia maluna o ko'u pohaku, aka ua kukuluia maluna o ke kahua one; a i ka wa e haule mai ka ua, a e kahe mai ka wai, a e nou mai ka makani, a pa maluna o lakou, e haule auanei lakou, a ua hamama na ipuka o ka po me ka makaukan e loaa lakou: nolaila, pomaikai oukou ina e malama oukou i ka'u mau kauoha, a ka Makua i kauoha mai ai ia'u, na'u e haawi aku ia oukou. Oiaio, he oiaio ka'u e olelo aku nei ia oukou, e kiai a e pule mau oukou e pono ai, o hoowale-walecia mai oukon e ka diabolo, a e alakaiia aku oukou e ia. A me au i pule aku ai mawaena o oukou, pela hoi oukou e pule mai ai iloko o ko'u ekalesia, mawaena o ko'u poe kanaka, ka poe i mihi a i bapetizoia ma kou inoa. Aia hoi, owau no ka malamalama; ua hana au i kumu no oukou e boohalike mai ai.

8. A eia kekahī, ia Iesu i olelo mai ai i ua mau olelo nei i kana poe haumana, huli hou ae la ia i na kanaka, a iaku la ia lakou, Aia hoi, oiaio, he oiaio ka'u e olelo aku nei ia oukou, e kiai a e pule mau oukou e pono ai, o komo oukou iloko o ka hoowalewale; no ka mea, ke makemake la o Sataina e loaa oukou; e hiki ia ia ke kanana ia oukou e like me ka hua palaoa; nolaila, ea, e pule mau oukou e pono ai i ka Makua ma ko'u inoa; a o ka mea a oukou e noi aku ai i ka Makua ma ko'u inoa, a ua pono, e manaoio ana i ka loaa ia oukou, aia hoi, e haawiiā mai ia ia oukou. E pule mau oukou ma na ohana a oukou i ka Makua ma ko'u inoa, e hoopomai-kaiia mai ka oukou poe wahine a me ka oukou poe keiki. A, aia hoi, e halawai pinepine oukou i kahi hookahi, a, mai papa aku i kekahī kanaka i ka hele ana io oukou la, i ka wa a oukou e halawai ai i kahi hookahi, aka e ac aku oukou ia lakou e hele mai io oukou la, a e papa ole aku ia lakou; aka, na oukou e pule no lakou, a e hoo-lei ole aku ia lakou mawaho; a ina paha e hele pinepine mai

lakou io oukou la, alaila na oukou e pule aku no 'lakou i ka Makua, ma ko'u inoa; nolaila la, e hapai ae oukou i ko oukou malamalama iluna i alohi aku ai ia i ko ke ao nei. Aia hoi, owau no ka malamalama na oukou e hapai ae iluna—i ka mea a oukou i ike mai ai i hanaia e au. Aia hoi, ke ike nei oukou ua pule aku la au i ka Makua, a ua ike oukou a pau; a ke ike nei oukou aole au i kauoha aku i kekahio oukou e hele aku, aka ua kauoha aka au e hele mai oukou io'u nei, i haha mai ai oukou a i ike ai hoi; pela no hoi oukou e hana aka ai i ko ke ao nei; a o ka mea nana e uhai i keia kauoha, e ae ana oia e alakaiia'ku iloko o ka hoowalewale.

9. Ano, eia kekahio, ia Iesu i olelo mai ai i keia mau olelo, buli hou mai la ia i kona mau maka i kana poe haumana ana i wae mai ai, a olelo mai la ia lakou. Aia hoi, oiaio, he oiaio ka'u e olelo aka nei ia oukou, ke hawaii aka nei au ia oukou i kekahio kauoha hou, alaila he pono no'n ke hele aka i ko'u Makua, i hooko aka ai au i na kauoha e ae, ana i haawi mai ai ia'u. Ano hoi, eia ke kauoha a'u e haawi aka nei ia oukou, Mai ae aka oukou me ka ike i kekahio mea, e ai i kuu io, a me kuu koko me ka pono ole, i ka wa a oukou e lawelawe aka ai ia mea, no ka mea, o ka mea e ai ana a e inu ana i kuu io a me kuu koko me ka pono ole, e ai ana a e inu ana oia i ka hoohewaia i kona uhane iho; nolaila, ina ua ike oukou ua pono ole kekahio kanaka e ai a e inu i kuu io a i kuu koko, e papa aka oukou ia ia; aole nae oukou e hoolei aka ia mai o oukou aka, aka na oukou e lawelawe aka ia ia, a e pule aka nona i ka Makua, ma ko'u inoa, a ina paha e mihi oia, a bapetizoia ma ko'u inoa, alaila na oukou e hookipa ia ia, a e lawelawe aka ia i kuu io a me kuu koko; aka ina e mihi ole oia, aole loa ia e helu pu ia mawaena o ko'u poe kanaka, i anai ole ai oia i ko'u poe kanaka, no ka mea, aia hoi, ua ike au i ka'u poe hip'a, a ua heluia lakou; aole nae oukou e hoolei ia ia mawahao o ko oukou mau halehalawai, aole hoi ko oukou mau wahi e hoomana'i, no ka mea, na oukou e hoomau e lawelawe aka i ka poe me neia; no ka mea, aole oukou i ike anoai e hoi mai lakou a e mihi, a e hele mai io'u nei me ka manao ikaika o ka naau, a na'u auanei e hoola aka ia 'lakou, a e lilo oukou i poe e lawe mai ai i ke ola i c lakou la. Nolaila, e malama i keia mau olelo a'u i kauoha aka ai ia oukou, i komo ole mai ai oukou malalo iho o ka hoohewaia ana, no ka mea, auwe ka mea a ka Makua e hoohewaia aka ai. A ke haawi aka nei au i keia mau kauoha, no na hoopaapaa ana iwaena o oukou mamua. A pomaikai oukou ina aole no na hoopaapaa ana mawaena o oukou. Ano, ke hele aka nei an i ka Makua la, no ka mea, he mea e pono ai no'u e hele aka i ka Makua la, no ko oukon pomaikai.

10. A eia kekahio, ia Iesu i hoopau ai i keia mau olelo, hoop'a pakahi iho la oia me kona lima i kana poe haumana ana i wae mai ai, a pau loa ae la lakou i ka hoop'aia e ia, a olelo mai la ia lakou me ia i hoop'a mai ai ia lakou; a lohe ole ae la na kanaka i na olelo ana i olelo mai ai, nolaila, aole lakou hoike no ia mea; aka hoike aka la ka poe haumana, ua haawi mai la oia i ka mana ia lakou e haawi aka i ka Uhane Hemolele. A e hoike aka no au ma neia hope aka he oiaio keia hoike ana.

11. A eia kekahī, ia Iesu i hoopa mai ai ia lakou a pau, hiki mai la kekahī ao a hoomalu mai la i na kanaka, i hiki ole ia lakou ke ike aku ia Iesu. A oiai lakou i hoomaluia, haalele mai la oia ia lakou, a pii aku la iloko o ka lani. A ike aku la ka poe haumana a hoike aku la ua pii hon ae la oia iloko o ka lani.

MOKUNA IX.

1. Ano, eia kekahī, ia Iesu i pii aku ai iloko o ka lani, puhee aku la na kanaka, a lawe ae la kela kanaka keia kanaka i kana wabine a me kana mau keiki, a hoi aku la i kona wahi iho. A ua kui koke aku ka lono, iwaena o na kanaka, mamua o ka poe lele ana, ua ike na kanaka ia Iesu, a ua lawelawe mai la oia ia lakou, a e hoike mai ana no hoi oia ia iho ia la ae i na kanaka; he oiaio, ia po a ao hoi ua kui aku ka lono no Iesu; a no ka nui o ka hoouna ana aku o lakou i na kanaka, ua nui ka poe, he oiaio, ua nui loa ka poe i hana ikajka ia po a ao, i hiki aku ai lakou, ia la ae, i kahi a Iesu e hoike mai ai ia ia iho i na kanaka.

2. A eia kekahī, ma ia la ae, i ka wa a na kanaka i akoakoa ai i kah hookahī, aia hoi, o Nepai a me kona kaikaina ana i hoala mai ai mai ka make mai, o Timoteo kona inoa, a me kana keiki no hoi, o Iona kona inoa, a Matoni no hoi, a me Matoniha, kona kaikaina, a me Kumena, a me Kumenonahī, a me Ieremia, a me Semanona, a me Iona, a me Zedekia, a me Isaia; ano oia na inoa o ka poe haumana a Iesu i wae mai ai. A eia kekahī, hele aku la lakou a ku iho la mawaena o na kanaka. A, aia hoi, no ka lehulehu loa o na kanaka, kauoha aku la lakou e hookaaawaleia aku lakou la ma na poe he umikumamalua. A ao aku la ka poe umikumamalua i na kanaka; a, aia hoi, kanoha aku la lakou i na kanaka e kukuli iho ilalo ma ka ili o ka honua, a e pule aku i ka Makua, ma ka inoa o Iesu. A pule aku la na haumana no hoi i ka Makua, ma ka inoa o Iesu. A eia kekahī, ala ae la lakou a lawelawe aku la i na kanaka. A ia lakou i lawelawe aku ai i ua mau olelo la a Iesu i olelo mai ai—azole e lolii iki ana mai na olelo ae a Iesu i olelo mai ai ia lakou—aia hoi, kukuli hou iho la lakou, a pule aku la i ka Makua ma ka inoa o Iesu; a pule aku la lakou no ka mea a lakou i makemake loa ai; a makemake aku la lakou e baawiia mai ai ka Uhane Hemolele ia lakou. A ia lakou i pule aku ai pela, iho iho la lakou ilalo i ke kapa o ka wai, a hahai mai la na kanaka ia lakou. A eia kekahī, iho iho la o Nepai ilalo iloko o ka wai, a ua bapetizoia. A pii mai la oia mailoko mai o ka wai a hoomaka ae la e bapetizo aku. A bapetizo aku la oia i ua poe la a pau a Iesu i wae mai ai. A eia kekahī, ia lakou a pau i bapetizoia'i, a ua pii mai la mailoko mai o ka wai, haule mai la ka Uhane Hemolele maluna o lakou, a ua hoopihaiā mai lakou me ka Uhane Hemolele, a me ke ahi. Aia hoi, ua hoopunia mai lakou a puni me he ahi la; a iho mai la ia mai ka lani mai, a ike mai la ka lehulehu ia mea, a ke hoike aku la; a iho mai la na anela mailoko mai o ka lani, a

lawelawe mai la ia lakou. A eia kekahī, oiai na anela e lawelawe ana i ka poe haumana, aia hoi, hiki mai la o Iesu a ku iho la mawaena konu, a lawelawe mai la ia lakou. A eia kekahī, olelo mai la oia i na kanaka, a kauoha mai la ia lakou e kukuli hou lakou ilalo ma ka honua, a i kana poe haumana no hoi e kukuli iho ilalo ma ka honua. A eia kekahī, ia lakou a pau i kukuli iho ai ilalo ma ka honua, kauoha mai la oia i kana poe haumana e pule lakou. Aia hoi, hoomaka ae la lakou e pule; a pule aku la lakou ia Iesu, e kapā ana ia ia i ko lakou Haku a me ko lakou Akua.

3. A eia kekahī, hele aku la o Iesu mai waena konu aku o lakou, a hele iki aku la mai o lakou aku, a kulou iho la oia i ka honua, a i ae la ia, E ka Makua, ke hoalohaloha aku nei au ia oe, no kou haawi ana mai i ka Uhane Hemolele i keia poe a'u i wae aku ai; a no ko lakou manaoio ana mai ia'u, ko'u wae ana ia lakou noloko mai o ko ke ao nei. E ka Makua e, ke pule aku nei au ia oe, e haawi mai oe i ka Uhane Hemolele i ka poe a pau e manaoio ana i ka lakou nei mau olelo. E ka Makua e, ua haawi mai oe ia lakou nei i ka Uhane Hemolele, no ko lakou manacio ana ia'u, a ke ike mai nei oe ua manaoio mai lakou ia'u, no ka mea, ke lohe nei oe ia lakou, a ke pule nei lakou ia'u; a ke pule nei lakou ia'u, no ka mea, owau pu me lakou. Ano, e ka Makua e, ke pule aku nei au ia oe no lakou, a no ka poe a pau no hoi e manaoio ana ma ka lakou nei mau olelo, i manaoio mai ai lakou ia'u, i noho au iloko o lakou me oe, e ka Makua, iloko o'u, i hookahi kakou.

4. A eia kekahī, ia Iesu i pule aku ai pela i ka Makua, hele mai la oia i kana poe haumana la, aia hoi, hoomau iho la lakou, me ka hooki ole, e pule aku ia ia; aole lakou hoonui i na olele, no ka mea, ua haawia mai ia lakou ka mea a lakou e pule aku ai, a ua hoopihaiā mai lakou me ka makemake. A eia kekahī, hoopomaikai mai la o Iesu ia lakou, me lakou i pule aku ai ia ia, a maliu oluolu mai la kona maka, a alohi mai la ka malamalamā o kona maka ia lakou, a, aia, ua keokeo lakou e like me ka maka, a me na aahu no hoi o Iesu; a, aia, hoi, oīaku la ke keokeo o ia mau mea mamua o ke keokeo a pau, he oiaio, aole loa he mea ma ka honua nei i like ke keokeo me ke keokeo o ia mau mea. A i mai la o Iesu ia lakou, E pule, aole nae lakou e hooki i ka pule. A huli hou ae la oia mai o lakou ae, a hele iki aku la, a kulou iho la oia i ka honua; a pule hou aku la oia i ka Makua, i ka i ana, E ka Makua, ke hoalohaloha aku nei au ia oe no kou hoomaemae ana i ua poe la a'u i wae aku ai, no ko lakou manaoio, a ke pule aku nei au no lakou, a no ka poe no hoi e manaoio ana ma ka lakou nei mau olelo, i hoomaemaeia ai lakou iloko o'u, ma o ka manaoio la i ka lakou nei mau olelo, me lakou nei i hoomaemaeia'i iloko o'u. E ka Makua e, aole au e pule ana no ko ke ao nei, aka no ua poe la au i haawi mai ai ia'u noloko mai o ko ke ao nei, no ko lakou manaoio, i hoomaemaeia mai ai lakou iloko o'u, i noho au iloko o lakou me oe, e ka Makua, iloko o'u, i hookahi kakou, i hoonaniiā mai ai au iloko o lakou.

5. A ia Iesu i olelo mai ai i keia mai olelo, hele hou mai la ia i kana

poe haumana la, a, aia hoi, e pule onipaa ana lakou, me ka hooki ole, ia ia; a maliu oluolu hou mai la oia ia lakou; aia hoi, ua keokeo lakon, e like me Iesu. A eia kekahī, hele iki hou aku la oia, a pule aku la i ka Makua; a ua hiki ole i ka elclo ke olelo mai i na olelo ana i pule aku ai, aole hoi e hiki ke palapalaia e kanaka na olelo ana i pule aku ai. A lohe ae la ka lehulehu, a ke hoike aku la, a ua weheia na naau o lakou, a hoomaopopo iho la lakou ma ko lakou mau naau i na olelo ana i pule aku ai. Aka hoi, no ka nui a kupaianaha o na olelo ana i pule aku ai, ua hiki ole ke palapalaia ia mau mea, aole hoi e hiki ke ekemuia'ku e kanaka.

6. A eia kekahī, ia Iesu i hoopau ai i kana pule ana, hele hou mai la oia i ka poe haumana la, a i mai la ia lakou, Aole loa au i ike i ka manaoio nui me neia, mawaena o ka poe Iudaio a pau; nolaila, ua hiki ole ia'u ke hoike aku ia lakou i na hana mana nui me neia, no ko lakou manaoio ole. He oiaio ka'u e olelo aku nei ia oukou, aole loa kekahī o lakou i ike i na mea me oukou i ike ai; aole hoi lakou e lohe i na mea nui me oukou i lohe ai.

7. A eia kekahī, kauoha mai la oia i ka lehulehu e hooki aku lakou i ka pule, a me kana poe haumana no hoi. A kauoha mai la oia ia lakou e hooki ole lakou i ka pule ma ko lakou mau naau. A kauoha mai la oia ia lakou e ala'e, a e ku iluna ma ko lakou mau wawae. A ala ae la lakou, a ku iho la ma ko lakou mau wawae. A eia kekahī, wawahi berena hou ae la oia, a hoopomaikai iho la ia, a haawi mai la i ka poe haumana e ai. A ia lakou i ai ai, kauoha mai la oia ia lakou e wawahī berena ae lakou, a e haawi aku i na kanaka. A ia lakou i haawi aku ai i na kanaka, haawi mai la no hoi oia ia lakou i waina e inu, a kauoha mai la ia lakou e haawi aku lakou i na kanaka. Ano, aohe he berena, aohe hoi he waina, i laweia mai e ka poe haumana, aole hoi e na kanaka; aka haawi oiaio mai la nae oia ia lakou i berena e ai ai, a waina hoi e inu ai; a i mai la oia ia lakou, O ka mea e ai ana i kcia berena, e ai ana oia i ko'u kino no kona uhane, a o ka mea e inu ana i keia waina, e inu ana ia i ko'u koko no kona uhane, a, aole kona uhane e pololi hou, aole hoi makewai hou, aka e hoopihaiia oia. Ano, i ka wa o na kanaka a pau i ai ai a i inu ai, aia hoi, ua hoopihaiia lakou me ka Uhane, a hea aku la lakou me ka leo hookahi, a hoonani aku la ia Iesu, a lakou i ike aku ai a i lohe ai no hoi.

8. A eia kekahī, ia lakou a pau i hoonani aku ai ia Iesu, i mai la oia ia lakou, Aia hoi, ke hoopau aku nei au i ke kauoha a ka Makua i kauoha mai ai ia'u no keia poe kanaka, he koena hoi lakou o ko ka hale o Israela. Ke hoomanao nei oukou ua olelo aku la au ia oukou; a iaku la, I ka wa e hookoia'i na olelo a Isaia, aia hoi, ua palapalaia ia mau mea, aia no ia mau mea imua o oukou, nolaila e huli ia mau mea. Oiaio, he oiaio ka'u e olelo aku nei ia oukou, i ka wa e hookoia'i ia mau mea, alaila ka hookoia'na o ka berita a ka Makua i hana mai ai i kona poe kanaka, e ko ka hale o Israela. Alaila, e houluluia mai ai na koena, ka poe e hoopuehuia aku auanei ma ka ili oka honua nei, mai ka hikina mai, a mai ke komohana mai, a mai ka hema mai, a mai ka akan mai; a e laweia mai lakou i ka

ike no ka Haku ko lakou Akua, nana lakou i hoolapanai mai. A ua kauoha mai la ka Makua ia'u e haawi aku ai au ia oukou i keia aina, no ko oukou hooilma. A ke i aku nei au ia oukou, ina e mili ole ka poe Genetile, mahope iho o ka pomaikai e loaa'i ia lakou, mahope iho hoi o ko lakou hoopuehu ana aku i ko'u poe kanaka, alaila, e hele aku oukou ka poe koena o ko ka hale o Iakoba, mawaena o lakou; a mawaena konn auanei oukou o lakou, ka poe nui loa; a mawaena auanei oukou o lakou, me he liona la mawaena o na holoholona o ka ululau, a me he liona opio la mawaena o na pua hipa, nana, ke hele oia mawaena, e hahi ilalo a haehae aku a lillii, a aole e hiki i kekahih ke hoopakele. E hapaiia kou lima maluna iho o kou poe ku e mai, a e hookiia'ku kou poe enemi a pau. A e houluulu mai au i ko'u poe kanaka i kahi hookahi, me he kanaka la i houluulu ai i kona mau pua palaoa iloko o kahi hehi, no ka mea, e hoolilo aku au i ka poe kanaka, ka poe a ka Makua i hana berita mai ai, he oiaio, e hoolilo aku au i kou pepeiaohao i hao, a e hoolilo aku au i kou mau maiuu wawae i keleawe. A e kui iho oe a lillii na kanaka he nui; a e hoolaa aku i ka lakou loaa no ka Haku, a i ko lakou waiwai i ka Haku o ka honua a pau. Aia hoi, owau no ka mea nana e hana ia mea.

9. A e hiki io mai auanei, wahi a ka Makua, e kau auanei ka pali-kana a ko'u hoopai maluna ae o lakou ma ia la; a ke mihi ole lakou, e haale auanei ia maluna o lakou, wabi a ka Makua, he oiaio, maluna iho o na lahuikanaka a pau o ka poe Genetile. A e hiki io mai auanei, na'u e hookupaa aku i ko'u poe kanaka, e ko ka hale o Israela. Aia hoi, e hookupaa aku au i keia poe kanaka ma keia aina, i ka hooko ana i ka berita a'u i hana aku ai me ko oukou kupuna kane o Iakoba; a e lilo auanei ia i Jerusalema hou. A mawaena konu auanei o keia poe kanaka na mana o ka lani; he oiaio, e noho no au iwaena konu o oukou. Aia hoi, owau no ka mea a Mose i olelo mai ai, i ka i ana, E hooku mai auanei ka Haku, ko oukou Akua i kekahih kaula ia oukou e like me au, no ko oukou poe hoahanau, a e hoolohe oukou ia ia ma na mea a pau ana e olelo mai ai ia oukou. A e hiki mai keia, o ka mea e hoolohe ole i ua kaula la, e okiia'ku ia, mai kona poe kanaka aku. He oiaio ka'u e olelo aku nei, ua oiaio: a o na kaula a pau mai ia Samuela mai, a me ka poe e hahai ana mahope mai ona, ka poe a pau i olelo mai, ua hoike mai la no'u. Aia hoi, o oukou no na mamo a ka poe kaula; a no ko ka hale o Israela oukou; a no ka berita oukou a ka Makua i hana mai ai me ko oukou poe kupuna, me ka i ana ia Aberahama, Ma kau hua, e hoopomaikaiia'ku auanei na ohana a pau o ka honua; ua hooku mua mai la ka Haku ia'u no oukou, a hoouna mai la ia'u e hoopomaikai aku ia oukou, i ka hoohuli ana mai i kela mea keia mea o oukou mai kona mau hala ae; a o keia, no ka mea, he poe keiki oukou a ka berita. A mahope iho o ko oukou hoopomaikaiia'na, alaila, e hooko ana ka Makua i ka berita ana i hana mai ai me Aberahama, i ka i ana, Ma kau hua e hoopomaikaiia'ku na ohana a pau o ka honua, ma ka ninini ana o ka Uhane Hemolele ma o'u nei maluna iho o ka poe Genetile, a o

keia pomaikai maluna iho o ka poe Genetile, e hoolilo no ia mea ia lakou i poe ikaika loa mamua o na mea a pau, ma ka hoopuehu aku ana i ko'u poe kanaka, e ko ka hale o Israela; a e lilo auanei lakou i poe hahau i na kanaka o keia aina. Aka hoi, ia lakou e loaa'i kuu euanelio mana a pololei, alaila, ina e hoopaakiki ku e mai lakou i ko lakou mau naau ia'u, e hoihoi hou aku no au i ka lakou mau hala maluna iho o ko lakou mau poo iho, wahi a ka Makua. A e hoomanao no au i ka berita a'u i hana aku ai me ko'u poe kanaka, a ua hana berita aku au me lakou, na'u e houluulu mai ia lakou i kahi hookahi, i ko'u manawa ku pono; i haawi hou aku ai au ia lakou i ka aina o ko lakou poe kupuna, i hooilina no lakou, oia no ka aina o Ierusalem, oia no ka aina pomaikai no lakou no ka wa pau ole, wahi a ka Makua.

10. A eia kekahī, ke hele mai la ka manawa, e haiia'ku ai kuu euanelio mana a pololei ia lakou, a e manaoio mai no lakou ia'u, owau no o Iesu Kristo, ke Keiki a ke Akua, a e pule aku i ka Makua ma ko'u inoa. Alaila e hookiekie no ko lakou poe kiai i ko lakou leo; a me ka leo lakou e hookani pu ai: no ka mea, e ike no lakou he maka no, he maka. Alaila, e houluulu hou pu mai no ka Makua ia lakou, a e haawi aku ia lakou ia Ierusalem i aina hooilina no lakou. Alaila e hookani olioli lakou—e olicli pu oukou, e na wahi neoneo o Ierusalem: no ka mea, ua hoomaha ka Makua i kona poe kanaka, ua hoolapanai oia ia Ierusalem. Ua hoike ka Makua i kona lima hemolele ma na maka o na lahuikanaka a pau: a e ike no na kukulu a pau o ka honua i ka hoola ana o ka Makua; a o ka Makua me au hookahi maua. Alaila e hookoia ka mea i palapalaia, E ala, e ala hou a e aahu i kou ikaika, e Ziona; e komo i kou lole nani, e Ierusalem, ke kulanakauhale laa: no ka mea, ma keia wa aku aole e hele hou iloko ou, ka mea i okipoepoe ole ia a me ka haumia. E lulu oe ia oe mai ka lepo; e ku iluna, a e noho ilalo, e Ierusalem; e wehe oe i na mea paa o kou ai, e ke kaikamahine pio o Ziona. No ka mea, penei wahi a ka Haku, ua knai aku oukou ia oukou iho no ka ole; a e hoolapanaiia auanei oukou me ke kala ole. Oiaio, he oiaio ka'u e olelo aku nei ia oukou, e ike ko'u poe kanaka i ko'u inoa; he oiaio, ia la la e ike no lakou wau no ka mea e olelo ana.

11. Alaila, e i ae lakou, E, nani wale ma na mauna na wawae o ka mea e lawe mai ana i ka olelo maikai ia lakou, ka mea e hoolaha ana i ka malu; ka mea e lawe mai ana i ka olelo maikai o ka olioli ia lakou, ka mea e hoolaha ana i ke ola; ka mea e olelo ana ia Ziona, ke malama au-puni nei kou Akua! Alaila e laha aku kekahī leo, E haalele oukou, e haalcele oukou, e puka aku oukou mawahō olaila, mai hoopa aku i ka mea haumia; e puka aku oukou mailoko aku ona; e huikalaia oukou, e ka poe e halihali ana i na ipu o ka Haku. No ka mea, aole oukou e puka aku me ka holo, aole hoi e hele me ka auhee: no ka mea, e hele no ka Haku imua o oukou; a o ke Akua o ka Israela auanei ko oukou kiai hope. Aia hoi, e hana noiau auanei ka'u kauwa, e hapaiia no hoi ia, a e hookiekie, a e kiekiae loa auanei oia. Me kekahī poe he nui i haohao aì

ia oe; (ua oi aku ka hoomainoinoia'na o kona maka mamua o kekahi kanaka e ae, a o kona helehelena hoi mamua o ko na keiki a kanaka,) pela no oia e pipi ai i na lahuikanaka he nui loa; e hoopaa na'lii i ko lakou mau waha ia ia, no ka mea, e ike auanei lakou i ka mea i hai ole ia'ku ia lakou, a e noonoo pono lakou i ka mea a lakou i lohe ole ai. Oiaio, he oiaio ka'u e olelo aku nei, e hiki oiaio mai ua mau mea nei a pau, me ka ka Makua i kauoha mai ai ia'u. Alaila, e ko ai keia berita a ka Makua i hana berita ai me kona poe kanaka; alaila, e hoonoho hou ia o Ierusalem me ko'u poe kanaka, a e lilo auanei ia i aina hooilina no lakou. A he oiaio ka'u e olelo aku nei ia oukou, ke haawi aku nei au ia oukou i hoailona, i ike ai oukou i ka wa e kokoke ai ke ko ana o ia mau mea, na'u e houluulu i ko'u poe kanaka mai ko lakou hoopuehu loihia ana, e ko ka hale o Israela, a e hookupaa hou aku au i ko'u Ziona mawaena o lakou. Eia ka mea a'u e haawi aku ai ia oukou i hoailona, no ka mea, he oiaio ka'u e olelo aku nei ia oukou, I ka wa a keia mau mea a'u e hai aku nei ia oukou, a me na mea a'u e hai aku ai ma neia hopeaku no'u iho, a ma ka mana o ka Uhane Hemolele hoi, ka mea e haawia mai ia oukou e ka Makua, i ka wa e hoikeia'ku ai ka poe Genetile, i ike lakou no keia lahuikanaka he poe i koe o ko ka hale o Iakoba, a no keia poe kanaka o'u, e hoopuehuia'ku auanei elakou; oiaio, he oiaio ka'u e olelo aku nei ia oukou, i ka wa e hoikeia aku ai keia mau mea ia lakou e ka Makua, a e hoopukaia'i e ka Makua, mai o lakou mai ia oukou, no ka mea, he mea naauao ia i ka Makua e hookupaaia'ku lakou ma keia aina, a e kukuluia i lahuikanaka ku okoa e ka mana o ka Makua, i hiki mai ai keia mau mea mai ia lakou mai i kekahi koena o ka oukou poe hua, i ko ai ka berita a ka Makua, ana i hana berita ai me kona poe kanaka, e ko ka hale o Israela; nolaila, i ka wa a keia mau hana, a me na hana e hanai'a'i ma neia hopeaku mawaena o oukou, e puka mai ai mai ka poe Genetile mai i ka oukou poe hua, ka poe e emi ana iloko o ka hoomaloka no na lawchala; no ka mea, pela e pono ai i ka Makua e puka mai auanei ia mea mai ka poe Genetile mai, i hoike aku ai oia i kona mana i ka poe Genetile, no keia mea, e hiki i ka poe Genetile, ina e hoopaaakiki ole lakou i ko lakou mau naau, ke mihi a hele mai io'u nei, a e bapetizoia ma ko'u inoa, a e ike i na kumu oiaio o ko'u ao ana, i helu pu ia'i lakou mawaena o ko'u poe kanaka, e ko ka hale o Israela; a i ka wa e hiki mai ai keia mau mea, i hoomaka kau poe hua e ike i keia mau mea, he hoailona auanei ia ia lakou, i ike ai lakou ua hoomakaia ka hana a ka Makua ano, ma ka hooko ana i ka berita ana i hana mai ai i ka poe kanaka no ko ka hale o Israela. A i ka wa e hiki mai ai ia la, e hoopaa na'lii i ko lakou man waha; no ka mea, e ike lakou i ka mea i hai ole ia aku ia lakou; a e noonoo pono lakou i ka mea a lakou i lohe ole ai. No ka mea, ma ia la, no'u nei e hana aku no ka Makua i kekahi hana, a he hana nui a kupaianahā auanei ia mawaena o lakou; a aia auanei kekahi poe mawaena o lakou e manaoio ole ia mea, ina e hai aku kekahi kanaka ia mea ia lakou.

Aka hoi, aia ma kuu lima auanei ke ola o ka'u kauwa; nolaila, aole lakou e hocha aku ia ia, e hoomainoinoia nae oia ma o lakou la. E hoola aku nae au ia ia, no ka mea, e hoike aku au ia lakou ua oi aku ko'u naauao mamua o ka maalea o ka diabolo.

12. Nolaila, e hiki mai auanei keia, o ka mea e manaoio ole mai i ka'u mau olelo, owau no o Iesu Kristo no, ka mea a ka Makua e kauoha aku ai ia ia e hoopukaaku i ka poe Genetile, a e haawi aku auanei ia ia i ka mana, nana e hoopukaaku ia mau mea i ka poe Genetile, (a e hanaia auanei ia e like me ka Mose i olelo mai ai,) e hookia'ku auanei lakou maiwenaaku o ko'u poe kanaka, ka poe o ka berita; a o ko'u poe kanaka, ka poe koena o ko ka hale o Iakoba, mawaena auanei lakou o ka poe Genetile, he oiaio, mawaena konu o lakou la, me he liona la mawaena o na holoholona o ka ululaau, me he liona opio la mawaena o na pua hipa, nana, ina e hele oia mawaena, e habi ai ilalo a nahaeiae liili, aole hiki ikekahi ke hoopakele. E hapaiia'ku ko lakou lima maluna iho o ko lakou poe ku e mai, a e hookia'ku ko lakou poe enemi a pau. He oiaio, auwe ka poe Genetile, ke mihi ole lakou, no ka mea, e hiki mai auanei keia ma ia la, wahi a ka Makua, e hookiaku au i kou poe lio mailokoaku ou, a e anaiaku au i kou mau halckaa, a e hookiaku au i na kulanakauhale o kou aina, a e hoohioloaku ilalo i kou mau wahi paa a pau; a e hookiaku au i na hoopipio mailokoaku o kou lima, aole ou poe kilo hou ma ia hopeaku: a e hookiaku au i na kii kalaiia ou, a me kou mau kii akua mawaena konuaku ou; a e hoomana hou oleaku oe i na hana a ko'u mau lima, a e uhukiaku au i na ululaau mawaena konuaku ou: pela hoi au e anaiaku ai i ko'u mau kulanakauhale. A e hiki mai auanei keia, o na wahahhee, a me na hoopunipuni, a me na paonioni, a me na paio, a me na hana maalea a na kahuna pule hoopunipuni, a me na moe kolohe, e hoopauia'ku auanei ia mau mea. No ka mea, e hiki mai keia, wahi a ka Makua, ma ua la la, o na mea e mihi ole a hele ole mai i ka'u Keiki punahele la, e hookiaku au ia lakou mawaenaaku o ko'u poe kanaka, e ko ka hale o Israela; a e kookoaku au i ka hoopai a me ka inaina maluna iho o lakou, me ia maluna iho o ko na aina e, me ka mea a lakou i lohe ole ai.

MOKUNA X.

1. AKA, ina e mihi lakou, a e hoolohe mai i ka'u mau olelo, a hoopaa-kiki ole i ko lakou mau naau, e hookupaaaku au i ko'u ekalesia mawaena o lakou, a e komo mai auanei lakou i ka berita, a e helu pu ia mawaena o keia, ke koena o Iakoba, ia lakou wau i haawiaku ai i keia aina i hooilina no lakou, a e kokua auanei lakou i kou poe kanaka, ke koena no Iakoba; a me ka poe a pau no hoi o ko ka hale o Israela, ka poe e hele mai auanei, i hiki ai ia lakou ke kukulu ikekahi kulanakauhale, e kapaia auanei ia ka Ierusalem Hou; alaila, e kokua no lakou i ko'u poe kanaka, i houluuluia

mai ai lakou, ka poe i hoopuehuia'ku maluna iho o ka ili a pau o ka aina, iloko i ka Ierusalem Hou. Alaila, e iho mai auanei ilalo ka mana o ka lani mawaena o lakou; a owau no hoi kekahia mawaena konu, alaila, e hoomaka ka hana a ka Makua, ma ua la la i ka wa e haiia'ku ai keia euanelio mawaena o ke koena o keia poe kanaka. He oiaio ka'u e olelo aku nei ia oukou, ma ua la la e hoomaka no ka hana a ka Makua mawaena o ka poe i hoopuehuia'ku a pau o ko'u poe kanaka; he oiaio, o na ohana i nallowale, a ka Makua i alakai aku ai mailoko aku o Ierusalem. He oiaio, e hoomaka auanei no ka hana mawaena o ka poe i hoopuchuia'ku a pau o ko'u poe kanaka, me ka Makua, e hoomakaukau ai i ke ala i hiki ai ja lakou ke hele mai io'u nei, i hiki ia lakou ke kahea mai i ka Makua ma ko'u inoa; he oiaio, alaila e hoomaka no ka hana, me ka Makua, mawaena o na lahuikanaka a pau, i ka hoomakaukau ana i ke ala, e hiki ai i kona poe kanaka ke houluuluia i ka aina o ko lakou hooilina. A e puka aku auanei lakou mai na lahuikanaka a pau aku; a e hele ole aku auanei lakou me ka holo, aole hoi me ka auhee: no ka mea, e hele aku au imua o lakou, wahi a ka Makua, a o ko lakou kiai hope no hoi au. Alaila, e ko ai ka mea i palapalaia. E oli oe, e ka mea pa, ka mea i hanan ole: e oli i ke oli, a e hooho nui aku, e ka mea hapai ole i ke keiki; no ka mea, ua nui aku ne keiki a ka mea i neoneo, i na keiki a ka wahine i marcia, wahi a ka Haku. E hoakea aku i kahi o kou halelewa, a e hoopalahalaha hoi lakou i na paku o kou mau wahi e noho ai; mai hoouuku, e hooloihi aku i kou mau kaula, a e hooikaika i kou mau makia; no ka mea, e poha aku auanei oe ma ka lima akau a ma ka lima hema; a e ili mai ka poe Genetile na kau poe hua, a ia lakou no e hoonohoia na kulanakauhale neoneo. Mai makau oe, no ka mea, aole oe e hilahila; mai hoopalaimaka hoi: no ka mea, aole oe e hoohilahilaia: no ka mea, e hoopoina no oe i ka hilahila o kou wa opipio, a e hoomanao ole i ka hoinoia o kou wa opipio, a e hoomanao hou ole hoi i ka hoinoia o kou noho wahine kane make ana. No ka mea, o ka mea nana oe i hana, o kau kane, o ka Haku o na Lehulehu kona inoa; a o kou Hoolapanai, o ka Mea Hemolele ia o ka Iserala; e kapaia auanei oia, o ke Akua o ka honua a pau. No ka mea, ua hea aku ka Haku ia oe, me he wahine la i haaleleia a kaumaha hoi ma ka uhane, a he wahine hoi o ka wa opipio, i kou wa i hoolejia'i, wahi a ke Akua ou. No ka manawa uuku, ua haalele aku au ia oe; aka me na lokomaikai he nui loa, e hoiliili aku ai au ia oe. I ka hahu uuku huna no au i ko'u maka ia oe no kekahia minute; aka, me ke aloha man loa, e lokomaikai aku ai au ia oe, wahi a ka Haku, kou Hoolapanai. No keia mea, o na wai o Noa ia'u, no ka mea, me a'u i hoohiki ai, aole e hoohalana hou na wai o Noa i ka honua, pela no wau i hoohiki ai, aole au e hahu aku ia oe. No ka mea, e filo auanei na mauna, a e hooneeneeia na puu; aka, aole e lilo aku ko'u lokomaikai mai ou aku, aole hoi e hooneeneeia ka berita a ko'u poe kanaka, wahi a ka Haku, ka mea i aloha mai ia oe.

2. E ka mea popilikia i hooleileia me ka makani ino, aole hoi i hoolu-

oluia! aia hoi, e hoonoho no wau i kou mau pohaku me na pena maikai, a o kou mau kumu me na pohaku sapeiro. A e hana no wau i kou mau puka makani i na agate, a me kou mau pukapa i mau pohaku ula maikai loa, a me kou mau mokuna a pau i pohaku maikai. A e aoia no hoi kan mau keiki a pau e ka Haku; a e nui loa auanei ka maluhia o kau mau keiki. Ma ka pono no oe e hookumua'i, e mamao aku oe i ka hookaumaha Iwale; no ka mea, aole oe e makau ana, a i ka weliweli hoi; no ka mea, aole e hookokoke mai ia ia oe. Aia hoi, e houluulu ku e io mai lakou ia oe, aole ma o'u nei; o ka mea houluulu ku e aku ia oe, e hoohauleia auanei oia nou. Aia hoi, na'u no i hana i ka amara nana e puhi i ka lanahu i ke ahi, a i hoopuka mai ai i mea hana no kana hana; a na'u hoi i hana i ka mea make e make ai. O na mea hoeha a pau i hanaia e ku e ia oe, aole o lakou pomaikai; a o na elelo a pau e ala mai e hoohewa ku e ia oe, nau no ia e hoohewa aku. Oia ka hoolilina o na kauwa a ka Haku, a na'u hoi ko lakou pono, wahi a ka Haku. Ano hoi, ke olelo aku nei au ia oukou, he mca e pono ai no oukou e imi i keia mau mea. He oiaio, he kauoha ka'u e haawi aku nei ia oukou, na oukou e imi ikaika i keia mau mea; no ka mea, ua nani na olelo a Isaia. No ka mea, he oiaio, olelo mai la oia no na mea a pau no ko'u poe kanaka o ko ka hale o Israela, nolaila, he mea e pono ai nana e olelo aku hoi i ka poe Genetile. A o na mea a pau ana i olelo mai ai, ua hiki mai a e hiki mai ana, e like io me na olelo ana i olelo mai ai. Nokila, e hoolohe mai i ka'u mau olelo, e kakau i na mea a'u i olelo aku ai ia oukou; a e like me ka manawa a me ka make-make o ka Makua, e hele aku auanei ia mau mea i ka poe Genetile. A o ka mea e hoolohe ana i ka'u mau olelo, a e mihi, a e bapctizioa, oia ke hoolaia. E imi i ka ka poe kaula, no ka mea, ua nui loa na mea e hoike mai ana no ua mau mea nei.

3. Ano, eia kekahī, ia Iesu i olelo mai ai i keia mau olelo, i hou mai la oia ia lakou, mahope iho o kona wehewehe ana i na palapala hemolele a pau ia lakou, a lakou i loaa ai, i mai la oia ia lakou, Aia hoi, he mau olelo hemolele e ae ka'u e makemake nei na oukou e palapala, i loaa ole ai ia oukou. A eia kekahī, i mai la oia ia Nepai, E lawe mai i ka mooolelo a oukou i malama'i. A ia Nepai i lawe mai ai i na mooolelo, a waiho iho la ia mau mea imua ona, alawa ae la oia i kona mau maka ma ia mau mea, a i mai la, He oiaio ka'u e olelo aku nei ia oukou, kauoha aku la au i ka'u kauwa Samuelā, ka Lamana, nana e hoike aku i keia poe kanaka, ma ka a a ka Makua i hoonani mai ai i kona inoa iloko o'u, ua nui no ka poe hoano e ala ana mai ka make mai, a e ike a e na mea he nui wale, a e lawelawē akū ia lakou. A i mai la oia ia lakou, Aole anei peia? A olelo akū la kana poe haumana ia ia, a i aku la, He oiaio, e ka Haku e, wanana mai la o Samuelā e like me ka'u mau olelo, a ua ko mai la ia mau mea a pau. A i mai la o Iesu ia lakou, Heaha la ko oukou mea i palapala ole ai i keia mea, Ua ala mai la na mea hoano he nui a ike a kekahī poe he nui wale, a lawelawē mai la ia lakou? A eia kekahī, hoomanao iho la o Nepai ua

palapala ole ia keia mea. A eia kekahī, kauoha mai la o Iesu, e palapalaia ia mea; nolaila, ua palapalaia ia mea me ia i kauoha mai ai.

MOKUNA XI.

1. Ano, eia kekahī, ia Iesu i wehewehe mai ai i na palapala hemolele a pau a lakou i palapala ai i hookahi, kauoha mai la oia ia lakou, e aoaku lakou i na mea ana i wehewehe mai ai ia lakou. A eia kekahī, kauoha mai la oia ia lakou, e palapala iho i na olelo a ka Makua i haawi mai ai ia Malaki, ana e hai mai ai ia lakou. A eia kekahī, mahope iho o ka palapalaia'na o ia mau mea, wehewehe mai la oia ia mau mea. A eia nbolelo ana i hai mai ai ia lakou, i ka i ana, peneia wahi a ka Makua ia Mālaki, Aia hoi, e hoouna auanei au i ko'u eiele, a nana e hoomakaukau i ko'u alannui imua o'u, a e hiki wawe mai auanei ka Haku, a oukou e inni nei i kona luakini, oia ka elele o ka berita, o ka mea a oukou e olioli nei; aia hoi, e hele mai auanei ia, wahi a ka Haku o na Lehulehu. Aka, owai ke hoomanawanui i ka la o kona hiki ana mai? A owai hoi ke ku paa i kona ikeia ana? No ka mea, ua like ia me ke ahi o ka mea hoohehee, a me ka sopa o ka mea hoomaemae. A e noho ia me he mea hoohehee a me ka hoomaemae i ke kala: a e hoomaemae ia i na keiki a Levi, a e holoi ia lakou e like me ke gula a me ke kala, i mohai aku ai lakou i ka mohai iloko o ka pono i ka Haku. Alaila, e oluolu ka mohai ana a ka Iuda a me ka Ierusalemia i ka Haku, e like me ia i na la kahiko, a i na makahiki mamua. A e hele aku no au a kokoke io oukou la e hooko i ke kanawai; a e lilo au i hoike hiki wawe e ku e aku i ka poe anaana, a me na moe kolohe, a i na mea hoohiki wahahnee, a me ka poe hooluhi hewa i ka mea hoolimalima ma kana uku, a i ka wahinekanemake, a me ke keiki makua ole, a i hoohuli ae i ka malihini, aole hoi makau ia'u, wahi a ka Haku o na Lehulehu. No ka mea, owau no ka Haku, aole au lauwili; nolaila, aole oukou i hoopania, e na mamo a Iakoba.

2. Mai na la mai o ko oukou poe kupuna, ua haalele oukou i ko'u mau kanawai, a ua malama ole ia mau mea. E hoi hou mai oukou io'u nei, ai e hoi hou aku au io oukou la, wahi a ka Haku o na Lehulehu. Aka, olelo mai la oukou, Ma ke aha makou e hoi hou aku ai?

3. E hao anei ke kanaka i ke Akua? Aka, ua hao mai oukou ia'u. Aka, ke ninau mai nei oukou, Ma ke aha ka makou e hao aku ai ia oe? Ma na hapaumi o ka waiwai, a me na mohai. Ua hoopoinoia oukou me ka poino, no ka mea, ua hao mai oukou ia'u, o keia lahuikanaka a pau. E lawe mai na waiwai hapaumi a pau iloko o ka hale ahu waiwai, i ai maloko o ko'u hale, a hoao mai oukou ia'u ma ia mea, wahi a ka Haku o na Lehulehu, i wehe ai paha au i na puka o ka lani, a e ninini iho i ka po maikai ia oukou, a pau na wahi o oukou, aohe koe. A no oukou au e papaaku ai i ka mea hokai, a e hoopau ole ai ia i ka hua o ko oukou aina;

aole hoi e hoohua hewa mai ko oukou kumuwaina, i kona hua mamua o ka wa pono ma na mala, wahi a ka Haku o na Lehulehu. A e kapa mai auanei na lahuikanaka a pau ia oukou, he pomaikai, no ka mea, he aina i makemakeia auanei oukou, wahi a ka Haku o na Lehulehu.

4. Ua oolea ka oukou mau olelo ku e mai ia'u, wahi a ka Haku. Ke olelo mai nei nae oukou, penei, Heaha ka makou i olelo ku e ai ia oe? Ua olelo oukou, ua make hewa ka malama i ke Akua, a heaha hoi'ka pomai-kai i ko kakou malama ana i ka mea ana i kauoha mai ai, a i ka hele kaumaha hoi imua o ka Haku o na Lehulehu. A, ano ke kapa nei kakou i ka poe hookiekie, he pomaikai; he oiaio, ua kukulua'e iluna ka poe hana ino; he oiaio, ua hoopakeleia hoi ka poe hoao i ke Akua.

5. Alaila, o ka poe makan i ka Haku, kamailio pinepine pu iho la lakou kekahia i kekahia, a haliu mai la ka Haku, a hoolohe mai la; a ua ka-kauia ka buke hoomanao imua ona no lakou, no ka poe makau i ka Haku. a hoomanao hoi i kona inoa. No'u auanei lakou, wahi a ka Haku o na Lehulehu, i ka la a'u e ahu iho ai i kuu waiwai; a e hoola au ia lakou, e like me ka hoola ana o ke kanaka i kana keiki nana ia i malama. Alaila, e hoi hou mai oukou a e hoomaopopo iwaena o ka poe pono a o ka poe hewa, iwaena hoi o ka mea malama i ke Akua, a o ka mea malama ole ia ia No ka mea, aia! ke hele mai la ka la e enaena ana me he umu ahi la; a o ka poe hookiekie a pau, a me ka poe hana ino a pau, he mauu lakou: a e hoopau ua la la e hiki mai ana ia lakou, wahi a ka Haku o na Lehulehu, a e waiho ole ia i aa no lakou, aole hoi lala.

6. Aka, no oukou ka poe weliweli i ko'u inoa, e ala mai no auanei ke Keiki a ka pono me ke ola ma kona mau eheu; a e hele aku oukou, a e ulu ae e like me na bipi keiki i kupaluia. A e hehi iho ilalo oukou i ka poe aia; no ka mea, e lilo lakou i lehu malalo iho o ko oukou mau wawae, i ka la a'u e hana'i i keia, wahi a ka Haku o na Lehulehu. E hoomanao oukou i ke kanawai o Mose, o kuu kauwa, a'u i kauoha aku ai ia ia ma Horeba, no ka Israela a pau, me na kanawai a me na olelo hopono. Aia hoi, e hoouna aku no au ia Elia ke kaula io oukou la, mamua o ka hiki ana o na la nui weliweli la o ka Haku; a e hoohuli ae oia i ka naau o na makua i na keiki, a me na naau o na keiki i ko lakou mau makua, o hele aku auanei au, a e hahau i ka honua i ka poino.

7. Auo, eia kekahia, ia Jesu i hai mai ai i keia mau mea, wehewehe mai la oia ia mau mea i na kanaka, a wehewehe mai la oia i na mea a pau ia lakou, o na mea nui a me na mea uuku no hoi. A i mai la oia, O keia mau olelo hemolele i loaa ole ai ia oukou, oia ka ka Maknai kauoha mai ai ia'u e haawi aku ia oukou, no ka mea, he mea naauao ia ia, e haawi'a'ku ua mau mea nei i na hanauma e hiki mai ana. A wehewehe mai la oia i na mea a pau, oia, mai kinohi a hiki aki i ka wa ana e hele mai ai ma kona nani; he oiaio, o na mea a pau e hiki mai ana maluna ihō o ka ili o ka honua, a hiki aki i ka manawa e hehee wale ai na kumu mua me ka wela loa o ke ahi, a e owlili pu ia ka honua me he pepa la, a e hala aki na lani a me ka honua;

a hiki loa aku i ka la nui hope, i ka wa e ku ai na kanaka a pau, a me na ohana a pau, o ko na aupuni a me na olelo a pau imua o ke Akua, e hoo-kolokoloia no ka lakou mau hana, ina paha he maikai ia mau mea, ina paha he ino; ina he maikai ia mau mea, i ke alahouana o ke ola mau loa; a ina he ino ia mau mea, i ke alahouana o ka poino, i kau like ia lana, kekahih ma kekahih lima, a kekahih hoi ma kekahih lima, e like me ke aloha, a me ka pololei, a me ka hemolele iloko o Kristo, mamua oia o ka hoomaka ana o ke ao nei.

MOKUNA XII.

1. **A**no, aole e hiki ke palapalaia ma keia buke, ka hapa-haneri o na mea a Iesu i ao oiaio mai ai i na kanaka; aka hoi, aia no iloko o na papa a Nepai ka nui lea o na mea ana i ao mai ai i ka poe kanaka; a o keia mau mea ka'u i palapala ai, oia ka hapa uuku o na mea ana i ao mai ai i ka poe kanaka; a ua palapala aku au ia mau mea me ka manao, e lawe hou ia mai ia mau mea i keia poe kanaka, mai ka poe Genetile mai, e like me na olelo a Iesu i olelo mai ai. A ia lakou e loaa'i keia, a he mea e pono ai e loaa mua ai ia ia lakou, e hoao i ko lakou manaoio, a ina paha e manacio auanei lakou i ua mau mea nei, alaila, e hoikeia'ku auanei na mea nui ae ia lakou. A ina paha aole lakou e manaoio i ua mau mea nei, alaila, e auaiia auanei na mea nui ae ia lakou, i ko lakou hoohewaia'na. Aia hoi, ua kokoke au e kakau iho ia ma'u mea a pau i kahakahaia ai maluna iho o na papa a Nepai, aka, papa mai la ka Haku ia mea, i ka i ana, E hoao aku au i ka manaoio o ko'u poe kanaka; nolaila, ke kakau nei ewau, o Moramona, i na mea i kauohaia mai ai ia'u e ka Haku. Ano, ke hoopau aku nei ewau, o Moramona, i ka'u mau olelo, me ka hoomaka e kakau i na mea i kauohaia mai ai ia'u; nolaila, ke makemake nei au e ike oukou, ua ao oiaio mai la ka Haku i ka poe kanaka, no na la ekolu; a mahope mai o ia wa, hoike pinepine mai la oia ia ia iho ia lakou, a wawa-hi pinepine ae la i ka berena, a hoopomaikai iho la ia, a haawi mai la ia mea ia lakou.

2. A eia kekahih, ao mai la oia, a lawelawe mai la i na keiki a ka poe kanaka i'olelo e ta'i mamua, a wehe mai la ia i na elelo o lakou, a olelo ae la lakou i ko lakou mau maknakane i na mea nui a kupanaha, he oiaio, i na mea oi aku mamua o kana i hoike mai ai i na kanaka, a wehe mai la i ko lakou mau elelo i hiki ai ia lakou ke ckemu ae. A eia kekahih, mahope mai o kona pii ana iloko o ka lani, i ka lua o ka manawa ana i hoike mai ai ia ia iho ia lakou, a ua hele aku la i ka Makua la, mahope mai o ka hoola ana i ko lakou poe mai a pau, a me ko lakou poe oopa, a o ka hoo-kaakaa ana i na maka o ko lakou poe makapo, a o ka hoohamama ana i na pepeiao o ka poe kuli, a i hana i na ano a pau o ka hoola mawaena o lakou, a hoola ae la i kekahih kanaka mai ka make mai, a heike mai la i

kona mana ia lakou, a pii ae la i ka Makua la, aia hoi, ia la ae, hoakoakoa mai la na kanaka ia lakou iho i kahi hookahi, a ike aku la lakou a lohe ae la no hoi i ua poe keiki nei; he oiaio, oaka ae la na keiki uuku i ko lakou mau waha, a hai ae la i na mea kupanaha; a o na mea a lakou i hai ae ai na papaia, i ole ai kekahi kanaka e kakau ia mau mea. A eia kekahi, hoomaka ae la ka poe haumana a Iesu i wae mai ai, ma ia hope iho e bapetizo aku, a e ao aku i ka poe a pau i hele mai io lakou la; a o ka poe a pau i bapetizoia ma ka inoa o Iesu, ua hoopihaiia mai me ka Uhane Hemolele. A ua nui no ka poe o lakou i ike a i lohe hoi i na mea hiki ole ke ekemua, aole hoi ku i ke kanawai ke kakauia aku; a ao aku la lakou, a lawelawe hoi kekahi i kekahi; a hui pu ia ka lakou mau mea a pau mawaena o lakou, e hana ana kela kanaka keia kanaka me ka pololei, kekahi me kekahi. A eia kekahi, hana iho la lakou i na mea a pau, me Iesu i kauoha mai ai ia lakou. A o ka poe i bapetizoia ma ka inoa o Iesu, ua kapai a lakou, ka ekalesia o Kristo.

3. A eia kekahi, i ka wa e hele ana ka poe haumana a Iesu a e hai ana i na mea a lakou i lohe ai a i ike ai hoi, a e bapetizo ana ma ka inoa o Iesu, hiki mai keia, na houluuluia mai ka poe haumana i kahi hookahi, a ua huiia ma ka pule ikaika a me ka hookeai. A hoike hou mai la o Iesu ia ia iho ia lakou, no ka mea, e pule ana lakou i ka Makua, ma kona inoa; a hele mai la o Iesu a ku iho la mawaena konu o lakou, a olelo mai la ia lakou, Heaha ka oukou makemake a'u e haawi aku ai ia oukou; a iaku la lakou ia ia, E ka Haku e, ke makemake nei makou nau e hai mai ia makou i ka inoa a makou e kapa ai i keia ekalesia; no ka mea, aia no na hoopaapaa ana mawaena o na kanaka no keia mea. A i mai la ka Haku ia lakou, Oiaio, he oiaio ka'u e olelo aku nei ia oukou, heaha la ka na kanaka mea e ohumu ai a e hoopaapaa ai no keia mea? Aole anei lakou i heluhelu i na palapala hemolele, e olelo ana, he mea e pono ai no oukou e lawe maluna o oukou i ka inoa o Kristo, oia no hoi ko'u inoa? No ka mea, ma keia inoa oukou e kapai a mai ai ma ka la hope; a o ka mea e lawe ana maluna iho ona i ko'u inoa, a e hoomau ana i ka hopena, oia ke hoolaia ma ka la hope; nolaila, o kela mea keia mea a oukou e hana'i, e hana oukou ia mea ma kuu inoa; nolaila, e kapa no oukou i ka ekalesia ma ko'u inoa; a e kahea aku oukou i ka Makua ma ko'u inoa, nana e hoo-pomaikai mai i ka ekalesia no'u nei; a pehea la ko'u ekalesia ia, ke kapa ole ia ia ma ko'u inoa? No ka mea, ina e kapai akekahi ekalesia ma ko Mose inoa, alaila, o ko Mose ekalesia no ia: a, ina e kapai a ia ma ka inoa o kekahi kanaka, alaila, he ekalesia ia no kekahi kanaka: aka, ina e kapai a ia ma ko'u inoa, alaila, o ko'u ekalesia no ia, ina paha e kukuluia lakou maluna o ko'u euanelio. He oiaio ka'u e olelo aku nei ia oukou, ua kukuluia oukou maluna o ko'u euanelio; nolaila, e kapa aku oukou i na mea a oukou e kapa aku ai, ma ko'u inoa; nolaila, ina e hea aku oukou i ka Makua, no ka ekalesia, ina ma ko'u inoa ia, alaila, e hoolohe mai no ka Makua i ka oukou; a ina paha e kukuluia ka ekalesia ma ko'u euanelio,

alaila, e hoike mai no ka Makua i kana mau hana iho iloko o ka ekalesia; aka, ina aole kukuluia ia maluna o ko'u euanelio, a ua kukuluia maluna iho o na hana a kanaka, a i ole ia, maluna iho o na hana a ka diabolo, he oiaio ka'u e olelo aku nei ia oukou, he lealea ka lakou ma ka lakou hana no kekahia manawa, a mahope e hiki ana ka hopena, a kuaia lakou ilalo a hooleia'ku iloko o ke ahi, kahi e hiki ole ai ke hoi mai mailaila mai; no ka mea, e hahai ana ka lakou mau hana ia lakou, no ka mea, no ka lakou mau hana lakou i kuaia'i ilalo; nolaila, e hoomanao i na mea a'u i haiaku ai ia oukou. Aia hoi, ua haawi aku au i ko'u euanelio ia oukou, a eia ka euanelio a'u i haawi aku ai ia oukou, I hele mai au iloko o ke ao nei e hana i ka makemake o ko'u Makua, no ka hoouna ana o ko'u Makua ia'u; a hoouna mai la ko'u Makua ia'u, i hiki ia'u ke kaulia'e maluna o ke kea; a mahope iho o ko'u kaulia'na maluna o ke kea, i hiki ai ia'u ke kauo mai i na kanaka a pau io'u nei; e like me au i hookickicia'i iluna e na kanaka, pela hoi na kanaka e hookickieia'i iluna e ka Makua, e ku imua o'u, e hookolokoloia no ka lakou mau hana, ina paha he maikai ia mau mea, ina paha he ino; a no keia kumu wau i kaulia'i iluna; nolaila, e like me ka mana o ka Makua, e kauo mai auanei au i na kanaka a pau io'u nei, e hookolokoloia'i lakou e like me ka lakou mau hana.

4. A e hiki mai auanei keia, o ka mea e mihi a e bapetizoia ma ko'u inoa, e hoopihai a auanei ia; a ina e hoomau oia a hiki i ka hopena, aia hoi, oia ka'u e hoohewa ole ai imua o ko'u Makua, ma ua la la ia'u e ku ai e hookolokolo i ko ke ao nei. A o ka mea e hoomau ole ana a hiki i ka hopena, oia ke kuaia no hoi ilalo, a hooleia'ku iloko o ke ahi, kahi e hiki ole ai ia lakou ke hoi mai mailaila mai, no ka hoopai o ka Makua; a oia no ka olelo ana i haawi mai ai i na keiki a kanaka. A no keia kumu ke hooko nei oia i na olelo ana i haawi mai ai, a ke wahabee ole nei oia, aka ke hooko mai nei i kana mau olelo a pau; a, aole e hiki i kekahia mea paumaele ke komo iloko o kona aupuni; nolaila, aohe mea e komo ana i kona maha, ke ole ka poe nana i holoi i ko lakou mau aahu i ko'u koko, no ko lakou manaoio, a me ka mihi i ko lakou mau hewa a pau, a me ko lakou malama pono a hiki i ka hopena. Ano, eia ke kauoha, e mihi oukou, e ko na wellau o ka honua, a e hele mai io'u nei, a e bapetizoia ma ko'u inoa, i hoomaemaeia'i oukou ma ka loaa ana ka Uhane Hemolele, i ku kina ole ai oukou imua o'u ma ka la hope. Oiaio, he oiaio ka'u e olelo aku nei ia oukou, oia no ko'u euanelio; a ua ike oukou i na hana na oukou e hana'i ma ko'u ekalesia; no ka mea, o na hana a oukou i ike mai ai ia'u e hana ana, oia no ka oukou hoi e hana'i; no ka mea, o ka mea a oukou i ike mai ai ia'u e hana ana, oia hoi ka oukou e hana'i; nolaila, ina e hana oukou i keia mau mea, pomaikai oukou, no ka mea e hookickieia'e oukou iluna ma ka la hope.

MOKUNA XIII.

1. E KAKAU iho i na mea a oukou i ike ai a i lohe ai, a koe nae ua **mau** mea la i papaia; e kakau iho i na hana a keia poe kanaka, e like auanei ia me ka mea i kakau e ia no na mea i hala aku; no ka mea hoi, noloko **mai**, o na buke i kakau e ia, a e kakauia auanei no hoi, e hookolokoloia'i auanei keia poe kanaka, no ka mea, ma o ua mau mea la e ikeia'i auanei **ka** lakou mau hana e na kanaka. A, aia hoi, ua kakauia na mea a pau e **ka** Makua; nolaila, noloko mai o na buke e kakauia e hookolokoloia'i auanei ko ke ao nei. A e ike oukou e lilo auanei oukou i poe lunakanawai o keia poe kanaka, e like me ka hoopono a'u e haawi aku ai ia oukou, a he polo-lei ia; nolaila, ea, heaha-la ko oukou ano e pono ai? He oiaio **ka'u** e olelo aku nei ia oukou, e like me au nei. Ano, ke hele nei au i ka Makua la. A he oiaio **ka'u** e olelo aku nei ia oukou, o na mea a oukou e noi aku ai i ka Makua, ma ko'u inoa, e haawiia mai ia ia oukou; nolaila, e noi, a e loaa no ia oukou; e kikeke, a e weheia ia ia oukou: no ka mea, o ka mea e noi ana, e haawiia'na nana, a i ka mea kikeke, e wehiia nona. Ano hoi, ua nui ko'u olioli, a hiki i ka piha ana, no oukou a me keia hanauna hoi; he oiaio, a ke hauoli nei no hoi ka Makua, a me na anela hemolele a pau no hoi, no oukou a me keia hanauna: no ka mea, aole i lilo kekahio lakou. Aia hoi, ke makemake nei au e hoomaopopo oukou; no ka mea, no ka poe e ola nei, i keia manawa, o keia hanauna ka'u e olelo nei; a, aole i lilo kekahio lakou; a iloko o lakou he piha ko'u o ka olioli. Aka hoi, ua kau-maha au no ka ha o ka hanauna mai keia hanauna aku, no ka mea, ua ala-kai pio ia'ku lakou e ia, e like hoi me ke keiki no ka make; no ka mea, e kuai lakou ia'u no ke kala, a no ke gula, a no na mea e hoinoia e ka mu, a me na mea hoi a na aihue e hiki ai ke wawahia a ke aihue. A ma kela la e hoopai aku au ia lakou, ma ka hoohuli ana i ka lakou mau hana ma-luna iho o ko lakou mau poo iho.

2. A eia kekahio, ia Iesu i hoopau ai i keia mau olelo, i **mai** la oia i kana poe haumana, E komo ae oukou ma ka puka pilikia; no ka mea, he pilikia ka puka, a ololi hoi ke ala e hiki aku ai i ke ola, a kakaikahi wale ka poe loaa ia; aka, he akea ka puka, a he palahalaba hoi ke ala e hiki aku ai i ka make, a ua nui wale hoi ka poe e hele iloko olaila, a hiki aku i ka wa e hiki mai ai ka po, ka manawa e hiki ole ai i kekahio kanaka ke hana.

3. A eia kekahio, ia Iesu i olelo mai ai i kcicia mau olelo, olelo pakahi mai la oia i kana poe haumana, me ka i mai ia lakou, Heaha ka oukou e makemake mai nei ia'u mahope aku o ko'u hele ana i ka Makua la? A olelo aku la lakou a pau, koe ekolu, Ke makemake nei makou, mahope iho o ko makou ola ana i ke ola o kanaka, e pau ka makou hana ana, ma ka mea au i kabea mai ai ia makou, e hiki ia makou ke hele emo ole iou la, iloko o kou aupuni. A i mai la oia ia lakou, Pomaikai oukou, no ko oukou noi ana i keia mau mea ia'u; nolaila, mahope iho o ke kanahikukumamalua e ko oukou mau makahiki, e hele mai oukou io'u nei ma ko'u aupuni, a me

au nei e loaa ia oukou ka maha. A ia ia i olelo mai ai ia lakou, nuli ae la oia i na mea ekolu, a i mai la ia lakou, Heaha la ko oukou makemake na'u e hana aku ia oukou, ia'u e hele aku ai i ka Makua la? A kaumaha iho la lakou ma ko lakou mau naau, no ka mea, aole lakou i aa aku e olelo aku ia ia i ka mea a lakou i makemake ai. A i mai la oia ia lakou, Aia hoi, ua ike au i ko oukou mau manao, a na makemake oukou i ka mea a Ioane, kuu mea aloha, ka mea i noho pu me a'u ma ka'u oihana, mamua o ko'u kaulia ana e ka poe Iudaio, i makemake mai ai ia'u; nolaila, pomaikai nui ae oukou, no ka mea, aole loa oukou e hoao i ka malke, aka e ola no oukou e ike i na hana a pau a ka Makua, i na keiki a kanaka, a hiki aku i ka wa e pau loa na mea i ka hookoia, e like me ka makemake o ka Makua, i ka wa a'u e hele mai ai iloko o ko'u nani, me na mana o ka lani; a, aole loa oukou e loaa na elha o ka maka; aka, i ka wa a'u e hele mai ai ma ko'u nani, e hoomaluleia oukou ma ka amo ana o ka maka, mai ka palaho i ka palaho ole: alaila, e hoopomaikaiia oukou ma ke aupuni o ko'u Makua. A eia hou, aole e loaa ia oukou ka elha oiai oukou e noho ai ma ka io, aole hoi kaumaha, koe no na hala o ko ke ao nei wale no: a o keia a pau ka'u e hana'i no ka mea a oukou i makemake mai ai ia'u, no ka mea, ua makemake oukou e kai mai oukou i na uhane o na kanaka io'u nei, oiai ka honua e ku ana; a no keia mea e loaa auanei ia oukou ka piha o ka olioli; a e noho iho ilalo auanei oukou ma ke aupuni o ko'u Makua; he oiaio, e piha auanei ko oukou olioli, e like me ka Makua i haawi mai ai ia'u i ka piha o ka olioli; a e like auanei oukou me au nei, a ua like hoi owau nei me ka Makua; a o ka Makua me au nei hookahi maua; a ke hoike aku nei ka Uhane Hemolele no ka Makua a me au nei; a ke haawi nei ka Makua i ka Uhane Hemolele i na keiki a kanaka, no'u nei.

4. A eia kekahī, ia Iesu i olelo mai ai i keia mau olelo, hoopā mai la oia i kela mea i keia mea o lakou me koua manamana lima, koe na mea ekolu wale no, ka poe e kali ana, alaila, hele aku la ia. A, aia hoi, ua hoo-hamamaia'e la na lani, a ua laweia'ku la lakou iluna iloko o ka lani, a ike ae la a lohe ae la i na mea e hiki ole ai ke pane ae. A ua papaia lakou mai ekemu aku; aole hoi haawiia ia lakou ka mana, e hiki ia lakou ke ekemu aku i na mea a lakou i ike ai a i lohe ai, a ina paha iloko o ke kino lakou, iwaho o ke kino paha, aole o lakou i ike; no ka mea, i ka ike ana iho o lakou ua like me ka hoopahaohaoia'na o lakou, i hoomaluleia'i lakou mai keia kino o ka io, i ka noho palaho ole ana, i hiki ia lakou ke ike i na mea o ke Akua. Aka, eia kekahī, lawelawē hou ae la lakou ma ka ili o ka honua; aole nae lakou i lawelawē no na mea a lakou i lohe ai a i ike ai, no ke kauoha i haawiia mai ai ia lakou ma ka lani. Ano, ina he palaho paha, a he palaho ole paha, mai ka la aku o ko lakou hoopahaohaoia'na, aole au i ike; aka, eia ka'u i ike, e like me ka mooolelo i haawiia mai, hele aku la lakou ma ka ili o ka aina, a lawelawē ae la i na kanaka a pau, a e hui pu ana i ka poe a pau i manaoio ma ka lakou hai olelo ana i ka eklesia; e bapetizo ana ia lakou; a o ka poe a pau i bapetizoia, loaa iho la ia

lakou ka Uhane Hemolele; a ua hooleiia lakou iloko o ka halepaahao e ka poe i hui ole ia me ka ekalesia. A na hiki ole i na halepaahao ke hoo-paa ia lakou, no ka mea, ua nahahaia ia mau mea iwaena konu, a ua hoo-hiolioa ilalo i ka honua. Aka hahau aku la lakou i ka honua me ka olelo a ke Akua, a ua hoopakeleia lakou ma o kona mana la mawaho o na honu o ka honua; a, nolaila, na hiki ole ia lakou ke eli i na lua lawa ke hoopaa ia lakou. A ekolu ko lakou hooleiia ana iloko o ka umu ahi, a loaa ole ia lakou kekahihaha. A elua ko lakou hooleiia ana iloko o ka lua holoholona hilihiu; a, aia ka, paani ae la lakou me na holoholona, e like me ke keiki me kekahihaha keiki hipa ai waiu, a loaa ole ia lakou kekahihaha. A eia kekahihaha, pela lakou i hele aku ai mawaena o ka poe kanaka a pau o Nepai, a hai ae la i ka euanelio o Kristo i na kanaka a pau maluna iho o ka ili o ka aina; a ua hoohulihia lakou i ka Haku, a ua hui pu ia me ka ekalesia o Kristo, a pela i hoopomaikaiia'i ka poe kanaka o ua hanaunala, e like me ka olelo a Iesu. Ano, ke hoopau nei owau, o Moramona, i ka'u olelo ana no keia mau mea, no kekahihaha manawa. Aia hoi, ua kokoke au e kakau i na inoa o ua poe la, ka poe e hoao o e loa ai i ka make; aka papa mai la ka Haku, nolaila, ke kakan ole nei au ia mau mea, no ka mea, ua hunaia ia mau mea mai ko ke ao nei ae. Aka hoi, ua ike au ia lakou, a ua lawelawe mai lakou ia'u; a, aia hoi, mawaena auanei lakou o ka poe Genetile, a e hoomaopopo ole ana ka poc Genetile ia lakou. Mawaena au-nei no hoi lakou o ka poc Iudaio, a e hoomaopopo ole ka poc Iudaio ia lakou.

5. A e hiki mai auanei keia, i ka wa a ka Haku e manao ai he pono ma kona naauao, na lakou e lawelawe aku i na ohana hoopuehuia a pau o Iseraela, a i ko na aupuni a pau, a me na ohana, a i na olelo a me na kanaka, a e lawe mai noloko mai o lakou io Iesu la i na uhane he nui wale, i ko ai ko lakou makemake, a no ka mana o ke Akua iloko o lakou i ka hoomaopopo ana aku; a me he mau anela la lakou o ke Akua, a ina e pule aku lakou i ka Makua ma ka inoa o Iesu, ua hiki ia lakou ke hoike mai ia lakou iho i kela kanaka keia kanaka a lakou i makemake ai; nolaila, e hanaia auanei na hana nui a kupanaha e lakou, mamua o ka la nui e hiki mai ana, i ka wa a na kanaka a pau e ku oiaio ai imua o ka noho hookoloko o Kristo; he oiaio, mawaena o ka poc Genetile e hanaia auanei he hana nui a kupanaha e lakou, mamua o ua la hookoloko la. A ina ua loaa ia oukou na palapala hemolele a pau, e hoike ana i ka mooolelo o na hana kupanaha a pau a Kristo, alaila, e ike oukou, e like me na olelo a Kristo, e hiki oiaio mai ua mau mea nei e pono ai. A auwe ka mea nana e hoolohe ole i na olelo a Iesu, a me ka ka poe no hoi ana i wae mai ai a hoouna aku mawaena o lakou, no ka mea, o ka mea e hookipa ole ana i, na olelo a Iesu, a me na olelo a ua poe la ana i hoouna ai, e hookipa ole ana lakou ia ia; a nolaila, e hookipa ole oia ia lakou ma ka la hope; a e aho no lakou ina aole lakou i hanaia mai. No ka mea, ke manao nei anei oukou ua hiki ia oukou ke pakele i ka hoopai o ke Akua i hoonaukiukuia, ka mea i hehiia ilalo o na wawae o na kanaka, i hiki mai ai ke ola ma ia mea.

6. Ano hoi, me au i olelo aku ai no ua poe la a ka Haku i wae mai ai, he oiaio, o na mea ekolu, ka poe i laweia'e iluna iloko o na lani, ua ike ole au ina paha ua hoomaemaeia lakou mai ka palaho i ka palaho ole. Aka hoi, mahope mai o ka'u kakau ana, ua ninau aku au i ka Haku, a ua hoike mai la cia ia'u, he mea e pono ai ke hoomaluleia ko lakou mau kino, i ole ia, e hoao lakou i ka make e pono ai; nolaila, i ole ai lakou e hoao i ka make, ua hoomaluleia ko lakou mau kino, i ole ai e loaa ia lakou ka eha, aole hoi ke kaumaha, koe wale no no na hala o ko ke ao nei. Ano, aole e like keia hoomaluleia ana me ka mea e hiki mai ana ma ka la hope; aka, ua hoomaluleia mai lakou, a ua hiki ole ia Satana ke loaa ka mana maluna iho o lakou, i hiki ole ai ia ia ke hoowalewale mai ia lakou, a ua hoomaemaeia lakou ma ka io, a ua hemolele lakou, a ua hiki ole i na mana o ka honua nei ke hoopaa ia lakou; a pela lakou e noho ai a hiki aku i ka la hookolokolo o Kristo; a ia la la e loaa ia lakou ka hoomalule nui ana, a e hookipaia'e iloko o ke aupuni o ka Makua e puka hou ole aku mawaho, aka e noho mau loa pu ai me ke Akua ma na lani. Ano hoi, ke i aku nei au ia oukon, i ka wa i manaoia he pono e ka Haku, ma kona naauao, no keia mau olelo e hiki aku i ka poe Genetile, e like me kana olelo, alaila, e ike oukou o ka berita a ka Makua i hana mai ai me ka poe mamo a Israela, no ko lakou hoihoi hou ia ana i ko lakou aina hooilina, e hoomaka ana ia ia manawa e hookoia; a e ike no hoi oukou e hookoia auanei ua olelo a pau loa a ka Haku, i oleloia'i e ka poe kaula hemolele; a he mea e pono ole ai no oukou ke olelo, ke hoopanee la ka Haku i kona kiki ana mai i ka poe mamo a Israela; a he mea e pono ole ai no oukou ke manao wale iloko o ko oukou mau naau, ua make hewa na olelo i oleloia'i, no ka mea hoi, e hoomanao no ka Haku i kana berita, ana i hana mai ai i kona poe kanaka no ka hale o Israela. A ia oukou e ike ai i keia mau olelo e puka mai ana mawaena o oukou, alaila, he mea e pono ole ai ko oukou keehi hou ana ma na hana a ka Haku, no ka mea, aia no ka pahikaua a kona hoopai ma kona lima akan, a, aia hoi, ma ia la, ina e keehi oukou ma kana hana ana, e kena oia e loaa koke oukou ia mea. Auwe ka mea e keehi ana ma na hana ana a ka Haku; he oiaio, auwe ka mea nana e hoole ia Kristo a me kana mau hana; he oiaio, auwe ka mea nana e hoole i na hoike ana a ka Haku, a olelo ae, E hana hou ole ana ka Haku ma o ka hoike ana la, aole hoi ma o ka wanana la, aole hoi ma o na haawina la, aole hoi ma o na olelo e la, aole ma o na hoola ana la, aole hoi ma o ka mana o ka Uhane Hemolele la; he oiaio, auwe ka mea nana e olelo ma ia la, i mea e loaa'i ka waiwai, Aole e hiki ke hanaia kekahia hana mana e Iesu Kristo; no ka mea, o ka mea e hana ana i keia, e lilo auanei ia e like me ke keiki o ka make, ka mea aole nona ke aloha, e like me ka olelo a Kristo. He oiaio, a he mea e pono ole ai no oukou e hoowahawa-hou ae, aole hoi keehi, aole hoi hoomaewaewa ae i ka poe Iudaio, aole hoi kekahia o ke koena o ko ka hale o Israela, no ka mea hoi, ke hoomanao nei ka Haku i kana berita ia lakou, a e hana mai oia ia lakou e like

me ka mea ana i hoohiki mai ai; nolaila, he mea e pono ole ai no oukou ke manao ua hiki ia oukou ke hoohuli ae i ka lima akau o ka Haku i ka hema, i hana ole mai ai oia i ka hoopono ma ka hooko ana i ka berita ana i hana mai ai i ko ka hale o Israela.

MOKUNA XIV.

1. E HALIU mai oukou, e ka poe Genetile, a e hoolohe i na olelo a Iesu Kristo, ke keiki a ke Akua ola, ana i kauoha mai ai ia'u, na'u e olelo aku no oukou, no ka mea, aia hoi, ke kauoha mai nei oia ia'u, i ka i ana, E huli mai oukou, e ka poe Genetile a pau, mai ko oukou mau aoao hewa, a e mihi i ka oukou mau hana ino ana, i ka oukou wahahée ana a hoopunipuni ana, a i ko oukou mau moe kolohe ana, a me ko oukou mau mea ino malu, a me ko oukou mau hoomana kii ana, a i ko oukou mau pepehi kanaka ana, a me ka oukou mau hana maalea a na kahuna pule hoopunipuni, a me ko oukou mau paonioni ana, a me ka oukou mau paio, a mai ka oukou hana hewa a mau mea ino ae, a e hele mai io'u nei, a e bapetizoia ma ko'u inoa, i loaa'i ia oukou ke kalaia'na o ka oukou mau hala, a e hoopihai a me ka Uhane Hemolele, i helu pu ia'i oukou me ko'u poe kanaka, no ko ka hale o Israela.

O KA BUKÈ A NEPAI,

OIA NO KE KEIKI A NEPAI, KEKAHI O KA POE HAU-MANA A IESU KRISTO.

MOKUNA I.

He mooolelo o ka poe kanaka o Nepai, mamuli o kana kakau ana.

1. A eia kekahī, hala ae la ka makaliki kanakolukumamaha, a me ke kanakolukumamalima no hoi, a, aia hoi, ua kukulu iho la ka poe haumanā a Iesu i ekalesia no Kristo ma na aina a pau a puni e kokoke ana. A o ka poe a pau i hele mai io lakou la, a i mihi oiaio i ko lakou mau hewa, ua bapetizoia ma ka inoa o Jesu; a loaa iho la no hoi ia lakou ka Uhane Hemolele.

2. A eia kekahī, ma ka makaliki kanakolukumamaono, ua hoohulihia mai la na kanaka a pau i ka Haku, maluna iho o ka ili a pau o ka aina, o ko Nepai poe a me ko Lamana poe no hoi, a, aole no na paio a me na hoo-paapaa mawaena o lakou, a hana pololei kela kanaka keia kanaka kekahī me kekahī; a ua hui pu ia ka lakou mau mea a pau mawaena o lakou, nolaila,

aoe o lakou poe waiwai a poe ilihune, paa a paa ole, aka, ua hookuuia lakou a pau, a hooliloia i poe hoaloaa ka haawina lani.

3. A eia kekahī, hala ae la ka makahiki kanakolukumamahiku no hoi, a mau loa ka maluhia ma ka aina. A ua hanaia na hana nui a kupaiānaha e ka poe haumana a Iesu, a hoola iho la lakou i ka poe mai, a hoala ae la i ka poe make, a hoohele ae la i ka poe oopa, a i ka poe makapo i loaa'i ko lakou ike, a i ka poe kuli e lohe; a o na ano a pau o na hana mana o ka lakou ia i hana'i mawaena o na keiki a kanaka; a aole lakou i hana i na hana mana ma kekahī mea ma ka inoa o Iesu wale no. A pela i hala aku ai ka makahiki kanakolukumamawalu, a me ke kanakolukumamaiwa no hoi, a me ke kanahakumamakahī, a me ke kanahakumamalua; he oiaio, a hiki aku i ka wa i hala aku ai na makahiki he kanahakumamaiwa, a me ke kanalimakumamakahī no hoi, a me ke kanalimakumamalua; he oiaio, a hiki i ka wa i hala aku ai na makahiki he kanalimakumamaiwa; a hoopomaikai nui loa iho la ka Haku ia lakou, ma ka aina; he oiaio, a hoopiha hou aku la lakou i na kulanakauhale ma kahi o na kulanakauhale i puhi ia'i; he oiaio, kukulu hou aku la lakou i kela kulanakauhale nui, o Zarahemela. Aka, ua nui na kulanakauhale i hoopohoia, a pii mai la ka wai ma ko lakon wahi; nolaila, ua hiki ole i keia mau kulanakauhale ke hana hou ia.

4. Ano hoi, mahuahua ikaika ae la ka poe kanaka o Nepai, a laha emo ole loa aku la, a lilo iho la i lahuikanaka maikai loa a oluolu. A ua mareia lakou, a haawiia ma ka mare, a ua hoopomaikaiia e like me ka nui loa o na olelo pomaikai a ka Haku i olelo mai ai ia lakou. Aole lakou hele hon aku mamuli o na hana ana a me na olelo kupaa a ke kanawai o Mose, aka, hele aku la lakou mamuli o na kauoha a lakou i loaa ai, mai ko lakou Haku a me ko lakou Akua mai, e hoomau ana ma ka hookeai a me ka pule, a ma ka halawai pinepine ana, e pule a e hoohe no hoi i ka olelo a ka Haku. A eia kekahī, aole he paio mawaena o ka poe kanaka a pau, ma ka aina a puni, aka, ua hanaia na hana mana nui mawaena o ka poe haumana a Iesu.

5. A eia kekahī, hala ae la ka makahiki kanahikukumamakahī, a me ke kanahikukumamalua no hoi; he oiaio, a hala ae ka makahiki kanahikukumamaiwa; he oiaio hoi, ua hala ae la na makahiki hookahi haneri, a o ka poe haumana a Iesu, ana i wae mai ai, ua hele aku la lakou a pau i ka paradaiso o ke Akua, koe wale no na mea ekolu, ka poe e kali ana; a ua hooliloia'e na haumana e ae ma ko lakou hakahaha; a ua nui wale no hoi ka poe o ua hanauna la i bala aku la. A eia kekahī, aole he paio ma ka aina, no ke aloha o ke Akua e noho ana ma na naau o na kanaka. Aole paonionī ana, aole hoi hakaka ana, aole mau haunaele, aole hoi moe kolohe ana, aole wahabee ana, aole hoi pepehi kanaka ana, aole no hoi kela ano keia ano o ka makaleho; a he oiaio, aole kekahī lahuikanaka i hiki ke oi aku ka pomaikai mawaena o na kanaka a pau i hanaia'i e ka lima o ke Akua: aole poc powa, aole hoi poe pepehi kanaka, aole hoi he poe no Lamana, aole hoi he poe e o kela ano o keia ano; aka, ua hookahi lakou, na keiki a Kristo, a poe hooilina hoi i ke aupuni o ke Akua;

a nani wale ko lakou pomaikai, no ka mea, hoopomaikai mai la ka Haku ia lakou ma ka lakou mau hana a pau; he oiaio, ua hoopomaikai'a a hoome-hualuaia lakou, a hiki i ka wa i hala aku ai hookahi haneri a me na makahiki keu he umi; a ua hala aku ka mua o ka hanauna mai o Kristo mai, a, aole he paio ma ka aina a pau.

6. A eia kekahī, make aku la o Nepai, ka mea nana i kakau iho i keia mooolelo hope, (a kakau iho la oia ia mea ma na papa a Nepai,) a kakau iho la kana keiki, o Amosa, ia mea ma kona hakahaka; a kakau iho la no oia ia mea ma na papa a Nepai no hoi; a malama iho la oia ia mea no na makahiki he kanawalukumamaha, a ua maluhia ma ka aina, koe nae he hapa uuku o na kanaka he poe kipi i ka ekalesia, a lawe maluna iho o lakou i ka inoa o ko Lamana poe; nolaila, hoomaka hou ae la he poe no Lamana ma ka aina.

7. A eia kekahī, make aku la no hoi o Amosa, (a hookahi haneri kana-iwakumamaha makahiki ia mai ka hiki ana mai o Kristo,) a malama iho la kana keiki o Amosa i ka mooolelo ma kona hakahaka; a kakau iho la no ia ia mea ma na papa a Nepai; a ua kakauia no hoi ia iloko o ka buke a Nepai, oia no keia buke. A eia kekahī, ua hala aku la elua haneri makahiki, a ua hala aku la ka lula o ka hanauna a pau, koe he kakaikahi wale uo. A ke makemake nei au, o Moramona, e ike oukou ua mahuehua na kanaka, a ua laha aku la lakou maluna iho o ka ili a pau o ka aina, a ua lilo lakou i poc waiwai loa, no ko lakou pomaikai iloko o Kristo. Ano ma keia makahiki elua haneri a me kumamakahī, hoomaka ae la mawaena o lakou kekahī poe e hookiekie'a iluna ma ka haahao, penei, ma ke komo ana i ka lole nui o ke kumu kuai, a me na ano a pau o na momi nani, a me na mea nani o ko ke ao nei. A ma ia hope iho aole i hui pu hou ia ka lakou waiwai a me ko lakou lako mawaena o lakou, a hoomaka ae la lakou e mahelcia ma na papa, a hoomaka ae la lakou e kukulu iho i na ekalesia no lakou iho, e loaa ka waiwai, a hoomaka ae la e hoole i ka ekalesia oiaio o Kristo.

8. A eia kekahī, i ka hala ana o na makahiki elua haneri a me ka umi keu ua nui na ekalesia ma ka aina; he oiaio, ua nui na ekalesia e olelo ana, ua ike iho ia Kristo, aka, hoole nae lakou i ka nui o na mea o kona euanelio, a loaa iho la ia lakou na ano a pau o ka hewa, a lawelawe ae la i ka mea laa i ka mea i papaiia ia ia mea, no ke ku pono ole. A mahuehua nui loa iho la ua ekalesia nei, no ka hewa, a no ka mana o Satana, ana i loaa'i ma ko lakou mau naau. A eia hou, aia he ekalesia e kekahī e hoole ana ia Kristo; a hoomaau mai la lakou i ka ekalesia oiaio o Kristo, no ko lakou haahaa, a me ko lakou manaoio ia Kristo; a hoowahawaha mai la lakou ia lakou nei, no ka nui o na hana mana i hanaia mawaena o lakou nei; nolaila, hookoikoi ae la lakou me ka mana a me ke kiekiae maluna o na haumana a Iesu, ka poe e kali ana me lakou, a hoolei ae la lakou ia lakou nei iloko o ka halepaahao; aka ma o ka mana la o ka olelo a ke Akua, iloko o lakou, ua nahaha na halepaahao mawaena konu, a heleaku la lakou

e hana ana i na hana mana nui mawaena o lakou. Aka hoi, me ta mau hana mana nei a pau, hoopaakiki iho la nae na kanaka i ko lakou mau naau, a imi ae la e pepehi ia lakou nei a make, e like me ka poe Iudaio ma Ierusalemia i imi ai e pepehi ia Iesu, e like me kana olelo, a hoolei ae la lakou ia lakou nei iloko o na umu ahi, a pukaaku la lakou nei me ka loaa ole ka cha; a hoolei ae la no hoi lakou ia lakou nei iloko o na lula o na holoholona hiihiu, a paani ae la lakou me na holoholona hiihiu, e like me ke keikikanaka me kekahiki keiki hipa ai waiu; a pukaaku la lakou nei maiwaena konu aku o lakou la, me ka loaa ole ka cha. Hoopaa-kiki' iho la nae na kanaka i ko lakou mau naau, no ka mea, ua alakaiia'ku lakou e na kahuna he nui a me na kaula wahahee e kukulu iho i na ekalesia he nui, a e hana i na ano a pau o ka hewa. A hahau mai la lakou maluna iho o ka poe kanaka o Iesu; aka, aole i hahau hou aku ka poe kanaka o Iesu. A pela lakou la i emi ai iloko o ka hoomaloka a me ka hewa, ia makahiki aku ia makahiki aku, a hiki wale aku i ka wa i hala'i na makahiki elua haneri a me kanakolu keu. Ano ma keia makahiki, he oiaio, ma ka makahiki elua haneri kanakolukumamakahiki, hiki mai la ka mokuahana nui mawaena o na kanaka. A eia kekahiki, ma ua makahiki nei ea mai la kekahiki poe kanaka i kapaia ko Nepai poe, a he poe manaoio oiaio lakou ia Kristo; a aia mawaena o lakou kekahiki poe i kapaia e ko Lamana poe, ko Iakoba, a me ko Iosepa, a me ko Zorama; nolaila, ka poe manaoio oiaio aku ia Kristo, a me ka poe hoomana oiaio aku ia Kristo, (a mawaena o lakou na haumana ekolu a Iesu, ka poe e kali ana,) ua kapaia ko Nepai, a me ko Iakoba, a me ko Iosepa, a me ko Zorama. A eia kekahiki, o ka poe e hoomalau ana i ka euanelio, ua kapaia ko Lamana, a me ko Lemuela, a me ko Isemaela; a, aole lakou i emi iho iloko o ka hoomaloka, aka, kipi paakiki mai la lakou i ka euanelio o Kristo; a ao ae la lakou i ka lakou poe keiki e manaoio ole lakou, e like me ko lakou poe makua, mai kinohi mai, i emi iho ai. A no ka hewa a me ka ino o ko lakou poe makua ia mea, me ia ma kinohi. A ua aoia lakou e inaina i ka poe keiki a ke Akua, e like me ko Lamana poe i aoi'a'i e inaina i ka poe mamo a Nepai, mai kinohi mai.

9. A eia kekahiki, ua halaaku la na makahiki elua haneri kanahakumamaha, a pela ka noho ana o na kanaka. A mahuahua ikaika ae la ka poe hewa loa o na kanaka, a lilo iho la i poe lehulehu loa mamua o ka poe kanaka o ke Akua. A hoomau iho la lakou e kukulu iho i na ekalesia no lakou iho, a hoonani aku i na luakini me na mea maikai a me na mea makamae a pau loa. A pela i halaaku ai na makahiki elua haneri a me kanalima, a me na makahiki elua haneri a me kanaono no hoi. A eia kekahiki, hoomaka hou ae la ka poe hewa o na kanaka e kukulu iho i na hoohiki ino malu a me na hui pu ana o Gadianatona. A hoomaka ae la no hoi ka poe i kapaia ka poe kanaka o Nepai, e hookiekieia ma ko lakou mau naau, no ko lakou waiwai nui loa, a lilo i poe haaheo, e like me ko lakou poe hoahanau, ko Lamana poe. A ma ia hope iho, hoomaka ae la ka poe haumana e kaumaha no na hala o ko ke ao nei.

10. A eia kekahi, i ka hala ana o na makahiki ekolu haneri, ua lilo pu ka poe kanaka o Nepai, a me ko Lamana poe, i poe hewa loa kekahi e like me kekahi. A eia kekahi, kawowo ae la ka poe powa o Gadianatona maluna iho o ka ili a pau o ka aina; a, aole kekahi mea i pono, koe wale no na haumana a Iesu. A hoahu ae la lakou i ke gula a me ke kala a nui loa, a kalepa ae la lakou ma na ano a pau o ke kalepa.

11. A eia kekahi, mahope iho o ka hala ana'ku o na makahiki ekolu haneri kumamalima, (a e noho ana nae na kanaka maloko o ka hewa,) make aku la o Amosa, a malama iho la kona kaikaina, o Amarona, i ka mooolelo ma kona hakahaka. A eia kekahi, i ka wa i hala aku ai na makahiki ekolu haneri iwakalua, ua kaohia'e la o Amarona e ka Uhane Hemolele, a huna iho la i na mooolelo i laa; he oiaio, i na mooolelo laa a pau i haawiia mai ai ia hanauna aku ia hanauna aku, na mea i laa, a hiki wale aku i ka makahiki ekolu haneri iwakalua mai ka hiki ana mai o Kristo. A huna iho la oia ia mau mea no ka Haku, i hiki ai i ua mau mea nei ke hele hou mai i ke koena o ka hale o Iakoba, e like me na wanana a me na olelo hoopomaikai a ka Haku. A pela ka hopena o ka mooolelo a Amarona.

O KA BUKE A MORAMONA.

MOKUNA I.

1. Ano, ke kakau nei owau, o Moramona, i mooolelo o na mea a'u i ike ai a i lohe ai no hoi, a kapaaku ia ka buke a Moramona. Ua kokoke i ka manawa a Amarona i huna iho ai i na mooolelo no ka Haku, hele mai la oia io'u nei, (he umi paha o'u makahiki; a ua hoomaka au e aoia mai ma kekahi mau mea, mamuli o ke ano o ka aoia'na o ko'u poe kanaka,) a i mai la o Amarona ia'u, Ke ike nei au he keiki kuoo oe, a ua hiki wawe ma ka ike; nolaila, ia oe e kokoke ai i ka iwakaluakumamaha makahiki, ke makemake nei au nau e hoomanao i na mea au e ike ai no keia lahuikanaka; a ia oe e loaa'i ia makahiki, e hele aku oe i ka aina Anatumia, i kekahi puu, e kapaia no ia o Sima; a malaila wau i waiho iho ai i ka Haku, i na kaha laa a pau no keia lahuikanaka. A aia hoi, e lawe oe i na papa a Nepai iou la, a o na mea i koe nau e waiho ma kahi o ia mau mea e waiho nei; a nau e kahakaha ma na papa a Nepai, i na mea a pau au i ike ai no keia lahuikanaka. A he mamo no wau, o Moramona, na Nepai, (a o ka inoa o ko'u makuakane o Moramona no ia,) hoomanao iho la au i na mea a Amarona i kauoha mai ai ia'u. A eia kekahi, ma ka umikuma-makahiki makahiki o'u, ua halia'e la au e ko'u makuakane iloko o ka aina hema, a hiki i ka aina o Zarahemela; ua uhii'a'e la ka ili a pau o ka aina me na hale, a ua aneane lehulehu loa na kanaka, me he mea la me ke one

o ke kai. A eia kekahī ma keia makahiki, hoomaka ae la kekahī kaua mawaena o ko Nepai poe, o lakou no ko Nepai, a me ko Iakoba, a me ko Iosepa, a me ko Zorama; a o keia kaua mawaena ia o ko Nepai poe, a me ko Lamana poe, a me ko Lemuela, a me ko Isemaela. Ano, o ko Lamana, a me ko Lemuela, a me ko Isemaela, ua kapaia ko Lamana poe, a o na aoao elua oia ko Nepai poe a me ko Lamana poe. A eia kekahī, hoomaka ae la ke kaua mawaena o lakou ma na mokuna o Zarahemela, ma na wai o Sidona.

2. A eia kekahī, ua houluulu ae la ko Nepai poe i na kanaka he nui loa i kahi hookahi, ua oi aku ko lakou nui mamua o na tausani he kankolu. A ma ua makahiki hookahi nei na nui na kaua a lakou i loaa'i, a ua lanakila ae la ko Nepai poe maluna o ko Lamana poe, a luku aku la he nui loa o lakou. A eia kekahī, haalele iho la ko Lamana poe i ko lakou manao, a ua maluhia iho la ka aina, a ua mau ka maluhia no na makahiki eha paha, i hookahe ole ia'i ke koko. Aka, lanakila ae la ka hewa maluna iho o ka ili o ka aina a puni, a no ia mea, lawe aku la ka Haku i kana poc haumana alohaia, a oki iho la ka hana ana i na hana mana a me ka hoola ana, no ka hewa o na kanaka. A, na ole na haawina mai ka Haku mai, aole hoi hiki mai ka Uhane Hemolele maluna iho o kekahī mea, no ko lakou hewa a hoomaloka. A he umikumamalima makahiki o'u, a he naau kuoo ko'u ma kekahī mau mea, nolaila, ua ikeia an e ka Haku, a hoao aku la, a ike iho la i ka lokomaikai o Jesu. A hoao aku la au e hai aku i ka olelo i keia lahuikanaka, aka, ua papāniia mai la kūtū wahā, a ua papāia mai au ma ka hai aku ia lakou; no ka mea hoi, ua kipi paakiki aku la lakou i ko lakou Akua, a ua laweia'ku ka poc haumana alohaia mailoko aku o ka aina, no ka hewa o lakou. Aka, kali iho la au mawaena o lakou, aka, ua papāia mai au e hai ole aku ia lakou, no ka paakiki o ko lakou mau naau; a no ka paakiki o ko lakou mau naau, ua hoopoinoia ka aina no lakou. A hoopilikia iho la ua poc powa Gadianatona nei, e noho ana mawaena o ko Lamana poe, i ka aina, a hoomaka ae la ko ka aina e hunā iho i ko lakou mau waiwai ma ka honua; a lilo iho la ia mau mea i pahee, no ka mea, ua hoopoino ka Haku i ka aina, i hiki ole ai ia lakou ke hoopāia mau mea, aole hoi loaa hou aku ia mau mea. A eia kekahī ma ka aina, o na anaana, a me na hoopiopio, a me na hana o na uhane hoopunipuni; a ua hanaia ka mana o ka mea ino maluna iho o ka ili a pau o ka aina, i ka hooko ana i na olelo a pau a Abinadi, a o Samuela, ka Lamana no hoi.

3. A eia kekahī, ma ua makahiki hookahi la, hoomaka ae la ke kaua hou mawaena o ko Nepai poe a me ko Lamana poe. A ua opioPIO au, aka nunui nae ko'u kino, nolaila, hoonoho mai la ka poc kanaka o Nepai ia'u, i luna no lakou, a i alihī kaua o ko lakou poc kaua. Nolaila, ma ka umikumamaono makahiki o'u, hele aku la au ma ke alo o kekahī poc kaua o ko Nepai poe, e ku e aku i ko Lamana poe; nolaila, ua hala aku la na makahiki ekolu haneri iwakaluakumamaono. A eia kekahī, ma ka makahiki

ekolu haneri iwākahuakumamahiku, hele mai la ko Lamana poe io makou la me ka ikaika nui loa, a hooweliweli mai la lakou i ka poe kaua o'u; nolaila, aole lakou e kaua aku, a hoomaka ae la lakou e auhee aku i na aina akau. A eia kekahī, hiki aku la makou i ke kulanakauhale o Anagola, a komo aku la makou iloko o ke kulanakauhale, a hoomakaukau iho la e hoomalu ia makou iho i ko Lamana poe. A eia kekahī, hana paa iho la makou i ke kulanakauhale me ko makou ikaika; aka, me na hana paa a pau a makou, hele mai la no nae ko Lamana poe maluna iho o makou, a hooauhee mai la ia makou mailoko aku o ke kulanakauhale. A hooauhee mai la no hoi lakou ia makou mailoko aku o ka aina o Davida. A hele aku la makou a hiki aku la i ka aina o Iosua, ma na mokuna komohana, ma ke kahakai. A eia kekahī, houluulu mai la makou i ko makou poe kanaka me ka hiki wawe i hiki ai, i hiki ia makou ke hoakoakoa ia lakou i kahi hookahi. Aka hoi, na piha ka aina me na powa a me ko Lamana poe; a me ka luku nui e kaulia'na maluna ae o ko'u poe kanaka, aole nae lakou mihi i ka lakou mau hana ino, nolaila, ua laha aku ke koko a me ka luku maluna o ka ili a pau o ka aina, ma ka aoao o ko Nepai poe, a me ka aoao o ko Lamana poe no hoi: a he hookahuli loa mawaena o ka aina a pau. Ano, he Alii ko ko Lamana poe, a o Aarona kona inoa; a hele mai la oia e ku e mai ia makou me ka poe kaua he kanahakumamaha tausani. A ku e aku la au ia ia me hookahi kanaha a me kumamalua tausani. A eia kekahī, lanakila ae la au maluna iho ona me ko'u poe kaua, a hee aku la kela imua o'u. Aia hoi, na hanaia keia a pau, a ua hala aku la ekolu haneri a me kanakolu makahiki.

4. A eia kekahī, hoomaka ae la ko Nepai poe e mihi i ko lakou hewa, a hoomaka ae la e kahea aku e like me ia i wananaia'i e Samuela ke kauila; no ka mea hoi, aole kanaka i hiki ke hoopaa i ka mea nona ponoi, no na aihue, a me na powa, a me na mea pepehi kanaka, a me ka hana uhane hoopunipuni, a me ka anaana ma ka aina. Pela i hoomaka ai ka uwe ana a me ke kanikau ana ma ka aina a pau, no keia mau mea; a ua nui loa aku mawaena o ka poe kanaka o Nepai. A eia kekahī, i ka wa a'u, o Moramona, i ike ai i ko lakou kanikau ana, a me ko lakou uwe ana, a me ko lakou kaumaha imua o ka Haku, hoomaka ae la kuu naau e hauoli iloko o'u, e ike ana i na lokomaikai a me ke ahonui o ka Haku, nolaila, e manao ana e aloha mai no oia ia lakou, i lilo hou ai lakou i lahuikanaka pono. Aka hoi, na make hewa ua hauoli nei o'u, no ka mea, o ko lakou kaniuhu ana aole ia i ka mihi, no ka lokomaikai o ke Akua, aka, o ke kaniuhu ana ia o ka poe hoohewaia, no ka ae mau ole mai o ka Haku ia lakou e loaa ka olioli ma ka hewa. A, aole lakou i hele mai io Iesu la me na naau pepe a me na uhane mihi, aka, hoino aku la lakou i ke Akua, a ake ae la e make. Aka e aumeume no nae lakou me ka pahikaua no ko lakou ola. A eia kekahī, hoi hou mai la ko'u kaumaha io'u nei, a ike iho la au ua hala ka la lokomaikai me lakou, ma ko ke kiuo a ma ko ka uhane no hoi, no ka mea, ike aku la au i na tausani o lakou i kuaia ilalo ma ke

kipi akea ana i ko lakou Akua, a hoahuia me he lepo la maluna o ka ili o ka aina. A pela i hala aku ai ekolu haneri makahiki a me kanahakumamalaba.

5. A eia kekahī, ma ka makahiki ekolu haneri kanahakumamalima, hoomaka ae la ko Nepai poe e hee aku imua o ko Lamana poe, a ua alu-aluia lakou a hiki wale aku lakou i ka aina o Iasona, mamua o ka hiki ana ke hooki ia lakou i ko lakou hee ana. A ua kokoke ke kulanakauhale o Iasona i ka aina, kahi a Amarona i waiho iho ai i na mooolelo i ka Haku, i ole ai e hoopauia ia mau mea. A, aia hoi, ua hele aku au e like me ka olelo a Amarona, a lawe mai la i na papa a Nepai, a kakau iho la i mooolelo e like me na olelo a Amarona. A kakau iho la au i mooolelo nui maluna iho o na papa a Nepai o ka hewa a me na mea ino a pau; aka, maluna iho o keia mau papa aole au i kakau i mooolelo nui o ko lakou hewa a mau mea ino, no ka mea, e mau loa ana ka hewa a me na mea ino imua o ko'u mau maka mai kuu wa i hiki ai ke nana i na aoao o kanaka. A auwe au, no ko lakou hewa, no ka mea, ua hoopihia kuu naau me ke kaumaha no ko lakou hewa, i ko'u mau la a pau; aka hoi, ua ike au e hookekieia auanei au iluna ma ka la hope.

6. A eia kekahī, ma ua makahiki nei ua imi hou ia ka poe kanaka o Nepai, a hooauheeria aku. A ua hooauheeria aku makou a hiki wale aka makou i ka akau, i ka aina i kapaia o Sema. A eia kekahī, hana paa iho la makou i ke kulanakauhale o Sema, a hoakoakoa mai la makou i ko makou poe kanaka, i ka poe a pau i hiki, i hoola'i paha makou ia lakou i ka lukuia'na. A ma ka makahiki ekolu haneri kanahakumamaono, hoomaka ae la lakou e hele hou mai maluna iho o makou. A eia kekahī, olelo aka la au i ko'u poe kanaka, a kauleo aka la ia lakou me ka ikaika nui, e ku wiwo ole imua o ko Lamana poe a e kaua aka no ka lakou mau wahine, a me ka lakou mau keiki, a me ko lakou mau hale, a me ko lakou mau wahi i noho ai. A hooeueu ae la ka'u mau olelo ia lakou i ka ikaika ma kekahī mau mea, a hee ole aka la lakou imua o ko Lamana poe, aka, ku iho la me ka wiwo ole e ku e aka ia lakou. A kaua aka la makou me ka poe koa he kanakolu tausani, e ku e aka ana i ka pualī koa he kanalima tausani. A ku paa iho la makou imua o lakou me ka naueue ole, a hee aka la lakou imua o makou. A eia kekahī, ia lakou i hee aka ai, alualu aka la makou ia lakou me na poe kaua o makou, a hoouka hou ae la me lakou, a lanakila ae la maluna iho o lakou; aka hoi, aole me makou pu ka ikaika o ka Haku; he'oiaio, ua waihoia mai makou o makou wale iho, i noho pa ole ai ka Uhane o ka Haku iloko o makou; nolaila, ua lilo iho la makou i poe nawaliwali, e like me ko makou poe hoahanau. A kaniuhu iho la kuu naau no keia poino nui o ko'u poe kanaka; no ko lakou hewa a me ko lakou mau mea ino. Aka hoi, hele aka la makou e ku e aka i ko Lamana poe, a me ka poe powa o Gadianatona, a hiki aka i ka wa i loaa hou ai ia makou na aina o ko makou hooilina. A ua hala aka la ka makahiki ekolu haneri a me kanahakumamaiwa. A ma ka makahiki ekolu haneri a me kanalima, hana iho la makou i ke kuikahi me ko Lamana poe a me ka poe

powa o Gadianatona, maloko o ia mea ua maheleia ko makou mau aina hooilina. A haawi mai la ko Lamana poe i ka aina akau ia makou; he oiaio, a hiki wale aku i ka pualo ololi e hiki aku ana iloko o ka aina hema. A haawi aku la makou i ko Lamana poe i ka aina hema a pau.

7. A eia kekahī, aole ko Lamana poe i hele mai e kaua hou a hala aku la na makahiki hou he umi. A, aia hoi, ua hoohana au i ko'u poe kanaka, ko Nepai poe, ma ka hoomakaukau ana i ko lakou mau aina a me ko lakou mau mea kaua, no ka wa kaua. A eia kekahī, olelo mai la ka Haku ia'u, i mai la, E hea aku i keia poe kanaka, e mihi oukou, a e hele mai io'u nei, a e bapetizoia oukou, a e kukulu hou iho i ko'u ekalesia, a e hoo-koeia auanei oukou. A hea aku la au i keia poe kanaka, aka, ua make-hewa, a ua hoomaopopo ole lakou na ka Haku lakou i hookoe mai, a haawi mai la ia lakou i manawa e mihi ai. A, aia hoi, hoopaākiki iho la lakou i ko lakou mau naau e ku e i ka Haku, i ko lakou Akua. A eia kekahī, mahope iho o ka hala ana o keia mau makahiki he umi, oia hoi ke huiia, ekolu haneri makahiki a me kanaono mai ka hiki ana mai o Kristo, hoo-una mai la ke Alii o ko Lamana poe i episetole io'u nei, e hoike ana ua episetole nei ia'u e hoomakaukau ana lakou e hele hou mai e kaua mai ia makou. A eia kekahī, kena ae la au i ko'u poe kanaka e hoakoakoa ia lakou iho ma kahi hookahi ma ka aina Neoneo, i kekahī kulanakauhale ma na mokuna, ma ka pualo ololi e hiki aku ana iloko o ka aina hema. A malaila makou i hoonoho ai i ko makou poe kaua, i hiki ai makou ke hooki i na poe kaua o ko Lamana poe, i loaa ole ai ia lakou kekahī o ko makou mau aina; nolaila, hana paa ihō la makou e ku e aku ia lakou me ko makou ikaika a pau.

8. A eia kekahī, ma ka makahiki ekolu haneri kanaonokumamakahī, iho mai la ko Lamana poe i ke kulanakauhale o Neoneo, e kaua ku e mai ia makou; a cia kekahī ma ua makahiki la, lanakila ae la makou maluna iho o lakou, a hoi hou ae la lakou i ko lakou mau aina iho. A ma ka makahiki ekolu haneri a me kanaonokumamalua, iho hou mai la lakou e kaua. A lanakila hou ae la makou maluna iho o lakou, a luku nui aku la ia lakou, a ua hooleiia'ku ko lakou poe make iloko o ke kai. Ano, no keia mea nui a ko'u poe kanaka, a ko Nepai poe, i hana'i, hoomaka ae la lakou e kaena aku ma ko lakou ikaika iho, a hoomaka ae la hoi e hoohiki imua o na lani, e hoopai aku lakou i ke koko o ko lakou poe hoahanau, ka poe i lukuia e ko lakou poe enemi. A hoohiki lakou ma na lani, a ma ka noho ali'i no hoi o ke Akua, e pii aku lakou e kaua ku e aku i ko lakou poe enemi, a e hooki aku ia lakou mai ka ili aku o ka aina.

9. A eia kekahī, hoole loa aku la wau, o Moramona, ma neia hope iho, e noho alihi kaua a i luna no keia poe kanaka, no ko lakou hewa a ino hoi. Aia hoi, ua alakai ae la au ia lakou, me ko lakou hewa nae, ua alakai au ia lakou i na manawa he nui e kaua, a ua aloha aku ia lakou, e like me ke aloha o ke Akua iloko o'u, me kuu naau a pau; a ua niniuilia iho kuu naan me ka pule i ko'u Akua a pau ae la ka la, no lakou; aka, me ka manaoio

ole næ, no ka paakiki o ko lakou mau naau. A pakolu ko'u hoopakele ana ia lakou, mailoko mai o na lima o ko lakou poe enemi, a ua mihi ole lakou i ko lakou mau hewa. A ia lakou i hoohiki ai ma na mea a pau i papaia mai ia lakou, e ko kakou Haku a me ka Mea e Ola'i o Iesu Kristo, E pii aku lakou i ko lakou poe enemi e kaua, a e hoopai aku lakou i ke koko o ko lakou poe hoahanau, aia hoi, pae mai la ka leo o ka Haku ia'u, i ka i ana, No'u no ka hoopai aku, na'u no e uku aku; a no ka mili ole ana o keia poe kanaka mahope iho o ko'u hoopakele ana ia lakou, aia hoi, e hookiia'ku auanei lakou mai ka ili aku o ka honua. A eia kekahī, hoole loa aku la au e pii ku e aku i ko'u poe enemi; a hana iho la no au me ka ka Haku i kauoha mai ai ia'u; a ku iho la au me he ike maka hana ole la e hoike aku i ko ke ao nei i na mea a'u i ike ai a i lohe ai, e like me na hoike ana mai o ka Uhane, ka mea i hoike mai ai no na mea e hiki mai ana. Nolaila, ea, ke palapala aku nei au ia oukou, e ka poe Genetile, a ia oukou no hoi, e ko ka hale o Israela, i ka wa e hoomaka ai ka hana, e kokoke ana oukou e hoomakaukau e hoi i ka aina o ko oukou hooilina; he oiaio, aia hoi, ke palapala aku nei au i ko na welau a pau o ka honua; he oiaio, ia oukou hoi, e na ohana he umikumamalua o Israela, ka poe e hookolokoloia auanei e like me ka oukou mau hana, e ka poe umikumamalua a Iesu i wae ai e lilo i poe haumana nana ma ka aina o Ierusalem. A ke palapala aku nei no hoi au i ke koena o keia poe kanaka, ka poe e hookolokoloia auanei no hoi e ka poe umikumamalua a Iesu i wae mai ai ma keia aina; a e hookolokoloia auanei lakou nei e ka poe umikumamalua e ae a Iesu i wae ai ma ka aina o Ierusalem. A ke hoike mai nei ka Uhane i keia mau mea ia'u; nolaila, ke palapala aku nei au ia oukou a pau. A no keia kumu ke palapala aku nei au ia oukou, i ike ai oukou e ku auanei oukou a pau imua o ka noho hookolokolo o Kristo, he oiaio, o kela mea keia mea e pili ana i ka ohana ano kanaka a pau a Adamu; a e ku auanei oukou e hookolokoloia no ka oukou mau hana, ina paha he maikai ia mau mea, ina paha he ino; a i manaoio ai no hoi oukou i ka euanelio o Iesu Kristo, ka mea a oukou e loaa'i auanei mawaena o oukou; i loaa'i hoi ka poe Iudaio, ka poe kanaka berita o ka Haku, he hoike e ae, okoa ka mea a lakou i ike ai a i lohe ai, O Iesu ka mea a lakou i pepehi ai, oia no ke Kristo oiaio, a me ke Akua oiaio; a ua makemake au i hiki ia'u ke hoo-huli mai ia oukou a pau, e ko na welau o ka honua, e mihi a e hooomakaukau e ku imua o ka noho hookolokolo o Kristo.

MOKUNA II.

1. Ano, eia kekahī ma ka makahiki ekolu haneri a me kanaonokunia-makolu, pii aku la ko Nepai poe me na poe kaua o lakou e kaua aku i ko Lamana poe mawahō o ka aina Neoneo. A ua hooauhee hou ia aku na poe kaua o ko Nepai poe ihope i ka aina Neoneo. A oiai lakou i malocloe,

hele mai la he poc kaua hou o ko Lamana poe maluna iho o lakou; a he kaua ino ko lakou, a loaa iho la i ko Lamana poe ke kulanakauhale Neoneo, a luku iho la i na mea he nui wale o ko Nepai poe, a lawe pio ae la i na mea he nui; a hee aku la ke koena a hui iho la me ka poe noho ma ke kulanakauhale Teanacuma. Ano, e waiho ana ke kulanakauhale Teanacuma ma na mokuna ma ke kahakai; a ua kokoke no hoi ia i ke kulanakauhale Neoneo. A no ka pii ana'ku o na poe kaua o ko Nepai poe i ko Lamana poe la, ka hoomaka ana o lakou e hahauia; no ka mea, ina aole ia mea, ina ua hiki ole i ko Lamana poe ke loaa ka mana maluna o lakou. Aka hoi, e loaa auanei ka poe hewa i na hoopai o ke Akua; a ma o ka poe hewa la, i hoopai'a'ku ai ka poe hewa: no ka mea, na ka poe hewa no i hooeueu ae i na naau o na keiki a kanaka i ka hookahe koko ana. A eia kekahih, hoomakaukau iho la ko Lamana poe e hele mai e ku e i ke kulanakauhale Teanacuma.

2. A eia kekahih ma ka makahiki ekolu haneri a me kanaonokumamaha, hele mai la ko Lamana poe e ku e mai i ke kulanakauhale Teanacuma, i hiki ia lakou ke loaa ke kulanakanhale Teanacuma no hoi. A ua kipakuia aku lakou a hooauhheeia'ku e ko Nepai poe. A i ka wa a ko Nepai poe i ike ai ua hooauhee aku lakou i ko Lamana poe, kaena hou aku la lakou no ko lakou ikaika; a hele aku la lakou ma ko lakou ikaika iho, a loaa hou iho la ke kulanakanhale Neoneo. Ano, ua hanaia keia mau mea a pau, a ua nui na tausani i lukuia ma na aoao elua, o ko Nepai poe a meko Lamana poe no hoi. A eia kekahih, ua hala aku la ka makahiki ekolu haneri kanaonokumamaono, a hele hou mai la ko Lamana poe i ko Nepai poe e kaua; aole nae ko Nepai poc i mihi i ka ino a lakou i hana'i, aka hoopaa-kiki mau iho la ma ko lakou hewa. A ua hiki ole i ka elelo ke hai aku, aole hoi i ke kanaka ke kakau, i ka mooolelo a pau loa o ka mea weliweli o ke koko a me ka luku mawaena o na kanaka; o ko Nepai poe a me ko Lamana poe no hoi; a ua hoopakikiia iho kela naau keia naau, a lealea iho la lakou ma ka hookahe mau ana i ke koko. Aole loa he hewa nui mamua mawaena o ka poe mamo a Lehi, aole no hoi mawaena o ko ka hale a pau o Iserala, e like me na olelo a ka Haku, me keia mawaena o keia poe kanaka.

3. A eia kekahih, loaa iho la i ko Lamana poe ke kulanakauhale Neoneo, a o keia mea no ka nui loaaku o ko lakou poe mamua o ko ko Nepai poe. A hele ae la no hoi lakou e ku e i ke kulanakauhale Teanacuma, a hooauhee ae la i ka poe mailoko aku ona, a lawe ae la i na pio he nui, o na wahine a me na keiki no hoi, a kaumaha aku la ia lakou i mau mohai i ko lakou mau akua kii. A eia kekahih ma ka makahiki ekolu haneri a me kanaonokumamahiku, ua hahu ko Nepai poe no ka mohai ana o ko Lamana poe i ko lakou poe wahine a me ka lakou poe keiki, a hele aku la lakou e ku e aku i ko Lamana poe me ka inaina nui, a lanakila hou ae la lakou maluna iho o ko Lamana poe, a hooauhee aku la ia lakou mailoko aku o ko lakou mau aina; a aole no i hele hou mai ko Lamana poe e ku e

i ko Nepai poe, a hiki wale aku i ka makahiki ekolu haneri a me kanahikukumamalima. A ma ua makahiki nei iho mai la lakou e ku e i ko Nepai poe me ko lakou ikaika a pau; a ua helu ole ia lakou no ka nui loa o lakou. A ma ia hope aku aole i loaa hou i ko Nepai poe ka mana maluna o ko Lamana poe, aka hoomaka ae la e kahillia'e e lakou la e like me ka hau imua o ka la. A iho mai la ko Lamana poe e ku e i ke kulanakauhale Neoneo; a ua kauaia he kaua ino nui loa ma ka aina Neoneo, a ua lanakila ae la lakou ma ua kaua nei maluna o ko Nepai poe. A hee hou aku la lakou imua o lakou la, a hiki aku la lakou i ke kulanakauhale Boaza; a malaila lakou i ku paa e ku e i ko Lamana poe me ka wiwo ole nui, a lanakila ole ko Lamana poe maluna iho o lakou a hiki i ka lua o ka manawa a lakou i hele mai ai. A ia lakou i hiki mai ai i ka lua o ka manawa, ua hooauheeia aku a lukuia ko Nepai poe me ka luku nui loa; a o ko lakou poe wahine a me ka lakou poe keiki ua mohai hou ia'ku i na aku'a kii. A eia kekahī, hee hou ae la ko Nepai poe imua o lakou la, e lawe ana i ka poe noho a pau me lakou, no na kulanakauhale a me na kauhale no hoi. Ano, e ike ana wau, o Moramona, ua kokoke ko Lamana poe e lanakila maluna iho o ka aina, nolaila, hele aku la au i ka puu Sima, a lawe ae la i na mooolelo a pau a Amarona i huna iho ai i ka Haku.

4. A eia kekahī, hele aku la au mawaena o ko Nepai poe, a mihi iho la i ka hoohiki a'u i hana ai, I kokua hon ole ai au ia lakou; a haawi hou mai la lakou ia'u i ka noho alihī kaua ana o ko lakou poe kaua; no ka mea, nana mai la lakou ia'u me he mea la ua hiki ia'u ke hoopakele aku ia lakou i ko lakou mau popilikia. Aka hoi, ua nele au i na manao lana, no ka mea, ua ike au i na hoopai o ka Haku e hiki mai ana maluna iho o lakou; no ka mea, aole lakou i mihi i ko lakou mau hala, aka, aumeume aku la no ko lakou mau ola, me ke kahea ole aku i kela Mea nana lakou i hana. A eia kekahī, hele mai la ko Lamana poe e ku e ia makou i ka wa a makou i hee aku ai i ke kulanakauhale o Ioredane; aka hoi, ua hooauheeia'ku lakou i hope, i ole ai lakou i hoopio i ke kulanakauhale ia manawa. A hele hou mai la lakou e ku e ia makou, a malama iho la makou i ke kulanakauhale. A ua malamaia no hoi na kulanakauhale e ae he nui e ko Nepai poe, a keakea aku la ua mau wahi paa nei ia lakou, i hiki ole ai ia lakou ke komo iloko o ka aina e waiho ana imua o makou, e luku mai ka poe noho o ko makou aina. Aka, o kela aina o keia aina a makou i kaalo ai, a hoakoakoa ole ia mai ka poe noho olaila, ua lukuia e ko Lamana poe, a o ko lakou mau kulanakauhale, a me na kauhale, a me na kulanakauhale paa i ka pa, ua puhia me ke ahi; a pela i hala aku ai ka makahiki ekolu haneri kanahikukumamaiwa.

5. A eia kekahī, ma ka makahiki ekolu haneri kanawalu, hele hou mai la ko Lamana poe ia makou e kaua, a ku e aku makou ia lakou me ka wiwo ole; aka, ua make hewa a pau, no ka mea, no ka nui loa o ko lakou poe, hehi mai la lakou i ka poe kanaka o ko Nepai malalo iho o ko lakou mau wawae. A eia kekahī, hee hou aku la makou, a o ka poe i oi aku ka

mama o ka holo mamua o ko ko Lamana poe, pakele aku la lakou, a o ka poe i oi ole aku ka mama mamua o ko ko Lamana poe, ua kahiliia'e ilalo a lukuia. Ano hoi, aole au o Moramona, makemake e hoowalania'ku i na naau o na kanaka, ma ka hoike ana imua o lakou i ka ike weliweli o ke koko a me ka luku, me ia i waihoia mai ai imua o ko'u mau maka, aka, e ike ana au e hoike oiaio ia'ku auanei keia mau mea, a e hoikeia'ku na mea a pau i hunaia maluna iho o na kua o na hale, a e hiki io ana no hoi ka ike no keia mau mea i ke koena o keia poe kanaka, a i ka poe Genetile no hoi, ka poe a ka Haku i olelo mai ai e hoopuehu ae auanei i keia poe kanaka, a e manaoia ua poe kanaka nei me he mea ole la mawaena o lakou, nolaila, ke kakau nei au he mooolelo uuku i hoopokoleia, e aa ole aua e kakau iho i ka mooolelo a pau o na mea a'u i ike ai, no ke kauoha a'u i loaa'i, i loaa ole ai no hoi ia oukou ke kaniuhu nui loa no ka hewa o keia poe kanaka.

6. Ano hoi, o keia ka'u e olelo aku nei i ka lakou poe hua, a i ka poe Genetile no hoi, ka poe e manao ana no ko ka hale o Israela, e hoomao-popo ana a e ike ana i kahi a ko lakou mau mea pomaikai e hele mai ai. No ka mea hoi, ua ike au o ka poe me neia e kaniuhu lakou no ka poino-o ko ka hale o Israela; he oiaio, e kaniuhu no lakou no ka lukuia'na o keia poe kanaka; e kaniuhu no lakou no ka mihi ole ana o keia poe kanaka, i hiki ke apoia mai ai lakou nei ma na lima o Iesu. Ano, ua palapalaia'ku ua mau mea nei i ke koena o ko ka hale o Iakoba; a ua palapalaia'ku mamuli o keia ano, no ka mea, ua ikeia e ke Akua aole e hoopuka ae ka hewa ia mau mea ia lakou la; a e hunaia iho ia mau mea i ka Haku, i hiki ai ia mau mea ke puka ae ma kona manawa ku pono. A oia no ke kauoha a'u i loaa'i; a, aia hoi, e puka mai no ia mau mea mamuli o ke kauoha a ka Haku, ia ia e ike ai he pono, ma kona naauao. A, aia hoi, e hele aku no ia mau mea i ka poe hoomaloka la o ka poe Iudaio; a no keia kumu e hele aku auanei ia mau mea; i hoohulilia'i lakou e manaoio o Iesu no ke Kristo, ke Keiki a ke Akua ola; i hooko mai ai ka Makua, ma o kona mea aloha loa ia, ikona manao nui a mau loa, ma ka hoihoi hou ana i ka poe Iudaio, oia hoi i ko ka hale o Israela a pau, i ko lakou aina hooilina, a ka Haku ko lakou Akua i haawi mai ai ia lakou, i ka hooko ana i kana berita, a i manaoio loa ai no hoi ka poe hua a keia poe kanaka i kona euanelio, ka mea e hele mai auanei ia lakou mai ka poe Genetile mai; no ka mea, e hoopuehuia'ku keia poe kanaka, a e lilo auanei i labuikanaka haulaula, ekaeka, a hoopailuaia, e oi aku ana mamua o ke ano o ka mea i ikeia ai mawaena o makou maimua loa mai; he oiaio, mamua o ka mea i ikeia'i mawaena o ko Lamana poc; a o keia no ko lakou hoomaloka a hoomana kii. No ka mea hoi, o ka Uhane o ka Haku ua oki kona paio ana i keia manawa me ko lakou poe kupuna, a aia no lakou aole o Kristo a me ke Akua me lakou ma ke ao nei, a ua lauwiliia lakou i o a ia nei e like me ka opala imua o ka makani. He lahuikanaka e olioli ai lakou i kekahi manawa, a ia lakou o Kristo i Kahuhipa no lakou; he oiaio, ua alakaiia lakou e ke Akua, ka Makua. Aka, aho hoi, ua alakai-

ia'ku lakou i o ia nei e Satana, e like me ka opala i puhiia imua o ka ma-kani, a me he moku la i alealeia i o a ia nei maluna iho o na ale, me ka pea a heleuma ole, a i ole ia, me ka ole o kekahli mea e hookele ai ia ia; a e like me ua moku nei, pela no hoi lakou. A, aia hoi, ua hoano e ka Haku i na mea e pōmaikai ai o lakou, na mea a lakou i hiki ai ke loaa ma ka aina, no ka poe Genetile, ka poe e loaa'i auanei ka aina. Aka hoi, e hiki mai auanei keia, e hoaia'ku a e hoopuehuia'ku lakou e ka poe Genetile; a ma-hope iho o ko lakou hoaia'na a hoopuehuia'na e ka poe Genetile, aia hoi, alaila e hoomanao no ka Haku i ka berita ana i hana mai ai ia Aberaha-ma, a i ko ka hale o Iseraela a pau. A e hoomanao no hoi ka Haku i na pule a ka poe pono, i puleia'ku ai ia ia no lakou nei. Alaila, e ka poe Genetile e, pehea la e hiki ai ia oukou ke ku imua o ka mana o ke Akua, ke ole oukou e mihi a e huli mai, mai ko oukou mau aaao ino mai! Aole anei oukou i ike aia no oukou ma na lima o ke Akua? Aole anei oukou i ike aia no ia ia ka mana a pau, a ma kana kauoha nui e owlilia auanei ka ho-nua nei me he pepa la? Nolaila, ea, e mihi oukou, a e hoohaahaa ia on-kou iho imua ona, o puka mai auanei oia ma ka hoopai ia oukou; o hele ae auanei he koena o ka poe mamo a Iakoba mawaena o oukou me he liona la, a e hachae lilii ia oukou, a, aole mea e hoopakele ai.

MOKUNA III.

1. Ano, ke hana nei au a pau kuu mooolelo no ka luku ia'na o ko'a poe kanaka, ko Nepai poe. A eia kekahli, hele aku la makou imua o ko Lamana poe. A palapala iho la wau, o Moramona, i episetele i ke Alii o ko Lamana poe, a noi aku la ia ia e ae mai oia ia makou i houluulu ai makou i ko makou poe kanaka i ka aina o Cumora, ma kahi puu i kapaia o Cumora, a malaila makou e kaua aki ai ia lakou. A eia kekahli, ae mai la ke Alii o ko Lamana poe ia'u i ka mea a'u i noi aki ai. A hele aki la makou i ka aina o Cumora, a kukulu iho la makou i ko makou mau hale-lewa a puni o ka puu Cumora; a ma kahi aina ia o na wai, na kahawai a me na punawai he nui; a maanei makou i manaolana'i e loaa ka lanakila maluna iho o ko Lamana poe. A i ka wa i hala aki ai na makahiki ekolu haneri kanawalukumamaha, ua houluulu mai makou i ke koena a pau o ko makou poe kanaka i ka aina Cumora.

2. A eia kekahli, ia makou i houluulu mai ai i ko makou poe kanaka a pau i hookahi, i ka aina o Cumora, aia hoi, e elemakule ana owau, o Moramona; a e ike ana o ke aumeume hope ana keia o ko'u poe kanaka, a ua kauohaia mai au e ka Haku e ac ole aki i na mooolelo i haawilia mai ai e ko makou poe kupuna, na mea i laa, e haule iho iloko o na lima o ko Lamana poe, (no ka mea, e hoopau no ko Lamana poe ia mau mea,) nolaila, kakau iho la au i keia mooolelo noloko mai o na papa a Nepai, a

huna iho la iloko o ka puu Cumora, i na mooolelo i waihoa mai ai ia'u e ka lima o ka Haku, koe nae keia mau papa a'u i haawi aku ai i ka'u keiki Moroni. A eia kekahi, ike aku la ko'u poe kanaka, me ka lakou poe wahine a me ka lakou poe keiki, i na poe kaua o ko Lamana e hele mai ana io lakou nei; a me kela makau weliweli o ka make e hoopihana ana i na naau o ka poe hewa a pau, lakou i kakali ai e hootuka aku ia lakou la. A hele mai la lakou e kaua mai ia makou, a ua hoopihai a kela mea keia mea me ka weliweli, no ka lehulehu loa o lakou. A eia kekahi, lele mai la lakou maluna iho o ko'u poe kanaka me ka pahikaua, a me ke kakaka, a me ka pua, a me ke koi lipi, a me na ano a pau o na mea kaua. A ua kuaia ko'u poe kanaka ilalo, he oiaio, o ko'u umi tausani ka poe pu me au, a hina eha au iwaena konu; a maalo ae la lakou ia'u i ole ai lakou i hooki mai i kuu ola. A ia lakou i hele ai mawaena a kua iho la i ko'u poe kanaka a pau ilalo, koe wale no he iwakaluakumamaha o makou, (a o ka'u keiki Moroni kekahi mawaena o na poe nei,) a ua ola makou mahope o ka make ana o ko makou poe kanaka, a ike aku la ia la ae, i ka wa i hoi aku ai o ko Lamana poe i ko lakou man wahi i hoomoana'i, mai ka piko ae o ka puu Cumora; i ka umi tausani o ko'u poe kanaka ka poe i kuaia ilalo, i alakaiia'ku ma ke alo e au; a ike aku la no hoi makou i na tausani he umi o ko'u poe kanaka ka poe i alakaiia'ku e ka'u keiki Moroni. A, aia hoi, ua hina iho la ka umi tausani o Gidigidona, a oia hoi kekahi mawaena konu; a ua hina iho la o Lama me kona umi tausani; a ua hina iho la o Limaa me kona umi tausani; ua hina iho la o Ioncama me kona umi tausani; a o Kameniha, a me Moroniha, a o Anationuma, a me Sibaloma, a o Sema, a me Iosa, ua hina iho me ko lakou umi tausani pakahi.

3. A eia kekahi, ua hina iho la na mea e ae he umi ma ka pahikaua, me ko lakou umi tausani pakahi; he oiaio, o ko'u poe kanaka a pau, koe nae ua iwakaluakumamaha la pu me au, a me kekahi poe he uuku no hoi, ka poe i pakele aku la iloko o na aina hema, a me kekahi poe he uuku, ka poe i haalele mai a hele aku la i ka aoao o ko Lamana poe, ua hina iho la, a me ko lakou io, a me na iwi, a me ke koko e moe la ma ka ili o ka honua, i waihoa e na lima o ka poe nana lakou i luku mai, e palaho ma ka aina, a e popopo a e hoi hou i ko lakou makuwahine la, o ka honua. A ua haehaeia ko'u naau me ka eha nui, no ka poe i make o ko'u poe kanaka, a hea ae la au, E ka poe maikai, kai ka hiki o oukou ke haalele aku i na aoao o ka Haku! E ka poe maikai, kai ka hiki o oukou ke hoomalau i kela Iesu, nana i ku me na lima hohola e apo mai ia oukou! Aia hoi, ina ua hana ole oukou i keia, ina ua hina ole oukou. Aka hoi, ua hina iho oukou, a ke uwe nei au i ko oukou make ana! E na keikikane a me na kaikamahine maikai, e na makuakane a me na makuwahine, e na kane a me na wahine, e ka poe maikai e, kai ka hiki o oukou ke haule iho! Aka hoi, ua hala aka la oukou, a ua hiki ole i ke kaniuhana ana o'u ke hoihoi hou mai ia oukou; a e hele koke mai ana ka la e hookomo ana ko oukou make i ka make ole, a

o keia mau kino e popopo ana ma ka palaho e lilo koke no i mau kino palaho ole; alaila, e ku oukou imua o ka noho hookolokolo o Kristo, e hookolokoloia e like me ka oukou mau hana; a ina paha he poe pono oukou, alaila, ua pomaikai pu oukou me ko oukou poe kupuna, ka poe i hele e aku mamua o oukou. E! ina ua mihi e oukou mamua o ka hiki ana o keia luku nui maluna iho o oukou. Aka hoi, ua hele aku oukou, a ke ike la ka Makua, he oiaio, o ka Makua mau loa o ka lani, i ko oukou noho ana; a ke hana la oia me oukou māmuli o kona pololei a aloha.

4. Ano hoi, he makemake ko'u e olelo aku i kekahī mau mea i ke koe na o keia poe kanaka, ka poe i hoolaia mai, ina paha e haawiakū ke Akua ia lakou i ka'u mau olelo, i ike ai lakou no na mea o ko lakou poe kupuna; he oiaio, ke olelo aku nei au ia oukou, e ke koena o ko ka hale o Israela; a eia na olelo a'u e olelo aku nei, E ike oukou no ko ka hale o Israela oukou. E ike oukou e hele mai oukou i ka mihi e pono ai, a i ole ia, ua hiki ole ia oukou ke hoolaia. E ike oukou e waiho iho oukou i ko oukou mau mea kaua ilalo e pono ai, a e lealea hou ole aku ma ka hookahe ana i ke koko, a e lalau hou ole aku ia mau mea, ke ole kauoha mai auanei ke Akua ia oukou. E ike oukou e hiki aku oukou i ka ike o ko oukou poc kupuna e pono ai, a e mihi i ko oukou mau hala a hewa a pau, a e manaoio ia Iesu Kristo, oia no ke Keiki a ke Akua, a ua pepehia oia e ka poe Iudaio, a ma o ka mana la o ka Makua ua ala hou ae, a ma ia mea ua loaa ia ia ka lanakila maluna iho o ka lua kupapau; a iloko ona hoi ua aleia ka hope awa o ka make. A e lawe mai ana oia i ke alahouana o ka poe make, a ma ia mea e hoalaia'e ke kanaka e ku imua o kona noho hookolokolo. A ua lawe mai oia i ka hoɔlapanaiia ana o ko ke ao nei, a ma ia mea o ka mea i loaa hewa ole imua ona ma ka la hookolokolo, ua haawiia mai ia ia e noho ma ke alo o ke Akua ma kona aupuni, e memele aku i na hoolea pau ole me ka poe mele maluna, i ka Makua, a i ke Keiki, a i ka Uhane Hemolele oia hookahi Akua, a ma ka noho ana o ka pomaikai aole e pau. Nolaila, e mihi, a e baptizoia ma ka inoa o Iesu, a e apo mai i ka euanelio o Kristo, e hoikeia ae auanei imua o oukou, aole ma keia mooolelo wale no, aka, ma ka mooolelo no hoi e hiki i ka poe Genetile mai ka poe Iudaio ae, a ua mooolelo nei e hiki auanei ia mai ka poe Genetile ae ia oukou. No ka mea hoi, ua palapalaia keia i kumu i manaoio ai oukou i kela; a ina e manaoio oukou i kela, e manaoio no oukou i keia no hoi; a ina e manaoio oukou i keia, e ike oukou no ko oukou poe kupuna, a me na hana kupanaha no hoi i hanaia'i e ka mana o ke Akua mawaena o lakou; a e ike no hoi oukou he koena oukou o ka poe hua a Iakoba; nolaila, ua helu pu ia oukou mawaena o ka poe kanaka o ka berita mua; a ina paha a manaoio aku oukou ia Kristo, a baptizoia, me ka wai mamua, alaila, me ke ahi a me ka Uhane Hemolele, e hahai ana i ke kumu like o ko kakou Mea e Ola'i, e like me ka mea ana i kauoha mai ai ia kakou, alaila, e pono auanei oukou ma ka la hookolokolo. Amene.

MOKUNA IV.

1. Aia hoi, owau, o Moroni ke hana nei a pau i ka mooolelo a ko'u makuakane Moramona. Aia hoi, he mau mea kakaihahi wale no ka'u e palapala ai, a o ua mau mea nei ka'u i kauohaia mai ai e ko'u makuakane. Ano, eia kekahi, mahope iho o ke kaua nui a weliweli ma Cumora, ua imiia'e ko Nepai poe, ka poe i pakele aku ai iloko o ka aina hema, e ko Lamana poe, a pau loa ae la lakou i ka lukuia; a ua pepehia no hoi ko'u makuakane e lakou; a ewau hoi, ke koe wale nei no e kakau i ka mooolelo kaumaha no ka lukuia'na o ko'u poe kanaka. Aka hoi, ua hala aku lakou, a ke hooko nei au i ke kanoha a ko'u makuakane. A ina paha e pepehi mai lakou ia'u, aole au i ike; nolaila, e kakau iho no au a e huna iho i na mooolelo iloko o ka honua, a kahi a'u e hele aku ai he mea ole ia. Aia hoi, ua hana iho ko'u makuakane i keia mooolelo, a ua kakau oia i ke kumu o ia mea. A, aia hoi, e kakau no au ia mea no hoi, ina he wahi kaawale ko'u ma na papa; aka, aole pela; a ua nele au i ka mea e hoo-heheeia, no ka mea, owau wale iho ia no; ua pepehia ko'u maknakane ma ke kaua, a me ko'u poe hanaua a pau, a, aole o'u makamaka aohe hoi kahi e hele aku ai; a o ka loihi o ka ka Haku ae ana ia'u e ola, aole au i ike. Aia hoi, ua hala aku la eha haneri makahiki mai ka hiki ana mai o ko kakou Haku a Mea e Ola'i. A, aia hoi, ua imi ae la ko Lamana poe i ko'u poe kanaka, i ko Nepai, ia kulanakauhaleaku ia kulanakauhaleaku, a ia wahi aku ia wahi aku, a pau loa ae la lakou; a nui ko lakou haule ana: he oiaio, he nui a he kupanaha hoi ka lukuia'na o ko'u poe kanaka, ko Nepai poe. A, aia hoi, o ka lima o ka Haku nana ia mea i hana. A, eia hoi kekahi, ke kaua pu nei ko Lamana poe kekahi me kekahi; a ma ka ili a pau o keia aina e kaa mau ana ka pepehi kanaka a me ka hoo-kahe kokoa; aole kekahi mea i ike i ka hope o ke kaua. Ano hoi, aole au e otelo hou no lakou, no ka mea, aohe kekahi mea, ke ole ko Lamana poe a me ka poe powa, e ola ana maluna iho o ka ili o ka aina; aohe kekahi mea i ike i ke Akua oiaio, koe wale no na haumana a Iesu, ka poe i noho ma ka aina a hiki i ka wa i nui loa ai ka hewa o na kanaka, i ae ole ai ka Haku ia lakou e noho me na kanaka; a ina paha lakou maluna iho o ka ili o ka aina, aole kekahi kanaka i ike. Aka hoi, ua ike au maua me ko'u makuakane ia lakou, a ua lawelawe mai la lakou ia maua. A o ka mea e loaa ana keia mooolelo, a e hoohewaa ole auanei ia mea no na mea heinahema iloko o ia mea, oia ke ike auanci i na mea nui aku i keia mau mea. Aia hoi, owau no o Moroni; a ina ua hiki, ina e hoike aku au i na mea a pau ia oukou.

2. Aia hoi, ke hana nei au a pau ka'u olelo ana no keia poe kanaka. Owau no ke keiki a Moramona, a he mamo ko'u makuakane na Nepai; a owau no hoi ka mea nana e huna iho i keia mooolelo i ka Haku; a he mea waiwai ole na papa o ia mea, no ke kauoha a ka Haku. No ka mea, e olelo oiaio ana oia, aole e loaa i kekahi mea ia mau mea e loaa'i ka waiwai; aka,

o ka mooolelo maluna iho o ia mau mea he mea maikai loa ia; a o ka mea nana e hoopuka mai ia mea i ka malamalama, ia ia ka Haku e hoopomai-kai ai. No ka mea, e hiki ole i kekahi mea ke loaa ka mana e hoopuka mai ia mea i ka malamalama, ke ole e haawilia mai ia ia e ke Akua; no ka mea, e makemake ana ke Akua e hanaia auanei ia mea me ka manao i kona hoonaniia wale no, a i ka pomaikai o ka poe kanaka berita, kahiko, a hoopuehu loihi ia o ka Haku. A pomaikai oia ka mea nana e hoopuka mai auanei i keia mea i ka malamalama; no ka mea, e hoopukai'a mai auanei ia noloko mai o ka pouli i ka malamalama, e like me ka olelo a ke Akua; he oiaio, e hoopukai'a mai auanei ia mea noloko mai o ka honua, a e alohi mai auanei noloko mai o ka pouli, a hiki i ka ike o na kanaka; a e hanaia auanei ia mea e ka mana o ke Akua; a ina he mau hemahema kekahī, he mau hemahema ia mau mea no ke kanaka. Aka hoi, aole makou i ike i kekahi hemahema. Ua ike nae ke Akua i na mea a pau; nolaila, o ka mea e hoohewa mai ana, e makaala oia o lilo auanei oia i ke ahi Gehena. A o ka mea e olelo ana, E hoike mai ia'u, a i ole e hahauia oe; e makaala oia o kena ana oia i ka mea i papaia e ka Haku. No ka mea, o ka mea e hoohewa wikiwiki aku ana, e hoohewa wikiwiki hou ia mai auanei oia; no ka mea, e like me kana mau hana, pela auanei kona uku; nolaila, o ka mea e hahau aku ana, e hahau hou ia mai auanei oia e ka Haku. E nana i ka mea a ka palapala hemolele i olelo mai ai, Mai hahau ke kanaka, a mai hoohewa aku no hoi; no ka mea, na'u no ka hoohewa ana, wahi a ka Haku; a na'u no hoi ka hoopai ana, a na'u no e uku aku. A o ka mea nana e ha aku i ka inaina a me na paio e ku e i ka hana a ka Haku, a e ku e i ka poe kanaka berita o ka Haku, no ko ka hale o Iseraela, a e olelo ae auanei, E hoopau aku no makou i ka hana a ka Haku, a e hoomanao ole ka Haku i kana berita ana i hana'i i ko ka hale o Iseraela, oia ke hookokoke ana e kuaia ilalo a e hooleilia'ku iloko o ke ahi; no ka mea, e olokaa aku no na manao paa mau loa o ka Haku, a hiki i ka hookoia ana o kana mau olelo hoopomaikai a pau. E imi iho i na wana-na a Isaia. Aia hoi, aole hiki ia'u ke kakau iho ia mau mea. He oiaio, aia hoi, ke i aku nei au ia oukou, o kela poe hoano, ka poe i hala aku la mamua o'u, ka poe i noho ma keia aina, e hea aku auanei lakou; he oiaio, mai ka lepo ae lakou e hea aku ai i ka Haku; a ma ke ola o ka Haku, e hoomanao no oia i ka berita ana i hana ai me lakou. A ua ike oia i ka lakou mau pule, ua puleia'ku no ko lakou poe hoahanau. A ua ike oia i ko lakou manaoio; no ka mea, ma kona inoa ua hiki ia lakou ke hooneenee aku i na mauna; a ma kona inoa ua hiki ia lakou ke hoohaalulu i ka honua; a ma ka mana o kana olelo ua hoohiolo aku lakou i na halepaahao i ka honua; he oiaio, aole i hiki i ka umu ahi ke hoeha ia lakou; aole hoi i na holoholona hihiu, aole hoi i na nahesa niho awa, no ka mana o kana olelo. A, aia hoi, ua pule aku no lakou nona, no ka mea a ka Haku e hookuu mai ai e hoopuka mai i keia mau mea. A he mea e pono ole ai no kekahī e olelo ae, Aole e puka mai ana ia mau mea, no ka mea, e puka io mai no auanei ia

mau mea, no ka mea, ua olelo mai ka Haku ia mea; no ka mea, noloko mai o ka honua e puka mai ai auanei ia mau mea, ma o ka lima la o ka Haku, a ua hiki ole i kekahī ke alalai ia mea; a e puka mai no ia mea ma kekahī la i ka wa e oleloia'na, ua hoopauia ae la na hana mana; a e puka mai ai auanei no ia mea me he mea la e olelo ana kekahī mea mai ka make mai.

3. A e puka mai ai no ia mea ma kekahī la i ka wa a ke koko o na mea hoano e kahea aku ai i ka Haku, no na huipu malu ana a me na hana a ka pouli; he oiaio, e puka mai no ia mea ma kekahī la i ka wa e hōoleia mai ai ka mana o ke Akua, a o na ekalesia i lilo ai i ka haumia, a e hookiekieia'e ma ka haaheo o ko lakou mau naau; he oiaio, ma kekahī la i ka wa a na luna o na ekalesia, a me na kumu, e hookiekieia'e ai ma ka haaheo o ko lakou mau naau, ma ka paonioni ana i ka poe i komo iloko o ko lakou mau ekalesia; he oiaio, e puka mai ai no ia ma kekahī la i ka wa e loheia'i no na ahi, a me na makani ino, a me na mahu o ka uahi ma na aina e; a e loheia'i no hoi no na kaua, a me na lono o na kaua, a me na olai i keia wahi i kela wahi; he oiaio, e puka mai ai no ia ma kekahī la, i ka wa e nui ana na mea haumia maluna iho o ka ili o ka honua; a o na pepehi kanaka kekahī, a me ka powa ana, a me ka wahahē ana, a me na hoopunipuni ana, a me na moe kolohe, a me na ano a pau o na mea hoo-pailua; i ka wa e olelo ai na mea he nui wale, E hana i keia mea, i kela mea, a he mea ole ia, no ka mea, e kokua no ka Haku i na mea me ia ma ka la hope. Aka, auwe ka poe me ia, no ka mea, aia no lakou iloko o ke au awaawa, a me na mea paa o ka hewa. He oiaio, e puka mai no ia ma kekahī la, i ka wa i kukuluia'i na ekalesia e olelo ae ana, E hele mai io'u nei, a e kalaia ko oukou mau hala no ko oukou kala. E ka poe kanaka hewa, kekee, a ai oolea, no ke aha la oukou i kukulu ai i na ekalesia no oukou iho e loaa'i ka wawai? No ke aha la oukou i hoano e ai i ka olelo hemolele a ke Akua, i lawe ai oukou i ka hoohewaia'na maluna iho o ko oukou mau uhane? Aia hoi, e nana oukou i na hoike ana a ke Akua. No ka mea hoi, ke hele mai la ka manawa a ma ia la e hookoia'i keia mau mea a pau.

4. Aia hoi, ua hoike mai la ka Haku ia'u i na mea nui a ku-panaha no na mea e hiki koke mai ana ma ia la, i ka wa o keia mau mea e puka mai ai mawaena o oukou. Aia hoi, ke olelo aku nei au ia oukou me he mea la eia oukou maanei; aole nae pela. Aka hoi, ua hoike mai la o Iesu Kristo ia oukou ia'u nei, a ua ike au i ka oukou hana ana; a ua ike au ke hele la oukou ma ka haaheo o ko oukou mau naau; a, aohe mea, koe he kakaikahi wale no, i hookiekie ole ai ia lakou iho maluna ma ka haaheo o ko lakou mau naau, ma ke komo ana i ka lole nani loa, ma ka paonioni ana, a me na paio, a me ka lokoino, a me na hoomaau ana, a me na ano a pau o na hewa; a o ko oukou mau ekalesia, he oiaio, o lakou a pau, ua lilo i haumia no ka haaheo o ko oukou mau naau. No ka mea hoi, ke aloha nui nei oukou i ke kala, a me ko oukou waiwai, a me ko oukou lole nani, a me ka hoonani ana i ko oukou mau hale pule, mamua o

ko oukou aloha i ka poe hune a me ka poe nele, i ka poe mai a me ka poe pilikia. E ka poe haumia, ka poe hookamani, ka poe kumu, ka poe e kuai ana ia oukou iho no ka mea e ino ana, no ke aha oukou i hoohaumia'i i ka ekalesia hemolele o ke Akua? No ke aha la oukou i hilahila ai e lawe maluna iho o oukou i ka inoa o Kristo? No ke aha la oukou i manao ole ai e oi aku ana ka nani o ka pomaikai pau ole, mamua o kela poino e make ole ana, no ka mahalo ana o ko ke ao nei? No ke aha la oukou e honani iho ai ia oukou iho me ka mea nona ke ola ole, a e ae aku nae i ka poe pololi, a me ka poe nele, a me ka poe kapa ole, a me ka poe mai, a me ka poe pilikia e maalo ae ma o oukou la, a nana ole aku ia lakou? He oiaio, no ke aha la oukou e kukulu iho ai i ko oukou mau mea ino malu, e loaa'i ka waiwai, a hoouwe ai i na wahinekanemake imua o ka Haku, a me na keiki makua ole hoi e uwe ai imua o ka Haku; a me ke koko no hoi o ko lakou mau makuakane, a me ka lakou mau kane, e hea aku ai i ka Haku mai ka lepo ae, no ka hoopai maluna iho o ko oukou mau poo? Aia hoi, ke kau ae la ka pahikaua o ka hoopai maluna ae o oukou; a e hele koke mai ana ka manawa nana e hoopai iho ai i ke koko o ka poe hoano maluna iho o oukou, no ka mea, aole oia e hoomanawanui hou aki i ko lakou hea ana.

5. Ano hoi, ke olelo nei no hoi au no ka poe e manaoio ole ana ia Kristo. Aia hoi, e manaoio anei oukou ma ka la o ko oukou ikeia'na, i ka wa a ka Haku e hiki mai ai; he oiaio, o kela la nui i ka wa o ka honua e owili pu ia'i me he pepa la, a e hehee ai na kumu mua me ka wela loa; he oiaio, ma kela la nui i ka wa a oukou e kaiia ae ai e ku imua o ke Keikihipa a ke Akua, alaila, e olelo anei oukou, Aohe he Akua? Alaila, e hoole hou anei oukou i ke Kristo, a, ua hiki anei ia oukou ke nana aki i ke Keikihipa a ke Akua? Ke manao nei anei oukou e noho pu auanei oukou me ia malalo iho o ka ike paka i ko oukou hewa? Ke manao nei anei oukou ua hiki ia oukou ke olioli e noho pu me kela mea hemolele, i ka wa e hoo-walaniaia na uhane o oukou me ka ike paka i ka hewa ma ka oukou hana ino mau ana i kona mau kanawai? Aia hoi, ke i aku nei au ia oukou e oíaku ko oukou poino e noho pu me ke Akua hemolele a pololei, malalo iho o ko oukou ike paka i ko oukou paumaele imua ona, mamua o ka noho pu ana o oukou me na uhane hoohewaia iloko o Gehena. No ka mea hoi, i ka wa a oukou e laweia'e ai e ike i ko oukou olohelohi imua o ke Akua, a me ka nani o ke Akua no hoi, a me ka hemolele o Iesu Kristo, e hoaa no ia mea i ka lapalapa o ke ahi hiki ole ke kiuaiia maluna iho o oukou. E! nolaila, e ka poe hoomaloka, e huli mai i ka Haku; e hea ikai-ka aki i ka Makua ma ka inoa o Iesu Kristo, i loaa'i paha oukou, me ke kina ole, maemae, maikai a keokeo, i hoomaemaeia'i e ke koko o ke Keikihipa, ma kela la nui hope.

6. A eia hou ka'u e olelo aki nei ia oukou, ka poe e hoole ana i na hoikeana a ke Akua, a olelo ae, Ua hoopauia ae la ia mau mea, aole no na hoikeana, aole no hoi na wanana, aole hoi na haawina, aole hoi hoola ana,

aoe hoi olelo ana me na olelo e, a me na hoomaopopo ana i na olelo e. Aia hoi, ke i aku nei au ia oukou, o ka mea e hoole ana i keia mau mea, ua ike ole oia i ka euanelio o Kristo; he oiaio, ua heluhelu ole oia i na palapala hemolele; ina pela, ua hoomaopopo ole oia ia mau mea. No ka mea, aole anei kakou heluhelu, oia like no o ke Akua, inehinei, a i keia la no, a no ka wa pau ole; a iloko ona aole he ano lauwili, aole loa hoi he luli iki. Ano, ina ua noonoo wale oukou ia oukou iho he akua e lauwili ana, a iloko ona he luli iki, alaila, ua noonoo wale oukou ia oukou iho he akua, aole oia he Akua o na hana mana. Aka hoi, e hoike aku no au ia oukou he Akua o na hana mana, oia no ke Akua o Aberahama, a o ke Akua o Isaaka, a o ke Akua o Iakoba; a oia no ke Akua hookahi nana i hana mai i na lani a me ka honua, a me ko lakou mau mea a pau i piha'i. Aia hoi, hana mai la oia ia Adamu; a ma o Adamu la hiki mai la ka haule ana o kanaka. A no ka haule ana o kanaka, hiki mai la o Iesu Kristo, oia no ka Makua a me ke Keiki; a no Iesu Kristo hiki mai la ka hoolapanaiia'na o kanaka. A no ka hoolapanaiia'na o kanaka, i hiki mai ai ma o Iesu Kristo la, ua lawe hou ia lakou i ke alo o ka Haku; he oiaio, ma keia mea no ka hoolapanaiia'na o na kanaka a pau, no ka mea, e lawe mai ana ka make o Kristo i ke alahouana, oia ka mea e lawe mai ana i ka hoolapanai ana mai ka hiamoe mau loa mai, a mai na hiamoe ana la e hoalaia'e auanei na kanaka a pau e ka mana o ke Akua, i ka wa e kani ai ka pu; a e puka mai auanei lakou, o ka poe uuku a me ka poe nui, a e ku auanei lakou a pau imua o kona wahi heokolokolo, ua hoolapanaiia mai a hookuuia mai mai keia apo mau lea mai o ka make, a o ua make nei he make kino ia; alaila, e hiki mai ana ka hooponopono o ka Mea Hemolele maluna iho o lakou; alaila, e hiki ana ka manawa, o ka mea i paumacle, e mau no kona paumaele; a o ka mea i pono, e mau no kona pono; o ka mea olioli, e mau no kona olioli; a o ka mea olioli ole, e mau no kona olioli ole.

7. Ano, e ka poe a pau i noonoo wale ai ia oukou iho he akua i hiki ole ke hana i na hana mana, ke ninau nei au ia oukou, ua hala aku anei keia mau mea a pau, a'u i olelo ai? Ua hiki mai anei ka hopena i keia manawa? Aia hoi, ke i aku nei au ia oukou, aole; a aole i hooki ke Akua e noho Akua o na hana mana. Aia hoi, aole anei he kupanaha ma ko kakou mau maka, na mea a ke Akua i hana'i? He oiaio, a owai la ka mea i hiki ke hoomaopopo i na hana kupanaha a ke Akua? Owai la ka mea e olelo ae, Aole he hana mana, i hanaia'i ka lani a me ka honua ma kana olelo; a ma ka mana o kana olelo, ua hanaia ke kanaka o ka lepo o ka honua; a ma ka mana o kana olelo, ua hanaia na hana mana? A owai la ka mea e olclo ae, Aole o Iesu Kristo i hana i na hana mana ikaika he nui wale? A ua nui na hana mana ikaika i hanaia'i e na lima o ka poe apostolo. A ina ua hanaia na hana mana mamua, alaila, no ke aha la ke Akua i hooki ai i ka noho ana i Akua o na hana mana, a, aole nae oia e loli iki. Aia hoi, ke i aku nei au ia oukou, aole oia e loli ana; ina pela, e pau kona noho Akua ana; aka, aole loa e pau kona noho Akua ana, a

he Akua no hoi ia o na hana mana. A o ke kumu o kona hoopau ana e hana i na hana mana mawaena o na keiki a kanaka, no ka emi ana ia o lakou iloko o ka hoomaloka, a haalele ae i ke ala pololei, a ike ole i ke Akua ka mea e pono ai lakou ke paulele aku. Aia hoi, ke iaku nei au ia oukou, o ka mea e manaoio ana ia Kristo, me ke kanalua ole, o kela mea keia mea ana e noi aku ai i ka Makua ma ka inoa o Kristo e haawia mai ia ia; a aia no keia olelo hoolana i na mea a pau, a hiki aku i ko na welau o ka honua. No ka mea hoi, penei wahi a Iesu Kristo i kana mau haumana e kali ana; he oiaio, a i kana poe haumana a pau no hoi, ma ka hoolohe ana o ka lehulehu, E hele aku oukou i na aina a pau, a e hai aku i ka euanelio i na kanaka a pau; a o ka mea e manaoio mai a bapetizoia, e hoolaia oia, aka, o ka mea manaoio ole mai, e hoohewaia oia. A eia no na ouli e pili pu aku i ka poe e manaoio mai ia'u, ma ko'u inoa lakou e mahiki aku aj i na daimonio; e olelo no hoi lakou me na olelo e; e kaikai no lakou i na nahesa; a ina e inu lakou i ka mea make, aole lakou e poino ia mea; e kau no lakou i ko lakou mau lima maluna iho o ka poe mai, a e ola no lakou; a o ka mea e manaoio mai i ko'u inoa, me ke kanalua ole, ia ia au e hooiaio aku ai i ka'u mau olelo a pau, a hiki aku i na welau o ka honua. Ano hoi, owai la ka mea e hiki ke ku e i na hana a ka Haku? Owai la ka mea hiki ke hoole aku i kana mau olelo? Owai la ka mea e ea ku e aku i ka mana loa o ka Haku? Owai la ka mea e hoowahawaha i na hana a ka Haku? Owai la ka mea e hoowahawaha i na keiki a Kristo? Aia hoi, e ka poe e hoowahawaha ana i na hana a ka Haku, no ka mea, e kahaha no oukou a make. Nolaila, ea, mai hoowahawaha, a mai kahaha, aka, e hoolohe i na olelo a ka Haku, a e noi aku i ka Makua ma ka inoa o Iesu no kela mea keia mea a oukou e nele ai. Mai kanalua, aka, e manaoio, a e hoomaka e like me na manawa kahiko, a e hele mai i ka Haku la me ko oukou naau a pau, a e hooikaika aku i ke ola no oukou iho me ka makau a me ka haalulu imua ona. E naauao oukou ma na la o ko oukou noho ana ma ka honua; e hoomaemae ia oukou iho i na mea pau-maele a pau; mai noi aku, e hiki ia oukou ke hoomaunauna iho ia mea maluna o ko oukou mau kuko, aka, e noi aku me ka manao naueue ole, i ae ole aku ai oukou i ka hoowalewale, aka i hookauwa aku ai oukou na ke Akua ola a me ka oiaio. E makaala i bapetizo ole ia'i oukou me ka pono ole; e makaala i ai ole ai oukou i ka ahaaina a ka Haku me ka pono ole; aka, e makaala e hana i na mea a pau ma ka pono, a e hana ia mea ma ka inoa o Iesu Kristo, ke keiki a ke Akua ola; a ina e hana oukou i keia a hoomau aku a hiki wale i ka hopena, aole oukou e hooleiia'ku mawaho. Aia hoi, ke olelo aku nei au ia oukou me he mea la e olelo ana au mai ka make ae; no ka mea, ua ike au e lohe no auanei oukou i ka'u mau olelo. Mai hoohewa mai ia'u no ko'u hemahema; aohe no boi i kuu maknakane, no kona hemahema; aohe no hoi i ka poe nana i kakau iho mamua aku ona, aka, e oi aku ko oukou pono ke aloha aku i ke Akua no kona hoike ana ia oukou i ko makou mau hemahema, i aoi'a'i oukou e naauao loa mamua o ko makou.

8. Ano hoi, ua kakau iho makou i keia mooolelo mamuli o ko makou ike i na kaha, i kapaia mawaena o makou ko Aigupita i hooponoponoia, ua haawia mai mailalo mai a hoano e ia e makou, mamuli o ke ano o ka makou olelo. A ina ua nui pono ko makou mau papa, ina ua kakau iho makou ma ka olelo Hebera; aka, ua hoano e ia no hoi ka olelo Hebera e makou; a ina ua hiki ia makou ke kakau iho ma ka olelo Hebera, alaila, aole loaa ia oukou na hemahema ma ka makou mooolelo. Aka, ua ike no ka Haku i na mea a makou i kakau iho ai, a me ka ike ole no hoi o kekahia lahuikanaka e i ka makou olelo, nolaila, ua hoomakaukau oia i na mea no ka hoike ana i ke ano o ia mau mea. A ua kakauia keia mau mea, i hiki ia makou ke hoomaemae iho i ko makou aahu i ke koko o ko makou poe hoahanau, ka poe i emi iho ai iloko o ka hoomaloka. A, aia hoi, o keia mau mea a makou i noi aku ai no ko makou poe hoahanau, he oiaio, oia no ka hoihoi hou ia ana o lakou i ka ike no Kristo, ua like ia me na pule a ka poe hoano a pau, ka poe i noho mua ai ma ka aina. A na ka Haku, o Iesu Kristo e ae mai e hookoia'i na pule a lakou e like me ko lakou manaoio; a na ke Akua ka Makua e hoomanao mai i ka kerita ana i hana'i me ko ka hale o Iseraela; a nana e hoopomaikai mai ia lakou no ka wa pau ole, ma o ka manaoio la ma ka inoa o Iesu Kristo. Amene.

O KA BUKE A ETERA.

MOKUNA I.

1. Ano, ke hoomaka nei au, o Moroni, e kakau iho i kahi mooolelo o kela poe kamaaina kahiko, ka poe i anaiia mai ai e ka lima o ka Haku ma ka ili o keia aina akau. A ke lawe nei au i ka'u mooolelo mai na papa he iwakaluukumamaha mai, a ka poe kanaka o Limai i loaa ai, oia no ka i kapaia ka buke a Etera. A me a'u i manao ai o ka hapa mua o keia mooolelo, e olelo ana no ka hanaia'na o ke ao nei, a o Adamu no hoi, a he mooolelo mai ia manawa mai a hiki wale mai i ka halepaku nui, a me na mea i hanaia'i mawaena o na keiki a kanaka a hiki mai ia manawa, aia no mawaena o ka poe Iudaio, nolaila, aole au i kakau i kela mau mea i hanaia'i mai na la o Adamu mai a hiki wale i kela manawa; aka, aia no ia mau mea maluna iho o na papa; a o ka mea e loaa ana ia mau mea, nona hoi ka mana e hiki ia ia ke loaa ka mooolelo a pau. Aka hoi, ke kakau ole nei au i ka mooolelo a pau, aka, he hapa wale no ka'u e kakau nei, mai ka halepaku mai a hiki i ka wa i anaiia'i lakou a pau. A penei wau e kakau iho nei i ka mooolelo. O ka mea nana i kakau iho i ua mooolelo nei, oia o Etera, a he mamo ia na Corianatora; a o Corianatora ke keiki a Morona; a o Morona ke keiki a Etema; a o Etema ke keiki a Aha; a o

Aha ke keiki a Seta; a o Seta ke keiki a Sibalona; a o Sibalona ke keiki a Coma; a o Coma ke keiki a Corianatuma; a o Corianatuma ke keiki a Amanigada; a o Amanigada ke keiki a Aarona; a he mamo o Aarona na Heta, oia no ke keiki a Hearatoma; a o Hearatoma ke keiki a Liba; a o Liba ke keiki a Kisa; a o Kisa ke keiki a Coruma; a o Coruma ke keiki a Levi; a o Levi ke keiki a Kima; a o Kima ke keiki a Morianatona; a he mamo o Morianatona na Ripalakisa; a o Ripalakisa ke keiki a Seza; a o Seza ke keiki a Heta; a o Heta ke keiki a Coma; a o Coma ke keiki a Corianatuma; a o Corianatuma ke keiki a Emera; a o Emera ke keiki a Omera; a o Omera ke keiki a Sule; a o Sule ke keiki a Kiba; a o Kiba ke keiki a Oriha, oia no ke keiki a Iareda; a o keia Iareda hele mai la ia me kona kaikaina, a me ko laua mau ohana, me kekahi poe e ae me ko lakou mau ohana, mai ka halepakui nui mai, i ka manawa a ka Haku i hookahuli ai i ka olelo a na kanaka, a hoohiki ma kona huhu, e hoopuehuia'ku ai lakou maluna iho o ka ili a pau o ka honua; a e like me ka olelo a ka Haku, ua hoopuehuia'ku na kanaka. A he kanaka nui a ikaika ke kaika'na o Iareda, a he kanaka i kokua nui ia e ka Haku; no ka mea, i ae la o Iareda, kona kaiku'aana, ia ia, E hea aku i ka Haku, i ole ai oia e hookahuli mai ia kaua i lohe ole ai kaua i ka kaua mau olelo. A eia kekahih, hea aku la ke kaikaina o Iareda i ka Haku, a aloha mai la ka Haku ia Iareda; nelaila, aole oia i hookahuli mai i ka olelo a Iareda; a o Iareda laua me kona kaikaina ua hookahuli ole ia. Alaila, i ae la o Iareda i kona kaikaina, E hea hou aku i ka Haku, a malia paha e hoohuli ae oia i kona huhu mai ko kaua poe makamaka ae, i ole ai oia e hookahuli i ka lakou olelo. A eia kekahih, hea aku la ke kaikaina o Iareda i ka Haku, a aloha mai la ka Haku i ko laua poe makamaka, a me ko lakou mau ohana no hoi, i ole hookahulilia lakou. A eia kekabi, olelo hou ae la o Iareda i kona kaikaina, i ka i ana, E hele a e ninau aku i ka Haku, ina paha e kipaku mai oia ia kakou mailoko ae o ka aina, a ina e kipaku mai oia ia kakou mailoko ae o ka aina, e hea aku ia ia kahi e hele aku ai kakou. A owai la ke ike anoai e hali aku ka Haku ia kakou i kahi aina i maikai loa mamua o ka honua a pau. A ina pela, e malama loa kakou i ka Haku, i loaa'i ia i hooilina no kakou.

2. A eia kekahih, hea aku la ke kaikaina o Iareda i ka Haku, e like me ka mea i oleloia'i e ka waha o Iareda. A hoolohe mai la ka Haku i ke kaikaina o Iareda, a aloha mai la ia ia, a olelo mai la ia ia, O hele a e houluulu iho i kou mau pua holoholona, o ke kane a me ka wahine, o kela ano o keia ano; a i na hua no hoi o ka honua o kela ano keia ano, a me kou mau ohana; a o Iareda no hoi, kou kaikuaana, a me kona ohana; a o kou poe makamaka a me ko lakou mau ohana, a me ka poe makamaka o Iareda a me ko lakou mau ohana. A ia oe e hana'i i keia mea, e hele aku no oe ma ke alo o lakou ilalo iloko o ke awawa, aia ma ka akau ia. A malaila au e halawai pu ai me oe, a e hele aku no au imua ou iloko o kekahih aina i maikai loa mamua o ka aina a pau o ka honua nei. A malaila au e

hoopomaikai aku ia oe a me kau poe hua, a e hoala mai na'u o kau poe hua, a o ka poe hua a kou kaikuaana, a me ka poe e hele pu ana me oe, he lahuikanaka nui. A e kela ole aku kekahī mamua o ka lahuikanaka a'u e hoala ai na'u o kau poe hua, maluna iho o ka ili a pau o ka honua nei. A pela hoi au e hana'i ia oe, no ka mea, o keia manawa loihi ua hea mai oe ia'u.

3. A eia kekahī, iho aku la o Iareda, a me kona kaikaina, a me ka laua mau ohana, a me ka poe makamaka no hoi a Iareda a me kona kaikaina, ilalo iloko o ke awawa ma ka akaū, (a o Nimeroda ka inoa o ke awawa, ua kapaia mamuli o ke kanaka koa i ka hahai holoholona,) me na pua holoholona a lakou i houluulu iho ai, o ke kane a me ka wahine, o kela ano keia ano. A hoomoe iho la lakou i na pahele, a hoopahele ae la i na manu o ka lewa, a hoomakaukau iho la no hei lakou i wahi ipu, a iloko olaila lakou i hali ai i na ia o na wai; a hali pu ae la no hei lakou i ka desereta me lakou, ma ka hoohalike ana, he nalo meli ia; a pela lakou i hali pu ai me lakou i na poe lehulehu o na nalo meli, a me na ano a pau o na mea maluna o ka ili o ka aina, o na anoano o kela ano keia ano. A eia kekahī, ia lakou i hiki ai ilalo iloko o ke awawa o Nimeroda, iho mai la ka Haku a kamailio pu mai la me ke kaikaina o Iareda; a iloko oia o kekahī ao, a ike ole aku la ke kaikaina o Iareda ia ia. A eia kekahī, kanoha mai la ka Haku ia lakou, e hele aku lakou iloko o ka waonahele, he oiaio, iloko o kela hapa kahi a na kanaka i hele ole ai mamua. A eia kekahī, hele aku la ka Haku imua o lakou, a kamailio pu mai la me lakou ia ia i ku ai iloko o kahi ao, a kuhikuhi mai la i kahi a lakou e hele aku ai.

4. A eia kekahī, hele aku la lakou ma ka waonahele, a kapili iho la i na moku, a iloko o ia mau mea lakou i holo mai ai i keia kapa o na wai he nui wale, ua kuhikuhi mau ia lakou e ka lima o ka Haku. A, aole ka Haku e ae mai i noho ai lakou ma kela aoao o ke kai ma ka waonahele, aka, ua makemake oia i hele mai lakou a hiki i ka aina olelo mua ia'i, i maikai loa mamua o na aina e ae a pau, a ka Haku ke Akua i malama ai no kekahī lahuikanaka pono; a ua hoohiki mai i kona huhu i ke kaikaina o Iareda, o na mea e loaa ana ia lakou keia aina i olelo mua ia'i, mai ia manawa aku a mau loa aku, a e hookauwa aku lakou nana, na ke Akua oiaio hookahi, a i ole ia, e kahiliia'ku lakou i ka wa e iho mai ai ka nui o kona inaina maluna iho o lakou. Ano, ua hiki ia kakou ke ike i na olelo ku paa a ke Akua no keia aina, he aina ia o ka pomaikai, a o ka lahuikanaka e loaa ana ia ia lakou, na lakou e hoomana aku i ke Akua, a i ole ia, e kahiliia'ku auanei lakou i ka wa e iho mai ai ka nui o kona inaina maluna iho o lakou. A e hiki mai ana ka nui o kona inaina maluna iho o lakou, i ka wa i oo ai lakou ma ka hewa; no ka mea hoi, he aina keia i maikai loa mamua o na aina e ae a pau; nolaila, o ka mea e loaa ana ia ia ia, e hookauwa no oia na ke Akua, a i ole ia, e kahiliia'ku oia; no ka mea, oia no ka olelo kupaa mau loa a ke Akua. A, aole e kahiliia'ku na keiki o ka aina, a hiki aku i ka wa i piha ai ka hewa o lakou. A e hiki ana keia ia oukou, e ka poe Genetile, i hiki ia oukou ke ike i na olelo ku-

paa a ke Akua, i hiki ai ia oukou ke mihi, a e hoomau ole ma ko oukou mau hewa a hiki wale i ka wa i piha ai, i lawe ole ai oukou i ka nui o ka inaina o ke Akua ilalo maluna iho o oukou, e like me ka poe kamaaina o ka aina i hana'i mamua aku. Aia hoi, he aina waeia keia, a o ka lahuikanaka e loaa ana ia aina, e hookuua lakou mai ka noho luhi ana ae, a mai ka noho pio ana ae, a mai na lahuikanaka a pau malalo iho o ka lani, ina e hookauwa aku lakou na ke Akua o ka aina, oia no o Jesu Kristo, ka mea i hoikeia aku ai e na mea a makou i palapala ai.

5. Ano, ke hoomau aku nei au me ka'u mooolelo; no ka mea, eia kekahī, lawe mai la ka Haku ia Iareda a me kona poe hoahanau i kela kai nui e hookaawale ana i na aina. A me lakou i hiki ai i ke kai, kukulu ihc la lakou i ko lakou mau halelewa; a kapa ihc la lakou i ka inoa o ia wahi o Morianacuma; a noho iho la lakou ma na halelewa: a noho iho la ma na halelewa ma ke kahakai no na makahiki eha. A eia kekahī, i ka pau ana o na makahiki eha, hele hou mai la ka Haku i ke kaikaina la o Iareda, a ku iho la maloko o kahi ao a kamailio mai la me ia. A no na hora ekolu kamailio mai la ka Haku me ke kaikaina o Iareda, a paipai ikaika mai la ia ia no kona hoomanao ole ana e hea aku i ka inea o ka Haku. A mihi iho la ke kaikaina o Iareda i ka ino ana i hana'i, a hea aku la i ka inoa o ka Haku no kona poe hoahanau pu me ia. A i mai la ka Haku ia ia, E kala aku no au ia oe a i kou poe hoahanau, i ko lakou mau hala; aka, mai lawehala hou oe ma keia hope, no ka mea, e hoomanao oe aole e paio mau ko'u Uhane me kanaka; nolaila, ina e lawehala oukou a hiki aku i ka oo loa ana, e hookiia'ku auanei oukou mai ke alo aku o ka Haku. A oia no ko'u mau manao maluna o ka aina a'u e haawi aku ai ia oukou i hooilina no oukou; no ka mea, he aina maikai ia mamua o na aina e ae a pau. A i mai la ka Haku, E hele e hana, a e kapili, mamuli o ke ano o na moku a oukou i hana'i mamua aku nei. A eia kekahī, hana akurla ke kaikaina o Iareda, a nle kona poe hoahanau no hoi, a kapili iho la i na moku mamuli o ke ano a lakou i kapili e ai, e like me na ao ana o ka Haku. A ua uuku ua mau moku nei a ua mama maluna o ke kai, e like me ka mama o kahi manu maluna o ke kai; a ua kapiliia ia mau moku mamuli o kahi ano, i pilipaa loa ai lakou, i hiki ai ia lakou ke hoopihaiia me ka wai e like me ka bola; a ua pilipaa kolalo e like me kahi bola; a o na aoao olaila ua pilipaa e like me kahi bola; a he ihu lua lakou; a ua pilipaa koluna e like me kahi bola; a o ka loihi oia hoi ka loihi o kekahī laau; a o ka puka olaila, i kona wa i panii'a'i, ua pilipaa e like me kahi bola.

6. A eia kekahī, hea aku la ke kaikaina o Iareda i ka Haku, i ka i ana, E ka Haku ua hoopaa au i ka hana au i kaunoha mai ai ia'u, a ua hana au i na moku e like me oe i kuhikuhī mai ai ia'u. A, aia hoi, e ka Haku e, aohe o lakou malamalama iloko, e ike i kahi a makou e hookele ai. A e make auanei no hoi makou, no ka mea, ua hiki ole ia makou ke hanu aku, koe wale no ka ea iloko o lakou; nolaila, e make auanei makou. A i mai la ka Haku i ke kaikaina o Iareda, Aia hoi, nau e hana i kekahī puka

ma koluna olaila, a ma kolalo no hoi olaila; a i ka wa ou e pilikia ai no ka ea ole, nau e wehe i ka pani o ka puka olaila, a e loaa ka ea. A ina paha e komo ke kai iloko maluna iho ou, alaila, nau e pani i ka puka olaila, i ole ai oukou e make ma ke kai. A eia kekahī, hana iho la ke kaikaina o Iareda pela, e like me ka ka Haku i kauoha mai ai. A hea aku la oia i ka Haku, i ka i ana, E ka Haku, ua hana au me oe i kauoha mai ai ia'u; a ua hoomakaukau au i na moku no ko'u poe kanaka, a aia, aohē he malamalama iloko o lakou. Aia hoi, e ka Haku, e ae mai anei oe i holo aku ai makou i kela kapa o keia moana nui ma ka pouli? A i mai la ka Haku i ke kaikaina o Iareda, Heaha la kou makemake na'u e hana aku ai, i loaa'i ia oukou ka malamalama iloko o ko oukou mau moku? No ka mea, aole e hiki ia oukou ke loaa na puka aniani, no ka mea e ulupa liilii ia ia mau mea; aole no hoi e lawe pu i ke ahi me oukou, no ka mea, aole oukou e hele ma ka malamalama o ke ahi; no ka mea hoi, e like auanei oukou me he kohola la mawaena konu o ke kai; no ka mea, e lele aku auanei na ale nui maluna iho o oukou. Aka hoi, e lawe hou no au ia oukou iluna noloko mai o na hohonu o ke kai; no ka mea, ua puka aku la na makani noloko aku o ko'u waha, a o na ua a me na wai nui no hoi ka'u i hoouna aku ai. A, aia hoi, ke hoomakaukau nei au ia oukou no keia mau mea; no ka mea, ea, ua hiki ole ia oukou ke hele aku i kela kapa o keia hohonu nui, ke hoomakaukau ole au ia oukou no na ale o ke kai, a me na makani i puka aku ai, a me na wai nui e hiki mai ana. Nolaila, heaha la kou make-make na'u e hoomakaukau iho ai no oukou, i loaa'i ia oukou ka malamalama, ia oukou e aleia'i iloko o na hohonu o ke kai?

7. A eia kekahī, hele aku la ke kaikaina o Iareda, (ano, ewalu no ka nui o na moku i hoomaukaukauia'i,) i ka mauna, a lakou i kapa aku ai o mauna Selema, no ke kiekie loa ona, a hoohehee iho la noloko mai o kahi pohaku i pa pohaku uuku he umikunmamaono; a ua keokeo a moakaka ia mau mea, e like me ka aniani moakaka lea; a hali ae la oia ia mau mea ma kona mau lima maluna o ka piko o ka mauna, a hea hou aku la i ka Haku, i ka i ana, E ka Haku, ua olelo mai la oe, e hoopunia mai makou a puni e na wai nui e pono ai. Ano hoi, e nana mai oe, e ka Haku, a e hahu ole mai oe i kau kauwa nei no kona nawaliwali imua ou; no ka mea, ua ike makou ua hemolele oe, a e noho ana ma na lani; a ua pono ole makou imua ou; no ka haule ana, ua lilo ko makou ano maoli i ino mau; aka hoi, e ka Haku, ua haawi mai la oe i kauoha na makou e kahea aku ia oe, i loaa mai ai ia makou mai ia oe mai, e like me ko makou mau makemake. Aia hoi, e ka Haku, ua hahau mai oe ia makou no ko makou hala, a ua kipaku mai ia makou, a no keia mau makahiki he nui iloko o ka waonahele makou; ua lokomaikai mai nae ia makou. E ka Haku e, e nana mai ia'u me ke aloha, a e hoohuli ae oe i kou hahu mai keia poe kanaka aku ou, a e ae ole mai na lakou e hele aku i kela kapa o keia hohonu ooloku ma ka pouli, aka, e nana mai i keia mau mea a'u i hoohehece iho ai noloko mai o ka pohaku. A ua ike au, e ka Haku, nou no ka mana a pau, a ua hiki

ke hana i kela mea i keia mea au i makemake ai no ka pomaikai o ke kanaka; nolaila, e hoopa mai i keia mau pohaku, e ka Haku, me kou manamana lima, a hoomakaukau ia mau mea i alohi mai ai ia mau mea iloko o ka pouli; a e alohi mai ia mau mea ia makou iloko o na moku a makou i hoomakaukau ai, i loaa'i ka malamalama ia makou, oiai makou e hele ana i kela kapa o ke kai. Aia hoi, e ka Haku, ua hiki ia oe ke hana i keia. Ua ike makou ua hiki ia oe ke hoike mai i ka mana nui, ka mea uuku i ka nana aku i ka hoomaopopo ana o na kanaka.

8. A eia kekahī, i ka wa a ke kaikaina o Iareda i olelo aku ai i keia mau olelo, aia hoi, o mai la ka Haku i kona lima a hoopa pakahi iho la i na pohaku, me kona manamana lima; a ua weheia ka paku mailuna ae o na maka o ke kaikaina o Iareda, a ike aku la oia i ka manamana lima o ka Haku; a ua like ia me ka manamana lima o ke kanaka, e like me ka io a me ke koko; a hina iho la ke kaikaina o Iareda ilalo imua o ka Haku, no ka mea, ua loohia oia me ka eehia. A ike mai la ka Haku ua hina iho ke kaikaina o Iareda i ka honua; a i mai la ka Haku ia ia, E ala'e, no ke aha la oe i hina'i? A i aku la oia i ka Haku, Ua ike aku la au i ka manamana lima o ka Haku, a makau iho la au o hahau mai oia ia'u; no ka mea, aole au i ike he io a me ke koko ko ka Haku. A i mai la ka Haku ia ia, No kou manaoio ua ike oe e lawe mai auanei au maluna iho o'u i ka io a me ke koko; a, aole loa i hele e mai kekahī kanaka imua o'u me ka manaoio loa e like me oe nei; no ka mea, i ole pela, ua hiki ole ia oe ke ike mai i ko'u manamana lima. Ike mai la anei oe i na mea e ae i oi aku i keia? A pane aku la oia, Aole, e ka Haku, e hoike mai ia oe iho ia'u. A i mai la ka Haku ia ia, E manaoio ana anei oe i na olelo a'u e olelo aku ai? A pane aku la oia, Ae, e ka Haku, ua ike au e olelo ana oe i ka oiaio, no ka mea, he Akua oe o ka oiaio, a ua hiki ole ke wahahē mai. A ia ia i olelo aku ai i keia mau olelo, aia hoi, hoike mai la ka Haku ia ia iho ia ia, a i mai la, No kou ike ana i keia mau mea, na hoolaia mai oe mai ka haule ana mai; nolaila, ua lawe hou ia mai oe iloko imua o ko'u alo; nolaila, ke hoike aku nei au ia'u iho ia oe. Aia hoi, owau no ka mea i hoomakaukauia'i mai ka hookumuua ana mai o ke ao nei e hoolapanai aku i ko'u poe kanaka. Aia hoi, owau no o Iesu Kristo. Owau no ka Makua a me ke Keiki. Iloko o'u e loaa'i i na kanaka a pau ka malamalama, a oia mau loa, oia ka poe e manaoio ma ko'u inoa; a e lilo auanei lakou i poe keikikane na'u a i poe kaikamahine na'u. A, aole loa au i hoike e aku ia'u iho i kanaka a'u i hana'i, no ka mea, aole loa he kanaka i manaoio e mai iloko o'u e like me oe nei. Ke ike mai nei anei oe ua hanaia aku oe mamuli o ko'u ano like? He oiaio, ua hanaia'ku na kanaka a pau ma kinohou, mamuli o ko'u ano like ponoi. Aia hoi, o keia kino, au e ike mai nei, oia no ke kino o ko'u uhane; a ua hana au i kanaka mamuli o ke kino o ko'u uhane; a e like me au e ikeia nei e oe ma ka uhane, pela no au e ikeia e ko'u poe kanaka ma ka io.

9. Ano, e like me au, o Moroni nei, i olelo aku ai, ua hiki ole ia'u ke

kakau iho i mooolelo a pau o na mea i kakauia'i, nolaila, ua lawa na'u e olelo, ua hoike mai la o Iesu ia ia iho i ua kanaka nei ma ka uhane, mamuli o ke ano a i ka like ana o ke kino hookahi, e like me ia i hoike mai ai ia ia iho i ko Nepai poe; a lawelaweh mai la oia ia ia, me ia i lawelaweh mai ai i ko Nepai poe; a o keia a pau, ike ai ua kanaka nei oia ke Akua, no ka nui wale o na hana nui a ka Haku i hoike mai ai ia ia. A no ka ike o ua kanaka nei, ua hiki ole ke alalaiia oia mai ka nana ana aku iloko o ka paku; a ike aku la oia i ka manamana lima o Iesu, a, ia ia ike aku ai ia mea, hina iho la oia me ka makau; no ka mea, ike iho la oia o ka manamana lima no ia e ka Haku; a, aohe ona manaoio hou, no ka mea, ua ike oia, me ke kanalua ole; nolaila, me keia ike lea i ke Akua, ua hiki ole ke alalaiia oia mailoko ae o ka paku; nolaila, ike akn la oia ia Iesu, a lawelaweh mai la oia ia ia.

10. A eia kekahih, olelo mai la ka Haku i ke kaikaina o Iareda, Aia hoi, mai hookuu aku i keia mau mea au i ike mai ai a i lohe ai, e hele aku i ko ke ao nei, a hiki aku i ka manawa na'u e hoonani aku i kuu inea ma ka io; nolaila, nau e hoahu iho i na mea au i ike ai a i lohe ai, a e hoike ole aku i kekahih kanaka. A, aia hoi, ia oe e hele mai ai io'u nei, nau e kakau iho ia mau mea a e sila aku ia mau mea, i hiki ole ai i kekahih mea ke hoike mai i ke ano o ia mau mea; no ka mea, nau e kakau iho ia mau mea ma ka olelo i hiki ole ai ke heluheluia ia mau mea. A, aia, o keia mau pohaku elua ka'u e haawi aku nei ia oe, a e sila iho oe ia laua no hoi, me na mea au e kakau iho ai. No ka mea, o ka olelo au e kakau iho ai, ua hookahuli aku au; nolaila, na'u e hana i ko'u manawa ku pono iho, i hoonui ai ua mau pohaku nei, i na maka o na kanaka, i na mea au e kakau iho ai. A i ka wa a ka Haku i olelo aku ai i keia mau olelo, hoike mai la oia i ke kaikaina o Iareda i ko ka honua a pau i hala aku la, a me ka poe a pau e hiki mai ana; a aua ole oia ia lakou mai kona ike ana aku, a hiki loa aku i na welau o ka honua; no ka mea, ua i mai la oia ia ia mamua, ina e manaoio oia iloko ona, ua hiki ia ia ke hoike mai ia ia i na mea a pau—e hoikeia mai no ia ia ia; nolaila, ua hiki ole i ka Haku ke aua mai i kekahih mea mai ona aku; no ka mea, ua ike oia ua hiki i ka Haku ke hoike mai ia ia i na mea a pau. A i mai la ka Haku ia ia, E kakau iho i ua mau mea nei a e sila iho, a na'u e hoike aku ia mau mea ma ko'u manawa ku pono iho i na keiki a kanaka.

11. A eia kekahih, kauoha mai la ka Haku ia ia nana e sila iho i ua mau pohaku la elua ana i loaa'i, a e hoike ole aku, a hiki i ka wa a ka Haku e hoike aku ai ia mau mea i na keiki a kanaka. A kauoha mai la ka Haku i ke kaikaina o Iareda e iho ilalo mailuna iho o ka mauna, mai ke alo ae o ka Haku, a e kakau iho i na mea ana i ike ai; a ua papaia ia mau mea e hiki mai i na keiki a kanaka, a hiki aku i ka wa mahope iho o kona kaulia'na maluna iho o ke kea; a no keia mea malama iho la ke 'Lii Mosia ia mau mea, i ole ai e hiki i ko ke ac nei, a hiki aku i ka wa mahope iho o ko Kristo hoike ana ia ia iho i koua poe kiuaka. A mahope iho o ko

Kristo hoike io ana ia ia iho i kona poe kanaka, kauoha mai la ia e hoikeia mai ia mau mea. Ano, mahope iho o ko lakou emi ana iho iloko o ka hooimaloka, a aohe he kanaka, koe wale no ko Lamana poe, a ua hooimalau mai lakou i ka euuelio o Kristo; nolaila, ua kauohaiā mai au e huna hou iho au ia mau mea iloko o ka honua. Aia hoi, ua kakau iho au malana iho o keia mau papa, i ua mau mea la a ke kaikaina o Iareda i ike ai; a, aole loa i hoikeia mai na mea i oi aku, i na mea i hoikeia mai i ke kaikaina o Iareda; nolaila, ua kauoha mai la ka Haku ia'u e kakau iho ia mau mea; a ua kakau iho no au ia mau mea. A kauoha mai la oia ia'u e sila aku au ia mau mea; a ua kauoha mai la no hoi oia e sila aku au i ke ano o ia mau mea, no ia mea, ua sila aku au i na mea hoike i ke ano o na olelo, e like me ke kauoha a ka Haku. No ka mea, i mai la ka Haku ia'u, Aole e hele aku ia mau mea i ka poe Genetile la, a hiki aku i ka la a lakou e mihi ai i ko lakou hewa, a e lilo i maemae imua o ka Haku; a ma ia la la a lakou e hana ai me ka manaoio iloko o'u, wahi a ka Haku, e like me ke kaikaina o Iareda i hana'i, i hiki ia lakou ke hoomaemaeia iloko o'u, alaila, na'u e hoike aku ia lakou i na mea a ke kaikaina o Iareda i ike ai, oia, i ka wehwewehe ana ia lakou i ko'u mau hoikeana a pau, wahi a Iesu Kristo, ke Keiki a ke Akua, ka Makua o na lani a o ka honua, a me na mea a pau olaila i piha'i. A o ka mea nana e paio ku e mai i ka Haku, e hoomainoinioia oia; a o ka mea nana e hoole mai i keia mau mea, e hoomainoinioia oia; no ka mea, ia lakou wau e hoike ole aku ai i na mea nui ae, wahi a Iesu Kristo, no ka mea, owau no ia ka mea nana e olelo nei; a ma ka'u kauoha ua weheia a ua paniia na lani; a ma ka'u olelo, e haalulu auanei ka honua; a ma ka'u kauoha, e hala aku auanei ka poe kamaaina ona, me he mea la ma o ke ahi la; a o ka mea e manaoio ole ana i ka'u mau olelo, e manaoio ole ana oia i ka'u poe haumana; a ina aole wau ke olelo nei, e noonoo pono mai oukou; no ka mea, e ike auanei eukou owau no ka mea e olelo ana, ma ka la hope.

12. Aka, o ka mea e manaoio ana i keia mau mea a'u i olelo aku ai, e hele aku au io na la me na hoikeana o ko'u Uhane; a e ike no oia a e hoike aku. No ka mea, no ko'u Uhane, e ike auanei no oia ua oiaio keia mau mea; no ka mea, e ao hoohuli ana ia i na kanaka e hana maikai; o ka mea e ao hoohuli ana i na kanaka e hana maikai, no'u nei no ia; no ka mea, e hiki ole ana ka maikai mai kekahī mea e ae aku, aka mai o'u wale aku nei no. Owau no ka mea hookahi e alakai ana i na kanaka e hana i ka maikai a pau; o ka mea e manaoio ole mai i ka'u mau olelo, aole oia e manaoio mai ia'u, owau no e ola nei; a o ka mea manaoio ole mai ia'u, aole oia e manaoio mai i ka Makua nana au i hoouna mai. No ka mea hoi, owau no ka Makua, owau no ka malamalama, a me ke ola, a me ka oiaio o ke ao nei. E hele mai oukou io'u nei, e ka poe Genetile, a e hoike aku no au ia oukou i na mea nui ae, i ka ike i hunaiā iho no ka manaoio ole. E hele mai oukou io'u nei, e ko ka hale o Isaela, a e hoikeia'ku auanei ia oukou ka nani o na mea nui a ka Makua i hoahu iho ai no oukou, mai ka hookumu-

ia'na mai'o ke ao nei; a ua hiki ole mai ia ia oukou, no ka manaoio ole. Aia hoi, i ka wa i nahae ai ia oukou kela paku o ka manaoio ole, ka mea e kaohi ana ia oukou e noho ma ko oukou noho weliweli o ka naau hewa a paakiki, a me ka makapo o ka hoomaopopo ana, alaila, e hoikeia'ku na mea nui a kupanaha, i hunaa'i mai ka hookumua'na mai o ke ao nei mai o oukou ae; he oiaio, i ka wa a oukou e hea aku ai i ka Makua ma ko'u inoa, me ka naau pepe a me ka uhane mihi, alaila, e ike no oukou ua hoomanao no ka Makua i ka berita ana i hana aku ai i ko oukou poe kupuna, e ko ka hale o Iscraela; a, alaila, e weheweheia'ku ka'u mau hoikeana, a'u i kauoha aku ai e palapalaia e ka'u kauwa o Ioane, ma na maka o na kanaka a pau. E hoomanao, i ka wa a oukou e ike ai i keia mau mea, e ike no oukou ua kokoke mai ka manawa e hoikeia'ku ia mau mea ma ka hana io; nolaila, i ka wa a oukou e loaa'i keia mooolelo, ua hiki ia onkou ke ike ua hoomaka ae la ka hana a ka Makua maluna iho o ka ili a pau o ka aina. Nolaila, e mihi oukou, e ko na welau a pau o ka honua, a e hele mai io'u nei, a e manaoio i ko'u euanelio, a e bapetizoia ma ko'u inoa; no ka mea, o ka mea e manaoio ana, a bapetizoia, e hoolaia oia; aka, o ka mea e manaoio ole ana, e hoohewaia oia; a e hahai no na ouli i ka poe manaoio mai i ko'u inoa. A pomaikai oia ka mea e loaa e omipaa ana i ko'u inoa, ma ka la hope, no ka mea, e hookiekieia'e oia iluna e noho ma ke aupuni i hoomakaukaia'i nona mai ka hookumua ana mai o ke ao nei. A, aia hoi, owau no ka mea nana i olelo aku i keia mea. Amene.

MOKUNA II.

1. Ano, ua kakau iho au, o Moroni nei, i na olelo i kauohaia mai ai ia'u, e like me ko'u hoomanao ana; a ua hai aku au ia oe i na mea a'u i sila aku ai; nolaila, mai noho a hoopaaaku ia mau mea, e hiki ia oe ke unuhi; no ka mea, ua papaja mai ia mea ia oe, ke ole he mea naauao ia mahope i ke Akua. A, aia hoi, ua aeia no oe, nau e hoike aku i na papa i kela poe, ka poc e kokua auanei e hoopuka mai i keia hana; a e hoikeia'ku auanei ia mau mea i na mea ekolu e ka mana o ke Akua; nolaila, e ike no lakou me ka oiaio, he oiaio no ua mau mea nei. A ma ka waha o na mea ike maka ekolu, e hookupaaia keia mau mea; a o ka hoike ana o na mea ekolu, a me keia hana, iloko o ia mea e hoikeia'ku ai ka mana o ke Akua, a me kana olelo no hoi, ka mea a ka Makua, a me ke Keiki, a me ka Uhane Hemolele e hoike aku ana; a e ku auanei keia mau mea a pau i mea hoike e ku e aku i ko ke ao nei, ma ka la hope. A ina paha e mihi lakou, a hele aku i ka Makua la ma ka inoa o Iesu, e hookipaia no lakou iloko o ke aupuni o ke Akua. Ano, ina aohe o'u mana no keia mau mea, e noonoo pono oukou, no ka mea, e ike auanei oukou he mana ko'u, ia oukoia e ike mai ai ia'u, a e ku pu iho kakou imua o ke Akua ma ka la hope. Amene.

MOKUNA III.

1. Ano, ke hoomau nei au, o Moroni, e kakau iho i ka mooolelo o Iareda a me kona kaikaina. No ka mea, eia kekahī, mahope mai o ka ka Haku hoomakaukau ana i na pohaku a ke kaikaina a Iareda i hali aku ai iloko o ka mauna, iho mai la ke kaikaina o Iareda malalo noloko mai o ka mauna, a kau iho la oia i na pohaku iloko o na moku i hoomakaukauia'i, kekahī mamua, kekahī mahope; a, aia hoi, hoomalamalama mai la lakou i na moku olaila. A pela ka Haku i hoomakaukau mai ai i na pohaku e alohi mai iloko o ka pouli, e hoomalamalama mai i na kanaka, i na wahine, a me na keiki, i ole ai lakou e holo aku i kela kapa o na kai nui ma ka pouli.

2. A eia kekahī, ia lakou i hoomakaukau iho ai i na ano a pau o ka ai, i hiki ia lakou ma ia mea ke ola maluna o ke kai, a me ka ai no hoi no ko lakou mau pua a mau ohana holoholona, a me kela holoholona keia holoholona a o na manu a lakou e hali pu ai me lakou. A eia kekahī, ia lakou i hana'i i keia mau mea a pau, ee aku la lakou maluna o ko lakou mau moku, a hookuu aku la iloko o ke kai, e haawi ana ia lakou iho i ka Haku, i ko lakou Akua. A eia kekahī, hoonou iho la ka Haku ke Akua i ka makani ikaika loa maluna iho o ka ili o na kai, i ka aina i olelo mua ia'i; a pela lakou i oalaia'i maluna o na ale o ke kai imua o ka makani. A eia kekahī, na kanuia lakou i na manawa he nui wale iloko o na hohonu o ke kai, no na ale nui i popoi ae maluna iho o lakou, a me na ino hulu nui a weliweli i hanaia e ka ikaika loa o ka makani.

3. A eia kekahī, ia lakou i kanuia'i iloko o ka hohonu, aohe he kai i hiki ke hoopilikia mai ia lakou, ua pilipaa ko lakou mau moku me he bola la, a ua pilipaa no hoi na moku e like me ka halelana o Noa; nolaila, ia lakou i hoopunia'i a puni e na kai he nui, hea aku la lakou i ka Haku, a lawe hou ae la oia ia lakou maluna o ka ili o na kai. A eia kekahī, aole i oki iki ka pa ana o ka makani i ka aina i olelo mua ia'i, oiai lakou maluna o na kai; a pela lakou i puhia'i imua o ka makani; a himeniaku la lakou i na himeni hoolea i ka Haku; he oiaio, himeniaku la ke kaikaina o Iareda i na himeni hoolea i ka Haku, a aloha aku la a hoolaeaku la oia i ka Haku a pau ae la ka la; a i ka po ana, aole lakou i hooki iho i ka hooleaaku i ka Haku. A pela lakou i puhia mai ai; a, ua hiki ole i na kupu nui o ke kai ke wawahai mai ia lakou, aole hoi i hiki i ke kohola ke hana ino mai ia lakou; a he malamalama mau ko lakou, ina maluna o ke kai paha, a i ole malalo paha. A pela lakou i puhia mai ai, ekolu haneri a me hookahi kanahakumamaha la maluna o ke kai; a pae iuka lakou ma ke kahakai o ka aina i olelo mua ia'i. A i ka wa a lakou i ku iho ai i ko lakou mau wawae maluna o kahakai o ka aina i olelo mua ia'i, kulou iho la lakou ma ka ili o ka aina, a hoohaahaa iho la ia lakou iho imua o ka Haku, a hookahe ae la i ka waimaka o ka olioli imua o ka Haku, no ka nui loa o kona mau lokomajkai aloha maluna o lakou.

4. A eia kekahī, hele aku la lakou maluna o ka ili o ka aina, a hoomaka ae la e mahiai i ka honua. A na Iareda na keikikane eha; a ua kapaia lakou o Iacoma, a o Gilega, a o Maha, a me Oriha. A ua hanau ae la na keikikane a me na kaikamahine na ke kaikaina o Iareda no hoi. A o na makamaka o Iareda me kona kaikaina, he iwakaluakumamalua o lakou; a hanau mai la no hoi na keikikane a me na kaikamahine na lakou, mamua o ko lakou hiki ana i ka aina i olelo' mua ia'i; a nolaila, hoomaka ae la lakou e lilo i poe nui. A ua aoia'e lakou e hele haahaa imua o ka Haku; a ua aoia no hoi lakou mailuna mai.

5. A eia kekahī, hoomaka ae la lakou e kawowo aku maluna iho o ka ili o ka aina, a e hoonui a e mahiai i ka honua; a mahuahua ae la lakou i ikaika ma ka aina. A hoomaka ae la ke kaikaina o Iareda e elemakule, a ike iho la e iho koke ana no oia i ka lua kupapau; no ia mea, i ae la oia ia Iareda, Ina kaua e houluulu mai i ko kaua poe kanaka i kahi hookahi, e hiki ia kaua ke helu aku ia lakou, e hiki ai ia kaua ke lohe i ka lakou mea e makemake mai ai ia kaua, mamua o ko kaua iho ana i ko kaua mau lua kupapau. A nolaila ua houluuluia mai la na kanaka i kahi hookahi. Ano, he iwakaluakumamalua no ka nui o na keikikane a me na kaikamahine a ke kaikaina o Iareda; a he umikumamalua ka nui o na keikikane a me na kaikamahine a Iareda, o na keikikane ana eha o lakou. A eia kekahī, helu ae la laua i ko laua poe kanaka; a mahope mai o ko laua helu ana ia lakou, ninau ae la laua ia lakou i na mea a lakou i makemake ai na laua e hana, mamua o ko laua iho ana i ko laua mau lua kupapau. A eia kekahī, makemake mai la na kanaka ia laua, e poni iho laua i kekahī o ka laua mau keikikane i alii maluna iho o lakou. Ano hoi, he mea cha keia ia laua. Aka, iaku la ke kaikaina o Iareda ia lakou, He oiaio, e alakai ana keia mea iloko o ka noho pio ana. Aka, i ae la o Iareda i kona kaikaina, E ae aku ia lakou e loaa'i i alii no lakou; a nolaila, iaku la oia ia lakou, E koho mai oukou mailoko ae o ka maua mau keikikane i alii, oia, i ka mea a oukou e makemake ai.

6. A eia kekahī, koho ae la lakou i ka makahiapo a ke kaikaina o Iareda; a o Pagaga kona inoa. A eia kekahī, hoole aku la oia, aole hoi e lilo i alii no lakou. A makemake mai la na kanaka i kona makuakane e koi ae ia ia; aka, makemake ole kona makuakane ia mea; a kauoha aku la oia ia lakou, Mai noho a koi aku i kekahī kanaka e lilo i alii no lakou. A eia kekahī, koho ae la lakou i na kaikaina a pau o Pagaga, a, aole o lakou makemake. A eia kekahī, aole no hoi o na keikikane a Iareda, o lakou a pau, koe hookahi wale no; a o Oriha, ua poniiia oia i alii maluna o na kanaka. A hoomaka ae la oia e noho alii, a hoomaka ae la na kanaka e pomaikai; a lilo iho la lakou i poe waiwai loa. A eia kekahī, make aku la o Iareda, a me kona kaikaina no hoi. A eia kekahī, hele haahaa ae la o Oriha imua o ka Haku, a ua hoomanao iho la i na mea nui a ka Haku i hana mai ai i kona makuakane, a ao aku la ne hoi i kona poe kanaka i na mea nui a ka Haku i hana mai ai i ko lakou poe makuakane.

7. A eia kekahi, hana ihe la o Oriha i ka hoopono maluna o ka aina me ka pololei i kona mau la a pau, a ua nui loa no hoi kona mau la. A hanau ae la na keikikane a me na kaikamahine nana; he oiaio, hanau ae la he kanakolukumamakahia nana, a mawaena o lakou he iwakaluakumamakola keikikane. A eia kekahi, hanau ae la o Kiba nana i kona wa elemakule. A noho alii iho la o Kiba ma kona hakahaka; a hanau ae la o Corihora na Kiba. A i ka makahiki kanakolukumamalua o Corihora, kipi ae la oia i kona makuakane, a hele ae la a noho iho la ma ka aina o Nehora; a hanau ae la na keikikane a me na kaikamahine nana; a lilo iho la lakou i poe maikai loa ma ka helehelena; nolaila, kauo ae la o Corihora i na kanaka he nui mahope ona. A ia ia i houluulu iho ai he pualu kaua, pii mai la oia i ka aina o Morona, kahi a ke alii i noho ai, a lawe ae la ia ia i pio, a ma ia mea ko ae la ka olelo a ke kaikaina a Iareda, e laweia'i auanei lakou iloko o ka noho pio ana. Ano, o ka aina o Morona, kahi a ke alii i noho ai, ua kokoke ia i ka aina i kapaia o Neoneo e ko Nepai poe. A eia kekahi, noho pio iho la o Kiba, a me kona poe kanaka, malalo iho o Corihora kana keiki, a hiki wale aku i kona wa elemakule loa; aka hoi, hanau ae la o Sule na Kiba, ma kona wa elemakule, oiai oia e noho pio ana.

8. A eia kekahi, ua huhu iho la o Sule me kona kaikuana; a mahauhua ae la o Sule i ikaika, a lilo i mea mana, mamuli o ka ikaika o ke kanaka; a ua mana no hoi ia i ka hooponopono. Nolaila, hele ae la oia i ka puu Eperaima, e hoohehee iho la noloko mai o ka puu, a hana iho la i na pahikaua o ke kila na ka poe ana i kauo mai ai me ia; a mahope iho o kona kahiko ana ia lakou me na pahikaua, hoi ae la oia i ke kulanakau-hale Nehora, a hoouka aku la i ke kaua i kona kaikuana Corihora, a ma ia mea loaa iho la ia ia ke aupuni, a hoihoi hou ae la ia mea i kona makuakane, ia Kiba. Ano, no keia mea a Sule i hana'i, hooili mai la kona makuakane i ke aupuni maluna iho ona; nolaila, hoomaka ae la oia e noho alii ai ma ka hakahaka o kona makuakane. A eia kekahi, hana iho la oia i ka hoopono ma ka pololei; a hoopalahala aku la i kona aupuni maluna iho o ka ili a pau o ka aina, no ka mea, ua lilo ka poe kanaka i lehu-lehu loa. A eia kekahi, hanau ae la na keikikane a me na kaikamahine he nui na Sule no hoi. A mihi iho la o Corihora i na mea ino he nui ana i hana'i; nolaila, haawi ae la o Sule ia ia i mana ma kona aupuni. A eia kekahi, na Corihora na keikikane a me na kaikamahine he nui. A aia mawaena o na keikikane a Corihora kekahi, o Noa kona inoa.

9. A eia kekahi, kipi aku la o Noa ia Sule, ke alii, a me kona makuakane Corihora no hoi, a kauo ae la ia Cohoro, i kona hoahanau ponoi, a me kona poe hoahanau a pau a me kekahi poe he nui o na kanaka. A hoouka mai oia i ke kaua ia Sule, ke alii, a ma ia mea loaa iho la ia ia ka aina o ko lakou hooilina mua; a lilo iho la oia i alii maluna o kela hapa o ka aina. A eia kekahi, hoouka hou mai oia i ke kaua ia Sule, ke alii; a lawe aku la oia ia Sule, ke alii, a hali pio ae la ia ia i Morona. A eia kekahi, ia ia e kokoke ana e pepehi mai ia ia, nihia ae la na keiki a Sule iloko o ka

hale o Noa ma ka poe, a pepehi aku la ia ia, a wawahia ae la i ka pani o ka halepaahao, a kai ae la i ko lakou makuakane mawaho, a hoenooho iho la ia ia maluna iho o kona noho alii ma kona aupuni iho. Nolaila, kukulu iho la ke keiki a Noa i kona aupuni ma kona hakahaka; aole nae lakou i loaa hou ka mana maluna o Sule ke alii; a o ka poe kanaka malalo iho o ka noho alii ana o Sule, ke alii, ua pomaikai nui loa iho la lakou a maluhua ikaika ae ia. A ua maheleia ka aina; a he mau aupuni elua, o ke aupuni o Sule, a me ke aupuni o Cohora, ke keiki a Noa. A kena ae la o Cohora, ke keiki a Noa, i kona poe kanaka e kaua mai ia Sule, a ma ua kaua nei ua lanakila aku la o Sule maluna o lakou, a ua pepehi aku la ia Cohora a make. Ano, he keikikane ka Cohora i kapaia o Nimeroda; a haawi mai la o Nimeroda i ke aupuni o Cohora ia Sule, a loaa ia ia ke aloha ma na maka o Sule; no ia mea, haawi ae la o Sule i na lokomaikai nui maluna iho ona, a hana aku la oia ma ke aupuni o Sule e like me kona mau makemake; a ma ke au ia Sule no hoi hele mai la na kaula mawaena o na kanaka, he poe i hoounaia mai mai ka Haku mai, e wanana ana e lawe ana ka hewa a me ka hoomana kii ana o na kanaka he poino maluna iho o ka aina, a e lukuia lakou, ina aole lakou e mihi.

10. A eia kekahih, kuamuamu na kanaka i ka poe kaula, a hoomaewa-ewa ae la ia lakou. A hoopai aku la ke Alii Sule i ua poe la a pau, ka poe i kuamuamu mai i ka poe kaula; a kau iho la oia i kekahih kanawai mawaena o ka aina a puni, e haawi ana ia kanawai i ka mana i ka poe kaula, i hele aku ai lakou i kela wahi keia wahi a lakou e makemake ai; a ma o keia mea la ua kaiia mai na kanaka i ka mihi. A no ka mihi ana o na kanaka i ko lakou mau hewa a mau hoomana kii ana, hookoe mai la uo ka Haku ia lakou, a hoomaka ae la lakou e pomaikai hou ma ka aina. A eia kekahih, hanau mai la na keikikane a me na kaikamahine na Sule i kona wa elemakule. A, aole kaua hou ma na la o Sule; a hoomanao iho la oia i na mea nui a ka Haku i hana mai ai no kona poe kupuna i ka lawe ana mai ia lakou mai kela kapa o ka hohonu nui, iloko o ka aina i olelo mua ia'i, nolaila, hana iho la oia i ka hoopono ma ka pololei i kona mau la a pau.

11. A cia kekahih, hanau ae la o Omera nana, a noho alii ae la o Omera ma kona hakahaka. A hanau ae la o Iareda na Omera; a hanau ae la ua keikikane a me na kaikamahine na Iareda. A kipi mai la o Iareda i kona makuakane, a hele ae la a noho iho la ma ka aina o Heta. A eia kekahih, hoomalimali ae la oia i na kanaka he nui wale, no na olelo maalea ana, a hiki i ka wa i loaa ka hapalua o ke aupuni ia ia. A ia ia i loaa'i ka hapalua o ke aupuni, kaua mai la oia i kona makuakane, a lawe ae la oia i kona makuakane iloko o ka noho pio ana, a hookauwa mai la ia ia ma ka noho pio ana. Ano, ma na la o ke au ia Omera, e noho pio ana oia i ka hapalua o kona mau la. A eia kekahih, hanau ae la na keikikane a me na kaikamahine nana, a mawaena o lakou o Eseroma a me Corianatuma; a ua hulu nui loa laua no na hana a Iareda, ko laua kaikuaana, a

houluulu ae la laua i pualu kaua, a kaua aku la ia Iareda. A eia kekahī, kaua aku la laua ia ia ma ka po. A ia laua i luku aku ai i ka poe kaua o Iareda, ua kokoke laua e pepehi aku ia ia no hoi; a noi ae la oia ia laua e pepehi ole mai ia ia, a nana no e haawi mai i ke aupuni i kona makuakane. A hookuu aku la laua i kona ola ia ia. Ano, kaumaha nui loa iho la o Iareda no ka lilo o ke aupuni, no ka mea, ua kau iho la oia i kona naan maluna o ke aupuni, a maluna o ka hanohano o ke ao nei. Ano, ua akamai loa ke kaikamahine a Iareda, a e ike ana i na kaumaha o kona makuakane, manao iho la oia e imi i mea e hiki ai ia ia ke hoihoi hou i ke aupuni i kona makuakane. Ano, ua maikai loa ka helehelena o ke kaikamahine a Iareda. A eia kekahī, kamakama ilio ae la oia me kona makuakane; a i ae la ia ia, Ma o ke aha la la ke kaumaha nui o ko'u makuakane ne nei? Aole anei oia i heluhelu i ka mooolelo a ko kakou poe kupuna i lawe mai ai, mai kela kapa o ka hohonu nui? Ano hoi, aole anei he mooolelo kekahī no ka poe o ka wa kahiko, na lakou ma o ko lakou mau manao kuka malu la i loaa'i na aupuni a me ka hanohano nui? Ano la, e hoouna aku ko'u makuakane ia Akisa, ke keiki a Kimanora; a, aia hoi, ua maikai au, a e haa no au imua ona, a e hoolealea aku au ia ia, i makemake mai ai oia ia'u i wahine nana; nolaila, ina e noi mai oia ia oe nau e haawi aku ia'u i wahine nana, alaila, nau e olelo aku, E haawi aku no au ia ia, ina e lawe mai oe io'u nei i ke poo o ko'u makuakane, o ke aliī.

12. A, he hoa aloha o Omera no Akisa, nolaila, ia Iareda i hoouna ae aia Akisa, haa ae la ke kaikamahine a Iareda imua ona, a lealea iho la oia ia ia, a makemake iho la oia ia ia i wahine nana. A eia kekahī, i ae la oia ia Iareda, E haawi mai oe ia ia ia'u, i wahine na'u. A iaku la o Iareda ia ia, E haawi aku no au ia ia ia oe, ina e lawe mai oe io'u nei i ke poo o ko'u makuakane, ke aliī. A eia kekahī, hoakoakoa ae la o Akisa iloko i ka hale o Iareda i kona poe hoahanau a pau, a i ae la ia lakou, E hoohiki mai anei oukou ia'u e onipaa mai oukou ia'u, ma ka mca a'u e noi aku ai ia oukou? A eia kekahī, hooohiki ae la lakou a pau ia ia, ma ke Akua o ka lanī, a ma na lanī no hoi, a ma ka honua hoi, a ma ko lakou mau poo iho, o ka mea e hoano e mai ke kokua ana ae a Akisa e noi ai, e lilo kona poo; a o ka mea e hai aku i ka mea a Akisa e hoike ae ai ia lakou, oia ke kaiilia'ku kona ola. A eia kekahī, pela lakou i hui pu ai me Akisa. A hana ae la o Akisa ia lakou i na hoohiki i haawiiā mai e ka poe o ka wa kahiko, ka poe nana i imi no hoi i ka mana, i haawiiā mai ai maluna nei, mai ia Kaina mai, he pepehi kanaka ia mai kinohi mai. A na malamaia ia maa mea e ka mana o ka diabolo e lawelawe aku i keia mau hoohiki i na kanaka, e hoopaa iho ia lakou ma ka pouli, e kokua i ka poe e imi ana i ka mana, e loaa'i ka mana, a e pepehi kanaka, a e powa, a e wahahee, a e hana i na ano a pau o ka hewa a me na moe kolohe. A o ke kaikamahine a Iareda no ka mea nana i hookomo iho iloko o kona naau e imi aku i ua mau mea nei o ka wa kahiko; a hahao ae la o Iareda ia mea iloko o ka naau o Akisa; nolaila, hana ae la o Akisa ia mea i kona poe hoahanau a

poe makamaka, e alakai ana ia lakou, ma o na olelo malimali la, e hana i kela mea i keia mea ana i makemake ai. A eia kekahī, hana iho la lakou i kekahī hui malu pu ana, e like me ka poe o ka wa kahiko; a o keia hui malu pu ana he mea hoopailua a hewa ia maluna ae o na mea a pau, ma ka maka o ke Akua; no ka mea, aole e hana ana ka Haku ma na hui malu pu ana, aole hoi ona makemake e hookahē aku kanaka i ke koko, aka, ma na mea a pau ua papa mai la ia mea, mai ka makamua mai o na kanaka.

13. Ano, aole au, o Moroni, i kakau i ke ano o ko lakou mau hooiki a mau hui pu ana, no ka mea, ua hoikeia mai ia'u aia no keia mau mea mawaena o na kanaka a pau, a aia no ia mau mea mawaena o ko Lamana poe, ma o ua mau mea la i hiki mai ai ka anaiia'na o keia poe kanaka, ka poe a'u e olelo nei, a me ka anaiia'na no hoi o ka poe kanaka o Nepai; a o ka lahuikanaka e kokua ana i na hui malu pu ana me ia, e loaa ai ka mana a me ka waiwai, a hiki i ka wa e laha aku ai ia mau mea maluna o ka lahuikanaka, aia hoi, e anaiia'ku auanei lakou, no ka mea, aole e ae aku ka Haku i ke koko o kona poe hoano, ka mea e hookaheia aku auanei e lakou, e hea mauaku ia ia mai ka lepo ae no ka hoopai maluna o lakou, me ka hoopai ole ac ona no lakou; nolaila, e ka poe Genetile, he mea naauao i ke Akua i hoikeia'ku ai keia mau mea ia oukou, i hiki ia oukou ma ia mea ke mihi i ko oukou mau hewa, a e ae ole aku i keia hui pu malu pepehi kanaka ana e kau mai maluna iho o oukou, na mea i kukuluia iho ai e loaa ka mana a me ka waiwai, a i ka hana hoi, he oiaio, i ka hana hoi o ka luku e hiki mai maluna iho e oukou; he oiaio, o ka pahikaua o ka hoopai o ke Akua mau loa, e haule iho maluna o oukou, i ko oukou hoo-hiolio'a'na a lukua'na, ina e ae aku oukou i keia mau mea e hanai'a; nolaila, ke kauoha aku nei ka Haku ia oukou, i ka wa a oukou e ike ai i keia mau mea e hiki mai mawaena o oukou, e ala'e no oukou e ike i ko oukou noho weliweli ana, uo keia hui malu pu ana mawaena auanei o oukou, a i ole, auwe ia mea, no ke koko o ka poe i pepehi'a; no ka mea, e hea ae ana lakou mai ka lepo ae no ka hoopai maluna iho o ia mea, a maluna iho no hoi o ka poe nana ia mea e kukulu iho. No ka mea, e hiki mai ana keia, o ka mea nana ia mea e kukulu iho, e imi ana oia e hoohiolo aku i ke ku okoa ana o na aina, na lahuikanaka a me na anakanaka a pau; a e lawe mai ana ia i ka anaiia'na o na kanaka a pau, no ka mea, ua kukuluia iho e ka dia-bolo, oia no ka makua o na wahahē a pau; oia hookahi no ua mea wahahē la nana i hoowalewale i ko kakou mau kupuna mua; he oiaio, oia no ua mea wahahē hookahi la nana i hookonokono aku i na kanaka e pepehi kanaka, mai kinohi mai; nana i hoopaakiki iho i na naau o na kanaka, i pepehi aku ai lakou i ka poe kaula, a hailuku ia lakou, a hookuke mai ia lakou mawaho, mai kinohi mai. No ia mea, ua kauohaia au, o Moroni, e kakau ilo i keia mau mea, i hoopoaia'ku ai ka hewa, a i hiki mai ai ka manawa, i ole ai o Satana he mana maluna iho o na naau o na keiki a kanaka, aka, i ao hoohulii'a'i lakou e hana maikai mau, i hele mai ai lakou i ka punawai o ka pono a pau, a e hooliaia.

MOKUNA IV.

1. Ano, ke hoomau aku nei wau, o Moroni, me ka'u mooolelo. Nolaila hoi, eia kekahī no ka hui malu pu ana o Akisa a me kona poe makamaka, aia, hoohiolo ae la lakou i ke aupuni o Omera; aka hoi, ua aloha mai la ka Haku ia Omera, a i kana poe keikikane a i kana poe kaikamahine, ka poe i imi ole ai i kona make. A ao mai la ka Haku ia Omera ma ka moe uhane, e hele aku oia mailoko aku o ka aina; nolaila, haalele aku la o Omera me kona ohana i ka aina, a hele ąku la i na la he nui wale, a hiki ae la a kaalo ae la ma ka puu o Sima, a hiki ae la ma kahi o ko Nepai poe i anaiia'i, a mailaila aku i ka hikina, a hiki aku la i kahi i kapaia o Abaloma, ma ke kahakai, a malaila oia i kukulu iho ai i kona halelewa, a me kana poe keikikane a me kana poe kaikamahine, a me ko kona hale a pau, koe o Iareda a me kona ohana.

2. A eia kekahī, ua ponii'a'e la o Iareda i alii maluna o na kanaka, e ka lima o ka hewa; a haawi ae la oia ia Akisa i kana kaikamahine i wahine nana. A eia kekahī, imi iho la o Akisa i ke ola o kona makuahonowai-kane; a noi aku la oia i ua poe la, ana i hoohiki ai ma ka hoohiki o ka poe o ka wa kahiko, a loaa iho la ia lakou ke poo o kona makuahonowai-kane, me ia i noho ai maluna o kona noho alii, e hoolohe ana i ka na kanaka; no ka mea, no ka nui o ke kawewo ana o keia kuikahi malu a hewa, ua hoino iho ia mea i na naau o na kanaka a pau; nolaila, ua pepelihia o Iareda maluna iho o kona nobo alii, a noho alii iho la o Akisa ma kona hakahaka. A eia kekahī, hoomaka ae la o Akisa e manao ino ae i kana keikikane, nolaila, hoopaa aku la oia ia ia iloko o ka halepaahao, a malama uuku aku la ia ia i kahi ai, a hiki aku i ka make ana ona. Ano, ua huhu ke kaikaina o ka mea i make, (a o Nimara kona inoa,) i kona makuakane, no ka mea a kona makuakane i hana mai ai i kona kaikuaana. A eia kekahī, houluulu ae la o Nimara i kekahī poe kanaka he uuku, a holo aku la oia mailoko aku o ka aina, a hele ae la a noho pu iho la me Omera. A eia kekahī, hanau ae la na keikikane e ae na Akisa, a loaa iho la ia lakou na naau o na kanaka, me ka hoohiki e ana nae o lakou ia ia e hana aku i na anō a pau o ka hewa, e like me ka mea ana e makemake ai. Ano, ua puniwaiwai ka poe kanaka o Akisa, e like me Akisa i puni mana'i; no ia mea, haawi ae la na keiki a Akisa ia lakou i ke kala, a ma o ua mea la alakai ae la lakou i ka nui loa o na kanaka mamuli o lakou; a hoomaka ae la ke kaua mawaena o na keiki a Akisa a me Akisa, a mau ae la ia no na makahiki he nui; he oiaio, i ka lukuia'na aneane e pau loa na kanaka o ke aupuni; he oiaio, ua pau loa, he kanakolu wale no i koe, a me ka poe i holo pu aku ai me ko ka hale o Omera; no ia mea, ua hoihoi hou ia o Omera i kona aina hooilina. A eia kekahī, hoomaka ae la ka elemakule ana o Omera, aka hoi, ma kona wa elemakule hanau ae la o Emera nana; a poni iho la oia ia Emera, e nohc alii ma kona hakahaka. A mahope iho o kona poni ana ia Emera i alii, ike aku la oia i ka maluhia ma ka aina

no na makahiki elua, a make aku la ia, ua ike oia i na la he nui loa, i piha me ke kaniuhu. A eia kekahī, noho alii iho la o Emera ma kona hakahaka, a hoopīla iho la i na kapuāi o kona makuakane.

3. A hoomaka hou ae la ka Haku e lawe aku i ka poino mai ka aina aku, a pomaikai nui loa iho la ko ka hale o Emera malalo iho o ke au ia Emera; a ma na makahiki kanaonokumamalua, ua lilo iho la lakou i ikaika loa, a lilo iho la i waiwai loa, me na ano a pau o ka hua, a o na hua lillii a o na kilika, a o ka ie nauī, a o ke gula, a o ke kala, a o na mea mēikai, a me na ano a pau no hoi o na holoholona, o na bipi kane, a me na bipi wahine, a o na bipa, a me na puua, a o na kao, a me na ano e ae he nui wale no hoi o na holoholona i pono ke aia e kanaka; a he poe liō no hoi ko lakou, a me na hoki, a he poe elepani kekahī, a me na cureloma, a me na cumoma; a he mau mea pono keia mau mea a pau no kanaka, a ua oi loa aku ke pono o na elepani, a me na cureloma, a me na cumoma. A pela ka Haku i ninini mai ai i kona mau mea pomaikai maluna o keia aina, i mai-kai loa maluna o na aina e ae a pau; a kauoha mai la oia o ka mea nana e loaa ia aina, e loaa ia mea i ka Haku, a i ole e anaiai lakou i ka wa a lakou i oo ai ma ka hewa; no ka mea, maluna o ka poe me neia, wahi a ka Haku, e ninini iho au i ka piha o ko'u inaina. A hana aku la o Emera i ka hoopono ma ka pololei, i kona mau la a pau, a hanau ae la na keikikane a me na kaikamahine nana; a hanau ae la o Corianatuma nana; a poni iho la oia ia Corianatuma e noho alii ma kona hakahaka. A mahope iho o kona poui ana ia Corianatuma e noho alii ma kona hakahaka, ola ae la ia i na makabiki eha, a ike aku la oia i ka maluhia ma ka aina; he oiaio, ike ae la ia i ke Keiki a ka pono, a hauoli iho la a kaena ae la ma kona la; a make aku la ia ma ka maluhia. A eia kekahī, hele ae la o Corianatuma ma na kapuāi o kona makuakane, a kukulu iho la i na kulanakauhale kaulana he nui, a lawelawe ae la i ka mea i maikai i kona poe kanaka, i kona mau la a pau. A eia kekahī, aohe ana keiki, a hiki wale i kona wa elemakule loa. A make aku la kana wahine, a hookahi haneri kumamalua īnakahiki ona. A lawe ae la o Corianatuma i kekahī wahine puupaa opio, i wahine nana, ma kona wa elemakule, a hanau ae la na keikikane a me na kaikamahine nana; nolaila, ola aku la oia a hiki aku i ka hookahi haneri kanahakumamalua makabiki ona. A eia kekahī, hanau ae la o Coma nana, a noho alii iho la o Coma ma kona hakahaka; a noho alii iho la ia hookahi kanaha a me na makabiki keu eiwa, a hanau ae la o Heta nana; a hanau ae la na keikikane a me na kaikamahine e ac no hoi nana. A ua laha hou aku la na kanaka maluna iho o ka ili o ka aina, a hoomaka hou ae la he hewa nui wale maluna o ka ili o ka aina, a hoomaka ae la o Heta e apo hou aku i na mea malu o ka wa kahiko, e pepehi iho ai i koua makuakane. A eia kekahī, kaili aku la oia i ka noho alii o kona makuakane; no ka mea, pepehi ae la oia ia a make loa me kana pahikaua iho; a noho alii iho la oia ma kona hakahaka. A hiki hou mai la na kaula ma ka aina, e hea ana i ka mihi ia lakou; e hoomakaukau iho no lakou i ke alanui no ka Haku, a

i ole e hiki mai kekahī poino maluna iho o ka ili o ka aina; he oiaio, e hiki mai ka wi nui, a ma ia mea e lukuia'i lakou, ina aole lakou e mili. Aka, manaoio ole iho la na kanaka i na olelo a ka poe kaula, aka, hookeuke ae la lakou i ua poe kaula la mawahō; a hoolei ae la lakou i kekahī poe o ua poe la iloko o na lua, a haalele ae la ia lakou e make. A eia kekahī, hana ae la lakou i keia mau mea a pau mamuli o ke kauoha a ke alii Heta.

4. A eia kekahī, hoomaka ae la ka wi nui maluna o ka aina, a hoomaka ae la ka poe kamaaina e luku emo ole loa ia, no ka wi; no ka mea, aohe he ua maluna iho o ka ili o ka honua; a puka mai la na nahesa niho awa no hoi maluna iho o ka ili o ka aina, a hoomake mai la i na kanaka he nui. A hoomaka ae la ko lakou mau pua holoholona e holo aku imua o na nahesa niho awa, i ka aina hemā, i kapaia e ko Nepai poe, o Zarahemela. A eia kekahī, ua nui na mea o lakou i make ma ke ala; aka hoi, ua holo aku kekahī poe iloko o ka aina hemā. A hooki iho la ka Haku i na nahesa i alualu hou ole ai ia lakou, aka, i alalai mai ai lakou i ke ala, i hiki ole ai i na kanaka ke maalo ae; i haule iho ai ka mea e hoao ana e maalo ae, ma o na nahesa niho awa la. A eia kekahī, habai aku la na kanaka i ke ala o na holoholona, a ai iho la i na heana o ka poe i haule iho ma ke ala, a pau ae la ua poe heana la i ka aiaia e lakou. Ano, i ka wa a na kanaka i ike ai e make ana lakou, hoomaka ae la lakou e mihi i ko lakou mau hewa, a heaaku i ka Haku. A eia kekahī, ia lakou i hoohahāhaa nui ai ia lakou iho imua o ka Haku, hoouna mai la ia i ka na maluna iho o ka ili o ka honua, a hoomaka ae la na kanaka e ola hou, a hoomaka ae la ka hua e hoohuaia mai ma na aina akau, a ma na aina a pau a puni. A hoike mai la ka Haku i kona mana ia lakou, ma ka hoola ana iā lakou i ka wi. A eia kekahī, o Seza, he mamo ia na Heta, no ka mea, ua make o Heta ma ka wi, a me ko kona hale a pau, koe o Seza wale no; nolaila, hoomaka ae la o Seza e kukulu hou i kekahī lahuikanaka i mokumokuia. A eia kekahī, hoomanao iho la o Seza i ka lukuia'na o kona poe kupuna, a kukulu iho la ia i kekahī aupuni pono, no ka mea, hoomanao iho la ia i ka mea a ka Haku i hana'i, ma ka lawe ana ia Jareda a me kona kaikaina mai kela kapa o ka hohonu; a hele aku la oia ma na aoao o ka Haku, a hanau ae la na keikikane a me na kaikamahine nana. A kipi ae la kana keikikane mua, o Seza kona inoa, ia ia; aka hoi, ua hahauia o Seza e ka lima o kekahī powa, no kona waiwai nui loa, a lawe hou mai la ia mea i ka maluhia i kona makuakane. A kukulu iho la kona makuakane i na kulanakauhale he nui maluna iho o ka ili a pau o ka aina. A ola ae la o Seza a elemakule loa iho la; a hanau ae la o Ripalakisa nana, a make aku la ia. A noho iho la o Ripalakisa ma kona hakahaka.

5. A eia kekahī, aole o Ripalakisa i hana i ka mea i pono ma ka maka o ka Haku, no ka mea, he nui na wahine a me na haiawahine ana, a kauaku la i ka mea maluna iho o na poohiwi o kanaka i kaumaha ke halii'a'e; he oiaio, auhau aku la oia ia lakou me na auhau kaumaha; a kukulu iho la oia i na Hale akea he nui me na auhau. A kukulu iho la oia nona iho i

kekahi noho alii nani loa, a kukulu iho la oia i na halepaahao he nui, a o ka mea ae ole aku e noho malalo iho o na auhau, hoolei aku la oia ia ia iloko o ka halepaahao; a o ka mea hiki ole ke hookupu aku i na auhau, hoolei aku la no oia ia ia iloko o ka halepaahao; a kena ae la oia e hana mau lakou no ko lakou ola; a o ka mea e hoole ana e hana, kena ae la oia e pepehiia; nolaila, loaa iho la ia ia kana hana nani a pau; he oiaio, o kona gula maikai oia kana i kena aku ai e hoomaemaeia iloko o ka halepaahao, a me na ano a pau o ka hana nani oia hoi kana i kena aku ai e hanaia iloko o ka halepaahao. A eia kekahī, hoopopilikia iho la oia i na kanaka me kona mau moe kolohe ana a mau mea hoopailua; a ia ia i noho alii ai no na makahiki hookahi kanahakumamalua, ala ae la na kanaka ma ke kipi aku ia ia, a hoomaka ae la ke kaua hou ma ka aina, a ua pepehiia o Ripalakisa, a ua kipakuia'e kana poe mame mailoko aku o ka aina.

6. A eia kekahī, mahope mai o na makahiki he nui, houluulu ae la o Morianatona, (he mame ia na Ripalakisa,) i kekahī puali o na aea, a hele aku la a kaua aku la i ka poe kanaka; a loaa iho la ia ia ka mana maluna iho o na kulanakauhale he nui wale; a lilo iho la ke kaua i eha loa, a mau ia no na makahiki he nui wale, a loaa iho la ia ia ka mana maluna o ka aina a pau, a hoonoho iho la oia ia ia iho i alii maluna o ka aina a pau. A mahope iho o kona hoonoho ana ia ia iho i alii, hoomaha ae la oia i ke kaumaha o na kanaka, a ma ia mea loaa ia ia ka lokomaikai ma na maka o na kanaka, a poni iho la lakou ia ia i alii no lakeou. A hana aku la oia i ka pono i na kanaka, aole nae ia ia iho, no ka nui o na moe kolohe ana ona; nolaila, ua hookiia aku oia mai ke alo aku o ka Haku. A eia kekahī, kukulu iho la o Morianatona i na kulanakauhale he nui wale, a lilo iho la na kanaka i poe waiwai loa malalo iho o kona au, ma na hale, a me ke gula, a me ke kala, a me ka hoolulu ana i na hua lili, a ma na pua a me na ohana holoholona, a ma na mea i hoihoi hou ia mai ia lakou. A ola ae la o Morianatona a elemakule loa, alaila, hanau ae la o Kima nana: a noho alii iho la o Kima ma ka hakahaka o kona makuakane; a noho alii iho la oia no na makahiki ewalu, a make aku la kona makuakane. A eia kekahī, aole o Kima i noho alii ma ka pono, nolaila, aole oia i kokuaia e ka Haku. A ala ae la kona kaikaina a kipi ae la ia ia, a ma keia kipi ana lawe ae la ua kaikaina nei ia ia iloko o ka noho pio ana; a noho pio iho la oia i kona mau la a pau; a hanau ae la na keikikane a me na kaikamahine nana ma ka noho pio ana; a i kona wa elemakule hanau ae la o Levi nana, a make aku la ia.

7. A eia kekahī, hookauwa ae la o Levi ma ka noho pio ana mahope iho o ka make ana o kona makuakane, no na makahiki hookahi kanahakumamalua. A kaua ae la ia i ke alii o ka aina, a ma ua kaua la loaa iho la ia ia iho ke aupuni. A mahope iho o kona loaa ana ia ia iho ke aupuni, hana aku la oia i ka mea pololei ma ka maka o ka Haku, a hoo-pomaikaiia iho la na kanaka ma ka aina, a ola ae la oia a elemakule mai-kai iho la, a hanau ae la na keikikane a me na kaikamahine nana; a hanau

ae la no hoi oia ia Coroma, ka mea ana i poni iho ai i alii ma kona hakahaka. A eia kekahī, hana aku la o Coroma i ka mea i maikai ma ka maka o ka Haku, i kona mau la a pau; a hanau ae la na keikikane a me na kaikamahine he nui nana; a mahope iho o kona ike ana i na la he nui wale, hala aku la oia, e like me ke koena o ko ka honua; a noho alii iho la o Kisa ma kona hakahaka. A eia kekahī, hala aku la no hoi o Kisa, a noho alii iho la o Liba ma kona hakahaka. A eia kekahī, hana iho la no hoi o Liba i ka mea i maikai ma ka maka o ka Haku. A ma na la o Liba ua lukuia na nahesa niho awa; nolaila, hele aku la lakou ma ka aina hema, e imi i na mea no ka poe kanaka o ka aina e ai ai; ne ka mea, ua uhiia ka aina me na holoholona o ka ululaau. A lilō iho la no hoi o Liba i mea koa i ka hahai holoholona. A kukulu iho la lakou i kekahī kulanakauhale nui ma ka pualo ololi o ka aina, ma kahi a ke kai i hookaaawale ai i ka aina. A malama iho la lakou i ka aina hema i nahelehele, e loaa'i na holoholona hihiu. A ua uhiia ka ili a pau o ka aina akau me na kanaka; a ua ikaika loa lakou ma ka hana, a kuai mai a kuaiaku lakou, a kalepa ae la lakou kekahī me kekahī, i hiki ia lakou ke loaa ka waiwai. A hana aku la lakou ma na ano a pau o na mea i elia, a hana aku la lakou i ke gula, a me ke kala, a me ka hao, a me ke keleawe, a me kela ano keia ano o na mea hiki ke hookheeia; a eli iho la lakou ia mea noloko mai o ka honua; nolaila, hooi i ae la lakou i na puu kiekie o ka lepo e loaa'i ka mea e hookheeai, o ke gula, a me ke kala, a o ka hao, a me ke keleawe ulaula. A hana iho la lakou i na ano a pau o ka hana nani. A ia lakou na kilika, a me ka ie milo-nani ia; a hana aku la lakou i na ano a pau o ka lole, i hiki ia lakou ke heoaahu mai ia lakou iho i ko lakou olchelche. A hana aku la lakou i na ano a pau o na mea paahana e mahiai i ka honua, e palau a e lulu, e ohi i ka hua a e kope i ka lepo, a e hahau i ka hua no hoi. A hana aku la lakou i na ano a pau o na mea paahana, a me na mau mea nei lakou i hoohana'i i ko lakou mau holoholona. A hana aku la lakou i na ano a pau o na mea kaua. A hana aku la lakou i na ano a pau o ka hana me ka hana akamai loa. Aole loa i hiki i kekahī lahuikanaka ke hoopomaikai nui loa ia mamua o lakou, a ke hoomahuahua loa ia e ka lima o ka Haku. A maloko lakou o kekahī aina i maikai loa maluna o na aina a pau, no ka mea, ua olelo mai la ka Haku ia mea. A eia kekahī, ola ae la o Liba i na makahiki he nui wale, a hanau ae la na keikikane a me na kaikamahine nana; a hanau ae la no hoi o Hearatoma nana. A eia kekahī, noho alii iho la o Hearatoma ma ka hakahaka o kona mākuakane. A ia Hearatoma i noho alii ai i na makahiki he iwakaluakumamaha, aia hoi, ua kaililia'e la ke aupuni mai ona aku la. A hookauwa ae la oia i na makahiki he nui ma ka noho pio ana; he oiaio, i ke koena a pau o kona mau la. A hanau ae la o Heta nana, a noho pio iho la o Heta i kona mau la a pau. A hanau ae la o Aarona na Heta, a noho pio iho la o Aarona i kona mau la a pau; a nana o Amanigada, a noho pio iho la no hoi o Amanigada i kona mau la a pau; a nana o Corianatuma, a noho pio iho la o Corianatuma i kona mau la a

pau; a hanau ae la o Coma nana. A eia kekahī, kauo ae la o Coma i ka hapalua o ke aupuni. A noho alii iho la oia maluna o ka hapalua o ke aupuni hookahi kanahakumamalua makahiki; a hele aku la oia e kaua aku i ke Alii Amagida, a kaua ae la lauā no na makahiki he nui wale, a ma ia manawa loaa iho la ia Coma ka mana maluna iho o Amagida, a loaa iho la ka mana maluna o ke koena o ke aupuni. A ma na la o Coma hoomaka ae la na powa e ikeia ma ka aina; a lawe ae la lakou i na mea kuka kahiko, a lawelawe ae la i na hoohiki mamuli o ke ano o ko ka poe kahiko, a imi hou iho la e hoopau i ke aupuni. Ano, kaua ku e nui aku la o Coma ia lakou; aole nae oia i lanakila maluna o lakou. A hele mai la no hoi ma na la o Coma na kaula he nui, a wanana mai la no ka lukuia'na o kela poe kanaka nui, ke ole lakou e mihi a huli aku i ka Haku, a e haalele aku i ko lakou mau pepehi kanaka ana a me ka hana hewa.

8. A eia kekahī, ua hoomalauia'e ka poe kaula e na kanaka, a holo mai la lakou io Coma la no ka maluhia, no ka mea, imi ae la na kanaka e pepehi ia lakou; a wanana mai la lakou ia Coma i na mea he nui; a ua hoopomaikaiia iho la oia ma ke koena a pau o kona mau la. A ola ae la oia a elemakule maikai iho la, a hanau ae la o Sibaloma nana; a noho alii iho la o Sibaloma ma kona hakahaka. A kipi ae la ka hoahanau pouoi o Sibaloma ia ia; a hoomaka ae la kekahī kaua nui loa ma ka aina a pau.

9. A eia kekahī, kena ae la ka hoahanau o Sibaloma e pepehiia a make na kaula a pau, ka poe i wanana'i no ka lukuia'na o na kanaka; a he popilikia nui ma ka aina a pau, no ka mea, ua hoike ae la lakou e hiki mai auanei ka poino nui loa aku maluna o ka aina, a maluna iho no hoi o na kanaka, a e nui loa auanei ka luku mawaena o lakou, he mea i ike ole e ia kona like maluna iho o ka ili o ka aina; a e lilo ko lakou mau iwi me he mau puu lepo la maluna iho o ka ili o ka honua, ke ole lakou e mihi i ko lakou hewa. A hooole ole aku la lakou i ka leo o ka Haku, no ko lakou mau hui hewa pu ana; nolaila, hoomaka ae la na kaua a me na paio ma ka aina a pau, a me na wi a me na ahulau no hoi, a ua nui loa ka lukuia ana, he mea i ike ole e ia kona like maluna iho o ka ili o ka honua, a hiki mai la keia a pau ma na la o Sibaloma. A hoomaka ae la na kanaka e mihi i ko lakou hewa; a ia lakou i hana'i ia mea, aloha mai la ka Haku ia lakou.

10. A eia kekahī, ua pepehiia o Sibaloma a make, a laweia'e la o Seta iloko o ka noho pio ana; a noho pio iho la oia i kona mau la a pau. A eia kekahī, loaa iho la ia Aha, kana keiki, ke aupuni; a noho alii iho la oia maluna o ka poe kanaka i kona mau la a pau. A hana iho la oia i na ano a pau o ka hewa ma kona mau la, a ma ua mea la oia i hookahe aku ai i ke koko a nui loa; a ua kakaikahi kona mau la. A o Etema, he mamo ia na Aha, loaa iho la ia ia ke aupuni; a hana aku la no hoi oia i ka mea i hewa ma kona mau la. A eia kekahī, ma na la o Etema, hele mai la na kaula he nui, a wanana hou mai la i na kanaka; he oiaio, wana-

na mai la lakou, e anai loa mai auanei ka Haku ia lakou la mai ka ili aku o ka honua, ke ole lakou e mihi i ko lakou mau hewa. A eia kekahī, hoo-paakiki iho la na kanaka i ko lakou mau naau, aole no e hoolohe aku i ka lakou nei mau olelo; a kaniuhu iho la ka poe kaula, a haele aku la maiwena aku o na kanaka.

11. A eia kekahī, hana aka la o Etema i ka malama aupuni ma ka hewa ma kona mau la a pau; a hanau ae la o Morona nana. A noho iho la o Morona ma kona hakahaka; a hana iho la o Morona i ka mea i hewa imua o ka Haku. A eia kekahī, ala ae la kekahī kipikipi ana mawaena o na kanaka, no kela hui malu pu ana i kukuluia e loa'i ka mana a me ka waiwai; a ala ae la kekahī kanaka ikaika ma ka hewa mawaena o lakou, a kaua ae la ia Morona, a ma kela kaua hoohiolo ae la i ka hapalua o ke aupuni; a malama iho la oia i ka hapalua o ke aupuni no na makahikī he nui. A eia kekahī, hoohiolo aka la o Morona ia ia, a loaa hou iho la ke aupuni. A eia kekahī, ala ae la kekahī kanaka ikaika hou; a he mamo ia na ke kaikaina o Iareda. A hoohiolo ae la oia ia Morona a loaa iho la ke aupuni ia ia; nolaila, noho pio iho la o Morona i ke koena a pau o kona mau la; a hanau ae la o Corianatora nana.

12. A eia kekahī, noho pio iho la o Corianatora i kona mau la a pau. A ma na la o Corianatora hele mai la no hoi na kaula he fui, a wanana mai la no na mea nui a kupanaha, a hea ae la i ka mihi i na kanaka, a i ole lakou e mihi, e hoopai mai ka Haku ia lakou i ko lakou luku loa ia'na; a na ka Haku hoi e hoouna mai a e lawe mai i kekahī labuikanaka hou e noho ma ka aina, ma o kona mana la, manuuli o ke ano ana i lawe mai ai i ko lakou poe kupuna. A hoomalau aka la lakou i na olelo a pau a ka poe kaula, no ko lakou hui pu malu a mau mea hoopaihua ino. A eia kekahī, hanau ae la o Etera na Corianatora, a make aka la ia; ua noho pio oia i kona mau la a pau.

MOKUNA V.

1. A EIA kekahī, aia no na la o Etera ma na la o Corianatuma: a o Corianatuma no ke alii maluna iho o ka aina a pau. A he kaula a ka Haku o Etera; nolaila, hele mai la o Etera ma na la o Corianatuma, a hoomaka ae la e wanana aka i na kanaka, no ka mea, aole e hiki ia ia ke kaohiia no ka Uhane o ka Haku iloko ona; no ka mea, hea aka la oia mai ke kakahiaka, a hiki aka i ka napoo ana o ka la, e kauleo ana i na kanaka e manaoio i ke Akua i ka mihi, o lekata auanei lakou, i ka i ana la lakou, Ma ka manaoio ua hookoia mai na mea a pau; nolaila, o ka mea e manaoio ana i ke Akua, ua hiki ke manaoiana me ke kanalua ole no kekahī ao maikai nui ae, he oiaio, he wahi ma ka lima akau o ke Akua, a o ua manaoiana nei e hiki mai ana ia no ka manaoio, e ilo ana i helcumia i na

uhane o kanaka, e hoolilo ana ia lakou i paa, a i panee ole, e hoomahuahua mau ana ma na hana maikai; i alakaiia e hoonani aku i ke Akua. A eia kekahih, wanana aku la o Etera i na mea nui a knpanaha i na kanaka, i na mea a lakou i manaoio ole ai, no ko lakou ike ole ia mau mea. Ano, ke makemake nei au, o Moroni, e olelo iki aku no keia mau mea; ke make-make nei au e hoike aku i ko ke ao nei, O ka manaoio oia no na mea i manaoianaia'i a i ike ole ia'i; nolaila, mai hoole aku no ko oukou ike ole aku, no ka mea, aole e loaa ana ia oukou ka hoike, a pau ae la ka hoao ana i ko oukou manaoio, no ka mea, ma ka manaoio hoike mai la o Kristo ia ia iho i ko makou poe kupuna, mahope mai o kona ala ana mai ka make mai; a hoike ole mai oia ia ia iho ia lakou, a hiki i ka wa mahope o ko lakou manaoio ana ia ia; nolaila, he mea i pono ai i manaoio kekahih poe ia ia, no ka mea, hoike ole mai oia ia ia iho i ko ke ao nei. Aka, no ka manaoio o na kanaka, ua hoike mai la oia ia ia iho i ko ke ao nei, a hoonani aku la i ka inoa o ka Makua, a hoomakaukau mai la i alanui i hiki i ai i na mea e ae ma ia mea, ke lilo i poe hoaloaa o ka haawina lani, i hiki ia lakou ke manaoiana no keia mau mea a lakou ike ole ai; nolaila, ua hiki no hoi ia oukou ke loaa ka manaoiana, a e lilo i poe hoaloaa o ka haawina, ina e manaoio oukou. Aia hoi, ma ka manaoio, ua kaheaja ka poe o ka wa kahiko mamuli o ka aoao hemolele o ke Akua; nolaila, ma ka manaoio, ua haawiia mai ke kanawai o Mose. Aka, ma ka haawina o kana Keiki, ua hoomakaukau mai ke Akua i ala maikai nui ae; a ma ka manaoio ia mea i hookoia'i; no ka mea, ina aole he manaoio mawaena o ka poe keiki a kanaka, ua hiki ole i ke Akua ke hana mai i hana mana mawaena o lakou; nolaila, ua hoike ole mai oia ia ia iho, a hiki i ka wa mahope o ko lakou manaoio ana. Aia hoi, o ka manaoio no ia o Alama laua me Amuleka ka mea i hoohiolo aku ai i ka halepaahao i ka honua. Aia hoi, o ka manaoio no ia o Nepai laua me Lehi, ka mea i hana'i i ka hoomalule ana maluna o ko Lamana poe, i hapctizoia ai lakou me ke ahi a me ka Uhane Hemolele. Aia hoi, o ka manaoio no ia o Amona a me kona mau hoahanau, ka mea i hana'i i ka hana mana nui mawaena o ko Lamana poe; he oiaio, a o ka poe a pau nana i hana i na hana mana, hana aku la lakou ia mau mea ma ka manaoio, o ka poe mamua o Kristo, a me ka poe no hoi mahope iho. A ma ka manaoio, loa iho la i na baumana ekolu he olelo hoopomaikai, i ole ai lakou e heao i ka make; a loaa ole ia lakou ka olelo hoopomaikai a hiki i ka wa mahope iho o ko lakou manaoio ana. Aohe no i hanaia i kekahih manawa na hana mana, a hiki i ka wa mahope iho o ko lakou manaoio ana; nolaila, ua manaoio e lakou i ke Keiki a ke Akua.

2. A ua nui no ka poe, no ka ikaika loa o ko lakou manaoio, he oiaio, mamua o ka hiki ana o Kristo, ua hiki ole ke alalaiia lakou mailoko ae o ka paku, aka, ike oiaio aku la me ko lakou mau maka i na mea a lakou i ike iho ai me ka maka o ka manaoio, a ua olieli lakou. A, aia hoi, ua ike kakou ma keia moolelo, o kekahih o keia poe oia no ke kaikaina o Iareda; no ka mea, no ka nui o kona manaoio i ke Akua, i ka wa a ke Akua i o

mai ai i kona manamana lima, ua hiki ole ia ia ke huna iho ia mea mai ka ike ana aku o ke kaikaina o Iareda, no kana olelo ana i olelo mai ai ia ia, a o ua olelo nei ua loaa ia ia ma ka manaoio. A mahope iho o ko ke kaikaina o Iareda ike ana i ka manamana lima o ka Haku, no ka olelo hoopomaikai a ke kaikaina o Iareda i loaa mai ai ma ka manaoio, ua hiki ole i ka Haku ke aua aku i kekahi mea mai kona ike ana aku; nolaila, hoike mai la oia ia ia i na mea a pau, no ka mea, acle e hiki ke alalai hou ia oia mailoko ae o ka paku. A ma ka manaoio i loaa'i i ko'u poe kupuna ka olelo hoopomaikai, E hiki auanei keia mau mea i ko lakou poe hoahanau ma o ka poe Genetile la; nolaila, ua kauoha mai la ka Haku ia'u, he oiaio, o Iesu Kristo. A iaku la au ia ia, E ka Haku, e hoomaewaewa mai auanei ka poe Genetile ma keia mau mea, no ko makou nawaliwali ma ka palapala ana; no ka mea, e ka Haku, ua hana mai oe ia makou i mana ma ka olelo ma o ka manaoio la, aka, aole nae oe i hana mai ia makou i mana ma ka palapala ana; no ka mea, ua hana mai oe i keia poe kanaka a pau i hiki ai ia lakou ke olelo nui aku, no ka Uhane Hemolele au i haawi mai ai ia lakou; a ua hana mai oe ia makou i hiki ai ia makou ke palapala uuku wale iho no, no ka hemahema o ko makou mau lima. Aia hoi, aole no oe i hana mai ia makou i mana ma ka palapala ana e like me ke kaikaina o Iareda, no ka mea, hana mai la oe ia ia, a o na mea ana i palapala iho ai, ua mana e like me oe, i ka lanakila ana maluna o kanaka e heluhelu ana ia mau mea. A ua hana mai oe i ka makou mau huaoelo i mana a i nui, i hiki ole ai ia makou ke palapala iho ia mau mea; nolaila, i ka wa a makou e kakau iho ana, ike iho la makou i ko makou nawaliwali, a hina iho la no ka hoonohonoho ana i ka makou mau huaoelo; a ke makau nei au o hoomaewaewa mai auanei ka poe Genetile ma ka makou mau huaoelo. A ia'u i olelo aku ai i keia, olelo mai la ka Haku ia'u, i ka i ana, E hoomaewaewa ana ka poe lapuwale, aka, e uwe auanei lakou; a ua lawa ko'u lokomaikai no ka poe akahai, i loaa ole ai ia lakou ka lanakila no ko oukou nawaliwali; a ina e hele mai na kanaka io'u nei, na'u no e hoike aku i ko lakou nawaliwali ia lakou. Ke haawi aku nei au i ka nawaliwali i na kanaka, i haahaa ai lakou; a ua lawa ko'u lokomaikai no na kanaka a pau e hoohaahaa ana ia lakou iho imua o'u; no ka mea, ina e hoohaahaa mai lakou ia lakou iho imua o'u, a manaoio mai iloko o'u, alaila, e hoolilo aku au i na mea nawaliwali i ikaika ia lakou. Aia hoi, e hoike aku no au i ka poe Genetile i ko lakou nawaliwali, a e hoike aku no au ia lakou, e lawe mai ana ka manaoio, ka manaoiana, a me ke aloha io'u nei—ka punawai o ka pono a pau.

3. A i ka lohe ana o'u, o Moroni, i keia mau olelo, ua hooluluia mai, a iaku la, E ka Haku, e hanaia kou makemake pono, no ka mea, ua ika au e hana ana oe i na keiki a kanaka e like me ko lakou manaoio; no ka mea, olelo aku la ke kaikaina o Iareda i ka mauna Zerina, E neenee ae, a ua hooneeneeia'e ia. A ina aole he manaoio kona, ina ua neenee ole ae ia; no ia mea, e hana ana oe mahope o ka manaoio ana o na kanaka; no ka mea, pela oe i hoike mai ai ia oe ilo i kau poe haumana. No ka mea,

mahope iho o ko lakou manaoio ana, a olelo aku la ma kou inoa, ua hoike mai oe ia oe iho ia lakou ma ka mana nui; a ke hoomanao nei no hoi au ua olelo mai oe, ua hoomakaukau iho oe i hale no kanaka; he oiaio, mawaena o na wahi i noho ai o kou Makua, ma ia mea i hiki i kanaka ke loaa ka manaoiana maikai nui ae; no ia mea, e manaoiana ke kanaka e pono ai, a i ole ia, ua hiki ole ia ia ke loaa ka hooilina, ma kahi au i hoomakaukau iho ai. A eia hou, ke hoomanao nei au ta olelo mai oe, Ua aloha mai oe i ko ke ao nei, a hiki i ka waiho ana i kou ola ilalo no ko ke ao nei, i hiki ia oe ke lawe hou ia mea e hoomakaukanai i wahi no na keiki a kanaka. Ano, ua ike au o na aloha nei au i loaa'i no na keiki a kanaka, he aloha io no ia; nolaila, i ole na kanaka i loaa'i ke aloha io, ua hiki ole ia lakou ke loaa na wahi la au i hoomakaukau ai ma na wahi i noho ai o kou Makua. Nolaila, ua ike au ma ia mea au i olelo mai ai, ina aole ka poe Genetile e loaa ke aloha io, no ko makou nawaliwali, nau no lakou e hoao aku, a kaili aku i ko lakou telena, he oiaio, i ka mea a lakou i loaa'i, a e haawi mai i ka poe nona ka nui loa eku.

4. A eia kekalihi, pule aku la au i ka Haku, nana e haawi ae i ka poe Genetile i ka lokomaikai, i loaa'i ia lakou ke aloha io. A eia kekahī, i mai la ka Haku ia'u, Ina aole o lakou aloha io, he mea ole ia ia oe, ua kupa'a oe; nolaila, e hoomaemaeia kou mau aahu. A no kou ike ana i kou nawaliwali, e hooikaikai'a auanei oe, a hiki aka i ka noho ana ilalo ma kahi a'u i hoomakaukau iho ai ma na wahi i noho ai o ko'u Makua. Ano, ke uwe aloha aku nei owau, o Moroni, i ka poe Genetile, he oiaio, a i kūn poe hoahauan no hoi a'u e aloha nei, a hiki i ka wa e halawai pu kakon iuuia o ka noho hookolekolo o Kristo, kuhī e ike ai na kanaka a pau, aole o ko'u mau aahu i kikokikoia me ko oukou koko; alaila, e ike no oukou ua ike au ia Iesu, a ua kamailio mai oia ia'u, he maka he maka, a ua hai mai oia ia'u ma ka haahaa moakaka; e like me ke kanaka e hai ana i kona hoa ma kuu olelo iho, no keia mau mea; a he kakaikahi wale no ka'u i kakau iho ai, no kuu nawaliwali ma ke kakau ana. Ano, ua make-make au e kauleo aku ia oukoia e imi ia Iesu nei, nona ka poe kaula a me ka pue apesetolo i palapala'i, i noho pu ai a mau loa aku ka lokomaikai o ke Akna ka Makua, a me ka Haku Iesu Kristo no hoi, a me ka Uhane Hemolele, ka mea e hoike mai ana no laua. Amene.

MOKUNA VI.

1. Ano, ke hoemau aku nei au e hana a pau ka'u mooolelo no ka anai-fa'ha o ka lakuukaiaka nona au e kakau ana. No ka mea, hoomalau mai la lakou i na olelo a pau a Eteria; no ka mea, hai io aku la oia ia lakou no na mea a pau, mai ka melanaeu mai o kanaka; a mahope iho o ka emi ana o na wai mai ka ili o keia aina eku, illo illo la ia iaina maikai loa maluua o na aina e se a pau, he aina wacit e ka Haku; nolaila, ua make-

make ka Haku i na kanaka a pau e hookauwa aku nana, ka poe e noho ana maluna iho o ka ili ona; a o kahi no ia o ka Ierusalema Hou, ka mea e iho mai ana mailoko mai o ka lani, a me ka wahilaa hemolele o ka Haku. Aia hoi, ike aku la o Etera i na la o Kristo, a olelo mai la no ia no kekahī Ierusalema Hou maluna iho o keia aina; a olelo mai la no hoi oia no ko ka hale o Israela, a me ka Ierusalema kahi a Lehi e hele mai ai; mahope aku o kona anaia'a'na, e kukulu hou ia auanei ia i kulanakauhale hemolele i ka Haku; nolaila, ua hiki ole ke kapaia ia he Ierusalema Hou, no ka mea, he kulanakauhale ia i ka wa kahiko, aka, e kukulu hou ia'nā ia, a e lilo iho i kulanakauhale hemolele o ka Haku; a e kukuluia auanei ia i ko ka hale o Israela; a e kukuluia auanei he Ierusalema Hou maluna iho o keia aina, i ke koena o ka poe hua a Iosepa, no keia mau mea aia no he aka; no ka mea, me Iosepa i lawe ae ai i kona makuakane ilalo iloko o ka aina o Aigupita, pela oia i make ai ilaila; nolaila, lawe mai la ka Haku he koena o ka poe hua a Iosepa, mailoko mai o ka aina o Ierusalema, i hiki ai ia ia ke aloha mai i ka poe hua a Iosepa, i ole ai lakou e make, mē ia i aloha mai ai i ka makuakane o Iosepa, i make ole oia; nolaila, e kukuluia auanei ke koena o ko ka hale o Iosepa maluna iho o keia aina; a e lilo auanei ia i aina hooilina no lakou; a e kukulu iho auanei lakou i kulanakauhale hemolele i ka Haku, e like me Ierusalema o ka wa kahiko; a e hoo-hoka hou ole ia lakou ma ia hope, a hiki aku i ka hopena, i ka wa o ka honua e hala aku ai. A he lani hou a honua hou auanei; a e like auanei laua me ko ke kahiko, ua hala aku nae na mea kahiko, a ua lilo na mea a pau i hou. Alaila, e hiki mai ana ka Ierusalema Hou; a pomaikai ka poe e noho ana iloko olaila, no ka mea, o lakou no ka poe nona na aahu i keokeo ma o ke koko la o ke Keikihipa; a o lakou no ka poc i helu pu ia mawaena o ke koena o ka poe hua a Iosepa, ka poe no ko ka hale o Israela. Alaila, e hiki mai ana no hoi ka Ierusalema o ka wa kahiko; a o ka poe kamaaina ona, ua pomaikai lakou, no ka mea, ua holoiā lakou ma ke koko o ke Keikihipa; a o lakou no ka poe i hoopuehuia'ku ai a i ho-uluuluia mai ai, mai na kihi cha mai o ka honua nei, a mai na aina akau mai, a he poe hoaloaa o ka hookoia ana o ka berita a ke Akua i hana mai ai me ko lakou kupunakane o Aberahama. A i ka wa e hiki mai ai keia mau mea, e hookoia ka palapala hemolele, e olclo ana, Aia no he poe ua mua mamua, e lilo ana auanei i hope; a aia no he poe ua hope mamua, e lilo ana auanei i mua.

2. A e kokoke ana au e kakau hou iho, aka, ua papaiā mai au; aka, ua nui a kupanaha no na wanana a Etera, aka, ua manaoia oia e lakou me he ole la, a hookuke mai la ia ia mawaho, a pec iho la oia ma ka lua o kahi pohaku ma ka la, a ma ka po hele aku la oia e nana ana i na mea e hiki mai ana maluna o na kanaka. A me ia i noho ai ma ka lua o kahi pohaku, kakau iho la oia i na mea i koe o keia mooolelo, e nana ana i na luku i hiki mai maluna iho o na kanaka ma ka po. A eia kekahī, ma ua makabiki hookahi la ana i hookukeia mai ai maiwaena ae o na kanaka, hoomaka ae

la kekahi kaua nui mawaena o na kanaka, no ka mea, ua nui no na mea i ea ai, he poe kanaka ikaika lakou, a imi ae la e luku ae ia Corianatuma ma o ko lakou mau mea kuka malu la o ka hewa, i olelo e ia'i. Ano, o Corianatuma, ua hoonaauao iho ia ia iho ma na mea akamai a pau o ke kana, a ma ka maalea a pau o ko ke ao nei, nolaila, kaua aku la oia i ka poe a pau i imi e luku mai ia ia; aka, aole oia i mihi, aole hoi o kana mau keikikane a mau kaikamahine nani; aole no hoi na keikikane a me na kaikamahine nani a Cohora; aole no hoi na keikikane a me na kaikamahine nani a Corihora; a, aole loa kekahi o na keikikane a me na kaikamahine nani maluna ibo o ka ili a pau o ka honua a pau, nana i mihi i ko lakou mau hewa; nolaila, eia kekahi, ma ka makahiki mua a Etera i noho ai iloko o ka lua o kahi pohaku, ua nui na kanaka i pepehiia e ka pahikaua a kela poe hui pu malu ana e kaua ana ia Corianatuma, i hiki ia lakou ke loaa ke aupuni. A eia kekahi, kaua nui aku la na keikikane a Corianatuma, a kahe nui iho la ke koko. A ma ka makahiki lna, hiki mai la ka olelo a ka Haku io Etera la, nana e hele aku a e wanana aku ia Corianatuma, Ina e mihi oia, a me ko kona hale a pau, e haawi mai no ka Haku ia i kona aupuni, a e hookoe mai i na kanaka, a i ole ia, e lukuia auanei lakou, a me ko kona hale a pau, koe oia wale iho no, a e ola wale no oia e ike i ka hookoia ana o na wanana i olelo e ia'i, no kekahi lanuikanaka a ae e loaa ana ka aina i hooilina no lakou; a e kanuia auanei o Corianatuma e lakou; a e lukuia kela mea keia mea, o Corianatuma wale no koe.

3. A eia kekahli, aole o Corianatuma i mihi, aole hoi ko kona hale, aohe hoi na kanaka; a aole oki iho na kaua; a imi ae la lakou e pepehi mai ia Etera, aka, holo aku la oia mai ke alo aku o lakou, a pee hou iho la ma ka lna o ka pohaku. A eia kekahi, ala ae la o Sareda, a kaua mai la no hoi oia ia Corianatuma; a lanakila ae la oia maluna ona, a, ma ke kolu o ka makahiki lawe pio ac la oia la ia ia. A lanakila ae la na keiki a Corianatuma maluna o Sareda, ma ka ha o ka makahiki, a loaa hou mai la ke aupuni no ko lakou makuakane. Ano, hoomaka ae la ke kaua maluna iho o ka ili a pau o ka aina, o kela kanaka keia kanaka me kona poe hui, e kaua ana no ka mea ana i makemake ai. A me na powa kekahi, a me na ano a pau o ka hewa maluna iho o ka ili a pau o ka aina. A eia kekahi, ua huhu nui loa o Corianatuma ia Sareda, a hele ku e aku la oia ia ia me na poe kaua ona, e kaua: a halawai pu lakou me ka huhu nui; a hoouka ae la lakou ma ke awawa o Gilegala; a lilo iho la ke kaua i eha loa. A eia kekahi, kaua ku e mai la o Sareda ia ia no na la ekolu. A eia kekahi, hooauhee aku la o Corianatuma ia ia, a alualu ae la ia ia a hiki aku oia i na kula papu o Hesalona. A eia kekahi, kaua hou mai la o Sareda ia ia ma na kula papu; a, aia lanakila ae la oia maluna o Corianatuma, a hooauhee mai la ia ia ihope i ke awawa o Gilegala. A kaua hou aku la o Corianatuma ia Sareda ma ke awawa o Gilegala, a ma ua kaua nei lanakila ae la oia maluna o Sareda, a pepehi aku la ia ia a make loa. A hoeha ae la o Sareda ia Corianatuma ma kona uha, i hele hou ole ai oia i ke kaua

no na makahiki elua, a ma ia manawa e hookahe ana na kanaka a pau maluna iho o ka ili a pau o ka aina i ke koko, a, aohe mea nana lakou e kaohi. Ano, hoomaka ae la he poino nui maluna iho o ka aina a pau, no ka hewa o na kanaka, a ma ia mea, ina e kau aku ke kanaka i kana mea paahana a i kana pahikaua paha ma kona papa, kahi ana i kau iho ai ia mea, aia hoi, ma ia la ae, ua hiki ole ia ia ke loaa ia mea, no ka nui o ka poino maluna iho o ka aina. Nolaila, hoopiliaku la kela kanaka keia kanaka i ka mea nona ponoi, me kona mau lima, a, aohe oia e noi ana, aohe no hoi e haawi ana; a hoopaa ae la kela kanaka keia kanaka i ke au o kana pahikaua, ma kona lima akau, ma ka hoomalu ana i kona waiwai a me kona ola iho, a o kana mau wahine a me kana mau keiki.

4. Ano, mahopeaku o na makahiki elua, a mahopeaku o ka make ana o Sareda, aia hoi, ala ae la ke kaikaina o Sareda, a kaua mai la ia Corianatuma, a ma ua kaua nei hooauheeaku la o Corianatuma ia ia, a alualu ae la ia ia i ka waonahele o Akisa. A eia kekahihau mai la ke kaikaina o Sareda ia ia ma ka waonahele o Akisa; a lilo iho la ke kaua i eha loa, a ua nui na tausani i haule ma ka pahikaua. A eia kekahihau mai la o Corianatuma i ka waonahele, a hele ae la ke kaikaina o Sareda mailoko ae o ka waonahele ma ka po, a pepehi mai la i kekahihau poe o ka poe kaua o Corianatuma, i ko lakou wa i ona'i. A hele ae la oia i ka aina o Morona, a hoonoho iho la ia ia iho maluna iho o ka noho ali'i o Corianatuma. A eia kekahihau, noho iho la o Corianatuma me kona poe kaua ma ka waonahele, no na makahiki elua, a loaa iho la ia ia ka ikaika nui i kona poe kaua. Ano, loaa iho la no hoi i ke kaikaina o Sareda, o Gileada kona inoa, ka ikaika nui i kona poe kaua, no na poc hui pu malu ana. A eia kekahihau, pepehi ae la kana Kahuna Nui ia ia, me ia i noho ai maluna iho o kona noho ali'i. A eia kekahihau, pepehi ae la kekahihau o ka poe hui pu malu ana ia ia ma kahi alahele malu, a loaa i ia iho ke aupuni; a o Liba kona inoa; a he kanaka nunui o Liba, i kelaaku mamua o na kanaka a pau mawaena o ka poe kanaka. A eia kekahihau, ma ka makahiki mua o Liba, pii ae la o Corianatuma i ka aina o Morona, a kauaaku la ia Liba. A eia kekahihau, hakaka ae la laua me Liba, a ma ia hakaka ana hahau mai la o Liba maluna iho o kona lima, a ua eha iho la oia; aka hoi, hooikaikaaku la imua ka poe kaua o Corianatuma maluna o Liba, a heeaku la oia i na mokuna ma ke kahakai. A eia kekahihau, alualu ae la o Corianatuma ia ia; a kaua mai la o Liba ia ia ma ke kahakai. A uhau mai la o Liba i ka poe kaua o Corianatuma, i hee houaku ai lakou i ka waonahele o Akisa. A eia kekahihau, alualu mai la o Liba ia ia, a hikiaku oia i na kula papu o Agosa. A ua lawae la o Corianatuma i na kanaka a pau me ia, me ia i heeaku ai imua o Liba ma kela hapa o ka aina, kahi ana i heeaku ai. A ia ia i hikiaku ai i na kula papu o Agosa, kauaaku la oia ia Liba, a hahauaku la maluna iho ona a makeaku la ia; aka hoi, hele mai la ke kaikaina o Liba e ku e ia Corianatuma ma ka hakahakona, a lilo iho la ke kaua i eha loa, a ma ia kaua ana hee houaku la o Corianatuma imua o ka poe kaua o ke kaikaina o Liba.

5. Ano, o ka inoa o ke kaikaina o Liba ua kapaia o Siza. A eia kekahih, alualu mai la o Siza mahope o Corianatuma, a hoohiolo iho la oia i na kulanakauhale he nui, a luku iho la i na wahine a me na keiki, a puhi ae la i na kulanakauhale olaila; a kui ae la ka makau no Siza mawaena o ka aina a pau; he oiaio, lonoia'e la ka leo mawaena o ka aina, Owai la ka mea hiki ke ku imua o ka poe kaua o Siza? Aia ho'i, ke kahili ae la oia i ka honua imua ona! A eia kekahih, hoomaka ae la na kanaka e houluulu ae ma ka poe kaua, mawaena o ka aina a pau. A ua maheleia lakou, a holo aku la kekahih hapa o lakou i ka poe kaua la o Siza, a kekahih hapa hoi holo ae la lakou i ka poe kaua la o Corianatuma. A no ka nui a me ka lohi o ke kaua, a no ka lohi o ka hookahe koko ana a me ka luku, ua uhia ka ili a pau o ka aina me na heana o ka poe make; a no ka wikiwiki a me ka hikiwawe o ke kaua, aole i waihoia kekahih mea e kanu iho i ka poe make, aka, hele ae la lakou mai ka hookahe ana aku i ke koko i ka hookahe ana i ke koko, e waiho ana i na heana o na kanaka, na wahine, a me na keiki, halililia maluna iho o ka ili o ka aina, e lilo i mea e aia'i e na ilo o ke kino; a hele ae la ka pilau o ia mau mea maluna o ka ili o ka aina, oia, maluna iho o ka ili a pau o ka aina; nolaila, hoopilikiaia iho la na kanaka ma ka la a ma ka po, no ka pilau olaila; aole nae o Siza i hooki aku i ke alualu mai ia Corianatuma, no ka mea, ua hoohiki oia e hoopai ae ia Corianatuma no ke koko o kona kaikuana, ka mea i pepehiia, a me ka olelo a ka Haku i hiki mai ai ia Etera, i haule ole iho ai o Corianatuma ma ka pahikana. A pela kakou e ike nei ua hoopai mai ka Haku ia lakou ma ka piha o kona inaina, a ua hoomakaukau aku ko lakou hewa a mau mea hoopalua, i ala no ko lakou luku mau loa ia'ha. A eia kekahih, alualu mai la o Siza ia Corianatuma i ka hikina, a hiki i ke kahakai, a malaila oia i kaua aku ai ia Siza no na la ekolu; a no ka weliweli o ka luku mawaena o na poe kaua o Siza, ua hoomaka ae la na kanaka e hoomakauia, a hoomaka ae la e auhee aku imua o na poe kaua o Corianatuma; a auhee ae la lakou i ka aina o Corihora, a kahili ae la i ka poe kamaaina imua o lakou, i ka poe a pau i hui pu ole me lakou; a kukulu iho la lakou i ko lakou mau halelewa ma ke awawa o Corihora. A kukulu iho la o Corianatuma i kona mau halelewa ma ke awawa o Sura. Ano, ua kokoke ke awawa o Sura i ka puu o Comanora; no ia mea, houluulu mai la o Corianatuma i na poe kaua ona i kahi hookahi, maluna iho o ka puu Comanora, a puhi aku la i ka pu i na poe kaua o Siza, e kono aku ia lakou e hele mai e kaua. A eia kekahih, hele mai la lakou, aka, ua hooauhee hou ia'ku; a hele mai la lakou i ka lua o ka manawa; a ua hooauhee hou ia'ku lakou i ka lua o ka manawa. A eia kekahih, hele hou mai la lakou i ke kolu o ka manawa, a lilo iho la ke kaua i eha loa. A eia kekahih, uhau mai la o Siza maluna iho o Corianatuma, a hoeha mai la oia ia ia i na eha hohonu he nui, a no ke kahe ana o ko Corianatuma koko, maule iho la oia, a ua kaikaiia'ku me he mea la ua moke oia. Ano, no ka lilo nui ana'ku o na kanaka, na wahine, a me na keiki, ma na aoao eiua, kauoha ae la o Siza i kona poe kanaka, i ole ai lakou e alualu i na poe kaua

o Corianatuma; nolaila, hoi ae la lakou i ko lakou wahi i hoomoana'i.

6. A eia kekahī, ia Corianatuma i pohala aku ai i kona mau eha, hoomaka ae la oia e hoomanao iho i na olelo a Etera i olelo mai ai ia ia; ike aku la oia ua lukuia e ka pahikaua ano, kokoke elua miliona o kona poe kanaka, a hoomaka ae la oia e kaniuhu ma kona naau; he oiaio, ua lukuia elua miliona o na kanaka ikaika, a me ka lakou poe wahine a me ka lakou poe keiki. Hoomaka ae la oia e mibi i ka ino ana i hana'i; hoomaka ae la oia e hoomanao iho i na olelo i oleloia'i e ka waha o ka poe kaula a pau, a ike oia ia mau mea ua hookoia mai, a hiki i keia manawa, o kela lili iki keia lili iki; a kaniuhu kona uhane, a hoole aku la e hooluoluia mai. A eia kekahī, palapala iho la oia i kekahī episetole ia Siza, e noi ana ia ia e hookoe mai i ka poe kanaka, a nana e haawi aku i ke aupuni no ka makemake i na ola o na kanaka. A eia kekahī, ia Siza i loaa'i kona episetole, palapala mai la oia i kekahī episetole ia Corianatuma, ina e hookuu aku oia ia ia iho, e hiki ia ia la ke pepehi mai ia ia me kana pahikaua iho, alaila e hookoe oia i na ola o na kanaka. A eia kekahī, aole na kanaka i mihi i ko lakou mau hewa; a ua hooeuia ka poe kanaka o Corianatuma ma ka inaina aku i ka poe kanaka o Siza; a ua hooeuia ka poe kanaka o Siza ma ka inaina mai i ka poe kanaka o Corianatuma; nolaila, kaua mai la ka poe kanaka o Siza i ka poe kanaka o Corianatuma. A ia Corianatuma i ike ai ua kokoke ia e haule iho, hee hou aku la ia imua o ka poe kanaka o Siza. A eia kekahī, hiki aku la oia i na wai o Ripilianacuma, oia ma ka hoohalike ana, o Nui, o ka mea oi loa aku; nolaila, ia lakou i hiki aku ai i keia mau wai, kukulu iho la lakou i ko lakou mau halelewa; a kukulu iho la no hoi o Siza i kona mau halelewa e kokoke ana ia lakou; a, nokaila, ia la ae, hoouka ae la lakou i ke kaua. A eia kekahī, kaua ae la lakou i kekahī kaua eha lea, a ma ia kaua ana na eha hou o Corianatuma, a maule iho la oia no ke kahe o ke koko. A cia kekahī, hooikaika aku la na poe kaua o Corianatuma maluna o na poe kana o Siza, a lanakila ae la lakou maluna o ua poe kaua la, i hooauhee aku ai lakou ia poe kaua imua o lakou; a hee aku lakou i ka hemā, a kukulu iho la lakou i ko lakou mau halelewa ma kahi i kapajia o Ogata. A kukalu iho la ka poe kaua o Corianatuma i ko lakou mau halelewa ma ka puu Rama; a oia puu hookahi no kahi a kuu makuakane o Moramona i huna iho ai i na mooolelo laa i ka Haku.

7. A eia kekahī, houluulu ae la lakou i na kanaka a pau, maluna iho o ka ili o ka aina, ka poe i pepehi 'ole ia, koe o Etera wale no. A ike aku la o Etera i na hana a pau a na kanaka; a ike aku la oia o ka poe kanaka no ka aoao o Corianatuma, ua houluuluia'e i ka poe kaua o Corianatuma; a o ka poe kanaka no ka aoao o Siza, ua houluuluia'ku i ka poe kaua o Siza; nolaila, e houluulu ana laua i na kanaka, no na makahiki eha, i hiki ia laua ke loaa na mea a pau maluna o ka ili o ka aina, i loaa'i ia laua ka ikaika a pau i hiki ai ia laua ke loaa. A eia kekahī, i ka wa a lakou i houluulu ai, o kela mea keia mea i ka poe kaua ana i makemake ai, me ka lakou poe wahine,

a me ka lakou poe keiki; o na kanaka, na wahine, a me na keiki ua kahikoia me na mea kaua, na pale-lima, a me na pale-umauma, a me na pale-poo, a i kahikoia mamuli o ke ano o ke kaua, a hele ae la lakou kekahī e ku e i kekahī, e kaua; a kaua ae la lakou ia la a po, a lanakila ole. A i ka po ana ua maluhiluhī lakou, a hoi ae la i ko lakou mau wahi hoomoana; a mahope iho o ko lakou hoi ana i ko lakou mau wahi hoomoana, hoomaka ae la lakou i ka aoa ana, a me ke kanikau ana, no ka make o ka poe lukuia o ko lakou poe kanaka; a no ka nui o ko lakou kumakena ana, ko lakou aoa ana a kanikau ana, ua nui loa ke kupinai ana. A eia kekahī, ma ia la ae, hele hou ae la lakou i ke kaua, a ua nui a weliweli ia la; aole nae lanakili ae la lakou, a i ka po hou ana, ua nui loa ke kupinai ana o lakou no ko lakou kumakena ana, a me ko lakou aoa ana, a me ko lakou kanikau ana, no ka make o ka poe lukuia o ko lakou poe kanaka.

8. A eia kekahī, palapala hou aku la o Corianatuma i kekahī episetole ia Siza, e noi ana ia ia e hele hou ole mai ai oia e kaua, aka nana e lawe aku i ke aupuni, a e hookoe i na ola o na kanaka. Aka hoi, ua oki ae la ka hooikaika ana o ka Uhane o ka Haku me lakou, a he mana loa ko Satana maluna iho o na naau o na kanaka, no ka mea, ua hookuuia'e lakou i ka paakiki o ko lakou mau naau, a me ka makapo o ko lakou hoomaopopo ana, i hiki ia lakou ke lukuia'e; no ia mea la, hele hou ae la lakou i ke kaua. A eia kekahī, kaua ae la lakou ia la a po, a i ka po ana hiamoe iho la lakou maluna o ka lakou mau pahikaua; a ia la ae kaua ae la lakou a hiki wale mai ka po; a i ka po ana ua ona lakou me ka huhu, e like me ke kanaka i ona me ka waina; a moe hou iho la lakou maluna o na pahikaua a lakou; a ia la ae kaua hou ae la lakou; a i ka po ana ua haule iho la lakou a pau ma ka pahikaua, koe wale no he kanalimakumamalua o ka poe kanaka o Corianatuma, a he kanaonokumamaiwa o ka poe kanaka o Siza. A eia kekahī, hiamoe iho la lakou maluna o na pahikaua a lakou ia po, a ia la ae kaua hou ae la lakou, a paio ae la lakou ma ko lakou ikaika, me ka lakou mau pahikaua, a me ko lakou mau pale-lima, ia la a po; a i ka po ana aia no he kanakolukumamalua o ka poe kanaka o Siza, a he iwakalukumamahiku o ka poe kanaka o Corianatuma.

9. A eia kekahī, ai lakou a hiamoe iho la, a hoomakaukau ae la no **ka** make i ka la apopo. A he poe kanaka nui a ikaika lakou, ma **ka** ikaika o kanaka. A eia kekahī, kaua ae la lakou no na hora ekolu, a maule iho la lakou no ke kahe o ke koko. A eia kekahī, i ka wa a ka poe kanaka o Corianatuma i loaa'i ka ikaika pono, i hiki ia lakou ke hele, ua kokoke lakou e hee aku no ko lakou mau ola, aka hoi, ala ae la o Siza, a me kona poe kanaka no hoi, a hoohiki iho la ia ma kona huhu nana e pepehi ia Corianatuma, a i ole ia, e make oia i ka pahikaua; nolaila, alualu ae la oia ia lakou, a ia la ae loaa lakou ia ia; a kaua hou ae la lakou me ka pahikaua. A eia kekahī, ia lakou a pau i haule iho ai ma ka pahikaua, koe wale no o Corianatuma laua me Siza, aia hoi, ua maule iho la o Siza me ke kahe o ke koko. A eia kekahī, ia Corianatuma i hilinai iho ai maluna

o kana pahikaua, i maha uuku ai oia, ooki aku la oia i ke poo o Siza. A eia kekahī, ia ia i ooki aku ai i ke poo o Siza, ala ae la o Siza ma na lima ona a haule iho la; a mahope iho o kona aumeume ana no ka hanu, make aku la ia. A eia kekahī, hina iho la o Corianatuma i ka honua, a lilo iho la me he mea la aole ona ola. A olelo mai la ka Haku ia Etera, a i mai la ia ia, O hele aku. A hele aku la ia, a ike aku la ua ko ae la na olelo a pau a ka Haku; a hoopau aku la oia i kana mooolelo; (a, aole au i kakau iho i ka hapa-haneri,) a huna iho la oia ia mau mea, ma ke ano i loaa'i ka poe kanaka o Limai ia mau mea. Ano, o na olelo hope i kakauia'i e Etera, eia no ia, Ina paha e makemake ana ka Haku e lawe oia ia'ku owau, a ina paha e loaa ia'u ka makemake o ka Haku ma ka io, he mea ole no ia, ina e hoolala mai au iloko o ke aupuni o ke Akua. Amene.

O KA BUKE A MORONI.

MOKUNA I.

1. Ano, owau, o Moroni, mahope iho o ko'u hoopau ana i ka hoopokole ana i ka mooolelo o ka poe kanaka a Iareda, ua manao iho la au e kakau hou ole iho, aka, aole au i make a hiki i keia manawa; a ke hoike ole aku nei au ia'u iho i ko Lamana poe, o pepehi mai lakou ia'u. No ka mea, ua ikaika ino ko lakou mau kaua mawaena o lakou iho; a no ko lakou inaina, ke pepehi mai la lakou i kela Nepai i keia Nepai, ka mea aole e hoole aku i ke Kristo. A, aole au, o Moroni, e hoole aku i ke Kristo; nolaila, ke auwana nei au i kela wahi i keia wahi kahi a'u i hiki ai, no ka maluhia o ko'u ola iho. Nolaila, ke kakau iho nei au i na mea hou he nuku, aole e like me ka mea a'u i manao ai; no ka mea, ua manao au e kakau hou ole iho; aka, ke kakau iho nei au i na mea hou he kakaikahi, i lilo ai paha auanei ia mau mea i mea minamina i ko'u poe hoahanau, i ko Lamana poe, ma kekahī la aku, e like me ka makemake o ka Haku.

MOKUNA II.

1. O NA olelo a Kristo ana i olelo mai ai i kana poe haumana, i ka poe Umikumamalua ana i wae mai ai, me ia i kau iho ai i kona mau lima maluna o lakou. A hea ae la oia ia lakou ma ka inoa, i ka i ana, E hea aku oukou i ka Makua ma ko'u inoa, ma ka pule ikaika; a mahope iho o ka oukon hana ana i keia, e loaa ia oukou ka mana e haawi aku i ka Uhane Hemo-

lele, i ka mea maluna iho ona oukou e kau iho ai i ko oukou mau lima; a ma ko'u inoa e haawi aku ai oukou ia mea, no ka mea, pela ka hana a ka'u poe aposetolo. Ano, olelo mai la o Iesu i keia mau olelo ia lakou i ka manawa o kona ike mua ia'na; a lohe ole ae la ka lehulehu ia mea, aka, o ka poe haumana ka i lohe ia mea; a haale iho la ka Uhane Hemolele maluna iho o ka poe a pau, a lakou i kau iho ai i ko lakou mau lima.

MOKUNA III.

1. O KE ano a ka poe haumana, ka poe i kapaia na Lunakahiko o ka ekalesia, i hoolilo aku ai i na Kahuna a me na Kumu. Mahope iho o ka lakou pule ana i ka Makua ma ka inoa o Kristo, kau iho la lakou i ko lakou mau lima maluna o ia poe, a iaku la, Ma ka inoa o Iesu Kristo ke hoolilo aku nei au ia oe i Kahuna; (a ina paha he Kumu ia,) ke hoolilo aku nei au ia oe i Kumu, e haiaku i ka mihi a me ke kalaia'na o na hala ma o Iesu Kristo la, ma ka hoomau ana o ka manaoio ma kona inoa a hiki wale i ka hopena. Amene. A mamuli o ia ano lakou i hoolilo ai i na Kahuna a me na Kumu, e like me na haawina a me na hea ana o ke Akua i na kanaka; a hoolilo aku la lakou ia poe ma ka mana o ka Uhane Hemolele iloko o lakou.

MOKUNA IV.

1. O KE ano o ka lawelawe ana o ko lakou poe Lunakahiko a poe Kahuna hoi i ka io a me ke koko o Kristo i ka ekalesia. A lawelawe ae la lakou ia mea e like me na kauoha a Kristo; nolaila, ua ike makou ua oiaio ke ano; a na ka Lunakahiko, a i ole ia, na ke Kahuna ia mea e lawelawe aku. A kukuli iho la lakou ilalo me ka ekalesia, a pule aku la i ka Makua ma ka inoa o Kristo, i ka i ana, E ke Akua, ka Makua Mau Loa, ke noi aku nei makou ia oe, ma ka inoa o kau keiki o Iesu Kristo, e hoopomaikai a e hoolaa mai i keia berena i na uhane o ka poe a pau e ai ana ia mea, i ai ai lakou ma ka hoomanao i ke kino o kau Keiki, a e hoike aku ia oe, e ke Akua, ka Makua Mau Loa, e ae ana lakou e lawe maluna iho o lakou i ka inoa o kau Keiki, a e hoomanao mau ia ia, a e malama i kana man kauoha, ana i haawi mai ai ia lakou, i loaa mau ai ia lakou kona Uhane e noho pu me lakou. Amene.

MOKUNA V.

1. O KE ano o ka lawelawe ana i ka waina. Aia hoi, lalanaku la lakou i ke kiahia, a iaku la, E ke Akua, ka Makua Mau Loa, ke noi aku nei

makou ia oe, ma ka inoa o kau Keiki o Iesu Kristo, e hoopomaikai a e hoolaa mai i keia waina i na uhane o ka poe a pau e inu ana ia mea, i hana ai lakou ia mea ma ka hoomanao i ke koko o kau Keiki, i hookaheia'i no lakou, i hoike aku ai lakou ia oe, e ke Akua ka Makua Mau Loa, e hoomanao mau ana lakou ia ia, i loaa ai ia lakou kona Uhane e noho pu me lakou. Amene.

MOKUNA. VI.

1. A no, ke olelo aku nei au no ka bapetizo ana. Aia hoi, o na Lunakahiko, na Kahuna, a me na Kumu ua bapetizoia lakou; a ua bapetizo ole ia lakou, ina aole lakou i hoohua mai i ka hua ku pono ia mea ia lakou; aole hoi lakou i hookipa i na kanaka ma ka bapetizo ana, ke ole lakou e hele mai me ka naau pepe a me ka uhane mihi, a hoike mai i ka Ekalesia e mihi io ana lakou i ko lakou mau hewa a pau. Aole i hookipaia na kanaka i ka bapetizo ana, ke ole lakou e lawe maluna iho o lakou i ka inoa o Kristo, me ka manao paa e hookauwa aku nana, a hiki wale aku i ka hopena. A mahope iho o ka hookipaia ana o lakou i ka bapetizo ana, a ua hanaia'e a hoomaemaeia e ka mana o ka Uhane Hemolele, ua helu pu ia lakou mawaena o ka poe kanaka o ka Ekalesia o Kristo, a ua laweia ko lakou mau inoa, i biki ke hoomanaoia'i lakou a e hanaiia'i e ka olelo maikai a ke Akua, e hoomau ia lakou ma ke ala pololci, e hoomakaala mau ia lakou i ka pule, e paulele ana maluna o na pono wale no o Kristo, oia no ka mea nana i hookumu a me ka mea hoi nana i hoopaa i ko lakou manacio. A halawai pinepine ae la ka Ekalesia ma kahi hookahi, e hookeai a e pule, a e olelo pu kekahi me kekahi no ka pomaikai o ko lakou mau uhane; a halawai pinepine ae la lakou i kahi hookali e ai i ka berena a e inu i ka waina, ma ka hoomanao i ka Haku o Iesu; a ua ikaika lakou e ike i ole ai he hewa mawaena o lakou; a o na mea i loea e hana hewa ana, a hoohewa ae la kekahi mau hoike ekolu o ka Ekalesia ia lakou imua o na Lunakahiko; a ina aole lakou i mihi, aohe hoi i hai mai i ko lakou mau hewa, ua holoi'a'ku ko lakou mau inoa, a ua helu pu ole ia lakou mawaena o ka poe kanaka o Kristo; aka, e like me ka nui o na wa a lakou i mihi ai, a imi i ke kalaia'na, me ka makemake io, ua kalaia'ku lakou. A ua alakaiia'e ko lakou mau halawai e ka Ekalesia, mamuli o ke ano o na hana ana o ka Uhane, a ma o ka mana la o ka Uhane Hemolele; no ka mea, e like me ka mana o ka Uhane Hemolele i alakai ai ia lakou, ina paha e hai olelo, a e hooikaika paha, e pule paha, e noi akv paha, a e hiemeni paha, pela no ia i hanaia'i.

MOKUNA VII.

1. Ano, ke kakau iho nei au, o Moroni, i kekahi mau olelo he **kakai-kahi** a ko'u makua Moramona, ana i olelo mai ai no ka Manaoio, ka **Manaoiana** a me ke Aloha; no ka mea, mamuli o keia ano oia i olelo mai ai i na kanaka, me ia i ao mai ai ia lakou ma ka halchalawai a lakou i kukulu iho ai, i wahi e hoomana ai. Ano, ke olelo aku nei owau, o Moramona, ia oukou, e ko'u poe hoahanau aloha; a ma ka lokomaikai o ke Akua, ka Makua, a me ko kakou Haku o Iesu Kristo, a me kona makemake hemolele, no ka haawina o kona hea ana ia'u, i aeia mai au e olelo aku ia oukou i keia manawa; nolaila, ke ake nei au e olelo aku ia oukou, e ka poe o ka Ekalesia, ka poe e hahai malie ana ia Kristo, a i loaa no hoi ka manaolana ku pono, ma ia mea i hiki ai ia oukou ke komo iloko o ka maha o ka Haku, mai keia manawa aku, a hiki wale aku i ka wa e maha pu ai oukou me ia ma ka lani. Ano, e kuu poe hoahanau, ke manao nei au i keia mau mea no oukou, no ko oukou hele malie ana me na keiki a kanaka; no ka mea, ke hoomanao nei au i ka olelo a ke Akua, e olelo ana, Ma ka lakou mau hana e ike ai oukou ia lakou; no ka mea, ina he maikai ka lakou mau hana, alaila, ua maikai no hoi lakou. No ka mea, aia hoi, ua olelo mai ke Akua, O ke kanaka i ino, ua hiki ole ke hana i ka mea maikai; no ka mea, ina e alana ana oia he makana, a e pule ana paha i ke Akua, ke ole oia e hana ia mea me ka makemake io, e pomaikai ole ana oia ia mea. No ka mea, aole i manaoia ia mea ia ia no ka pono. No ka mea, ina he kanaka i ino, e haawi ana i ka makana, e hana ana oia ia mea me ke aua; nolaila, ua manao like ia ia mea ia ia, me he mea la ua aua oia i ka makana; nolaila, ua manaoia oia me ka mea ino imua o ke Akua. A pela hoi i manaoia he ino i ke kanaka, ina e pule aku oia, a me ka makemake ole io o ka naau; he oiaio, a e pomaikai ole ana oia ia mea; no ka mea, e hookipa ole ana ke Akua i na mea me ia; nolaila, o ke kanaka i ino, ua hiki ole ia ia ke hana i ka mea i maikai; aohe no hoi oia e haawi ae i ka makana maikai. No ka mea, ua hiki ole i ka punawai awaawa ke puapuai mai i ka wai maikai; aohe no hoi i hiki i ka punawai maikai ke puapuai mai i ka wai awaawa; nolaila, o ke kanaka e nobo kauwa ana na ka diabolo, ua hiki ole ke hahai aku ia Kristo; a ina e hahai aku oia ia Kristo, ua hiki ole ia ia ke noho kauwa aku na ka diabolo.

2. Nolaila, o na mea a pau i maikai, e hiki mai ana ia mau mea mai ke Akua mai; a o ka mea i ino, e hiki mai ana ia mai ka diabolo mai; no ka mea, he enemi no ka diabolo i ke Akua, a e kaua ku e mau aku ana oia ia ia, a e kono mai ana a e hoowalewale mai ana e lawchala, a e hana mau i ka mea i ino. Aka hoi, o ka mea no ke Akua, e kono mai ana a e hoowalewale mai ana ia e hana maikai mau; nolaila, o kela mea keia mea e kono mai ana a e hoowalewale mai ana e hana maikai, a e aloha aku i ke Akua, a e hookauwa aku nana, na hoouluhiaia e ke Akua. Nolaila, e makaala, e ko'u poe hoahanau aloha, i manao ole ai oukou i ka mea i ino,

no ke Akua mai ia, a i ka mea maikai a no ke Akua hoi, no ka diabolo mai ia. No ka mea, e o'u poe hoahanau, ua haawia mai ia oukou e noonoo pono, i ike ai oukou i ka maikai mai ka ino ae; a ua like ke akaka o ka hana e noonoo pono ai, e ike ai oukou me ka ike paka, me ka malamalama o ka la mai ka po pouli ae. No ka mea, aia hoi, ua haawia mai ka Uhane o Kristo i kela kanaka i keia kanaka, i ike ai lakou i ka maikai mai ka ino ae; nolaila, ea, ke hoike aku nei au ia oukou i ka hana e noonoo pono ai; no ka mea, o kela mea keia mea e kono mai ana e hana i ka maikai, a e ao hoohuli mai e manaoio ia Kristo, ua hoounaia mai ia e ka manana a me ka haawina o Kristo; nolaila, ua hiki ia oukou ke ike me ka ike paka, no ke Akua mai ia; aka, o ka mea e hoohuli ana i na kanaka e hana ino, a e manaoio ole ia Kristo, a e hoole aku ia ia, a hookauwa ole aku na ke Akua, alaila, ua hiki ia oukou ke ike me ka ike paka, no ka diabolo mai ia, no ka mea, mamuli o keia ano e hana ana ka diabolo, no ka mea, aole e hoohuli ana oia i na kanaka e hana maikai, aole loa i hoo-kahi; aole no hoi kana poe anela; aole no hoi ka poe e hookauwa ana ia lakou iho nana.

3. Ano, e o'u poe hoahanau, i ka ike ana ua ike oukou i ka malamalama i hiki ai ia oukou ke noonoo pono, a o ua malamalama nei oia no ka malamalama o Kristo, e makaala i ole ai oukou e manao hewa ai; no ka mea, me ka manao ino a oukou e manao ino aku ai, pela hoi e manao ino ia mai ai oukou. Nolaila, ke noi aku nei au ia oukou, e na hoahanau, e imi ikaika oukou i ka malamalama o Kristo, i ike ai oukou i ka maikai mai ka ino ae; a ina e hopu aku oukou i kela mea maikai i keia mea maikai, a e hoo-hewa ole aku ia mea, e lilo oisiao no oukou i keiki na Kristo. Ano, e ko'u poe hoahanau, pehea la e hiki ai ia oukou ke hopu i kela mea maikai i keia mea maikai? Ano, ke hiki nei au i ua Manaoio la, ka mea a'u i i aku ai ia oukou na'u e olelo aku; a na'u e hai aku ia oukou i ke ala, i hiki ai ia oukou ke hopu aku i kela mea maikai i keia mea maikai. No ka mea, aia hoi, e ike ana ke Akua i na mea a pau, e mau loa ana oia ia ao aku ia ao aku, aia hoi, hoouna mai la oia i na anela e lawelawe mai i na keiki a kanaka, e hoike mai no ka hiki ana mai o Kristo; a iloko o Kristo e hiki mai kela mea maikai keia mea maikai. A hai mai la no hoi ke Akua i na kaula, ma kona waha iho, e hiki mai auanei o Kristo. A, aia hoi, ua nui no na ano o kona hoike ana mai i na mea i na keiki a kanaka, i na mea maikai; a o na mea a pau i maikai, e hiki mai ana ia mau mea mai ia Kristo mai, i ole ia ua haule iho na kanaka, a ua hiki ole i kekahia mea maikai ke hele mai io lakou la. Nolaila, ma ka lawelawe ana o na anela, a ma kela olelo keia olclo i puka mai ai noloko mai o ka waha o ke Akua, hoomaka ae la na kanaka e hana me ka manaoio iloko o Kristo; a pela ma ka manaoio, hopu aku la lakou i kela mea maikai i keia mea maikai; a pela no ia a hiki aku i ka hiki ana o Kristo. A mahope mai o ka wa ana i hiki mai ai, hoolalia mai no hoi na kanaka ma ka manaoio ma kona inoa; a ma ka manaoio, lilo iho la lakou i poe keiki na ke Akua. A he

oiaio me Kristo e ola nei, olelo mai la oia i keia mau olelo i ko kakou poe kupuna, i ka i ana mai, O kela mea keia mea a oukou e noi aku ai i ka Makua ma ko'u inoa, i maikai, ma ka manaoio e manaoio ana i ka loaa ana ia oukou, aia hoi, e hanaia mai ia ia oukou. Nolaila, e o'u poe hoahanau alohaia, ua oki ae la anei na hana mana, no ka pii ana o Kristo iloko o ka lani, a na noho ilalo ma ka lima akau o ke Akua, e noi aku i ka Makua i kona mau pono o ka lokomaikai, ana i loaa'i maluna o na keiki a kanaka? no ka mea, ua hooko ae oia i na kumu o ke kanawai, a e koi ana i ka poe a pau nona ka manaoio iloko ona; a o ka poe nona ka manaoio iloko ona, e hoopili mai no lakou i kela mea maikai i keia mea maikai; nolaila, ke kokua nei oia i ka aoao o na keiki a kanaka; a ke noho mau loa la oia ma na lani. A no kana hana ana i keia, e o'u poe hoahanau, ua oki ae la anei na hana mana? Aia hoi, ke i aku nei au ia oukou, aole; aole no hoi i oki ae la na anela e lawelawae mai i na keiki a kanaka. No ka mea hoi, makalo iho lakou ona, e lawelawae ae e like me ka olelo o kana kauoha, e hoike ana ia lakou iho i ka poe o ka manaoio ikaika a me ka natau naueule ole, ma kela ano keia ano o na mea o ke Akua. A o ka hana a ko lakou oihana, oia no e kaheia aku i na kanaka i ka mihi, a e hooko ae hana i ka hana o na berita a ka Makua, ana i hana mai ai i na keiki a kanaka, e hoomakaukau mai i ke ala mawaena o na keiki a kanaka, ma ka hai ana i ka olelo a Kristo i na ipu i wacia e ka Haku, i hoike aku ai lakou nona; a ma ka hana ana pela, e hoomakaukau ana ka Haku ke Akua i ke ala, i loaa'i i ke koena o na kanaka ka manaoio iloko o Kristo, i loaa'i i ka Uhane Hemolele i wahi kaawale ma ko lakou mau naau, e like me ka mana ona; a manuli o keia ano e hooko mai ana ka Makua i na berita, ana i hana mai ai i na keiki a kanaka. A ua i mai la o Kristo, Ina e manaoio mai oukou ia'u, e loaa auanei ia oukou ka mana e hana aku i kela mea i keia mea i ku pono ia'u. A i mai la ia, E' mihi oukou, e ko na welau a pau o ka honua, a e hele mai io'u nei a e bapetizoia ma ko'u inoa, a e manaoio mai ia'u, i hoolai'a'i oukou.

4. Ano, e o'u poe hoahanau alohaia, ina pela iho la he oiaio keia mau mea a'u i olelo aku nei ia oukou, a e hoike mai no ke Akua ia oukou me ka mana a me ka nani nui ma ka la hope, he oiaio ia mau mea; a ina he oiaio ia mau mea, ua oki ae la anei ka la o na hana mana? a na oki ae la anei na anela e ikeia e na keiki a kanaka? a ua ana aku anei oia i ka mana o ka Uhane Hemolele, mai o lakou ae? a e hana anei oia pela, oiai e mau ana ka manawa, a e ku ka honua, a e noho ana kekahia kanaka manana iho o ka ili ona e hoolai'a'i? Aia hoi, ke i aku nei au ia oukou, aole, no ka mea, ma ka manaoio i hanai'a'i na hana mana; a ma ka manaoio no i ikeia na anela a e lawelawae mai i na kanaka; nolaila, ina ua oki ae la ua mau mea nei, auwe na keiki a kanaka, no ka mea, no ka manaoio ole no ia mea, a ua makchewa na mea a pau; no ka mea, aole hiki i kekahia kanaka ke hoolai'a mai, e like me na olelo a Kristo, ke ole he manaoio ko lakou ma kona inoa: nolaila, ina ua oki ae la keia mau mea, alaila, ua oki

ae la no hoi ka manao; a weliweli no ka noho ana o kanaka; no ka mea, me he mea la lakou aole i hanaia ka hoolapanai. Aka hoi, e o'u poe hoahanau alohaia, ke manao nei au i na mea maikai nui ae no oukou, no ka mea, ke manao nei au he manaoio ko oukou ia Kristo no ko oukou akahai; no ka mea, ina aole o oukou manaoio iloko ona, alaila, aole ku pono oukou ke helu pu ia mawaena o ka poc kanaka o kona ekalesia. A eia hou, e o'u poe hoahanau aloha, ke makemake nei au e olelo aku ia oukou no ka manaoiana. Peheia la i hiki ai ia oukou ke loaa ka manaoio, ke ole he manaoiana ko oukou? A heaha ka mea a oukou e manaoiana'i? Aia hoi, ke i aku nei au ia oukou, e manaoiana oukou ma o ke kalahala ana la o Kristo a me ka mana o kona alahouana, e hoalaia i ke ola man loa; a o keia mea no ko oukou manaoio ia ia e like me ka olelo hoolana; nolaila, ina he manaoio ko ke kanaka, he manaoiana no hoi kona e pono ai; no ka mea, me ka manaoio ole aole loa he manaoiana kekahia. A eia hou, ke i aku nei au ia oukou, aole e hiki ia ia ke loaa ka manaoio a me ka manaoiana, ke ole akahai oia, a haahaa ma ka naau; ina pela, ua makehewa kona manaoio a manaoiana, no ka mea, aole aponoia kekahia mea imua o ke Akua, o ka poe akahai a haahaa ma ka naau wale no, a ina akahai ke kanaka, a haahaa ma ka naau, a e hai ana ma ka mana o ka Uhane Hemolele, o Iesu no ke Kristo, he aloha kona e pono ai; no ka mea, ina aole he aloha kona, ua ole oia; nolaila, he aloha kona e pono ai. O ke aloha ua hoomanawanui, a ua lokomaikai, a ua paonioni ole, a ua haakei ole, e imi ole ana i kona mea iho, aole hoohuhu hiki wawe ia, aole noonoo ino, aole e hauoli ana ma ka hewa, aka, e hauoli ana ma ka pono, ua ahonui i na mea a pau, ua manaoio i na mea a pau, ua manaoiana i na mea a pau, ua hoomanawanui i na mea a pau; nolaila, e o'u poe hoahanau alohaia, ina aole he aloha ko oukou, ua ole oukou, no ka mea, e pau ole ana ke aloha. Nolaila, e hoopili aku i ke alcha, oia no ka mea nui loa o na mea a pau, no ka mea, e pau ana na mea a pau; aka, o keia aloha o ke aloha maemae no ia o Kristo, a e mau loa ana no ia no ka wa pau ole; a o na mea i loaa me ia mea pu ma ka la hope, e pomaikai auanei lakou. Nolaila, e o'u poe hoahanau, e pule aku i ka Makua me ka ikaika a pau o ka naau, e hoopihaiia oukou me keia aloha ana i haawi mai ai maluna iho o ka poe hahai oiaio a pau i kana Keiki, o Iesu Kristo, i lilo ai oukou i poe keiki na ke Akua, a i kona wa i ikeia mai ai, e like auanei kakou me ia; no ka mea, e ike kakou ia ia i kona ano maoli, i loaa'i ia kakou keia manaoiana, e hoomaemaeia'i kakou e like me kona maemae. Amene.

MOKUNA VIII.

1. O kekanii episetole a ko'u makuakane o Moramona, i palapala mai ai ia'u, o Moroni nei; a ua palapalaia ia ia'u, i ka wa kokoke mahope iho o ko'u kaheaia'na i ka oihana kahuna pule. A menei oia i palapala mai

ai ia'u, i ka i ana, E ka'u keiki aloha, e Moroni e, ke hauoli nui loa nei au no ka malama o kou Haku, o Iesu Kristo, ia oe, a ua kahea ae ia oe i kana oihana kahuna, a i kana hana hemolele. Ke hoomanao nei au ia oe i na manawa a pau ma ka'u mau pule, e pule mau ana i ke Akua, i ka Makua, ma ka inoa o kana keiki hemolele, o Iesu, i malama mai ai oia, ma o kona aloha a lokomaikai nui loa la, ia oe, ma o ka hoomau ana la o ka manaoio ma kona inoa, a hiki i ka hopena.

2. Ano, e ka'u keiki, ke olelo aku nei au ia oe no ka mea e hoeha nui loa ana ia'u; no ka mea, e hocha ana ia'u ka ea ana o na hoopaaapaa mawaena o oukou. No ka mea, ina ua lohe au i ka oiaio, e hoopaaapaa ana mawaena o oukou no ka bapetizoia'na o ko oukou mau keiki uuku. Ano, e ka'u keiki, ke makemake nei au e hana ikaika oe, i hoopauia'ku ai keia hewa nui maiwaena aku o oukou; no ka mea, no keia manao ua palapala iho au i keia episetele. No ka mea, emo ole mahope iho o ko'u lohe ana i keia mau mea ia oe, ninau aku la au i ka Haku no ia mea. A hiki mai la ka olelo a ka Haku io'u nei, ma o ka mana ia o ka Uhane Hemolele, i ka i ana, E hoolohe mai i na olelo a Kristo, kou Mea Hoolapanai, kou Haku a me kou Akua. Aia hoi, hele mai la au iloko o ke ao nei aole e hea aku i ka poe pono, aka, i ka poe hewa i ka mihi; aole no ka poe ola ke kahuna lapaau, aka, no ka poe mai no; nolaila, ua ola na keiki uuku, no ka mea, ua hiki ole ia lakou ke hana hewa; no ia mea, ua laweia'ku ka poino o Adamu mai o lakou ae iloko o'u, i ole ai ia he mana maluna o lakou; a ua hoopauia'ku ke kanawai o ka okipoepoe ana iloko o'u. A mamuli o keia ano i hoike mai ai ka Uhane Hemolele i ka olelo a ke Akua ia'u; nolaila, e ka'u keiki alohaia, ua ike au he hoomaewaewa kohuloa no ia imua o ke Akua, ke bapetizo aku oukou i na keiki uuku. Aia hoi, ke i aku nei au ia oe, o keia kau e ao aku ai, o ka mihi a me ka bapetizo ana i ka poe ku i ka hookolokoloia a hiki hoi ke hana hewa; he oiaio, e ao aku i na makua e mili lakou a e bapetizoia e pono ai, a e hoohaahaa ia lakou iho me ka lakou poe keiki uuku, a e hoolaia auanei lakou a pau me ka lakou poe keiki uuku; aohe e pono ka mihi o ka lakou poe keiki, aohe hoi ka bapetizoia'na. Aia hoi, o ka bapetizo ana, ea, i ka mihi no ia i ka hooko ana i na kauoha i ke kalaia'na o na hala. Aka, ua ola na keiki uuku iloko o Kristo, mai ka hookumua'na mai o ke ao nei; ina aole pela, he Akua lawe kapaikahi ke Akua, a he Akua lolilua no hoi, a he mea manao nui i ko na kanaka helchelena; no ka mea, ehia la ka nui o na keiki uuku i make me ka bapetizo ole ia. Nolaila, ina ua hiki ole i na keiki uuku ke hoolaia me ka bapetizo ole ia, alaila ua hele aku ua poe nei i ke gehena pau ole. Aia hoi, ke i aku nei au ia oe, o ka mea e manao ana he mea e pono ai e bapetizoia na keiki uuku, aia no ia ma ke au o ka awaawa, a ma na mea paa o ka hewa; aole ona manaoio, manaoiana, aohe no hoi he aloha; nolaila, ina paha e^hhookiia'ku oia oiai oia ma ia manao, e iho aku no oia ilalo i Gehena. No ka mea, he weliweli no ka hewa e manao e hoola ana ke Akua i kekahia keiki no ka bapetizo ana, a e make ana kekahia no kona

bapetizo ole ia'na. Auwe ka mea nana e hookapac ae i na aoao o ka Haku mamuli o keia ano, no ka mea, e make auanei lakou, ke mihi ole lakou. Aia hoi, ke olelo aku nei au me ka wiwo ole, me ka mana mai ke Akua mai; a ke makau ole nei au i ka mea i hiki ai i kanaka ke hana; no ka mea, ke kipaku aku nei ke aloha oiaio i ka makau a pau; a ua hoopihai a au me ke aloha io, oia no ke aloha mau loa; nolaila, ua like na keiki a pau ia'u; nolaila, ke aloha aku nei au i na keiki uuku me ke aloha oiaio; a ua alikealike lakou a pau, a he poe hoaloaa hoi o ke ola mau loa.

3. No ka mea, ua ike au aole he Akua kapaikahi ke Akua, aohe no hoi he mea lolilua; aka, ua luli ole oia ia ao aku ia ao aku a mau loa aku. Ua hiki ole i na keiki uuku ke mihi; nolaila, he hewa weliweli e hoole i na lokomaikai maemae o ke Akua ia lakou, no ka mea, ua ola lakou a pau iloko ona no kona lokomaikai. A o ka mea e olelo ana, e bapetizoia na keiki uuku e pono ai, ke hoole la oia i na lokomaikai o Kristo, a e hoolilo ana i kona kalahala ana a me ka mana o kona hoolapanai ana, i mea ole. Auwe ka poe e like me ia, no ka mea, e kokoke ana lakou i ka make, i gehena, a i ka eha pau ole. Ke olelo wiwo ole aku nei au ia mea, ua kauoha mai la ke Akua ia'u. E hoolohe mai ia mau mea a e malama, i ole e ku ku e ia mau mea ia oukou ma ka noho hookolokolo o Kristo. No ka mea, aia hoi, ua ola na keiki uuku a pau iloko o Kristo, a me ka poe a pau no hoi me ke kanawai ole. No ka mea, e hiki mai ana ka mana o ka hoolapanai maluna o ka poe a pau me ke kanawai ole; nolaila, o ka mea i hoochewa ole ia, a, aeole hoi malalo iho o ka hoochewaia ana, ua hiki ole ke mihi; a i ka poe me neia aole he mea e pomaikai ai ka bapetizo ana. Aka, he hoomaewaewa ia imua o ke Akua, e hoole ana i na lokomaikai o Kristo, a me ka mana o kona Uhane Hemolele, a e paulele ana ma na hana make. Aia hoi, e ka'u keiki, he mea e pono ole ai keia; no ka mea, o ka mihi, ea, no ka poe ia malalo iho o ka hoochewaia'na, a malalo iho hoi o ka poino o kekahia kanawai i uhaiia. A o na hua mua o ka mihi oia no ka bapetizo ana; a e hiki ana ka bapetizoia ma o ka manaoio la, i ka hooko ana i na kauoha; a e lawe mai ana ka hooko ana i na kauoha i ke kalaia ana o na hala; a e lawe mai ana ke kalaia'na o na hala i ke akahai, a me ka haahaa o ka naau, a no ke akahai, a me ka haahaa o ka naau, e hiki mai ana ka hoomaikaiia ana o ka Uhane Hemolele, a e hoopihai ana keia kokua me ka manaoiana a me ke aloha oiaio, a e hoomau ana na aloha nei ma ka ikaika i ka pule, a hiki mai ka hopena, i ka wa e ncho pu ci ka poe hoano a pau me ke Akua. Aia hoi, e ka'u keiki, e palapala hou aku au ia oe, ke hele koke ole aku au mawaho e ku e aku i ko Lamana poe. Aia hoi, ua lilo ka haahao o keia lahuikanaka, ka poe kanaka o ko Nepai, i mea e make ai lakou, ke ole lakou e mihi. E pule aku no lakou, e ka'u keiki, i hiki mai ai ka mihi ia lakou. Aka hoi, ke makau nei au ua hooki paha ka hooikaika ana o ka Uhane me lakou; a ma keia hapa o ka aina e imi ana no hoi lakou e hooiholo iho i ka mana a pau a me na oihana, e hiki mai ana mai ke Akua mai; a e hoole ana lakou i ka Uhane Hemo-

lele. A mahope iho o ko lakou hoomalau ana i ka ike nui me neia, e ka'u keiki, e make koke io no lakou i ka hooko ana i na wanana i oleloia'i e ka poe kaula, me na olelo pono'i no hoi a ko kakou Mea e Ola'i. Ke nwe aloha nei au, e ka'u keiki, a hiki aku i ka wa a'u e palapala iho ai ia oe, a i ole ia, e halawai hou me oe.

MOKUNA IX.

O ka episetele lua a Moramona i kana keiki Moroni.

1. E ka'u keiki alohaia, ke palapala hou iho nei au ia oe, i ike ai oe ke ola nei au; aka, ke palapala iho nei au i kekahī mea i eha nui. No ka mea, he kaua cha loa ko'u me ko Lamana poe, ma ia kaua ana aole makou i lanakila; a ua haule iho o Arekeanatusa ma ka pahikaua, a me Lurama laua me Emarona no hoi; he oiaio, a ua lilo he nui wale o ko makou poe kanaka koikoi. Ano hoi, e ka'u keiki, ke makau nei au o luku mai auanei ko Lamana poe i keia poe kanaka, no ka mea, aole o lakou mihi, a e hoo-eueu mau ana o Satana ia lakou i ka hahu, i kekahī me kekahī. Aia hoi, e hooikaika mau ana au me lakou; a i ka wa a'u i olelo aku ai i ka olelo a ke Akua me ka oi loa, haalulu ae la a hahu mai i lakou ia'u; a i ka wa a'u i hana'i me ka oi ole, ke hoopaakiki nei lakou i ko lakou mau naau e ku e ia mea; nolaila, ke makau nei au ua hooki paha ka hooikaika ana o ka Uhane o ka Haku me lakou. No ka nui loa o ko lakou hahu, me he mea la ia'u aole o lakon makau i ka make; a ua pau aku la ko lakou aloha, kekahī i kekahī; a iini nui lakou mamuli o ke koko a me ka hoopai i na manawa a pau. Ano, e ka'u keiki aloha, me ko lakou paakiki, e hana ikaika nae kaua; no ka mea, ina e hooki aku kaua i ka hana, e laweia mai auanei kaua malalo iho o ka hoohewaia'na; no ka mea, he hana ka kaua e hana'i oiai ma keia halelewa o ka lepo, i lanakila aku ai kaua maluna o ka enemi o ka pono a pau, a e hoomaha i ko kaua mau uhane ma ke aupuni o ke Akua.

2. Ano, ke palapala iho nei au i kekahī mau mea no na popilikia o keia poc kanaka. No ka mea, e like me ka ike a'u i loaa'i mai ia Amorona mai, aia hoi, ua nui na mea pio a ko Lamana poe, a lakou i lawe aku ai ma ka hale kiai Seriza; a he poe kane, a poe wahine a me na kamalii lakou. A o na kanc a me na makuakane a kela poe wahine la a me na kamalii ka lakou i pepehi ai, a ke hanai nei lakou i na wahine i ka io o ka lakou poe kane, a me na keiki i ka io o ko lakou poe makuakane; he wahi wai uuku loa wale no ka i haawiia ia lakou. Aole e oi aku ana keia mea hoopailua nui o ko Lamana poe, i ko ko kaua poe kanaka ma Morianatuma. No ka mea hei, ua lawe pio ae la lakou i na kaikamahine he nui wale a ko Lamana poe; a mahope iho o ko lakou hoonele ana ia lakou la ia mea minamina a makemake loa ia maluna iho o na mea a pau, oia no ka puupaa ana a me ka maemae; a pau ae la keia mea i ka hanaia e lakou.

pepehi aku la lakou ia lakou la, ma ke ano mainoino loa, e hoehaeha ana i ko lakou la mau kino a hiki i ka make; a mahope iho o ka lakou hana ana i keia, ai iho la lakou i ko lakou la io e like me na holoholona hiihu, no ka paakiki o ko lakou mau naau; a ke hana la lakou ia mea i ouli o ke koa ana. E ka'u keiki alohaia, pehea la e hiki i ka poe kanaka e like me keia, ka poe e noho naauao ole ana; (a ua hala aku la he mau makahiki he uuku wale no, a he poe kanaka noho malie a oluoluq lakou;) aka, e ka'u keiki, pehea la e hiki i ka lahuikanaka me neia, ka poe nona ka lealea ma ka ino nui me neia, pehea la i hiki ai ia kaua ke manao e hooki ke Akua i kona lima ma ka hoopai mai ia kakou? Aia hoi, ke hea nei kuu naau, Auwe keia poe kanaka. E puka mai ma ka hoopai, e ke Akua, a e huna iho i ko lakou mau hewa, a hana ino, a mau mea hoopailua maimua aku o kou alo. A eia hou, e ka'u keiki, ua nui na wahinekanemake a me ka lakou poe kaikamahine, e nobo la ma Seriza; a o kela hapa o ka ai a ko Lamana poe i lawe ole aku ai, aia hoi, ua lawe aku ka poe kaua o Zenepai, a haalele ae la ia lakou e auwana i kela wahi i keia wahi a lakou i hiki ai no ka ai; a nui wale na luahine e maale ana ma ke ala, a make ana. A ua nawaliwali ka poe koa pu me au; a aia na poe kaua o ko Lamana poe mawaena konu o Seriza a me a'u; a o ka poe a pau i holo aku ai i ka poe kaua la o Aarona, ua haule iho la lakou a make i ka lakou hana lokoino weliweli.

3. Auwe ka hewa o ko'u poe kanaka! ua nele lakou i ka pololei a me ke aloha. Aia hoi, he kanaka wale no au, a he ikaika o ke kanaka wale no ko'u, a ua hiki hou ole ia'u ke hooko aku i ka'u mau kauoha; a ua lilo iho la lakou i ikaika ma ko lakou kapae ana; a ua kohu like lakou me ka holoholona, e hookoe ole ana i kekahī, aohe no i ka poe elemakule, aohe no hoi i ka poe oplopio; a ke lealea nei lakou ma na mea a pau, koe wale no na mea maikai; a e oíaku ana na popilikia o ko makou poe wahine, a me ko makou poe keiki, maluna iho o ka ili a pau o keia aina, i na mea a pau; he oiaio, ua hiki ole i ka elelo ke hai aku, aole no hoi i hiki ia ke palapalaia. Ano, e ka'u keiki, aole au e hoomau hou ana ma keia mea ino weliweli. Aia hoi, ua ike oe i ka hewa o keia poe kanaka; ua ike oe aole o lakou manao pololei, a ua pau ke aloha ana; a ua kela aku ko lakou hewa i ko ko Lamana poe. Aia hoi, e ka'u keiki, ua hiki ole ia'u ke hoomaikai aku ia lakou i ke Akua, o hahau mai oia ia'u. Aka hoi, e ka'u keiki, ke hoomaikai aku nei au ia oe i ke Akua, a ke manaoiana nei au iloko o Kristo e hoolaina auanei oe; a ke pule nei au i ke Akua nana e hookoe mai i kou ola, e ike i ka hoi hou ana o keia poe kanaka ia ia, a i ole ia, i ko lakon anai loa ia ana; no ka mea, ua ike au e make io no lakou, ke mihi ole lakou a hoi hou aku io na la; a ina e make lakou, alaiala e like auanei ia me ko ko Iareda poe, no ka hookuli o ko lakou mau naau, e imi ana i ke koko a me ka hoopai. A ina paha e make lakou, ua ike kaua ua nui wale na hoahanau o kaua i haalele ku e mai a hele aku i ko Lamana poe la, a e nui wale ana na mea e ae e haalele ku e mai auanei no hoi, a hele aku io

Iakou la; nolaila, e palapala i kekahi mau mea he kakaikahi, ina e hookoeia oe, a make auanei au me ka ike ole aku ia oe, aka, ke lana nei kuu manao e ike koke au ia oe; no ka mea, he mau mooolelo laa ko'u, a'u e makemake nei e haawi aku ia oe. E ka'u keiki, e kupaa iloko o Kristo; a, aole na na mea a'u i palapala ai e hooeha ia oe, e hookaumaha iho ia oe ilalo i ka make, aka, na Kristo oe e hapai ae, a na kona mau popilikia a make, a me ka hoike ana o kona kino i ko kakou poe kupuna, a me kona aloha a hoomanawanui ana, a me ka manaolana o kona nani a o ke ola mau loa, e kau mau iho iloko o kou naau ia ao aku ia ao aku. A na ka lokomaikai o ke Akua ka Makua, nona ka noho alii kiekie ma na lani, a me ko kaua Haku o Jesu Kristo, ka mea e noho ana ma ka lima akau o kona mana, a hiki aku i ka wa e lilo ai na mea a pau malalo iho ona, e noho pu i keia manawa a mau loa aku me oe, ia ao aku ia ao aku. Amene.

MOKUNA X.

1. Ano, ke palapala iho nei au, Moroni, i kekahi mau mea maikai i kuu manao; a ke palapala iho nei au i ko'u poe hoahanau, i ko Lamana poe; a ua makemake au e ike oukou na hala aku na makahiki eha haneri me ka iwakalua a keu aku, mahope iho o ka haawi ana mai o ka hoailona no ka hiki ana mai o Kristo. A ke sila iho nei au i keia mau mooolelo, mahope iho o ka'u olelo ana i kekahi mau olelo ma ka aoao kauleo aku ia oukou. Aia hoi, ke kauleo aku nei au ia oukou, i ka wa a oukou e heluhelu ana i keia mau mea, ina he mea naanao i ke Akua e heluhelu ai oukou ia mau mea, e hoomanao oukou i ka nani o ko ka Haku aloha ana i na keiki a kanaka, mai ka hanaia'na mai o Adamu, a hiki wale i ka manawa a oukou e loaa'i keia mau mea, a e noonoo ia mea ma ko oukou naau. A ia oukou e loaa'i keia mau mea, ke ake nei au e kauleo aku ia oukou, e ninau aku cukou i ke Akua, i ka Makua mau loa, ma ka inoa o Kristo, ina he oiaio keia mau mea; a ina e ninau aku auanei oukou me ka naau oiaio, ma ka makemake io, me ka manaoio ia Kristo, nana no e hoike mai i ka oiaio o ia mea ia oukou, ma ka mana o ka Uhane Hemolele; a ma ka mana o ka Uhane Hemolele, ua hiki ia oukou ke ike i ka oiaio o na mea a pau. A o kela mea keia mea i maikai, ua pololei a oiaio hoi; nolaila, aole mea i maikai e hoole ana i ke Kristo, aka, e hooia ana ke ola la oia. A ua hiki ia oukou ke ike ke ola la oia, ma ka mana o ka Uhane Hemolele; nolaila, ke ake nei au e ao ikaika aku ia oukou, i ole ai oukou e hoole aku i ka mana o ke Akua; no ka mea, e hana ana oia ma o ka mana la, e like me ka manaoio o na keiki a kanaka, oia like i keia la, i ka la apopo, a no ka wa pau ole. A ke ao ikaika hou aku nei au ia oukou, e ko'u poe hoahanau, i ole ai oukou e hoole aku i na haawina o ke Akua, no ka mea, ua nui ia mau mea; a ke hele mai nei ia mau mea mai ia Akua hookahi mai. A ua nui na ano o ka lawelawea ana o keia mau

haawina; aka, o ke Akua hookahi nana e hana nei i na mea a pau; a ua haawia mai ia mau mea ma na hoikeana o ka Uhane o ke Akua i na kanaka, e pono ai lakou. No ka mea, aia, ua haawia mai i kekahī e ka Uhane o ke Akua, i aoaku ai oia i ka olelo o ka naauao; a i kekahī, i aoaku ai oia i ka olelo o ka ike ma ka uhane hookahi no; a i kekahī, ka manaoio nui loa; a i kekahī, na haawina o ka hoola ana ma ka uhane hookahi no. A i kekahī hoi, i hana aku ai oia i na hana mana nui; a i kekahī hoi, i wanana aku ai oia no na mea a pau; a i kekahī hoi, ka ike ana i na anela a me na uhane lawelawe; a i kekahī hoi, na ano a pau o na olelo; a i kekahī hoi, ka hoomaopopo ana i na olelo a me kela ano keia ano o na olelo. A ke hele mai nei keia mau haawina a pau ma o ka Uhane la o Kristo; a ke hele mai nei keia mau mea i kela kanaka keia kanaka pakahi, e like me ia i makemake ai. A ke ake nei au e ao ikaika aku ia oukou, e ko'u poe hoahanau aloha, e hoomanao oukou e hiki mai ana kela haawina maikai keia haawina maikai no Kristo mai. A ke ake nei au e ao ikaika aku ia oukou, e kuu poe hoahanau alohaia, e hoomanao oukou oia like no ia, i ka la inehinei, i keia la, a no ka wa pau ole, a, aole loa e hoopauia aku keia mau haawina a pau a'u i olelo aku ai, no ko ka uhane ia mau mea, a mau loa aku, oiai e ku ana ke ao nei, aka mamuli o ka hoomaloka o na keiki a kanaka wale no e pau ai. Nolaila, he manaoio e pono ai; a ina he manaoio e pono ai, alaila, he manaoiana no hoi e pono ai; a ina he manaoiana e pono ai, alaila, he aloha no hoi e pono ai; a ke ole he aloha ko oukou, aole loa e hiki ia oukou ke hoolaia ma ke aupuni o ke Akua; aohe no hoi e hiki ia oukou ke hoolaia ma ke aupuni o ke Akua, ina he manaoio ole ko gukou; aole no hoi e hiki ia oukou ina aole he manaoiana ko oukou; a ina aole o oukou manaoiana, alaila ua poho loa ko oukou manao; a e hiki ana ka poho loa o ka manao no ka hewa. A olelo oiaio mai la o Kristo i ko kakou poe kupuna, Ina he manaoio ko oukou, ua hiki ia oukou ke hana i na mea a pau i ku pono ia'u.

2. Ano, ke olelo aku nei au i ko na welau a pau o ka honua, ina e hiki mai ka la e hoopauia'e ka mana a me na haawina o ke Akua mawaena o oukou, e hanaia auanei ia mea no ka hoomaloka. A auwe na keiki a kanaka, ina pela ia auanei; no ka mea, aole kekahī mea e hana ana i ka pono mawaena o oukou, aole loa hookahi. No ka mea, ina e hana ana kekahī i ka pono mawaena o oukou, e hana no oia ma ka mana a me na haawina o ke Akua. A auwe ka poe nana e hoopau ae i keia mau mea a make, no ka mea, e make ana lakou iloko o ko lakou mau hewa, a ua hiki ole ia lakou ke hoolaia ma ke aupuni o ke Akua; a ke olelo aku nei au ia mea mamuli o na glelo a Kristo, aole o'u wahahēe. A ke ao ikaika nei au ia oukou e hoomanao iho i keia mau mea; no ka mea, e hiki koke ana ka manawa e ike ai oukou aole o'u wahahēe, no ka mea, e ike auanei oukou ia'u ma kahi hookolokolo o ke Akna, a e olelo aku ka Haku ke Akna ia oukou, Aole anei au i hai aku i ka'u mau olelo ia oukou, na mea i palapalaia e keia kanaka, e like me kekahī e hea ana mai ka lepo ae? He oiaio,

e like me kekaht e olelo ana noloko mai o ka lepo? Ke hafaku nci au i keia mau mea i ka hookoia ana o na wanana. A, aia hoi, e puka mai ia man mea noloko mai o ka waha o ke Akua mau loa; a e ha ae kana olelo ia hanaua aku ia hanaua aku. A e hoike ae no ke Akua ia oukou, o ka mea a'u i palapala ai, he oiajo ia. A eia hou, ke makemake nei au e ao ikaika ia oukou, e hele mai oukou io Kristo la, a e hopu i kela haawina maikai i keia haawina maikai, a e hoopole i ka haawina ino, aohe hoi i ka mea hanuia. A e ala, a e ea ae mai ka lepo ae, e Ierusalem; he oiaio, a e komo i kou lole nani, e ke kaikanahine o Ziona, a e hooikaika i kou mau kakia, a e hooakea aku i kon mau mokuna no ka wa pau ole, i hoo-hoka hon ole ia'i oe, i hookoia'i na berita a ka Makua mau loa, ana i hanu mai ai ia oe, e ko ka hale o Israela. He oiaio, e hele mai io Kristo la, a e hoohemoleleia iloko ona, a e hoole ia oukou iho i na mea hewa a pau, a ina e hoole ia oukon ilo i na mea hewa a pau, a e aloha aku i ke Akua me ko oukou mana, naau, a ikaika a pau, alaila, ua lawa kona lokomaikai no oukou, i hemolele ai oukou ma o kona lokomaikai la iloko o Kristo; a ina ma ka lokomaikai o ke Akua ua hemolele oukou iloko o Kristo, ua hiki ole ia oukou ma kekahia mea ke hoole i ka mana o ke Akua. A eia hou, ina hemolele oukou iloko o Kristo, ma o ka lokomaikai la o ke Akua, aole hoi hoole i kona mana, alaila ua hoomacmacia oukou iloko o Kristo ma ka lokomaikai o ke Akua, ma o ka hookaheia'na la o ke koko o Kristo, oia no ka berita a ka Makua i ke kalaia'na o ko oukou mau hala, i lilo ai oukou i hemolele me ke kina ole. Ano, ke uwe aloha aku nei au ia oukon a pau. E hele koke ana au e maha ma ka paradaiso o ke Akua, a hiki wale i ka wa e hui pu hou ai kuu uhane a me kuu kino, a lawe lanakila ia aku au ma o ke aouli la, e halawai pu me oukou imua o kahi hookolokolo oluolu o Iehova ka nui, ka Lunakanawai mau loa o ka poe ola a me ka poe make. Amene.